

HUGONIS  
DONELLI  
JURISCONSULTI

ET

ANTECESSORIS  
OPERA OMNIA

Tomus Sextus

In quo continentur libri Commentariorum de Jure Civili quatuor,  
et varia ejus Opera minora

CUM NOTIS

OSUALDI HILLIGERI.

*Accedunt Summaria, et Castigationes Theologicæ.*



MACERATAE MDCCCXXXI.  
EX OFFICINA BENEDICTI q. ANTONII CORTESI.

SUMPTIBUS EDITORUM  
*Superiorum Permissu.*

Res. 1238/1  
R. 52-519



THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
1100 EAST 58TH STREET  
CHICAGO, ILL. 60637

## LECTORI BENEVOLO

JOANNES RICCOMINI

S. P. D.

*Donellus morte præreptus fuit, nondum absolutis Commentariis de Jure civili. Moriens autem scripta sua commendavit Scipioni Gentili I. C. cui postremam hujus Operis partem debemus, qua Liber XXIII. et sequentes continentur. Quid in hac parte Gentilis præstiterit, ipse narrat in Epistola ad Christophorum Firx, quam volumini præmisit. Præterquam quod, inquit, hoc opus magnam partem a me in lucem productum est, re-  
fectum etiam, ac perpolitum non paucis in locis, tum certe hæc postrema pars non illum fere magis auctorem agnoscit, quam me. Chartæ erant disjectæ, mutilæ, plurimisque locis inculcatæ, ad hoc ab aqua pessime acceptæ, prope ut literarum aspectus aciem oculorum fugeret. Ita factum est, ut et in legendo, et in describendo, et in componendo magnæ molestiæ exorbendæ mihi fuerint. Quæ deesse, et latere in lacuna vidi, quæ multa erant, supplevi, ut potui: adjeci etiam, atque adsui ex ipsius Donelli Operibus editis Titulos unum, et alterum, quod ita res, et institutum Auctoris, adscriptioque postulabat. Effeci denique, ut hoc Commentariorum corpus, si non perfectis, atque elegantibus, attamen partibus suis constaret . . . . . Scio, videri posse, hæc ab illo ( Donello ) paulo aliter et numero Librorum, et ordine distincta esse, quam nos edidimus: sed mutavit, ac retexuit ipsemet multa postea, ut demonstrari liquido potest ex chirographis ejus Libris. Vellem, apertius exposuisset, quid ex aliis Donelli Operibus in id volumen transtulerit. Is enim, ut lacunas expleret, integros Donelli Tractatus, integra Commentaria ad complures Titulos Digestorum, et Codicis in eas conjecit. Nam librum XXIV. supplevit adjecto post Cap. VIII. Tractatu de Jurejurando, quem Tractatum Donellus ipse in Plantiniana editione Commentariorum ad Digesta anni MDLXXXII. posuerat loco Commentarii ad Titulum*

*Digestorum de Jurejurando. Librum, XXV. composuit congestis Commentariis Donelli ad Tit. Cod. de Probationibus, ad Tit. Cod. de Testibus, ad Tit. Cod. de Fide instrumentorum, et ad Tit. Cod. Plus valere quod agitur, quam quod simulate concipitur. Libro XXVI. adjecit loco appendicis Commentarium ad Justiniani Imp. Constitutionem L. unic. C. de sentent. quæ pro eo, quod inter. prof. Liber XXVII. constat unico, licet prolixo, Commentario ad Tit. Digestor. de re judicata. Libri XVIII. Caput I. occupat Commentarius ad Tit. Digest. de confessis. Ego vero in hac mea editione istas interpretationes, lucubrationes istas Donelli, quæ, ut ita dicam, in conducto habitabant, ad proprias sedes revocavi, atque suis quasque locis collocavi in commentariis ad Digesta, et Codicem Justiniani. Quod eo monendum censui, ut ne quis forte meam hanc editionem suspicetur mancā esse, et imperfectam. Sexti hujus Voluminis partem, quæ vacua remanebat, replevi illatis in hunc locum minoribus Donelli Operibus, quorum seriem proxima tabella, sive Index Volumini præfixus exhibet. Consilium, institutumque meum æqui, bonique facias. Vale.*



# HUGONIS DONELLI

## COMMENTARIORUM

### DE JURE CIVILI

Liber *XXIII. XXIV. XXVI. XXVIII.*

<i>Commentarius ad Tit. de Actionibus.</i>	Col. 514.
<i>Tractatus de pignoribus, et Hypothecis.</i>	855.
———— <i>de Judiciis divisorüs.</i>	966.
<i>Consilium Accademiæ Altorphinæ nomine scriptum de jure pascendi et aliis juribus</i>	1036.
<i>Responsum ad Ampliss. DD. Consules Senatunque Norimbergensem de Quæstione ab illis proposita.</i>	1062.
<i>Epistola Alberici Gentilis ad Hugonem Donellum.</i>	1070.
———— <i>Hugonis Donelli ad Albericum Gentilem.</i>	1074.

# ELENCHUS CAPITUM

Quæ in his Libris pertractantur.

## LIB. XXIII.

- CAP. I. *De forma et ordine judicii exercendi: quæ hujus ordinis, et in hoc ordine judicii partes.* 2.
- II. *De in jus vocatione: An semper necessaria sit ad judicii constitutionem: quid sit: tum qualem eam esse oporteat, ut vocato veniendi necessitatem afferat.* 10.
- III. *Ei qui in jus vocatus est actionem edi oportere. Hac edita tempus illi esse ad deliberandum, utrum cedat an contendat, et quod tempus.* 42.
- IV. *Quid sit edere actionem.* 48.
- V. *An actionem semel editam emendare, et mutare liceat, et quandiu.* 66.
- VI. *De instrumentorum, et rationum editione, quæ ab actore exigatur.* 76.
- VII. *Quarum rerum editio a reo exigatur.* 84.
- VIII. *De publicis actis seu instrumentis edendis.* 94.
- IX. *Eum qui in jus vocatus esset et cui edita esset actio, necesse habuisse jure Romano aut cavere judicio sistendi causa, aut in jus venire. Qualis ea cautio fuerit; et quam vim habeat.* 6.
- X. *Ei qui in jus vocatus non venit, mulctam a magistratu posse irrogari.* 116.
- XI. *Quæ sit pœna adversus omnes qui sui potestatem non faciunt, neque defenduntur: et qui sint in hac causa. Tum ad titulum, quibus ex caussis in possessionem eatur.* 120.
- XII. *Ei qui in possessionem bonorum missus est, vim fieri non debere. Quid sit hic possessio; quid creditores hanc nacti consequantur. Ad titulum, de rebus autoritate judicis possidendis.* 136.
- XIII. *Quorum bona ex edicto distrahi possint, et quando.* 142.
- XIV. *Quæ sint, quæ quærantur bonorum auctione constituta.* 150.

- XV. *De privilegiis creditorum in bonis, quæ distrahuntur; et ad hunc Titulum Dig.* 152.
- XVI. *De separatione bonorum, quæ distrahi oportet ex edicto, ad hunc Titulum Dig.* 162.
- XVII. *De curatore bonis dando, et ad hunc Titulum Dig.* 170.
- XVIII. *De his quæ in fraudem creditorum alienata sunt, ut restituantur. Et ad Tit. hunc D.* 174.

## LIB. XXIV.

- CAP. I. *De litis contestatione. Post hanc quod sit officium judicis: tum quæ litigatoribus agenda sint.* 192.
- II. *Quæ defensiones initio contestandæ sint, ut deinceps iis in judicio uti possimus. Quæ contestandæ sint, has exceptiones dici. Inde de exceptionibus. Quid sit exceptio, et unde nomen exceptionis; hanc eandem dici præscriptionem, et cur, quid sit actionem perimi ipso jure et per exceptionem. Quid sit exceptionem inesse bonæ fidei judicis. Quid sit in pactis factum versari. Item de replicatione duplicatione et similibus.* 200.
- III. *Lite contestata, et judicio constituto quæ sint partes judicis, et de jurejurando, quod propter calumniam exigatur, ad Tit. C. de jur. prop. cal. dando.* 212.
- IV. *Lite pendente nihil innovandum, inde prohibitam sequestrationem pecuniæ, et ad L. un. C. de prohib. seq. pec.* 226.
- V. *De causæ cognitione, quid sit causam cognoscere, quæ plena, quæ summaria cognitio.* 234.
- VI. *De dilationibus, et ad hunc Tit. D. et C.* 242.
- VII. *De feriis.* 254.
- VIII. *De jurejurando, et cur hoc loco.* 266.

## LIB. XXVI.

## LIB. XXVI.

- CAP. I. *Judicandi munus esse publicum, sic tamen ut justis de causis iudex a judicando excusetur, et quæ sint hæ Causæ. Cogi etiam iudicem posse ut quam primum judicet. Et de tempore legitimo intra quod iudicium exerceri debeat.* ad L. properandum C. de jud. 278.
- II. *Judicare quid sit iudicem in judicando id servare debere, quod jus et leges jubent, ac quid fiat, si jus scriptum videbitur pugnare cum æquitate, quid sit jus, quid æquitas* ad L. placuit C. de jud. 290.
- III. *Quid leges velint iudicem in sententia observare: quod damnandus sit, aut absolvendus reus cum de re, tum de sumptibus et impensis litis.* 306.
- IV. *Reum de eo absolvendum, aut in id condemnandum esse, quod in iudicium deductum est, non in aliud: et quid videatur in iudicium venisse.* 314.
- V. *Quibusdam in causis receptum esse, ut condemnatio fiat, aut in æstimationem speciei petita, aut in id, quod interest: et quibus.* 324.
- VI. *De in litem jurando. Quid sit in litem jurare. Hujus iurisiurandi quæ species.* 336.
- VII. *Cui iurandum in litem deferri possit, aut non possit.* 340.
- VIII. *Quibus in actionibus iurandum in litem actori deferatur.* 346.
- IX. *Adversus quem, et quamobrem hoc iurandum deferatur. Item quibus de rebus.* 354.
- X. *De posteriori genere iurisiurandi in litem, quod vulgo veritatis appellant.* 362.
- XI. *Quæ sit vis iurisiurandi in litem, quibus conditionibus id servandum.* 370.
- XII. *De necessitate iurisiurandi in litem suscipiendi.* 382.

## LIB. XXVIII.

- CAP. I. *De confessis. Et ad hunc Titulum Dig.* 394.
- II. *Quæ sint remedia adversus eum,*

- qui secus, quam oportet, iudicavit.* ibid.
- III. *Quo ritu, quibusque solemnibus observatis sententia ferenda sit.* 398.
- IV. *Cur prodita sit appellatio: quid sit: et quibus capitibus contineatur questio de appellationibus.* 406.
- V. *Quas ad res rescindendas prosit et sit necessaria appellatio.* 407.
- VI. *Justas esse causas, cur non recipiatur appellatio, et quæ sint. In quo hæc explicantur: qui appellare non possint: a quibus non appelletur: quibus in causis liceat appellare: a qua sententia: quoties: tum intra quæ tempora appellandum sit. Et quomodo. Postremo cujus sit recipere aut repudiare appellationem: et quid si appellator de non recepta queratur.* 410.
- VII. *Appellationem sic recte introduci, si ad eum iudicem, quem appellari convenit, inducatur iis solemnibus adhibitis, quæ ius præscribit, et intra tempora ad eam rem constituta. Inde tractatum, quis a quo appellandus sit, quæ sint hic solemnia: quid apostoli, quid relatio, quid refutatoriae preces, quid consultatio, quæ tempora legitima, et qui sint, qui dicuntur in hoc genere fatales dies, quid sit reparatio appellationis.* 434.
- VIII. *De vi et effectu appellationis ad suum iudicem inductæ. Hac inducta appellatorem causas appellationis reddere debere. In his reddendis quid allegare ad defensionem possit, et quibus uti probationibus. Cuius sit reddere causas appellationis; et intra quæ tempora reddi possint.* 456.
- IX. *Quod sit officium iudicis in causa appellationis, et quæ sint huic iudicio cum priore communia, quæ huius propria.* 464.
- X. *Ad Tit. de receptis arbitris D. et C. Ac primum quæ sit arbitrii utilitas: tum quibus rebus contineatur vis et auctoritas arbitratorum: Arbitria etiam compromissa dici, et cur.* 472.
- XI.

- XI. *Qui arbitrium recipit, eum cogi sententiam dicere. Quis cogat: quæ ratio cogendi. Justas tamen esse causas, propter quas interdum quis non cogatur, et ea quæ sint: tum de pœna compromissa.* 486.
- XII. *Quando sententia ab arbitrio dicta videatur.* 492.
- XIII. *De executione rei ab arbitrio iudicata, et præcipue circa pœnæ persecutionem, quis videatur contra sententiam fecisse.* 494.
- XIV. *Ad L. 1. D. de recept. Qui arb. recep. ut sent. dic.* 498.

ELEN.



# ELENCHUS CAPITUM

Quæ in tractatu de Pignoribus continentur.

CAP. I.	Quare pignus inventum : Edicti summa de pignoribus.	856.	VIII.	An in omnibus rebus, quæ in bonis sunt, pignoris obligatio constitut.	906.
II.	Quid sit pignus, sive hypotheca.	860.	IX.	De jure creditoris in pignore, et de actione hypothecaria seu Serviana.	914.
III.	Quomodo pignus constituatur, et quæ pignorum genera.	864.	X.	De distractione pignorum.	918.
IV.	Quibus in causis pignus tacite contrahatur.	866.	XI.	De jure domini impetrando, et pactis pignorum.	930.
V.	De prætorio pignore, et quibus in causis pignus a magistratu constituatur.	882.	XII.	Qui potiores in pignore habeantur.	934.
VI.	De pignore conventionali, et de conventionem quæ in eo contrahendo necessaria est.	884.	XIII.	De jure posteriorum creditorum.	946.
VII.	Quæ res a quibus obligari possint.	894.	XIV.	Quibus modis pignus, vel hypotheca solvitur.	952.

ELEN.





## ELENCHUS CAPITUM

Quæ in tractatu de judiciis divisoriiis pertractantur.

- |         |  |       |       |  |       |
|---------|--|-------|-------|--|-------|
| CAP. I. | Quæ communes res tamquam proprias obtinendi ratio.   | 966.  |       | hereditarium non sit, si ejusmodi sit, ut jure conferri oporteat: et de collatione.  | 986.  |
| II.     | De judicio familie eriscundæ, et quæ in eo quærenda sunt.  | 968.  | X.    | Non venire in divisionem quod commune non sit, quanvis sit hereditarium etc.   | 992.  |
| III.    | Ubi recte hoc judicio agatur.  | Ibid. | XI.   | Quædam quanvis hereditaria, et communia in hujus judicii divisionem non venire.  | 994.  |
| IV.     | Qua de re agi oportet.   | 972.  | XII.  | De personalibus hujus judicii præstationibus.  | 998.  |
| V.      | Quo tempore recte agatur.  | 974.  | XIII. | Quæ partes judicis in hac actione.   | 1006. |
| VI.     | Quæ res in hoc judicium veniunt ad divisionem.   | 976.  | XIV.  | Quid heredes condemnatione et adjudicatione consequantur, et ad L. si pignori 29. D. eod. item ad L. filium C. fam. erisc. | 1016. |
| VII.    | Peculia filiorum familias utrum in communionem hoc judicio veniant.  | 978.  |       |  |       |
| VIII.   | De donatione a patre in filium quem in potestate habet; ecquid in hoc judicium veniat, seu quod idem valet, utrum morte patris cofirmetur. | 980.  |       |  |       |
| IX.     | Vocari in hoc judicium etiam quod  |       |       |  |       |

HUGO.



# HUGONIS DONELLI

## JURISCONSULTI

### COMMENTARIORUM

#### DE JURE CIVILI

#### LIBER VIGESIMUS TERTIUS.

## CAPUT I.

De forma et ordine judicii exercendi: quæ hujus ordinis, et in hoc ordine quæ Judicii partes.

*Nexus rerum et methodus. I.*

*Quis ordo et forma iudicii. II.*

*Judicium civile duplex; quid utrumque, et qui nuncupetur. III.*

*Judicium primum quod vocant quatuor constare partibus; quæ illæ. IV.*

*Harum optime constitutus ordo. V.*

*Item numerus optime constat. Hoc plenius explicatur. VI.*

*Transitio atque aditus ad cap. seq. VII.*

I. **E**Rgo huc usque expositæ sunt nobis duæ partes ex illis quatuor quibus judicium constare initio diximus: Personæ ad judicii constitutionem pertinentes, et res quæ in judicium deducuntur, ab actore actiones, a reo exceptiones et defensiones omnes. Quorum partium in priore licet agnoscere causam judicii efficientem, in altera materiam, in qua judicium civile omne versatur, et de qua judicium est. Sequitur judicii forma atque ordo; pars judicii tertia, quam supra in hoc numero proposuimus. De qua vel hoc nomine maxime hoc loco cognoscendum est, quod in ea judicii exercitio continetur, quam post illa duo superiora necessario subjici oportet. Nam, qui cognovit ad rectam judicii futuri institutionem in personis quis, cum quo, apud quem recte agat, in rebus quid petere, quid ab adversario metuere, et adversus quas defensiones se præmunire debeat: *Tom. VI.*

huic si agere velle perseverabit ne frustra superiora cognovit, et frustra ad ea se instruxerit, nihil aliud superest, nisi ut cogitationem de judicio instituendo ad rem conferat, jure agere aggrediatur, rem judicio et certationi judiciariæ committat.

II. In quo est illa exercitio judicii, quam dixi. Hæc certatio, et exercitio si posita esset in cujusque actoris, aut rei, aut judicis libidine qui de ea re statuere possent, ut vellent, non esset cur laboraremus: rem potius uti debuit eorum arbitrio et voluntati permitteremus. Nunc autem in hac contentione certa forma et certus ordo judicii exercendi constitutus est. Sic enim hæc nominantur L. 4. C. de sententiis et interl. L. 1. C. de exec. rei iudic. ita constituta ut pervertere non liceat, quin quidquid adversus ea invitis litigatoribus aut uno ex his actum decretum fuerit, irritum habeatur. *L.*

*Quo de fise post alios Vant. de Nullit. ex defect. processus. Et hoc perpetuum quoad quatuor has partes, quas Donellus hic recenset, seu in Ordine substantiali, etiam quoad litem contestationem, si vere et ex jure ea accipitur, quo de suo loco. Cæterum Ordo duplex statuitur: Substantialis qui*

*omissus semper vitiat. Et non substantialis, quo omisso sustineri potest judicium, qui accidentarius et voluntarius dici potest, quandoque requiritur, quandoque non, P. Gregor. 48. Synt. 1. n. 3. add. h. Cap. N. 4.*

L. 4. L. 5. L. 6. C. de sent. et intel. d. L. 1. C. de exec. rei iud. Hæc forma est atque ordo de quo nunc quærimus. Utrumque ita est, ut est iudicium quo agitur.

III. Iudicium civile<sup>2</sup> duplex est: Unum primum: alterum iudicium appellationis. Primum, quod primum instituitur inter aliquos de re aliqua. Iudicium adpellationis cum re priore iudicio iudicata ab ea sententia adpellatum est, ac de eadem re ex adpellatione cognoscitur.

IV. Primum iudicium, uti nunc primum instituitur, ita ordinem suum quandam proprium ei initio convenientem habet. In quo si paulo latius totius actionis iudiciariæ fines omnes complecti volumus, ejus ordinis partes<sup>3</sup> sunt quatuor, totidem iudicii partes quatenus in eo ordinem et formam iudicii exercendi spectamus. Partes ut numero certæ, ita certo ordine inter se ita progredientes, ut quædam præcedant, aliæ necessario quodam naturæ ductu sequantur, nec nisi perversa natura rerum hic ordo converti possit. Prima est in jus vocatio, a qua initium omnium actionum instituendarum proficisci traditur in §. ult. Inst. de pæn. tem. lit. Quam ita accipi volo, ut intelligatur vocatio justa: proinde conjuncta cum editione actionis de quo postea suo loco. Secunda est litis contestatio, de qua in L. un. C. de litis contest. tertia causæ disceptatio et cognitio: de qua præcipitur in L. iudicis, C. de iudiciis, indicatur in L. de qua re, in pr. D. de iudic. L. 1. C. de exec. rei iudic. L. 1. D. de re iudic. In his partibus tria hæc animadvertenda sunt; Numerus partium, quem dixi, earum partium ordo; tum singularum forma et lex jure cuique attributa.

De forma dicetur in tractatione singularum partium.

V. De numero et ordine superiore ante paucis constituendum est, quia ad partitionem ipsam propositam constituendam pertinet. Et si iudicii actionisve iudiciariæ eæ partes sint quas dixi, de ordine earum dubitari non debet. Se enim ipse per se satis ostendit: quem apparet non tam voluntate jura constituentium, quam 4 naturæ ipsius certa lege atque auctoritate constare. Nam si quis cum quo apud iudices agere vult de re aliqua, et cum eo litem instituere, primum est in eo ut adversarius ad iudices veniat qui, respondeat agenti, et se paratum contendere declaret. Non veniet autem adversarius in jus nisi vocatus, et rite vocatus. Neque adeo aliter vocanti parere cogitur. Primum igitur hoc omnino in hac institutione actionis ut adversarius in jus vocetur cum quo qui agit congregiatur. Proximum est, ut cum adversarius venerit quo vocabatur, si de iudice conveniet, tum constituatur apud iudicem, qua de re agatur, de qua postea cognosci et statui possit a iudice. Constituitur autem jam cognita intentione actoris et rei ex adverso responsione, puta, aut inficiatione aut exceptione. In qua narratione, et contentione facti inest contestatio litis. L. 1. C. de litis contestat. Secunda igitur naturæ ordine hæc contestatio. Lite contestata sequitur deinceps cognitio iudicis posita in eo, ut disceptationem utriusque partis audiat, quæ adferuntur ad probationem ab utraque, cognoscat, et æstimet: atque hoc modo ad sententiam ferendam separet. Neque enim statim quisquam, unde petitur, condemnandus aut absolvendus est; sed tum,

cum

2) Vel potius ejusdem iudicii instantiæ duæ de quo vid. omnino Wesenb. ad Rub. Cod. de iudic. n. 46. C. seqq.

3) Petr. Gregor. d. Cap. 1. n. 5. et 2. seqq. Tria iudicii capita (1) habet præludia litis, quibus leves sunt velitationes, (2) dirigitur ad principale negotium statu causæ constituto, a lite contestata usque ad sententiam, (3) partes iudicis continet, postquam in causa conclusum est. Et ita etiam Scaccia 1. de iudic. 4. Ventura de Valentis Parthenii litigiosi Lib. 2. Cap. 13. n. 1. Joan. de Arnono Practicæ Cap. 8. et seqq. Maranta Speculi Parte 6. Tit. 1. tres partes constituit, quas singulas in sua membra dispergitur. Nec in effectu longe discrepant varæ aliorum partitiones, uti nec illa Vultei 2. Juris pr. 26.

4) Damhuder Praxi civ. Cap. 21. n. 3. Quæ ex jure, ait, naturæ dicuntur membra hæc sunt: Citatio, Libelli oblatio, litis contestatio, probatio et sententia, iudicii substantialia et essentialia, sine quibus nullum, ordinarium (adde imo nec extraordinarium aut summarium, nam quæ in his petitio dicitur vice esse libelli, qui actus loco litis contestationis, vere est libellus etc. quoad jûs naturæ) formari potest. Ex jure autem civili innumera etc. Et in substantialibus juris civilis, non autem juris naturæ obtinere quod dicitur Principem ordinem iudiciarium servare non teneri, Lanc. Conrad. templo om. iudic. Lib. 1. C. 1. §. 3. v. iudicare se-

cund. conscient. n. 7. Item nullitates processûs in Curia Imperii suprema non admodum attendi; si de meritis causæ liqueat, Meiskner. et ab eo allegati Tomo 3. Decis. 18. n. 1. et Decis. 19. n. 2. Tomo 4. Decis. 22. n. 4. Nam in supremis Curis non tam omnia scrupulose exiguntur, vel ad amissum servantur, Wesenb. Cons. 59. n. 23. Et quod jure Hispanorum regio solemnium defectus non vitet iudicium tradit Parlad. 2. Rer. Quotid. 10. n. 11. An processus nullus partium consensu sustineatur, et quibus solemnibus ab iisdem enunciarî possit, (ut quæ principaliter eorum favorem concernunt) quibus non item (quæ jûs et utilitatem publicam primario respiciunt.) vid. Maranta P. 2. n. 39. et seqq. Guid. Papæ Q. 216. Cravett. de Antiq. temp. P. 2. §. 1. h. 14. et 26. Asin. de Execut. §. 5. Cap. 54. Petegrin. Jannin. de Citat. reali Lib. 2. Cap. 1. n. 62. Quomodo pro solemnitatibus iudicii præsumptio sit, et ut ea ex longo tempore inducatur, Cravetta d. Tr. P. 2. et 3. passim Asin. d. §. 5. Cap. 10. et 20. Cacharan. Decis. 173. Menoch. 2. Præs. 68. Vasq. 2. Ill. Contr. 63. ac seq. Jac. Schult. Q. Pract. 17. n. 31. et seq. Gœd. de Sequestr. Cap. 1. n. 36. præsumi pro iudice, quoad justitiæ juris, non autem quoad justitiæ facti, nec ordinem processûs, per Cap. quoniam 11. de probat. Cap. 1. de sequestr. ibi: pro suo arbitrio etc.

cum ita jure faciendum esse, ex iis, quæ acta et probata sunt, judex cognoverit: ut præcipitur in *L. negantes, C. de oblig. et act.* Ita tertia pars est ita dictante natura, hæc ipsa causæ disceptatio, et judicis cognitio. Re cognita, tum demum sequitur sententia judicis, quæ certo judicio finem imponit controversiæ, reum aut condemnando aut absolvendo. *L. 1. D. de re judic. L. de qua re, in princ. D. de jud.* Hunc <sup>5</sup> ordinem eleganter expresserunt Imperatores in *L. 1. C. de exec. rei jud.* his verbis: *Nimis propere judex pignora Marcelli capi ac distrahi iussit ante rem iudicatam. Prius est ergo, ut servato ordine actionem adversus eam dirigas, et causa cognita sententiam accipias.*

VI. De ordine ergo superiore dubitari, ut dixi, non potest. At potest de numero partium, quando et has iudicii partes esse diximus. Inter has enim numeravimus in jus vocationem. Atqui hanc juris authores a iudicio removere videntur, apud quos magno consensu iudicium a litis <sup>6</sup> contestatione incipere dicitur, a vocatione in jus nequaquam. *L. amplius, D. rem rat. hab. L. un. C. de litis contest.* Si incipit iudicium a litis contestatione, ante litis contestationem iudicium nullum est: quod si nullum est: quicquid ante instituetur, quanvis futuri iudicii causa, id iudicii pars esse non potest. Sic enim recte argumentemur. Non potest quicquam ullius totius pars esse intelligi, ubi id totum nullum est: quoniam non est pars nisi totius pars, nec totum nisi suarum partium totum. Ante litis autem contestationem iudicium nullum est, neque totum, neque ceptum, postquam id lite demum contestata incipit. Quare in jus vocatio, quæ ante litis contestationem peragitur, et si quid est cum vocatione conjunctum, id iudicii pars esse non potest. Ut proinde ex hac sententia vere dicturi simus iudicii tres esse tantum partes veteribus illis cognitæ, litis contestationem, causæ cognitionem, et rem iudicatam.

Tom. VI.

Et fatendum est, si exacte et subtiliter de iudicio loqui volumus, hæc ita se habere ut diximus. Nec deest veteribus hujus sententiæ ratio. Nam proprie iudicium non est, nisi inter duos litigatores, inter quos est de re aliqua controversia, cui finem imponi oporteat sententia judicis. *§. 1. Inst. de actionib. L. 1. D. de re judic.* Tales litigatores nulli, nulla talis controversia ante litem contestatam. Non enim qui in jus vocatur, statim litigat: qui cum vocatus erit, et actione edita de jure actoris cognoverit, fieri potest, ut cedat. *L. 1. D. de eden.* Proinde nec tum quidem proprie ullum iudicium dici potest incipere inter eum qui vocat in jus, et eum qui vocatus est. Præterea non est iudicium, nisi in quo sit judex, qui saltem ceperit de re controversa cognoscere. Nam a iudice iudicium dictum est. Et significatur hoc quoque in *d. §. 1. Inst. de act.* Jam vero non incipit quisquam judex cognoscere de re, nisi cum per narrationem negotii causam audire incipit a litigatoribus, fitque id solum litis contestatione. *L. unic. C. de litis contestat.* Quare ne hac quidem ratione iudicium ante litem contestatam proprie esse dicatur. Sed hæc inquam ita sunt, cum proprie et exacte iudicii verbum intelligi volumus, ut concurrant et litigatores duo, et judex unus, qui de re cognoscere ceperat. Nunc paulo latius iudicii partem vocamus, non id solum, quod in ipso iudicio inest, sed etiam quod iudicium ita antecedit, ut tamen sit cum ipso iudicio conjunctum, et sine quo, non dico ad iudicii initium, sed nec ad sententiam pervenire potest. Talis est autem in omni actione instituenda in jus vocatio: quæ nisi præcesserit non modo nullum iudicium esse potest inter præsentis, sed nec ulla via agendi ne adversus absentes quidem indefensos. Neque vero male paulo latiore significatione id partem vocamus. Sic enim et vestibulum in ædibus quanvis proprie domus pars non sit, quia tamen domui ita conjunctum est, ut non nisi per hoc perveniatur ad domum,

I\*

mum,

<sup>5</sup>) Totum autem iudicii ordinarii processum vulgarem summam paucis complectitur Rosbach. *Sit. 21. n. 3. et Termin. Process. C. 2* qui eundem rhythmis Germanicis exprimit. Enimvero in pluribus longe alia nobis instituendi et peragendi iudicii ratio, quam quæ priscis Romanis fuit, imo et quæ tempore Justiniani, vid. Vult. 1. *Disc. 1. et 2. Jurispr. 27.* Cujus ordinis veteris exegesis brevem habet Vult. 2. *Jurispr. 26.* paulo latiore Rayar. *Lib. Protribunal.* Exactionem descriptionem Pollet. *Libris 5. Historia fori Romani.* Qui *Lib. 4. Cap. 11. p. 371.* scribit quod melius ageretur cum legibus, si veterum consuetudinem retineremus. Sed hæc etsi non temere, ast frustra dicuntur. Confer. Ventura de Valentis in *Parthenio Litigioso*, passim, cum primis *Lib. 16. Cap. 15.* ubi hodierni processus abusus perstringit.

<sup>6</sup>) Et lite contestata accipitur iudicium, ut *infra Lib. 24. Cap. 1.* Ac ante eam non proprie lis sed controversia *L. 25. §. 6. de pet. her.* Contestatione actor litem facit, iudicium dicitur, reus accipit, Cujac. 9. *Obs. 21.* Et ita *DD. vulgo* a dictat, reus accipit, Cujac. 9. *Obs. 21.* Et ita *DD. vulgo* a Citationem non incipere iudicium. Quod et probant per *Cap. super Quæstionum 27. v. litis exordium de off. deleg. C. gratum 20. eod. ubi dicitur quasi ceptum esse negotium.* Ergo non vere incipit iudicium, vid. Gail. 1. *Obs. 74. n. 1. et 2. Castillo Quotid. Contr. Cap. 29. n. 10.* Cujac. *d. loc. Forcat. Dial. 83. Fach. 11. Contr. 81. Vult. 1. Disc. 1. pag. 15.* Unde quæ ante litem contestatam fiunt, vocant iudiciorum præparatoria.

num, ideo etiam domus partem esse dicimus. Et procemium per quod in causam ingredimur, partem actionis et orationis vocamus. Id autem in vocatione in jus nunc potissimum facimus, quia ad rationem docendi videtur pertinere. Hæc enim ratio postulat, ne quid in actione judiciaria, cujus tractationem nunc instituimus, prætermittatur: quod quidem illa ad iudicium recte peragendum desideret. Quod ita fit, si fines ejus actionis omnes complectamur, si initium unde progreditur hæc actio, cum fine et exitu ejus actionis jungamus. Constat autem initium instituendarum omnium actionum ab in jus vocatione proficisci, idque ita traditum est in 7 §. ult. *Inst. de pæn. tem. litig.* Recte igitur fit et necessario, ut hoc initium, unde progredi oportet, in hac actione numeretur non minus, quam litis contestatio, et quæ sunt reliquæ partes, quæ ad iudicium peragendum pertinent. Quod si numeratur, quid ni id principium totius actionis partem recte vocemus, ut solemus cu-

jusque rei partem vocare, id quo ea res constat, et maxime si eo carere res non potest? Sed de eo verbo auxilii esse non debemus. Sive in jus vocationem hac ratione iudicii partem dici placet, siue non placet: solum hoc intelligi volumus, quod est apud Justinianum in d. §. ult. *de pæn. tem. litig.* Quod et nunc ad rem ipsam intelligi satis est, nimirum, *actionum instituendarum principium ab ea parte edicti proficisci, qua prætor edicit, de in jus vocando.* Sic enim ille loquitur: Id autem est ab in jus vocatione, ut sit edictum continens positum pro in jus vocatione, de qua edicto cavetur.

VII. Sitque hoc modo huc usque constituta nobis superior partitio de judiciariæ actionis, et iudicii partibus cum in numero partium, tum in earum progressu et ordine. Qua constituta, sequitur, ut de forma et ratione singularum eodem ordine cognoscamus. Ac primum ut ordo rei gerendæ postulat, de in jus vocatione,

CAP.

7) *Ad d. §. ult. Resp. Cujac. d. C. 21. in fin.* dici initium actionis, non iudicii. Et Forcat. *Dial.* 83. n. 2. Non est, ait, pars actionis, sed instituendæ actionis principium, ut præparatorium quoddam, veluti actio ad exhibendum præparatoria est rei vindicatio ut commodius postea agi possit, Wesenb. in *L. 1. C. de judic. n. 5.* A Citationem initium iudicii *Clem. 2. Ut lite pend.* respectu iudicis et jurisdictionis *d. C. 20. de off. deleg.* (quia per eam lis pendens dicitur, vid. *supra Lib. 17. Cap. 18. n. 3. et 5. N. 4.* fuse Lanc. *de Attent. P. 2. C. 4. Prefat. n. 28. et seqq.*) respectu vero meritorum causæ a lite contestata, quia ante eam mutari potest *L. 3. C. de ed. Malo* distinguere inter strictiorem acceptionem iudicii quatenus olim a jure distinguebatur, continens ea quæ apud recuperatores et iudices datos expediebantur. Et latiore qua pro toto tractu litis sumitur. Nam et olim apud magistratum de jure disceptabatur, et in præparatoriis hodie velitationes fiunt. Confer. *supra Lib. 17. Cap. 3. N. 1. 2. et Cap. seq. N. 9.*

Et ita Cagnol. *ad Rub. C. de edendo n. 21. et n. 24.* largo modo a Citationem incipere non stricte. Aliter Alc. 2. *Disp. 24.*

8) Unde nostri (etiam qui partem iudicii negant) vocant principium, basin et fundamentum Ordinis judiciarii vel processus per *d. §. ult. L. 47. de re judic. Cap. 11. de prob. C. 20. de off. deleg. et plures tex. simil.* quos proferunt Blarer. *ad L. diffamari C. 6. n. 1.* Vult. *ad pr. Inst. de act. n. 56.* Gail. 1. *Obs. 48. n. 1. et Obs. 74. n. 1.* Ayer. *Process. P. 1. C. 3. Obs. 2. n. 1.* Meland. *Com. Cameral. P. 2. Membr. 17. pag. 274.* eto. Estque primus actus iudicii. Nam libellus, quo decerni petitur Citatio, etsi prius offerendus ut *Cap. seq. N. 18.* non est actus judiciarius, et per libellum adire licet etiam die feriato *L. 11. §. 6. de adult. Petr. Greg. 48. Synt. 2. n. 1. Asin. Praxi §. 5. Cap. 3. n. 3. Fac. L. 15. h. tit.* Athenis quoque olim nulla actio, aut iudicium, nisi in jus vocatio præcederet, ut ex Demosth. Joach. Steph. *Lib. 2. de Jurisdict. Judæ. Græc. eto. Cap. 9. n. 22.*





## CAP. II.

**De in jus vocatione: An semper necessaria sit ad iudicii constitutionem: quid sit: tum qualem eam esse oporteat, ut vocato veniendi necessitatem afferat.**

*De in jus vocatione tria ordine quæri et quæ. I.*

*An sit in jus vocatio necessaria; ad quos pertineat; quando impune possit omitti. II.*

*Absens quomodo in jus vocari debeat. III.*

*Quid sit in jus vocatio; plenior ejus descriptio. IV.*

*In justa vocatione tria inesse. V.*

1. Vocationis ritum: an hic aliquis apud veteres: qualis moribus inductus et legibus comprobatus. VI.

2. Personam, quilibet in jus vocari potest; qui excipiantur, et quare. VII.

3. Diem et tempus: ad quod videlicet in iudicio se sisteret vocatus: dies olim condicebatur a partibus. VIII.

Postea caput esse legitimum; et a quo tempore: tale et moribus nostrorum temporum. IX.

**I.** ET quæ tria de re aliqua quæri solent, An sit, quid sit, qualis sit: eadem in vocationem in jus incidunt, quæ exposita hujus partis naturam, et jus expediunt, ut quærat an semper ad iudicii institutionem necessaria sit in jus vocatio. Si est, ut adhiberi debeat, quid sit: tum qualem eam esse jus velit, sive de ea rite adhibenda agatur,

ut vocato veniendi necessitatem afferat, sive quærat de hujus effectu id est quæ sit, et qualis hæc necessitas.

II. Principio igitur de eo hoc statuatur, vocationem in jus rem esse non solum quæ sit, adhibeaturque in omni recta actionis institutione, sed etiam quam ad eam rem necesse sit adhiberi, atque adeo a qua principi-

1) Quippe quæ fundamentum iudicii ut *C. præced. IV. 8.* De hac enim proprius hic tractandi locus, ejus finis suspensio iudicii et quæ prioris partis iudicii, siye præparatoriorum, actus primus. Cum alias Citationum usus crebrior et latior sit. Atque huic omnino convenit, quod in ore nostrorum tritum est: Citatio respicit defectionem, juris naturalis ac divini est, auctoritate exemploque ipsius DEI Adamum vocantis *Gen. 3. v. 9.* inducta et comprobata. Ad quod citant *C. Deus omnipotens 20. Cap. 2. Quest. 1. Cap. qualiter et quando 24. de accusat. Clem. pastoralis 2. §. ceterum 8. de re jud. Maranta Speculi aurei P. 6. Tit. de Citatione seu Membr. 1. n. 3. Asin. Praxi §. 6. C. 9. n. 2. et C. 13. n. 5. Damhuder. Praxi civili C. 54. n. 3. Vestr. Lib. 3. Practicæ Rom. C. 2. n. 7. ubi in annot. Gravati lit. D. et ad Lib. 5. Cap. 13. lit. D. Covar. Pract. QQ. 23. n. 6. Menoch. 1. Arb. Q. 17. n. 5. P. Greg. 48. Synt. 2. n. 8. Blarer. ad L. diffamari Cap. 6. n. 4. Coler. de Process. P. 3. C. 7. n. 2. et Cons. 44. n. 3. Gail. 1. de Pac. publ. 5. n. 5. Rulant. de Commiss. P. 1. Lib. 1. C. 5. n. 1. et Lib. 5. C. 3. n. 1. Vant. de Nullit. ex def. citat. n. 3. et n. 7. alique plures mox citandi. Tametsi diss. Sarmient. 2. Select. interpretat. 14. n. 7. scribens hanc questionem ridicule deduci ex vocatione Adami *Gen. 3.* Natura, ait, docemur ut non nisi re cognita et parte audita iudicetur. Sed quod defectus citationis insanabilis sit, quia contra jus naturæ, verum non est. Rationi enim naturali ita satisficit, si negotium sic geratur, ut pro rei conditione sufficiens haberi possit cognitio. Quod autem Princeps et Papa hanc omittere nequeunt, id non inde quia juris naturæ est, sed quia nec quæ sunt juris positivi, sine causa auferre licet. Ita Sarmient. Quem et *Clem. 2. §. 8.* clare revincit. Nec extra hanc haberi potest vera notio et discussio causæ, parte non Præsente. Atque hinc immo est quod nec Princeps vel Papa hanc Citationem remittere, nec si ipse iudicet eam omittere, aut ut vulgo ejus defectum supplere queat *d. §. ceterum 8. et C. 1. de ca. poss. et propr. C. inter quatuor 8. de major. et obed. Facit L. ult. C. Si per vim vel alio mo. L. ult. D. de notat. rest. post**

plures Vant. *d. loc. n. 9. et tit. An. quel. sent. dic. poss. nulla n. 14. Curt. Junior. Cons. 170. n. 27. et seqq. Blarer d. C. 6. n. 3. Wurmeser. Tit. 6. Obs. 10. Menoch. d. Q. 17. n. 6. et Recup. poss. Remed. 8. n. 55. et n. 58. Vestr. d. Cap. 2. n. 7. ibique Gravati. Rosbach. Process. tit. n. 22. 43. Asin. d. Cap. 13. n. 5. et §. 7. C. 5. n. 2. Jo. Aurbach. Sing. Alleg. Lib. 2. Cap. 17. Ne quidem si causa civilis, modo non plane levis. Lanc. Contr. templo om. jud. Lib. 1. C. 1. §. 13. de obligat. Imp. verbo pronunciare secundum conscientiam n. 3. Nec si causa notorii sit, Scaccia Lib. 1. de Judic. caus. civil. etc. C. 88. n. 3. Et nec si absoluta potestate utatur, Lanc. d. n. 3. Monach. Pract. P. 3. C. 6. n. 2. Schurff. Cent. 1. Consil. 9. n. 6. quod multis firmat, Meland. Comm. Cameral. P. 2. Membr. 17. f. 275. Diss. Marsil. Sing. 75. n. 3. Asin et ab eo relati §. 7. C. 5. limitat. 35. Chassanæ. Catal. gloriæ mundi P. 5. Consid. 24. n. 158. per cap. cum olim 12. de re jud. Quorum opinio locus esse potest in Citationibus subsequeantibus et ad alios actus, maxime si justa causa Principem moverit, Maranta P. 6. T. de Citat. n. 10. et quoad solemnitates quæ juris positivi vid. *N. seq.* Unde nec ullo jure, aut statuto tolli potest, Vant. d. n. 9. Asin. §. 6. C. 9. et C. 13. n. 2. Scaccia d. C. 88. n. 4. Nec ab arbitrio etiam, cui absoluta facultas data, omitti, Menoch. d. Q. 17. Marsil. Sing. 75. n. 2. Vant. d. lo. n. 10. Etsi expresse ei datum contrarius est Scaccia d. C. 88. n. 6. Uterque nititur L. 16. §. 4. de rec. arb. Vantii opinio obtinere potest quoad citationem primam quæ hujus loci. Scaccia autem quoad evocationem ad audiendam sententiam. Quatenus nempe defensionem respicit, quæ ut adimatur omnimodo, nulla justa causa, nulla Principis potestas, nullum odium partis efficit. Nam nec la diabolum, si in iudicio versari posset, invocatum et inaudiatum damnari fas fore putant Vant. d. loc. n. 3. Sig. Scaccia d. C. 88. n. 2. Neque hac ratione ulla exceptio vid. *N. seq.**

ciptum recte agendi proficiscatur ut diximus, idque eam vim habere, ut adversarium, cum quo agere velimus ante omnia in jus vocari oporteat. Quorum utrumque apud Justinianum eodem illo loco scriptum est, idest §. ult. *Inst. de pœn. tem. litig.* Quod cum fa-

ciendum esse præcipitur, nempe hoc significatur, si quid adversus quem, qui prius in jus vocatus non sit, actum pronuntiaturve sit, id nullam vim habere: ut accidit in iis omnibus, quæ in iudiciis contra solidum iudiciorum ordinem fiunt. L. 4. *C. de sent.* et

2.) Nihilque cognosci et statui potest, Don. *ad Rub. C. h. t. n. 2.* deficiente nempe una persona litigantis et ita forma iudicii, P. Greg. 48. *Synt. 2. n. 28.* Cum notio et discussio causæ fieri nequeat, quæ corpus et substantia iudicii, Vestr. 3. *Pract. Rom. C. 2. n. 7.* nec ullus potentior defectus iudicii, Vant. *Tit. de Null. ex def. Citat. n. 2.* Grav. *ad Vestr. d. C. 2. lit. D.* Eadem nullitas processus, sive plane non emissæ, sive non rite vel legitime, quæ iure nulla, per L. 6. *Qui sat. cog. et simil.* Vant. *d. Tit. n. 22. et seqq.* Asin. §. 6. C. 12. n. 5. et C. 13. n. 1. vid. tamen idem Vant. *Tit. ult. n. 118. et seqq.* Et quod vitiosa ac invalida non inducat litem pendentiam, Lanc. *de Attent. P. 2. C. 4. n. 94. et seqq.* Meland. *Com. Camer. P. 2. Membr. 17. Exc. (1)* Nisi ipse citatus causam nullitatis dederit, Lanc. *de Attent. P. 2. Cap. 4. Præfat. n. 102.* vid. tamen Ant. Fab. *Cod. suo hoc tit. defn. 6. (2)* Nisi ita vocatus venerit. Quo ipso validam reddi, adeoque comparatione spontanea omne vitium purgari plerique prodidere, per L. 1. §. 1. *de feriis* Vant. *Tit. ult. n. 116.* Viv. *Lib. 2. Decis. 274.* Boer. *Decis. 235. n. 3.* P. Æmil. *Decis. Rotæ 112.* P. 1. Menoch. 2. *Præsumpt. 24. n. 14.* Myns. 2. *Obs. 18. et 3. Obs. 90.* Gail. 1. *Obs. 58.* De quo fuse Lanc. *de Attent. P. 2. C. 4. præfat. n. 128. et seqq.* Etsi de illegitima citatione excipiat comparans reus, Mynsing. *d. C. 90. n. 1. et Gail. d. loc. n. 1.* Secus tamen si cognati, aut amici ejusdem, vid. Vinc. de Franc. *Decis. 514. n. 9.* Enimvero hic sustinetur iudicium a die comparationis, non a die nulliter decretæ citationis, Lanc. *d. loc. n. 140.* Et hoc ita, si solum defectus jurisdictionis, *ibid. n. 42.* quia hic sæpe necessitas veniendi, ut *infra Cap. 9. N. 4.* Atque hæc expeditio in prima Citatione, eaque quæ huius loci. Quia immo etsi sententia lata in favorem non citati, eam non valere volunt, post plures Vant. *d. Tit. n. 10.* Grav. *annot. ad Pract. Vestri Lib. 5. C. 13. lit. D. P. Frider. Lib. 2. de Mandat. jud. C. 17. n. 5.* nisi in causa criminali Myns. 2. *Obs. 92.* Licet modum et solemnitatem vocandi, quæ et quatenus a jure civili est, eodem mutari variari, itaque et a Principe remitti vel omitti nihil impediatur, Marant. *P. 6. Tit. de Citat. n. 10.* Meland. *Com. Cameral. P. 2. Membr. 17. f. 276.* Vant. *Tit. ultim. n. 107. et seqq.* Junge *N. præced. sub. fi.* Cæterum idem jus esse volunt in quibusvis actibus causæ vel iudicii, ut in quovis citatio requiratur, citra quam is non valeat, nec noceat non citato, Hippol. de Marsil *Singul. 75.* Ant. Gabr. *Rom. Lib. 2. hoc tit. Concl. 1. Gail. 1. Obs. 48. n. 1. et 2.* Asin. *Praxi §. 7. Cap. 5. pr. n. 2.* Scaccia *Lib. 1. de Judic. C. 88. de Citat. necess. in sing. acti causæ* Lanc. *Conrad. de Off. præf. in caus. civil. v. Citatio n. 4. et seqq.* Fr. Pfeil. *Cons. 158.* Præsertim si causæ cognitionem requirant, Mynsing. 2. *Obs. 91. pr.* Rosbach. *Tit. 22. n. 31. etc.* Veluti si producendæ positiones, instrumenta vel testes, si attestaciones publicandæ, si sententia ferenda, aut executioni mandanda, etc. Quod probant per L. 47. *de re judic. L. 39. de adopt. L. 29. §. ult. de minor. L. 13. pr. cod. L. ult. Cod. si per vim. vel al. mo. L. 19. Cod. de testib. L. 4. Cod. de dilat. auth. si omnes C. si minor se hered. abstin. Cap. inter 8. de majorit. et obed.* Ac etsi inter alios lis mota sit, vel actus is expeditatur, omnem tamen qui præterit aliquid interesse, vel ex eo actu lædi potest, citandum tradunt Maranta *P. 6. h. t. n. 2.* Grav. *ad Vestr. d. C. 13. lit. D.* de communi testans, Marc. de Mantua *Singul. 164.* (excipiens, nisi præjudicium id exiguum) Rosbach. *Tit. 22. n. 32.* Myns. 2. *Obs. 91. pr. per d. L. 47. d. L. 39. etc.* si scilicet principaliter eum negotium tangat. Secus si per consequentiam inde lædi possit, vid. Asin. §. 7. C. 5. *lim. 2.* Vant. *de Null. ex def. Cit. n. 19.* Barth. Romuleus *Tr. de testator. præceptis et C. n. 225. per. L. 1. §. pen. de inspic. ventr.* Pro validitate tamen iudicii solum is citandus contra quem petitio directa: Alii si non citentur, actus valet quidem inter præsentis et vocatos, actus non citatis non præjudicat *d. L. 47. pr. de re jud. Vant. d. n.*

19. vid. Foller. *ad Marant. h. t. n. 4.* ne quidem ei de cuius interesse principaliter non agitur, Hier. Schurff. *Cent. 1. Cons. 9. n. 3.* Menoch. *Adip. poss. Remed. 4. n. 437. et n. 465.* (An validus actus qui non citato non facit præiudicium tractat, Marsill. *Singul. 30. n. 3.*) Enim vero subsequendum Citationum non tanta necessitas, quanta primæ, nequidem quoad reum principalem. Et in pluribus actibus est juris mere positivi, veluti ad audiendam sententiam, Maranta *h. t. n. 10.* Vant. *de Nullit. Tit. ult. n. 107. et 109.* ad videndum jurare testes etc. Hinc plures casus referuntur, quibus Citatio necessaria non sit, vid. Tiraq. *in tit. C. Res Inter. al. act. Myns. 2. Obs. 91. et 6. Obs. 6.* Et Maranta sane *h. t. n. 5.* usque ad n. 39. regulæ istius: Citatio in quovis actu requiritur, limitationes 31. profert Tiraq. *d. loc. 43.* Lanc. *Conrad. de Off. præf. in Caus. civil. v. Citatio n. 4. et seqq. 78.* modis eam limitat Ant. Gabr. *Rom. Lib. 2. Comm. Conclus. t. de Citat. Concl. 1. 130.* Asin. denique *Praxi §. 7. C. 5. casu 145.* quibus non requiritur Citatio percenset. Quos ad 7. genera reducit Sigis. Scaccia *Lib. 1. de Judic. caus. civ. etc. C. 88. n. 20. et seqq.* Omnes autem ferme illic casu ad subsequ. Citationis referendi. Plerique etiam ad eos qui non principaliter rei, sed quorum alias aliquod interesse videtur, pertinent. Easque quin Princeps, iusta ratione motus omittere, actumve, ea prævia, expediendum committere possit ambigendum non est, maxime ubi defensio nulla foret citato, Marant. *d. loc. n. 10.* Nam et tunc alius Iudex, si ipsi in forma iudicii id constet, citationem omittere potest, Scaccia *d. n. 20.* Mynsing. *d. Obs. 91.* Menoch. *Adip. poss. Remed. 4. n. 450.* et alii cum cesset tunc causa citationem exigens. Quin immo nostrorum doctrina, usque fori comprobatum est, ut initio generalis Citatio ad totam causam omnesque ac singulos actus iudicii emitti possit, eo effectu, ut si ita citatus non veniat semper ulterius procedatur, actusque ita celebrati valeant ac singulatum citatus foret. Quod plerique ita admittunt, quando citandus longius a Curia abest, non cum in eadem urbe moratur eive vicinus. Hic enim nullo negotio ad novum actum repeti potest Citatio. Illic autem non sine magnis impensis et multa molestia, quam evitari expedit. Ita plerique per C. *ex litteris 5. §. fin. de in int. rest. C. cum dilecti 6. et C. ult. de dolo et contumac.* Maranta *h. t. n. 118.* Vant. *d. Tit. n. 98. et seq. Asin. Praxi §. 7. C. 2.* Scaccia *d. C. 88. n. 10.* Lanc. *Conrad. d. v. Citatio n. 10.* Damhuder. *Praxi civ. C. 47. n. 14.* Grayat. *ad Vestr. Pract. Lib. 4. C. 4. n. 15.* Meland. *Comm. Cameral. p. 2. Membr. 8.* Et hoc forsitan juri convenientius. At hæc distinctio in Camera Imp. non servatur, Gail. 1. *Obs. 51. in fin.* Mynsing. 4. *Observ. 33.* comprobans istud per L. 3. ibi: *ut veniat ad causam Cod. Qui accus. non poss. ad quam resp.* Meland. *d. loc.* Quæ citatio generalis (commodum litigiosi processus remedium Ventura de Valentis *Parthenii litigiosi Lib. 2. Cap. 13. n. 15.*) vim suam in tantum exerit, ut si plane non compareat reus, ad ipsam sententiam definitivam perveniri absque ulteriori citatione censeant Lanc. Conrad. Damhuder. et Mynsing. *d. loc.* Quod obtinere potest, quando talis citatio post litem prius contestatam, ad omnes actus reliquos ommissa alias non nisi in casibus quibus sententia lite contestata ferri potest, Maranta *d. n. 118.* Asin. *d. C. 2. n. 4.* Grav. *d. n. 15.* Sed postquam ita citatus comparuit, etsi non in primo actu post eam emissam, sed forte in medio causæ, aut quavis alia parte instantiæ, vim citationis generalis expirare, quoad actus futuros, ad eosque denuo citandum reum esse tradunt Damhuder. *d. n. 14.* Scaccia *d. C. 88. n. 11. et 12.* Marant. *d. n. 118.* Grav. *d. n. 15.* Vant. *d. t. n. 112.* Quod et Cameralibus visum esse memorat Blarer. in *L. diffamari d. 6. n. 42.* Id tamen ita declarat Scaccia *d. loc. n. 17.* si in loco iudicii ausit citatus. Secus si inde domum rediit, quia cum hic ratio, in loci distantia, adhuc vigeat, non opus est, ait, ut denuo citetur. Quomodo et Vant. *d. loc. n. 114.* ut contumacia sic evitetur, oportere eum vel ad expeditionem causæ manere, vel saltem, si recedat, procuratorem relinquere. In quo

et interl. et generaliter ut omnia pro infectis habentur quæ contra ius facta sunt. *L. non dubium, C. de legib.* Quod tamen non eo usque producendum erit, ut etiam in eo adversario qui in jus vocationem, et edictionem actionis contempserit servari oporteat. Finge adversarium in jure inventum ibi conventum esse ab actore apud magistratum, conventumque et petitione actoris cognita statim respondisse actori, atque hoc modo cum eo litem esse contestatum. Dicemus quanvis nulla præcesserit vocatio in jus, aut actionis editio, iudicium consistere nihilominus. Supervacuum est enim in hac specie requirere in jus vocationem, cum in adversario habeamus id, cujus <sup>3</sup> causa vocatio instituta est, huc enim spectabat, ut adversarius mo-

nitus in jure se se sisteret, et præsens aut per procuratorem secum agendi potestatem faceret. Nunc autem horum utrumque habemus in præsentia in isto adversario sine alia vocatione. Adde quod vocatio in jus adversarii causa comparata est, ut et actionis editio. Huc enim pertinent ne reus contendere cogatur ubi nolit: aut contendere paratus ne ignarus et indicta causa damnetur: potest autem unusquisque juri pro se introducto renunciare. *L. pen. C. de pact.* Ad invitos igitur et ignorantibus adversarios jus superius pertinet. Sed et in his proprie in jus vocari intelligitur, <sup>4</sup> qui præsens est, et cui præsentem denunciatur ut iudicio adsit.

III. Quid ergo si aberit is cum quo agere volumus? <sup>5</sup> Domum ejus denunciare jubeb-

tres casus distinguit Asin. *d. C. 2. n. 7.* quem consule. Cæterum est actor ipse primo termino Citationis non compareat, unde Citatio quoad illum actum circumducta videtur, per *L. 73. §. 1. de judic.* ex quo tamen facta ad totam causam, et ad duo citatum arctat, ut in termino compareat, et ut ad causam, inde si alio termino actor veniat, reo contumace, procedi potest, vid. Vant. *d. tit. n. 111.* Mynsing. *d. Obs. 33.* Jo. Pels. *Process. Tit. 14. n. 2. et 3.* Modum et formam sic citandi pete, ex Asin. *d. C. 2. et seqq. 5.* Vantio *d. Tit. n. 99. et seqq.* Quid si citatus dixit nolle se comparere, an deinde ad alium actum citandus? Scaccia *d. C. 88. n. 13.* distinguit, Si simpliciter dixit, quia interpretatio sit ad exclusionem majoris delicti, expressio refertur ad illum actum, non ad totam causam. Si vero adiecit se nolle venire in ea causa ulterius non citandus. Quod non aliter admittit Vant. *d. loc. n. 98.* quam si citandus longius absit. Quibus casibus a mandatis pœnalibus sine clausula iudicium inchoari possit, vid. Gail. *1. de Pa. publ. §.*

3.) Et in toto jure quæ non propter se, sed propter finem, obtento illo fine non requiruntur, arg. *L. 20. Cod. de pact. junct. L. 9. §. 5. de acq. do.* Donellus *ad h. tit. Codic. n. 3.* Quod expeditum si ultro respondit, de quo hic noster. Quid autem si vel ideo respondere et suscipere litem nolit quod citatus non sit? Jure Saxonum sane si se non ideo adesse dicat, ne imparatus obruatur, citari debet ut compareat, responsurus ad proximæ sequentem cognitionem diem, Landr. *Lib. 2. Art. 2.* Fachs. et Reinhard. *inter diff. Zobel. 5. P. 1. n. 8.* et 9. Coler. *Decis. 103. n. 6. et Decis. 142. n. 2.* Jure autem communi res controversa est. Equidem Bartolus et sequaces ref. Fachs. *d. loc.* æque inter volentem et invitum reum hic distinguunt. Et probat Wesenb. in *Par. hoc tit. n. 13. cir. med.* cumminque praxi servari refert. Sed contra plerique tum per *L. 47. pr. de re judic. L. 29. §. ult. de minor. verbis: præsentem vel evocato. auth. si omnes C. Si minor se ab her. tum quia superior ratio generalis, cum ad id citetur, ut sit præsens, ideo præsentem non necessaria, Marant. *h. tit. n. 12.* Asin. *Praxi §. 7. limit. 90.* Grav. *ad Vestr. Pract. Lib. 5. n. 13. n. 7.* Jo. Pels. *Process. Tit. 11. n. 3.* Vant. *Tit. de Nullit. ex defect. citat. n. 17.* Quod et Marsil. *Singul. 30. n. 1.* confirmari putat per *L. 28. pr. et §. ult. de fideic. lib. L. recusare 6. pr. ad Trebel.* (Quæ tamen LL. parum ad rem faciunt.) Itaque usus Curie supremae imperii fert Gail. *1. Obser. 48. n. 4. et Obser. 51. n. 8.* Myns. *7. Obs. 6. n. 8.* Rulant. *de Commissar. P. 1. Lib. 2. C. 5. n. 2.* Quin et eo ipso quod adest præsumi citatum vult Menoch. *2. Presumpt. 22. n. 2.* et Coler. *Cons. 44. n. 65. ac seqq. add. Vant. d. tit. n. 16.* Maranta *d. n. 12.* Plane si adinonitionis causa adesse debeat, monendus præsens de actu, qui geritur, ex gr. si testes jurare debeant, Asin. *d. limit. 90. n. 10. et 15.* Menoch. *6. Præst. 21. n. 5.* etsi quidam dissentiant, ref. Maranta *d. n. 12.* Ast si defensionis causa, dandæ petenti induciæ deliberatoriæ, vid. Mar. *d. loc. n. 13.* Asin. *d. lim. 90. n. 16.* Sed et si ad aliam causam citatus comparuerit, et alia lis ei intentetur, ad eam suscipiendam absque præ-*

via citatione non compelli, Maranta *d. n. 13.* Asin. *d. loc. n. 9.* Coler. *Cons. 44. n. 14.* per *L. 2. cir. fi. verbis dum quis causam agith. tit. L. 54. §. 1. de re jud. ac melius prob. per L. 2. §. 3. vers. et quoque de judic.* Et ita passim in Curis servari tradit Myns. *d. Obs. 6. n. 9.* add. P. Emil. *Decis. Rotæ 107. P. 1.* Etsi in hoc quoque aliud statuat Gail. *d. Obs. 51. n. 7.* et 8. Vurnser. *tit. 6. Obs. 14.* (consuetudinem iudiciorum juri contrariam esse volens) et Scaccia *Lib. 1. de Judic. C. 88. n. 25.* Juxta illam declarationem non multa forsân juris civilis et Saxonici discrepantia. Certe cum duæ citationis sint causæ: Una ut veniat reus, altera ut interim ad defensionem se præparet, Marant. *d. n. 13.* ipsa ratio facit, ut in posteriore præsentia reo non noceat, nec ei dilationem ad deliberandum necessariam adimat. Datis vero induciis, illa ipsa monito iudicis, ut iis lapsis certo die iterum iudicio adsit, vera citatio est; vid. *hoc N. 15.* Confer. Rav. *Protribun. C. 9.*

4.) Et hanc Citationem, quam ad faciem fieri DD. dicunt, ex *L. 13. §. 1. de excus. tut.* necessariam tradunt, ubicumque citandi copia haberi potest, per *L. 1. §. 1. de ag. Lib.* cum aliæ Citationes ad domum et per edictum non nisi in subsidium admittantur, ut *N. seq.* Unde perquiri prius personam oportere censent, ut ipsi Citatio insinuetur, tam in suburbis, quam in urbe et locis iis, quibus eum morari credibile est, in villis item et prædiis, etc. vid. Scaccia *1. de Judic. caus. civ. etc. C. 45. n. 2. et n. 12* et omnes mox citati *N. seq.* Quod maxime obtinet in prima citatione et antequam citatus comparuit. Secus si semel antea iudicio adfuit, *auth. qui semel. C. Quom. et quando jud. Bover. Sing. 9. n. 13.* Et si semel ante in faciem citatus, posse deinde semper domi citationem fieri, post alios Grav. *ad Vestr. Lib. 5. C. 13. n. 12* et seq. Scaccia *d. C. 45. n. 4.* P. Greg. *48. Synt. 2. n. 17.* Quod tamen de iterata citatione ad eundem actum solum accipit Wurnser. *Tit. 6. Obs. 8* add. Jo. Pels. *Process. Tit. 12. n. 111.* Et quod postea per edicta in locis publicis citari possit, ut arctetur, tradit Marsil. *Sing. 260* per Clem. *1. de judic. Sed n. 2.* id declarat, si scilicet longe absit, nec commode in faciem citari queat, add. Hier. Schurff. *Citat. 1. Cons. 82. n. 6.* Plane quia durum multoties mittere viatorem cum citatione ad domicilium citandi, eundemque perquirendo, consulti- tiam si non procul a Curia degat tempus consumere, consulti- tum ut iudex, petente parte, cogat reum ad eligendum certum locum in civitate, quia lis agitur, ubi deinceps citetur, Vant. *Tit. de Nullit. ex defect. citat. n. 117.* P. Foler. *ad. tit. ad Marant. hoc tit. n. 100.* Jo. Pels. *dict. tit. 12. n. 118.* Quando reo invento vel ad faciem citato exemplum, seu copia Citationis offerenda vid. Scaccia *1. de Jud. 45. n. 3.*

5.) *L. 5. §. 2. Quod vi aut clam L. 13. §. 1. cir. fi. de excus. tut. L. 1. §. 1. de ag. Lib. L. 39. §. 3. de adult. L. 2. C. de ann. except. C. causam 3 de dolo et contum. C. de clem. causam 3 versio. quod si forsân de elect. Qua de Citatione ad domum pluribus Tirag. *de Rett. ling. §. 9* Gl. Gabr. Sarayna. Cujac. *7. Obs. 2. Mathesilan. Sing. 132 ibique per Tirag. §. 9. n. 6. ac seqq. 13. Parlador. 2. Rer. quotid. C. fin. p. 5. §. 9. n. 6. ac seqq. Asin. Praxi §. 6. C. 1. et 5 seqq. Vant. Titul. de Null. ex**



hemur ut adsit. *L. 4. §. prætor, D. de damn. infect.* Quid si ne sic quidem veniat is, cuius domum denunciatum est, aut quid si etiam adversarius domicilium certum nullum

habebit, neque usquam sui conveniendi potestatem faciet? Conveniendi 6 sunt tutores aut curatores. Si hi nulli sunt, conveniendi sunt propinqui, et amici absentis: non ut hi

def. citat. n. 87 et seqq. Maranta h. t. n. 124 et seqq. Menoch. 2. Præc. 26 et seqq. Guid. Papæ Quæst. 255. Viv. Lib. 2. Decis. 274. Rosbach. Process. tit. 24. Trentacing. 1. Pract. Resol. hoc tit. de Citat. Resol. 3. Meland. Com. Cameral. P. 2. Membr. 14. Ad quos ne prolixior sim, quam fert institutum, remitto. Plerique sane omnes hi tradunt ei non nisi in subsidium locum esse, si facta perquisitione, non potuit reperiri, ut et Bover. Singul. 9 n. 13. Coras in *L. si finita* 15. §. Julianus 16. de dam. inf. in Summa Tract. 1. et 2. decreti n. 17. vid. *N. præced.* Et hanc ad domum Citationem, (uti et quæ per edictum ut *N. seq.*) non sufficere ad hoc, ut actus gravioris præjudicii absente citato teneant, nisi de malitia ejus vere, vel præsumptione juris liqueat, vult Mathesilan. d. Sing. 131. et Saraina ibid. n. 6. Neque hinc vere continuationem reum fieri, sed sicut plerique prodidere. Unde nec mulctæ indictioni hic locum esse censet Bover. d. Sing. 9. n. 15. Domus autem intelligitur etiam aliena d. L. 4. §. 5. de dam. inf. ut conducta vel precaria, Padilla ad *L. si tamen de leg. 2. n. 5.* Et si pluries habitare solet illa, quam majori parte anni, vel in qua major pars suppellectilis vel familiæ. Damhuder Praxi C. 59. n. 2. vel ubi tempore citationis habitat, Damhuder ibid. Viv. Lib. 2. Decis. 274. n. 3. P. Emil. Decis. Rotæ 117. n. 2. et alii passim. Vel in ipsa residere jure tenetur, ut Clericus loco beneficii, etc. P. Greg. 48. Synt. 2. n. 18. Et uxorem citatur ad domum mariti, A. Fab. C. suo h. t. de fin. 5. An autem et quando vir in ædibus uxoris, et ut ibi habitare censeatur, vid. Menoch. 2. Præc. 27. Mysing. 3. Obs. 37. Non autem sufficit conventum esse domesticum, etsi filius vel pater sit, si ea conventio non fiat ad locum domicilii, A. Fab. d. t. de fin. 1. ubi et domicilii foribus affigi debet testato, si absit, vel domestico cuidam tradi, Scaccia 1. de Judic. 32. n. 23. A. Fab. d. loc. Ut nisi scriptis fiat continuationem non reddat, Maranta hoc tit. n. 81. Asin. §. 6. C. 7. Casu 7. Hanc quoque alta voce fieri debere vulgo eligunt ex *L. diffamari* 5. C. de ingen. mun. verbo: vocitasse. Cæs. Contard. post alios ibid. C. 1. n. 42. Sed immo vocitare est sæpius vocare, Blarer. ibid. in Summa d. L. n. 13. Plura de hac pete ex DD. memoratis.

6. *L. 5. §. 2. Quod vi aut clam. d. L. 4. §. 5. de dam. inf.* Et si nemo domi reperitur, vicinis denunciari potest, Damhuder Praxi. C. 59. n. 1. Quin et schedula citationis affigi debet foribus ædium d. L. 4. §. 6. de dam. inf. Guid. Papæ Singul. 419. et si domo careat ad ædem sacram, seu Ecclesiam parochialem Cap. ult. de dolo et contum. Jo. Pels Process. tit. 12. n. 31. Sed et vagabundi per edicta, aut publicas proclamationis vocari possunt, vid. Maranta hoc tit. n. 83. et n. 130. Gail. 1. Obs. 57. n. 4. et seqq. Menoch. Recup. poss. remed. 8. n. 117. Coler. de Process. P. 3. C. 7. n. 25. et 2. seqq. Et quidem Citatio per edictum non nisi in casu necessitatis adhibenda, quando nec ad domum citationis locus, Scaccia Lib. 1. de Judic. caus. civ. crim. etc. C. 34. n. 7. Maranta d. tit. de Citat. n. 82. Gail. d. Obs. 57. n. 1. Meland. Com. Camer. P. 2. Membr. 7. f. 285. Adeo ut quoties alio modo insinuari potest, hac gravatum appellare posse, velint Gail. d. loc. P. Greg. 2. de Appel. 15. n. 10. Coler. P. 3. Cap. 7. n. 27. et ipsam citationem nullius momenti esse docet Menoch. Recup. poss. Remed. 8. n. 111. et Remed. 15. n. 229. Quin nec nisi speciali commissione principis, vid. h. C. N. 8. ac solum contra eum qui procurat ne ad se veniat Citatio, hanc expediri, Bover. Sing. 9. n. 25. add. Schurff. Cons. 82. Cent. 1. Et quod soli ordinario, hæc licita, nec delegato nisi Principis, in casibus jure permissis et rescripto contentis, Scacc. d. C. 34. n. 1. 3. 4. (add. hujus C. N. 8.) Qui ibid. n. 9. et seqq. casus septem percenset quibus hæc admissa, (e quibus quatuor refert Gail. d. Obs. 57. et 13. Maranta d. loc.) (1) Quando quis effectus ne Citatio ad se perveniret, clem. 1. de judic. Scacc. d. n. 9. Mar. d. loc. n. 84. Quin et hunc pro citato haberi, ut amplius citandus non sit, per C. quoniam 5. §. porro 5. Ut lite non cont. Gail. 1. Obs. 55. n. 4. Jo. Rulant. addit. ad Marant. h. tit. n. 36. (2) Quando non est tutus ac-

cessus, d. clem. 1. clem. un. de foro comp. vid. Schurff. Cent. 1. Cons. 82. Gail. d. O. 50. n. 2. Vestr. Lib. 4. Pract. C. 2. n. 3. Mar. d. loc. n. 85. Vant. d. tit. n. 124. et seqq. Scaccia d. loc. n. 10. et 11. ubi hoc per duos testes singulares probari et cognosci summarie (3) Quando prius principaliter citatus contumax, vel recessit procuratore non relicto, Scaccia ibid. n. 13. (4) Quando vagabundus, ut auctores ante citati. Qui affigi ita distinguit: Si de re soli agitur, assignanda loco rei sitæ, per d. L. 4. §. 6. Sin de mobili vel pecunia, ubi versari reus consuevit. (5) Casus Scacciae in obligatione in forma Camere, quæ Romanis, qui hodie sunt, frequentatur, quæ de tractatus exstat Ant. Massæ Galesii. (6) Quando contradictor incertus, quoties in genere omnes sua quoque modo interesse putantes citantur C. ult. in fi. de elect. vid. Gail. d. Obs. 57. n. 6. et 7. Scacc. d. C. 34. n. 16. Mar. d. loc. n. 89. Marsil. Singul. 259. Vant. d. Tit. n. 142. Menoch. Recup. poss. Remed. 8. n. 102. et seqq. Cujus Citationis generalis formulam pete ex Rosbach. tit. 27. Quam citationem non arctatoriam, sed monitoriam nostri vocant, cum per eam exceptio detur cuicunque venire et obsistere, nemo autem cogatur, vid. Vant. de Null. ex def. citat. n. 60. Vestr. Lib. 4. Pract. C. 4. n. 8. Blarer. in *L. diffamari* C. 6. n. 5. et 67. Surd. Decis. 26. n. 7. Lanc. de Attent. P. 2. C. 4. Præf. n. 159. et seqq. scribens ea non fieri reum necessarium nec induci liti pendenti. Et quod per eam inhabiles non habilitentur, nisi per aliam, Contard. in *L. diffamari* C. 1. n. 36. Menoch. Adip. poss. Remed. 4. n. 615. et 2. seqq. vid. Jo. Pels Process. Tit. 12. n. 19. et seqq. Comparitione tamen eam ita purgari docet Lanc. d. loc. n. 162. ac si simpliciter, sine conditione, facta fuisset. Denique septimo quando lis cum Universitate quapiam vel collegio; per edictum propositum in loco ubi conventus haberi solitus, et si eo non pateat accessus in posta civitatis vel loco confini affixum, vid. Mar. d. loc. n. 94. Vant. d. tit. n. 144. Gravet. ad Vestr. Lib. 4. C. 3. n. 12. Jo. Pels Process. Tit. 12. n. 33. et seqq. Menoch. Recup. poss. Remed. 8. n. 119. Lanc. de Attent. p. 2. C. 4. Præf. n. 157. et seqq. Affigi autem debent litteræ edicti in loco publico domicilii vicino, eove, unde facilius notitia per *L. 11. §. 3. de Inst. act.* vid. Jo. Pels d. tit. 12. n. 56. et seqq. Vant. d. loc. n. 140. Ex usu Camere tribus saltem locis vicinis affigi, eaque a parte adversa designari debere notat Gail. d. Obs. 57. n. 10. Ipsumque autographum (vulgo originale) assignandum primitus, postea autem, ubi per aliquot horas ibi mansit, eo refixo substitui posse exemplum (vulgo copiam) vult Scaccia Lib. 1. de judic. caus. civ. C. 45. n. 17. Et quamvis affixa hæc Citatio esse debeat in loco publico judicis arbitrii est, Menoch. C. 463. Effectum, ejus tradit Gail. d. Obs. 57. n. 12. ut perinde arctet citatum atque quæ in personam fit, continuationemque reddat, ut procedi ulterius queat. Quod Scaccia d. C. 45. n. 21. tunc admittit, quando certus est citandus, nec in personam citari potuit ob accessum non tutum. Et quod hinc sicut contumax reldatur, audieturque etiam contra sententiam, refusus expensis prodidit Paul. Emil. Decis. Rotæ 118. P. 1. Quodque juranti Citationem ad notitiam suam non pervenisse credatur. Menoch. Lib. 1. Præsumpt. Q. 77. n. 11. Plura de hac pete ex Gail. d. Obs. 57. Scaccia d. C. 34. aliisque ante citatis, ut et Menoch. Recup. poss. Remed. 4. n. 102. et seqq. Affinis huic ea quæ fit voce preconis. Vulgo citatio per Proclama. Quæ clara voce nuncii in platea publica, citra affixionem legitur aut pronuntiatur. De qua et quibus casibus recepta sit. (Non enim iisdem quibus prior, quod vox preconis pancis innotescat, facile evanescat auth. qui semel C. Quom. et quan. jud. Nov. 112. C. 3. Sich. ad L. 8. C. d. t. n. 111.) vid. Maranta h. t. n. 97. et seqq. Scaccia d. Lib. 1. C. 35. Contard. in *L. diffamari* L. 6. n. 21. et seqq. Fr. Herculan. de Probanda negativa n. 240. et seqq. Asin. de Execut. §. 6. C. 39. et seqq. Cujusmodi et ea quæ in matrimoniis consueva est fieri denunciatio a paracho in suggestu vulgo *das auffbitten*, Maranta d. loc. n. 102. et Scacc. n. 3. Etsi vero

hi vocentur in jus, cum queis nulla actio est, sed ut ab his exquiratur, an velint absentem defendere: ea gratia ut si parati sint defensionem suscipere, conveniantur ipsi, et vocentur in jus. Si nolint conventio saltem in hoc cedit, ut declaretur absentes cum convenirentur fuisse indefensos, qui neque per se neque per alios defenderentur: Sic deinde procedatur adversus eos ea via qua adversus indefensos et sui copiam non facientes agi solet. De quo dicetur postea suo loco, neque ita multo post. Hoc in *L. hoc autem*, §. 1. *D. quib. ex caus. in poss. eat.*

IV. Postquam adversarius in primis in jus vocandus est, atque hoc modo constat vocationem hic non solum esse, sed etiam ante omnia esse debere: quæretur deinde quid sit in jus vocare, ut quod hæc definitio dictabit, sciamus in vocatione instituenda esse sequendum. In jus vocare sic explicat Justinianus in *d. §. ult. Inst. de pæn. tem. litig.* ut sit vocare ad eum 7 qui jus dicturus sit. Recte ut ex loco in quo jus dicitur intelligamus eum qui eo loco jus dicit. Hunc enim locum significat verbum juris, cum conjungitur cum verbis motum ad locum, aut con-

*Tqm. VI.*

sistentiam in loco significantibus. *L. pen. D. de just. et jur. L. 4. D. de interr. in jur. fac.* Quod ad rem ipsam attinet, consulto dictum est, ad eum qui jus dicturus est, ut intelligamus adversarium vocari solum recte posse ad eum qui jus dicere potest, id est, qui jurisdictionem habet, sive ei præsit, ut magistratus, sive habeat a magistratu mandatam, quales sint ii quos vulgo locum tenentes vocant. Ad hos inquam recta et utilis vocatio est, quia sunt ii, quorum esse potest de re controversa jurisdictio, ad judicem datum seu pedaneum frustra quis vocetur 9 *L. 3. D. ne quis eum qui in jus voc. vi ex.* Optima ratio: quia ne is quidem judex esse possit in ea causa de qua agitur, nisi in ea datus a magistratu fuerit. Ut autem detur, prius est, ut adeatur magistratus a litigatoribus, qui deinde statuet, utrum cognoscat ipse, an vero alium det judicem. Neque vero adhibetur, nisi cum adversarius in jus vocatus simul et actor ad magistratum juris experiendi causa venerit. Sed nec in iudice dato ulla potestas est cogendi eum, qui in jus vocatus est, ut ad se veniat, si recuset. Notionem 10 enim tan-

2

tum

presumptio sit quod Citationis per Proclama notitia pervenerit ad citatum, jurejurando tamen contrarium asseverantis creditur per *C. ult. Qui matr. accus. poss.* Menoch. *Lib. 1. Presumpt. R. 77. n. 10. et 11.* Accensent his vulgo Citationem per Campanam, aut tubæ sonitum ejus usus in convocandis personis alicujus universalis, collegii, capitali aut consilii generalis. Qua de Scaccia *d. Lib. 1. C. 36. Marant. h. t. n. 111. et seqq. P. Greg. 48. Synt. 2. n. 10.* Sed ea non est hujus loci etsi Cujac. 7. *Obs. 15.* in criminalibus citationem absentium reorum per triduum *L. 10. de publ. jud. buccina fieri.*

7) Ita et Don. *ad Rub. Cod. h. t. n. 8.* quia in locum quo jus redditur, potest quis vocari ad scribam, advocatum vel alium, quæ tamen in jus vocatio non est. Eodem sensu dicitur in iudicio vocare *L. 2. §. 2. Qui satisd. cog. L. 1. §. pen. et ult. L. tuor. 28. pr. de adm. tut. L. 2. de vo per quem. fac. er.* Sicuti et cautio iudicio sisti est ad prætoris fellam fisti, iis *D. Si quis in jus voc. non jer.* Cujac. 10. *Obs. 10.* Quia iudicium generalius etiam apud Prætores dicitur, vid. *supra Lib. 17. C. 3. N. 2. et C. 21. N. 3.* Et ita quod in iure sit, etiam in iudicio; etsi contra, quod in iudicio strictius accepto apud pedaneum nunquam dicatur in iure fieri, Vult. 1. *Discept. 1. pag. 16. add. h. C. N. 10. Diss. Ant. Fab. ut not. infra C. 9. N. 4.*

8) Etsi enim quidam veterum in delegato dubitaverint, num per nuncium, aut litteras citare possit, vid. Ayer. *Process. p. 1. C. 3. Obs. 2. n. 15.* et nonnulli ab ipso delegato vocandum reum censuerint. Alii per nuncium quidem voce et in faciem posse, ast non per litteras domui affigendas, vid. Sich. *ad L. 8. C. Quom. et quan. jud. n. 13. et seqq.* Quin tamen et huic (per litteras quoque) citare liceat ambigendum non est, ut post. Socin. et Speculat. *Asin. §. 7. C. 4. n. 5.* Et probat. *L. 16. §. 1. et seqq. de jurisd. junct. L. 2. eod. et ea quæ supra Lib. 17. C. 8. ubi vid. N. 58. Ayer. d. Obs. 2. n. 16. et seqq.* Quin et quando prima vice quis coram delegato citatur necesse esse, ut id scriptis fiat. Sigis. Scaccia *Lib. 1. de Jud. C. 33. n. 18.* et Maranta *hoc tit. n. 75. Asin. §. 6. C. 7. n. 1.* Siquidem potestas delegati in Citationem exprimenda, citra quam non areat ut citati *supra Lib. 17. C. 8. N. 52.* quibus ad Gail. 1. *Obs. 48. n. 17. et seqq. Myns. 3. Obs. 1. Meland. Com. Cameral. P. 2. Momb. 17. f. 278. Ayer. d. Obs. 2. n. 19. Scaccia d. Lib. 1.*

*C. 32. n. 35.* excipiens nisi leve præjudicium citati vertatur, nisi in loco propinquo degat citatus. Jo. Pels *Process. Tit. 12. n. 8. et 9. Jannin. Lib. 1. de Citat. reali C. 1. n. 629.* Sane Citationem per edictum solum per delegatum Principis, non autem inferioris expediri nostri volunt, nec nisi id discrete rescripto delegationis concessum, cum superioris auctoritatem requirant, rigorosa et exorbitans sit. De quo ad Vant. *de Nullit. ex def. citat. n. 125. et seqq. Warmser. Tit. 6. Obs. 8. n. 1.* Jacob. de Bello visu *Pract. crim. Lib. 2. C. 5. n. 7. Sich. ad L. 8. C. Quom. et quan. jud. n. 13. et seqq. Scaccia Lib. 1. Cap. 34. n. 3. et seqq.* ubi n. 5. similem eam esse banno. Bannire autem delegato non licet, et Marant. *tit. de Citat. n. 39.* adducens auct. qui semel *C. quom. et quan. jud. Nov. 112. C. 3. pr.* Unde Commissarium Cameræ, ea inconsulta, ita citare non debere docet et observari testatur Rulant. *de Commiss. P. 1. Lib. 5. C. 3. sub. fin.* vid. tamen Jo. Pels *Process. Tit. 12. n. 121.* Denique Citationem per delegatum decreta vivo delegante, etsi hoc mortuo insinuetur, jurisdictionem perpetuatam esse iudicant refert P. Emil. *Decis. Rotæ 115. P. 1. Confer. supra Lib. 17. Cap. 8. N. 61.* De Citationem autem incompetentis itemque extra territorium citantis notabo *infra C. 10.*

9) Plane Ræv. 3. *Conject. 10.* per pedaneum *d. L. 3. §. 1.* intelligit non iudicem datum, sed minorem magistratum ex iis, qui neque vocationem neque prehensionem habebant, ut quæstores, Agell. 13. *Noct. 12. et seqq.* Hic enim ait, si non denunciata pœna evocet, sed adstricta cervice ad se trahi patiatum, eo ipso supra jurisdictionem suam jus dicit. Proinde ita tractum impune quis eximit. Sane magistratus illos quibus tribunal non fuit, pedaneos nuncupatos comprobavimus *supra Lib. 17. C. 21. N. 7.* Ast de iis *d. §. 1.* exponere non necesse est. Aut saltem ejus sententia agitur, et magis, ad iudices datos pertinet.

10) Ita et Camil. Plaut. *ad Rub. [D. de off. ejus Lib. 2. C. 7. n. 1:]* quia nec jus cogendi, nec mulctæ dicendæ, habet Duar. *ad hoc tit. D. C. 2. et 1. Dnap. 1. Cujac. 10. Obs. 10. Govean. Lib. 1. de Jurisd. n. 34.* scribens nec legi, nec fando auditum ad pedaneos in jus vocari, cum jus sit locus ubi Prætor jus dicit *L. pen. de just. de jur. et totius tit. de in jus voc.* ad magistratus pertineat non ad pedaneos. Sic Donatus in *jus ire* exponit ad prætoris fellam ire, Ræv. 3.

tum habet non jurisdictionem, eoque nec imperium quod jurisdictioni est admistum, ut suo loco diximus. Paulus definit hoc modo in *L. 1. D. de in jus voc.* ut sit in jus vocare, juris experiendi causa vocare. Recte hoc quoque. Non enim vocatur quisquam adversarius in jus nisi ea gratia, ut apud quem id facere jus est, apud eum de jure suo experiatur: idest, apud eum jure judicioque agat de ea re, quam in judicium vocat. Id enim valet juris auctoribus formula loquendi usitata, cum dicunt de jure suo aut de re aliqua experiri, ut *L. 1. D. ex quibus caus. major. L. 1. quando de pec. annalis est act. L. 1. D. quæ in fraudem creditor.* vel jus experiri ut in superiore definitione. *L. 1. de in jus voc.* Vel absolute experiri, ut in *L. 1. D. de diver. temp. præscript.* Significatione hinc ducta, quod experiri est tentare. Qui autem agit judicio, tentat, quod jus de eo quod petit sententia judicis impetret. Et vere tentat: non enim certum habet se <sup>11</sup> consecuturum: cum fieri possit, ut non sit jus ejus id quod putat, aut non satis de jure suo probet, aut in bona causa, et justa probatione iudex illi injuriam faciat reum per imperitiam aut sordes

absolvendo, contra quam oportebat. Sed videri potest, utraque definitio superior manca esse, quia utrique deest id membrum, quod altera definitione expressum est. Quod secus est. Ita est enim utrumque membrum superius, ut nno posito alterum sua sponte intelligatur. Cum enim dicimus in jus vocare esse ad eum vocare, qui jus dicturus sit, non obscure hoc intelligitur esse vocare ad eum, qui jus dicturus sit de ea re, de qua agitur. Hoc autem est de ea, de qua actor vult jus experiri. Proinde vocare hujus juris experiendi causa. Rursum cum dicimus in jus vocare esse juris experiendi causa vocare, necesse est continuo intelligi, esse vocare ad eum, qui jus dicturus sit: quoniam de jure nostro experiri, ut id nobis reddatur, non nisi apud eum possumus, qui jus potest reddere sive dicere. Quod si placet omnem dubitationem tollere, licet conjungere utrumque membrum hoc modo, ut in jus vocare dicamus esse, ad eum qui jus dicturus sit, experiendi causa vocare. Est autem vocare aliquem aliquo, denunciare ei, ut eo loco adsit. Ita si vim verbi plena definitione complecti volumus, definiemus in jus vocare, ut sit <sup>12</sup> denunciare adversario, ut

*Protrib. C. 7.* Et omne quod in jure fieri dicitur, semper apud magistratum, nunquam apud judicem datum intelligi contendit, Vult. 1. *Disc. 1. pag. 13. per L. 6. in fi. de feriis. L. 56. §. 1. Mand. L. 29. §. 1. de donat. L. ult. de cess. bonor. et simil. ab eo prolatis* Et ita in jure et apud Judicem opposit Plaut. *Menæchm. Act. 4. Sc. 2.* in jure et in judicio, Cicer. 1. *de Orat. Rævar. d. C. 7. add. Turneb. 29. Adv. 33. Coras. 3. Misc. 18. Speckan. Cent. 2. Cl. 4. Q. 10. n. 2. et 3.* Enimvero latiori sensu jus complecti judicium et tractationem apud pedaneum forsitan non adeo absurde quis contenderet, per *L. 4. §. 1. de interr. in jure.* Nam etsi ibi: *alios judices* exponat ordinarios non delegatos Baro *Lib. Var. QQ. de Jurisd. fol. 43.* in seq. tamen *juris dicendi vel judicandi*, vocula vel disjungit pariter et utrumque implicat. Dici tamen potest ea verba de causis, quas ipse Prætor cognovit, et disceptavit, accipi debere. Confer *supra Lib. 17. C. 21.* Ast dices: Si Judicis pedaneus nulla vocandi auctoritas, qui igitur litem dirimere potuit? Bodin. 3. *de Rep. 5. initio n. 299.* pedaneos in jus vocasse scribit, sed quia imperandi jure careant, vocatos obtinere non coactos, nisi magistratus ipsi pro jure suæ potestatis juberent. Vult. 1. *Decis. 1. p. et seqq. et Disc. 2.* sentit in jus vocationem quidem solum dictam ad prætorem vel magistratum, Citationem autem etiam ad pedaneum. Etsi enim Govean. 1. *Var. Lect. ult. n. 3.* Citare velit esse voce præconis vocari coram magistratu, ut *L. pen. de int. rest. L. 73. de judic. Et Duar. 1. Disp. 7. et ad h. 1. D. C. 2.* Citationem cum in jus vocatione confundi quandoque ut *L. 8. C. Quom. et quan. jud.* Apud veteres autem Jurisconsultos *Citari* reum, cum ipsa die cognitionis, quæ ante ei dicta fuit, in foro et tribunali per præconem evocatur, ut præsens sit necne appareat. Quod probare nititur ex *d. L. pen. de int. rest. L. inter. 10. de publ. jut. Quintil. Lib. 6. C. 5. Agell. 11. Noct. 1. Ascon. 3. Ferrina.* Et ita Baro in *d. L. pen.* Citat præco cum inclamat jam edictis solemniter evocatum. Ac convenit Ræv. *Protrib. C. 2.* confirmans ex Apulejo. *Lib. 10. Suet. in Tiberio et L. 28. §. pen. verbis:* isque adesse negabitur (scilicet voce præconis post citationem) *de Fideic. libert. Vulturius* tamen *d. C. 2.* Citationem ita auguste non accipi debere ostendit, statuitque Citationem generis verbum, cujus specie sint, in jus vocatio ad Prætorem, et Citatio specialius dicta ad Judicem datum. Quæ et in aliis differebant. Illa etiam

propria auctoritate ut *h. C. N. 14.* Hæc non nisi jussu Judicis præante: Illa sæpius per privatum, licet, et per apparitorem petente adversario fieri poterit; hæc per præconem vel apparitorem: illa juris experiendi; hæc facti disceptandi causa, etc. Et probat Val. Guil. Forst. *Parat. ad h. t.* nec alienus videtur P. Greg. 48. *Synt. 2. n. 4. Gilk. ad Rub. C. h. t. n. 6. et 7.* Quorum uberius explicatio petenda ex Vultejo. Hoc enim discrimen, uti et *juris et judicii* ab usu recessit, non amplius vigente veteri dandorum Judicium more. Etsi quadantenus adhuc supersit, cum hodie præparatoria judiciorum usurpentur, quæ antiquitus in jure peragebantur, Vult. *d. Disc. 1. p. 27.* Sed et DD. vulgo ignoratum est discrimen Judicis dati et ejus cui jurisdictio delegata est vid. *Lib. 17. C. 23. N. 4.* Eorumque dogmata in mores ac usus pervaserunt. Unde cum de pedanei citatione loquuntur, delegatum intelligunt, de quo *supra N. 8.* Denique Donellus noster hic tractat non de quavis vocatione in jus vel judicium, sed solum de prima, principio ordinis judiciarii: Quæ juxta ritus antiquos, per naturam nulla siebat a Judice dato

11) Ita et Donellus *ad h. t. C. n. 10.* Convenit A. Fab. *ad d. L. 1.* his verbis notari dubium judicii exitum *L. 51. de pecul. et aleam L. 12. de sta. hom.* quia quæstio facti in arbitrio judicantis. Facti autem interpretatione prudentissimos fallere potest. Dicitur et reus experiri vid. *Lib. 17. C. 4. N. 5.*

12) Ita et Don. *ad h. t. C. n. 12.* Supine Cujac. *Par. C. h. t.* In jus vocare, est ait, trahere invitum ad Judicem agendi gratia, et Gov. 1. *Var. Lect. ult.* est ad magistratum manu ducere. Etsi enim ita olim in jus ire nolens cogebatur infra *N. 14.* quis tamen ambiget quin et qui sponte veniebat recte vocatus diceretur *L. 11. h. t.* Neque semper vim conjunctam habuit *L. 19. L. 21. h. tit.* Certe vis verbi *vocare* plane alia ut *L. 3. §. ultim. junct. L. seq. de testibus.* Quin adjuncta vocationi ductio quandoque, eamque sequebatur, ni sponte veniret antestatus. Quomodo Cujac. et Govean. refellit Don. *ad h. t. C. n. 11.* et Petr. Gregor. 48. *Synt. 2. n. 2.* quia et Agell. 13. *Noct. 12.* prehensionem, seu manductionem a vocatione differre docet. Cæterum hæc descriptio Donelli est primæ Citationis, actus judicii præparatorii, quam et laud fere alia sententia describit, Wesen. *Par. h. tit. n. 13.* Quæ et universo Citationum usui in quibusvis acti-

ut se sistat iudicio ad eum qui jus dicit, juris de re certa cum eo experiendi causa.

V. Non est satis ad necessitatem veniendi in jus cuique imponendam ita vocationem esse, ut verbi significatio et superior definitio declarat. Vocationem talem quærimus quæ eadem justa sit: ut scilicet adversarius cum in jus vocabitur ita vocetur, ut jus præscribit. In eo certæ res sunt, <sup>13</sup> quas jus desiderat: quarum quædam in ipsa vocatione in sunt: quædam extra vocationem spectantur, cum vocatione tamen ita conjunctæ, ut sine

Tom. VI.

bus iudicii non convenit. Quin et olim Citatio quoque extra iudicium dicebatur vid. Robert. 3. Sent. 7. Vult. 1. Disc. 2. p. 26.

<sup>13</sup> ) Vulgo Citationis tria extrema, seu partes statuuntur. Præceptio, seu Commissio Judicis: Executio nuncii, et ejusdem Relatio. Maranta *Speculi P. 6. tit. de Citat. n. 51.* Myns. 6. Obs. 10. n. 1. Wes. Par. hoc tit. n. 13. Sed Vant. de Nullit. ex def. Citat. n. 145. 4. partes principales refert, addens formam, seu conceptionem. De reliquis vid. h. C. N. 15. et N. 19. Conceptionem, seu formulam hic paucis perstringemus. Cujus 6. requisita recensent Maranta P. 6. h. t. n. 63. Scaccia Lib. 1. de Jud. C. 32. Roshach. Tit. 22. n. 17. et seqq. Gail. 1. Obs. 48. et 5. seqq. Vant. de Nullit. ex def. citat. n. 31. et seqq. Rulant. de Commis. P. 1. Lib. 5. C. 3. Ayer. Process. P. 1. C. 3. Obs. 2. Wes. Par. hoc tit. n. 13. Meland. Comm. Camer. P. 2. f. 267. et f. 278. et seqq. Videlicet: (1) Nomen Judicis, L. 80. de judic. tum ut sciatur an competens, tum ut jussu ejus factam appareat, itemque ut constet an ordinarius sit vel delegatus. Quin errorem in nomine ejus vitare volunt, per L. 80. de judic. Gail. d. Obs. 48. n. 23. Ayer. d. loc. n. 20. Vant. d. tit. n. 48. Scaccia d. C. 32. n. 10. (2) Rei, vel citandi arg. L. 12. et seqq. de except. rei jud. L. ult. C. Si per vim vel al. mo. De quo et quid si plures citandi, si nomen ignoretur etc. præter Gail. 1. Observ. 49. et modo relatos Frider. de Process. extrah. Lib. 1. C. 6. n. 13. ac seqq. Lib. 2. de Mand. judic. C. 60. n. 2. Vestr. Lib. 4. Practicæ C. 2. n. 2. Fr. Herculani. de Probanda negativa n. 241. Myns. 5. Observ. 50. Et quod conveniens cuique titulos tribuendus, Rulant. d. C. 3. n. 4. Et quando demonstratio falsa citati vitiet processum in iudiciis, Leand. Galgagnet. de Cond. et demonstr. P. 2. Cap. 2. Q. 6. Quid in Universitate citanda servandum Gail. d. Obs. 49. n. 6. et 7. Myns. d. Obs. 50. Damhuder. Praxi C. 59. n. 19. et seqq. Gu. Q. 321. Bover. Sing. g. n. 20. Roshach. d. tit. 22. n. 6. et n. 19. Monach. Pract. P. 3. C. 3. n. 20. et seqq. Confer. Obrecht. de Concip. libell. C. 11. n. 16. et seqq. Nicol. Losæ. de Jure universit. P. 2. C. 1. n. 63. (3) Actoris, vel citationem petentis, cum non, nisi ad ejus instantiam decerni debeat, vid. infra N. 18. (4) Causa, ob quam vid. C. seq. N. 1. (5) Dies, vid. h. C. N. 26. et (6) Locus, quo se sistere debet, per L. 59. de judic. L. 5. C. Quom. et quan. jud. Sine quo Citatio profusoria et obscura per L. 5. §. 1. Quod vi aut clam. Cum nec scire possit citatus ubi comparere debeat, et an is locus tutus et immunis, itemque an intra fines jurisdictionis citantis. Quod in delegato indistincte obtinet ut loco non expresso Citationis nulla vis sit, Maranta P. 6. h. t. n. 64. et ibi Foller. Vant. d. tit. n. 62. Gail. 1. Obs. 52. n. 12. ac omnium sententiam esse refert Scacco. Lib. 1. C. 32. n. 24. In ordinario vero etsi secus esse contendat Gail. d. Obs. 52. n. 13. idem statuens in iis quibus tota provincia pro tribunali est, atque in aliis inferioribus, et fere Vant. d. t. n. 64. Etsi item indistincte in ordinariis idem quod in delegatis statuat Rulant. d. C. 3. n. 9. (lappu forte penoræ potius quam certo iudicio.) Sicuti nec distinguit Ayer. d. Obs. 2. 35. et seqq. Verior tamen vulgata distinctio. Ut si ordinatio certum et solum tribunal, id licet non expressum intelligatur tamen, per L. 59. de jud. Sin secus, locus designandus, veluti, inquit, a rectoribus provinciarum, quorum loco hodie Principes, Comites etc. Quod tamen varie declarant, vid. Foller. ad Maranta h. t. n. 64. fuse Sich. ad L. 5. C. Quom. et quan. jud. n. 3. et

his nulla sit vocatio. In vocatione ipsa ut justa sit, tria observanda sunt. Ritus vocationis, Persona vocati, Dies ad quem jubetur iudicio sistere qui vocatus est.

VI. Ritus vocationis olim nullus fuit, sed licebat privato privatum cum quo jure agere vellet per se et sua auctoritate in jus vocare, et quidem ita, ut vocatum nisi cave-ret iudicio sistendi causa, jus esset etiam invitum in jus ducere. Quod idoneis testimoniis compluribus probavit Duarenus <sup>14</sup> lib.

I.

2\*

seqq. Locus autem hic oportet. (1) Ut subsit jurisdictioni citantis, si ordinarius, per L. ultim. de Jurisdic. C. statutum 11. §. in nullo 3. de risc. in 6. C. penult. de off. vicar. Marant. h. t. n. 131. Vant. d. t. n. 61. Gail. d. Obs. 52. n. 21. vid. tamen Sichard. duobus modis limitans ad d. L. 5. n. 10. Sin delegatus, si quidem ei locus rescripto assignatus, non debet ad alium citare, Scaccia d. C. 32. n. 25. Rulant. d. C. 3. n. 10. nisi ex causa de qua mox, sin minus eo loco jussus videtur judicare quo solet sine incommodo litigantium tex. L. 59. de judic. Vant. d. loc. n. 62. Nec nimis igitur sit remotus aut distans ultra diei iter, vid. Scaccia d. C. 32. n. 34. Maranta d. n. 131. per d. C. 11. §. cum vero 1. et §. cum a. 2. de resc. in 6. (2) Ut sit honestus non si popina vel lupanar, L. 21. §. pen. de ret. arb. Sich. ad d. L. 5. n. 9. Scaccia d. C. 32. n. 26. Ayer. d. Obs. 2. n. 49. et (3) Tutus, ut et ad præsentiam Judicium possit secure venire citatus ut loquitur C. ex parte 47. de appell. et sine periculo ibi versari, libereque negotio expedito redire domum. Fac. L. 7. §. 6. Quib. ex C. in poss. eat tex. clem. 1. de foro comp. Clem. pastoralis 2. de re jud. et simil. Non itaque si contagio is infectus C. ad supplicat. g. de renunciat. vid. et Wurmser. Tit. 6. Obs. 5. Sebast. Medic. de Casibus fort. P. 2. Q. 6. n. 46. Atque ex hac causa delegatus quoque is, cui certus locus assignatus, eum mutare potest; alio immuni electo Rulant. d. C. 3. n. 18. Non si ratione inimicitiarum, insidiarumve citato suspectus, aut si injuriam Judicis is juste veretur. Et exceptioni loci non tuti etiam locus post litem contestatam, vid. supra Lib. 22. C. 8. N. 28. Ac etsi qui semel comparuit nec opposuit, alia tamen vice et alio in actu opponi potest, Jac Schult. Obs. forensi 8. n. 9. Qua de re, uti et de fide publica, libereve accessu (vulgo salvo conductu et securitate) citato concesso, quæ fragilis nonnullis cautio appellatur, per L. 68. §. 1. ad Trebel. consule Gail. d. Obs. 52. Scaccia d. C. 32. n. 26. et seqq. Ayer. d. Obs. 2. n. 38. et seqq. Rulant. d. C. 3. n. 12. et seqq. Vant. d. Tit. n. 61. Ac præter hosce et plures ab iis relatos Bover. Singul. g. n. 7. et 8. Marsil. Singul. 261. et 311. Schmrff. Cent. 2. Cons. 43. Petr. Preinus Tr. de Secur. promissa, Blarer. in L. diffamari C. 6. n. 109. et seqq. Menoch. Arb. Ca. 336. Moller. 2. Semestr. 1. Zanger. de Except. P. 2. C. 5. Coler. de Process. P. 4. C. 1. n. 165. et seqq. Mascard. de Probat. Vol. 1. Concl. 17. et 3. seqq.

<sup>14</sup> ) Et ad h. tit. D. C. 2. et C. 6. Quam vim sane adhibitam negant Rob. 3. Sent. 1. Vaud. 2. Q. 26. et Forner. 3. Select. 12. scribens aliter persuasum esse iis, qui triviali interpretum opinione imbuti. Ast abunde cum legis decem virarum auctoritate tum classicorum auctorum testimoniis, rationibus denique ex LL. nostris adductis comprobant Ræv. ad LL. 12. tab. Cap. 5. et ad L. 108. de R. I. Cujac. 7. Obs. 10. et ad L. 48. de V. S. Petr. Gregor. 48. Synt. 2. n. 23. Govean. 1. Var. Lect. ult. Poll. 5. Hist. fori 1. Coras. ad §. poena. 12. I. de act. n. 5. et f. P. Nann. Lib. 12. Misc. C. 1. Ludov. Carrio. 2. Emend. 12. Lips. 4. Epist. QQ. 36. Lambin. ad Horat. 1. Satyr. g. circ. ff. Theod. Marcil. Legis 12. tab. collectis et interpretamento C. 1. Cruter. 7. Suspici. 15. Speckh. Cent. 2. Cl. 4. Q. 10. Perrenon. 1. Animadv. 19. P. Busius ad L. 1. de in jus voc. Vult. 1. Disc. 1. pag. 16. et seqq. Gœd. ad L. 9. et ad L. 39. §. 2. de V. S. Et hi quidem ambo objectis Roberti satis occurrunt. Ad quos ne prolixior sim, avidum antiquitatum Lectorem remitto. Hoc moneo, quod hi prætereunt, Legem illam 12. tab. uti plebrasque, decemviro ab Atheniensibus accepisse. Nam et apud



1. *disp. C. 1. In quibus hæc sunt. Sic enim est apud Terentium in Eunuch. act. 4. scen. 6.*

*Si vim facit, in jus ducito . . . . .*

*Et in Phormion. act. 5. scen. 7.*

*. . . . . in jus ambula.*

*Et paulo post*

*Rape hunc . . . . .*

*Apud Horat. lib. 1. Sermon.*

*Satyr. 9. in extremo :*

*. . . . . Rapit in jus, clamor utrinque undique concursus . . . . .*

illos sine viatore rapiendi rei potestas actori. Demosth. in *Midiam* Guil. Possard. de *Magistrat. Atheniens.* C. 25. pag. 537. et seqq. Joach. Steph: *Lib. 2. de Jurisd. Judæ. Græc. etc.* C. 4. n. 3. et C. 9. n. 24. (Qui et *Lib. 1. C. 9. n. 2.* apud Hebræos. quoque idem viguisse affirmat auctoritate, ait, sacrarum litterarum. Sed locum non adducit. Cujus legis varians lectio. Marcil. d. C. 1. eam sic restituit, sensu ut videtur integriore et aptiori. SI IN JUS VOCAT NEI IT, antestator IGITUR, id est, deinde, postea IM, id est, eum CAPITO, prehendido, abducitor. SI CALVITUR, id est, moratur et frustratur L. 233. pr. de V. S. Govean. 1. Var. Lect. 32. Hinc. calvitas L. 29. §. pen. Mand. juxta Hal. lect. a calvis inimicis ut apud, Non. Marcell. de *Propriet. serm.* C. 1. una lectio habet, qui frustratui sunt, quod nullus iis sit pilus, quo trahi rapive possint, ex ritu prisco prehendi hostem capillo, ut ex Plant. Sveton. in *Nerone* C. 41. Vingil. 2. *Æneid. etc.* probat Marcil. d. C. 1. Vel ut altera lectio habet a calvis mimis, qui rasi omnes et ridiculi ac frustratui omnibus in theatro, Marcil. d. loc. Gæd. ad d. L. 233. n. 2. PEDEMVE STRUIT, id est; si otiose it, vix pedem pedi præferens, ut Rævar d. C. 5. et Gæd. ad d. L. 9. n. 7. vel si fugam meditatur, ut Marcil. d. C. 1. MANUM ENDO JACITO, idest, injicito. Et ita potestas data obtorto collo, ut Hieron. *Lib. 2. Epist.* seu adstricta cervice, ut eod sensu Juvenal. *Sat. 10.* rapiendi, trahendi. Enimvero supinijs Donellus hic dicit: *Ritus olim nullus.* Nam immo non nisi antestatio solemnis prius facta abducere reum licebat, ut plerique omnes ante citati. Citra eam si raperetur, injuriarum actio, ut Acon. *Horatii interpres*, Lambin. d. loc. Coras ad d. §. 12. n. 5. et 6. Cujac. d. C. 16. Speckhan. d. Q. 10. n. 5. et alii relati. Nisi reus improbus esset ac intestabilis, ut fures ac lenones. Quos sine antestatione raptos probat, post Hopper. *Lib. 3. de fur. arte*, Ræv. d. C. 5. per locos Plauti *Aulular.* 4. Sc. 10. et *Persa* 4. Sc. 9. Ubi Saturio Dorpalo lenoni manus injiciens, interrogatus anne antestaretur:

*. . . . . Tuane ego causa (ait) carnifex Cuiquam mortali libero aures atteram,*

Antestationis hic ritus: In jus vocaturus plerumque amicos sibi advocabat, ut testes faceret recusationis rei. Sic enim antestatos dictos putat Porphyrius quod ante ceu testes advocentur, quam actor reum manu possit prehendere, Ræv. d. C. 5. Marc. d. C. 1. notans Cujacium d. Cap. 16. volentem antestatum dici reum qui testato convenitur. Nam et apud Cai. 1. inst. tit. 6. §. ult. Antestatus qui emancipationi adhibetur. Horum uni, vel si nullus advocatus esset alicui de corona circumstanti, libero tamen homini, dicebat acturus: *Licet. antestari.* Hic si diceret *Licet*, auriculam porrigebat, seu ut Horat. 1. *Sat.* 9. opponebat petitori. Qui imam auriculam tertio pervellebat, repetita formula. *Memento*, quod tu mihi in hac causa testis eris. Tum antestatus, *memini.* Auris enim memoriæ consecrata. Plin. *Lib. 11. C. 45.* Est in aure ima memoriæ locus; quem tangentes antestamur. Quo alludit Virgil. *Bucol. Ecl. 6.*

*. . . . . Cynthia aurem vellit et admonuit . . . . .*

De quo ritu Ræv. et Marcill. dd. locis Gruter. 7. Susp. 15.

Sed hic mos postea in usu esse desiit, sive quod parum tutum aut humanum videretur, rem tantam privati cujusquam libidini adversus privatum civem permittere. Sive quod videretur esse æquius rem juris experiundi caussa institutam auctoritate<sup>15</sup> eorum transigi, qui ipsi juri dicundo præessent. Quando id factum sit incertum. Factum tamen constat ex scriptis juris auctorum quæ extant in libris nostris. Ex quibus intelligimus inolevisse jam olim hunc ritum vocationis, qui valuerit etiam Ulpiani et Pauli<sup>16</sup> temporibus ut vocaretur adversarius per apparitorem auctoritate magistratas, qui ob id adiretur, ut adversarium nomine vocantis, venire juberet. Per viatores idest adparitores vocationem

Lil. Gyrard. *Dialogismo* 9. cir. fi. (Part. 2. *Thesauri Critici Gruteriani*) Lindov. Carrio 2. *Emend.* 12. (Parte 3. ejusdem) Fr. Mod. nov. *antig. Lect. Epist.* 17. Pollet. 5. Hist. fori 1. Lips. 4. *Epist. QQ.* 26. Denique quod hic Donellus dicit sua auctoritate quomodo obtinuerit vid. h. t. N. 16.

15) Et ita nostri ad quavis Citationem commissionem seu jussum Judicis requirunt, et ut de eo constet per L. 29. §. ult. verbis a præside evocato de minor L. 25. Cod. de de episc. et cler. L. ult. C. de exhib. reis. C. ex parte 2. de rescript. et simil. vid. Guido Pap. Sing. 82. n. 5. Vasq. 2. Contr. usu freq. 24. Asin. Praxi §. 8. C. 1. Rosbach. Process. Tit. 22. n. 24. et seqq. Gail. 1. Obs. 48. n. 12. Sigif. Scaccia *Lib. 1. de judic. caus. civ. crim. etc.* C. 32. n. 7. Vant. tit. de nullit. ex def. Citat. n. 35. et seqq. Ayres. P. 1. C. 3. Obs. 2. n. 9. Meland. *Comm. Cameral. P. 2. f. 277.* Zobel. P. 1. Diff. 5. n. 2. etc. Hinc Quæritur quando hæc commissio præsumatur, et an quando viatori decenti se ex mandato Judicis citare fides habenda, et an specialis commissio requiratur, an generalis sufficiat? Jure Saxonium *Lib. 3. Art. 56.* apparitori publico e jurato citandi sine jussu speciali Judicis ad petitionem partis auctoritas, et ita usu servari notat. Zobel. d. Diff. 5. n. 1. discrimen a jure civili statuens, Marant h. t. n. 45. Rosbach. d. t. 22. n. 26. nuncio publico jure quoque civili sine scriptis citanti credi debere per C. cum parati 19. de appell. Idque pluribus locis receptum dicit Gravatt. ad *Pract. Vestrii Lib. 4. C. 4. n. 23.* (et Marant. d. loc. n. 51. in civilibus generali consuetudine etiam ad instantiam partis irrequisito Judice hunc citare.) Quod in causis levioribus admittit P. Gregor. 48. *Synt.* 2. n. 15. et in iisdem Menoch. 2. *Præs.* 24. si nuncius bonæ opinionis. Et quod nuncio de executione quidem ut h. C. N. 19. ast non jussu Judicis referendi et testanti credatur, nec inde jure præsumatur commissio præcessisse, nisi in actis scripta sit, jure verius censet, etsi contra consuetudines plurium curiarum habeant. Vant. d. tit. n. 40. et 42. et Gail. 1. Obs. 54. n. 4. et 5. quia solemnitas hæc extrinseca et de suo actu non de alieno nuncio creditur. Et confirmat Menoch. 2. *Præsumpt.* 24. add. Sich. ad L. 8. C. Quom. et quan. jud. n. 9. Ayres. d. P. 1. C. 3. Obs. 2. n. 10. et seqq. et Cap. 4. Obs. 2. n. 15. et seqq. Scaccia d. C. 32. n. 8. Vasq. d. C. 24. n. 2. Atque hoc sane expeditum si in scriptis fiat citatio, ubi Judicis subscriptione et sigillo munita sit oportet. Scaccia d. C. 31. n. 8. et C. seq. n. 2. Jo. Pels. Process. Tit. 12. n. 128. Ast si verbo fiat, nunciusque sit ad quemlibet vocandum constitutus, idemque juratus, qui et certo sæpe gestamine cognoscitur, merito fides ei habenda videtur, cum et vix facile in eum suspicio falsi cadat. Enimvero et ipse Judex pro tribunali monere potest partem, ut hoc vel illo die ad judicium veniat L. 2. C. Quom. et quan. jud. Quæ citatio et monitio Judicis alia efficacior. De qua vide Mathesilan. ad d. L. 2. Maranta h. t. n. 48. et seq. Joan. de Arnono *Pract. judic.* C. 14. Meland. *Com. Camer. P. 2. f. 277. et seqq.* Sed et si nuncius citet, præsentem et mandante Judice, perinde est ac si Judex ipse citasset, ac effectus idem, quia non refert, an ore proprio moneat Judex, an per alium Corset. *Singul.* 36.

16) Ita et Don. noster ad *Rub. C. h. t. n. 13. et ad L. vinum. 22. de reb. cred. n. 3.* Ac Baldum. in not. ad L.

nem transigi solitam declarant <sup>17</sup> sportulæ, quas illi conventionis idest vocationis in jus nomine a reo exigere solebant. Non enim exigent, nisi publica opera, et quam defugere non liceret in ea re uterentur. De his est in §. tripli. *Inst. de act.* Adiri autem solitum prius magistratum, ejusque auctoritatem in ea re præcessisse liquido probant hi loci duo *L. cum proponas, C. de bon. aut. jud. possid.* et *L. diffamari, C. de ingenuis manumiss.* argumenta in scriptis Ulpiani, et Pauli hæc sunt. Ulpianus in *L. si quis ex aliena, 5. D. de re judic.* scribit, eum qui ex aliena jurisdictione in jus vocatus sit ad

prætozem, venire debere. Vocati enim esse non contemnere auctoritatem prætoris. Prius ergo hæc <sup>18</sup> auctoritas in vocatione interveniat. Paulus in *L. 2. D. si quis in jus vocat. non ierit.* scribit: si quis in jus vocatus ad prætozem: vel alios qui jurisdictioni præsumunt, non venerit ex causa a competente iudice multa pro jurisdictione iudicis damnavi. Deliquit igitur, qui non venit, cum non sit pœna nisi delicti coercitio. *L. aliud est fraus, D. de V. S.* Nec potest delictum esse, nisi in eo, quod magistratus vocantis auctoritatem contempsit. Et hoc etiam <sup>19</sup> ritu nostra ætate fere passim utimur.

## VII.

15. *h. tit.* Justiniani tempore exolevisse ignominiosam illam ductionem. Modestius publica auctoritate missos viatores, qui in jus vocarent. Ac Coras. *ad L. 6. §. 1. de Rer. div. n. 12. et ad §. pœnales 12. Inst. de act. n. 7. in fin.* sine apparitore neminem vocari posse per *L. ult. C. de exhib. reis.* Et faciunt LL. citata *lit. præced. initio.* Ac tempore Valentis ac Theodosii illum morem sublatum fuisse, per *d. L. ult.* censet Andr. Scheffer. *Part. 1. Q. 25. n. 8. Verum Vult. 1. Discr. 1. pag. 23.* violentam tractionem Justiniani quoque tempore in usu fuisse. Quæ enim alias ratio compositoribus juris, ut Pandectas referrent, quæ ab usu recesserant. Certo autem iudicum numero constituto *Nov. 82.* paulatim illam decessisse et desuetam putat, vel lege alicujus Imperatoris posterioris sublatam. Plaque tempore mediæ Jurisprudentiæ quandoque viatores adhibitos una, ut non negandum; ita tunc necessarium fuisse probari vix potest vid. *Rob. 3. Sent. 1. Vult. d. C. 1. pag. 17.* qui viatoris ministerium rarius fuisse usurpatum ostendit. Enimvero et prisco quoque jure etsi sua auctoritate traheret actor venire nolentem, nec satisfacientem; Priusquam tamen vocaret, adendum prætor libello dato, ut vadari reum liceret, id est, ita vocare, ut ni vadibus satisfaceret; antestatione prævia, manus iniectione ad Prætozem duceretur. Quod satis constat ex Plauto in *Aulular. 2. Sc. 4.* ubi Enclio dicitur postulasse a prætoze ut sibi liceret milivum vadari. Et in *Curcul. 1. Scena 3. initio.* Horat. 1. *Satyr. 9.*

..... Casu tunc respondere vadato  
Debebat .....

Atque ex causa prætor vadimonia differebat, Cic. *pro Quintio. Plin. Lib. 7. C. 53.* Juvenal. *Sat. 3.* Eoque libello subnotato a prætoze veniebat ad reum acturus et antestabatur etc. vid. Pollet. 5. *Hist. fori 1. Ræv. ad LL. 12. tab. Cap. 5. pag. 29.* Hot. *ad §. 15. inst. de act. enunc. 2.* Atque vinctis locis hic a nostro citatis et objectis Roberti aliorumque hlatorum *supra N. 14.* initio satis commode occurri potest.

17) De quibus ut et de sportulis iudicum, ratione item appellationis, aliisque id genus vid. *tit. C. de sportulis L. 12. §. 1. C. de prox. sacr. scrip. Lib. 12. tit. 19. L. ult. §. vet. C. de priv. schol. Lib. 12. t. 30. L. ult. §. 2. et 3. C. de re milit. Nov. 8. N. 17. C. 3. N. 73. C. 7. et 9. N. 123 C. 28. et N. 124. C. 3. Cujac. 12. Obs. 22. et in Nov. 53. p. m. 191. et in N. 82. Alc. 3. Dispunct. 17. Coras. in d. §. tripli 24. n. 4. et 5. Vult. in §. omnes 21. ( ipsi 19.) et seqq. *Inst. de act. n. 15. et seqq.* Broidæ. in *Supplem. Hist. fori Polletti Lib. 5. C. 11. Langlæ 6. Semestr. 2. Fopp. ab Azema 1. Dissert. 23. Parlador. 2. Rer. Quotid. C. fin. p. 6. LL. unico. Jo. Garcia Gallesus de *Expensis C. 21. n. 11. et seqq.* Coler. *de Process. p. 3. C. 9. n. 152. etc.* Quod a pauperibus sportulæ non exigendæ Tiraq. *de Nobil. C. 29. n. 40. Myns. 4. Obs. 97. n. 5.***

18) Ad hoc Resp. Vult. 1. *Discr. 1. p. 17. et seq.* ut contempta videatur auctoritas magistratus, sufficere album ab eo propositum, etsi vocatio facta a privato, jure permittente. Verum et olim aditum libello prætozem verius videtur ut *h. C. N. 16.* Ut sit hodie constat iudicem actoris libello adendum, quo Processum sibi decerni atque adversarium citari petat. Quæ supplicatio pro extraendo

processu nostris usurpatur. In qua substantialia requisita exquirite contineri oportet Blarer. in *L. diffamari, C. 5. n. 4.* Ut uno omisso viro laboret, et processus denegetur Meland. *Comm. Camer. 2. initio n. 1.* post Gail et alios. Ut et si ex eo constet actionem non competere Vult. *ad pr. Inst. de act. n. 56.* Et differt hæc a libello vero, quod etsi utrique controversia exponatur, hæc tamen merita causæ non deducit, sed summariam recensitionem controversiæ habet, petitione subnexa. Obtenutaque citatione nullius deinde est effectus Meland. *d. loc.* Quo faciunt quæ habet Jac. Schult. *Obs. forensi 2.* Ei quoque salutare clausulæ libello adjici solitæ frustra accedunt Gail. 1. *Obs. 61. n. 12.* Jac. Schult. *Observ. forensi n. 16.* De quo libello apte accipiendo etc. fuse P. Frider. *Lib. 1. de processib. extrahendis add. Obrec. Concip. libell. C. 4.* ( ubi n. 4. plerisque locis hodie ex simplici actoris petitione reum citari ) Speckhan. *Cent. 2. Cl. 4. Q. 9. n. 2.* generaliter quidem, ast discrete explicare causam controversiæ inseri debere. Et sine hac, vel sine instantia ac petitione partis, emissa motu iudicis proprio Citatio nullius momenti per *L. 68. v. petat. de judic. L. ult. ibi postulante C. de bon. aut jud. C. 1. v. petisset extr. de judic. auth. qui semel. verbis: reo postulante C. Quom. et quan. jud. ubi Sich. n. 14. et ad L. 2. C. d. t. n. 1. Bover. Sing. 9. n. 1. Maranta h. t. n. 115. Vant. Tit. de nullit. ex def. Citat. n. 44. Gail. 1. *Obs. 50. n. 3. et seqq.* Menoch. 2. *Præsumpt. 23.* ubi an et quando ad instantiam facta præsumatur ) Scaccia 1. *de Judic. 32. n. 12.* Ayer. p. 1. *Cap. 3. Obs. 2. n. 27.* Lanc. Conrad. *de Off. præst. in caus. civil. v. Citatio n. 4.* Frider. 1. *de Process. 1. n. 6.* Ubi n. 8. exceptiones quatuor refert. Et duobus modis hanc regulam extendit, deinde 6. modis limitat Speckhan fusius tractans, *Cent. 2. cl. 4. Q. 8.* quem adi ut et Meland. *Comm. Camer. Part. 2. f. 279.**

19) Qui si non servetur, Citatio nulla veluti si quis Citationem parti per notarium Cameræ non immatriculatum insinuari curet, Meland. *Com. Camer. P. 2. Memb. 17.* post Myns. 1. *Obs. 78.* Tametsi et privato, adeoque ipsi parti Citationem a iudice committi posse censeat Maranta *h. t. n. 44. et seqq.* Monach. *Pract. P. 3. C. 3. n. 4.* Scaccia 1. *de Judic. 45. n. 11.* Ubi n. 8. in Romana Curia ab auditoribus Rotæ dirigi Citationes universis abbatibus etc. clericis et notariis etc. ut quilibet tabellio eas exsequi possit. Cæterum ut hodie valida sit Citatio spectatur ejus tum conceptio. Cujus requisita pertrinsi *supra N. 13.* Quodque debeat fieri in forma solita et clausulis consuetis, juxta stilum Curæ, alias suspecta, vid. Vant. *Tit. de Nullit. ex def. Cit. n. 71. ac seqq.* Ac licet voce etiam viatoris, ad jussum iudicis sferri possit, per *L. 49. §. 1. de rec. arb.* certis tamen casibus scriptura necessaria. Quos 5. recenset Scaccia 1. *de Judic. 33. n. et seqq.* Maranta *h. t. n. 75. et seqq.* et Asin. §. 6. C. 7. Præcipui hic (1) in iudice delegato, ut *h. C. N. 8.* (2) in Citatione ad domum ut *h. C. N. 5.* (3) in persona illustri vel clarissima, *L. quoties 17. C. de dignit. Lib. 12. t. 1.* Scaccia *d. n. 3.* Asin. *d. L. 7. de dignit. Lib. 12. t. 1.* Scaccia *d. n. 3.* Cardinali, Ant. Del Re Mar. *h. t. n. 76.* uti et Episcopo et Cardinali, Ant. Del Re *de Juram. cal. C. 15. n. 381. et seqq.* Hinc Nobiles itemque Doctores scriptis, non verbo vocari debere receptum est. Guido Pap. *Sing. 82. n. 7.* Corset. *Sing. 53.* Tiraq. *de Nobil. C. 20. n. 187.* Hart. Hartm. *Misc. Obs. C. 1. Obs. 4. n. 3.* Rosbach. *Tit. 23. n. 3.* tum expeditio, Quæ continetur insinua-

VII. Persona non quævis idonea, quæ in jus vocetur, ut quidem qui vocatur, cogatur parere. Omnes vocari posunt nisi si quæ excipiantur. Exceptæ sunt autem certæ quædam edicto prætoris de in jus vocando. Et quod de his observare liceat, earum ille duos ordines fecit. Unus est eorum, quos pro tem-

pore in totum vocari vetat. In quo numero excepti magistratus populi Romani qui<sup>20</sup> anni erant: item eos qui necessario aliquo continentur, quo minus id honeste omittere possint: ut sunt: qui uxorem ducit, quæ nubet, qui funus familiare prosequitur, et alii nonnulli, qui enumerantur in<sup>21</sup> L. 2. 3. 4.

tionem, vel ut vulgo executionem, quæ vel ab ipso iudice fit, sed rarius, nec fere nisi iudicio adsit is quem alius citari petit ut h. C. N. 15. vel a viatore, eoque cui iudex commisit. De cuius insinuationis modo et quomodo primum persona perquirenda, ea non inventa quid servandum etc. quia abrupte oportet, remitto ad Gail. 1. Obs. 54. et seqq. Mynsing. 1. Obs. 77. et 2. seqq. Obs. 90. 4. Obs. 54. 5. Obser. 51. et 6. Obs. 10. Meland. Com. Cameral. P. 2. Membr. 17. f. 28t. et seqq. Per Greg. 48. Synt. n. 20. et 2. seqq. Blarer. in L. diffamari C. 6. n. 107. Ayer. Process. P. 1. C. 4. Obs. 2. Lanc. de Attent. P. 2. C. 4. Præfat. n. 103. et seqq. exacte Sigif. Scacc. Lib. 1. de jud. caus. civ. crim. etc. C. 45. et relationem executoris. Cum enim facti sit Citatio regulariter non præsumitur, Menoch. 2. Præsumpt. 21. Monach. Pract. P. 3. C. 7. quo die insinuaverit, quid citatus responderit, per L. 5. §. 1. Quib. ex caus. in poss. Ord. Cam. P. 1. tit. 38. item quem modum executioni secutus sit, an ipsum citaverit reum, an eo perquisito nec invento ad domum etc. De quo fuse Scaccia d. Lib. 1. C. 48. Asin. Praxi §. 9. Marant. h. t. n. 54. et n. 127. Lanc. d. C. 4. Præfat. n. 125. et seqq. Damhuder Praxi civ. C. 63. Et hæc relatio in actis consignanda ut de ea appareat, Gail. 1. Obs. 54. n. 7. Quod tamen et acturarius absente iudice expedire potest, Myns. 6. Obs. 10. n. 10. Scacc. d. C. 48. n. 18. Atque huic relationi nuncii plerumque creditur, cum primis quoad ea quæ ipsi commissæ, haud æque de aliis, ut si dicat citatum in se injurium fuisse et contumeliosum. De quo vid. Tiraq. de Retr. lig. §. 8. Gl. 9. Menoch. Caes. 112. et Adip. poss. Remed. 4. n. 92. et seqq. et 2. Præsumpt. 25. ac seq. Jacob. de Arena Tr. de Bannitis n. 33. Vasq. 2. Contr. usu freq. 24. Gutierrez. Lib. 1. Pract. QQ. 133. n. 10. Blarer. in L. diffamari C. 5. n. 50. et C. 6. n. 106. et seqq. Asin. de Exec. §. 7. C. 279. n. 9. et 10. ac fuse Praxi §. 9. C. 2. et seqq. Gail. 1. Obs. 54. Myns. 6. Obs. 10. Marant. h. t. n. 23. Ayer. Process. p. 1. C. 4. Obs. 2. et alii. In Gallia non credi nisi testes adhibiti, P. Gregor. 48. Synt. 2. n. 8. Ast jure Saxonico Landr. Lib. 2. Art. 8. relatio nuncii vim habet duorum testium, Monach. Pract. P. 3. C. 8. n. 10.

20 ) Secus in perpetuis item municipalibus et minoribus quoque Romanis vid. supra Lib. 17. Cap. 4. n. 24. N. 21. et C. 5. N. 5. Nam et in d. L. 2. vocula cæteros non tam conjunctim quam interpretatur, Charond. de Juris n. 15. Et ratio hujus juris, non in violenta manus injectione olim frequenti, de qua supra ut a Fab. ad d. L. 2. Potuisset enim ipsa vocatio relinqui, restricta illa violentia, sed quia eo tempore nec conveniri possunt ut d. C. 5. n. 8. Idem jus statuit Zas. ad d. L. 2. n. 3. in decurionibus civitatum superiore non profitentium, si ad tempus electi. Aliud autem si, durante licet magistratu, citetur ad diem finiti officii, Zas. ibid. et Costal. Speckhan. Cent. Cl. 4. Q. 7. n. 6. Item si gravior deliquerit in officio ut h. C. 5. N. 5. et fac. Nov. 8. C. 10. N. 86. C. 4. Zas. d. loc. Duar. h. t. C. 3. belle Speckh. d. Q. 7. n. 9. et 10. Moribus nostris quia magistratus fere perpetui, cessat quidem omnimoda exemptio, Duar. d. C. 3. per L. 2. C. Ubi Sen. vel clar. Trentac. Lib. 2. Pr. Resol. Tit. de Citat. Resol. 1. n. 5. Ast venia impetranda ab actore, cum parentum loco sint, Nov. 8. C. 8. et C. 10. §. 2. Fac. L. 2. ibi quoties C. Ubi Senat. vel clar. et per L. 13. h. t. Oldend. Cl. 1. Act. 4. p. 37. Speckhan. Cent. 1. Q. 54. n. 5. Wes. Par. h. t. n. 6. Suedvin. in §. pœnales 21. Inst. de act. n. 44. Diss. A. Fab. ad L. 13. h. t.

21 ) Quia vero d. L. 2. in singulis partibus variantes passa est interpretationes, eas excutere singularem libet. Ait Ulpian. NEC vocari oportet ) Pontificem dum sacra facit. Hunc Accursius et veteres exponunt Episcopum, aut Sacerdotem dum missam canit. Quod ceu a mente auctoris Ulpiani alienum merito notat, Coras. 1. Mis. 10. n. 3. cum Ulpianus capita Christianæ religionis nesciverit, ejusdem infensus hostis, teste Lactant. Lib. 5. Instit. Cap. 41. For-

cat. L. 1. de Gallor. imperio et philos. 1. p. 59. Cujus vestigium extare voluit in L. 1. §. 2. de extr. cogn. Ubi per verbum impostorum ( pro quo Alciat. 2. Pareg. 23. reposuit in posterum nullo sensu, nulla ratione, ait A. Gent. ad T. 4. C. de malef. et mathem. ) item exorcizavit Christianos pestrungi censet Goth. ibid. Duar. L. 1. de SS. Eccles. minist. C. 14. Borch. de Feud. 6. 5. n. 14. Jo. Georg. Gœdelman. Lib. 1. de Magis C. 6. n. 24. Et de cultu gentilium sacrorum Ulpianus loquitur ac Pontificibus Romanis qui sacris et ceremoniis præerant, vid. Cicer. pro domo et 2. de LL. Valer. Lib. 2. C. 2. Halicarn. Lib. 2. Quorum item auctoritas magna in actionibus et judiciis dandis L. 2. §. 6. vers. omnium de O. I. vid. Coras. ad d. §. 6. n. 12. et seqq. Briss. 1. Antiq. ult. Obrecht. de Concip. libell. C. 7. n. 8. et seqq. Qui primitus a Numa Pompilio instituti quatuor eisque præfectus Pontifex Max. cujus officium describit Liv. Lib. 1. add. Plutarch. in Numa postea alii adjecti vid. Coras. d. C. 10. n. 13. Quos Varro 4. de Ling. Lat. a ponte et facie dictos scribit, quia ab illis pons publicus, totus ligneus, et sacer æstimatus, extructus et pluries refectus. Atqui is Tiberi sub Anco Martio, qui 33. annis post Numam regnare cepit, impositus scribitur, Halic. Lib. 3. Quare aut generatim a cura consiciendorum reficiendorumque pontium ea appellatio, quod sacris illi inservirent, et ut qui cis ac trans Tiberim habitarent commodius in templa Deorum convenirent ut ex O. nuph. Panvinio in Civit. Romana f. 129. et seqq. Ellychnius Gottlieb. Lib. 1. de Montib. Pietat Romanens. C. 1. Aut rectius etymon Q. Mutii Scævola teste Fenestrella Lib. 1. a posse et facere, Gilb. Reg. 1. Enant. 28. Forcat. Lib. 6. de Gallorum imperio et philosoph. pag. 866. Non quia maxima eorum potestas, juxta vulgarem sensum verbi facere, ut Coras. d. n. 13. sed quia facere apud Plant. Cic. Virgil. etc. aliosque passim est sacrificare. Sane ex mente Justiniani doctrina Accursii obtinet. Cum et de quibusvis Clericis ita cautum sit L. omnes 33. pr. L. de Episc. et Cler. etc. Hinc Lib. 2. Paratitlor. antiquor. edit. a Leunclav. ita citatur hæc lex: In jus vocare Sacerdotem non oportet, dum sacerdotale munus obit. etc. Nec eos qui propter loci religionem se movere non possunt. Ita et legitur d. Lib. 2. Paratit. tit. 2. Etsi Rævar. 1. Var. 6. legat. semoveri intelligens eos qui ad aras Deorum vel asylum confugiunt. Unde loci religione semoveri, id est, inviti adduci et in jus rapi nequeant, Cic. Orat. pro domo Plant. Rudente Act. 3. Sc. 2. Sed notatur a Cujac. d. 13. Obs. 29. ( cujus rationes percenset Goth. ad d. L. 2. ) et Elb. Leonin. Lib. 1. Emend. C. 20. n. 2. et 3. Quia, ait, etsi asyla fuerunt perfugia ad securitatem, non tamen hic de ea agitur delinquentium securitate, qui ad poenam evitandam aram asylumve occupant, sed qui ob religionis dedicationem commorari loco aliquo tenentur ut olim Flamines Diales, Virgines Vestales et qui sacerdotium ita nati ut discedere nequeant ut L. 13. de muner. Qui nec si velint inde abire possunt, cum qui ad asylum confugerunt, possunt. Et de Vestalibus quoque Ulpianum exaudit Zas. ad d. L. 2. n. 13. et in Par. h. t. n. 4. qui et templorum custodes intelligi posse, de quibus L. annua 20. §. 1. de ann. leg. Marcus Lycklama 7. Membran. 22. de talibus exponit quales apud Gallos etiamnum tempore Ulpiani Druidæ fuerint, propter memorum, lucorumque quos incolébant religionem. Marq. Freher. 2. parerg. 18. nullos alios intelligi quam qui sacris intererant. Quibus ante discedere fas non erat, quam ceremoniis omnibus peractis sacerdos succlamaret illud I. Li-CET. De quo coler Taubman. Epidico plauti 5. Ss. 2. Quod placet Eberhardo Spekan. Cent. 2. Cl. 4. Q. 5. n. 7. displicet Leonino d. C. 20. num. 4. quod Ulpianus separatim duobus articulis tractet de sacra faciente, et iis qui loco se movere nequeant. Quodque loquatur de iis qui perpetuo excusantur. Accedit quod hæc L. tota non ad locum relata, unde vocari invitum non licet, alias addidisset Ulpianus nec de domo sua; sed tractat de personis et tempore quo non licet, Cujac. d. C. 29. Accurs. et DD. antiqui

4. *D. de in jus. voc.* quibus in locis et de toto hoc ordine comprehensum est. Alter 22

ordo est eorum, quos concedit quidem in jus vocari, sed non aliter quam permissu suo:

Monachos et Eremitas exponunt. Quibus suffragatur *Synopsis Basilic. Lib. 7. tit. 8.* ubi Græc. verbum *αναχωρεῖν*: unde Anachoreta Speckhan. *d. Q. 5. n. 5.* itemque Græc. scholion quod refert Leunclav. *Lib. 2. Notat. C. 9.* Neque hoc inconveniens menti Justiniani, cum his monachorum causas, non nisi per abbates apud episcopos agitari velit *Nov. 79. C. 1.* ideoque ipsi Monachi non citandi. Nec dicendum hæc verba Tribonianum esse ut Duar. *h. t. C. 3.* de monachis idem accipiens. *Sed nec eum qui equo publico in causa publica transvehatur.* Quis hic? Accurs. et congeneres præconem interpretantur missum ut publice decreta prociat, Unde Bart. *hic n.* se vigore hujus legis præconem ob æs alienum captum liberasse. Budæ. et Zas. *hic n. 16.* ac Arn. ab Haersolte *Act. 8. n. 10. et seq.* Transvectionem equitum intelligit a Fabio Max. institutam, quæ fiebat Idibus Julii per Urbem, de qua Liv. *Lib. 9. in fi. Valer. Lib. 2. C. 2.* Trabeatos ait, equites Idibus Julii Q. Fabius transvehi instituit. Et paulo post equitum probationem vocat. Quam transvectionem Augustus diu intermissam reduxit, nec detrahi quæquam in transvehendo ab accusatore passus est, Sueton. *in Octav. C. 38.* Hæc cum fieret ab æde Honoris vel, ut alii, Castoris, in Capitolium, Plin. vel Cornel. Nepos *Lib. de Viris illustr. et Halic. μουσὴν τὴν ἐχόντων δημοσίων ἱερῶν* vocans inde Ræv. *2. Var. 15.* et Cujac. *13. Obs. 29.* ac 21. *Obs. 9. et ad L. 48. de V. S.* pro in causa publica reponunt in Capitolium. Et notis deceptum Tribon. putat Rævardus dum scriptum ita IN CAP. accepit ac si esset IN CA. P. Hot. *Obs. 21.* legit: in censu publice ad eam transvectionem referens, de qua Plutarch. in Pompejo et Fest. *Lib. 3. et 8.* cum ad Censores in foro curuli insidentes Equites Romani post militiæ stipendia transirent, rationem militiæ, quibus sub ducibus meruerint, curatiois item equorum illis reddentes. Unde censebantur, et si quis equum parum nitidum habere visus erat, impolitæ notebatur Agell. *4. Noct. 12.* Sed hos notat ac receptam scripturam tueretur Perrenon. *1. Animadv. 17.* Et immo tempore Ulpiani utraque illa transvectio exoleverat. Quin diu ante equitibus non equus de publico amplius præstatur, uti primitus equitum nomen in turmis equorum publicorum subsistebat, Plin. *Lib. 33. C. 1.* sed proprio, majore in pecunia stipendio accepto, vehebantur, Coras. *1. Misc. 11. n. 3.* Qui de veredario locum accipit, quem Cic. pro Quintio voluere nuncium, vulgo *einen Postreiter* vocamus. Nam et olim equi sumptu publico alebantur, ut si quid subiti negotii incidisset, illis subinde mutatis, cito nuncius vheretur. Qui equi veredi dicti *L. ultim. §. 21. de muner. Coras. d. loc. n. 4.* Et ita quoque Myusing. in *Addit. ad Zas. hic lit. B.* et Hennequin. in *not. ad Accursium hic* Et convenit versio Græca *τὸν διὰ δημοσίων ἵππων ὁδωσιν* Ac confirmat Parlat. *2. Rer. Quotid. 19. n. 4. ex tit. Cod. de Cursu publ. Lib. 12. t. 51.* Legibus enim cautum erat ne cui iter facere fas esset, sine evocationis diplomate, seu Principis permissu ut *d. tit. passim.* Cuiusmodi codicilli denotantur per diploma in *L. 137. §. 2. de V. O. ut Don. ibid. n. 10.* et huc accommodat Speckhan. *Cent. 2. Cl. 4. Q. 6. n. 5.* Recte Marq. Freher. *2. Paregr. 18. Leonin. 1. Emend. 20. n. 6. et 9.* Transvectionem hanc latius accipiunt de omni, qui ob publicam causam equo publico; seu veredo velitur, magistratus sit, an privatus; civis an peregrinus; et legatus forte vel evocatus; sive evocatus ad Principem iter faciat, sive ab eo dimissus discesserit. Sive ex causa reconoscendi exercitus sive alia quacunque publica. Neque enim solemnitatem transvectionis respicit Ulpianus sed ex generali ratione generaliter definit. Neque tam equus ipse hic præbet excusationem, quam causa publica, cui is subservit. Unde quin idem ad recensitionem et recognitionem equitum ad militiam hodie frequentatam, vulgo die *Masterung*, trahi possit vix dubium est, Old. *Cl. 1. Act. 4. p. 38.* Confer de equo publico Sigon. *2. Emend. 68. Nec qui uxorem ducat aut eam que nubat.* Neque enim in ea festività vexari et molestari convenit, Old. *d. Act. 4. pag. 38.* Hinc nostri, nec eum qui Doctræ insignibus decoratur durante pompa, Zas. *hic in Par. h. t. n. 6.* Rosbach. *Process. tit. 6. n. 9.* Monach. *p. 3. C. 3. n. 13.* Quid in iis qui Nuptiis intersunt? Sicut qui nec hos posse citari arg. *L. 3. h. t. ut quod ibi commisseratio, hic communio gaudii* efficiat,

Illico Umm. *Disp. Process. 5. Th. 6. n. 29.* Puto necessitatem statim sequendi ad iudicem his merito remitti. Ast quin denunciari vel inter epulas possit, ut ad alium diem se iudicio sistant vix est quod impediatur, etsi novi nupti ab hoc quoque immunes sint. *Nec dum quis apud Prætores, causam agit,* nisi ad majus auditorium vocetur, per *L. 54. §. 1. de re jud.* id est, ad prætorium Principis, (etsi aliter exponat Donellus in *Commentar. ejusd. L. 54. §. 1.* Confer. Gu. Pap. *Q. 276.* Et hunc necessitas excusat *L. 4. pr. h. tit.* Unde Bart. et alii hoc ad carceratum extendunt et Cujac. *7. Obs. 16.* ac Gædd. *ad L. 48. de V. S. n. 1.* compeditum ac vinctum nec sequi nec duci posse antequam solvatur. Sane ex hac causa restitutio in integrum datur, vid. *supra Lib. 21. C. 5. n. 13; N. 8.* Ast citari posse ut Procuratorem mittat vult Jas. in *d. L. 2. n. 10.* Vide sis Coler. *ad C. 1. etc. dilecti 8. de Excep. n. 33.* Neque funus ducentem familiare justave mortuo facientem. Hic quoque Accursius fluctuat, notans aliis libris legi *justa* exponens obsequia: ut lavare corpus, aliis *busta*, id est, combustiones, quasi vestigium hic sit moris comburendi cadavera. Sed recte *justa* hic et *L. 20. §. 1. de acq. her. Zas. in d. L. 2. n. 38.* Quo significantur exsequiæ et funerum ritus, Coras. *1. Misc. 12.* Jac. Concenat. *Lib. 2. Q. C. 9. n. 41.* Operationes item, ac feriæ denicales Cujac. *13. Ob. 29.* (qui et apud Ovid. *4. Trist.* et Statium *Lib. 6.* pro *busta* *justa* reponit. Quod tamen necesse non est.) Hinc funesta familia a tempore mortis *L. 28. §. ult. de stip. serv.* ubi Goth. Varr. *4. de Ling. Lat. Cujac. 6. Observ. 31.* De quibus exsequiis, parentibus et festis feralibus consulat harum rerum avidus præter citatos *supra Lib. 4. C. 1. N. 4. et seq.* Coras. *d. C. 12. Ræv. 5. Var. 3.* Chassanæ. *Catal. gloriæ mundi pag. 2. Consid. 5. et seq. P. Vanderan. de Privileg. credit. O. 3. Lipis. 1. Elect. 6. Marq. Freher. 1. Pareg. 23.* Turneb. in *2. Cic. de LL. Goth. ad Pragm. 12 tab. Jo. Meurl. Lib. sing. de funere Jo. Kirchmann. Lib. 4. de Funeribus.* Plane a Novendialibus feriis, dictis non tam quod novem dies celebrarentur, quam quod nono post mortem die completis ad tumulum solemnibus funeri finis fieret, Kirchm. *Lib. 4. de Funer. C. 1.* ortum idem traxisse putat, quod heredes et propinqui intra 9. dies inquietari et in iudicium vocari vetantur. *Nov. 115. C. C. 5.* ubi Goth. *Zas. ad d. L. 2. n. 34.* Quorum in locum moribus patrii suffecti 30 dies iuxta gl. Landr. *Lib. 1. Art. 22.* Qua de re post alios And. Scheffler. *Q. pract. 3. p. 1.* istud declarans et restringens, quem adi. In Gallia 40 dies teste Chassanæ, *d. Consid. 5.* Sicuti et Græci hodie ceu ex *Turco-Grecia* Martin. Crusii refert Phil. Camerar. *1. Op. succisiv. 10.* trina recordatione mortuius iusta persolvunt. Tertia die, qua faciei agnitio perditur: Nona qua totum corpus diluunt præter cor, et Quadragesima qua ipsum cor perit. Alii autem respici eo volunt ad Servatoris Resurrectionem, Apparitionem et Adscensionem etc. *Vel qui cadaver prosequuntur L. 3. h. tit.* id est, qui funus comitantur, ut recte Bart. et Old. *Cl. 1. Act. 4. p. 38.* etsi diss. Coras. *1. Misc. 12. n. 8.* quia *Nov. 115. C. 5.* de solis consanguineis loquitur. Sed longe alia ratio. Hic de vocatione sermo est ipso tempore quo fiunt exsequiæ, unde advocari quemcunque incivile est. Quo facit quod Ræv. *ad L. 138. de R. I.* differre hæc: Facit, ait, funus qui indictum pompa funebri præcedente ducit. Iuxta facit qui sacrificio rite peracto glebam injicit: Exsequitur funus, seu exsequias frequentat, qui cadaver, seu funus sequitur. Cæterum *d. L. 3.* refellit putandæ *cadavera* tantum dici bestiarum, non hominum. vid. Joseph. Castalio *Decade 10. Observ. in Criticos C. 8.* Subditur *L. 4. h. tit. Nec furiosos vel infantes.* Sed eorum tutores vel curatores Pupillus major infante etsi ipse citari possit, non tamen solus sed cum tutore, et si is desit, conjuncti citandi. De quo vid. Tirag. *de Retr. lignag. §. 1. gl. 13. n. 16.* et seq. Puiel. *ad L. 1. C. de bon. mat. p. 2. n. 67.* Mins. *2. Obs. 35.* A. Fab. *C. suo h. t. defin. 3.* In his autem qui iure civili vocari velantur quia pœna *LL. definita* non est qui iure civili vocari prætorio in *N. seq. Iudex* pro arbitrio eam statuit, Haersolte in *Adversariis Act. 29. n. 12.* Sneider. *in §. pœnales 12 I. de Act. n. 34.* Old. *Cl. 1. Act. 4.*

22) Quod jus cum in multis dubielates habeat, strictim exponemus. Generaliter autem sine venia non vocandi qui-bus reverentia præstanda est *L. generaliter 13 h. tit.* Hoc



suo: quo in numero habet parentem, patronum, patronam, liberos, parentes patroni

patronæve, de quibus in L. 4. et seqq. D. de in jus voc. Adde et alios nonnullos, de qui-

antem nec nimis late accipi convenit de quibuscumque honorariis. Quomodo Tiracq. *Præfat. de Iure primig.* n. 108. nec senes ita vocari juxta *Gl. d. L. 13.* Nec nimis stricte de ea reverentia quæ juris necessitate debetur ut Duar. *ad h. t. C. 4.* Sed quæ naturali ratione debetur L. 3 C. h. t. non communi aliqua, ex qua senibus honor habendus, de quo præter alios A. de Guev. *Horol. Principl. Lib. 3. C. 19.* et Beust. *ad L. 15 de jurej. n. 13* sed propria et cui peculiari ex causa conjunctionis, necessitudinis et beneficii accepti inter vocantem vocatumque locus est. Tales sunt (1). Parentes veri, L. 4 §. 1 utriusque sexus d. L. 4 §. 1 D. L. 3 C. h. t. etiam naturales L. 6 ut mater quæ vulgo concepit L. 4 §. ult. L. 5. et pater qui in servitute susceptus, libertate donatus d. §. ult. cuiuscunque gradus, cum parentes dicantur ascendentes in infinitum d. L. 4 §. 2 L. 10 §. 9 h. t. etsi usque ad tritavum proprio vocabulo nominentur et ulteriores majores appellentur L. 10 §. 7 de gradib. Ubi vocabulum proprio non opponitur improprio quasi ultiores improprie parentes, sed communi ut idem significet quod speciale. Quasi dicat veri quidem sunt parentes et hi ultiores sed speciali nomine carent, quo tamen inferiores et ab illis et a se invicem distinguuntur Walther. 1 *Alisc. 10 Connan. 10 Comm. 1 n. 4.* Pac. 1 Q. 63 Hennequin. *in not. ad Accurs. d. §. 7 Val. Guil. Forst. 1. Obs. succis. C. 8 Gerd. ad L. 51. de P. S. n. 3 et ad L. 56 §. 1 n. 7* Nec dicendum Jurisconsultis non convenisse, et discrimen d. §. 7 ex sententia Cassii d. §. 2. d. §. 9 sublatum esse ut Val. Forst 4 de Success. intest. 2. n. 9. Sane, ut nunc est ætas hominum vix est ut quisquam tritavum videat, nedum remotionem. Atque hoc non ex potestatis jure descendit, sed ex obsequio et honore jure naturæ debito L. 2. de Just. et Jur. Cujac. 10 *Obs. 10.* Unde filio semper honesta et sancta persona patris L. 9. de obseq. par. ut et matris, cui pietas æqua debetur L. 4 de Cur. fur. L. 7 ult. unde lib. L. 1 §. 1 et 2 de obseq. par. Merito cum et Aristot. 9 *Ethic. 2* parentibus exhibendum τρυφήν καὶ ἀγάπην Θεοῦ. Qui ut Plato *Dial. 11* de LL. Deorum simulacra; ut Hierocles *Lib. de Offic. liberor.* Deorum imagines certissimas, *εἰκόνες θεοῦ ἑαυτῶν.* Et ut Cicero *pro Plancio.* Parens non multo secus liberis, quam DEUS. Unde apud Pisidas iis cœu Diis filii libabant ut ex Stobæo C. 42 et C. 77 refert Fortier. 1 *Select. 15* vid. Henr. Steph. *in Jur. Civ. fontibus et rivis pag. 12 et seqq.* Gruter. *Discus. ad Tacit. Par. 1* et ex eo Joan. Weitz. *in not. ad Adelph. Terentii Act. 1. Sc. 1.* Etsi vero filiofamilias jure magis potestatis quam præcepto prætoris vocare non possint L. 8 pr. D. L. 3. al. ult. C. h. t. male tamen sentiunt qui edictum hoc pertinere ad solos emancipatos, quasi de iis qui in potestate nulla sit questio, quia inter eos et parentes nulla lis. Mudæ *ad §. pœnales 12. I. de Act. n. 17.* Hot. *ibid. Enunc. 3.* Duar. *h. t. C. 4. Don. ad Rub. C. h. t. n. 15.* Speckhan *Cent. 2. Cl. 4. Q. 12. n. 11.* Nam immo et ad filiofamilias pertinet, non tantum si de castrensis experiri velint d. L. 8 pr. in quibus sunt pro emancipatis; pietatis autem ratio in parentes etiam militi constare debet L. 1 pr. de obseq. par. Sed et quoties de adventitiis illis jure actio contra patrem (ex manifesta scilicet dissipatione ut rationem reddat vel administrationem dimittat, Gerd. *de Contr. stip. L. 7 n. 50.*) Oldend. *Cl. 1 A. 4 Q. 4.* Quibus item casibus liberis non quidem actio vera civilis, sed imploratio judicii officii contra parentes qui in potestate habent, (ut cum dos vel alimenta petuntur, vid. supra L. 12 C. 4 *N. 7 et seqq. N. 1 et seqq.*) venia magistratus impetrata suppliciter rogatio sit, ut Bodin. 1 *de Rep. 4 n. 25.* Et quicunque tandem sint casus quibus filiofamilias in parentem petitio quæcunque de quibus Old. *d. Act. 4 in Practica pag. 41* etsi in ea non sit loco patrisfamilias veniæ petitio necessaria Gilken. *ad L. ult. C. h. t. n. 5.* Cujac. 10. *Obs. 10.* Ut si nomine alieno agat. Nam cum cœu procurator filius agit contra patrem, quia id voluntarium officium, veniam petendam vult Mudæ. *d. loc. n. 20.* Atque et filiofamilias Procurator dari potest L. 8. *in fin. pr. de Procur.* Et ita Coras. *ad d. §. 12. n. 9.* filiofamilias, quidem tutorem officii necessitate excusare L. 16. *h. t.* non autem Procuratorem filiofamilias quia invitus non datur. Denique si filiofamilias de facto sine venia in jus patrem vocet, etiam cum nulla illi actio, quidni, uti reverentia laesa est, ita pœnæ locus. Etsi id negat Lorient. *de Jur.*

*arte Tr. 3 de Consanguin. Ax. 32* quod vocatio nulla nullo operetur effectum et Mudæ. *d. n. 17.* quia ex actu nullo non committatur pœna, nisi ubi L. factum notat L. 13 §. 4 de his qui not. inf. At immo, hic L. notat factum ipsum. Et vocatio quoque talis ab emancipato facta jure nulla est, et quæcunque contra edicti prohibitionem Petr. Barbosa *ad L. alia 14 ipsi 15 §. eleganter 1 Sol. matr. n. 3.* Nec nullitate actus pœna vitatur, si is in delictum incidat L. 1. *vio. C. de sep. viol. etc.* Potestque pater et pœnam exigere et judicium nullum dicere, Gilken. post alios *ad L. ult. C. h. t. n. 4* Licet Bover. *sing. 9 n. 4* Citationem qualitatē personæ expressa nullam esse, secus vero non expresso vitio. Quanvis autem in hoc filiofamilias pœnæ 50 aureorum locus non sit, (nisi tantum forte in castrensis habeat, iisve in quæ patri nihil juris,) ne alias vel ipsum patrem pœna teneat, vel elusoria sit, si pater pro filio sibimet solvere teneretur, quin tamen ob irreverentiam istam quasi inofficiosus castigari possit vix ambigendum arg. L. ult. *hoc tit.* (2) Parentes adoptivi L. 7 h. t. Duar. *ad hoc tit. C. 4* Cujac. 10 *Obs. 10* etsi extraneus sit, qui in potestate adoptatum non habet ut recte, contra quosdam Forster. 5 *de Success. intest. n. 11. et 3 seqq.* et Oldend. *Cl. 1. Act. 4 pag. 36* non autem ejusdem parentes d. L. 7. ubi ratio. (3) Qui loco parentis ut vitricus et Noværa. Quam nec mortuo marito a privigno, sine venia posse vocari contendit Cacheran. *Decis. 31* multis hanc questionem tractans, subjicit tamen Senatuum Pedemontanum contra pronunciasse ex communi opinione, quam post. Eman. Soarez. sequitur Vult. 1 *Disc. 1 sub fin. et Fachinæ. 10 Contr. 88 et de vitrico loquens Pruckman. Vol. 1 Cons. 42 n. 17.* Ac sane furti actione vitricum et noværam teneri cautum est L. 3 L. 11. L. de furt. Pro Cacherano tamen cui Curt. Jun. ut et Fulgos. ac Zas. *ad L. 1 C. h. t. ref. Gilken. ibid. n. 7* consentiunt et Oldend. *Cl. 1. Act. 4 Q. 4 n. 6* est ratio generalis d. L. 13 præsertim stante matrimonio. Sed nec si nomen affinitatis interierit, mortua persona per quam contracta est, vis omnis divellitur, quod ad reverentiam jura spectat. Tametsi Gilken. *in d. L. 1 n. 8 et seq.* distinguit inter noværam quam stante solum matrimonio ita vocari negat, et vitricum quem semper posse asserit, eo quod dignitas viri ad uxorem transeat, non contra. Quæ ratio parum apta. Sic et Soper ac Socrus etiam dissoluta affinitate, per L. 15 §. ult. L. 16 *Sol. matr. Sneydvin. in §. pœnales 12 Inst. I. de act. n. 40* Rosbach. *tit. 22 n. 9* Oldend. *d. n. 6* et in tabula actionum p. 1148. Rosacorb. *Pract. forens. Cap. 49.* Ant. Del Re *de Juram. calum. Cap. 15 n. 78.* Pater spiritualis, seu sacri fontis ut volunt Bover. *Sing. 9 n. 3.* Hipp. Riminald. *in L. ut vim 3 de Just. et jure n. 261.* Sneydvin. *in d. §. 12 n. 42.* Thadæ. Piso Soac. *ibid. n. 8.* Ant. Del Re *de Juram. calum. Cap. 15 n. 74.* Bargal. *4 de Dolo 3 n. 15* et 12 rationibus firmat Speckhan. *Cent. 1 Q. 52.* Quod jure Canonico nimium huic cognationi tribuenti obtentu facile. Quin et de Parochis ac presbyteris, quos Patres jure Pontificio passim vocari legimus, idem adstruere tentat Jas. *in L. 13 h. t. n. 3* cœu refert ac reprobatur Ilco Umuius *Disp. Process. 5 Th. 7 n. 33.* Item patria, quæ loco parentis L. 1 §. 15. *de ventr. in poss. mitt.* Sneydvin. *in d. §. 12 n. 44.* Arn. ab Haersolte *Act. 9 n. 14.* Myns. 4. *Obs. 92 n. 5.* Ant. Del Re *d. Cap. 15 n. 80.* Speckhan. *Cent. 1 Q. 53.* Patria enim major parens ut Varro et Cic. 1 *de Republ.* communis omnium parens Cic. *de Orat.* parens antiquissima ac sanctissima idem g. *ad Attic. Epist.* cui major quam parenti debetur gratia idem 1 *de Rep.* cui totos nos dedere et in qua nostra omnia ponere ac quasi conservare debemus, idem 2. *de LL.* Et ut Plato *in Critone* μητρός τε καὶ πατρός καὶ τῶν ἄλλων προγόνων ἀπάντων σπουδαιότερον ἴσθι πατρί καὶ σμενότερον, καὶ ἀγιώτερον Fac. L. 2. *de Just. et jur. L. 101 Cap. pr. de L. 3. L. 35 de Relig. et sumpt. fun. Conf. Fr. Patrit. Lib. 6. de Regno et Regis inst. T. 5. P. Greg. Lib. 39. Syntax Art. mirab. Cap. 32.* Henr. Steph. *in Jur. civ. font. et rivis pag. 25 et seq.* Christ. Coler. *Parer. Cap. 34.* Vasq. 1 *Ill. Contr. 16 n. 14. et seq.* Tiracq. *L. Connub. 7 n. 65 ac seq.* et Princeps, Alex. *in 13 h. t. Carboni. Pract. Lib. 3 C. 4 n. 15* cui a subdito summam reverentiam deberi juris necessitate quis neget. Curiosæ diligentie foret locus ex sacris, aliisque auctoribus congerere. Et Princeps bonus pater patriæ; ac omnium communis Speckhan. 1. Q. 55 n. 22. Faciant quæ in simili Gail. 1 *Obs. 88 n. 8.* Chas-

quibus est in L. 1. et 2. C. eod. excipiendi istos ratio hæc fuit, quia vocati si cotemne-  
Tom. VI.

rent, in jus duci poterant, etiam inviti, de qua ductione mox dicetur. Hæc ductio non-  
nul-

sane. *Catal. gloriæ Mundi P. 5 Consid. 24 n. 117* et Magistratus majores, ut not. tit. præced. ac Fiscus Myns. 5 obs. 92 n. 5 per L. bene a Zenone ibi nisi ex nostra jussione Cod. de quadr. præsc. Speckhan. Cent. 1 Q. 55 n. 20. et seq. Ant. Del Re d. Cap. 15 n. 81 et seq. Denique (de domino feudi post dicitur) Præceptor. Quem etsi sine venia impune vocari velit Duar. h. t. Cap. 4 quod non necessitate legis ei reverentia præstetur, sed suasu honestatis. Etsi idem DD. communiter teste Suedvin. in d. §. 12 n. 4 inter verbalem quæ deunciatione, et realem quæ prehensione sit, citationem distinguant, et sequitur Speckhan. Cent. 1 Q. 53 n. 12. et seq. Alii tamen non temere contra nituntur Menoch. Arb. Casu 500. Gomez. in Tauri 83 et finalem n. 17. Rebuff. Privil. scholar. 70. Rosbach. Process. tit. 22 n. 12. Halbritter. Orat. de privileg. Doctorum pag. 343. Nam parenti adiungitur §. 5 Inst. Quib. ex cay. manum. et Parens alter vocatur ab Imperatore Alexandro Ulpianus L. 4 C. Locati, et Ausonius a Theodosio; ac dicitur filios erudire L. 1 C. de excusat. artif. Lib. 10 tit. 64. Unde Jovenal. Sat. 7.

*Di majorum umbris tenemus et sine pondere terram  
Spirantesque croces, et in urna perpetuum ver,  
Qui præceptorum sancti voluere parentis  
esse loco . . . . .*

Parents mentis. qui non esse, sed bene esse tribuit; quod de Aristotele prædicabat Alexander Magnus, qui meliorem reddit L. 27 de donat. quem ingratus est qui non inter gratissimas necessitudines diligit. Senec. 6 de Benef. 16. Confer. Zoan. Defens. tripart. P. 1 n. 87 et seqq. Thomas Sagittar. Exerc. Ethic. exoter. 3 Th. 5 pag. 69 ubi tamen eos qui majorem huic quam ipsi parenti honoris cultum debere volunt argute refellit (4) Patronus et patrona L. 4 §. 1 D. L. 2 C. h. t. §. ult. Inst. de pær. tem. litig. ejus persona sancta liberto L. 9 de obseq. par. sive vere sit, sive jure habeatur, ex sententia vel iurejurando L. 8 §. 1. etsi qui juravit non sit patronus quoad successorem L. 14 de iure patron. Ant. Fab. ad d. §. 1. Speckhan. Cent. 2. Cl. 4. Q. 11 n. 4 collusione detecta d. §. 1. sive sponte manumisit, sive necessitate, ex lege venditionis, L. 10 pr. et §. 1 caussa fideicommissi L. 9. Ac etsi communis plurimum libertus L. 23. h. t. Civitatis tamen libertus singulos cives in jus vocat L. 10 §. 4. h. per L. 6 §. 1. de reg. diu. Old. Cl. 1. Act. 4. p. 37. Losæ. de Jure universit. p. 1. C. 1. n. 21. Speckh. d. Q. 11 n. 25. Etsi jus annulorum accepit L. 10 §. 3. L. ult. de jur. iur. ann. vid. supra Lib. 2 C. 10 n. 11. Etsi patronus capite minutus, vel etiam libertus arrogatus per obreptionem d. L. 10 §. 2. idest, relata conditione libertinitatis A. Fab. ibid. Denique etsi alieno nomine vocetur, de quo, quia commune videtur, inferius. Excipitur. Nisi pro patrono non habeatur, veluti (1) ex sententia vel iurejurando. L. 8 §. 1. h. (2) Si ad iusjurandum libertum adigit, quo viduitatem sibi indiceret L. 8 §. ult. h. L. 15. de jur. patr. perpetuum scilicet, secus si usque ad pubertatem liberorum L. pen. Qui et a quib. man. Speckhan. d. Q. 11 n. 22 (3) Si prostituta liberta contra legem venditionis certo casu, ut L. 10 §. 1. h. ubi vid. A. Fab. (4) Si natalibus Principes restituit L. 10 §. 3. h. vid. supra Lib. 2 C. 10 n. 6 et seqq. N. 8 et n. 11 ibid. (5) Si patronus deportatus L. 10 §. 6 ita scilicet ut bonorum possessio non pateretur ut L. 14 §. ult. de interd. et releg. ut questionis locus sit, Ant. Fab. ad d. §. 6 (5) Personæ conjunctæ patrono: ut Parentes L. 4 §. 1. utriusque sexus L. 10 §. 5 etiam adoptivi L. 10 §. 7 cui non obstat. L. 7 quæ est de parentibus naturalibus patris adoptivi d. §. 7 vero de adoptivis veri patris, dum durat adoptio d. §. 7 quia vinculum hoc reverentia civilis est, Ant. Fab. ibid. liberi L. 4 §. 1 utriusque sexus L. 10 §. 5 et ultra trinepotem L. 10 §. 9 h. etiam in adoptionem alii datus filius, et nepos ex eo L. 10 §. 8 non tamen adoptatus a filio emancipato; ibid. ubi vid. Ant. Fab. Speckhan. d. Q. 11 n. 13. Ac et si qui patroni, idem libertæ in jus vocantur filius L. 10 §. 10. Cui reverentiam debet mater, non ut suo, sed ut patroni filio. Etiam in casu quo patronus ipse vocari potest, ubi filius innocens L. 8 §. ult. h. vid. supra Lib. 2 Cap. 19 n. 6 N. 5. Exceptio; Nisi capitis accusaverint vel in servitutem petierint libertum L. 10 §. 11. et heredes etiam ex-

tranei L. 1. C. h. tit. Heredi enim extraneo patroni debetur reverentia, L. pen. C. de libert. et eor. lib. quanvis heres extraneus liberti eam patrono non debeat L. heres 8. de obseq. par. Cuj. 10. Obs. 10. sub. fin. Nec solum si de re hereditaria agatur, ut Fulgos. et Dec. in d. L. 2. sed indistincte quia L. absolute concepta post Cyn. et Alc. in d. L. 2. Gilken. ibid. n. 3. denique uxor, patroni L. 1. C. h. t. et maritus eadem ratione. Quia quem patrona colit, libertus quoque reveretur oportet. Diss. Accurs. in d. L. 1. per L. liberti 10. C. de op. lib. quæ tamen de operis loquens ad reverentiam non est porrigenda, alias hæc nec heredi non suo deberetur Cujac. 10. Obs. 10. Speckhan. d. Q. 11 n. 10. Secus vero in tutore et curatore, item defensore actoreve patroni L. 10 §. ult. quia personæ debetur honos non negotiis Ant. Fab. ibid. Nisi actor sit collegi, ejus libertus est d. L. 10 §. 4. Atque hi omnes nec a liberis liberti impune vocantur L. 2. C. h. tit. Fac. L. ult. C. de libert. et eor. lib. Quæ de libertis sancita, ad colonos censitos transfert Oldend. Cl. 1. Act. 4. p. 37. et actionum pag. 1148. quos villa cui adscripti dimisit dominus. Ad rusticos sane eos qui homines proprii usurpantur referri commodè possunt (arg. cor. quæ Blarer. in L. diffamari Cap. 2. n. 23.) Las. 1. Sing. Resp. 3. n. 84. Quanvis vero a liberto ad vasallum hant firma illatio sit, cum et illius beneficium acceptum longe majus, indeque vinculum reverentiæ actius, et mutua fide dominus quoque vasallo teneatur Myns. 4. Obs. 91. Speckhan. Cent. 1. Q. 55. n. 9. et seqq. Nicol. Intrigliol. de Feud. Q. 58. n. 11. et seqq. Fachin. 10. Contr. 89. Recte tamen dicemus quod (6) Dominus feudi, vocari non debeat sine venia. Licet quidam indistincte contra nitantur, Mynsing. 4. Obs. 92. Gail. de Pignorat. Obs. 15. n. 4. testantes usu Camera opinionem eam probatam esse. Quam et sequuntur Fachin. d. Cap. 90. Bronch. 2. Misc. Ass. 90. Afflict. Decis. 265. n. 36. Ant. Del Re de Juram. calum. C. 15. n. 76. Intrigliol. d. Q. 58. n. 21. Colthman. Jur. Resp. 50. n. 15. receptorem eam vocans, ut et Suedvin ad §. 12. Inst. de act. n. 45. alique quos laudat Vult. 1. Disc. 1. sub. fin. et Speckhan. Cent. 1. Q. 55. n. 8. Licet item alii inter dominum feudi solum, et qui una territorii dominus, cui vasallus etiam ut subditus subest, distinguant, Arn. de Reig. Addit. ad d. Observ. 92. alii inter Principem et inferiorem a Principe, quos citat Speckhan. d. Q. 55 n. 19. ratione eorum percensens, quæ tamen eo directæ solum ut propter Principem vocari non posse, non autem alium posse. Alii inter litem de ipso feudo et de re alia Alc. in L. 1. C. h. t. n. 3. Nam etsi pro affirmativa non faciat equalitas liberti et vasalli, sæpe non procedens: ast facit omnino ratio reverentia præstandæ L. 13. h. t. et quidem juris necessitate 2. Feud. 22 ibi salsa reverentia. Ac iurejurando fidelitatis continetur, quod nihil facturum sit contra honorem domini 2. Feud. 7. Rationemque publicæ honestatis non habent qui diversum sentiunt, ait Oldend. Cl. 1. Act. 4. pag. 37. Consentiant Wessend. Par. h. tit. n. 6. Speculat. Jas. et alii citati a Vult. d. Cap. 1. et a Rosbach. Process. tit. 22 n. 13. Guid. Pap. Q. 55 n. 1. Ac etsi Hartm. Hartm. Tit. 54 Obs. 44. posse vocari dominum sine venia, modo vasallus utatur verbis honestis, tamen in addit. Hart. junior subdit in Camera veniam peti, idemque processibus inseri debere, itaque judicatum esse. Tulliusque ac honestius esse fatetur, Vult. d. C. 2 sub fi. si agendi venia prius petatur. Stilm denique curiæ hic sequendum monet Ritterskus. Partit. feud. Lib. 2. Cap. 1. Q. 15. recte statuens ut sit, ex caussa hac feudum non committi (7) Maritus per L. 14 §. ult. Sol. matr. L. 1 §. 7. de rei ux. act. junct. L. 13. h. t. Cujac. 10. Ob. 10. Bodin. 1. de Rep. 5. n. 19 P. Barbosa ad L. maritum si ipsi 12 et seq. Sol. matr. in 64. Tiraq. L. Connub. 1. n. 4. dissentire referens Alex. in d. L. 13. Uxorem autem a marito posse Barbosa d. loc. et Cui. d. 10. Obser. 10. Contra Illico Ummius Disput. Process. 5 Th. 7 n. 38 tum quia actio famosa adversus eam cessat L. 2. Rer. amot. tum quod reverentia mutua sit. Verum etsi uxori præcepto Apostoli 1. Petri 3 v. 7. impariendus honor tripli tamen reverentia seawyris cum plus sit revereri et reverentia obsequium quoddam arguat L. 5. C. de obseq. patron. Licet non nesciam quod Imperator Justinianus Theodorum suam reverendissimam conjugem nunquam Nov. 8 Cap. 1 quo nomine a Bodino 1. de Rep. aliusque vapulat. Excusari fortas-

nullam ignominie et contemptus speciem habebat. Itaque in magistratu erat adversus ejus

dignitatem: in iis qui necessario officio detinebantur, res inhumana eos ab officio quod tem-

se an potest quod ita vocet non sui, sed subditorem ratione, quibus Augusta quoque verenda est. Ferente enim ita more seculi sui Justinianus passim præses quoque sibi subiectos clarissimos, gloriosissimos appellat, ut infinitæ inscriptiones legum *Cod. et Novell.* habent. Vindicatur hæc irreverentia proposita pænali actione §. *pænales* 12. *Inst. de act. ac judic. 50. aureorum L. 11. L. pen. h. t. §. ult. Inst. de pæn. tem. litig.* quod datur causa cognita *L. 10. §. pen. L. 11. h. tit.* Nam si, quispiam superiorum, ex g. patronus vocatus sit, etsi quasi tutor curator, defensor actoris *L. 10. §. ult. h. tit.* et ita alieno nomine, modo qui vocavit id fecerit suo nomine. Secus si libertus tutor nomine pupilli *L. 15. h. t.* Ratio differentie. Cum alieno nomine libertus vocat, pupillus ipse vocare censetur cui non est patronus. Cum vero alieno nomine vocatur patronus a liberti suo non ideo minus irreverenter tractari videtur. Duar. *h. tit. D. C. 5.* Illic excusati officii necessitas, et fidem tutelæ solvere præstat quam privatæ venerationi indulgere; Illic nihil est quod excuset. *Mudæ. ad §. 12. Inst. de act. n. 26. Ant. Fab. ad d. L. 16.* Ubi aliud statuit necessitate ista cessante ut si plures sint tutores, ubi curare potest ut contutores agant. Aliud item in officio voluntario, ut si Procurator filius vel libertus. *Mudæ. d. loc. Confer. supra Lib. 18. Cap. 3. N. 34.* Quid si tutor ita egerit nomine pupilli contra eos, quibus pupillus reverentiam debet? Edictum cessare vult Pruckman. *Fol. 1. Cons. 42. n. 18. et Carbon. Practicæ Lib. 3. C. 4. n. 26.* a liberti actore scilicet. Aliud si reus ut se defendat præsidem crebro interpellat *L. 14. h. t.* etsi crimen retorqueat, quia hæc ipsi necessitas ab actore imposita, *Ant. Fab. ibid.* in ius, id est, ad Prætorum ut ibi experiatur seu agat ut *h. C. N. 7. et 12.* juxta morem judiciorum nostrorum, si primam Citationem, quæ preparatoriorum principium est, insinuari curet. Aliud in seqq. iudicii actibus incidentibus, ut si citetur ad videndum jurare testes, *Mudæ. d. loc. n. 21.* Aliud si libellum adversus patronum dedit expressæ conditione qua *L. 15. h. t.* Non quod illa obligatio vi et impressione careat, in quæratio edicti pendeat, ut falso *Cuj. 1. QQ. Pauli ad d. L. 15. et A. Fab. vid. N. seq.* Sed quia libelli porrectio est actus extrajudicialis, a qua non ut a Citatione iudicii incipit, *Sneidvin. ad d. §. 12 n. 53.* Et forsitan libellus is accipi debet, quo peti solent, quæ de plano expediri possunt, sine actione et causæ cognitione per *L. omnia 71 de R. I. L. 9 §. 1 de off. procons.* Licet sint qui libellum pro extrahendo processu et decretenda citatione intelligunt *Goth. Ant. Disp. Anti. Full. 3 Th. Andr. Scheffe. Q. Pract. 25 n. 26* sine permissione Prætoris *L. 4 §. 1 L. 10 §. pen. h. t.* Neque enim veniam petiam sufficit, nisi et impetrata *L. ult. h. t. §. 12. I. de act. §. ult. 1. de pæn. tem. litig.* *Coras. ad d. §. 12 n. 10 Moler. 3. Semestr. 44 n. 11.* quia hoc, ait, generale in omni actu ad cuius perfectionem consensus requiritur *Cap. si religiosus 27 de elect. in 6.* Obtinetur autem plenius si actio non famosa nec pudorem suggillet; *d. L. 10. §. pen.* Et quia causæ cognitio hic necessaria *d. §. pen.* ad hoc evocandus adversarius, cuius reverentia hic vertitur. Licet DD. vulgo aliter sentiant, *Asin. Præxi §. 7. Cap. 5. limit. 145 et ult.* qui et eo ipso quod ad libellum actoris conditionem suam, quod sit filius ex. gr. non celantis, emissæ citatio; veniam concessam volunt *Goth. Ant. d. Th. 3. Schöffler. d. n. 26 post Roseuthal. Synops. fauld. Cap. 10 Concl. 23 n. 17. Confer. N. seq. in fin.* Ne dicas ita induci progressum in infinitum, quasi et ad isthanc citationem venie petitio requiratur. Nam monui ante huic edicto non nisi in ea Citationem quæ sit ad agendum seu juris experiendi causa locum esse, datur iudicium, ipso vocato, etiam calumniatori argum. *L. 5 §. 1. Ne quis eum qui in ius, Ant. Fab. ad L. pen. h. t.* etiam filiofamilias absente patre *L. 12 h. t.* ubi vid. *A. Fab.* Non autem heredi, nec in heredem, nec ultra annum. *L. pen. h. per L. 35 de O. et A. 50. aureorum L. 12 L. pen. h.* Quæ applicentur ipsi vocato, non fisco. Post alios *Sneidvin. ad d. §. 12 n. 50.* Unde hanc pœnam nec Princeps remittit *L. 2 C. h. t. Mudæ. ad d. §. 12 Inst. de act. n. 27. Cujac. 10. Obs. 1* vid. tamen *Gilken. ad d. L. 2. n. 8* qui non solvere quidem remitti, docet; posse tamen, si velit Princeps eum auctoritate legis inducta sit. Quod si inopia laboret libertus, quasi inefficacius castigatur *L. ult. h. t.* Unde tritum illud: Qui non habet in ære, luit in corpore, *Cassiodor 9.*

*Varior. redditat debitum pœnis, quod non potest compensare pecuniis.* *Ambros. serm. 78. Qui redhibitione substantivæ satisfacere non potest, satisfaciatur ultione corporis.* Quæ citat. *Cujac. 1 QQ. Pauli ad L. 15 h. t. Præbeat subsidium tertium, cui non suppetit pecunia, Zas. ad §. 12 Inst. de act. Exempla L. 7 §. 3 de iurisd. L. 35 de injur. L. 1. §. ult. de pæn. L. 1 C. de ed. priv. L. 4 C. de serv. fugit. L. 6 C. de mo. mult. 2 Feud. 53 §. 1 in fin. Favit *Exodi 22 v. 4.* Ex quo iure ortum ut dicatur Germanis *Blutarm*, quasi dicat qui non habet, quo sanguinem suum redimat, *Cyriac. Spangenberg. Speculo Nobilit. Tomo 1 Lib. 8. Cap. 6 pag. 1466.* Quæ de pœnarum commutatione consulti possunt *Menoch. arb. C. 447. Hot. ill. Q. 26. Tiraq. de Retr. convent. §. 4 Gl. 6.* Ubi n. 28 quosdam adeo extendere refert, etsi integrum solvatur præter unumdenarium, sed inique. *Vasq. 3 Ill. Contr. 96 n. 30. Sneidvin. ad §. pænales 12 Inst. de act. n. 37 et seqq. Annæ. Robert. 2. Rer. judic. 15. Scip. Gentil. 3 de iurisd. 11 et Eberh. Speckhan. Cent. 1. Q. 140.* Quam regulam in Doctoribus aliisque in dignitate constitutis non obtinere post alios *Jo. Halbritter. Orat. de privileg. DD.* Causa cognita. Quandoque enim mens edicti cessat *L. 11 h. tit.* Ut (1) Cum non invitatus vocatus *d. L. 11* quia volenti sit nulla injuria. Obijciatur vulgatum illud: Privilegio ob reverentiam competenti non renunciari posse *L. ult. C. de bon. lib.* In quo diluendo multus est *Petr. Barbosa ad L. alia 14 ipsi 15 §. eleganter 1 Sol. matr.* qui expensis rejectique variis distinctionibus ita Resp. n. 8. Sine venia non vocari ex rei natura intelligitur, invitum non vocari sine eadem. Cum vocationis natura sit, ut citatus parere debeat *L. 1 in jus voc. ut eant. L. 2. h. tit. junct. L. 1. Ex quib. ca. mai.* Quare si volens veniat, non renunciat privilegio, sed sumus, ait, extra casum privilegii. Tunc autem renunciaret; et irriti si ita paceretur: Quandoqueque me vocabis in ius, semper sponte. veniam, Hanc, inquit, voluntatem mutare licet, eaque mutata impune non vocatur. Hinc autem *Bover. sing. 52 n. 18* non posse hoc obijci post litem contestatam, quia contestando volentem evocatum appareat: immo nisi hæc exceptio in primo actu iudiciali opponatur, omissam censeri post plures *Pruckm. Vol. 1 Cons. 42 n. 19. (2)* Si pœniteat libertum, et actionem remittat *d. L. 11.* Quod *Oldend. Cl. 1 Act. 4 indefens. rei n. 1* exponit de remisso exercitio actionis temere dictatæ seu renunciatione instantiæ, ita ut agere alio tempore possit, venia impetrata. Quod durum alias foret si 100. ex g. debitis integra remittere cogeretur. Desistere autem ita posse censet usque dum lis contestatur. *arg. L. 1. C. de plus petit. ut et Speckhan. Cent. 2 Cl. 4 Q. 12 n. 5 post Sneidvin. ad d. §. 12 n. 65. P. Barbosa ad d. L. 15 §. 1 n. 4* eodem modo, accipit, quod exinde cessant molestiæ iudicii. Pœnitere autem posse censet etiam postquam patronus venit, modo id faciat, antequam is opponat se vocatum esse sine venia. Reprobatur autem eos qui usque ad sententiam, ut et alios qui ad iudicium usque acceptum hoc licere volunt. Contra *Mudæ ad d. §. 12 n. 23* remissionem totius causæ et actionis omnimodam interpretatur. Alias facilis esset renunciatio et evitatio pœnæ. Nec dixisset IC. *actionem remittat*, ubi ex significatione verbi *actionis* denotatur ius agendi per illius definitionem, quomodo remissa actio in *L. si actionem 24 C. de pact.* Sed sic, *errorem agnoscat, a lite desistat etc.* Neque hoc nimis grave, etiamsi debitum grande. Non enim præcise cogitur remittere, sed ita si pœnam 50. aureorum effugere velit. Ergo ubi minor summa debiti, hoc potest expedire liberti etc. ita *Mudæ.* Recte. Qui enim alias pœnitentia nocens esse desinit delicto perfecto, eum et contra reverentiam vocavit et actionem dictavit. Leve enim nimis quod *Barbosa d. loc. n. 4.* reponit, quod hic pœna edicto præstituta, ideo temperetur, quia de rigore juris ex actu nullo pœna incurri non debuerit. (3) Vel si vocatus non venerit *d. L. 11.* si scilicet et pœnituerit vocantem, ut verba illa: *si pœniteat* et huc quoque accommodentur atque hæc accipiantur non in sensu diviso ut DD. *Sneidvin. ad d. §. 12 n. 65. Spekh. d. Q. 12 n. 6.* quia, ait, in Citationem non se fundare potest, qui ipse eam contempsit et in ea contumax. Male. Si enim deliquit vocans; qui deliquit qui injuste vocationi, non paruit *L. 1. in fi. Ne quis eum qui in ius.* Sed in sensu composito, si pœnituit libertum re integra, delicto nondum*

temporale et breve erat, ista ductione avocari: in parentibus et similibus personis erat adversus reverentiam his personis natura debitam. Tolle ductionem in jus, ut vere nostra ætate hujusmodi ductione non utimur, causam etiam ad vocationis adversus superiores personas denegatæ sustuleris.

VIII. De die et tempore, ad quod vocandus sit, qui in jus vocatur, nihil scripsi hoc loco in commentario ad hunc titulum, quia olim aut nullum hoc tempus fuit, quod præstitueretur vocato: aut si quod fuit, non constituebatur vocantis voluntate, sed utriusque litigatoris consensu. Postea etiam cœpit esse legitimum: sed tamen quoniam hoc tempus aliquod esse oportet, ut scire possit reus, quando se iudicio sistere, et actori respondere debeat: necesse est, et de eo nos hoc loco moneri, quaecunque id tempus sit, et a quibuscunque constitui putemus. Ergo olim qui in jus vocabat adversarium, vocabat ita, ut vocatus statim juberetur in jus ambulare: ni sponte faceret, diceretur raperetur etiam, si repugnaret: ut superiores illi loci declarant, quos ante indicavimus ex Terentio et Horatio. Evitabat vocatus hanc ductionem et præsentem vocationem, si paratus esset cavere iudicio sisti ad certum aliquem diem. Quod cum fiebat, tum actor vocato adversario dicebat diem, ad quem ille se iudicio sisteret, isque dies cautione includebatur. Et quoniam hæc cautio fere semper interponi solebat, ut vitaretur ignominia ductionis, unde eveniebat, ut huic dictioni fere sem-

Tom. VI.

per locus esset: factum est usu loquendi, ut veteribus idem dicere alicui idem esset, quod alicui litem, et iudicium futurum denunciare, seu alicui actionem intendere, ut ostendi ad §. *adpellamus*, *Inst. de actionib.* Sed hunc diem non solus dicebat actor. Dicebat etiam reus: constituebatur enim utriusque consensu, ille ut diceret diem, quo vellet iudicio sisti, hic, ut contra hunc ipsum diceret, quo caveret se stitutum. Quod si de die inter eos non conveniret, sic dicebat diem actor, ut si brevius tempus videretur reo, moderatum spacium iudex statueret. L. *de die*, in princ. *D. Qui satisd. cog.* Sic tamen, ut in hunc postea reus consentiret. Hinc factum est, ut hic dies non jam simpliciter dici, sed verbo composito condici diceretur: quia scilicet simul dicebatur ab utroque ex litigatoribus. Et quia mutua hæc diei conditio ad futurum iudicium et actionem adversus vocatum eo die exercendam spectabat, factum hinc quoque, ut veteribus ipsa actio ad quam hæc diei conditio referebatur, eodem nomine adpellaretur, dicereturque conditio. Pertinuitque revera hæc adpellatio ad omnes actiones, non in personam solum, sed etiam in rem. Sed discretionis causa paulatim usus obtinuit, ut verbum commune quod erat, contraheretur ad actiones in personam, atque hæc solæ dicerentur conditiones, actiones in rem proprio nomine appellarentur vindicationes, ut pluribus exposuimus ad d. §. *adpellamus*, *Inst. de actionib.* Quod quidem eo loco conveniebat,

3\*

ubi

consummato. Non autem exceptio est in rustico, nec eum error juris hic impunem reddit L. 2 C. h. t. ubi ratio. vid. Gilken. *ibid.* n. 4 et seq. Menoch. *Cap.* 194 n. 7 et seqq. Chopin. *de Priv. rust. Lib.* 1. P. 2. *Cap.* 5. initio. Conf. Menoch. *Recup. Poss. Remed.* 9 n. 17 et seqq. et n. 57 ac seqq. Nec in milite arg. L. 1. pr. *de obseq. par.*

23) Ita et Don. *ad Rubr. C. h. t. n. 15 et n. 18 et ad §. penales* 1. *I. de act.* (addens ibi satisfactione ductio invecunda evitetur, turpe tamen his personis cavere cogi ut eam evitent) et Cujac. 10. *Obs.* 10 et 4 *Pauli ad edict.* in L. 1. 5 et 7 h. t. Balduin. *in not. ad L. 15 h. t. Vult.* 1. *Disc.* 1. pag. 24. a Fab. C. suo h. t. *defn. ult.* qui ita iudicatum testatur. Et Lang. *de Except. P.* 2. *Cap.* 9 n. 9 sæpe reis in iunctam litem contestatæ exceptionem hac rejecta, cum eo ipso quod iudex ad instantiam partis citat, veniam indulgeat, quomodo et Pruckm. *Vol.* 1. *Cons.* 42 n. 21 et seqq. usum edicti in Curia Brandenburgensi nullum superesse perhibens. Sed melior sententia aliorum, Fachinæ 10. *Contr.* 87 Oldend. Cl. 1. *Act.* 4. in *Practica* n. 3 Gilken. *ad L. 1. C. h. t. n. 4 et 5.* Goth. *Ant. Disp. Anti.* Vult. 3 *Th.* 1. et 13 seqq. Andr. Scheffer. *P.* 1. Q. 25. Siquidem edicti causa non in ductione violenta posita fuit, ut istis persuasum est. Quidni enim ipsa vocatio a manus injectione separari potuisset, uti alias L. 18 et seqq. h. t. Fach. d. loc. Quidni ita cavere, ut hi vocari quidem possent, et sequi cogentur, sed duci non possent arg. L. 48. *da V. S.* ni tamen venirent, contumaces haberentur? Quis vero, inquam, credat permissu prætoris venia data, tunc quidem contemptum duci potuisse parentes, patronos etc. Quis credat casibus iis quibus venia

non necessaria, ut cum tutorio nomine quis parentem patronumve vocaret L. 16 h. t. obtorto collo eundem rapi potuisse? Id vero equidem consequens foret. Sed ratio edicti sive præcipna ut Goth. *Ant.* sive, quod magis est, sola ut Fach. et Scheffer. *dd. loc.* quæ in L. 10 §. *pen. h. t.* ne temere in jus vocentur et famosæ forte actiones illis dicantur. Unde causæ cognitio necessaria, an venia danda sit, d. §. *pen.* Et ea quidem exactior, ut Gilken. *d. n.* 5 ne tales personæ etiam de minimis conflictentur, licet de iisdem alii recte conveniantur. Nam viget immo edictum: in jus vocati ut eant etiam in his personis L. 1. et 2. *de in jus voc.* post permissum scilicet: neque tamen abductioni invecunda locum esse credendum est. Sed nec nostri temporis usu edicti vim expirasse probat Got. *Ant. Thes.* 10. quia alias frustra pro tribunali Spirensi tractata fuisset controversia, an vasallus sine venia etc. ut *supra N.* 22 v. *Dominus feudii* etc. De qua tamen contrariæ ejusdem Curie sententiæ ut *ibid.* Longe autem alia est generalis petitio actoris pro decernenda citatione, et commissio iudicis, in quavis vocatione etiam extranei hodie necessaria, et ria, ut h. C. *N.* 15 et *N.* 18. ab hac veniæ petitione, et quam reconvocatione. Ubi et actori qualitas personæ suæ, et quam reverentiam debeat reo, exponenda; item qua actione experiri velit. Et iudici causæ cognitio adhibenda, num eam actionem contra parentem, exempli gratia, indulgere an denegare debeat. Unde permissum generalis maxime dissimulante actore suam conditionem, impunem non reddet Oldend. *d. n.* 3. Got.

*Ant. d. loc. Thes.* 5. et 8.

24) Vid. *supra Lib.* 21 *Cap.* 2 *N.* 10.



ubi de origine hujus verbi agitur, sed hæc ipsa origo ex ea dici mutua dictione est, de qua nunc loquimur.

IX. Postea totum hoc tempus desiit esse in conditione actoris, cepitque esse legitimum. Nam ante tempora Justiniani hic, mos inoleverat, ut in jus vocato libellum actionis simul edi oporteret. Tum deinde parato cavere judicio sistendi causa, non is dies esset ad se sistendum, quem actor diceret, sed justus dies 10. intra quos vocatus deliberaret, utrum cederet, nec ne, deinde his exactis judicio se sisteret. Justinianus postea tempus hoc legitimum conduplicavit, <sup>25</sup> et 20. dies dedit. Hoc ille in *Novel. de exhibend. reis* 53. §. *sancimus igitur*. Unde *Auth. offeratur, C. de litis contestat.* Hoc tempore legitimo constituto, non fuit necesse in jus vocato diem dicere, quia etsi dictus non esset, hic tamen dies legitimus futurus erat,

quo finito, qui vocatus erat, judicio se sistere deberet; sed et si minorem diem actor diceret, frustra fieret invito reo, cui tempus lege datum adimi non potuit. Atque hoc modo desiit illa diei conditio vetus, de qua diximus. Ex quo est, quod Justinianus scribit in *d. §. adpellamus, Inst. de actionib.* Nunc abusive conditionem dici actionem in personam; quia hoc tempore nulla eo nomine denunciatio et conditio fiat, intellige nullam talem, qualis veteribus, a quibus hæc appellatio primum nata est, in usu erat. Hodie fere in omnibus locis hoc jure utimur, ut actori sic liceat adversarium vocare in jus, ut ei, quem velit diem dicat, quo se judicio sistere debeat. Qui si vocatus ad diem adfuerit, et petere ei videtur longius tempus, ad deliberandum cedere an contendere debebat, ita id impetrat, ut magistratus <sup>26</sup> dilationem ei pro causæ qualitate tribuat.

CAP.

<sup>25</sup> ) Et confirmatur *Nov. 82 et N. 96.* Qui ab eo die numerantur, quo reus per executores in judicium vocatus est ut Cujac. in *d. Nov. 53* vid. idem de *Divers. tem. præscript. Cap. 9.* Olim diversi erant cognitionum et postulatum dies. Nec diebus cognitionum in jus vocatio aut editio fieri poterat, vid. Ruyard. *Protrib. Cap. 4.* Et quod a receptione Citationis tempus computetur, nec in id dies quo recepit una computetur usu Curiarum, et Camera receptum dicit Blarer. in *L. diffamari Cap. 6 n. 129* Gail. 2 *Observ. 48 n. 13.* de quo vid. Frider. *Lib. 2 de Mandat. judic. Cap. 18.*

<sup>26</sup> ) Vid. Rosbach. *Diff. jur. civ. et Can. Lib. 3. Tit. 10 n. 1 et 2.* Add. Gail. 1. *Obs. 53 n. 20.* (de usu Camera testatus) Ayres. *Parte 1 Cap. 3. Obs. 2 n. 62.* Vant. *Tit. de nullit. ex defectu Citat. n. 70.* Blarer. in *L. diffamari Cap. 6 n. 115.* quia intra quantum tempus reus deliberare, aut se instrere possit, lege definiti certa nequit, cum ex qualitate negotii pendeat Fac. *L. 1 de jure lib. L. 2 §. utrum autem 7. Test. quem ap. L. 72 de judic.* In Curia Elect. Sax. ut et supremo appellationis judicio plerumque sex hebdomadæ et tres dies concedi notant Monach. *Pract. P. 3 Cap. 5 n. 12.* Add. Coler. *Decis. 110.* Cæterum anceps nostrorum contemptio, num die non adjecto, vel sine præfixione termini valeat Citatio? Et quidem affirmativa ac quod tacite insit tempus, quamprimum venire poterit, communis dicitur a Scaccia 1. *de Judic. 32 n. 7.* et Gravat. *ad Pract. Vestrii lib. 4. Cap. 2 n. 11.* Vant. *d. tit. n. 71.* post Boer. *Decis. 235 n. 2.* ubi quæritur comparere debere, cum quodam temperamento tamen, ne illico currere teneatur argum. *L. 105 de sol. Nituntur hi Cap. cum parati 19. de appell. Cap. eos 22 in fin. sent. excomm. in 6. L. ult. in*

*fin. Quod vi aut clam.* Sed negativa contraria verior, quam etiam communem dicit Foller. *ad marantam h. t. n. 65.* quam post Bar. in *L. 118 §. 1. de V. O.* et alios probat Rulant. *de Commissar. P. 1. Lib. 5. C. 3 n. 22.* Ayres *'Process. P. 1 C. 3. Obs. 2 n. 65.* Pro qua (1) *textus clari L. ult. §. 2 ibi certe tempore statuendo Cod. de jur. dom. imp. L. 2.* verhis; certo dierum spatium dierum a judice definiendo *Cod. ubi in rem act. L. 5. §. 1. Quod vi aut clam. Cap. cum dilecti 6 vers. volentes de dolo et contumac.* (2) ratio evidens quia sine die Citatio obscura et incerta. Vaga autem nimis et incerta non valet *Decis. noviss. Rotæ 151. P. 2 3.* Communis stilus curiarum, qui pro lege observandus. Unde colligit Foller. *d. loc.* non modo tutius esse ac cautius diem apponi, ut Vant. *d. n. 71* et Scaccia *d. Cap. 34 n. 18.* sed immo necessarium. Et ita cautum *Ord. com. P. 3 Tit. 12 §. Als Auch.* Nec amplectenda distinctio Marantæ *d. n. 65.* et Lanc. *Conradi de Off. præst. in caus. civ. verbo Citatio n. 7* quod sine die valeat ad id ut non veniens seu contumax puniatur. Non autem ut ad ulteriora in causâ procedi possit. Neque hic differentia inter jus Civile et Canonicum statuenda ut Rosbach. *Diff. jur. civil. et Canon. Lib. 3 Tit. 7. n. 5 et 6.* Horam autem in Citationis exprimi negessum non est, sed intelligitur hora ad cognitionem consuetâ, eave qua is actus expediri solet et commode potest, Marantæ *d. loc. n. 66.* Vant. *d. Tit. n. 72.* Blarer. in *L. diffamari Cap. 6 n. 132.* Et autem opposita etsi actum alia hora factum non valere iidem velint: Citatum tamen ut veniat summo die mane *zu rechter fruher Zag. zeit*, si post meridiem compareat, seu contumacem plecti non posse sæpius responsum refert firmatque Arumæus *Parte 1. Decis. 11.*



## C A P. III.

Ei qui in jus vocatus est, actionem edi oportere. Hac edita tempus illi esse ad deliberandum utrum cedat an contendat, et quod tempus.

*Propositum auctoris, et methodus: ordo pandectarum præposterus. I.*

*Vocatio agendi ordine prior editione actionis: probus hic ordo pandectarum; Codicis ordo diversus aptior doctrinae methodo. II.*

I. **C**UM hæc in vocatione exigimus, quæ supra diximus, ut justa sit vocatio; tum extrinsecus hoc accedere ad vocationem oportet ut actio edatur ei, qui vocatur. Sic enim fieri jus jubet. Ac sine eo nihilo plus egerit vocatio, quam si reus omnino vocatus non esset, aut quod idem valet non uti oportet. Qui vocatus non est, aut non rite, huic nulla necessitas imponitur in jus veniendi, aut se obstringendi, fore, ut quandoque veniat. Ne ei quidem necesse est id facere, cui non est edita actio: cum ideo jubeatur actio edi, ut si reus contendendum putabit, veniat instructus ad agendum. L. 1. *D. de eden.* Unde intelligitur, prius quam instructus sit, eum venire non necesse habere. Ita justæ vocationis partem esse non immerito fortasse quis dixerit, editionem actionis. Quare cum justam vocationem nunc quæramus, et eam, quam reus impune non

*Vocatio fuit editione prior, etiam temporis Jurisconsultorum. III.*

*Ratio illius ordinis æquissima. IV.*

contemnat, recte videmur facturi si de editione loco dicemus: ut justa vocatione initio constituta, tum deinde de necessitate, quæ justæ vocationi adjuncta est, ordine cognoscamus. Scio enim in Pandectis de necessitate veniendi in jus, aut cavendi iudicio sita prius quam de edendo tractatum esse: sed necessitas hæc cum nulla sit non edita actione; sed nec intelligi possit, qualis sit, prius quam de edendo dixerimus; rerum natura me non admonuit tantum, sed etiam hæc attentius meditantem coegit, ut hunc ordinem nobis præscriberemus.

II. Illud, puto, ambigi non debet quin recte in *Pand. de in jus voc.* prius dictum sit, quam de edendo, quod et nos secuti sumus. Non enim potest omnium actionum instituendarum initium ab in jus vocando proficisci, ut Justinianus ait *d. §. ult. de pæn. tem. litig.* quin vocatio prior sit, e-

di-

1) Hoc Donellus noster vult quod in jus vocatio præcesserit, eam mox secuta vel illi conjuncta, natura tamen posterior editio. Utroque expedito demum veniendi satisfactive necessitas. Ita puto. Veteri iudiciorum ritu actor reo, antequam in jus ventum esset, edere actionem non tenebatur ut constat ex Plautinis his *Persa Act. 4. Sc. 9.*

*Age, ambula in jus . . . . . Quid me in jus vocas?*  
*Illic dicam apud Prætores . . . . .*

Tametsi copiam actionis describendæ quandoque, priusquam veniret in jus, actor faceret, vid. *Rav. Protrib. C. 4.* Itaque, contra quam hic noster vocatus etiam non edita actione sequi aut satisfacere cogebatur. Proinde accommodata, ac conveniens isti antiquo iudiciorum ordini dispositio Pandectarum etiam quoad titulos inter *tit. de in jus voc.* et *de edendo* interjectas. Posteaquam autem venerat, edita actione, non statim respondere cogebatur, sed induciæ dabantur reo; tempusque ad quod se denuo sisteret, (interea vero deliberaret et si contendere vellet, ad defendendum se instrueret) dabatur. Justiniani tempore iudicii insinuatæ preces, et per eum adversario cogitæ, ut *Nov. 112. Cap. 1. pr.* Id est, libellus conventionis prius iudicii exhibitus, qui per viatorem illum transmissus reo, et una in jus vocavit. Eique accepto reus subscripsit, satisfactione iudicio vixi præstita *Nov. 53. Cap. 3. §. susceptæ.* 2. Obrecht, *de Concep. libell. Cap. 5. n. 3.* Hodie non forte; nam libelli oblatio præcedere debet citationem, num item libellus, si iudici exhibitus, citationi vel totus inserendus, vel ejus summa saltem, inter nostros non

satis convenit. Quoad prius Maranta *Speculi Parte 3. Membr. 3 de Libell. oblat. n. 25.* in practica hunc ordinem esse notat, ut antea exhibeatur libellus iudici, quam citatio decernatur, ut prius iudex perpendat num libellus justus sit, ut super eo procedatur. Et probat post alios Barer. in *L. diffamari Cap. 5 n. 2. Asin. Praxi §. 5 Cap. 3 n. 2.* Contra alii porrectionem libelli, quæ sit iudici, non necessario præcedere commissionem Citationis. Itaque usu servari scribit Cagnoli, ad *Rubr. C. h. t. n. 23. Bellon. in d. Rubr. n. 53. referente.* Vult, ad *pr. I. de act. n. 44.* pro diversa fori consuetudine alibi editionem citatione priorem esse, alibi contra notat. Conciliari isti forsitan debent distinctione inter libellum citationis, seu supplicationem pro extrahendo processu, citra quam hodie citatio non decernitur ut *supra Cap. 2 N. 18.* et libellum Conventionis qui citato offerendus, postquam venit, Maranta *d. membr. 3 n. 1.* Quoad posterius communis traditur libelli tenorem totum Citationi quidem non necessario inseri: quasi absque eo vitiosa foret, inserti tamen insignem hunc effectum esse, ut citato postea comparenti induciæ novæ deliberatoriæ non concedantur. *Cap. præterea 2 de divæ deliberatoriæ* et postea nihil a citato innovari possit, innovatum ante omnia retractetur, Gail. 1. *Obs. 51. n. 1. et 3. seqq. Myas. 5. Obs. 85. n. 9 et 10. Wurmser. Tit. 9. Obs. 4. Coler. Decis. 110. n. 4. Cagnol. ad Rubr. C. h. t. n. 22. Vant. Tit. de nullis. ex defect. Citat. n. 52. Asin. Praxi §. 5. Cap. 1 et 2. Scaccia 1. de Judic. 32. n. 15. et seqq. Speckhan. Cent. 2. Classe 4. Quest. 9. n. 5. Ayer. Process. Parte 1. Cap. 3. Obs. 2. n. 31. et seqq.* et ut præscriptio interrumpatur. Sichelard. *ad auth. offeratur,*

ditio actionis posterior. Nam et editio ex iis rebus est, quæ ad instituendam actionem pertinent, cum sine ea frustra instituaturs actio. *L. 1. D. eod.* et sane primum est natura, ut ostendamus nos velle cum aliquo iudicio agere, idque ei denunciemus. Proximum ut qua actione agere velimus, et quid petere demonstramus. Sed et Justinianus jubet offerri libellum ei, qui in jus vocatur, ut est in *Auth. offeratur, C. de litis contest.* Vel ut ipse scripsit, ei qui in jus vocatus est, seu reo, ἐπὶ τὴν δόξαν αὐτοῦ προσερχοίται τὴν πρὸς. *Novel. de exhib. reis, §. sancimus.* Quorum utrumque significat prius esse oportere eum qui vocatur, ac proinde vocationem, quam oblationem. Qui fit igitur, ut hic ordo convertatur in Codice? Nam ne temere factum dicamus, et inscitia compositorum, etiam in edicto perpetuo, quod a Juliano compositum est, idem hic <sup>2</sup> ordo fuit, ut antecederet *Titulus de edendo*: ut ordo librorum ad edictum scriptorum indicat. Ulpianus enim ad edictum de edendo scripsit *libros 4.* Paulus *libros 3.* Ad edictum autem de in jus vocando Ulpianus scripsit *libros 5.* Paulus *libros 4.* ut inscriptiones ostendunt eorum capitum, quæ extant sub his titulis in Pandectis. Quæ indicant, eundem ordinem fuisse in edicto perpetuo, alioquin non ad edictum hi scripsissent, sed adversus edictum. Sed utrumque propria ratione recte fit. Alius est enim ordo cogitandi, et se comparandi. Alius faciendi, et exequendi, quod consitueris. De re si cogitare, et te comparare voles, necesse erit, prius te comparare libellum, quem in promptu habeas, ut ei quem voces, offeras. At rem provisam si voles exequi, et id de quo quaeritur, si voles experiri, non aliter poteris natura, quam ut prius in jus voces adversarium, ac deinde cur vo-

ces, ostendas. Quod fiet actionem edendo. Ergo agendi ordine vocatio prior est: editio sequitur. Priorem ordinem ut doctrinæ, et institutioni actoris convenienter secutus est Julianus in edicto perpetuo componendo, Cui congruit et is, quem in his titulis hoc loco servatum videmus. Alter ille magis placuit in Pandectis. Hoc, ut videtur, <sup>3</sup> rectius. Est enim naturalis et instituendæ præsentī cum alio actioni solus conveniens.

III. De instituenda autem actione nunc agitur. Nec vero aliter jus fuit veteribus, quam ut ante in jus vocari oporteret adversarium, quam ei actionem edere; etiamsi quis ad veterem ordinem iudiciorum nos revocet, quo actiones impetrabantur a prætore. *L. 2. C. de formulis et impetr. act. subl.* Nam primum non impetrabatur actio ante vocationem, nequis forte hanc impetrationem vocationi anteponat: sed tunc cum lis contestabatur. Tunc enim dicebatur actor iudicium accipere, unde lis contestata, et iudicium acceptum pro eodem. *L. cum fundus, in princ. D. si certum pet. L. vulgo, D. de usuris, L. illud, D. de heredit. petit.* Impetrabatur autem iudicium, seu actio, cum accipiebatur, nec accipiebatur, nisi a prætore impetrata. Deinde ut quis concedat prius actiones impetrari debuisse, quam edi, tamen hic ordo futurus esset, ut prius quidem impetrare oporteret, quam vocare, et vocare etiam prius oporteret, quam edere. Etenim post impetrationem saltem actionem reo significare oporteret: in quo est vocatio in jus, initium scilicet litis instituendæ. Et vero etiam temporibus veterum Jurisconsultorum, quibus in usu adhuc erat actionum impetratio, vocationem præcessisse, secutam autem esse editionem, et quidem interdum multo post, non obscure probat *L. non vide-*

*C. de lit. cont. n. 10.* Causæ tamen expressio aliqua in omni citatione necessaria. Nam etsi quidam citra eam citationem valere voluerint, quibus accedit Coler. *decis. 297. n. 1. Gail. 2. de Pac. publ. 7. n. 4.* Quidam etiam distinguunt num longius absit citatus, ubi inserenda; an in propinquo degat, ubi contra referente Maranta *Speculi P. 6. tit. de Citat. n. 69. Mynsingi d. Obs. 85. n. 4. Scaccia d. Cap. 32. n. 14.* receptior tamen opinio usque fori probata asseritur, quod causa ommissa citatio, cen indiscreta non valeat, incerta ac frustratoria sit. Et hoc requisitum substantiale esse contra. Noam. Meurer. *Process. firmat Meland. Comm. Cameral. Parte 2. Membr. 3.* Itaque statuunt Viv. *Lib. 2. decis. 274. n. 8. Vant. d. Tit. n. 50. et seq. Marant. d. n. 69. Scaccia d. loc. n. 14. et seq. Rulant. de Commissari. P. 1. Lib. 5. Cap. 3. n. 5. Ayer. d. Obs. 2. n. 28. et seq. Quod. et ord. Cam. P. 3. Tit. 12. §. 3. Und. sollenn. etc. comprobatur est. Aliqualetem autem tantum expressionem, saltem in genere, explicitè tamen, inde requiri vult. Mynsing. *d. Obs. 85. n. 7. et 8. ac Gail. d. Obs. 51. n. 1.* Verum Scacc. *d. n. 15.* in specie fieri debere, non in genere. Idque expedire videtur cum *Ord. Cam.* ad hoc requirat causam exprimi, ut ea instructus venire queat citatus, et inanes dilationes ac protela-*

tiones caussarum amputentur. Atque in terris Saxonum qua citatio sit ad finem præparandæ defensionis causam exprimi vel libellum inseri debere, tradit Coler. *decis. 297. n. 3.* addatur idem de *Process. execut. Parte 3. Cap. 7. n. 2.* Speckhan. *d. Quæst. 9. n. 2.*

<sup>2</sup> Ita et post. Cujac. *Par. C. hoc tit. et Baron. in Manualibus Cædd. ad L. 8. pr. de F. S. n. 1.* Diss. Vult. *ad pr. I. de act. n. 44.* putans ordinem Pandectarum hic sequendum esse qui est edicti perpetui.

<sup>3</sup> Ita et Donellus *ad Rub. C. hoc tit. n. 6. et 7.* Rain. Cors. 1. *Indag. 2.* In Digestis præponi Titulum de in jus vocando, quia ibi exactius observatus ordo iudiciorum, et principaliter hoc Titulo D. agi de libelli editione. In Titulo autem Codicis nusquam de libelli editione, quæ sit in limine iudicii, sed de rationum tantum editionibus, quæ post ceptum iudicium. Vult. *d. n. 44.* Titulos Codicis accomodatioris esse iudiciorum ordini. Putat enim editionem priorem vocatione fuisse, sed male, ut mox. Cagnol. *in Rub. C. h. tit. n. 24.* In Codice, ait, alius ordo hujus Tituli, quia in eo nullus est titulus generalis de in jus vocando sicut in Pandectis. Nam *LL. Cod. de in jus vocando de vocia petenda loquuntur.*





## C A P. IV.

Quid sit edere actionem, et quomodo ea recte edatur.

Edere quid cum ex mente prætoris, tum ex Justiniano significet. I.

Edita recte actio dicitur, quæ et certam rem, et petendi causam, et genus actionis complectitur. II.

Petendi causa modo specialis, modo generalis sufficit, prout vel in personam est actio, vel in rem. III.

I. Quid sit edere, videamus. Edere quidem proprie hoc declarat promere rem, exhibere, inspiciendi potestatem facere. Tot enim verbis rem eandem imperatores expresserunt in L. 1. L. 4. L. ult. C. de eden. sed in edicto de edendo ex mente prætoris edendi verbo amplius quiddam continetur. Cum enim propositum sit prætori, ut actio et instrumenta reo edantur, quo reus instruat, et instructus cedat, ut veniat ad agendum: quod fieri non potest, nisi rem editam apud se habeat diutius, ut ex ea con-

Quid si in illa specialis causa; in hac designatio rei omittatur. IV.

Nomen et genus actionis oportet exprimi ex jure civili; sed jure canonico res ita describi, ut actionis genus intelligatur, V.

silium capiat: Edere hic sic acceptum est, ut sit aut scriptum tradere, quod editum velis, aut scriptum ita ostendere adversario, ut sit ei excipiendi, vel describendi copia. Quo scilicet adversarius scriptum apud se auferat, et ex eo, ut dixi, deliberet. Idque est quod hujus verbi descriptione duobus locis ostendere voluit Ulpianus: nempe, in L. 1. §. 1. et L. argentarius, §. edi. D. eod. sed Justinianus circa actionem, de qua agimus, plus exegit. Constituit enim, ut actor actionem complecteretur libello, eumque libel-

1) Edendarum actionum olim, (5) diversæ rationes, ut Ræv. Protrib. Cap. 4. et Vult. ad pr. I. de act. n. 43. (1) Dicere qua actione uti velit (2) Describendæ actionis copiam facere (3) Suam intentionem in libello offerre adversario. (4) Ex libello eam dictare adversario. (5) Adversarium ad album producere et demonstrare quid dictaturus est d. L. 1. §. 1. ubi Cujac. 8. Obs. 15. pro illis quod dictaturus reponit, ex quo edicto acturus, quia ita in Basilicis: Nulla necessitate. Hant melius Alc. 2. dispunct. ult. et 8. Parerg. 7. illic adversaria sua in d. §. 1. hic unitatis quidem numero adversarium legit, sed rationes tumultuariae ad memoriæ subsidium confectas exponit, quasi Ulpianus velit edere eum dici, qui tabulas illas tumultuarias extendit in rationum libris. Quem etsi tueatur Rob. 3. Sentent. 13. alii plures recte refellunt, Duar. 2. Disp. 13. Balduin. in not. ad d. L. 1. et A. Fab. in Rational. Fore. Cupid. jurisperito C. 17. n. 8. Leon. 5. Emend. 8. n. 6. Vult. 1. Disc. 6. Parlador. 2. Rer. Quotid. C. fin. P. 5. §. 1. n. 8. et 9. Et hic quidem adscripto loco ex Seneca ad Lucil. Epist. 49. sed et d. §. 1. de actionis editione sermo est, cum qua nihil commune habet editio rationum. Nec apte dicuntur produci rationes, aut instrumenta, sed proferri Duar. et Balduin. d. loc. (quod posterius tamen Rob. d. loc. refellit) Quia et rationum editio perspicue ac a capite fieri debet, L. 10. §. 2. h. t. Quare summam, in ad-verta charta scripta parum proficiunt, Fore. d. loc. Putant quoque Duar. et Balduin. Adversarium pro tabulis, unitatis numero, Latine non dici. Quod etsi agnoscat Rob. d. C. 13. volens alterum locum Alc. 8. Parerg. 7. typographi incuria depravatam. Attamen Henr. Salmuth. in not. ad Panciroli. Lib. 1. Memorab. C. 1. hac quoque acceptione singulari numero reperiri contendit. (De tabulis istis quotidianis et unde dicta adversaria vid. Alc. 1. Parerg. 24. et d. loc. Cujac. 8. Obs. 15. Coras. 1. Misc. 18. Langlet. 4. Semestr. 5. pag. 203. Volt. d. disc. 6. Marc. Lyclama Lib. 2. Membranar. Eclog. 15. Male Govea. 2. Var. Lect. 14. legit adversaria. Ita enim infirmi probatorum actorum loci corrigendi forent) Pars ergo adversa significatur, seu reus productus ad album, id est, matriculam prætoris Duar. d. loc. vid. supra Lib. 15. Cap. 25. N. 16. Et Ravar. quidem d. C. 4. album formularum intelligit, quasi aliud fuerit ab albo edictorum. Cum formulas publice expressas a prætore fuisse testetur Cic. pro

Roscio. Sed Vult. d. C. 6. duplex album non agnoscit, verum in eodem et edicta et actiones ac interdicta relata fuisse. Quod magis est; Veteres autem Codices pro ad album habuere, ad album nullo sensu idoneo, teste Politiano. Miscel. C. 82. et Vacon. 6. Declar. 88. n. 10.

2) Et hoc ex constitutione Justiniani cum olim quoque voce ederetur, dictante actore, Don. ad L. 3 C. h. t. n. 4. Zoan. ibid. n. 3. Sich. ad d. auth. offeratur n. 3 Asin. Prax. §. 4. Cap. 10 n. 2. excepta conventionne illustrium L. ult. D. de priv. delict. L. quoties 7. C. de dignit. Azo in summa C. h. t. n. 12. Hinc interpretibus libelli editio pro editione actionis. Differt tamen actio, etsi pro formula sumatur scripto comprehensa, a libello qui est scriptura continens ac exhibens formulam L. 1 §. 1. verbis libello complecti h. t. vid. Zoan. ad d. L. 1 n. 1. Vacon. 6. Declar. 78 n. 9. Etsi contra Obrecht. de Concip. libell. C. 2 n. 7. In ordinariis itaque iudiciis libellus in scriptis offerendus jure communi d. auth. offeratur Cap. 1 extra de libell. oblat. C. 11 de probat. Fac. Nov. 83 pr. Asin. d. n. 2. Sneider. ad §. 1. I. de act. n. 99 Lanc. Contad. de Off. prat. in caus. civilib. v. Libellus n. 7. Scaccia 1 de Judic. 50 n. 19 Coler. Decis. 111 n. 1. Et DD. alii passim ut nec rigori juris satisfieri putent, si actor coram iudice actuario dictet libellum, et is in actis scribat: non tamen ita in scriptis oblatum censi vid. Marsil. Sing. 364. Scaccia d. n. 19. Asin. d. §. 4 Cap. 5 n. 1. Sed huic quidem scrupulositati usus iudiciorum in pluribus curiis derogavit, Snedvin. d. 99. Speckn. Cent. 1 63 n. 3. Et jure Saxónico libellus oreteus dictatur iudici, vel ab eo deputato iudicii notario, cui pari modo reus respondet, Coler. Dec. 111 per Lib. 2 Landr. Art. 3. Quod nec arbitrium apud nos hodie, sed necessarium ex Nov. Elect. Sax. 1 p. 1. Jacob. Schult. Obs. forens. 1 n. 4 et Obs. 2 n. 1. ubi inquit, num brevibus actor se ad libellum antea pro citatione obtinenda emissum referre possit. Quod negat, quia forma ad unguem observanda, etc. itaque iudicatum in Curia provocationum testatur ibid. n. 30. Contra tamen Lipsiæ aliquando pronuntiatum. vid. Reinb. Rosa. Addit. ad Moll. Nov. Elect. 1 P. 1 n. 9. In summaris vero causis libellum non requiri tritum est, Clem. saepe 2 pr. de V. S. Maranta P. 4 Dist. judic. 9 n. 12. Scaccia 1 de Judic. 53. Jacob. Schult. Obs. forens. 3 n. 10. et seqq. Ubi usque ad n. 264. causas hujusmodi 150 enumerat. Sed et

bellum offerret ei quem in jus vocat. *Auth. offeratur, C. de lit. contest.* hoc intelligi ad actionis, et omnium instrumentorum, de quibus edixit prætor, editionem satis erat, si ut instrumentum, sic actio res esset certa, quæ incurreret in oculos. Nunc autem ea incorporalis res est, quæ intelligitur tantum, non cernitur, ac talis futura est, qualis erit ejus conceptio.

II. Propterea hoc quæritur, quo modo oporteat actionem libello concipi, ut, sicut

Tom. VI.

plures causæ, in quibus vel personarum vel rerum ratione libelli solemnitas remissa, reperiuntur. Quas percenset Obrecht. *de Concip. libell. Cap. 6. n. 5 et seqq. Joh. Pels. Process. Tit. 20. n. 14 et seqq. plenissime Asin. Prax. §. 4. C. 3. 80 casus referens.* Sed et de causis summariis forsitan quædam *infra Lib. 24. C. 5.* dicemus. In illis tamen qualis qualis petitio simplex narrationem facti apertam continens omnino exigitur, tum ut iudex sciat, quid agere debeat, tum ut adversarius consultare possit, an lis subeunda sit. Unde etsi ad validitatem processus non requiritur libellus, tamen omni solemnitate remissa simplex petitio omitti nequit, cum juris sit naturalis, vid. Maranta *d. n. 12. Rosbach. Process. Tit. 33. n. 16. Grav. ad Pract. Vestrii Lib. 5. C. 1. n. 10. Scaccia d. Cap. 53. n. 11. Asin. §. 3. C. 4. n. 8. et §. 4. C. 1. n. 3. Sfort. Odd. de Restit. in int. P. 1. Q. 35. Artic. 1. n. 6. Jac. Schult. d. Obs. 3. n. 279. et seqq. Meichsner. Lib. 1. Decis. Cam. 28. n. 2 et seqq.* Nisi ubi aliunde facti cognitionem iudex habere possit ex aliis deductis, Asin. *d. §. 3. C. 6. n. 3. Meichsner. de Decis. 28. n. 22 ac seqq.* Quod in iis causis admitti potest, in quibus ratio edendæ adversario actionis cessat. Offerendus autem libellus adversario quoque non petenti, Rosbach. *Process. Tit. 33. n. 9.* Nam agentem sine libello iudex ex officio rejicit, vid. Asin. *d. Exsec. §. 3. C. 60. Rulant. de Commissar. P. 3. Lib. 9. C. 10. n. 2.* Ideoque nec conventionæ partium omitti posse; nec tacite, non petendo, nec expresse, crebrius obtinuit, vid. Asin. *Prax. §. 4. C. 6. Sich. ad d. auth. n. 4.* qui aliam rationem scribit esse iurjurandi calumniæ quod non ita sit actus substantialis iudicii, Jo. Pels. *T. 20. n. 13.* Obrecht. *de libell. C. 6. n. 4.* quia iniquum, etiam iudicii gratia offerendus, ut secundum ejus tenorem sententiam ferat. Et ita quidem est, eaque ratio efficit, ut iudici ipsi omnino exhibeatur libellus initio, quo speciem litis futuræ ipseque cognoscat. Monach. *Pract. judic. P. 4. initio Blarer. in L. diffamari C. 5. n. 9. Speckhan. post alios. Cent. 1. Q. 63. n. 1. et Q. 46. n. 47.* Unde causæ expediendæ conducere scribit Obrecht. *C. 4. n. 5.* ut duo libelli offerantur iudici, quorum alterum actori exhibeat, alterum ad acta ponat. Pacto itaque partium non efficietur ne iudici fiat editio. Ast quin sibi invicem remittere eam partes possint quid impedit? Speckhan. *dd. loc. Quomodo Bover. Sing. 31. n. 14.* solemnem libellum in scriptis posse ita omitti, modo petitio aliqua interveniat, et in actis scribatur. Ac communem opinionem vocat Lanfranc in *clen. sape 2 v. libellus de V. S.* referente Christ. Wutzler *Addit. ad Process. Pels. d. n. 13.* Quæritur; Cujus expensis datur? Ex crebriori sententia actoris, Maranta *P. 6. Membro iudicii 3. n. 2. Asin. Praxi. §. 5. C. 3. n. 1. Jo. Pels. Process. Tit. 25. n. 13. Sigis. Scaccia 1. de Judic. 100. n. 10. Speckhan. d. Quest. 64. n. 51.* Alii tamen ubi consuetudo Curie non adversatur, quæ cum primis attendenda, sumptibus Rei, cuius gratia fit editio, vid. Sich. *ad d. auth. offeratur n. 11. Wurmsier. Tit. 9. Obs. 10. Obrecht. de Libell. C. 4. n. 5.* Hanc contentionem dum lico Ummius *Disp. Process. 6. Th. 9. 42.* hac distinctione dirimi putat, ut reo sumptus sustinendi sint, si temere iudicium subeat, actori vero si iuste iudicium accepit reus, statum questionis non attendit. Nam hic quæritur, cui hi sumptus initio, dum causa præparatur et instruitur, faciendi, Uter vero iuste litem foveat sententia demum patet. Quin et reus qui iuste quidem contradixit, succubuit tamen, etsi in expensis adversario non condemnatur, quas tamen ipse erogavit, non recipit. In summariis sane ubi scriptum libellum offerri non necesse est, si petitionis voce prolata, et ab actuario consignatæ, exemplum petat

prætor exigit edita videatur. Ajunt imperatores in *L. edita; C. cod.* edita actio speciem futuræ litis demonstrat. Quanquam imperatoribus aliud propositum est eo loco, quam ut rem hanc de qua quærimus definiant, ut ex interpretatione ejus legis, quam subjeci intelligi potest: tamen si vere illud dictum est, actionem editam speciem futuræ litis demonstrare, licet ita definire. Tum demum recte actionem editam videri cum ita concepta in libello, et edita est, ut <sup>3</sup> imaginem et formam

4

mam

reus, ipsius sumptibus edi docuit Maran. *P. 4. Dist. 9. n. 15. Scaccia. 1. de Jud. 53. n. 9.* An et quando libellus die feriato exhiberi possit, notabo *infra Lib. 24. C. 7.* De significatione vocis libelli et variis ejus acceptionibus in iure, ne prolixior sim, consule Obrecht. *h. Tr. C. 1. n. 10. Monach. Pract. p. 4. C. 1. Pels. Process. Tit. 20. n. 6. P. Frider. 1. de Process. extrahend. 2. n. 2. et omnino Parlador. 2. Rer. quotid. C. fin. p. 5. §. 2. n. 1.* Suavis vero et festiva notatio Scaccia *1. de Jud. 50. n. 4.* quod dicatur a libra, quia jus dicens debeat gestare stateram in manibus, etc.

3) Vid. Don. *ad L. 3. C. h. t. n. 5.* Unde Libellum etsi alii varie describant, quod referre operæ non videtur, definit Obrecht. *de Libell. C. 2.* quod sit verborum conceptio brevis et aperta futuræ litis speciem in iudicio proponens; *Brevis per tex. L. ult. §. 1. C. de appell.* ut necessaria solum contineat, non superflua. Quæ præsentī negotio accommodata atque ad causam illustrandam pertinent eamve probabilem reddunt. *C. examinata 15. de judic. de quo belle Vigel. Lib. 3. Instit. fori C. 4. Obrecht. C. 11. n. 30.* quos vide. Digressio sane omnis non respuenda, sed si brevis, nec longius a proposito deducatur, si utilitati causæ deserviat nec ociosa sit, Vigel. *d. Lib. 3. C. 7.* Ast valde vulgo peccatur, dum quævis facti circumstantiæ ponuntur, sæpe supervacue, quæ causam obscurant, graviorque probatione onerant, Obrecht. *d. C. 11. n. 37.* Et utinam quam tritum illud: *gaudent brevitate moderni*, tam etiam frequentaretur. *Aperta*, seu dilucida ac perspicua, ut rei gestæ ordine servato res exponatur, et ut quodque prius posteriusve gestum, ita referatur, cum initium cuiusque negotii spectandum sit *L. 8. pr. Mand.* Quod exemplo declarat Obr. *d. C. n. 11. n. 32. et seqq.* Ac etsi copia nimisquæ ornatus verborum, ad aures demulcendas oratori magis conveniat, verbis tamen hic studendum propriis, usitatis, non obsoletis atque incognitis. Nec quod Crassus apud Cic. *2. de Orat. ait. Confusa sit ac perturbata oratio, quæ non lumen rebus sed obscuritatem et tenebras adferat;* vid. Vigel. *d. Lib. 3. C. 9. Obrecht. d. C. 11. n. 34. et seqq.* Clarus itaque sit, ac certus libellus, nihil ambiguitatis aut obscuritatis continens *d. L. ult. §. 1. C. de appell. Nov. 107. C. 1. C. constitutus 6. de relig. dom. C. litteræ 3. de dilat.* Certamque habeat petitionem, ut sententia quoque certa ferri possit, nec generalis sit, unde obscuritas *L. 7. Comm. præd. C. venerab. 8. de confir. ut vel inut.* Obscuritas autem libelli quintuplex vulgo statuitur. Nempe ex sermone (1) ambiguo (2) generali (3) disjuncto vel alternativo (4) non coarctato (5) indefinito, March. de Mantua *Singul. 93. et 521. Speckhan. Cent. 1. Q. 64. n. 20. et seqq. Scaccia 1. de judic. 50. n. 18.* Sed posteriores duo modi ad secundum commodè referri possunt; ut ibidem addit Scaccia *ibid.* (6) modum ex sermone contrario per *L. 188. d. R. I. Fac. L. 1. C. Si serv. extero et simil. Coler. ad C. 2. junct. C. dilecti 8. extra de excep. n. 42.* Hinc exceptio obscuri, generalis, alternativæ in expensis data, reum ab impetitione absolvi, actoremque in expensis damnari, tradunt post alios Speckhan. *d. Q. 64. n. 4.* Obijci autem debet hæc exceptio in primordio litis. Nec post litem contestatam auditur, quia dilatoria est, ac litem contestando se obstrinxit tam auditur, quia prosecutionem causæ. Coras. *SC. Tulos. 29. Speckhan. d. Q. 64. n. 6.* Receptum enim est ut libellus obscurus, non contradicente initio adversario, admittatur in causis civilibus, per *L. ult. ibi licet generaliter C. de ann. exc. Malibus, per L. ult. h. n. 22. Gail. 1. Obs. 62. n. 11. et Obs. 66. n. 6. Scaccia d. C. 50. n. 13. ac sequenti Bover. Sing. 21. n. 12. Marsil. Sing. 348. Mant. Sing. 93. Speck d. Q.*



plectatur: Rem quam petat: Caussam peten-  
Tom. VI.

di: Et genus seu titulum actionis, quo se  
4\* ex-

Obr. d. C. 11 n. 10. et 20 Pels. d. loc. n. 10. Quod si universitas conveniatur præsidentium, vel Magistratum officia ex primi sufficit, Pels. d. loc. n. 11. Obr. n. 21 et seq. qui et Syndicum nominari posse censet. Et ubi Ecclesia convenitur, concipi debet contra Prælatum nomine Ecclesiæ, Scaccia d. 50 n. 23. Foller. ad Marant. h. t. n. 9. In caussa ejus qui a tutore vel curatore regitur, si infans, vel furiosus, designandus tutor vel curatore, ut talis. Alias ipse pupillus vel minor et una tutor. Foll. d. loc. n. 10 Scacc. d. n. 23. Si incertus reus, sufficere si facti species aliaque commode proponantur scribit Obrecht. d. C. 11 n. 24 et Speckhan. d. Q. 64 n. 24 per L. 11 §. 3. de Instit. act. Atque hæc quasi substantialia exordii. Sunt et alia, quæ accedunt eidem, nec adhiberi ea semper necesse est, expedit autem nunc his, nunc illis uti, prout res exegerit. Veluti: (1) Captatio Benevolentiae, et attentionis, quæ tamen oratores magis decent, de quibus Cic. Partit. orator. Dial. 3. Nec nimis curanda Jurisconsultis, aut judex ad invidiam miserationemve concitandus, Arist. 1. Rhetor. 1. Vigel. Lib. 3 Inst. fori C. 1 et 3. Obrecht. d. C. 11 n. 3 et 5. Ventura de Valentis Parthenii litigiosi Lib. 1 Cap. 15 n. 15 (2) Protestationes et clausulæ adponi solitæ. Varias enim DD. commenti sunt cautelas, quibus a fronte et tergo muniretur libellus, ut ait Obrecht. C. 9 n. 3. Vulgo salutare item salvantes clausulas nuncupant. De quibus nos summam, non ex jure certo, cui ignotæ sunt, sed interpretum et formulariorum traditis. Ejusmodi in exordio ante expositionem causæ: (1) Protestatio de non consentiendo in judicem, nisi quatenus jure tenetur et de non proroganda jurisdictione Vigel. 3 Inst. fori 3: Jo. Monach. Pract. P. 4 C. 8 n. 1 usitatissimum vocans, sed quæ in Camera attendatur (2) Quod se adstrictum nolit ad probationes non necessarias. Hac effici volunt, ne plura probare teneatur, quam quæ statum causæ concernunt: cum, ea omissa, omnia in libello, etiam per modum qualitatæ ac incidenter deducta probanda sint, et ni probentur, actor succumbat, ita vulgo per L. habebat 13 pr. de Inst. act. C. licet causam 19 de probat. Marau. P. 6 h. t. n. 17 Sneider. ad §. 1 I. de act. n. 121. Monach. d. C. 8 n. 3 Rosh. Process. T. 35 n. 4 ac 5 seqq. Scacc. 1 de Jud. 50 n. 28 Jo. Pels. Tit. 21 n. 97 et 2 seqq. Ayer. p. 1 C. 4 Obs. 6 n. 31 et seqq. Trentacinq. lib. 2 Pract. Resol. Tit. de probat. Resol. 8 n. 6 Matt. Nigrin. de Protest. v. Testatio n. 31 et seqq. ad Schuff. Cons. 3 Consil. 84. Obrecht. de Conc. libell. C. 16 n. 3 et seqq. ubi n. 6 ea parum sibi prospicere actorem, cum judicis sit dispicere quæ probanda sint L. 3 de testib. adde Ritteshus. Cum ad Salvan. Lib. 1 de Gubernat. Dei pag. 49 Et Bald. ad Leg. 5 C. de lib. Ca. protestatione hac nihil agi, cum probatio a jure necessitate sit, non in agentis arbitrio. Cui alii regeant, quod merita quidem causæ concernens probatio hac ratione declarari nequeat, sed eorum quæ ad statum causæ non pertinent, ut circumstantiæ facti externæ. Ad quorum alias confirmationem proponendo se obligasse videtur. (3) In judiciis Saxoniæ subnecti proxime solet, quæ actor reservat sibi arbitrium desistendi a probatione si quæ injungatur, reique jurisjurando litem ejusve partem committendi Die ganze Klag. oder zum theil in dei Bellagten gewissen Wissenschaft und Woberrüst zu schreiben. Monach. d. Cap. 8 n. 11. Sneider. d. n. 121. Speckhan. Cent. 1 Q. 67 n. 11. Nigrin. d. v. Testatio n. 28 (4) Non in modum solemnibus libelli, sed simplicis facti narrationis, ac qualis qualis petitionis. Cujus sane in ordinario judicio nulla utilitas, cum non liceat privato actori ordini juris derogare, Wesen. Par. C. de form. sublat. n. 7. Monach. d. Cap. 8 n. 2. Nigrin. de protestat. v. Testatio n. 27. Dissentire videtur Asin. prax. §. 4 Cap. 4 n. 5. Quin imo quando caussa requirit solemnem libellum, et is quidem oblatum omnia substantialia complectens, clausula hac adjecta non procedi, ceu super petitione inepta notat Petr. Gerard. singul. 40 Scaccia 1 de Judic. 50 n. 31. Quia talis protestatio arguit, quod non habeat actor petitionem pro solemnibus. Unde consulunt ut addatur: nisi ubi et quatenus sollemnis libellus requireretur. In summaris autem hujus usus esse potest, tunc quando de eodem negotio ordinarium judicium institui posset. (5) Se nihil convicii vel injuriæ caussa dicturum, sed secundum jus et rei gestæ veritatem. Quæ tamen injuriarum actione non omnimodo liberat, si postea verbis injuriis falso utatur, vid. Obrecht. d. Cap. 11 n. 9. Monach. d. Cap. 8 n. 4 Denique peti solet ut libello respon-

deat reus, litem contestetur, jusjurandum Calumniæ præstet, et in articulo libello, ut singulis positionibus per verbum credit, aut non credit respondeat, sub præstando juramento. Usitatissimum quoque ut initio reservet sibi actor omnia beneficia, quæ jure actori competunt. Quæ quidem in formulariorum exemplis passim inserta, ast de eorum operatione nihil tractatum ab illis reperio, præterquam a Martino Nigrino (in quem his jam compositis incidi) Tract. de Protestationibus v. Testatio n. 24 et seq. Qui ea salvari scribit beneficia tum specialia, seu privilegia, tum generalia veluti dotis et favorabilium causarum. Secundo expositio causæ ac negotii vel litis. Cujus substantiale est ipsa argumentatio Juridica. Ubi major propositio causam petendi ex jure desumptam: minor narrationem facti complectitur, inferens in proposito illam causam subesse, quæ, uti medium concludendi, his ante conclusionem ponitur, nec eam ingreditur Obrecht. Cap. 11 n. 25 et seq. et Cap. 12 n. 3 et seqq. Et structuram quidem et formam Syllogisticam libellum concepturus initio ut spectet, ac ad eam oblatam speciem revocet, oportet ut fundamentum libelli ac medium concludendi percipiat, vid. Obrecht. Cap. 13 n. 1. Ast in conceptione ordinariam συμπαράλην stricte servari non necesse est, quin sæpe propositiones inverti solent. Equidem si major propositio aut caussa petendi, (intellige, quatenus in jure posita est, nam et minor vere causam petendi habet in facto positam, ex quo jus oritur et quod ad jus adoptatur) dubia: retineri συζυγίαν legitimam expedit, quia ita fundamentum libelli et causæ, κρίσιμος. melius judex percipiet. Sed si caussa ista petendi, aut major propositio nota judici, a facti narratione, seu minore præsertim, si in ea κρίσιμος consistat, auspicari convenit, Vigel. 3 Inst. for. 6 in fin. Obrecht. Cap. 13 qui exemplis declarat. Sed et ubi major propositio plane certa, omitti ea; et libellus in forma Enthymematicæ proponi potest: quia tunc totius controversiæ certamen in facti narratione, non in jure petendi, consistit: ut tamen Enthymematicæ non antecedens solum, sed et consequens existimetur, subnexa petitione, vid. Obrecht. Cap. 15. Utraque vero propositione posita conclusionem Syllogismi attexere necesse non est, sed loco ejus petitio poni potest, etsi quandoque utramque conjungi expedit, Obrecht. Cap. 14 n. 1 et 2. Confer. Vigel. 3 Inst. fori 2 qui argumentationis libellaris Syllogisticæ et Enthymematicæ, ac utriusque rectæ ac inversæ: 13 in universum formas percenset. Sed complectitur quoque libellus exceptionem replicationum et deinceps in quibus interdum conclusio præmissis anteponitur, ceu exemplis postea Cap. 10 declarat. Id vero in actionis libello inconcinnum foret. Enimvero res petita et caussa petendi uti hic Donellus sumit, semper in minore propositione ponuntur. Quæ et in Enthymematicæ rarissime ac fere nunquam omitti solet. Quin medius terminus etsi in syllogismo integro in utraque propositione ponatur, in minori tamen ubi (in perfectiori prima figura, ad quam reliquæ reducuntur) solum locum prædicati habet, magis conspicuus et inde vice potissima illationis. Ex gr. Qui vendidit pretio accepto, mercedem tradere debet. Tu vendidisti ac pretium persolutum est. Ergo: Hic medius terminus: quia vendidisti, magis conspicuus in minore quam in majore. Unde illa omissa ceu nota et subintellecta, illatio Enthymematicæ firma. Non autem illa posita, hæc omissa sic: Qui vendidit, etc. Ergo, tu mihi tradere debes. Conspicue ergo et ignorance Logices labuntur, qui medium terminum cum majore propositione confundunt, ac a facto seu assumptione accernunt ac sejungunt, illico Ummius Disp. process. 6 th. 11. Qui inde seducti videntur quod Obrecht. (quem sectari volunt) C. 11 et 12 passim majorem propositionem causam petendi vocat. Quem etsi si pariter errasse non credam, cum d. Cap. 11 n. 26 dicat medium concludendi his poni et ita in utraque premissa. Satis tamen fuerat exponere, quomodo caussa petendi in majore, quomodo item in minore, etc. Neque enim caussa actionis sive αίτιον τῆ πράξεως, de qua Obrecht. d. Cap. 11 n. 50 et seqq. diversa est, si quis vere perpendat, a caussa petendi sive medio concludendi. Quæ accidunt huic, alia narrationi conjuncta quæ ei insunt, non necessario tamen, sed contingenter. Veluti: (1) descriptiones præcipuarum circumstantiarum negotii propositi, Vigel. Inst. fori 4. Obrecht. d. Cap. 11 n. 38 positi, Vigel. Inst. fori 4. Obrecht. d. Cap. 11 n. 38 positi et seqq. prout res exigit: Personarum, Ex. gr. Contractum cum pupillo, minore, muliere, divite; paupere, infans, sui vel alieni juris, Obrecht. d. loc. n. 41. item an actor, cum contraheret. isve a quo causam habet, fuerit minor,



pupillus, etc. Hinc enim fere patet quatenus et quousque actio teneat. Rerum de quo vid. *N. seq.* Locis et temporis. Quæ in criminalibus magis necessario exprimeunda (de quo *L. 3. pr. de accusati.* Gail. 1. *Obs.* 64. *Myus.* 2. *Obs.* 23. *Wurns.* *Tit.* 9. *Obs.* 2. *Obrech. d. Cap.* 11. n. 48. quæ, quia non instituti presentis, omitto) non æque in civilibus. Etsi sæpe expedit. (2) Clausulæ duæ. (1) Quod amice interpellatus antea reus de solutione vel restitutione, sed frustra. Nam licet denunciatio extrajudicialis urbanitatis magis quam necessitatis, quoad impensas tamen, maxime citationis, an ea præcesserit, refert, indeque aliqua hujus clausulæ utilitas vid. *Sneidvin. ad l. 1. Inst. de act. n. 122. et seqq.* *Roshach. Process. Tit.* 35 n. 17. *Obrech. Cap.* 16 n. 11 et 12. Confer. *supra Lib.* 17 *Cap.* 1 *N. 3 et Lib.* 21 *Cap.* 2 *N. 10* add. *Rebuff. in Const. Reg. Proem. Gloss.* 5. n. 158. (2) Salvo jure superflui. Cujus vi penam plus petitionis cessare docet *Zang. d. Exc. p. 2 Cap.* 11 n. 14. Cum qua eadem fere illa: Salvo jure calculi vel plus vel minus, prout probabitur. Cui idem robor tribuit *Socin. et Zas. ut citat Ilico Ummius Disputat. process.* 6 n. 56 qui tamen inutilem censet. Verum etsi id dandum, quod eum qui sciens plus debito petit, hæc cautela penam non eximat, idemque quod qui per errorem, etiam citra hanc, jure immunis. Ad hoc tamen saltem utilis, ut ea adjecta facilius inducatur præsumptio erroris. Et abundantiores quoque cautelae opponi expedit ad tollendas pertinacium disputationes. Scaccia 1 *de Judic.* 50 n. 36 sed et magnæ efficacæ illa clausula, hoc tribuens ut rationes errore comperito corrigi possint, *Nigrin. de Protestat. v. Testatio n. 54.* Alia ei accedunt; ut confirmatio et confutatio. Plane non opus est ante responsionem Rei, qua status causæ apparet, pluribus actionem cofirmare. Ast quandoque expedit principali argumentationi rationes præcipuas adjungi, itemque præcipuos obices mature amovere, ut judicii robor causæ citius ob oculos ponatur, *Vigel. 3 Inst. fori* 5. *Obrecht. d. Cap.* 16 n. 43 et *seqq.* Atque hic convenit firmiora argumenta in principio ac sine collocare debilibus veluti in medium agmen, receptis *Vigel. Lib.* 3 *Cap.* 6. Sed et propositioni majori, quæ ex jure desumitur, accedere possunt, quæ eam confirmant vel illustrent, ut si ratio ejus juris constituti proferatur, et quod novissime repetitum sit et confirmatum speciatim, etc. Etsi nimis alta repetitio ridicula, ut si ex testamento agens originem juris testandi ex *L. 12 tab.* exponat, *Vigel. d. Lib.* 3 *Cap.* 4 et 6. In ipsa quoque narratione circumstantiæ sæpe, expositionis specie relatæ, probabilem eam reddunt ex. gr. reum homicidii inimicum capitalem fuisse occiso, ei necem minitatum stricto gladio visum eo tempore, etc. *Vigel. d. Cap.* 4. Deum petitio, seu conclusio libelli. Ubi monendum quod hæc alia sit a conclusione Syllogismi libellaris, quæ ad præcedens membrum pertinet ac sæpe non diserte exprimitur, licet semper vi præmissarum tacite inseratur, ubi petitio tamen omitti non potest. Quin si illa inserta, hæc eam sequitur ut declarat *Obrech. Cap.* 14. Et hæc ad judicem directa ac necessaria, cum is officium non impartiat non petenti: Terminusve libelli ac ultimus scopus dicitur, in qua tota vis libelli vertatur, ad quam potissimum respiciendum sit judicii, cum ab ea narratio restringatur, verbaque dubia præcedentia ceu ad lapidem Lydium probari et reduci debeant, *P. Gregor. 48. Synt. supra n. 7. Gilken. ad d. L. 3 n. 8. et ac sequent.* *Sneidvin in §. 1 Inst. de act. n. 117 et seq.* *Wurmser. Tit.* 9 *Obs.* 6 *Gail. 1 Obs.* 61 n. 13 et *seq.* *Meichsner. Lib.* 4 *Decis. Cam.* 22 n. 31 et *seq.* *Blarer. in L. diffamari. Cap.* 5 n. 21. *Obrech. de Conc. libell. Cap.* 2 in *fin.* et *Cap.* 11 n. 77 ac *seq.* *Eberli. Speckhan. Cent.* 1 *Q.* 64 n. 34. Quæ causæ petendi omissa, etc. libellum sustineat. Contra si narrationi aptæ petitio inepta subdita, libellus corruat, *Ohr. d. n. 77. Jo. Pels Process. Tit.* 21 n. 38. Petitioni enim conveniens sit sententia oportet. Ac etsi proposita in narratione, vel argumentatione plus inferrent, si tamen reus minus, aliudve in conclusione petat, iudex de non petito sententiam ferre nequit, *Gilken. ad d. L. 3 n. 81 per L. ult. C. de fid. lib. et simil.* Sane certas causas referunt quibus omitti possit: (1) ut in causis summariis, Scaccia 1 *de Judic.* 53. n. 7. *Maranta P. 4 Dist.* 9 n. 12. *Obrech. d. Cap.* 11 n. 79. Dissentire videtur *Gilken. ad d. L. 3 n. 87 per Clem. sæpe 2. §. verum.* *d. Verb. Sing.* (2) Quibus iudex officium non imploratum impartiri potest, *Jo. Pels Process. Tit.* 21 n. 42. *Obrech. d. loc.* Quas fuse percenset *Jo. Bapt. Asin. Tr. de Exec. §. 3. Cap.* 16 et *seqq.* (3) Possessorio recuperandæ, *Sneidvin. in §. 1 de act. n. 119. Asin. Praxi. §. 4 Cap.* 3. *Limit.* 80 *Membr.* 7 n. 1. *Obrech. d. loc. Speckhan. d. Quæst.* 64 n. 35. Dissentit *Gilken. in d. L. 3 n. 88.* (4) Spiritualibus, seu Ecclesiasticis per *Cap. ad dissolvendum* 13 *de despons. inpub.* *Gilken. d. loc. n. 86.* (5) Criminalibus. Quod declarant *Gail.*

*Obs.* 61 n. 18. et *seq.* *Sneidvin. Speckhan. et Obrech. dd. loc. Gilken. ad d. L. 3 n. 83 et seq.* *Jo. Pels. d. Tit.* 21 *loc. 40 et seq.* (6) Quæ coram Principe tractantur, cum eo præsentem factum exponitur, quo omnis defectus et solemnitas suppletur arg. *L. 19 pr. C. de testam.* *Sneidvin. Obrech. et Speckhan. dd. Jo. Pels d. Tit.* 21 n. 43. Scaccia 1 *de Judic.* 50 n. 21. *Gilken. ad d. L. 3 n. 85.* *Chassanæ. Catal. gloria mundi P. 5 Consid.* 24 n. 112 (7) Cum narrationi adpositum verbum conqueror, aliudve vim concludendi habens, *Sneidvin. et Speckhan. dd. loc. n. 91* vel ei subjecta clausula, super quibus omnibus, etc. de qua mox. Addunt, in libello exceptionis. Sed is non hujus loci, vid. *supra Lib.* 22 *Cap.* 7 *N. 12.* Atque in his casibus quibus omitti potest conclusio, nec inepta adjecta vitiat argum. *L. 1. §. 1 C. de rei ux. act.* *Obrech. d. Cap.* n. n. 80. *Pels d. Tit.* 21 n. 42. Substantiale hujus, apta Conceptio obligationi vel causæ quæ præcedit congruens, ut petatur, quod cuiusque actionis proprium, *Obrecht. Cap.* 11 n. 73. ne in personam agens petat rem suam declarari, sibi restitui: aut in rem, sibi dari oportere. Utque ex propositis rite concludat ac inferat *Gail. 1. Obs.* 61 n. 15. Nec limites actionis excedat: ut si ex *L. diffamari* experturus petat se absolvi a crimine super quo diffamatus, vel se dominum possessoremve pronunciari, *Blarer. ad L. diffam. Cap.* 5. n. 27. si exemplo agens non ad tradendum sed ad dandum concludat. *Burgal. Lib.* 5. *de Dolo Cap.* 5. n. 73. Si pura obligatio pure petatur, si alternativa disjunctim, etc. *Sneidvin. d. loc. n. 118.* vid. *h. C. N. 3.* Et in actione in rem ex duplici causa duplex petitio, vid. tamen *supra lib.* 19. *Cap.* 14. *N. 1. et Lib.* 20. *Cap.* 5. *N. 2.* Dirigenda autem potius ad judicem quam ad reum etsi melior conceptio, si ad utrumque referatur, *Obrecht. d. Cap.* 11 n. 76. Accidunt conclusioni (1) Repetitio et enumeratio, seu ἀνακαίρεσις λήσεως in narratione copiosis expositorum. Quæ brevis sit oportet, per capita decurrendo, *Quintil. Lib.* 6. *Orat. instit. Cap.* 1. *pr.* nec odiosa, sed cui pondus iust, summam negotii scite contractam ob oculos ponens *Vigel. 3. Inst. fori* 8. *Obrecht. Cap.* 16. in *fin.* (2) Clausulæ plures ac variæ, quæ nec tamen omnes semper conveniunt, pluresque supervacuo inductæ, at præcedendæ cavillationis ergo non temere adhibentur, *Obrech. Cap.* 16 n. 15. Scaccia 1 *de Judic.* 50 n. 36. (1) Quia petiti res cum pertinentiis vel accessoriis sive instrumentis. (2) Cum fructibus perceptis et percipiendis. Nam etsi vocula restituendi, omnis utilitas continetur, unde re petita etiam ista petitio censetur, *Obrech. d. Cap.* 16 n. 16 et *seqq.* et *supra Lib.* 20 *Cap.* 6 n. 4 *N. 2* proinde clausulæ non necessariae, nisi forte quoad fructus ante litem contestatam perceptos, ad quos: est officium iudicis non extendere quidam volunt, aliis tamen reclamantibus ut *d. N. 2.* non inutiles tamen ac inanes, vid. *Obrech. d. loc.* *Jo. Monach. Pract. P. 4 Cap.* 8 n. 7. *Roshach. t. 35 n. 19 et seq.* Sicut et addi solet (3) aliquo et æstimationem fructuum, si non extant, solvat *Obrech. d. loc. n. 23* (4) damna et interesse præteriti ac futuri temporis præstat, *Obrecht. d. loc. n. 28. Monach. d. n. 7.* (5) Cum expensis litis, quæ nisi petantur, iudex ad eas condemnari necessario, sed libere; si velit, *Maranta P. 6 h. tit. n. 18.* Scaccia 1 *de Judic.* 50 n. 29. *Sneidvin. in d. §. 1. n. 128.* *Obrecht. d. Cap.* 16 n. 29. et *seqq.* *Roshach. Tit.* 35 n. 22 et *seq.* *Jo. Pels. Tit.* 21 n. 64 etc. (6) Deducendo omne jus sibi competens et competiturum. De ejus vi in actione reali *Roshach. d. Tit.* 35 n. 9 et 10 (7) Petit condemnari reum secundum formam juris statutorum, consuetudinum etc. De qua *Monach. d. Cap.* 8 n. 8. Trentatque 2 *Pract. Resol. Tit. de Probat. Resol.* 8 n. 5. (8) Et legitimis remediis compelli. Quæ efficitur ut executio decernatur, sine nova petitione, vid. *Monach. d. Cap.* 8 n. 6. *Sneidvin. in d. §. 1 n. 126.* *Obrech. d. Cap.* 16 n. 13 et *seqq.* ubi n. 16 inversionem ordinis (exempli gratia, ita: peto compelli et condemnari) non vitare libellum. (9) Quorum omnium petit cognitionem summariam, *Obrecht. d. loc. n. 32.* Sed hujus nullus, opinor, usus in ordinariis per ea quæ supra ubi de exordiis clausula 4. (10) Omni meliori modo, forma juris ac statutorum secundum quod utilis est actori. Ubi si jus commune deficiat, per municipale sustinetur. *Obrech. d. loc. n. 33.* Sed et alios effectus huic clausulæ tribuendo nimiope liberales videntur pragmatici, vide Scaccia 1 *de Judic.* 50 n. 27. *Monach. d. Cap.* 8 n. 9. *Roshach. d. tit.* 35 n. 16. *Sixtin. Cons. Marp.* 21 n. 120. *Vol.* 2. *Martin. Nigrin. de Protestationibus v. testatio n. 26.* (qui inter primas clausulas, secundo loco hanc refert. Sed arbitrarium hæc vel initio vel ad finem libelli uti.) (11) Vulgatissima quæ priori jungi solet illa: Super quibus omnibus et singulis petit sibi jus et justitiam ministrari. Huic præ reliquis insignes vires larga et profusa manu, tanquam si jura condere et abolere illis

experiri dicat. Rem 5 certam ut dicat exigimus. *L. si rem, D. de rei vind. L. in actione, D. de furt.* Nam neque sine re, quæ petatur, ulla potest esse persecutio rei, neque scire potest reus, utrum debeat necne, quod tanquam debitum petitur, cum id quod sit, non intelligetur.

III. Ut causam petendi dicat actor, exigimus: quoniam nulla est actio, nisi ex certis et constitutis causis. §. I. *Inst. de actionib.* Fieri autem potest, ut actor eam causam dicat, ex qua reus debeat, eoque etiam velit cedere. Contraque ut actor eam dicat, ex qua reus non debeat, ac propterea contendendum putet. Actionum duo sunt genera, unum in rem, alterum in personam L. *actionum, D. de obl. et act.* Actionis in personam generalis, et communis una causa est, ut is cum quo agitur sit nobis obligatus. d. L. *actionum.* Obligationis autem spe-

ciales causæ quatuor a Justiniano positæ sub  
*tit. de oblig.* in Institutionibus contractus,  
quasi contractus, maleficium, quasi malefi-  
cium. Ac proinde totidem causæ hujus ac-  
tionis. §. 1. *Inst. de action.* Actio in rem  
duas habet causas, sine quibus non recte  
in rem agatur. Ab actore, quod dominus  
est: a reo, quod is rem de qua agitur, pos-  
sidet. Solus enim jure civili hac actione uti-  
tur dominus. L. *in rem, D. de rei vindic.*  
§. *namque Inst. de actionib.* Et ea non alius  
tenetur, quam qui possidet, d. L. *actionum.*  
Unde dictum est, possessionem parere actionem  
in rem adversario. L. *unic. C. de alie.*  
*judicii mutandi, causa fa.* Has causas dici  
debere volumus: sed est hac in re, quod  
intersit inter actiones in personam, et actiones  
in rem. In illis namque causam gene-  
ralem non sufficit dicere: specialem dici o-  
portet: utputa non satis est ita dici, peto

jus esset. DD. practici concedunt. Et 9 effectus refert Ant. Gabr. Rom. *Lib. 6 Comm. Concl. tit. de clausulis Concl.*  
 4. Equidem post alios Gail. 1. *Obs. 61 n. 12* his clausulis ( hac et præcedenti, forsan autem conjunctum his duabus id tribuit, non si altera sola ) (1) omnia vitia libelli sanari. Et salvare eam ab omni ineptitudine, Guid. Papæ *Q. 263* ibique Rampaud et Stiephanus Rauchin. Maranta *h. t. n. 15*. Scaccia *d. Cap. 50 n. 26*. modo jus agendi ex narratione facti unde-  
 cunque colligi possit, Rosbach *Tit. 35. n. 11*. Obrecht. *d. Cap. 16 n. 35*. Sustentari libellum etsi tota actio fluctuet, Jo. Pels *Tit. 21 n. 68*. (2) Ea volunt omnem actionem competentem contineri, ut si ex facto proposito plures actiones quædam aptæ, alie ineptæ, et conclusio fiat in inepta, per hanc libellus sustineatur, Sineidvin. *d. loc. n. 129*. Rosbach. *d. t. 35 n. 12* add. Gail. *d. Obs. 51 n. 10* et seq. (3) Ut Judex pronunciare possit de non expresse petitis, Asin. *Praxi §. 4 Cap. 4 n. 6*. Gail. *d. Obs. 51 n. 12* et 1 *Obs. 108 n. 7* utque juriurandum Suppletorium deferre possit, etsi non petatur Monach. *P. 4 Cap. 8 n. 10* Stiat. *pract. Obs. Cap. 20 n. 26* Gail. 1 *Obs. 108 n. 7*. Contra A. Fab. *C. suo Lib. 4 tit. 9 defin. 8 n. 3* (4) Quia contraria est et separat, satis esse si aliqua in libello deducta probentur ( ut scilicet de iis iudicetur, reliquis non probatis ) vid. Trentacinq. 2 *Pract. Resol. Tit. de probat. Resol. 8 n. 3*. (5) Per hanc videri expensas petitas, Monach. *d. Cap. 8 n. 10*. (6) Hæc. adjecta conclusionem libelli omitti posse. Gilken. *ad L. 3 C. de ed. n. 90*. Sæeidvin *in d. §. 1 n. 129*. Rosbach. *d. loc. n. 12* et seq. Speckhan. *Cent. 1. Q. 67 n. 9*. Stiatric. *Obs. pract. Cap. 22 n. 53* et seq. Unde hi auctori, de actionis genere incerto, ob factum intricatum, jurisve dubium, consulunt, ut facto diligenter exposito nihil diserte petat, sed loco conclusionis narrationi hanc clausulam subnectat. Hæc et alia id genus practici citati, add. Sixtin. *Cons. Marpurg. 11 n. 3 Vol. 1*. Pacian. *Cons. 161 n. 30* et seqq. Ayver. *P. 1 Cap. 4 Obs. 6 n. 37* et seqq. Nigrini. *de Potestat. v. Testatio n. 35* et seq. Quibus positis frustranea erit omnis de ineptis libellis, ut et de petitione ac conclusione necessaria, de substantialibus denique libelli reliquis, tractatio. Quando ita invaluit ut nunquam quisquam, quantumvis jejunos alias et crudi stomachi practicus, hanc clausulam omit-  
 tat. Atqui dum iidem clausularum auctores ac fautores de istis tam opereose inquirunt, nonne hæc sua tradita magnam partem convellunt. Nec certe tuto aut sine periculo hujus fiducia ne-  
 gligentior in concipienda formula erit advocatus. Nec discretus facile Judex hisce nimium tribuet. Confer. Pruckman. *Cons. 10 n. 56* et *Cons. 69 n. 68*. Quoad non narrata denique in libello clausulam hanc nihil operari, Treutacinq. *d. Res. 8 n.*

3. Hinc adjungitur sere. (11) Invoceans judiciale officium. Rosbach *d. t.* 35 *n.* 25 Exigui vel nullius usus, vid. Obrech. *d. Cap.* 16 *n.* 36. Claudere denique libellum consuevit (12) salvo jure addendi, minuendi, corrigendi. Sed hanc plerique nullius roboris dicunt, nec ea effici, ut libellus mutari emendare possit, quando alias jure non licet, Scaccia *1 de judic.* 50 *n.* 32 P. Gregor. *48 Cent.* 5 *n.* 9 Succellin. *in d. S.* 1 *n.* 130. Obrech. *d. Cap.* 16 *n.* 37. Aycor. *P. 1 Cap. 4 Obs.* 6 *n.* 43. Rosbach. *d. Tit.* 35 *n.* 36. Jo. Pels. *Tit.* 21 *n.* 77 et seqq. Ac etsi Bald. ref. *cod. n.* 82 aliud putat, si dixerit, non salvo, *jure sed arbitrio* etc. quasi tunc, si res non contradicat protestationi, mutatio lite contestata fieri possit, ei tamen alii obloquuntur. Satis jam de forma libelli substantiali et accidentalit. De effectibus vid. Obrech. *Cap.* 18 *n.* 15 et seqq. Monach. *Pract. P 4 Cap.* 9.

5) Quatenus natura ejusque rei patitur. Nam ex obligatione faciendi petit id quod interest, quod incertum ut suo loco, sed quia aliter peti non potest. Et ut ejusque iudicii naturæ convenit. Nam in actione de universitate, ut petitione hereditatis non oportet exprimere res singulas. In actionibus generalibus, ut pro Socio, negotiorum gestorum, tutelæ petitur ratio administrationis et reliqua *L. 2 de neg. gest. in actionibus specialibus ut rei vindicationis Commodati Depositi empto rem designari oportet, ita Don. ad L. 3 C. h. t. n. 7. Quæ, fusius exequitur Gilkon. ad d. L. 3 n. 64 et seqq. Quando libellus generalis seu petitio incerta admittatur, add. Loand. ad d. L. 3 n. 13 et 15. Schneidm. ad §. Curare. 36 J. de act. n. 7 et seqq. Obrecht. d. Conc. libell. Cap. 11 n. 43 et seqq. Meichsner. Tomo 1 decis. Cam. 21 n. 8 et seqq. de libello generali in petitione hereditatis, notavi supra tit. 19 Cap. 12 IV. 4. In actione ad datam an et quando admittatur, Manut. de Phariois Tract. de Lucro dotis in rubrica sa. 28 et 2 seqq. Et ut in actu in rem speciali res de quibusdam satis supra lib. 20 Cap. 4 n. 16 et seqq. ibique n. 18 et seqq. Quodque libellus generalis non admittitur si obtinet, quæ principaliter et per se petuntur, scens in iis quæ per consequentiam, Mod. Pist. Cons. 50 n. 5. Nec quæ accessoria videntur initio designare oportet, sive accessoria rei sint, ut fructus, sive juris vel actionis, Bover. Sing. 31 n. 21. Plane si genus promissum, exempli gratia, vinum, res generaliter petenda, non autem certa species, etsi vilior, ne facultas eligendi adimatur, unde certa species, vid. Obrecht. Cap. 19 n. 24 et n. 34 etc. plus peti dicitur, vid. Obrecht. Cap. 19 n. 24 et n. 34 etc. Libellum quoque incertum admitti ubi modicum præjudicium vertitur, Tiraq. de Judic. in reb. exiguis fer. n. 18. Quodque narratio generalis sustineatur per conclusionem specialem ac contra, Sich. ad L. 5. C. de R. U. n. 5.*

10. quia mihi debes: sed ita concipi oportet. Ajo te mihi 10. dare oportere, quæ tibi dedi mutua; et si quæ sunt aliæ similes causæ, propter quas mihi es obligatus. Hoc ideo, quia nisi causam obligationis adiecero, statuere non possis, id sine quo nulla est editio, utrum cedere debeas, an mecum contendere. Fieri enim potest ut eam causam dicam, ob quam debeas: fieri etiam potest, ut eam dicam, ob quam non debeas. In actionibus in rem contra satis dixit actor de jure suo, qui se dominum dixit: id est, 7 communem agendi causam, etiamsi non adiecerit se dominum esse ex empto, ex donato, aut similibus causis. Contraria videli-

cet de causa: quod qui se dominum dixit, id dixerit, unde intelligeret reus, utrum cedere, an contendere deberet. Si quidem enim actor dominus est, ut se esse contendit, ex quacunque 8 causa erit dominus, semper hoc idem valebit, ut possessor rem debeat petitori restituere. *L. officium, D. de rei vindicat.* Debet etiam in actione in rem clare designari res, quæ petitur, ut supra *lib. 20. cap. 4.* exposui.

IV. Sed quid si vel causa obligationis in actionibus in personam, vel certa rei designatio in actionibus in rem omisa fuerit? Dicimus non propterea libellum 9 quasi vitiosum repudiari. *L. 3. C. de ann. except. C.*

6) Ubi quæ specialis causa eadem remota. Ex contractu enim obligatio, ex hac actio *Gail. 1. Obs. 51 n. 4. Sneydvin. ad §. 1. Inst. ac act. n. 110 et 113. Gilken. ad L. 3. C. hoc tit. n. 63. Jo. Pels. Process. Tit. 21 n. 18. Scaccia 1. de Judic. 50 n. 24. tametsi Obrecht. de Conc. libel. Cap. 11 n. 54 et 57 contra obligationem vocet causam remotam, contractum autem propinquam. Sed et hic causæ remotæ expressio sufficit, etsi proxima retineatur. Licet enim Baldus post gl. referente Gilken. 10 d. n. 63 eam quoque allegandam voluerit, contra tamen alii communius, cum ex speciali, seu remota inferatur generalis, seu propinqua, etsi non necessario (cum possit esse, exempli gratia, ut qui emit solverit, tamen juris præsumptione *L. 16 de probat.* Et ita libellum concludere sufficit per *L. 17 §. 1. Quæ in fr. cred. Sneydvin. Gail. et Gilken. dd. loc. Obrecht. d. Cap. 115 n. 56.* Neque enim quæ defensionis Rei, concernunt libello inserenda, sed ejus responsio expectanda. Unde nec requisita omnia causæ, aut solemnitates extrinsecas referri oportet: Exempli gratia, Qui ex testamento agit, non necesse est ut referat quod septem testes adierint, etc. *Vigel. 3. Inst. fori Cap. 1 pag. 249.* Qui a minore emit, non necesse est alleget curatorem auctore et decreto magistratus, *Mathesilan. singul. 11 vid. Pels. d. tit. 21 n. 20 et seq.**

7) *Gail. 1. Obs. 61 n. 7. Gilken. ad d. L. 3 n. 61. Obrecht. d. Cap. 11 n. 64 et seqq. Scaccia 1. de Judic. 50 n. 24 et DD. comm.* Idem est in actione in rem universali ut supra *Lib. 19 Cap. 12 N. 4.* An autem utile sit actori causam specialem exprimi vid. supra *Lib. 22 Cap. 5 n. 16 in fin. N. 18.*

8) Ita et Donellus ad *L. 3. O. h. t. n. 8. Sarayna ad Mathes. Sing. 9 n. 5. Gail. d. Obs. 61 n. 7 et 8. Sneydvin. ad d. §. 1. Inst. de act. n. 116. Obrecht. d. Cap. 11 n. 55 et seq.* quia uniformis est actio in rem ejusdemque naturæ, quocunque jure ex quacunque causa dominium acquisitum. Plane non desunt qui volunt in Hypothecaria causam una remotam exprimi debere, ut relati a *Gilken. ad d. L. 3 n. 62* et qui hinc confessoriam et negatoriam exiunt et publicianam, *Jo. Pels. Tit. 21 n. 24* quia, ait, pignus et servitutes ex pluribus causis constitui possunt. Ast immo et per plures sunt causæ acquirendi domini. Verum uti dominium semel acquisitum denuo ex alia causa acquiri nequit, ita nec pignus opinor, aut servitus.

9) Atqui decantatissimum nostris: requisito uno substantiali omisso totum libellum corrumpere ceu ineptum. Ineptum autem libellum adeo vitiosum esse, ut actor, etiam non opponente reo, a limine judicii removendus sit. Quodque iudex libellum ineptum ex officio rejicere adeoquo dentibus lacerare debeat, cum nullitas inde proveniens ita leprosa sit, ut totum processum inficiat, utque etiam post sententiam, quæ vires alias judicati sortita esset, opposita executionem impediatur. Et quod sententia super inepto libello ipso jure nulla *C. Cum dilecti 3 de empt. et vend. C. examinata 15 de jud. l. deoque exceptioni inepti libelli etiam post sententiam locus, vid. Curt. Jun. Cons. 163 n. 5 et 6.* Nam cum petitioni convenire eam oporteat, sententiam quoque ineptam esse quæ ex libello inepto, illi conformis lata etc. Hæc et alia id genus *DD. Marsil. Sing. 119. Bover. Sing. 31 n. 34. Mathesilan. Sing. 9. Curt. Jun. Cons. 163. n. 5 et 6. Zuan. ad L. 3. C.*

*h. t. n. 16 et n. 32. Gail. 1. Obs. 66 et seq. Vacon. 6. Declar. 89 n. 10 et seqq. Moller. ad Nov. Sax 2 p. 1. Lan-cell. Conrad. de Off. præf. in caus. civ. l. v. Libellus n. 8. Asin. de Execut. §. 3 Cap. 61. et 3. seqq. Sig. Scaccia 1. de Judic. 50 n. 5 et seqq. Obrecht. de Conc. Libell. Cap. 18 n. 10. et seqq. Jacob. Schult. (hos auctores non citans) Obs. forens 6.* Et ita quidem omnino est, quando vel contra stilum Curie lege inductum is conceptus, ut si in foro Saxonie articulatus exhibetur *d. Nov. 2 p. 1.* Vel ita totus mendosus, vitiosus, ut nulli declarationi locus sit, nec interpretatione salvari queat. Veluti ratione rei si actor quid petat plane non ostendat. Ad quid enim condemnari reus posset? Differunt res ipsa petita, quæ substantiale est libelli, in expositione negotii semper requisita, et ejus rei designatio et descriptio, de qua *h. C. N. 5.* quæ in circumstantiis, exempli gratia, ubi situs fundus, quos limites habeat, ut supra *Lib. 20. Cap. 4 n. 16. N. 18.* Quæ non est causæ ex qua agitur, sed rei quæ ad causam pertinent nec in ea substantialis forma libelli, alias in omni actione foret necessaria (contra quam *h. C. N. 5.*) sed accidentaliter. *Vigel. Lib. 3. Instit. fori Cap. 4.* Item si petatur res commerciis exempta, aut sacra religiosa, servus Christianus a Judæo etc. Ratione causæ si AUT NULLA plane adferatur, ne generalis quidem; Nam quod *Gail. 1. Obs. 61 n. 13.* scribit causa qualicunque omissa libellum apta petitione, et conclusionem sustineri, id non aliter obtinere puto, quam si in præcedenti narratione scilicet causæ mentio non facta, fiat autem in ipsa conclusione, ubi si totum libellum omnesque ejus partes attendas, non vere omissa causâ. Veluti si in conclusione actionis realis dicatur: peto declarari rem ad me pertinere jure domini vel quasi et proinde restitui, et cet. secus si solum dicat. Peto rem restitui per ea, quæ Wesenb. ut supra *Lib. 20. Cap. 6 N. 13.* AUT INEPTA. Talis est, si vel ex ea jure agendi non inferatur. Sive exinde nulla jure prodita actio. Veluti si petas 10. quia rex est in Francia, ita *Vacon. 6. Declar. n. 10.* Sed hoc quidem modo, aut simili nec ineptissimum rabula, modo inentis non emotæ, unquam egit. Sumamus exempla ex usu vitæ; quæ specie veri æquive imperitos sæpe fallunt. Veluti si petas 10. ex nudo pacto, ex stipulatione legibus improbata, aut quovis alio contractu jure invalido et nullo, aliove negotio ad obligationem civilem parientem inefficaci. Cujusmodi plura sunt quæ non improbabili specie incautis imponunt, ut ea re sæpe peccetur: Sive nondum nata, ut si ex obligatione conditionali ante eventum conditionis, *Mathesil. Sing. 9. Scaccia 1. de Judic. 50 n. 11.* ad notata supra *Lib. 15. Cap. 11 N. 1.* sive extincta, *Math. et Scaccia dd. loc.* cum scilicet de eo ex ipso intuitu legentis apparet. Quoties denique exceptione intentionis, vel sibi non competit actio, repelli potest agens. Huc enim pertinet, quod dicitur agentem, sine actione judicis officio repelli, vid. not. infra *Lib. 24. Cap. 2.* Vel generalis nimis et indiscreta ut ex ea genus actionis non appareat. Veluti peto 10 a Titio quia mihi debet. Nam etsi Don. hic libellum hunc vitiosum esse Etsi item *DD.* vulgo causa obligationis non expressa recte quidem excipi ceu contra libellum generalem; Ast si non excipiatur, sustineri eum, quod in progressu, quandocunque ante sententiam, declarari et generalitas tolli ac restringi queat, *Sacid-*

C. 3. §. *secus*, extr. de sent. et re judic. lib. 6. quavis reus postulare possit, et rem sibi designari, et causam obligationis exprimi: et ni id fiat, potest hodie a iudice, qui actorem ad ea non compulit, appellare. C. 2. et 3. extr. de libel. oblat.

V. Ad hæc accedere debet, ut quidem olim jus fuisse constat, nomen et genus actionis, quo actor dicat se experiri. Hoc modo, quia fundum illum tibi vendidi C. aureis, idcirco peto ex vendito, ut mihi C. des: vel, Ajo te ex vendito C. mihi dare oportere. Quod ita esse hæc probant. Primum quod Pomponius in L. 2. §. *his legibus*, D. de orig. iur. scribit, actiones ita initio compositas fuisse, ut certæ essent atque solemnes. Nam certæ ad nomina, solemnes ad formulas referuntur: deinde idem demonstrant L. 1. 2. et 3. De præsc. verb.

In quibus scriptum est, tunc demum perveniri ad actiones in factum, cum deficient usitata actionum nomina. Item, cum nomina actionis invenire non possumus. Quo declaratur, sic nomina actionum fuisse, ut quandiu possent inveniri, tandiu his esset utendum, nec prius ad actionem in factum, id est, eam quæ sine nomine rem factis gestam demonstraret, confugere liceret. Probant item dubitationes veterum tam multæ, qui in eadem specie facti, de quo facto constet inter omnes, tamen quærunt, utrum illo Titulo, et nomine actionis, an illo potius utendum sit. L. 1. D. de æstimat. L. Qui servandarum, L. apud Labeonem, §. 1. D. de præsc. verbis, L. 1. D. si mens. fal. mod. dix. Quæ omnis stulta esset contentio, si contempto actionis <sup>10</sup> nomine sufficeret factum tantum proponere, et ex eo intendere tibi

vin. in §. 1. Inst. de act. n. 114. et notant DD. in L. 1. h. t. et in d. Cap. 2. et 3. extr. h. t. teste Obrecht. de Conc. libell. Cap. 11. n. 58. et Asinio de Exec. §. 3. Cap. 229. n. 4. Jac. Concanat. Lib. 1. Quæst. juris Cap. 1. n. 34. per d. L. ult. C. de ann. exc. Contra tamen rectius Vacon. 6. Declar. 89. n. 11. et seq. Obrecht. d. Cap. 11. n. 59. et seq. Et Asin. d. loc. n. 6. cautius agere iudicem si talem libellum non admittit ob dubitationes ac cavillationes, quæ postea fieri possunt, et quia certa litis contestatio fieri nequit, nisi de causa obligationis aperte constet. Incerta autem si fiat libelli fundamento processus innititur. Nec obstat d. L. ult. Nam Ratio Vacon. d. loc. n. 12. et seq. admitti illic non ad hoc, ut actio teneat sed ut usque ad 40. annos perpetuetur, interrupta præscriptione. Præscriptionum enim ratio desidia et negligentia, quæ cessat oblato libello qualicumque, etsi in eo nec quantitas nec causa expressa (add. quæ ex Gerardo supra h. Cap. IV. 3. circ. med. ibi autem de obscuro libello ratione sermonis et rei tractavi, ubi non satis constat quid petatur. Hic ratione causæ, ubi obscurum, unde petatur. Quod moneo ne quis putet me hic crambem recoquere.) Nec obstat d. Cap. 3. §. *secus de re judic. in 6.* Nam ut ex Principio ejusdem et toto contextu apparet, loquitur de actione in rem. Et deciditur quod si in ea certa causa, vel titulus expressus, alia causa probari nequeat eodem iudicio, Secus si generalis solum causa (dominium vel quasi) prolata. Non adversatur in d. §. *secus* vocula *obnoxium* quia et actioni in rem accommodari potest, ut per not. supra Lib. 17. Cap. 18. N. 14. Et ibi vocula vel non sejungit, sed declarat ut alibi sæpe. Nec obstat d. Cap. 3. extr. h. t. Neque enim quia a rejectione exceptionis libelli inepti appellatur, consequens libellum jure subsistere, cum jure Canonico usus appellationis latissimus sit etc. Verissimum itaque causa obligationis omissa, non audiri qui offert se declaraturum eam, et in processu litis probaturum intentionem. Neque in hoc quoque libello emendationi locus, cum non inest ei menda, sed totus mendosus sit. Sed oportet novum libellum aptumque offerri, et inducias deliberatorias reo concedi. Vacon. d. n. 13. Eamvero tradita Donelli vix secum consentiunt. Si enim hæc partes libelli, una deficiente, imperfectus sit per L. 1. de O. I. Proinde vitiosus oportet, ut in simili ipse Donellus arguit ad Comment. in Tit. Dig. de jurejur. Cap. 11. n. 4. Etsi nomen actionis olim necessario exprimebatur quod Donellus vult ut in seq. utique et causa. Quin nomine expresso non potest dici causa obligationis omissa, ut evidens est. Ratio illationis: si causa apta quidem alias, sed non ex ea id inferitur quod petitur, verum aliud. Ex gr. In narratione actor proponit causam agendi, quod emerit fundum Tusculanum a Cajo: In conclusionem petit se dominum declarari ac fundum cum fructibus et omni causa sibi restitui: Sic ex L. diffamari experturus ponit se diffamatum, ceu criminis reum, ceu debitorem, ceu non domi-

num, aut possessorem. In petitione intendit se a crimine absolvi, dominum possessoremve declarari. In quo sæpe errari notat. Blaver. in L. diffamari, C. 5. n. 27. Ceterum in dubio libellus præsumitur aptus et quoad fieri potest interpretatione adjuvandus L. si quis 66. de judic. vid. Scaccia 1. de Judic. 50. n. 12. Rosbach. Process. Tit. 33. n. 37. Utque sustineatur verba, latiori sensu accipimus et ad improprium significatum trahimus, vid. Vital. 1. Var. lect. 1. n. 3. et 4. Beust. ad L. 11. §. 2. de Jurci. n. 27. et seqq. Gail: 1. Obs. 66. n. 7. Myns. 4. Obs. 5. Rosbach. d. loc. n. 38. Sixtin. Consil. Marp. 21. n. 15. et seqq. Vol. 2. Henning. Goden. Cons. 43. n. 1. et 2. exemplum proferens si quis dicat se locasse fundum pro certa quantitate frumenti, etsi proprie non sit locatio L. si olei. 21. C. de Locat. (vid. tamen not. supra Lib. 13. Cap. 6. N. 10.) si dicat se mutuasæ librum, esse in possessione servitutis etc. Benst. d. loc. Ac si duo capita libelli, per quorum alterum idoneus, ex altero vero ineptus, ab idoneo vires et robur accipit per L. habebat 13. de Inst. act. Coras. SC. Tolos. 29. Ubi vero ita in materia, aut forma ineptus ut salvari nequeat reus ab observatione iudicii absolvitur, actore in expensis condemnato, post alios Rosbach. d. tit. 33. n. 36. Gail. 1. Obs. 67. n. 1. et 1. Moller. ad Nov. Elect. Sax. 2. P. 1. n. 6. salvo jure proponendi aliam actionem aptam Gail. d. loc. Sixtin. Cons. Marp. 21. n. 111. Vol. 2. Martin. Nigrin. de Protest. v. Testatio n. 58. Iunge not. supra Lib. 22. Cap. 5. N. 29. Sed et rejecto libello, Iudex citra absolutionem rei, actori præcipere potest ut alium aptum edat Gail. d. Obs. 67. n. 5. Denique in summaris, quæ libellum non requirunt ut h. Cap. N. 2. ineptitudo non obest, etiam opponente parte, sed sententia super inepto libello valet, Maranta P. 4. Dist. 19. n. 14. Scaccia 1. de judic. 50. n. 16. Meichsner. tom. 1. Decis. Cam. 28. n. 21. Jac. Schult. Obs. forensi 3. n. 268. modo quid actor velit petatve constet, Marp. d. loc. Confer. h. C. N. 3. vers. Nisi obscuritas tanta. Quodque si coram Principe litigetur, non attendatur ineptitudo, et potius causa, quam conclusio tradit Chassanæ Catal. gloriæ Mundi p. 5. Consil. 24. n. 29. Et Myns. 4. Obs. 5. ubi de justitia causæ apparet eandem in Camera non attendi, cum vice Imperatoris iudicet qui has ambages insuper habere possit.

<sup>10</sup>) Eodem modo Don. ad L. 3. C. h. t. n. 10. (addens non frustra prodita esse nomina actionum jure civili, sed ut actiones quæque suis nominibus ederentur) et de præsc. verb. Cap. 21. n. 5. ac d. L. un. de Cond. ex lege n. 5. et supra Lib. 21. Cap. 2. vid. ibid. ante n. 20. Cui quoad jus Digestorum consentiunt Vult ad pr. I. de act. n. 15. Gerd. ad L. 5. de V. S. n. 27. Loanet. ad L. 3. C. h. tit. n. 6. et seqq. Lud. Vital. L. 1. Var. Lect. 1. n. 101. et seqq. Qui hoc confirmare nititur (1) per L. 1. pr. D. h. t. verbis cognita actione (2) L. omnes 33. alias L. ult. C. de Ep. et Cler. ibi proposita actione. Quia facti propositio intelligi ne-



tibi illud, aut illud, dari oportere. De qua re scripsi diligentius ad *tit. de præscr. verb.* Nunc ex multis collegi pauca, quia ita locus incidit. Hoc an sublatum sit. *L. ult. C. de formul. et impetrat. act. subl.* dubitari potest. Quoniam ea constitutio non vult fraudi esse cuiquam, quod actionem non impetrarit: dummodo constet eam aptam esse, et proposito convenientem. Sed apparet, quid remittat de jure vetere ea constitutio. Hoc remittit, ne sit necesse actionem impetrare: nihil amplius. Proinde cætera manebunt, quæ ante fuerant, *L. præcipimus*, in fin. *C. de appellation.* Etenim vult constitutio satis esse, si actio sit apta, et proposito conveniens. Ita est: sed vult esse actionem. Non est autem actio, nisi quæ suo nomine appellatur. Aliter reputantibus omnia scripta, omnesque vigilæ veterum de actione præscriptis verbis, deque cæteris actionibus exponendis uno verbo intercident. Quod non est credibile im-

peratores <sup>11</sup> voluisse. *L. si quando, C. de inoffic. testam.* sed quid faciat nomen actionis, ut reus sciat, utrum cedere, an contendere debeat? Plurimum, si id jus valet quod supra dixi, ex quo constet jure actionem esse: tamen si alia actione te agere dices, quam ea, quæ in eo genere certa prodita est, <sup>12</sup> non tenebit intentio. *L. 1. D. si mens. fal. mod. dix.* ut proinde habeat reus in eo, cur contendere debeat: scilicet quia ista intentione posita vincet: qui fortasse apta actione proposita cessurus foret. Sane si quis non de jure civili disputet, quod certum est actionum edi nomina oportere; sed ex æquo et bono rem istam dijudicet, dum res ipsa hoc est actionis genus ex narratione libelli intelligatur, non magnopere de nomine laborandum putet. Idque ita jure pontificio receptum est, quo jure æquitatem in omnibus præcipue spectari dicunt, <sup>13</sup> *C. dilecti, extr. de judicat.*

CAP.

quit cum causæ distincta illic mentio fiat (3) per *L. 3. C. h. t.* quia illius Judicii nec mutatio cognosci potest, nisi expressa actione, quando ex eodem facto plures actiones competunt, nec emendationis necessitas si nomen non exigeretur. (4) Facilius delibatio reos nomine expresso quam si ipsi ex facto proposito genus actionis investigandum, cum et si ex illo plures actiones nascentur, incertum sit utram intentaverit actor. Contra nituntur *Elb. Leonia. 3. Emend. 8. n. 5. Weseub. in Paratit. h. t. n. 7. Myns. ad pr. Inst. de act. n. 6. Bronc. 2. Misc. Ass. 55. Vacon. 6. Declar. 88. Obrecht. de Concip. libell. Cap. 8. n. 23. et seq.* Quorum opinioni accedo, non tam exinde, quod non intersit quid ex æquipollentibus fiat, et num quid per se certum sit an per relationem ad aliud. Quam quia immo si veteres formularum conceptiones inspicimus, vix nominis expressioni locum in iis concinnum dari posse reperimus. Quod scite ostendit *Vacon* et ex parte *Obrecht. dd. loc.* Nam et in rei vindicatione ineptus fuisset actor solemnibus formulæ verbis: *e x jure Quiritum meum esse ajo* adiciens: *rei vindicatione*. Et in actione in personam contractus sane vel negotium, unde obligatio, si nomen illi certum, designandum erat, ut *N. præced.* Eo designato quorsum opus actionis nomen, commune ut plurimum, exprimere, cum nec in narratione, nec in petitione ipsi locus concinnus fuerit. Quo de consule *Vacon*, et *Obrecht. dd. loc.* unde non operosum erit contrariis occurrere. Quod omitto dum prolixitatem vereor.

11) Ita et *Donellus ad L. 3. C. h. t. n. 11.* Et formulæ, ait, veteres nugacibus sæpe verbis constabant, *Cicer. pro Muræna*. Nomen autem rem ipsam exprimit. Ac consentit *Vital. Var. Lect. 1. n. 14. et 15. Zoan. ad d. L. 3. C. h. t. n. 6.* qui hoc comprobant per *L. ult. C. de interd.* Cujus auctores noviores *Constantino*, ubi actio dicitur exprimenda. Expressum autem, quod verbis expressis sit, non quod tacite colligitur.

12) Sed ad hoc vide *Vacon. 6. Declar. 88. n. 6. et 7.* qui ostendit non utique vitari formulam vel libellum alio nomine actionis expressio, sed si aliud negotium gestum et formula alii negotio conveniens isti autem inconveniens proponatur.

13) Vid. *supra Lib. 21. Cap. 2. n. 20. L. 3. C. h. t. n. 11.* Atque in eo *DD.* nostris convenit, ut et in eo quoque quod dispositio hæc in utroque foro recepta ac servari debeat, *Zoan. ad L. 3. n. 5. et n. 10. Gilken ibid. n. 92. Vital. 1. Lect. 1. n. 8. et n. 20. Gail. 1. Obs. 61. n. 1. Scaccia 1. de Judic. 50. n. 20. Valasc. Jur. Emphyt. Q. 6. n. 9. vid. Speckhan. Cent. 1. Quæst. 64 n. 29. et seqq. Rulant. de Commissar. P. 3. Lib. 2. Cap. 1.* Nam ex causâ et jure petendi ac medio concludendi qualitas intentata actionis colligitur, vid. *Gail. d. loc. n. 9. Scac-*

*cia d. n. 20.* Aptâ tamen sit narratio oportet, ut inde, quæ actio intentetur, cognoscatur, vid. *Cap. 1. de mutuis petit. Obrecht. de Conc. libell. Cap. 8. n. 25.* Cautus itaque actor sit in genere actionis investigando, ut ad naturam illius et requisita libellum concipiat, *Maranta P. 6. h. t. n. 8.* De qua investigandi ratione consule *Obrecht. de Concip. libell. Cap. 10. Rulant. de Commissar. Part. 3. Lib. 2. toto* et cum primis *Vigel. in Repertorio juris*, qui singulatim per omnes causas actionum transit, satisque accurate exponit, ac *Inst. fori Lib. 1. Cap. 1. et seqq.* ubi quasi in Epitomen contracta, quæ fusi in repertorio exposita. Plane ubi negotium propositum plures producit actiones, nomen adhuc actionis edi debere volunt, ne sola expressio nudæ causæ incertum reddat reum de qualitate actionis, ita post veteres, *Gabr. Sarayna ad Mathesilan. Syngul. 9. n. 7. Gail. 1. Obs. 61. n. 21. Scaccia 1. de Judic. 50. n. 20. Bronch. 2. Misc. Ass. 55. in fin. per L. 28. §. 6. de jurei L. 13. de instit. act. simil.* Neque his contrarium est (etsi ita videatur *Eberhardo Speckhan. d. Q. 64. n. 31. et seqq.*) quod *Wesembecius scribit Consil. 3. n. 20.* nullo expresso actionis nomine intelligi maxime idoneam propositam. Nam et ita ipse *Gail. d. Observ. 61. n. 9. et 10. judicem*, si sit obscurum quæ actio intentata elicere, eam quæ utilissima actori, illamque in dubio intentatam censi quæ melius facto applicari potest per *L. 66. de judic.* Quem tamen sibi ipsi *ead. Obs. n. 21.* contradicere non est credibile. Quomodo et *Henning. Codem. Consil. 43. n. 1.* quod ubi fieri potest salva ratione recti sermonis, conclusio adaptari debeat ad actionem eam quæ commodior actori nimirum ita concilianda hæc videntur, si verborum propria vi inspecta, intentata esset ea actio, quæ ex causâ illa non oritur: illa autem per abusionem deflecti possunt ad actionem aliam proposito convenientem, ne corrumpat libellus, id fieri debet per not. *h. C. IV. 9. sub. fin.* Quod si verbis communibus usus actor et duæ pluresve concurrunt actiones, quarum altera commodior vel expeditior, hanc *Judex* elicit, et de hac sensisse actor creditur. Si tamen reus sibi declarari petat qua forma agendi procedere velit actor, id ipsi exprimendum. Caterum et nomine actionis expresso non impedire, quo minus alia aptior ex narratione et conclusione libelli colligi possit, censet post *Mynsing. Consil. 18. Sixtin Cons. Marpurg. 11. n. 5. Vol. 1.* Quomodo et ex recepta sententia aptam libelli conceptionem ineptæ actionis adjectio non vitiat, sed vitatur vid. *Vacon. 6. Declar. 88. n. 5. et 2. seqq.* contrariante licet *Zoaneto ad L. 3. Cod. hoc tit. n. 10. et 2. seqq.*

## CAP. V.

An actionem semel editam emendare, et mutare liceat, et quandiu.

*Propositæ quæstionis occasio. I.*

*Proponitur illa, et definitur in L. edita 3. C. de ed. Hujus appendix L. unic. C. de lit. cont. II.*

*Integri rescripti expositio et analysis. III. IV. V.*

*Veterem actionem licet actori omittere dumtaxat ante litem contestatam. VI.*

*Mutare vero illam atque emendare etiam postea. Suffragatur L. nemo potest 11. de judic. VII.*

I. **S**ive autem instituat nunc primum actio, sive actione prima instituta emendata, aut mutata, instituat nova, semper hæc lex dicitur ei, qui agere volet, ut qua actione acturus est, eam edat. Hoc est quod dicitur in *L. edita C. de eden.* licere emendare vel mutare editam actionem: dummodo ita mutetur et emendetur, prout edicti perpetui monet auctoritas. Edictum perpetuum intelligunt imperatores, qua parte est de edendo. Id edictum monet, edendam esse actionem, quacunque quandoque usus sis. *d. L. 1. D. eod.* Quare cum is, qui actionem antea editam mutat, aut emendat, nova actione experiatur, et ante hac reo incognita, pertinet ad hunc etiam superioris edicti auctoritas, quæ facit, ut eam quoque actionem edere debeat: sed prior quæstio est, an liceat emendare, vel mutare editam semel actionem? De qua dicam hoc loco, magis quia nobilis quæstio creditur, neque est ab omnibus satis explicata, quodque ejus explicatio ab iis, qui *L. edita*, attingunt, expectari solet: quam quod locus de edenda actione propositus eam interpretationem magnopere flagitare videatur. Quanquam haud temere est, si id hoc loco quæritur: cum frustra dicamus actionem mutatam oportere edere, nisi prius constiterit mutari posse.

II. Et vero *L. edita*, hæc una quæstio proposita fuit, An mutare liceret? non de editione actionis. Quod ut intelligatur sciendum est, unum fuisse rescriptum Imperatorum Severi, et Antonini, cujus partes

*Tom. VI.*

fuerint duæ, quæ deinde postea divulgæ sint. Ex quibus prior est, quæ legitur in *L. unica, C. de lit. contest.* Posterior ea, quæ legitur in *L. edita*, ut inscriptio, et subscriptio utriusque loci eadem confirmat. Utroque enim imperatores iidem, consultor idem, idem tempus, iidem consules. Nam quod in vulgaribus exemplaribus hoc dissidet, quod in *L. 1. C. de lit. contestat.* subscriptio ita est, *D. Cal. septem. in L. edita*, ita est, *D. 11. cal. sep.* parum movere nos debet. Suspectum est enim illud, secundo: cum Latini magis dicere soleant pridie Calendas, quam, secundo Calendas. Sed sive idem rescriptum semel datum est, sive sæpius: certe hoc constat in *L. un. C. de lit. contest.* distinctionem proponi, qua interesse dicunt imperatores, inter litem contestatam, et editam actionem. Cujus distinctionis alteram tantum partem, quæ est de lite contestata, imperatores eo loco expediunt. Altera autem pars quæ est de edita actione sine dubio est ea, quæ legitur in *L. edita*. Est enim ad definitionem illam, quam dixi, explicandam ita accommodata, ut non aliud membrum ei distinctioni convenientius, et quod propositæ differentię rationem magis contineret, reperiri potuerit. Ita quæ fuit imperatoribus in una parte ejus rescripti quæstio proposita, eam fuisse propositam in utraque intelligendum est. Fuit autem ut dixi, hæc una, an actori liceret actionem ante litem contestatam invito reo emendare, mutare, relinquere? Id tractatum est in specie hujusmodi, Valens

5

utriusque

1) De hac correctione et mutatione libelli, quatenus e quousque licita, collibitum sane plenius ab Interpretibus tradita, excutere exemplo Capituli præcedentis. Verum cum modus libri non patitur, exactiora differo. Consulere potest de reliquis avidior lector Donell. Zoanet. et Gilken. ad *L. 3. C. h. t. Sichard. ad Auth. qui semel. Cod. quom. et quand. judic. n. 12 et seqq. Menoch. Arbitr. Cap. 5. 176. Fachin. 11 Contr. 91 et 9 seqq. Bronch. 1 Enant. 28. Obrech. de Concip. libell. Cap. 20. Damhuder. Prax. civil. Cap. 110. Vacon. 6 Declar. 89. Mudæ. et Suedvin. ad §. si minus. 34 et seqq. Instit. de act. Cesar. Conrad. in *L. diffamari* Cap. 3 n. 95.*

ac seq. Reiner. Bachov. Miscel. disp. Cap. 1 pag. 9. et seqq. Philipp. Matth. ad *L. 86 de R. I. n. 24 et seqq.* Jacob. Ayer. Process. Parte 1 Cap. 9 Observat. 10. Gilman. Lib. 1 decis. cam. 41 Wurms. Tit. 9 Observ. 3. Jan. Peles Process. Tit. 21 n. 84 et seqq. Jacob. Schult. Q. Pract. 10 n. 35. et seqq. et Observ. forens. 48 et seqq. Eberch. Speckhan. Cent. 1 Q. 65. Mod. Pist. Parte 4 Q. 139. Hartin. Pist. Lib. 4 Q. 22 et Q. 23 n. 12 16 et seqq. Coler. dec. 109 et 129. Nov. Elect. Sax. 11 Parte 1 ubi Moller. Diff. jur. civil. et Sax. 11 Parte 1. Consult. Sax. Tomo 1 P. 3 Q. 3 etc.

utriusque loci consultor fundum Tusculanum petierat, et actionem ediderat reo: postea nondum lite contestata cœpit totum fundum petere. Reus non patitur totum a se peti: sed de actione edita cognosci prius, et pronuciari vult. Quasi editam actionem mutare non liceat. Ab eo hæc ratio afferebatur: Constat re in iudicium deducta, de ea re iudicem cognoscere debere. *L. iudicis, C. de iudic.* Et de qua cognoverit, etiam de ea iudicare oportere. *L. de qua re, D. iudic.* Sic ergo assumebat: Atqui actione de parte fundi edita: ea pars in iudicium deducta est. Ex quo efficiebatur, et de ea oportere iudicari. Jam vero esse hanc partem in iudicium deductam, postquam actio de ea edita est, probabat argumento litis contestationis. Nam lite contestata res in iudicium deducebatur. Quasi utrumque idem valeat, edita actio, et lis contestata.

III. Consulti imperatores prius rationem superiorem remouent. Qua remota statuunt id, de quo quærebatur. Res, ajunt, *in iudicium deducta non videtur, si tantum postulatio simplex celebrata sit, vel actionis species ante iudicium reo cognita.* Quasi dicerent: Nihil obest actori, quod de re in iudicium deducta prius iudicari oportet. Hic enim res non est in iudicium deducta, ubi nihil amplius, quam actionis species ante iudicium reo cognita est, idest, actio edita. Nec ad rem pertinet, quod litis contestatione res in iudicium deducitur. *Inter litem enim contestatam, inquit, et editam actionem permultum interest. Lis enim tunc contestata videtur, cum iudex per narrationem negotii causam audire ceperit.* Hactenus fragmentum. *L. un. C. de lit. contest.* Restabat, ut dicerent, quando videretur actio edita, ut probaretur, quod proposuerant, inter ista multum interesse. Et vero fecerunt. Hoc enim est, quod hic legimus: *edita actio speciem futuræ litis demonstrat.* Hoc vero differentiam illam, quam esse posuerant imperatores, plane et dilucide aperit. Nam si per litis contestationem causa cognoscitur,

litis contestatio litem præsentem habet: ac proinde litem præsentem in iudicium deducit. At si actionis editio speciem tantum futuræ litis demonstrat, apparet nullam adhuc tunc litem esse, cum editur actio: ac propterea eam, quæ non est, in iudicium deduci non posse. Remota ratione, quæ ei, qui actionem emendare, aut mutare volebat, obstare videbatur, recte inferunt, quod sequitur, et quod in quæstione positum erat, actionem nimirum emendari, vel mutari licere. Unde intelligitur jam, cur hic non definiatur aperte, quando videatur actio edita: scilicet non erat id imperatoribus propositum in eo rescripto, unde hoc fragmentum transumptum est. Simul intelligitur et illud, cur hic injecta sit mentio de mutanda actione. Quippe id ut apparuit, in illo eodem rescripto quærebatur. Etsi autem imperatorum is fuit sensus in eo rescripto, quem dixi; tamen quia per occasionem in eo definitum erat, quid esset lis contestata, quid edita actio; ob eam causam hæc disjuncta sunt, et quod erat litis contestatæ, relatum est in *tit. de litis contest.* quod erat editæ actionis proprium in hunc titulum de edendo est translatum. Nunc venio ad id, quod de mutanda actione dicunt imperatores.

IV. Ajunt, *quam emendari, vel mutari licet.* Emendare actionem editam est, actione retenta, aliquid ei adjicere, vel detrahere. Ut si quis pro decem, quæ sibi deberi ex causa mutui dixit, postea petet ex eadem illa causa viginti: aut pro viginti nunc petat decem. Mutare actionem est, repudiata priore actione edita instituere novam. Ut si quis cum petisset fundum ex testamento, eum postea sibi deberi intendat ex stipulatu. Utrumque facere licere. Hujus loci hæc sententia est. Exemplum habes, et confirmatam in his superiorem sententiam in §. *si minus, Inst. de actionib.* Sed hoc facere tantum licet, iis conditionibus duabus, quæ illic comprehensæ sunt. Una, dum ita fiat, *ut edicti perpetui monet* 4 *auctoritas.* Quod quam sententiam habeat, jam ante

te

2) Convenit ipse Donel. *ad L. 3. C. hoc tit. n. 5. et n. 22.*

3) Convenit Donel. *ad L. 3 Cod. hoc tit. n. 12* ubi et quod mutatio fiat, vel aliam rem petendo, licet ex eadem causa, vel eandem rem ex alia causa *d. §. 34.* Emendare licet in specie *L. 4. §. ult. de nox. act.* Mutare in *L. 18. §. ult. de vi et vi arm.* Quomodo et Zoan. *ad L. 3 C. h. t. n. 17.* Speckhan. *Cent. 1 Q. 65 n. 2 et n. 10.* Joan. Pels *Procc. Tit. 21 n. 86 et DD.* vulgo quod emendare proprie sit mendum tollere, scilicet errorem corrigere salva manente substantia, *L. actionum 46 de re iudic.* Quod probe declarat Vacon. 6 *Declar. 89 n. 4* exemplo pictoris et sortoris, vitium corrigentis, quo correcto, nec res, nec rei nomen mutatur, eadem figura vestisque remanet. Plane latiori sensu emen-

datio adjectionem, detractionem et mutationem complectitur, ut ex Quintil. *Lib. 10 Cap. 4. Obrecht. de conc. libell. Cap. 20 n. 10.* Tametsi vero Damhuder. *Praxi civil. Cap. 110 n. 2. et seqq.* hæc tria distinguat: *Corrigere*, quod est defectum aut errorem formæsupplere et restituere. *Mutare*, novam conclusionem accipere, instituta actione deserta et omissa, et *adjicere*, ad priorem actionem exhibitam addere: alii tamen rectius ista duo solum discernunt. Quomodo autem emendatio fiat adjectione vel detractione, tum quoad formam, et in hoc modo circa verba, modo circa rem, tum quoad materiam, consule Obrecht. *d. Cap. 20 n. 15 et seqq.* Confer. Joan. Pels *d. tit. 21 n. 86 et seqq.*

4) Ita et Donello *ad L. 3 Cod. h. tit. n. 13* dum et nova petitio edatur et detur denuo spacium reo ad delibe-

te dixi. Altera, dum ita permittatur mutari, et emendari, ut *jus dicentis decernit æquitas*. Illud enim prout non refertur ad verbum, licet, sed ad verba, emendari, et mutari. Non enim licet ut edictum monet, sed licet emendare aut mutare, dum ita mutetur, aut emendetur, ut edicti monet auctoritas. Idest, ut bonus iudex 5 æquum esse statuit. Id autem æquum statuit, actorem novam actionem instituentem, non aliter esse audientem, quam si viatica litisque sumptus 6 dependat reo ob id quod temere in jus vocatus sit priore actione. *L. cum quem temere, D. de judic.* Neque enim factum actoris nocere debet reo: nec quisquam potest mutare consilium in 7 alterius injuriam. *L. nemo potest mutare, D. de reg. jur.* Et præterea actoris temeritas poena digna est. *Inst. de poen. tem. litig.*

V. Quod dicunt imperatores: vel *jus red- dentis*, vel, pro et, 8 positum est; distincta oratio pro conjuncta. Nam alterum ex his non sufficit, utrumque exigimus. Et aliis in  
Tom. VI.

caussis disjuncta accipi pro conjunctis, et contra in usu juris frequens est. *L. sæpe, D. de verb. sig.* Videtur adversari huic rescripto constitutio justiniani, quæ refertur in *Auth. qui semel. C. quom. et quand. jud.* Vult enim Justinianus eum qui adversarium in jus vocabit, simulatque ediderit actionem, litem ad finem usque persequi. Sed ex constitutione. *Nov. de litig. 112. §. omnem.* unde sumpta est *Auth. qui semel*, apparet 9 Justinianum loqui de eo, qui actionem differat exercere, quam nihilominus suam propriam esse velit. Nos de eo agimus, qui actionem non differat, sed omittat emendare eam, aut in totum repudiare. Quod unicuique facere permittendum est.

VI. Tractatum est, quamdiu actionem editam emendare, vel mutare liceat, utrum ante litem contestatam tantum, an et post contestatam. Etenim in *L. non potest, D. de judic.* traditur, si quid post constitutum judicium accadat, non posse videri in judicium venisse, et ideo de eo opus esse nova inter-  
pel-

3\*

randum. Nam æquitas edicti non solum pertinet ad actionem, quæ primo instituta, sed ad omnem petitionem, etiam novam, quia in omni interest Rei, nosse quid et quamobrem petatur. Aliter Revard. *Prohib. Cap. 9. in fin.* putans edicto certas emendandarum actionum regulas fuisse definitas, quæ ejusmodi fuerint, nobis non constet. Sicuti et Alciat. *ad L. 3 Cod. h. t. n. 4.* referente Gilken. *ibid. n. 18.* certos casus quibus emendatio concessa vel prohibita specialiter relatus fuisse. Ipseque Gilken. *d. loc. n. 19. et seqq.* casus enumerat, quibus auctoritas edicti obstitit, ne emendatio vel mutatio, etiam ante litem contestatam fieret. Veluti. (1) Si certum tempus solemnibus actionibus explicandis actori statutum, ut *L. 35 ad L. Jul. de adult.* (2) Si jam antea emendavit, quem secunda vice non audiri, contra Bolognietum, et alios. statuit cum plerisque aliis Gilken. *d. loc. n. 21. et 2. seqq.* tum argum. *L. 11. C. de reb. credit. et jurejur. L. boves 89. §. 1. de P. S.* tum quod propitiosa videatur crebrior illa variatio. (3) Si ipsa editione jus reo questum esset. Exemplum peti potest ex *L. 41. Cod. de transactionibus* (4) Si confessionem libello factam revocare velit *L. cum precum 9. Cod. de Lib. ca.* Alias insuper, sex declarationes, ceu vocat, profert *n. 27. et seqq.* ubi vide. Vacon. 6. *Declar. 89. n. 1 et 2.* Cum juris civilis figure à formulæ præscripto recedere, proinde nec emendare quidquam liceat, id æquitate Prætoria temperatum fuisse, ut si quid mendæ per errorem inisset, id corrigere liceat, adde Scip. Gentil. *vid. h. C. IV. 6.* (5) Ita et Donellus *ad d. L. 3. n. 14.* ubi *n. 15.* subdit, etsi jus reddens non nisi Magistratus; nec Judex datus continetur; per hæc tamen verba illum non excludi, cum eadem æquitas huic injungatur, in his quæ ad iudicium et officium ejus pertinent. Neque hic intelligitur æquitas profecta à jus reddente, sed quæ in eo esse debet. Quare et cum apud Judicem datum agitur, verum est ita decerni æquitate jus reddentis, quia Magistratus, si apud se ageretur, ita decerneret. (6) Conveniunt fere in sententiâ hæc et verborum *et jus dicentis* expositione DD. vulgo quos plures citat Gilken. *ed d. L. 3. n. 14.* quibus adde Curt. Jun. *Consil. 163 n. 4. et Zonet. ad d. L. 3. n. 59.* qui et *n. 58.* eo quoque Judicis officium refert, ne qui prius actionem non famosam instituit, postea famosam intendens audiat, arg. *L. 38. de R. P.* Aliter Scip. Gentil. *Lib. 1. de Jurisdic. Cap. 1.* qui ita: Edicti auctoritas refertur ad emendationem libelli edicto permissam; jus dicentis æquitas ad mutationem. Quæ non permessa, quia majus quid mutare, ubi nova actio instituitur, quam emendare, ubi eadem retinetur; sed ex officio à Prætoris æquitatis ratione conceditur. Aliter Paul. Busius *ad L. 1. h. tit. n. 36.* semel mu-

tari licere: ex edicto ante litem contestatam, sine imploratione officii Judicis; sic accipit verba edicti etc. Post litem autem contestatam non iterum sine nova interpellatione, id est, citatione et causæ cognitione, cum sententiâ petitioni conformis ferri debeat. Sed causæ cognitione prævia id, Judice conscio et permittente, fieri posse, sic interpretatur verba *vel jus dicentis* etc. Sed et Menouch. *Arbitr. Casu 176. n. 2.* et Obrecht. *de Conc. libell. Cap. 20. n. 45.* sic exponunt, quod Judicis sit arbitrari, an libellus emendandus vel mutandus sit neene.

7) Donellus *ad d. L. 3. n. 14.* Gilken. *ibid. n. 15.* quia merito temeritas correctur ejus, qui in meditatione causæ sat temporis habens libellum non juxta rei fidem satis concinnavit, add. Jannin. *de Citat. reali Lib. 1. Cap. 2. n. 121.* Nisi correctio ita comparata, ut nihilominus reus instructus esse potnerit, (ubi dilatio nova non tribuenda. per *Cap. litteræ 3. de dilat.* Obrecht. *d. Cap. 20. in fin.*) nec quicquam damni ex mutatione sentiat, vid. Gilken. *d. loc. n. 16.* Et nisi omnis temeritas ac levissima quoque culpa cesset, *ibid. n. 17.* Sed et qui declarat solum libellum, seu ambiguitatem interpretatur, cum non teneri voluit, cum declarando nihil novi proponat, *L. 21. §. 1. qui test. fac. Bover. Sing. 31. n. 4.* Gilken. *d. loc. n. 16. in fin.* P. Greg. 48. *Sint. 5. n. 9.* Ut nec qui mutat in aliqua qualitate, quæ non causâ actionis, sed moderandæ executionis, Bover. *dict. loc. n. 5.*

8) Ita et Donellus *ad dict. L. 3. n. 16.* De vi voculæ vel vide Val. Forster 1. *de Success. intest. 9. n. 3.* Val. Guil. Forster. 1. *Observ. Succis. ult.*

9) Et *d. auth.* loquitur de iis, qui persecutionem tantum in præsens omittunt, non qui ipsi actioni institutæ renunciant, Donell. *ad d. L. 3. Cod. h. tit. n. 19.* qui subterfugunt et protrahunt judicium, nec causam inchoatam prosecuntur, Brösch. 1. *Enant. 28.* male itaque qui per *d. auth.* correctam esse *h. L. 3.* sentiunt relati à Gilken. *ibid. n. 139.* Nam ut idem *n. 141.* leges correctorie de protrahente, *d. Auth.* vero de tergiversante loquitur. A. qui jure communi utitur, emendando libellum, non intell. ligitur id procrastinandi, emendando facere, vide et Fachinæ 11. *Contr. 100. et Vacon. 6.* *Declar. 89. n. 13.* Plane in Camera exhibitio prius summario libello, non licet postea articulatum edere, quia cum initio liberum alterutro uti, optione semel facta eligendi facultas sublata, Frider. 2. *Mand. de judic. Cap. 9. n. 3.* (ubi *n. sublata*, Frider. 2. *Mand. de judic. Cap. 9. n. 3.* (ubi *n. sublata*, quod alia sit mutationis ratio, in qua non optio, sed juris deductio spectatur) add. Obrecht. *de conc. libell. Cap. 20. n. 44.*

71

pellatione, quod valet, novo iudicio. Et multum interest, utrum de priore actione omittenda quaeratur, an de nova instituenda. Si de priore actione quaeritur, possit ne actor ab ea desciscere, quanvis reus non absolvatur: puto posse, quandiu litem non sit contestatus; nec expectandam esse sententiam iudicis ex eo iudicio: quia scilicet nullum sit lite nondum contestata. L. 1. C. de litis contestat. Semel autem lite contestata non puto actorem a re in iudicium deducta posse recedere, quin desiderante reo iudex de re cognoscere, et <sup>10</sup> sententiam ferre debeat: quoniam ita jus sit, ut iudex constitutus jubeatur de re cognoscere, et qua de re cognovit etiam pronunciare. L. iudices, C. de iudic. L. de qua re, D. de iudic. Estque plane ea differentia, quam statuere volunt imperatores inter actionem in iudicium deductam, quod sit lite contestata, et actionem quae tantum sit edita in d. L. 1. r. C. de litis contest.

VII. Quod si de nova actione hoc quaeritur, an actori jus sit, veterem omissa novam instituere: puto jus esse non tantum ante, sed etiam post litem contestatam. Frustra ac temere institui fateor ineptam actionem: sed non ideo <sup>11</sup> aptam ea institutione consumi verum sit. L. fidejussor, de neg. gest. L. 1. si mens. fal. mod. dix. L. cum indebitum, de cond. indeb. clem. ult. extr. de appellat.

Idque esse, quod Justinianus <sup>12</sup> scribit in §. si minus, Inst. de actionib. Quicquid actor mutet de actione, quicquid novi petat postea, id eum consequi posse eodem etiam iudicio. Cui sententiae congruit quod scriptum est in L. cum fundum, §. ult. D. unde vi. recte actionem processuram, si actor in ea perseveret. Cui ipsi tantum abest, ut repugnet. L. non potest. D. de iudic. ut vel hoc uno loco superior sententia confirmetur maxime: in eo ita scriptum est. Non potest videri in iudicium venisse id, quod post litem contestatam accidit. Ideoque nova interpellatione opus est. Recte. Ergo et post litem contestatam nova interpellatione agi potest de eo, quod postea accidit. At enim opus est nova interpellatione exigimus. Sic enim dicimus emendari, et mutari actionem posse, dum ita fiat, ut edicti monet auctoritas. Quid autem monet? Edere actionem, qua acturus sis, et dilationem dare reo, quae constituta est ad deliberandum: utrum cedere an contendere debeat. Tantum in tempore quod sequitur litis contestationem, inter ius vetus, et constitutionem Zenonis, quae refertur in d. §. si minus, Inst. de actionib. hoc interest, quod veteribus non permittebatur post litem contestatam quicquam novi persequi, nisi nova actione de ea re a magistratu impetrata. Zenonis autem constitutione <sup>13</sup> effe-

<sup>10</sup>) Eodem recidit quod Donell. ad d. L. 3. n. 20. omittere quidem licere post litem contestatam veterem, ut ad aliam transeatur sine novo iudicio: sed ita ut reus desiderans a priori actione absolvatur. Ante litem vero contestatam si mutetur, prior ita omissa actio, ut de ea nec iudicari possit, quia nec cognosci. Neque id nocere reo, cum renunciatio litis ab actore facta tam illi prosit, quam absolutio. L. 4. C. de pact. Instituta autem nova veteri renunciari intelligitur, ut ibid. Donell. n. 20. tunc demum cum posterior ad priorem augendam vel promovendam nil pertinet. Alias secus, ut si omissa vindicatione interdicto experiatur, L. 18. §. ult. de vi arm. Sic Vacon. d. Declar. 89. n. 13. in fin. petitis <sup>10</sup> ex deposito, quae ex mutuo debebantur, si velis, formula mutata ex causa mutui petere, renunciare debes et instantiae et ipsi causae depositi.

<sup>11</sup>) Confer. not. supra Lib. 22. Cap. 5. N. 20. et hoc lib. Cap. praeced. N. 9. sub fin. vers. ubi vero ita etc.

<sup>12</sup>) Equidem verba talia neutro loco habentur, etsi Donellus hic bis dicat, Scribit et scriptum est, sed haec sententia inde adstruitur. Nam ut Donellus ad L. 3. C. hoc tit. n. 17. cum d. §. 35. dicat errorem corrigi posse eodem iudicio, utique et lite contestata (quomodo et arguit Vacon 6. Declar. 89. n. 6. ac Ant. Matth. in not. ad §. 34. et seq. Instit. de actionib.) quia exinde iudicium excipit. Quin et in Digestis exempla tum emendatae actionis post litem contestatam in L. 4. §. ult. de nox. action. tum mutatae in d. L. 18. §. ult. Ubi pendente iudicio vindicationis, interdicto intentato, necesse est omitti vindicationem prius institutam per L. 13. C. de R. P. L. 3. Cod. de interdicto. Donell. d. loc.

<sup>13</sup>) Recte. Quod confirmat Donellus ad L. 3. C. hoc tit. n. 18. Ante Zenonem extra id, quod in iudicium venisset, excedere potestas iudicis non poterat, L. 19. Com. diu. Non venit autem nisi de quo actio instituta et iudicium acceptum. Ast illa Constitutione Zenonis apud eundem iudicem

et eadem instantia petitione mutata agere licet. Nec si tamen obstat d. L. 23. de iudic. Nam interpellatio ibi exprimenda non novum iudicium, sed petitio, idque ex mente Justiniani qui omnia sua fecit. Et consentiunt fere Obrecht, de conc. libell. Cap. 20. n. 39. et seq. Vacob d. Declar. 89. n. 5 et 6 Bachov. Misc. disput. Cap. 1. qui hodie essentialia libelli reformari posse citra novum processum putat, quia duae causae, quae iure veteri obstituerint, sublatæ, (1) quod qui non apte petierat, causa cadebat, (2) quod iudex de alia re, quam de qua formula accepta, non iudicare poterat. Hodie enim apud ipsum Magistratum iudicia agitantur. Multum vero refert, utrum eodem iudicio priori, an novo, tum alias; tum quoque ratione sportularum et vectigalium, quae ratione libelli consuetudine locorum solvi, vid. Gilken. ad L. 3. n. 49. et seq. Ut vero hæc sint, contra se habet vulgata DD. usuque fori recepta generalis doctrina, Libellum emendari post litem contestatam non posse, et multo minus mutari. Tametsi quoad emendationem plures statuunt limitationes. De quibus plenius Gilken. ad L. 3. Cod. h. t. Zoan. ibid. n. 17. et seqq. Speckan. 1. Q. 65. Obrecht. d. Cap. 20. alii supra N. citati quos adi, adde Blarer. in L. diffamari C. 5. n. 12. qui nihil posse addi vel detrahi in tribus substantialibus libelli partibus, narratione, causa petendi et conclusionem. Secus in iis, quae incidenter petuntur. In foro Saxoniae corrigendi potestas finitur lite contestata, vel ante eam guaranda præstita, Landr. Lib. 3. Art. 14. et Novel. Elect. 11. p. ubi vid. Moller. et omnino Coler. Decis. 109. aliique DD. Sax. supra N. citati. Post illam tamen litem contestationem quæ in eventum sit, vel sub conditione, si exceptiones propositæ per interlocutionem rejectæ fuerint, mutatio prohibita non est, antequam impleatur conditio. Moller. ad Novel. Elect. 3. n. 14. et ad d. Novel. 11. n. 5. p. 1. Quid si consensus partis adversæ accedat? Gail. 1. Obs. 64. n. 9. nec tunc mutationem admitti. Sed notatur a Fridero de Process. extrah. Lib. 3. de Contin. caus. Cap. 5. n. 3. (1)



fectum est, ut potestas esset priorem actionem mutandi ita, ut actor quod nunc peteret, eodem iudicio consequeretur, non novo. Quæ duo si ad sua quæque tempora revocantur, non pugnant, ut bene admonet Eguinarius Baro in *d. §. si minus*. Etenim ut mos iudiciorum fuit, ante tempora Zenonis tum, cum iudicia impetrabantur, non licuit quicquam in iudicium deducere, nisi cuius rei iudicium esset ante impetratum. Impetrationibus actionum postea a Theodosio et Valente sublatis, consequentes fuit, ut quanvis non accepto a prætore iudicio liceret apud eundem iudicem errorem suum emendare, et suum consequi: dum mutaretur iis

conditionibus, quæ hic præscribuntur. Mutare actionem, et emendare is solum intelligitur, qui priore repudiata novam movet. Quod non facit is, qui priorem retinens cum ea novam aliam adjungit. Ex quo iudicari potest, quam apte, et huic loco convenienter injiciatur in hanc locum ab interpretibus hæc quæstio, an plures actiones eodem iudicio cumulare liceat. Plura ad *d. L. edita*, disseruimus in commentario Codicis ad illum titulum. De 14 cumulatione autem actionum, ut vulgo vocant, sive de concurrentibus actionibus, ut Paulus et veteres loquuntur, diligenter a nobis expositum est supra in his commentariis libro 21. cap. 3.

CAP.

quia ideo vetita, ne reus gravetur duplicibus et variis sumptibus, item ne præ actore, cui satis temporis fuit ad concinandum libellum, arctetur. Ergo per *L. pen. C. de pact. et simil.* (2) per litem contestationem non tam iudex quam partes ad instantiam obligantur. Ergo ut aliis contractibus communi consensu addi vel detrahi potest, ita et hic. Plane in appellationis instantia emendari libellum actionis non posse convenit, cum causa ibi ex priori libello disceptanda sit, Vacon.

*d. Declar.* 89. n. 6. et ad hoc plures allegat Gilken. ad *d. L. 3. n. 32.* quibus adde Wesenbec. 18. n. 3. Appellatorius tamen libellus ita corrigi potest, dum non trasformetur ea, quæ libello actionis comprehensa, vid. Gilken. *d. loc. n. 34.*

14) De cumulatione actionum post litem contestatam vid. præter citatos *supra Lib. 21. Cap. 3. N. 5.* in genere, in specie Zoan. ad *L. 3. C. hoc tit. n. 46 et seqq.* Coler. ad *C. 2. junct. Cap. dilecti 8. de except. n. 42.*



## C A P. VI.

De instrumentorum, et rationum editione quæ ab actore exigatur.

*Rerum nexus atque ordo. I.*

*Rationes edere actor debet omnes: sed instrumenta illa dumtaxat quibus uti volet. Contra sentientes refelluntur. II.*

*Quid inter rationes actoris, et cætera ejus instrumenta discriminis. III.*

I. **H** Actenus de cedenda actione diximus. Et erat quidem editio actionis ad id, quod instituimus, satis. Hoc enim agitur, ut quis recte vocetur in jus, atque ita, ut quo minus veniat jure recusare non possit. Nihil autem amplius ad hanc rem ab actore exigitur; quam ut eum in jus vocet, eique actionem edat libello oblato, qui hanc complectatur. Instrumenta <sup>1</sup> vero sua et rationes, etsi jubetur aliquando edere: tamen id ante <sup>2</sup> litem contestatam nunquam facere cogitur. Instrumenta enim edere debet, sed ea, quibus usus sit. Non potest autem dici illum instrumentis ullis usurum esse, prius, quam constiterit, illi opus esse instrumentis, et ipsum iis uti posse. Porro ante litem contestatam nec actor instrumentis indiget, neque his uti omnino potest: cum illis utamur ad rei in iudicium deductæ probationem. Rationes quoque si desiderantur, ideo desiderari constat, ut fides veri constare possit. *L. non est novum, C. de edendo.* Item ut actor fundet intentionem suam. *L. ult. C. de*

*Fiscus, si agat, instrumenta et rationes suas edere debet. IV.*

*Edendæ rationes cum die et consule, aliter instrumenta, et quare: utraque quando edi debeant. V.*

*ead.* Quod si de fide, et probatione intentionis non ante quæritur, quam iudicium sit constitutum, idest lis contestata: perspicuum est ante litem contestatam ei postulationi locum esse non posse: sed tamen aliis in partibus iudicii istarum quoque rerum editio iuste desideratur, atque ita desideratur, ut in omnibus prope: actionem dico, instrumenta, et rationes, eadem æquitatis ratio editionem admittat. Quod cum ita esset, ne forte ea, quæ una ratione, et natura rei conjungebantur, ideo disjungerentur, quia aliis atque aliis temporibus eduntur, consulto factum est, neque ut videtur sine summa ratione, ut quæstione, de editione actionis proposita, per occasionem semel eodem loco diceretur de omnibus, quæ edi in iudicio oporteret. Et quidem prætor in ea parte edicti quæ est de edendo, simul de his omnibus edixit. Quam partem et nunc exequar. Et quoniam dixi de actione: deinceps quærendum est, quæ res præter actionem edi debeant, quibus, et quando debeant.

## II.

<sup>1</sup> Editio alia respicit actionem, seu petitionem ac præparatoria iudicii, de qua *Capp. præced.* Alia instructionem Processus et probationem, quæ sit post litem contestatam nec præparatoria est, sed instructoria causæ ac iudicii, Cagn. in *Rubr. C. h. t. n. 11. n. 43 et 47. Fac. L. 10 §. 2. ibi ad instruendum h. t. Rosb. Process. Tit. 36. n. 32.*

<sup>2</sup> Vulgo DD. hoc regulare quidem statuitur, ast non perpetuum. Certis namque casibus et ante ceptum iudicium editionem hanc peti posse statuunt, non ad finem probandi, aut fundandi suam intentionem, sed consultandi, cedendum, an contendendum sit. Veluti si in libello mentionem fecerit actor instrumenti, atque ad illud se retulerit, post alios Zoan. ad *Rub. Cod. h. tit. n. 36. Carb. Pract. Lib. 3. Cap. 3 n. 22. Myns. ad Cap. 1. extr. de prob. n. 41 fusc. Pac. Lib. 1. de Prob. Cap. 66 n. 95 et seqq. Vult. 1. Discept. 6. pag. 63 scribens proferri hic debere instrumentum, ut editio actionis plena fiat, die *Klage darmit zu argenzen.* Etsi vero Guid. Pap. Q. 116 et Wurin. Tit. 9 Obs. 5 distinguunt an per modum assertionis mentio fiat, ex. gr. Debes mihi 10 ex inutuo, de quo habeo chirographum; an per modum limitationis, ex. gr. Debes 10. prout constat ex chirographo etc. quasi hoc solum casu editio recusari nequeat, illo possit. Etsi idem alii magis in hoc variaverint referente Frid. Lib. 2. de Mandat. jud. Cap. 48. n. 4. Melius tamen idem Friderus id solum spe-*

ctari, negetne reus intentionem actoris, ubi lite per hoc contestata, instrumenta producenda ad vim probationis: an dubitare se dicat, quod instrumenti allegati nulla vel non plena sibi sit notitia, ubi ad fines consultandi id exhibendum. Sicuti et distinctio Papæ displicet Ranc. *ibid. in annot.* et eam in Curis non servari Foll. ad Mar. P. 6. Act. 10. n. 9. Si tamen probabile sit, reum habere notitiam ejus instrumenti, aut alias de contractu illo esse instructum, editionem hanc actori non injungi vult Myns. d. n. 41. Foller. d. loc. n. 11. et Zoan. d. loc. n. 37. per L. 2. h. t. quam et de editione, quæ consultandi non probandi causa sit, accipit, A. Fab. *ibid.* Fiscum quoque et qui pari jure fruuntur, ut C. seq. IV. 5. initio hoc recte exigere, ut cognoscant, an ex instrumentis adversarii fundari possit sua intentio, tradit. Myns. d. n. 41. post Panorm. ad d. C. 1. Plane quin proprii instrumenti editio actione ad exhib. vel rei vindicatione ante litem ex eo motam vel movendam peti possit, ut dubio vacat, ita huc vix apposite a Myns. d. n. 41. accommodatur, cum exceptio hæc non sit de genere regulæ. Aliter Cujac. 10. Obs. 14. regulam plane contrariam statuens: Instrumenta litis edenda ante litem contestatam, ut nisi ea una cum actione reo edat, actor nihil agat. Tum ne improvise reus opprimatur, tum ne plus debito actor petat. Quin et recusata hac editione eo ipso plus petitionis periculum incurri contendit.

II. Et præter actionem, quæ actor (nam de reo separatim dicam postea, ut res quæque distincte tradita magis intelligatur: nunc de actore loquar) quæ actor, inquam, postulanti reo jubeatur edere, duo sunt: instrumenta, et rationes. Utrumque summa ratione. Nam et instrumenta ejusmodi res sunt; quibus non cognitis non possit scire reus utrum cedere an contendere porro debeat, non magis quam actione non cognita, qua conveniatur; cum ex <sup>3</sup> instrumentis actionis fides et vis pendeat. Ut profecto si actionem ideo edi æquum est, ut sciat reus utrum cedere debeat; an contendere: æquum sit ob hanc ipsam causam ei postulanti edi instrumenta, quæ id non minus præstant. Rationes autem cur æquum sit actorem edere, quia indiget pluribus verbis, dicam opportunius tum, cum de rationibus rei disseram. Sed hæc dissimili conditione actor edere jubetur. Instrumenta quidem ea solum quibus <sup>4</sup> usus est; Rationes autem suas sine ulla exceptione id est, sive his usus sit, sive non sit: sive privatæ sint, sive publicæ, ut fisci. De instrumentis ita scriptum est in L. 1. §. ult. de eod. Edenda autem sunt omnia,

quæ quis apud judicem editurus est: non tamen ut instrumenta, quibus quis usus non sit, compellatur edere. De rationibus autem aliter in L. non est novum, C. eod. *Non est novum*, ait Alexander, *eum, a quo petitur pecunia, implorare rationes creditoris, ut fides veri constare possit*. Idem in L. justum, C. eod. *Justum est desiderium ejus, a quo pecunia petitur, licet nomine publico, ut rationibus publicis exhibitis constet, quantum sub nomine suo solutum sit*. Non exigunt hæc rescripta, ut actor his rationibus uti velit, prius quam cogatur eas exhibere. Volunt <sup>6</sup> eas edi, etsi ille his uti refugiat. Quod omnes in rationibus admittunt: sed ita ut plerique, quod de rationibus dicitur, ad cætera omnia instrumenta actoris transferant. Quam sententiam quæ res illis expresserit, non queo satis animadvertere: cum tam diserte scriptum sit in d. l. 1. §. ult. actorem ea instrumenta edere non compellendum, quibus usus non sit. Ajunt, instrumenta <sup>6</sup> esse rationes. Quod aperte falsum est. Rationes quidem sunt instrumenta: quia his causa instruitur. L. 1. D. de fide inst. sed non omnia instrumenta sunt rationes.

3) Atqui hæc ipsa ratio efficere videtur, ut ante litem contestatam instrumentorum litis quoque fiat editio, quæ Cujacii sententia est jam exposita. Cui vix est ut, vel ideo, non assensum firmum præbeam; sed ampliari malo.

4) Non dicitur: *quibus usus est*. Postquam enim semel edita producta instrumenta, ex quo iis utitur actor, de actis iudicii et communia effecta, ut quodocunque exhibenda sint, vid. Cagnol. ad L. 1. Cod. hoc titulo n. 53 Ant. Fab. ad d. L. 1. §. 3. Nec prodest actori, si postea dicat, se nolle uti, Cagnol. ibid. n. 60. Nec si dixerit, se producere in passibus solum pro se facientibus et non aliter, quia protestationis hujus nulla vis; (licet quidam tunc utilem eam esse velint, cum pars adversa illi non contradicit) quia non in potestate ejus est restringere vim probationis instrumenti in iudicio producti, Cagnol. in d. L. 1. n. 6 ac seq. vid. tamen. Meno. Arb. C. 4. 99 n. 74 Verumt quando adhuc non utitur, peti potest editio, si usus est d. §. 3. Ast unde hoc constat? Vulgo si in libello meminit instrumenti, vid. Cagnol. ad d. L. 1. n. 56. Sed et petente parte adversa iudex interrogare debet actorem vel reum (nam in instrumentis aliis præter rationes par causa actoris et rei, Donell. ad L. ultim. Cod. hoc tit. n. 6 et par et ex Cap. seq.) num habeat instrumenta, quibus uti velit, Cagnol. ibid. n. 64. Atque tunc poena non edentis hæc ut ejus jure privetur, seu ut eo, quod edere iussus, non paruit, postea uti nequeat, L. ultim. §. 1 de appell. Ant. Fab. Cod. suo hoc tit. definit. 2. Blarer. in L. diffumari Cap. 6 n. 19. Contard. ibid. Cap. 4. n. 50. Non autem edenda, quæ iudici secreto, ad ejus informationem, seu privati, exhibita, quia illa nec actis inseranda, nec iis iudex moveri debeat in sententia ferenda, quæ sibi non ut iudici constant, Guid. Pap. Quæst. 242 ibique in annot. Matthæ. Cagnol. in Rub. Cod. hoc tit. n. 18 add. Asin. Præzi §. 22 Cap. 8 limit. 1. Quæritur Num cum articulo probatorio editio sit, reo una edenda nomina testium examinandorum? Quidam negant, ob timorem subornationis, ut Ripa referente Cagnolo ad L. 1. Cod. hoc tit. n. 63 et Bronch. 2. Ass. 94 circa fin. per L. 38 in final. princ. de recap. arbit. Contra post glos. et DD. Scaccia 1 de Judic. 100 n. 12 quod nec ante incipiat dilatio ad edenda interrogatoria, quam his editis. Quia interrogantis munus non tam ex qualitate probandorum, quam ex qualitate testium perficitur.

Et ita usus servat. Copiam autem interrogatoriorum adversario fieri non debere, vult Scaccia ibidem n. 15.

5) Nam in dd. LL. eduntur ad intentionem vel exceptionem adversarii probandam. Ac ita, etsi extra librum rationum obligatus debitor, ac non ex Codice rationum agat, sed ex chirographo mercator, edere tamen eum rationes suas ad probandam solutionem rei debere iudicatum refert A. Fab. C. suo h. t. defin. 16.

6) Ita Myn. ad C. 1. extr. de probat. n. 22. rationum appellatione omne scripti genus contineri per d. L. Sa. de cond. et dem. aliasque impertinenter prolatas. Communisque conclusio traditur ad probandam defensionem rei (exceptionem vel duplicationem) quævis instrumenta causæ ipsi ab actore edenda. Myns. ibid. n. 21. post alios relatos, Gilken. ad L. ult. Cod. hoc tit. n. 4. et seqq. Bover. Sing. 32. n. 3. n. 9. Bron. 2. Ass. 94. Old. Class. 1. Act. 8. Q. 4. n. 6. Pacian. Lib. 1. de Probat. C. 63. n. 17. Frider. Lib. 2. de Mand. judic. C. 48. n. 8. et 9. (qui d. L. 1. §. 3. ita restricte accipit, nisi petatur editio ad fundandam defensionem rei) Quod tamen declarant, si exceptio meram defensionem contineat. Unde aliud statuunt. (1) Si vim actionis habeat, et impugnationem quandam contineat, ut Compensatio et Reconventio, Myns. d. loc. n. 24. et Gilken. n. 10. Pacian. d. C. 63. n. 124. et seq. Quod A. Fab. C. suo hoc tit. defin. 6. in reconvensione admittit, quia mutua est actio, nec a nova petitione differt, nisi quod in eadem instantia. Secus in compensatione, quia opposita ipso jure perimit ac elidit. Ac certe si in ulla defensione æquitas, ea in compensatione neganda non est. Sane ad compensationem intrinsecam, veluti computando fructus in sortem, edi debere post Dec. Fr. Calletus Adlit. ad Pacian. d. C. 63. lit. Q. (2) Si crimen actori opponat, ne suum ipse facinus detegere cogatur, Gilken. in d. L. ult. n. 9. Myns. d. loc. n. 24. Pacian. d. lo. n. 121. et 2. seqq. (3) Si dilatoria Exceptio petitionis æquitatem non excludat, ut actori non esse personam legitimam standi in iudicio, Myns. ibid. et Gilken. n. 8. (4) Si alias defensio a jure actionis separata, ut si possessorio agenti obijciatur exceptio domini, Myns. ibid. n. 23. Old. d. Act. 8. Q. 4. n. 6. Et ita DD. Sententia autem Donelli nostri jure velior videtur ob rationem differentie ut N. 9. et per d. L. 1. §. 3. D. h. t.

nes. Cum fieri possit, ut tabulæ perscriptæ sint de uno negotio. Rationes autem non sunt, nisi de pluribus: suntque ejusmodi, quæ habeant utramque paginam, accepti, et expensi, dandi, accipiendi, solvendi. *L. si quis, 7 §. rationem, D. eod.* Citant, quod scriptum est in *L. cum servus*, in fin. *D. de conditio. et demonstrat.* eum servum, qui jussus est rationes reddere, debere edere omnia instrumenta actus sui. Quod ab eo non exigeretur, nisi verbo rationum reddendarum continerentur instrumenta rerum a servo gestarum. Sed aliud est rationes reddere: aliud edere rationes. Reddere rationes non est tantum edere, et exhibere libros accepti et expensi: sed ita reddere rationem rerum illic perscriptarum, ut quod in his factum dicis, probes. Quæ ratio, et fides nisi 8 instrumentis rerum omnium gestarum editis constare non potest. Edere autem rationes nihil amplius significat, quam ipsos libros rationum exhibere, ut sit rationum cognoscendarum copia. Quæ cognosci, etiamsi res gesta non probetur, possunt.

III. Quærent ergo quid intersit inter rationes actoris, et cætera ejus instrumenta? Plurimum vero interest. Nam cum instrumenta de uno negotio confici soleant, certe non fiant de omnibus quæ actor gessit: non est necesse hæc confecta esse de solutione debitoris: quantumvis et reus solverit, et instrumenta actoris bona fide confecta sint: cum possint de alia re esse scripta. At rationes cum sint ejusmodi, ut in has referantur omnia, quæ actor gessit, non solum quæ dedit, sed etiam quæ accepit: si modo perscribantur bona fide, ut existimari actori ad

famam utile est: non possunt, quin 9 contineant solutionem, et liberationem debitoris, si quidem ipse liberatus est, ut dicit.

IV. Adeo autem æquum visum est, actorem rationes suas reo postulanti edere, ut ne fiscus quidem, si agat, possit in rationibus suis, idest publicis, hanc editionem recusare: ut cautum est in *L. justum, C. eod.* Scribit quidem Paulus in *L. in fraudem, §. neque, D. de jure fisci. Neque instrumenta, neque acta*, (idest scripturas eorum, quæ apud procuratorem fisci cum fisco acta sunt) a quoquam adversus fiscum edi oportere. Sed de extraneo loquitur, quo agente postuletur ab eo, ut instrumenta aut acta fisci, quæ apud eum sint edat. Sciendum est enim si quis cum fisco agat, eum actorum potestatem postulare posse, ita ut his uti possit, si velit: ut scriptum est in *d. L. in fraudem, §. quoties*. Sed hac lege fit hæc potestas: idest, hac lege ea eduntur, ne is, cui edita sunt, adversus fiscum, aut rempublicam utatur. Quod Paulus in *eadem lege* scribit in *d. §. neque*. Cæterum ipse fiscus si agat, et instrumentis aliquibus suis uti volet, aut etiam ejus aliquæ rationes erunt, ut sunt, et esse debent: in his utetur 10 jure privatorum, ut quia agit, ista etiam edere debeat.

V. Illud notandum, rationes 11 cum die et consule edi debere: quoniam accepta et data non alias possunt apparere, nisi dies, et consul fuerit editus, instrumenta non esse necesse edi cum die et consule quo instrumentum conscriptum est; *ne quid excogitetur et prolato die fiat*: sic verba sunt *L. 1. §. editiones, D. eod.* quæ Eguinarius Baro recte interpretatur: Non recte, *prælato*, ut in 12

Pan-

7) *L. 47. §. ult. in fin. de pact.* Cujac. 10. Obs. 14. vid. Gœd. ad *L. 56. pr. d. V. S. n. 4.* ubi descriptionem rationum, quæ *d. §. 3.* ab impugnationibus tuetur. Confer. not. *supra Lib. 7. C. 3. N. 3.* ibique citatos auctores.

8) Ac longe plus est reddere rationes quam edere, *L. 89. §. ult. de verb. sig. ubi vid. Gœd. n. 4. et LL. citatas ab eo et supra Lib. 8. C. 33. N. 4.* quod explicat Matth. Steph. *Lib. 2. de jurisd. P. 2. Cap. 2. n. 221. et seqq.*

9) Recte. Rationes natura sua ita conficiuntur, ut etiam pro debitore scribantur, continentes duas paginas expensi acceptique. Cætera instrumenta pro eo solum confici solent, qui ea habet, non pro alio. Et ut forte quid illa habeant, quod faciat pro reo, non tamen id certum est, non natura sua ita confici solent, Donell. ad *L. 5. C. h. t. n. 5.* Dices: At si sententia *L. 1. §. 3. D. h. t.* ita generalis, ut *h. C. N. 5. et 6.* etiam ad rationes pertinet, cum hæc illæ sint instrumenta. Proinde nec edendæ, nisi ab eo qui usus iis. Resp. Donell. ad *d. L. 5 n. 4.* Loquitur *d. §. 3.* de iis instrumentis, quibus actor uti posset, si vellet, sed in causa presenti non vult, aut quia ea non fert, aut quia non libet. Rationes autem non sunt instrumenta, quibus uti possit actor ad fidem pro se faciendam, cum ipsi sint domesticæ. Ergo per *L. 5. et 6. Cod. de probat.*

10) Ita et Donell. ad *L. 6. Cod. hoc tit.* (Cui consent. Pacian. *Lib. 1 de Probat. Cap. 63 n. 118.*) Nam et fiscus in contractibus privatorum jure utitur, *L. 3 Cod. de rescind.*

*vendit.* maxime cum ab eo postuletur, quod sine dolo recusari nequit, Donell. *ibid.* Non obstat quod sequitur *d. L. 45. §. 6* quod ipse fiscus non alia conditione edat, quam ne is cui editur, adversus se utatur. Quia et id intelligitur, quando Fiscus tunc cum edit, non litigat, et cui editio facta exinde contra Fiscum actionem movere velit. Confer. Pacian. *d. Lib. 1 Cap. 65 n. 131.* Attamen vigore *d. L. 45 et §. 5.* Curia Imperii censuit, fiscalem edere non teneri, referente *Addit. ad Wurmser. Tit. 20 Obs. 1 n. 2.*

11) Nam cum duabus paginis constent accepti una, expensi altera: eorum collatio in ponendo pari calculo inutilis omisso die et Consule, Cujac. 10 *Obs. 14.* Per Consulem enim olim tempus designabatur, Old. *Class. 1 Act. 8 Q. 6 n. 6.* Myns. ad *C. 1 extr. de probat. n. 37.* Nec sine hoc explorari potest, an imputationes probo referantur, accepta aut recte relata sint, *L. 82 de cond. et dem.* Ant. Fab. ad *d. §. 2.* Hodie nomen Imperatoris vel Papæ poni solet, Myns. *d. n. 37. Zas. Par. D. hoc tit. n. 4.* Pacian. *Lib. 1 de Probat. C. 66 n. 63.*

12) Cujac. 3 *Obs. 7.* Florentinam tuetur, cum præferre diem sit autevertere, seu anticipare, *L. 28 ad L. Corn. de fals. Liv. Lib. 39.* Eodemque sensu putat dici diem referri in *L. 33 de recept. arb.* Idem 10 *Obs. 14* prælato die Græc. *πρὸ χρόνου* falsi genus. Et ita quoque repetita die exponit, in *d. L. 3 de fid. instr.* Goth. *ibid.* ac Alb. Gentil. *de Divers. temp. appell. C. 13.* Repetitus, ait, idem qui relatus, præ-

Pandectis Florentinis; non enim, *prælatō die*, idem est, ut quidam putant: quod *repetita die* in *L. repetita, D. de fid. instr.* nisi forte putamus idem esse præferre diem, et repetere: ac quando hæc edi debeant, ex superioribus intelligi potest: Scilicet edentur instrumenta, cum actor his uti volet; idest cum ea edet apud judicem, ut <sup>13</sup> causam instruat. Nam ante an iis usus sit, qui sciri potest? Ra-

Tom. VI.

tiones autem desiderari possunt, quovis tempore post litem contestatam. Etenim cum recte desiderentur, ut ex iis actor fundet (quo verbo utitur. *L. cum C. eod.*) id est, probet, et probando stabiliat intentionem suam: sit autem actoris hanc probare, quovis tempore post litem contestatam: conficitur earum editionem quovis tempore desiderari posse.

6

CAP.

teritus pro præsentī adsumptus, *d. L. 3 et L. 9 §. 3 ad exhib. L. 1 §. 7. et 8. de itin. privat.* Ibid. Gentil. prælatum diem, hic et *L. 28 de fals.* non tantum dici, si præteritus pro sequenti adsumatur, sed etsi sequens pro præterito, ubi repetitus dici nequit, cum repetere sit ex præterito. Et quidem Florentinam *prælatō* in aliquibus etiam manuscriptis reperi. Vulgarem autem *prolatō* in pluribus et vetustioribus. Prolatus autem dies est prorogatus, et qui brevior fuerat, in longiorem productus, *L. 33 de recept. arb. L. 5. Cod. de exact. trib. Senec. Herc. Furent. Act. 1 Sc. 3.*

*Certo veniunt ordine Paræ  
Nulli jussu cessare licet  
Nulli scriptum proferre diem.*

A. Gentil. *d. C. 13.* Confer Rev. ad *L. 74 de R. I.* Et ratio *d. §. 2.* ne quid excogitetur, seu ne quid falsi fiat, aut materia falso fabricando præbeatur, ut *L. 2 §. 6 testam. quem aper.* immutata scilicet die, Cujac. 3 *Obs. 7.* Zoannet. ad *Rub. Cod. hoc tit. n. 7.* Myns. ad *C. 1 de probat. n. 38.* Ac instrumentum quoque valet sine die et Consule, *L. 34 §. 1. de pig. Anton. Fab. ad d. §. 2.* Et ita dies confecti instrumenti non edendus, si editio ad præparandum judicium, vel ad deliberandum petitur, secus si probationis gratia petitur, vel sit productio, *Zoan. d. loc. n. 8.* Anton. Fab. *Cod. suo hoc tit. defin. 2.* Item si instrumentum quis falsi arguere velit, ita per *L. opt. 13 Cod. de contr. stip. Oldend. Cl. 4. Act. 8. Q. 6 n. 4.* Myns. *d. n. 38.* Quod tamen declarat et coarctat Zoannettus *d. loc. n. 9.* Dies autem in quem collata solutio, edendus, quia pars est stipulationis, *d. L. 1 §. 2.* sine quo tota edi non videretur, *L. 1 §. pen. hoc tit.* Quare ubi absque die contractus vel instrumenti de hoc constare non potest, veluti si ita: *Infra 7 menses solvam*, et illum edendum volunt, *Zoan. d. loc. n. 7.* Pacian. *Lib. 1 de Probat. C. 66 n. 70* qui de his (die et Consule) plura *ibid. n. 63 et seqq.*

13) Ante litis exordium vero si quis ediderit, nisi post litem contestatam rursus adversario edat, nihil priori editione actum volunt, per *Cap. veniens, 38. de testib. Zoan. ad Rub. C. h. t. n. 34.* Nec editio ante ceptum judicium consultandi causa facta idem præstat. nisi lite contestata rursus judicialiter producantur, et in vim probandi repetantur, *Myns. ad C. 1. de prob. n. 41. Wes. Cons. 3. n. 34.* Vult.

1. *Discep. schol. 6. p. 63.* Putat A. Fab. ad *L. 1 §. 3. h. t.* editionem olim factam quoque apud Prætores, eamque notari, *d. L. 1 §. 3.* non ut de facto cognosceret, sed ut sciret, qua verborum conceptione formula dictanda et num addenda clausula *ex bona fide.* Sed immo *d. §. 3.* de editione quæ sit adversario, non quæ vel prætori vel judici loquitur. Et ubi non de facto cognoscit prætor, cui bono hæc editio? Nam an bonæ fidei judicium constituere debuerit iudex ex ipsa intentione litigantium proposita æstimandum fuit. Edenda autem stipulatio tota, *L. 1 §. pen. h. t.* id est totum instrumentum Cujac. 10. *Obs. 14.* Quia hoc facit ad plenam sententiam contractus ejusque quod actum est, assequendam. Facit *L. 24 de LL. A. Fab. ad d. §. pen.* Vulgo autem receptum est, si instrumentum plura capitula contineat, judici quidem totum id exhiberi, ut integrum legat, debere. Adversario autem inspicendi et describendi potestatem fieri ejus partis, de qua questio, et si quæ connexa sint capitula de eadem materia, per *C. contingit 5. extra de fid. instr.* et quia hoc ipsum totum habetur, quod petentis edi interest, seu ad causæ præsentis instructionem pertinet, per *L. 8. pr. junct. L. 10. §. 2. h. t. vid. Old. Cl. 1. Act. 8. Q. 6.* Zoan. ad *Rub. C. h. t. n. 10. et seqq. Pacian. Lib. 1. de Probat. C. 66. n. 38. et seqq. Myns. ad C. 1. de probat. n. 34. et 2. seqq. et ad C. 5. de fid. instr. n. 7. et seq. Gall. 1. Obs. 106. n. 10.* Wurmser. *Tit. 20. Obs. 1. P. Frider. Lib. 2. de Mandat. jud. C. 48. n. 18 et seqq.* ubi *n. 20.* id quod judici totum sit edendum catholicum non esse, nec ex *d. C. 5.* probari monet. Itaque tradunt Legatario edi non totas tabulas, sed partem, qua legatum continetur per *L. 15. pr. de rob. auct. jud. poss. item eam, ex qua interpretatio legati sumi potest, Zoan. d. n. 10. et seq. Myns. ad d. C. 5. n. 10. et n. 12.* Quia vero editio sit sine die et Consule, ut *h. C. N. 12.* infert Cujac. 10. *Obs. 14.* initio edi exemplum, non proferri authenticum, et facit *L. 11. h. t.* ubi Ant. Fab. collatum ut sit id cum authographo requirit. Etsi ad probationis vim ipsum authenticum requiratur, *auth. si quis. C. h. t. Wultei. 1. Disc. 6. p. 63. Roshach. Process. T. 36. n. 29.* Quando edendum originale vel apographum, scilicet copia, vide Pacian. 1. *de Probat. 66. n. 78. et seqq. Frider. Lib. 2. de Mand. judic. C. 48. n. 14. et seqq. Wurmser. Tit. 20. Obs. 1. Rulant. de Commiss. P. 2. Lib. 5. C. 18. Myns. ad C. 1. de probat. n. 43. ac seq. Confer. idem 6. Obs. 73.*





## C A P. VII.

## Quarum rerum editio a reo exigatur.

*Acta publica et instrumenta privata communia edere debet actore desiderante reus. I.*

*Item rationes suas ex causa: causa talis unde ducatur. II.*

*Sine causa rationes suas reus edere non co-*

**I.** **V**ideamus, nunquid sit quod eodem exemplo desiderante actore reus edere debeat, ad eum instruendum. Et quæ de actore constituta sunt, eadem in reo, qui defensione aut exceptione aliqua utitur, locum habent omnia. Petuntur decem mutuo: Reus se liberatum dicit, non tantum genus liberationis dicere debebit, veluti se solvisse: sed etiam omnia instrumenta edere, quibus in eam rem usus sit: et præterea suas rationes etiam, quibus non sit usus. Instrumenta autem jubetur edicto edere omnis qui iis in causa usus est. *L. 1. §. ult. D. eod.* At, neque de exceptione edenda quidquam nominatim cautum est edicto, neque de rationibus a reo edendis ullum verbum est in Constitutionibus. Sed cum edictum et constitutiones eum qui agit, item actionem nominant: his verbis satis reus, qui exceptione utitur comprehenditur: agit enim,

gendus. *Exponitur L. ipse dispice 1. et L. qui accusare 4. C. de ed. III.*

*Contrariis occurritur; simulque L. et quæ 8. C. de ed. illustratur. IV. V.*

*Aditus ad Cap. seq. VI.*

qui utitur exceptione, et reus in exceptione actor est. *L. 1. D. de exc.* quod scripsit Ulpianus *Lib. 4.* ad edictum: quo ipso libro scripsit ad eam partem edicti, quæ est de edendo: ut indicat inscriptio. *L. 1. D. de except.* ut vel hinc appareat supra scriptam rationem ad interpretationem Edicti de edendo fuisse accommodatam, ut probaret, quod eo edicto de actore scriptum est, per omnia ad reum, a quo exceptio affertur pertinere. Et in actis publicis, itemque in instrumentis communibus eadem hujus, quæ actoris causa est, ita qui ea apud se habeat, et instrumenta privata communia, itidem reus actori, ut actor reo exhibere debet: est enim utrumque ejusdem rationis. *L. 2. L. procurator, D. de eden.* In privatis, quæ ipsius propria sunt, causa dissimilis.

**II.** In quo fere solum quæritur de ejus rationibus, an eas postulanti actori exhibere de-

1) Recte. Et ita Accurs. in *L. 1. h. t.* voculam actionis largissime hic poni, ut exceptionem complectatur. Tametsi Cajo. *Par. D. de exc.* Gæd. in *L. 8. §. 1. de V. S. n. 3.* appellatione actionis in hoc edicto nullam exceptionem contineri, per *d. L. 8. §. 1.* ac P. Fab. *ad L. 92. de R. I.* Quasi exceptio ipsa non itidem actori, uti reo libellus actionis, edatur. Et ita Monach. *Pract. P. 5. §. 6. C. 2.* actionem et exceptionem præter alia natura et forma proponendi differre. Neque exceptionem necessario edi. Ac certe quæ ratio est edendæ actionis, (deliberatio rei) in exceptione cessat, *L. 42. in fin. de R. I.* Plane quin instrumenta, quibus exceptionem aut defensionem quam fulcire vult reus, edenda sint, non negat P. Fab. *d. loc.* Regula enim: Reus edere actori non cogitur, accipitur oportet de iis instrumentis, quibus non usus. Sic enim in *L. 4. C. h. t. species ea*, ubi non probante actore reus vult absolvi, nihil ipse præstans, vid. Don. *ibid. n. 2.* Ut autem edat ea quibus usus, alia regula facit, *L. 1. §. 3. D. h. t.* quæ generalis, ad reum quoque pertinet, Don. *ad L. ult. C. h. t. n. 7.* Menoch. *Arb. cas. 499. n. 71.* Pacian. *Lib. 1. de Prob. C. 63. n. 130.* Myns. *ad C. 1. de probat. n. 20.* etsi, inquit, illud instrumentum in certis solum capitulis producat. Sed ibi una probare et edere cogitur capitula annexa non separata, vid. Menoch. *d. loc. n. 74.* Quod vero hic Donellus in exceptione edendas quoque rationes Rei, quibus non usus, in eo uti alii alia omnia tradunt, qui nec in privatis rationes ab instrumentis aliis secernunt, ita ipse hoc declarat *ad L. ult. Cod. h. t. n. 7.* et *S. quod ita cogatur eas edere*, si excipiendo fateatur de intentione actoris. Tunc enim editio rationum, quæ exigitur a reo, non utique ad fundandam intentionem actoris spectat, quippe quæ confessione jam satis fundata est, sed ut fide defensionis constet. Secus est si

inficiatione pariter et exceptione utatur reus, e. g. Nego te mutuo 10 dedisse, et si dedisti, pacto aut solutione liberatus sum. Hic non cogitur edere rationes, ne actorem adversus se armet, si forte creditum in rationes retulerit, solutionem autem non item: adde *h. C. N. 11.* Reconventionis libellus ut a Reo actori edendus vid. Jo. Pels. *Process. Tit. 25 n. 3. et seq.*

2) Menoch. *Arb. Cas. 499. n. 76.* Fr. Munoz. *de Ration. Cap. 10. n. 25. et 32.* Et quod testamenta inter heredes ac legatarios communia, Gail. 1. *Obs. 106. n. 5.* Menoch. *d. Cas. 499. n. 80.* Quæ dicantur et quot modis fiant communia instrumenta, Consule Don. *ad L. 7. Cod. hoc tit.* Pacian. *Lib. 1. de Probat. C. 6. §. 4. n. 91. et seqq.* et Rulant. *de Commis. P. 2. Lib. 5. C. 19. n. 6.* Et ita dominus feudi et emphyteuseos recte petit, fedi a vasallo vel emphyteuta libros conscriptos de rebus istis, seu communes, vid. Menoch. *d. Cas. 499. n. 81.* Rulant. *d. C. 19. n. 9.* Pacian. *Cons. 155. n. 12. et n. 28. ac seq.* Atque hæc communia instrumenta rei vindicatione ac ad exhibendam actionem peti posse, cum et pro parte meum vindicari queat, Donell. *ad d. L. 7. n. 6.* vid. Pacian. *1. de Probat. C. 63. n. 152. et seq. et C. 66. n. 29.* Edenda quoque volunt: cum verosimile vel præsumptio est, quod sint communia. Plerumque enim instrumenta communia apud digniorem, et in loco magis securo reponi solent, juxta *L. 4. §. ult. L. 5. Fam. eriscund.* Meichsner. *Tomo 3. Decis. Cam. 13. n. 228.* In duplicibus quoque judiciis, cum uterque sint actor et reus mutuo sibi edere debent, etsi rationes alterius propriæ, ut *L. 8. pr. Famil. eriscund.* ut Gilken. *ad L. 1. Cod. h. t. n. 18.* Loannet. *ibid. n. 42.* Pacian. *Lib. 1. de Probat. C. 63. n. 129.* Menoch. *d. Cas. 499. n. 85.* Frider. 2. *de Mand. judic. 48. n. 10.*

debeat. Non enim quærimus an exhibere debeat exceptionem, qui hac non utitur: an debeat exhibere instrumenta, quibus usurus sit; a quo nulla probatio exigitur cum neget. L. 2. *D. de prob. L. actor. C. eod.* instrumenta autem alia ne actor quidem reo exhibere cogitur. L. 1. §. *edenda, D. eod.* Sed ut actor rationes suas debet edere, etiam si his usurus non sit: ita eodem exemplo æquitatis moti non temere dixerimus reum contra rationes suas actori edere debere. Et de eo ita scriptum est in <sup>3</sup> L. 1. *C. eod.* ut reus rationes suas exhibeat *ex causa ad officium judicis pertinere*. Ergo si causa est, hoc tribuitur postulanti actori, ut ei etiam rei rationes exhibeantur; si non est causa, frustra id desiderat. Causæ <sup>4</sup> id desiderandi partim ex conditione actoris, si delator est, qui quid nuntiat fisco ex causis L. 1. *D. de jur. fisc. comprehensis*. Huic reus ju-  
Tom. VI.

betur non rationes suas tantum: sed etiam instrumenta ad causam fisci pertinentia exhibere. L. 2. §. 1. *D. de jure fisci*. Præterquam si de 5 capitali causa agatur. L. *senatus, D. eod.* Ex conditione et persona rei, si est argentarius, cum quo agitur, et rationes ad actorem pertinent, a quo id desiderari potest, non tantum si agat, aut cum eo agatur: sed etiam si nihil nobis cum eo sit negotii, ultro cum eo est actio nominatim edicto de edendo a prætore constituta. L. *prætor, D. de ed.* in eadem causa est argentarii <sup>6</sup> heres. L. *quædam, §. nihil, D. eod.* Eaque pars est edicti, quæ præcipue sub Titulo *de edendo* explicatur in Digestis. De qua nihil necesse est plura verba hoc loco facere, sive quod res ex eo titulo facile possit intelligi: sive quod <sup>7</sup> horum hodie nullus sit usus, nisi quis forte eos cum <sup>8</sup> Notariis nostris comparet. Ejusdem juris est  
6\* omnis,

3 ) In quo rescripto negatur editio actori, et hæc ejus sententia: Non nisi ex causa fit editio a reo. At in præsentī causā non subest. Ergo Donell. *ibid.* n. 2 et 7. Qui errare DD. vulgo ostendit, qui aliter accipiunt indeque mire digladiantur, quomodo mulier argentaria esse possit, cum tamen d. L. 1. de argentaria non loquatur. Et si omnino decisio affirmativa foret, deberet actori de muliere, herede argentarii, cum Accurs. Donell. d. n. 7. vid. Fachin. 11 *Controv.* 85. Petr. Aldobrandin. *interpr. d. L. 1. pro Ludov. Cato adversus Marium Arcadem*, qui longe aliter exponit. Quasi si decisio quidem negativa sit, sed hoc sensu: *Ex causa*, id est, ordinarie quidem et regulariter, sit ab argentario editio, quoties scilicet causa aut negocium, in quo ultro citroque dandi et accipiendi negotiatio, L. 6. §. 3 h. t. Tale autem non est depositum d. L. 1. quod unica datione consistit. Ergo ab argentaria non edendum perinde atque nec pignus vel mandatum d. §. 3. Alii ex verbis d. L. 1. *ex causa ad officium*, etc. colligunt, quod certis casibus iudicis officio reus edere cogatur, etiam non petente adversario, Quos refert Asin. de *Execut.* §. 3. C. 94. *ac seq. ac C. 217. et seq.* Aliter ea verba exponit Menoch. d. *Cas.* 499 n. 3. et 4.

4 ) Vulgo DD. longe plures exceptiones tradunt, quas concessere Zoan. et Gilhen. ad d. L. 1. *Cod. h. t. Myns. ad C. 1. de probat.* n. 12. et *seqq.* Frider. de *Mand. jud.* 48. n. 10. Rulant. de *Commissar. P. 2. Lib. 5. C. 19.* pluribus Menoch. *Arb. Cas.* 499. Et Valasc. *Jur. emphyt. Q. 8. n. 6.* scribit Socinuum tot fallentias regulæ negativæ proferre, ut satius foret, regulam affirmatæ concipere et pauciores casus excipere. Et tamen regula negativæ disertis LL. verbis prodita est.

5 ) Et ita accipit. L. 3. *D. h. t.* ubi quæ edere debeat reus fisco tractatur, non quando. Et quando ex causa civili agit fiscus, damnum evitare satagit. Nec idem Privilegium illi, si ad lucrum et pœnam agit, ne et tunc turpitudinem ipse suam Reus detegere teneatur, Bronch. 2. *Ass.* 94. Quomodo inter causas civiles et criminales distinguit Don. ad L. 1. C. h. n. 3. Zoan. *ib.* n. 13. Jas. n. 8. Cagnol. n. 65. et *seqq.* (qui generalius in causa lucrativa hoc Privilegium fisco negare videtur) Gilken. n. 8. Myns. ad C. 1. *de probat.* n. 12. Gail. 1. *Obs.* 116. n. 11. Menoch. *Cas.* 499. n. 43. Qui de hoc fisci privilegio latius inquirunt, ut et Cagnol. d. loc. Bron. d. *Ass.* 94. Rulant. de *Commissar. P. 2. Lib. 5. C. 19. n. 7. et seqq.* (ubi inquirunt, an idem in iis qui causam vel jus habent a fisco) Pacian. *Lib. 1. de Probat.* C. 63 n. 48. et *seqq.* Produci hoc privilegium fisci solet ad causas ecclesiæ aliusque piæ causæ, matrimonii, dotis, alimentorum, libertatis, miserabilium personarum, Studiosorum, quasvis denique favorabiles. De quibus consule Zoan. ad d. L. 1. n. 16. et 3. *seqq.* Gilken. d. n. 8. Myns. d. n. 12. Menoch. d. *Cas.* 499. n. 46. et 7. *seqq.* Rulant. d. C.

19. n. 11. Pacian. d. loc. n. 47. et *seqq.* Ac in specie, quod favore piæ causæ reus edere teneatur, Tiraq. *Priv.* 155. Quod item Studioso actori edendum sit ab adversario, Horat. *Luc. Privil. schol.* 75. Rebuff. *Privil. scholar.* 116. Eberh. *Speckhan. Cent. 2. Cl. 1. Q. 14. n. 7.*

6 ) L. 6. §. 1. *hoc tit.* Et qui ab iis jus cessum habent, per ea quæ A. Fab. C. *suo hoc tit. defin.* 17. vid. Old. *Cl. 1. Act. 8. Quæst.* 5. Et hi quidem, ratione officii publici, etiam tertio edere cogebantur, L. 10. *pr. hoc tit. et simil.* Ac Cujac. 10. *Obs.* 14. duo edicta proposita fuisse censet: (1) quo jubetur actor reo edere. (2) quo argentarius rationes cuique suas. Inde Muret. *Obs. jur. C. 9. verbis edicti L. 4. pr. h. t.* voculam cuique interserit legens: *rationem cuique, etc.*

7 ) De argentariis eorumque officio ac fide abunde tractatum reperies apud Cujac. 10. *Obs.* 14. ad L. 27. *pr. de pact. et ad Nov.* 136. P. Fab. 2. *Semestr.* 15. pag. 243. et *seqq.* P. Nann. 2. *Misc.* 10. Revard. 1. *Var.* 15. P. Aldobrandin. *Interpret. L. 1. Cod. hoc tit.* Cagnol. ad d. L. 1. n. 78. et *sequentib.* Arn. ab Haersolte *Adversar. Act.* 14. n. 17. et 2. *sequentib.* Henric. Salmuth. ad *Panciroli. Lib. 1. C. 18. pag.* 100. Menoch. *Arb. Cas.* 91. Fr. Munoz. de *Ratiocin.* C. 11. *Speckhan. Cent. 1. Quæst.* 68. Alio sensu argentarii in L. 1. *Cod. de excusat. artif.* qui signant argentum. Et ita Argentarius pro fabro, qui operatur de argento, Jul. Firmic. *Lib. 3. C. 4. Lamprid. in Alex. Serv.* 1. *En. Isidor. Lib. 19. C. 7.* citante Jo. Savaron in *Comm. ad Sidon. Lib. 4. Epist.* 8.

8 ) Ad quos hoc produci vulgo obtinuit, teste Myns. ad C. 1. *de probat.* n. 15. Oldendorp. *Cl. 1. Act.* 8. pag. 88. Asin. de *Execut.* §. 3. C. 95. n. 1. (volens pauperi sine mercede ab his edendum esse, A. Fab. C. *suo h. t. defin.* 3. Gail. 1. *Obs.* 106. Pacian. *Lib. 1. de Probat.* C. 64. n. 5. et *seqq.* Fr. Pfeil. *Cors.* 174. *Volum. 2.* requirens ad hoc (1) ut continueat instrumentum utilitatem petentis editionem (2) ut eo mandante confectum sit. Nam et alias ut quis muneris publici ratione edat, veluti argentarius, receptus est duo requiri, et ut petens editionem mandaverit instrumentum conquiri, et ut de re sua agatur, per L. 6. §. 5. *hoc tit.* vid. Menoch. *Cas.* 499. n. 15. et *seqq.* (ubi docet sufficere præsumptione mandati, ut et Gilken. ad L. 1. *Cod. h. tit. n. 7.* per L. 60. de *R. I. L. ult. C. de fidejuss.*) Moller. 3. *Semestr.* 87. Fachin. 11. *Contr.* 84. Pacian. *Lib. 1. de Probat.* C. 63. n. 1. et *sequentib.* et C. 64. n. 31. et *seqq.* Cubat. 10. *Obs.* 14. Cagnol. ad L. 1. *Cod. hoc tit. n. 34.* et *seqq.* vid. tamen Gail. 1. *Obs.* 106. n. 1. et 2. Sunt qui mercatores ad instar argentariorum hac necessitate obstringi volunt, ut Bart. et alii relati a Menoc. d. lo. n. 37. communem testante, ac probat Zoan. ad L. 1. C. h. t. n. 8. et 2. *seqq.* Munoz. de *Ratiocin.* C. 10. n. 25. Verum cum non

omnis, qui res alienas administravit, procurator, tutor, socius, qui societatis negotia gessit, et similes, qui omnes rationes gestus sui conficere, et domino aut socio petenti edere, et rationem reddere debent. *d. L. quædam, C. eod.*

III. Quod si privatus cum privato agat non ex administratione negotiorum suorum, et rationes adversarii sibi exhiberi desideret, constitutum est, eas illum edere non cogendum: quæ sententia est *d. L. C. eod. Ipse di spice*, ait Antoninus, *quemadmodum pecu-*

*niam, quam te deposuisse dicis, deberi tibi probes. Nam quod desideras, ut rationes suas adversaria tua exhibeat, id ex causa ad officium judicis solet pertinere.* Hoc perinde est, quasi diceret, Quod desideras de rationibus adversariæ, non impetrabis. Ut enim reus actori cogatur rationes suas exhibere, pertinet id quidem ad officium judicis: sed ex causa: quæ causa in proposito nulla est. Ut merito dicat actori providendum quomodo aliter de re doceat: cum futurum sit, ut illo non probante reus absolvatur. *L. qui ac-*  
*cu-*

æque hodie Mercatura, uti olim Argentaria, publicam causam fidemque habeat, id reprobant Don. *ad d. L. 1. n. 4. Bo-ver. Sing. 32. n. 1. Menoch. d. loc. n. 38. Fachinæ. 11. Contr. 89. A. Fab. ad L. 10. §. 1. h. t. quia nec Romæ eodem tempore, quo argentarii erant, decraut mercatores. Nec de iis quidquam vel Prætor edixit, vel Consulti dixerunt. Sed et qui dissentiant conclusionem suam restringunt ad libros rationum, quos palam in officinis habent. Secus in iis, quos domi secreto habent pro sua instructione, Menoch. *ibid. n. 39. Zoan. d. loc. n. 11. Pacian. d. C. 63. n. 12. Gilken. ad L. 1. C. h. t. n. 6.* cum primis hic sequendum monet, quod in regione, in qua actum est, frequentatur. Quod si mos regionis non appareat, tunc spectandum, an libri illi fidem aliquam pro scribente faciant. Eoque casu edendos, cum id familiare sit mercantibus fide interposita, ut rationibus id adscribi curent. Jure canonico quoque actori edere tenetur reus odio personæ, si fœnerator vel usurarius, si et de usuris exactis, seu ad eorum restitutionem agatur. Qui mediante censura ecclesiastica rationes suas edere compellitur ut possit convinci de usuraria pravitate Clem. 1. §. *cæterum de usur.* De quo et num pariter Judæus fœnerator teneatur, vid. Zoan. *ad L. 1. C. hoc tit. n. 20. et seq. Cagnol. ibid. n. 69. Myns. ad C. 1. de Probat. n. 13. Menoch. d. C. 4. 99. n. 21. et sequentib. Raudens. Decis. 7. n. 60. et sequentib. Carbon. Pract. Lib. 3. C. 3. n. 7. Rulant. de Commiss. P. 2. Lib. 5. C. 19. n. 12. et 13. Pacian. Lib. 1. de Probat. Cap. 63. et sequentib. Fachinæ. 11. Con. 87. Quod ad nautas, caupones ac stabularios protrahunt, argum. L. 1. §. 1. *Nautæ, caup.* Menoch. *d. loc. n. 26. Myns. d. n. 13.* Sed id displicet. Zoanetto. *d. loc. n. 31. et Fachinæ. 11. Controv. 88.* tum quod horum ars non illicita ut fœneratilia, tum quod ratio *d. §. cæterum*, quæ in usurariis, quod clam et secreto contractus ineant, in his cesset. De publicanis idem docent relati a Menoch. *d. n. 62. et probat Myns. d. lo. Gail. 1. Obs. 106. n. 13. Pacian. d. Cap. 63. n. 89. et seqq.* quod male de iis LL. suspicentur L. 12. de Publica. (ob fraudes eorum consuetas, de quibus Duar. *ad eum tit. D. C. 1. Tiraq. de Nobil. C. 34. n. 32. Marq. Freher. 2. Parerg. 19. Rad. Forner. 6. Rer. Quotid. 12.*) Contra Zoan. *ad d. L. 1. n. 28. et seqq.* quia Publicanus non eo ipso peccat quod hoc officium gerit. Quin honestus olim et splendor eorum ordo, vid. Tiraquel. *d. Cap. 34. n. 33. Sigon. Lib. 2. de Antiq. jur. civil. Rom. C. 4. Hering. de Fidejuss. C. 5. n. 31. et seqq.* Attamen Menoch. *d. n. 26.* priorem opinionem ita admittit, si de eo ipso lis contra Publicanum, quod male in munere suo versatus, plus æquo exegerit. Hæreseos quoque reum teneri edere libros suspectos, Menoch. *d. loc. n. 25. et Joan. Nicola. Arelatensis Tr. de Hæretic. Notab. 21. n. 2.* (habetur Tomo 2. *Præx. rer. criminal.* Franc. Modii.) Et alias quoque sæpe in criminalibus domus reorum, inquisitorum jussu improvise perquiruntur, num litteræ aliæ ad convincendum reum reperti queant, vid. Tranquill. Ambrosin. *Lib. 1. Process. informativi C. 5.* Iste vero casibus, rationibus Rei editis, convinci potest reus ab-actore, ut fides illi, contra auctorem babeatur, quia non est verisimile, quod quis contra se falso scribat, etsi pro eo non probent, L. 7. C. de prob. Cagnol. *ad L. 1. C. h. t. n. 18. Donell. ad d. L. 1. n. 6. et ad L. 5. n. 1.* Nec obstat quod nuda ratio non faciat debitorem, L. nuda 26. de donat. Etsi enim ipsi non faciat cum non sit ex causis obligationem parentibus, tamen cum in rationes relatum est ex aliqua causâ deberi (ex gr. mutui) fides hujus causæ adversus debitorem peti potest, Donell. *d. n. 6. A. Fab. ad L. 4. §. 1. h. t.* Aliud enim est consti-**

tuere, aliud vere debiti, aut soluti adferre probationem, Donell. *ad d. L. 5. C. h. t. n. 2.* Quando tamen actor tali libro rationum editio utitur pro se, tenetur quoque acceptare contra se, in capitalis connexis, arg. L. Cajus 11. §. 1. de usur. L. 16. in fin. de administr. tut. Cagnol. *ad d. L. 1. n. 20.* Edenda autem ratio a capite, nam ni inspicatur, scilicet ita (in manuscripto veteri notat Hot. 8 Obs. 15. legi ratio nisi a capite, etc.) Sed parum refert) intelligi non potest, non tamen ut totus Codex, sed ea pars rationum, quæ ad instruendum pertinet, inspicatur et describatur, L. 10. §. 2. h. t. Cagnol. *ad L. 1. C. h. t. n. 33.* Sed hoc in argentario, qui plurium rationes uno libro complexus est, quod et in mercatorum libris locum inveniet, vid. Frideric. *Lib. 2. de mand. jud. Cap. 49. n. 11. et 12.* In judiciis autem generalibus; tutelæ, pro socio, solemne est totum librum rationum edi, L. Lucius 46. §. 5. de administr. tut. Cujac. *Consul. 29. addantur notata Cap. præced. N. 13.*

9) Vid. Zoanetto. *ad L. 1. C. h. t. n. 33. et sequent. Munoz. de Ratiociniis administr. Cap. 10. et passim Frider. 2. de Mandat. jud. Cap. 49.* Sed hi tenentur propriis actionibus *d. L. 9. pr. vid. Cujac. 10. Obs. 14. Donell. ad L. 1. Cod. hoc tit. n. 9. Gæd. ad L. 89. §. ultim. de Verb. Sig. n. 4.* fuse ac singulatim Rulant. de Commissar. P. 2. Lib. 5. C. 17. n. 7. et seqq. Alii vero, quibus ex edicto edendi necessitas, metu actionis in factum, *d. L. 9. pr.* Prius enim officium judicis imploratur, qui re summam cognita edi jubet. Et si non pareat jussus, tunc enim demum actio in factum, Myns. *ad C. 1. de probat. n. 29. et seq. Oldend. Cl. 1. Act. 8. Q. 4. Gæd. d. n. 4. Carbon. Pract. Lib. 3. C. 3. n. 22. et plures citati a Rulant. P. 2. Lib. 5. C. 17. n. 5. Meisch. Tom. 3. Decis. Cam. 24.* Quam opinionem communem propugnant Bellon. 2. *Supput. 11. n. 2. et 4. et Fachin. 11. Contr. 90.* etsi Bellonum refellere nitatur Zoan. *ad Rub. C. h. t. n. 21. et seqq.* in id quod interfuit, L. 6. §. 4. h. t. tunc cum decerneretur, non quod hodie interest L. 8. §. 1. h. t. Quod explicatur L. 10. §. ult. h. t. Quod interesse vere probandum *d. §. ult.* non jurejurandum in litem, Bellon. *d. n. 3.* Dices. At quomodo probari potest quod interest, nisi probato debito. Quod si potest aliunde probari debitum, supervacua fuit editio, ideoque impunis recusatio. Resp. est in *d. §. ult.* si ob non edita instrumenta rem amissimus, potest esse ut postea, undecunque illa nacti, vel aliis probationibus quibus autea caruimus, istud probemus, Don. *ad L. 1. C. h. t. n. 8.* Officii autem judicis implorationi subnecti posse sub conditione, si non ediderit actionem hanc, et eodem libello proponi; Myn. *ad d. C. 1. n. 32.* Objic. At cur argentarius non tenetur mandati, cum non edat, nisi rationes quas mandante eo tractavit, qui edi petit. Resp. Cujac. 10. Obs. 14. Mandati actione non tenetur omnis, cui mandatum est, sed Procurator, qui aliena negotia administravit. Conscribere autem rationes non est administrare negotia. Vereor ut apposite. Plane si suscepto mandato argentarius rationem non conscripserit mandati tenetur, quanti rationem scriptam esse interest, P. Aldobrand. in L. 1. C. h. t. pag. 12. Aliam quoque hic ponam in potestate judicis esse vult Donell. *d. n. 8.* ut jussus edere detrectans habeatur pro convicto, per L. 2. §. 1. de jur. fisc. junct. L. 20. in fin. C. de probat. Sed et in usu sunt mandata compulsoria pro editione, de quibus Frid. 2. de Mand. judic. 47. et seq. Rulant. de Commiss. P. 2. Lib. 5. C. 17. n. 12. et seqq. Quibus casibus alius privatus, qui nec agit, nec convenitur, edere compellatur, vid. Frid. 2. de Mand. judic. 48. n. 11. Pacian. 1. de Prob. 66. n. 85. Myns. *ad d. C. 1. de probat. n. 26. et 2. seqq. Moller. 5 Semestr. 87.*

*cusare, C. eod.* Et recte innuit in proposito nullam esse causam cur adversaria cogatur edere suas rationes. Nam et qui desiderat rationes sibi edi, privatus est, non fiscus: et qui ad hoc officium vocatur, reus est, non actor: et is reus, qui non sit argentarius. Mulier enim est, cum qua agitur. Mulier argentarii officio fungi non potest. *L. penult. D. eod.* Sed nec tanquam cum herede argentarii agitur. Causa autem petendi ex deposito nominatim, non ex administratione. Postremo quæ rationes desiderantur, eæ sunt ejus propriæ, quæ convenitur. Quapropter nihil est in proposita specie, cur adversaria actori rationes suas exhibere cogatur. Ex quo recte ita definiemus: Nulli actori privato reus privatus rationes suas proprias cogendus est edere.

IV. Cujus juris redditur ratio alio rescripto ejusdem tituli: nempe *L. 4.* diceret enim aliquis, At iniquum est, reum rationes suas actori non edere: cum rationibus ejus inspectis veri fides possit constare, et statim ab omni lite discedi. Est boni judicis verum inquirere ac tueri: et probationum facultas angustari non debet. *L. quoniam, in fin. C. de her. et Manich.* tum quæcumque facultas detur, lites minuere. *L. judices, C. de ind. L. quidam, D. si cer. pet.* imo inquit <sup>10</sup> eo rescripto Antoninus, *neque juris, neque æquitatis ratio permittit, ut alienorum instrumentorum inspiciendorum potestas fieri debeat.* Non juris: ut quod contra constitutum erat, et jam olim semper obtinuerat. Non æquitatis: idest, æqui boni, et juris naturæ, seu gentium. *L. penult. D. de just. et jur.* duabus de causis. Primum quia ita lex sit naturæ, unumquemque moderatorem esse debere et arbitrum rei suæ. *L. in re mandata, C. man.* Deinde, quia et hæc alia sit lex ejusdem naturæ, Neminem alteri incommodare debere. *L. solvendo, D. de nego. gest.* Qua eadem lege multo magis in nos ipsos injuriæ esse, nosque lædere prohibetur. Læ-

dit autem se qui rationes suas, quibus vincatur adversario edit: idest, arma in sese adversario subministrat. Quod ipsum nimis grave est. Ut est in *L. nimis, C. de testib.* Nimis: quia bis grave et quod perit qui id faciat, et quod perit ejus opera, per quem maxime ipsum salvum esse oportebat, idest sua. Ut non minus vere, quam concinne et eleganter illud dictum sit a vetere poeta

*Interimitur bis, qui suis armis perit.*

Judex quidem verum tueri debet: sed cognitum. Inquireret in hoc ipsum, ut id cognoscat: sed honestis, et legitimis rationibus, non ut reo injuriam faciat, eique jus de re sua statuendi, ut velit, adimat. Neque vero cum reum rationes suas exhibere non coget: idcirco lites non minuet judex. Augeret potius si hanc editionem illi imperaret: cum secundum regulam juris: actore non probante statim litis finis esse potuerit: debuit enim absolvi. Sed enim dicat rursus quispiam: non sit æquum fortasse, reum rationes suas in se exhibere, ut ipsi noceant; at saltem æquum ob id eum edere ut se suspicione liberet, et probet se nihil accepisse. Quod fiet, cum ostendit nihil se de eo retulisse in rationes suas. Huic objectioni tacitæ occurrit Antoninus ea ratione, quam in extremo superioris rescripti posuit et quam paulo ante retulimus. *Actore enim, inquit, non probante, qui convenitur, etsi nihil ipse præstat, obtinebit.* Hoc enim voluit intelligi, nullo modo esse æquum reum rationes suas exhibere: non dico si ipsi noceant: sed ne tum quidem, si ipsum adjuvent. Nam etsi faciant pro eo: tamen de se nihil cogitur probare, satique est ad ejus defensionem: quod actor nihil probat.

V. Sed de æquitatis ratione, quam dicit Antoninus, minus potuit dubitari: at juris ratio cum ea sententia pugnare videbatur. Constitutum est enim actorem desiderante reo

ra-

<sup>10</sup> ) *L. 10 §. 4 de QQ. C. 1 extra de probat.* Adhæc iniquum arcana domus alius prodere cogi, quæ his rationibus contineri possunt, nec temere publicanda. Alias [hinc sæpe cavillandi occasio non veritatis indagandæ præberetur. Posset et quis vel ideo calumniosam actionem intendere, ut arcana ædium alterius scrutetur, *Gilk. ad L. 1 C. h. tit. n. 23 et ad L. ult. n. 2.* Equidem iniquum esset hoc negare actori, si constaret rationibus Rei scriptum, quod debeat. At quia de eo non constat, iniquum foret, si sua alteri communicare cogeretur invitus, *Don. ad L. 1 C. h. t. n. 9.* ut et hoc juri adversum, ut actore non probante reus quidquam præstet, *L. 4. C. h. tit. ubi Don. n. 4.* Plane si instrumentum subtractum reo ab alio, bona fide ad creditorem, etsi per manus furis, pervenerit, ex eo recte agi judicatum refert, licet aliud sit, si ipse subtraxe-

rit, *A. Fab. C. suo h. tit. defin. 9.* Objic. Atqui reus tenetur respondere positionibus, *C. 2. de confess. in 6 Clem. sæpe 2 §. quia de V. S.* et ita adigitur, ut sua se voce impugnet. Resp. Plane Positionum usum post instructum judicium consuetudo, non ratio juris defendit, ut *Myns. ad C. 1 de Probat. n. 10* et *Gilken. ad L. 1 Cod. h. t. n. 21.* *Loanett. ibid. n. 5.* et *Cagnol. n. 28.* *Jac. Schult. alios citans Obs. forensi 4. n. 19* (idemque in foro Saxonie contrario usu sublatus post *Fachin. Diff. 48. Schult. d. Obs. 4 n. 10 et seqq.*) Non tamen ideo hoc jus correctum, seu correctæ ratione ut olim Curia referente *Cagnol. d. loc. n. 27* et nuperius *Jo. Bapt. Plot. de in Lit. jus. §. 23 n. 5.* Neque enim obscuræ inter hæc duo differentias exponunt *Loan. ibid. n. 4.* *Gilken. et Myns. d. loc. Cagnol. in d. L. 1 n. 35 et seqq.* *Fachin. 11 Contr. 83.*



rationes suas exhibere debere, idque eo, ut fides rei gestæ constare possit. *L. non est, C. eod.* Cur non ista ratione et reus actori suas edere cogatur? Et ne qua hic etiam de jure superesset dubitatio, huic objectioni ex professo responsum est ab Alexandro alio rescripto nempe *L. ult. C. eod.* ubi ratio "differentiæ reddita est, ad hanc sententiam: Recte desiderari ab actore, ut is rationes suas edat reo: quia dolo faciet, nisi edat. Non recte item desiderari, ut reus edat suas actori: quia etsi non edat, nihil tamen dolo faciat. Dolo facere actorem, qui rationes suas recuset edere, probatur hac ratione, quod non debeat recusare id edere, quo se posse instruere confidit, cum præsertim ipse intentionem suam probare debeat. Quid tamen, si ideo recuset edere rationes, quia contra eum faciunt, et reum liberant? Nihil de eo dixit Imperator, sed eo prætermisit, quia si

rationes contra eum faciunt tanto magis dolo facit, quod petit ab eo, qui nihil debuit. Utroque igitur modo facit dolo actor, quod rationes suas non edit, sive pro eo faciunt, sive contra eum. At nihil dolo facit reus, qui suas non exhibet: quia, inquit, non oportet originem petitionis ex instrumento ejus, qui convenitur fundari. Quasi diceret: etsi rationes eius contra ipsum facerent: tamen ideo eas exhibere non debet, quia non debet fundare petitionem actoris adversus se. *d. L. qui accusare, eod.* Non dixit, quid facere deberet reus, si rationes pro eo faciant. Quoniam si hoc fit, multo minus eas debet exhibere: cum de jure suo docere non cogatur: sed absolvatur, si actor non probet.

VI. Nunc quoniam, quod de publicis actis dixi initio hujus capituli, obscurius scriptum est in *L. 2. C. eod.* idcirco placuit ejus legis interpretationem subjicere.

## CAP.

"1) De hoc fuse Don. noster *ad d. L. ult. n. 2 et 2 seqq.* Summa hæc: Ratio differentiæ duplex innuitur *d. L. ult.* (1) a fine personarum actoris et rei. Hic coactus petit sibi edi, non ad lædendum, sed ad tuendum se et muniendum. Naturalis autem pro laborantibus favor, Quintil. *Lib. 4 C. 1 L. 47 de O. et A.* (ita idem *ad L. 4 C. de fid. instr. n. 81.* Actor postulans editionem, id agit ut reo negotium facessat; Reus vero, ne sibi negotium injuste facessatur) (2) a dolo, qui est in actore editionem negante, non in reo. Et hæc ratio præcipua. Obijc. Quomodo in dolo actor, dum rationes suas retinet. Immo jure suo utitur, tum quia dominus est. Ergo per *L. 21 C. Mand.* tum ne cogatur se lædere. Resp. Don. *n. 4.* Dolus ita arguitur, quod facit contra id, quod recipit agendo, dum asserit verum esse quod intendit, ejusque probationem suscipit. Quo ipso nihil, unde de re controversa constare queat, rejicit, alias intentioni ipse sue adversabitur. Deinde cum, exempli gratia, qui petit reo ex mutuo, reum excipientem, exempli gratia, se solvisse, non audit, exigit veritatem defensionis a reo. Eam igitur ipseque in intentione sua præstat, ut nihil omnino recuset, ex quo fides rei habeatur, quod quidem sibi suspectum non sit. Rationes autem propriæ ut sint suspectæ, esse non potest. At, dicis, domini est de re sua ut vult statuere. Resp. Recte, nisi facto suo id amiserit. Ita hic facto suo, agendo, edendi necessitatem sibi actor imposuit. Alia ratio Rei, quia is negando onus probandi non suscipit, sed removit. Cæterum cum *d. L. ult.* non oportere originem petitionis fundari instrumentis Rei dicat, cumque in exceptionem reo quoque edendi necessitas, sit ut *h. C. N. 1* hinc nostri inquirunt, an ut actor ad exceptionem, ita quoque reus excipiens ad replicationem fundandam edere teneatur? Quod Bart. et DD. vulgo, Bover. *Sing. 32 n. 3 et n. 9.* Menoch. *Arb. cas. 499 n. 86.* P. Fab. *ad L. 92 de R. I. pag. 422.* Pacian. *Lib. 1 de Probat. Cap. 63 n. 115 et seqq.* affirmant; quin et nonnulli ad triplicationem producant, Oldend. *Cl. 1 Act. 8 pag. 86.* Myns. *ad C. 1 extr. de probat. n. 19* et quos refert Gilken. *ad L. ult. Cod. hoc t. n. 10* hoc confirmans 5 rationibus *n. 13 et seqq.* ubi receptiorem æquivoerem hanc opinionem esse statuit: Nituntur præcipue verbis *d. L. ult.* originem petitionis itemque *L. pen. §. ult. ad L. Falcid.* et quod æque non potuerit divinare actor, quæ replicatio sibi obijcienda, nec de eo se mature instruere. Negat autem Don. *ad d. L. ult. n. 9* post Fulgos. *ib. n. 3* et Salicet. *n. 9 (1)* Per eadem verba: *originem petitionis.* Quorum enim replicatio, nisi ut, exceptione per eam submota, fundetur, id est, stabilietur origo petitionis alias ruitura. (2) Quis

neget quin in replicatione vere sit actor, *L. 30 §. ult. de pecul.* Ergo jure actoris utatur, proinde reo non probante reus, etsi nihil præstet, et si nec edat quidquam, absolvatur. *Ad d. L. pen. §. ult.* Resp. Donellus ibi heres reus edit legatariis, non ad fundandam replicationem, quæ illic nulla, sed ad expediendam fidem exceptionis. Et ibid. etiam alia instrumenta quam rationes eduntur ideo, quia illis se tuebatur reus iis utendo. Etsi vero replicatio species exceptionis *L. 2 §. 1 de except.* dissimilis tamen, ab actore, spectans non ad tuendum sed lædendum. Plane si ex eo ipso instrumento quo reus exceptionem fundat, replicationem probare velit actor, audiendus est, quia instrumenta integra edenda, *L. 1 §. pen. h. t. P. Bus. ad L. 3 h. t. n. 8.* Ubi autem confessione rei vel probatione actoris fundata ejus intentio, orto circa quædam incidentia dubio, ad intentionem adjuvandam reum edere teneri volunt. Veluti: vindicavi fundum 10 jugerum. Fateris me dominum, vel ego probavi, sed negas modum mensuræ. Recte peto instrumenta abs te edi, quibus contineantur fines agri et numerus jugerum, ita per *L. Titius 48 de act. empt. L. 91 §. Titio 3 de L. 3. Bover. Sing. 32. n. 3* Zas. *Par. D. h. tit. n. 7.* Menoch. *Cas. 499 n. 83.* Mynsing. *ad C. 1 de probat. n. 18.* Gilken. *ad L. ult. C. h. t. n. 15 et 16.* Bronch. *2 Ass. 94.* Rulant. *de Commissar. P. 2. Lib. 5 C. 19 n. 14.* Meichsner. *Tomo 3. Decis. Cam. 13 n. 225.* Anton. Fab. *C. suo h. t. defin. 1.* Pacian. *Lib. 1 de Probat. C. 63 n. 99 et seqq.* Confer. omnino Valasc. *Jur. enphyt. Q. 8.* Frider. Martini *de Jur. censuum C. 7 n. 241 et seqq.* Sic si ago ex chirographo, tu manum vel sigillum tuum inficiaris, etc. Mynsing. *d. n. 18.* post Old. *Cl. 1 Act. 8. pag. 86.* Sic cognito de fideicommissi jure cogitur heres rogatus omnia instrumenta ad hereditatis causam pertinentia, edere, ut inde constet, quæ sint bona hæreditaria, fideicommisso obnoxia, Ant. Fab. *C. suo h. t. defin. 14.* Secus est, si semiplene tantum reus probavit, Menoch. *d. loc. n. 84.* Ex æquitate tamen ubi judex veritatem periclitari intelligit, posse illum officio suo injungere reo editionem, ubi actori probationes fuerunt, quarum copia perit. Oldend. *d. Act. 8 pag. 86.* Myns. *ad d. C. 1 n. 17.* Veluti si rationes et instrumenta sua actor casu et citra culpam amisit. De quo fuse Menoch. *Arb. Cas. 499. n. 55 et seqq.* Pacian. *de Probat. Lib. 1 C. 63 n. 153 et seqq.* add. Asin. ut *h. C. N. 3. in fin.* Alleganti autem causam, cur reus edere debeat probandi onus, vid. Cagnol. *ad L. 1 C. h. t. n. 29. et seq.* Pacian. *Lib. 1 de Probat. C. 62.*



## C A P. VIII.

## De publicis actis seu instrumentis edendis.

*Analysis et expositio* L. is apud quem 2.  
C. de ed. 1. et seqq. *Acta publica quid*

*sint: cur civilia criminalibus opponun-*  
*tur.* I.

*Cui edenda ex judicis imperio.* II.

I. **V**erba hæc sunt: *Is apud quem res agitur, acta publica tam civilia, quam criminalia, exhiberi inspicienda ad investigandam veritatis fidem jubebit.* Acta sunt ea, quæ aguntur, et ea figura, qua usurpamus contentum pro continente, acta dicuntur tabulæ, et instrumenta, in quibus ea acta perscribuntur: ut hoc loco acta publica sunt scripturæ de iis rebus quæ in judicio, et apud magistratum aguntur, quæ absolute etiam dicuntur acta. *L. acta, L. actorum, D. de re jud.* Publica dicuntur ideo, quia auctore et comprobante eo aguntur, perscribunturque, cujus persona et auctoritas publica est: idest, a magistratu, et eo, qui a magistratu indicandi potestatem accepit, quorum ob eam causam, fides et auctoritas publica habetur: idest talis, ut non inter litigatores tantum, qui nunc agunt; sed inter omnes personas fidem faciant, rem ita gestam esse, ut illis actis continetur. *L. gesta, ult. C. de re jud. L. in donationibus, C. de donatio.* Similia acta sunt, quæ interponuntur in re pecuniaria. *L. ult. D. de furt. juncta L. ult. D. de priv. del. civilis actio, idest pecuniaria, criminali opponitur. d. L. ult. D. de fur. titu. C. quand. civil. actio criminal. præjud.* Sic et hoc loco civilia acta criminalibus. Quæ appellatio inde nata est, quod in re pecuniaria agitur res inter cives duos: agit enim civis cum cive, id est, privatus cum privato. In criminibus non item. In his enim agit non civis, sed publica cum cive de re ad rempublicam pertinente: agitur enim vindicta criminis quæ ad reipublicæ utilitatem pertinet. *L. locatio, §. quod illicite, D. de publican.*

II. Is autem apud quem res agitur, idest, judex. §. 1. *Inst. de actio.* is hæc acta exhiberi jubebit, sed cui? Primum sibi, si videtur: jubetur enim diligenter causam cognoscere prius quam judicet. *L. judices, C. de judic.* Rem autem ex actis judicii cognoscet. Idemque multo magis faciet qui mortuo Judici successerit. *L. mortuo, D. de jud.* jubebit etiam edi alterutri ex litigatoribus id postulanti: acta enim judicii quodammodo horum omnium sunt, litigatorum videlicet, et judicis, arg. *L. acta, D. de jud.* quid tamen si jam ante quam petentur, exemplum ab actuario datum sit? Sequemur hic exemplum ejus, qui sibi rationes ab argentario edi postulat: cui non aliter edi jubet prætor, quam ex causa. *L. si quis, in fin. D. de eden.* causæ enumerantur in *L. veluti seq.* A quo vero jubebit exhiberi? a litigatore, si apud eum erunt: sive is erit reus, sive actor, sed maxime ab actuario, cujus, ut argentarii officium publicam causam habet. Itaque hac definitione generali Imperatores unum aliquod ex his significare voluerunt. Potest enim primam de officio judicis in causa cognoscenda definitio accipi. Nam cum, ut dixi, jubeatur judex causam cognoscere, ante, quam judicet, potest hic sensus accipi, quasi judicem alloquentes imperatores moneant, ex officio ejus esse, ut acta judicii curet sibi edenda, scilicet quo illa diligenter inspiciat. Alioqui intelligat hac cognitione prætermissa, nullam sententiam fore. Hoc quidem præceptum atque hæc denunciatio diserte scripta extat in *L. properandum. §. si quidem, C. de jud.* Potest etiam referri definitio ad litigatores at  
hoc

1) De hac editione plura, quæ subnotare possem, habeo. Sed quia ubique copioso esse non licet, remitto ad Jason. Don. Zoan. et Gilken. ad L. 2. C. h. t. Bellon. 2. Supputat. 12. Marant. Specul. P. 6. act. 10. Parlad. Rer. Quotid. 9. Pacian. Lib. 1. de Probat. C. 65. Petr. Frider. Lib. 2. de Mand. jud. C. 47. et seqq. et C. 66. usque ad n. 6. Scaccia 1. de judic. 100. Bender. de Revisione Conclus. 15 n. 12. Rulant. de Commiss. P. 2 Lib. 5. N. 19. n. 16. et seqq. Gail. 1. Obs. 106. et 134. Guid. Pap. Decis. 2. et Decis. 241. et seqq. Jo. Meichsner. Lib. 1. Decis. Cam. 14. n. 5. et seqq. Myus. 1. Obs. 11. et ad C. 1. de probat. n. 39. ubi quod cum die et Consule edi debeant.

2) Vid. Cacheran. Decis. 16. et Decis. 57. ac confer. Menoch. Arbit. Casu. 370. Belle de actuarius tractat Langla. 4. Semestr. 6. Protocollum ut Notarius exhibere teneatur, vid. Anton. Sola ad Constit. antiq. Sabaud. rub. de Protocolli exhibitione. Quod acta pauperi gratis edenda, Pruckman. Con-sil. 16. n. 19. Ventura de Valentis Parthen. litigiosi Lib. 2 sil. 16. n. 19. Nov. 17. C. 3. Consilia juris et allegationes C. 9. n. 17. arg. Nov. 17. C. 3. Consilia juris et allegationes uti edi debeant, consule Menoch. Arb. Cas. 175. Gilken ad L. 2. C. h. t. n. 6. et seqq. Scaccia 1. de Judic. 100. n. 14.

hoc exprimat, uter litigatorum, acta iudicii sibi ab adversario exhiberi desideraverit, iudicem exhiberi jussurum, quasi rem pariter ad utrumque pertinentem: atque ita cum edicto cautum sit, ut ea instrumenta quis

edat, quibus usus est, non alia: hoc dicto declaratur id ad privata instrumenta et ea quæ sint propria ejus, unde ea desiderantur; non ad publica, et ea quæ non minus adversarii sunt pertinere.

## C A P. IX.

Eum, qui in jus vocatus esset, et cui edita esset actio, necesse habuisse jure Romano aut cavere iudicio sistendi causa, aut in jus venire: qualis ea cautio fuerit, et quam vim habeat.

*Transitio; et usus hujus tractationis. I.*

*Rerum partitio. Cautio. sisti iudicio quid valeat. II.*

*Quid illi adjecerit, et quam recte Justinianus. III.*

*Cautio sisti iudicio quotuplex: qualis præstanda a singulis. IV. V.*

*Qui talis cautionis effectus, et quando hic cesset. VI.*

*Quid significant hæc veteribus usitata nomina et locutiones: vades, vadimonium, vadari; obire vel deserere vadimonium. VII.*

*Cavere abnuentem, jure hunc actor in jus trahit invitum. VIII.*

*Qui in jus duci nequeant, aut omnino, aut non nisi prætoris permissu, quæ utriusque ratio. IX.*

*Nec iniqua, nec inutilis fuit in jus ductio; et quare. X.*

*Quare in jus ductio, vel cautio iudicio sisti, fuerit et civili Romanorum, et sit Pontificio jure necessaria. XI.*

*Cur moribus Gallorum aliud obtineat. XII.*

I. **U**T hoc exigendum fuit ab actore ante omnia, ut reum in jus vocaret, et simul ei ederet actionem, qua acturus esset, quibus de rebus huc usque a nobis dictum est: ita prospiciendum fuit ex altera parte, ne cum rite vocatus esset reus (quod superioribus rebus efficitur) inutilis esset vocatio, si forte vocatus sponte in jus non veniret. Cui rei ita prospectum est jure Romano, ut non putarent veteres, qui id jus constituerint, satis esse quod vocatio in jus atque adeo sola denunciatio ad domum rei facta prodesset eo, ut liceret absentis bona possidere: quamquam ad hoc proficit; eaque via est etiam constituta, qua jus nostrum consequamur, adversus absentes, et qui potestatem sui non faciunt. *L. satisque D. de in jus vocan.* sed id etiam obtinendum a reo censuerint, si quomodo posset, ut vocatus in jus veniret, necessitatem veniendi ei imponerent: quo res scilicet jure iudicioque disceptaretur, sive quod iudica-

rent in iudicio plus esse auctoritatis, et momenti ad lites et controversias dirimendas: sive quod pertinet hoc ad existimationem petitoris, intelligi nihil eum calumniæ causa petere; quod tum intelligi potuit, cum adversario contradicente de re esset iudicatum; sive quod etiam omnem conquirendi causam reo vellent adimere: quæ tum esset penitus præcisa cum res iudicio acta, transactaque esset. Itaque de ea re ita statuerunt. Vocari quidem reum, et simul ei actionem edi sine ulla exceptione voluerunt, prius quam quisquam in jus venire cogeretur. Editæ actione, quod consequens fuit, etiam <sup>1</sup> spacium dederunt, quod opus esset reo, ad deliberandum de ea re, utrum cedere an contendere deberet: ut supra dixi. Sed hoc postremum sub conditione, si caveret se post id tempus ad <sup>2</sup> constitutum diem iudicio stiturum. Unde lis constituta, et simpliciter constitutum; Petronio arbitro dicitur. Quod ni eo nomine cavere vellet, hanc pœnam constitue-

<sup>1</sup>) Quamquam Cujac. in *Novel.* 53. pag. mihi 191. velit, reum debere statim, atque accepit libellum conventionis (et sic ante tempus datum deliberationi) præstare cautionem personalem iudicio sisti. Quam personalem dici scribit ad differentiam satisfactionis iudicatum solvi, quæ de re est, non persona.

<sup>2</sup>) De die autem eo convenire solet, etc. *L. 8. pr. Qui*

*sat. cog.* ubi Cujac. 22. *Obs.* 26. et Ant. Fab. in *Rational.* *ibid.* verba extrema moderato etc. a Triboniano adsuta esse censent. Quod non probandum, vid. Menoch. *Arb. cas.* 54. Oldend. Cl. 1. *Act.* 6. Q. 8. pag. 59. et in *Tab. actionum* pag. 1150. Gœd. ad *L. 3. pr. de V. S. n.* 20. et seqq. et Pac. 1. *Enant. Quæst.* 78.

tuerunt, ut jam tum statim cogere ire, ut nisi sequeretur, posset in jus duci: quod ille Titulus Digestorum plane demonstrat, *In jus vocati ut eant, aut satis, vel cautum dent*. Quorum in utroque quid egerint, apparet. Aperte enim utraque re necessitas imposita est reo, ut vel eat nunc, vel paulo post in jus veniret. Quo enim spectat cautio iudicio se sistendi? Nempe, ut reus cautione, et ut veteres loquebantur, vadimonio obstrictus, coactus periculi metu, quod ex cautione deserta imminabat, non deesset promissioni; sed iudicio se sua die sisteret. Hæc necessitas cavendi, et veniendi in jus, argumentum est, in quo versantur et Titulus *de in jus vocando* in Pandectis, et reliqui omnes qui inde sequuntur, usque ad Titulum *de edendo*. Itaque cum de ea dixero (dicam autem breviter, et quantum ad summam juris veteris et occasionem rerum in hoc genere quæsiturum intelligendum sit satis, nam amplius non videtur necesse) superiorum titulorum sententiâ ex parte erit cognita: ut si quis cætera ex illis velit diligentius petere; non laboret.

II. Ergo reo vocato edita actione defertur conditio, ut aut caveat, aut in jus eat: Quid cavere debeat, qualis cautio ab eo exigatur, et quam vim ea habeat, videamus. Cavet se ad constitutum diem iudicio stiturum. Hinc edicto cautum, quis fidejussor iudicio sistendi causa acciperetur. L. 2. §. *prætor*, D. *qui satisd. cog.* L. 1. L. 2. D. *in jus voc. ut caut.* Inde illa; ad quid teneatur, qui se iudicio sisti promisit. L. 2. §. *ult.* D. *qui satisd. cog.* L. *ult.* D. *si quis in jus voc.* Et, quid si quis iusta de causa impeditus, cautionibus iudicio sistendi causa factis non ob-

Tom. VI.

temperaverit. tot. Tit. *si quis cautioni*. Sistere se aliquo in loco est in eum locum venire, ut ibi consistas. Et ideo hæc stipulatio non committitur, nisi adversus eum, qui non venit. L. 2. *si quis iudicio*, D. *si quis caut.* Et hæc, sistere se iudicio, et ad iudicium venire seu occurrere, pro eodem usurpantur. L. 2. §. 1. et §. *ult.* L. *si duo*, §. 1. *si quis cautio. iudicio*. valet iudicii causa, et quod modo dixi, ad iudicium, intelligo accipiendum, ut sistere se iudicio, sit sistere se in jure, ut reus iudicium, quod datur, accipiat, idest, patiatur litem secum contestari: ut significatur in <sup>3</sup> L. *si eum*, in fin. *si quis caut.* vel, ut alibi, secum agendi potestatem faciat. L. *etsi*, eod. quod fit iudicium accipiendo et litem contestando. Itaque qui ad iudicium occurrit, et litem contestatus est, is hac stipulatione jure liberatur. Amplius quicquam a reo olim exigere, quam ut se sisteret iudicii accipiendi causa, deque ea re caveret, non legimus: neque vero erat necesse, cum lite semel contestata, de re cognoscere iudex, etiam absente reo, et judicare potuerit: ut dicitur suo loco.

III. Justinianus hoc exegit, ut reus non tantum promitteret, se in jus venturum, litem contestandæ causa, sed etiam se perman-surum in iudicio usque ad terminum litis. Sic enim loquitur in §. *si vero aliquis*, eod. tit. se tempore sententiæ recitandæ in iudicium venturum. Quod cui bono constituerit, non animadverto: cum, ut dixi, etiam <sup>4</sup> absente reo judicari potuerit, ut sententia non minus eum teneat, quam si præsentem eo iudicatum foret. Et sane si reus id nollet promittere, quæ poena adversus eum esse potuerit, non video.

IV.

<sup>3</sup>) Sed et sistere reum fidejussor dicitur ac exhibere L. 10 pr. *Si quis caut.* L. pen. Cod. *de fidejuss.* vid. Old. Cl. 1 Act. 1 princ.

<sup>4</sup>) Ita et, verbis: Donelli usurpatis. Caspar Schifordegher. Lib. 1 ad Anthon. Fab. Tr. 4. Q. 4 sub fin. Male. Etsi enim absente reo postea, cognosci possit: non tamen ita commode, ac immo et post litem contestatam cogitur se præsentare reus, vid. h. C. N. 23. Plane et post litem contestatam fidejussorem exercitationis litis recte accipi probat L. 8 §. 3 *de fidej.* Et notat Roder. Suarez. in L. 2 fori tit. *de Comperendinationib.* n. 28 cautum esse debere iudicem, ut curet promitti a fidejussore sisti reum, quotiescunque petitum fuerit, donec omnimodo lis finiatur, de quo fuse tractat ibid. n. 31 et seq. add. Hering. *de Fidej.* C. 20 §. 9 n. 9 et seq. ibique ab eo citati. Enimvero Valasc. Tomo 1. Consult. 66 num. 10 et seqq. duplicem iudicio sisti cautionem agnoscit, (1) de qua tit. *In jus voc. ut eant etc* quæ evanescat reo primum in iudicio comparante (2) de qua tit. *Qui satisd. cog.* quæ non nisi lata sententia d. L. 8 §. 3 *de fidejuss.* ut nempe illic ad initium solum et primum actum, hic ad omnes reliquos actus iudicii exhibere reum teneatur. Quomodo et Ant. Fab. ad L. *ultim.* *Si quis in jus voc. et ad L. 1. In jus*

*voc. ut eant, et ad L. 8. pr. Qui satisd. cog.* aliam esse cautionem de sistendo in jure apud Prætores, aliam iudicio sisti apud pedaneum iudicem. De illa d. tit. *In jus voc. eant.* de hac d. tit. *Qui satisd. cog.* Atque hoc differre tit. *Ne quis eum qui in jus voc.* a titulo *de eo per quem fact. erit.* Vtrum fallitur Faber dum putat verbis iudicio sisti, non posse contineri Prætoris tribunal. Nam præterquam quod resistant L. 1. d. tit. *Si quis in jus voc. et L. 1. In jus voc. ut eant*, quibus clare dicitur iudicio sistendi causa (Quas alienas esse ab illis titulis, eosque titulos a Tribonia- no male acceptos esse, malo more Faber contendit) apertissimo refellitur ex L. 5. §. 1. *Qui satisd. cog.* ubi primo dicitur iudicio sistendi, et subditur tamen duci in jus. Et ex L. 1. pr. *Si ex. nox. ca. ag.* apparet vim cautionis iudicio sisti, esse quoque antequam iudicium accipiatur. Falso itaque Antonius Faber omnem ejus vim esse post litem contestatam. Aliam denique differentiam tit. *Ne quis eum qui in jus*, ab alio tit. *de eo per quem fact.* Nempe illius tituli edicto coercetur qui- quis eum qui ducitur, quia non satisdedit, aut sponte exi- dem it, ut L. 4. d. tit. sed non præstita cautione. Hujus vero edictum de eo qui impedit, ne qui satisdedit cautioni ac promissioni suæ pareat.

IV. 5 Cautio iudicio sistendi causa quæ a reo exigitur, non est unius modi. Ut est personarum conditio, ita ab aliis nuda cautio, et repromissio exigitur: ab aliis cautio iurejurando firmata: ab aliis etiam satisfactio, idest, cautio ejusmodi, qua cum promiserit reus, se iudicio stitutum, det etiam in eam rem fidejussores, idest eos qui idem adpromittant. Id enim satisfactio significat. L. 1. *D. qui satisd. cog.* L. 5. §. *satis*, *D. de verb. oblig.* In hanc sententiam sic Titulus ille, qui *satisfacere cogatur*, in Pandectis conceptus est. Qui *satisfacere cogantur*, vel

*jurato promittant, vel suæ promissioni committantur.* Hanc varietatem Justinianus in sua illa cautione, cujus paulo ante meminimus, expressit in §. *sed hodie*, *Inst. de satisd.* Hinc illa disjunctio Tituli, in jus vocati. *In jus vocati ut eant: aut satis vel cautum dent.* Satisdant, si ii sunt, a quibus satisfactio exigitur: cautum dent, sine fidejussoribus ii, a quibus nihil amplius exigitur, quam cautio, seu repromissio. Qui immobilia non possidet<sup>6</sup> jubetur satisfacere: qui possidet, satisfacere non compellitur<sup>7</sup> L. *sciendum*, *D. qui satisd. cog.* quo loco quis<sup>8</sup> possessor im-

5) Cautiois nomen generale. Quo absolute posito, nuda promissio significatur, L. *sancinus* 3. *Cod. de V. S.* Et ita in L. 25. §. 1. *cir. fin.* L. 33. §. 3. *Cod. de Episc. et Cler.* Harprech. *ad princ. et §. 1. Instit. de satisd. n. 6.* Sed cum sufficiens plena vel idonea requiritur, non nisi pignoratitia vel fidejussoria, Corset. *Singul.* 42. Gail. 2. *Obs.* 47. n. 4. et *Arrest. imperii. Cap.* 3. n. 4. et *seqq.* Menoch. *Arb. cas.* 142. Bronch. 1. *Ass.* 25. Henric. *de Fidejuss.* *Cap.* 5. n. 22. Ayer. *Process.* P. 1. *Cap.* 10. *Obs.* 2. n. 2. per L. 59. §. *ult. Mand. Cap. ad nostram 7. de jurej.* Pac. L. 188. §. 1. *de V. S.*

6) Non tam quod hic pro prædibus prædia habeantur, quodque tam per bonorum hanc possessionem, quam per dationem fidejussorum, consulari auctori cum si malitiose frustretur reus, bona in pignoris causam capi et distrahi possint, ut Wesenb. *Parat. h. t. n.* 11. P. Heig. P. 1. *Quæst.* 36. n. 26. et *seqq.* Annæ Robert. 4. *Rer. judic.* 11. Aut. Fab. *ad d. L. 15. pr.* Hæc enim ratio aliis quoque cautionibus prætoris communis, cum tamen regula d. L. 15. ad solam iudicio sisti pertineat, Pac. 1. *Enant. Quæst.* 68. Et adversatur huic rationi species d. L. 15. §. 3. ut Suarez. *loc. mox citando.* Quam quia satisfactio infingitur, ne reus ante litem contestationem fugiens sententiam ferri impediat, ut h. C. n. 11. Quæ suspicio fugæ hic cessat post Bart. et alios Rod. Suarez. in L. 2. *fori tit. de Comperendnationib. princip.* n. 3. et n. 12. Peregrin. Jannin. *de Citat. reali Lib.* 1. *Cap.* 2. n. 157. Sich. *ad auth. offeratur. C. de lit. cont.* n. 18. Valasc. *Cons.* 66. n. 5. Pac. d. Q. 68. cum res soli amoveri nequeant, Jo. Robert. 3. *Sent.* 21. Alia mobilium ratio, non quod par effectio in eas non cadat ut, Jannin d. C. 12. n. 158. sed quia celari facile ac deperdi possunt, Aut. Fab. d. *loc.* nec minus de fuga suspectus debitor, cum eisdem alio transferre possit. Quare aliud in mobilibus iis, quæ occultari vel loco moveri facile et clanculum nequeunt, ut si mercator merces plures possideat, tabernam habens in loco publico, quæ secreto exhauriri nequeat, maxime si et intricatus sit nominibus debitorum, vid. post Bart. *ad d. L. 15. n. 5.* Sich. d. n. 18. Jannin. d. *Cap.* n. 161. Duar. d. *loc. n.* 12. Damhuder. *Præxi civ.* C. 99. n. 9. Lancel. Conrad. *de Off. præst. in caus. civil. v. Satisfactio n. 7.* Harpr. in §. 2. *Instit. de satisd. n. 18.* Ayer. P. 1. *Cap.* 10. *Obs.* 3. n. 18. et *seqq.* Jac. Schult. *Obs. forens.* 19. quem adi. Addatur in simili Menoch. *Arb. cas.* 87. n. 12. Tametsi alias merces immobilium loco non habendæ, de quo P. Heig. P. 2. *Quæst.* 15.

7) Etiam si alias perspectæ fidei sint, et integræ notæ, ut Valasc. *Tomo 1. Consult.* 66. n. 32. Licet hos de fuga non suspectos esse velit Menoch. d. *Casu* 87. n. 12. Quid si dum contraheret actor, scivit reum non possidere immobilia vel mobilia ad rei valorem accedentia? Valasc. d. *loc. n.* 33. non posse peti satisfactionem putat, quia contrahendo personam ejus approbaverit. Quod veror ut obtineri possit, æquum sit. Illud rationis magis videtur; quod tradunt, si quis satisfactione antea a se petita contumax postea agens petat ab alio, ei præstari non debere, argum. L. 13. §. 11. *de damn. infect.* Rod. Suar. in L. 2. *fori tit. de Comperendnationib. princip.* n. 15. Cæterum et ubi res mobilis petitur, vulgo aliam insuper satisfactionem de re non dissipanda vel alienanda requirunt, vid. Valasc. d. *Cons.* 66. n. 15.

8) Quo de fusc Suar. d. *tit. princip. et §. ulterius quæritur* 1.

Ayer. d. C. 10. *Observ.* 3. Qui autem usufructum solum habet, possessor hic non habetur, d. L. 15 §. 1. *in fin.* Etsi enim vendi possit, non tamen tanquam quid immobile, sed ut jus fundi, quod et pluribus modis amitti potest, et facilius quam ipsæ res mobiles, A. Fab. *ibid.* Ayer. d. *Obs.* 3. n. 50. Val. Guill. Forst. *Lib. 2 de Interpretat. jur. C. 1 § obijci.* n. 11. Jac. Schult. *Obs. forensi* 24 n. 37. Quamvis hoc conquire non valeat Valas. d. *Consul.* 66 n. 23 et *seqq.* adeo ut n. 27 audenter censeat subtilitatem hanc Jurisconsultorum illis relinquendam esse, L. 20 *de LL.* et idem n. 28 debere immo usufructum excusare, si non sit modici temporis. Et Suar. d. *t. pr. n.* 27 satisfactionem evitari, si usufructus ita pinguis, ut fugæ suspicio cesset, quod iudicis sit arbitrari. Sed adi et audi Jac. Schult. *Obs. forensi* 23 n. 39. Sane cui annui redditus sunt, qui ex re immobili præstantur pro immobilium possessore vulgo hic habetur, modo in perpetuum, vel tempus non modicum, debeantur, Marc. Mantua. *Sing.* 49. Suarez. d. *t. n.* 28. Valasc. d. *Cons.* 66 n. 30 Gail. 2 *Obs.* 10 n. 6. Myns. 1 *Obs.* 69 n. 3 et 4 ac n. 12. Harpr. *ad §. 2 Instit. de satisd. n.* 17 Ayer. d. *Obs.* 3 n. 12 et *seqq.* licet aliquando in Curia Lipsiensi aliter judicatum. Moller. *ad Nov. Elect. Sax.* 5 p. 1 n. 15. Et pro negociatore pluribus pugnat Jan. Schult. *Obs. forensi* 24 declaratur tamen *ibid.* n. 50 nisi redditus illi magni momenti ut ex iis solis vivat, et cesset fugæ suspicio, arg. notatorum *N. preed. sub fin.* Feudales quoque res hanc excusationem præstare satis adstruit Zanger. 2 *de exc.* n. 1 n. 28 et *seqq.* Sed et quod de creditore habetur d. L. 13 §. 2 rationem habet (1) quia jus pignoris solutione tolli potest, Ayer. d. *Obs.* 3 n. 46 et fructus possessionis cedit commodo debitoris, Gæd. *de Sequest. C. 2 n. 7* sed id restringit Suar. d. *loc. n.* 26 (1) nisi in pignore eo spes litionis cesset. Et Zanger. d. C. 21 n. 34 excipit. nisi tanti fundus pignoraturs quanti valet. arg. L. 101 *pr. vers. si modo de leg. 3 ac* Ayer. d. *Obs.* 3 n. 48 (2) nisi conveniatur solum super re pignoriata. In fundo dotali pro possessore hic uterque conjugum, d. L. 15 §. 3. (Ubi Cujac. 10 *Observ.* 32 pro possessionem substituit petitionem, sed male.) Idem in muliere, cui dotalitum in fundo, adstruit Zang. d. *Cap.* 21 n. 33 quia alia, ait, huius ratio, quam creditoris, qui fructus suos non facit, sed debito imputat. Mihi contra videtur, quia hoc jus valde affine usufructui. Quia et rei litigiosæ possessio satisfactione relevat. Quod utique admittunt, quod causam aliam, lite scilicet rei ab alio mota, Suar. d. *princ. n.* 20. Ayer. d. *Obs.* 3 n. 9 etsi sententia contra possessorem dicta, modo ab ea appellaverit d. L. 15 §. 6. Quia appellatio extinguit iudicatum, reducens omnia ad terminos litis contestatæ, Anton. Fab. *ibid.* Quid si appellatio deserta? Adhuc idem vult Gl. Sed reprobat post Bart. Suar. d. *pr. n.* 22. Quia d. §. *pen.* a contrario argumentum præbet, si non appellatum sit, nec haberi pro possessore. Idem ergo lapsis fatalibus appellationis. Ad hæc deserta appellatio non cessat suspicio fugæ. Nec obstat quod quæstio domini non potest ab alio quam domino referri. Ea enim ratione creditor quoque et fructuarius a satisfactione immunes essent. Et dato eo sufficit, quod absit fugæ suspicio. Quare et alium male fidei possessorem hoc onere non liberari statuit idem Suar. n. 23 et Ayer. post alios d. *Obs.* 3. n. 40. quia cum is sciat rem alienam esse, facile eam dimittet, nec cessat fugæ suspicio. Nec obstat d. §. *pen.* quia potest esse, ut una sententia victus habeat bonam fidem

immobilium habendus sit, quæritur. Quod explicatur in *d. L. sciendum*. Ex his tamen qui immobilia possident, sunt qui præter re-promissionem jurare cogantur, se judicio stituros, si modo verum est, esse qui cogantur jurare quanvis non satsident, ut esse i-

Tom. VI.

nitio posui. Hi qui sint ambigitur. Nam de eo nihil usque aperte cautum legimus. Et si a quibusdam exigitur juratoria cautio, ut exigi constat, nihil caussæ est, cur non exigatur pariter 9 ab omnibus: nisi sit, cui jusjurandum nominatim remittatur. Legimus au-

7\*

tem

et sententiam iniquam putet. Sed et si quis semel ante contumax postea hanc satisfactionem non evitat, vid. Jannin. *d. C. 2 n. 162*. Ayre. *d. Obs. 3 n. 39*. Quid autem si de ea ipsa re immobili lite pulsetur, aliam non possidens? Satisfactio injungitur ex communi opinione, teste Valasco *d. Cons. 66 n. 8*. Ayre. *d. C. 10 Obs. 3 n. 9*. et *Obs. 5 n. 1*. cum qua transit, Jac. Schult. *Q. Pract. 13 n. 2*. Pro quibus facit *L. 8. §. 1 L. 11. Qui sat. cog.* contra tamen Accursius et alii referente eod. Valasco et probante *d. loc. n. 9*. Verum Suarez. *d. princ. n. 31*. post Aug. ita scite conciliat. Evitatur satisfactio, si de ea re sola conveniatur, quia vix est ut credi debeat rem litis causa deserturus, ejus utique traditione liberari potest. Quod si præter rem accessiones ejusdem, fructus, etc. petantur, eæque tot, unde fugæ suspicio probabilis, secus est. Nisi forte dubiæ fidei reus. Quo casu non satis consultum esset actori. Licet enim res auferri nequeat, ea tamen male uti potest. Rob. 3. *Sent. 21*. Cæterum *q. L. 8. §. 1*. vel de alia, quam judicio sisti, cautione accipi potest, vel de hac a volente præstata sponte Pac. 1. *Enant. 68*. Nunquid autem oportet bona immobilia rei de qua agitur, æstimationi respondeant? Ità volunt Accurs. in *d. L. 15*. et sequaces Anton. Fab. *ibid.* Valasco. *d. Consult. 66 n. 6*. Harprecht. *ad §. 2. Instit. de satisfat. n. 17*. Jannin. *d. Cap. 2 n. 157*. Coler. *ad Cap. 2. et Cap. dilecti extr. de Except. n. 15*. per *L. 234. §. 1. de V. S.* Ut si in plus conveniatur, possessio prosit ad concurrentem usque æstimationem, satisfactio autem de eo, in quo excedit, Reinhard. *inter. differ. Zobel. 10. Parte 1. n. 6*. arg. *L. 76. de R. V.* Attamen Suarez. *d. princ. n. 17*. hoc non esse necessarium, modo tanta sint, unde præsumptio fugæ excludatur. Quod Judicis arbitrio tribuit. Immo contra, etsi litis æstimationi sufficiat, non relevare statuit. Quid enim si pro executione vendi debeant, et subhastationis aliisque sumptibus detractis, non satis supersit iudicatio faciundo. (Eadem forsitan moderatio adhibenda, si possessor pretium rerum non exsolverit, ubi satisfactionem remitti sæpius iudicatum, referente Mollerio *ad Nov. Sax. 5. Parte 1. n. 11*.) *Ibid. n. 19* Suarez. satis esse putat, si cesserit suspicio fugæ usque ad litis contestationem. Quia si postea fugerit contra absentem, ad sententiam usque procedi potest. Jure saxonico satisfactione relevat possessio immobilium, quorum æstimatio accedit ad valorem minus Werigeldi, seu 24. sexagenarum veterum, aut 20. talentorum, Landr. *Lib. 1. Art. 5. et Art. 22. etc.* Coler. *ad C. 2. et Cap. dilecti 8. extr. de Except. n. 16*. Moller. *ad Novell. Elect. 5 n. 9*. Ex usu tamen quanta possessio necessaria, pro rei et personarum conditione iudex dispicit; post alios noviss. Jac. Schult. *Obs. forensi 20*. Quid si res possidetur in alio loco sitæ? Pone: conventus loco contractus possidet in loco domicilii: Distinguit Suarez *d. t. de Comperendinat. §. Ulterius queritur 1. n. 2*. an in alio loco diversi territorii, et jurisdictionis sitæ, an ejusdem, cujus est locus iudicii. Sed et in diverso territorio admittit, *n. 6* si id tam vicinum seu propinquum, ut omnis fugæ suspicio cesseret. Alii cum possessio hæc loco fidejussionis succedat, non aliter extra locum iudicii admittant, quam quo casu fidejussor inde accipitur, ut *L. 7. §. 1. hoc tit. vid. Ayre. d. Observat. 3 n. 34 et 3 seqq.* Ex *Nov. Sax. 5. Parte 1.* liberat satisfactionem possessionem in ditionibus Electoris, licet non in eodem iudicio. In Curiis autem Provincialibus, quorum ordinationibus dicta Constitutio nihil derogatum esse vult, obtinere, ut satsident, nisi in eodem foro possideant, notant Wesenb. *Par. h. t. n. 11*. et Zang. *2. de Except. 21 n. 26*. Sed Moller. *ad d. Const. 5 n. 14*. hic moderamen quoddam adhibere videtur, add. Jac. Schult. *Obs. forensi 22*. Possessio autem vel divitiæ patris non relevant filium, vid. Suarez. *d. tit. pr. n. 30*. Ayre. *d. Obs. 30 n. 5. et seq.* Procurator vero tunc immunis, quando si principalis ejus per se litigaret, satsdare non teneretur. Quod probe notandum Suarez. *d. tit. §. ulterius 1. n. 3* Convenit *d. Nov. Sax. 5. P. 1.* ubi Moller. *n. 4*. Zang. *d. C. 11 n. 57*. Quid si adversarius

neget possideri ab hoc immobilibus, num satsdat, donec is docuerit? Moller. 1. *Semestr. 2 n. 1*. et *ad d. Nov. Sax. 5 n. 8*. rejectam hanc exceptionem testatur, ubi calumniose, et causa remorandæ litis, opponi apparuit, de quo summarie Juedex cognoscet, add. Jac. Schult. *Obs. forensi 18*. Confer. Hippol. a Mursil. *Sing. 686*. Matth. de Alliet. *Decis. 109*. ibique Cas. Ursil.

9) Atque ita immobilium quoque possessores juratoriam cautionem præstare, docet Cujac. *12. Obs. 22. et in Nov. 53. p. mihi 191. per L. ult. vers. ita videl. C. de princip. agent. in reb. Lib. 12. t. 22*. Quæ hoc satis clare probat. Quod et olim Gl. Jas. et Fulgositio placuit, referente Wesenb. *Parat. h. t. n. 11. in fin.* Licet ipse contrariam receptionem dicat, quam et Hortensius *ad §. 2. Inst. de satisfat. et Roshach. Process. Tit. 45. n. 14*. probant Robert. 3. *Sent. 21*. nullam permissionem admittit, si reus honestior et satis locuples: Juratoriam autem si mediæ conditionis. Et Harprecht. *ad d. §. 2. n. 14*. ad jurandum compelli si ita iudici, ex justa causa visum fuerit. Sed *d. L. ult.* non distinguit. Plane si contentus adversarius simplici re-promissione, ea sufficiet, argum. *L. 61. de Verb. Sign.* Num autem præterea hic possessor bona sua omnia hypothecæ obligare debet? Ità volunt Bart. et Jas. referente Roshach. *d. tit. 45. n. 15. per L. 7. ut L. vel fid. serv. C. L. ult. §. 3. C. de adm. tut. Nov. 123. C. 21. §. ult.* Et probat Zang. *2. ce. Exec. 21 n. 25*. A. Fab. *ad d. L. 15. pr. et §. ult. h. tit.* Quia, sit, non ob aliam causam remittitur satisfactio, quam quia satis cautum donorum immobilium obligatione. Eamque rationem decidi putat *d. L. 15. §. ult.* quod venditio rei non obsit, quia nimirum res cum suo onere, et causa pignoris transeat. Denique idem firmat ex vocula *cautionis* in *d. §. ult.* Verum contra Angelus in *d. d. L. 15. n. 7.* (referente Roshach. *d. loc.*) ut et Wes. in *Complem. ad Snrdivin. tit. Instit. de satisfat. in fin.* Jac. Schult. *Obs. forensi 17*. Quorum opinio prævalere duco. Quia quæ vera ratio remittendæ satisfactionis; ut *h. C. N. 6*. Pignerationem non exigit. Ac in *d. §. ult.* cautionis nomen simplicem pignorem denotat per not. *h. C. N. 5*. Nam in foro Saxonico hæc pignoratitio minime usitata, Wesenbee. *Parat. h. t. n. 11*. Unde nec consensum iudicis ejus loci, ubi sita, impetrare oportet *Nov. Electo. Augusti 5. Parte 1* ubi vid. Moller. *n. 5. et 2. seqq.* et Jac. Schult. *d. Obs. 17. n. 12. et seqq.* Cæterum et juratorie cautioni, (quæ et ad-juratoria. *L. ult. in fin. C. de Castrens. et minister. L. ult. C. de Princ. agent. in reb.*) soli committuntur Magistratus conventi post depositam administrationem intra 50. dies, *L. 1. pr. C. ut om. jud. tam civil. quam mil.* Et persone illustres, *L. 17. C. de dignitat.* ubi Cujac. Item memoriales in sacris scriniis militantes, eorumque parentes ac liberi, etsi non possideant immobilia, *L. in sacris 12. princ. C. de prox. sacro scrin. Lib. 12. Tit. 19*. Non autem quivis nobiles, ut Bart. *ad d. L. 17.* quem Tirap. *de Nobil. C. 20. n. 189*. refellit. Olim Præsides ipsos quoque satsdeditisse probat mihi *L. 16. in fin. de off. Præs.* Denique ex cautionis penuria hic quoque onus satisfactionis remittitur, argum. *L. 6. D. si cui plus quam per L. Falc. si nempe juret, se non posse dare fidejussorem, Nov. 122. Cap. 2. in fin. princ. add. Nov. 134. Cap. 9. v. si vero crinen.* De quo et qua forma hoc juramentum præstandum, aliisque hic requisitis consultatur Rod. Suarez. in *L. 2. fori tit. de Comperendinat. in pr. n. 6*. Gui Pa. 189. et *ibid.* Rambaud. in *Addit. Wes. Par. h. t. n. 10*. Eher. Speckh. *Cent 2. Cl. 4. Q. 13. A. Fab. C. suo tit. de satisfat. defn. 9*. Bender. *de revisione Concl. 7. Ayre. Process. P. 1. C. 10. Obser. 7*. Guse Hering. *de Fidejuss. C. 18. n. 87. et seqq.* Ad eam vero non admittitur, qui antea cautionem suam juratam deseruit, Cujac. in *Nov. 53. pag. mihi 192*. Cæsar Contard. in *L. Diffamari C. 4. n. 25*. Joan. Monach. *Pract. P. 5. §. 3. n. 6. et 7. Ayre. d. Obs. 7. n. 5. et seqq.* Hering. *d. loc. n. 114. et seq.* Ut nec qui ob perversos mores et vitæ levitatem, fidejussorem repere nequit, Suar. *d. n. 6*. post plures citatos Hering. *d. loc.*



tem in universum jusjurandum de calumnia remitti parentibus, et patronis. *L. jusjurandum et ad pecunias, §. qui jusjurandum, D. de jureju. L. licet, D. de obseq.* Quo exemplo et <sup>10</sup> iis id jusjurandum remitti recte dicemus, quod ideo exigitur, quod de fide, et integritate parentis filius, patroni libertus dubitet: et postea de perjurio queri velit. Hi igitur cavent; non jurant: ceteri etiam jurant se iudicio affuturos.

V. Ut cautio non est unius generis, quæ exigitur; sic nec satisfactio unius generis. Nam cum in omni satisfactione adhibeatur fidejussor: ab aliis fidejussor jubetur dari locuples: ab aliis qualiscunque datus sit, accipi jubetur. De quo ita scriptum est in *L. 1. et 2. D. in jus voca. ut eant.* Edicto cavetur, ut fidejussor iudicio sistendi causa

datus, pro rei qualitate locuples detur: exceptis <sup>11</sup> necessariis personis, idest parente, vel patrono: item patrona, liberisve ejus vel uxore, nuru. Tunc enim qualiscunque fidejussor accipi jubetur; et in eum, qui non accepit, cum sciret eam necessitudinem personarum, quinquaginta aureorum iudicium competit. Exstat fragmentum edicti de supra scriptis personis in *L. 2. §. prætor, D. qui sat. cog.* Quo jure posito hæc sunt quæsitæ: Quis fidejussor <sup>12</sup> idoneus iudicio sistendi causa? de quo in *L. 2. qui satisd. cog.* Quid agendum, si dubitetur an sit idoneus iudicio sistendi causa? de quo in *L. arbitro, eod.* Quid si actor fidejussorem evidenter locupletem <sup>13</sup> non acceperit? de quo in *L. 5. §. 1. eod.* Quid si reus fidejussorem non possit in eo <sup>14</sup> loco dare, ubi conveni-

tur?

*n. 109.* aut alias de fuga suspectus. Is enim arresti nexu costringendus, vid. *Wesemb. d. n. 10. Harprecht. ad §. 2. Instit. de satisd. n. 10.* Confer. *Coler. de Process. P. 3. C. 11. n. 94. et seqq. Myns. 2. Obs. 11. vel res, de quibus lis, sequestrandæ, L. 7. §. ult. h. tit.* Quis hic de fuga suspectus iudicis arbitrari est, vid. *Menoch. Arb. Casu 87. Goed. de Sequest. C. 3. n. 20.* Num huic cautioni locus in criminalibus, tractant itidem auctores citati, und pete.

<sup>10</sup>) Turpe enim his diffidere, nec credere nisi juratis. Clericos quoque suæ promissioni committi, sed cum hypotheca honorum, docet *Harp. ad §. 2. Instit. de satisd. n. 15. per L. 25 §. 1. (ubi vetatur cautioni inseri iusjurandum) L. 33. §. 3. C. de Episc. et Cler. Nov. 123. C. 21 §. ult.* In quo errat *Zanger. 2. de Exc. 21. n. 47.* ab his repromissionem iuratoriæ exigi docens. Quod *d. L. 21. d. Nov. 123. Cap. 1.* directo negant. Episcopi vero pro nullis causis cautionem ullam præstant, *d. Nov. 123. C. 22. in fin. Argentarii denique, ex Justin. edicto 7. C. 5. sufficit factum promissum.*

<sup>11</sup>) Quod honoris causa eis tributum, de quibus sinistre suspicari non convenit, *Coras. 4. Misc. 10. n. 3. Ant. Fab. ad d. L. 1. In jus voc. ut eant. Hering. de Fidejuss. C. 8. n. 90.* Nec audiendi *DD. vulgo*, qui in *dd. LL.* intelligunt conjunctionem inter satisfactantem et fidejussorem. Quasi fidejussor alias minus idoneus, pro conjuncto admittatur, quia ius pro certo habeat, quod conjunctus non deseret propinquum suum, ideoque sese iudicio sistet, post alios *Suarez. in L. 2. fori tit. de Comperendinat. §. nunc opportune 3. n. 7.* Quod scite refellit *Coras. 4. Misc. 10. et Hering. d. C. 8. n. 91. et seqq.* qui *Corasium* ab impetitione *Costalii* tueretur. *Fac. Nov. 115. C. 3. §. 8.* Qualiscunque autem accipitur quantum ad facultates, *d. L. 2. §. 4. Qui satisd. cog.* Non enim accipietur furiosus, pupillus, miles, minor, mulier aliisque, quæ aut ex fideiussione plane non obligatur aut sine effectu, exceptione vel jure speciali tutus, *Hering. d. C. 8. n. 95. et Ant. Fab. ad d. §. 4.* Etsi enim quoquo modo cavere sufficit, non tamen nihil cavere, *Hering. d. loc.* Adhæc ex paupere dives fieri, idque bono omnino sperari potest. Inhabilitas autem personæ non deficit. *Anton. Fab. d. loc.*

<sup>12</sup>) Estimatur hic *d. L. 2. pr. (1) ex facultatibus:* Quare filiosfamilias pro alio quam pro patre non facile audietur, arg. *L. 2. §. 3. h. tit. ubi Ant. Fab. add. Bover. Sing. 11. n. 2.* Etsi vero quidam pauperiorem quoque idoneum censuerint, si spectatæ vir fidei, referente *Caroco de Juran. tit. decis. Q. 1. Quæst. 13. principalis n. 16:* Contra tamen alii, ut *Caroco. ibid. n. 17. Hering. de Fidejuss. C. 8. n. 59.* Ad quid enim hic proderit fidejussor, qui fallente reo satisfacere inopia non possit, scite *Hering. d. n. 59. et seqq.* Ahæc si moveretur, fortassis heres ipsi in obligatione succedens non erit talis, *Caroco. d. loc.* Requiritur autem vulgo, ut immobilia possideat fidejussor, quorum valor, ut minimum summæ petitæ reive æstimationi æqualis sit. Et quidem *Rod. Suar. d. tit. de Comperendum n. 2. et n. 4.* prius istud probat, quia fidejussor accipitur, ut diligentius cautum sit, nisi ait *n. 4.* alius reperiri nequeat, ubi et mobilium possessor accipietur. Æ-

quivalentiam autem ad rem petitam non requirit, ibid. *n. 6.* modo bona tanti sint, ut suspicio fugæ cesset. Sed de hoc requisito facultatum plenius et belle *Hering. de Fidejuss. C. 8. n. 52. et seqq. (2) Ex conveniendi facilitate,* Non igitur mulier, miles vel minor *L. 8 §. 1. hoc tit. Wesemb. Par. h. t. n. 7. Harpr. ad d. §. 2. Instit. de satisd. n. 6.* Non qui ex alia civitate ut *seq. N. 14.* nec qui ex eadem forte, sed cui privilegium aliquod fori, nisi ei renunciaret, *L. 1. si quis in jus. voc. non ter. L. 7. pr. h. t. ut Clericus studiosus etc. Harpr. d. loc. n. 7.* Non homo levis et probri plenus, vid. *Hering. d. C. 8. n. 125. et seqq.* litigiosus et rixosus; a quo suum consequi difficile. *A. Fab. ad d. L. 2. §. 1. Harpr. d. n. 7.* Quin et Pragmaticos, qui in foro versantur, Curia Adsores, advocatos, Procuratores, sunt qui hinc arceant, vid. *Parlad. 2. Rer. Quotid. C. fin. Parte 5. §. 5. n. 3. Hering. d. C. 8. sub fin.* Qui ibid. *n. 129 et seqq.* inquit, quid in iis, qui ob potentiam pariter et severitatem aliis formidabiles, itemque *n. 136. et seqq.* num *Judex* et *Magistratus loci idoneus etc.*

<sup>13</sup>) Ubi utrique injuriarum actio. Nam animus injuriandi ex re ipsa colligitur, cum inde repudiati fidejussoris existimatio suggilletur. *A. Fab. ibid. vid. Harpr. ad §. 1. Instit. de injur. n. 25. et seqq.*

<sup>14</sup>) Regula: Fidejussor enim jurisdictioni suppositus sit, *L. 1. si quis in jus voc. non ier. nec detur ex alia civitate*, licet ejusdem Provincie *L. 7. §. 1. hoc titulo* vid. *Suarez. in L. 2. fori titulo de Comperendinat. §. Ulterius. 1. n. 11. et seqq. Matth. de Afflic. Decis. 137. Parlad. 2. Rer. Quotid. C. fin. §. 5. n. 5. Hering. de Fidejuss. C. 8. n. 100. et C. 14. passim* Ratio non quod injuria alias fieret iudicii litis, qui non posset jurisdictione sua cogere ad standum promissis, ut *Ant. Fab. ad d. 1. Si quis in jus.* Neque enim multum hujus interest. Sed quia alias deterior fieret conditio creditoris, si debitore, cuius copiam habet, dimissio, difficultati alio loco suum ex fidejussore extorquendi se illigare teneretur, belle in simili, *Moller. 2. Semestr. 14. n. 15. et* convenit ipse *Faber. Codice suo tit. de satisd. defin. 11.* Quod si tamen fidejussorem reperire nequeat reus in loco iudicii, quia forte ignotior, si necessaria satisfactio fuerit, auditur, si in alia ejusdem Provincie civitate satisfacere paratus *d. L. 7. §. 1.* De quo juramento Rei fidem haberi vult. *Suar. d. loc. viv. Hering. d. C. 14.* Quæ autem ibi dicatur necessaria, quæ item voluntaria satisfactio, multum nostri variant. *Suarez. d. loc. n. 18.* illam exponit, ad quam lege quis adstringitur, licet causa sit voluntaria: Hanc ad quam ex conventionem suam, cum evitari posset, et *Oldend. Cl. 1. Act. 6. in Practica pag. 62. per L. 10. rat. rem hab. Cujac. 22. Obser. 26.* illam, quæ ex edicto Prætoris, ne vocatus invitatus trahatur: hanc conventionalem, quæ diem certum ex conventionem recipiat, in quem sisti oporteat etc. *Ant. Fab. ad d. L. 7. §. 1.* illam quæ ex edicto præstatur, etsi necessitas non præcisa, sed causativa: hanc quæ ultro ab iis præstatur, quos iuratoriæ, aut nudæ promissioni Prætor committit. *Hering. de Fidejuss. Cap. 14. n. 25. et seqq.*

tur? de quo in L. si fidejussor, §. 1. eod. et alia nonnulla in quibus consumitur Titulus, Qui satisfacere cogantur.

VI. Eventus stipulationis hic est, ut si reus non stiterit, teneatur in id quod interest. L. ult. si quis in jus voc. non eat. quod veritatem continet, inquit Ulpianus, non autem quantitatem. L. 2. §. ult. qui sat. cog. idest, ut ibidem interpretari videtur, veram quantitatem, quanta debetur, quod pro varietate<sup>15</sup> actionum et petitionum distingui-

tur: non autem certam quantitatem, quæ velut pœna injungatur desertoribus: nisi tamen<sup>16</sup> certa quantitas pœnæ nomine promissa sit. Et eodem modo fidejussores tenentur. d. L. 1. §. ult. Hec tamen ita, nisi reus necessaria aliqua de causa et cui parere haberet. necesse, <sup>17</sup> prohibitus sit, quominus sisteret, quod illius Tituli argumentum est, Si quis cautio, iudicio sistendi caus. fact. non obtemperav.

VII. Atque hoc loco de usu, et forma ve-

necessariæ species refert præter iudicio sisti, usufructuariam, rem pupilli salvam fore, expensarum etc. (ac sane priores referuntur, in L. 8 §. 4 h. tit.) voluntariæ exemplum ponit in cautione de rato. Sed Henric. a Snerin. Repet. Lect. C. 17 nullam cautionem iudicio sisti necessariam esse, cum vitari possit, si fiat, quod iure fieri debet, id est, si in jus vocatus eat: Esse hoc remedium potius satisfactionis, quam quod necessario injungatur. Quibus tamen non nimis operosum occurrere; quod enim juris necessitate sit, et præstatur, utique vere necessarium. Nam et urgeri quis dicitur, etsi non absoluta necessitas, L. 8. §. 5 de Cond. inst. (Neque saltem ex Justiniani mente, ut h. C. n. 3 liberatur hac necessitate, qui in jus venerit, quia cavere oportet de persistendo in lite, donec terminetur, ut d. n. 3. Postremo hic notandum, satisfactionem hanc, si leges, jurisque rationem sectamur, datis solum fidejussoribus expediri, non autem pignoris, per L. 1 h. t. L. 7 de præst. stip. L. 4 §. 8. de fid. lib. L. 1 §. 9 de collat. bon. Nov. 53 C. 2 et C. 3 §. 2 verbis sola personali fidejussione, et Nov. 112. C. 2 vid. Don. ad L. 5 §. 2 de V. O. n. 3 Pac. 1 Enant. Q. 64. A. F. ad d. L. 1. Gæd. ad L. 61 de V. S. n. 2 et 3. Suarez. d. tit. de Comperendinat. Pr. n. 9. Ayres. Process. P. 1 C. 10 n. 5 et seqq. Hæc enim forma satisfactionis, quam impleri oportet, ac nec in melius quidem mutari potest. Suar. d. loc. Bronoh. 1 Ass. 25. Nec invito aliud solvi potest, Gæd. d. n. 3 etsi melior conditio asseratur, Ayres. d. loc. n. 7. Nec semper plus cautionis in pignoris, quia interire possunt, eorumque custodia molestæ et periculosa, Donell. d. loc. et Ayres. n. 7. Adhæc securior, qui habet duos debitores. Nam pignorum datio novum debitorem parere nequit. Fidejussoria autem cautio obligationem pignorum gignere potest, cum bona pignori capiantur in executione iudicati, Anton. Fab. ad d. L. 1. Denique facilius fidejussor conveniri potest, quam pignus distrahi. Ad distractionem pignoris longiore circuitu pervenitur, quam ad solutionem a fidejussore faciendam, Philipp. Matth. ad L. 25 de Regulis Jur. n. 7 et 8. Diss. DD. vulgo et Wesenbec. Par. h. t. n. 7. Menoch. Arb. Car. 142 ) qui tamen iudicis arbitrio tribuit, quando per pignora, vel fidejussores idonee caveatur ) Zanger. 2 de Exc. 21 n. 17. Rosbach. Process. Tit. 45 n. 10. Quorum opinio admitti certis casibus potest: (1) Quando actor pignoris contentus, per d. L. 61 de V. S. ubi Gæd. L. ult. §. 3. Quod legat. (2) Quando fidejussores reperiri nequeant, Suar. d. loc. n. 9. arg. not. h. C. N. 9 vers. Denique. Eademque in foro Saxonie recepta: in quo reus plane non cavet, ut h. C. N. 23 actor ita, si immobilia non possideat; valorem Weigeldi unius, id est, 24. Sexagenas antiquas, 24 alte Schoeth., excedentia, depositione tantæ pecuniæ, vel ejus nomie fidejussoribus, aut pignoris recte cavet, vid. Jacob. Schult. Observ. forensi 20. Fidejussio hic requisita a Statuto, quando præstanda etiam parte non petente, ut ea non præstita, nullitas oritur, vid. Joan. Petr. Surd. Decis. 57. In criminalibus, maxime capitalibus, num huic cautioni locus, non omnino est huius loci. Nam de civilibus agimus, vid. Coler. de Process. exsec. P. 2 C. 5 n. 51 et seqq. Hering. de Fidejuss. C. 20 §. 9. Bronch. 4 Ass. 58. Menoch. Arb. Car. 303. Maranta P. 6 Tit. de satisd. n. 4 et seqq. Harpr. ad §. 2 Instit. de satisd. n. 26 et seqq. Num si semel reum criminis sistat fidejussor, es is aufugit, denuo sistere teneatur. Moller. 2 Semestr. 2. Hering. d. C. 20 n. 81 et seqq. qui negat.

15 ) Nam si certæ quantitatis actio, ex. gr. ad 100. certi conductio, ex cautione commissæ in 100. Sin incerti actio, tenetur incerti ex stipulata, in id quod interest, Cujac. 10. Obs. 10. vel potius, ad id quod interest, et ita

incerti agendo quoties pœna certa non adjecta, ut Oldend. Cl. 1. Act. 6. p. 54. Coler. P. 2. C. 3. n. 48. Schifordegher. Lib. 1. ad Fab. Tr. 4. Q. 6. Istud autem interesse æstimatur secundum modum actionis intentatæ, contra eum qui se non sistit, quanti nempe is condemnari potuit, per d. L. 2. §. ult. L. 3. Qui sat. cogant. Nam quod. Zobel. Adit. art. 9. lib. 3. jur. Sax. lit. A. et Reinb. inter diff. Zobel. 26. P. 4. n. 9. discrimen statuit juris Saxonici quo fidejussor iusta modum actionis teneatur; et civilis quo tantum ad inter esse non factæ presentationis a Coler. d. C. 3. n. 49. et seqq. refellitur. Et æstimatio ejus refertur ad tempus, quo sisti debuit, non ad id, quo agitur, L. 12. §. 1. Si quis caut. vid. Pac. 1. Enant. 81. Veram autem quantitatem dicit d. L. 2. §. ult. Qui satis. cog. vult A. Fab. ibid. ut excludatur actio calumniatoris, et spectetur, quid actoris vere intersit, non quid petierit. Plane Guibald. Lib. 1. de Rat. stud. C. 16. pro veritatem, in d. §. ult. reponit utilitatem, ut ita id quod interest, a vera quantitate discernatur. Quæ correctio minus necessaria. Querit Coler. d. P. 2. C. 3. n. 45. an parata executio contra hunc fidejussorem extendatur. Quod negat n. 47. et seqq.

16 ) Ni plura quam statutum est, per ignorantiam promissum, L. 4. §. ult. Si quis caut. Modum statutum putat Cujac. 10. Obs. 10. ut si actio ex. gr. in 100. pœna non excedat 200. si actio incerti: modus imponatur arbitrio Prætoris. Sed vid. A. Fab. ibid. Nec si plus intersit, quam pœna sit, fidejussor nisi ad hanc tenetur, Allicet. Decis. 234. Pœna hac a fidejussore præstita liberari reum actione principali contendit Caspar Schifordegher. Lib. 1. ad A. Fab. Tr. 4. Q. 5. Quod nunc non executio. Quæ pœna juratoriam cautionem deserentis, vid. L. pen. C. de dignit. ubi Cujac. Novel. 53. C. 4.

17 ) Ubi plura impedimenta percensentur, quæ a contumacia excusant. De quo et quomodo hæc impedimenta probanda, vid. Gui. Papæ Q. 64. et Annotatores ad eum, Valasc. Tomo 1. Cons. 66. n. 13. Pacia. 2. de Probat. 47. Menoch. Arb. C. 118. Contard. in L. Diffamari. C. 4. n. 116. et multis seqq. Rulant. de Commis. P. 1. Lib. 5. C. 6. Quodque hic impedimentum iustum non modo morbus proprius, sed et uxoris ac liberorum, scite Jan. Langlæ. 1. Semestr. 2. pag. 18. et seqq. Expedit vero hoc casu excusationem absentie ad iudicem mitti, vid. Valasc. d. Contr. 66. n. 12. et 14. Jo. Ausbach. Sing. alleg. Lib. 1. C. 35. et not. supra Lib. 18. C. 9. N. 6. Iusta quoque excusatio timor minarum reo insinuarum. Unde responsum refert. Coler. de Process. P. 2. C. 3. n. 58. ex hac causa non sistente reo pœnam conventioni præmature a fidejussore exigi, cum prius reo fide publicam de immunitate carceris cavere debeat. Non autem excusatio impedimentum, quod ipse affectavit, et cui ipse causam præstitit, L. 2. §. ult. Si quis caut. dolo scilicet malo, et ob hoc ipsum ne sistere posset. Secus si nihil imputari posset, cur se non sistat, licet impedimentum ex delicto proficiscatur, L. 4. pr. h. t. Ant. Fab. ibid. Privati quoque detectio exactionem non præstat, d. §. ult. Vel quia potest ei imputari, cur non imploraverit Magistratum, vel quia injuria uni facta cur non imploraverit Magistratum, L. 67. de fidej. A. Fab. ibid. non debet alterum contingere, L. 67. de fidej. 12. ab. diem iudicii Ex causa vero morbi sententiæ jubet Lex. 12. ab. diem iudicii esse diffusum d. L. 2. §. 3. ut habet Florentina lectio id est, dilatum. Diffundere enim est interrompere, infringere, illud tempus demere numero dierum, quibus sisti oportet. Unde dilatio inferitur. Cujac. 12. Obs. 18. vid. et Rev. ad L. 12. tab. 5. Pollet. 4. Hist. fori 15. Sner. Repet. Lect. C. 30. Politian. Misc. C. 41. repudians vulgarem lectionem diffusum. Quæ tamen placet Brodeco 10. Misc. 6. qui exponit in poste-

veterum loquendi in hac re commodum esse videtur nonnihil dicere, ne quod de ea dicunt, ignoratione verborum nos fallat, et ut quam jam olim hoc cautionis et satisfactionis genus in usu fuerit, intelligatur, sitque quod ab illorum scriptis ad usum nostrum transferamus. Monendi ergo sumus, hæc illis verba in hac re fuisse usitata: quæ non temere occurrunt in Paudectis, cum tamen res eadem sit quam nunc dicimus. Nam qui hac promissione se obstringebat reus, dicebatur vadari verbo communi sub significatione passiva, id est obstringi: ut interpretatur Fulgentius in *lib. de prisco sermone*. quod verbum dictum est a vadendo, quia reus hac promissione caveret fore ut vaderet, id est, iret ad iudicium, et ut nos loquimur, iudicio se sisteret. Cautionem ipsam vadimonium appellabant, quasi dicas promissionem de vadendo interpositam. Unde qui vadabatur, idem et vadimonium promittere dicebatur. Cui autem promittebatur, dicebatur vadimonium accipere. Idem et vadari active. Horat. sat. 9.

...Et casu tunc respondere <sup>18</sup> vadato Debebat....

de reo loquitur qui debebat respondere actori vadato, idest, qui vadimonium acceperat. Inde et fidejussores eo nomine dati vades. Reus cum statuto die veniebat in jus,

et ut nostri loquuntur, cum obtemperabat cautioni iudicio sistendi causa factæ, dicebatur obire vadimonium, quasi dicas ire ob vadimonium. Cum autem non parebat cautioni, dicebatur deserere vadimonium: pro quo Ulpianus dixit deserere promissionem iudicio sistendi causa factam: est in L. 4. §. *quæsitum*, D. *qui sat. cog.* Unde Paulo pœna desertionis pœna deserti vadimonii in L. 5. §. 1. D. *eod.* Quæ omnia cum apud Ciceronem aliis in locis frequenter, tum in Quintiana passim occurrunt. Testimonia alia si quis desiderabit, et habere volet, Budæus suppeditabit in annotationibus ad Pandectas.

VIII. Est igitur, ut proposui, hæc conditio delata reo, ut aut caveat, aut in jus eat. Ut si cavebit se iudicio stitutum, non cogatur in jus venire ante constitutum diem. Sed etsi cavet, hoc consequitur, ne veniat: ita si conditione non utitur, ita jus est, ut sine cunctatione jubeatur ire. Quam ob causam jus est actori privato, reum in jus ducere, et trahere <sup>19</sup> invitum: si is extra domum conspiciatur. Nam eum, qui est domus suæ, non licet de <sup>20</sup> domo sua in jus vocare, idest, extrahere, et ducere. L. *plerique*, et L. *seq. D. de in jus vocan.* Quod cum multis, et variis testimoniis cum aliorum auctorum, tum nostrorum dilucide expediverit. Franciscus Duarenus. *lib. i. disp. cap. 1.* actum non agam. Tantum illa, quæ inde nata jus illud secuta sunt, in edicto

rum rejectum. Morte rei ut liberetur fidejussor, vid. L. 4. *Qui sat. cog. L. sancimus* 26. §. *sin autem et secundum C. de fidei.* Coler. d. C. 3. n. 62. et seq. Liberari quoque fidejussorem docet Hipp. de Marsil. *de Fidei.* n. 110. si reus postea mutet conditionem vel fiat alterius fori, ex gr. Clericus. Quid si semel exhibitus, deserat iudicium? Dist. an simpliciter fidejussisset, an in totam causam aut in finem litis, vid. Old. *Cl. 1. Act. 8. Q. 8. et in tabula actionum pag. 1151.* Et quod non teneatur fidejussor post sententiam tractat Roder. Suar. in L. 2. *fori tit. de Comperendinat. §. sed pone questionem* 4. n. 27. per L. 8. §. 3. *de fidejuss. L. 1. Si ex noxali Cap. ag.* quia in iudicio sisti non continetur iudicatum solvi, licet hæc in illa sic. Et quia iudicium finitur per sententiam, utique et hæc cautio. Nisi ad certum tempus fidejussit, et id nondum elapsum, per d. L. 26. C. *de fidej.* Quare nec in appellationis instantia hanc perservare docet idem d. loc. n. 29. arg. L. 20. D. *Judic. solvi.* Sed hanc opinionem communem quidem esse, ast in foro nostro Saxoniarum non servari, scribit Moller. 2. *Semestr. 2. n. 4.* Plane sine scriptis si adjectione diei accepti fidejussore ex constitutione Justiniani L. *pen. C. de fidej.* non tenentur ultra dus menses. Quia nec in longius tempus se obligare voluisse presumitur, qui ex scripto fidem suam adstringere poluit, Cujac. *de Div. temp. pres. C. 13. et 19. Obs. 34.* Ubi et præced. L. 26. constitutum docet, ut post commissam pœnam fidejussor intra sex menses exhibitio reo moram purgare pœnamque effugere queat. In quod accuratius inquirere non vacat. Ordinis autem Beneficio hunc fidejussorem non juvari, censet Gœd. *de Contr. stip. C. 9. n. 98. ne elusoria fiant iudicia.* Nam qui semel consensit Magistratum reus, nec iudicio stetit, deinceps quoque contumax futurus presumitur.

18) Lambin. *ad Horat. d. Sat. 9.* Vades, ait, qui periculo suo promittunt aliquem vadimonium obitutum, ut si non

obeat, vas litis æstimationem subeat, add. Auson. Potmau. *Lib. 4 de Ciff. verb. pag. 217 et seq.* Jac. Nic. 9 *Misc. epiphyl. 1 P. 5 Thesauri Critici Gruteri. Hot. ad §. 15 Inst. de act. et ad d. L. 13 §. 1 C. de jud. Gov. 1 Var. Lect. 40. Baro. in L. 7 §. ult. de minor. Cujac. ibid. (qui tractant, quid eremodiciu desertum a vadimonio deserto differat) Ræv. *Protribun. C. 9.* (qui duplex vadimonium statuit) et ad LL. 12 *Tub. C. 5. Obr. de Consp. libell. C. 8 n. 3 et 4. Hering. de Fidei. C. 3 n. 42 et seqq.* De vadimonio deserto apud Athenienses Joach. Steph. *Lib. 2 de Jurisd. Judææ. Græc. etc. C. 9 n. 34 et seqq.**

19) Recte. Sed variat hic Donellus a seipso, qui *supra C. 2* (vid. ibi n. 6) jam olim exolevisse morem illum ducendi scribit.

20) L. nemo 103 de R. I. Quintil. *Lib. 8 C. 9.* legem Romanorum fuisse: Ex domo in jus educere non licet, Et ut d. L. 18 domus tutissimum refugium dicitur, ita Cic. *pro domo* nihil ea sanctius, nihil omni genere munius. Xenop. *Lib. 7* ὅδ' οὐσιότερον χωρίον ἐν ἀνθρώποις ὅδ' ἔστιον, ὅδ' ἐδυσχότερον δύναι, ὅδ' ἐν δίκῃ ἰδύει. vid. F. Eab. *ad d. L. 103. Cujac. 7 Obs. 15 et 16 et 1 Pauli ad edict. in L. 19 et 21 de in jus voc. Balduin. in not. ad d. L. 18. Ræv. Protrib. C. 3. Vult. Disc. schol. 1. pag. 22. A. Fab. C. suo de in jus voc. defin. 9. Wes. Cons. 43 n. 56. Myns. 4. Obs. 69. Sig. Scæcc. 1 de Judic. 46 n. 8 et 9. fuse Speckhan. Cent. 1. Q. 56. Etsi vero plerique ad tractionem violentam, quam nunc citationem realem usurpant, hoc jus accommodant. Quomodo et P. Nann. 10 *Misc. 1* vocare in d. L. 18 non esse citare ac denunciare, ut ad litem suscipiendam adsis, sed invitum duci. (Ut tamen non tantum ab actore, vel adversario, sed nec a lictore domo extrahi potuerit, vid. Ræv. d. C. 3 licet. Cujac. 7 Obs. 16 ab exsecutore, maxime publici debiti causa, recte extrahi scribat.*

cto prætoris, ostendam. Ex quibus etiam quid antecesserit, facile intelligetur. Ergo quia prætor eum, qui vocatus non cavebat, permittebat in jus duci: consequens fuit, ut eum, cui hanc potestatem faciebat tueretur: Inde edixit, ne quis eum, qui in jus vocatus est, vi eximeret. *Tit. ne quis eum qui in jus voc. est vi exi.* Non eximitur, nisi qui auferitur ei cujus in manu, et potestate est. Nec vis est, nisi quæ ducenti et retinenti infertur. Nam reo utique non infertur: qui volens discedit.

IX. Rursum cum duci invitum in jus non-nihil haberet dedecoris et infamiæ, argueret-que contemptum ejus, qui duceret: ea res causam dedit ei parti edicti, quæ est de in jus vocando: quæ sub eo titulo in Pandectis explicatur: qua parte prætor quosdam accepit, ex quibus alios in totum vetuit in jus vocari: ut magistratus, qui imperium habent, item eos qui necessaria aliqua de causa et Reipublicæ utili impedirentur, ne venirent, qui omnes singulatim enumerantur in L. 2. 3. et 4. in pr. *D. de in jus voc.* alios prohibuit vocari in jus sine permissu suo: quo in numero parentem, patronum, liberos parentesque patroni, patronæve prætor excepit: de quibus exstat fragmentum edicti in L. 4. *D. eod.* adde hæredes patroni patronæ quanvis extraneos ex L. 2. *C. eod.* Patroni etiam uxor excepta. L. 1. *C. eod.* sed ex sententia edicti, quia dum prohibetur, patronus in jus vocari, prohibetur ne ei fiat hæc injuria: patitur autem quis injuriam etiam per uxorem. §. *patitur, Inst. de injur.* Quod cur prætor in his constituerit potius, quam in cæteris causæ nihil erat, nisi in vocatione inesset aliquid, quod in persona magistratuorum esset contra ipsorum dignitatem: in persona eorum, qui aliquo officio, et opera detinerentur, esset, quod illos ab ea re abduceret: in persona autem parentis, et patroni esset aliquid turpe, et

contra reverentiam istis personis debitam. Id autem est in his omnibus, si ducantur in jus. Duci ergo potuit jure Romano, qui in jus vocatus, non caveret: præter eos, quos modo dixi edicto prætoris exceptos. In quibus cum prætor simpliciter parentes nominet: tamen sciendum est, id de parentibus accipiendum esse, qui vocentur a liberis, quos in potestate non habent. L. ult. *C. eod.* Nam qui sunt in potestate, his cum patre nulla lis, nullum judicium esse potest, ne permissu quidem prætoris: nisi de castrensi peculio. L. *lis nulla, D. de jud.* quod non est hujus loci, ut explicetur.

X. Sed videbitur alicui hæc ductio in jus, de qua loquimur, aut iniqua esse aut supervacua, etiam si maxime quis cautionem judicio sisti exigendam a reo ante putaverit. Quid enim agitur, vel potius quid agebatur olim apud prætorem, cum ad eum in jus ventum erat? an eo veniebatur ut cogeretur ut reus litem statim contestari, et judicium accipere? at hoc iniquum, et contra edictum prætoris, quod jubet ita edi actionem, ut scire possit reus, utrum cedere, an contendere debeat: an ut tantum apud prætorem actio ederetur? at fuit supervacuum, in jus ducere reum, eique tantum negotii exhibere, ejus rei gratia, quæ etiam extra jus transigi poterat. Quid ergo est? Et Justinianus in *Novella 53. §. sed et illud*, indicat invitum reum non alio consilio ad judicem duci solitum: quam ut compelleretur litem apud judicem contestari. Neque in eo queri debuit reus sibi injuriam fieri, quod imparatus, et omnium ignarus id facere cogeretur. Imputare enim sibi debuit, quod cum posset, non caverit. Quod si dixerimus non debuisse ei denegari dilationem ad deliberandum, dummodo cavere paratus esset apud prætorem, quod alias potuit: fortasse non erraverimus. Est enim hoc humanius. Neque ideo ductio inutilis: utpote per quam actor alterutrum cen-

21) Non male tamen Azo in *summa C. de in jus voc.* n. 2. qui ad se aditum ex domo non præstaret, inde nec verbo vocari posse censet. Idque probatur d. L. 19. et L. 21. ubi vocula *interdum* opinor se refert ad eum, qui aditum ad se præstat. Et ex L. *qui in domum 23. de inju.* unde Damh. *Præxi civ. C. 59 n. to.* non licere demum ingredi citandi causam, nec in causa civili, sed ante fores fieri denuntiationem debere. Nam et quod domus tutissimum receptaculum d. L. 18. eo quoque pertinet, ne occulta familiæ, solisque Diis Penatibus adspicienda, curiosis pateant oculis invidorum. Jo. Passerat. in *Lib. 1. Cic. d. LL. initio.* Domum autem accipere debemus non proprietatem domus, sed domicilium, arg. L. 5. §. 2. *de injur.* Idem ergo jus domus alienæ conductæ, aut in qua degit, ut inquilinus, P. Fab. et Hip. a Collib. *ad d. L. 103. ac Phil. Matth. n. 8. Myns. d. Obs. 69. n. 3. Gail. 1. Obs. 48. n. 14.* Quin et in navi idem statuit Bevenut. *Straccha de Mercatorib. Tit. de Navib. Part. 1. n. 5.* Et in di-

versorio Conrad. Heresbach. [*Epitome Christianæ Jurispruden. Edicto X. Præcepti pag. 302.* quod et hoc tutum hospitii receptum, et hospitii jure securitatem præbeat. Unde Juspi- ter Xenius quasi hospitii præses. Plura huc facientia pote ex Speckan d. Q. 56. ubi variis modis extendit ac restringit. Ibi- demque tractat, cum idem jus ædis sacræ, Monasterii, Palatii, Episcopi, statum Principis, Scholarum, etc. ut nempe, qui eo confugerunt, inviti non abducantur, add. Scaccia d. C. 46. n. 4. et 7. seqq. Sane aliam citationem, verbo vel per litteras, in æde sacra recte expediri etiam a seculari, vult Bover. Sing. 9. n. 32. add. Asin. *Præxi §. 6. C. 1. n. 6. Goth. in L. 6. §. 3. C. de his qui ad Eccles. Incivile tamen esse, si quis inde vocetur, notat P. Gilken. ad L. 2. n. 12. C. de SS. Eccles. adde Edict. Justin. 13. C. 10 §. ult. et vid. Mudæ. ad §. penales 12. Instit. de act. n. 29. et seqq. Virgil. Pingitz. Q. 54. et supra Lib. 15. C. 27. lit. C. D. ibique not.*



consequatur, aut ut caveret reus iudicio se stitutum, si diem ad deliberandum impetrare vellet: aut ut litem contestaretur.

XI. Hoc jure breviter exposito de necessitate in jus veniendi cum sit vocatus: non abs re jam extremo loco queri potest, quid his rebus opus fuerit, non dico ductione: sed omnino ullis cautionibus iudicio sistendi causa adversum eum, qui vocatus nollet venire? Ut dilationem accipiat; inquis; et tamen interim consulatur actori, nempe reus vadimonio obstringatur ut si velit frustrari actionem, impune non possit: sed in promptu contradictio est. Frustratur enim, ut libet, quid refert, an eo absente de causa cognosci, et res adversus eum iudicari non potest? Quod si potest, cur rebus non necessariis oneramus actorem, ut scilicet reum in jus ducat, aut ab eo satisfactionem vel cautionem exigit, in eoque laboret, ut ad jus suum perveniat, qui sine ulla molestia, et sine mora ad id pervenire potuisset? Et sciendum est his rebus fuisse opus, si de re cognosci et iudicari volumus. Quod ut fieret, veteres, ut dixi, melius esse statuerunt. Sunt enim illa duo in hanc rem comparata, ut reus in jus veniat: item ut cum venerit, respondeat actori, et ut erit ejus responsio, ita cognoscat iudex de re, et iudicet. Quid ergo eo absente, et potestatem sui non faciente, non potest de re iudicari? Sane vero lite non contestata <sup>22</sup> non potest, quod disertis verbis positum est a Justiniano in *Novell. 53. de exhib. reis*, §. *si vero*. Et sane iudicio non constituto aut erepto nec iudex quisquam, nec cognitio iudicis aut sententia intelligitur. Porro ita jus nostrum est, ut nullum sit iudicium lite non contestata: argumento hæc sunt, et quod a lite contestata iudicium incipere dicitur. L. 1. *C. de jud. Novell. 112.* et quod non nisi lite contestata res dicitur in iudicium deduci L. *unic. C. de lit. cont.* quo efficitur ut non contestata lite nec de re cognosci possit nec iudicari. Quod et in Decretalibus expressum

est, in quibus legitur hic Titulus; *Ut lite non contestata non procedatur*. Prodest autem reum in jus venire ut lis cum eo contestetur: cum enim venerit, necesse habebit adversario respondere: nisi pro confesso haberi velit, ac quidquid de re responderit, in eo inest litis contestatio, ut dicam suo loco. Quare hoc constituto ut litem contestari oporteret, de qua vellemus iudicari: eadem opera et cautionem introduci oportuit, quæ in hoc valet, ut reus in jus venire cogatur, ac tum lis cum eo contestetur: quod satis aperte Justinianus significat in *d. §. si vero, Novel. 53. de exhib. reis*.

XII. Quod si quis detur nobis locus, in quo ita jus sit constitutum, ut quanvis adversarius vocatus non venerit, possit tamen iudex cognoscere, et cum cognoverit sententiam ferre: profecto ordo omnis superior in cautionibus et satisfactionibus exigendis, in ducendo reo, qui non caveat, tum id jus omne, quod ex ea causa nascitur tanquam supervacuum et inutile evanescet. Primum non exigemus a reo cautionem, ut in jus veniat, quia etsi non venerit, causa nihilominus eo absente recte agatur. Ob eandem causam non caventem non ducemus in jus, cum eum in jus venire juris nostri persequendi causa non sit necesse. Jam vero ductione sublata, neque illi edicto, Ne quis eum, qui in jus vocatus est, vi eximat, erit locus, cum natura non possit eximi, qui non detineatur: neque ulli erunt, quos propter ignominiam ductionis, aut contemptum in ductione adhibitum, aut justam absentiam, excipi oportebit, quominus iis condicatur dies, quo in jure adsint: cum non ducantur. Quapropter cum aliud obtinuerit moribus nostris in Gallia, ut sive reus veniat vocatus, sive non veniat, causa pariter adversus utrumque agatur, neque hoc exigemus, ut lis prius cum adversario contestetur: non erit mirum, si toto superiore jure circa vocationem in jus <sup>23</sup> non utamur. Nam ne Romani quidem essent usi, si prius illud, quod

<sup>22</sup> Quod confirmat Coras. in L. *sifinita* 15. §. *Julianus* 16. de *dam. inf. in Summ. tract. primi* et 2. *decreti* n. 22. et *seqq.* ubi hanc regulam restringit. (1) Nisi natura rei petitæ missionem in possessionem non admittat, ut specie C. *un. de eo qui mitt. in poss.* vide not. *infra* C. 11. N. 16. (2) Favore libertatis, L. 26. §. 7. de *fid. lib. L. qui se* 69. de *judic.* et in causa libertatis ecclesiæ, C. *cum olim* 34. de *testib.* In summariis quoque, quia non requiritur litis contestatio, posse liquidato negotio semper ad definitivam perveniri, docet Sig. Scaccia. 1. de *Judic.* 96. n. 17. Et ideo in causis quoque matrimonii, C. *quoniam frequenter* 5. §. *porro ut lit. non cont.* putat Coras. d. *loc. n.* 22. non tam quia missioni in possessionem in iis non locus, quam quia Summarie.

<sup>23</sup> Atqui apparet, ex L. *consentaneum* 8. C. *Quom. et quand. jud.* quod et post litem contestatam (ita enim ea L. accipienda per verba extrema, *junct. iis, quæ h. C. N. proced.*) si actor petierit, cogatur reus, ut se representet, et ita realiter citetur, ac prehensus in iudicium ducatur, vide *Coed. de Sequestr.* C. 1. n. 73. Scaccia. 1. de *Judic.* 96. n. 6. Si itaque post iudicium acceptum ductionis usus, utique etiam quando lite non contestata iudicari potest. Et possunt causæ esse, cur malit litem peragi actor reo præsentem quam absente. Quid enim si reum coram convincere malit et expeditius possit. Usu nostrorum iudiciorum actor quidem reo de quo mox. Ast reus actori nullam, nec iudicio sisti nec iudicatum solvi cautionem præstat, etsi immobilia non possideat,



quod dixi, non statuissent, lite non contestata iudicio agi non posse. Hæc causa fuit, cur in eo jure explicando non sim longius immoratus, contentus modo capita ipsa rerum indicare, et digitum, quod dicitur, ad fon-

Tom. VI.

tes intendere, quo admoniti lectores haberent ipsorum titulorum, qui sunt de hoc genere, argumentum: cujus cognitionem plenior si qui vellent consequi, ab ipsis titulis nullo negotio petere possent.

8

CAP.

Coler de Process. P. 3. C. II. n. 92. post alios Moller. ad Nov. Elect. Sax. 5. p. 1. n. 2. licet text. Lib. 2. art. possessorem solum reum satisfactione revelet. Nisi justæ causæ accedant, timor fugæ, vel dilapidationis, Jo. Monach. Pract. judic. P. 5. §. 3. n. 11. Cæterum et actor reo cautionem præstat jure civili novissimo qua initio litis et antequam libellum dirigat, satisfaciat, et de lite intra duos menses, a die exhibiti libelli, contestanda, Nov. 96. C. 1. auth. libellum. C. de lit. cont. et de eadem ad finem usque prosequenda, ac si victus fuerit, decima parte quantitatis libello petite reo sumptuum nomine restituenda, Nov. 112. Cap. 2. auth. generaliter. C. de Episc. et Cleric. add. edict. Justin. 7. Cap. 5. (sicut et olim cautio decimarum præstanda, vide not. infra Lib. 24. C. 3. N. 5.) Marant. P. 6. h. t. de sat. n. 16. Valas. probe declarans Cons. 66. n. 1. 2. 3. Harpr. ad §. 2. Instit. de sat. n. 43. Sed hujus cautionis usum plerisque locis exolevisse, plerique testantur, Sich. ad auth. offeratur. C. de lit. contest. n. 13. Hartin. Hartin. tit. 5. Obs. 3. Coler. decis. 105. n. 2. et 3. Sig. Scacc. 1. de Jud. 101. n. 55. Frideric. Schenck. L. B. a Tautenberg. Prognos. fori Lib. 2. tit. 6. Valasc. d. Cons. 66. n. 2. Lancel. Contrad. de Offici. Prætoris in caus. civil. v. satisfactio n. 1. Damhuder. Praxi civ. Cap. 99. n. 5. Merito ait Goth. in not. ad d. auth. generaliter. alioqui egeni suum nunquam iudicio recuperarent, destituti satisfactione. Contra expedire Reip. ut hæc jura in usum revocentur, censet Ventura de Valentis Parthenii litig. Lib. 2. Cap. 13. n. 27. Sed et Damhuder. d. C. 99. n. 6. quando actor extraneus aut peregrinus aut vagis inerrans sedibus, adhuc posse reum citationem petere ab eo satisfactionem, qua se submittat iudicio, deinde ut in eadem jurisdictione eligat certum habitationis domicilium. Jure ve-

ro Saxonico hujus cautionis de persistendo in lite, frequentem usum esse attestatur Coler. decis. 105. n. 1. et seq. post Fa chs. Diff. Jur. Civ. et Sax. 40 inter. diff. Zobel. 10. P. 1. n. 5. Et aliis quoque multis locis ejus usum superesse, postquam hæc scripsi comprobasse pluribus reperi Hering. de fidejuss. C. 10. n. 117. et seqq. Et Jure sane Saxonico duæ cautiones actori injunctæ: (1) Guaranda, die Geveer. (unde garantizare, C. un. pr. de lege Corradi 2. Feud. 34. pr. pro evictionem præstare, Hot. in Lexico feud. vel liti subsistere: ac defensionem suscipere, Cujac. ad d. C. un. ipsi 4. F. 38.) repromisso defensionis rei contra alios actores, qui super eadem causa litem moturi, ut Coler. ad C. 2. junct. C. dilecti 8. supra de Except. n. 17. De cujus præstanda necessitate, forma, viribus item et effectibus, vide Nov. Elect. Sax. 4. p. 1. ubi Moller. Coler. decis. 109. Lang. de except. P. 2. C. 20. Hering. de fidej. C. 10. n. 137. et seqq. Hart Pist. Lib. 4. Q. 22. Wehner. Obs. pract. de P. S. verb. Geveer. Jac. Schult. Ad lit. ad Brunor. a Sole Loc. comm. verb. Guaranda et ad d. decis. Coleri 109. et noviss. obs. forensi 14. et 2 seqq. Hanc in executivis non præstari monet Coler. de Process. exsec. p. 4. C. 3. n. 12. eo quod finis ejus sit, ne mutetur postea libellus, isque in executivis cesset. Quam sententiam probat, ast rationem perstringit Jac. Schult. add. ad d. dec. 109. n. 18 et seqq. ubi vide. (2) Pro expensis et reconventionem, vulgo Vorstand. cujus finis, ne victus actor e iudicio se propiciens ac regione excedens reum sumptibus et mutua petitione frustretur. Unde et huic cautio iudicio sisti sive de prosequenda lite inest, Modestin. Pist. Q. 115. De qua vid. Nov. Elect. Sax. 5. p. 1. ibique Moller. Lang. d. C. 20. Mod. Pist. d. Q. 115. novissime Jac. Schult. Obs. forensi. 17.



## CAP. X.

Ei qui in jus vocatus non venit mulctam a magistratu posse irrogari.

*Transitio et divisio. I.*

*In jus vocato, nec eunti mulctam irrogari, et quatenus a iudice; et quæ ejus remittendæ causa. II.*

I. **S**ed redeo ad jus Romanum. Cum ergo id agerent veteres, ut reus vocatus in jus veniret, quoniam ita statuerent iudicium ante esse non posse, et tamen iudicium, si posset, fieri vellent adversus eum qui iudicio provocatur, primam quidem eam rationem inierunt quam supra dixi, ut vel duceretur reus in jus, vel obstringeretur promissione iudicio sistendi causa, quo adduceretur metu pœnæ promissæ, ut ad diem constitutum veniret. Sed hac non contenti duas præterea pœnas constituerunt in hanc rem adversus eos qui sui potestatem non facerent; mulctam, et possessionem bonorum eorumque distractionem: ex quibus prior est adversus omnem, qui in jus vocatus non venit, sive caverit quid, sive non caverit. Al-

*Potest irrogari mulcta etiam ei qui sit ex aliena jurisdictione, si vocatus ire contempsit, et quare. III.*

tera patet latius: constituta est enim adversus omnes, qui non faciunt sui potestatem, sive vocati sint, sive non sint nec tantum si consulto absint, sed etiam si non consulto.

II. Placet ergo ei, qui in jus vocatus non venit, mulctam pro jurisdictione iudicis irrogari posse, ex causa tamen, nempe si dolo malo non venerit, cum scilicet<sup>1</sup> et deberet et intelligeret se debere: alioqui et ei remitteretur mulcta; qui ita non venit, quia dies esset<sup>3</sup> feriatas, aut quia non pertineret ad jurisdictionem ejus ad quem vocatur, (neque enim aut eo die, aut ad talem iudicem quisquam venire cogitur: nec ut veniat actoris quidquam interest) remitteretur et homini<sup>4</sup> rustico et imperito, qui propter insolentiam forensium rerum, an venire deberet, et

1) Contumacia enim non solum pars offenditur, sed et iudex, et sic mulctatur ratione iudicis, ut non obstat L. satisque 19. de in jus voc. Nicol. Carbon. *Practica Lib. 3. C. 4. n. 2.* Potest et citationi inseri comminatio, ut nisi compareat reus, certam pœnam parti solvat. Qui si se non stiterit, solvere cogitur, etsi adversarii nihil intersit, immo etsi probari possit eum temere litem movere, ita post Caroc. *Decis. 19. n. 60.* Jac. Schult. *Obs. forensi 3. n. 87.* modo tamen ut ibid. n. 89. præcepta hujusmodi comminatoria, eum causæ cognitione, aut saltem expressione facta. Cæterum ni vereretur, ne moles libri nimium exeresceret, aliqua hic referrem, haud vulgaris usus de contumacia ejusque speciebus ac coactione, etc. (Plurima quippe suppetunt) ex rehuff. in *Const. Reg. Tomo 3 de Contumacia*. Sig. Scaccia. 1. de *Jud. 91. et seqq.* Lanc. Conrad. de *Offic. Pract. in caus. civil. v. contumacia*. Maranta *Speculi P. 6 membro iudicii 2.* Damhud. *Praxi civil. C. 77. et seqq.* Octav. Vestr. *Lib. 4. Pract. aulæ Rom. C. 4. Svarzenhaller. Process. Lib. 1 act. jud. preparat. 2. Jo. Pels. Process. tit. 14 et seq. Goldstein. Process. C. 13 et seqq.* Jac. Ayres. *Process. P. 1. C. 4. Obs. 3.* Ot. Meland. *Com. Cameral. Part. 6 Treutacing. Lib. 2. Pract. Resol. tit. de judic. Resol. 12.* Magon. *Cynos. advoc. C. 30.* Rulan. de *Commissar. P. 1. Lib. 2. C. 13. et Lib. 5. C. 7 et Part. 4. Lib. 8. C. 4.* Peregrin. Jamin. *Lib. 1 de Citat. reali C. 2 n. 162 et seqq.* Cels. Bargal. *Lib. 5 de Dolo C. 21. P. Frider. Lib. 2. de Mandat. jud. C. 17.* Coler. de *Process. execut. P. 1. C. 2. Moll. 3. Semestr. 38. et 4 Semestr. 42.* Bender. de *Revisione Concl. 31.* Cujac. 18. *Obs. 30. P. Fab. ad L. 109. de R. I. Wes. ad L. 13. §. 1. et seq. C. de jud. Cagn. ad L. un. Si quis jus die non obt. Blar. in L. Diffamari. C. 8 n. 19.* Tiraquell. *Tr. cessante causa P. 1. n. 59. et seqq.* Aut. Corset. *Sing. 62 et seqq.* Marsil. *Sing. 87. 91. 283. et 377.* Jo. Aut. Trigon. *Sing. 88.* Menoc. *Arbitr. Q. 36. et Casu 153. ac seq. et C. 280. ac 521.* Pacian. *Lib. 1. de Probat. C. ult. Gail. 1. Obs. 60.* Myns. 4. *Obs. 58.* Wurius. *Lib. 1. Obs. tit. 7. auctores diff. jur. civ. et Sax. P. 1. diff. 12 et plurib. seq.* Matt. de *Afflict. decis. 29.* Viv. *Lib. 1. decis. 138. et Lib. 2. decis. 283.* Tessaur. *decis. 265.* Coler. *decis. 104. et 280. et Cons. 1. n. 13 et seqq.* Meschsner. *decis. Cam. Tom. 2. Lib. 2. decis. 1. pas-*

sim Hart. *Ptst. Lib. 1. Q. 3.* Rauchbar. *P. 1. Q. 1.* Andr. Scheffer. *P. 1. Q. pract. 6. etc.* Num in pœnam contumaciæ ædes dirui possint, et de sententia L. 20. *Comm. divid. vid. Dnar. 1. Disput. 4. Ræv. 1. Var. 7.* Cujac. 13. *Obs. 29.* Robert. 3. *Sent. 4.* Radulf. Forner. 3. *Rev. Quotid. 3.* Marc. Lycklama *Lib. 5. Membranar. Elogia 11.*

2) Neque enim aliter vere contumax. Sive a eodem modo dicatur, ut Verius longius de *Orthographia pag. m. 331.* et Cujac. 18. *Obs. 30.* sive a tumore aut a verbo contumeo, quod inflari est ac superhirc, ut post alios Scaccia. 1. de *Jud. 91. n. 3.* Statuunt autem DD. nostri contumaciam aliam veram, aliam fictam, quibus addunt quidam præsumptam, Damhud. *Praxi civil. C. 78. n. 25. et 28. etc.*

3) Vide infra *Lib. 24. C. 7.* ibique not. N. 1.

4) Quia dolus in rustico non ita præsumitur, ita post Curt. Menoch. *Arb. Cap. 194. n. 50.* Cels. Bargal. *Lib. 3. de Dol. C. 1. n. 42.* Alia ratio est in L. 2. C. de in jus. voc. Quia nemo tam rusticus, quin Patrocinium suum, a quo manumissus est; Hic vero creditur, quod iudicem competentem non cognoscat, Carbon. *Practica Lib. 8. C. 4. n. 10.* vid. Choppin. *Lib. 2. de Priv. rust. P. 1. C. 2.* De aliis causis excusantibus a pœna contumaciæ præter plerosque laudatos h. C. IV. 1. et C. præced. N. 17. vid. Menoch. *Arb. C. 153.* Damhud. *Praxi Civ. C. 75.* Contard. in *L. diffamari C. 2.* Sebast. Medic. de *Casibus fortuitis P. 1. Q. 4.* Welner. *Obs. Pract. de V. S. v. Ehebasten Oldend. Cl. 1. Act. 6. pag. 65. ac seq.* Speckan. *Cent. 1. Q. 56.* Enimvero ut quis ceu contumax placeatur, necesse esse tradunt. ut adversarius in termino compareat, ac contumaciam accuset. Nec iudex non instante parte in contumaciam procedere solet, vid. Contar. in *L. Diffamari C. 5. n. 85. et seqq.* Lancell. Conrad. de *Offic. Prætoris in caus. civil. 5. contumacia n. 9. et ei 10.* Asin. de *Execut. §. 3. Cap. 15.* Gutierrez. *Lib. 1. Pract. Q. 47.* Franc. de *Caldas ad L. 3. C. de in integr. restit. in definitione v. Læsis. n. 6.* Ubi diversum statuit, si ex statuto contumacia inducatur, ut pro confesso sit, qui certo die se non stiterit. Quia, ait, quando pœna ipso jure infligitur, factum hominis non exigit, Contra in terminis Coler. de *Process. P. 1. C. 2. n. 17.* Scaccia. 1. de *Judic. 91. n. 18.*

et quo non intellexit. Hæc ad istam sententiam Paulus in *L. 2. D. si quis in jus voc. non ier.*

III. Neque vero in mulcta irroganda quidquam putatur referre, utrum is, qui vocatus est, ex ejus jurisdictione sit ad quem vocatus est, an ex aliena. Sine exceptione qui ad prætorem, vel alios, qui jurisdictioni præsumunt, in jus vocatus est jubetur venire; quanvis sit ex aliena jurisdictione: et ita jubetur ut nisi veniat, possit mulcta damnari. *L. si quis ex aliena, D. de judic. d. L. 2. D. si quis in jus voc. non ier.* Ei quidem qui extra territorium, aut supra jurisdictionem suam jus dicit; impune non paretur. *L. ult. D. de jurisd.* sed hoc tunc vere dicitur, cum constat, non esse jurisdictionem magistratus. Quod si de eo <sup>5</sup> dubitetur, recte visum est esse prætoris existimare, cum sua sit jurisdictio: vocati autem non contemnere auctoritatem prætoris. *d. L. si quis ex alijs.* Ut hoc ipso, quod contemnatur ejus auctoritas, jure mulcta infligatur.

Tom. VI.

tur: atqui paulo ante dicebamus mulctam ei remitti; qui indicta die non venit, quia non erat subjectus jurisdictioni ejus, ad quem vocabatur. Et quid interest, quæso utrum non judicatur mulcta, an ita judicatur, ut exigi non possit? Sane vero nihil interesset, si semper ei mulcta remitteretur. Verba enim cum effectu accipienda sunt. *L. 1. D. quod quis jur.* Sed fieri potest, ut cum indicta erit mulcta et apparitor jussu prætoris mulctam exactum venerit, pergat reus non venire quo casu recte mulcta ab eo exigetur. Quod si tum veniet ad prætorem, et docebit se ideo non venisse quia ejus jurisdictioni subjectus non esset, ibi locus est cum mulcta ei remittatur. Ergo saltem hac ratione frustra indicetur mulcta, dixerit quispiam: quia semper erit in potestate rei, venire in jus et privilegia sua allegare. Imo hac ipsa ratione ideo utile, quia reus metu mulctæ excitatus in jus veniet privilegia sua allegaturus, quod sine mulctæ irrogatione fortasse non fecisset.

8\*

CAP.

<sup>5</sup> Ita plerique distinguunt, vid. Corset. *Sig. 149 n. 2. Coad. de Sequest. C. 1 C. n. 5 et seqq. Cagn. ad L. ult. de jurisd. n. 43. Busius ad d. L. 5. Matth. Steph. 1 de Jurisd. 33 n. 18. P. Wes. Cons. 5 n. 11 et seq. Viv. Lib. 2 Decis. 274 n. 10 et seq. Georg. de Cabedo. P. 1 Decis. 22 n. 6 et 7. Bronch. 1. Enant. Ass. 23. P. Greg. 2 de Appell. 15 n. 7 et seq. Damhuder. Praxi civil. C. 74 n. 3. Speckh. Cent. 3 Cl. 4 Q. 1 docens qua protestatione hic utendum sit venienti, quo de vid. et Martin. Nigrin. de Protest. v. testatio. n. 20. Unde si studiosus ad Prætoris loci vocatus, non tenetur venire quia privilegium notorium, nisi dubium, an sit Studiosus, vide Rebuff. Privil. Schol. 154. Et ut teneatur oportet, causa ea in citatione expressa sit, quæ si vera esset,*

citatus sortiretur jurisdictionem citantis. Bover *Sing. 9 n. 28 et n. 33.* Quod notatu dignum. Itemque ut citatio eum in territorio comprehenderit, Marc. de Mantua *Sing. 42 et 43.* Cæterum quando Citatio extra territorium sive Provinciam licita, et ut expediatur per litteras subsidiales, mutui compassus, etc. vid. Gail. 1 *Obs. 56.* Bover. *d. Sing. 9 n. 9 et seq. Scacc. 1 de Judic. 33 n. 6 et C. 40.* Cagnol. *ad d. L. ult. n. 37.* Wurmser. *Tit. 6 Obs. 9.* Rosb. *Process. Tit. 23 n. 5.* Marant. *P. 6 tit. de citat. n. 40.* Rulant. *de Commis. P. 1 Lib. 5 C. 4 n. 14 et seq. Wes. Cons. 97 n. 2 et 3.* Coler. *Cons. 6 Process. exsec. p. 3 C. 7 n. 27 et seqq.* Ubi n. 32 formam talis citationis refert.



## C A P. XI.

Quæ sit poena adversus omnes qui sui potestatem non faciunt neque defenduntur: et qui sint in hac caussa: tum ad titulum, quibus ex caussis in possessionem eatur.

*Rerum nexus; pænæ necessitas; opportunus tractationis locus. I.*

*Pæna illorum, qui nec sui potestatem faciunt, nec defenduntur, missio est in possessionem suorum bonorum. II.*

*Auctoris propositum, et methodus. III.*

*Exponitur edictum, quo in possessionem bonorum mittuntur a prætore creditores, servandæ rei caussa. IV. et seqq.*

*Quid significant illa prætoris verba: Si neque potestatem sui faciet, neque defendetur. V. et seqq.*

*Aliquem non defendi ex eo facile æstimari, quicumque jure ipso defenditur, aut facto suo, vel alieno. VI.*

*Jure ipso quis defendatur. Conciliatio Veterum Jurisconsultorum. VII. VIII.*

*Item quis facto suo, vel alieno. Qualis justa sui defensio a se habita vel ab altero; quæ non sit talis. X. XI.*

*Exponuntur edicti illa verba in bona ejus. Error veterum Interpretum notatur. XII.*

*Quod ex hac parte discrimen inter actionem, quæ in rem, et eaq̃ quæ in personam; et inter jus civile ac canonicum. XIII.*

*Omnes qui non defenduntur, etiam pupillos, et furiosos bonorum possessionem pati. XIV.*

*Exceptio. XV,*

*Quid si cui debitori defuncto nondum heres extitit, aut non is qui sit idoneus defensor. XVI.*

*Creditores in possessionem missos ex eo tempore cogi decedere, quo defendetur is, de cujus bonis agitur. XVII.*

*Quare prætor in edicto habuit de pubere præcipuam Clausulam. XVIII.*

*Quæ restituenda creditoribus, et permittenda, antequam jubeantur e possessione decedere. XIX.*

I. **S**ed neque hæc pæna, neque prior illa quæ nascitur ex promissione deserta satis est, ut actori consulatur adversus eum qui in jus non venit: si non aliter quam lite contestata ac proinde non nisi reo in jus veniente judicare potest: ut jure Romano non posse jam diximus, et pro explicato habendum est. Multa enim possunt incidere, cur non possit reus in jus vocari: vel quia defunctus sit debitor, nec quisquam ei sit heres; vel quia frustra conveniatur, ut furiosus: vel quia latitet, aut ita absit, ut non sit ejus conveniendi copia: potest etiam incidere tempus, cum vocatus fuerit, et satis dederit etiam judicio sistendi caussa: neque ab eo, neque ab alio quovis quidquam eo nomine possit extorqueri. Quid enim si is absit, ut non magis de pœna promissa cum eo agi possit, quam de re principali? Fidejussores autem aut nulli sunt, aut non sunt solvendo? Itaque hoc restabat, ut si in o-

mnem eventum actori consultum volumus, constitueretur ea via, qua etiam judicio non constituto uti liceret, ad jus suum consequendum adversus omnes, qui sui potestatem non facerent, neque defenderentur: sive hi in rerum natura non essent, sive essent et latitarent, sive in jus essent vocati, sive non essent, ne quando hi possent impune creditores deludere, et actionem frustrari. Quæ et constituta est. De qua jam aggrediar dicere. Cum enim ad frustrationem eorum retundendam, qui in jus vocati aut requisiti, ut vocarentur, potestatem sui non faciunt: tum ad consulendum actori, qui judicio experiri non potest, sit comparata: omnino aut nullus, aut profecto unius hic idoneus locus est, in quo de ea dicatur: tametsi in Pandectis, et Codice post titulos de Re judicata, de ea tractatum est.

II. Est igitur hæc via, cum adversus frustrationes, tum adversus absentes omnes, et qui

1) Non tamen hic sine omni citatione ad immissionem venit. Quin perquiritur reus, et si reperiri nequeat ad domum

vel per edictum citatur, etc. vid. not. supra C. 2 N. 5 6 etc. Et furiosi curator citandus, ut d. C. 2 N. 21 in fin.

qui nusquam sunt, constituta: Si is, cum quo actio est potestatem sui non faciat, neque defendatur, mittitur adversarius in possessionem locorum ejus, ut si res exigat; etiam distrahantur; id quidem olim simpliciter, et abscesse absque 3 ulla citatione alia. Hodie vero; qui vadimonium deserunt, et promissionem judicio sistendi causa factam, ita citandi sunt, ut ii qui post litem contestatam per contumaciam absunt, tribus scilicet edictis, vel uno peremptorio. 4 *Novel.* 69. et 112. idque jure est pontificio confirma-

tum *C. 1. extr. de dilat. C. ult. ut lit. non contest.* Illa differentia est, quod lite contestata agitur causa et ad sententiam definitivam proceditur, ut postea explicabitur: lite non contestata, agi causa non potest, sed adversarius, si quidem actor per contumaciam absit, a judicii observatione absolvitur. *d. Nov.* 53. *C. 1.* Sin reus absit, actor, ut dixi, in bonorum possessionem mittitur. Ulpianus in *L. item, § cæterum, D. ex quibus caus. maj. Cæterum si non exsistebat defensor; æquissimum erit subveniri, eo potius,*

2) Et remedium quidem hoc coercendæ contumaciæ, non subsidiarium aut regulariter prohibitum, sed ordinariam ac permissum, ut *Cod. ad Rub. extr. de sequest. n. 21 et C. 1 n. 109.* Ubi fuse ac solide hoc contra Claudium adstruit *n. 111.* Nam etsi extraordinarium certo sensu dici possit, nimirum quia non jure actionis, sed mero Prætoris officio expeditur, nec olim quoque certa et solenni formula impetranda missio. Ordinarium tamen eatenus recte usurpatur, quatenus certa juris parte, edicto nimirum perpetuo propositum, verbis promissionem et jus regulare arguentibus *Tit. D. Quib. ex caus. in poss. et extr. de eo qui mitt. in poss.* Nec subsidiarium censeri potest, quod una cum aliis remediis quandoque competit, electione data actori, ut *L. 8 C. Quom. et quand. judex*, nec si esset, ideo regulariter vetitum propterea censendum. Causæ denique beneficii, ut *h. C. N. 16* specialiter exceptæ, regulam contrariam arguunt. Nec concinna ratio Claudii. Ex contumaciæ solum causa missio conceditur, non igitur ordinario jure. Nam immo quæcumque sint remedia jure prodita, suas certas, eodem jure constitutas causas habent, ex quibus solis oriuntur, et extra quas non competunt.

3) Ergo ne et sine causæ cognitione? Hoc enim consequens per not. *supra Cap. 2. N. 2.* Proinde et sine decreto (quia decretum in rebus quæ altera solum parte præsentem, nec citato adversario expediuntur, non dicitur, de quo *A. Fab. 10 Err. Prag. 6.*) Ita sane Cujac. 10 *Obs.* 13. decreto Prætoris non indigere creditoribus, (quia hoc omne ex ordine et edicto postulatur,) sed jussu ejus ac permissu. Permitti autem non simpliciter possideri, sed ex edicto. Et hanc missionem sine causæ cognitione fieri, *A. Fab. d. Err. 6 pag. 323. et Schifordegher Lib. 1. ad A. Fab. Tr. 7 Q. 3.* Contra Sc. Gentil. 1. *de Jurisd.* 24. decernere hic Prætores, ideoque causa cognita. Qui idem cum DD. vulgo duo decreta agnoscit. Et summam hic examinari negotium probant vulgo ex *Nov. 53. C. 4. §. 1.* Ac facit *L. 9. C. de bon. auct. jud.* ibi: si et debitor tuum esse constat. Quin et vocatur decretum, *L. 3 pr. Ne vis fiat ei.* Verum *d. C. 4. §. 1. et d. L. 9.* de missione, quæ fit contra latitantes, et ita ex alia edicti parte, *L. 7. §. 1. Quib. ex caus. in poss.* quæ vulgo ex (2) decreto dicitur, loquuntur. Et decretum sane strictiori acceptione non dicitur, sine cognitione causæ. Latiori autem quicquid Prætor jus dicens pronunciat, vid. *Ræv. Protrib. C. 8.* At si qua hic cognitio, ea est de contumacia, *Coras. in L. 15 §. Julianus 16 de dam. infect. Summ. 1 et 2 Decreti n. 6 et n. 13* non de meritis causæ. Pœna enim hæc est contumaciæ. Contumax autem esse potest, etsi justam causam foreat, *L. 73 pr. de judic.* Quare hic si reus die constituto se non sistat, ejus contumaciam actor accusabit, de qua ubi Judici constituitur in bona iri jubet Prætor, etsi de jure actori non satis appareat; tum per verba edicti, *L. 2 pr. d. titul. tum per L. pen. §. pen. ibi: ea tantum occasione, etc. Codic. de presc. 30. ann.* Ac etsi missio hæc ex edicto postulanda, non tamen jure actionis, sed mero (seu ut vulgo nobili) jus, dicentis officio, *Coras. d. n. 13. Cod. de Sequest. Cap. 1 n. 109 p. 162 et n. 111 p. 169.* Et potest hæc petitio voce fieri, nec oportet libellum in scriptis porrigi, vid. *Jac. Schult. Obs. forensi 3 n. 128 et 2 seqq.* et quos citat ac in simili Zuchart *de Miss. in poss. ex L. 1. §. 1. C. de edict. D. Adr. toll. n. 91 et n. 281 et seqq.* Quis vero Judex immittit, et an delegatus quoque alius quam Reintipis, vid. *Zuchart. d. loc. n. 264 et seqq. Cod. d. C. 1 n. 69 et seqq.* et ejus imperii sit ita mittere, *Vand. 2 Q. 35. Confer. supra Lib. 17 C. 8 N. 27.* Quid si bona in alio territorio; *Zuchart. d. loc. n. 276 et seqq.*

*Covar. Pract. QQ. C. 10 n. 4.* Jure Saxonico missionem ex primo decreto non agnoscitur notat *Coler. de Process. executiv. P. 1 Cap. 2 n. 12 et P. 3 Cap. 10 n. 5 ac Decis. 134 n. 12.* Quippe eo jure contumacia litis damno coercetur. Emissis namque tribus edictis citatoriis per intervalla 14 dierum, unoque peremptorio (vid. *N. seq.*) sui copiam non faciens condemnatur, actore id petente et contumaciæ pœnam urgente, (absque hoc enim secus, vid. *supra C. 10 N. 4*) in causa, sub conditione eâ, ni legitimas absentiae causas docuerit, *biz auff Ehebauff und helfflliche Widerrede.* Quæ quomodo et intra quod tempus probandæ, vid. *Coler. d. C. 2. n. 21. et seqq.* Ni probaverit, judicatur reus, *daz er nunmehr biz auff die Hülffe erstanden*, et condemnatur ad omnia petita, nec aliter contra eum executio instituitur capione pignorum, et translatione possessionis actione in rem, quam si legitime judicio convictus et causa, ejusque meritis cognitis, judicatum esset, *Coler. d. C. 2. n. 29. et d. C. 10. n. 5.* Et missus itaque in possessionem vere statim possidet, fructusque percipit, eosdem tamen in sortem imputat, donec credito satisfactum. Quod si urgeat solutionem post lapsum 6. septimanarum ad distractionem rei, in quam missus est creditor, venit, vid. *Coler. Decis. 134. n. 19. et seqq.* Quæ autem forma subhastationum in foro Saxonico quis effectus, etc. vid. *Nov. Elect. Sax. 32. P. 1. item Const. Augusti Elect. post convent. Torgens. Anno 1583. edita et Interpr. juris Sax. citati infra C. 13. N. 1.*

4) Fac. *L. 8. C. Quom. et quand. jud. L. 6. §. 4.* verbis: post edictorum solemnium citationem, *Cod. de his qui ad Eccles. confug. ex qua Hier. Schurf. Cent. 1. Cons. 9. n. 7.* contendit etiam in missione ex 1. decreto necessariam esse citationem. Attamen in eadem Peremptoriam non requiri, cum sit modici præjudicii, nullum possessionis vel domini in jus transferens, firmat *Coras. in L. 15 §. Julianus 16 de dam. infect. Summ. Tract. 1. et 2 decreti n. 9 Confer. Cod. de sequest. C. t. n. 74. Parlador. 2. Rer. Quotid. 6* Jure Saxonico etsi contumacia inducatur, tres citationes ut præcesserint, requiri videatur, tum per textum *Lib. 3 art. 39. vers. Also thus man auch bum andern aud dritten mal, etc. et Lib. 1 art. 41 et 67.* tum ex communi doctrina, quod ubi contumax pro confesso habetur una pro tribus peremptoria non sufficiat: attamen usu forensi contra obtinere, modo unum edictum tantam dilationem, quantum tres alias, citationes tribuat citatio, post Hartman. *Pister. P. 1 Q. 5 n. 9. testatur Coler. Process. P. 1. Cap. 2 n. 14.* Quia nec absolute hic pro confesso, sed quatenus legitimum impedimentum non probaverit. Confer *Moller. ad Nov. Elect. Sax. 3. Parte 1. n. 18. et seqq.* De peremptoria citatione et quando una sufficiat, quando aliæ præcedere debeant, deque ejus viribus in genere, consule *Matthesian. Sing. 130. et 2. seqq. (ubi Gabr. Saraina in annot.) et ad L. 2. Cod. quomodo et quand. judex.* *Sichard. ad L. 2. et seqq. maxima ad L. 8. Cod. eod. Menoch. 1. Arb. Quæst. 39. Wurmser. Tit. 6. Observat. 1. et seqq. Frider. Lib. 2. de Mandat. judic. Cap. 17. Scaccia 1. de Judic. 91. n. 21. et seqq. Quod ubi de Tit. 25. n. 37. et seqq. et n. 99. et sufficiat, Scaccia de privatione juris agitur, una pro tribus non sufficiat, Scaccia de loc. n. 25. Frider. 2. de Mand. judic. 2. n. 2. Item ubi de privilegii amissione, maxime in Scholasticis, *Rebuff. Privileg. schol. 140.* Quibus item aliis modis præter ante citatos *Blarer. in L. Diffamari C. 6. n. 44. et seqq. Cæs. Contard. ibid. C. 4. n. 31.**



tius, quod qui non defenduntur, si quidem latitent, prætor pollicetur, ex edicto in bona eorum mittere: ut si res exegerit: etiam distrahantur. Si vero non latitent, licet non defendantur, in bona eorum mitti. Paulus in L. satisque, D. de in jus vocand. satisque poenæ subire eum, si non defendatur, et latitet. Certum est enim, quod mittitur adversarius in possessionem ejus.

III. Quod quia pluribus verbis indiget, et argumentum est illorum Titulorum qui sunt in Pandectis; Quibus ex causis in possessionem eatur, item De rebus auctor. judic. possid. et sequentium: dicam de eo quod res postulat, persecutus singulatim eorum titulorum sententiam et ordinem: ut si non omnia fortasse: quæ in his sunt, subtilius et minutius exsequar: nihil tamen desit, quod sit satis ad intelligendum id, quod est in persecutione juris nostri adversus indefensos, et sententiam eorum titulorum plane cognoscendam.

IV. Quorum in bona mittantur creditores rei servandæ causa (sic enim in L. 1. et L. 3. quib. ex caus. in pos. eat. et passim sub his titulis et alibi appellatur ea possessio qua creditoribus cavetur ad rem, de qua agitur, illis servandam. L. 5. §. si plures, et seq. D. ut in pos. leg.) quorum, inquam, in bona hac gratia mittantur creditores, complexus est edicto prætor his 5 verbis, ut quidem refertur edictum in L. 2. D. quib. ex caus. in pos. eat. In bona ejus, qui iudicio sistendi causa fidejussorem dedit, si neque potestatem sui faciet, neque defendetur, ire jubebo. Ait, ejus qui iudicio sistendi causa fidejussorem dedit. An quod non alterius bona jubentur possideri quam qui istius rei nomine dedit fidejussorem? At innumeros esse postea constabit, in quorum bona mittantur creditores, quanvis illi, de quorum bonis

agitur, nihil istius caverint: imo quanvis ne vocati quidem fuerint in jus, atque adeo quanvis pupilli sint, aut furiosi. Et ne abeamus longius, modo retulimus Ulpiani, et Pauli verba, in quibus ille scribit generaliter in bona ejus mitti, qui non defendatur: hic autem diserte dicit eum qui latitet, et faciat, ne possit in jus vocari, hanc poenam subire, quod mittitur adversarius in possessionem honorum ejus. Quid ergo sibi vult illa adjectio in edicto? Et dicendum est, si nihil desit edicto, ideo prætorem de eo, qui cavet iudicio sistendi causa, et non tantum de eo, qui cavet, sed qui etiam fidejussorem dedit: nominatim edixisse, quod potuerit maxime de eo dubitari. Ut si in hujus bona mittit prætor, de quo præcipua dubitatio esse potuit, intelligitur eadem opera prætorem in aliorum, qui non defenduntur, nec fidejussorem dederunt, bona multo magis missurum. Etenim magis cautum est creditoribus ab eo, qui promisit, se iudicio staturum, et fidejussorem dedit, quam ab eo qui nihil satis dedit: illi enim fidejussorem convenire possunt, et rem ab eo servare, ut maxime non possint a principali debitore; quod si his nihil obstat hæc cautio, quo minus impetrent missionem in bonorum possessionem rei suæ servandæ causa: multo citius id impetrare debebunt, qui ad rem suam servandam nihil cautum habent. Sed dixerim potius locum a compositoribus Pandectarum et ab aliis imperitis detruncatum nobis traditum esse: cum Ulpianus eo loco, quem supra retuli, scribat, si quis non defendatur in bona ejus mitti, et addit prætorem id polliceri edicto. Et sane nihil fuit facilius, quam particulam etiam demi ex edicto ab his, qui vim ejus in principio orationis non perciperent, quæ addita rem omnem expedit: ut verba ista fuerint: In bona ejus etiam qui iudicio sisten-

5) Edicti de possessione hac bonorum complura capita, seu partes diversæ, ut d. L. 2. pr. 5 §. 2. L. 6 §. 1. L. 7 §. 1. h. t. L. 9. pr. L. 25. de reb. auct. jud. vid. P. Fab. ad d. L. 148 de R. I. initio.

6) Dicendum potius cum plures edicti partes fuerint, eas integras nobis non superesse, quam quod una vocula huic parti detracta sit. Ita vero puto. Pars illa edicti, quæ d. L. 2. pr. ad eos solum pertinet, qui vadimonium deseruerunt. Alia deinde pars seu clausula nominatim de causa pupilli non defensæ cavet, cujus verba plane nobis desunt. Fuisse eam liquet, tum ex L. 3 §. 2. d. t. verbis: ut edicto locus, sit, non dicit menti et sententiæ edicti de alio loquuti, et ad pupillum extensi, qui enim extendi potuissent. Tum maxime ex L. 5. §. 2. d. t. ubi verba edicti: Si is pupillus cave pupilla, etc. arguant, et in præcedd. mentionem horum a Præatore factam esse. Subditur alia clausula L. 6. §. 1. quæ bona venire permittit, (quam pertinere arbitror ad clausulam primam, quæ L. 2. pr.) excipiens pupillum et Reip. Causa absentem. Illa autem clausula, quæ L. 7. §. 1. refertur, ad eos potissimum pertinet, qui iudicio sisti non caverunt:

quippe nec unquam reperti. Fac. d. L. 7. §. 13. ibi; occursum creditoris evitet et d. L. 7. §. pen. ibi: a quo petere velim. Cæterum cum de furioso nulla pars edicti loquuta sit, inde quæstio mota d. L. 7. §. 10. et 2. seqq. Et dicitur nominatim d. §. 10. quia edicto generali non comprehenditur. Sic itaque jus fuisse reor. At qui non defenditur, prius satisdedit iudicio sisti: et primo sit missio in ejus bona, sive latitet sive non, si fraudationis causa absit ex prima clausula edicti; L. 2. pr. et §. seqq. d. t. Si dein abs se perseveret, ejus bona veniunt ex ea clausula, quæ L. 6 §. 1. h. t. etsi non turpiter se occultet (1) quia verba d. §. 1. infinita, cujus bona possessa. Ergo junct. L. 2. et §. 2. h. t. (2) quia nominatim excepti pupillus et absens Reipublicæ causa. Exceptio autem in uno probat regulam contrariam in aliis. Quid enim hi peculiare haberent, si nullius nisi latitantis bona venire possent. Non tribueretur quidquam favori ejus, qui pro commodo Reip. laborat, si idem haberet alia quacunque probabili, immo et voluntaria causa; modo citra dolosum frustrandi animum absens (3) quia et minor non defensum quandoque bonorum venditionem patitur, licet non latitet, L. 5. de reb. auct. jud. pos. (4)

stendi causa fidejussorem dedit, et quæ sequuntur. Hoc, etiam, valet non tantum in cæterorum bona qui nihil caverunt, creditoribus suis prætorem missurum (quo nihil æquius) sed etiam in ejus qui cavet creditori, et cavet fidejussore dato: quanvis prima fronte id videri potuerit supervacuum. In quo tamen nihil habeo præter conjecturam. Utcumque est, sive edictum generaliter conceptum fuit de omni qui non defendatur, ut fuisse Ulpianus significat, res absoluta est: sive ita ut nunc exstat in *d. L. 2.* et supra retulimus, hoc tenebimus, id ita, ut diximus, et Ulpianus testatur, intelligi oportere.

V. Ait prætor, *si neque potestatem sui faciet neque defendetur*. Is potestatem sui non facit, non tantum, qui frustrandi creditoris causa latitat, et consulto id agit, ne sit secum experiundi copia: sed etiam, qui sine consilio frustrandi abest, aut nusquam est, ita, ut non queat in jus vocari. L. 2. §. *potestatem, D. quib. ex caus. in pos. eat.*

VI. Quis non defendatur, ita intelligemus, si cognoverimus, quis defendatur. Is enim intelligitur non defendi, in quo nihil est rerum, quibus continetur justa, et legitima defensio. Defenditur quisque aut jure ipso, aut facto vel suo, vel alieno.

VII. Jure defendi intelligitur, quisquis est in ea caussa, ut quanvis præsens non possit inveniri: qui si judicium accepisset, absolvi deberet: qualis est, qui debet in diem aut sub conditione, aut qui tenetur quidem pure: sed ea actione, quæ per exceptionem repellatur. Itaque hujusmodi debitorum bona negat Papinianus 7 possideri posse rei servandæ caussa in *L. eo tempore, D. de pecul.* negat Paulus in *L. penult. in fin. D. quib. ex caus. in pos. eat.* et Ulpianus istorum omnium negat bona, ex edicto venire posse in *L. Fulcinius, §. si in diem, D. eod.* quod idem valet. Is enim creditor mittitur in pos-

sessionem, qui et potest bona ex edicto vendere. *d. L. pen. eod.* Hoc est, quod dicitur in *L. 2. §. defendi*, *D. eod. defendi videri*, *qui per absentiam suam in nullo deteriorem causam adversarii facit*. Solus enim in nullo facit causam deteriorem adversarii, qui etsi præsens esset, conveniri iure non posset. Quæ omnia non alia ex re dicuntur, quam quod qui in hac causa est ut conveniri non possit, satis iure ipso defendi intelligatur. Nam alioqui ad edictum pertineret. Et sane is recte dicitur iure defendi, quem ius tuetur ita, ut non egeat alia defensione. Non eget autem is a quo nulla esse potest petitio.

VIII. In quo tamen veterum sententiæ , quæ de supra scriptis exemplis exstant in libris nostris , convenire non videntur. Scribit Paulus in *d. L. penul. eod.* creditorem conditionalem in possessionem bonorum non mitti. Item in *L. 6. in prin. D. eod.* velut a se ipso dissidens, scribit in possessionem mitti solere creditores, etsi sub conditione eis pecunia promissa sit. Respondit Papinianus, si pater, qui actione de peculio conveniri poterat, lateret tunc, cum in peculio nihil est, creditorem in bonorum possessionem ejus mitti non posse: quia non teneatur. *L. eo tempore, D. de pecul.* Ulpianus contra in *L. Fulcinius, §. si qui actione, D. quibus ex caus. in poss. eat.* diserte scribit, hoc jure nos uti, ut huius patris, de quo modo dixi bona possideri et venire possint: quavis nihil sit in peculio. De quibus sentiis hoc habeo quod dicam; Utrumque verum esse creditorem conditionalem in possessionem non mitti: et eundem in possessionem mitti solere, sed diverso sensu. Creditor conditionalis in possessionem non mittitur, si suo iure, et solus id fieri postulet. Nam qui non potest agere adversus conditionalem debitorem etiam præsentem, quomodo dicet, absentem non defendi, quem ita ius tuetur?

At

quia ratio certa hoc idem efficit, de quo mox. Aut non satisfacit. Et hic alia edicti clausula de pupillo, cuius verba priora non habemus, posteriora autem referuntur in L. 5 §. 2. h. t. Eaque distinctio est ut *infra* C. 13 n. 6. N. 5 alia de quovis alio: cuius iidem pars solum prior refertur, L. 7 §. 1 d. t. et constat junct. L. 21 §. pen. *Quib. ex caus. mori.* Hic igitur vel fraudationis causa latitat, et si non defendatur, ejus bona possideri vendique Prætor jubet. Hac usque verba edicti relata, d. L. 7 §. 1. vel. non latitat, et si non defendatur, in bona tantum mittitur. His aut similibus supplenda verba edicti, quæ desunt ex d. L. 21 §. pen. Neque enim quod ibi dicitur de non latitantibus, ad eos quoque pertinet, qui ante satisfacderunt, tum quia ibi tractatur de restitutione contra actionem amissam, cuius dies exit absente adversario, qui nimirum nec initio conveniri aut in jus vocari potuit, tum quia d. L. 6 §. 1. *Quib. ex caus. in poss. refragatur,* ut ostensum. Denique certa ratio hæc discriminat. Qui antea iudicio sisti cavit, vadimonium deservens, vere contumax, merito hanc pœnam distractionis patitur. Etsi namque possit esse ut non latitet, L. 2. §. 2. d.

7. ( quid enim si putavit non desere. qui se absente causam suam suscepturi ) tamen est, quod ei imputetur, quo abest, quodque fidem promissionis de sistendo non prestat. Quæ licet forte Procuratorem, dum abiit, reliquerit; satis instructum, si is postea fidem mandati deferat, hoc non nocere adversario æquum est; sed ei ipsi qui reliquit, quique ejus fidem secutus, etc. Contra qui initio abiit sine dolo et fraudulenti animo ut nec vocari in ius ipse personaliter potuerit, et provido iudicio sisti non satisfacit, ei tantum imputari nequit. Nam iudicio venire nec potuit nec debuit fore alienum, a quo conveniretur. Quid enim si causa actionis ipsi ignota? etc. Quare hic ad distractionem, quæ et noxia sepiissime debitori, rebus vilioris pretio venditis, et ignominiosa, non pervenit, nisi ex causæ et eo modo, ut L. 7. §. 10. et a seqq. d. l. Atque hæc iuri nostro convenire censetur. A quibus Interpretum doctrinæ discrepant.

( 7 ) Non igitur placet, quod Gerd ad L. 10. de V. S. vult creditores d. L. 10. statui etiam, quibus in diem vel sub conditione debetur ad hunc missionis effectum.

At si alii creditores in possessionem absentis missi sint, nulla est iniuria, nullum incommodum absentis in hac possessione etiam conditionali creditori locum dari cum aliis. Impetrabit igitur, si postulet: sed ut existente conditione res illi proficiat ad pignus contrahendum. Itaque dicitur hic absolute non mitti in possessionem: quia neque semper mittitur neque mittitur unquam in iustam possessionem et talem, qualem veri creditores, qui in bona missi sunt, ex edicto consequuntur. Idem <sup>8</sup> tamen dicitur mitti: quia mittitur aliquando, sed ita ut si quando mittatur, ea possessio dicatur per abusionem, non vere. Hi quidem quibus quid sub conditione legatum est, in possessionem bonorum hereditariorum mittuntur, si his heres non satisfaciat legatorum nomine. *L. penul. D. quib. ex caus. in pos. eat.* Sed hæc causa est, quod his quoque jubetur heres <sup>9</sup> satisfacere: ut si edicto non pareat, iure afficiatur hac poena, ut bonorum possessionem patiatur. Non eadem causa est conditionalis creditoris cui nihil præstari debet ante, quam conditio exstiterit. Quod autem attinet ad sententias supra scriptas Papiniani et Ulpiani, de eo qui conveniebatur actione de peculio, puto et inter has bene convenire. Interest enim, an tunc cum agitur, et in peculio nihil est, constet in peculio nihil esse, an de eo ambigatur. Si constet nihil esse, vera est Papiniani sententia, patrem conveniri non posse, seu patrem absolvi debere: itaque hoc casu bona eius possidebuntur. De quo sensisse Papinianum non dubito. Neque enim diceret, patrem absolvi debere, nisi in peculio nihil esse iudicii constaret. Quod si am-

bigatur de eo, ut quia dicatur nihil esse in peculio, creditor autem contra intendat esse: sine dubio creditor audietur tenebitque intentio, ut idem Ulpianus docet in *L. quaesitum, D. de pec.* Quod si tenetur pater actione, consequens <sup>10</sup> est, recte dici bona quoque eius hoc casu possideri posse.

IX. Facto vel suo vel alieno defenditur is, qui habet aliquem, qui ipsius nomine iudicium suscipere paratus sit, ubi, et cum oportet: dum suscipiat recte, et boni viri arbitratus. Et quidem quod ad verbum defensionis attinet, non est defensio, nisi ubi quis iudicio defenditur: quoniam et iudicio cum eo agitur: nec defenditur quisquam iudicio, nisi ubi cum defensore iudicium est, id est, lis contestata, ut proinde non defendat nisi qui iudicium accipit. *L. recte. D. de judic.* sed iudicium suscipi non est satis. Exigimus, ut iusta sit defensio, et quod diximus, ut quis recte et boni viri arbitratus defendatur. Etsi enim in hoc edicto nihil adiicitur de defensione, qualis esse debeat; tamen in omni defensione hoc tenendum est, quod Paulus definit in *L. pen. D. de procur.* omnem qui defenditur, boni viri arbitratus defendendum esse. Itaque alia parte huius edicti hæc verba adiecta sunt. Sic enim refertur in *L. 5. §. prætor, quib. ex caus. in pos. Si is pupillus in suam tutelam venerit eave pupilla viripotens fuerit, et recte defendetur, eos qui bona possident possessione decedere iubebo.* Est absurdum denegare aliquid pupillo, quia non recte defendatur, tribuere autem maioribus, quod defendantur; quanvis non recte: pro quo verbo in alia clausula eiusdem edicti dicitur,

Bo-

8) Dura hæc conciliatio: Aliter Cujac. 10. *Obs.* 32. *Vital. 2. Var. Lect.* 14. n. 1. mitti quidem *d. L. 6.* sed ut pignoris executionem non habeat aut venditionem peragere possit. Mitti, si initium spectes, non si effectum. Conveniunt *Pac. 7. Enant. Q. 11.* *Gæd. ad L. 12. pr. de V. S. n. 13.* exaudientes *d. L. 6.* de missione ex (1) decreto rei custodiendæ et servandæ causa *d. L. pen.* ex secundo decreto, quo vera possessio tribuitur, et ut bona crediti nomine vendantur. Nec male hi duo, nisi quod duo decreta falso agnoscunt, vid. *infra C. 13. N. 1.* Potius inter partes edicti diversas distinguendum ut post Pithæ. *P. Fab. ad L. 148. d. R. I.* Mittuntur ex parte ea edicti quæ *L. 2.* expressa, non autem ex ea quæ *L. 7. §. 1. eod.* ex qua et venditio conceditur Et hæc solutio firmissima ea ipsa serie LL. collocaturum desumpta. Licet priori missioni forsitan non locus in conditionalis debito, nisi cum ex iusta causa agitur ad interponendam cautionem ante conditionis eventum, per *L. 2. §. in omnibus pen. D. de jud.* ut *P. Vander. de Priv. cred. C. 16.* add. *Coler. de Process. P. 2. C. 3. n. 105.* Illud minus placet, quod *Gæd. ad d. L. 12. pr. n. 11. et 2. seqq.* alia conciliatione usus accipit *d. L. pen.* de conditione incerti ac dubii eventus, *d. L. 6.* vero ubi certa eventura. Illic incertitudinē vim esse ferme perpetuæ exceptionis. Hic autem, uti et cum in diem debetur, licet objici possit exceptio plus petitionis, ea tamen, ait, non perpetua, sed quasi momentanea et prorsus dilatoria, suspendens solum actionem, donec dies adsit aut

conditio: Ac etsi quod sub conditione debetur non in obligatione: quia tamen spes est brevi debitum iri, pro eo haberi, sicuti quæ proxime fieri debent, pro factis habentur, ita *Gæd. Male.* (2) Quia non est vera conditio, cuius eventus indubius, vid. *supra Lib. 8. C. 31. n. 7. et Lib. 15. C. 11. n. 2. et N. 4.* Ipse *IC. in L. 7. §. 14. h. t.* in materia nostra non referre scribit debitor non sit, an nondum conveniri possit. Contra quem quid efficiat arg. *Gæd. ex Brocard.* Cingendum pro cineto, etc. eoque ipsa latius quam convenit accepto. Neque enim quæcunque certo, eadem cito eventura conditio, e. g. si moriar. (3) Falsum quod ante diem vel conditionem petens exceptione solum repellatur. Immo actio iure ipso non tenet, vid. *supra Lib. 15. C. 8. N. 4.* (4) Connexio *d. L. pen. §. ult. cum §. 1. præc.* et vis voculæ autem arguunt, uti de legati conditione *d. §. 1.* tractatur, quæ deficere potest, ita et *d. §. ult.* de pari conditione debiti: alias non constat oppositio.

9) Convenit Cujac. 10. *Obs.* 32. quia legatario cautio debetur exemplo iudiciorum bonæ fidei.

10) Convenit *Pac. 4. Enant. Q. 63.* exaudiens *d. L. 30. pr.* ubi nec aliquid esse potest in peculio, quia filius vel servus mortuus aut manumissus. *Ast. d. L. 7. §. 15.* aperte loquitur, ubi nihil quidem in eo est, ast esse potest. Nam: etsi cum agitur nihil iussit, tamen medio tempore et ante sententiam acquiri potest.



infra dicetur. Ex quo errore et ille alter excusus est, quod ajunt<sup>15</sup> ordinem servari in bonis possidendis, ut primo quidem in honorum mobilium, deinde si ea reus non habeat in immobilium mittantur: nam hic ordo in bonis ex causa judicati captis servatur. *L. a divo Pio, D. de re judic.* non in bonis nondum judicati rei, ut illi putant: quos tamen eodem (\*) errore secutus est Pontifex in Tit. ut lit. non contest. C. ult. et ibi Panorm. ex Ioannis sententia ait, si hic ordo servatus non sit, non valere quod factum est, utpote contra ordinem judiciorum; imo hoc illi contra rationem potius.

XIII. Sane ad hanc rem differentia<sup>16</sup> est inter actionem in personam, et actionem in rem. In actione enim in personam sine controversia valet quod jam diximus, creditores in universa bona mitti debitoris. In actione in rem visum est Celso aliisque commodius, si in rei petitiæ possessionem duntaxat petitor mitteretur. Quod Ulpianus refert, *Hoc adnotandum est*, inquit, *Celsum consultum non de latitante sed de absente*, *L. Fulcinus, §. Celsus D. quib. ex caus. in poss.* Si latitet, in omnia ejus bona mittendum erit, ut proxime præcedente §. scriptum est. At jure Canonico indistincte receptum cautumque est, in actione reali ut in rerum duntaxat petitarum possessionem missio fiat. *d. C. ult. §. in aliis vero.*

XIV. Illud retulerit, quis sit is qui non defendatur. Itaque et pupillus, et furiosus, et omnes omnino, qui curatoribus reguntur, si non defendantur,<sup>17</sup> patiuntur possessionem honorum. De pupillo est in *L. 3. §.*

*contractum*, et *§. ult. D. eod. de cæteris in L. Fulcinus, §. adeo eod.*

XV. Unum genus absentium excipitur: eorum scilicet, qui absunt.<sup>18</sup> Reipublicæ causa sine dolo malo. *L. eum qui, 35. D. de reb. auc. jud. poss.*

XVI. Ne illud quidem refert, vivat debitor, an defunctus sit, si neque adhuc quisquam ei heres extiterit, neque defendatur. Cui tamen quia non satis recte dici potest potestatem sui non facere, et quia in eo proprium aliquid servari placet, de eo alia parte hujus edicti nominatim cautum est. Ac de eo ita scriptum est ex Ulpiano in *L. si diu, D. quibus ex caus. in poss. eat. si diu incertum sit heres extiturus, necne sit, causa cognita permitti oportebit bona rei servandæ causâ possideri, et si ita res urgeat, vel conditio; bonum hoc etiam erit concedendum ut curator constituantur.* Sed hoc, quid sit et quid in causæ cognitione versetur; tum qua parte juris hac de re caveatur, æque incertum est ex supra scriptis verbis: quod ex verbis Pomponii intelligi potest, quæ extant in *L. si quis instituatur, 23. §. ult. D. de hered. inst.* Sunt autem hæc: *Item si conditioni heres parere non potuit, quam in sua potestate non habebat: veluti institutione collata in alterius factum, aut quandam casum, si ille puta, consul factus non erit: tunc postulantis creditoribus constituit prætor, nisi intra certum tempus hereditas obtigerit, aditaque fuerit, se bona defuncti a creditoribus possideri, et interim quæ urgebunt per curatores distrahi jussurum.* Et mox: *Et ideo ait causæ cogni-*

<sup>16</sup>) Multis item aliis modis hanc missionem in realibus actionibus ab altera differre, notant DD. quod nempe hic verus possessor fiat etiam citra secundum decretum, quod fructus percipiat, quod lapsu anni res recipi nequeat, de quibus vid. Scac. 1 de Jud. 96 n. 5 et seqq. et de singulis notabo infra suis locis, ut h. C. N. 19 et C. seq. N. 3 et 5. Ubi vero lis de possessione super dignitate, personatu vel beneficio ecclesiastico, ex contumacia non sit inmissio, sed in causa proceditur, aut si procedi nequeat, sequestratio sit, C. un. de eo qui mit. in poss. rei serv. in 6 vid. Gæd. de Sequest. C. 1 n. 108 p. 157 et n. 111 p. 172 et seqq. ubi unicum hunc casum exceptum statuit, quo missioni ob contumaciam non locus sit. Intellige præter eos, quibus natura rei petitiæ hanc missionem non recipit, vid. Coras. in L. 15 §. Julian. 16 de dam. inf. Summ. 1 et 2. decreti n. 22. In illis ipsis autem causis beneficii admitti missionem vult idem Gæd. de Sequest. C. 2 n. 3 et 4 si de iis non possessionis aut titulo, sed proprietatis controversia mota, per C. 2 extr. de sequest. C. 2 ut lit. non contest. in 6. Et quia d. C. un. dicitur super dignitate, etc. obtinendis. Secus igitur, ait, si jam obtenta fuerint, et petitorio, ad restitutionem, agatur. Quomodo et quas in res missio fiat in judicio divisorio, vid. Menoch. Arb. Cas. 514. Quid si lis de servitute, vid. L. 18 Si serv. vind. C. 1 n. 54.

<sup>17</sup>) L. 5 ul. de reb. auc. jud. Plane Gæd. de Sequest. C. 1 n. 54 fieri hic missionem putat ex contumacia tutorum ac curatorum, contra hos magis quam ipsos pupillos,

furiosos aut prodigos. Cum illi his damnum tutelæ curæ ve judicio sarcire teneantur. In ipsorum vero pupillorum potius quam tutorum bona mitti creditores, tum quia illi debitorum principales, tum quia ita major pœna tutorum, quibus ob eam causam infamia quoque metuenda. Sed hæc non conveniunt: Mitti contra alium in bona alterius. Ita vero est. In d. L. 3. etc. sit missio ex peculiari edicti parte in d. L. 7. §. 10. vero non patiuntur hæc personæ missionem sibi damnosam, verum bona venire conceditur (et ut vulgo secundum decretum interponitur) quia ipsi furioso, prodigo, etc. expedit, etc. Quæ plenius hic exsequi non vacat. Confer. h. C. N. 4. et Coras. in L. 13. §. Julianus 16. de dam. inf. Summ. 1. et 2. decreti n. 19. et seqq.

<sup>18</sup>) Immo horum eadem causâ, quæ pupillorum L. 6. §. 1. Quib. ex caus. in poss. Proinde et quæ furiosorum per L. 7. §. 10. eod. Qui ubi in his absentibus eadem causâ, quæ in illis requiruntur, et horum bona recte venduntur, non autem indefinite, arg. L. 7. §. 10. d. titul.

(\*) Quæcumque ex jure Civili aut Interpretum doctrina cum hic, tum alias in jus canonicum derivavit Summus Pontifex Innocentius, inanis curæ est an illa cum Justiniano prorsus coherant, an potius cum interpretum placitis conveniant, scrupulosius inquirere Satis abundeque est, æquissima hæc esse juris pontificii decreta et frequentissimo prudentum virorum calculo, et perpetuo judiciorum usu comprobata.



gnitionem adjectam propter eos qui sine dilatione peregre essent vel aegritudine, vel valetudine ita impedirentur, ut in jus produci non possint, vel non defenderentur ex quibus intelligitur *L. 4. D. de reb. auct. jud. poss.* Ubi heres quidem exstitit aliquis, sed is, quem creditores suspectum putent, ut quodammodo sit pro absente; creditores exigere possunt ab eo satisfactionem pro suo debito: quam interponi jubet prætor, si constiterit prospici debere iis, qui suspectum eum postulaverint. Quod si quasi suspectus satisfacere jussus decreto prætoris non obtemperaverit: tunc bona hereditatis possideri, venumque dari ex edicto suo permittere jubebit. Hæc Ulpianus in *L. si creditoris, 31. D. de reb. auct. jud. pos.* Ubi plenius docet, quid sit in causæ cognitione.

XVII. Creditores in possessionem missi quam diu in possessione bonorum esse possint, videndum est. Et erunt tandiu, quoad is, de cujus bonis agitur, non defendetur: si cœperit debitor defendi, creditores<sup>19</sup> cedere possessione debebunt: ut quæ causa est ejus possessionis adipiscendæ, eadem sit et retinendæ. *L. si pupillus, 33. §. ult. D. de reb. auct. jud. pos.* Id Ulpianus in *L. 2. D. quib. ex caus. in pos. eat.* colligit ex eis verbis edicti: *Neque defendetur: quæ, inquit παρατηρήσις scripta sunt*, id est, ita ut tractum habeant temporis, ut neque sufficiat, inquit, *unquam defendisse, si non duret defensio, neque obsit, si nunc offeratur.* Neque obsit, intelligere non defendisse aliquando: si nunc offeratur, intellige, defensio.

XVIII. Illud mirum videri potest, cum hujus clausulæ sententia abunde omnibus hoc debitoribus tribuatur, ut existente defensore creditores, qui in possessionem bonorum missi sunt, possessione decedere debeant, quid sit, quod alia clausula prætor in persona puberis nominatim hoc edixerit: si is defendetur; se eos, qui bona possident, possessione decedere jussurum. Extat clausula in *L. 5. §. prætor, D. quib. ex caus. in pos.* Quid enim? an veremur ne quod beneficium omni-

Tom. VI.

bus generaliter, etiam majoribus tribuitur, id quisquam putet ad adolescentes non pertinere? Et sciendum est, ut nominatim prætor aliquid in hac re de pubere ediceret in causa fuisse, quod de impubere edictum erat. Differt enim impuberis conditio a cæterorum debitorum conditione, circa possessionem bonorum. Nam cæteri sive a se, sive ab alio defendantur, non patiuntur possessionem. Pupillus autem hanc non evitat aliter, quam si defendatur ab alio, ut supra dictum est. Necesse erat hoc jus de pupillo constitutum et post pubertatem ejus manere, nimirum ut si is, qui modo impubes erat, et cujus bona ideo possessa sunt, quia ab alio non defendebatur, pubes factus sit, ejus bona perpetuo ita possideantur, quavis ipse defensionem offerat: hoc, inquam, jus manere erat necesse, nisi prætor nominatim ediceret, idem se de pubere constituere, quod de cæteris debitoribus: nempe satis esse omnes defendi ut creditores decedant de possessione bonorum, ut intelligeremus satis esse eos defendi non tantum ab alio, quod ante pubertatem exigebatur: sed etiam a se. Scilicet quia jam personæ conditio mutata sit cum ætate. Qi enim pubes factus est, etiamsi in cæteris bonis curatorem constitutum non habeat: iudicio tamen agere potest, et conveniri, curatore ei in litem dato. Nam et obligari potest. Sic fit, ut dum debitor defendatur, quisquis is sit, creditores possessionem bonorum debeant omittere: dummodo hi existant defensores, qui si a principio extitissent, non mitterentur creditores in possessionem.

XIX. Monendi tamen sumus, non debere aliter creditores decedere possessione, quam si actio amissa intermedio tempore his restituatur, et<sup>20</sup> sarciat, si quid detrimenti per absentiam debitoris datum est. Quod a Juliano scriptum in eo, qui prohibebat vicinum aquam ducere, neque sui potestatem faciebat, ut secum agi posset, et positum in *L. is cujus; D. si ser. vind.* Justinianus confirmavit generaliter in omnibus causis in

9\*

No-

<sup>19</sup> Quia finis hujus missionis ut traditio istius detentionis contumax in iudicium veniat, Gœd. de Sequestr. C. 1 n. 75. Ergo facta eo ob cuius defectum quis missus, merito missio cessat, Moller. 2 Semestr. 23 n. 14. Et in actionibus quidem in personam usque ad 30 annos recipi possessionem posse, si nondum interpositum 2. decretum volunt. In realibus vero non nisi intra annum venerit, cautionemque obtulerit, per *L. pen. §. pen. C. de præscript. 30 annor.* vid. Coras. in *L. 15. §. Julianus 16 de dam. infect. Summ.* 1. et 2 decreti n. 21 Coler. P. 1. Process. C. 2 n. 51 Scaccia 1 de Judic. 96 n. 8. Wurms. Tit. 7 Obs. 7. n. 2 et 3. Quia elapso anno in realibus, perpetuus possessor effectus, ut not.

C. req. N. 5. Excipitur. Nisi a iudice terminus præfinitus reo, intra quem comparens de jure suo daceret, ac is lapsus, Curas. d. loc. et Wurms. d. Obs. 7 n. 6. Et nisi jus immiseras. d. loc. n. 8. Neque etiam unquam facile auditur contumax, nisi relictis expensis, Viv. Lib. 1 Decis. 11 n. 1 et 2. Maranta Part. 6 Tit. de contumac. n. 16.

<sup>20</sup> Quare hic expensæ actori refundendæ Menoch. Arb. Cap. 6 n. 7. Wurms. Tit. 6 Obs. 6 n. 30. Scaccia d. C. 96 n. 8. Neque etiam unquam facile auditur contumax, nisi relictis expensis, Viv. Lib. 1 Decis. 11 n. 1 et 2. Maranta Part. 6 Tit. de contumac. n. 16.

*Novel. 53. de exhib. reis, §. Si vero, atque hoc adiecit amplius, non prius audiendum esse reum, qui rediisset, quam si 21 dedis-*

*set fidejussorem iudicio sistendi causa: quanvis alioqui non esset is, a quo exigeretur a principio satisfactio.*

at) Quomodo oblata satisfactio, sequestratio quoque et arrestum tollitur, Gail. *de Arrest. imperii C. 1 n. 21 et Cap. 2 n. 7 et 14. Coler. de Process. execut. P. 1 Cap. 2 n. 75 et Dec. 34 n. 24. Gœd. de Sequestr. C. 3 n. 14 et seqq. Ant. Del Re. de Jure cal. C. 15 n. 22. vid. ta-*

*men Leonin. 7. Emend. 1. n. 9. Quid si præstare nequeat fidejussor? Sufficere juratoriam vult Wurmser. Tit. 7 Obs. n. 1. Quod tamen non obtinebit, si antea jurata cautione præstita contumax, ut supra Cap. 9 sub fin. vid. Marant. P. 6 Tit. de Contumacia n. 22 et seqq.*

## C A P. XII.

**Ei qui in possessionem bonorum missus est vim fieri non debere. Quid sit hic possessio; quid creditores hanc nacti consequantur: ad titulum, de rebus auctoritate iudicis possidendis.**

*Quæ interdicti pœna adversus vim facientem misso in possessionem: quatenus hæc in iure canonico evitetur. I.*

*Missio in possessionem quid valeat, et quod ius tribuat, aut neget creditori. II.*

*Etiam Jus pignoris in re possessa creditori tribuit; quid huic iuri consequens. III.*

*Quid de hereditariis instrumentis et rationibus creditori liceat. IV.*

*Actio in factum inter creditores et eum cuius de bonis agitur, mutua. V.*

*Jure suo omni ita potiuntur creditores si a prælore missi sunt in possessionem vel omnes, vel eorum aliquis. VI.*

*Hoc posteriore casu, quatenus alii veniant in possessionem, et partem ferant e distractis rebus. VII.*

*Necessarium creditoribus ut ab uno saltem illorum ventum fuerit in possessionem bonorum debitoris. VIII.*

I. **Q**UI in bona missi, sive ire jussi sunt, hoc consequuntur, ut in bona suo jure ire possint. Quibus si vis fiat, quo minus in ea veniant, prætor alia parte edicti eos tuetur, et iudicium in factum adversus eum, qui vim fecit vel dolo malo prohibuit possidere in possessionem missum, constituit, quanti ea res est, ob quam is agit, missus est. *L. 1. et toto tit. D. Ne vis fiat ei, qui in pos. mis. est.* Quo iudicio sive interdicto non liberatur reus, quanvis cautionem offerat iudicio sistendi causa: sed hoc ei tantum prodest ad possessionem obtinendam, ne creditor in ea sit. *L. pen. §. ult. C. de præscript. 30. vel 40. ann. C. ult. ut lit. non contestat.* Jure pontificio ecclesiasticis personis et illud indulgetur, ut interdicti illius pœnam evitent cautionis illius oblatione intra annum, quo scilicet interdictum conclusum est. *C. 1. extr. de dol. et contumac.*

II. In bona cum venerint, tum eorum possessionem nanciscuntur: quo verbo non possessio proprie sed magis custodia et observatio rerum eis concedi intelligitur, non

in hac specie tantum; sed in omnibus aliis causis, ex quibus in possessionem iri solet. *L. 3. §. ult. D. de acq. poss. L. cum legati. 12. quib. ex cau. in pos. eat.* ut consequens sit, multo minus dominium ex hac causa 2 acquiri. *L. in possessionem, C. de bon. auc. jud. pos. ne tamen fructus interim depereat, dum bona possidentur: non tantum placet, si quis fructus ex prædio debitoris capi potest, posse creditorem eum fructum vendere, et locare: sed etiam ex bona fide id facere iubetur: eique rei formam edicto præscripsit prætor: cavens, quando id facere possit creditor: quis possit ex pluribus, si forte plures in possessionem bonorum missi sunt: de qua re diligenter et dilucide scriptum est in *L. in venditione, 8. §. 1. usque ad fin. L. D. de reb. auc. iud. pos.* Sed ut sciatur nihil habere creditorem; in eo præter rei administrationem, fructus, et quidquid ex re consecutus est, aut 3 in sortem imputare cogitur, aut restituere. *L. prætor. 9. L. creditore, 14. D. de reb. auct. jud. poss.* Proinde nec si creditores inopes sint, id consequuntur,*

1) De quo vid. Oldend. Cl. 2 Act. 5. Sebast Medic. de Conservan. possess. p. 2 Glo. 2 n. 4. et seqq. p. 567. Menoch. Retin. poss. Remed. 1 P. Frider. 2 de Mand. judic. 75. n. 4 et seqq.

2) Et nec ex secundo decreto, si cum DD. loqui licet, aut edicti parte alia, vid. Schiffordegger. Lib. 1 ad Ant. Fab. Tr. 7 Quæst. 5.

3) Vid. et Gail. de Arrest. C. 12. n. 8. Gœd. de Se-

tur, ut ex rebus, in quarum possessionem missi sunt, alantur. *L. Fulcinius, quib. ex caus. in poss.* In caussa tamen hereditatis, quia is agit, qui se verum heredem esse contendit, ne forte si sit verus heres fiat illi injuria, si ex re sua ali non possit, constitutum est, ut si possessor sui copiam non faciat, ac nimia ejus contumacia videatur, sic petitor inducatur in possessionem rerum hereditariorum, ut ex his etiam fructum possit percipere, qui 4. lucro ejus cedat. *L. Fulcinius, §. ult. eod.* Possessio et custodia, quam dixi (ne quis forte eam, cum nuda sit inutilem putet) huc spectat, ut saltem 5. tædio perpetuæ custodiæ extorqueat a debitore id, quod injungitur: nempe ut veniat. *L. 5. in pr. D. ut in poss. leg.*

III. Sed præter custodiam et possessionem rerum, etiam pignus 6. constituitur creditori, qui jussus in possessionem venit. *L. non est mirum, D. de pig. actio.* Pignus cum creditori constitui dicimus, hoc dicimus, sic res subjici potestati creditorum, qui in possessionem missi sunt, ut nihil inde possit debitor attingere, non magis, quam si res essent ab ipso pignore obligatæ: tum ut quæ inde nata sunt, omnia habeantur jure pignoris: quæ res facit, ut bonis a creditoribus possessis, nihil liceat domino de his ne ad ve-

scendum quidem sumere. Exceptus est pupillus, de quo ita scriptum est in *L. si pupillus, 33. D. de reb. auct. jud. poss.* Si pupillus ex contractu suo non defendatur, ideoque bona ejus creditores possidere ceperint: deminutio ex his bonis fieri debet vescendi pupilli caussa. Idem expressum est 7. in *L. ult. D. eod.* quod jus et ad furiosum, prodigum, et cæteros, qui curatorum ope juvantur, transferendum videtur, hac ratione, quod istorum omnium status et habitus a pupilli conditione non multum abhorreat: nam et hoc argumento alibi Ulpianus, quod in pupillo constitutum erat, colligit et in istorum, quos dixi, persona exemplo pupilli esse servandum. *L. Fulcinius, §. plane, quib. ex caus. in poss.*

IV. De instrumentis, et rationibus hereditariis quid in his possidendis, in inventarium referendis, et describendis permittatur creditoribus dilucide scribit Ulpianus in *L. cum plures, 15. D. de reb. auct. iud. poss.*

V. Quoniam autem per occasionem possessionis bonorum creditores multa ex rebus consequi, alia in iis deteriora facere possunt: contra et ipsi in his ex bona fide sumptus facere: hac de caussa actio in factum invicem proposita est a prætore inter creditores, et eum, cujus bona sunt possessa:

questr. C. 2. n. 5. et 3. seqq. et n. 16 ubi si male in his versetur immissus, eosque dissipet, fructuum sequestrationem fieri ostendit per d. C. 2. extr. de sequestr. in realibus ex receptione opinione, qua missus verus possessor statuitur, ut *N. præced.* eundem fructus lucrari, nec illos sortem extenuare docet Sig. Scac. 1. de Judic. 95. n. 7. Solutio vero ex fructibus debito, cujus caussa missus, num alterius debiti nomine bona retinere possint, vid. Möller. 2. Semestr. 23. n. 11.

4) Quod singulare esse in petitione hereditatis, cui et alias multa specialia ut *L. 11. Cod. de pet. her. docet Coras. in d. L. 15. §. 16. Summ. 1. et 2. decreti num 33.* Verum alii plerique ob magnam contumaciam Rei, sine causæ respectu, vere res ejus possideri, etiam secundo decreto non interposito, proiunt, vid. Menoch. *Retin. poss. Remed. 3. n. 178. et seq. Coler. P. 3. C. 12. n. 46.* Sed Gæd. de Sequestr. C. 2. n. 15. intelligit d. §. ult. de secundo decreto, quippe cui causam det nimia et perseverans rei contumacia. Eumvero si duplex decretum DD. in hac missione recte statueretur, omnino de ea, quæ ex secundo decreto, accipienda hæc essent. Et sane illa omnia, quæ post *L. 7. §. 1. Quib. ex caus. in poss. habentur et t. tit. de reb. auct. judic. possid.* non pertinere ad priorem edicti partem, quæ *L. 2. pr. Quib. ex caus. in poss. relata videntur.* Cæterum arg. d. §. ult. statuunt Menoch. d. loc. n. 179. Coras. d. loc. n. 34. et Coler. d. Cap. 12. n. 97. statuto vel consuetudine effici posse, ut immissus ob adversarii contumaciam ex primo decreto fructus lucratur.

5) Unde hanc tædialē possessionem vocari scribit Menoch. *Retin. poss. Remed. 3. n. 170.* Quem de hoc vid. *ibidem et in n. seqq.* Et Coler. de Process. exsec. P. 1. Cap. 10 n. 45 et seqq. ac P. 3. Cap. 10 n. 2 et 3. Vacon. 2. Declar. 34 n. 14. Gail. de Arrest. C. 12 n. 8. Gædd. de Sequestr. Cap. 2 n. 7 et 8. Atque hoc admittunt omnes regulariter in actionibus in personam, quoad bona immobilia. Veram autem possessionem missio in mobilia acquiri docent, vid. Coler. P. 3. C. 12 n. 45. Et in realibus quoque actionibus veram possessionem acquiri etiam intra annum, post annum

autem perpetuam ac irrevocabilem plerique statuunt, vid. Coras. in *L. 15 §. Julianus 16 de damn. infect. Summ. 1. et 2. decreti n. 20.* Gabr. Sarayna Annot. ad Mathesilan. Sing. 85. Coler. d. C. 10 n. 1 et d. C. 12 n. 44. Blarer. in *L. diffam. C. 2 n. 10 pag. 69. Gail. de Arrest. C. 1. n. 7. Scaccia 1 de Judic. 96 n. 8. Moventur L. pen. §. pen. verbis prior possessor Cod. de præes. 30 ann. Quod non insecite impugnant Menoch. d. Remed. 3 n. 208 et seqq. Gæd. de Sequestr. C. 2 n. 9 et seqq. quem adi. Et Pacian. 1 de Probat. ultim. n. 38 et seqq. Enimvero Coler. d. C. 12 n. 44 et seqq. et alias quoque et in universum 10. exceptiones profert, quibus nempe propria possessione missione hac transferatur. Quid jure Saxonico vid. not. Cap. præced. N. 3.*

6) Et hoc pignus Prætorium, per *L. 2. Cod. Qui por. in pignor. L. 3. D. Ut in poss. L. Not. ad L. properand. 13 §. 1. Cod. de judic. Ant. Fab. 10. Err. Prag. 6. Donell. de Pignor. C. 6. Coler. de Process. exsec. Parte 1. C. 2. n. 53. Gæd. de Sequestr. C. 1. n. 109. pag. 163. Quid differre a conventionali notat Menoch. *Arb. Cas. 6. n. 7. (1)* In hoc majus jus creditori ac possessio. (2) Hoc non redditur, nisi debito soluto. Prætorium vero istud refusus impensis et purgata contumacia. Differt quoque hæc missio ab arresto, quod non fit custodiæ caussa et in rem quoque litigiosam cæretur, Gæd. in Rub. extr. de sequestr. n. 20 licet multum ti cum eo confundant, vocantes speciem arresti: Quid non convenit nisi abusive ex affinitate quadam ratione effectus, i. e. dem Gæd. ad Cap. 1. dict. tit. n. 111. pag. 177. Et a sequestratione per quam nec detentatio aut nuda (ut barbarè loquuntur) teneta, creditori tribuitur, sed res custodiæ allegatur certa lege committitur, Coler. dict. P. 1. C. 2. n. 61. et seqq. Nec ea creditor pignus prætorium consequitur.*

7) Vid. Cujac. 24. Obs. 17. qui dict. *L. ult. pr. duplici* correctione emendat legens *pupillo etc. in possessione bonorum, etc.* reflecta vocula *minoribus.* Verum non insolens Jurisconsultis transitus ab unitatis ad multitudinis numerum ut not. supr. Lib. 18. C. 2. N. 27. Proinde emendationis haud eget locus.

sa: qua de re exstat edictum prætoris, et ejus interpretatio in <sup>8</sup> *L. prætor*, 9. *D. de reb. jud. auct. poss.* Idem continet *L. creditore*, 14. §. *ult. D. eod.*

VI. Hæc quæ supra scripta sunt, quæ consequi creditores diximus, meminisse oportebit sic illos consequi, si in bona ire a prætore jussi sint, ut edicto expressum est, idest missi sint in possessionem bonorum, sive ad bona occupanda, et possidenda, Id ergo a prætore impetrandum est. Sed sciendum est, si unum postulantem prætor ire in possessionem jusserit, eum omnibus aliis creditoribus permisisse videri. *L. cum unus*, 12. *D. de reb. jud. auct. poss.* Plus dicimus, si is qui missus est in possessionem, bona possidere ceperit: non sibi tantum, sed etiam <sup>9</sup> aliis possidebit. *L. 5. §. alia D. ut in poss. legib.*

VII. Ergo alii: cum volent, in possessionem venient sine novo permissu, ac si quid ex bonis distractis redactum sit, etiam partem ex eo ferent; sed ea lege et conditione, quæ constituta est in hac re a Justiniano in *L. ult. in princ. D. de bon. auct. jud. poss.* Nempe hac, si hi cum domicilium haberent, in eadem provincia, in qua bona possessa sunt, venirent intra biennium, cum autem domicilium haberent in alia provincia, vene-

rint intra quatuor annos: et simul atrique impensas, quas hi, qui in possessionem missi erant, fecerunt, pro modo æris alieni iis refuderint. De quibus ille vult fidem haberi earum auctoribus jurantibus se eas fecisse.

VIII. Non est satis creditorem in possessionem bonorum esse missum, ut illa consequatur, quæ dixi, possessionem, inquam, et pignus bonorum: sed etiam venire oportet. Nam ut nulla in universum possessio acquiritur, nisi corpore. *L. 3. in pr. D. de acquir. possess.* sic nec contrahitur pignus prætorium aliter, quam si ventum sit in possessionem. *(d. L. non est mirum de pig. ac.)* Unum quidem venire satis est, ut cæteri possidere videantur, ut ante dixi, *L. 5. §. alia, ut in poss. leg.* interim vel unum saltem venire oportet. Sane si per eum missus est, et quem venire volumus, non stet, quominus incipiat possidere, sed stet per naturam, aut vim majorem: recte dicitur, inquit Paulus non esse, quod possideatur. Hoc Paulus in *L. cum unus*, 12. §. *ult. de reb. jud. auct. poss.* quod ex *L. quanvis*, seq. sic interpretandum est; perinde haberi debet, quasi creditor possideret. Tunc enim adipisci debet possessionem creditor, cum est, quod possideatur.

## CAP.

8) Quæ etsi ex dolo *d. L. 9. §. ult. in factum* tamen datur *d. L. 9. pr.* Sed sine dolo admissio non tenet *d. L. 9. §. 5.* Et dari eam intra annum etiam hodie, vult Cujac. in Paulo ad *L. 10. d. tit. nec ex quo de dolo actioni biennium præfinitum*, etiam huic.

9) Unde Græci vocant τὴν καθόλου νομὴν τὴν δαριστὴν Petr. Fab. ad *L. 148 de R. I. initio* Cujac in Paulo ad *d. L. 12.* Quare et impensæ ad omnes pertinent, quia commune negotium est *L. 9. §. 4. eod.* Atque huc respicere regulam *d. L. 148* ostendit ib. Petr. Fab. Effectus ut qui prior missus in hoc prætorio pignore non sit potior jure, sed æqua-

lis omnium causa, nullo inter eos ordine servato, Cujac. *d. loc.* Si nempe omnes Chirographarii *L. 6. Cod. de bon. act. judic. possid.* Petr. Fab. *d. loc. Coler. de Process. Parte 1. Cap. 2. n. 52. et Parte 3. C. 12. n. 89.* Vital. 2. *Var Lect. 14. n. 2.* Rauchb. *Parte 2. Q. 9. n. 6.* Atque hujus Juris usum adhuc superesse, nec Nov. 53. *Cap. 4. §. 1.* sublatum adstruit Petr. Frider. *Lib. 3. de Continent. caus. Cap. 15. n. 3.*

10) In quo differt prætorium pignus a conventionali, Donellus ad *tit. C. de pret. pign. n. 8.*







qui, 35. *D. de reb. jud. auct. poss. L. Fulcinius, §. latitare, §. illud sciendum, D. quib. ex cau. in pos.* Sed fraudationis causa latitare oportet: ut in eo et fraus insit, et consilium fraudandi. arg. *§. prævaluisse Inst. qui et quib. ex caus. manu. non pos.* Itaque sive creditores non fraudantur sive fraudantur quidem, sed non ideo latitat reus, ut fraudet, edicto locus non erit: fac aliquem esse qui præsens iudicium pati non compellatur: Hujus bona non distrahentur: Quippe nihil facit frustrandæ actionis causa inquit ulpianus, qui in ea causa est. *L. 3. D. de jud. id est, nihil facit, ut frustra sit actio, et inanis: sive ut creditor ea actione nihil consequatur, et recte. Nulla enim fuit actio creditori adversus eum, qui conveniri, etsi præsens esset, non posset.* Sed etsi fraudet creditores reus frustrando eorum actionem absentia sua, si tamen absit fraudandi consilium, cessabit edictum. Proinde si tyranni crudelitatem timens, aut vim hostium, aut domesticas seditiones, se occultet: ejus bona non vendentur ex edicto; quia latitat ille quidem: sed ut sibi, et vitæ suæ consulat: non hoc animo, ut quæquam fraudet. *L. Fulcinius, §. cum hoc, §. quid sit autem, D. quib. ex caus. in pos. eat.* Sed nec cujusvis fraudationi animus satis est ad venditionem bonorum. Ea fraudatio in hoc edicto accepta est, per quam id agitur, non ut alius quisvis fraudetur: sed ut fraudulentur creditores. *d. L. Fulcinius, §. sed et is.* Adeoque id valuit, ut si adversus quosdam creditores consilium sit se occultare adversus quosdam non sit: ii soli possint impetrari venditionem, adversus quos reus latitet. *d. L. Fulcinius, §. quid si, et seq.*

III. Num ergo aliorum bona non venduntur ex edicto, quam latitantium? Si sunt inquam, hi quibus cum actio et iudicium esse potest natura: non aliorum. Dum enim sunt, qui conveniri possunt, spes est eos venturos esse, et potestatem sui facturos: nec vero interim deterius quidquam adversus eos consuli oportet, qui nihil faciunt fraudandi causa, et quos credibile est possessione rerum suarum excitari posse, ut veniant, et bonis suis consulant. Præsertim cum ea pos-

sessione cautum sit creditoribus: ut pote pignore prætorio illis constituto. Et quidem ad eos tantum superius edictum pertinet: quippe in quos solos cadit, ut latitent 4: at si certum sit, nullum debitorem superesse, quod accidit, cum debitor defunctus est, et nemo ei heres exstitit; aut is debitor sit, cum quo non sit experiundi potestas, nec certum sit aliquando fore, quantumvis corpore præsens sit, simulatque constiterit, istos non defendi, non solum mittit prætor creditores in possessionem bonorum talium debitorum: sed etiam venire jubet: frustra enim expectatur, dum veniant ii, qui aut non sunt, aut perinde habentur quasi non sint. Ergo alia parte edicti prætor istorum bona permittet vendi, quos subicio. Primum defuncti cujuslibet, cui nemo heres exstitit: de eo quidem debitore, cui filius pupillus heres exstitit et postea hereditate patris se abstinent, sic scribit Paulus in *L. 6. D. de reb. jud. auct. poss. Si non expedierit pupillo, hereditatem parentis retinere, prætor bona defuncti permittet venire, ut quod superaverit, pupillo restituatur.* Hæc, inquam, Paulus pupillo herede se abstinente. Sed non eo minus idem permittetur, si filius major annis vigintiquinque heres exstiterit patri, et se hereditate abstinerit; multoque magis idem fiet, si extraneus repudiaverit hereditatem. In illis enim pariter contingit, ut nemo sit defuncto heres cum re: in hoc, ut ne existat quidem. Et sane si pupilli persona aliqui favorabilis non obstat creditoribus paternis bona patris distrahentibus: multo minus cæterorum heredum qui repudiaverunt aut se abstinnerunt, his obstat: quominus bona vacantia distrauantur. Scribit Ulpianus in *L. 1. in pr. D. de succes. ed.* in hæc verba: *Bene igitur prætor putavit præstitueret tempus iis, quibus bonorum possessionem detulit, et dare inter eos successionem, ut maturius possint creditores scire, utrum habeant, cum quo congrediantur, an vero bona vacantia fisco sint delata, an potius ad possessionem bonorum procedere debeant; quasi sine successore defuncto.* Creditores ad possessionem bonorum processuros dixit: ni-

hil

miscent, ut eo medio conspectum adversariorum fugiant. Sic enim Ambros. *Serm. 25* stationes vocantur quod stantes et commorantes in eis inimicos insidiantes repellant. Plura de latitante, Cujac. 11. *Obs. 8. P. Vander. de Privil. credit. C. 16.* ubi et Ciceronem *pro Quintio* sine justa causa notari ab Ulp. in *d. L. 7. §. 4.* scribit, eo quod Cicero eam latitationem definierit, quæ edicto expressa. Hos debitores vespertilionem dici quod interdiu delitescentes metu creditorum, noctu tantum prodeant, ostendit Tit. Popma *de Operis servor.* p. 98. ita exponens vespertilionem servum *L. 31. de*

*evict. L. 72. §. pen. de sol. juxta vulg. lect.* Cæterum ut sciatur an latitet id investigatur per denunciationem ad domum prædiumve factam *L. 4. §. 5. de dam. infect. C. 1. et 2. de foro comp. in 6.* Denunciatio hæc fit solemniter et testato: Et si præsenti attestatur, sin absenti, detestatur *L. 39. §. 2. de D. S.* ubi vid. Gæd.

4) Quid igitur in bannito et num contra hunc cesset 2. decretum tanquam qui se defendere nequeat nec vere latitet vid. Nellus de S. Geminiano *Tr. de Bannitis Parte 12. Div temporis n. 65.*

hil amplius: idemque in hac specie scriptum est, in *L. si bona, C. de bonis auct. jud. poss.* sed qui dicit creditores processuros ad id, quod primum est, cætera, quæ sequuntur, eis non adimit. Et quo bona possidere licere creditoribus, et pignus prætorium in his constitui, si ea pignoris jure distrahere non licet, et inde suum consequi. Non tantum autem si defuncto nullus sit heres, bona a creditoribus distrahi possunt ex edicto: sed etiam si pupillus, aut furiosus patri heredes extiterint, neque defenduntur. *L. 3. quib. ex caus. in poss. eat.* Nam ii sunt cum quibus judicium non possit consistere: quoniam jure obligari non possint.

IV. In bonorum distractione mortui exitum patitur non tantum qui perpetuo exilio damnatus est: sed etiam qui temporario. De quo hæc Papiniani verba sunt, in *L. ad cognitionem, 13. in fin. quib. ex caus. in poss.* Nam et exilio temporario (id est, relegatione) puniti si defensor non existat, bona veneunt: non est in eadem causa qui ab hostibus captus est, quia nihil deliquit. *L. ult. D. de reb. jud. auct. posses.*

V. Ut defuncti cui nemo heres est, sic furiosi, prodigi, cæterorumque, qui curatorum consilio reguntur, et in eorum perpetua curatione sunt, bona permittit prætor vendi, si nemo existat eorum defensor: sed causa cognita: idest si urgeat æs alienum, et dilatio damnum allatura sit creditoribus: quæ ita vendi jubentur, ut quod supersit, supra scriptis personis detur: hæc prope totidem verbis in *L. Fulcinius, §. plane, quib. ex caus. in poss.*

VI. Inter istos non numeratur pupillus quavis non defendatur: propterea quod cum sit constitutum tempus cum possit conveniri, nempe pubertas (potest enim pubes et judicio agere et conveniri curatore ei in litem dato) id tempus jubetur expectari creditoribus de eo quod cum ipso pupillo contractum sit: si quidem enim contractus ex persona patris descendat, recte visum est Marcello, ut Ulpianus refert in *L. 3. quib. ex caus.*

Tom. VI.

in poss. eat. patris, cui pupillus heres extitit, bona et possideri posse et <sup>5</sup> vendi, si pupillus non recte defendatur: esse enim perquam iniquum, eum qui nihil cum pupillo contraxit: expectare eius pubertatem: cæterum si quid cum pupillo pupillave contractum erit, neque is ab alio defendetur, juscertain fuit ex edicto prætorem in bona ejus jure jussurum: Vendi bona non permissurum, sed jussurum expectare pubertatem: quod ex ea *L. 3. liquido intelligitur.*

VII. Inde Ulpianus ibidem tractat, quid cum pupillo videatur contractum in *§. contractum*, et deinceps: docetque in summa omne cum pupillo contractum hic habendum esse, ac si unius obligatio post mortem patris nata sit, qua pupillus teneri ceperit: neque referre, vere contractus sit, an quasi contractus: obligatus sit ipse per se, an per alios, ut per servum et tutorem: ac fuisse hoc jus de pupillo edicto comprehensum, declarat Ulpianus illis verbis in *d. §. contractum*. Ergo puto, etsi cum tutore contractum sit ex qua causa actio in pupillum datur, magis esse, ut edicto locus sit, quasi cum eo contractum sit. Et ne longius testimonia petantur, extat clausula edicti in *L. 6. eod. tit.* in qua cum prætor polliceretur distractionem eorum bonorum, quæ possessa essent a creditoribus, nominatim postea pupilli, et ejus, qui reipublicæ causa abest, bona excepit.

VIII. Et hi quidem sunt, quorum bona ex edicto veneunt, aut non veneunt, sed non ut quisque ea conditione est, ut bona ejus venire possint, continuo etiam ea distrahi prætor jubet, ne latitantis quidem: sed ita, si res exegerit: ut Ulpianum scribere diximus initio *d. L. item, §. cæterum. D. ex quib. cau. maj.* His autem verbis in latitante intelligere debemus, quod expressum est in *L. cum proponas, C. de bon. auct. jud. poss.* nempe, si et tempus transactum sit ut debitorem contumacem esse intelligere liceat, et is, qui postulat sibi fieri distrahendi potestatem, doceat <sup>6</sup> eum, cujus bona

10

<sup>5</sup>) Ita et Cujac. 10. Obs. 31. add. Coras. ad *L. 15. §. 16 de dam. inf. Summa. 1. et 2 decreti n. 20. Confer. supra C. 11. N. 6. et 17.*

<sup>6</sup>) Ita post Bartolum et alios Sig. Scacc. 1. de *Jud. 96 n. 12.* requiri plenam probationem de jure actoris ante interpositionem 2. decreti, etsi summarie recipienda sit, nempe absente parte. Et juxta hanc, seu receptiorem opinionem judicandum censet, licet contraria, quod semiplena et summaria probatio sufficiat, probabilior. Causam subhastationum summariam esse, sive realis sive personalis actio post Speculat. et Soci. tradit Jac. Schult. Obs. forens. 3. n. 122. Enim vero cum plerumque viliori quam par sit, pretio res subhastata vendi soleant: non nimis debitor urgendus, ne injuria ei

fiat, rebus, magno incommodo vilissimo distractis, A. Fab. 11. Err. Prag. 5. Etsi vero magna fides hæc, in auctione tamen quoque locum esse beneficio *L. 2. C. de rescind. vend.* probat A. Fab. 10. Err. Prag. 7. Siquidem auctoritas decreti tota pertinet ad jus subhastationum, non ad causam rescissionis; et pertinet hoc ad materiam subhastationum, non ad formam; nec creditoris, sed emptoris dolo res viliori pretio distrahitur. Et Vasq. 3. Contr. usu freq. 61. n. 2. et 3. quia causa et ratio solum alienandi comprobatur decreto judicis. Ac etsi ejus præsentia læsio abesse consequatur, contraria tamen probatio requiritur debet. Fac. *L. ult. C. si in caus. judic. L. 3. C. de exsec. rei jud.* Idem affirmat Jac. Curt. 2. Conject. ad Frat. 10. Licet enim videatur justum pretium, quod ex

bona possessa sunt, suum esse debitorem. In quo tempus transactum, intelligo legitimum tempus, intra 7 quod aliqui et lite contestata solent rei legitimis edictis evocari, prius, quam rem cognoscat iudex, et pronunciet. De quo tempore dicemus postea suo loco: hoc autem tempus et ea edicta in hac re accipi debere colligi potest ex *L. penult. C. ubi in rem act.* In defuncti bonis, cui nemo heres extiterit hoc exigemus, ut constet

neminem heredem esse, et creditores de debito doceant. Nam evocare quemquam, qui adsit, eique solemnibus edictis praestituere tempus, intra quod adsit, stultum est, cum constet, qui id faciet, esse neminem. Adversus furiosum et similes, qui consilio curatorum reguntur, quid jus exigit supra dictum est. Nam quæ res facit, ut horum bona vendi possint, eadem facit, ut possint statim.

## CAP

communi usu, populo ad licitandum admissio, statutum *L. 63. ad L. Falc.* non tamen hoc remedium excludi convenit: Neque ex parte ementis; cum sæpe per æmulationem inconsiderata sint adjectiones; more hominum qui ejus rei, quæ aliis placet, cupiditate tenentur et incenduntur: Neque ex parte vendentis. Quid enim si pauci ad hastam accesserunt, quid si in gratiam ejus, qui primus adjectionem fecit, metuve indignationis nemo ausus contra licitari. Atque hanc receptionem vocat, ac in praxi servari Pinel. *ad d. L. 2. C. de resc. vend. P. 2. C. 2. n. 25.* add. Gomez. 2. *Var. Resol. 2. n. 23. Pacian. Cons. 87. Damhuder supra d. C. 26. et C. 5. n. 6. Moller. ad Nov. Elect. Sax. 32. P. 1. n. 20. et seqq.* ubi contra statuit jure Saxonico et 3. *Semestr. 12.* Plane etsi nullitatis arguantur subhastationes non audiendus debitor, nisi oblato debito cum accessionibus legitimis. Quia semper magis est quod imputetur debitori, cur non solverit, quam creditori aut emptori cur non rite perfecta auctio, Ant Fab. 10. *Err. Prag. 7.*

7) Alii 30 dies fuisse putant moti loco Cic. *pro Quintio Ræv. Protribun. C. 3. et ad L. 148 de R. I.* Hot. *ad L. 13 §. 1. C. de jud. Sc. Gentil. 1. de Jurisd. 24 p. 88.* Alii tempus jure non definitum esse, proinde arbitrio judicis id

committi, Maranta *P. 6 T. de contum. n. 12. Coras. ad L. 15. §. 16. de dam. inf. Summa 1. e. 2 decreti n. 21. Gail. de Arrest. C. 1 n. 18. Menoch. post septem alias opiniones percensitas Arbitr. Cas. 6 n. 13. Quod Scaccia 1. de jud. 96 n. 10. admittit in actione in personam, ubi vero in actione in rem missio fit, veniri ad 2. decretum post anni lapsum, per *L. 8 §. pen. C. de præf. 30 ann.* Jure nostro ita esse puto: Latitantis bona possideri vendique jubentur eadem edicti clausula *L. 7. §. 1 h. t.* Eodem igitur tempore quo missio contra eos, proscriptio quoque fiebat una prætoris jussione. Fiebat autem proscriptio fixis publice et ad ædes debitoris tabulis, omnibusque ejus bonis suspendebantur libelli, ut ex Sen. 4. *de Ben. Cic. pro Quintio Ræv. Protrib. C. 3. sub finem* (qui tamen post 30 dierum possessionem demum proscriptas fuisse docet) postea lapso aliquo tempore ad creditorum postulatum. Prætor auctionem fieri permettebat *L. 9. C. de bon. auct. jud. poss.* Quomodo proscriptionem et auctionem secernit Hot. *ad L. 13. §. 1. C. de judic.* Cum quo tamen nolim tria hic decreta agnoscere. Sicuti et errorem forensium qui præter duo decreta ratione creditorum, duplex quoque decretum quoad emptorem commenti sunt, redarguit A. Fab. 10. *Err. Prag. 6.**



## C A P. XIV.

## Quæ sint, quæ quærantur bonorum auctione constituta

Partitio rerum atque ordo. I.

Quæ veniant in auctione nomine bonorum.

II.

Excipi a bonorum venditione statuas iu publico positas, et quare. III.

I. **V**enditione, et auctione bonorum constituta hæc quærantur: Quid in bonis numerandum sit: ubi bona venire debeant. In auctione, si plures eandem rem licitentur, quis cui præferatur; postremo si bona non sint solvendo, et plures existant creditores, an omnes pariter admittantur ad commodum bonorum pro portione, an alii aliis præferantur, et qui quibus præferantur.

II. At bonorum appellatione constat omnia contineri, non tantum quæ dominii nostri sunt: sed etiam quæ sunt in ea caussa, ut de his possidentes exceptionem, amittentes autem ad ea recuperanda actionem habeamus. *L. rem in bonis, D. de acq. rer. dom.* In quo quæ numerentur, expressum est in *L. bonorum, D. de ver. sig.* itaque et usufructus, qui debitoris est, in venditionem veniet. *L. in venditione 8. D. de reb. jud. auct. poss.* Non tantum ideo, quia de eo habemus in rem actionem; sed etiam quia usufructus quodammodo pars dominii est: certe emolumentum, et vicem partis obtinet. *L. 4. D. de usufr. L. Mævius, §. fundo, D. de leg. 2.*

III. Sed humanitatis caussa, ne cum ipsis

Tom. VI.

Quo in loco bona vendi oporteat. IV.

Quis cui in bonorum licitatione præferatur. V.

bonis etiam solatium vitæ, et famæ adimatur, placuit non tantum re integra, sed etiam bonis jam venditis excipi et statuas, quæ<sup>2</sup> in honorem debitoris in publico positæ sunt, *L. Fulcinius, 29. D. de reb. jud. auct. poss.* et concubinam, itemque liberos ejus naturales; *L. penul. D. eod.* quanvis constet, si statua affixa sit ædibus debitoris, statum ædibus cedere, ac proinde esse debitoris. *d. L. Fulcinius.* Concubinam autem, debitoris esse ancillam, cum qua dominus consuetudinem habeat, quæ si debitoris est, erunt et liberi debitoris. *§. ult. Inst. de jur. pers.*

IV. Bona quæ erunt, ibi<sup>3</sup> vendi oportet, ubi quisque defendi debet: id est ubi domicilium habet, aut ubi quisque contraxit: contractum autem non utique eo loco intelligitur, quo negotium gestum est: sed quo solvenda est pecunia: hæc in *L. 1. 2. 3. D. de reb. jud. auct. poss.*

V. Ex licitatoribus quis alio potior habeatur in auctione, de eo ita scriptum est in *L. cum bona, D. eod.* Cum bona veneunt in comparatione extranei, et ejus qui creditor, cognatusve sit, potior habetur creditor, cognatusve. 4 Magis tamen creditor, quam

10\*

co-

1) Et quidem Cujac. *ad Nov. 53. Parte 3. p. 193.* (et ejus verbis Schifordegher. *Lib. 1. ad A. Fab. Tract. 7. Q. 1.*) ita vendi universa docet, ut nec quod superest reddatur debitori, quia hoc certis solum personis datum sit *L. 7. §. 11. Quib. ex caus. in poss.* Verum iniqua hæc severitas, si certiori auctoritate adstruatur, fides Cujacio temere non habenda. Quippe ex *d. §. 11.* sat firmo argumento id non adstruitur. Neque enim opinor, ibi ratio Jurisconsulti in ver. quia hominis ad hoc redditur quod superfluum reddendum, sed ad priora et id quod principaliter *d. §. 11.* deciditur, nimirum bona furiosi ut vendantur, plura requiri, quæ non æque in venditione bonorum debitoris latitantis necessaria.

2) Vid. Vander. *de Priv. credit. C. I.* ubi ostendit sæpe Clarissimorum virorum, quibus statum positæ, bona creditoribus non satisfacisse, veluti Agrippæ Menenii *Liv. Lib. 2.* cui sumptus funeri curando defuerunt.

3) Publice ac palam, ritu solemnī, hasta in foro posita. Unde ea publice auctionis vis, ut nullus certior firmiorque acquirendi sit modus. Quod hoc ritu populus data fide publica earum venditionum evictionem belli armorumque periculo, in se reciperet, *Hot. Cons. 23. n. 1. Confer. Cagnol. in L. 2. §. cumque Consules. 27. de O. I. n. 398.* (ubi plura de hastæ usu familiari Romanis domi ac militiæ, in honorem forte

Romuli qui ab hasta Quirinus et inde Quirites) *P. Greg. 47. Synt. 24. n. 9. Damhuder. Subhastat. exegesi C. 1. n. 10. et seq. Goth. ad Rub. C. de fide et jure hastæ fisc. Lib. 10. tit. 3.* Adhibebatur vero in his auctionibus præco, qui pretium auctionemque proclamabat ex Plato in *Sticho, etc.* *Marq. Freher. 2. Parerg. 20.* Sectores vero dicti qui emebant. *Phil. Beroald. Annot. C. 85.* Qui digito sublati se emptores lip. prosteabantur, vid. *Francisc. Mod. Novantiq. Lect. Epist. 105.* Licitari vero et auctionari, ut differant, et quod prius non significet pretium augere, vid. *Franc. Philolegus Epist. la ad Jacob. Puteum in Centuria Epist. Philoleg. est Epist. 12.* Cædere antiqui pro auctione distrahere, *Joan. Sar. Za. 12.* Cædere antiqui pro auctione distrahere, *De solemnibus subhastationis Damhuder. d. Tract. C. 3. et 4.*

4) Ut et eroditor facilius suum consequatur et commodius compensationem liberetur debitor, quæ eadem ratio suadet præferri eum cui majus creditum, *P. Vander. de Privil. cred. C. 12.* Ad hæc creditorum negotium potissimum geritur, quibus, postulantibus bona venduntur, *A. Fab. 5. Cons. 15.* Obijce. Immo tunc demum admittitur creditor, si alius non existat, vel non dignum pretium offerat *L. 2. si in ca. l'ud pig. Resp. Vanderan. d. L. 12.* hoc definiti *d. L. 2.* quod isto casu creditor emere debeat, ac ordine debito observato in

cognatus, et inter creditores potior is, cui major pecunia debetur.

solutum accipere cogatur. Non inde recte inferri dato extraneo creditorem arceri. Melius A. Fab. 5. *Conject.* 15. Quando distrahantur bona, creditor ad licitationem non admittitur, quamdiu alii emptores adsunt *d. L. 2 C. si in ca. jud. L. 3. C. de execut. rei judic. L. ult. §. sin vero 2. C. de jur. dom. imp.* Licitatione tamen facta ab aliis, creditor habet jus prælationis, si ipse eodem pretio, quod maximum alius offert, rem habere velit juxta distinctionem *d. L. 16.* Quippe tunc nihil interest debitoris, et nihil ei deperit, quicumque rem consequatur. Ibidem Faber interpretationes gl. duas reprobat (1) Quasi *d. L. 16.* de addicendis bonis tractet, velitque ut si creditorum alii cognati, alii extranei, illi ut his præferantur. Nam immo aliud est venire seu vendi bona: aliud addici, ubi deficit emptor, et extraneus *d. L. 16.* qui neque creditor neque cognatus. (2) Si inter creditores disputetur an bona vendenda sint, quorum sententiam sequi oporteat. Id enim plane nona venit verbis aut menti legis. Plane, quod, ibidem Faber contra Bartolum et DD. comm. contendit in comparatione creditorum non preferri eum qui et creditor et cognatus, ei qui creditor tantum, in eo haud penitus illi assen-

tior. Potentius, ait, est jus crediti. Neque cum de privilegiis creditorum quaeritur, jus cognationis juri crediti quidquam addit. Nullum denique verbum *d. L. 16.* quo probetur potior rem causam esse creditoris ac cognati simul quam creditoris solum, quia non conjunctim, sed disjunctim loquitur. Vis forsitan his aliqua, ubi alter, non cognatus, majoris pecuniae creditor, si excessus non mediocris. Ast si æquales ambo in cumulo debiti, vel alterius summa parum excedat, nonne major ratio pro altero cognato, ut potior sit, qui duplici quam qui una causa nititur. Nam et alias effectio cognatorum in res forte avitas et bona majorum jura indulgent *L. 35 de minor.* Movemur enim ut Cic. 2. *de LL.* nescio quo pacto locis ipsis in quibus eorum, quos diligimus, adsunt vestigia, Vander. *supra d. C. 12 Confer. not. supra lib. 21 C. 9 N. 1* Præcipue autem cognatorum ratio habenda, ubi bona defuncti, veneunt, cui metu onerum nullus heres existit, ceu *d. L. 12.* accipit Vanderan. *d. loc. Confer. Mall. 2. Semestr. 29 n. 3. Andr. Scelfer. P. 1. Q. Pract. 18. et P. 2. Q. 16.* Et de *d. L. 12.* sensu vide quoque Matth. Brua. *de Cess. bonor. Q. principali 23.*

## C A P. XV.

De privilegiis creditorum in bonis, quæ distrahantur: et ad hunc Titulum Digestorum.

*Continuatio. Hoc loco quaeri de creditoribus Chirographariis; et quis eorum alteri præferatur. I.*

*Hos esse illis potiores, qui aut privilegio utuntur, aut habent bonorum separationem. Quod hic privilegium. II.*

*Privilegia aestimari non tempore, sed causa, quid sit. Nomine causæ quid veniat. III.*

*In privilegii causa spectari aut personam, aut rem, aut utrumque. IV.*

*Persona duplex, Fiscus et Respublica. Quando Fiscus privilegio non utatur. V.*

*Ad causam pertinet omnis impensa funeris. VI.*

*Item pecunia credita ad navem construendam, armandam, aut emendam. VII.*

*Item credita in domus refectionem. An pecunia, qua empti res est, habeat, hoc vel aliud privilegium. VIII.*

*Item deposita apud mensam, cum de mensularii bonis agitur. IX.*

*Item data eo consilio ut perveniret ad creditores privilegiatos. X.*

*Ad utrumque spectat pecunia, seu res in dotem data; si tamen agat mulier. XI.*

*Quid si prioris uxoris filii in rependa matris dote concurrant cum agente noverca. XII.*

*Item mala administratio rerum pupilli, furiosi surdi et muti; si hi tamen agant, non heredes. XIII.*

*Curator bonis absentium datus non utitur privilegio. XIV.*

*Inter privilegiatos præfertur omnibus mulier in causa dotis; etiam Fisco: qui excipiantur. XV.*

*Fiscus excepta muliere, cæteris, etiam impensæ funeris. XVI.*

*Qui fisco succedant ordine privilegiati. XVII. Ordo qualis inter reliqua id genus privilegia. XVIII.*

*Ordinem esse inter privilegiatos ex diversa non ex eadem et pari causa. XIX.*

*Exceptio. XX.*

I. **S**I bonis distractis plures sint creditores, neque bona simul omnibus sint solvendo, nemo ignorat multum interesse, unuscujusque creditoris anteponi ipsum cæteris, et præcipere de bonis, quod sibi debeatur. Proinde an sint, qui aliis præferantur,

et qui sunt, quaeritur. De chirographariis quaero (sic enim vocantur hi, quibus ex chirographo tantum sine pignore pecunia debetur. *L. penult. D. de reb. auct. jud. poss. et tit. C. si ob chiro. pec.*) Aut iis qui res alioqui obligatas non persequuntur. Nam si quibus pi-



pignus datum est, et hypothecaria agant, certo jure utimur, ut, si soli sint in pignore, rem obligatam soli auferant a possessore, non tantum bonis debitoris possessis, sed etiam nec possessis, nec distractis: et si plures in pignore concurrent, is jure potior sit, qui tempore prior est. §. *item Serviana*, *Inst. de action.* L. *si fundus*, §. *in vindicatione*, *D. de pignor.* L. 2. et 3. C. *qui pot. in pig.* De pignore, inquam, deque iis, qui aliquid suo jure vindicent, hoc loco non quaeritur: sed de iis, qui sibi aliquid deberi, idque ut sibi solvatur prae caeteris contendunt.

II. Et ut sine pignore alii aliis potiores sint, duae res faciunt, Privilegium, et bonorum Separatio. Privilegium est jus sine pignore ante alios exigendi.

III. Quibus sit privilegium, docet Paulus in L. *privilegia*, 32. *D. de reb. auct. jud. poss.* his verbis: *Privilegia*, inquit, *ex tempore non aestimantur, sed ex causa.* Quod dicit, privilegia ex tempore non aestimari, habet hanc sententiam: neminem ideo privilegium exigendi habere, quia prius contraxerit: neminem, quia tempore prior sit, id eo jure exigendi esse potiolem, ut in pignore. Quod dicit privilegia aestimari *ex causa*, hoc significat; dari privilegium si causa sit, et ratio, cur huic potius detur, quam illi: quanvis is, in quo haec causa haeret, postea contraxerit: hoc sentio, causam hic non debere accipere nos rem, et negotium contractum, ut interdum alias solemus, ut cum dicimus, Beneficia et privilegia quaedam ca-

ussae esse, quaedam personae. L. *privilegia*, *D. de reg. jur.* L. *exceptiones*, *D. de except.* Non enim verum est, privilegio exigendi nihil locum facere; nisi rem et causam, de qua contractum est; cum propter solam conditionem personae interdum privilegium detur, ut mox dicam. Sed causa hic intelligenda est, causa privilegii, id est ratio, cur privilegium sit datum: sive a in eo favor rei versetur, sive personae creditoris, sive pariter utriusque.

IV. Et quidem ita se res habet, ut in causa privilegii (quando hanc requirimus) quibusdam privilegium ob personam detur: ut haec idonea causa sit, cur detur, quia creditor sit ista aut ista conditione personae: quibusdam ob rem, et causam, de qua agitur, quae ipsa videatur digna privilegio. Quibusdam conjunctim ob rem, et personam: ut neque persona satis sit ad privilegium nisi in certa causa nec causa ipsa prosit, nisi certae personae, quae lege aut edicto demonstrata est: utraque res conjuncta ad rationem privilegii videatur satis.

V. Personae, quibus privilegium datur, duae sunt: Fiscus, et Respublica de fisco est in L. *quod quis*, 34. *D. de reb. auct. jud. poss.* de Republica in L. 3. *penult. D. cod.* De fisco non mirum; ut qui habeat semper etiam jus pignoris in rebus omnibus debitoris. L. *aufertur*, §. *fiscus*, *D. de jur. fisci.* Sed ita privilegium habet fiscus, ut hoc in 4 poena contra creditores non exerceatur: placuit enim fisco non esse poenam petendam nisi

1) Multum differunt jus praelationis et jus tacite hypothecae, Anton. Fbh. 6. *Err. Prag.* 1. ubi contendit tacita hypotheca munitum omnibus chirographariis, privilegii licet et anteriores sint, praeferrri. Caeterum de hac feraci materia (cum lites de prioritare tam familiares sint, in Curiis Germaniae, quam obsonium in prandio, ut ait Ventura de Valentis *Parthen. litig. Lib. 1. C. 13. n. 15.*) quae hic omnia ex *Tract. Petri Vanderani de Privil. cred.* et Herman. Meier. *de Praeferent. credit add. Myns. 1. Obs. 60. et Gail. 2. Obs. 25. 10. Bapt. Asin. Tr. de Exec. §. 7. Flores Diez. Var. QQ. Lib. 1. Q. 6. 10. Koppen. Q. 28. Moller. ad Nov. Elect. Sax. 28. P. 1. et 1. Semestr. 25. et seq. et Cap. 28. Beust. ad L. admonendi 31. de jurej. n. 969. p. 667. et seq. etc. Coler. Dec. 137. et 279. Cons. Sax. Tomo 1. P. 3. Q. 7.*

2) Aliter P. Vand. *de priv. cred. C. 2. qui d. L. 32. de solis personalibus privilegiis accipit, non etiam de his, quae causae dicuntur L. 169. de R. I. vulgo realia, in quibus non causam, sed tempus spectari dicit. Exemplum d. L. 32. posuit in L. 7. §. ult. Depos. Confer. Arn. de reiger. Tract. meth. ad L. priv. 196. de R. I.*

3) Quod de Romana solum non alia intelligit Forn. 2. *Sel. 22. per L. 10 ad Municip.* Sed d. L. 10. hoc solum probat quod non sit idem ejus jus quod fisci. Major enim hujus favor, cum pluribus civitatibus et provinciis usus ejus communicatur, et ad omnes provincias populi Romani extendatur, quam Reipublicae ejus commoditas intra suos, se cives continet, Vander. *Tr. de Priv. credit. C. 10.* Hinc jus pignori taciti Reipublicae negatur L. 2. C. *de jure reip. Lib. 11 tit. 29.* Dum vero ibidem additur causam ejus non separari, etc. cre-

ditores eos intelligit Imperator quibus et personalis actio et privilegium personale: Id enim solum ibi propositum Imperatori causam reipublicae separatam esse ab hypothecariis creditoribus. Quippe de eo, et num jus pignoris esset, Reipublicae quaesitum erat. Sed num huic jus pignoris tributum in L. 2. *Cod. de deb. civit.* Negatur. Alias enim non post debitoris inopiam demum, ne pro rata ii, ad quos venerunt bona debitoris, tenerentur, sed statim in solidum. Obnoxia vero corpora seu res alienatae dicuntur, non quod civitati hypothecae obligatae, sed quia non possunt non videri obligata ejus bona qui in multorum aere est, ita Vanderan. d. C. 10. Huic pertinet L. *Antiochensium* 37. *de reb. auct. jud. de ejus lectione et intellectu vid. Alcia. 1. Dispunct. 11. Cujac. 10. Obs. 35 et 10. Respons. Papin. ad eam L. Elb. Leonin. 6. Emend. 13. Connan. 4. Comm. 16. n. 2. et 3. Vanderan. d. Tr. C. 9.*

4) Non tantum quia poenae odiosae, Joach. Steph. *Lib. 3. de Jurisd. C. 8. n. 23.* sed et quia tunc lucrum captans ut de damno vitando sollicitis aequum est. Ad haec bono cedat de damno vitando sollicitis aequum est. Ad haec bono publicatio ita accipitur, ut es alienum deducatur L. 72. *de jure dot.* cum bona dicantur deducto aere alieno, Forner. 3. *Sel. 19.* Quod fisco idem jus Ecclesiae (quae gaudet omnibus privilegiis fisci, Tirac. *Priv. pie causae* 143.) Mod. *Pist. Q. 129.* ubi pluribus firmat Iac. Schult. Sed de tacita hypotheca fisci vide Don. *Tr. de pignor. 5.* ubi aliquando dicam. Apparet autem hinc neutem Bonelli eam esse quod et hypothecae jure reali munitus, eo relicto concurrere creditoribus personalibus possit, vid. *infra C. ult. N. 11. vers. Ad. 3. resp. etc.*

nisi creditores suum recuperaverint. *L. quod placuit, D. de jure fisci Cod. pen. fisc. creditor. præf.* Causæ et res de quibus agitur, quæ habeant privilegium, sunt quinque.

VI. Una est omnis causa in qua de 5 funeris impensa, id est de eo, quod in funus defuncti impensum est, agitur, quam creditor de bonis quæ possessa et distracta sunt, consequi velit: ita ut nihil intersit, an creditor ideo eam repetat de his bonis, quia eum, cujus hæc bona fuerunt, funeraverit: an ideo, quia eum funeraverit, cujus funerandi cura ad dominum eorum honorum pertinet, cum quo eo nomine agi potuit, *L. quæsitum, D. de reb. auct. jud. poss.* ad quos pertineat cura funeris, et a quibus repeti possit hæc impensa, petendum est ex Titulo *D. de relig. et sum. funer.*

VII. Altera est causa pecuniæ creditæ, quæ in navem extruendam, vel iustruendam armandamve, vel etiam emendam sit creditæ. *L. qui navem, 26. L. quod quis, 34. D. de reb. auct. jud. poss.* In navem nominatim dictum est, non etiam in res cæteras, ut hoc marium, non etiam aliarum rerum extruxioni et emptioni datum intelligamus: nec abs re. Navium enim extructione, earumque numero, et robore salus et præsidium Reipublicæ maxime continetur. Nam nec sine his bellum mari gerere, ulloque modo adversus vim, et incursus hostium aut piratarum mari ingruentium tuti esse possumus: et earum ad res ad vitam utiles incivitatem importandas, indeque avehendas, omnisque omnino generis commercia exercenda, sine quibus Respublica stare diu non potest, necessarius est usus; quorum nihil in prædio, aut ædibus aliisve rebus dici potest.

VIII. Tertia causa superiori finitima est, pecuniæ ob restitutionem ædificiorum creditæ. *L. si ventri, §. 1. D. de reb. auct. jud. poss.* In qua specie quæ ratio privilegio causam dederit, et quam hoc observandum sit, quod dictum est: ob restitutionem, non ob emptionem, instructionemve ædificiorum, docui sub commentario de pignoribus sub *Tit. in quib. caus. pign. tac. contr.* Scio videri quibusdam, Justinianum in *Novella 97. 1. §. cæterum.* Constituire, quæcunque res

emptæ sunt ex pecunia alterius, eos privilegium habere, qui pecuniam in eas res creditorunt. Sic enim ejus verba sunt: *In omnibus enim hisce posteriores creditores, quorum pecuniis res vel comparatæ vel renovatæ sunt, potiores sunt his, qui vel multo antiquiores sunt.* Sed quid proponat Justinianus eo loco, spectandum est, Instituitur illic sermo de hypothecis quibusdam, quibus ait privilegia esse concessa, ut posteriores cum sint: tamen antiquioribus creditoribus præferantur: quorum in numero recenset illos, quorum pecunia res emptæ est. Sic res habet, ut hypotheca constituta prærogativam temporis habeat, quanvis posterior, si pecunia posterioris creditoris hypotheca emptæ sit: quia sine ea pecunia non esset res priori ne obligata quidem. Hypotheca autem non constituta, quemadmodum is cujus pecunia res emptæ est, hypothecam in ea re non habet, multo minus habebit privilegium temporis in eam rem: cum privilegium non in re sit, sed in persona. Sed meminerimus, privilegium dumtaxat exerceri in ea pecunia, quæ resecta sit ex venditione rei, quæ ita emptæ aut servatæ erit. *d. Novell. 97. §. his consequens, vers. quæsitum,* Neque enim æquum est, longius progredi privilegium, quam patet ipsius privilegii causa, arg. in *L. quod dictum, D. de pact.*

IX. Quarta est ejus pecuniæ quam quis apud mensam fidem publicam secutus deposuit: si de bonis mensularii agitur. *d. L. si ventri, §. in bonis, D. eod.*

X. Quinta eademque postrema est pecuniæ ejus, quæ ita data est ut ad creditores privilegiarios perveniret, et pervenit. *L. 2. D. de cess. bon. L. si ventri, §. eorum, D. de reb. auct. jud. pos.* Id est quæ creditoribus privilegiariis soluta est, ut inde debitor liberaretur: nec intererit, an quis dederit eam pecuniam ipsis creditoribus privilegiariis: an prius debitori, a quo deinde debitoribus sit numerata: dummodo id non post aliquod intervallum factum sit. *d. L. si ventri, §. ult.*

XI. Causæ, quibus ita privilegium datur, ut simul in ea causa detur et personæ, genere duæ sunt: Una est pecuniæ et rei in dotem datæ: hæc sive nuptiis secutis, ac deinde soluto

ma-

5) Quia enim magna funerum cura veteribus, merito hæc privilegia indulserunt, sine quibus, vel creditores sæpe debitis, vel mortui justis honoribus fraudarentur, *Vander. dict. Tr. Cap. 3.* Quem de hoc funerariæ actionis privilegio consule uti est *Forst. de Jurisd. Rom. P. 1. Lege Numa 6. n. 61. et 2. seqq. Fachinæ. 12. Contr. 49. Jo. Garsia Gallicus de Expens. Cap. 8. Timæ. Fab. 1. Annot. 3 [4 5 Jo. P.*

*Surd. Decis. 112 et 255. Coler. Dec. 199. et seqq. add. h. C. N. 8.* Idem in pharmacopæo statuit *Maynard. Lib. 2. Decis. 47.* quoad medicamenta, item quoad impensas in medicos et chirurgos, aut in purgationem ædium peste infectarum. Sed id *Decis. seq. 48.* in pharmacopæo restringit ad medicamenta morbi illius quo quis decessit, quæ funerariis sumptibus æquiparari scribit, non autem alia.

matrimonio repetetur dotis actione, sive his non secutis condicetur tanquam ob causam data, causa non secuta: habet causa utroque modo privilegium. *L. quæsitum §. ult. D. eod.* Sed habet hac lege, si mulier ipsa agat, cujus nomine dos data erat, alius hanc pecuniam repetens suo nomine, hoc privilegio non utetur: *dabimusque*, inquit Ulpianus, *ex his causis mulieri ipsi privilegium. L. dabimusque. D. eod.* recte, *mulieri ipsi*, alii enim non dabitur: quoniam habet privilegium hujus causæ hanc rationem: quod intersit Reipublicæ mulierem solidum consequi, ut possit postea nubere. *L. interest, D. eod.* quæ ratio ad alios non pertinet.

XII. Si tamen prioris uxoris defuncti filii dotem a matre datam repetant, concurrantque cum noverca, altera patris uxore, quæ et ipsa marito mortuo dotem suam repetat a mariti heredibus: placuit Justiniano filios prioris matrimonii novercæ filiis præferri: ut quod viventi eorum matri tribueretur, hoc et ea mortua tribuatur ejus liberis. *L. ult. §. exceptis, C. qui pot. in pig. habeant.*

XIII. Altera hujus generis causa est ea, in qua de administratione agitur rerum ad eos pertinentium, quibus ipsis tutor, aut curator datur, in quorum numero sunt 6 pupilli furiosi, prodigi, surdi, muti, fatui, *d. L. dabimusque, §. ult. et LL. seqq. D. eod.* habetque hæc causa privilegium, non tantum si quis istorum negotia negotiumve tanquam tutor aut curator gesserit: sed etiam si gesserit ex officio amicitiae. *L. si negotium, D. eod.* Verum ita ex hac causa agendi privilegium est, si is agat, cujus negotia gesta sunt, ut puta, dabitur pupillo, furioso, et cæteris similibus: at idem ad istorum heredes non pertinet: *d. L. dabimusque, §. ult.* ut appareat in eo et causæ, sive rei, et personæ simul habitam esse rationem. Pupillus furiosus, et similes favore, et auxilio digni sunt: sed non ita ut id cæteris creditoribus debitoris nocere debeat: nisi superscriptæ personæ de damno rerum laborent adversus eos, qui rem susceptam ex fide, et officio non sunt executi. Quod fit, cum eorum negotia administrata sunt, de qua administratione nunc agunt.

XIV. Eos dixi, quibus ipsis curator datur. Nam si qui sint ejusmodi quibus præsentibus non datur curator; absentibus autem ipsis, datur curator eorum bonis, ne per absentiam dominorum bona aliquid detrimenti capiant (quod quando fiat, dicam paulo post, sub Titulo de curatore bonis dando) hi ex superiore causa privilegium non habent: *L. idem privilegium, D. eod.* scilicet, non est ea istorum persona, quæ mereatur favorem, ut superiorum.

XV. Etiam inter privilegiarios alii aliis 7 potiores sunt causa. Præfertur omnibus mulier in causa dotis, ut est nominatim a Justiniano constitutum in *L. ult. C. qui pot. in pig. hab.* Itaque etiam fisco ipsi, ut constitutionis verba satis declarant: quanvis maritus cum fisco prius contraxerit, In quo apparet recessum esse a vetere jure et eo, quod cautum legimus in *L. 2. C. de privil. fis.* Tantum excepti sunt Novella Justiniani 97. *§. his consequens.* Ii qui pecuniam crediderunt ad militiam emendam, hac lege dicta, ut qui credebant, reliquis omnibus essent potiores: si modo et negotium gestum sit interposita scriptura, quæ testium habeat subscriptiones.

XVI. Secundum mulierem præfertur cæteris omnibus fisco. *L. quod quis, D. de reb. auct. jud. poss.* Cujus causa ideo præcipua, quia publica. Scriptum quidem est in *L. penult. D. de relig. et sum. fun.* impensam funeris solere omne creditum etiam præcedere: cum bona solvendo non sint: sed hoc dictum non excludit fisco, nec quemquam alium qui privilegium habeat. Tunc enim proprie dicitur præcedi creditum cum cæteri creditores ad exactionem solum creditum obtendunt. Sane vero funeris impensa præcedet ejusmodi omne creditum, in quo nihil nisi creditum allegatur: at fisco non creditum solum obtendit, sed una etiam privilegium suum, et in summa, impensa funeris omne creditum præcedit, ut creditum duntaxat: omne privilegium nequaquam. Et sane cum fisco habeat etiam 8 jus pignoris in bonis debitoris, par est, ut qui in rem ipsam potior est, is et tunc potior sit, cum agit in personam.

XVII.

6) Quod pupillus olim non habuerit jus tacitæ hypothecæ in bonis tutoris, sed prælationis tantum docet A. Fab. 1. *Jurispr. 12. Princ. 3 Illat. 11.* Sed de hac et præcedentibus causis cumprimis autem dotis, et an mulier. potior hypothecariis anterioribus plenus aliquando alibi.

7) Alius ordo apud nos, ex *Nov. Elect. Augusti 28 P. 1.* ubi merces familiæ debita vulgo *Liedlohn* omnibus præfertur. Quo de vid. omnino Hart. *Pist. Lib. 1. Q. 8. Col. Dec. 200. n. 6.*

8) Add. *supra Lib. 14 C. 7. n. 19. N. 30.* Convenit ac confirmat Vander. *d. Tr. C. 3.* Ast immo funeris causam potiorē esse tacita hypotheca probat aperte *L. 14. §. 1 de relig. et sum. fun. junct. L. 4. L. 6. pr. In quib. ca. pig. lig. contr. Coler. Decis. 260 n. 2. et seqq.* Nec desunt qui tac. contr. Coler. *Decis. 260 n. 2. et seqq.* Forst. de de expressa idem statuunt, quos citat et sequitur Forst. *Jurisd. Rom. 1 p. 1. Numæ 6 n. 63.* Et inde firmat Timæ. Fab. 1. *Annot. 5.* quia uti a sepultura arceri nequeunt creditores, ita compelli possunt ad eum de suo fuverandum. O-

XVII. Post fiscum inter privatos proximo loco privilegium habent, qui alicujus rei emendæ, restituendæ aut instruendæ causa pecuniam crediderint. *d. L. quod quis, D. de reb. auct. jud. pos.* Quod semper, ut ante monui meminerimus dictum esse de privilegio in ea pecunia exercendo, quæ ex venditione supra scriptarum rerum redacta sit, *d. Novell. 97. §. his consequens.*

XVIII. Post hos actionem de funeris impensa admittemus, ut sic ea non privilegium, sed creditum omne, quod sine privilegio sit, præcedat. *d. L. penul. D. de relig.* Post omnium privilegia extremus locus est ei, qui apud mensularium pecuniam 9 deposuit. *d. L. si ventri, §. in bonis, de reb. auct. jud. poss.* Quod ad eum attinet, qui pecuniam dedit, ut ea ad privilegarium creditorem perveniret, monendi sumus eum nullo proprio jure uti; sed in ejus privilegiarii locum, ad quem pecunia pervenit, succedere. *L. 2. D. de ces. bono.* Eo fieri, ut quo jure, quoque loco fuerit is, cujus in locum succeditur, eodem jure et loco habeatur is, qui successit. Unde eveniet, ut conditione prioris creditoris, modo his, modo illis præferatur.

XIX. Hec, quæ de prærogativa creditorum inter ipsos dicta sunt, locum habent in-

ter eos dumtaxat, qui ex diversis causis agunt. Nam si plures sint privilegiarii ejusdem tituli, idest qui ex eadem causa privilegium usurpent: ut si plures pecuniam crediderint ad navem reficiendam, plures pupilli aut adolentes de administratione tutelæ, aut bonorum suorum agent: diserte Paulus definit in *d. L. privilegia, de reb. auct. jud. poss.* istos concurrere, nec alium alii<sup>10</sup> præferri, quanvis prius crediderit. In quo Justinianus hanc speciem excepit. Nam si proponas eundem duas uxores duxisse diversis temporibus, eoque mortuo existere filios prioris matrimonii, qui dotem a matre sua datam repetant, simul et eorum novercam, quæ item dotem repetat a se datam; constituit Justinianus ut illi anteponanatur novercæ, et ex tempore scilicet prærogativam habeant. Hoc in *L. ult. §. exceptis, C. qui pot. in pig. hab.* In qua constitutione diligenter observandum est, hoc privilegium filiis prioris matrimonii nominatim dari adversus novercas.

XX. Ex quo colligemus, si alii heredes prioris uxoris dotem ab ea datam petant, et cum secunda uxore veniant, eos nequaquam eodem jure usuros: et merito. Nam ipsi privilegium quidem habent in dote, ut mulier habuit, cum sit hoc, ut supra dixi, privile-

le.

minum igitur ex æquo negotium gestum a funerante, qui fecit ne bona funeris causa minuerentur. Ad hæc nec in expressa hypoteca veniunt ea, quæ in *L. 6 et 7. de pig.* Multo autem justior funeris causa. Quin et scholasticos in debitis causa studii contractis, præferri aliis, quibuscunque mulier in dote, per *L. assiduis ult. §. 1. C. Qui pot. in pig.* ibi *quis enim non misereatur earum, junct. auth. habita* ibi: *quis enim eorum non misereatur C. Ne fil. pro patre, Horat. Lucius Privil. scholar. 34. Rebuff. Priv. Schol. 118.* Et pro creditis his bona debitorum tacite hypothecata esse, cum eodem privilegio prælationis quod est doti, post alios citatus Petr. Barbosa *ad L. 1. sol. matrim. Parte 7. n. 25.*

9) Immo hujus causa potior ante privilegia *L. 7. §. 2. de pos.* Quæ gravis antimoniam, etsi utraque *L. ejusdem auctoris. Duar. ad Tit. D. de pos. C. 4. Resp.* regulariter ante privilegia *d. L. 7. §. 2.* quoties nempe dominium non transferitur: Quoties autem transferitur, (ut in specie *L. 24. Depos.*) post privilegia *d. L. 24 §. 2. Pac. 4. Q. 79.* distinguit an depositarius in rem agat *d. L. 7 §. 2* an in personam *d. L. 24 §. 2.* Et Ant. Fab. 2. *Err. Prag. 2.* si res extat et vindicatione repetitur, non cogitur de ordine cum cæteris litigare, quia non ut creditor agit, sed ut dominus. Ast si non extet vel extet quidem sed depositi actione, forte dominii probatione non suppetente, repetatur, de ordine illius inter reliquos creditores disputari. Convenit Forner. 3 *Sel. 8.* quia ait *d. L. 24 §. 2.* post privilegia potior ratio eorum, qui fidem publicam secuti, et ita generi per speciem derogatur. Et ratio differeutiæ personalis actio depositi a die initi contractus nata exinde demum competere in depositarium cœpit, ideoque posterior obligatio anteriorum creditorum jus non tollit. Contra rei vindictio cum res extat, quæ ubi sit, domini manet, nec veteribus depositarii creditoribus pignoris jure obnoxia, in qua non de contractu, sed de dominio quaeritur. Atque hæc sane actionis realis et personalis distinctio in *d. L. 24. §. 2.* habetur. Verum *d. L. 7. §. 2.* non distinguit, quin titulus sub quo locata est, arguit de actione depositi et ex contractu ibi tractari. Quare magis placet, quod Timæ Fab. 1. *Ann. 7.* distinguit num pecunia obnoxia deposita, ut idem corpus in specie restituatur. De quo loqui *d. L. 7. §. 2.* arguit, *L. seq. 8.* Ubi vocatur fraudator, qui dici nequit, si

quantitas vel ut tandundem in genere redderetur concedita. Sed *d. L. 24. §. 2.* accipitur ubi convenit tantundem in genere reddi, quo casu dominium transferitur et in creditum itur. Hic igitur depositi agens post privilegia venit, potior tamen cæteris, quia fidei magis quam commercii causam continent, idque significant verba aliud est credere, aliud deponere. Quod vero habetur *d. L. 24 §. 2. vers. sed enim* de illo genere depositi quo corpora nummorum eadem reddi placuit, accipi vult Timæ Fab. Qui et *ibid.* redarguit Molinæum, qui supervacuum hoc depositarii privilegium esse censuit, cum vindicando omnes vincere possit. Quid enim si dominii probatio deficiat, depositi autem ceu facilis suppetat, quid si res consumptæ, etc. Confer. Hot. *Cons. 79.* ubi in specie, qua is qui prius alteri omnia bona pignori obligavit ratione mercium acceptarum, res depositas vendidit, nec illæ vindicari possunt; obligatio autem illius qui merces vendidit, non tota præsens, sed solutio in partes divisa, suo cuique tempori attribuitur, deponentis potioris causam esse respondit. Depositum vero fictum et confessum solum non gaudere prærogativis veri depositi, docent Tiraq. *de Retr. convent. §. 4. Gl. 6. n. 14.* Cagnol. in *L. singularia 15. de reb. cred. n. 33.* Cæterum venditori, si dominium transtulit, nec pignoris jus sibi servavit nulla prærogativa, quoad res venditas adhuc exstantes, Gerard. Maynard. *Lib. 2. Decis. 45. Coler. Decis. 279. n. 6.* Excipitur nisi fraude circumventus sit, Maynard. *d. Lib. 2. Decis. 46.* Veluti si ante venditionem emptor fugam vel cessionem bonorum meditatus, tunc enim nec fide de pretio habita dominium transit, vid. Gail. 2. *Obs. 15. n. 8.* et 3. *seqq.* ubi probe notandum monet.

10) Etsi solum bona fide, antequam alii in possessionem missi, non repetatur *L. 22. Quæ in fr. cred. Coler. Decis. 137 n. 6.* et 7 vide citatos *infra C. ult. IV. 8.* Cæterum apud nostros ex *constit. Elect. Augusti vulgo Torgisch Aussreiben ann. 1583. edita tit. vom Wucher und nachgelassenen Zinsen* in concursu creditorum usura ita demum solvuntur prioribus, si omnibus antea de forte satisfactum. Quomodo et apud suos judicari refert Maynard. *Lib. 2. Decis. Tolos. 32.* quia forte recepta nihil perdidit, quo ad reliquum de lucro sollicitus postponendus ei, qui damnum vitare satagit. Aliud tamen in usuris pretii non soluti statuit mollier. 1. *Semestr. 28.*



legium personale. Itaque non modo illi heredes non præferentur sequenti uxori in dote exigenda: sed ne concurrent quidem cum

ea, quasi ejusdem tituli sint; cum sequens uxor non tam in privilegio dotis sit prior quam sola.

## C A P. XVI.

De separatione bonorum quæ distrahi oportet ex edicto. Ad hunc Titulum Digestorum.

*Nexus et continuatio; rerumque partitio; quid sit separatio bonorum. I.*

*In tali separatione spectari 1. An quis illam postulanti sit debitori; quando sit talis, aut secus. II.*

*2. An creditores utrinque cum debitore contraxerint omnes, an aliqui dumtaxat. Quid priore casu. III.*

*Exceptio, ejusque modificata ratio. IV.*

*Quid: cum alii creditores contraxerunt cum debitore, alii secus: aut hi cum diversis debitoris decessoribus V.*

*3. An bonorum separationem defuncti sui debitoris postulent creditores hereditarii, an vero creditores heredis postulent bonorum hujus separationem.*

**I.** **Q**uod assequuntur creditores privilegio exigendi, ut aliis prælati videlicet citius, et uberius suum teneant: hoc consequuntur et separatione bonorum debitoris; cum ex his certa quædam separantur a cæteris et ipsis attribuuntur, unde præcipiant soli, quod sibi debetur, cæteris creditoribus exclusis. Quibus creditoribus quorum bonorum et quanta separatio ista concedatur, videndum est. Nam neque tribuitur omnibus, neque omnium bonorum, neque semper cum quaeritur, quis separationem bonorum impetrare debeat.

**II.** Ante omnia spectandum est, utrum debitor, de cujus bonis agitur, postulanti separationem, aliquid debeat, an nihil. Cum is, de cujus bonis agitur, nihil debet, sic statuatur, eum frustra postulare sibi bona aliqua separari, quæ separata non possit distrahere, ac ne possidere quidem. Finge unius debitoris bona ad alium, qui et ipse aliis debeat, esse translata ex emptione, donatione, aut alia iusta causa ex qua res singulæ transferuntur. Non ideo prioris debitoris creditores recte postulerint separationem eorum bonorum, quæ olim debitoris sui fuerint. Non enim amplius ea bona sunt illius: sed ejus in quem postea sunt translata. Hic

*VI. Tom.*

*Et quid in utroque casu. VI.*

*Exceptio posterioris casus. VII.*

*Separationem bonorum ejus, qui cum diversis creditoribus vice fungatur et decessoris et heredis, qui talium creditorum semper obtineant, et qui adversus unos recte, adversus alios non ita. VIII.*

*Separatio bonorum excluditur eorumdem confusione aut distractione; et quomodo. IX.*

*Item voluntate creditoris, aut tempore.*

*Hoc cujusmodi. X.*

*Separatio prævio decreto a superiore Magistratu impetranda. XI.*

*Quid bonorum separationi consequens. XII.*

autem prioris illius debitoris creditoribus non est obligatus. Atqui si cujus debitoris defuncti bona ad alium, qui et ipse habeat suos creditores, perveniat jure hereditario, defuncti creditores jure postulent separationem bonorum ejus, ut infra dicetur. Cur hæc tam varie? quia eam separationem sibi concedi postulant in bonis, quæ nunc heredis esse cæperunt. Ut autem ipsis olim defunctus, sic iisdem nunc heres obligatur.

**III.** Cum hi postulabant separationem bonorum, quos constet creditores esse jus de cujus bonis agitur, secundo loco considerandum erit, utrum tam hi, qui postulant, quam hi adversus quos postulatur, omnes cum debitore ipso contraxerint, eorumque decessores, an vero alii cum eo contraxerint, alii non contraxerint. Si omnes creditores, inter quos res agitur, contraxerunt cum ipso debitore, nulli adversus cæteros datur bonorum certi alicujus temporis, aut certæ conditionis separatio. Ut puta, nulli datur separatio eorum bonorum, quæ fuerunt, cum ipse contraxit: aut eorum, quæ fuerunt, castrensia, idcirco quia tanquam cum milite contraxit, sed omnes, quod ad separationem pertinet, in eadem sunt causa.

**IV.** Solum excepti sunt filii familias militis cre-



creditores, qui cum eo, cum jam miles esset, contraxerunt, quos placuit in castrensibus bonis filiifamilias præferri cæteris ejus creditoribus, qui antequam militaret, cum eo contraxerunt, atque ita ea bona a reliquo peculio filiifamilias ipsis separari. Præterquam si cujus ex his pecunia in rem patris versa fuerit: hoc jus cum proprium statuatur in filiifamilias creditoribus. L. 1. §. 1. *si filiusf.* et L. seq. *D. eod.* Quid de cæteris omnibus, qui pariter contraxerunt cum debitore suo, judicandum sit, apparet: quamquam ejus juris ratio paulo post melius intelligetur. Quod attinet ad filiifamilias creditores, habet superior exceptio hanc rationem. Est enim æquum creditores eos, qui personam militis ideo secuti sunt, quia bona propria sibi haberet, unde dissolveret, non decipi his bonis sibi ereptis, et in alios, qui non tantum cum milite contraxerunt, translatis. Et tamen si possit creditor militis cum patre eodem nomine in solidum experiri, et rem servare: recte constituitur non esse, cur cæteris creditoribus noceat non necessaria separatione.

V. Oportet igitur, ut possit esse separationi bonorum locus, ex creditoribus debitoris inter quos de separatione contenditur, alios esse qui contraxerint cum debitore, alios qui non contraxerint: aut certe contraxerint cum diversis, quorum in jus successerit is debitor, cujus bona nunc possidentur: quod nunc accedit, cum is, qui ex persona sua quibusdam debuit, heres extitit ei, qui et ipse

habuit suos creditores, aut qui duorum diversorum debitorum hereditates adiit, heres enim non minus obligatur hereditariis creditoribus, quam suis propriis: tametsi cum illis nihil contraxerit. L. *more, D. de adquir. her.* hoc cum proponetur, nondum tamen satis.

VI. Etiam interest, idque tertio loco videndum, utrum hereditarii creditores postulent separationem debitoris sui defuncti, an creditores heredis postulent bonorum hujus separationem. Hereditarii creditores impetrant ut bona defuncti, ejusdemque debitoris sui sibi a separentur. L. 1. §. 1. *D. eod.* nec interest utrum pure his debeat, an in diem, an sub conditione. L. 4. *eod.* In creditoribus hereditariis numeramus non tantum creditores defuncti, sed etiam eos quibus legatum est: quos etiam impetrare posse bonorum separationem, scriptum est ex Juliano in L. *penult. eod.* sed ita, ut defuncti creditores prius suum consequantur: cum autem creditoribus solidum acquisitum fuerit: tum quod<sup>3</sup> reliquum est, detur legatariis, ut inde illis vel solidum legatum vel portio quæretur; prout scilicet erit modus ejus, quod reliquum est. Hæc enim sententia est Juliani in *d. L. penult.* in pr. Idem significatur in L. 4. in fi. *eod. tit.* Ex contrario heredis creditores, id est ii, quibus actio cum herede primum nata est, non impetrant separationem bonorum heredis. *d. L. 1. §. ex contrario.* Cujus rei eodem loco hanc rationem<sup>4</sup> reddit Ulpianus: quod suos creditores onerare potuerit heres, ut

1) Tametsi A. Fab. 1. *Jurispr.* 6. *Pr.* 5. *Illat.* 3. *pag.* 242. et seq. totam decis. *d. §. 9.* Triboniano acceptum ferat Quam vero aut ex merito alii viderint.

2) Ac etsi chirographarii creditores defuncti, ex hoc edicto potiores hypothecariis heredis in bonis hereditatis, arg. L. 1. §. 3. *h. t.* Quod obtinere censet, judicatum referens, Io. P. *Surd.* *Dec.* 319. *n. 12* etsi nec petita a chirographario hæc separatio. Nam, ait, ubi jura plurium veniunt in personam unius, quodvis retinet naturam suam, et habetur ac si essent duæ personæ. Quare sicuti si defunctus viveret, ille utique in ejus bonis præferretur ita et præferri debet eo mortuo. Enimvero ex mera juris ratione, cum hereditatis quæ fuerunt bona, heredis additione ejusdem effecta sint: par esse inde omnium creditorum, tam defuncti quam heredis, conditio debebat; Dispar vero ita demum, si qui ex alterutris hypothecæ vel specialis privilegio niterentur. Unde chirographarii ipsius defuncti (nam in hypothecariis ejusdem res expedita, quibus nec mero jure creditores heredis quicunque potiores esse possunt) jacturam facerent debiti indigne, inopi et ære alieno obruto adeunde hereditatem idoneam, ni prætor illis succurreret hoc edicto. Eveniret enim, ut licet defunctus solvendo fuerit, bona tamen ejus fiant non solvendo propter concursum creditorum heredis, quibus absque hoc esset, æquæ ex istis satisfaciendum foret, vid. Cujac. *QQ. Papin. ad L. 3 h. t.* A. Fab. 1. *Jurispr.* 6. *Princip.* 5. *Illat.* 3. et 2. *Err. Prag.* 2. Quid si ipse heres creditor defuncti, num et suum creditum consequetur in separatione, ceu hereditarium? Vid. Jo. P. *Surd.* *Decis.* 92.

3) Confer. A. Fab. *ad L. 8. §. 15 D. de transact.*

4) Quæ rationis ratio? Ita videbitur: Creditoribus heredis imputari potest, quare non prius exigerunt, si postea plures novos creditores nanciscatur debitor, aut quare sibi non per pignora caverunt. Alias nisi contrahendo cum posteriori nocere priori posset debitor, sequeretur semper separationi locum fore, ratione bonorum quæ tum temporis quisque habuit cum contraheret. Quomodo in effectu quasi omnia essent pignori. Contra creditoribus defuncti inique noceret factum heredis, cum quo nec contraxerunt, nec de eo quidquam dum contraherent cum defuncto, cogitantur. A. Fab. 2. *Err. Prag.* 2. Plane beneficio inventarii si utatur heres, per illius personam creditoribus quoque propriis succulitur, ne si chirographarii solum sint, concurrentibus defuncti creditoribus et separationem non petentibus, parte debiti excidant. Quo excederent, etsi bona propria heredis solvendo, si ab eo hereditas, quæ non solvendo, adita, quod his separatio non concedatur *d. §. 2.* Recte tamen A. Fab. *d. Err.* 2. erroris arguit, qui inde novo jure edictum hoc Prætoris sublatum comminiscuntur. Sicuti et in aliis separatio ista, quæ ex beneficio inventarii contingit, ab hac nostra differt, vid. idem 1. *Jurispr.* 6. *Princ.* 5. *Illat.* 3. *pag.* 240. Quin et Jo. P. *Surd.* *Decis.* 310. *n. 14* istam non propriam esse separationem ostendit. Quippe inventarii hic effectus: ut impediat, ne bona et jura heredis confundantur cum hereditariis. Et hic itaque potius declaratur immixtionem factam non esse, *Surd. d. loc. n. 17.* In propria autem separatione quæ vere antea confusa et commista sejunguntur.

ut contrahendo cum aliis, sic et adeundo. Nam et adeundo quodammodo cum creditoribus hereditariis contrahitur, L. 3. in fin. *D. quib. ex caus. in pos. eat.* Alienis autem creditoribus suo facto nocere non potuit. Unde etiam intelligi potest, cur inter eos omnes, qui cum eo contraxerunt, non sit separationi locus.

VII. Sunt tamen duo genera creditorum heredis, quibus separatio indulgetur aliis quidem propter personam ipsius heredis: aliis autem propter ipsorum creditorum conditionem. Et quidem heredi quanvis majori vigintiquinque annis hereditate ab ipso adita interdum succurritur, ut perinde bona testatoris veneant, atque si hereditas adita non esset: hoc autem fit, cum heres suspectam hereditatem dicens, quam restituere rogatus erat, compulsus est eam adire et restituere, ac deinde non reperitur fideicommissarius, cui restituat. *L. apud, §. utrum, D. ad SC. Trebell.* Hoc ipso casu æquum visum est, et creditoribus ejusmodi heredis desiderantibus idem præstari. *L. 1. §. quæsitum, eod.* Et recte: neque enim ferendum est, quod factum heredis ne ipsi quidem heredi nocet, id ejus creditoribus nocere: atque hoc genus separationis ex persona heredis impetratur ab ejus creditoribus. Est etiam cum persona creditoris ejus locum faciat separationi, quod placuit in patrono hereditatem liberti defuncti, ut sibi debitam petente: qui ut eam uberiores habeat, desiderat eam separari ab ea hereditate, quam libertus vivus adierat, ne admissis prius creditoribus hereditariis, si reliquum detur patrono, patronus aut nihil aut minimum consequatur: hoc in *L. penult. §. ult. D. eod.* Et sane non debet esse in potestate liberti fraudare patronum, non necessaria onera suscipiendo. Tum autem æquum est, patronum in bonis liberti præferri alienis creditoribus.

VIII. Quod si eveniet, ut idem defunctus cum diversis collatus sit modo heres, modo is, cui succeditur (quod accidit cum Primus Secundum instituit heredem, Secundus Tertium. In hac enim specie Secundus cum Primo collatus heres est, idem collatus cum Tertio, est decessor et is cui successum est) hoc, inquam, si eveniat, in eo supra scripta regula utemur, scilicet ut si Secundi

Tom. VI.

creditores postulent separationem adversu creditores Primi, non impetrent: quia in hac comparatione sint creditores heredis qui separationem postulent adversus creditores testatoris: at iidem Secundi creditores si separationem postulent adversus creditores Tertii, impetrabunt; quia Secundus Tertio sit decessor, Tertius Secundi heres. Adversus autem Secundi et Tertii separationem citra controversiam impetrabunt Primi defuncti creditores: hæc ad hanc sententiam *L. 1. §. secundum eod.* Si idem creditor et defuncti creditor sit, et heredis (quod contingit, cum debitor dedit fidejussorem, et fidejussori suo postea heres extitit) tanquam defuncti creditor recte separationem bonorum defuncti petit. *L. 3. D. eod.*

IX. Ex his apparet non in omnibus omnium debitorum bonis postulari posse separationem: sed in duobus generibus dumtaxat: nempe aut in bonis castrensibus filiifamilias militis, aut in his, quæ ante defensorum debitorum fuerunt, nunc unius esse cœperunt ex hac causa, quod is alteri heres extitisset: si modo bonorum defuncti sive hereditariorum postuletur separatio. Quæ cum in persona creditoris, et bonis debitoris concurrent, haud dubie statim separationi locus est. Sed sciendum est ut maxime omnia admittant initio separationem, non tamen semper perseverare potestatem ejus postulandæ, sed eam certis de causis excludi. Excluditur autem aut bonorum, de quibus agitur, confusione, aut eorum distractione, aut creditoris voluntate, aut tempore. Bonorum confusione si ita bona hereditaria confusa sunt aut mista cum bonis heredis, ut discerni non possint. *L. 1. §. 5 præterea, D. eod.* Distractione, si heres bona, quorum postulatur separatio, vendidit: multoque magis, si et tradidit. *L. 2. D. eod.* non erit in eadem causa quod pignori tantum de bonis hereditariis obligatum est ab herede. *d. L. 1. §. sciendum, eod.* Exstat enim id adhuc in bonis, et ubi sit, intelligitur: hic tamen et confusio bonorum, et distractio rata est: si ut in *d. 6 L. 2.* scriptum est, *nulla fraudis incurrat suspicio.* Etsi enim illic de hereditate vendita agitur, non de confusis, et commistis bonis: tamen ea ratio ibidem reddita est, quæ pariter ad omne factum heredis pertinet.

11\*

5) In *d. §. 12* non confusio accipienda, quæ sit juris potestate per editionem; eam enim separatio supponit. Sed vera et realis mistio corporum in hereditate cum corporibus bonorum heredis, vid. *A. Fab. 2. Err. Prag. 2 pag. 46.*

6) Quia suo jure utitur in eo heres, qui animus creditorum hereditatis de separatione petenda ignotus, *Ant. Fab. supra d. Illat. 3. p. 246.*

tinet. Nam, inquit Papinianus, *quæ bona fide medio tempore per heredem gesta sunt, rata conservari solent*: ex quo eadem opera intelligimus, et cur superiora facta heredis excludant separationem bonorum, fecerunt enim, ut bona jam amplius hereditaria non essent: quod servandum est, et illud præterea ut nihil quod per heredem fraude gestum sit medio tempore, ratum haberi oporteat: fraus in eo est, qui sciens bona defuncti solvendo esse, sua non esse, bona hereditaria nulla necessitate rei familiaris alienavit: quæ in universum in fraudem creditorum alienentur, dicam sub Titulo de iis, quæ in fraudem creditorum alienata sunt.

X. Voluntate sua removetur a separatione creditor, qui sponte heredis nomen et obligationem secutus est, quod is fecisse intelligitur, qui quid cum eo gessit, contraxitve de integro, quod non ad exigendam pecuniam necesse haberet facere: sed quod voluntate ejus factum pertineret ad renovandam, et constituendam, differendamque obligationem. Veluti si idem stipulatus est ab eo novandi animo, si pignus accepit, si accepit uuras, non quæ competierant, sed quæ ita sint constitutæ de integro, ut his contentus vellet creditor solutionem expectare: hæc sententia *L. 1. §. illud, §. item quaritur, §. si pignus eod.* Non est in hoc numero is qui 7 judicium dictavit heredi, quia ex necessitate hoc fecit: sic enim scriptum est in *L. ult. eod.* Id autem valet, non impetrat separationem, qui cum herede judicio egit de debito: necesse enim habuit id facere, si ad suum jus pervenire vellet: necessitas autem electionem, et consensum non habet. *L. rem legatam, D. de adi leg.* Tempus ad postulandam separationem constitutum est 8 quinquennium, ultra id igitur non postulabitur. *L. 1. §. quod dicitur eod. tit.*

XI. Separatio non fit jure ipso: hanc a magistratu impetrari oportet. Impetratur autem a prætore, aut præside: id est eo magistratu, cujus in jurisdictione summum est imperium, non ab ullo alio *L. 1. in pr. et*

*§. de his eod.* Conceditur autem decreto *d. L. 1. in prin.* id est caussa cognita an admittenda sit necne, *d. L. 1. §. de his.* In caussa hæc erunt quæ supra concurrere debere dixi, ut separatio admittatur.

XII. Separatione bonorum defuncti impetrata suum quique creditores ex bonis sibi attributis, quod poterunt, consequuntur. Si totum non poterunt; queritur, an ea vis sit separationis, ut penitus ab aliis bonis separatis excludantur, quanvis dimissis ipsorum creditoribus aliquid ex his supersit. Id quod efficere videtur separatio. De eo ita placuit, si postquam creditores defuncti suum consequuti sunt, supersit quid ex bonis defuncti, creditoris heredes id habere possent in debitum suum: est enim revera heredis: at bonis defuncti non sufficientibus, si quid supersit ex bonis heredis id creditores defuncti non habebunt: est enim id quidem heredis, et heres creditoribus hereditariis est obligatus: sed 9 imputare sibi debent, si cum essent bona heredis idonea, maluerint his repudiatis bona defuncti sibi separari: sic tamen, ut justa eorum ignorantia 10 veniam mereatur: hoc Ulpianus in *L. 1. §. item sciendum, penul.* quod verbis Pauli plenius positum est in *L. si creditores, eod.* Exstat Papiniani sententia in *L. 3. §. ult. eod.* existimantis, in quovis creditore, qui separationem impetravit, probandum esse, ut si solidum ex hereditate, id est bonis defuncti servari non possit, ita demum aliquid ex bonis heredis ferat, si creditoribus heredis satis factum erit. Sed perspicuum est, eam sententiam nominatim notari a Paulo in *d. L. si creditores, 11 vers.* quod si. *Quod si propriis, inquit, ad solidum pervenerunt, id quod supererit, tribuendum hereditariis quidam putant: mihi autem non videtur*; hoc Paulus: quo nihil apertius. Hoc igitur sequimur repudiata Papiniani sententia: quasi nota et reprehensio Pauli esset a Justiniano profecta, ut ipse Justinianus fieri jubet in *L. 1. §. sed neque, et §. et omnis, C. de vet. jur. enuc.*

CAP.

7) Illic sibi imputet, hic novatio necessaria non nocet, nec actiones exercendo conditio cujusquam deterior fit, per vulg. Ant. Fab. *d. Illat. 3. pag. 245.*

8) Quia etsi hoc Prætoris subsidium æquitate summa nitatur, tamen cum tollat potestatem ac effectum juris communis, quo additione confusio bonorum inducitur, tempore coarctatur, Ant. Fab. *d. loc.*

9) Ubi ratio differentiae. Nihil imputari potest creditoribus heredis, qui non postulaverunt (neque etiam potuerunt ut *h. C. N. 4.*) sed aliis postulantis inciderunt in separationem, Cujac. 27. *QQ. Papin. in L. 3. §. ult. h. t. add.*

Asin. *de Exsec. §. 7. C. 21.* Sane si idem et defuncti creditor, et heredis diversa ratione, ejusdem crediti, portionem is quoque facit aliis creditoris heredibus in residuo ut in specie *d. L. 3. §. 1.*

10) Impetrata restitutione in integrum ex caussa erroris, Cujac. *d. loc.*

11) Convenit Cujac. 27. *QQ. Pap. ad d. L. 3. §. ult. et 23. QQ. Pauli ad d. L. 5.* Papinianus æquitate niti docens per voculam *commodius d. §. ult. Ulpian. d. L. 1. §. pen.* et Paulum *d. L. 5.* contradicere eidem. Nec nisi distinctione juris et æquitatis hoc dissidium componi posse.

## C A P. XVII.

## De curatore bonis dando, et ad hunc Titulum Digestorum.

*Necessitas curatorem dandi bonis possessis a creditoribus; et ordo rerum. I.*

*Dari curatorem bonis qui postulent a magistratu; et an detur cognita causa, vel secus. II.*

*Datur curator a prætore, non ex privato creditorem consilio. III.*

**I.** **B**ONIS a creditoribus possessis, multa sunt quæ fieri in bonis intersit et debitoris, et creditorum: a creditoribus tamen geri non possint: ut proinde res flagitet, aliquem dari, qui interim dum aliquis defensor expectatur, curet, et administret ea, quæ dixi. Sæpe res urget, ut quædam alienentur ex bonis; ne vel illa, vel alia pereant. Multæ etiam sunt res, quæ tempore corrumpuntur, et deteriores fiunt, quæ nisi distrahantur suo tempore, necesse sit, earum pretium nobis perire; ut frumentum, vinum, oleum, poma, legumina, omnesque omnino fruges; quædam animalia propter impendia magis onerant. Imminet præterea interdum æs alienum grave, quod ex pœna crescat ut expediat in primis id dissolvi, quod fieri non potest, nisi pecunia quæ est in bonis, alienetur, aut aliæ res distrahantur, ut conficiatur pecunia ad eam rem. In quibus omnibus alienatio bonorum etiam in rem debitoris est necessaria. Sæpe utile est agi nomine debitoris, ne actio tempore pereat. Horum vero per creditores nihil potest expediri. Nam hi cum domini non sint, cumque his nondum permissum sit bona distrahere, ea scilicet nec vendere, nec alio modo alienare possunt. Agere autem nomine debitoris multo minus: ut pote qui non habeant actionem. *L. si pupilli, §. ult. D. de neg. gest.* At expediri ista possunt, si quis publica auctoritate constituatur curator bonis: ut hi possunt, qui instituuntur curatores furioso,

*Datur tamen is, in quem major pars creditorum consenserit. IV.*

*Et hic voluntarius, non invitus, nisi ex magna necessitate. V.*

*Qualis et quanta sit curatoris bonorum potestas. VI.*

prodigo, surdo, muto. Hac de causa comparatum, ut bonis possessis curator iis daretur, per quem subsidio obirentur illa, quæ dixi: his enim rebus dari eum; et præfici constat: ut interim quæ urgebunt, distrahantur: *L. si quis instituitur, 23. §. 1. D. de hered. inst.* id est quæ necesse erit distrahere, ne aut percant, aut servata rem minuant. *L. Fulcinius, §. adeo, D. quib. ex caus. in pos. eat.* Item, ut si quod est grave æs alienum, quod ex pœna crescat, et maxime si publicum debitum imminuat, id solvatur per curatorem. *d. L. si quis, §. sed etsi, de her. inst. d. L. Fulcinius §. adeo. L. 1. in fin. D. de cura. bon. dan.* Item ut instituat actiones, si quæ sint ejusmodi, quæ tempore periturae sunt. *L. creditores, 14. D. de reb. auct. jud. pos.* Quo recepto videndum est, quibus postulantis curator bonis detur: quis constituat: quis detur: quæ sit dati potestas, quod officium.

**II.** Curator bonis constituitur, postulantis creditoribus; nempe iis <sup>2</sup> quorum interest; quorum etiam ex consensu constituitur. *L. 2. D. de cur. bon. dan.* Quod si aut pupilli vel furiosi bona passessa sint, aut ejus in cujus bonis deliberant scripti heredes de adeunda hereditate, nihil prohibet et illic amicos aut conjunctos furioso, vel pupillo postulare curatorem: aut hoc idem facere heredes, qui de hereditate deliberant, quorum propter spem hereditatis interest bona non deminui. Quemadmodum et in causa ventris cu-

<sup>1</sup> Qui debitor vivo, olim magister bonorum, mortuo, curator dici, Scip. Gentil. *Orig. Lib. Sing. pag. 279.* Confer. Gœd. *ad d. L. 57. de P. S. n. 2. et 3.* Cujac. *ibid.* Ræv. *ad L. 148. de R. I.* Cæterum de hac materia etiam *supra Lib. 3. C. 23.* Ac præter illos citatos consuli possunt Menoch. *Arb. C. 150.* Gail. *2. Obs. 139.* Alb. Galeot. *Mar-*

*garitæ aureæ C. 8.* Moller. *4. Semestr. 23.* Choppin. *de Privil. rust. Lib. 1. Part. 1. C. 6.* Ces. Contard. *in L. dif-*

*famari C. 6. n. 53. et seqq.*  
<sup>2</sup> Quin et posse hunc dari ex judicio parte non petente, docet Asin. *de Execut. §. 3. C. 103. et seqq.* ubi vide.

curatorem ventri petit mulier eo, quod ejus interest. L. 1. §. *quoties*, D. de vent. in pos. mit. Nemine curatorem petente, prætor curatorem non dabit: quanvis creditores in bona miserit. Sic jus est, ut eum de curatore constituendo adiri oporteat. L. 2. in pr. D. eod. Sed utrum cum petitus est curator a creditoribus, prætor statim eum dabit, an in ea re causa cognita est opus? Et quamquam frustra datur curator; si nulla res urgeat ex iis, propter quæ eum constitui diximus: tamen an hoc ita sit, nec ne, fides ejus rei penes creditores, et eos, quorum interest, esse debet: ac debet curator omnino constitui his postulantibus. <sup>3</sup> Etenim si est aliquid in bonis, quod desideret operam curatoris, non est denegandus: si nihil est, non eo minus debet dari: cum ea datio nihil noceat curatori: qui si nihil administret, ubi nihil est, quod administretur, non tenetur.

III. Quis curatorem constituat, jam dixi, prætor scilicet in eam rem aditur, qui et constituit curatorem. d. L. 2. eod. Quod si creditores privato consilio convenerint et elegerint unum per quem bona distraherentur, hic non est curator: eoque ut non tenetur iis, a quibus electus non est, ita etiam his res administrando nihil <sup>4</sup> nocet. L. ult. eod.

IV. In ea administratione qua res ad creditores pertinet, etiam geritur de consensu et sententia creditorum, itaque is datur, quem major pars creditorum elegerit. d. L. 2. eod. Et solet constitui unus ex creditoribus. L. si diu. 8. et L. seq. in pr. L. Fulcinius, §. adeo, D. quib. ex caus. in possession. eat Sed possunt etiam plura constitui, ut si forte negotio sint diffusa, nec unus facile possit sufficere omnibus. d. L. 2. §. 1. et §. ult. eod. quamquam et hoc ex consensu creditorum transigitur. d. L. 2. in princ.

V. Invitus nemo cogitur fieri curator bonorum: nisi ex magna necessitate, et Imperatoris arbitrio hoc procedat, ut invitus creetur. d. L. 2. §. *quæritur*. Magnam necessitatem accipiemus, si ex causæ, quas initio dixi, aperte curatoris operam desiderabunt, cæterum nemo erit quanvis idoneus, qui non hoc munus volens suscipiat. Etenim scriptum est in L. 1. §. ult. D. de muner. et honor.

curatorem bonis datum fungi munere personali, ex quo colligi videtur, munus hoc esse. Quod si munus est, sine dubio invito imponitur. Munera enim publica sine justa excusatione detrectari non possunt. Sed non si hæc cura munus personale esse dicitur, ideo simpliciter recte colligitur munus esse. Aliud est enim, si quærat, an curatoris bonorum munus sit publicum: aliud, si quærat, quale sit munus publicum, personale, an patrimonii. Si munus est, personale est, non patrimonii, de quo agitur in d. L. 1. de mun. et sane interdum est munus, et tale quod detrectare non liceat: sed non semper, quod superiore dicto non negatur.

VI. Curatori bonorum pro potestate ei data ea licet, quarum rerum gratia eum constitui initio dictum est. Res custodire videlicet, ut suas. L. inter, D. admi. tutor. eas, quæ mora deteriores futuræ sunt vendere. d. L. inter. æs alienum dissolvere, pecuniamque in eam rem conficere. d. L. si quis instituitur; §. sed etsi, D. de here. inst. actiones maxime quæ perituræ videantur, exercere. Nam et hæc curatori utiles competunt. L. 2. vers. *eisque actiones*, D. de cur. bon. dan. Sed et vicissim in curatorem <sup>5</sup> utiles actiones competunt. L. 2. 1. resp. eod. quibus cum illo aut ii creditores experiuntur, qui se ad bona possessa, ut cæteros admitti velint, et negentur esse creditores: aut creditores omnes in hoc, ut pecuniam, quam ex rerum distractione redactam habet vel distribuatur pro portione inter creditores, vel iis solvat, quibus sub pœna debebatur. In quibus omnibus ita curatores creati dominorum loco habentur, ut quæcumque per eos gesta sunt, rata sint: et si forte et ad agendum, vel ad defendendum dent procuratorem (quod post litem ab eis contestatam eis facere jus est, L. neque. C. de procur.) a procuratore neque de rato, neque judicatum solvi satisfactio exigatur nomine ejus, cujus bona venerunt: sed nomine ipsorum curatorum, qui procuratorem dederunt, quasi dominorum. d. L. 2. in pr. Si plures curatores creati sint, in solidum agere possunt singuli, et non pro portionibus: præterquam si per regiones certas fuerint constituti. Ergo, ut quis in solidum

<sup>3</sup>) Confer. *supra* Lib. 3. C. 23. n. 4. 5. N. 1. et Forst. 2. de Success. intest. 9. n. 8. Anton. Del. Re de Juram. calum C. 15. 300. et seq. ubi notat, judicem domicilii dare curatorem hereditati jacenti.

<sup>4</sup>) Et ita licet creditores possint eligere per quem bona distraherentur, multum tam inter eum et datum a prætore interest. d. L. ult. Anton. Fabian. Jurispr. 12. Princip. 3.

<sup>5</sup>) Quæ utrinque utiles, quia nemo actiones directas habere potest, quæ alteri prius acquisitæ, cum ex a persona separari nequeant L. 55. de procur. L. 60. ad Tribel. A. Fab. d. Princip. 3. Contra DD. vulgo.

<sup>6</sup>) Non tamen tutoris loco est, ut in ejus bonis jus prælationis oriatur L. 22. §. 1. de reb. auct. jud. vid. Vanderan. de Privil. cred. C. 7.



dum agere, ita et singuli conveniri possunt in solidum, etiam si is conveniatur, qui nihil ex bonis attigerit, non secus, quam si

in solidum egisset, administrasset. L. 2. §. si plures, et §. ult. et L. 3. D. eod.

## C A P. XVIII.

De his quæ in fraudem creditorum alienata sunt, ut restituantur.  
Et ad Titulum hunc Digestorum.

*Edicti partes, et divisio rerum. I.*

*Edicto ea revocari, quæ quis habere desiit; quot sint habendi modi. II.*

*Quibus modis quis desinat habere rem aliquam. III.*

*Item actionem. IV.*

*Item exceptionem. V.*

*Alienata omnino revocari ex edicto, etiam si uni soluta ex creditoribus Interpretatio. L. pen. D. quæ in fraud. VI.*

*Alienata etc. ita revocari, si in alienante fuerit fraudandi animus, cum eventu; in accipiente scientia fraudis; et alienatæ res, de quibus distrahendis agitur. VII.*

*Eventus fraudis si desit, aut in fraudem consenserint creditores non erit edicto locus. VIII.*

*Item si absit fraudandi animus: quæ talis animi indicia. IX.*

*Item si fraudis ignarus ille, qui rem in fraudem alienatam accepit. X.*

*Interdum tamen revocatur ex edicto*

*quod quis alienatum accepit fraudis ignarus; et quibus in casibus. XI.*

*Fraudis particeps et ille dicitur, qui creditorem unum ex multis scivit fraudari. XII.*

*Revocari distrahendi bona dumtaxat, nec nisi a die venditionis illorum competere revocatoriam. XIII.*

*Actio hæc, quæ in factum dicitur, cui competat. XIV.*

*Et adversus quos. XV.*

*Datur hæc actio in id, ut quod amissum est, restituatur, sive rei Dominium, sive obligatio, sive actio. XVI. XVII. XVIII.*

*Amissum vero ex hac actione restitui necesse est cum omni causa.*

*Hoc quale sit. XIX.*

*Actio hæc a die venditionis intra annum competit; heredi et in heredem datur ex eo dumtaxat, quod ad hunc pervenit. XX.*

**I.** Hæc omnia eo constituta sunt, ut creditores in possessionem missi suum consequantur. Sed consilium prætoris fraude debitoris inverti potest: nisi occurritur. Potest enim alienare, quæ habuit; ac quanvis bona ejus a creditoribus<sup>1</sup> possessa sunt, tamen cum ipse adhuc bonorum sit dominus, necesse est, quæ a domino facta est, ratam esse alienationem. Dum ergo id agit prætor, ne creditores fraudentur, ac frustra missi sint in possessionem, adversus hanc fraudem consultum est edicto prætoris creditoribus: dum ea revocat, quæ in fraudem alienata sunt. Extat edictum partim in L. 1. partim in L. ait prætor. Quo et se ad ea revocanda, quæ alienata sunt in fraudem, actionem daturum pollicetur, et simul interdicti formulam pro-

ponit, quod ad eam restitutionem sit daturus, cui nisi pareretur, sequebatur illa in factum actio, quam pollicebatur. Edicti pars prior, qua pollicetur actionem, est in hæc verba: *Quæ fraudationis causa gesta erunt cum eo, qui fraudem non ignoraverit, de his curatori bonorum, vel ei, cui de ea re actionem dari oportebit, intra annum, quo experiundi potestas fuerit, actionem dabo. Idque etiam adversus ipsum, qui fraudem servabo.* Sequitur formula interdicti, quam edicto suo præscribebat prætor ut sciretur, quam formulam de ea re daturus esset. Hoc interdictum olim præcedebat ex quo nisi res esset restituta, sequebatur in factum actio ex causa interdicti, ut Justinianus significat in §. ult. Instit. de interd. de quo nunc non est di-

<sup>1</sup> Hoc itaque velle videtur hic Donellus actionem hanc non dari, nisi cum res in quas immissio facta, post eam missionem alienatæ. Quæ si illius mens in eo, nec secum ipse convinci videtur. Qui ad §. 6. n. 9. Paulianum dari sive bo-

na possessa sint, sive non, docet per L. 15. L. 17 §. 1. d. t. quæ tamen parum ad rem faciunt. Tametsi immo verissimum sit etiam antea fraudulentè alienata sic revocari, vid. h. C. N. 19.

dicendi locus. Hæc autem erat actio, quam supra prætor pollicetur: formula interdicti hæc quæ extat in *d. L. ait prætor. Quæ Lucius Titius fraudandi causa sciente te in bonis, quibus de agitur, fecit, ea illis, si eo nomine quo de agitur, actionem ex edicto meo competere, esse oportet, et si ei non plus, quam annus est, cum de ea re, qua de agitur, experiundi potestas est, restituas*. Et hactenus quidem proponit actionem prætor adversus eum, qui fraudem non ignoravit. Sequitur altera pars edicti, qua actionem pollicetur causa cognita etiam de eo quod in fraudem alienatum sit ignorante eo, ad quem pervenit: quæ particula subjicitur continenter interdicto in *d. L. ait*, his verbis: *Interdum causa cognita, etsi scientia non sit, in factum actionem permittam*. In his explicandis omnis est posita sub hoc titulo in Pandectis veterum interpretatio. Quorum omnium jus et sententia facile, et sine ullo errore intelligi, et memoria teneri potest, si hæc capita rerum in verbis edicti,

et interdicti observentur: quæ deinde singula ordine exsequamur, ut ad ea interpretatio illa revocetur: hæc, inquam, capita: Quæ revocentur hoc edicto, quibus conditionibus: tum ejus rei nomine quæ actio, cui, in quem ad quid detur, et quandiu.

II. Revocat prætor, quæ gesta sunt fraudandi causa: sed ita, ut ea<sup>2</sup> restitui jubeat. Sic enim verba interdicti concepta sunt, *Quæ Lucius Titius fecit, restituas*. Restitui illa intelliguntur, quæ ab aliquo profecta postea ad illum redeunt. Ex quo verbo intellectum est, etsi de omnibus gestis prætor initio loquitur: tamen edictum tantum ad ea referri, quæ quis cum haberet, amisit, fecitque, ut ad alium pervenirent: quod autem cum posset querere, id non egit, ut acquireret: veluti si legatum, aut hereditatem sibi delatam repudiavit, eos, quibus delata est, quos in potestate sua habet, filios aut servos emancipavit, aut manumiserit: ad id, inquam, edictum non pertineret<sup>3</sup> *L. quod autem*, 6. princ. *hoc tit.* Interim illud ma-

ne-

2.) Ubi necesse est ut res in bonis debitoris fuerint per §. 6. *I. de act. verbis: rem suam* Vultei. in *d. L. 6 n. 28*. Wes. *Cons. 17 n. 27*. (etsi post obligationem contractam quæsitæ, Vult. *d. loc. n. 29*.) idque probandum est hic agenti, Wes. *d. n. 27*. Et ut traditio facta sit; aut dominium translatum, alias non dicetur alienatum *L. 67 d. F. S. L. 1. C. de fund. dot.* Vult. *d. loc. n. 33*. Copes. *ibid. n. 6*.

3.) *L. non fraudantur* 134 pr. *de R. I. L. 67 §. 1. et 2. ad Sc. Trebel. L. 28 pr. d. F. S.* quia facultas adeundi vel agnoscendi legati, jus nondum quæsitum, non est in bonis nostris. *L. 42 de acq. do. L. 5 §. 5. de jure dot. L. 53 §. 13. de don. int. vir. L. 1 §. 23. de collat.* cum aut a lege obveniat, aut a defuncto deferatur, ita ut agnoscere vel non agnoscere liberum sit. Nic *Valla de Reb. dub. Tr. 12. n. 2 et n. 7*. Annæ Robert. 3 *Rea. jud. 12. pag. 717*. P. Fab. *ad L. 78 et seq. de R. I. p. 356*. Gasp. Schifordegher. *Lib. 1. ad A. Fab. Tract. 9 Q. 1*. Quin jure hic suo uti repudiatis, nec fraudulenter versari vel cuiquam injuriam facere videtur *L. nemo 151. de R. I.* cum non obligatus sit debitoribus, ut acquirat, sed de acquisitis conveniri possit. Wes. *Cons. 17. n. 42 et n. 46*. Nec juris ratio patitur quem compelli, ut agnoscat hereditatem vel legatum, Valla *d. Tr. 12. sub si.* cum et adeundo quasi contrahere heres videatur. Ac sicut liberum est contrahere, ita et acquirere, cum in alienando quæsitum, non autem in non querendo, præjudicium alteri fiat, Gæd. *ad L. 28. pr. de F. S. n. 19*. Quævis autem legatum, retro nostrum sit, nisi repudiatur: attamen aliud cum repudiatur *L. 5 §. 6 vers. et ait Julianus D. si quid in fraud. patrôn.* Barg. *Lib. 5 de Dolo C. 6. n. 84* Rob. *d. C. 12 p. 717*. Et quævis ignoranti, id acquiratur, non tamen invito, nec id lex vult ut nolenti liberalis acquiratur, A. Fab. 8 *Conject. 19*. Licet item in suis hereditibus, citra additionis solemniam, continuatio domini intelligatur: tamen et horum abstinatio a paterna hereditate fraudulenta non habetur *L. 3 C. h. t. de revoc. his quæ in fr. cred.* Rob. *d. loc. vid. Wes. d. Cons. 17. n. 44. et seq.* Nec si præteritus vel exheredatus filius ære alieno obrutus cogitur querelam inofficiosi vel conditionis ad expletionem legitime exercere urgentibus creditoribus arg. *L. 1. 8. Si quid in fraud. patrôn.* Quævis autem quoad legitimam recusationem questionem varie tractatum refertur, Rob. *d. C. 12. quod quasi quoddam æs alienum sit*, in qua creditor filius habeatur, vivo etiam patre Fab. de Anna. *Cons. 86 n. 3. 45*. probatius tamen nec ad eam petendam filium a creditoribus suis recte compelli,

sive chirographarii hi, sive hypotecarii per *d. L. 6. §. 2 et L. 19. h. t. L. 1. §. 8. si quid in fr. patrôn. L. 67. §. 1. ad Treb.* Quomodo Lutetio judicatum, Valla *d. Tr. 12. in fin.* (Etsi alio tempore idem Senatûs contra censuit, teste Rob. *d. C. 12. sub si. in not. marginal. Gallieis*) vid. Wes. *d. Cons. 17. n. 44. et passim* Fachin. 13. *Contr. 46* Et renunciationem legitimæ vivo patre, ceti in fraudem creditorum factam non revocat, contra Ancharan. *Cons. 101. sumat* Io. Gutier. in *Repet. C. quævis 2. de pact. in 6. n. 24*. Quia si hereditas delata omitti potest, item legatum, quod recta tamen via transit, magis deferenda. Nec est quod juste hic conquerantur creditores: sive sine obventuræ paternæ hereditatis contemplatione filio crediderint, fiducia bonorum aliorum, quia nulla horum sit diminutio: sive ejus intuitu, quia et imprudentes si obligari putant, possunt bona, in quibus nondum jus ullum debitori et impudentes si filio, ut capiet patris successorem, incrementum præbent; Rob. *d. C. 12. sub si.* Obje. (1) *L. 45. pr. de jure fisci* ubi et si non queratur, in fraudem fisci alienatio habetur. Plerique resp. Speciale id esse in fisco ejusque debitor, Cujac. 8. *Obs. 9*. Rob. *d. C. 12. p. 717*. Fachin. 13. *Contr. 46. in fin.* Barg. *Lib. 5. de Dol. C. 6. n. 83*. Schiford. *d. Tr. 9. Q. 1*. Melius Valla *d. Tr. 12. p. 278*. verba si non queretur, exponit, quando debitor dominium ejus rei, quæ illi ex contractu vel quasi debetur, querere neglexit, ut si obligationem remisit vel rem tradi recusavit. Convenit P. Fab. *ad L. 78. et seq. de R. I. referens d. L. 45. pr. ad speciem L. 1. §. 7. si quid in fraud. patrôn.* Quæ eadem in *L. 3. §. 1. h. t.* Equæ aptior ratio conciliandi *d. L. 45. pr. cum L. 26. eodem tit. de Jure fisci*, quam quæ allata a Cujac. *d. C. 9.* intricata fere ut quid sibi velit aggre colligas; aut quæ a Pacio 7. *Enant. Q. 75.* qui vult regulæ quæ *d. L. 45. prin.* exceptionem tradi *d. L. 26.* Cujus ratio sit quod hereditas ipsi filio delata, ac naturalis affectio potius videatur fuisse causa emancipationis, quam ut frans fisco fiat. Quamquam si quis vulgari sensu *d. L. 46.* acceptam malit, tutius adhaerere possit solutioni, Gilbert. *Regil. 1. Enant. 14.* Quod casus sit specialis in *d. L. 26.* Cujus ratio, quia pater invito filio, si is noluisse adire, non quævisisset hereditatem. Non autem verosimile est ibi aditurum filium ut patri, et per eum fisco acquirat. Objeicitur (2) *L. 5. §. 8. de reb. eorum qui sub tutela*, ubi repudiatio legati a pupillo, alienatio vocatur. Respond. Gæd. *ad L. 28. princ. de Verbor. Significat n. 21.* loqui *d. §. 8. de legato vindicationis per verba cum res sit pupilli*, quod sine prævia agnitione ipso jure ac-

nebit, quicquid quis habuit, sive fecit re-  
cta; ut desineret habere, sive ita se obliga-  
vit ut cogeretur postea desinere habere, sive  
etiam id ei ablatum est, id omne hoc edicto  
4 revocari. L. 1. in fin. L. 3. in fin. eod.  
Habet quis aut rem aliquam pleno jure, aut  
actionem tantum ad rem consequendam, aut  
eam ad tempus retinendam exceptionem.

III. Rem, quam quis habet, desinit ha-  
bere, quia alienat, vel habet pro derelicta,  
vel sinit usucapi, aut non utendo perire:  
quomodo amittuntur servitutes. Ita non alie-  
natio tantum: sed omnis amissio superior ad  
hoc edictum pertinebit. L. 1. in fin. L. 3.  
illie, aut usumfructum.

IV. Desinit quis habere actionem his mo-  
dis, si aut debitorem, vel<sup>5</sup> pignus acce-  
ptilatione pactove liberet, aut ita non agat,  
ut dies actionis exeat: aut lite mota ad ju-  
diciū non adsit, quo facilius reus absolvat-  
ur. Proinde quicquid horum gestum erit,  
quod amissum est, revocabitur. L. 1. in fin.  
L. 2. L. 3. L. si pignus, L. debitor, L.  
ult. in princ. eod.

V. Desinit quis habere exceptionem ad rem  
suam retinendam, qui id quod debebat in  
diem, ante diem solvit. Quapropter et hu-  
jus quoque temporis intermedii commodum  
placet<sup>6</sup> revocari. §. ait, §. si cum in diem  
L. omnes, §. ult. eod. Sed etsi quid ereptum  
sit debitori, id debitor habere desinit: et  
dum propter fraudem ejus contigerit, ut ei  
auferretur, ad hoc edictum pertinet, quod  
in hac specie responsum est, cum creditor  
debitorem fugientem persecutus pecuniam ei  
abstulit. L. ait, §. si debitorem

VI. Non intererit, qua ex causa quid a-  
lienatum sit, ut ex hoc edicto revocetur:  
nihil intererit, puta: donaverit quis, an ven-  
Tom. VI.

diderit, atque adeo an ex causa, quæ ne-  
cessaria, aut publica videatur, solverit. Ita-  
que etiam res in fraudem creditorum doti  
data, aut constituta 7 repetitur. L. ait, §.  
si cum mulier, L. ult. §. 1. eod. Quinetiam  
si debitor solverit uni ex creditoribus: etsi  
maxime creditor suum recipit: et debitor vi-  
detur necesse habereolvere: tamen hacte-  
nus revocatur pecunia, ut is qui accepit,  
vocetur in portionem, exæqueturque cæte-  
ris creditoribus, qui in possessionem missi  
sunt: quorum scilicet cum jam par conditio  
esse cæperit, aperte fraudantur, nisi omnes  
exæquantur. Hæc Juliani est sententia, qua  
nos uti Ulpianus ait. L. quod autem, §. sci-  
endum: cui cum fuerit contraria sententia  
Labeonis, quod Ulpianus refert in ead. L.  
in §. præced. perspicuum est eam ab Ulpia-  
no repudiari: congruit L. cum in vetus, 22.  
eod. Et ideo quod legimus in L. penultim.  
eod. cum tutor pupilli solvit creditori, etsi  
pupillus se abstineat, creditorem tamen tu-  
tum esse adversus cæteros creditores quacun-  
que in parte id legimus, sic accipere debe-  
mus, si id factum est bonis pupilli non pos-  
sensis. Et quod dicitur in eadem L. securum  
esse creditorem, cui tutor solvit, etsi res in  
eo esset, ut bona debitoris vānirent: sic in-  
telligi debet, si bona vendi potuerint ex edi-  
cto, si quis rem persequi vellet, non si jam  
bona possessa sint; quomodo<sup>8</sup> accipi debet  
similis locus in L. 6. §. 1. D. de reb. auct.  
jud. pos. Ergo illis locis declaratur, quid  
ratum sit ex his, quæ tutor pupilli qui se  
abstinuit, gesserit ante abstentionem credito-  
ribus nondum in possessionem missis: quod  
ad hunc tractatum non multum pertinet.

VII. Non simpliciter si quid alienatum,  
remissum, contractum sit, revocatur hoc e-  
di-

12

quirebatur, et ita tractari non de occasione querendi sed  
amissione quaesiti. Verum et indistincte loquitur dict. §. 8.  
et differentia illa sublata, legesque ex persona Justiniani ac-  
cipienda. Potius dicendum cum Petro Fabro ad d. L. 78. et seq.  
p. 350. id speciali ratione in pupillo, ut alia receptum esse,  
ne inconsulta facilitas ipsi noxia sit. Aliter Schifordegher. d.  
Q. 1. ubi et objectionem ex L. 2. §. 5. de hered. vendit. et  
L. 1. §. pen. Si quis omitt. caus. testament. satis diluit.  
Nunquid heres ejus, qui legato nondum agnito decessit, re-  
pudiare id in præjudiciū creditorum suorum item heredita-  
riorum possit, disceptant Fachinæ. 6 Controv. 83. Bargal.  
Lib. 5. de Dolo C. 6 n. 85 et seq. et Schifordegher. d. Tr.  
9 Q. 2. et 3. Denique hinc inferunt maritum obierat, posse  
renunciare lucro dotis a statuto concessio; item filium qui ex  
statuto posset excludere sororem, eandem admittere posse,  
ut et qui rogatus post mortem restituere hereditatem statim  
posse, vid. Rolandum a Valle de lucro dotis Q. 40.

4) Quibus modis contrahendo, distrahendo, negligendo et  
fraus fiat creditoribus fuisse singulatim exponit Celsus Bargal.  
Lib. 5. de Dolo C. 6.

5) Etsi enim remissio pignoris donatio non est d. L. 18.  
et L. 1. §. 1. Quibus modis pignus. solu. nec inde remissio  
sortis inducatur, ut suo loco, unde eadem inter conjuges li-

cita, hanc tamen in re fraus incurere potest, si qui pignus  
dederat non solvendo fiat. In renunciatione quoque bene-  
ficioꝝ ecclesiasticorum fraudem fieri, declarat Barg. d. C.  
6. n. 65. et seqq. ut et beneficiorum fidejussoris ibid. n. 80  
ac delatione vel relatione juramenti L. 9 §. 5. de jurejur.

6) Vid. Bargal. d. C. 5. n. 57. et n. 75.

7) L. 14. vers. ult. D. L. 2. C. h. t. Etsi enim dotis  
causa favore digna, tamen nec libertatis, cujus major favor,  
datio in fraudem valet, cum species furti sit de alieno largiri  
vid. Gæd. ad L. 125. de F. S. n. 6. Non obst. L. 1. §.  
10. Si quid in fraud. patro. Alia enim patroni ratio qui lu-  
crum captat, alia creditorum qui suum repetunt. De dote in  
fraudem data, vid. Barg. Lib. 5. de dolo C. 6. n. 50. et 6.  
seqq.

8) Solutum uni creditorum quando et quatenus ab aliis  
potiori, vel æquali jure nitentibus revocari possit, quando in  
communem conferendum; etc. ac de vera dd. LL. sententia  
varie nostri tractant. Quæ dum differo remitto ad P. Fab. ad  
L. 78. et seq. d. R. I. p. 356. sub fin. et p. seq. A. Fab.  
20. Cont. 14. Gail. 2. Obs. 25. n. 14. et seqq. Flores. Dec.  
1. Var. QQ. 6. Jo. Bapt. Asin. Fr. de Execut. §. 7. C.  
3. Rauchbar. P. 2. Q. 9. Hart. Pist. Lib. 3. Q. 20. Casp.  
Schifordegh. Lib. 1. ad Ant. Fab. Tr. 8. Q. 4. et seqq.

dicto, sed his conditionibus, si quid horum gestum sit fraudandi causa et cum eo, qui fraudem non ignoraret, et in his bonis, de quibus agitur: quibus verbis quatuor exiguntur, in debitore alienante consilium fraudis, et eventus; in accipiente ejus consilii scientia; in rebus alienatis, ut sint ex iis bonis, de quibus distrahendis agitur.

9.) De requisitis hujus actionis vide Sneyd. *ad* §. 6. *I. de act. n.* 51. et *seqq.* Vult. *ibid.* n. 16. et *seqq.* Bargal. *Lib. 5. de Dolo.* C. 8. Trentacinq. *Lib. 2. Pract. Resol. Tit. de Excep. Resol. 4 add.* Wurm. *Tit. 28. Obs. 4. P. Vanderan. de Privileg. credit.* C. 11.

10.) Quæ utraque hic concurrant oportet, Facit. *L. fraudis* 89. *de R. I.* vid. Vult. *ad* §. 6. *L. de act. n.* 41. et *seq.* Barg. *Lib. 5. de Dolo.* C. 6. n. 36. et *seq.* Moller. *Lib. 5. Semestr. Differ.* 1.

11.) Qui probatur aliorum bonorum debitoris excussione, Bargal. *d. C. 8. n. 12* de qua *h. C. IV. 20.* Atque hinc videri potest hypothecariis creditoribus hac actione non succurri. Id quod A. Fab. 20. *Conject. 16.* adstruere et operosius firmare nititur Caspar Schifordegher. *Lib. 1. ad Ant. Fab. Tract. 8. Quæst. 1 2 3.* Quibus succinunt Vinc. de Franth. *Decis. 101. n. 9.* et 10. ac Trentacinq. 2. *Pract. Res. t. de Excep. Resolut. 4. pr.* Rationes Fabri hæc: (1) Non possunt dici hi fraudati alienatione, cum pignoris obligatio rem et possessorem quemvis sequatur. (2) Hæc actio fictione nititur, fingens rem non fuisse alienatam quæ vere est *L. 10. §. 22. h. t. L. 38. §. 4. de usur.* Fictioni nunquam locus nisi ex necessitate; quæ hic nulla, cum possessio avocari possit Hypothecaria vel quasi Serviana, remedio expeditiori in quo et levior probatio et proinde facilior obtentio. Cui igitur bono Prætor hanc proposuisset illis, qui pleniori jure suo auxilio juvantur. (3) Omnes præcedd. Tituli ad Chirographarios solos pertinent. De hypothecariis locus proprius est *Lib. 20. D.* Illis addit Schifordegh. *d. Q. 1.* (4) Edicto nostro mentio Curatoris bonorum, Is constituit bonis pignori nexi nullibi legitur. (5) arg. *L. 10. §. 13. L. 22. h. t.* Qui in vetus creditum pignus accepit, ob id tenetur Pauliana; Quod si hypothecario daretur Pauliana, non eandem amitteret creditor ob pignus sibi obligatum; ne eadem ratio sit actionis consequenda et amittenda. (6) Hac agens necesse est missus sit in possessionem. *L. 6. §. 7. h. t. §. 6. I. de act.* Qui autem pignus tenet mitti in possessionem nequit per *L. 13. h. t. 7.* Denique per *L. 2. C. h. t.* tum per verba: *quibus pignora, etc.* tum quia, ut Pauliana locus sit requiritur, ut non sufficiant bona debitoris. Atqui semper satisfieri potest creditori ex persecutione pignoris. Contra Myns. *ad d. §. 6. n. 37.* Sneydvin. *ibid.* n. 27. et Vult. n. 49. Qui movetur (1) generali verbo *creditorum* in Edicto. Nostrum igitur non est distinguere. (2) Ne obsit creditoribus hypotheca, cum sæpe Hypothecariæ probationes graviores sint, ut expedit Pauliana agere. (3) Nec alias earum plures in eandem rem concurrere actiones. Cui sententiæ accedo. Quam liquido probat *L. 21. h. t.* cuius sensum planiorem nequicquam obscurare nititur Schifordegh. *d. Tr. 8. Q. 3.* Si namque *d. L. 21.* Paulianam actionem is qui emit a creditore pigneratitio, intentat, ceu scite arguit ipseque Schifordegh. ponit, quo quæso prætextu, quoque jure successor singularis ea actione experitur, si auctori suo non nata aut in ejus persona antea non constitit. Neque enim in persona emptoris incipere potest, cum in hujus fraudem, quippe qui postea emit, nihil actum fuerit, Fac. *L. un. C. Ut act. ab hered.* Vult. Schifordegher in specie *d. L. 21.* creditori hypothecario competere non hanc Paulianam, sed actionem pigneratitiam contrariam contra debitorem pacto illo de finibus malitiose in re versatam. Ea quia successor singulari non competat, ideo Paulianam emptori accommodari quæ ad successores alios transit *L. 10. §. ult. h. t.* In quo sane pugnantia loquitur. Neque enim competere potest successor nisi quæ et antea competit auctori. Supine idem errat dum ait *d. L. 21.* non de pignore a debitore alienato, sed de immunito ejusdem jure finibus coangustatis tractari, nec pactum istud de finibus alienationem fraudulentam habendam esse. Quid? Anne hoc edictum ad corporum solum alienationem coercendum proditum, annon late verba ejus patent, ut quævis immunitio juris, unde præjudicium creditori metuitur, alie-

VIII. Consilium dico in debitore, et eventum <sup>10</sup> quæri, idest, ut fraudandorum creditorum causa quid factum sit, et <sup>11</sup> eventum fraus habuerit. *L. si quis eum, 15. L. ait, eod.* Finge igitur aliquid alienatum esse in fraudem creditorum: cæterum creditores fraudatos non esse: cessabit revocatio: propone animo, quibus modis non fraudulentur cre-

natio habeatur. Esto autem istud ( quod oppido falsum. ) Nonne qui fines fundi pignorati coangustat, corporalem partem fundi ( cuius eadem quæ totius ratio *L. 76 pr. de R. V.* ) alienat? Rationem si consulere non vis, consule sensum communem vel exteriorem. Nec aliud oculis tuis se exhibebit. Jus fundi minuitur servitute remissa, corpus ipsum, finibus coarctatis. Et tu hæc pro iisdem aut similibus ejusdem generis habere potes. Piget plura. Superest ut rationes adversas diluamus, quo ipso pariter sententia hæc haud parum corroborabitur. Ad (1) resp. Etsi alienatio debitoris in jus pignoris non imminerit, fraudatio tamen in eo, quod difficilior ejus jam persecutio reddita. Ac quod eventum fraudatus sit creditor inde æstimatur si ex bonis residuis suum recipere nequeat. Alias dicendum foret, eum, qui fidejussorem accepit, hac actione quoque non juvari, si hujus accessoriaræ obligationis ope salvum servari possit creditum. Quod dicere nolim. Neque enim quæ roborandæ obligationi accedunt, parte alia eandem infringere debent, aut adimere laxiorem agendi facultatem. Ad (2) resp. Rationi huic si qua, vis, hoc efficit quod Pauliana non inducenda hypothecariorum gratia creditorum, quibus ordinaria juris via prodita. Ast postquam jam inducta, quin iisdem una accommodari debeat nihil impedit, immo multa sunt, quæ suadeant, arg. eorum quæ *supra Lib. 21 C. 3. n. 2.* Sic heredis civilis causa non inventa bonorum possessio: eidem datur tamen *§. 1 in fin. I. de bon. poss.* Ast, dicis, expeditior hypothecaria, levioris probationis. Immo, inquam, pluribus casibus expedire potest hac potius experiri. Graviore, natura sua probationes Pauliana requirit. Esto. Ast quid si hæc suppetant, illæ autem hypothecariæ requisitæ non item. Ista si summa consecutio, omnis concursus actionum tolletur. Vix etenim est ut non concurrentium altera expeditior sit alia, si utriusque naturam per se et in these spectes. Ast in hypothese si si facultatem auctoris intuemur: sæpe gravior probatio unius actionis suppetit deficiente alia leviori alterius. Sicuti et sæpe consultius est leniori quam pleniori experiri. Age vero: Hypothecaria non datur in heredes. Pauliana datur. Illa in loco rei sitæ: hæc, si in personam est, contentende id Fabri, in foro domicilii rei intentarii potest. Jam pone: Cajus Seio oppigneravit monile pretii 100. aureorum. Idem, absente Sejo, fraudandi causa, Titio fraudis conscio vendit. Hic istud Mævio gemmario pro 100. aureis vendit; qui secum in longinqua regionum exportat. Nonne hic expedit Sejo Titium ejusve heredem in propinquo degentem in solidum pretium rei, juxta *L. 9 in fin. h. t.* Pauliana convenire, quam anxia cura Mævium possessorem, aut cui is ubicunque terrarum alienavit, perscrutari ut Hypothecaria teneat ibidem. Sed et ponamus ab Hypothecario creditore eundem Pauliana impeti, qui Hypothecaria potuerat, verum ita, ut etsi pignori rem alienatam sibi præseferat, non tamen in eo suam intentionem fundet, sed in hujus actionis requisitis. Quid habet hic reus conventus quo actionem removeat. Anne dicit: Ast tibi hypotheca in re constituta est. Alia igitur actione experiaris. Nonne hoc modo sibimet adversabitur, se sua sententia condemnabit. Confer et huc accommoda not. *ad Com. Tit. de act. §. 4 n. 8.* Ad (3) Resp. non firma consecutio. Deinde et quedam de hypothecariis tractata ut *L. 34 de reb. auct. jud. pos. junctis iis quæ supra C. 15. n. 5 L. 37 ead. L. 24. §. 1 eod. junct. L. 1 in quib. ca. pign. Tac. L. 1. §. 3 de separat.* Denique etsi remedia missionis in possessionem etc. non sint hypothecario si jus hypothecæ persequatur. Quin tamen eo omissis, ita ut alius creditor ad eam venire possit, ordine juris servato, ambigendum non est. Neque enim jus pignoris reale quidquam imminuit personale jus obligationis. Summatim: Hypothecarius non mittitur in possessionem ex 1. vel 2 decreto ( ut vulgo ) non etiam Paulianam ideo intentat, quia est hypothecarius. Sed si intermissa persecutione pignoris, in illam mitti aut hanc intentare maluit, non inde repellitur quod sit hypothecarius; ne quo sibi plenius cavere voluit id ipsum duriore interpretatione con-



creditores: totidem de caussis cessare hanc actionem reperies. Et quidem citra controversiam non fraudantur tunc, cum bonis alienatis, suum consequuntur nihilominus: idcirco res dubitationem non habet, quia si fraudator pecunia aliunde accepta dimiserit creditores; idest iis solverit, his actio revocatoria non detur: plane iis dabitur, a quibus debitor accepit pecuniam, si eos fraudare voluit. De qua specie scriptum est in *L. ait, §. 1. eod.* sed etsi non consequuntur creditores, quod sibi debetur: tamen consensus eorum facit, ut non videantur fraudari, si vel consenserunt alienationi, vel pro fraudatore aliquem reum admiserunt, eo contenti. Nam et generaliter probatur, neminem fraudare eos, qui sciunt, et consentiunt. *L. nemo videtur, D. de reg. jur.* Ideo etiam in hac specie alienationis nominatim denegatur actio in *L. quo autem, §. præterea, eod.* et omnis creditor bonum nomen facit, eoque modo et debitorem, et ejus bona liberat, qui pro eo alium reum sequitur, et admittit. *L. inter, §. abesse, D. de mand.* hinc est illud quod scribitur in *L. ait, §. si quid in fraudem, vers. si vero, eod.* si defuncto fraudatori heres exstiterit eumque passi sint creditores, et quasi in creditum habuerint nomen ejus, vel <sup>12</sup> dulcedine usurarum, vel quam aliam rationem secuti, nihil revocari ex his, quæ testator alienavit: quod ita Ulpianus eo loco intelligit, ut ex præcedentibus liquet, etiam si is heres, quem creditores secuti sunt, postea in integrum fuerit restitutus: atqui isto modo in re ipsa fraus est sine dubio; quia damnum est: sed ut dixi, voluntate sua non fraudantur creditores, qui scientes talem debitorem sunt secuti. Videntur autem sic eum secuti esse, si cum eo quid gesserint de debito, et cum rem possent exigere, aut bona distrahere, maluerint obliga-

Tom. VI.

tionem cum eo renovare, et differre executionem aliquo commodo constituto illecti.

IX. Ex contrario propone fraudatos quidem esse debitores: cæterum debitorem nihil fecisse fraudandi causa: aperte edictum non dat actionem. Ut proinde ei, qui hac actione utatur, hoc probandum sit, debitorem fuisse hoc animo, ut debitores fraudaret; cujus rei probatio quia non est semper in promptu, quibus judiciis rerum hic animus arguatur; quærendum est. Et non dubium est eum fraudandi causa facere, qui sciat se habere creditores; se autem, ut sunt bona, non esse solvendo. *L. si quis cum, 15. eod. §. prævaluisse, Inst. quib. ex caus. man. non lic.* Sed non omnes sciunt se habere creditores; et ut sciant de creditoribus, non tamen sciunt quid habeant in bonis. Quin ita est ingenium hominum, ut plus de suis facultatibus existiment, quam in his est. *d. §. prævaluisse.* Ut plurimum intersit certa judicia hic habere, quibus remota omni necessitate scientiam istam probandi, fraus tamen debitoris convincatur. Et ut non probetur quis scire, se solvendo non esse, videtur facere in fraudem creditorum, quos scit se habere, quisquis <sup>13</sup> universa bona sua alienavit. *L. omnes, 17. §. 1.* Is etiam carere fraude non videtur, qui conventus testato a creditoribus, ne venderet, quasi solvendo non sit, nihilominus perseverat. *L. ait, §. si quis particeps. eod.* Ille quidem ab omni fraudis suspicione alienus est, qui rogatus hereditatem, aut rem aliquam restituere, cum in restituendo portionem ex lege Falcidia retinere potuisset, totum maluit restituere. Non enim facit fraudandi causa, qui ideo facit, ut fidem et debitam pietatem præstaret testatori. *L. patroni, 19. et seq. eod.*

X. Non est satis fraudem in re esse, et

12\*

frau-

tra eum producat. Ad (4) Resp. facilis ex dictis. Quin si Curator, sæpe datur toti hereditati et universis bonis, si ex istis quedam pignori nexa ea non minus ad curam illius pertinent. Nec ullibi exempta leguntur. Ad (5) Respon. Crassa fallacia. Discernenda personæ et causæ. In *d. §. 13. et L. 22. tenetur novus hypothecarius aliis creditoribus ideo quia in fraudem eorum constitui sibi curavit pignus.* Non ideo amittit ipse Paulianam contra alios in quos aliæ res debitoris in fraudem suam alienatæ. Neque etiam si post acceptum pignus in vetus creditum fraudulenta alia processit alienatio, ideo minus contra illam Pauliana ipsi prodita est. Ad (6) Respon. facilis ex solutione ad tertiam rationem. Ad (7) Respondendo. Retorqueo. Paulianæ actioni locus, ubi alia bona debitoris. Quippe pignus alienatum in bonis ejus amplius non est. Ergo. Neque enim vel verba vel mens *d. L. 2.* exigunt in Pauliana ut res nullo alio quoquo modo salva esse possit. De his satis.

12) Dulcedine legitur *d. §. 10.* Quomodo Accius acritu-

dinem et alia dixit, quæ annotavit ibi Gothofredus Et ita dulcedine in monumento antiquo relato a Phil. Camerac. 1. Op. succis. 96. Cujac. 7. Obser. 40. lectionem vulgarem *d. §. 10.* inane mendæ damnans sic legit: in creditum abierunt (ut *L. 5. §. pen. d. trib. act.*) vel nomen ejus. dulcedine, etc. Sed nihil mutandum. Nec inconcinne dicitur nomen in creditum haberi. Vid. et de *d. §. 10. A. Feb. 20. Conject. 14.*

13) Item si majorem partem vel res pretiosiores, Wurms. Tit. 28. Obs. 4. n. 7. Nic Vall. de Reb. dub. Tr. 12. n. 5. Bargal. Lib. 5. de Dolo C. 8. n. 27. et seqq. Nec tantum si donavit, sed et si venditione aliove titulo oneroso traustulit, vid. Trentacinq. 2. Pract. Resol. Tit. de Except. Resol. 4. n. 5. Sneider. ad §. 6. I. de act. n. 72. Generatim quibus argumentis hic fraus alienantis convincatur, vid. Nic. Valla *d. Tr. 12. n. 5.* Wurms *d. n. 7. et seqq.* Sneider. *d. loc. n. 70. et seqq.* Trentacinq. *d. Resol. 4. n. 4. et seqq.* fusc Bargal. Lib. 5. de Dolo C. 8. n. 14. et seqq.



fraudandi consilium in debitore, edictum etiam hoc exigit, ut qui accepit, sciat rem ita se habere: atque ita sit particeps fraudis, <sup>14</sup> *d. L. 1. L. ait, in princ. et §. quod ait, eod.* quod non utique is facere videbitur, qui eum, qui cum contraxit, creditores habere <sup>15</sup> scivit, *d. L. ait, §. quod ait*, sed qui et eum non esse solvendo scivit, et in fraudem creditorum alienare eo modo, quo supra dictum est: aut qui ipse obnunciantem creditore, ne emeret, nihilominus comparavit, *d. L. ait, §. si quis particeps, eod.*

XI. Interdum et si is, qui accepit, nesciat rem geri in fraudem creditorum, tamen datur actio ad revocandum, quod alienatum est. Sic enim verba sunt edicti, ut proposui: *Interdum causa cognita etsi scientia non sit, in factum actionem permittam, d. L. ait.* Quod duabus in <sup>16</sup> causis receptum. Una si is, qui accepit, non is fuerit, qui posset esse fraudis particeps, ut pupillus: altera, si donationis causa quid sit alienatum. Gestum est aliquid cum pupillo, et fraudati sunt creditores consilio debitoris. *Labeo ait, inquit Ulpianus in L. quod autem, §. si quid cum pupillo. Omnimodo revocandum: et rationem reddit: quia pupilli ignorantia non debet esse captiosa creditoribus, et ipsi lucrosa: eoque, inquit, jure utimur.* Quasi diceret: hoc jure utimur, tametsi edictum de sciente loquatur. Et observandum est supra scriptam rationem pertinere ad omnem pupillum, etiam cujus tutor ignoravit fraudari creditores. Ut dicendum sit, sive tutor fraudem scierit sive ignoraverit, revocari, quod

ad pupillum pervenit, et ideo ait, *id omnimodo revocandum.* Quod igitur idem Ulpianus scribit in *L. ait, §. ait prætor.* huic actioni locum esse, si tutor pupilli scierit, ipse pupillus ignoravit; de eo negotio dictum est, quod gestum est cum tutore: quo casu Ulpianus ait, etiam pupillum teneri de eo, quod facto tutoris ad eum pervenit, si modo tutor fraudationem non ignoravit: quod si res gesta sit <sup>17</sup> cum pupillo, aliud dicendum est: ne, ut supra dixit, ignorantia pupilli, id est, ejus, qui scire per naturam non potuit, noceat creditoribus. De eo quod donatum est in fraudem creditorum, idem Ulpianus ita scribit in *d. L. quod autem, §. simili modo. Simili modo dicimus, etsi cui donatum sit, non esse querendum, an sciente eo, cui donatum est, gestum sit; sed hoc tantum, an fraudentur creditores.* Diceret aliquis: at afficitur injuria is, cui donatum est, qui sine ullo delicto suo plectitur: occurrit huic objectioni Ulpianus, et subjicit: *nec videtur injuria affici is, qui ignoravit: cum lucrum ei extorqueatur, non damnum infligatur:* sed addit istos teneri hactenus dumtaxat, quatenus locupletiores facti sint: congruit, quod est in *ead. L. in vers. seq. et L. penul. in princ. et §. si prius, eod.*

XII. Sed quemadmodum oportet eum, cum quo res in fraudem gesta est, scire res ita geri, ut nisi id sciat, non competat hæc actio, ita si vel unum creditorem scit fraudari, cæteros ignoravit, ad scientiam, et participationem fraudis satis est, ut sit huic actioni locus: ita tamen, ut

<sup>14</sup> ) *L. 6. §. 8. h. t. Ratio in L. 9. ibi quia dolus h. t. vid. Sneydy. ad §. 6. I. h. t. n. 37. et seqq. Vult. ibid. n. 37. Bargal. Lib. 5. de Dolo C. 6. n. 37. et seqq.* Aliud in Calvisiana *L. 1. §. dolum 4. Si quid in fr. patr. Harpr. ad d. §. 6. n. 8. Ortol. Eoman. Disp. Inst. 28. Th. 13. lit. E. Ratio differentie in d. L. 1. §. 12. junctis iis quæ H. C. N. 24. Quid, si initio contractus fraudis inscius fraude comperta rem accepit? Et hic tenetur quia in emptione bona fides traditionis quoque tempore requiritur, ita Sneydy. *d. loc. n. 38. et seqq. Wurms. Tit. 28. Obs. 4. n. 6.* Quod Pluribus confirmat Barg. *d. C. 6. n. 43. et seqq. Quia L. 6. §. 8. h. t. habetur qui sciens suscepit.* Quo verbo tempus traditionis respicit.*

<sup>15</sup> ) Cujus scita ratio peti potest ex *L. doli 19. vers. ult. de Novat.* Adhæc nemo fere negotiorum, quantumvis ditionum creditoribus vacat. Bargal. *d. C. 6. n. 38. Oldend. Cl. 6. Act. 1. in Practica n. 4.*

<sup>16</sup> ) Vulgo et exceptionem statuunt ita debitore civitatis, ut cui ab hoc alienatum teneatur etsi fraudis inscius, per *L. 2. cir. med. C. de debit. civit. Lib. 11. tit. 32. Sneydy. ad §. 6. I. de act. n. 40. Trentacinq. 2. Resol. pract. Resol. 4. de Except. n. 8. Bart. et Dyn. citati a Barg. d. C. 6. n. 44. Qui recte ostendit hanc exceptionem regula non contineri, cum ibi non alienata revocentur, sed possessores pro rata rei possessæ ad solutionem debiti conveniantur.*

<sup>17</sup> ) Concoqui hæc vix posse videntur. Qui enim, inquit aliquis, durior conditio pupilli natura nescientis, quam alle-

rius, qui inquirendo scire potuit, et cui videtur imputari aliquid posse, quod obæratum esse alienatæ nescivit. Nonne alias jura magis ætati favent. Verum ita puto. Aut tutor adhibitus contractui et sive ipse principaliter contraxit, sive contractui impuberis auctoritatem præstitit, si fraudis inscius tutor cessat: hæc actio tum per *d. L. 10. §. 5.* tum ne facilius teneatur pupillus quam alius quod absurdum. Sin conscius tutor, datur actio non in solidum, sed quatenus locupletior pupillus *d. §. 5.* in quo mitius cum eo quam cum alio, personæ favore, agitur. Aut non adhibitus, et tenetur pupillus quatenus ex contractu eo lucrum cepit *d. L. 6. §. 10. v. lucrosa;* Ubi ratio dubitandi: Pupillus sine tutore rem suam augere potest. Ratio decidendi in *d. §. 10.* Et non favendum pupillo in alterius injuriam. Alias notorie obæratum fraudare volens creditores cum pupillo contraheret etc. Confer, P. Fab. *ad L. 78. et seq. de R. I.*

<sup>18</sup> ) *L. 17. §. 1. D. L. pen. C. h. tit. Ratio in d. 11. Fac. L. ult. sub fin. C. de codicill. Sneydy. ad §. 6. Inst. de act. n. 46. Vult. ibid. n. 37. Bargal. Lib. 5. de Dolo C. 6. n. 61. Trentacinq. 2. Pract. Resol. Tit. de Exc. Resol. 4. n. 7. Quare si dos data fuerit in fraudem, scientia respectu mariti requiritur, non autem uxoris *L. pen. §. 1. h. t. Trentac. d. loc. n. 8.* Refert tamen in modo revocationis: num qui ex lucrativo titulo possidet, scientiam habeat. Is siquidem tenetur, etsi non factus locupletior, ut si in rem donatam tantundem impendit etc. Bargal. *d. C. 6. n. 63. Nic. Valla de Reb. dub. Tr. 12. n. 53.**



ditos: proinde iis, qui fraudati sunt <sup>22</sup> danda est: quod et significatur in *L. si pater, eod.* ipsi fraudatori dari non oportet. Neque enim facium jure infirmare potest, et stulte ei committeretur hæc actio, qui nunquam ageret, quo magis fraudentur creditores.

XV. Datur in eum, qui cum res in fraudem gesta est, si fraudem non ignoravit. *L. ait. in princ. et §. ait, eod.* Nec in hujus persona quidquam intererit, utrum res ad eum pervenerit, nec ne, itaque et procurator alicujus, si sciens quid emerit a debitore fraudandi causa alienante, tenebitur hac actione, quanvis non ad eum res pervenerit, sed ad dominum. *L. ult. §. si procurator, eod.* In eum ad quem res pervenit, se fraudem ignoravit, hæc actio non datur, ne si cum eo quidem res gesta sit: quo fit, ut multo minus teneatur hac actione is, qui emit bona fide non a fraudatore, sed ab eo, qui prius a fraudatore sciens emerat. *L. qui a debitore.* Sane si quid gestum sit cum tutore qui fraudem non ignoret, etiam in pupillum hæc actio dabitur, de eo quod ad ipsum pervenit: ut tutoris scientia pupillo noceat: idemque in curatore furiosi et adulescentis dicendum est. *L. ait, §. ait, eod.* Nam et alias generaliter ex facto tutoris tenetur pupillus, ex facto curatoris adolescens, si quid facto tutoris ad istos pervenit. *tot. tit. quan. ex fac. tuto. D. et C.* Et, quod de re cum tutore gesta dictum est; valet in eo, quod gestum est cum servo sciente, ut de eo teneatur dominus, aut quatenus est in peculio, aut quatenus ad dominum pervenit, *L. quod autem, §. simili modo queritur, eod.* Si ad plures fraudis participes res pervenerit, omnes tenebuntur; ut puta filiafamilias nomine dos data est in fraudem creditorum, tenebitur et maritus, et mulier, et pater mulieris, si omnes fraudem scierunt, sed maritus, ut dotem jam nunc restituat:

mulier et pater, ut caveant, si ad se dos pervenerit, se restitutos. *L. ult. §. item si extraneus, eod.* Nec solum tenetur hac actione is, cum quo res gesta est, aut ad quem res pervenit: sed etiam fraudator. *L. ult. §. ult. eod.* ait enim prætor: *Idque etiam adversus eum, qui fraudem fecit, servabo. L. 1. eod.* quæ verba non putavit Mela ad debitorem fraudatorem pertinere, quia iniquum esset ex ante gesto actionem dari in eum cui bona essent ablata: ut Vennulejus refert in *d. L. ult. §. ult. eod.* Ipse autem putat eo loco etiam in eum hanc actionem dandam: si modo ita quædam diperdiderit, ut recuperari non possint, ut hoc casu non tam emolumentum actionis intueri videatur prætor in eo, qui exutus est bonis, quam <sup>23</sup> poenam. Cui sententiæ congruit illud Marcelli in *L. si pater, eod. tit.* existimantis, si pater filiofamilias liberam peculii administrationem concesserit, et talem, ut vel in fraudem debitorum posset peculium alienare, in patrem dandam esse actionem, quatenus de peculio alienatum est: quasi, inquit, pater alienasset.

XVI. Datur autem actio adversus eos, quibus cum res gesta est, quique fraudem non ignorarunt, in id, ut quod amissum est, restituant. *d. L. ait;* quo verbo quid contineatur, videamus. Et quod ad rem attinet, quæ alienata est, hoc continetur; ut possessio, et dominium restituatur. *L. hæc in factum, eod.* quæ ita jubetur restitui, ut nec precium emptori restitui oporteat; nisi forte nummi soluti existent <sup>24</sup> in bonis debitoris. *L. si debitor, 7. et L. seq.*

XVII. Si debitorem fraudator liberavit, hoc agitur, ut is qui liberatus est, restituat obligationem; puta, ut stipulatio quæ accepto facta fuerit, ex integro interponatur. *L. ait, §. exitus, L. omnes, in princ. eod.* Interponatur autem, qualis antea fuerat: scilicet, ut pura puræ: conditionalis cum sua

con-

<sup>23</sup>) Ut vel carcere et vinculis coerceatur Cujac. *12 Obs. serv. 5.* Oldend. *Cl. 6 Act. 1. n. 6.* Wurms. *Tit. 28 Obs. 4 n. 17.* Sneider. *ad §. 6 I. de act. n. 28.* statuens fraudatorem cedendo bonis carcerem non effugere, ut et Gæd. *ad L. 135 de P. S. n. 6.* ac Bargal. *Lib. 5. de Dolo C. 8 n. 65. ac seq.* Aliter A. Fab. *20 Conf. 13.* et aliter post Lud. Main. *Lib. 2. Act. C. 12.* Vult. *ad §. 6. I. h. t. n. 52.* qui ad hoc conveniri volunt ut revocationem fieri videat et pariat. Num autem et contra fidejussorem debitoris fraudatoris datur? vid. Bargal. *d. Lib. 5. C. 7. n. 88 et seq.*

<sup>24</sup>) Qua de re plenius Bargal. *d. C. 7. n. 42. et seqq.* ubi et querit non hic emptor saltem a venditore pretium recipere debeat. Quo ipsum affirmat rationibus hinc inde discussis *n. 47 et seqq.* Plane Calvisiana conventus pretium recipit *L. 1 §. 12 si quid in fr. patr.* ubi ratio differentiae junct. not. *h. C. 1. N. 14.* Adhæc ibi patronus lucrum captat, hic creditor damnum vitare studet, Ortolph. Foman.

*Disp. I. 28. Th. 13. lit. G.* Quid si emptor fraudulentus alii bona fide ementi vendidit? In solidum pretium rei quod accepit tenebitur *L. 9. h. t.* Ubi A. Fab. *20. Coni. 14.* vel verba quod accepit expungenda censet, vel legendum quod non accepit. Quid enim, inquit, si rem villosis vendidit, anne hoc damno creditoris cedet. Adhæc solidum pretium idem cum justo; ad differentiam conventi et accepti. Sed nihil mutari necesse est: si speciem ponimus, ubi fraudis conscius emptor carius vendidit alii, quam quanti ipse a fraudatore emit. Fere enim sit ut qui in fraudem alienat, si ei vendidit, qui fraudis notitiam habet, minori justo pretio transferat, ex quo nemo facile gratis malus est. Hic si alteri fraudis inscio iterum vendat, justum facile et solidum pretium consequetur. Ratio itaque dubitandi *d. L. 9.* videbatur quod actuarium secundi pretii, in quo pretium primæ venditionis excedit, in Paulianam non veniat, quasi lucrum id negotiationis potius sit. Contra deciditur.

conditione: in diem contracta cum sua die: temporaria, in id tempus duntaxat restauretur, quod tum, cum obligatio extincta est, obligationi supererat. *L. ait, §. præterea, et seq. L. omnis, eod.*

XVIII. Quod si quis per fraudationem natus sit actionem; si quidem adversus debitorem ipsum, qui se obligavit, hunc liberare debet: sin adversus alium, ut fit, cum debitor alicui res aliquas tradidit, ut ex Titio fraudem non ignoranti redderetur (quo facto Titio acquisita est adversus accipientem mandati actio) tum Titius hanc actionem debet actori cedere. *L. hæc in factum. eod.*

XIX. De fructibus, et caussa, omnique commodo, quod ex re alienata percipi potuit, tractatum est. Et sine dubio post iudicium acceptum omnis caussa præstabitur: id est fructus, et partus, omnisque accessio, non tantum quæ percepta est; sed etiam quæ percipi potuit, si res restituta esset, cum petita est <sup>25</sup> *L. ait, §. per hanc, et §. præterea, seq. L. ult. §. non solum, eod.* quod non in hoc genere actionis tantum, aut certis quibusdam servatur; sed in universum in omnibus. *L. vulgo, D. de usur.* Idque etiam restituendi verbum significat. *L. restituere, D. de verb. signific.* sed et qui fructus, cum res alienabatur, terræ cohæserunt, in restitutionem venient; quia fuerunt in fraudatoris bonis, ac proinde amissi sunt: qui vero medio tempore sunt percepti, non venient in

restitutionem: hac de caussa, quia non fuerint in bonis, hæc in *L. ult. §. non solum, et seq. eod.* et hoc est plane, quod dixi initio, nihil amplius revocari hoc edicto, quam quod amissum est, neque vero amittitur id, quod debitor non habuit.

XX. Sed his de rebus datur actio intra annum duntaxat, quo experiundi potestas est, *d. L. i. L. ait, eum annum jam dixi, ex* <sup>26</sup> *die venditionis bonorum computari. L. ait, §. annus, eod.* et cur, ostendi: hæc autem res declarat hanc actionem persecutionem rei non continere; cui consequens est, ut nec detur in heredem ejus, cum quo sciente quid fraudationis caussa gestum est. *L. in honorariis, D. de obli. et act.* Et sane ultra quam pervenit, datur hæc actio, et in dolum concipitur: cujus generis quæ sunt actiones, poenam habent, non persecutionem rei. *L. hujus, D. quod fals. tut. auct.* Sed ut cæteræ, quanvis nascentur ex edicto, idque puniant; tamen de eo, quod ad eum, cum quo agitur, pervenit, perpetuæ sunt, et dantur in heredem. *L. in heredem, D. de calumnia. L. quod diximus, §. ult. D. quod met caus.* sic et hæc etiam post annum de eo, quod pervenit, competit. *L. ait, §. actio hæc, eod.* eademque ad hanc usque quantitatem non tantum heredi, sed etiam in heredem <sup>27</sup> dabitur: quo sensu accipi debet, quod est in extremo *L. ait, eod.* quod et ex præcedentibus et capite sequenti apparet.

HUGO-

<sup>25</sup> ) Huc pertinet *L. 78. de R. I.* Ubi de hoc fuse tractat Petr. Fab. pag. 357, et seqq. add. Bargal. Lib. 5. de Dolo. C. 7. n. 30. et seqq. Io. Copus Lib. 4. de Fructib. Tit. 1. C. 6. Utrum autem sit hæc restitutio, agentine creditori, an debitori qui alienavit? Posterius contendit Trentacinq. 2. Pract. Resol. Tit. de Except. Resol. 4. n. 21. et Vult. ad §. 6. I. de act. n. 54. (1) quia hic sit restitutio in pristinum statum, ut perinde sint omnia, ac si nihil alienatum esset *L. 38 §. 4. de usur.* (2) quia intendit actor rem in bonis debitoris mansisse *d. §. 6.* Debitor itaque pro domino habetur proinde ipsi restituendum. Sed Vultejum refellit A. Fab. 20. Conject. 16. quia Pauliana agitur, cum jam debitor excussus et omnibus facultatibus exutus *L. ult. §. ult. h. t.* vid. supra N. 20 ubi jam bona vendita, ut nec ulla habeat nec habere possit nisi dimissis omnibus creditoribus. Ex quibus facilis ad objectiones solutio. Neque enim cum hac agitur, cætera sunt in eo statu quoad debitorem, quo erant tempore alienationis. Et quod hic nihil putatur, alienatio id efficit ut missi videantur creditores, tam in possessionem alienatorum, quam quæ re-

manserant. Hac actione ut liberetur reus oblatione debiti, vid. Bargal. Lib. 5. de Dolo C. 8. n. 69. et seqq. Wurmser. Tit. 28. Obs. 4. n. 18. audiri scribens etiam post sententiam, usque quo susceptum iudicium in actione iudicati.

<sup>26</sup> ) Quomodo et exponenda *L. 6. §. ult. h. t.* non autem ut Old. Cl. 6. Act. 1. n. 8. de die alienationis fraudulentæ. Exerceri quippe hæc actio nequit, nisi bonis aliis venditis, vid. not. h. C. N. 20. etsi forsitan antea nata sit. Utilis autem hic annus non currit, nisi ex quo agi posse caput. Sneider. ad §. 6. Inst. de act. n. 83. Coras. ibid. n. 7. Wurmser. Tit. 28. Obs. 4. n. 2. Plane remissa in fraudem actione ad liberationem revocandam id tempus datur, quod supererat obligationi *L. 10. §. 23. h. t.* Sneider. d. loc. n. 82. et Wurmser. n. 3.

<sup>27</sup> ) In quo nempe valor rei pretium conventum datumque excedit, Sneider. ad §. 6. Instit. de act. n. 81. Wurmser. d. Observ. n. 4. In excessu enim illo caussa lucrativa est. Sneider. d. loc. n. An et Cessionario hæc actio competat, vid. Bargal. Lib. 5. de Dolo C. 7. n. 85. et seqq.



# HUGONIS DONELLI

## JURISCONSULTI

### COMMENTARIORUM

#### DE JURE CIVILI

#### LIBER VIGESIMUS QUARTUS.

## CAPUT I.

De litis contestatione. Post hanc quod sit officium judicis: tum quæ litigatoribus agenda sit.

*Continuatio, propositum auctoris, et methodus. I.*

*Litis contestatio qui fieret apud veteres, et quomodo sub Imperatoribus emendata. II. III.*

*Initium judicii apud Romanos ex judicii formula, qua prætor judicium dabat: quæ horum verborum significatio. IV.*

*Formula judicii quæ; hujus causa triplex; prima jamdiu obsolevit, et altera. V.*

*Tertia utilis etiam nostris moribus, et quare: hæc constituebat judicium. VI.*

*Accipere, subire, excipere judicium actor et reus dicebantur, et quomodo. VII.*

*Pro dato et constituto olim judicio cedere hodie litis contestationem. VIII.*

I. **P**ostquam in jus vocatus est reus, eique edita actio est, spacio sumpto, quod legibus tribui diximus, deliberare secum debet, Utrum cedere an contendere velit, et de eo respondere actori. Ex qua responsione, magistratus, ad quem introducta controversia est, quid sequatur et statuatur, habebit. Non enim idem respondent omnes. Ac pro responsione jus commutatur. Fieri potest, ut in jure fateatur reus rem esse actoris, quæ petitur; debere se quod petitur. Fieri potest, ut neget. Utraque res aliud atque aliud officium ejus, qui aditus est, inducit. Si confitetur in jure reus, lis sublata est, quæ nulla esse potest, nisi de re controversa. Ideo sic jus constitutum habemus, ut confessus

habeatur pro judicato, ut proinde hic cessent judicantis partes, succedantque partes magistratus de cogendo reo ad solvendum: eadem, quæ rebus judicatis solent esse adversus condemnatos. Sed de confessis dicendum est postea. Postquam enim adversus confessos sequimur regulam judicati: de illis, nisi exposito omni rerum judicatarum jure, recte dici non potest. Itaque factum est ordine cum in edicto perpetuo: tum in Pandectis, et Codice, ut titulus de confessis subjiceretur titulo de re judicata, et de rei judicatæ executione. Si negat reus, quod intenditur et hic adversus actorem consistendum putat: fit ejus negatione res dubia, nasciturque ex hac contentione utriusque ea, quam litem, et contro-

ver-

1) Verissimum enim quod Vigel. *de Lit. contest. C. 1.* et passim Obrecht. *Tr. de Lit. contest. C. 2. n. 16.* et seqq. Bachov. *Disq. C. 1.* docent et per confessionem rei non induci litis contestationem unquam posse, et non nisi negatione ex parte Rei illam fieri. Quod et L. 14 §. 1. *C. de judic.* satisclare probat verbis: per narrationem propositam et contradictionem objectam. Et ipsa naturalis ratio cuius dictat litem non esse posse, nisi unus affirmet, alter neget. Nam cum a contestatione ac iis oriatur, indeque initium conflictus ac concertationis iudicii fiat, de qua re lis non apparet, de eadem nec contestata dici potest: Cumque res affines sint iudicium ac præ-

lium, sicuti certamen non init, qui deditione in hostium potestatem venit, ita nec qui confitetur, iudicium accipit, L. 71 §. 2 *de L. 1. Forcat. Sphæra Legali n. 39.* Proinde non videntur adeo a vero deviare, qui idem Jurisconsultis contestationem litis esse, quod Rhetoribus inquisitio ac constitutio status causæ, ita ut ex hac profluat status causæ, in quo tota contentio litigatorum consistit Vigel. *d. loc.* Obrecht. *d. Tr. C. 5. n. 32 et seqq.* ac passim Pollet. 4 *Uist. fori* 8. Aut si omnino aliquo respectu diversa sicuti Gœd. *ad L. 36 de V. S. n. et seqq.* constitutionem litis a contestatione differre contendit, quod illa formulam futuri iudicii exprimat, hæc de data formu-





habeant publicam: frustra desideretur alia ejus rei probatio. Itaque res sublata: nomen tamen, quod initio fuerat, mansit, diciturque usitate litis contestatio pro ea negotii narratione et litigatorum conflictu, qui litem facit, et judici indicat. *d. L. uni. C. de lit. contesta.* Ex his apparet in litis contestatione rediisse rem nobis ad simplicitatem naturæ: ut 4 quibuscunque verbis actionem intendat actor, quibuscunque adversus consistat, et se tueatur reus, dum de re constet, satis sit ad litis contestationem, et ad rem potestati magistratus subjiiciendam.

IV. Sed nondum initium judicii. Visum est Romanis sic esse judicium de re controversa, si magistratus ipse, qui aditus est, judicium daret atque constitueret. Nam esse prætoris judicium dare, et dare actionem, ipsorum prætorum edicta satis probant: quæ magna ex parte ita concepta sunt, ut in his polliceantur, se judicium aut actionem duros. Videndum, quid eo verbo contineatur. Et si de vi verborum quæritur, non difficile est intelligere, dare actionem esse agendi seu experiundi potestatem facere: Judicium dare esse facere judicii potestatem, idest concedere, ut sit judicium de re controversa, quale postulatum est. Ut utrumque re ipsa idem valeat: cum non sit actio, nisi quæ rem judicio persequitur: nec sit judicium, nisi ei qui agit adversus eum, cum quo agitur. Itaque non abs re prætor in edicto de sepulchro violato quod exstat in *L. 3. D. eod. tit.* promiscue ista pro eodem usurpavit, *judicium dabo, actionem dabo, et agendi potestatem faciam.* Et hæc inquam, verborum vis est. Sed quæritur, quomodo prætor hanc potestatem faceret. Id vero perficiebatur formula judicii reddita. Ex quo illa: includi potestatem judicis judicii formula: et arbitrum judicii formula solum apud Senecam.

V. Ea duo complectebatur prætor. Nam propter verborum formulas, quibus concipiebatur, et impetrabatur actio (quas supra sublatas esse diximus) constituebat, qua de re ageretur: et una jubebat, de ea re esse judicium, quo is, cum quo agitur, conde-

mnetur. Fuitque formula ad hunc fere modum: Si paret Lucium Titium Publico Mævio decem ex caussa mutui dare, facere, oportere, de eo judicium est, quo Publius Mævius condemnnetur: sic enim in edicto de sepulchro violato scriptum est: judicium dabo, ut ei ad quem ea res pertinet, condemnnetur. Quod si prætor daret judicem, pro his verbis, de eo judicium est, ita diceret; Aquilius judex esto, et Mævium condemnato. Ut hoc modo judicium daret prætor, institutum esse videri potest tribus maxime de causis. Primum, cum juri reddendo præsit magistratus, videtur convenire huic potestati, si actio ab eo impetretur: scilicet, ut quemadmodum reliqua, quæ ad jus nostrum pertinent, sic actionem, quia de jure experimur, reddat: ut sciretur rite actum esse judicio. Nam neque dabatur alii, quam ei qui rite egisset; et hoc amplius in ea verba reddebatur a prætore, in quæ postulatum erat. Sed prior ex his caussa nihil ad rationem judicii. Altera etiam formulis actionum sublatis, hodie nulla est.

VI. Est vero tertia, quæ etiam nunc valere debeat, ut quæ maxime pertineat ad judicium recte ordinandum: Nempe ut judicio dato ita ut supra dixi, jam ab initio sit certum et constitutum id quo judicium omne, idest, et probationem litigatorum et judicis cognitionem referri oportebat. Quod fieri apprime est in judicio utile: ne aut litigatores alias res agant, et vagentur, dum non habent scopum propositum, quo tela dirigant: aut judex quidvis in eo judicio sibi permittat, dum nullis finibus litis judicium ejus, et potestas circumscribitur. Unde ea formula a prætore reddita, admissio actore ad agendum, dictum est a veteribus constitui judicium, non tam ideo, quod jam inde judicium esse inciperet, quam quod ea formula poneretur, et constitueretur id, de quo judicium esset, et in quo id ipsum versaretur. Cicero in *Partition.* *Atque etiam de constituendo ipso judicio solet esse contentio: cum aut sitne actio illi qui agit, aut jamne sit: et quæ sequuntur.*

VII. Judicium ut dabat prætor, ita datum li-

4) Ita autem negotium exponi juris rationi conveniens est, ut ex intentione actoris ac inficiatione, aliave depulsionem rei Judex in quo caussa consistat perspicere possit. Quod et Vigel. ac Obrecht. *de Lit. contest.* sæpius inculcant, et Donell. idem sentire apparet. Quocirca verissimum est vulgatam formulam: *Nego narrata prout narrantur, et dico petita fieri non debere*, a vera litis contestatione nimium quantum discrepare, cum Judex æque incertus sic ac antea, in quo lis consistat, vid. Vigel. *de Litis contest. C. 2* et Obrecht. *C. 2 n. 35 et seqq. ac C. 7.* Unde eam ceu captiosam rectissime Augustus

Elect. Sax. reprobavit, sanxitque ut ad singula libelli capita dilucide ac distincte reus respondeat. *Nov. sua 10 P. 1.* Enim vero etsi in eadem caussa, seu lite plures controversæ questionnes moveri possint: litis tamen contestatio ea solum quæ ex prima conflictione oritur, cujus occasione aliæ nasci possunt. Nec spectatur, nisi super eo, de quo principaliter contenditur, cum etsi de incidentibus et emergentibus aliis quoque cognoscatur, de hoc tamen solum definitiva ferri debeat sententia, vid. Vigel. *Cap. 1 p. 146 et seq.* Pollet. *4 Hist. fori 8 p. 356.*

litigatores accipere dicebantur. Actor quidem sine dubio cum præcipue is iudicium postularet; et volens prætor volenti et postulanti id redderet. Sed nihilominus et reus dicebatur id accipere. *L. si is qui, 34. D. de judic.* etsi enim nollet fortasse id admittere, si liceret (unde iudicium dicitur reddi in invitum, *L. inter, §. 1. D. de verb. obl.*) coactus tamen metu potestatis, quæ exercebatur in contumaciis, velle intelligitur. Dicitur et reus iudicium, seu actionem excipere. *L. qui non cogitur, D. de judic.* tanquam solum videlicet quod intenditur ab actore. Item suscipere, et subire iudicium. *L. 2. §. legatis. L. 3. L. sed etsi suscepit, D. de jud.* Cicero in eod. loco: *Quare de constituendis actionibus, accipiendis subeundisque iudiciis, de excipienda iniquitate actionis, de comparanda æquitate, quod ea fere generis ejus sunt, ut quanquam in ipsum iudicium sæpe dilabantur: tamen ante iudicium tractanda videantur, et quod sequitur.* Quæ duo posteriora inde dicta sunt, quod ita iudicium accipiat reus ut accipiat in sese, subeatque necessitatem parendi, si eo iudicio victus fuerit. Quia tamen et actor iudicium non sibi tantum sed etiam adversus se admittit; hæc eadem et actorem facere non male quis dixerit. Ex quo est quod iudicio dicitur contrahi *L. 3. §. idem scribit, D. de pecul.* Quia autem lite contestata postulante actore, eodem tempore reddebatur iudicium, eam ipsam contestationem <sup>5</sup> verbis exprimens: nec ante contestatio pro justa contestatione habebatur, quam iudicio esset inclusa: inde factum est, ut hæc in usu juris idem expriment, post litem contestatam, et post acceptum

Tom. VI.

iudicium. Ut hi loci indicant: *L. illud, D. de pet. her. L. propterea, D. de rei vindic. L. cum fundus, D. si cer. pet. L. vulgo, D. de usur.*

VIII. Videndum, an quicquam jus civile posterius in hac re immutavit. Equidem formulas actionum, et harum impetrationem, qualis initio fuit, sublata esse fateor. *L. si C. de jur. for. et imp. act. subl.* Cæterum rem ipsam; id est <sup>6</sup> constitutionem certam litis mansisse, illud erit argumento, quod edicta retenta sint, et passim extent in Pandectis, quibus pollicetur prætores, se actionem et iudicium daturus. Quod passim legimus iudicium actori datum, aut denegatum esse: passim iudicium acceptum pro litis contestatione. Nec vero mihi quidem quidquam occurrit, quo probetur ab eo jure recessum esse. Est quidem scriptum ita in *d. L. ult. C. de jur. for.* nullis fraudi deinceps futurum, quod actionem non impetrarent. Sed hoc de certa solemnique actione, quales ante actiones fuisse constat, accipi debere, sequentia ejus constitutionis declarant: cum constitutio subjiciat, ita demum non nocere, si quis non impetret actionem; dum eam rei et proposito negotio competentem esse constituerit. Quod sine dubio perinde est, ac si diceret: nihil ad rem pertinet deinceps, quibus verbis, quave formula actionis quis agat pro veteri more, et instituto, dum verbis utatur aptis, et rei propositæ convenientibus. Hanc dationem hodie si sustuleris: manebit quidem sola litis contestatio, unde iudicium incipiat: sed ita, ut hoc cedat pro iudicio dato, et constituto, cum iudex audito negotio, id est, intentione actoris, et inficia-

13\*

tio-

5) Ræy *Protrib. C. 11.* Dato iudice et ordinato iudicio utraque pars sibi invicem denunciabat, ut ad iudicem datum veniret, et ad convocatos vel adstantes dicebat, *Testes estote etc.* Apud prætorem itaque olim contestatio hæc fiebat cum lite demum contestata officium iudicis dari inceperit *L. 73. de Procurat. et simil.* ut recte plerique et Obrecht. *h. t. C. 4. n. 2.* nequicquam refragante Timæo Fabro 1. *Annot. 23.* Sicuti et Athenis lite apud Thesmothetas, quorum officium simile prætorio, contestata litigatores introducebantur in forum Heliasticum, Joach. Stephani 2. *de jurisd. 5. n. 21.* Eratque hæc actus legitimus, quæ conceptis verbis pure sine conditione, utroque præsentie fiebat, Petr. Fab. 2. *Semestr. 24. 358.* Hodie vero cum reus non statim respondere teneatur, nec præsentiam actoris, dum reus litem contestatur, requiri notant vid. Bover. *Singul. 36. n. 1.* Obrecht. *h. tit. C. 6. n. 5. et Gutierrez. Lib. 1. Pract. Q. 51.* ac conditionalis vel eventualis, quæ dicitur, recepta est Myns. 3. *Obs. 74. n. 6. et g. Obrecht. C. 9. n. 12. et apud nos, exceptionibus dilatoris objectis, injuncta Novel. Elect. 3. P. 1. vid. Jac. Schult. Obs. forensi 13.*

6) Vulgo hæc dicitur Basis, lapis angularis et radix iudicii quæ nec partium conventionem omitti queat, omissa processum vitiet, DD. passim. Causas tamen quibus non requiratur hæc paucæ statuunt, vid. Monach. *Pract. P. 7. C. 6. n. 7. et seqq. Obrecht. C. 4. n. 26. et seqq.* Cum primis vero

omnes, in quibus libellus potest omitti, Gail. 1. *Obs. 46. n. 6.* Obrecht. *d. C. 4. n. 50.* Jac. Schult. *Obs. forensi 3. n. 8. et g.* Sed in iis primus actus contradictorius ejusdem efficacie, vid. Obrecht. *C. 2. n. 11. et 12.* Jac. Schult. *Obs. forensi 49. n. 6. et g.* Effectus autem plures, ac quoad plerisque durior rei; creditoris melior sit conditio Briss. *Lib. 1. de Solut. pag. 370.* quoad aliquos tamen contra. De quibus, vid. Hot. 4. *Obs. Obrecht. h. Tr. C. ult. Scaccia 1. de Judic. 103. n. 8. et seqq.* Bachon. *Misc. Disput. C. 1. De vi protestationis rei nec tamen animo litem contestandi, consule Mathesilan. Sing. 63. et ibidem Gabr. Sarayna, Myns. 3. Obs. 31.* Obrecht. *C. 7. n. 59. et seqq.* Deque his et aliis ad hanc materiam adi. Vigel. et Obrecht. *d. Tr. de Litis contest. Senemateria. P. 2. Q. 28. n. 42. et seqq. 2. Cl. 4. Q. 1. et 2. seqq. Ranchib. P. 2. Q. 28. n. 42. et seqq. Blarer. in L. diffamari C. 7. 7. Vin. Lib. 2. Decis. 219. Coler. Decis. 298 et Cons. 44. n. 50. et seqq. Jac. Schult. *Observ. for. 42. et 5. seqq.* Ut per plures alios, quos adii, taceam. Quando lis contestanda cum terbo interveniente vid. Covar. *Pract. QQ. C. 13. et seqq.**

tione aut depulsione rei decernet, ut in id quod intenditur, aut excipitur, litigatores probationes asserant. Melius tamen est id ipsum

præcidi a magistratu ob eam causam quam supra reddidi.

## C A P. II.

Quæ defensiones initio contestandæ sint, ut deinceps iis in iudicio uti possimus. Quæ contestandæ sint, has exceptiones dici. Inde de exceptionibus. Quid si exceptio, et unde nomen exceptionis; hanc eandem dici præscriptionem, et cur. Quid sit actionem perimi ipso jure, et per exceptionem. Quid sit exceptionem inesse bonæ fidei iudiciis. Quid sit in pactis factum versari. Item de replicatione duplicatione et similibus.

*Nexus rerum. I.*

*Defensiones alias quandocunque ante sententiam obijci et prodesse reo; alias ita si fuerint initio allegatæ. II.*

*Cui reo utræque competant; quæ illæ sint, quando et quatenus opponendæ. III.*

*Defensiones posteriores reo non prodesse, nisi initio contestatas quibus rationum momentis ostendatur. IV. V. VI. VII. VIII.*

*Eas initio allegari oportere in strictis dumtaxat, non in bonæ fidei iudiciis. IX.*

I. **E**T sunt ista posita in necessitate juris, quo iudicium recte instituatur, ac sine quibus olim iudicium non foret. Illud, quod sequitur pertinet ad utilitatem litigatorum dumtaxat. Ut videant, quid in lite contestanda respondeant, obijciantque ultro citroque adversario, aut quid prætermittant. Quod quidem quale sit, ad iudicii ordinem nihil pertinet, nec iudicium omnino remoratur. Sed ad exitum iudicii pro utilitate aut contra utilitatem reorum multum interest.

II. Sciendum est enim esse quasdam defensiones, quæ quandoque, dum ante sententiam, objectæ semper reo prosint ad absolutionem: quasdam ejusmodi, quæ etsi jure competant reo; nisi tamen allegentur initio, aut verbis iudicii dati tacite includantur, nihil prosit eas opponere postea, quanvis ante sententiam: de quo ita statuendum est. Si is, qui negat se debere, aut se teneri actione, tenetur ipso jure: cæterum de æquo et

bono fit, ut damnari non debeat; quæcunque causa est qua hic defenditur, causa est, et defensio ejusmodi, quam initio obijcere oporteat, et contestari, atque ita curare ut in iudicium veniat, qua prætermissa nulla ejus ratio haberi debeat a iudice, quanvis postea re ab actore probata, ante sententiam opponatur. Id ut planum fiat explicandum est paulo pluribus.

III. Ergo ut non teneatur reus intentione adversarii, fit dupliciter. Accidit enim aut ipso jure, aut ex æquo et bono dumtaxat. Ipso jure, id est, jure civili, quod de obligandis ac liberandis reis constitutum est, non tenetur is, qui aut nihil fecit eorum, quæ obijciuntur, ex quibus oritur obligatio; aut, qui cum prius esset obligatus jure, liberatus est deinde iis modis, quibus obligatio tollitur. Ut si decem ex causa mutui petantur ab aliquo, sic fiet, ut non teneatur ipso jure, si aut ea non acceperit, ut intenditur

ab

1) Et meram quidem facti inficiationem exceptionem non dici convenit, ast si quid proponitur quo actio quæ constitit, subla arguitur, exceptionem DD. vulgo appellant vid. *not. supra Lib. 22 Cap. 1 N. 2 et N. 4.* De mera enim negatione dici nequit, quod litis ingressum aut contestationem impediatur, cum ea objecta statim fiat vera litis contestatio. Cæterum et ab his, et a veris quoque exceptionibus diversa est. Exceptio quæ dicitur deficientis actionis, cum nec factum propositum ab actore negat reus, nec quidquam æque in facto consistens allegat, quo se contra intentionem tueatur, sed præsuppositis, seu veris, narratis actoris jus experiendi actione intentata eum deficit. *da wann gleich. alles Klagers Vorbringen nach sich verhielte oder begeben hette, dennoch ihm enduuer gar*

*Keine, oder doch nicht die von ihm angestaltete Klage zustendig.* Etsi vero exceptiones veras non oppositas Judex regulariter non suppleat, tritissimum tamen pariter et verissimum est, cum ipso jure non competere actionem Judici constat, ejus officio, actorem, etiam reo non opponente a limine iudicii repelli posse, ac reum quoque non petentem absolvi debere. Nemo enim sine actione experiiri potest *L. 6. §. ult. de neg. gest. L. 19. L. 36 de reb. cred. L. 9. §. 3. de admin. tut. L. 2 de dote præleg. et simil.* Uti enim actio sine debito non consistit, ita nec iudicium sine actione, vid. *Obrécl. de concip. libell. Cap. 6 n. 1. Gail. 2 Obs. 18 n. 3 Menoch. 1 Arb. Q. 16. Asin. de execut. §. 3 C. 24 Bellou. 2 Supput. 10 Sixtin. Cons. Marp. 14. n. 65. Vol. 2. Vult. Cons.*

ab adversario, aut si cum accepisset, ea postea solverit: quoniam solutione tollitur obligatio jure: ac quibus tollatur præterea, traditur sub Titulo *Quibus mod. toll. oblig.* Eorum modorum nullo interveniente: nihil dici potest aliud, quam eum ipso jure teneri qui ante fuerat jure obligatus. Sed evenit interdum ut non sit æquum eum, qui ita tenetur, condemnari, quod his de causis accidit, si pactus sit, ne a se peteretur: si deferente adversario juraverit, se non debere: si quandoque absolutus sit de ea ressententia judicis: si actoris dolo malo inductus sit, ut se obligaret: si metu coactus idem fecerit: si pecuniam, quæ tanquam mutua petitur, dicat sibi non numeratam: quæ causæ exponuntur sub Titulo, *de exceptionibus*: *Instit.* Si denique constitutum sit jure, ne a reo petatur, sed aut propter favorem ipsius rei, ut quia sit mulier quæ se pro alio obligavit: aut in odium creditoris, ut quia mutuum dederit filiofamilias. In quo genere sunt exceptiones Senatusconsulti Vellejani, et Macedoniani. *L. qui exceptionem D. de cond. ind.* Quibus de causis omnibus dixi alias sub Titulo *D. de solutionibus*. Neque nunc est de his dicendi locus: hoc intellecto hoc est quod dicimus, qui ipso jure non debet, huic satis est initio dicere, se non teneri. Et quanvis debuerit aliquando id, quod postea solvit, non tamen necesse habet, initio objicere solutionem, eamque contestari. Non quod si convincatur accepisse decem mutua, non debeat dicere se solvisse, idque ipsum etiam probare judici, (alioqui quo modo jura nostra intelliget judex, nisi allegemus?) sed quia non necesse habet initio id facere, tantumque id facere satis est quandoque ante sententiam, ut a iudice absolvatur: scilicet quia vere dixit, se non debere id, quod omni jure non debuit; ut necesse sit hoc idem a iudice

pronunciari, probata aliquando solutione. Qui autem cum jure sit obligatus habet tantum ex æquo et bono causam, cur placeat eum non debere damnari: puta, quia pactus sit, ne peteretur: hoc dicimus sic eum debere absolvi, non si pactum opponat quandoque et probet: sed si opponat ab initio litis. Hoc autem prætermissio in strictis judiciis eum damnari debere. Itaque a quo petuntur decem mutua, de quibus non reddendis postea convenit, is sic utiliter respondebit adversario, si de intentione actoris vel absolute confessus, vel confessus sub conditione, si actor probavit se dedisse, objiciat ei pactum secutum esse, ne peteret. Quo omisso, si actor de mutuo probavit, necesse est, ut fuit litis et iudicii constitutio reum damnari. Quia apparuit vere, eum debuisse, quod negabat: et de quo iudicium fieri voluit; nec quicquam ei proderit postea pacti defensio initio prætermissa, quoniam pactum jure non prodest reo ad liberationem: sed beneficio, et tuitionis prætoris, qui id in iudicium incluserit: ut ubi non sit id iudicio inclusum, vel assentiente reo, non debeat ejus pacti ratio haberi. Id ita esse liquebit, si ostendero istarum rerum defensionem in usu juris dici tum exceptionem, tum præscriptionem: de utraque autem ita jus esse, ut eam oporteat initio litis opponere.

IV. Est vero ita, ut ea defensio, quæ ex æquo et bono tantum prodest ad absolutionem, non ipso jure reum liberat, dicatur exceptio. Ulpianus exceptionem definit actionis exclusionem in *L. 2. D. de except.* Paulus conditionem, quæ modo eximit reum damnatione, modo minuit damnationem. *L. exceptio, D. eod.* Ex quibus hoc quidem perspicuum est exceptionem rem esse ejusmodi, quæ reum defendat adversus actionem, prositque ei ad absolutionem. Eximit autem reum

*Marpurg. Vol. 3. n. 116 et seq. et Cons. 53 n. 172 et seq. Meichsner. Tomo 3. Decis. Camerar. 17 n. 17 et 18 et Decis. 20 n. 72. qui ex communi testatur quod hic sententia pro actore lata sit ipso jure nulla, cum materia careat. Quod si hanc objectam judex non attendat, ac causam in iudicium deduci permittat, teneri eum patri læsæ ad omnia impendia. damna et id quod interest refundendum docent Menoc. d. Q. 16 n. 4. Pet. Barbosa ad L. si alienam 11. ipsi 12. D. Sol. matrim. n. 18. Aut Gamma Decis. 206. n. 8. Vult. d. Cons. 21 n. 19. Meichsner. d. Tomo 3. Decis. 20 n. 7. Qui et idem fere statuunt etsi non objecta, si iudici vere constituit tunc cum non est, quod imputetur reo, quod non objecerit. Quin etsi hæc altioris iudicis, semper tamen ante litem contestatam discutienda, quia cum merita causæ plane non concernat non potest ad eadem reservari, ut Noah. Meurer. Proccerns. Camerar. P. 9. f. 180. Sic sane olim antequam Iudicem daret Prætor, de jure agendi constare oportebat, deque eo ipse cognoscebat, facto interim præsupposito, vid. Vult. Disc. schol. Cap. 1. pag. 14. Confer. Ant. Fab. C. suo tit. de Ex-*

*cept. Defn. 5. Atque hic est quod etsi regulare sit: Excepere de jure tertii non licet L. 4. n. 7. Si Serv. vind. et simil. Sich. ad L. ult. C. de serv. fugit n. 1 et 2. P. Greg. 21. Syno. 17 n. 17. n. 15. et citati in not. ad Com. Tit. de Action. n. 25. N. 4. quia ut ex persona actoris jus agendi, ita ex persona rei jus excipiendi metimur, et uti illius interest, se debet in actione, ita et hujus in exceptione. Licet tamen, quoties id jus tertii probatum intentionem agentis excludit jus ejus enervat, quia non est vere exceptio de jure tertii, sed negatio juris agendi, Bover. Sing. 52 n. 8. Sich. d. loc. n. 3. ut si rei vindicatione conventus dicat, Res tua non est sed Caji, idque prophet vid. not. cit. n. 25 d. N. 4. et ad omnino A. Fab. C. suo tit. de Ex. def. 20. 28 et 39. Enimvero exceptionum intentionis alia dilatoriis affines videntur, ut exceptio quæ dicitur falsi Procuratoris libelli penitus inepti, cunctio vitium insanabile. Sub et obreptionis, plus petitionis, ante diem, vel conditionem, alia affines peremptorias, ut re-*



reum damnatione, cum exempli gratia, pactum de re tota interpositum est, idque obijcitur: minuit damnationem; cum interpositum est de parte tantum. Jam vero non omnem defensionem et allegationem exceptionem dici, sed eam tantum, quæ ex æquo et bono, non ipso jure reum liberet, sciri potest ex toto titulo *de except. in Institut.* in quo Justinianus de omnibus speciebus exceptionum a se propositis constanter hoc affirmat: eas tum solum competere, cum intentio actoris jure nititur: non est autem æquum reum damnari. Ex quo ista inter se opponuntur, liberari quem ipso jure, et liberari per exceptionem. *L. qui servum, §. si is cui, D. de obligationibus et actio.* Ideo consulto Paulus exceptionem dixit eximere reum damnatione; nihil amplius: hoc sentiens eum cui exceptio datur, teneri quidem jure, sed ita ut exceptione opposita, et probata absolvi debeat. Ne sit autem mirum hanc defensionem appellari vel exceptionem, vel conditionem, cum certum sit neque exceptionis neque conditionis verbo significari defensionem, quatenus defensio est: sciendum est, nomen natum esse ex conceptione formulæ judicii, quod prætor olim reddebat litigatoribus. Cum enim non prodesset reo ejusmodi defensio, nisi iudicio inclusa, ut dicimus: nec vero includi posset, nisi per correctionem et exceptionem ejus judicii, quod prætor adversus eum dabat: factum est, ut ea defensio ex forma conceptionis diceretur exceptio. Fac decem mutua peti ab eo, qui se tueatur pacto: Prætor iudicium daret actori postulanti in hæc verba: Si paret reum ex mutui causa dare oportere: iudex condemnato. Sed quia non est æquum id dari in eum qui pacto sit liberatus: orationem præcedentem de condemnando reo ita temperaret, nisi is qui agit, pactus sit, ne ab eo peteretur: hæc correctio, atque hoc temperamentum appellatur exceptio. Est enim exceptio omnis ratio, qua de generali definitione species aliqua eximitur et quasi præciditur. Ut hic fit, cum ex hac oratione, qua dicitur eum damnari debere, cui decem mutua data sunt, excipitur is, qui pacto est liberatus. Ob hanc ipsam causam appellatur a Paulo conditio: quoniam omnis exceptio exprimitur sub conditione: *si non, nisi, extra quam, præterquam.* Inde etiam exceptio dicitur ab Ulpiano in *d. L. 2. exclusio*, quæ interponi actioni cujusque rei soleat: quod apte dici non potest, nisi ita concipiantur actio, et exceptio eodem in loco, ut exceptio sit quodammodo intra ipsam actionem: hæc eadem di-

citur præscriptio a nostris. Præscriptio fori, est exceptio fori, id est, ea, qua quis ad forum suum revocat. *L. si fidejussor. D. qui satisda. cog. L. pen. C. de pac.* Præscriptio transactionis, est exceptio transactionis Papiniano in *L. qui cum, D. de trans.* Eidem præscriptio rei judicatæ, est rei judicatæ exceptio in *L. judicatæ, D. de excep. rei jud.* Præscriptio peremptoria est, exceptio peremptoria in *L. præscriptionem, C. de excep.* Et præscribere coheredibus Modestino est coheredes exceptione summovere in *L. Titia, §. Cajus, D. de leg. 2.* Appellatio hinc nata, ut ego quidem existimo, quod qui exceptionem intentioni addi postularet, olim in formula judicii (nam ex vetere et solemni iudiciorum more omnes appellationes primum ortæ sunt) præscribebat adversario, id est, dicebat, et constituebat, quomodo ille actionem et intentionem suam conciperet. Actor qui peteret decem mutua, generali intentione et quasi definitione utebatur, eum, qui decem mutua acceperit, ea reddere debere. Reus contra diceret, recte intenderes me ea debere, nisi pactus esses, ne ea a me peteres. Nunc autem id pactus es. Adde igitur hanc exceptionem, Nisi pactus sis, ne peteres: hæc contendere, præscribere est adversario, quomodo agat. Hoc autem nihil aliud, nisi exceptionem opponere, aut curare eam actioni interponendam. Unde præscriptio pro exceptione.

V. Nunc doceamus exceptionem, seu præscriptionem initio opponi, et in iudicium deduci oportere. Et de exceptione dilatoria convenit inter omnes, hanc initio esse opponendam. De qua scriptum est in *L. exceptionem*, Ubi dixi de hac re *C. de prob.* his verbis: *exceptionem dilatoriam opponi quidem initio; probari vero postquam actor monstraverit, quod asseverat, oportet.* In exceptione peremptoria aliter jus se habere, vulgus interpretum existimat. Idque probari putant. *L. peremptorias, C. de sent. resc. non poss.* in qua ita scriptum est: *peremptorias exceptiones omissas in initio, ante quam sententia feratur, opponi posse perpetuum edictum manifesto declarat.* Sed omissas in hoc rescripto accipere debemus eas quarum tractatio et disceptatio omissa sit initio, et in aliud tempus dilata, non quæ initio contestatæ non sint. Quod ita interpretandum esse dicimus ex *L. præscriptionem, C. de excep.* cujus hæc verba sunt: *Præscriptionem peremptoriam, quam ante contestari sufficit, omissam prius, quam sententia feratur, objicere quandoque licet.* In quo rescripto licet eadem

dem verba animadvertere, quæ in *d. L. peremptorias*. Sed adjicitur, *quam ante contestari sufficit*. Quibus verbis significatur, hanc contestari saltem oportere: veruntamen satis esse contestari; non etiam hoc exigere, ut statim probetur a reo. Estque hæc sententia constitutionis: præscriptionem, id est, exceptionem peremptoriam ante quidem contestandam esse: sed semel ante contestatam omitti posse ad tempus ita, ut si actor probaverit, quod intendit, exceptio, quæ ante contestata, et in iudicium deducta erat, possit jam utiliter opponi, ac probata afferat reo liberationem. Quæ sententia et aliis rescriptis non obscure scriptis confirmatur, ut *L. emptor, C. de præscript. long. temp. L. si quidem, C. de except.* Et sane cur dilatoriam, de qua loquitur *L. exceptionem*, oporteat initio opponi potius, quam peremptoriam? Quia, inquit, dilatoria exceptio differt iudicium, ut jam ante iudicium probari, deque ea pronunciari sit necesse: sed animadverti debet in *L. exceptionem* non agi de exceptione dilatoria, quæ iudicium differat: cum dicant Imperatores, eam oportere probari, postquam actor monstraverit, quod asseverat. Hoc enim facere non potest actor, nisi iudicio jam ante constituto. Supra autem jam ostendi sic accidere posse, ut opponatur dilatoria exceptio pacti, ac nihilominus iudicium constituatur de re principali, si petente aliquo decem mutua, neget reus ea data esse, et simul adjiciat, si data sint, tamen actorem pactum esse ne ad tempus ea peteret. Sed ne consistamus in his constitutionibus, multa sunt in scriptis veterum Jurisconsultorum pro certo jure in libris nostris usurpata, quæ hanc sententiam de contestanda exceptione plane demonstrant: cujus generis hæc fere sunt. Quod hæc inter se opponuntur, perimi actionem ipso jure veluti solutione, et perimi per exceptionem, veluti pacti conventi. *L. qui servum, §. si is, cui, D. de obli. et act. tot. tit. Inst. de except.*

VI. Quod vulgo ab illis traditum est exceptiones pacti, et cæteras inesse, et contineri bonæ fidei judiciis. *L. 3. D. de resc. vendit. L. hujusmodi, §. qui servum, D. de leg. 1.* Quod Paulus in *L. si unus, §. pactus, D. de pac.* scribens, prius pactum quo actum est, ne peteretur, per posterius, quo actum est, ut peteretur elidi non ipso jure, sicut tollitur stipulatio per stipulationem, sed per replicationem exceptionis pacti: hanc rationem reddit, quod in stipulationibus jus contineatur; in pactis factum versetur. Quod idem Paulus in *d. L. qui*

*servum, §. si is, cui.* si dubium sit an actio perempta sit ipso jure, an vero per exceptionem, tutius esse ait eam perimere per exceptionem: hæc, inquam, et similia plane hoc significant, exceptionem initio litis opponi, et contestari oportere; alioqui nec explicari commode, nec defendi etiam ullo modo possunt. Nam ut hæc eadem breviter exsequar ordine, si exceptio pacti quandoque objici possit, profecto ad liberationem rei nihil interest, inter solutionem et pacti exceptionem; etenim utrumque objectum pariet reo liberationem, sententia judicis. Rursum non objectum, pariter reo erit inutile. Nam nec solutio, nisi objecta, ac probata reum liberabit. *L. 1. C. de prob.* Atqui, ut dixi, sic ista differunt in genere liberationis, ut inter se opponantur, cum solutio liberet nos ipso jure. Quid est igitur in quo putemus ista differre? Et cum in objectione et liberatione nihil differant, si quandoque licet utramque opponere: relinquitur in tempore ista opponendi positum esse discrimen, quod ei qui solvit, liceat initio litis omittere solutionem, atque ita solum dicere, se dare non oportere: ei vero, qui pacto liberatus est, non liceat idem dicere, se dare non oportere; sed opus sit, ut initio debitum confessus statim opponat pacti defensionem. Jam quid est illud, pacti exceptionem et similes inesse bonæ fidei judiciis? An hoc videtur significare, pacti exceptiones inesse in iudicio, et reo prodesse ad hoc, ut absolvatur, quamvis omnino non fuerint a reo allegatæ et probatæ iudici? Minime vero. Nam, ut modo dixi, ne solutio quidem ipso jure quidquam prodest reo ad absolutionem, nisi reus eam opposuerit, et iudici probarit ante sententiam. Non enim profecto divinabit iudex, reum pacto, aut solutione esse liberatum, nisi ille dicet; nec si dixerit, audiendus est aliter, quam si probet, *L. in exceptionibus, D. de exc. d. L. 1. C. de prob.* Quam ergo illud dictum sententiam habet? Nempe, hanc, inesse exceptiones bonæ fidei judiciis jam ab initio litis, et iudicio accepto, quamvis aperte non fuerint tum oppositæ, et ita in iudicium deductæ per litis contestationem: non tamen ut reo prosint perpetuo celatæ, sed ut si quandoque postea in iudicio fuerint oppositæ, ratio earum a iudice haberi debeat, non secus, quam haberetur solutionis, qua ipso jure reus esset liberatus. Idque ita explicari videtur duobus in locis, nempe in *L. plane* et *L. ult. D. de petit. her.* Quod eveniebat olim propter formulam iudiciorum ejus generis. Sic enim in his con-

constituebatur iudicium, ut condemnaretur quidem reus: sed additis his verbis. *Ex fi. de bona*. Quibus verbis fiebat potestas iudici æstimandi, quid utrique ex litigatoribus ab altero ex æquo et bono præstari oporteret, §. *In bonæ, Inst. de act.* Neque vero æquum est, eum, cui exceptio aliqua competat, si æqui et boni ratio habenda sit, damnari. Quid est autem, quod dicitur exceptiones inesse iudiciis, et additur nominatim, bonæ fidei? an non hoc est, eas in bonæ fidei iudiciis inesse: in strictis iudiciis non inesse? Quod si inesse eas bonæ fidei iudicio, hoc valet eas sua sponte et potestate iudicii in iudicium venire, quanvis aperte initio oppositæ, et contestatæ non sint; conficitur, exceptiones in strictis iudiciis non inesse, hoc valere: non venire eas in iudicium, si studio prætermittæ sint: sed ita, si fuerint oppositæ nominatim in lite contestanda, et eo modo jam ab initio in iudicium deductæ.

VII. Ex hac ratione est illud, quod dicitur a Paulo, in stipulationibus jus contineri, in pactis factum versari. Observetur Paulum in *d. §. pactus*. non sentire de modo, quo ista fiunt. Nam neque id proposito ejus convenit; et si hunc spectabimus, dici oportebit, in stipulationibus æque ac pactis factum versari: non enim minus facti nostri est, quod stipulamur, quam quod paciscimur: et vulgo dicitur, contractus facti esse. *L. consilio, §. ult. D. de cur. fur.* Loquitur illic Paulus de modo, quo hæc ante recte constituta nobis prosint in iudicio ad liberationem et justam defensionem. Erat enim quæstio posita ex duobus pactis contrariis cum debitore interpositis, quæ sit vis posterioris pacti, quo agitur, ut petere liceat. Et ait prius pactum non tolli per posterius ipso jure, sed facto nostro; quia in stipulationibus his nimirum quæ fiunt ad novandam obligationem jus contineatur, in pactis factum versetur. Si ratio propositæ quæstioni convenit: si jus facto recte hic opponitur, sine dubio hoc sentit; ut stipulationes nobis prosint in iudicio ad liberationem, jure fieri, non facto nostro, id est, non objectione et contestatione nostra, qua eas sti-

pulationes opponimus initio et contestamur. Ut enim supra diximus, ei qui isto modo liberatus sit; satis est in lite contestanda dicere, se ei qui agit, dare non oportere: ac quandocunque probarit, novationem factam esse, vincet. Jure enim ipso verum est eum non debere, qui novatione liberatus est. Non eadem vis pacti. Id ut nobis prosit, vel adversus obligationem, qua tenemur, vel adversus aliud pactum, quod obstabat, quominus petere liceret, consequimur facto nostro, non jure, id est, ita si id a nominatim opponamus initio litis. Ut in quæstione Pauli, si me agente debitor meus tueatur se exceptione pacti, quo pactus sum ne ab eo peterem, non efficiet posterius pactum quo convenit, ut possem quemadmodum ab initio petere, non efficiet, inquam, id pactum jure ipso, ut prioris pacti exceptio sit inutilis: sed ita si adversus exceptionem ejus pacti, utar posterioris pacti replicatione. Factum ergo contestationem nostram intelligit, quam liberationi juris opponit.

VIII. Sed haud scio, an quicquam superiorem sententiam magis confirmet, quam quod idem Paulus ait, cum dubium est, an ei, qui tenebatur duabus actionibus ejusdem rei nomine, puta commodati, et conditione furtiva, et altera actione conventus solvit, altera actio perempta sit ipso jure, an per exceptionem, tutius esse dici, eam perimi per exceptionem. Quo enim tutius per exceptionem, quam quæ ipso jure? Hoc fere dictu absurdum. Plane enim liberatur, et omni jure, qui liberatur solutione, et similibus modis, si quidem nulla removeatur exceptione. At qui liberatur pacto, et similibus causis, is liberatur solum jure prætorio, non etiam jure civili. *L. creditori, C. de pact.* an ideo tutius, quia non sit necesse, exceptionem opponere in iudicio, eas autem causas, quibus liberamur ipso jure, sit necesse? Hoc vero etiam absurdus. Si quidem enim obijci convenit, exceptio est potius, quam id factum quod nos jure liberat: cum id factum jure sustulerit actionem, ut non sit necesse, ejus facti defensionem interponere ei actioni, quæ non est; exceptio autem non competat, nisi tunc, cum jure subsistit actio, sed quæ obje-

1) Ita et Don. ad *L. 5. Cod. de pact. n. 6.* Cum quo conveniunt fere Coras. 2 *Misc. 16. n. 12. Pac. 1. Enat. Q. 97.* Ang. Matthæac. *Lib. 1. de Via et rat. juris Cap. 6. n. 54.* Discrepantes aliorum, nimirumque variantes expositiones congressi sane et consignatas habeo. Sed referre eas nimum foret nedum examinare. Nempe Alciati 1. *Paradox ult. Connan. 5. Com. 2. Cujac. ad d. L. 27 §. 2. Zas. Hot. et For-*

tun. Garcia *ibid.* et Hippol. Riminald. in *ejusdem Repetit. n. 210 et seqq.* Jo. Bapt. Caccialup. *de Pact. Q. 1.* Marc. de Mantua *Sing. 612.* Charond. 1. *Verisim. 4.* Vacon. 1. *Declar. 20. Ræv. 2. Var. 1.* Briss. *Lib. 3. de solut. pag. 432.* Fachinæ. 13. *Contr. 24.* Parlador. 2. *Rer. Quotid. 3. n. 19. et 20.*

objecta exceptione excludatur. *tit. de exceptio. Inst.* Et ideo definitur exceptio, actionis exclusio, quæ interponi actioni cujusque rei solet. *L. 2. D. de except.* Quo ergo tutius, inquam? Quocunque nos converterimur, non alia causa, puto, reperietur, quam quod intelligebat, exceptionem non esse, nisi eam defensionem, quæ initio in contestanda lite opponatur actioni institutæ ad eam excludendam: aliter nec exceptio dicatur, nec reo prosit ad absolutionem. Itaque tutius exceptione ita opposita perimere actionem, quia cum hoc factum erit, certum est reum semper tutum fore, sive quis dixerit, eum liberatum esse ipso jure, sive dixerit per exceptionem tantum. Quod si exceptio fit initio prætermittitur, et forte actio, quæ instituta est, non sit perempta ipso jure, necesse erit reum condemnari: quia exceptione, quæ sola ei competeat, non sit usus, uti oportebat: vel verius non sit omnino usus exceptione, qui de actione adversarii, cum intendebatur, nihil exceperit. Postremo huc referri debet judiciorum varietas, quæ olim fuit indicata cum ab aliis tum præcipue a Duareno ad *L. Jurisgentium. D. de pact.* cum alia redderentur pure, alia sub conditione, sive sub ex-

Tom. VI.

ceptione idque postulante et contendente eo, unde petebatur: de qua in judicium includenda stultum fuisset laborare, nisi hoc ita fieri pertineret ad rei absolutionem.

IX. Sed in strictis, inquam, judiciis exceptionem contestari, id est, initio litis opponere est opus. In quibus nihil amplius subjicitur cognitioni, et potestati judicis, quam quod in judicium aperte deductum est. Unde appellata sunt stricta. Non idem jus est in judiciis bonæ fidei. In his ut solutio, sic exceptio pacti, et alia quælibet quanvis initio omissa quandoque ante sententiam opponi potest, et opposita ac probata reum eximit damnatione. Idque est, quod dicitur a veteribus, exceptiones inesse bonæ fidei judiciis. De cujus dicti sententia, et ratione cum paulo ante dixerimus, nihil necesse est hoc loco inculcare. Quæ de exceptione dicta sunt, eadem intelligimus dicta esse de replicatione, duplicatione, triplicatione. De quibus verbis est apud Justinianum, sub *tit. de replicationib.* et in *L. 2. D. de except.* hoc volo, ubi exceptio contestanda est, ut prosit, illic et replicationem, et cæteras defensiones, quibus actor usus est, esse contestandas, et contra.

14

CAP.



## C A P. III.

Lite contestata, et judicio constituto quæ sint partes judicis; et de jurejurando, quod propter calumniam exigitur. Ad tit. C. de jur. prop. cal. dando.

*Continuatio, atque ordo. I.*

*Judicis partes ex potissimo ejus officio duci omnes atque æstimari. Tres esse illius proprias et præcipuas, et quæ sint. II.*

*Duas alias tribus illis accedere minus ad judicandum necessarias, sed litigantibus utiles; quæ illæ. III.*

*Quinque in universum partium istarum qualis ordo in judicando. IV.*

*Principio Sacras Scripturas observari ante judicis oculos oportere; qualis poena contemptoris judicis. V.*

*Deinde jurare debere, cum judicem: se videlicet judicaturum secundum leges (quæ non jurantis poena. VI.*

*Tum a litigantibus exigere juramen-*

*tum, ut nihil animo calumniandi in judicio admittant. VII.*

*Quæ litigatorum poena si recusent. XII.*

*Domini litis jurare debent, sive per se agant, sive per procuratorem. VIII.*

*Tutores tamen et curatores, non eorum pupilli et minores. IX.*

*Jure canonico clericis hoc jursurandum remittitur immo interdicitur. X.*

*Juramentum in judicio præstandum est apud judicem: qui domi suæ jurent. XI.*

*Jurare cogi etiam advocatos utriusque partis: quid hi jurent; quæ abnuntium poena. XIII.*

*Item quæ judicis non exigentis ab illis juramentum. XIV.*

I. **H**æc sunt, quæ in litis contestatione, et officio magistratus ad constitutionem et ordinationem judicii, tum cautionem litigatorum initio spectanda videbantur. Ex quibus quod præcipue ad institutum pertinet intelligitur, ut ante litis contestationem non est judicium, sic lite semel contestata, si etiam illa recepta sit a magistratu et posita ad disceptandum, quocunque modo per leges et mores id fieri receptum sit, statim sequi judicium. Unde judicium incipere a litis contestatione, et res dicitur in judicium deduci lite contestata. *L. 1. Cod. de judic. L. unic. Cod. de lit. contest.* Non quod statim judicet judex; id est, sententiam ferat; sed quod statim subjiciatur res ejus cognitioni: quæ pars est judicii vel maxima, ut mox dicam. Lite contestata, constitutoque judicio restat, ut judicio suo fungatur judex, sive is datus erit privatim a magistratu, sive magistratus ipse rem suæ cognitioni reservavit. Quod quidem nullo nominatim judice dato fecisse intelligitur. Deinceps igitur, quæ hic judicis partes sint, videndum est.

II. Et primum vel ipsum nomen judicis satis nos admonet, summum esse hoc ejus officium, ut judicet: cum a judicando nomen sit. Hoc summum natura aliud secum trahit: nempe, ut prius judex causam cognoscat. Non enim judicem tantum; sed æquum judicem quærimus: id est, eum, qui

recte judicet. Id autem non aliter fieri potest, quam si re, et causa cognita judicet. Quinimo ut nihil amplius requiramus, quam judicium: tamen idem efficitur. Nam ne judicare quidem quisquam dicendus est, nisi qui causam cognovit. Judicium enim delectus est, cum re inter aliquos controversa, et utraque parte, rem in diversas partes distrahente dicimus hoc, aut illud potius nobis videri. Non cadit autem delectus, nisi in res ante perceptas, et cognitatas. Quamobrem ita etiam jus est, ut judicem oporteat ante causam cognoscere, ac nisi causa cognita sententiam ferat, ea nullius momenti habeatur. *L. ex stipulatione, C. de sent. et interlocut.* Ex his nascitur etiam tertium. Non enim potest ista præstare judex, nisi ab iis, quæ sunt contraria, sibi temperet. Adversatur autem superioribus, si prius quam judicet de re, aliquid in re innovet. Consequens est, ut prius, quam judex ita judicarit, id est, dum lis pendet, vetetur quidquam de re movere, aut in ea innovare: sed quemadmodum actori ad persecutionem juris sui; sic reo ad retinendum, quod ante habuit, tenuit, omnia illum integra servare oporteat. Quæ tria proprie et præcipue sunt judicis, ac cujusvis judicii.

III. Sunt quædam, quæ visum est imperatoribus Romanis a judicibus exigenda esse non tam per se ad judicandum necessaria: quam



quam quod videantur utilia ad iudices ipsos et litigatores in officio continendos, quo iudicium recte et religiose peragatur. Ea duo sunt. Unum, ut quicumque futuri sunt iudices, curent, ut sacrosantas scripturas ante sedem iudicalem proposita habeant, non in principio tantum litis: sed ad extremum usque donec sententiam tulerint. Alterum, ut iam ab initio litis religione iurisiurandi obstringant et se, et litigatores, et item patronos causæ: se quidem et patronos, ita, ut iurept se bona fide, et pro eo ac decet, in iudicio esse versaturos: Litigatores autem ita, ut iurent nihil se calumniose instituere, aut in posterum esse molituros.

IV. Ita si converso ordine, et quo ista maxime in iudicio agenda sunt, eadem colligimus, quinque sunt in summa, quæ ius civile iudici pro officio imponat. Primum, ut de sacrosanctis scripturis curet id, quod dixi. Deinde ut præstet ipse iusiurandum, et a litigatoribus. et patronis exigit tale, quale postea pluribus exponetur. Tertium, ut pendente lite nihil novet. Quartum, ut causam cognoscat diligenter. Postremum, ut re co-

*Tom. VI.*

gnita iudicet. Quæ singula qualia sint, consideremus.

V. Ac de adhibendis sacris scripturis quod dixi, et quamobrem velit eas Justinianus indicatoris ob oculos versari, cautum est in *L. rem non novam*, vers. *et generaliter*, *C. de judic.* ut locum indicare sit satis: hoc quærendum est, quæ sit poena, si iudex contra faciat. Nihil enim de eo constitutione Justiniani nominatim cautum est. Et cum ipse in *L. 2. C. de jur. prop. cal. dan.* dicat se non permittere, ut iudices aliter caussas dirimant, nisi sacrosanctis evangeliis propositis: puto hinc intelligi posse, si aliter se gesserint iudices, quam ius permittat, iudicium nullius fore momenti: ut accidit in omnibus, quæ lege prohibente fiunt. *L. non dubium. C. de legib.*

VI. De iureiurando, quod secundo loco initio litis exigi debere diximus, eiusdem Justiniani constitutiones sunt; quarum sententiam breviter exponam. Et quod ad iudicem attinet, iubet eum lite contestata ante omnes iurare, quod eius officio convenit; omnia se videlicet <sup>3</sup> ex vero, et legibus esse consti-

13\*

tutu-

1) *Nov. 90. C. ult. in fin.* Ut subinde ad eas respicientes memoria extremi iudicii ab injusto deterreantur. Quam consuetudinem cum hodie desiderit, in usum revocari debere scribit Sich. *ad L. 2. pr. Cod. de jur. prot. cal. n. 1.* Eadem tamen de causa hodie sæpius in prætoriiis, vel pro tribunali typus extremi iudicii visitur. Non enim hominum, sed Dei experietur iudicium *Deut. 1. v. 17. 2. Paral. 19. v. 6. Sapientia 6. Ps. 82.* quem semper præsentem et acutum inspectorum habebat, vid. *Cap. quatuor 78. et seqq. Cap. 11. Q. 3. d. Nov. 90. Cap. ult. in fi.* Confer. *Cohortat. ad iudices ex Harmenop. præfixa a Menochio Tr. de Arb. iud. QQ. Damhuder. Praxi civ. C. 9.* Et de officio magistratus iudicantis *Nov. 17. et Nov. 24. Cap. 2.* pulchre Joan. Saresberien- sis *Policrati Lib. 5. C. 11. 12. 15. et 16.* Huc spectant versus vulgati, non illepidi:

*Cogitate Iudices qui vel quales estis,  
Quid in hoc iudicio dicere potestis.  
Quo nec erit Codici locus aut Digestis.*

Idem erit dominus, Judex, Actor, Testis. Prudent. *Cathemerinon Hymno 2.*

*Speculator adstat desuper,  
Qui nos diebus omnibus  
Actusque nostros prospicit,  
Hic testis, hic est arbiter,  
Hic intuetur quicquid est,  
Humana quod mens concepit,  
Hunc nemo fallit iudicem, etc.*

2) Ita et *Gl. ad d. L. 14* referente *Richardo ibid. n. 4.* sed reprobante *n. 5* Et recte non tam quia solemnitates leviores omisae actum non vitiant, ut *Richard. d. loc.* et *Wessenbec ad T. C. de Ord. Jud. n. 5.* quam quia durum omnino hanc, et culpam Judicis nocere litigantibus, illosque, lite ceteroquin rite transacta, novae litis necessitate implicari. Quia si jurisjurando omisio non vitiat, cujus exigendi fortior ratio, minus, etc. Quin quod in *fi. pr. d. L. 14.* habetur, æque ad omissionem hujus solemnitatis referri potest.

3) *Salvian. Epist. 4. pag. 330. Iudices jurant, nihil se nisi ex veritatis officio pronuntiuros.* Et ita olim in singulas causas Iudices sacramenti religione obstringebantur

et in leges jurabant. Quod lege Agraria Saturninum cavisse scribit Ant. Augustin. *Lib. de LL. Cap.* 15. Et ita quoque Plato definivit *Dial.* 12. de LL Cicer. *3. Offic. pag.* 523. Cum iurato dicenda sit sententia, meminerit, Deum se adhibere testem, et pro Cluentio p. m. 357. de quo iurati sententiam ferre debebant, et 1. act. in Verrem, ubi Acon. Prætorē conceptis verbis præteunt, Pollet. 5. Hist. fœri 7. n. 7. qui ipse tamen non jurabat, Cic. d. Act. p. m. 80. Nunc eo animo sum, ut eo Iudice, quam Prætorē, hanc rem transigi malim: et iurato suam quam injurato aliorum tabellas committere, Pollet. d. loc. Rev. 5. Var. 8. Qui hoc jusjurandum ad aram præstari solitum probat ex Symmach. *Lib. Epist.* 54. et Ambrosio, eamque aram fuisse Pytheal. Libonis, aut in locum ejus eversi restitutam, add. Freher. in Sulpitio s. de æquitate p. 14. Rittershus. Com. Salvin. pag. 388. Simanca 1. de rep. 16. ac seq. Hodiè sane magistratus et iudices omnes jurejurando solemniter obstringunt; in ingressu dignitatis vel officii vid. Nov. 8 C. 7. et ibidem in fi. tit. 3. Nov. 15. C. 1 §. 1. Nov. 29. C. 3 Nov. 102. in Præfat. Nec tamen necessitatem jurisjurandi in singulis causis præstandi remissam satis firmiter inde colligi videtur. Tametsi id non repeti generalis apud nos moris esse constet, quem et in Gallia servari testis est P. Fab. ad tit. de O. I. p. 82. Ac inde firmat Sich. ad L. 2. pr. C. de Jur. prop. cal. n. 2. quod unicum juramentum initio officii præstitum, in singulis causis præstatio videtur, argum. hoc sacramentum Cod. de jurejur. propter calum. add. Wesenbec. ad tit. Cod. de Ord. Judic. n. 5. Joau. Bapt. Asin. de execut. §. 8. Cap. 41. Sic olim apud Romanos Consulatus, aliorumque magistratum, candidati, dum eos inibant, in Sacramento se adstringebant, vid. Bodin. 3. de Reipub. l. 4 n. 29. quod nec Augustus Dio Lib. 53. initio. nec Trajanus Plinius in Paneg. Consulatū iocundo, præbere recusarunt, Petr. Fab. ad d. titul. de Orig. Jur. pag. 77. Bodin. 1. de Republ. 8 n. 9. Formulæ Sacramenti Senatorii refert Hippol. a Collih. in principe Cap. 4. et Philipp. Camerar. 1. Oper. Succes. 32. Athenis quoque in ordinem judicium judicii Hellasici nullus recipiebatur, nisi præstito jurejurando se secundum sticti nullus recipiebatur, nisi præstito jurejurando se secundum adversus Timocratem, de quo Joseph. Stephan. Lib. 2. de jurisdict. Jude Græc. et Roman. Cap. 5 n. 3 et Cap. 10. n. 3. fuse Petr. Fab. ad d. tit. pag. 79. et seqq. ubi quotannis id iusjurandum fuisse repetitum ostendit. Quod hodieque in Senatu Pedemon-

tuturum. *d. L. rem non novam*, in pr. et vers. *et hoc, Cod. de jud.* Jubet autem hac lege, ut si prætereatur hoc iusiurandum, nihil amplius pœnæ nomine denunciaret, quam fore id contemptoribus periculosum, *d. vers. et hoc.* Unde intelligimus hoc iureiurando prætermisso nocere quidem hæc iudici, qui contempsit iurare: cæterum iudicium consistere nihilominus, ut sententia victori prosit, victo noceat, qui in eo nihil contra legem

fecerunt. Videtur autem mihi hactenus indicati id nocere debere, ut cum eo agi possit, tanquam qui 4 male iudicavit hoc ipso, quod non secundum leges iudicium exercuerit.

VII. De litigatoribus cavit in *5 L. 2. Cod. de iure. prop. cal. dan.* item *Novell. 50. §. penultim.* In quibus constitutionibus hæc capita rerum ab eo constitutarum observanda sunt. Non solum iubet eos iurare et una iusiurandi formam præscribit: sed etiam ad-

dit.

tano servari refert Tessaur in *Præfatione Decis. n. 24.* Et contra hanc iurandi necessitatem, nec statutum, nec consuetudo contraria valida, seu delinquendi occasionem præbens, Mynsing. 2. *Observat. 76.* Moller. *ad Novell. Elect. Sax. 32. P. 1. n. 15.* Setser. *Lib. 3. de Jura. Cap. 3. n. 3.* Iudicem tamen eum, qui ex arbitrio cognoscit, iurare non cogit scribit Menoch. 1. *Arb. Q. 58.* vid. Covar. 2. *Var. Resol. 13. n. 3.*

4) Potius arbitrarie a superiore puniri dicendum ut post Alber. Wesenb. *ad tit. Cod. de Ord. Judic. n. 5.*

5) *Nov. 124. Leonis 97 et 107. §. 1. Instit. de pen. tem. litig. tit. extr. de Jura. cal.* Hoc definit Obrecht. *de Jura. cal. Cap. 1. n. 19.* quod sit religiosa litigatorum asseveratio, qua adstrunt, se non calumniandi animo, sed juris sui opinione et fiducia fretos agere vel alteri resistere. Alias definitiones refert et examinat Anton. Del Re h. *Tr. Jura. Cap. 1.* Hoc iure divino introductum esse, sentit Menoch. 1. *Arb. Quæst. 20. per Exod. 22. v. 1.* qui tamen versiculus de iuramento veritatis et purgationis, non opinionis quale hoc est, loquitur Obrecht. h. *Tr. Cap. 3. n. 3.* Ergo rectius qui Juris civilis id esse agnoscunt, ejusque originem ab Atheniensium Republica a quibus plerique Romani sumserunt, repetunt. Illis enim *προσωμασία* et *διασωμασία* dicebatur iusiurandum quo actor obstringebatur: *Αντισωμασία*, quo reus. Uti hæc quandoque confundantur et de utrisque promiscue usurpentur, vid. Wesenb. *in Par. Cod. hoc tit. n. 5.* Obrecht. h. *Tr. Cap. 3. numero 7. et seqq.* Joach. Stephan. *Lib. 2. de Jurisd. Judæ. Græc. etc. Cap. 10. n. 1016.* Ubi eo tamen differre vult nostrum hoc iuramentum quod id de credulitate præstetur, illud vero de veritate, seu ex animi sententia, dira imprecatione addita. Turneb. 28. *Advers. 20. in fin.* iusiurandum hoc sumptum esse vult ex gladiatorum consuetudine, a quibus *ἀμφοροξία* et *ἀντισωμασία* dicebatur, quod uterque iurare cogeretur. Plane olim ex parte actoris cautio decimarum præstanda, qua actor initio litis, ni vicerit, decimam litis præstitum iri cavebat, idque re promissione L. *judicio Cod. Hermogen. de Calumniat.* non satisfactione. Unde reo actio ex stipulatu, quæ vetus calumnie actio vocatur §. 1. *vers. hæc autem Instit. de pen. tem. litig.* Cujac. 7. *Observat. 5.* Obrecht. h. *Tr. Cap. 1.* Nec tamen inde probatur quo Gæd. *ad L. 7. de Verb. Signif. n. 6.* scribit, olim tantum reos iurejurando hoc vindictas fuisse; non actores. Nam et Athenienses utrumque servarunt, et iurati litigatores decimam fere partem litis deponebant, quam depositionem dixere *παρακαταβολήν* et *τραπεζία*, Cujacius 27. *Observat. 21* confirmans ex versu Aristophanis in *Nubib. Actu quarto, Scen. 1.*

Πᾶς γὰρ τῆς δυνος οἷς ὀφείλων τυγχάνω  
Οἷς μοι πρὸς τανύ.

Omnes quibus ego debeo deposita in iudicio pecunia jurant. Et generalis quoque huius iusiurandi mentio iure Dige in L. 44. §. *Fam. etc.* Cujac. in *Novell. 49. Parte 1. numero 184.* Quam miror quod pro se adducat Gæd. *dict. loc. n. 7.* quasi ibi habeatur iudicii duplicibus uno iurare teneri de calumnia, cum directo contrarium afferatur, quod nempe in illis uterque tam rei quam actoris sacramentum subeat, Azu in *Summa Cod. hoc tit. numero 3.* Licet illic verba: *et ideo iurare, etc.* Tribonianus adscribant Cujac. in not. ibidem et Gifan. *ad L. 37. de oblig. et Actionib. numero 12.* Quin et vetus illa decimæ litis sponsio restituta a Justiniano *Novell. 112. Cap. 2.* vid. not. *supr. Lib. 23. Cap. 9. N.*

23. hoc addito, ut satisfactionem habeat cautio, Cujacius *d. Cap. 5. Gæd. d. loco numero 8.* Non obstat, quod Justinianus in *d. §. 1. de pen. tem. litig.* iusiurandum hoc se introduxisse profiteatur. Nam, id inde quia plenius explicavit, eique auctoritatem impertit, Obrecht. *d. C. 3. num. 12.* Finis huius ut calumniosa litigantium iniquitas et audacia, metu et fe- litionis injecto, compescatur. L. 1. *in fin. Cod. h. tit.* Unde supine loqui videtur Wult. *ad tit. Inst. de pen. tem. litig.* dum hoc iusiurandum pœnis temere litigantium accenset n. 6. *et seq.* Præstatione enim huius non punitur temeritas commissa, sed ne committatur ita facile occurratur. Nec temere litigans solum hoc iuramentum præbet, sed et, qui iustissima forte causa, sed de qua, nondum cognita, non liquet, nititur, ne temere litiget. Dicitur equidem coerceri temeritas religionis jurisjurandi princip. *Instit. hoc tit.* Sed coercitio ibi non animadversionem frandis, admissæ denotat, ut in L. 9. *Cod. de furt. L. 19. C. de pen. et simil.* verum prohibitionem et repressionem, quæ propria vis vocis. Quomodo coerceri dicitur aqua L. un. §. 9. de fonte. Cicero in *Topic. pag. m. 398.* Et ita passim Cicero coercere hostes, id est impetum reprimere, coercere cupiditates, orationem rapidam, etc. Idem *Lib. primo de Finibus initio fere*, difficilem temperantiam postulant in eo, quod semel admissum, coerceri non potest. Ubi pœnam non significari patet. Nec dubito simili sensu sæpius in libris nostris reperiri, sed exempla conquirere non vacat. Satis est, quod in *dict. princ.* aliter non accipi evidens sit, tum ex re ipsa tum ex adjunctis: *infamie metu.* Temeritas enim admissa et de qua constat, non metu, sed irrogatione infamiae coercetur. Quia vero in hoc exigendo boni publici rationem habitat Imperator testatur, L. 7. §. 4. *C. h. tit.* inde inferunt, non tantum partium conventionem remitti non posse, de quo vide h. C. N. 15. Sed nec statuto vel consuetudine; Et probatur C. *cæterum 5. extra h. tit. C. constitutus 3. de fidejuss.* Mathesilan. *Singul. 65.* Anton. del Re h. *Tr. C. 13. Menoch. 1. Arb. Quæst. 20. n. 4. Joh. Petr. Surd. Decis 18. n. 8. Vasq. 2. Contr. usu freq. 25. n. 7. et 1. Ill. Contr. 31. n. 44.* ne, inquit, facultas statuendi convertatur in ipsorum municipum læsionem, dum hoc remoto omnia litibus scaterent, Caroc. *de Jura. lit. Decis. Quæst 13. principali n. 7.* Obrecht. h. *Tr. C. 11. n. 20. et seq. 1. Obs. 85. n. 3. et 4.* Atqui id in omnibus curiis Galliæ exolevisse testatur Rebuff. *ad Const. R. Franciæ in proem Gl. 5. n. 50.* ( licet lege lata in Comitibus Aureliensibus in usum revocatum sit, Forner. 2. *Select. 4. in fin.* ) ut et in Flandriæ provinciali ac magno Mechliniensis Concilio, Damhud. *Præxi Civ. C. 151. n. 30.* Et generale iusiurandum calumniæ ( aliud in speciali, ut ex dictis N. 2. *ad Commentar. in Tit. D. de iurejur. Cap. 13.* ) in terris quæ jure Saxonico reguntur esse in uso desit, gl. Lehenrecht. art. 68. *sub fin.* Fach. *Diff. jur. civ. et Sax. 47 inter Diff. Zobel. 24. P. 1. n. 7. Rauchb. P. 1. Quæst. 10. n. 3. Abel. Strassburg. Cons. 3. n. 40. Coler. Decis. 117. n. 10. et seq.* ubi n. 15. ita usu servari, ut in nullis penitus causis præstetur. Sed Beust *ad rubr. D. de iurejur. n. 182. et Speck. Cent. 2. Cl. 4. Q. 20. n. 4.* quandoque id præstari testantur in foro Saxonico in Consistoriis Publicis, maxime in causis matrimonialibus. Quamquam vero hunc morem Saxones reproberent, Sich. *ad Rub. C. h. n. 12. et Fach. d. loc. ac Coler. d. Decis. 117. n. 11.* omni ratione carere asserat; Melius tamen alii iuste talem consuetudinem tolerari, qua perjuria multa evitantur, cum et jam olim testatus fuerit Bald. in L. si post 24. C. de evict. n. 1. expedire, ut ex usu iudiciorum tolleretur, ad tot perjuriam evitanda, cum vix tressis fere æstimari soleat Wes in *Par. C.*

dit, quos velit iurare, quando, quo loco, quibus præsentiis, quoties: iurisiurandi recusati quæ sit poena, omissi item quæ. De quibus hæc est constitutionis summa. Exigit, ut ex litigatoribus actor quidem iuret se non calumniæ causa litem intentare: reus vero se non dolo malo, nec contendendi causa actori contradicere, *d. L. 2. pr. Novella*,

50. §. *penult.* in princ. Pariter autem ambo ut iurent, nihil se omnino in iudicio differendæ litis causa esse facturos. Quod propter rationes, et literas, quæ postulatur edi ab adversario, cautum est, *d. Novella*, §. *penultim.* quo nomine olim tunc iusiurandum exigebatur, cum probationes istæ requirebantur, non <sup>8</sup> initio ex *L. 1. Cod. de iurejur. prop.*

*h. tit. n. 5. Gail. d. Obs. 85 n. 5 Obrecht. d. C. 11 n. 22 Ant. del. Re C. 1. n. 36 Maran. P. 6 tit. de Juram. n. 11 Arumæ Lib. 2. Decis. 11 n. 5. Ventura de Valentii Parthenii litigiosi Lib. 1 C. 15 n. 34 et Lib. 2 C. 6 n. 19. Ideoque et statuta huiusmodi valere recte Viteberge iudicatum ex Soceri Mich. Teub. annotat. refert Rauchb. P. 1. Quest. 10 n. 6. Nec dissentit Scaccia 2. de Judic. 1 n. 131. Quin et olim sapientissimus Platon Dialog. 12 de Legib. iusiurandum nec a litigatoribus exigendum, nec etiam, si iurare parati, suscipiendum esse gravi ratione censuit.*

6) Vulgo formam huius iurisiurandi ad quinque hæc capita revocant. (1) Quod causam suam justam putet vel credat. Neque enim hic præcise, et liquido iuratur, sed ex conscientia, licet verò causæ natura alia forsitan sit, ut *L. 2. §. 2. C. h. t.* Unde vulgo non esse hoc iuramentum veritatis, sed credulitatis, vel non scientiæ sed opinionis. Obrecht. *h. Tr. C. 10. n. 23. et seqq.* vid. Ant. del. Re *h. Tr. C. 8. Scaccia 2. de Judic. 1 n. 60. Jac. Schult. Obs. for. 56. n. 50. Spechan. Cent. 2. Cl. 4. Q. 18. n. 2.* Aut de veritate quidem conscientiæ ac intentionis, de credulitate autem facti vel obligationis; post Bald. Toming. *Decis. 45. n. 17.* Objic. Atque dicitur ex animi sui scientia iurare *d. L. 2. §. 2. resp. Cujac. 1. Obs. 21.* pro eo legit: *ex animi sententia*, quod idem est ac ex sincera fide et conscientia, quia et hæc vetus iurandi formula. Verum notatur ab Hot. 21 *Amicab. 1.* tum quia formulæ solemnes per Constantinum sublata, tum quod scientia illic certæ causæ notitiam significet, per præcedentia et sequentia. Mihi videtur suo se mucrone petere Cujacius dum hoc accommodat illa verba solemnia. *Si sciens, fallo, etc.* Nam si eo respicias, ex animi scientia iurat, quicunque sciens non fallit, cuique, si forte res aliter se habeat, ipsi non aliud compertum est. Sane recepta lectio adstruitur satis verbis prioribus, *scire possunt.* Et ipsa contextus series, ac vis verborum sequentium, *Et licet*; hanc sententiam arguunt. Tutores iurejurando hoc vinciendos, quia non pupillis, sed ipsis comperta esse potest causæ iustitia, et ita hoc casu ex certa scientia iurare liquido possunt. Sed etsi non usquequaque comperta sit, modo causa anceps, nec evidens ejus iustitia, iurandum, ipsis esse de opinione, quod justam causam statuunt, etc. (2) Capit. Quod interrogatus verum distiteri nolit, aut saltem, quod verum statuere, responsurus. (3) Nichil corrumpendi frustrandive iudicii causa iudicii, aliive disside, cavisse, daturum, cauturum. *Nov. 124. C. 1.* quod et olim obtinuit Plin. 5. *Epist. ult.* Etsi enim id diversum ab hoc iuramento statuatur. Obrecht. *h. t. C. 10. n. 37.* Verius tamen clausula, seu pars huius iurisiurandi statuatur, ut et Joan. Saresberiens. *Policratici Lib. 5. C. 13.* (4) Falsa probatione scientem non usurum. (5) Litem temerarie petitis dilationibus non protracturum *L. 1. pr. C. h. t.* Quæ his rythmicis versibus inclusa:

*Illud iuretur quod lis sibi iusta videtur,  
Et si queretur, verum non inficietur;  
Nil promittitur; nec falsa probatio:  
Ut lis tardetur dilatio nulla petetur.*

Beust. *ad Rub. D. h. t. n. 174.* vid. Jac. Sch. *Obs. forensi 56. n. 40.* Et aliis a Justo Vultejo Hermannii parente relatis a filio. 2. *Jurispr. 31. n. 159.*

*Juro meam litem mihi iustam jure videri;  
Nec celaturum si qua rogatus ero:  
Nec promissurum, neque causæ falsa levandæ  
Dicere, nec litem ducere velle meam.*

Ex quibus tertium istud caput, pro illo Veteris iurisiurandi formulæ, de superflua probatione ab adversario non e-

xigenda, *auth. in isto C. h. t. Nov. 49. C. ult.* substitutum. Contra hoc iurando plerumque omitti, testatur Rauch. *P. 1. Q. 11. n. 27. et seqq.* Vis huius præstiti ut calumniæ suspicionem elidat. Unde qui conditione furtiva rem cum a decessore subtractam petierat ab heredibus, nec obtinuerit, per hoc excusatum ab animo injuriandi, ne lite illa finita injuriarum conveniri possit statuit, licet subauditus, Mod. *Pist. P. 1. Q. 35.* Non vero ab evidenti calumnia excusat, minus expensarum condemnatione per se solum liberat, Covar. *Pract. QQ. C. 27. n. 1. Obrecht. C. 12. n. 13. et seqq. Jac. Schult. Obs. forensi 56. n. 44. et seq.* et DD. communiter. Etsi enim Alex. contrariam receptionem vocet, ei tamen et in hoc alii obloquuntur, Seraphin. de Seraph. *Privileg. juram. 13. n. 3.* Alias certe, quandoquidem regulariter hoc præstandum, expensarum condemnationi regulariter non esset locus, contra juris regulam. Quin nec si calumnia cessat, quæ ex eo solo quod quis succubuit arguitur *L. 3. Cod. de calumn.* ideo et temeritas litigandi, quæ latius patet, vid. Bart. *ad L. 13. §. sin. autem 8. Cod. de judic. n. 1. et 2. Blarer. in L. diffamari Cap. 5. n. 40.* Anton. del. Re *h. tractat. Cap. 22.*

7) Hinc in quibus causis nulla probandi necessitas, nec huius iurisiurandi prohibendi, ut cum reus confitetur vel super notorio facti permanentis agitur, Sighard. *ad L. 1. Cod. hoc titu. n. 3. et 4. Vasq. 2. Controvers. usufreq. 25. n. 21.* idem statuens ubi questio juris vertitur, non probationis facti, sed allegationis LL. exigens. Sed recte Sighard. *ad d. L. 1 n. 5.* in proferendis et ad propositum adaptandis LL. earum contursione et mutila sæpe citatione non minorem fraudem et calumniam committit. De causis in quibus hoc iusiurandum necessarium vel non, vid. Obrecht. *hoc Tractat. Cap. 8.* Anton. del. Re *hoc Tractat. C. 19. et sequent.* Scaccia 2. *de Judic. 1. n. 139. et seqq. et n. 213. et seqq. Setzer. 3. de Juram. 4. Cujac. in Nov. 49. sub fin. Damhub. Prax. civ. Cap. 151. n. 11. et seqq.*

8) Id est, in lite contestanda. vel mox post litem contestatam. *L. 14. §. 1. Codic. de judic.* quia quæ in continenti post fiunt, inesse videntur, Sighard. *ad L. 2. pr. Cod. hoc tit. n. 6.* Traquell. *de Retract. convent. §. 1. gloss. 5. n. 2.* Unde hoc initium 2. partis iudicii statuitur, Sigismund. Scaccia 2. *de Judic. 1. n. 1.* Et ita generali hoc præstito, speciale deinde, super aliquo capite litis, a parte exigi nequit. Quod si non initio præstetur, hoc ipso in ordinem iudicantium peccari jure civili mihi plane videtur, cum *d. L. 2. princ. et §. ult.* ita districte hoc exigat, neque aliter progressum litis permittat. Unde vix ambigo quin dispositio *C. 1. pr. extr. h. t. in 6.* quod si in exordio non iuretur, postmodum in qualibet litis parte iurari queat, cum præstatio ab initio de substantia ordinis iudicarii non existat, absque sit a constitutione Justiniani *d. L. 2. ut et a juris civilis ratione.* Quod cum evidens appareat, inspecto usu et sine iurisiurandi huius exigendi, miror id vulgo non notari, sed plerosque secure dogere, quodocunque ante conclusionem causæ exigi vel præcere, stari posse, nulla diversitatis inter jus civile et Pontificium mentione. Equidem hanc differentiam notavit Obrecht. *Tr. C. mentione. Equidem hanc differentiam notavit Obrecht. Tr. C. 1. n. 6.* quod cum jure civili speciali iuramento calumniæ locus sit, non tantum in singulis litis partibus, sed et in aliis causis extra iudicium, jure Canon. *d. C. 1. tantum in qualibet litis parte.* Et idem *C. 9. n. 12.* utroque jure hoc iusiurandum initio litis præstari ac *d. C. 1. pr.* verbis in qualibet, et de speciali iurejurando accipit. Quod vix probandum videtur. Plane et ante litem contestatam deferri potest, si appareat reum querere diverticula, aut exceptionem dilatoriam frivole objicere. Sighard. *ad Rub. C. h. t. n. 1.* Etsi tunc præstatio iterum præstari debere lite contestata, atque sic *L. 1. C. h. t. per. auth. seq.* corrigi tantum quoad iuramentum post litem contestatam præstitum doceat idem Sighard. *ad d. auth.*

*prop. cal. dan. ut appareat iusiurandum de calumnia sæpius olim exigi solitum: nunc semel.*

VIII. Jubet autem 9 ipsos dominos litis iurare, sive per se agant, sive per procuratores. Ut si quidem per procuratores agatur, et domini in iudicio ipso procuratorem dent, ipsi statim iurent: sin' procurator veniat nullo certo mandato prolato, admittatur quidem ipse iis conditionibus, quas ius præscribit: sed omnia quiescant prius, quam dominus litis intra tempus, quod a iudice statuatur, iusiurandum præstiterit, <sup>10</sup> *d. L. 2. §. sin autem abfuerit*, et *§. hoc etiam*, *C. eod.*

IX. Sane si res agatur per tutores, aut curatores, vel adeo his auctoribus, iubet Justinianus, non pupillos, aut adultos eosve,

quorum res per legitimos administratores curantur, iurare: sed eos, qui legitimam administrationem sustinent; ut iurent, quod credunt et existimant, recte et iure a se fieri. Nam ii, quorum res est, quid agatur, scire non possunt, *d. L. 2. §. i.* Jubentur isti omnes hoc iusiurandum præstare, et lite contestata statim in ipso exordio litis, et ante quam patroni iusiurandum præstent, *d. L. 2. in prin. et §. ult.*

X. sane iure Pontificio clericis aliisque ecclesiasticis personis hoc iusiurandum remissum, imo et interdictum est: tantum licet eis per procuratorem vel syndicum iurare. *C. 3. 4. pen. et ultim. extr. de juram. calumn.* quod a iure civili etiam non abhorret. <sup>11</sup> *L. clericis, Cod. de episc. et cler.*

XI.

n. 2. Eoimvero in omnibus causis, ante vel post iudicium acceptum iudex a partibus recte exigit iuramentum malitiæ, quoties viderit expedire *C. 2. §. ult. h. t. in 6. ex officio scilicet*, non ad partis instantiam, nova suspicione calumniæ suborta, etiam post conclusionem causæ, vid. *Gail. 1. Obs. 64. n. 6. Vasq. 2. Contr. usu freq. 25. n. 8. Menoch. Lib. 1. Præsumpt. Q. 85. Jo. Bapt. Asin. de Execut. §. 3. C. 17. n. 5.* Quod iuramentum malitiæ aliqui a iuramento calumniæ distinguunt, *Martin. 4. differentias tradens annot. ad Azon. Summ. C. h. t. Anton del Re. C. 1. n. 31. et seq. Scaccia 2. de Judic. 1. n. 62. Obrecht. C. 2. n. 6. Damhuder. Prax. civ. C. 151. n. 8. et n. 31. Cunrad. Heresbach. Epitome Jurispr. Christianæ Edict. III. Præcepti pag. 77. cum. justa alios tantum alia appellatio sit ac iuramentum calumniæ speciale, P. Greg. 48. Synt. 6. n. 2. Cujac. ad C. pen. extra h. tit. Jac. Schult. Obs. forens. 55. n. 4. et Obs. seq.*

9) Prius autem iurare debent actor, postea reus per *L. 2. sub. fin. pr. et §. 6. ac 7. C. d. h. tit. Beust. ad Rub. D. de iurei. n. 184. Obrecht. h. Tr. C. 5. n. 5.* Nec tamen hic ordo substantialis solemnitatis est, ut ejus inversio et præposteratio actum vitiet, *Sich. ad d. L. 2. pr. n. 7. Scaccia 2. de Jud. 1. n. 268. et seqq. Speckhan. Cent. 2. Cl. 4. Q. 25.* (quam integram quasi transcripsit, more suo illaudatissimus Jereem. Setser. *Lib. 3. de Juram. C. 5. n. 19.*) Et hoc iure civili certissimum est in iuramento generali ad iudicii ordinem pertinente; Etsi causa agatur per Procuratorem. Quod et *Frid. II. Imper. agnovit, ut patet ex Petri de Vineis Lib. 5. Epist. 50.* Principales enim quarum res agitur, magis causæ veritatem scire, magisque ex conscientia iurare possunt, *Obrecht. C. 6. n. 12. et 20.* Etsi speciale et extrajudiciale iusiurandum calumniæ quod ad rem privatam pertinet, Procurator præbere possit. *L. 13. §. 13. de dam. infect. Obrecht. d. C. 6. n. 22.* Jure autem Canonico Procurator speciale mandatum habens admittitur *C. ult. h. t. n. 6.* Et ita quotidie Procuratores hujusmodi iuramenta in Senatu Spirensi in animas et suas et Domini præstant, *Ord. Camer. P. 1. Tit. 65. et 74. Gail. 1. Obs. 83. n. 1. add. Beust. ad Rub. de iurei. n. 104. Harpr. ad pr. Institut. de iis per quos agere n. 27.* Et illam dispositionem Juris civilis abusu non servari, scribit. *P. Greg. 48. Synt. 6. 4. Licet. Vasq. 2. Contr. usu freq. 25. n. 6.* juris civilis correctionem per *d. C. ult.* non agnoscat. Noc placet ratio *Obrecht. d. C. 6. n. 25.* quia Procuratores fere melius calumniari norunt. Hac enim ratio exigendi quidem iusiurandi a Procuratore, sed non ab eo solo: Mandatum autem speciale ita requirit, *Covar. ad C. quanvis 2. de pact. in 6. p. 1. §. 5. n. 20.* ut et necesse sit causam exprimi super qua iurandum, quomodo et *Vasq. d. C. 25. n. 17. et 16.* requiri non tantum speciale, sed et singulare. Quod tamen in Camera stricte non servatur, *Gail. d. Obs. 83. n. 3.* (Quid in conjuncto, vid. *Del Re d. Tr. C. 15. n. 267. et seqq. Scaccia 3. de Judic. 1. n. 260. et seqq.*) Generale autem mandatum utique non sufficit, nec si clausula cum libera inserta, *Vasq. d. L. Tametsi Bover. Singul. 40. n. 10.* Procurato-

rem generalem tunc admitti, cum domini præsentia facile haberi nequit. Est tamen adhuc in arbitrio iudicis exigere hoc iusiurandum ab ipso principali, per *C. 3. verbis: qui causam omnino non nesciant. h. t. Obrecht. d. C. 6. n. 6.* Quia etsi Procurator in rem suam, cum ejus causæ sit et commodum, ipse ita juret, sive utili suo, sive directa mandantis nomine agat. *Azo contra Placentin. Summ. Cod. h. t. n. 6.* si tamen objiciat reus quod mandandi melius comperta veritas, illum iurare teneri idem *Azo* statuit. Plane et a procuratore exigitur iusiurandum, quod præstet nomine suo et in animam suam, atque in illo non requiritur mandatum speciale, *Hartm. Hart. Tit. 10. Obs. 2. n. 8.* Nam etsi principalis ipse litem contestatus, et sic juravit, Procurator postea ab illo constitutus iurare debet, *Sich. ad Auth. principales C. h. t. n. 3.* Et substitutus quoque Procuratori, etsi substituens ante id præstiterit, *Obrecht. h. Tr. C. 10. n. 44. ubi n. 43. ex Ord. Cam. P. 1. C. 65.* Procuratores tam in suam quam in principalis animam iurare. Quod et generaliter usu receptum esse, in palatio Romano testatur *Octav. Vestr. Pract. Lib. 4. C. 5. n. 17.* Plura de hoc iuramento Procuratorum pete *ex Ant. del Re. h. Tr. C. 16. Scaccia 2. de Judic. 1. n. 108. et seqq. et n. 178. et seqq.* Heredes quoque lite ad eos translata iuramentum hoc præbent, *Auth. principales pr. C. h. t.* Etsi enim factorum defuncti, probabilis ignorantia, tamen et ipsi de causa jam ipsorum effecta inquirere possunt, et tantum de opinione jurant. *Obrecht. C. 5. n. 8. et 9. vid. tamen Ant. del Re. h. Tr. Q. 15. n. 126. et seqq. et 2. 18. n. 27. et seqq.*

11) Ut sunt Syndici, actores, curatores bonis dati, prælati Ecclesiarum, oeconomi, orphanotrophi, *Sich. ad L. 2. §. 2. C. h. t. n. 1. et 2.* Item patres de adventitiis filiorumfamilias agentes. Sed an una tunc cum patre juret filiusfamilias vid. *Sich. d. loc. n. 5.* Et ratio differentie inter Procuratorem et tutores. Illi eorum lites suscipiunt qui per se idonei. Hi eorum qui ipsi iurare nequeunt. Alia autem causa iusiurandi in litem, *L. 4. pr. de in lit. jur.* Quia illud est affectionis, ibique semper metuitur ne plus æquo juretur. *Obrecht. C. 6. n. 15. et seqq.* Procuratori fisci in Camera hoc iusiurandum remittitur, *Myns. 1. Obs. 74. Gail. 1. Obs. 90. n. 4. Beust. ad Rub. de iurejur. n. 186. Obrecht. d. C. 6. n. 32. et 2. seqq. Rulant. de Commis. P. 1. Lib. 2. C. 14. n. 10.* qui sic post accuratam disceptionem iudicatum testatur, et ita in Senatu Mantuano ac Montisferatensi. *Joan. Petr. Surdu. Decis. 18. n. 11. vid. Anton. del Re C. 18. n. 14. et seqq.* Ratio, quia initio officii iuramento suo obstrictus est, *Schult. Obs. forens. 55. n. 25.* Remittitur et jure communi parentibus ac patronis, de quo in *Commentar. ad Tit. Digestor. de iurejurand. Cap. 13. n. 2.*

12) *Cujac. in Novel. 49. in fin. et in C. 1. extra h. t.* ubi scribit quod de Clericis Constantinopol. *d. L. 25.* disposuit, ab Henrico II. Imperatore primum, deinde ab Honorio Papa *d. C. 1.* ad omnes extensum esse. Turpe enim hos in falsitatis vel calumniæ suspicionem vocare, qui sob Religiois et pietatis professionem ab utroque abesse putantur, *Obrecht.*



XI. Iubentur iurare in iudicio apud iudicem: nisi vel sit mulier, vel egregia persona, vel is, qui valetudine impediatur. Quod genus personarum ius non cogit in ius venire. Itaque si cum his nobis res sit, iubetur ipsis. postulantiibus in domo earum iusiurandum exigi, altera parte, vel eius procuratore præsente. 13 d. L. 2. in princ. vers. *sin. autem*. Vide L. ad personas, D. de iurejur.

XII. Si litigatores exacto iureiurando recusent iurare, hæc est poena; actor cadit ab instituta actione: reus pro confesso habetur. 14 d. L. 2. §. quod si actor. Quid si iusiurandum a iudice exactum non erit? Et Justinianus in d. L. 2. §. sed quia. vetat hoc iusiurandum remitti invicem a litigatoribus, et iudicium iubet omnimodo id exigere; adiciens se legem de hoc genere non pro commo privatorum, sed pro utilitate communis posuisse. Unde apparet si iusiurandum ex-

actum non erit, contra legem fieri, et ordinem in iudiciis institutum. Contra hunc prolatam sententiam 15 nullius momenti esse constat. L. 4. Cod. de sent. et interloc. Pontifices ea re vitari iudicium noluerunt. C. 1. de iuram. cal. lib. 6.

XIII. Post hos iubet advocatos utriusque partis iusiurandum præstare, d. L. 2. in princ. Exigit in L. rem non novam, §. patroni, Cod. de jud. ut iurent tactis sacrosanctis evangelii et simul quid iurent, ibidem præscribit, quod cum disertis verbis fiat, inde petere licebit. Summa autem hæc est: causam se suscipere quam iudicio suo non improbant: ei se omni studio, et bona fide adfuturos: si quid maliciose et improbe fingi in ea postea deprehenderint, protinus se eius patrocinium omissuros. Quibus causam susceptam deserentibus, idem constituit non licere domino litis ad alterius advocati pa-

tro-

C. 5. n. 14. Apparet tamen, ex d. C. 5. et Cap. ult. h. t., si ipsi per se litigent, iurare eos cogi. Quod et tandem invaluisse scribit Obrecht, d. C. 5. n. 16. add. Azo in Summ. C. h. t. n. 7. fuse Anton. del Re h. Tr. C. 15. n. 308. et seqq. Alii distinguunt, ut etsi non de calumnia, tamen de veritate dicenda iurent, Alb. Galeot. Margaritæ quæst. C. 15. n. 10. Reges quoque et principes ob eorum dignitatem, qua suspicio calumnie excludatur, excipi volunt, Myns 1. Obs. 74. in fin. Obrecht. C. 8. n. 13. Del Re C. 18. n. 3. Intellige ut eorum Procuratores in animas dominorum non jurent Nam de ipsis, cum in iudicio versari non soleant, nulla quæstio. Male qui rationem istam in persona Procuratorum cessare putant. Nam immo iusiurandum quod in animam domini præstatur, ex suspitione calumnie ipsius domini exigitur, indeque perjuris sit, si pejeratur, non Procurator qui iuravit, sed is cuius nomine, Sichar. ad Auth. principales C. h. t. n. 1. Plura de personis, quæ sic iurare tenentur, Anton. del Re h. Tr. C. 15.

13) Auth. principales §. 1. 2. 3. 4. C. h. t. Obrecht. C. 9. n. 13. et seqq. vid. Anton. del Re C. 17. et confer. Commentar. in Tit. Digestor. Cap. 14. n. 5. et 6.

14) Stitac. Obs. Pract. Cap. 20. n. 92. post alios citatos Jac. Schult. Obs. forensi 55. n. 46. Sig. Scaccia 2. de judic. 1. n. 93. et seqq. Anton. del Re Cap. 14. et Cap. 21 quos vide, Ut tamen præcedat sententia declaratoria per d. §. 6. ( verbo cadat futuri temporis ) Gail. 1. 86. n. 1. Obrecht Cap. 12. n. 18. Vasq. 2. Contr. usu freq. 25. n. 25. Schult. d. loc. n. 47. Et usque ad sententiam moram purgari posse, docent Gail. d. loc. n. 2. et seqq. Obrecht. d. C. 12. n. 19. vid. Scaccia d. C. 1. n. 101. et seqq. Quid si procurator iurare se nolit an et quatenus id domino noceat, vid. Gail. 1. Obs. 89. Obrecht. C. 12. n. 23.

15) Unde pervulgata est nostrorum doctrina iusiurandum non expressa ratione partium conventionem remitti non posse, cum ratione publicæ utilitatis id exigatur, taleque pactum turpitudinem in se contineat, tacite vero posse, si nempe non exigatur, nec inde iudicii ordinem vitari per d. Cap. 1. Obs. 85. n. 2. Vasq. 2. Contr. usu freq. 25. n. 22. Sich. ad Rubr. Cod. h. ut. n. 10. et ad L. 2. pr. n. 9. Menoch. 1. Arb. Quæst. 20. n. 5. Scaccia 2. de Jud. 1. n. 49. et seqq. ( qui iude negat esse hoc iuramentum de substantia iudicii simpliciter et per se, sed solum si exactum fuerit ) Lanc. Conrad. de Off. præst. in causis civil. v. Juram. cal. n. 1. Grav. ad pract. Vestrii Lib. 5. Cap. 2. lit. F. Cagnol. in L. 23. de R. I. n. 81. Virgil. Pingiz. Q. 35. n. 4. Wult. ad pr. I. de act. n. 67. Wendelin. Hailma. de Testib. C. 4. p. 55. Ant. del Re post plures citatos de Juram. cal. C. 12. n. 8. et seqq. Jac. Schult. Obs. forensi 55. n. 6. junct. n. 29. Etsi vero plerique tacitam eam remissionem iure civili quoque ratam es-

se doceant per L. 34. §. 4. D. de iurejur. arg. a contrario ex verbis si hoc exigatur L. 5. §. 14. de op. no. nunc. Contra tamen cum Donello verissime sentiunt Stitac. Obs. pract. C. 20. n. 95 et seqq. Obrecht. h. Tr. C. 11 n. 7. et seqq. et And. Rauchb P. 1. Q. 11 n. 2. tum quia eadem ratio inhibenda: tacite remissionis cum ad ordinem iudicii pertineat, qui non est in arbitrio litigatorum, Forner. 2. Select. 4. tum quia Imperator d. L. 2. §. 4. districtè cavit, ne dissimulatione, quo tacita conventio hæc innuitur, sanctio sua deludatur. Adhæc d. L. 2. pr. habetur non aliter, nec actorem, nec reum subire certamina debere, etc. nisi hoc iusiurandum subeant; Unde satis patet non expectari debere perititionem partis adversæ, sed utrumque id ultro subire debere, Stitac. d. loc. n. 103. Non obest d. L. 34. §. 4. d. L. 5. §. 14. Illic enim exempla Jurisjurandi calumnie specialis, quod cum ad privatam causam exigatur, non publicæ utilitatis intuitu, facilius remitti potest. Forner. 2. Select. 4. Obrecht. d. loc. vid. notata ad Commentar. in Tit. Digestor. Cap. 13. N. 3. Quare iudicii officii erit, ut parte non petente ipse proprio motu exigat, P. Gregor. 48. Synt. 6. n. 10. Jo. Bapt. Asin. de Exsecut. §. 3. C. 17. n. 1. et 2. Vasq. 2. Ill. Contr. 64. n. 20. Speckan. Cent. 2. Dl. 4. Q. 27. Quod et ipsi licere si conventionem jurata remissum sit, Vasq. 2. Contr. usu freq. 25. n. 5. qui ipsam tamen conventionem ob iuramentum valere putat, licet alias nec decennii lapsu illam firmari jasserat d. C. 64. n. 19. Enimvero in hoc utriusque juri Civili et Canonico convenire inter nostros convenit, quod posteaquam semel petitum, si non præstitum, processus nullus reddatur, quia exinde hoc iusiurandum substantiale iudicii effectum, vid. Caroc. de Juram. lit. decis. Quæst. 13. principali n. 6. Ant. del Re hoc Tract. Cap. 14. et Cap. 21. Scaccia 2. de Judic. n. 86. et seqq. Grav. ad Pract. Vestrii Lib. 5. Cap. 2. lit. E. post alios Rauchb. P. 1. Q. 11. n. 4. Speckhan. Cent. 2. Cl. 4. Q. 19. n. 2. Nec posse id iudicem remittere etiam in causis summaris, Menoch. Arb. Q. 20. n. 2. et 4. Adip. possess. n. 153. Unde advocatum instruunt ut postquam semel petiit, ne ulterius petendo insistat. Ita enim si sententia adversa feretur poterit processum arguere, Mathesil. Sing. 64. Menoch. 1. Arb. Q. 20. n. 6. Lanc. Consilan. Sing. 64. Menoch. 1. Arb. Q. 20. n. 6. Lanc. Consilan. d. v. Juram. cal. n. 6. Sed hæc cautela vana ac maritosa ad suum auctorem diabolum remittenda, Obrecht. h. litiosa ad suum auctorem diabolum remittenda, Obrecht. h. Tr. C. 11 n. 28. Speckhan. d. loc. n. 3. Quid si actor jam perfecte suam intentionem implevit? Tunc iurare eum non tenebit nec ex recusatione pro confesso haberi statuunt, Gabr. Sareyna Annot. ad Mathesil. Sing. 65. n. 1. et 2. Grav. ad d. C. 2. lit. F. Caroc. d. Quæst. 13. n. 21. Jac. Schult. Obs. forensi 55. n. 32. Contra Vasq. 2. Contr. usu freq. 25. n. 9. et 10. quia etsi tunc iurisjurandi de re principali delationi non locus C. 2. de probat. eo quod in nullo ejus



tracinium confugere. Si exacto iureiurando patroni iurare nolent, videlicet ad actionem causæ non admittentur.

XIV. Si forte iudex ab his non exegerit iusiurandum <sup>16</sup>, ea constitutione non caveatur, quæ sit pœna, neque ex ea satis colligi potest: dici tamen potest non improbabiler, quod prius dixerat periculosum fore contemptoribus: si iudex ipse non iuraverit, id et

ad iusiurandum patroni, de quo continenter sequitur, recte transferri: ut periculosum sit et hic quoque iudici id non exegisse: veruntamen iudicium nihilominus consistat; quia ex fide patronorum iudicium non pendeat. Periculum autem idem intelligimus, quod supra, ut videatur scilicet in eo litem suam fecisse iudex, qui male iudicium exercuerit.

CAP.

præstatio relevaret, alia tamen huius ratio, cum præsumptio calumniæ, recusatione hac orta aliam præsumptionem quæ ex probatione elidere possit. Sane si ex Juris civilis ratione remetitur, inanis hæc contentio. Neque enim hoc præstari debet nisi ante litem contestatam, ut *h. C. N. 8*. Ergo nec post probationes perfectas quæ post iudicium acceptum instituuntur.

<sup>16</sup> ) Add. *supra Lib. 18. C. 3. N. 45*. Atque hoc iuramentum peculiare esse et distinctum a iuramento calumniæ ostendit Obrecht. *de Juram. Cal. C. 6. n. 38. et seq.* Quem præter citatos *supra d. loc.* de hoc adi, et Anton. del Re

*de Juram. calumn. C. 15. n. 240. et seqq.* (ubi consuetudine hoc non præstari notat, quod et monet Beust. *ad Rub. D. de iurejur. n. 186.*) Speckhan. *Cent. 2 Cl. 4. Q. 22*. Ventur. de Valentii *Parthenii litigiosi Lib. 2. C. 7. n. 15. et seqq.* Jacob. Schult. *Obs. forensi 55. n. 22*. ubi advocatos singularum caussarum hodie non iurare, Curiarum vero provincialium in hisce terris initia officii iureiurando unico obstringi notat. Apud veteres iusiurandum nullum dedisse advocatos ex illo Cicer. *pro Cæcinnâ* id iurati testes dicunt, quod ego injuratus insimulo, arguit Jan. Langlæ. 1. *Semestr. 2. in fin.*



## C A P. IV.

Lite pendente nihil innovandum, inde prohibitam sequestrationem pecuniæ. et ad L. un. C. de proh. sequest. pecun.

*Continuatio; et ad L. unic. C. de pro. Sequestr. pecun. explicationem ingressio. I. Tria in d. L. unica decisione contineri 1. sequestrationis prohibitionem. II.*

*Prohibitionis ratio diserte explicatur. III.*

*1. Prohibitionem talem ut afficiat actionem quamcumque in personam. IV.*

*3. In sequestrationem venire res mobi-*

*les tribus in caussis: quæ istæ. V. VI.*

*Item fructus rei immobilis tribus et solis de caussis; et quæ illæ. VII.*

*Item possessionem ex jure canonico. VIII.*

*Sequestratio ad iudiciorum ordinem pertinet. IX.*

I. **F**ide, et religione iudicii iureiurando confirmata, ante omnia hoc cavendum est iudici, et deinceps in reliquo iudicio servandum, ne quid ante sententiam in re, de qua lis est, innovet. Nam si adversus eum, qui semel bisve condemnatus sit, si appellaverit, constitutum est, ne quid pendente appellatione innovetur. *L. unic. D. nihil innov. appell. pend.* quanto magis idem adversus eum, in quem nihil dum pronunciatum erit? Ex hoc iure est, quod vel sola sequestratio pecuniæ petitæ prohibetur. *L. unica, C. de prohib. sequest. pecun.* quæ tamen cum videatur interdum adversus reum iuste postulari, res postulat, ut de eo hoc loco paulo plura dicantur, expliceturque a nobis *d. L. unica*. Sequester est is, apud quem duo pluresve eandem rem, de qua inter eos controversia est, deposuerunt ea lege, ut ei redderetur, qui vicisset. *L. sequester, D. de verb. signif. L. proprie, D. de pos.* Sed et si sequester est, apud quem rem controversam iudex solus deposuit, quomodo sequester hic accipitur. Hinc sequestrare, pro apud sequestrem deponere, et sequestratio eiusmodi depositio est. Sequestri officium describitur in *L. ei apud quem, §. 1. D. de pos.* Pecuniæ verbum idem hic significat, quod fere in aliis partibus iuris, idest, non *Tom. VI.*

numeratam pecuniam tantum, sed rem omnem quæ petitur, idest, omnia corpora, ut est in *L. pecuniæ, D. de verb. sig.* Id ita esse, ratio constitutionis huius *tit. C.* indicat. De prohibita autem sequestratione dicitur, non ut intelligamus agi de sequestratione ea, quæ prohibita sit: nam interdum prohibetur, interdum non, ut infra apparebit.

II. Ergo cum iudicio agitur, et pecunia seu res quævis petitur, quæri solet, quia forte debitoris aut rei persona videatur suspecta, an cogendus sit rem petitam sequestrare, et an iudex postulante actore iubere debeat, eam sequestro committi, ut deinde victori reddatur, sive is actor erit, sive reus, atque hoc modo victori consulatur? Hic de hac re ita cavetur: *quotiens ex contracta pecunia postulatur, ut sequestrationis necessitas conquiescat.* Qua definitione comprehensa sunt tria hæc, prohibitio sequestrationis, caussæ, in quibus sequestratio prohibetur, et res, quæ prohibeantur sequestrari.

III. Primum iubetur conquiescere necessitas sequestrationis; id est, vetatur iudex imponere debitori, seu reo necessitatem rei petitæ sequestrandæ, sive possessione amissa rem petitam apud sequestrem deponere. Unde intelligimus, inter 2 volentes sequestrationem non prohiberi, tantum prohiberi, si

15

al-

1) Etsi Princeps jussit, vid. *Novell. 113. Cap. 1.* ac etsi Fiscus egerit, *L. 7. Codic. de jure fisci.* Fuscæ de attentatis lite pendente *Lancell. de Attentat. Parte 2. C. 4.*

2) Vulgata sequestrationis divisio in conventionalem, seu voluntariam, et judicalem, seu necessariam, quam Jacob. de Arena de *Sequestr. n. 1. et 2.* contentiosam vocat, Gœd. et ab eo citati de *Sequestr. C. 1. n. 79.* Scaccia 1. de *Judic. 38. n. 2.* Licet alii mixtam addant, alii casualem, ut Damhuder. *Praxi civil. Cap. 72. n. 5.* Alii in propriam et impropriam dispeſcant, quos Gœd. d. loc. refellit. In uberiori

materia hac, ut diffusior sim, multa vetant. Adeundos præscribo: cui libitum est, quos ipse adii. Fr. Curt. Siehard. et Douell. *ad L. un. Cod. hoc. tit.* Jacob. de arena de *Sequestr. 1. de Judic. 38. Coras. 3. Miscell. 2.* Robert. 1. *Sentent. 5. Leonia. 7. Emend. 1. Perrenon. 1. Animadver. 15. Bronch. 1. Miscell. Ass. 63. et seq. Menoch. Arb. Cas. 457. et Retin. poss. Remed. 3. n. 88. et seq. Asin. de Execut. §. 3. Cap. 122. et seqq. et Cap. 132. Tiraquel. de Retr. §. 5. Gloss. 7. Vestr. Lib. 7. Pract. aulæ Rom. convent. §. 5. Gloss. 7. Vestr. Lib. 7. Pract. aulæ Rom. Cap. 2. Damhuder. *Praxi civil. Cap. 72. Static. Obs. Cap.**

altero invito postuletur. Ratio prohibitionis subiecta est, quia debitorem oportet primo convinci, et sic deinde ad solutionem pulsari, id est, urgeri. Addita est ratio rationis, quæ consideranda est, quia hoc et iuris ratio et æquitas persuadeat, Juris rationem intelligunt Imperatores formam iuris, et ordinem iudicii iure constitutum in rebus persequendis. Est autem hic ordo, qui in primis nobis notandus est; Eum, qui aliquid petit, oportere probare id, quod intendit, si negetur, et probare legitimis modis: atque ita negantem reum convinci, convictum condemnari, condemnatum deinde remediis iuris ad solutionem urgeri, nempe pignoribus captis, et distractis, unde iudicatis satisfiat. Hic ordo præscribitur in *L. negantes, C. de obl. et act.* et *L. 1. C. de exc. rei judic.* Hic ordo iure constitutus declarat, non esse movendam possessionem rei suo loco, nec quicquam, quod sit rei attingendum esse, priusquam ille convictus et condemnatus fuerit. Ex quo efficitur, rem eius, quanvis petitam, sequestrandam non esse, sed in suo loco manere debere rei possessionem, et hoc ius ita constitutum est. Sed quanvis auctoritate constituentium hoc ius non niteretur, tamen per se æquissimum est, ut quanvis constitutum non esset, tamen constitui debuerit: idque est, quod de æquitate subii-citur. Est autem æquum duabus de causis. Primum quia affirmatio actoris, qui intendit pecuniam sibi deberi, nihil in re mutat, si falsa est. *L. assumptio, D. ad municipal.* ac fieri potest, ut falsa sit: certe nunc, an vera sit, non constat, nec prius constabit, quam probaverit: proinde æquum est, propter eam affirmationem nihil in iure debitoris mutari, nihil in causa innovari, unde et illud constitutum est, etiam appellatione interposita tamen nihil novari oportere adversus debitorem: multo minus nondum reo condemnato et appellatione non interposita. *tit. nihil innox. app. interpos. D.* Deinde cum actor intendit sibi deberi, et reus negat se debere, ac neuter probat, quod dicit, hactenus ap-

paret utriusque parem esse causam. In pari causa potior debet esse causa possessoris, vel verius par debet esse effectus causæ apud utramque partem, ut qui prius non possidebat, etiam nunc non possideat, qualis est actor: qui autem prius possidebat, etiam nunc possideat, qualis est reus. *L. in pari D. de reg. jur.* Et hoc est, quod dicitur, ubi paria sunt utriusque litigatoris jura, meliorem esse conditionem possidentis, quia in suo loco maneat possessio, *§. retinendæ, Inst. de interd.*

IV. Hæc ratio posita ostendit quibus in causis sequestratio prohibeatur. Constitutione expressam est, prohiberi, quoties ex contractu agitur. Itaque videri possunt his verbis excludi quasi contractus, maleficia, et quasi maleficia. Sed generaliter definiendum est, sive pecunia petatur ex contractu, sive ex quasi contractu, ut negotio gesto, sive ex maleficio, sive ex quasi maleficio, nunquam debitorem, cum quo agitur, cogendum esse, pecuniam, quæ petitur, sequestrare, nunquam iudicem eam pecuniam ablatam sequestri committere. Et generaliter in omnibus actionibus in personam, ex quibus petitur, quod nobis debetur, non res nostra, quæ nobis ablata est, ut in condictione furtiva: in iis, inquam, omnibus cessare sequestrationem. Id evidenter primum efficitur ex subjecta constitutionis ratione: nam ideo jubetur conquirere sequestratio, quia prius oportet debitorem convinci, sic deinde per prehensionem rerum ejus eum ad solutionem urgeri. Hæc ratio ad omnes debitores pertinet, ut loci, quos supr. citavimus, ostendunt, et præterea illa æquitas, quam declaravimus. Proinde in omnibus idem jus de sequestratione statuerendum. *L. illud. D. ad L. Aquil.* Movere nos non debet, quod in constitutione dicitur, quotiens ex contractu agitur. Nam potius ex hoc verbo colligi oportet, idem jus in omnibus actionibus in personam, in quibus agitur de eo, quod debetur, idem statui debere. Nam sic est usus juris, quoties lege aliquid

11. Gail. 1. *Obs.* 147. et seq. Mynsin. 1. *Obs.* 11. et 5. *Obs.* 35. Coler. *Process. Part. 1. Cap. 2. numer. et seq. et Part. 3. Cap. 8. n. 31. et seqq. et d. Part. 3. Cap. 11.* Cum primis vero ut alios plures taceam, *Repetit. Gœd. in lunc tit. Decretalium.* Cautelam Studiosi discessuri, ne res ejus, absente illo, sequestrarentur, petat is ex Blarero in *L. Diffamari, Cap. 2. n. 23. pag. 74.* Cæs. Contard. *ibid.* Cap. 3. n. 4. Cagnol. in *cand. C. n. 14. et Speckan. Cent. 2. Class. 1. Q. 14. n. 3.* Affinis sequestrationi Arrestatio, quæ dicitur rerum debitoris, ac passim cum ea confunditur, diversa tamen, ut ostendit Gœd. in *Rub. extra hoc tit. n. 20 et seq.* Manus injectionem Latine dici posse, notat Budæ. in *L. ult. de*

*Senat. referente Gail. de Arrest. Cap. 1 n. 2* cum et in homines et in res manus injici legamus. Arresta autem in utrisque recepta. De quibus adi Gail. *d. de arrest.* Petr. Peck. *Tr. de Jure sistendi et manuum inject.* Meland. *Comm. Cameral. P. 2. f. 316. et seqq.* Petr. Frider. 1. *de Process. extrah.* 38. et seqq. Et ad usum fori nostri *Nov. Elect. Saxon. 29. et seq. Part. 1.* ubi Moller. et 3. *Semestr. 44. ac 4. Semestr. 11. et sequent.* Simon. *Pistor. Consil. 7. Vol. 2.* Modest. *Pistor. Q. 110. 114. 136. 162. et 165. Diff. jur. civil. et Saxon. 43. P. 1.* Coler. *Decis. 209* Virgil. Pinz. *Quæst. 58.* Raubar. *P. 1. Q. 3. et 4.* Jacob. Schult. *Quæst. pract. 41.* Andr. Scheffer. *P. 1. Q. 3. etc.*

quid constituitur de eo, quod contractum est, toties omnis obligatio, quæ ex aliis causis nascitur, pro contractu habenda est, ubi manifesta ratio eas causas non distinguat. Exempli gratia, jus ita est, unumquemque conveniri posse in eo loco, ubi contractum est. *L. heras, §. 1. et ult. D. de judic. L. 3. D. de reb. auct. jud. possid.* Jaris auctores in iis verbis contractum interpretantes ita definiverunt, omnem obligationem ex qua quid debetur, pro contractu accipendam esse. *L. omnem, D. de judic.* Eadem ratio ostendit, quid hoc loco pecuniæ verbo intelligi oporteat, nempe non pecuniam numeratam tantum sed rem omnem quæ debeatur; quia in omnium rerum debitoribus semper verum sit, quod subjicitur debitorem oportere primo loco convinci, sic deinde ad solutionem urgeri. Definitione generali posita in actionibus in personam, sive in omnibus judiciis in quibus petitur id quod debetur, apparet sequestrationem imponendam non esse debitori, sive persona debitoris suspecta sit, sive non sit; nec quidquam referre, pecunia sit, quæ petitur, an alia res; et in cæteris rebus utrum sit res mobilis, quæ auferri possit, an immobilis.

V. Sed hoc jus in actionibus in personam; uti hic constitutum est, ita et locum habet; non item in actionibus in rem, et iis, quibus rem nostram petimus, aut tanquam nostram vindicamus. In iis ut plurimum sequestratio prohibetur: interdum tamen admittitur. Admittitur autem interdum in his judiciis rei petitiæ sequestratio, interdum fructuum. Res petita, si immobilis est, nunquam sequestratur: quia non est periculum, ne debitor eam auferat: sin res petita mobilis est, interdum ejus rei sequestratio admittitur: id quod receptum est tribus in causis.

VI. Primum, cum servus, qui ante pro servo possidebatur, ex possessione servitutis in libertatem proclamat, et dominus eum in servitutem revocat, et idem petit sibi restitui peculium omne, quod apud servum erat. Nam hic placuit, dum de causa liberali cognoscitur, peculium omne servi deponi, idest sequestro committi. *L. 1. §. super, C. de assert. toll.* Quod jus habet hanc rationem; nam cum servus ex possessione servitutis in libertatem proclamat, etsi dominus eum petat in servitutem, tamen idem et petitor et

Tom. VI.

possessor est: quia prius erat in possessione servitutis, ideo non debet servus frui commodum possessoris, cum ipse servus non sit: sed rursus, quia iniquum est, peculium restitui domino, priusquam vicerit, se dominum esse, ob id res eo deducitur, ut apud neutrum esse debeat possessio peculii, quam ob causam deponi oportet. Altera causa est, si cum vero possessore rei agatur, sed ejus persona suspecta sit, et ideo periculum sit, ne cum re aufugiat: quo casu desideratur ab eo, ut satisfaciat rei petitiæ nomine. Si non satisfaciat, placet rem controversam deponi, ut et actori consulatur. *L. 3 si fidejussor, §. ult. D. qui satisfac. cog. L. senatusconsulto, in fin. D. de offic. præs.* Suspecta autem persona hic intelligitur, quæ in eo territorio, in quo agitur, immobilia non possidet: non suspecta, quæ possidet. *arg. in L. sciendum, D. qui satisfac. cog.* Tertia causa est, cum debitore jam condemnato ad executionem rei judicati ventum est. Nam si hic debitor ab executione appellet, ut interdum potest, et recipiatur ejus appellatio; placet non aliter eam recipi, quam si res mobilis, de qua agebatur, apud sequestrem deposita sit, ne scilicet malitiose debitor hac appellatione abutatur, ad rem retinendam. *L. ab executione, C. quor. appell. non recip.*

VII. Fructuum quoque rei immobilis sequestratio recepta est itidem tribus de causis. Prima: si fructus rei populentur, idest deperdantur, et dissipentur a possessore. *L. imperatores, §. ultim. D. de appell.* Illic quidem agitur de possessore, qui post appellationem fructus depopuletur, sicut et in *C. 3. extr. de sequest. possess. et fruct.* Sed idem probandum est; etsi, 4 ante appellationem idem faciat: quoniam nihil magis appellatione pendente innovari oportet, quam ante. Idem præterea receptum est, cum possessor rei immobilis condemnatus ab executione appellat. Nam si recipitur ejus appellatio placet idem hic servari quod in re mobili petita; ut quemadmodum res mobilis sequestratur; sic in re immobili sequestrantur fructus. *d. L. ab executione, C. quor. appell. non recip. et C. 2. et 3. extr. d. tit.* Postremo idem jus receptum est, in hac specie, cum coloni qui antea agrum possidebant ut coloni, postea coeperunt possidere ut domini. Nam hic si dominus agrum suum vindicet,

15\*

pla-

3) Anton. Fab. *ad d. L. 7. Triboniani esse vult et d. §. ult.* et reliquos locos Pandectarum quibus sequestrationis mentio. Quod ut probare religio est, ita refellere operæ non videtur.

4) Vid. Scaccia 1 *de Judic. 38. n. 7. et seqq. Diff. Fr. Curt. ad Leg. un. Cod. hoc tit. n. 8.* Speciale esse in causa appellationis statuens, et inde a contrario arguens.

placet veteri ejus possessori hoc tribui, ut dum caussa disceptatur, fructus deponantur. *L. litibus, C. de agric. et cens. lib. xi.* Præter has causas sequestrationis nullas præterea legimus in jure nostro: nisi huc advoces quæ a Paulo *lib. 5. sentent. C. pen. scripta* reperiuntur. Nam ad sequestrationem nihil pertinet species. *L. 1. §. jubet. et §. seqq. D. de collat. bon.* ubi filius emancipatus, cum fratribus, qui in potestate fuerant, ad successionem veniens, jubetur bona sua fratribus conferre, aut de conferendis idonee cavere vel fidejussoribus datis vel pignoribus: ni ita caveat, curator iis bonis constituitur. Nihil, inquam, hoc exemplum ad sequestrationem: nam curator non est sequester: curator constituitur bonis de quibus controversia non est: non deponitur apud sequestrem nisi res, de qua controversia est. *L. sequester, D. de verb. signific.* Non debet etiam ad sequestrationem referri species. *L. si cum dotem, §. sin autem, vers. sin vero, D. sol. matrim.* ubi maritus uxorem, si furiosa est alere jubetur, nisi alat, bona mariti sequestrantur, ut alatur ex fructibus. Illic sequestrari improprie dictum est. Nam nec in ea specie de bonis mariti ulla controversia est.

Jam autem dixi sequestrationem non cadere nisi in rem controversam.

VIII. Jure Canonico etiam possessio sequestratur; ut in interdicto uti possidetis. *C. examinata, 15. extr. de judic. C. 7. ex de conf. util. vel inutil.*

IX. Ex his intelligi potest, in sequestratione non esse obligationem, seu sequestrationem ex obligatione non peti: multo minus nasci ex contractu. Sed quæstio omnis de sequestratione pertinet ad ordinem judiciorum, seu ad rationem juris nostri obtinendi. Nam cum res aliqua judicio petitur, quæritur, ut initio dixi, an necesse habeat reus postulante actore rem petitam sequestrare? Dicimus necesse non habere: refragari enim et naturæ æquitatem et judiciorum ordinem, qui præscribit, prius debitorem convinci oportere; quam ad solutionem aut alicujus rei præstationem urgeatur. Unde etiam intelligitur, quam non idoneo loco hæc quæstio et constitutio in C. Justiniani interposita sit. Et quam contra opportuno et suo locata sit a Pontificibus *libro 11. decretal.* ubi de iudicis et eorum forma atque ordine pleraque explicantur.

CAP.





## C A P. V.

De caussæ cognitione. Quid sit caussam cognoscere; quæ plena, quæ summaria cognitio.

*Judicis munus caussam cognoscere. Hoc quid sit. I.*

*Cognitio caussæ aut plena, aut summaria, ut vocant: posterior hæc qualis; de ea quo in loco. II.*

*In justo et vero judicio non admittitur. III.*

*Plena cognitio quæ actoris et rei sunt plene omnia discutit, et intra legitima tempora. IV.*

*Quæ ad intentionem actoris et rei defensionem pertineant. V.*

I. **J**AM de iis, quæ propriæ attingunt officium judicis, ut fert judicii ordo, dicitur: cognitionem dico, et judicationem. In quibus prima est caussæ cognitio: ac quid sit caussam cognoscere, et quibus rebus constet hæc cognitio, videamus. Caussam cognoscere est, cognoscere, qualis sit causa, quæ in judicio versatur: et quod dicit Constantinus in *L. judices, C. de jud.* discutere, et cognoscere rei, idest caussæ qualitatem. Puta, verum sit, an falsum, quod dicitur: justum, an injustum, æquum, an iniquum, quod petitur. Cognoscitur autem causa ex iis, quæ pro causa dicuntur, probanturque a litigatoribus. Itaque cum jubentur judices caussam cognoscere, hoc jubentur inquirere in rem, et litigatores de re dicentes et probantes audire, et quæ ad probationem sunt, expendere: ut ex inquisitione cognitio quæ sequitur; ex cognitione contra inquisitio, quæ præcedit, intelligatur. De hac inquisitione, et cognitione cautum est a Constantino in *d. L. judices. Judices*, inquit, oportet imprimis rei qualitatem

*Quæ forma atque ordo ea cognoscendi quæ actoris et rei sunt. VI.*

*Plena et justa habetur interdum cognitio in qua nihil probatum, et rei allegatio repudiata, et quomodo. VII.*

*Allegatio sive exceptio qua reus ipso jure liberatur et probata actoris intentione admittitur, etsi ille primo inficiatione est usus. VIII.*

*Aditus ad Cap. seq. IX.*

plena inquisitione discutere, et tunc utramque partem sæpius interrogare, nunquid novi addere desiderent. Plenam inquisitionem exigit, ut Pontifex, plenam justitiam, *C. qualiter, extr. de judic.*

II. Opponitur plena a summæ. Summatim cognoscere dicitur judex, aut magistratus, cum re aliqua a petitore allata, quæ vel leviter pro eo faciat, ei concedit, quod petit, interim contempto eo, quod contra offertur a reo, si videatur habere obscuriorem questionem. Qualis est, exempli gratia, ea cognitio, quæ pro impubere recipitur honorum possessionem petente ex Carboniano edicto: de qua in *L. 3. §. caussæ, D. de carb. ed.* Hæc neque admittitur in omnibus caussis, et sicubi admittitur, recepta est utilitate rerum ita suadente, hac conditione, ut decretum, quod inde secutum erit, prosit ad tempus duntaxat, sitque ejusmodi adversus quod alio justo, et pleniori judicio agi possit, sic ut prius illud decretum veritati non præjudicet. De quo genere quia scripsi diligentius, ut in loco, ad *§. si verum*

1) Causa cognitio in duobus, ut negotii veritatem et justitiam examinet; *L. 3. de in. integr. restit.* Quorum prius ad factum solum, posterius ad jus referatur. Anteq. Fab. *ad L. 6. §. 2. de negot. gest. add.* Sarmient. 1. *Select. Interpretat.* 13. n. 4. *Mad. Forner. v. Rer. Quotid.* 49. Etsi Wesenbec. in *L. 9. Cod. de judic.* n. 2. plenam inquisitionem, quæ *d. L. 9.* in tribus constituit: Ordinis judicii observatione iustis dilationibus dandis, et idoneis probationibus admittendis. Ubi tamen, quod præsupponi debet, omitti videtur, natura nempe ab utraque parte, propositorum et reitorum causæ discussio ac examinatio: Vocatur et disquisitio; Ciceron. 1. *Philipp.* et examen ac disceptatio; Pollet. *Lib. 3. Hist. fori Cap. 1. pag. 202. et Cap. 3. p. 323. add. 4. C. Nov. 3.*

2) Colligitum foret: caussas summarie judicii, ac compen-

diaræ cognitionis non summatim pertractare, sed hic modus libri ac instituti non fert. Potiora differens, remitto ad Menoch. 1. *Arb. Q.* 18. et *Remed. 4. Adipisc. possess. n. 479. et seqq.* Hotoman. 2. *Obs. 4. et seqq.* Forcat. *Dial. 80. Lanc. Conrad. de Offic. Prætor. in caus. civil. v. Summaria cognitio.* Sig. Scaccia 1. *de Judic.* 53. Langhe 2. *Semestr. 1. pag. 96.* Octav. Vestrius *Pract. aulæ Rom. Lib. 5. Cap. 1. pag. 96.* Damhuder. *Prax. civil. Cap. 22. et 2. seqq.* Marant. *P. 4. Dist. judic.* 8. Joann. de Anono. *Pract. Cap. 6. Frider. 2. de Mandat. judic.* 75. Coler. *de Process. P. 3. Cap. 5.* Contard. in *L. Diffamari Cap. 4. n. 2. et 9. seqq.* Langer. *de Except. P. 1. Cap. 1. n. 18.* Myns. 3. *Obs. 70. et 6. Obs. 16.* Cacheyan. *Decis. 1. et seqq.* Jacob. Schult. *Obs. forensi. 3. qui 150.* caussas percenset.

rum, *L. a divo, D. de re jud.* plura hic non dicam, contentus locum judicare, unde peti possit, quod huc facere videbitur.

III. Illud de hac cognitione recte in universum hoc loco præcipietur, in iudicio, quod quidem vere iudicium sit, id est, quo id agatur ut sententia iudicis ab omni controversia discedatur (sic enim proprie dicitur iudicium et res iudicata, cum pronuntiatione iudicis imponitur finis controversiæ. *L. 1. D. de re jud.*) in vero, inquam, et justo iudicio ei cognitioni, quam dixi, locum non esse. Sic enim constitutionis verba sunt: *Judices oportet rei qualitatem plena inquisitione discutere.* Ubi non dubium est, iudices intelligi debere eos, qui vere iudices sunt: id est quorum iudicium expectetur de re controversa ad litem dirimendam. De quo iudicii genere nunc agimus.

IV. Igitur in eo, uti plenum et justum iudicium est, sic adhibebitur plena, et justa inquisitio seu cognitio. Si breviter dicendum est, plena tum est, et justa cognitio seu inquisitio cum quæ ad rem utriusque partis, id est, ad intentionem actoris et defensionem rei pertinent, quæ quidem a litigatoribus afferantur, quæque iudicii natura non repudiet, eorum nihil prætermittit, quin<sup>3</sup> audiat, cognoscatve intra tempora ad agendum causam constituta, et simul rerum omnium, sine quibus ad hæc cognoscenda perveniri non potest, facit potestatem: frustra enim jubetur consequentia admittere, nisi antecedentia concedit.

V. Juris autem ratio dictam, pertinere ad intentionem actoris probare quod intenditur, si negetur ab adversario: tum quæ contra dicuntur, refellere, ut quæ ad fidem allata sunt, rata maneant. Sic enim jus est, actore non probante reum absolvi. *L. qui accusare, C. de eden.* Ad defensionem vero rei hæc omnia pertinent. Primum, ut dicat secundo loco post actorem. Non est enim defensio nisi adversus ea, quæ obijciuntur. Deinde illud, quæ ab actore objecta sunt, diluere: instrumenta, aut testimonia, quæ contra afferantur, refutare, si improbanda videantur. Illud præterea cum quæ contra vere intentantur, confessus fuerit, reus referre ex adverso et allegare, quod ad liberationem ejus pertinet. Ut si pecuniam mu-

tuam quæ petitur, convincatur accepisse, necesse sit, si absolvi velit, hoc eum dicere, pecuniam esse solutam aut accepto latam; aut se aliter, quam ipso jure, vel per exceptionem liberatum. Quæ duo posteriora si ad defensionem rei valent, necesse est illud quoque pertineat, ea quæ ab actore prius dicta pro causa, et probata sunt, ante omnia cognoscere: quandoquidem neque ea refelli a nobis possunt, quæ, qualia sint, ignoramus: neque his incognitis statuere, utrum sit, quod adversus intentionem, tanquam satis confirmatam aliquid allegemus: an vero putemus nihil nobis obstare ea quæ contra nos dicta sunt, tanquam nihil firmi habentia, eoque velimus ex his iudicium fieri. Postremo, quoniam ne a reo quidem quidquam dici convenit, quod ab eo non probetur, est ejus probare id, quod allegat, si negetur; et si quid contra dicatur, refutare hoc quoque, et tueri intentionem. Quæ si reo licent adversus intentionem actoris, quæ non negetur; eadem et actori permitenda sunt, adversus exceptionem, et allegationem quamlibet quæ a reo opponatur: quoniam reus in exceptione actor est. *L. 1. D. de exc.*

VI. Hæc cum ita sint, si de officio iudicis in causa cognoscenda, quæritur, et res recte atque ordine gerenda est, nempe is in ea re ita se geret, atque hunc ordinem, et formam servabit. Actorem, cui negabitur, quod intendit, per se dicentem audiet (actorem cum dico, quemlibet etiam patronum intelligo) instrumenta, si qua ab eo profrentur, inspiciet; si qui testes idonei producentur, eos interrogabit, eorumque cognoscet testimonia. Et sunt quidem in his evocandis interrogandisque quædam quæ proprie iudicem observare oporteat. Sed de his postea opportunius suo loco. Hoc peracto tum ad reum veniet; cui dabit respondendi, ac pro se dicendi locum. Et quoniam, ut id recte faciat in eo positum est, si ea, quæ ab actore obijciuntur, probantur, cognovit, sine quo adversus ea comparare se non potest; ante omnia huic jubebit iudex eorum fieri copiam, facietque ei contra ea, quæ objecta sunt, contra instrumenta, contra testimonia, potestatem<sup>4</sup> dicendi, quæ velit. Quod faciendum esse, etiam intelligimus

ex

3) Iudicis ut sit mature omnia expendere, vid. Vivius *Lib. 2. Decis. 375* nec præcipiti festinatione ad sententiam venire. Qua de re adi Menoch. 1. *Arb. Q. 19. et Q. 42.* Sich. et Wesenb. *ad L. 9. C. de judic. Bover. Sing. 21. Static. Obs. Cap. 22.* Confer. Ravard. *ad LL. 12. tab. Cap. 7.* Cæterum hic cum primis artis est pervestigare statum

controverſiæ, et si plures incidant primarium dignoscere, vid. Anton. Massa. Gales. *Praxi judiciali pag. 59. et sequent.* Hujus neglectu, et si non principaliter attendatur, varios iudiciorum abusus promanare, valde conqueritur Nic. Vigeli. *Lib. de litiſ contestat. et alibi passim.*

4) Ubi de modo proponendi jus litigatorum iudicio dici

ex *Novella 90. de testi. §. quia vero, vers. cæterum.* tum ex his quæ de refellendis testimoniis, infra disseruimus, sub titulo de testibus. Hoc ea lege, ut si quid adversus ea a reo dictum erit, iudex faciat actori suo ordine ea tuendi, propugnandique potestatem: alioqui non fiet ei potestas sua probandi. Non enim probavit sua nisi qui ea, quæ contra dicuntur, refutavit. Rogabit deinde iudex reum nunquid habeat, quod contra intentionem alleget, apponatque adversario ut jubet. *L. iudices.* Cujusmodi est, pecuniam solutam esse, accepto latam esse, et similia. Quod si dicet se facere velle, admittet hic quoque ejus allegationes; et si de his erit controversia, potestate eas probandi facta, probantem audiet. Quo facto rursus ad actorem se convertet, et quæ eum reo præstare debere diximus, adversus ea, quæ pro intentione ab actore probata sunt, et acta in judicio; eadem actori adversus exceptionem rei servabit omnia. Copia eorum quæ ad fidem exceptionis allata sunt, facta, interrogabit actorem, nunquid sit, quod ille contra probationem rei afferat: nunquid etiam, quod de exceptione confessus erit, alleget, quo se adversus exceptionem tueatur: fieri enim potest, ut fateatur actor pactum se esse cum reo ne ab eo peteret: sed dicat, se id fecisse coactum metu, aut adversarii dolo inductum. Quod de exceptione pacti dico, idem multo magis de solutione, acceptilatione, novatione, qua reus se tueatur, intelligendum est. Hæc, inquam, ordine pro se dicentes, et causam agentes reos iudex audiet. Qui si potestate dicendi, probandique sibi concessa utentur, et iudex omnia recipiet, et cognoscet, quæ ab his afferentur ad causam, id eo usque faciet, donec ambo ultro 5 dicant se nihil adjicere velle am-

plius: nemo dubitabit: quin hæc eadem justa sit, et plena cognitio.

VII. Sed non eo minus interdum justa et plena habenda est: etsi de re nihil probatum erit, aut iudex repudiaverit rei allegationem. Jubetur is rei qualitatem cognoscere ex his, quæ isto quem dixi, ordine dicta, probata erunt a litigatoribus: sed iis conditionibus, quas supra in definienda plena cognitione breviter sum complexus: si etiam illi videlicet se habere aliquid dicant, quod offerant, si eorum allegatio sit ejusmodi, quam iudicium admittat, si potestate dicendi, probandique facta, ea utentur intra tempus constitutum. Finge interrogatum reum dicere se, aut inficiatione sola, aut sua confutatione, sine alia allegatione, aut exceptione, esse contentum. Non est cur iudex id expectet, cui ille renunciare se dixerit. *arg. d. L. iudices.*

VIII. Jam vero quædam sunt allegationes, quas iudicium repudiet. Omnem defensionem, qua reus jure ipso sit liberatus, omne iudicium admittit. Admittet et exceptionem omnem, quæ initio contestata sit. Quod si non erit contestata, supra disserui, cum de litis contestatione agerem, hanc venire, quidem in iudicium bonæ fidei, in iudicio stricto non item. Illud dubitari potest, an recipienda sit ejus sive allegatio, sive exceptio, qui primo negavit, quod intendebatur, puta pecuniam mutuo datam esse: postea re ab actore probata ut se tueatur, dicit pecuniam a se solutam, aut sibi accepto latam esse: denique allegat aliquid, quod si verum est, necesse sit eum absolvi. Perspicuum est enim, eum qui id alleget, fateri pecuniam sibi mutuo datam esse, quod antea negavit. Ut fortasse quis dicturus sit, hunc mendacium suo satis convinci, ac proinde excludi. Et indicat

posset, veluti quod in foro Saxonico viva voce proceditur, *vom munde in die Feder*, vid. *Novell. Electoral. 1. et 18. P. 1.* ubi Moller. Jacob. Schult. *Obs. forensi 1. et 41. Arumæ Lib. 2. Decis. 11.* ubi hunc modum partium conventionum mutari posse negat. De Recessibus, vid. Ott. Meland. *Comm. Cameral. P. 7. fol. 108. et seq.* Et hic quoque de Positionum ac Articulorum usu, qui jure ignoti, vid. *supra Lib. 23. C. 7. N. 10.* ideoque a Donello omisus, consuetudine inventus, tractandi locus non incommode foret. Cæterum remitto ad Menoch. *Arb. C. 251 et 485. Sig. Scaccia Lib. 1. de Jud. C. 60 et Lib. 2. C. 7.* Lanc. Conrad. *de Offic. Prætor. in caus. civil. v. Positio et v. Capitulum.* Damhuder. *Præxi civil. C. 252 et sequentib.* Octav. Vestr. *Lib. 5. Pract. aulæ Rom. C. 14 et seqq.* Rain. Coras. 3 *Indag. 16.* Rulant de Commissar. *P. 3 Lib. 1. tomo. Obrech. de Concip. libel. C. 17.* Del Re de Jurament. calum. *C. 14 n. 72 sequentib.* Moll. 1 *Semestr. 22. Static. Obs. pract. C. 5. Gail. 1. Obs. 79 et 3. sequentib.* Myns. 1 *Obs. 86 2. Obs. 55 et 90 et 5. Obs. 54 et 88 ac 6. Obs. 81 89 92.* Wurmser. *Tit. 15. Meichsner. Tomo 3. Decis. Cam. 22.* Meland. *Com. Cameral. Part. 7. fol. 132 et seqq.* Natta *Tomo 1. Cons. 30 n. 4 sequent.* Coler. *Cons. 40 n. 44. et seqq. et 1. Decis.*

118. Guid. Papæ *Decis. 182.* Surd. *Decis. 17 22 58 196 et 291.* Tessaur. *Decision. 17.* Positiones et Articuli ut differant, Wendelin. Hailman. *de Testibus C. 4 pag. 62 et seqq.* Scaccia *d. C. 6 n. 5 et sequent.*

5) Et ubi utrinque probationibus et allegationibus renunciatur, conclusum in causa dicitur, *C. Pastoralis 5 de caus. possession. et proprietat.* Nec post eam novæ probationes admittuntur. Qua de re conclusio causæ necessitate, jure et effectibus, consule Menoch. 1 *Arb. Q. 35 et 2. Arb. C. 52 ac 2. Presumpt. 65 et sequent.* Sigismundus Scaccia 22 *de Jud. 12. Anton. Sola in Constitutiones antiq. Sabaud. rubr. de Conclus. in causa. Asin. Præxi judic. §. 23.* Damhuder. *Præxi civil. Cap. 191.* Gravatt. *Annotat. ad Pract. Vestrii Lib. 4. Cap. 4. lit. G.* Monach. *Præxi judic. Part. 13. Bover. Sing. 60. Static. Obs. C. 122.* Gail. 1. *Observ. 107.* Myns. 3. *Obs. 17.* Hartm. *Obs. tit. 17. Wenb. ad auth. jubemus C. de judic. Rulant de Commissar. P. 1. Lib. 2. C. 19. et P. 3. Lib. 9. C. 13. et P. 4. Lib. 8. C. 11. etc.* Cæterum hodie in iudiciis modus allegationum partibus statutus, nec triplica aut quadruplica ulterior recipitur, ut mot. *supra Lib. 22. m. 10. N. 4.*

cat L. *exceptionem*, *Cod. de prob.* etiam tum, cum actor coactus probavit intentionem suam ( quod non fit, nisi tunc cum reus primo inficiatione est usus, ) tamen admitti exceptionem rei adversus intentionem jure civili comparatam. Quanto magis admittemus eam allegationem, quæ reum ipso jure liberet? Atenim apparet autem mentiri. Quid tum? fortasse enim tunc mentitus est, cum negavit se pecuniam accepisse: non etiam nunc cum se solvisse dicit. Quod an verum sit, probatio ejus declarabit. Sane si verum est ipsum solvisse, non debet mendacium<sup>6</sup> efficere, ut damnetur, qui non debuit. Nec vero satis argumenti est reum non solvisse eo quod primo inficiari maluit, quam de mutuo confessus solutionem objicere. Fieri enim potest, ut ideo non objecerit, vel quod actorem improbe petentem, quod solutum erat, dignum putarit, cui inficiando ne-

gotium exhiberet: vel quod sciret, solutione opposita sibi necessitatem imponi ejus probandæ: metueret autem, ne non eam posset probare. Itaque tutius putavit inficiatione insistere: ubi intelligeret<sup>7</sup> onus probandi conferri in adversarium. L. 1. *Cod. de prob.*

IX. Postremo quod dicitur judicem audire, et cognoscere debere quæ a litigatoribus ad causam afferuntur: non sic dicitur, ut si differant ea dicere, et afferre, perpetuo audiri debeant: alioqui alterutro rem differente, ut libet, nunquam alter ad jus suum perveniet, eritque omnino elusorium iudicium. Tempus igitur constitutum his esse oportet, intra quod si partibus suis fungantur, audiantur: sin minus, non sit amplius his dicendi locus, ac nihilominus res perinde haberi debeat, quasi iudex rem plenissime cognovisset.

CAP.

<sup>6</sup> Aliquando tamen hæc mendacii poena, vid. *supra* Lib. 22 C. 8 N. 2 vers. *plane* fuisse Pacian. Lib. 2 de *Probat. C.* 19. Et in terminis diss. Cujac. in *Novell.* 18 *Parte* 5.

<sup>7</sup> Confer *d. Lib.* 12 C. 8 N. 1 et Jac. Schult. *Obs. forensi* 45.



## C A P. VI.

## De dilationibus, et ad hunc tit. D. et C.

*Agendi tempus certum a Justiniano constitutum dumtaxat in una re, et in qua; et illud quale. I.*

*In cæteris rebus illud religioni judicis permissum: de eo ita statui. II.*

1. *Dilationem initio dari non oportere, nisi necessaria de causa. III.*

*Immo absolute denegari aliquando, et quibus in causis. IV.*

2. *Dilationis tempus judicis æstimationi reservari: dilationem solam, quam postulat distantia locorum, præfinitam esse legibus, et quatenus. V.*

*Hanc eandem posse ad brevius tempus a judice contrahi ex causa. VI.*

3. *In dilatione plusquam semel danda pecuniarias a capitalibus causis differre; in his dari sæpius dilationem*

*cum reo tum actori; et ex causa denegari. VII. X.*

*Exceptio. VIII.*

*In pecuniariis non dari plusquam semel nisi in duabus causis; quæ sint hæc et quales; qui eas probare debeat. IX. X.*

*Quando in utrisque denegetur dilatio; et quæ in allegandis causis dilationis differentia in utrisque. XI. X.*

*Dilationes dari pro tribunali. XII.*

*Quæ adversus judicem constituta remedia, si is in danda aut neganda dilatione injuriam fecerit. XIII.*

*Quid si in loco dederit, quo non oportet. XIV.*

*Aditus ad Cap. seq. XV.*

I. **D**E hoc tempore videndum est, sitne aliquod jure in hac re constitutum, et quod sit; sin minus, et a judice id dandum est: quæ sit in eo dandi genere potestas, et officium judicis. Et est una in re certum constitutum a Justiniano, quod quidem pertineat ad id, de quo nunc agimus: nempe in hac, cum una parte allegationibus suis renunciant, altera dicit se habere, quod adjiciat. Qua in specie Justiniano placuit ei, qui id diceret, unum mensem ad eam rem dari: hoc exacto interrogari eum a judice, nunquid proponat. Si cesset, vult Justinianus, alterum mensem indulgeri. Si ne sic quidem intra hunc mensem quicquam litigator proponat, jubet ille mensem adjici tertium. Hoc Justinianus in *Novel. 115. ut cum de app. §. 1: unde auth. jubemus, C. de jud.* In quo observandum est eum certam dilationem dare sine ulla causæ cognitione. Non enim vult interrogari reum, quid alleget; utrum id, quod ille fecerit, et de quo possit statim respondere, an quod fecerit alius: ut pro conditione rei, judex aut jubeat, eum allegationes suas exponere statim, aut tempus, quod satis sit, ad eam rem præstituat: animadvertendum et illud, quod non omnibus, qui aliquid allegare velint, hoc tempus tribuit Justinianus, sed ei, qui id faciat

*Tom. VI.*

jam prope confecta lite: nempe tum, cum adversarius testatus fuerit, se nihil amplius adjicere. Quod qua ratione ab eo constitutum sit, cum necesse sit plerumque non necessariam esse dilationem, mihi parum liquet. Declarat tamen Justinianus, se superius illud constituere, improbitatis litigatoris pervincendæ causa, et simul hoc velle ut tribus illis mensibus exactis judex omnimodo sententiam ferat. Quod si ita accipiemus, ut velit post id tempus etiam absente litigatore sententiam ferri posse: dicemus non temere tempus superius dari: sed esse ejusmodi, quod non tam dilationis vim habeat, quam pro legitimis edictis, quibus quis evocari solet, ut vel litigatore absente sententia ferri possit, cedat. Sed sive recte illud constitutum est a Justiniano, sive ejus constitutionis ratio parum nobis est cognita: certe una ea in re, quæ quidem ad agendam causam pertineat, certum tempus Justinianus dedit.

II. In cæteris omnibus ejus generis jus vetus mansit, ut sive dilatio petatur, earum rerum causa, quas quis allegare velit ante, quam altera pars renunciarit allegationibus suis; sive petatur probationum gratia, ut testium, vel instrumentorum: in his res omnis committatur æstimationi, et moderationi judicis: scilicet pro ut res quæque esse vide-



bitur, ita ille ad rem gerendam aut det, aut denegat dilationem. Et recte ita ius de his rebus constitutum est. Cum enim causæ sint ut numero infinitæ; ita varietate factorum, et probationum genere longe dissimiles, in quibus res quædam minorem dilationem desiderent, aliæ ne desiderent quidem: absurdum sit omnino in rebus tam disparibus eandem dilationem omnibus præstituisse litigatoribus. Sed res, ut dixi, ita iudici, commissa: sed non ut ei liberum de ea re statuendi arbitrium concedatur, sed ut jubeatur, pro conditione rei dilationem dare<sup>2</sup> causa cognita. *L. oratione, D. de dilat. L. 1. L. a procedente, C. eod.* Quo constituto quæsitum est in eo de potestate et officio iudicis. Sunt autem hæc fere de eo, quæ quærantur: an postulanti semper dilatio danda sit: si danda, quantam conveniat dari: Semel data an sæpius postulari possit. Quæ datur, quo loco danda sit. Postremo in dilatione plurium dierum quos dies numerari oporteat. De quibus quid fieri placeat, consideremus.

III. Et si de danda ab initio dilatione agitur, primum hoc statuatur nunquam esse dandam, nisi necessitas rei gerendæ hoc exigat, ut detur. *L. 1. C. eod.* Quid enim, si interrogetur quis de facto aut contractu suo? Non tam iniquum, quam stultum sit dilationem ad respondendum dare ei, qui statim, et liquido possit respondere. Quod si necessaria erit ad rem gerendam dilatio, ut si singas de facto alieno nos interrogari, in facto nostro testibus vel instrumentis ad fidem opus esse: ita plane semper dabitur, nisi quid nominatim jus prohibeat, *d. L. 1.*

IV. Ac duabus in causis etiam necessariam postulanti dilationem denegari jure animadverto. Una est causa, cum quis rescri-

ptum ad extraordinarium iudicem reportavit. Sic enim verba sunt Constantini in *L. si quando, C. eod.* *Si quando quis rescriptum ad extraordinarium iudicem reportaverit, dilatio ei penitus deneganda est.* Quod sic interpretandum est, ut si quis defugiendæ jurisdictionis causa, cui jure communi subiectus erat, rescriptum impetraverit a principe, quo sibi liceret revocare ad alium iudicem, non audiat in jure, si rescriptum obijciens, id statim non edat; quantumvis id se alibi habere dicat, et dilationem postulet ad id proferendum, quia dilatio ad eam rem denegetur. Hoc ideo quia merito ei obijci potest, cur si habebat rescriptum ejusmodi aliquod, quale dicit, id secum non attulerit eo tempore, quo primum de eo rescripto sibi controversiam fore intelligeret, cum et posset id afferre, et vero deberet, si adversarium nollet frustrari: quæ culpa eo minus adjuvanda est, quia admittatur in ea re, quæ contra jus postuletur. Cum in hac culpa causam denegandæ istius dilationis Constantinus esse intelligeret, ita subiecit: *Illi autem, qui in iudicium vocatur, danda est ad improbanda precum mendacia vel proferenda aliqua instrumenta, vel testes: quoniam instructus esse non potuit, qui præter spem in alienum iudicium trahitur.* Altera in specie denegatur dilatio, quanvis ad fidem necessaria, quoties videlicet intra certum tempus lege constitutum datur actio, et actor prope finem ejus temporis agens dilationem postulat, quæ tempus legitimum excedat. Constitutum et hoc a Constantino in *L. petendæ, C. de temp. in integ. restit.* Observetur autem, cui ille in hac re denegat dilationem, et quamobrem. Denegat actori, addita nominatim hac ratione, quia in ejus arbitrio fuerit tunc litem inferre, cum

pe-

1) Prolixus hic forem, in brevitate licet solita, rerum numerositate, si, quos consignatos habeo auctores (non alios autem habeo nisi quos evolvi) ex iis quæ ad hanc materiam declarandum faciunt, referre vellem. Id libri modus cum non patitur, locos auctorum indicabo. Plurimum sane, verum non alia ratione, quam ut commodis diversorum lectorum inserviam, ut cui aliqui, ceu sit, non suppetunt, ad alios recurrat. Ex professo juxta jus antiquum Pollet. 4. *Hist. fori* 15. Dnar. Com. ad h. t. Juxta hodiernum fori usum, Rebull. *Tomo 3 in Constit. Reg. Tr. de Dilationib.* Sich. ad Rubr. et LL. C. h. t. Gilken. ad eandem rubr. ut et Wes. sed pressius Dambuder. *Præx. civ. Cap. 114 et seqq.* (alios Practicarum auctores prætereo) Lanc. Conrad. de Off. præst. in caus. civ. v. dilatio: sed hic minus plene; exactius et plenius Sig. Scaccia 2 de Judic. 3 et 4. Præter hos sparsim Menoch. *Arb. C. 52. et Recup. possess. Remed. 15 n. 323 et seqq.* Mathesilan. *Sing. 17 et idem ad L. 2. Cod. Quom. et quand. judex* Bover. *Singul. 10. Corset. Sing. 78. Vasq. 2 Cont. usu freq. 27. Tirag. Tr. Cessante causa P. 1 n. 76 et seqq.* Parlad. 2 *Rer. Quotid. C. fin. P. 5 §. 10. Trentac. Lib. 2 Pract. Resol. Tit. de Dilationibus* (non enim materiam methodice

pertractat.) Lancell. de Attent. P. 2. C. 7. Rulant. de Commissar. P. 1 Lib. 2 C. 7. et seqq. et C. 28. Magon. *Cynosuræ advocat. P. 2 C. 10.* Jacob. Omphal. *Lib. 5 de Usurpat. legum. C. 4.* Vant. *Tit. de Nullit. ex defect. jurisd. n. 157. et seqq.* Blarer. in *L. diffamar. Cap. 6 n. 113 et seqq.* et Cap. 8. Asin. *locis mox citatis lit. B.* Wendelin. Hailman. de Testib. C. 3 p. 43 et seqq. Static. *Observ. pract. Cap. 7. Gall. 1 Observ. 91.* Myns. 1 *Obs. 71 et seq.* Hart. Hartm. *Lib. 2 Obs. Tit. 12.* Afflict. *Decis. 50.* Boer. *Decis. 294.* Peguera. *Decis. 160 et 180.* Henning. *Goden. Cons. 44.* Rauch. P. 2 Q. 24 n. 35 et seq. Gravatt. ad *Vestr. Pract. Lib. 5 C. 4 littera D. et C. 9 littera B.* Et ad usum fori Saxonici vid. *Nov. Elect. 16 P. 1* ibi Moller. auctores *Diff. jur. civ. et Sax. P. 1. Diff. 6 et Diff. 35 et seq.* Coler. *Dec. 121.* Jac. Schult. *Obs. forensi 28.*

2) Vid. Gilken. ad Rubr. C. hoc tit. n. 4 et seqq. ubi quæ in hac cognitione versentur, Sich. ad L. 1 C. h. t. et alii. Nec facile concedendæ dilationes ex officio iudicis nisi partes petant, per L. 1 verbis: *postulatum dari C. h. t. L. 2 C. Ut intra cert. tempus*, vid. Joan. Bapt. Asin. de *Execut. §. 3 C. 12 ac Cap. 169 et seq. et C. 175 ac seq. et C. 213.*

petitæ dilationis mora spacio legitimo superstitæ posset includi. Cui consequens fuit, ut hanc postulanti reo concederet, cui nihil tale potest objici. Quod et fecit Constantinus: ait igitur, *Quod si defensor dilationis suffragium postulaverit, eandem asserta causa citra obstaculum temporis deferri sancimus: quia nequaquam steterat in ejus potestate, quando litigio pulsaretur. Dari igitur debet, etsi impetrata dimensio sese ultra temporis definitionem proferat.* Sed illud notandum est, quod subjicit, etsi alias petenti actori dilatio denegetur: tamen cum in hac reus hanc impetravit, etiam actorem in requirendis probationibus illa suo jure uti posse. Sunt ista quidem a Constantino constituta de restitutione in integrum: sed cum in aliis actionibus, quæ intra certum tempus dantur, sint omnia in eo, de quo agitur, similia, rationes plane eædem: dubitari non debet, quin ad eas quoque omne jus superius pertineat.

V. Videamus jam, quæ dilatio danda est, quantam esse oporteat. Et necessitas rei gerendæ modum dilationi facit. Petitur enim hac gratia dilatio, ut sit tempus, intra quod rem transigere liceat. Nempe ergo tanta dabitur, quanta ad rem expediendam, quæ occurrit, sit satis: nihil amplius. *d. L. 1. tantummodo ut ne dilatio tempus ad actionem movendam constitutum excedat; de quo modo dictum est.* Hæc autem, quanto tempore ad rem expediendam sit opus, iudici æstimandum permittitur: præterquam cum distantia locorum dilationi locum facit: quo in genere spatium certum definitum est constitutionibus, quod pro varietate locorum observetur. Exstat constitutio Imperatorum in *d. L. 1. C. eod.* qua cavetur, si ex ea provincia, in qua agitur, vel persona vel instrumenta poscentur, non amplius, quam tres menses indulgeantur. Si vero ex continentibus provinciis, sex menses: in transmarina dilatione, ut novem observentur.

VI. Sed animadvertendum pyto, hoc spatium ita esse superiore lege constitutum, ut id quidem iudici excedere non liceat: cæterum non esse ejusmodi, quo brevius a iudice statui non possit, si locorum propinquitas aliud desiderabit. Quid enim, si ex eadem provincia ita petentur testes, aut instrumenta, ut tamen petantur in eadem urbe, ubi agitur, aut ex finitimis locis? an tres menses dabimus ad testes producendos, instrumentaque proferenda itidem, ut dantur,

Tom. VI.

cum ab extrema provincia eadem ista poscentur? Neque hoc æquum est, et fieri prohibet eadem constitutio, quæ in extremo vult ita tribui dilationem, si necessitas desideratæ instructionis exegerit. Quid sex menses? an istos quoque dabimus ei, qui instrumenta, aut testes requirat ex continenti provincia, si ea provincia non longe aberit, aut erit etiam in confinio ejus loci, in quo agitur? Repugnat et hic sententia constitutionis. Itemque de trasmarinis locis dicendum est, ut moderamen, de quo supra dictum est, in remotissimis locis observetur: in proximis autem, aut non multum remotis, non item.

VII. Quod si dilatione semel data, quæ satis esset ab initio, iterum alia postuletur, vel, quod idem est, petatur, ut prorogetur dilatio. ( Id enim erat tertium, de quo in hoc genere quæri diximus ) non idem hic servatur quod tunc, cum de dilatione ab initio danda agitur: alias namque sine alia nova causa datur dilatio sæpius, quasi priores dilationes non suffecerint. Alias non datur quidem sine causa: sed in hac causa æstimanda aliud spectamus, quam necessitatem ejus prorogandæ. Principio hic separantur pecuniariæ causæ a capitalibus ita, ut in illis sæpius dilatio sine causa non detur: in his dari possit sæpius: de quo ita Paulus in *L. ult. D. de fer. et dil. In pecuniariis*, inquit, *caussis omnibus dilatio singulis caussis plus semel tribui non potest. In capitalibus autem reo 3 tres dilationes, accusatori due dari possunt. Sed utrumque causa cognita.* Differentiæ ratio in reis minus est obscura. Humanitas enim postulat, ut in capitalibus causis agatur mitius: propter periculum capitis videlicet, quod his imminet. In actoribus est difficilior ad explicandum. Cur enim favetur etiam accusatoribus in capitali causa, cum dici soleat res odiosas, cujusmodi est accusatio, non esse adjuvandas? *L. cum quidam, D. de lib. et post.* Sed hæc causa est, quod in accusatione publica non tam habeatur accusatoris ratio, quam publicæ utilitatis. Pertinet enim ad exemplum, utilitatemque publicam, delicta nocentium et detegi et coerceri. *L. ita vulneratus, D. ad leg. Aquil. L. cum, qui nocentem, D. de injur.* adjicit Paulus, sed utrumque causa cognita: quod hanc sententiam habet: Utrumque superius, quod dixerat, ita verum esse, ut tamen in eo cognoscere debeat iudex, qualis res et causa sit,

sit, de qua agitur, et ex eo aestimare, an semper ita fieri debeat, non aliter, quod et oratione Marci Imperatoris expressum est, ut refertur in *L. oratione, D. de fer.* In capitalibus contra posse plures denegari, tam reo, quam accusatori: et hoc rursum, si caussa sit, cur denegentur: quam justam causam in utroque caussarum genere incidere posse innuit. Cæterum caussa nulla interveniente, cur secus debeat fieri, quam prius definiverat, in ea definitione manere oportere.

VIII. A qua tamen sciamus adulterii crimen excipi. De quo idem Paulus ita scribit in *L. in crimine, D. ad leg. Juliam de adul.* *In crimine adulterii nulla danda dilatio est: nisi ut personæ exhibeantur, aut iudex qualitate negotii motus hoc caussa cognita permiserit.* Nimirum in hoc crimine non hoc tantum sed et alia pleraque singularia pro utilitate communi recepta esse constat: argumento est inter cætera *L. transigere, C. de transact.*

IX. Nunc quæ hic causæ sint, quæ contra, quam Paulus supra definierat, fieri suadeant, cognoscamus. Et cur in pecuniariis caussis iterum dilatio dari debeat, duæ sunt, ut opinor, 4 causæ. Una, si dicatur per eum, cui tempus datum erat, non stelsse, quominus per id tempus perageret illud, cuius gratia dilatio iterum postulatur: sed aut casum, aut ignorantiam ei obstitisse. Casus est, si proficiscentem ad testes quærendos, vel instrumenta, ut inde redeuntem vel valetudo, vel tempestas, vel vis hostium, latronumve impedivit: hi casus omnes, et si qui sunt similes, justam habent excusationem. *L. 2. §. si quis in iudicio, D. si quis cautio, L. si quis, in fin. et L. seq. D. de eden.* In quo numero haberi debet is casus, quem ponit Callistratus in *L. interdum, D. de judic.* si is, penes quem erant instrumenta, postea Reipublicæ caussa abesse coeperit, vel cum abesset in initio diutius abfuerit, quam ut sufficeret dilatio, quæ primo ad eum expectandum data est. Obstat autem justa

ignorantia successorii, ne dilatione data utatur, cum ea data est domino litis, qui decedens rem reliquit ei, qui aut quid actum esset, aut in iudicio instituto, num quænam dilatio data esset, ignoravit. *Illud videndum, inquit. Ulpianus, si defunctus aliquam dilationem acceperit propter instrumenta, an successorii quoque ejus dari debeat: an vero quia jam data est, amplius dari non possit. Et magis est, ut hic caussa cognita dari debeat: hoc ille in d. L. oratione.* Causa dandi, quam intelligit, ea est ignorantia, quam dixi. Quæ semper in heredibus esse existimatur, quamdiu nihil contradocetur. *L. qui in alterius, D. de reg. jur.* Altera caussa dilationem proferri suadet ex persona litigantium: quam et ipsam posuit Callistratus eodem loco, id est in *L. interdum, D. de jud.* At interdum ex certis personis sustineri cognitiones: et id explicans, ex rescripto quodam divorum fratrum, verba hæc rescripti subjicit. *Humanum est propter fortuitos casus dilationem accipi: veluti cum pater litigator, Filium, vel Filiam, vel uxor virum, vel filius parentem 5 amisit.* In quo Imperatorem arbitror justis doloris rationem habuisse, qui quominus de rebus nostris serio cogitare possimus, obesse censuerit. Ut si exemplum ad certam præceptionem confertur, intelligatur Callistratus hoc dicere, etiam tum, cum nulla naturæ necessitas cogit rem differri, tamen humanitatis caussa ex persona litigatorum sustinendas esse cognitiones, quoties dilatione data justus dolor postea incidens non patiatur eos animo sedato de caussa cogitare. In quo erit iudicis, eo usque differre cognitionem, donec videbitur dolor remitti posse. Puto autem solam hanc causam non sufficere, ut detur dilatio in ea re, in qua per rerum naturam non sit dilatio necessaria: quid enim obstat litigatori, quominus dicat, aut respondeat, quod dicere et respondere potest in præsentia? Dicendum est igitur, huic solum tunc locum esse, eum res natura dilationem postulat, ita ut huic quoque necessitati superior

4) Non nisi urgentissima ratio flagitaverit *L. 1 in fi. C. h. t.* Hinc tradunt dilationem probatoriam omnem peremptoriam esse, etsi in assignatione non adiecta verba: et peremptorie, Petr. de Ravenna *Sing.* 131. Gail. 1 *Obs.* 91 n. 2. Scaccia fuse 2 *de Jud.* 3 n. 21 et seqq. Enimvero ut status nostrorum iudiciorum se habet, non iniuria conqueritur Vigel. *Paradox.* 9 post *Dialect. juris*, et Obrecht. *de Juram. cal.* C. 10 n. 34 hoc pragmaticis hodie paradoxon esse, quoniam sæpe 20 et plures dilationes dari soleant, non tantum ad probandum, sed et ad excipiendum, replicandum etc. idque ex caussis levissimis. Unde juxta de protelatione litum querelæ. Cui quibus modis occurri possit A. Fab. *Lib. 9 C. sui t. 22.* Ventura de Valentis *Parthenii litigiosi Lib. 2 toto*, sed et dilationum materiam

amputandam esse censet, Scaccia *d. C. 3 n. 49.* Gail. *d. Obs.* 91 n. 2. Etsi non convenire videantur quæ; ead. *Obs. n. 7.* ubi nunquam se meminisse scribit 2 vel 3 dilationem in Camera negatam fuisse. Nec plures solum dilationes receptæ; sed et earundem prorogationes. Quæ tamen ante lapsum terminum petiti debent, vid. Vasq. 2 *Contr. usu freq.* 14 n. 9 et seqq. Licet in ultimo momento prioris temporis prorogatio fieri possit, ut ante lapsum illius facta dicatur. Tiraq. *de Retr. consent.* §. 1 *Gl. 7 n. 41* etsi id in tempus noctis incidat; *ibid. n. 42.*

5) Aut si horum aliquis in graviolem morbum delapsus cuius curationem negligere periculosum. Qua de re scite Jan. Lan- glæ. 1 *Semestr.* 2 *P. 18 et seq.*

rior casus adjungatur. Unde eveniet, ut hic casus accedens facere dicatur, non ut simpliciter detur dilatio, sed ut quæ dari debuit, detur amplior.

X. Has causas postulandæ iterum dilationis certum est, ab eo afferri, qui dilationem postulet: quo fit, ut cum dicet in eo ita, aut ita rem se habere, id quoque probare debeat, juxta regulam juris. L. 2. D. de prob.

XI. Cur vero in capitalibus causis plures dilationes non dentur, una causa est, si dicatur ejus, qui plures postulet, culpa factum esse, quominus intra præfinitum tempus, quod satis erat, rem perfecit. Sic enim statuendum est, omnium causarum tam capitalium, quam pecuniarum commune hoc esse debere, ut qui dilationem in his iterum postulat, non audiat, si per eum steterit, quominus constituto tempore, quod satis esset, uteretur: scilicet ut ubique ei negligentia aut etiam contumacia sua noceat. Cur enim impune illuserit judici, aut cur ejus factum noceat adversario? quorum utrumque ut iniquum leges repudiant. L. si prætor, D. de jud. L. factum D. de reg. jur. Sed hoc interest, quod in capitalibus causis, ut reus, vel accusator plures dilationes impetret, nihil causæ affert, de qua dubitetur. Quapropter nec ullum onus probandi in eo sustinet. Solus est adversarius, qui culpam ei objicit, ne iterum dilationem accipiat. Hanc culpam cum dicat intervenisse, ipse est, qui probare debeat. Quod utrumque in pecuniariis causis contra se habere diximus.

XII. Illud, quod erat quartum, ex iis quæ dicta sunt sua sponte intelligitur: cum enim certi juris sint, quæcunque desiderant causæ cognitionem, ea nisi pro tribunali expediri non posse. L. 3. §. si causa, D. de bon. poss. perspicuum est dilationem omnem, quæ causa cognita danda est, non de plano loco, neque a procedente iudice recte dari: sed pro tribunali duntaxat: quod et cautum est in L. a procedente, C. de dilat. adjecta nominatim superiore ratione, cur alibi dari non debeat.

XIII. Sed cum hæc judicem dicamus præstare oportere, quid fiet, si contra, quam ille jubetur, aut dilationem denegabit, ubi ea opus est, aut dabit, ubi non est opus? item si eo loco horum alterutrum faciet, ubi non oportet? non temere est, quod in hoc loco quærendum putamus. Non enim sic ista exiguntur, ut si iudex contra fecerit, sit impune. Alioqui frustra exigerentur: atque etiam, quod jus de his constitutum est, jus

non erit. Rursum si remedium quærimus, non facile occurrit, quomodo jure adversus hanc injuriam litigatoribus consulatur. Primum, nullam hic poenam adversus eum, qui contra faciat, proprie constitutam esse videmus. Tum autem quæ ordinaria remedia sunt ad injuriam iudicis prohibendam, ea nos hic deficiunt. Sententiam iudicis injustam, si contra leges nominatim lata sit, ipso jure nullius momenti esse dicimus: ex quo evenit, ut ei remota etiam appellatione impune non pareatur: si ea aperte contra leges lata non sit, valet illa quidem ipso jure: sed ita, ut ab ea possit appellari, quo iniquitas sententiæ a superiore iudice corrigatur. Nihil horum valet adversus interlocutionem iudicis de dilatione danda, aut deneganda. Etenim si contra jus nominatim dilationem dederit iudex, aut denegaverit: (finge dedisse sex aut novem menses nominatim ad quærendos testes, aut instrumenta, quæ sunt in eadem provincia: aut in capitali causa reo denegavisse plures dilationes, cum ita diceret, cum sit reus improbus, et capitalis causa, ideo se illi plures denegare) nihil hic proficiemus, si dixerimus id jure pro non dicto haberi; nihilominus enim iudex, quod dixit, invitis omnibus, exsequi potest: cujus est in potestate, perseverare in injuria, quam facere cœperit, vel quæstionem statim derimendo ubi dilationem denegavit, vel cognitionem sustinendo, ubi dilationem dedit. Si in dilatione danda denegandave nihil aperte contra jus fecit, sed tantum contra jus litigatoris, posset hæc injuria appellatione corrigi; si quidem ab ea interlocutione appellaretur. Nunc autem jure Romano non est, nisi adversus sententiam prodita appellatio. L. 2. D. de app. rec. vel non. adversus interlocutionem de dilatione non esse constat, arg. L. a procedente, in fin. C. de dilat. Id iustis de causis: de quo suo loco dicitur. Quid ergo fiet? Dicendum est, si iudex dilationem injuste denegarit, injuriam hanc ante sententiam vitari non posse: sed post sententiam ita posse corrigi, ut si ea denegatio causæ damnum attulit, dum per eam efficitur, ut litigator intentionis suæ fidem implere non possit, jure a sententia iudicis appellatur. Hoc amplius et si appellatum non erit, ordinarium in eo remedium proditum est adversus judicem, qui male judicavit, ut teneatur actione in factum in tantam pecuniam, quanta iudicanti æqua videbitur. L. ult. D. de extr. cognit. Quod si iudex aut dilationem dedit, ubi opus non est, aut dedit largiorem justo, facit quidem is non recte

cte, neque ex officio, quanvis in eo nihil peccet amplius, quam quod cognitionem differat non necessario: sed tamen videtur esse impune, nisi aut per dilationem frustratoriam efficiatur, ut tempus ad judicia exercenda constitutum exeat, aut damni aliquid per causam injustæ dilationis adversarius sentiat. Veluti, si inter moras res petita perierit, vel corrupta sit, et ob id sententia judicis reus sit absolutus. Quorum in altero poena nominatim constituta est in *L. properandum*, §. *sin aut utraque*, *C. de jud.* In altero non minus quam supra a sententiâ appellari potest, aut adversus judicem agi: non enim is juste judicavit.

XIV. Sane si in loco tantum dandæ dilationis peccavit judex, dum eam alibi, quam pro tribunali, vel dat vel denegat, aliud quidquam dici potest. Si enim dilationem denegavit procedens: quoniam in eo aperte contra jus fecit: perinde habebitur dilatio, quasi nec denegata esset. *arg. L. non dubium, C.*

*de legi.* cui consequens est, ut litigatore causam non exsequente, quanquam judex sententiam postea dixerit, ea tanquam causam non cognita, lata, nullius momenti habeatur. *L. ex stipulatione, C. de sent. et int.* ut consequens sit et illud, ad eam sententiam rescindendam ne appellatione quidem opus esse. Quod si judex dilationem alio loco dedit, quoniam et hæc pro non data est, eveniet ut si ab eo, qui accepit, dilatio contempta fuerit, possit is et aliam pro tribunali petere: quæ si ei denegetur, non aliter de ea judicandum sit, quam si dilatio ab initio denegaretur.

XV. Restat, ut data dilatione sciamus, quos dies velit jus in ea numerari, de quo brevissimum est, quod constituit Constantinus in *L. 3. C. de dilat.* *Feriæ autem*, inquit, *sive repentinæ sint, sive solemnnes, dilationum temporibus non excipiantur, sed his 6 connumerentur.*

CAP.

6) Et ita terminus probatorius continuus. Nisi tot essent feriæ, quæ totam vel majorem partem dilationis absorberent, Joseph. Cumia. *Practica Syndicatus* C. 13. n. 9. et 10. Joan. Monac. *Pract. Judic.* P. 5. §. 1. C. 2. n. 10. et seq. Confer. Gail. 1. *Obs.* 140. n. 4. et 2. seqq. Num autem dies termini computatur in terminum? Vid. hinc inde Tiraq. *de Retr. lignag.* §. 1. *Gl.* 11. n. 27. Horat. Carpan. *Statut. Mediolan.* C. 103. *Vol.* 1. Trentac. *Lib.* 2. *Pract. Resol.* h. T. *Resol.* 1. Contard. in *L. diffamari* Cap. 5. n. 90. et seqq. Goed. ad *L.* 133. de *F. S.* n. 2. (ubi pro affirmativa plures LL. adducit) P. Frider. *Lib.* 2. de *Mandat. judic.* C. 18. Myns. 5. *Obs.* 15. qui negativam communem ac in Camera receptam vocat, Otto Meland *Comm. Cameral.*

P. 7. fol. 99. quem adi. Caterum more Romano dies a media nocte incipit etc. *L. more* 8. *D. h. 1.* Ad cuius explicationem vid. Cuiac. i5. *Obs.* 32. Alciat. 10. *Parerg.* 3. Robert. 1. *Sent.* 1. Pollet. *Lib.* 1. *Hist. fori* C. 9. Leonin. 5. *Emend.* 3. Alb. Gentil. de *Diu temp. appell.* C. 5. Goed. ad *L.* 2. §. 1. de *F.* Confer. Galæott. Martius de *Doctrina promiscua* C. 37. Cornel. Vitell. de *Diem mensiumque observatione* (Parte 1. *Thesauri Critici*) Eryc. Putean. *Genial. sermion.* pag. 23. et seqq. Alex. Piccolhomin. *Lib.* 3. *Sphæræ* C. 8. Rationes varias refert Plutarch. *Problem. Roman.* C. 84. Inapte vero Nicol. Carbon. *Lib.* 3. *Practica* C. 4. n. 46. eam esse putat, quod media nocte Salvatur natus sit.





## C A P. VII.

## De Feriis.

*Feriæ dilationibus affines; quatenus ab illis differant. I.*

*Ferias ad temporalium præscriptionum genus pertinere; ideoque hujus loci etiam proprias. II.*

*Has a solo principe constitui; extraordinarias esse, seu temporales; et solemnes sive perpetuas. III.*

*Tempora feriarum solemnium certa esse oportere. Eorum genera quatuor, et quæ sint. IV.*

*Festorum dierum feriæ quid permittant aut*

*vetent: an valeat, quod contra ea actum fuerit. V.*

*Dies principis natalitios eodem jure haberi ac festos dies. VI.*

*Ferias messium et vindemiarum, item nundinarum cessare adversus volentes; servari adversus invitos. VII.*

*Nec tamen in causis fiscali, et liberalibus, et in perituris rebus servari messium et vindemiarum ferias VIII.*

*Feriæ nundinarum quas causas, et personas afficiant. IX.*

I. **U**T de feriis hoc loco agerem, minus fortasse idonee, dilationum, de quibus proximo capite disserui, et feriarum summa similitudo ac prope cognatio suasit: sunt enim feriæ dilationis quædam species. Per ferias enim judicia et jura omnia differuntur. *L. omnes dies, C. h. tit.* Sed dilationes proprie appellamus, cum singulæ lites differuntur, ut supra demonstratum est. Utræque eam vim habent, ne interim dum feriarum aut dilationum tempora durant, judicio agatur; sed illæ, ne ullo judicio agatur; hæ, ne agatur isto, in quo concessæ dilationes sunt. Differunt autem, quod quidem ad rationem ordinis atque instituti nostri pertinet: quod dilationum usus omnis post litem contestatam esse soleat: tunc enim dilationes primum a iudice litigatoribus dantur,

cum judicium jam est constitutum: quod fit litis contestatione. Quare de dilationibus commodissimo et maxime suo loco egimus, postquam de litis contestatione exposueramus, et prima causæ cognitione, in quam vix ingressus iudex dilationes concedit litigatoribus ad suum jus allegandum ac demonstrandum. Feriæ contra, ne lis ulla contestetur, efficiunt: imo<sup>1</sup> ne in jus reus vocetur, ne<sup>2</sup> edatur actio: quæ duo litis contestationem præcedunt: pertinentque feriæ potius ad<sup>3</sup> præscriptionum illud genus, quibus actorem repellimus ne nobiscum agat, ut præscriptio fori, ac similes.

II. Tales a tempore præscriptiones quatuor ex causis sive generibus sumi reperio, quarum una est hæc de qua nunc agimus, feriarum. Aut enim convenit, ne quod debetur

<sup>1</sup> Sane si ad diem feriarum, ut eo veniat, quis citetur, etsi citatio omnia die non feriato quin contumax non fiat, expeditus est *L. 2. in fin. Si in jus voc. non jer.* Ac si feriæ sacræ, ipso jure non valet citatio, sia alix, tenetur eo die comparere citatus, sed procedi nequit nisi die sequente, *Coler. ad Cap. 2. junct. C. dilecti 8. extra de Except. n. 32.* Quavis *Gail. 1. Observat. 53. n. 2.* distinguit ut tunc jure nulla sit, cum ipsa citatione nominatus est dies festus, exempli gratia, dominicus, secus si dies citationis in eum incidat, ubi sequenti die procedendum. Et quod sequenti die venire teneatur, tradit *Boer. Decis. 235. n. 3.* Quin et eo ipso die festo ut veniat juberi posse addito, ut sequente die procedatur, *Rulaant. de Commisar. Parte 1. Lib. 5. C. 3. n. 21.* Ex usu autem apponi solet clausula si is incidat in feriatum sequente die, *Gail. d. Obs. 53. n. 2. Coler. et Aulant. d. loc.* Ex usu omnium Curiarum Gallix Citationem talem valere, sed diem prorogari, *P. Gregor. 48. Synt. 2. n. 23.* Et quod a Principe citatus feriato die venire debeat, cum feriæ sint Juris civilis, qui Princeps derogare possit, *Chassanæ. Gatal. gloriæ mundi P. 5. Consid. 24. n. 42.* Quod intellige de non inductis ipso jure divino. Plura de his pete ex *Mathesilan. ad L. 4. C. Quom. et quan. jud. n. 3. et 5. Viv. Lib. 2. Decis. 274. n. 13. Wurmser. Tit. 6. Obs. 13. n. 7. Maranta P. 6. Tit. de Citat. n. 119. et seqq. Jo. de Arnone Pract. C. 16. et seqq. Jo. Pels. Process. Tit. 12. n. 66. et seqq.*

*Rosbach. Diff. jur. civ. et Canon. Lib. 3. Tit. 7. n. 1. et 2.* Num autem die feriato decerni possit, item num insinuari vel exsequi, minus convenit. Utrumque ceu communis, affirmat *Gail. Obs. 53. n. 5 et seqq.* quia et actus citationis extrajudicialis, et executio facti sit, causæ cognitionem non requirens. Ac quod exsequi liceat etiam die feriato in honorem Dei, *Vestr. Lib. 4. Pract. C. 3. n. 6.* Sed contrariam communem vocat *Gravat. in Annot. ibid. n. 13 vid. Tiraq. de Retr. lignag. ad fin. tit. n. 79 et 2 seqq.* Certe quoad dies festos negative jure verior, per *tex. L. ult. §. 1 ibi: cunctis executionibus, et ibi: nulla admonitio, et ibi: præconis etc. C. h. t.* Quid quod nec Judæi Sabbatis aliisque festivitibus suis in jus vocantur *L. 2. L. 13 C. de Judic. L. ult. C. Th. h. tit. de feriis, Photius Nomocan. Lib. 7. C. 4.* Nec isdem Christianos ipsi vocant *dd. LL. Baptista de S. Blasio Tract. Correlativorum C. 3. n. 2.*

<sup>2</sup> Quod in feriis ad honorem Dei admittit *Maranta Parte 6. Membr. 3 de Libel. n. 19 et 2 seqq.* ac ibi *Foller. in aliis 6. Membr. 3 de Libel. n. 11 §. 6 ad L. Jul. de adul. vid. Bover. Sing. secus, per L. 11 §. 6 ad L. Jul. de adul. vid. Bover. Sing. 10 n. 12. Guid. Pap. Q. 215. Menoch. Arb. Q. 30 n. 14. Ayer. Procest. P. 1. C. 5 Obs. 6 n. 16.*

<sup>3</sup> Opponi tamen potest hæc exceptio etiam post litem contestatam, *Wurmser. Tit. 11 Observ. 2.* Quin etsi non opposita, acta tamen nulla in feriis quæ publicam causam habent, *Wesenbec. ad Rubr. C. h. t. n. 40 vid. infra Lib. X.*

tur, interim peteretur: unde exceptio pacti conveniri adversus agentem, exceptio, dilatio. *Instit. de excep.* differt enim iudicium dummodo de ea constet, nec probari opus sit, ut alibi dictum. Aut est dilatio iure constituta: puta ei, qui in jus vocatus est. Hæc vero una data est omnibus ad liberandum prius, quam cogantur in jus venire, aut respondere adversario, nempe viginti dies: de quo supra etiam a me expositum est *lib. 23. C. 2.* Aut aliud iudicium cœptum est, cuius hæc est conditio, ut eo nondum peracto id institui non possit, quod nunc intenditur. Quo pertinet etiam in iure Pontificio Titulus de ordine cognitionum, post titulos de Dilationibus ac de Feriis collocatus. Aut denique eo tempore, quo experiri quis vult, justitium est; id est feriæ, et a iure iudicioque publico vacatio. De quibus nunc agam propter affinitatem: quam supra dixi, dilationum: quaque factum est, ut in Digestis unus es-

set de feriis et dilationibus titulus, in Codice post titulum de dilationibus continuo subiceretur titulus de Feriis: ut hæc tractatio non fuerit temere a nobis disjungenda: quod pari ratione observavimus in Edicto de edendo, ut monui supra *lib. 23. Cap. 7.*

III. Ferias, idest publicam vel a negotiis omnibus, vel a litigando et iudiciis 4 remissionem dies quidam habent: hi videlicet, per quos sint a principe constitutæ feriæ. A principe, inquam, huic enim soli licet hodie ferias condere, præterea nemini; ne iudex quidem sit, aut magistratus, 5 *L. a nullo, C. de fer.* Quibus diebus sint constitutæ, videndum est. Et sunt feriarum 6 quædam extraordinariæ, et temporales; quædam solemnnes et perpetuæ. Temporales sunt, quæ pro 7 re nata temporis tantum causa indicuntur a principe, extra consuetum ordinem, et morem videlicet: veluti 8 ob rem a principe proprie gestam, vel in honorem prin-

ci-

4) Quicti dies a iudiciis civilibus, Cujac. *Par. D. h. t. vel vacui ab actibus judicialibus.* ut Vult. 2 *Jurispr.* 30 n. 40. Unde Plaut in *Casina* Prologo Alcedonia circa forum vocat Græci ἀπαύριος καὶ τῖπρος ἡμέρας Cujac. *de Div. temp. præscript.* C. 3. Accuratus definit, ac descriptionem Cujacii suggillat: quod regulariter solum vera sit, non perpetuo, Alberic. Gentil. *de Divers. temp. appell.* C. ult. ubi vide. Dictæ a feriendis hostiis, Fæst. *Lib. 6. Wes. Par. h. n. 2 et ad h. t. C. n. 2.* Scaccia 2 *de Judic.* 5 n. 1. Tessauro. *Decis.* 39 n. 11. Omnes autem dies præter feriatis iudicii *L. 7 pr. C. h. t.* Qui et vocantur communes *L. 2 C. de statutis et imag. iudiciali Capitoli. in Antonino Pollet.* 1. *Hist. fori* 9 dies sessionum *L. 2 §. 1 Quis ordo in bo. poss. Cujac. d. C. 3. Rævard. Prorib.* C. 1. Olim dies fasti, quibus oppositi Nefasti. Quo de vid. Ovid. 1 *Fæst. Macrob.* 1 *Saturn.* 16. Turneb. 30 *Adv.* 35. Coras. 3 *Macrob.* 18. Pollet. 1 *Hist. fori* 8 et 9. Ant. Aug. *de LL. C. 9. Wes. ad h. t. C. n. 4. Briss.* 4 *Antiq.* 20 et *Lib. 5 Form. pag.* 416. Joach. Perion. *Lib. 3 de Rom. et Græc. magistra.* p. 422. Brodæ. 3 *Misc.* 17 P. 2 *Thes. Critici Gruteri.* In Palatio Apostolico tribus solum hebdomadæ diebus jus reddi, nempe Lunæ, Mercurii et Veneris, scribit Scaccia 2 *de Judic.* 5 n. 197. Et iure Saxonico 3 dies, Jovis, Veneris, et Saturni vacationem habere, ex *Lib. 2. Art.* 66 monet Zohell. *Parte 1 Diff. 4. num. 1.*

5) Sed d. L. 4 quia de Imperialibus feriis loquitur, et ita de honorariis, quod Donello hic 2 genus, de iis, item repetitionis, intelligendam volunt Pac. 1 *Enant. Q.* 82. Bus. 6 *Subt.* 15 n. 5. Peguera *Dec.* 53 n. 1. Quas ipsas tamen olim Prætores et Consules pro arbitrio potestatis indicebant, ut Macrob. 1 *Saturn.* 16. Suet. in *Claudius.* vid. Rævard. 5 *Par.* 19. Perion. *d. Lib. 3 p.* 388. P. Greg. *Com. in Synt. art. mirab. Lib. 4 C.* 66 p. 830. Quin Wes. *Par. h. t. n. 4* indictionem solum adini d. L. 4 iudicibus pedaneis et municipalibus magistratibus non autem maioribus. Cui tamen et verba et mens ac ratio d. L. 4 resistunt. Plane etsi generaliter accipias d. L. 4 tamen ei non contraria *L. 4 d. h. t. L. 7 pr. de off. procons.* Aliud enim condere ferias d. L. 4 C. h. id est de novo indicare, sive ordinarias quæ in posterum valituræ, sive repetitinas. Aliud jam ante lege vel a Principe institutas moderari, ut d. L. 4 *D. h. t.* Ubi Præfes non efficit, ut messium sint feriæ, sed prout usus regionis ejus fert, tempus illis constituit, quando incipere aut finire debeant, Wes. *d. n. 4 A. Fab. ad d. L. 4.* Enimvero et ab inferioribus magistratibus statutæ feriæ intra fines territorii sui valebunt, Wes. *d. n. 4 et ad Rub. C. h. t. n. 11.* Rosbach. *Process. Tit.* 38 n. 7. Nam et olim privatæ ac familiarum propriæ feriæ fuerunt, Macrob. 1 *Saturn.* 16. P. Greg. 2 *Synt.* 16 n. 3. Tessauro. *Decis.* 39 n. 8.

6) Et ita Wesenb. *Par. h. n. 3. Ayer. Process. P. 1.*

C. 5. *Obs.* 6. n. 1. Rosbach. *Process. Tit.* 38. n. 3. Si-brand. *Siccama Lib. 2. de Jud. Centumv.* C. 1. Tametsi autem aliis prior partitio in divinas et humanas, seu sacras ad honorem Dei, ac profanas in utilitatem hominum institutas, atque has in ordinarias et extraordinarias subdividunt Zas. in *Par. D. h. tit. n. 1. Duaren. ad h. tit. D. Cap. 1. Monach. 1 Pract. P. 5. §. 2. n. 5. et 6. add. Pollet. 1. Hist. fori* 8. pag. 60. Commodius tamen illa in repentinas et solemnnes prior partitio statuitur, (ut hæ in sacras et profanas deinde dividantur: ) Tum quia ea in ipsis *LL. habetur d. L. 26. §. 7. Quibus ex caus. maj. L. 3. de dilationib.* tum quia major fere inter eas oppositio quoad præsentem materiam, tum quia et feriæ extra ordinem in honorem Dei iudici possunt ad gratias ei agendas, vel iram ejus placandam, ut dies supplicationum et precationum. Macrob. 1. *Saturn.* 16. feriarum publicarum 4. genera refert, Stativas, Conceptivas, Imperativas et Nundinas, vid. Perion. *Lib. 3. de Roman. et Græc. magistrat. pag.* 387. et seqq. Pollet. 1. *Hist. fori* 8. Petr. Gregor. 2. *Synt.* 16. n. 3. et seqq.

7) Unde dicuntur repentinae *L. 3. C. de dilationib.* Wesenbec. *Parat. h. n. 3.* Tessauro. *Decis.* 39. n. 5. Speck. *Cent. 1. Q.* 61. Pollet. 1. *Hist. fori* 8. quia repentinum aliquo casu indicuntur et ex numero dierum iudiciorum et communium eximuntur. Unde Pollet. eos exemptos ac exheresinos vocari posse censet. Hæ imperativæ vocantur a Macrobio 1. *Saturn.* 16. Petr. Greg. *Com. in Syntax. art. mirab. Lib. 4. C.* 66. pag. 830. et Imperiales in *L. 4. C. h. t.* Siccama *Lib. 2. de Judic. Centumv.* C. 1. et laudati *h. C. N. 5. initio.*

8) *L. 1. C. h. t. Exempla pete ex L. 1. C. Publ. lætitie et Consulm. Lib. 12. tit. ult.* Alia referunt Pollet. 1. *Hist. fori* 8. Annæ. Robert. 4. *Rer. judic.* 15. pag. 909. et seq. ac Petr. Greg. 2. *Synt.* 16. n. 12. Sed et ob calamitates publicas, ad placandas Deorum iras iudici solebant. Quale Novendiale sacrum, quoties lapidibus plueret, Rob. d. C. 15. pag. 910. Sicuti hodieque jejunia et solennes processiones decerni a Pontificiis Præsulibus solent vid. Robert. d. loc. et Pollet. d. C. 8. pag. 65. Sane Agell. 2. *Noct.* 28. Romanos, ubi terram movisse senserant, edicto ferias imperasse narrat. Idque sedulo observasse Claudium, refert Sueton. in *eius Vita.* Qua et ex causa supplicationibus vacatum sub Theodosio II. Petr. Gregor. 35. *Syntax. art. mirab.* 34. Luctus quoque publicus viri illustris, ac præ cæteris meriti causa indicendi iustitii, ut ex Tacito 1. *Annal.* ubi de morte Germanici, Lucano *Lib. 2. Liv. Lib. 9. et 10.* probant Jo. Kirchman. *Lib. 4. de Funerib.* C. 11. et Joan. Meurs. *de Funere* C. 50. Quibus adde Sidon. Apollin. *Lib. 2. Epistol.* 8. *decessit non absque iustitio.* Et ita inscriptio antiqua, quæ in magno

257  
cipis: 9<sup>a</sup> solennes et perpetuæ sunt, quæ ob causas quæ sunt perpetuæ, ita constituuntur ab initio, ut velit princeps eas per eadem tempora perpetuo recurrere sine ulla nova principis constitutione. Quæ feriarum distinctio significatur ab Ulpiano in L. *sed etsi*, §. *si feriæ*, D. *ex quib. caus. major.* Qui dies ferias habeant extraordinarias, nullo certo jure continentur: ac nec potest. Pendet enim res ex occasionibus rerum, et sola principis voluntate, non solum quando incipiant; sed etiam quando repetantur: ut de iis nihil aliud dici possit, nisi in his voluntatem principis ubique esse expectandam.

IV. Feriarum autem solemnium et perpetuarum dies certos, et certa tempora non solum in præsentia, sed etiam in futurum esse oportet. Alioqui quando recurrerent, non intelligeremus. Itaque et hæc tempora certo jure constituta sunt: proinde quæ sint, ex eo jure dicendum est: sunt vero eorum tem-

*Tom. VI.*

Inscriptionum antiquarum opere a Jano Grutero edito, auspiciis Josephi Scaligeri et Marci Velseri pag. 493. *Mortem ejus justitio omnes luxerunt.* Quo respicit Prudent. *Cathemerinon.* *Hymno* 5 de Pharaonis exercitu demerso :

*Ipsos et procures et vaga corpora.  
Nigrorum videas nare satellitum  
Arcis iustitium triste tyrannicæ.*

Harum autem feriarum impedimentum justa causa restitutionis in integrum, per d. L. 26 §. 7 vid. Odd. de *Restit. in int.* P. 1. Q. 14 Art. 3 n. 25 ubi n. 28 idem etsi incident in diem ultimam dilationis, nisi ut n. 30 facile praevideri poterint, ut si multis ante diebus promulgatae. Confer Robert. 4 *Rer. Judic.* 15.

9) Solemnēs hāc, quia anniversariæ. Alias et solemnē quod ita constitutum ut servari oporteat. Sic solemnia in judiciis *L. pen. de in int. restit. muner. L. 2 D. de Veteran. stipendia L. 7 Cod. de fi. instrum.* non quæ quotannis præstantur, sed quæ præstari necesse est. Donell. *ad d. L. 7 n. 10 et seq.* Vulgo DD. referente Wesenbecio *Par. n. 3* solemnēs solum vocant dies festos, et ab indicitis seu rusticis discernunt, ut et Damhuder. *Præxi civ. C. 119. Joan. Pels Process. Tit. 12 n. 78. Speckhan. Cent. 1 Q. 61 n. 3 et 4.* Sed in *d. L. 26 §. 7 et L. 3 C. de dilat.* solemnēs sunt omnes præter repentinas et extraordinarias. Et alias quoque solemnē pro ordinario usurpatur.

10.) Add. *C. ult. extr. h. tit. Novell. Manuclis Commēni* 2. Photius *Nomocanon. Tit. 7 Cap. 1. P. Greg. 2 Synt.* 16 n. 5 et 6. Covar. 4 *Var. Resol.* 19. Scaccia 2 *de Judic.* 5 n. 128 et *seqq.* Qui hodie recepti sint et in Camera attendantur, vid. Rulant. *de Commissar. P. 1 Lib. 5 C. 5 n. 1.* Suanmām. *Lib. 1 Observ. Process. Cam. C. 25.* Speckhan. *Cent. 1 Q. 61 n. 5.* Joan. Pels *Process. T. 12 n. 78.* Vult. 2 *Jurispr.* 30 n. 46. De stativis feriis Hebræorum, P. Greg. 2 *Synt.* 16 n. 5. Veterum Romanorum, vid. Macrobi. 1 *Saturm.* 16. Joach. Perion. *de Rom. et Græcorum magistrat. Lib. 3 pag. 396 et seqq.* et citati a Tessauro *Decis.* 39. De festis Christianorum pariterque Judæorum et Paganorum Matth. Dress. *Lib. de Festis diebus.* Stativis veterum Romanorum. . . sinilia nostra festa immobilia; Conceptivis mobilia, ut Pascha, Pentecoste etc. Petr. Greg. 2 *Synt.* 16 n. 6 et 7. Dresser. *de Fest. diebus pag. 4.* Festi vero dicti a festivitate et lætitia, Non Marcell. *de Propriet. sermon.* Petr. Greg. *Com. in Synacæ. art. mirab. Lib. 4 C. 66 pag. 827.* Quippe non tantum ad devotionem, sed et ad hilaritatem instituebantur, tanquam necessariis laboribus temperamentum, Scænea *Lib. 1. de Tranquil. animi.* Robert. 4. *Rer. judic.* 15. *pag. 909.* Petr. Greg. 2 *Synt.* 16 n. 1. Oppositi prefestis ad administrandam rem privatam publicancque concessis, Macrobi.

porum, in quibus placet, solemnes esse fe-  
rias, genera quatuor. Primum genus est  
dierum festorum, ut honori tantum Dei de-  
dicatorum. In quo numero quos placeat dies  
esse, comprehensum est his constitutionibus,  
L. 2. *L. omnes dies, L. ult. C. de fer.* Et  
habentur etiam inter hos dies illi <sup>11</sup> quadragin-  
ta, qui antecedunt diem Paschæ, quod ad  
criminalium duntaxat quæstionum cognitio-  
nem attinet. Nam hæc per illos dies inhibe-  
tur. *L. quadraginta, C. eod.* Proximum huic  
genus est eorum dierum, qui ad memoriam  
alicujus facti celebrandam sunt destinati. In  
quo genere placebat Romanis esse dies nata-  
licios <sup>12</sup> urbis Romæ, et Constantinopolis;  
item ipsius Imperatoris: item eum, quo im-  
perator imperatorium erat adeptus: de quibus  
<sup>13</sup> cautum est in *d. L. omnes dies*, et *L.*  
*ult. illic, etiamsi, C. eod.* Tertium est mes-  
sium et <sup>14</sup> vindemiarum. *L. 1. D. eod.* Qui-  
bus temporibus ferias constitui, ut esset o-  
cium

17

cium

*d. loc.* Qui latus patent nefastis, sicuti festorum strictior acceptio quam feriarum, Wesenbec. *ad h. t. C. n.* 3. Sed et apud Romanos dies quidem erant intercessi, sacris et humanis actibus distinctis horis communes. Quibus post operam sacris datam deum litibus vocare licebat, vid. Macrobi. *d. loc.* Robert. *d. C.* 15. pag. 915. Pollet. 1. *Hist. fori* 8. n. 2. Quibus hodie affines dies rogationum, et supplicationum semiferiati, ut iidem et Scaccia 2 *de Judic.* 5. n. 116. Festi dies quomodo Juris divini vel humani, quinam a Deo ipso, qui ab Ecclesia instituti, vid. Covar. 4. *Var. Resol.* 19. Sabbati sane origo prima ab ipso Deo *Genes.* 2. v. 3. *Exod.* 20. vers. 8. et *seqq.* etc. Covar. *d. C.* 19. n. 1. et 2. Ejus tamen loco in gloriam resurrectionis Dies Solis, seu dominicus suffectus, Conrad. Heresbach. *Epit. Jurispr. Christianae Edicto* *IV.* *Præcepti p.* 89. et *seq.* Eum statum diem, quo ante lucem convenient Christiani vocat Plin. *ad Trajan. Epist.* 97. ubi Rittershus. Quo minus utique licere debet quam feris ad Divorum memoriam indictis, vid. Covar. *d. C.* 19. n. 6. *Parlador.* 2. *Rer. Quotid. C. fin.* p. 5. §. 4. Cujac. *ad C.* 1. et 2. *extr. h. t.* Chassanæ. *Catol. gloriæ mundi P.* 12. *Consid.* 42. Pacian. *Cons.* 130. Briss. *ad L. dominico C. Th. de spectaculis.* De septenario dierum numero et nominibus et unde ea, vid. Jan. Parras. *Epist.* 73.

11) *Leg. pen. C. h. vid. Cujac. de Divers. temp. præscript. C. 11. Quod consuetudine non servari Wesenb. ad Rubr. C. h. tit. n. 20. Nec his operas serviles vetari. Scaccia 2. de Judic. 5. n. 115.*

12) Nasci enim dicuntur urbes dum conduntur, Petr. Fab. 1. *Semestr.* 9. pag. 56. Quem de his Natalitiis festis, vide, ut et Quintil. Mandos. in *Annal. Casib.* n. 22. et seqq. Confer. Petr. Fab. 1. *Semestr.* 6. pag. 36.

13 ) Martial. *Lib. 10. Epigramm.*

*Natalem colimus, tacete lites.*

Plinius Lib. 10. Epist. ad Trajan. Diem Domine, quo servasti Imperium, dum suscipis, quanta mereris laetitia celebravimus etc. De qua festivitate plurius Ambrusius Ser-  
mone 15. relatus a Rayar. 3. Conject. 4. videatur et Petr.  
Greg. 2. Synt. 16. n. 7. Mandos. d. loc. Ceterum ad repen-  
tinas ferias natalem huc referunt Pollet. 1. Hist. fori 8. n.  
14. Tessaur. Decis. hug. n. 5. Speckan. Cent. 1. Q. Ca. ii.  
6. Plane Manuel. Comnenus Imp. Orientis Nov. sua 2. s. 5.  
fati sansit ne dies Natalis stus, neve is quo creatus est feri  
sint, nec in illis inducias judicia habeant. Sicuti nec hodie in  
sunt, Wes. ad L. 7. C. h. t. n. 4. Festa autem Sancto-  
rum fere celebrantur non die natali, sed eo quo mortui, qui  
illo renati ad gloriam, Cosset. Singl. 115. Covar. 4. Far.  
Resol. 19. n. 9.

14 ) Agell. 16. Noct. 4. etsi ibi pro feriæ vindemiales, fe-

cium, et tempus ad fructus colligendos publica utilitas, et rei necessitas suasit. Præceptum est enim eorum temporum opportunitas ac sine fraude, et periculo fructuum ea vel tantillum prætermitti non potest. His feriis duomenses constituti: nempe singulis 15 unus, et aliquot dies amplius. *L. omnes dies, C. eod.* Utriusque mensis initium et modus definitus in *L. 2. C. eod.* ita tamen, ut si quid aliud pro vetere consuetudine in aliquo loco observetur, sit præsidis his de rebus ex consuetudine statuere. *L. 4. D. eod.* Quantum genus est nundinarum, seu publicorum mercatum: qui modo auctoritate 16 principis exerceantur. His constitutione Valentis, et Valentiani, quæ extat sub titulo, *de nundin.*

*et mercat. C.* hoc datum est, ne nundinarum tempore in eo loco, in quo exercentur, quisquam eorum possit conveniri, qui 17 aliunde in eum locum venerint, nundinarum, ut apparet, causa; quo magis frequententur. Id enim fiet, cum, qui ad nundinas ire velint, scient, per causam nundinarum, et adventus sui nihil sibi molestiæ, aut moræ ad ibi consistendum creatum iri.

V. His generibus cognitis, videndum, quam superscriptæ feriæ dent a iudiciis et foro vocationem; de quo nunc quærimus. Dierum festorum hæc est conditio, ut siquid faciat ad concordiam, et lites consensu dirimendas: id per eos dies recte geratur. Itaque et transactiones et pacta his diebus interposi-

riæ denicales reponat Briss. *ad L. dominico C. Theod. de spectat. p. 241.* Minut. Felix in octavo. Sane et ad vindemiam feriæ iudicariam curam relaxaverant, vid. Renat. Choppin. *de Privit. rust. Lib. 2. P. 1. C. 7.* Has alii rusticas nuncupant. Damhuder. *Præx. civ. C. 119. n. 9.* Jo. Pels. *Process. Tit. 12. n. 83.* Wes. *Par. h. n. 3. P. Greg. 2. Synt. 16. n. 8.* et indictas Speckhan. *Cent. 1. Q. 61. n. 4.* Iisdem locus etiam in iis regionibus, in quibus nullæ vites, ut eo tempore sibi de vino comediis prospiciant, post Innoc. et alios in *C. conquestus ult. ext. h. t. Catellan.* Cotta in *Memorabil. v. Feriæ.* Nisi vinum ibi bibi non soleat, ut restringit Scaccia *2. de Judic. 5. n. 146.* Idem in feriis Cerealiis, ut teneant etiam, ubi frumentum non nascitur, ut eo tempore aliunde perquirant, Scaccia *d. loc. n. 145.* Quare etsi post Bart. in *L. 1. C. de agric. et censit. Lib. 11.* quidam censuerint, militibus, advocatis, clericis aliisque circa rem rusticam occupari non solitis has ferias non prodesse. Contraria tamen opinio communis, Scaccia *2. de Judic. 5. n. 147. et seqq.* Wesenbec. *Par. h. t. n. 7. et ad Rub. Cod. h. t. n. 30.* Tessa. *Decis. 39. n. 10.* Speckhan. *Cent. 1. Q. 62.* Christoph. Wintzler. *Addit. ad Process. Joan. Pels. Tit. 12. n. 86.* Quippe si fundos aut vindemias possident operariis suis intendat oportet. Si non possident, ipsis vacantibus, eorum Procuratores, testes, alique quorum opera in ea causa necessaria forte est, occupari possunt. Ad hæc [probi] patrisfamilias est, eo tempore, quo fere annona remissior, frugibus vinoque comestis cellam penuriam instruere, vid. Scaccia *d. loc.* Denique non tantum ob fructus hæc indictæ, sed et ad requiem laborum et ob servores æstivos *L. 7. C. h. t. Wesenbec. d. n. 30.* His quidem accensent ferias sementinas quibus frumenta dulcis mandantur, post Costal. *ad L. 1. h. t. n. 9.* Ilico Ummius *Disp. Process. 7. n. 14. in fin.* Quæ juris tamen opinor auctoritate carent. Aliæque fuisse videntur illæ de quibus Ovid. *1. Fastor.* non longe a fine.

*Ter quater evolvit signantes tempora Fastos,  
Nec sementina est ulla reperta dies,*

et quæ sequuntur. Quibus indicat ferias eas non annales quidem, ast conceptivas fuisse.

15 ) Sed quid est quod *L. 2. C. h. t.* certum statumque tempus messibus et vindemiis tribuit, ut *ibi.* Ast ut *L. 4. D. h. t.* id præsidibus ex consuetudine cuiusque loci statui: Itane hæc feriæ stativæ et conceptivæ? Et sunt qui adulterinam esse *d. L. 2.* statuunt, Alciat. *6. Parerg. 9.* (1) ex collatione, quia cum Theodosium præ se ferat auctorem, non debuit præponi *L. seq. 3. et 4.* quæ sunt Constantini qui prius regnavit. (2) Phrasim nimis barbaram *irritatur* pro ratum non habetur. (3) In antiquis codicibus non habetur. Unde nec Accursius quidquam glossematis adiecit, ita Alciat. Et Wesenbec. *Parat. h. t. n. 6. ac ad d. L. 2.* qui a Gothicis Regibus, Tholosanis et Hispanis, quorum cælo id tempus magis convenit, inventam statuit. Ac probant Bus. *ad L. 4. D. h. t. n. 3.* Speckhan. *Cent. 1. Q. 61. n. 4.* Christoph. Wintzler. *Addit. Process. Joan. Pels. t. 12. n. 84.* idemque monuit Contr. (ut not. Goth. in *d. L. 2.*) ac Cujac. *de Div. temp. præscript. C. 13.*

Nec alienus Briss. *ad L. dominico Cod. Th. de spectat. pag. 442.* quia nec in veteribus libris, in Codice Theodosiano habetur, Pollet. *1. Hist. fori 8. pag. 62. et seqq.* Theodosium *d. L. 2.* vim rerum naturæ intulisse, eadem ubique ab ea eodem tempore exigendo, cum aliæ regiones aliud ingenium soli habeant, nec omnia eadem tellure, pari ubertate et velocitate progredientur. Alb. Gentil. *de Divers. temp. appell. C. ult. pag. 156.* ex provinciarum Imperii crebriore usu non inepte definita esse tempora, *d. L. 2.* ne hic iudicis arbitrium exquirere oporteret, Jurisconsultos et hic alibi multa iudicantibus relinquere; Imperatores non adeo multa. Hoc modo cum adhuc antilogia relinquatur, dicere malo *d. L. 2.* rescriptum esse ad preces consultoris. Qui incola fortassis Syriæ, Phoeniciæ, alteriusve regionis, cuius cælo solumque id tempus conveniebat. Vereor enim ut plerisque provinciis ditionis tunc Romanæ æque id fuerit conveniens. Quin et Egyptus ac meridionales ceteris tempus exegerunt. Nec puto in agro Tholosano, seu Gallia Narbonensi mense Junio messem incipere, cum de Roma sua, quæ meridionalior, testetur Scaccia *2. de Jud. 5. n. 184.* ferias eas incipere post 8. diem Julii atque ita 16. diebus tardius quam *d. L. 2.* statutum. Denique ex *d. L. 4.* colligi potest licere dominiis ditionum subditis suis uvæ colligendæ usu interdiceri ante diem ab eis indictam. Quod et apud suos jus esse testatur Choppin. *supra d. C. 7. pag. 107.* et in hoc districtu servari videmus. Enimvero has ferias pene ubique terrarum exolverisse, scribit Parlad. *2. Rer. Quotid. C. fin. P. 5. §. 4. n. 11.* Et quod non serventur in regno Siciliæ et Neap. Marant. *P. 4. Distinct. judic. 9. n. 19. et Dist. 16. n. 83.* Scaccia *2. de Judic. 5. n. 177.* nec apud Gallos, Choppin. *d. C. 7. sub. fin.* Quodque non attendantur in Curia Principis, ut qui peregre eo adventant, citius expediantur, Wurmser. *Tit. 11. Obs. 3.* Parlad. *d. loc. vid. Asin. Præxi §. 3. C. 7. n. 5.* In Rota autem Romana sic, vid. Scaccia *d. C. 4. n. 185.* Ordinatione Cameræ *Parte 3. tit. 33.* iustitium est a die 8. Julii usque ad 14. Augusti, forte ob æstivos fervores. Præter quos nullos ex hac causa dies nefastos putat Ilico Ummius *Disp. Process. 7. n. 34.*

16 ) Vel veterum indulto *d. L. un.* id est, longa consuetudine, nempe decennii arg. *L. 1. D. eod.* quia et decennio usus ammittitur. Objic. *L. 2. C. de divers. rescript. resp.* Vide Padilla *ad d. L. 2. n. 3.* qui varias solutiones refert. Recte autem Nundinæ feriis accensentur. Quia ita olim, Macrobi. *1. Saturn. 16. ut supra N. 7. in fin.* Et ita Anton. Aug. *de LL. C. 9.* Alb. Gentil. *de Div. temp. appell. C. ult. pag. 154.* P. Greg. *2. Synt. 16. n. 3. et n. 9.* Diss. Tessa. *Decis. 39. n. 9.*

17 ) Accedit *Nov. Elect. Sax. 30. P. 1.* qua nulla arresta iis concedi debere cavetur. Cui tamen privilegio renunciari posse, etsi contra videri queat, quod publica hic utilitas, ratione commerciorum vertatur; ex Rescripto Elect. Augusti probat Moller. *ibid. n. 7. et 1. Semestr. 12. n. 2.* Sane pro debitis antea contractis quosvis securos esse in nundinis expeditus est, post alios Coler. *de Process. P. 2. C. 3. n. 156.* Secus esse si in ipsis nundinis contractum, P. Peck. *de Jure sist. C. 7.* Quod juri quidem consonum putat; ast in ditionibus Elect. Sax. non obtinere, Moller. *d. C. 12. n. 4.* Plura de nundinis pote ex Peck. *d.*



sita 18 rata sunt *L. ult. C. de fer.* Est enim etiam diebus non feriatis boni iudicis suadere litigatoribus concordiam, et transactione potius rem terminare, quam iudicio. *L. ex stipulatione, C. de sentent. et interlocut. C. querelam, extr. de simon.* Licet et per eos dies emancipare, ac manumittere: quia 19 utrumque beneficii est, et liberalitatis. *L. 2. C. eod.* Reliquæ vero causæ, vel lites ita quiescere jubentur, ut si quid per eos dies

Tom. VI.

lege actum sit, placeat 20 omnibus modis esse irritum, ut cautum est in *d. L. 2.* Quod cum his verbis caveatur; apparet nec si quid quanvis volentibus litigatoribus actum aut iudicatum fuerit, id ratum esse habendum. Exceperunt Honorius, et Theodosius, si quid adversus latrones quæreretur. In quos omnibus diebus inquiri posse vel per tormenta 21 voluerunt: cum, inquam, facillime et in hoc summi numinis speretur venia, per quod mul-

17\*

*C. 7. Moller. d. C. 12. et ad d. Nov. Sax. 30. Cujac. de Div. temp. præscript. C. 26. Tessaur. Decis. 264. [Richard. ad L. un. C. de Nund. Robert. 2. Rer. jud. 16. Francis. Pfeil. Consil. 181.*

18) Menoch. *Arb. Q. 30. n. 13. Gail. 1. Observ. 53. n. 10. vid. Scaccia 2. de jud. 5. n. 20. et seq.*

19) Hæc vera ratio. Et hæc duo solum excepta *d. L. 2. et L. 8. C. h. t.* Non autem ea ratio est, quia sunt voluntariæ jurisdictionis, ut plerique, idem hinc statuentes in adoptione, tutoris vel curatoris datione etc. vid. Maranta *P. 4. Dist. jud. 16. n. 86. Scaccia 2. de judic. 5. n. 86. et seqq.* Ubi *n. 104. et 2. seqq.* idem statuit in decreto super alienatione rei minoris, quia nec hic. exercetur contentiosa jurisdictione, tametsi contraria sit communis. Oblationem quoque retractus seu actum extrajudicialium valere, Tiraq. *de Retr. lignag. ad fin. t. n. 78.* Et quicumque actus causæ cognitionem non requirunt. Unde et testes, qui antea juraverunt, his quoque feriis recte examinari, post. Gu. Pap. *Q. 215. Menoch. 1. Arb. Q. 30. n. 24. et seq. ac ex eo Peguera Decis. 53. n. 12. ac probat Wendelin. Hailman. de Testib. C. 4. p. m. 53.* (quia, ait, non est actus juridicalis, sed seorsim et secreto loco fit) Ayrrer. *Process. P. 1. C. 5. Observ. 6. n. 13. Scaccia 2. de judic. 5. n. 73. et pluribus Rulant. de Commissar. P. 1. Lib. 5. C. 5.* Ubi *n. 16.* testes etiam cogi posse ut deponant. Sed contra Tessaur. *Decis. 93. n. 3. Ant. Fab. Cod. suo h. t. defin. 2. n. 7.* Et recte opinor regulariter. Ubi enim necessitas urget, quia valetudinarum testes etc. admitto ob exceptionem generalem, de qua *h. C. N. 27.* Et appellationem interponi, Scaccia *d. loc. n. 72.* Ayrrer. *d. Obs. 6. n. 14.* Confessionem recipi Scaccia *d. C. 5. n. 76.* Instrumenta quoque a Notariis confici posse ex communi Scaccia *d. C. 5. n. 108.* ut tamen iuramentum in eo adpositum non valeat. Fideiussionem tamen feriis exigi et recipi non posse, nisi quæ necessitatis vel pietatis ratio id suadeat, Ant. Hering. *de Fideiuss. C. 12.* ubi vide. Nec contractus alios quam quibus a litibus receditur celebrari, per *C. h. t. Menoch. Arb. Q. 30. n. 13. et Peguera Decis. 53. n. 4. ac Wesenb. ad L. ult. C. h. t. n. 2.* ubi mercatorum tabernæ claudi debere, Facit Nehemiæ 13. v. 16. *et seq.* Nec iuramentum nisi pro pace vel alia necessitate *C. t. h. t. C. de erevit 17. C. 22. Quæst. 5.*

20) *L. ult. C. h. t. L. 4. Cod. Quom. et quan. jud. C. ult. extr. h. t. Vid. Maranta P. 4. Dist. jud. 16. n. 81. et seqq. Peguera Decis. 53. n. 3. et 4. A. Fab. C. suo h. t. definit. 1. Scaccia 2. de jud. 5. n. 17. et seqq.* Etsi coram arbitro agatur *L. 7. C. h. t. L. 36. de rec. arb. vel iudice qui arbitrio suo procedit, Pegu. d. loc. n. 4. Menoch. Arb. Q. 30. n. 1.* qui aliud statuit, ut *ibid. n. 17.* in arbitratore ut amabili compositore, cum instat ibi transactionis sit et Wes. *ad Rub. C. h. t. n. 23. Rulant. P. 1. Lib. 5. C. 5. n. 2. vid. Scaccia 2. de judic. 5. n. 20. et seq.* Etsi causæ summarie, Scaccia *d. loc. n. 23.* hinc tamen plures eximens, ut *h. C. n. 21.* Nec executio valet, sive ex sententia, sive ex instrumento liquido vid. Scaccia *d. C. 5. n. 91. et n. 135.* Parlatore. 2. *Rerum. Quotid. C. fin. P. 5. §. 4. Rob. 4. Rer. jud. 15. A. Fab. C. suo h. t. defin. 3. Peguera Decis. 53. n. 3. Tessaur. Decis. 95. n. 1.* Vant. *de Nullit. sent. ex defect. jurisdict. n. 131.* Pignora tamen ex hac causâ capi posse, post Guid. Pap. *Q. 215. Menoch. Arbitr. Q. 30. n. 16. vid. Scaccia d. C. 5. n. 93. et seq.* Proscriptionem autem, seu præconizationem, ut vocant, fundi venalis die feriatis fieri posse, quod actus sit voluntariæ jurisdictionis, Egid. Magister *Decis. in Tr. de Bon. proscript. C. 15.* Contrarium verius *L. ult. Cod. h. t. ibi præconis horrida vox silescat,*

ubi not. Goth. His iisdem cunctarum artium officia quiescant *L. 3. C. h. t.* Et cessandum ab omni opere servili. *Exodi 12. v. 16. Levit. 23. vers. 3. n. 15 v. 32. etc. vid. C. licet 3. C. ult. ext. h. tit. Scaccia 2. de judic. 5. n. 112 et seqq. Rebuff. Privileg. schol. 1 n. 3. add. Dominic. Soto Lib. 2. de Inst. et jure Q. 4.* Quin et Ethnicorum sacerdotes ferias pollui credebant, si in eis aliquid opus fieret. Unde ne quid tale ageretur per præconem nunciabatur, vid. Macrob. 1. *Saturn. 16.* Robert. 4. *Rer. jud. 15. pag. 913.* Petr. Gregor. *Com. Synt. Art. mirab. Lib. 4. C. 66 pag. 827. et seq.* Veteri Alamannorum lege *Tit. 39 §. 1.* (edidit Joan. Basil. Heroldus) *opera servilia die dominico faciens servus fustibus vapulat, liber corripitur usque ad tertiam vicem: et si post tertiam vicem: in hoc vitio correptus tertiam partem hereditatis perdit.* Aliæ pænæ libro legis Bojavorum *C. 9. tit. unico,* etiam rustico, regulariter *Tibull. Lib. 1. Eleg. 2.*

*Luce sacra requiescat humus, requiescat arator, etc.*

vid. *Nov. Leonis 54.* Secus necessitate imminente. Sic intelligenda *L. 3. Codice hoc titulo Synops. Basil. Lib. 7. tit. 17. C. 9. C. licet 3. extr. eod. Scaccia d. loc. n. 117.* Sicuti et ex necessitate operæ quædam serviles excusantur, veluti ad cibos parandos, chirurgorum, pharmacopolarum, et aliarum plures, de quibus Dominic. Soto. *Lib. 2. de Just. et jure Q. 4.* Licet Judæi fere a talibus adhuc præcise abstineant, vid. *P. Greg. d. C. 66. p. 828. et seq. et 2. Synt. 16. n. 16.* Sic Scævola olim consultus quid feriis agi liceret, respondit, quod prætermisum noceret, Macrob. 1. *Saturn. 16. Virgil. 1. Georgic.*

*Quippe etiam festis quædam exercere diebus Fas et jura sinunt, rivos deducere nulla Religio vetuit, etc.*

Itemque ab obscenis voluptatibus, et scenicis spectaculis *L. ult. Cod. h. tit. Cap. irreligiosa 2. de consecrat. distinct. 3. vid. Wes. ad d. L. ult. n. 3. et seq.* Vacandum cultui divino *Exodi 12. v. 16. Levit. 23. v. 3. et 8. etc. Esaiæ. 56. et C. 58. v. 13. Act. 13. v. 28. et 44. et similib. plurib.* Opera danda operibus piis *d. Corinth. 16. v. 2.* Abjiciendæ comessationes et ebrietates, Petr. Greg. 2. *Synt. 16. num. 27.* Etsi, ut mores sunt, multi festo die sua prodigunt ut profesto egere liceat, juxta illud Plauti *Autular. Act. 2. Sc. 5.* Licita vero iis opera non servilia, quæ non præcipue ad lucrum seu commodum tendunt, vid. Scaccia *d. C. 5. n. 119. et seqq.* Sed et his diebus peragenda quæ ad disciplinam militarem pertinent *L. pen. D. h. t. vid. Georg. Acat. Enenkel. 2. de Privileg. milit. 3.* Et studiis operam navare licet, vid. Rebuff. *Privileg. Schol. 1. Horat. Luc. Priv. Schol. 49. Nicol. Intelligit. de Feud. Q. 99. Scaccia 2. de Jud. 5. n. 121. et seqq. Speck. Cent. 2. Class. 1. Q. 11. n. 25.* Confer. Dominic. Soto. *Lib. 2. de Just. et Jure Q. 4.* Venari an liceat, vid. Pruckman. *de Religalib. §. venatio C. 5.* Sebast. Medices *de Venat. Q. 11. n. 4. P. 1. et lætius Georg. Mor. de jure venandi P. 2. Cap. 10.* An iter facere *A. Gent. de Div. temp. appell. C. ult.*

21) De quo et quomodo in criminalibus diebus festis procedatur, vid. Scac. 2. *de Jud. 6. toto Peguer. Decis. 53. n. 8. et seqq.* Torturam illis intermitteri debere, Wes. *ad Rub. C. h. n. 21.* Henric. *de Fidei C. 12. n. 13.* Caterum juxta DD. nostros plures quoque causæ civiles etiam his festis diebus expediri possunt. Quas Scac. 2. *de Jud. 5.* ad duos casus expediri possunt. Quas Scac. 2. *de Jud. 5.* ad duos casus



*multorum salus, et incolumitas procuratur.*  
Ea est *L. penul. C. eod.*

VI. De secundo genere dierum natalicio-  
rum, et similium idem <sup>22</sup> jus, quod de su-  
periore, esse existimo, per hosce dies judi-  
cia ita silere, ut nec in volentes quicquam  
jure agere liceat. Primum, quia his diebus  
jubentur jura differri in *L. omnes dies, C.*  
*eod.* nec quicquam exceptum video. Deinde  
quia apparet horum dierum ferias non ad o-  
tium, et utilitatem privatorum referri: sed  
ad publicam congratulationem, et cultum  
Dei, ut gratiæ publicæ ei agantur, qui ini-  
tium tam felicius auctor extiterit. Scimus autem  
pactis privatorum juri publico <sup>23</sup> derogari  
non posse. *L. jus publicum, D. de pact.*

VII. Cæterarum feriarum, ut quæ ad uti-  
litatem privatorum, et eorum, quibus cum  
agitur, comparatæ sint, causa est dissimilis:  
sive cum volentibus agatur, sive adversus in-  
vitos. Per ferias quidem messis et vindemia-  
rum constat, si quid ex <sup>24</sup> voluntate partium  
actum, judicatumve sit, non secus valere,

quam si alio quovis tempore actum esset, *L.*  
*1. L. si feriatis, D. de fer.* de tempore nan-  
dinarum nihil aperte cautum est in *d. L. un.*  
*C. de nundin.* sed cum constitutio vetet iis,  
qui ad nundinas venerint, molestiam inferri:  
porro volentibus et consentientibus molestia  
non inferatur: *L. nemo videtur, D. de reg.*  
*jur.* perspicuum est, constitutionem ad con-  
sentientes non pertinere.

VIII. Jam adversus invitos etsi magna ex  
parte ita jus se habet, ut messis et vinde-  
miarum tempore judicio agi non possit: ta-  
men causæ quædam excipiuntur. Primum de  
publicis et fiscalibus <sup>25</sup> causis etiam per id  
tempus agi potest. *L. publicas, Cod. de fer.*  
Id utilitas publica exigit, quæ privatorum u-  
tilitatibus anteponi debet. Quod ad privatas  
causas attinet, visum est <sup>26</sup> libertati, hoc  
est, rei maxime favorabili tribuendum esse,  
ut de ea possit omni tempore jus dici: de  
cæteris autem in universum hac conditione,  
si res <sup>27</sup> moram non ferat; id est, si paul-  
lo longior dilatio dampnum actori allatura vi-  
dea-

sus generales reducit. (1) Necessitatis si vel debitor, de fu-  
ga suspectus, Qui capiendus, Marant. *P. 4. Dist. jud. 16.*  
*n. 92. Bover. Sing. 10. n. 92. Bover. Sing. 10. n. 14. Ay-*  
*rer. Process. P. 1. C. 5. Obs. 6. n. 9. Moller. 3. Semestr.*  
*44. n. 1.* Et pluribus allegatis de communi testatur. Scac. *d. n. 28.* ubi *n. 30.* idem in solemnissimis festis Paschatis,  
etc. statuit. Vel res tempore peritura, vid. *h. C. N. 27.* aut  
alias moram non fert, Scac. *d. C. 5. n. 52. et seqq.* ut  
quando faber impedit Doctorem vel studiosum *ibid. n. 55.*  
(2) Pietatis vid. *h. C. N. 26.*

<sup>22</sup>) Idemque in feriis repentinis, vid. Scac. *d. C. 5. n.*  
*131. et seqq.* Peguera *Decis. 53. n. 3.* Quæ etiam sacræ  
quatenus ad Deo gratias agendas, profanæ quatenus ad com-  
mune lætitiæ explendam indietæ, ut Damhuder. *Præx. Civ.*  
*C. 119. n. 13.* quoad vocationem scilicet a judiciis, non e-  
tiam ab operis et officiiis, Scaccia *ibid. n. 136. etc.*

<sup>23</sup>) Et ita renunciari nequit nec feriis sacris *Zas. Par. h.*  
*t. n. 6. Menoch. Arb. Q. 30. n. 6. et n. 11. Bronch. 1.*  
*Enant. 27. Gail. 1. Obs. 53. n. 16. Pegu. Decis. 53. n. 4.*  
*et n. 7. Scac. d. C. 5. n. 18. Ay. Process. P. 1. C. 5.*  
*Obs. 6. n. 3.* nec repentinis aut in honorem Principis indietis,  
Gail. *d. n. 16. Pegu. d. loc. n. 3. Tessa. Decis. 39.*  
*n. 7. Scac. d. C. 5. n. 132. et 142. Chassanæ. Catal. glo-*  
*riæ mundi P. 5. Consid. 24. n. 115. Rob. 4. Rer. jud.*  
*15. Vant. de Nullit. ex defect. juris. n. 130.* Num vero  
a Principe, item statuto aut consuetudine, istis feriis in ho-  
norem Dei derogari possit, quibus item ipse quatenus, vid.  
Scac. *d. C. 5. n. 130. Wes. ad Rub. C. h. t. n. 37. Wurms.*  
*t. 11. Obs. 3. Peg. Decis. 53. n. 5. et omnino Marant. P. 4.*  
*Dist. jud. 16. n. 87. et seqq.*

<sup>24</sup>) *C. ult. extr. h. t. Bronch. 1. Enant. 28. Tessa. Decis. 39. n. 1. Pegu. Decis. 53. n. 15. Gail. 1. Obs. 53. n. 16. et 2. Scac. 2. de Jud. 5. n. 156. usque ad n. 171.*  
Verba enim orationis D. Marci ita habuerunt: ne invitis Sarius  
judicium sit *L. 6. h. t. Gail. d. n. 16.* Eaque favore litigato-  
rum principaliter inducta, etsi per consequentias etiam respec-  
xit ad favorem publicum. Nec facile consensus, nisi qui a-  
lios habet per quos rem rusticam æquæ commodè curare pos-  
sit quomodo reipublicæ nihil interest. A. Fab. *ad L. 1. §. 1.*  
*h. t.* Plane ex voluntate partium judicare ita potest iudex;  
non autem tenetur, quia non deteriori jure ipse esse debet,  
quam litigatores, Tessa. *Decis. 39. n. 2. Scac. d. loc. n.*  
*159.* Quia ipse ex officio potest opponere ferias tacente parte,  
Jo. Bapt. Asin. *de Execut. §. 3. n. 308. Rulant. P. 3. Lib.*  
*9. C. 9. n. 5.* Renunciari autem potest etiam tacite, Gail. *d.*  
*loc. n. 17. Menoch. 2. Præsumpt. 46. n. 14. Pegu. Decis.*

*53. n. 7. Asin. Præxi §. 3. C. 7. n. 2.* Quod, explicat. Scac. *d. C. 5. n. 164. et seqq.* extra hanc renunciationem acta ju-  
dicii æque jure nulla per *d. L. 6. Verbis: ne judicium sit ni-*  
*si etc. Pegu. Decis. 53. n. 13. ( licet A. Fab. C. suo h. t.*  
*defin. 5. sententiam his feriis latam nullam non esse )* nec si  
postea accedat consensus confirmantur, ut Vasq. *2. Contr.*  
*usu freq. 17. n. 2.*

<sup>25</sup>) Non criminales, ne obstat, *L. 12. de publ. judic.*  
Sed patrimoniales, ita Peguera *Decis. 53. n. 21. Addit. d.*  
*L. 5. pistorias Cujac. de Div. temp. Prescript. C. 13. expo-*  
nit: id est de mancipibus, qui curatores sunt pristinorum.  
*Nov. 80.*

<sup>26</sup>) Et aliæ piæ causæ, vid. Tiraq. *Privil. piæ caus.*  
*156.* Quin immo Scaccia *2. de Jud. 5. n. 43. et seqq.* etiam  
in festis diebus ex pietatis ratione procedi vult in sequentibus  
causis. Miserabilium et pauperum *d. n. 43. et seqq. add.*  
*Ay. Process. P. 1. C. 5. Obs. 6. n. 9. Schblarium vid.*  
*d. C. 5. n. 75. et Horat. Luc. Privil. schol. 74. Rebuff.*  
*Priv. schol. 4. P. Parbos. ad L. 1. Sol. matr. P. 7. n. 53.*  
*Speckh. Cent. 2. Class. 1. Q. 11. n. 25. Alimentorum L. 2.*  
*h. t. Pegu. Decis. 53. n. 12. Io. P. Surd. de Aliment. Tit.*  
*8. Priv. 2. n. 7. et seqq. Scac. d. C. 5. n. 6. et seqq. de-*  
*clarans ut obtineat quando petuntur constitui in futurum of-*  
*ficio judicis. Secus si jure actionis, aut ex contractu petantur,*  
*nisi pauperi debeantur, vigente illa pietatis ratione. add. P. Bar-*  
*bosa ad L. 1. Sol. matr. P. 1. n. 54. Qui d. L. 2. obtine-*  
*re dicit, cum ex dispositione legis alimenta debita, vel ex*  
*contractu et testamento, ei qui non habet aliunde unde se*  
*exhibeat. Dotis, si pauperi relicta, aut debeatur, Scac. d. loc.*  
*n. 58. et seqq. Alias secus, vid. Barbos. in L. 1. P. n.*  
*42. et seqq. Fabrinæ. 10. Contr. 36. Salarii vel mercedis fa-*  
*mullo, aut operario pauperi debite etiam de præterito, vid.*  
*Scac. d. C. 5. n. 63. et seqq. Carcerati si ad ejus utilitatem,*  
*aut liberationem ipso volente procedatur, Scac. d. loc. n.*  
*65. et seqq.*

<sup>27</sup>) Ut si dilatio actionem peremptura *L. 1. §. ult. h. t.*  
quia beneficiæ causæ conditionem habent, ne cui sint captoisæ,  
A. F. *ibid.* Ubi, ceu audax legum censor commodius poiuisse  
occurri scribit, si statutum esset, ut tempus hoc feriarum ru-  
sticarum actori non curreret, ast non subduceretur. Plane has  
quoque causæ Gail. *1. Obs. 53. n. 13. Monach. Pract. P.*  
*5. §. 2. n. 13. Ay. Process. P. 1. C. 5. Obs. 6. n. 14. et*  
*5. Wes. ad Rub. C. h. t. n. 11. ac Scaccia 2. de Jud. 5.*  
*n. 35. et seqq. diebus festivis etiam expediri posse putant, quia*  
*necessitas a sabbati observatione excusat. Luc. 14. v. 5. etc.*  
Et ex hac causâ a regula juris receditur. Hinc querit Scaccia

deatur. Quæ de re, et quæ in posteriore hoc genere species habeantur, comprehensum est in *L. 1. §. ult. et L. 2. D. eod. eoque pertinet C. ult. extr. de judic.*

IX. De tempore nundinarum, vel ipsa constitutio, quæ est de hoc genere satis ostendit, neque omnibus hoc dari, ne conveniantur eo tempore; quanvis ibi agentibus, ubi nundinæ exercentur; neque omnium rerum exactionem, et cognitionem inhiberi. Constitutio tantum de ad nundinas concurrentibus scripta est: sed et nominatim privati tantum debiti inhibet exactionem, ut appareat neque eos, qui ibi degunt, ubi mercatus est, ea constitutione juvari; neque per id tempus adversus quoslibet differri exactionem publi-

corum, aut fiscalium debitorum. Puto et quæcunque sunt causæ ejusmodi, quæ dilationem non ferant, de quibus tempore messis, aut vindemiarum agi potest, de his et nundinarum tempore adversus externos, qui venerint ad nundinas, agi posse: si modo et alio tempore ibi, ubi nundinæ exercentur, conveniri potuerint. Constitutio enim de nundinis, vetat molestiam venientibus exhiberi. Nunc autem in hujusmodi causis laborat actor, non ut molestiam inferat ei, qui venerit: sed ne quam ipse injuriam ex dilatione adversarii patiat. Denique beneficia in cujusquam injuriam tribui non solent. *L. nec avus, Cod. de emancip. liber.*

*d. loc. n. 38.* an sententia tunc die festo, ex. gr. dominico, possit ferri, quando alias expiratura judicis jurisdictio, Quod negat, nisi pariter instantia periret, aut probatio partis In his autem feriis ad utilitatem hominum expediri præterea posse statunt Causa quasvis summaria ut habetur *Clem. sæpe de P. S. Parlad. 2. Rer. Quotid. C. fin. §. 4. n. 10. Damh. Praxi civ. C. 119. n. 25. vid. Scacc. d. C. 5. n. 171. et seqq. Possessorias d. C. 5. 174* itaque et causam attentatorum, quæ sapit naturam mera possessorii, *M. Ant. de Amatis Decis. 26. matrimoniales, usurarias Scacc. d. C. 5. n. 86. Executivas Scacc. d. C. 5. n. 179. Parlad. d. §. 4. n. 10. Bover. Sing. 10. n. 5. Tessaur. Decis. 59. n. 1. Vant. de*

*Nullitat. ex def. juris d. n. 31. Vid. et de his causis M. Ant. de Amatis. Decis. 86. Horaf. Carpan. Statut. Mediolan. C. 107. Volum. 1.* Quid si actor et reus diversi fori et diversæ utrobique feriæ? Attendendæ quæ in domicilio rei per *L. 1. h. t.* Si scilicet ibi causa agatur. Alias ejus provinciæ ubi lis agitur, quia ibi contrahendo vel solutionem eo destinando se adstrixit ad consuetudinem loci, ita *Coler. ad C. 1. junct. C. dilecti 8. de Except. n. 32. Confer. Rulant. P. 2. Lib. 5. C. 5. n. 19.*

28) Nec eo gaudent banniti, Nellus a S. Geminiano *Tr. de Bannitis P. 3. secundi temporis n. 15. Moller. ad Nov. Elect. Sax. 30. P. 1. n. 13. et 14.*

## C A P. VIII.

### De jurejurando. Et cur hoc loco.

*Transitio ad jusjurandum. I.*

*Hoc loco de eo quo lites dirimuntur. II.*

*Titulus jurisjurandi opportunissime locatus in*

*jure pontificio, minus apte in jure civili. III.*

I. **L**ite sic instituta, quod contestatione partium fieri diximus, dilationibusque exinde a judice concessis actori et reo, ex quibus disceptare de causa, et probationibus se munire atque instruere debeant, quo judici fidem faciant: ipse ordo nos ad Probationum tractatum jam deduxisse videtur: quibus cognitis, solet a judice sententia ferri, resque terminari. Solet, imo et debet: nam sententia, quæ lata est sine causæ cognitione, sine inspectione actorum, non auditis probationibus, ea fere nullius momenti est: est certe iniqua, ut ab ea merito appellari queat: ut bene Angelus scribit in *L. judices, Cod. de judic.*, allegatque ad eam sententiam Innocentium, juris civilis peritissimum, Pontificii etiam auctorem, in *C. cum Bertoldus, extr. de re judic.* Et ita sane est: cum enim res omnis, quæ in judicium deducitur, vel hoc ipso dubia ac controversa esse putetur, Justiniano auctore, in *L. ult. Cod. quibus*

*ad lib. procl.* non potest ea decidi, nisi prius a judice examinetur, et probationibus illustretur eorum, qui de ea re dissentiunt, ac propterea eam ad judicem introduxerunt. Sed in probationibus plerumque multus labor sumitur, multique sæpe ac magni sumptus fiunt, perit tempus, abducitur a melioribus studiis animus, suscipiuntur etiam sæpe odia, et inimicitiae. Ad hoc probationum interdum ea est vel inopia, vel difficultas, ut desperent, homines se eas parare posse. Quibus rebus, aliisque, quas recensere nihil attinet, sæpe litigatores adducti, quo se litis molestiis incommodisque liberent, aut pactione aliqua rem, aut etiam jurejurando dirimunt. Pactionem intelligo transactionem: est enim Transactio nihil aliud, quam pactio de re dubia vel controversa, et de qua lis esse possit. *L. 1. D. de transact.* Dico, esse possit: nam fere transactionibus utuntur, antequam ad judicem eant, vel ante judicium, quod

a litis contestatione demum incipere notum est: ipse iudex ad id hortari solet, et concordiam suadere: idque etiam ad iudicis boni officium pertinet. *L. 7. C. de sentent. L. ult. C. de fer.* Jurisjurandi et in iudicio usus frequentissimus est; et ante iudicium, cum convenit inter dissidentes, ut eo modo controversia decidatur. *L. iusjurandum*, et ad *D. de iurejur.* Utroque modo, id est et transactione et iurejurando, si veritatem spectemus, res in obscuro relinquitur (potest enim qui transigit, si litigaret, totum fortasse consequi, quod pertendit: et qui jurat, falsum dicere ac jurare.) Sed lis tamen ac controversia iis modis funditus tollitur: eamque ob rem sententiæ et rebus iudicatis comparantur; etiam præferuntur interdum, præsertim iusjurandum. *L. 1. D. de iurejur.* Et transigi non solum pacto, sed etiam iurejurando et sententia dicitur. *L. 2. L. admonendi, D. d. tit. L. 13. §. pœna, D. de his qui not.* Denique hæc tria genera sunt, quibus lites dirimuntur, transactio, iusjurandum, et iudicium, sive iudicis sententia, ut sequenti capite docebimus.

II. Sed de transactionibus quidem alibi, et in commentariis ad illud titulum Codicis a nobis diligenter expositum est: unde petere cuius licet: certe cum ad iudiciorum ordinem ac formam, de qua nunc sermo est, ejus rei explicatio non magnopere pertineat, temere hoc loco inculcatur. Alia jurisjurandi ratio est. Nam et plerumque in iudicio interponitur, et probationis vicem obtinet. Est igitur hic locus de iurejurando agendi: et quidem prius, quam de probationibus ipsis: non tam adeo propter religionem, quam tamen motus Imperator Justinianus videtur,

cum de rebus creditis acturus titulum de iurejurando præposuit: quam quia iusjurandum, quo lites dirimuntur, ante iudicium, vel in iure apud prætorem, vel initio mox suscepti iudicii, priusquam ad probationem ventum est, intervenire solet: nec est ei locus post rem probatam ullus: nisi forte de lite æstimanda agatur, quod iusjurandum in litem dicitur, vel causa adhuc dubia sit, quia pares utrinque probationes allatæ fuerint, ut nos interpretamur, vel quia non satis plene perfecteque probavit actor intentionem suam, ut vulgo interpretes sentiunt. Utroque enim casu, et ad litem æstimandam, et ad probationem implendam, iusjurandum iudex defert, non alius ut suo loco dicitur. Sed de iure quidem iurando in litem libro xxvi. quoniam illic est nobis de omni æstimatione dicendi constitutus locus. De altero, idest, eo, quod in dubiis causis et inopia probationum a iudice deferri solet, commodissime hoc loco disserteretur, in quo in univ ersum de iurejurando, quo lites dirimuntur, non æstimantur tantum, exponere institui: quod et in Pandectis factum est, et rationem habet, ut mox apparebit.

III. Illud in iure Pontificio rectius: quod jurisjurandi titulus probationibus et præsumtionibus adjunctus est: (eo enim pertinet) et in rei iudiciariæ explicatione collocatus. Nostri ipsubtilius, qui de iurejurando in parte rerum creditarum et contractuum exposuerunt; eo magis, quod iure civili iusjurandum non est modus contrahendæ obligationis, sed litis ac controversiæ distrahendæ: ac perinde habetur, quasi plene probasset is, qui ex delatione adversarii vel iudicis iuravit. *L. 5. §. dato, D. de iurejur.*

CAP.



## C A P. I.

DE JUREJURANDO DUE QUESTIONES:

JURISJURANDI EXTRA LITEM  
ET JUDICIALI USUS,

Qui quidem effectum juris habeat.

## C A P. II.

JURISJURANDI IN LITE ET JUDICIIS USUS,

TUM GENERA DE JUREJURANDO

CALUMNIÆ, TESTIMONII, PURGATIONIS,

Judicio sistendi caussa, litis decisionis.

## C A P. III.

PARTITIO EDICTI AC TITULI DE JUREJURANDO

DE VI JURISJURANDI VOLUNTARII;

SEU EJUS QUOD EXTRA JUDICIUM JURATUM EST EX EDICTO.

Quibus conditionibus id valeat, ac primum de conditione delata.

## C A P. IV.

QUI JUSJURANDUM DEFERRE POSSINT

AUT NON POSSINT: UT HIS

DEFERENTIBUS JUSJURANDUM DATUM SERVANDUM SIT,

Aut non noceat.

## C A P. V.

DE HAC CONDITIOE TERTIA

SI JURAVERIT, AUT REMISSUM SIT

Jusjurandum.

## C A P. VI.

JURANDUM EX CONDITIONE DELATA,

SEU EX EO QUOD DELATUM EST,

ET HOC QUIBUS REBUS

Contineatur.

## C A P. VII.

QUOMODO SERVET PRÆTOR JUSJURANDUM:

AC PRIMUM REO; ET DE EXCEPTIONE

JURISJURANDI QUIBUS DETUR ADVERSUS QUOS,

Qua de re.

## C A P. VIII.

DE ACTIONE EX CAUSSA JURISJURANDI:

QUÆ, ET QUALIS SIT:

QUIBUS: ADVERSUS QUOS: QUAMDIU:

Quam vim habeat.

## C A P. IX.

JUSJURANDUM NULLO PRÆTEXTU RETRACTARI

PRÆTERQUAM TRIBUS IN CAUSSIS;

TUM DE VARIIS EFFECTIBUS

Jurisjurandi.

## C A P. X.

DE VI JUDICIALIS JURISJURANDI

## C A P. XI.

DE VI NECESSARIJ JURISJURANDI.



## C A P. XII.

DE NECESSITATE SUSCIPIENDI  
JURISJURANDI EXTRA JUDICIUM,

Tum in judicio.

## C A P. XIII.

RECUSANDI JUDICIALIS

Jurisjurandi causæ.

## C A P. XIV.

NECESSE ESSE VENIRE AD JUDICEM

JURANDI CAUSSA, CUM VOCATUS FUERIS:

NISI SI QUIBUS HÆC JURANDI NECESSITAS REMITTATUR:

Et quæ res hanc remittant.

## C A P. XV.

ADVERSUS EUM QUI JURARE,

AUT JURANDI CAUSSA AD

JUDICEM VENIRE NON VULT,

Quæ sit pœna.

## C A P. XVI.

DE APPELLATIONIBUS VOLUNTARII

JURISJURANDI, NECESSARIJ,

JUDICIALIS, QUID HAC

Significetur.

*Vide Epistolam ad lectorem huic volumini præfixam.*

**HUGONIS DONELLI**  
**JURISCONSULTI**  
**COMMENTARIORUM**  
**DE JURE CIVILI**  
**LIBER VIGESIMUS QUINTUS.**

---

*Vide laudatam Epistolam.*

HUGO.

# HUGONIS DONELLI

## JURISCONSULTI

### COMMENTARIORUM

#### DE JURE CIVILI

#### LIBER VIGESIMUS SEXTUS.

## CAPUT I.

Judicandi munus esse publicum, sic tamen ut justis de causis judex a judicando excusetur, et quæ sint hæ causæ. Cogi etiam judicem posse, ut quamprimum judicet. Et de tempore legitimo, intra quod judicium exerceri debeat, *ad L. properandum, C. de jud.*

*Transitio, summa, et ordo hujus capituli. I. Munus judicandi publicum: ideo unumquemque ad illud cogi posse remediis prætoris, nisi excusetur idonee. II.*

*Quæ hujus detrectandi muneris excusationes. III.*

*Quid hæ proprium habeant, et distinctum a reliquis. IV.*

*Non esse idoneas excusationis causas. 1. si judex jure sibi non liquere. Exponitur L. Pomponius 36. D. de re jud. V.*

*2. Si consulenti judici de facto præses non respondeat. Exponitur L.*

*eum quem 7. §. 1. D. de jud. VI. Si causetur litigatorum inimicitias. VII.*

*Quid si salva conscientia aut religione quem absolvere aut condemnare nequeat. Hoc quid sit. VIII.*

*Si judex judicium protrahet, a magistratu judicare cogitur, et quomodo. IX.*

*Quod tempus judicandæ rei sit a Justiniano præstitutum. X.*

*Summa et analysis L. properandum, C. de judic. XI.*

I. **C**Aussa, ut visum est, probata, et a judice eo modo cognita; a quo supra scriptum est, sequitur, quod est secundum et idem summum in officio judicis, ut judicet, seu sententiam ferat. Et faciet quidem recte, si officio judicis fungi velit, quid tamen si detrectet? Videbimus ante omnia, an habeat necesse, et quando id facere cogatur. Multa enim possunt incidere, quæ judicem vel impediunt ne judicet, ut morbus, et necessaria aliqua occupatio: vel etiam deterreant: sive quod de re ei non liquet, sive quod metuat litigatorum potentiam, aut ini-

*Tom. VI.*

micitias: sive quod gratia aut amicitia alterutrius ducatur, ne eum sententia sua lædat. Licet idem quærere de eo, qui nolit ab initio causam cognoscere, vel quia refugiat cognoscendi laborem, vel quia id agit, ne judicet. Quod si ante non quæsimus, hæ causa est, quod visum est commodius de necessitate hujus muneris, quæ una est in omnibus ejus muneris partibus semel dicere, idque hoc loco facere potius, in quo præcipue agitur de judicando.

II. Et de toto munere sic habendum est, publicum esse judicandi munus, *L. quippe,*

18\*

1) Et onus potius quam beneficium, Longavall. in L. 3.

de jurisd. n. 193. Pollet. 3. Hist. fori 10. Etsi honori quoque fuerit, vid. Tiraq. de Nobilit. C. 28.

pe, D. de judic. L. ult. §. judicandi, D. de mun. et honor. Proinde ejusmodi, ut quemadmodum scriptum est in L. prætor, §. qui autem, D. de vaca. et excus. mun. Qui non habet excusationem invitatus judicare cogatur. Ut est conditio omnium munerum publicorum: quæ delata etiam ab initio sine justa excusatione detrectari non possunt: nedum possint jam suscepta, tot. tit. de vac. et excu. mun. Itaque non modo verum est; illud quod dicitur in L. de qua re, D. de jud. judicem qui de re cognovit, de ea quoque pronunciare cogendum esse: sed hoc amplius cogi operam præbere ad cognoscendum: ideo, quia sine causæ cognitione judicare non possit. Cogetur autem judex datus ab eo, qui dedit, L. 3. C. de ped. jud. et cogetur remediis prætoriiis: puta, <sup>2</sup> multa indicta, et pignoribus in eam rem captis, quæ remedia judicantur in L. 1. §. ex hoc rescripto, D. de inspic. ventr.

III. Sed cogitur judicare, ut supra dixi, is qui excusationem non habet: suæ sunt ergo et hujus muneris excusationes. Sunt vero non tantum generales illæ, quibus homines ab aliis quoque muneribus excusantur; sed etiam propriæ quædam ipsius muneris, ut non abs re sit quærere hoc loco, quænam sint. Quod eo etiam diligentius faciendum est, quod in his omnibus præponendis ad muneris excusationem licet nonnihil singularis juris animadvertere. De generalibus nihil dicam, quæ ex titulis de vacatione et excusationibus tutelæ reliquorumque munerum peti possunt, nec dubium est, quin quæ res aliorum munerum excusationem habent, eadem præstent et hujus muneris vacationem: cum facilius excusetur quis a munere judicandi, quam ab aliis muneribus, ut paulo post intelligitur. Quod proprium est hujus muneris, hoc est quæcunque enim res sunt, quæcunque occupationes, quæ impediunt, quominus judex possit operam præbere ad cognoscendum, judicandum, aut omnino aut sine incommodo rei familiaris, omnes <sup>3</sup> hujus muneris excusationem præstant. Itaque non tantum excusatur judex valetudine et

morbo, propter quæ suis rebus superesse non potest: non tantum necessaria protectione, ut ea, quæ suscipitur Reipublicæ causa, non tantum magistratu, et similibus necessariis causis: sed etiam negotio quovis privato, privata occupatione, quæ omitti non possit sine rei familiaris periculo: quam tamen necesse sit omitti, si vacet judex rei cognoscendæ et judicandæ. De prioribus causis scriptum est in dicta L. prætor, D. de vacat. et excusat. muner. Postrema apertius intelligitur ex L. si longius, D. de judic. Cujus generis excusationem non item esse in aliis muneribus proditam exemplo tutelæ declaratur. Etsi enim hujus administratio magnas et multas difficultates habet, et impedimenta rei familiaris: tamen certum est, eam a muneribus aliis civilibus non excusare, L. 3. Cod. de excus. mun. Lib. 10.

IV. Jam vero et in excusationibus hujus muneris omnibus animadvertendum est, quidam esse singulare. In cæteris namque muneribus, si cum munus deferretur, nondum privilegio locus est, id quandocunque postea incidet, non tribuet vacationem, L. non tantum, §. is qui, L. tutor petitus, D. de excus. In judicandi munere contra. Quodcunque enim impedimentum, quæcunque occupatio ex iis, quas supra diximus, incidet etiam post munus delatum, ejusmodi est, quæ judex excusetur. Quod colligimus ex d. L. prætor, §. ult. Illic enim munere judicandi suscepto, denegatur quidem excusatio ex privilegiis usitatis: sed ita, si judex excusare se velit privilegio, quod ante habuit: quasi agnoscendo judicium renunciarit excusationi. Ex quo intelligitur diversum esse, si privilegium postea inciderit. Quin immo ex eo etiam privilegio, quod habuit antequam judicium susciperet, excusans se judex audiendus est, si se excuset ante causam actam. Quod et ipsum ex eodem loco intelligimus, denegatur enim illic excusatio ex eo privilegio, sed hac conditione, si coeperit judex post causam actam se excusare. Et excusatur quidem judex ex his causis omnibus; sed non semper uno modo, aliæ excusatur ad

<sup>2</sup> ) Quod et Pollet. d. Cap. 10. n. 2. comprobatur, quia præter mulctari Senatores, qui evocati in curiam non veniebant, Cic. 1. Philipp. Idemque confirmat Broidæ in Corollar. ibid. ex Plutarch. in Catone minore et Livio Lib. 3. Et quod etiam in arbitrariis cogatur, Menoch. 1. Arb. Q. 41. Confer. Vent. de Valentis Parthenii litig. Lib. 2. Cap. 10. n. 15. Simanca 2. de Rep. 8. Commissarii quoque munus invitatus suscipit, vid. Rulant. de Commiss. P. 1. Lib. 2. C. 25. Nec minus consulendi a iudice vel partibus requisitis regulariter recusare potest, vid. Pax. Scala Lib. 3. de Consil. sapientis. Cap. 7. Cæterum ex d. L. 74. prærefelluntur DD. vul-

go putantes jus ferendæ sententiæ non habere, cui cognitio mandata est; vid. Boccr. de Jurisd. Cap. 6. n. 42. et Scip. Gentil. 11. de Jurisd. 30.

<sup>3</sup> ) Vacatio quoque a judicando specialiter aliquando tribuita, Plin. 10. Epist. ad Trajan. Archippus vacationem petere cepit, etc. vid. Pollet. d. C. 10. n. 6. qui missionem iudicium honestam vocat, distinguens ab ignominiosa, cum ex albo iudicium eradebantur. Sic in Typographia Jani Jacobi Boissardi P. 3. pag. 109. monumento aliquo habetur: Cui populus ejus corporis immunitatem sex centuriarum. (confer. not. supra Lib. 17. Cap. 24. N. 22.) decrevit.

tempus, id est, ita ut differatur tantum judicium: alias in perpetuum, id est, ita ut mutetur iudex, et judicium in alium transferatur. Differtur tantum judicium, si causa sic prodest ad excusationem, ut morbus vel occupatio temporaria sit, nec in longius tempus duratura, et ea post causam actam allegetur: hoc enim posterius exigit Ulpianus in *d. L. prætor*, in fin. dum ita scribit: *Non debet in alium transferri judicium, si cum captione id futurum est alterutrius*; et quod intelligat esse conjunctum cum captione alterutrius interpretatur. *Tolerabilius*, inquit, *denique est interdum iudicem, qui semel cognoverit, tantisper expectare, quam iudici novo rem judicandam committere*. Aperte de eo, qui causam cognoverit, loquitur. Vel hinc intelligimus iudicem ex supra scriptis causis omnino excusari duobus temporibus. Uno, si ante causam actam se excuset: sive impedimentum perpetuum sit, sive temporarium. Altero, si et post causam actam iusta excusationis causa incidat: sed quæ aut sit perpetua, aut futura sit diuturnior. *Si*, inquit idem Ulpianus, *longius spacium intercessurum erit, quo minus datum operam possit dare, mutari eum jubet prætor*, 4 *d. L. si longius*, *D. de iudic.*

V. Ut remittunt hæ res judicandi necessitatem, quibus fit, ne possit iudex operam præbere ad judicandum: ita si nihil impediatur, quo minus possit id facere, hoc tenebimus nihil adferre posse, cur non cogatur judicare: maxime si jam ante causam cognoverit. Et primum nusquam lectum est, recipiendas esse istiusmodi exceptiones, si quis dicat se metuere potentiam litigatorum, si dicat, se nolle suscipere eorum inimicitias; nec immerito: alioqui nemo un-

quam cogetur judicare: quia facile quis dicturus sit, se ista metuere. Probabilius de his dubitari potest; si dicat sibi non liquere de causa et juret, juste enim metuit religionem. Si saltem præsidem consulat, a quo audire velit, quod ipsi placeat: hoc enim fortasse levius, quam ut denegari debeat. Postremo si causetur litigatores inimicos sibi esse factos. Ob hanc enim causam receptum est, ne cogitur arbiter sententiam dicere *L. licet*, *D. de recept.* Sed verius est nihil horum valere ad excusationem. Jurat de causa sibi non liquere. Probandum est, hactenus esse audiendum ut spacium ei detur ad amplius cognoscendum et pronuntiandum: hoc de arbitro qui recepit arbitrium ex compromisso, scripsit Ulpianus in *L. Pomponius*, in fin. *D. de recept.* Proinde de iudice multo magis ita dicendum est, utpote in quo necessitas judicandi vel par, vel etiam major, cum sit judicandi munus publicum. Plane si tribus iudicibus datis duo judicent, et consentiant, unus juret de re sibi non liquere, non eo minus valet, quod duo judicaverunt, ut scriptum est in *L. Pomponius*, *D. de re judicata*. Sed hoc non eo fit, quia is qui quiescit, non potuerit cogi judicare, si necesse esset, sed quia in hac causa non sit necesse, propterea quod, ut ibidem ratio redditur, *etsi is*, qui quiescit, *dissentiret, plurium sententia obtineret*. Quod ergo 6 *Gellius Lib. 14. Cap. 2.* scribit se iudicio, in quo iudex datus erat solus, defunctum esse, quod sibi non liquere jurasset, tolerantia magistratus et litigatorum magis factum est, quam quod jure ea ratione defungi liceret.

VI. Si in re perplexa iudex præsidem consulat, postuletque, ut prius de re consilium impertiat, nihil hoc ad excusationem, si præses recuset, id facere, et illum jubeat judi-

ca-

4) *L. 46. eod. ubi Cujac. 2. QQ. Pauli* notat etsi iudex mutetur *d. L. 46.* et solvatur necessitate judicandi ex causa morbi siccitici, non tamen solvi iudicio nec desinere esse iudicem, sed manere, ut dicitur *d. L. 46.* Confer Pollet. 3. *Hist. fori* 10. *circ. fin.* qui causam excusationis aliam pæemptoriam, aliam dilatoriam statuit. Et vid. in simili de excusationibus Commissariariorum, Ruland. *P. 1. Lib. 2. C. 26.*

5) Dissentire videtur Cujac. 6. *Obs. 27.* tum per *d. L. 36.* tum per illa Senecæ 8. *Epistolar.* Aut fer sententiam, aut, quod facilius in ejusmodi rebus est, nega tibi liquere. De hoc juramento aut pronuntiatione iudicis non liquere, ac de ampliatione litis ex hac causa, ac quid a comperendinatione distet, quando pertractare hic locus non est. remitto ad Pollet. 4. *Hist. fori* 15. Coras. *Epist. QQ. C. ult.* Menoch. *Ret. poss. Rem.* 3. n. 784. et seqq. Duar. ad tit. *D. de iudic. fol. 168.* Duar. ad *L. 1. de vulg. substitut.* n. 138. Pacian. 1. *de Probat.* 39. n. 4. Joach. Steph. 3. *de Jurisd. Judæ Græc.* etc. 4. n. 10. Item Ascon. 3. *Verrina pag. m. 9.* et seqq. Fr. Robertell. 2. *Emendat.* 25. et 2. seqq. Marcell. Douat. *Dilucidat. in Liv. Lib. 43.* Auson. *Popina Lib. 1. de Diff. verb. v. ampliatio pag. 33.* Cornell. Vitell. *Annot. in Georg. Merulam. Cap. 21. pag. 625. P. 1. The-*

*saur. Critic.* Liquere dici ducta metaphora a rebus fluxis et liquidis, quæ solidioribus magis perspicuæ et dilucidæ sunt, Robert. 3. Sicuti Symmach. 1. *Epist. 37.* liquido die pro sereno. Confer. *d. N. 28. ad Comment. in Tit. Digestor. de iur. iuran. Cap. 13. n. 15.* Ampliandi autem verbum duo designat, augere et diffundere. Sic in *L. 45. §. 1. de re jud.* amplianda pœna exponit P. Fab. 1. *Semestr. 4.* sustinenda vel differenda. Etsi illi vetat alio quoque sensu ibi accipi. Ampliationem hanc dilationem non contentionis, sed decisionis vocat Joan. Saresheriens. *Policraticæ Lib. 5. C. 12. Nam iudicia, ait, festinata pœnitentiam parant; Unde et Græci* (intelligit opinor, Græcos suæ ætatis, floruit enim sub Friderico I. anno 1140.) *cum urgentur ad Sententiam, antequam de causa liquant, respondent, patres suos Solem apud antipodas non vidisse, sed expectasse semper, donec illis oriretur.* Dicant enim præproperum esse viatorem, qui antequam Lucifer oriatur, craviss adhuc tenebris, luceque remota, dictam aggreditur. Ita ille.

6) Integritatem Agelli laudari posse, religionem non item, scribit Brodie. *Supplem. ad Hist. fori Polleti Lib. 5. Cap. 6. pag. 447.*



care, quod videtur. Potest quidem præses judici de jure dubitanti respondere, idque etiam præsides 7 facere solere, Ulpianus scribit in *L. cum quem*, §. 1. *de judic.* sed solent modo; non etiam habent necesse: quod apertius declaratur in *L. 3. C. de pedan. judic.* item in *Novel. 125. de judic.* Judicibus autem de facto præsidem consulentibus et ejus consilium expectantibus non modo non prodest ea dubitatio ad judices excusandos, ubi præses consilium non impertiat, sed etiam vetantur præsides impertire. Verba de hac re Ulpiani hæc sunt in *d. L. cum*, §. 1. *Judicibus de iure dubitantibus præsides respondere solent: sed de facto consulentibus non debent præsides consilium impertire: verum iubere eos, prout religio suggererit, sententiam proferre; hæc enim res nonnunquam infamat, et materiam gratiæ vel ambitionis tribuit.* Hæc Ulpianus. In quibus postremorum verborum hæc est sententia: Si de facto præsides consilium impertiant, ea res nonnunquam eos infamat: quia facit, ut quavis rectum consilium dederint: tamen homines male de his suspicentur, quasi non temere sit, quod ita judiceant, re non bene cognita. Et ut secus homines opinentur: tamen hæc potestas consilium de facto impertiendi præbet materiam præsidibus multa ad gratiam et ambitionem, non ex jure decernendi: ad gratiam, cum uni alicui ex litigatoribus bene volunt, aut cupiunt eum sibi deimereri; ac propterea id respondent, quod

pro eo faciant: ad ambitionem, dum aliquid secus, quam aliis vulgo videtur, respondendo, eo facto famam ingenii, et eruditionis quærunt: aut affectant etiam opinionem potentiae, quoniam facile liceat in causa facti quidvis decernere. Hæc autem in causa facti metuuntur, non in causa juriæ quia de facto parum hominibus compertum est: ut non sit difficile statuere aliquid in alterutram partem ita, ut quam recte id feceris, aut secus, homines non perspiciant. Jus vero semper certum est, aut esse debet, quo 8 minus error aut injuria præsidis in respondendo metuitur: quoniam minus potest latere.

VII. Quod ad litigatorum inimicitias attinet, afferunt hæc arbitro justam causam, cur non cogatur inter hos causam disceptare aut sententiam dicere: quia operam privatis præbet: qui si inimici sint, non satis digni habentur, a quibus hæc opera exigatur. Non eadem ratio judicis: cujus munus cum sit publicum, intelligi debet, ejus operam non privatis, sed Reipublicæ præstari. Quo fit, ut si quid privatis non debet: non ideo possit detrectare quod a Republica exigitur. Non igitur, ut ad rem redeam, judici dato, quando operam prebere potest, defugere licebit, ne 9 de re pronunciet.

VIII. Quid tamen dicemus, si salva religione et conscientia judicare non possit? Nam id aliquando potest incidere. Propone eum scire, factum esse quod intenditur, quia interfuerit: nullos tamen testes aut non

ido-

7) Hodie moribus nostris expeditum judicibus, imi cum primis subseclii et obnoxie sententiae qui sunt, remedium, ut acta apud se habita ad collegia Prudentium et dicasteria publica transmittant, qui ex fide eorum quæ probata sunt, sententiam concipiunt. Quod adeo usu per annos plurimos invaluit, ut ea res non arbitrii amplius, sed necessitatis apud nos videatur. Exstat loculentus Tractatus Pacis Scalæ de *Consil. sapientis in forensib. caus. adhibendo in Libb. 4. distinctur.* Eadem de materia Menochi. 1. *Arb. Quæst. 23. et Lib. 1. Præsumpt. Q. 95. Lancell. de Autent. P. 2. C. 9. Asin. Praxi. §. 25. Sfortia Odd. de Restitut. in int. P. 1. Q. 10. art. 8. et seqq. Vant. de Nullit. ex defect. jurisd. n. 146. usque ad n. 157. Afflict. Decis. 1. Licet vero hi Jurisperiti nec ordinarii sint nec delegati, alias post mortem committentis consulere non possent. Scalæ *Tract. Lib. 1. C. 17.* Unde quidam sententias horum nominæ lata non transire in rem judicatam, veluti ab incompetente dictas, et quoadcunque sapientiori rectius judicantium consilio retractari posse, Coras. in *L. admonendi 31. de jurejur. P. 2. n. 8.* Myns. ad *Cap. 4. de Probat. n. 25.* Maranta *P. 6. Tit. de Sentent. n. 130.* eorumque opinio communis asservitur. Contra tamen merito statuit augustus Saxonum Elector *Nov. sua 26. P. 1. ubi vid. Moller, et Consult. Sax. Tomo 1. P. 3. Quæst. 22. et Tomo 2. P. 3. Quæst. 28.* Quod et Tessauro *Decis. 25. n. 3.* ac Paci Scalæ *d. Tract. Lib. 4. Cap. 21.* probabilius videtur, censenti contrarium communi debili inniti fundamento, cum longe alia prudentum sit ratio, alia peritorum artis alius, veluti medicorum, chirurgorum de vulnere, obstetricum, agrimensorum, etc. Ex quorum relatione prolata vim rei judicatæ non sortiri, quin comperto errore quoadcunque rescindi possint creditorum calculo usque fori receptum est. De quo vid. Marsil. *Sing. 427.* Reinerus Budel.*

*Lib. 1. de Re monetaria Cap. ult. n. 28. et seqq. Myns. 6. Obs. 35. Tessauro. d. Decis. 25. n. 1. et 2.* ( qui fere in contrarium propendit, ) Beust. ad *L. admonendi 31. D. de jurejur. n. 51. et seqq. Pacian. 1. de Probat. 47. n. 85. et seqq.* ( qui toto eo Capite de peritis in arte fusa tractat, Rulant. de *Commis. P. 1. Lib. 4. Cap. 12. Gail. 2. Obs. 111. n. 16. Maranta Titul. de Sentent. n. 131.* ubi excipit, nisi ex consensu litigantium accepti. Quid si periti a se dissentiant? vid. N. 3. ad *Comment. L. 36. et seqq. Tit. Digest. de re judic.*

8) Bella expositio. Nec absudit Forner. 5. *Rer. Quotid. 11.* qui ita: nonnunquam infamat, id est, suspectum reddit, sicuti in *L. 15. §. 22. de injur.* præbet sinistrae suspicionis argumentum. Quo sensu sæpe Rhetoribus infamis. Citra suspicionis metum licet de quæstionibus juris respondere, cum leges in thesi positæ sint; facta autem facilius eblanditi suffragii suspicionem inducunt. Et hinc etiam fuit, teste Theoph. in *§. prætorum 7. I. de jur. nat. gent. et civ. ut Prætores initio cujusque anni edicta proponerent.* Add. Duar. 1. *Disput. 41. sub. fin.*

9) Diss. Jan. Langlæ. 2. *Semestr. 2. pag. 102. et seqq.* ubi scite ostendit prohi modestique judicis esse, ut si alteri parti cognatione vel amoris nexu junctus sit, ultro, etsi ab alio non ejuretur, cognitione se exsolvi petat. Quod exemplis ac sententiis veterum confirmat ex Tacito *Dial. de Orat. Cic. 8. Philipp. Liv. 2. Decad. 4.* Magis itaque idem si cum altero quid dissidii fuerit, ne expectet dum ab eo vejiatur. Quo pacto pudori magis suo prospiciet suspicionemque evitabit. Vix enim est ut non credatur in partes propinqui propensior, inimici alienior, etsi forte ex officio se gesserit, aut secundum hunc etiam litem dederit.

idoneos produci ab actore, aut etiam testes falsos contradicere. Improbe ut videtur faciat iudex, si reum absolvat, et tamen si cogitur iudicare, necesse habet secundum regulas iuris eum absolvere. *L. qui accusare, C. de eden.* Finge contra falsum esse, quod intenditur, idque iudicem scire: quia sciat reum secum fuisse alio loco, quam in quo fecisse id arguitur, et eodem tempore. Nihil rectius fecerit, si eum, quem scit esse innocentem, condemnet. Tamen si falsis testibus probetur factum, et iudex iudicare cogatur, iure necesse habeat eum damnare. Quid ergo hic dicemus? Idoneam vero hanc esse causam existimo, cur iudicare cogi non debeat, dum iurabit id ita se habere. Religionem enim et fidem a iudice, non flagitium exigere debemus, neque hoc cum dicimus, quidquam mutamus de ea definitione, quam paulo ante posui. Quæ enim salva religione non possumus, ea nos nec facere posse credendum est, auctore Papiniano *L. filius, D. de condit. inst.*

IX. Demus eum iudicem, qui non dicat se iudicare nolle; sed rem protrahat? quid fiet? Est officium magistratus, qui dedit iudicem, cogere eum ut quamprimum sententiam dicat: ut arbitrum qui arbitrium recepit, cogit prætor. *L. Pomponius, §. ult. et leg. sequent. D. de recept.* Est enim magistratus ius reddere. Iniuria est autem, quod statim possis reddere, id morari, et in aliud tempus differre. Ergo ei præstituet tempus, intra quod sententiam dicat indicta multa, ni ita faciat. Non enim videtur cogi posse aliter. Quod si

nullum præstituet tempus magistratus: est tamen tempus legitimum, quod nec iudex, nec magistratus ipse potest excedere *L. si iudex, D. de iudic.* ac de eo tempore paulo post. Sed hæc de iudice dato dicta sunt.

X. Quid si erit ordinarius iudex? Si is sine causa denegat iurisdictionem, denunciatur ei constitutione Justiniani Novella 86. Si res ad Principem delata fuerit ipsum animadversurum; vult tamen prius adiri Episcopum. Hunc instare magistratui, ut ius reddat: quod si non impetret; tum iubet Justinianus Episcopum rem Principi significare per literas: ut sic deinde re cognita Princeps animadvertat. Faciamus magistratum, quod de iudice dato diximus, non aperte denegare iurisdictionem; sed rem differre. Huic rei ita prospexit Justinianus <sup>11</sup> in *L. properandum, C. de iudic.* Tempus certum ab eo constitutum est, intra quod placeat litem quanque decidi. Et fuit etiam ante eam constitutionem id tempus certum. Nam legitimi temporis, quod magistratus in lite dirimenda non possit excedere mentio est in *d. L. si iudex, D. de iudic.* Nisi tamen illa verba, *ita tamen, ut legitimum tempus non excedant*, quæ leguntur in *d. L. si iudex*, non Ulpiani verba sint, sed <sup>12</sup> Triboniani, responsum Ulpiani ad Justiniani constitutionem revocantis. Utunque se res habeat, quodnam id tempus fuerit olim, non liquet. Id a Justiniano definitum est, de quo ita constituit? In criminibus ne causæ actio <sup>13</sup> biennium excedat: in pecuniariis causis, ne lis excedat <sup>14</sup> triennium. Nec vult referre, qualis sit iudex, ma-

gi-

<sup>10</sup>) Sed et hoc casu volunt iudici ut si religione moveatur persona iudicis deposita testem se præbeat, Cujac. 12. Obs. 19. Hotom. Ill. Q. 27. Dominic. Soto Lib. 5. de Just. et jur. Q. 4. art. 2. item ut ad superiorem confugiat et per consultationem conscientiam suam declaret, vid. Scala Lib. 3. de Consil. sapient. Cap. 13. Sed et omnia hic tentanda iudici, si insonem falsis probationibus oppressum noverit, quibus innocentia ejus patefiat. Quod si his remediis uti nequeat iudex, etsi Dominic. Soto d. loc. velit potius morti adjudicari debere reum, ejus innocentia iudici privatim nota, quam ut publica testimonia deferantur, hoc tamen casu ut iudicatione potius abstineat tutius satiusque est, vid. Vasq. 1. Ill. Cour. 14. n. 5. et seqq. Causaque ad superiorem remittenda, qui etsi non minus postea condemnet plus credens pluribus quam uni, tamen ita non reus fiet mortis insonis, qui ipse quantum in se fuit cavet ne insons damnaretur: Si secus continget nihilo plus ei imputandum quam testi uni vere deponenti, si tres alii falsum dicentes ei contradicant etc.

<sup>11</sup>) Ampla hic dicenti seges de remediis contra denegatam, aut protractam sive dilatam iustitiam. Sed modus instituti non fert hac vice, vid. Myns. 2. Obs. 24. et 74. et 3. Obs. 57. ac 5. Obs. 83. Gail. 1. Obs. 28. Ant. Fab. C. suo t. de appellat. de fin. 4. P. Greg. Lib. 2. de Appell. C. ult.

<sup>12</sup>) Quod et vult Cujac. in not. ibid. nec adeo improbabile videtur.

<sup>13</sup>) *L. ult. C. ut intra cert. temp. crim. quest. termin.* Nov. Manuelis Comneni C. 2. edita a Carolo Labbæo. At cur causis gravioribus, iniquæ, brevius tempus indulgetur? Cujac. 17. Obs. 23. Resp. quia causæ privatæ multo sæpe

obscuriores Cic. 2. de Oratore. Melius alii ex reorum favore statutum esse, ne diutius affligantur, ac interim situ carceris ac squalore conficiantur, Rad. Forner. 3. Rer. Quotid. 1. Nicol. Sudor. Lib. 1. Disp. civil. pag. 24. Et quia executionem non protrahi et reorum in carcerem impactorum et Principis et populi et omnium denique ad exemplum publice interest. P. Fab. ad L. 155. §. ult. de R. I. pag. 632. add. Ventura de Valentii Parthenii litigiosi Lib. 2. C. 12. n. 19. et seq. Tametsi Bodin. 4. de Rep. 6. n. 464. tardissime ad capitales sententias veniendum esse, tum ne præcipiti temeritate sententia de morte hominis feratur, tum ut vel poenitentia admissi, vel poena graviore quo longius exacta aliis fructum de se facinorosi præbeant. Sane festinatio nimia in his tanto periculosior, quanto pretiosior iactura vitæ, quam honorum reparabilis amissio, vid. Jan. Langlar. 11. Semestr. 2. Ast certe *d. L. ult.* tota in favorem reorum accusatorum lata, quippe iubens ni intra biennium reum peragat accusator, ab accusatione illum absolvi: Unde et poenæ in accusatorem statuta *L. 1. et 2. C. eod.* leniores tamen aliquanto quam si de rei innocentia constiterit, aut calumnia patefiat. Nam et hic reus abs instantia absolvitur, ac ab alio denuo accusari potest, opi-  
<sup>14</sup>) Quod cum Justinianus se primum præfinire præ se ferat *d. L. 13. pr. eum vel Tribonianum quod Domino suo id*

gistratusne, an privatus qui a magistratu aut Principe datus sit. Duas causas <sup>15</sup> excipit: Fiscales, et publicarum functionum causas, propter utilitatem publicam videlicet. Hoc in principio legis. Ni intra hoc tempus litem dirimat iudex, cavit reliqua constitutione, ne esset impune. Atque hæc est in eo eius constitutionis summa.

XI. Quoniam non solum fieri poterat, ut staret per iudicem, quominus lis intra tempus superscriptum finiretur: sed etiam staret per alios, quorum vel præsentia, vel opera in lite necessaria est, ut litigatores, tutores, curatoresve litigatorum, item patronorum causas: hos omnes persecutus cavit in singulis, quid fieri oportet, si quid fieret per eos, quominus lis ad exitum perveniret intra constitutum tempus. In eoque hunc ordinem secutus est: Si per actorem, reumve stabit, dum alteruter aberit, et sui potestatem non faciet, cavet quid facto sit opus in §. *et siquidem*, et §. *si autem reus*. De quo dicam postea opportuniore loco. Si stabit per iudicem, aut patronos causas deinceps poenam adversus eos constituit. §. *in illo*. Extremo loco cavet de tutoribus, et curatoribus, et hoc constituit, ut si per eos stabit, res geratur adversus pupillum, eumve, cujus de re agitur, eodem modo quo agi solet adversus cæteros litigatores, qui absunt, eundemque isti litis exitum patiantur, quem cæteri, id est, ut ordine edictorum peracto, de causa cognoscatur, et pronunciatur, tum sen-

tentia rata sit, nisi ab ea provocetur. Hoc est enim quod Justinianus dicit: Etsi causa minorum est, lis nihilominus suum habebit vigorem. Habet lis, et instantia suum vigorem, id est, suam vim, et suum tenorem, cum eodem modo peragitur, itemque valet adversus minores, quo peragitur, quodque valet adversus majores. Sed de periculo litis Justinianus ita cavet, ut hoc tutores sustineant, si solvendo sint: si non sint, ut minores, qui culpa tutorum, curatorumve victi sunt, in integrum restituantur: hoc in §. *ult.* Hæc indicare de sententia constitutionis mihi visum est satis. Cætera nullo negotio ex ipsa constitutione peti possunt. Sed existit ex ea dubitatio. Jubet Justinianus in initio, ne lites ultra triennium protrahantur. Quid fiet, si lis intra hoc tempus finita non fuerit? Puto <sup>16</sup> finiri instantiam, et ipso jure utrumque ex litigatoribus absolutum esse iudicii observatione ita, ut: si iudex postea judicet, judicatum litigatores non teneat. Ita si de re quis agi velit, novo iudicio opus esse, argument. *L. non dubium, C. de legib.* Quod ego sic interpretor, si litigatores velint hunc esse rei exitum: Quod si consentiant post triennium, ut iudex idem sententiam ferat, sine nova interpellatione: et iudex sese det, puto sententiam <sup>17</sup> valere, argument. *L. 2. §. si et iudex, D. de iudic.* Etsi enim quod fit contra legem, pro infecto habendum est. *d. L. non dubium*. Tamen pro utilitate communi constitutum est, ut per-

ra-

falso adscribat arguit Ræv. 4. *Var. 14.* cum ex Sidonio Apollinari ( qui vixit tempore Zenonis ) *Lib. 8. Epist. 6.* constet eo jure ante quoque Romanos usos esse. Sed refellitur a Cujasio 9. *Observ. 24.* Rad. Forner. 3. *Rer. Quotid.* ac Jo. Savarone *Comm. ad Sidon. d. loc.* quia locus Sidonii loquitur de prescriptione 30. annorum et ibi non *triennii* legendum sed *tricenarii*. Sed videntur 20. solum dies controversiis civilibus et criminalibus tributi *L. un. §. ult. C. ut om. jud. tam civ. quam mil.* Respon. Sudor. *Lib. 1. Disput. civile. pag. 25.* ibi iudicis mulctam statui, non litigatorum, nec inde oriri litis preemptionem. Potius dico contineri exceptionem ( a regula generali ) *d. §. ult. de litibus motis iudiciis provincialibus post depositum officium.* Qui cum non cogantur manere in provincia ultra 50. dies, intra id tempus et brevius quidem *hujusmodi* ( quæ vocula in *d. §. ult.* notanda ) lites terminandæ.

<sup>15</sup> ) Quibus sex menses tributi *L. ult. C. de jure fisci*, Cujac. *de Div. temp. præscript. C. 18.* In causis quoque clericorum tempus brevius, duorum mensium *Nov. 83. præfat. §. ult.*

<sup>16</sup> ) Jure Canonico vero instantia omnis perpetua *C. pen. de iudic. et simil. Sarnient. 2. Select. Interpretat. 13. n. 12. Vestr. Pract. Rom. Lib. 3. C. 5.* Inveteratæ iudiciorum abusu dispositio *d. L. properandum* nec in Camera Imperiali, nec in aliis curiis totius, crelo, orbis Christiani servatur, testantibus Myns. 1. *Observ. 51. num. 8. et 2. Observ. 48. et 3. Obs. 44. in fin. Gail. 1. Observ. 141. n. 7. Hartm. Hartm. Obs. mis. C. 1. Obs. 16. Vestr. d. Lib. 3. Cap. 5.* ibique Gravati in annot. Gutierrez. *de Juram. confirmat. P. 3. C. 5. n. 4. Wesenb. ad Rub. C. h. t. n. 46. et Cons. 5. n. 42. Beust. ad L. 1. D. de jurejur. n. 81. Frideric. Schenck. L. Baro a Tautenberg. Progninas.*

*fori Lib. 2. Tit. 14. Jo. Meichsner. Lib. 1. Decis. Camer. 16. n. 2. et Tomo 4. Decis. 22. n. 36.* Quotquot denique ejuscunque gentis, cui modo juris nostri sua constat auctoritas, auctores de hac materia instantiæ, ut ea currat vel perimatur, ad successores transeat etc. tractant, idem agnoscere videntur. Tractant de ea præcipue ( quid enim referunt eos qui perfunctorie? ) Anton. Sola. in *Constit. antiq. Sabaud. rubr. de iudiciis decreto ad causarum.* Castillo *Contr. quotid. Cap. 9.* late Joan. Bapt. Asin. *Praxi iudic. princip. §. 1. et 2. Gutierrez. 2. d. P. 4. Cap. 5. Memoch. 1. Arb. Q. 21. et seq. et Recup. possess. Remed. 1. n. 229. et seq. Blarer. in L. diffamari Cap. 9. n. 6. pag. 268. et seq. Vant. *Titul. de Nullit. ex defectu jurisd. n. 115. usque ad n. 128. Odd. de Restit. in int. Q. 67. Art. 1. Myns. 3. Observ. 44. et seqq. Afflic. Decis. 346. Grammatic. Decis. 69. et 91. Sixtin. Cons. Marpurg. 10. Vol. 3.* Instantia a lite quid differat vid. Don. *ad L. 4. C. de pact. n. 6.* Quamquam vero triennium istud nimis breve putet Frid. Schenck. *d. Tit. 14.* tamen si iudiciorum ordo prisco vigori et nitore restitueretur, satis id longum foret. Verum, ut nunc res sunt, id vix sperare integrum.*

... Sero etenim medicina paratur.  
Cum magna per longas invalere moras.

vid. Ventura de Valentis Parthenii *litigiosi Lib. 2.* Ubi *C. 15.* quibus artibus hodie lis extrahi possit, quæ ntiam non nimis notæ essent tabulariis, et *C. 16.* causas speciales litium protelationis in Camera Imperiali percenset, ob quas id tempus, in hoc rerum statu, servari impossibile.

<sup>17</sup> ) Ita Walter. 1. *Miscell. 20.* consensu partis utriusque instantiam prorogari posse. Contra Hot. *ad d. L. 13.* quia ma-

ragatur lis intra triennium: quò celerius sine incommodo litigatores suum consequantur. Id

maliciosa interpretatione in eorum perniciem vertere non debemus, *L. nulla, D. de legib.*

gis hoc pro communi utilitate statutum, quam commodis privatorum. Perempta instantia an maneat effectus litis contestationis quoad perpetuationem actionis, vid. Nicol. Valla *de Reb.*

*Dub. Tr. 15. Gifan. ad L. 33. de O. et A. n. 7.* qui negant.

## C A P. II.

Judicare quid sit, judicem in judicando id servare debere, quod jus et leges jubent, ac quid fiat, si jus scriptum videbitur pugnare cum æquitate, quid sit jus, quid æquitas, *ad L. placuit, C. de jud.*

*Judicare esse idem, quod controversiæ finem imponere condemnatione vel absolutione. I. Quilibet judex sive magistratus judicare debet, prout jubent leges aut mores. II. Ubi jus scriptum ab æquitate dissentiat, hanc illi præferri oportere. L. placuit 8. C. de judic. exponitur. III. V. VI. et seqq.*

*Propositum auctoris, et ordo rerum. IV.*

*Quid sit ius, quid æquitas; quid hæc ab illo distet, illustratur exemplis. V.*

*Superiori definitioni contraria diluuntur. VII. VIII.*

I. **P**ostquam convenit ita esse iudicis iudicare, de qua re cognovit, ut eum iure id facere oporteat: reliquum est, videamus, quid sit iudicare, ut sciatur quid iudici eo verbo iniungatur: tum nunquid sit, quod eum in iudicando observare conveniat. Judicare dictum esse vult Varro a iure, et dicendo, ut sit ius dicere de re controversa. Apertius Modestinus in *L. 1. D. de re jud.* quid contineretur hoc verbo, declaravit. Etenim rem iudicatam esse definiens eam, quæ finem controversiæ accepit pronuntiatione iudicis, satis ostendit rem iudicare, esse pronuntiare, seu sententiam ferre de re controversa ita, ut ea pronuntiatione, et sententia, si quis eam sequi velit, finis liti et controversiæ imponatur. Ut autem res finem accipiat controversiarum, Modestinus eodem loco docet ita contingere, si judex reum condemnet, aut absolvat. Et hoc est jus dicere, quod eo verbo contineri Varro dicit. Est enim juris jubere aut vetare. *L. 2. L. legis, D. de legi.* Judex autem condemnando jubet reum dare, aut facere, quod petitur: absolvendo, ab eo peti vetat: atque hoc modo quasi jus statuit. Sed ut imponatur finis controversiæ, fit etiam hoc pacto, si etiam rem  
*Tom. VI.*

judex, aut quantitatem dicat, in qua reum condemnet. Nam quæ sententia incerta est, ea non dirimit controversiam, sed eam quæ est, relinquit, vel auget etiam. Sed de hac definitione dixi exactius *ad L. 1. D. de re jud.* Hæc vero duo, quæ dixi modo, ita sunt propria iudicii, et sententiæ, ut non modo sine his non sit sententia, (ex quo illa, non valere sententiam, quæ condemnationem, vel absolutionem non continet. *L. 3. C. de senten. et interloc. omn. jud.* Item, sine certa quantitate factam condemnationem rei iudicatæ auctoritate non censeri. *L. penult. et ult. et tot. tit. C. de senten. quæ sine cer. quantitat. prof.*) sed etiam hoc vice versa valet, ut si hæc duo interveniant, tum intelligatur sententia dicta esse, et res iudicata. *d. L. 1. D. de re judic.*

II. Sed male se res habeat, si permittatur iudici, ut quo velit modo, ita iudicet, et sententiam ferat. Itaque refert jure et qualem sententiam dicat, et quomodo dicat, idest, quo ritu, quibusve adhibitis solemnibus: de qua re demum dicam libro horum commentariorum ultimo capite 3. Nunc in genere sententiæ hoc exigitur, ut juste iudicet: idest, ita ut ius et leges jubent  
Non

1) Ac per pluribus locis jubentur secundum leges iudicare  
*Nov. 24. C. 2. Nov. 25. C. 2. princ. et §. ult. N. 26. C.*

3. *N. 79. C. 1. N. 86. C. 1. et C. 3. in fin. Nov. 113. præfat. et C. 1. pr. ac §. 1. et C. 2. N. 125. C. 1. Nov.*



Non enim temere est, quod exigitur, ut ante omnia causam cognoscat. Hoc sine dubio eo spectat, ut re bene cognita ita de-

inde judicet, ut rei cujusque qualitas postulare videbitur. Quod tamen initio nobis constituendum videtur, primum quia sunt, qui

149. C. 1. Quod et districte ac gravi poenae comminatione precipitur in constitutione Leonis et Alex. *Imp. Orientis*. Hinc iudices in leges jurabant, vid. *supra Lib. 24. C. 3. N. 3.* Scite Muret. *Vol. 1. Orat. 18.* ita iudicari oportet, ut lex ipsa si loqui posset iudicaret, ut sit Lex quasi anima iudicis, iudex quasi vox legis: add. *not. h. C. N. 5.* Ex jure itaque certo; quoad ejus fieri potest, litem iudex dimittat. Ubi primo leges municipales ac constitutiones provinciales, si quæ ad propositam causam pertineant attendat Gail. 1. *Obs. 36. n. 12 et seq. vid. Ant. Sola ad constit. Sabaud. Procm. decretor. gl. 4.* (Ubi n. 50. quod tantum possit L. municipalis apud suos subditos quantum universalis in toto orbe.) Gutierrez. *de Juram. confirmat. P. 1. Cap. 70.* Ventura de Valentini Parthenii *litigiosi Lib. 2. C. 6 n. 42 et seqq.* Forner. 1. *Select. 13.* ubi errare ostendit qui usum populi ac consuetudinem pro lege municipali censent. Sed si jus commune corrigant, stricte interpretandæ, nec facile protrahendæ ad casus similes, ut DD. vulgo Alb. a Rosate *Lib. 1. de Statut. Q. 9. Gail. 2. Obs. 33. n. 9.* Schrad. *de Feud. P. 7. Cap. 5. n. 67.* quibus contradicit Duar. *ad L. 3. de acq. poss. licet minus apte inde stricti juris vocentur, Turamin. Lib. sing. de Legibus P. 3. C. 5. n. 17. et seqq.* cum distinctio bonæ fidei et stricti juris actionum et contractuum propria nulli legi communi vel particulari conveniat etc. Ut tamen ita interpretatio fiat ne sit supervacua, sed ut aliquid ultra juris communis dispositionem operentur, post alios Schrad. *d. P. 7. C. 4. n. 53. et C. 7. n. 35.* nisi exinde quis indebitè læderetur, ubi potius esset, ut superflua sit quam captiosa et injuriosa, Gail. *Obs. 33. n. 7.* sed et in iisdem usus loquendi pravelet propriæ significationi, Tiraquel. *de Retr. lign. §. 2. gl. 1. n. 5.* et 6. Siehard. *ad L. 1. Cod. de jurejur. cal. n. 12. et seq. Gail. 2. Obs. 79. n. 5.* Posthæc consuetudines locorum, ubi vigent observandæ, text. *L. 3. Cod. de edific. privat. Cap. 3.* de eo qui mitti. in poss. Sharf. *Cent. 3. Cons. 51. n. 4. Gail. 1. Obs. 36. n. 12. et seqq.* Meichsner. *Tomo 4. Decis. Cam. 37. n. 21. et seqq.* Et iuxta eas judicandum, si notoria, etsi non allegata Gail. *d. Obs. 36. n. 16.* Gutierrez. *d. Cap. 70. n. 3.* Quia ait *ibid. n. 6.* quod notorium, etsi non probandum, allegandum tamen sit, procedit ad finem prosequendi, non ad finem notitiæ, quæ alias habetur, add. *not. supra lib. 18. Cap. 4. N. 5.* Ubi autem non notoria sententia contra lata jure non est nulla. Alb. a Rosate, *Lib. 2. de Statutis. Q. 195.* Bald. Perusini. *Tr. de Statutis v. Iudex n. 4.* Orto. Forman. *Disput. Instit. 36. Thes. 1. lib. B. Doctores de consuetudine asserenti, an credatur, vid. Myns. 6. Obs. 68.* Differt autem a consuetudine stilus iudicii seu Curie qui nihil merita causæ attinent in ordine iudicii moderando et exercendo versatur, ut post Decian. *Lib. 1. Consil. 11. n. 161.* Jacob. Schult. *Obs. forensi 6. n. 1.* Ejusdem vero observandi necessitatem non minorem iudici injungunt: ut præter citatos a Schul. *d. Obs. 6. n. 2. et 3.* Viv. *Lib. 2. Decis. 297. et Lib. 3. Decis. 297. et Lib. 3. Decis. 401. n. 32.* Anton. de Gamma *Decis. 17. n. 7.* ubi quod vim legis obtineat et quod faciat jus, ubi lex non reperitur contraria, Fr. Curt. *senior Cons. 65. n. 19.* quod pro lege allegari possit et del formam quæ omitti non debeat, Jo. P. Surd. *Lib. 2. Decis. 135. n. 2.* Et plura de eo Guid. Papæ *Dec. 198.* Menoch. 7. *Præsumpt. 8.* Meichsner. *Tomo 1. Lib. 2. Decis. Cam. n. 3. n. 33.* Quæ autem necessaria adprobandum stilum Curie vid. Peregrin. Jannin *Lib. 1. de Cur. reoli Cap. 1. n. 72. et seqq.* Ex horum neutro si lis dicini possit veniendum ad jus commune. Enimvero etsi in ditionibus his cessantibus statutis locorum et constitutionibus Provincialibus prior ratio juris Saxonum communis, non tamen aliter id observari quam quatenus usu Curiarum receptum est, ut vera ejus cognitio magis ex praxi forensi quam libris vulgatis addiscatur, monet post Hart. Pist. *Par. 1. Q. 16. n. 11.* et alibi Coler. *de Process. exsec. P. 1. Cap. 2. n. 20.* Jac. Schult. *Obs. forensi. 54. n. 19. et Q. pract. 2. n. 17.* And. Scheffer. *P. 2. Q. pract. 14.* Jac. Aleman. *Consult. 2. pag. 78. et Cons. 6. pag. 299.* Et ubi obscurius, juxta jus commune interpretandum Nov. elect. 45. *P. 2.* Confer de juris Saxonici origine etc. P. Heig. *P. 1. Q. 8.* Jus commune dum dico, constitutiones quoque Imperatorum nostrorum novissimas et reces-

sus imperii ac Comitiorum etc. comprehendendo. In quorum defectu demum ad libros juris Justinianeus iudicanti recurrendum de quibus *supra Lib. 1. C. 11.* Quod jus commune et alii, qui superiores hodie Imperatoribus non profitentur vocant, vid. *supra Lib. 1. Cap. 16. N. 7.* et nos fortiori ratione, quod a Lothario Saxone Imperatore restitutum sit et a sequentibus Imperatoribus comprobatum. Pari vero loco non habendæ *Novellæ Leonis* tum quod non pariter restitutæ a Lothario, tum quod in imperio Occidentis vim legis nunquam habuerint. Aut Guibert. *de sponsal. Cap. 2. n. 18.* Gœd. *de Contr. stip. C. 6. n. 274.* Nam alius eo tempore Occidentis imperio præfuit *ὀρχηρος* Leoni Carolus Crassus, vid. Cuspianus in *ejus Vita et histor. Carionis*. Adhæc eadem nec apud suos subditos satis valuerunt, Cujac. 17. *Observ. 31. Sc. Gentil. 4. de Don. int. vir. 13.* cum multa in illis fiducia Philosophiæ temere innovata sint, Gœd. *d. loc. et Alber. Gentil. 2. Lect. 2. et 1. de Nupt. 6.* qui corruptas sæpius esse leges Justiniani quam correctas indicat, quod rationem earum Leo non perceperit. Ita enim Mich. Attalita *Synopsi post rit. 95. fol. 77.* Novellas complures edidit (Leo Imperator) sed robur nullum obtinuerunt, præter istas quæ legibus aliis non extantibus scriptæ vel in appendicem prætermisorum in Novellis Justiniani factæ. Verba Græca refert Cujac. *d. Cap. 31.* Nec tamen dicendum est ac si eæ quæ jus vetus explicant, aut suppleant, auctoritatem juris apud nos etiam habeant ut velle videtur Cujacius. Defecit enim omnimodo sancientis potestas, qui leges non subditis nunquam dixit, nec potuit *L. ultim. de jurisdict.* Nec ad aliud igitur nobis prosunt quam ad illustrandum et interpretandum quandoque locos obscuros. Quod idem de libris *βασικὰν*, quorum idem Leo auctor, Cujac. 6. *Obs. 9.* judicium est Gœddæ *ad Rub. de V. S. n. 31.* et Val. Guil. Forst. in *Delineatione auctoritatis juridicæ*. Minus tribuendum Paraphrasi Institutionum Theophili. Quem etsi valde commendat Cont. 1. *Disp. 1. n. 1. et 2. Subsect. Lect. 1.* Cujac. 27. *Obs. 22.* et Christoph. Hegendorfin. *Epit. tyrocin. civilis*, pro commentatore tamen solum optimo venditant. In quo ipso tamen aliis, haut scio an non ex merito, aliud visum est Connano 2. *Comm. 15. n. 13. et 9. Comm. 7. n. 4.* Ant. Aug. 4. *Emend. 8.* Claud. David. *Felicit. legali ad §. 1. I. de jure nat. gent. et civ. Curt. 2. Conject. ad fr. 49.* Neque enim is est qui socius Triboniano, sed auctor recentior, ut A. Gentil. 5. *de Nupt. 11.* et Christoph. Mileus de *Scribenda universit. rer. historia Lib. 5. pag. 381.* qui ad Michelis Ducæ Imperatoris Græco Romani tempora eas institutiones refert. Sicuti et Harmenopulo aliisque Græcis interpretibus fidem in pluribus plerique derogant, Don. *de Præsc. verb. C. 22. n. 4. et ad Rub. D. de cond. tritic. n. 9.* Hotom. *ad L. 1. C. de jud. Forner. 2. Select. 18. in fin.* Muret *Observ. jur. 2. Rav. ad L. 3. de R. I. Forst. junior de Pact. C. 8. pag. 255. et in Delineat. auct. jurisdict.* Contra quam Cujac. passim. P. Fab. *ad L. 161. de R. I. pag. 669.* Merccer. in *Conciliatore pag. m. 705.* Nec nimis quoque indulgendum iis, qui fragmentis C. Theodosiani, Gregoriani etc. ac quæ iis adjuncta habentur ad emendationem librorum juris Justinianeus nimpere utuntur, licet usus moderatus admitti possit. Auctoritas vero juris iis nulla in litibus definiendis, uti nec reliquis ex Ulpiani titulis, et Pauli sententiis. Quos et pro collectaneis ab anonymo congestis, nec genuinis operibus Ulpiani et Pauli habet P. Greg. 42. *Synt. 20. n. 4.* Etsi illas (Ulpiani) genuinas censeat Pithæ. in *Nat. Lib. 2. Collat. LL. Masaic.* Has autem (Pauli sententias) ita ab epitomatore deformatas esse, ut si cum his quæ in Pandectis sumptæ sunt ex eodem libro, conferantur, diversa omnino videantur, scribit Cont. 1. *Subsect. Lect. 4. n. 5.* Nec Caji Institutionibus. De quibus quid habendum, vid. *not. supra Lib. 4. Cap. 36. N. 2.* Utut genuina opera essent, auctores privatos habent non legislatores. Multo minus Poetarum aut Philosophorum sententiæ et præcepta ethica vim legis obtinent, ne quidem in casibus per leges non decisis, ut contra Paul. Castrens. Forster. junior. *supra de Delineat. auct. jurisdict.* etsi non improbandum eorum studium, qui ad illustrandum jus nostrum ejusque principia moderate adhibent. Nunquid autem et rubricæ ad decisionem causarum allegari possint, et quando, cum nempe a dictione *ut vel ne* incipiunt, (non si a verbo *an*) et cum





*bet iudex, ne aliter iudicet, quam quod legibus aut constitutionibus aut moribus proditum est.* In Novel. 115. *ut cum de ap. cog. §. 1. et in authent. iubemus, C. de iud. hæc item verba sunt: Causæ cognitor non amplius expectans sententiam proferat omnibus modis legibus et moribus convenientem.* Sed de præsidibus et summis præfectu-

ris nonnulli a putant hoc juris esse, ut iudicare possint, prout eis æquum visum fuerit, etiam si contra jus propter ea quæ leguntur in *Auth. hodie, C. de jud.* verba sunt hæc: *Hodie jurant se facturos secundum quod eis visum fuerit justius et melius.* In constitutione Novella Justinianus 9. unde hæc sumpta sunt, hæc verba sunt: *καὶ πάντων ἰσχυόντα*

οὐκ ἔχον

Curt. Jun. Cons. 63. n. 3. et Cons. 160. n. 11. Grav. ad Pract. Fœstri Lib. 4. C. 5. lii. A. Turam. ad L. non puto 10. de Jure fisci P. 1. C. 3. n. 21. et seq. Cui ipsius Imperatoris Justiniani iudicium suffragatur constit. Deo auctore §. sed neque ex multitudine 6. de concept. Dig. ut et Pontificis Clementis III. C. capellanus 3. extra de feriis facit C. ult. distinct. 9. Neque tamen hæc ita accipienda, ut lusura fiat receptæ opinionis auctoritas, tanquam iudex contra eam pronuncians audiendus sit, si nuda asserat se meliori ratione victum illam post habuisse. Neque eo ipso innovatoribus, qui ea, quibus certa semper constitit interpretatio, immutare temeraria fiducia annuntiat, quidquam tribui censendum est. Plane cum fere in scholis nascantur, pubescant, senescant, crescant, intereant communes opiniones, quæ exinde in iudicia exeunt: inde evenit, ut iuxta temporum varietatem varient, et quæ prius adversa communi, postea fiat probator, ex Mar. Salomon. in Repet. §. responsa 7. Instit. de Jur. nat. gent. Neviz. Sylv. nupt. Lib. 5. n. 4. Matthæac. 2. de Via jur. ult. n. 8. Petr. Heig. p. Q. 26. n. 46. Quid si in varietate sententiarum nescitur quæ sit communis? Sæpius enim de eo contentiones et testificationes discrepantes. Sunt qui casus pro amicis hic statuunt, ut iudici gratificari liceat utri maluerit, Lancell. Conrad. de Offic. præf. in caus. civil. v. Sent. n. 28. Neviz. Sylv. nupt. Lib. 5. n. 74. Quod cum exemplo pessimum sit: religiosior erit iudex si omni affectu seposito opinionem hic eam, quam rationibus hinc inde collocatis veriorum ipse putat, præferat, Menoch. 2. Præs. 71. n. 38. Gail. 1. Obs. 153. n. 9. Confer. Static. Obs. pract. C. 23. n. 11. et seqq. Quod si in conflictu illo ambigat, utram in partem deflectendum sit, melius erit per mediocritatem causam dirimere, argum. L. 40. et seqq. de her. inst. L. 7. Ut Leg. seu fid. ea. cau. Quod de Langlæ. 5. Semestr. 4. p. 230. Menoch. 1. Arb. Q. 53. n. 10. et Q. 56. et Retin. poss. Remed. 5. n. 755. et sequentib. Tessaur. Decis. 89. Fr. Munnoz. Variar. computat. C. 9. n. 6. et 7. Asin. Tr. de Exsecut. §. 3. C. 137. Plane et in decidendo opinio per distinctionem alias contrarias componens præferenda, argum. L. 7. §. 7. vers. est autem de acq. dom. Asin. Praxi §. 4. C. 10. n. 9. Menoch. 2. Præs. 71. n. 47. Spectandum item quibus locis opiniones illæ proditæ. Sive enim alii ab aliis, sive idem, quod non rarissimo a seipsis discipulis, etsi haut desiint qui majorem consilii fidem tribui debere volunt, quod consulendo dicta magis sint appensa et digesta, Neviz. alios allegans d. Lib. 5. num. 26. Dauth. in Prolegom. de studio jur. sub. fin. longe tamen et tutius et probatius aliorum iudicium, qui tractatus ac Commentaria, item præfectiones præferunt, cum hic omne partium studium ærisque ac quæstus cupiditas cesset: cuius tamen ratione sæpe sapientius consulentes magis quam veri studio ducuntur, leges in ambabus manibus, ut Cravetta loquitur, circumferentes, unde tanta eorumdem variatio ac inconstantia, ut quod Cicero de quibusdam Philosophis in illos non injuria dici possit: nihil tam absonum et inconstantem dici posse, quod non reperitur apud illorum aliquem prolatum, ut Marq. Freher. 2. Parerg. 6. in fin. vid. Cravetta de Antiquitat. tempor. P. 1. §. propositum 3. n. 48. et P. 4. §. materia n. 28. p. m. 206. Myns. 6. Obs. 60. (qui de supremæ Curie iudicio attestatur) Hartman. Pistor. Lib. 3. Q. 20. n. 25. Virgil. Piugitz. Q. 53. n. 51. Ventura de Valentis Parthen. litig. Lib. 2. C. 5. n. 31. Cæterum ubi contradictione opinio caret, nec si unus sit Doctoris, inde recedendum esse, post Alex. in L. si filio 25. §. fin. Solut. matrim. Col. Consil. 55. n. 6. etsi lege non probetur: modo nil contra urgeat, ex Gomez. Menoch. 2. Præsumpt. 71. n. 16. Licet alias nec Doctori insigni nuda asserenti lege aut ratione non allata fidendum, Surd. Decis. 355. n. 20. Castillo Contr. quotid. C. 23. n. 16. Arumæ. Lib. 2. Decis. 1. n. 46. ut nec male alleganti Surdo Decis. 59. n. 8. Coler. Consil. 4. n. 46. cum Doctoris dicta intelligenda sint juxta fundamenta, quæ allegat Tiraquel. ad L. 8. Cod. de revoc. don. n. 31.

Ludov. Zuntus Resp. pro uxore n. 200. et 990. Wensenbec. Cons. 6. n. 64. et Cons. 40. n. 23. Coler. d. n. 46. Arumæ. Lib. 2. Decis. 4. n. 50. Sane veterum plerique non in hac solum singularitate, quod ferendum esset, sed et alias glossæ Accursii auctoritatem nimio opere elevant adeo, ut et communi opinioni præferant, ut citati a Gail. 1. Obs. 153. n. 7. vid. et Rain. Corsus 2. indag. 6. n. 6. Guid. Pap. Decis. 277. ibique annotatores Fridericus Shenk. L. Baro a Tautenberg. Conclus. jur. 50. Eum sane et præ aliis mire commendat Cajacius 3. Obs. 11. et 12. Obs. 16. Forner. 1. Select. 16. Wensenbecius Consultat. de Jur. arte et scientia comparanda, Christophor. Milæ. Universitat. rerum historiae Lib. 2. pag. 383. Attamen ut ex Zasio 1. Sing. Resp. 7. n. 10. Gail. d. Obs. n. 8. periculose erratur dum nimium ei tribuitur, cum privatus utique interpres, non legislator fuerit, videndaque eorum imperitia, qui glossas adducunt in re sæpe claris legum verbis decisa, ut et qui alios DD. cum primis Bartolum, qui legum vexillifer nuncupator. Ludov. Zuntus Resp. pro uxore n. 74. supremus Doctor cujus traditionibus soleat inesse substantia veritatis, Rom. Cons. 469. referente Rain. Cors. 2. Indag. 6. n. 2. aliisque elogiis decoratur fusc Curt. Senior. Cons. 23. n. 16. Neviz. Sylv. Nupt. Lib. 5. n. 26. p. 438. et seqq. Attamen Cujac. 12. Obs. 16. quicquid ab Accursio aberrat Bartolum, vanas fictiones et ægri somnia videri. Denique etsi rebus iudicatis aut præjudiciis juris auctoritas non sit, vid. Donel. ad Rubric. Cod. de Testib. in fin. cum de uno homine fiat iudicium, non Lex ut ex Hippocr. Epist. ad Hermodorum Langlæ. 1. Semestr. 5. Unde nec Papæ aut Imperatoris sententia si juri adversa, nec in vim legis prodita, jus facit; vid. Zas. in Par. D. de constit. Princ. n. 5. Tiraq. de Jure primigen. Q. 40. n. 165. Menoch. Lib. 1. Præsumpt. 1. Pacian. (Quodammodo dissentiens) Cons. 149. n. 64. ut omnino probat L. 13. v. consultationes C. de sent. et interloc. Nec placita Curie supremæ, ut Cameræ, Vult. Cons. Marp. 34. n. 53. Vol. 1. Senatus Parisini, Coras. ad L. 25. de sta. hom. n. 6. Rotæ Romanæ, Viv. Lib. 3. Decis. 401. n. 20. (de ejus et auctoritate et unde dicta Neviz. Lib. 5. Sylv. nupt. n. 62. Marzar. Tr. Fideic. P. 2. n. 14. Speckhan. Cent. 2. Cl. 4. Q. 29.) Quicquid contradicat Anton. de Gamma Decis. 228. et Vult. a se ipso varians Cons. Marp. 18. n. 36. et Cons. 21. n. 263. Vol. 3. Neque res iudicata pars juris civilis juxta Ciceronem nisi ubi perpetuo similiter iudicatum, Cujac. 2. Feud. 17. Etsi item in varietate tanta negotiorum vix est ut per omnia conveniant exempla, nec claudicent. Bernard. Autumn. not. ad Langlæ. 7. Semestr. 8. p. 310. et singularium negotiorum cognitionem affectantes assimilant iis, qui aere piscari moluntur, Coras. ad L. 10. de LL. quorum collectio laboriosi potius quam eruditi, ut Matthæac. 2. de Via jur. 13. n. 7. Attamen in re aut jure ambigua validissima pro his, multorumque iudicio fortior quam pro communi opinione præsumptio: modo facti circumstantiæ non nimis varient. Hinc illa trita: quod magnum sit vel unum in terminis habere decisionem, quodque eam adeptus tuto se fundet, Curt. Jun. Cons. 119. n. 6. Vult. Cons. Marp. 21. n. 138. Vol. 3. Wes. Cons. 24. n. 13. Jac. Schult. Q. Pract. 30. n. 26. Arumæ. Lib. 2. Decis. 1. n. 19. et seqq. et n. 63. ac seqq. Jacob. Aleman. Consult. 2. p. 62. qui singuli plures allegant. Agnovit et Cicero exempla non parum valere dum 1. Act. in Verrem intendit Cæcilium admitti non debere, quia quæstor, fuerit, id comprobant exemplis Philonis, Scauri et Cn. Pompeii. A. Riccobon. Comm. de historia pag. 58. Confer. Menoch. 2. Præsumpt. 71. n. 9. et n. 13. Christoph. Besold. Templo justitiæ pag. 91. Denique Brocardica vulgaria hic minimum valent, quibus solis imiti pauperis est iugeni, vid. Knich. de Sax. non provoc. jure v. Jus C. 5. n. 92. et seqq. Jac. Aleman. post alios Cons. 8. p. 741. et seqq. De his satis.

2) Wes. ad L. 1. C. Ubi de criminib. n. 1. Curias summorum Principum perinde pro arbitrio iudicare, ac ipse prin-

φύλξω κ' τὸ φαίνεσθαι μοι δίκαιον idest, ita conservabo, ut jus et æquum esse <sup>3</sup> videbitur. Verum his verbis nihil aliud jurat magistratus, quam jus se servaturum; quod quærimus: atenim addit, *quod videbitur*, recte. Non enim aliud quisquam possit recipere se facturum, quam quod jus esse sciet, et intelliget. Neque ideo tamen consequens est, si quid contra judicarit, quanvis sedulo, id ratum esse habendum. Atque ut possit intelligi, exigi hoc ab omnibus magistratibus, ut secundum jus judicent, est ejusdem Justiniani Novel. 8. in qua clare ita scriptum est in §. *quod vero*. *φυλάττοις τοῖς ἀνσπύροις τὸ δίκαιον, πάντα κ' τοῖς ἡμετέροις κ' ἄλλοις τὸ καὶ ἀράττοντες νόμοις.*

De præsidibus autem in ea periodo Justinianus loquitur: Ne laboremus: omnem is dubitationem sustulit in Novel. 82. *de iudic.* §. *ult.* Omnis, inquit, iudex, sive magistratum gerat, sive aliter judicet, leges observato, et secundum has proferto sententiam, et quanvis in medio litis nostram contingat jussionem, aut sacram formam ( licet pragmatica sit ) procedere: legem tamen sequitur. Nos enim id obtineri volumus, quod nostræ volunt leges.

III. Quod quoniam ita præcipitur, quid fiet, si jus scriptum ab æquitate <sup>4</sup> dissidere videbitur? Utimur in ea re Constantini regula, *ex L. placuit, C. de iud.* potiore nimirum esse debere in omnibus iustitiæ æquitatisque, quam stricti juris rationem.

IV. Sed incurrit hæc constitutio in varias reprehensiones: ut si velimus eam nobis expositam, et bene constitutam esse definitionem, illæ nobis hoc loco animadvertendæ sint. Quod quia res incidit, ita faciam, quam poterit brevissime. Et quoniam existunt illæ magna ex parte ex eo, quod non satis intelligitur ab omnibus, quid sit æquitas, quid jus, et quid distet alterum ab altero: ideo hæc verba explanabo primum, quibus expo-

sitis sententia constituetur: deinde quæ contra definitionem dicuntur, diluere conabor.

V. Jus est, quod scripto comprehensum est: quasi jussum dicas. Æquitas, sive æquum et bonum, est id, quod ex scripto sensisse, et voluisse legem intelligitur. Harum definitionum exempla si quis plura habere vult, reperiet collecta pene innumera a Guil. Budæo in *Adnotationibus in Pandectas*, in princ. Ego nunc docendi causa pauca citabo ex oratione Ciceronis pro Cecinna, ex quibus liquido poterit intelligi nihil aliud Ciceronem appellasse jus, nihil æquitatem, quam quod diximus. Illum quidem constat in ea oratione pro sententia interdicti contra scriptum dicere: hoc disputare, ubi voluntas, ubi ratio, ubi consilium intelligatur, id sequendum esse, verba negligenda: quæ Ciceronis sententia apud Gregorium 1. Pontificem reperitur, referturque in *C. humanæ*, 22, q. 5. Sic ergo quodam loco scribit: *Etiam ut iam a verbo longius recedamus, ab æquitate ne tantulum quidem: si servus tuus, et quæ sequuntur. Deinde post: Nam ceteri tum ad istam orationem decurrunt, cum se in causa putant habere æquum et bonum, quod defendant; si contra verbis et literis, et, ut dici solet, summo iure contenditur, solent eiusmodi iniquitati et boni, et æqui nomen, dignitatemque opponere. Et mox: tum aucupia verborum, et tendiculas in iudicem vocant: tum vociferantur ex æquo et bono, non ex callido, versutoque iure rem iudicare oportere. Deinde in eadem: Juris retinere sententiam, et æquitatem plurimum valere oportere, an verbo ac litera ius omne torqueri, vos statuite, Recuperatores, utrum utilius esse videatur. Item: si ad interdicti sententiam confugis, neque æquitatem rei verbi laqueo capi putas oportere. Et paulo post: Istum locum fugis, et reformidas, et me ex hoc, ut ita dicam, campo æquitatis ad istas verborum angustias, et ad o-*

ceps legibus solutus, Damh. *Præx. civ. C.* 218. n. 3. et 4. Senatū supremū Principis loco iudicare ex bono et æquo, non accurate attendendo ad subtilitates Juris, si causæ conditio et æquitas aliud poscat. Non tamen subdit, secundum propriū arbitrium absolute, sed id quod in iure et æquitate fundatum, non quod ex quacunque mentis levitate incidere potest. Cameram Imperialem imperatoria plane auctoritate in decernendo iudicandoque, uti Blarer. in *L. diffamari C.* 6. n. 40. Sed vid. P. Heig. *P.* 1. Q. 9. n. 9. et seqq.

3) Forsan respicitur ad veterem et solemnem formulam, moremque in concipiendis sententiis, maxime in causis capitalibus, ut iudices quæ cognovissent non facta, sed videri pronuntiarent. Quæ Romanis mista modestiæ gravitas, ne temere quidquam affirmare viderentur, ut Bodin. 3. *de Rep.* 5. n. 131. Cujus vestigia in *L. 1. §. 5. ad SC. Turp. L. 20. de his qui not. inf.* Quo de Ræv. *Protribunal. C.* 21.

Broidæ. in *supplem. Hist. Fori Pelletti Lib. 5. C. 15.* Briss. 2. *Antiq.* 2. ( ac ex eo Goth. *ad L. 1. §. 5. ad Turpil.* ) et Joan. Savaro. *Comm. ad Sidon. Lib. 3. Epist. 12.* qui plures ad hoc veterum sententias adducit, idemque et in SS. Patrum conciliis observatum fuisse ostendit.

4) De hoc discrimine etc. etiam *supra Lib. 1. Cap. 13. n. 11. et seqq.* ubi not. Præter illic citatos ad materiam hanc, quam alias expendam plenius, adi. Duar. *ad 1. D. de iudic.* f. 119. et seqq. Coras. 2. *Misc.* 18. Tirag. *de Retr. lignag.* §. 35. Gl. 1. Myus. 6. *Obs.* 63. Jo. Garsia *de expens. C.* 1. n. 18. et seqq. Freher. *Suppl. p.* 18. et seqq. Christop. Besold. *Templo justitiæ pag.* 84. et seqq. Jo. Celich. *Tr. de æquitatē etc.* Salomon. in *Comm. de bono et æquo ad L. 1. §. 1. de Just. et Jure.* Confer. Dominic. *Solo Lib. 1. de Just. et Jur. Q. 6. Art. 7. et Q. 7. Art. 3. et Lib. 3. Q. 4. Art. 5.*

*mines literarum angulos revocas.* In quibus nemini obscurum esse potest, Ciceronem et æquitatem ubique scripto opponere, et præterea scriptum jus, æquitatem juris scripti sententiam et rationem nominare. Dicitur autem æquum, quod ratio legis, et juris scripti dictat: quia hac re sola retinetur ex æquo in omnibus mens et sententia legislatoris: id est, lex ipsa: non enim intelligitur jubere quisquam aut præcipere, quod nolit aut non sentiat. Jus autem summum non æquum: quia necesse sit, ex circumstantiis variis et locorum, et personarum, et temporum mutari sæpe rationem legis. Contra quam si præfracte nihilominus scriptum retineamus aliud quam quod legislatori propositum est: idest rem non æquabilem servabimus. Id autem solum justum, non quod verbo continetur: sed quod sensisse scriptorem intelligitur: hoc idem æquum dici probavimus. Ergo justitiæ, æquitatisque rationem præcipuam, quam scripti juris esse debere cum dicimus, hoc dici intelligere debemus, quod Cicero tot locis, tot modis in eadem illa pro Cecinna oratione expressit: *cum voluntas, consilium et sententia legis intelligitur, stultum esse verba amplecti, hanc negligere.* Item *ex æquo et bono, non ex callido versutoque iure rem iudicari oportere; scriptum sequi calumniatoris esse, bonique iudicis voluntatem scriptoris, auctoritatemque defendere: non ex verbis pendere ius; sed verba servire hominum consiliis et auctoritatibus.* Si tacitis nobis voluntas intelligi posset, verbis omnino nos non usuros; quia non potest, verba reperta esse, non quæ impedirent, sed quæ indicarent voluntatem. Sed exemplis utendum est. Jus est, et præceptum naturæ quod depositum acceperis, ut reddas. Qui sanus gladium apud me deposuerat, furiosus a me repetit, an reddere debeo? Si jus summum, et strictum, id est, verba sequimur, debeo: si æquum, id est, rationem ejus juris, et sententiam, non debeo. Id enim agitur, eo jus illud constitutum est, ut is qui deposuit, id ipsum rursus sine fraude habeat, quod deposuit. Si reddo furioso, is rem non habebit, amittet potius. Quin etiam ea re male in sese, atque etiam in alios consulat; hoc vero contra voluntatem legis, et sententiam, id est, non æquum, et bonum, non utile. Non reddam igitur, ut Cicero disputat *Lib. 1. de offic.* Item, lex est, iudicium nullum esse, quod cum minore intercessit sine curatoris auctoritate: acta res est iudicio cum minore, et sententia pro minore lata:

an dicemus, nullius momenti esse sententiam? Si verba juris, id est, jus strictum tenere volumus, non valebit; at hoc, inquam, neque ex legis sententia. Quid enim agitur lege, nisi ut minori non noceat, quod sine curatore gestum est? Quare sententia valebit, *L. non eo minus, D. de procur.* et generaliter definiemus, quod pro aliquibus introductum est, id in eorum, pro quibus est constitutum, damnum torqueri non oportere. *L. nulla, D. de legi. L. quod favore, C. eod.* hoc solum ideo quod aliter sit contra sententiam, et mentem legis, id est, contra legem. Item edicit prætor, quod cum minore viginti quinque annis natu gestum erit, se animadversurum. Gestum est aliquid cum minore filiofamilias. Quæro, an restitui debeat. Jus constitutum facit, ut debeat: at non placet esse restituendum: scilicet quia iniquum; et iniquum ideo, quia contra propositum, et consilium prætoris: apparet enim prætori propositum fuisse minoribus consulere, non majoribus. Quod si filiumfamilias restituemus, consulatur patri: hic enim de peculio non tenebitur. Hæc Ulpianus ad hanc sententiam in *L. 3. §. sed utrum, D. de minor.*

VI. Sit igitur superioris regulæ ea vis quam supra dixi: Quæcunque lex, et quibuscunque verbis scripta est, eam ratione et sententia scriptoris moderandam: et si alia verba sint, aut sint nimis præfracta, corrigendam esse: hoc est, quod quærimus moderandam esse et corrigendam æquitate. Ubi sententia intelligitur, solum hanc sequendam esse etiam contemptis verbis: hoc bonum, hoc æquum esse, et utile: contra fieri injustum iniquum et inutile: huc illa regula juris pertinet: *in omnibus quidem, maxime tamen in iure æquitas spectanda est.* *L. in omnibus quidem, D. de reg. iur.* In omnibus, ait: ut conventionibus, rebusque contractis, itemque supremis voluntatibus. Maxime tamen *in iure*, id est, in juris constituti interpretatione æquitas spectanda est: id est, non quibus verbis quid dictum, aut scriptum sit: sed qua mente, qua sententia, et consilio, quærendum, et cognitum sequendum est.

VII. Nunc quæ contra dicuntur, consideremus. Primum illud non recte, ut videtur, in hac definitione, quod justitia atque æquitas, et jus separantur. Nam si recte ab Ulpiano definitur jus, ars æqui et boni. *L. 1. D. de iust. et iure.* profecto non aliud est jus, quam æquum et bonum. Sed animadvertendum est, in definitione Constantini, quam



quam interpretamur, non jus absolute, sed jus quod summum et strictum sit, ab æquitate secerni: hoc jus ne jus quidem est. Ideo non mirum si ut a vero jure, sic ab æquitate separetur. Jus autem verum, ipsum illud, quod ratio et lex jussit, aliud nihil est, nisi æquum et bonum, ut vere Ulpianus definiit: nec quicquam æquum, nisi quod justum. Qui ergo probare potest nihil justum esse, nisi quod æquum, et strictum, et summum jus, jus non esse? Quia strictum jus vocamus, quod a sententia, et voluntate legis recedens verbo tantum nititur: æquum, quod verborum sententia. Id porro solum jus est quod legislator sensit. Verba jus non sunt; sine quibus si res posset intelligi, his omnino non egeremus. In quo genere est illa nobilis disputatio Ciceronis in oratione pro Cicerina; de qua supra commemoravi. Non igitur jus id, quod summum et strictum dicimus: hinc illud dictum a veteribus, summum jus summam esse injuriam, quod Cicerone refert *lib. 1. de offic.* Columella summam crucem, Terentius summam malitiam vocat. Quæ omnia declarant, summum jus, jus non esse: nisi si malitiam et injuriam jus esse fateamur. Ex quo eadem opera intelligi potest, cur tandem æquitatis dicamus, quam stricti juris rationem esse potiorum.

VIII. Sed rursus et hic hæsitatur. Æquitatem, inquit, sequi oportet. Imo jus duntaxat, quod scriptum est, dixerit aliquis: Æquitatem autem etiam eam quæ se ostendat, non licet. In eamque sententiam ad oppugnationem definitionis propositæ duo loci citantur. *L. prospexit, D. qui et a quib.* et *L. 1. C. de legib.* Quorum in priore Ulpianus indicat, ita legem fuisse de muliere adulterii rea, quæ diverit, ne quem ex servis suis aut manumittat, aut alienet. Ait igitur verba facere, ut ne eum quidem servum, qui extra ministerium ejus mulieris fuit, vel in agro, vel in provincia, possit manumittere vel alienare. Quod quidem, inquit. *Perquam durum est: sed lex ita scripta est.* Durum, quod dicit, hoc est, non satis æquum: ut in illo Pauli in *L. illud, D. de petit. heb. quod in oratione divi Hadriani est*, ut post acceptum judicium omnis causa præstetur, interdum durum est; idest, non æquum, neque servandum adversus bonæ fidei possessorem. *Sed lex*, inquit Ulpianus, *ita scri-*

*pta est*; ut sive æquum id putemus, sive iniquum, servari oporteat. In altero loco rescriptum ejusdem Constantini est in hæc verba: *Inter æquitatem et jus interpositam interpretationem nobis solis et oportet, et licet inspicere.* Quibus ostenditur non magis sequi licere nobis, quod æquum videatur præter legis verba, quam jus novum constituere. Hæc antinomia ut conciliaretur, interpretes nostri olim hanc distinctionem invexerunt, ut dicerent interesse, utrum æquitas esset scripta, an non esset. Si scripta esset, hanc potius sequendam. Si non esset, rem esse non juris nostri, sed principi permittendam, qui rem expediat, et de ea, quod velit, statuatur. Itaque in *d. L. placuit, C. de jud. tot.* in exemplaribus ita legitur, *præcipuum esse justitiæ, æquitatisque scriptæ quam stricti juris rationem.* Ego vero æquitatem<sup>5</sup> scriptam non inepte solum, sed etiam absurde præsertim in superiore definitione dici judico. Primum æquitas juris scripti emendatio, et quasi interpretatio est, sententiam legis adversus scriptum retinens. Qua interpretatione et emendatione nihil est opus omnino, si id quod æquum esse volumus, clare scriptum est. Quo argumento Fr. Connanus *lib. 1. commen. jur.* et Fr. Duarenus *lib. 2. dispu. anni.* usi sunt. Deinde qui ita dicunt æquitatis scriptæ habendam rationem, hoc dicunt, æquitatis non scriptæ contra jus strictum non esse habendam. Quo quid magis falsum est? Convincitur iis omnibus exemplis, in quibus Iurisconsulti veteres sententiam legis interpretati sunt. Ex quibus pauca supra retulimus: in quibus interpretatio valuit, cum in illis non modo ea æquitas, quam probabant, non esset scripta; sed etiam verbis videretur adversari. Ut illud an usquam scriptum fuit in legibus, bonæ fidei possessorem non debere post litem contestatam interitum præstare, quod Paulus æquum putavit: in *L. illud, de petit. her.* Imo vero, ita dubitabatur de eo, ut etiam contra orationem Hadriani esse videretur: in qua ita scriptum est: *post acceptum judicium omne præstandum esse, quod habiturus esset petitor, si quo tempore res petita est restituta fuisset.* *d. L. illud.* Postremo cum potiorum esse dicimus æquitatis rationem, hoc significamus, duo esse, quæ inter se discrepent jus et æquitatem. Electio namque nisi inter duo aut plura non cadit, quorum unum

5) Confer *supra d. Lib. 1. C. 13. n. 13.* Sic Jo. Saresberiens. *Pollicitati Lib. 2. C. 26. p. 102.* Ubi aliud jus suadet, aliud æquitas, quæ in publica utilitate versatur, principis quaerenda est interpretatio. Ubi de scripto et sententia

dubitatur, mens inquirenda est auctoris. Confer. A. Massa Galles. *Lib. 2. de Exercit. jur. isper. n. 72. et seqq.* qui pulcre distinguit.



num rejicimus, alterum sequimur. At vero si æquitas scripta est, idest, quod æquum videbatur, jam electio, omnisque adeo dubitatio tollitur. Certum est enim id solum sequendum, quod rejecto alio æquum judicatum est. Exempli causa: scriptum hoc est, et nominatim cautum constitutionibus, sententiam pro minore latam, quanvis indefenso, servandam esse, si is sibi expedire existimet. *L. non eo, C. de procur.* Hic non sunt duo, jus nimirum strictum, et æquitas scripta, ex quibus dubitemus, utrum sequamur: sed unum duntaxat in quo absurdum sit id queri, potiusne hoc servari debeat quam aliud. Quare non potest neque æquitatis verbo verbum scriptæ, neque ei loco, in quo queritur, utrum sequendum sit, superior definitio convenire. Videamus ergo ne dicendum sit præcipuam esse in omnibus æquitatis, quam stricti juris rationem: sed hactenus nisi palam verba legislatoris refragentur. Quæ cum erunt perspicua, id ius, quod verba expriment, sequemur videlicet: animi nostri rationem, et ipsum illud, quod æquum videbatur, non sequemur. Sic aperte scripta lex erat in *L. prospexit, D. qui et a quib.* de servis non alienandis ab ea muliere, quæ adulterii rea divertisset. Hoc enim cavet lex, ne quem mulier omnino ex servis suis mitteret, vel alienaret. Ergo, inquit Ulpianus ita lex scripta est. Idcirco adversus legis constitutionem æquitatis specie ne quidquam utemur. In hanc ipsam sententiam lex Constantini accipienda est. *L. 1. C. de legib.* Licet, inquit ille, principi soli inspicere interpretationem, quæ interposita sit, inter æquitatem et jus, res nimirum dissidentes: hoc sic interpretandum est, si æquitas a scripto jure omni ex parte dissideat. Quoniam enim hæc non ad retinendum jus scriptum, sed ad evertendum et abrogandum pertinet, optima ratio est, cur non debeamus hoc nobis sumere, ut de eo statuamus. Ejus enim est mutare legem, cujus et condere: hoc autem principis. Igitur et prius illud merito ei soli permittendum est. Hic nos aliquis nobiscum pugnantia loqui dicet, qui æquitatem prius id esse dixerimus, quod esset ex legis sententia et proposito: nunc æquitatem posse cum scripto plane dissidere: veluti nostri obliti statuamus. Sed animadvertendum puto æquita-

tem sive sententiam duplicem in quaque lege intelligi. Unam propriam juris constituti positam ei, qui scripto sanxit id, de quo queritur. Alteram generalem, seu summam, quæ communiter in omni lege inesse putatur, ut cum legislator peculiariter aliquid in causa aliqua statuerit, tamen ad eam summam rationem, et æquitatem lex referatur. Est autem hæc, ut respublica salva sit. Ut suum cuique tribuatur. Hic Cicero *lib. 3. de legib. Salus populi*, inquit, *suprema lex esto*. Hæc potest ejusmodi nobis occurrere, ut propter eam aliquid statuendum videatur secus, quam legis specialis verba sunt: et tamen lex ipsa specialis, et mens adeo legislatoris refragentur. Hic si lex nobis ideo non æqua judicetur, quia ab illa summa lege recedat: hic, inquam, res non a nobis, sed a principe, aut his, penes quos statuendi jus est, constituetur. In hoc genere sunt tot exceptiones adversus manifestum jus civile a prætoribus ex ratione æqui et boni comparatæ, de quibus sub *tit. de exceptio. in Inst.* tot item actiones: tot et tam variis in causis bonorum possessiones constitutæ iis, qui aperte jure civili a successione removebantur: in quibus si quis privatus, aut judex, ante jus a prætoribus constitutum, aliquid sibi sumeret, nihil proficeret adversus manifestam juris auctoritatem. At enim aliud hic æquum videtur: sed non ideo hoc ita est, et ut sit fortassis recte ab uno aliquo animadversum: tamen exemplo perniciosum est, jus certum aliquando rescindi, aut aliqua ex parte immutari. Hac enim via patefacta imperiti et improbi iudices idem audebunt etiam in bonis legibus, manifestæ iniuriæ, æqui et boni nomen, et speciem obtinentes. Præclare Aristoteles: *Qui legem præesse vult in civitate, præesse vult Deum. Qui hominem præfecerit, præfecerit et belluam*. Cui congrunt Demonsthenis, et Chrysippi definitiones de lege proditæ in *L. 2. D. de legib.* Extant in hanc sententiam de iure et legibus in civitate diligenter retinendis elegantes Ciceronis disputationes in *orat. pro Cor. Balbo*, et in *orat. pro Cæcinna*. Sed sive ius scriptum, sive æquum et bonum sequendum esse dixerimus: semper hoc relinquetur, quia æquum nihil aliud sit, quam ius, ideo semper nihil, nisi quod ius <sup>6</sup> iubet, iudicari, aut

6) Frustra enim legis scriberentur, si iudicibus ab illis recedere, et suo arbitrio æquitatem fingere liceret, Tiraq. *de Retr. lignag.* §. 33. gl. 1. n. 31. ubi plura contra imaginariam et cerebrinam æquitatem non ratione juris suffultam, sed imaginatione quadam aut rationibus adscititiis collectam.

Nec in officio magistratus est dijudicare justum sit necne, quod legibus superioris sancitum, Bodin. 3. *de Rep.* 4. n. 289. Et ut æquitas est in potestate magistratus, ita hic in potestate legis, idem 6. *de Rep.* 6. n. 755. Regulas itaque legum sequatur iudex, non conscientiam legibus adversantem,

aut statui oportere. Quod ius iubet, inquam, uti a me supra positum est: non 7 etiam quod permittit. Huc enim referri debet, illud Papiniani ex L. non quidquid, D. de iudic. Non quidquid potestati iudicis permittitur, id subiicitur iuris necessitati. Quod valet, non etiam necesse habet ex iure facere. Qualia sunt ea, quæ lex iudici ita defert, ut dicat iudicem facere hoc, vel illud posse, aut etiam solere, quæ verba permit-

tentis sunt, non quidquam iubentis, aut imponentis. Declaratur hoc totum apertius, exemplo in rescripto Antonini, quod extat in L. 1. C. quom. et quan. iud. cuius verba hæc sunt: Non semper compelleris, ut adversus absentem pronuncies: propter subscriptionem patris mei, qua significavit etiam contra absentes sententiam dari solere. Id enim eo pertinet, ut etiam absentem damnare possis; non ut omnino necesse habeas.

ut ex Jas. Tomiag. *Decis.* 26. n. 40. ac conscientia legis vincat conscientiam hominis, post Bald. Moll. 1. *Semestr.* 27. n. 7. Plura in hanc sententiam pete ex Bodin. d. C. 4. et d. C. 6. Moll. d. C. 37. n. 6. et seqq. Cujac. 2. de *Feu.* 1. Gæd. ad L. 6. §. 1. de *V. S.* n. 2. Ventur. de Valent. *Parthenii litigiosi Lib.* 2. C. 5. n. 15. et seqq. Christ. Ohem. *Discurs. juridicopolit. de Consul. et magistratib.* C. 4. Libor. Bodenst. *Disquisit. polit. Lib.* 2. Cap. 28. et seq. Simanc. 4. de *Rep.* 15. et seqq. et *Lib.* 5. et C. 15. Jo. Gerhard. *Polit. Decad.* 5. Q. 3. Et quod pauca arbitrio iudicis permittenda A-

rist. 1. *Rhet.* 1. Muret. *Vol.* 1. *Orat.* 18. Menoch. in *Proæm. Lib.* 1. de *Arbitr. jud.* QQ. Craver. de *Antiq. temp. P.* 1. §. quid in libro n. 25.

7) Confer. Greg. Lop. *Animadvers. C.* 4. n. 12. Robert. 3. *Sent.* 12. Delrio *Lib.* 2. de *princip. juris* p. 43. Plane quando duæ leges eventu consignat, permittens prohibenti vel iubenti cedit, Duaren. ad *Tit. D. de test. milit. C.* 6. fol. 432. Ang. Matthæac. *Lib.* 2. de *Via et rat. juris C.* 2. n. 12.

## C A P. III.

Quid leges velint iudicem in sententia observare: quod damnandus sit, aut absolvendus cum de re, tum de sumptibus et impensis litis:

*Continuatio et divisio. I.*

In facti quæstione condemnari reum oportere legitime convictum; secus, absolvi; alias delato illi iurjurando dimitti: quid si hunc constet iudici falso convictum. II.

Cum pares utrinque probationes, alterutri ex litigantibus, aut reo potius deferri solere iusjurandum; et secundum eum qui iuravit, pronuntiari ab iudice. III.

In quæstione juris damnari reum a Iudice; et ius suppleri quod neque ab actore, nec hujus advocato producit. IV.

Immo et de fructibus petitæ rei, et de reliquis accessionibus damnari, qui de re principali damnatus est. V.

In litis impensas victus victori damnatur, quanti victor iuraverit. VI.

Si tamen victus temere et sine causa litigavit. VII.

Causa litigandi quando videtur adfuisse, vel secus cum actori, tum reo. VIII.

I. Quoniam confectum est iudicem, non quod ei videtur, aut liberet iudicare debere: sed iuste idest quod ius et leges iubent: videbimus deinceps, quid eum leges velint in sententia observare, ut cum id fecerit, dici possit, iuste iudicasse: ac si contra fecerit, quæ sit poena. Et cum sententia in eo sit, ut iudex damnet reum, aut absolvat; duo sunt in summa, quæ hic leges caveri velint: quorum unum spectatur in persona eius qui damnatur, aut absolvitur: alterum in re, in quam damnatur, aut de qua absolvitur. In persona, ut is damnetur, aut absolvatur, quem oportet, et æquum est. In

Tom. VI.

re, ut damnetur in eam rem in qua oportet, aut de ea absolvatur. Quem æquum sit, damnari aut absolvi, si quidem de re principali, quæ in iudicium venit, agatur, de eo hæc iuris præcepta sunt. Videndum, utrum de facto ambigatur, an de iure. Hoc facilius expeditur, quam illud C. sæpe, ext. de appell. quia ius certum est, ut infra dicam: facta incerta plerumque, et probationibus eruenda.

II. In quæstione facti, ut cum queritur, an pecunia mutuo data sit, an fortum factum; siquidem probat actor factum legitimis probationibus de quibus supra dictum

est, placet iudicem non animi sui conscientiam sequi debere: sed rerum probatarum fidem. *L. illicitas, §. veritas, D. de off. præf.* Proinde convictos convenire condemnari. *L. negantes, C. de obl. et actio.* et *L. properandum, illic, tunc iudicem. C. de iudic.* nisi quod quibusdam in causis receptum est, ut prius iusiurandum exigatur a reo sui purgandi causa: ut cum id præstiterit, absolvatur. Si recusasset iurare, quasi convictus condemnatur, quas causas cum collegerit Accursius ad *L. 3. C. de reb. cred. et iureiur. in glos. det. illinc petere iubebo.* Quod si ab utraque parte pares sint probationes, id sequemur, quod præcipitur in *L. admonendi, de iureiur. et d. L. 3. C. cod.* qua de re tota accurate a me disputatum est in commentario ad titulum illum *D. quem supra lib. 24. inserendum curavimus.* Sane si constet iudici contra fidem eorum, quæ falsis testibus probantur, reum non debere, faciet ex officio boni viri, si a iudicando abstinebit: quod illi concedendum esse de se iuranti, supra diximus. Si non probetur quod intenditur: sic præcipitur iure, reum, qui negat, qualiscunque sit, etsi nihil ipse præstet, absolvi oportere. *L. qui accusare, C. de eden. d. L. negantes, C. de obl. et act.*

III. Quod si ab utraque parte pares sunt probationes: permittitur iudici deferre iusiurandum alterutri ex litigatoribus, ut exacto iureiurando secundum eum iudicet, qui iuraverit. Sic enim Caius in *L. admonendi, D. de iureiurando. Solent enim, inquit, sæpe*

*iudices in dubiis causis exacto iureiurando secundum eum iudicare, qui iuravit.* Dubias causas hoc loco cum Duareno nostro eas esse intelligi, in quibus ab utraque parte probatio est: quia hoc modo fiat, ut dubia sit, et anceps causa, idest ut dubitet iudex, quod sumat potissimum. Quod quidem ita probatum ab illo est *lib. 2. Disp. anni. Cap. 33.* ut res probatione nostra non indigeat. Ait autem Caius, solere iudices exacto iureiurando iudicare. Quo significatur posse eos id facere: non etiam necesse habere. *L. 1. C. quom. et quan. iudex.* Et ideo erit in potestate iudicantis, in dubiis causis iusiurandum non deferre, eoque non delato id sequi, quod ille maxime sibi probatum existimaverit. Sed etsi deferret iusiurandum, non iubetur reo potius deferre, quam actori. Unde intelligimus esse in eius potestate, utri deferat, et sane qui secundum actorem iudicare potuit sine iureiurando: multo magis poterit secundum eum iudicare iureiurando ab eo exacto. Sed utrumque rectius facturus videtur, si et iusiurandum in dubia causa detulerit, quo magis de re confirmetur: et deferat reo potius: qui iuxta regulam iuris est favorabilior. *L. favorabiliores, D. de reg. jur.*

IV. In questione iuris, ut si pactum factum esse constet, et quaeratur, an ex pacto agi possit: ius paulo aliter se habet. Quoniam enim ius certum est, et notum id esse debet iudici; non tantum iubetur iudex ex iure quale est, reum condemnare, si ab actore, aut advocatis ius pro-

1.) Locus hic vita amplius, ut, si in utramque partem arbitretur justum librum confici posse, censeat Pollet. 4. *ffist. fori* 14. p. 338. Et contra acta fere pro conscientia accriter pugnant Coras. 4. *Misc.* 20. Baro ad *d. L. 6. de off. præf.* Pollet. *d. loc.* (et ex parte Vasq. 1. *Ill. Contr.* 14. ac *Hot. Ill. Q.* 27. Alb. Gent. 2. *Lect. et Epist.* 13.) Conrad. Heresh. *Epit. Christian. jurispr. Edict. IX. Præcept.* p. 293. et seq. Jac. Omphal. *Lib. 6. de Usurp. legum C.* 14. Marc. Lycklam. (varie tamen distinguens) 2. *Membra. Eclog.* 2. Arum. *Exerc. Justin.* 6. in *Parerg. et Exerc.* 20. *Th. 3. et Disp. Pand.* 1. *Th.* 24. et seq. Jo. Colich. de *Æquit.* C. 4. Ven. de Valent. *Parth. litig. Lib.* 2. C. 8. n. 12. et 5. seq. Christ. Ohem. *Discurs. juridicopolit. de Cons. et Magistratib.* C. 4. n. 23. et seq. pro actis plures fortiora arma expediunt, Cujac. 12. *Obs.* 19. Cov. 1. *Var. Res.* 1. Gutier. *Lib. 2. Canon. QQ. C.* 29. Scala. *Lib. 3. de Cons. sapient.* C. 13. Jo. Bapt. Asip. *Tr. de Es.* §. 3. C. 1. n. 14. et C. 7. de seq. Lanc. *Coñr. de Off. præf. in cau. civ. v. Sententia n.* 17. Pet. Aug. Morl. *Empor. juris p.* 1. *Tit.* 2. Q. 1. Menoch. (sed hic nude) 1. *Arb. Q.* 24. n. 3. Gravac. *Not. ad pract. Vestrui Lib.* 3. C. 1. *lit. A.* qui testatur. Hanc quoque inter Theobigos crebriorem esse) Jo. Bellon. *Comm. jur. septent.* v. *iudex Bron.* 1. *Enan.* 14. Boccr. de *Jurisd.* C. 6. n. 34. Bus. ad *L. 6. §. 1. de off. præf.* Steph. Werbeuz *Prolog. tripar. operis juris consuetud. Hungar. Tit.* 16. et seq. Guid. Pap. *Dec.* 29. ibique in not. P. Matth. et Steph. Ranch. *Cach. Decis.* 1. n. 43. et seq. Viv. *Lib.* 1. *Decis.* 187. Jo. Monach. (brevius, ast scite) in *C. dilecti* 6. de

*jud. n. 11.* paulo pluribus Dom. Soto. *Lib. 5. de Just. et jur. Q.* 4. *Art.* 2. Exciunt plerique Principem superioris nescium et *LL. solutum* Scal. *d. C.* 13. Werbeuz. *d. loc.* Menoc. 1. *Arb. Quæst.* 8. n. 21. Chassà *Catal. glori. mundi P.* 7. *Consid.* 3. effectu 8. Cachéran. *d. loc.* Lanc. *Contrad. Temp. om. jud.* *Lib.* 1. C. 1. §. 3. v. *iudicare secund. conscient.* etc. Idem de Curia ejusdem suprema statuit. Guid. Pap. *Decis.* 29. quem impugnat Cachéran. *d. n.* 43. et seq. tuetur Menoch. *Arb. Ca.* 98. n. 12. et 13. Plane contra conscientiam in criminalibus cumprimis, ne unquam iudicet rationis est, vid. not. supra C. 1. *N.* 10. Ast nec hoc unquam obnoxia sententia iudici tribuendum, ut unde illius unius assertioni plus fidei habeatur, quam plurium inculpatae vite bonaque note testium jurata depositioni. Iudici potestatem facere contra fidem eorum, quæ probata juxta ea, quæ sibi ceu privato comperta esse dicit, pronuntiandi, quid aliud est quam liberrimum arbitrium et absolutissimam potestatem dare male judicandi, condemnandi vel absolvendi pro libitu, quoties non de jure, sed de facto contentio est. Quam facile enim erit ei dicere si alterutri injuste gratificari velit, etsi pro altero testimonia probationesque alia suppetant, se tamen aliud novisse. Equid autem hac re inferioris subsellii iudex proficiet, nisi ut interim justus (ut in dverbis est) patiat lite extracta. Nonne cognitione ad superius tribunal per provocationem devoluta, sententia lata pro eo, qui et contrariis probationibus oppressus, nec ulla sua sublevatus, nec nisi testatione iudicis unius de notitia sua subnixus rescindetur. Exaltiora de his alias.

probetur: sed etiam si non probetur. Idque est, quod præcipitur illo titulo Codicis, ut quæ desunt advocatis partium, iudex suppleat. Non enim hic jubetur supplere, quod deest advocatis in facto: sed quod in iuris allegatione, et confirmatione. Quod ex verbis ejus constitutionis, quæ exstat sub eo titulo, intelligitur. Verba hæc sunt: *Dubitandum non est iudici, si quid a litigatoribus, vel ab iis, qui negotiis adsistunt, minus fuerit dictum, id supplere, et proferre, quod sciat legibus, et juri publico convenire.* Non dicit, quod sciat in facto esse. Et recte: non est enim iudicis de facto testificari, et affirmare, cum multum intersit inter testem, et iudicem, neque idem officio fungi possit testis et iudicis: sed ait: *quod sciat convenire legibus et juri publico*: scilicet, quia est iudicis hoc ipso, quod iudex est, jus tenere, idque ipsum in causa statuere, de qua iudex sedet: hoc enim est iudicare.

V. De fructibus rei petitiæ, et accessionibus cæteris idem damnandus, et absolvendus, qui damnatus aut absolutus est de re principali: etiam si errore iudex de re principali pronunciaverit. *L. ex diverso, §. 1. de rei vindic.* Ex his apparet, de re principali: ejusdemque accessionibus non alium condemnari, aut absolvi, quam reum. Utrum autem faciendum sit, potissimum ex fide rerum probatarum aestimari.

VI. De sumptibus litis aliud servatur: de his enim nominatim ita ius constitutum est a Justiniano, in *L. properandum, §. sive autem, C. de iud.* Victum victori in expensarum causa esse condemnandum, quantum pro solitis expensis litium juraverit. Unde intelligitur semper esse, qui condemnatur de sumptibus litis; nec eum reum tantum; sed interdum et actorem: nempe si vincatur, absolute videlicet reo: præterea non exigi, ut

Tom. VI.

convincatur de impensis litis, qui de his condemnatur: sed hoc spectari solum, an vincatur de re principali. Et videtur quidem Justinianus in *d. §. sive autem*, districtè cavisse, et sine exceptione, ut sumptus litis agnoscat is, qui victus est. Verba ejus sunt hæc: *Sive autem alterutra parte absente, sive utraque præsentem lis fuerit decisa: omnes iudices, qui sub imperio nostro constituti sunt, sciant victum in expensarum causa esse condemnandum.* Et quæ sequuntur.

VII. Sed recte hoc omnes ex jure vetere sic accepisse mihi videntur, si modo is qui victus est, temere et sine causa litigavit. Nam ita quidem ante ius fuisse constat, eum litis sumptus agnoscere non debere, cui ratio fuisset litigandi. *L. qui solidum, §. Etiam, D. de leg. 2.* Item, litigatorem viatica, litisque sumptus adversario suo reddere debere: sed ita, si improbus sit litigator: si temere adversarium in ius vocaverit, ut appareat hanc condemnationem poenam temeritatis fuisse adversus litigatores constitutam. *§. hæc autem, Inst. de pen. tem. litig. L. cum, quem, D. de iudic.* Hoc ius cum sit æquissimum, oportet manere, nisi liquido probetur fuisse a Justiniano sublatum. Quod superiora verba non arguunt: animadvertendum est enim, quod eo loco ait Justinianus. Quod cavet denique victum victori in expensas litis esse condemnandum, etsi id cavet simpliciter: non tamen id facit veteris iuris emendandi, et æquissimæ conditionis tollendæ causa: sed ut id ius, quod fuisset antea, produceret ad eas quoque causas, in quibus litigator non propter malam causam, sed propter causam absentiae damnatus esset, quod initium eius §. et extremum plane indicant. Ait enim in principio; *sive autem alterutra parte absente, sive utraque præsentem lis fuerit decisa.* In extremo autem ita scribit: et hæc de alterutra parte litigantium contuma-

20\*

ci-

2) Vid. supra Lib. 18. C. 4. n. 9. Et quod idem in statuto non allegato aut consuetudine notoria not. C. præced. N. 1.

3) Concenat. Lib. 1. Q. 1. n. 30. Excepiunt nisi de his quæ facti, constet ipsi ut iudici, nec causa requirit formalem petitionem, Cachet. Decis. 1. n. 24. add. Bellon. 2. Supput. 10. Ass. Tr. de Exec. §. 3. C. 24. et C. 24. et Cap. 17.

4) Vid. supra Lib. 20. C. 6. n. 5. ibique notata.

5) Rubr. et L. 4. de fruct. et lit. expens. Num autem et præter expensas in damna ac detrimenta adversarii condemnatio? Negat contra Bart. et Ang. Walth. 1. Misc. 28. quia in L. 79. de iud. et d. L. 4. nulla damnarum mentio. Ac licet in §. 1. in ff. I. de pen. tem. litig. iungantur damnum, et impensæ, putat tamen vel damnum pro condemnatione illic accipi, vel, quod magis illi placet, ipsas expensas denotari, cum rariū non sit, ut duobus verbis eadem res

significetur. Sed melior videtur sententia eorum qui distinguunt inter damna extrinseca, veluti si equus in itinere mortuus, vel quis captus a latronibus: et intrinseca, expensas itineris, sumptus viatici et temporis, quo commorandum est extra domum suam in hospitio, etc. vid. Tessaur. Decis. 67. Et hæc videntur denotari per damnum, in d. §. 1. ut distinguatur ab impensis aliis, quæ in ipsam litem erogantur. Quid si peritus causam propriam egit, num cum expensis potest aestimari salarium? vid. de hac questione Parlat. 2. Rer. Quotid. 5. §. 18. n. 14. Monst. Decis. 4. Trentacius. Lib. 2. Pract. Resol. Tit. de Postul. Resol. 2. Myns. 1. Obs. 2. et Gail. 1. Obs. 151. n. 16.

6) Quid si Statutum sit, victum condemnari debere in expensas, an et tunc iusta causa litigandi excuset? Dubium movet, quod ita videatur frustraneum. Afirmat tamen Fachin. 12. Contr. 25. quia satius est ut superfluum sit, quam ut aliquis ex eo indebite lædatur.

*citer absente nobis statuere visum est, ad æquitatis rationem omnia corrigentibus.* Et hanc sententiam ipse litem Justinianus confirmat in *Novel. 82. de iudic. §. ut autem.* Scribit enim, iudicem debere significare sententia, si litigatores in expensas 7 non damnet: fieri igitur potest, ne damnet, et quidem iure.

VIII. Quo posito quærendum erit, cui ratio litigandi fuisse intelligatur. Et quod ad actorem attinet, hoc probamus fieri non posse, si vincitur: quin 8 temere videatur litigasse. Etenim si ignoravit sibi ius non esse litigandi: hoc ipso culpa eius est, quod litigavit. Ut enim bene scriptum est in *L. qui in alterius, D. de reg. iur.* Qui agit, certus esse debet: cum sit in potestate eius quando velit experiri, et ante debet rem diligenter explorare, et tunc ad agendum procedere.

Reo non idem potest subiici: hic namque actionem excipere cogitur, nisi velit ius suum indefensum relinquere. Quod sane facere non debet, si nullam causam habeat, propter quam intelligere possit, deberi quod petitur aut rem petitoris esse *L. illud, D. de pet. her.* Cuiusmodi causam nullam habere videtur; si agatur de eo cum alieno facto, et iure, cuius ipse particeps, et conscius non fuerit. Veluti si agatur cum eo, ut herede ex facto defuncti: *d. L. qui in alterius*: aut si contraxerit quidem ipse; sed agat is, qui se a domino procuratorem datum dicat, nec mandatum certum proferat. *L. si quis inficiatus, D. de pos.* aut si vindicet quis rem tanquam suam, quam sibi a vero domino donatam, aut aliter in se translatam affirmet; nec eius rei ullum certum iudicium afferat. *d. L. illud, de petit. hered.*

CAP.

7) Et ejus rei causa exprimi debet, *d. C. 10. Tiraq. de Poen. temperand. in profat. n. 66. Gail. 1. Obs. 151. n. 23.* subdens, iud in Camera non servari, sed generationi dici, *aus bevüeglichen Ursachen*, sicuti et apud nos quotidie sententiæ concipiuntur. Cæterum monet A. Fab. 19. *Err. Prag.* 6. hoc casu laud apte pronunciari solere expensas componendas esse, cum potius nullus earum condemnationi locus sit.

8) Longe aliud interpretibus vulgo visum, iudiciorumque usu obtinet. Nam et eum relevari ab expensis, tradunt, qui pro se habet opinionem unius celeberrimi Doctoris, Gu. Pap. *Decis. 277. Pacian. 2. de Probat. 41. n. 156. Wes. Cons. 43. n. 165.* aut unius ex Senatoribus curiæ, aliorum votis superati, Anton. de Gamma *Decis. 324.* Et quod consilium Jurisperiti, uti a delicto et poena, ita et ab expensis excuset, Menoch. *Recup. possess. Remed. 11. n. 26. et 2. seqq. vid. Rebuff. in Auth. habita verbo examinatione etc.* (quidam tamen duorum consilia requirunt, Gail. 1. *Obs. 152. n. 6.*) Quodque iusta causa litigandi ei, qui habet semiplenam probationem, Meisch. *Lib. 1. Decis. Cam. 9. in fin. Tom. 1.* Quin et si nota probitas ac bona fama litigatoris victi, remitti expensas, quia non presumatur calumniæ litem movisse, post Hostiens. et alios Coras. *de Juris arte P. 4. C. 18. Caroc. de Juram. lit. decisorio Q. 1. Q. 13. principalis n. 18.* Ad quod multos citat Marq. Freh. *Lib. 2. de Existimat. C. 6. n. 13.* qui tamen post plures alios recte contra statuit. Neque enim si presumptio calumniæ cessat, ideo et litigandi temeritas. Quare nec juramentum calumniæ hinc liberat, vid. *not. supra Lib. 24. C. 3. N. 6. sub. fin.* Nec rusticitas excusat, Menoch. *Arb. Cap. 194. n. 28.* Quia immo et qui in priori instantia obtinuit sententiam, in appellativo iudicio condemnari in hac potest si ex iisdem actis succubuit, vid. Tho. Trivis. *Lib. 1. Decis. 62. n. 10. Sich. ad L. 12. §. 1. C. de reb. cre. n. 10. Gail. 1. Obs. 152. n. 5. Mathesil. Sing. 81. ibique Gabr. Sarayna Cothm. Jur. Resp. 60. n. 145. et seqq. Meichs. Lib. 1. Decis. Cam. 20. n. 8. et Decis. 28. n. 129. ac Decis. 35. n. 10. Bend. de Revision. Concl. 9. n. 9.* Cujusmodi sententias plures exhibet Syntagma sententiarum Cameralium edita a Christian. Barth. In criminalibus vero Modest. Pist. *P. 1. Q. 11.* censet accusatorem sane reo damnari ad expensas (quod et de iudice male inquirente tradit Gail. 1. *Obs. 152. n. 2.*) non contra, quia crudele sit, reum cum poena damnum sumptuum sustinere. Et quia nemo accusare cogitur, agere autem cogitur necessitate causativa, si

suum extra iudicium obtinere non potuit. Expensæ ut taxandæ, etc. vid. *Novell. Elect. Sax. 31. P. 1.* ubi Moller. Coler. *Decis. 214. Horat. Carpan. Statut. Mediolan. Vol. 1. C. 56. M. Ant. de Amat. Decis. 140.* (ubi quomodo a taxatione appellari possit, de quo et Wurms. *Tit. 24. Obs. 16. Bredod. de App. P. 1. Tit. 20. f. 525. et P. 2. Tit. 40. f. 668*) Peti eas an necesse sit, vid. *not. C. se N. 6.* Hæc de expensis modo pro instituto sufficiant. Perpaucæ licet præ aliis, quæ peti possunt ex Cuiac. 12. *Obs. 1. Hot. ad L. 13. §. 6. C. de judic. Covar. Pract. QQ. C. 27. Zas. et Wes. ad L. 15. C. de judic. Sich. ad L. 1. C. de judic. n. 9. et seq. et ad d. L. 13. §. sive autem 6. et ad d. L. sancimus 15. ipsi 13. Gerd. de Sequestr. C. 1. n. 77. Parlad. 2. Rer. quotid. C. fin. Part. 5. §. 18. Menoch. Arb. Cas. 177.* (ubi quæ iusta causa litigandi, ut excuset) et Retin. poss. *Remed. 3. n. 665. et seqq. et 1. Præsumpt. 35. Tiraq. de Poen. temper. Cap. 51. n. 108. et seq. Blaver. in L. diffamari C. 5. n. 30. et seqq. Rulant. de Commis. P. 3. Lib. 8. C. 20. et P. 4. Lib. 8. C. ult. ac Tr. de Invocat. utriusque brachii. C. ult. Moller. 1. Semestr. 8. Hering. d. Fidejuss. C. 26. n. 75. et 4. seqq. Seraphin. Privil. juram. 32. Faclin. 1. Contr. 40. et seq. et 12. Contr. 52. Beust. ad Rub. de jurejur. n. 243. et seqq. Horat. Carpan. Statut. Mediol. Vol. 1. C. 55. et seq. Mathesilan. Sing. 3. et Sing. 80. et seqq. Bover. Sing. 56. Guid. Pap. Sing. 60. Fr. Cremens. Sing. 121. Corset. Sing. 90. 96. 103. Marsil. Sing. 207. 237. 485. 545. etc. Damhuder. Praxi civ. C. 222. et 249. Asin. Praxi judic. §. 32. et de Execut. §. 3. C. 179. Schwarzentaler. Lib. 3. Process. Actu. ult. Vestr. Lib. 8. Pract. C. 2. et ult. Ayres. Process. P. 1. C. 1. Obs. 6. Myns. 2. Obs. 22. et 4. Obs. 55. et 67. Gail. 1. Obs. 151. et seq. Wehner. Obs. Pract. de V. S. v. Expensen und. Unkosten. Boer. Cons. 27. Sixtin. Cons. Marp. 11. n. 112. et seq. Vol. 1. Viv. Lib. 1. Decis. 48. Surd. Decis. 261. et 274. Monter. Decis. 14. et Decis. 36. Ant. de Gamma Decis. 65. Tessaaur. Decis. 67. Meichsner. Tomo 3. Decis. Cam. 7. Arumæ Lib. 1. Decis. 9. etc. quos omnes, aliosque supra citatos, antea adii. Eninvero haud temere Jac. Simanca 9. de Rep. 31. n. 7. expedire censet statui, ut temerarius litigator victori omnes omnino sumptus, damna et incommoda præstet, subdens ideo Mahumetanis paucas lites esse, quod temere litigantes publice flagellis cæduntur. Qua de coercenda temeritate, vid. Ventura de Valentis Parthenii *luigiosi Lib. 2. C. 6. n. 12. et seqq.**



## C A P. IV.

Reum de eo absolvendum, aut in id condemnandum esse, quod in iudicium deductum est, non in aliud: et quid videatur in iudicium venisse.

*Continuatio et ordo. I.*

*Reum in id quod in iudicio deductum est condemnari. II.*

*Deduci aliquid in iudicium aut ipso iure, aut actoris petitione expressa vel tacita. III.*

*Expressa: quod continetur verbis intentionis, licet reus de eo non consenserit: nisi si quid nominatim exceptum. IV.*

*Item siquid accadat post litem contestatam. V.*

*Contrariis occurritur. VI.*

*Tacita: venire fructus et accessiones aliae petitioni rei principalis. VII.*

*Contrarius L. C. Pauli locus in L. non potest, 23. D. de iudic. explicatur. VIII.*

*Ipso iure sumptus et impensas litis in iudicio deduci. IX.*

*In illa tria superiora quae in iudicium veniunt, non in alia reum damnari oportere. X.*

I. **N**unc quid iudex sententia complecti, id est, qua de re reum absolvere, aut in quam rem condemnare debeat, consideremus. Id enim erat alterum, quod in iusta sententia spectandum esse, dicebamus. Et quoniam una res est, de qua reum condemnari, aut absolvi oportet, ne verbosior sit oratio, ea a me ad condemnationem solum conferetur, ut quod de ea dixero, simul de absolutione dictum intelligatur.

II. Ac cum in L. *ut fundus, D. com. divid.* scriptum sit, ultra id, quod in iudicium deductum est, excedere potestatem iudicis non posse: cum praeterea in L. *solemus, D. de iud.* dicatur non esse metiendum ex persona rei, quid videatur in iudicium venisse: quia facile dicturus sit, se de aliqua re non sensisse, quo consequetur, ne condemnetur: ut autem vitetur hoc periculum, id est, ne reus possit effugere condemnationem, spectandam esse ex intentione actoris, quid in iudicium venerit: apparet de hac re, sic veteres statuuisse, ut dicerent

reum condemnari oportere in id, quod in iudicium deductum est, sive quod in iudicium venit: ultra id, quod deductum est, nec debere, nec posse. Ex quo etiam illud quaesitum, quid videatur venisse, seu deductum esse in iudicium in d. L. *solemus, de jud.* Quod et nobis quaerendum est.

III. Est autem deducere rem in iudicium subicere rem iudicio iudicantis, rem ei aestimandam et iudicandam tradere. Deducitur quid hoc modo in iudicium aut petitione actoris, aut ipso iure sine alia petitione. Petuntur quaedam aperte: nonnulla tacite: aperte ea, quae exprimuntur verbis intentionis. Hae vero in iudicium veniunt. Sed an semper? an omnia? Quid enim si verba intentionis ambigua sint, aut generalia: ut aut illic dicat reus inutiliter actum esse, quia actor de una re senserit, reus de alia: aut hic dicat idem reus, se de quibusdam speciebus non sensisse? an exigemus, ut ambobus iisdem de rebus consentiant? Quid si verbis intentionis contineantur quaedam, de quibus

ta-

1.) Hinc vulgatum illud: Sententia respondere debet petitioni, ac esse conformis libello. Quod extruunt ex d. L. 18. et ex L. ult. Cod. de fideic. liber. Qui fatuum dicunt iudicem, qui contra pronunciat. Hieron. de Mont. Tr. Fin. regund. C. 42. n. 6. Asin. de Exec. §. 3. C. 9. Meichs. Tomo 3. Decis. Cam. 13. n. 224. Tametsi id vero reprobat A. Guib. QQ. jur. C. 9. sano tamen sensu acceptum iuri convenit. Vid. Suedvii. et Mudæ. in §. Curare. 32. Instit. de act. Menoch. 1. Arb. Quest. 31. Nic. Valla de Reb. dub. Tract. 1. n. 22. Thom. Gramat. Decis. 19. Guid. Pap. Decis. 27. Oldend. Cons. Marp. 5. Vol. 3. Meichsner. Tomo 3. Decis. Cam. 13. n. 111. et seq. et Decis. 18. n. 17. et seq. et Decis. 22. n. 30. et seqq. et Tomo 4. Decis. 7. n. 33. Coras. SC. Tolos. Cap. 52. Asin. de Execut. §. 3. Cap. 225. et seq. Ant. Massa Galet. de Judic. bonæ fid.

n. 20. Marc. Lycklama ad L. vinum. 22. de reb. cred. n. 7. et 8. Pinel. in L. 2. Cod. de resc. vend. P. 3. C. 3. n. 12. qui docet verum ejus sensum esse, ne iudicetur de re in iudicio non tractata. Perperam vero ac crasse ita accipi quasi iudicis arbitrium et potestas recedere nequeat a desiderio actoris. Limitant hanc regulam in criminalibus, vid. Mynsig. 4. Obs. 81. et ubi proceditur sola facti veritate inspecta, Raudens. Decis. 5. n. 91. item Principe superioris nescio iudicante, Lancell. Conrad. Templo om. iud. §. 3. de obligat. Imperatoris v. iudicare secundum conscientiam, Chassanæ. Catal. gloriæ mundi P. 5. Consid. 24. n. 131. item quando clausula; peto mihi jus, etc. adiecta, Gilman. Lib. 2. Decis. Cam. 52. n. 32. Male hoc omnino. Confer. not. supra Lib. 23. C. 4. N. 4. clausul. 11.

tamen actor non senserit, aut quæ ille iure petere non potuerit initio, etsi in ea causa sint ante sententiam, ut peti possint? hæc enim sunt, de quibus in hac specie solet dubitari. Et licet de re tota definire breviter hoc modo.

IV. In his, quæ aperte petuntur ab actore, omne videri in iudicium venisse, quod intentionis verbis continetur, quod quidem commodum sit petitori, quantumvis de eo reus non senserit: præterquam si ab actore quid exceptum sit nominatim, aut post litem contestatam accidit. Quæ nobis definitio explicanda est. Est enim veterum illa quidem: sed quæ nusquam aperte tradita sit: conficiatur tantum ex variis illorum sententiis neque dispositis uno in loco, neque per se satis expositis. Quod ergo dixi id omne videri venisse, quod continetur intentionis verbis: præterquam si quid de his exceptum sit: hoc illud est, quod subobscurè demonstrare voluit Ulpianus in *d. L. solemus*. *Solemus*, inquit, *dicere id venire in iudicium, de quo actum est inter litigantes*. Sed Celsus ait, *periculose ex persona rei hoc metiri, qui semper, ne condemnetur, hoc dicit non venisse*. Quid ergo? Melius est dicere, non id venire, de quo nominatim actum est, ut veniret: sed id non venire, de quo nominatim actum est, ne veniret. Quorum verborum hæc est sententia, non esse spectandum, quid reus existimet a se peti: sed quid verba petitionis significant: omnia videri venisse in iudicium quæ contineantur verbis intentionis, nisi si quid sit, de quo nominatim actum sit, ne veniret. Non addit Ulpianus illa verba; Quæ contineantur verbis intentionis. Sed prorsus totum hoc ita intelligendum est. Absurdum sit enim si quis dicat, hereditate petita res proprias petitoris venisse in iudicium: aut fundo petito venire supellectilem, quia neque res propriæ petitoris, neque supellex exceptæ sint: cum alterum alterius significatione non contineatur ullo modo, neque ulla comunione cum altero coniungatur. Sed erit, quod de intentione excipitur hoc modo, si proponas petitam esse universam hereditatem excepto fundo Tusculano, qui hereditarius est, quem actor ideo forte patitur esse penes possessio-

rem, quia de eo fundo aliquando cum illo transegerit. Et convenit potissimum hæc definitio verbis generalibus intentionis, et in se multa complectentibus. Quid si erunt ambigua? Congruit superiori rationi Celsi, in ambigua intentione id accipi, quod petitori utilius sit. Quod et receptum est, *L. si quis intentione, D. de iud.* alioqui enim semper dicit reus se de eo non sensisse, atque ita consequetur, ne condemnetur. Finge, Stichum petitem: plures autem eodem nomine fuisse apud debitorem. Nec dicit reus iniquum esse petitori in genere affirmanti sine alia probatione fidem haberi. Hoc enim fieri in hac re illi nihil nocet, si actor non probat eum Stichum, quem dicit sibi debere; cum reus absolvatur. Quod si probet ille sibi debere, jam nihil habet reus, quod queratur, si quod eum debere constet, cogatur præstare. Nisi quis putet in eo fieri illi injuriam, quod coactus sit litigare: qui fortasse litigaturus non esset, si certo scisset, quid a se peteretur. Sed ea res excusare eum potest a sumptibus litis: eximere autem a præstatione rei vere debitæ non potest. Quamquam ne in sumptibus quidem litis habet, quo culpam deprecetur. Etenim si scivit, de quo Stichus actor sentiret, amplius certior fieri non debuit. Si dubitavit, vel hæc ipsius culpa est, quod petitorum non rogavit, quem Stichum intelligeret.

V. Tantum de intentionis verbis excipiuntur duo. Primum, si quid sit, de quo actum sit nominatim, ne veniret in iudicium, *d. L. solemus*. De quo jam dixi, et dubitationem non habet. Deinde, si sit ejusmodi, quod ante intentionem nondum acciderat: sed accadat post litem contestatam, quamvis ante rem judicatam. Huc enim referri debet illud Pauli ex *L. non potest, D. de iudic.* Non potest videri in iudicium venisse id, quod post iudicium acceptum accidit: ideoque alia interpellatione opus est. Cujus rei exemplum licet ab eodem sumere ex *L. Anteus, §. ult. et L. seq. D. de aq. plu. arcer. act.* Egit quis pluvie arcendæ, ut opus, quod factum erat, quo aqua restagnabat, tolleretur, et aqua arceretur. Respondet ille id contineri iudicio, ut opus, quod ante factum erat, tollatur. Si quid autem factum sit,

2) Convenit Nic. Valla *de Rob. dub. Tr. 1. n. 18*. Omnia, id est, quicquid sub petitione proposita, aut libello comprehendendi potest, quicquid in iudicio versatur, veluti fructus, expensæ non petita.

3.) Ambigua petitio accipitur juxta intentionem proferentis, modo postea probatio clara afferatur. Veluti: Ago contra mulierem ex intercessionem. Sustinetur libellus, si postea allegem

causam, cur mulier ea Vellejano non juvetur, ita Nic. Vall. *d. Tr. 1. n. 18. et 19*. Sed concinuis exemplum Donelli petitum ex *L. 83. §. 1. de V. O.* vid. Duar. *ad tit. D. de iudic. f. 164. et ad d. L. 83. §. 1.* qui ostendit, nullam hic esse captionem rei cum requiratur eadem probatio ac si nulla dissensio esset. Non obstat *L. 39. de pact. vid. Ant. Fab. ibid. et Pac. 2. Enant. Quæst. 7.*

sit, post litem contestatam, quamvis eodem loco, novo iudicio opus esse. Atqui verbis intentionis utrumque continetur opus, si verba tantum spectemus. Sed jure non continetur, quod postea accidit. Et merito. Non enim potest in iudicium deduci, quod iure peti non potest. Non potest autem, quod non debetur: nec vero debetur, quod nondum accidit, estque in pendentii. Unde dictum est, iudicium in pendentii esse non posse, vel de iis rebus, quæ postea in obligationem adventuræ sunt. *L. non quemadmodum, D. de iudic.* Sed pertinet hæc definitio Pauli ad rem principalem: non pertinet ad rei petitæ accessiones, de quo paulo post.

VI. Hic tamen de re etiam principali proferuntur nonnullæ actiones, in quibus videri possit, in iudicium venire id, quod post litem contestatam accidit. Nam primum in omnibus in rem actionibus ita ius est, ut possessor rem petitam debeat restituere, quam possidet rei iudicatæ tempore: quamvis post litem contestatam possidere cœperit. *L. 4. D. de pet. her. L. quæsitum, D. de pecul.* ut videri possit, in iudicium et sententiam venire possessio, quæ tamen postea contingit. Deinde cum agitur adversus patrem de peculio, etsi quid redactum sit in peculium post litem contestatam: tamen eatenus pater eo iudicio condemnatur. *d. L. quæsitum.* Postremum in pignoratitia actione hoc iuris est, ut cum ea actione frustra conveniatur creditor, nisi omnis pecunia soluta sit; si tamen actum sit, et debitor postea ante rem indicatam pecuniam offerat, non novo iudicio sit opus, sed creditor eodem illo iudicio condemnatur. *L. si rem, §. ult. D. de pig. act.* Et sunt sane supra scripta omnia, ut possideat nimirum reus, ut peculium habeat, ut pecunia solvatur: sunt, inquam, hæc omnia eiusmodi, quæ eveniant post litem contestatam: sed non ea, quæ veniant in iudicium, id est, quæ petantur. Nam quod attinet ad actiones in rem, in his res possessa vindicatur, non rei possessio: nisi forte per consequentiam hoc petitur, ut ad nos revertatur. In actione de peculio damnatur de peculio pater, et quidem, quantumcumque id post litem contestatam auctum sit. Interim petitur a patre, quod filius debuit: non petitur peculium. Itaque quamvis ab initio nihil sit in peculio: tamen auctore Proculo recte intendit creditor, sibi dari oportere. *d. L. quæsitum, de pecul.* Denique peculium ut principaliter in iudicium non venit: sic nec venit in condemnationem: tametsi sine peculio creditori non satis fieret. Tantundem de pignoratitia actione licet dice-

re: in qua constat rem pignori datam peti, eoque et deduci in iudicium, non item pecuniam creditam: etsi non oblata pecunia res inutiliter petatur.

VII. Tacite petuntur, quæ verbis intentionem non expressa per consequentiam rei petitæ et ipsa petitæ intelliguntur. Quo in genere sunt fructus, et reliquæ accessiones rei petitæ. Quisquis enim fundum petit, etsi nihil adiciat aliud: tamen vi ipsa id quoque petere intelligitur, quod fundus si statim datus restitutusve esset, adiceret petitori, et sine quo non videatur fundus ab initio datus esse. Non videatur autem datus, nisi una et fructus postea percepti, et similes accessiones restituantur, quia si statim datus esset fundus, haberet actor et fructus, et cætera, quæ deinde ex re nata sunt, eive accesserunt. Itaque quamvis illa nominatim designata et petitæ non sint una cum re: puto tamen venire omnia in iudicium sua sponte, quasi petitæ hoc ipso quod res principalis petitæ est: et iudicem, qui reum de re petitæ condemnavit, debere quoque et illum condemnare de fructibus, et cæteris accessionibus. Venire illa in iudicium, et debere iudicem de his quoque pronunciare, pluribus locis traditum est, quam ut possit de eo dubitari. *L. cum fundus, D. si cer. pet. L. 2. D. de usur. L. illud, D. de pet. her. L. præterea, D. de rei vind.* Sed sunt, qui putent hoc ita accipiendum esse, si et actor petierit: et quia non existimant aliter peti quam si designentur verbis intentionis, addunt, Si actor nominatim petierit. Ego concedam non venire nisi petitæ: sed puto, satis peti hoc ipso quod res petitur principalis. Et ideo Papinianus in *d. L. 2. D. de usur.* ob id ista præstanda esse ait, quod tale quidquam dari debeat, quale est, cum petitur: significans sine his non videri rem dari. Cui congruit, quod Paulus scribit in *L. ex diverso, §. r. D. de rei vind. ubi alienum fundum petii, et iudex sententia declaravit meum esse, debere etiam de fructibus possessorem condemnari.* et addit, Alioquin, ut Martianus ait, nec rem arbitrabitur iudex mihi restitui. Utcunque hoc se habeat, non multum ad rem pertinet fortassis, dum illud constet venire illa in iudicium, etsi nominatim non sint petitæ: hoc autem pene diserte probat Ulpianus in *L. Ediles, §. item sciendum, D. de æd. edic.* Ait enim: post iudicium acceptum totam rem ad hominem restituendum in iudicio versari, et tam fructus, quam id, quo deterior factus est, cæteraque venire. Cæteraque intellige rei commoda. Fructus

ctus igitur, et reliquas accessiones *in iudicio versari ait*. Quid autem addit? *Judici enim*, inquit, *postquam iudex factus est, omnium rerum officium incumbit, quæ in iudicio versantur. Ea autem, quæ ante iudicium contingunt, non valde ad eum pertinent, nisi nominatim fuerint ei iniuncta*. Cum ea quæ post iudicium acceptum accidunt, et illa quæ ante, pariter ad iudicem pertinere dicit, cæterum ea ita separat, ut dicat illa, quæ ante contingunt, ad eum non pertinere, nisi nominatim ei fuerint iniuncta: aperte declarat ea, quæ contingunt postea, in quo genere fructus et reliquas accessiones posuerat, in iudicio versari, et ad iudicis officium pertinere, etsi 4 non fuerint nominatim petita, ac propter intentionem actoris nominatim iudici iniuncta. Sed ne longius abierimus, cur solum eos fructus, easque accessiones in iudicium venire dicimus, quæ post iudicium acceptum contingunt: cum constet etiam ea, quæ ante litem contestatam ex re nostra mala fide percepta sunt, in iudicium deduci posse una cum re? An non eo fit, quia intelligimus ea, quæ post litem contestatam contingunt, sua sponte venire, et per consequentiam rei petitæ: illa autem, quæ ante contigerunt, non ita, ut fructus et consequentias rei, sed ut res principales, idest ita si nominatim et principaliter petantur? Neque id injuria. Quæ enim jam ante rata sunt, ea a re separata jam non sunt pars rei, sed per se proprium corpus efficiunt. Quæ vero nascitura sunt postea, ea priusquam consistant, quasi sint in re, aut ex re causam habeant, ut sint, quodammodo pars rei sunt: certe ejusmodi, quæ a re divelli non possint. Quo fit, ut recte dixerimus re principali petita hæc quoque videri petita tacite, ut partes, aut appendices rei istaque ipsa ratione potestate intentionis et iudicii in iudicium venire etiam non nominatim iudici commissa. Interim meminimus loqui nos de iis fructibus et accessionibus, quæ contingunt post litem contestatam: ut appareat hoc dicere nos, deduci ista in iudicium, quamvis post iudicium acceptum incident.

VIII. Cui jam videri potest contrarium illud, quod Paulus generaliter definit, non vi-

deri in iudicium venisse, quod post litem contestatam accidit. *d. Li. non potest, D. de iud.* Sed quod supra monueram, animadverti debet, de 5 re principali illum loqui, non de rei petitæ accessionibus. Etsi enim de re nihil exprimit, tamen quid sentiat, satis declarat sequentibus verbis, cum ait: *et ideo nova interpellatione opus est*. Non est interpellatio, et petitio nova, nisi de re principali. De accessionibus nulla est. Quocunque enim in iudicio agitur de accessionibus, sciendum est unam esse actionem de re duntaxat, circa cujus executionem accessionem ratio habetur officio iudicis. Unde si de accessionibus nihil pronunciarit iudex, nulla de his superest actio. *L. certum, D. de eo quod cer. loc. L. terminato, C. de fruct. et lit. exp. L. 4. C. depo.* Nec abs re est, quod accessiones, quæ post litem contestatam accidunt, in iudicium veniunt: res principalis, quæ postea accidit, non item. Res enim petita accessiones quoque suas secum trahit: ut consequens sit, cum illa quovis modo in iudicium deducta erit, quandiu in iudicio versabitur, tandiu per eam versari quoque in iudicio rei accessiones quæ ante rem judicatam acciderint. Res ipsa principalis cum ab alia re non trahatur, non potest nisi per se propria actione petita sit, in iudicium deduci. Non est autem actio et petitio de re qualibet, priusquam debeatur: nec debetur, quod postea futurum est, priusquam accidat. Ita fit, ut ante quam accidat, non possit in iudicium venire.

IX. Ipso 6 jure deducuntur in iudicium sumptus et impensæ litis. In iudicium venire constat: cum jubeatur iudex eum, qui victus est in impensas litis condemnare causa prius cognita, an æquum sit, eas a victo dependi: ut supra dixi. Dico eas venire in iudicium ipso iure: quia ita iubetur iudex constitutionibus victum in impensas litis condemnare, ut nihil distinguatur, utrum de his ulla mentio facta sit in lite contestanda, an non sit. Verba Justiniani de hoc genere hæc sunt in *L. properandum, §. sive autem, C. de iud. omnes iudices, qui sub imperio nostro constituti sunt, sciant victum in expensarum causa victori esse condemn-*

4) Vid. *supra Lib. 20. Cap. 6. ibique not.* et confer Vant. *de Nullit. sent. ex defectu processus* n. 97. Georg. de Cabedo *Decis.* 68. Parte 1. Exactius hæc in præsentiarum expendere nec vacat, nec locus est.

5) Ita et Don. *ad L. 31. de reb. cred.* n. 6.

6) Vulgo tamen plures docent in expensas condemnationem non fieri nisi nominatim petitæ sint, Damhuder. *Praxi civ. Cap.* 108. scribens ex usu iudiciorum requiri expressam

petitionem, Gœd. *ad L. 7. de F. S. num.* 11. Obrech. *de Concip. libell. C.* 16. n. 31. Sed Donello consentit Nic. Valla *de Reb. dub. Tr.* 1. n. 18. Alii posse iudicem ex officio non petitas adjudicare, sed non teneri, ut citati *supra Lib. 23. Cap. 4. N. 4. claus. 5.* et Gail. 1. *Obs.* 152. n. 21. Myns. 4. *Obs.* 55. ubi ita observari in Camera testatur, si æquum visum sit, idque maxime vi clausulæ, qua petitur jus et justitia ministrari.

*mnandum, quantum pro solitis expensis litium juraverit: non ignorantes, quod si hoc prætermiserint, ipsi de proprio huic poenæ subjacebunt, et reddere eam parti læsæ coarctabuntur.* Hæc Justinianus. Et quomodo tandem petantur impensæ prius, quam debeantur? Quomodo autem deberi possunt, prius, quam factæ sint? Quamobrem eas jure in judicium deduci necesse est, non postea petitione.

X. Apparet ex his tria esse in summa, quæ veniant in judicium, rem judicio petitam nominatim, fructus et reliquas accessiones rei petitiæ, quæ quidem post judicium acceptum contingant, item sumptus et impensas litis: quanvis neque accessiones, neque sumptus nominatim petita sint. Quod si verum est, quod initio definivimus in id, quod in judicium deductum est, condemnationem fieri oportere, non in aliud, efficitur, *ut quot nominibus petitor rem petitam in iudicium deducere teneatur*, totidem esse, quæ judex, si reum condemnet, sententia

*Tom. VI.*

complecti debeat, ut reum in ea condemnet. Sin absolvat, unam esse rem, in quam actorem condemnare debeat, litis sumptus. Eademque regulæ consequens est, sic judicem debere reum in hæc condemnare, ut in alia non possit: ac de accessionibus, itemque sumptibus litis quid pronunciare debeat judex, supra dictum est. De re petita ne dubitetur, hanc ideo dici in judicium venire, quod judex reum in hanc ipsam rem condemnet, non in aliam. Justinianus in *L. ult. C. de fidei. liber.* se mirari ait eum judicem, qui homine legato petito heredem condemnaverit non ad hominem, sed in æstimationem hominis; significans fuisse ex jure, et officio judicis, ut reum in hominem petitem condemnaret, non in aliam rem, ne si damneret quidem in æstimationem. Et merito id quidem. Quid enim agitur judicio, nisi ut eo consequamur, quod in judicium deductum est? Quomodo autem id consequemur, nisi judex reum in id condemnet?





## C A P. V.

Quibusdam in caussis receptum esse, ut condemnatio fiat, aut in æstimationem speciei petitæ, aut in id, quod interest: et quibus.

*Condemnatio fit in petitæ rei æstimationem, quoties necessitas suadet, aut æquitas. I. Necessitate fit ea condemnatio, cum res interiiit mora debitoris; cujus temporis æstimatione tum ineunda. II.*

*Æquitate vero quatuor ex caussis 1. cum petitur aliena res, quæ immenso pretio veneat a domino; qualis hic æstimatione. III.*

*2. Cum legatus servus petitur, qui aut est pater, aut naturalis filius heredis. IV.*

*3. Cum res commode dividi non potest: hujus divisionis exempla. V.*

*4. Si sit ea res, quæ potest esse pluris, aut minoris post rem judicatam: quæ res sint tales. VI. VII.*

*Talium rerum æstimationem fieri aut ex die quo convenit ut darentur, aut ex quo earum lis contestata in strictis judiciis, in bonæ fidei secus. VII.*

*In eas res quæ sua specie æstimantur, licet in genere petitas fit condemnatio. VIII.*

I. **E**Tsi hoc ita actionis et judicii ratio exigere videtur: non tamen est perpetuum. Receptum est enim compluribus in caussis, ut condemnatio fiat non in rem petitam, sed in rei petitæ æstimationem, idest, in petitione quidem dandi, in id, quanti ea res est, quæ petitur: in petitione autem facti, in id quod interest. Quod et ipsum æstimatio est facti, vel utilitatis ejus, quam ex facto actor consequi potuit. Cur ita placeat (quando a superiore regula sine magna et evidenti causa recedi non oportet) causæ genere duæ sunt. Alias necessitas hanc condemnationem exprimit, si quidem actori satis factum volumus: alias suadet æquitas, et utilitas rei.

II. Illic necesse est hoc ita fieri, cum res petita aut culpa rei, aut post ejus moram in rerum natura esse desiit, facit culpa vel mora rei, ut quanvis sit perempta, teneatur is nihilominus. *L. item si, in fin. L. qui petitore, §. 1. D. de rei vind. L. si servum, in prin. et §. sequitur, D. de verb. oblig.* Sed enim non potest ea res deberi, quæ na-

*In actionibus, in quibus ut quid fiat, petitur: ubi res interiiit, qua de agitur, perpetuo fit in id quod interest condemnatio. IX.*

*Ubi vero res extet, etiam post judicis de re restituenda jussum superest in actionibus in rem condemnatio ad id quod interest, et quomodo. X.*

*Ut et in actionibus arbitrariis. XIII.*

*In actionibus in quibus ad dandum agitur, fit statim in eo condemnatio ut detur res, aut æstimatio. XI.*

*Cur aliud in actionibus in rem. XII. XVII.*

*In actionibus, quæ ex faciendi obligatione nascuntur, in id quod interest statim fit condemnatio. XIV.*

*Ratio. XV. XVI.*

*De eo quod interest, et de illius æstimatione quo in loco tractaverit auctor. XVIII.*

*Aditus ad Cap. seq. XIX.*

tura præstari non potest. *L. in re, D. de cond. furt. L. impossibilium, D. de reg. jur.* Nec vero potest quisquam jure damnari in eam rem, quam non debet. Sic enim definitur actio, jus persequendi iudicio, quod nobis debetur. Quo fit, ut re perempta si quid debeatur a reo, debeatur rei peremptæ æstimatio, in eamque ipsam condemnari debeat: quod et receptum est *d. L. in re, L. arbitrio, in prin. vers. non tantum, D. de dolo.* Et ut nihil dicatur amplius, vel hoc ipsum satis causæ est, cur in hac re non debeat reus in rem petitam condemnari: quod si damnatus erit, sententia nihil egerit: cum ea res non possit præstari. Hic vero, si quæ-ratur, cujus temporis æstimatio facienda sit, distinguamus ex sententia *L. 3. de cond. trit.* ut siquidem res deterior facta non sit ante, quam interiiit: tum spectetur non quidem novissimæ vitæ tempus, ne ad exiguum precium æstimatio redigatur: sed illud, quo incidit in morbum, vel vulnus accepit, ex quibus rebus interiiit. Sin ante facta sit deterior, tum ad tempus more reducatur æsti-

matio: idest, tanti res æstimetur, quanti plurimi fuit, cum mora facta est. *d. L. in re, §. 1. D. de cond. fur.* hoc ut dixi necessitas rei exigit. Sed etiam tum, cum potest res per rerum naturam præstari: tamen multis modis æquum est, reum præstatione rei petitiæ liberari, proindeque damnari potius in æstimationem.

III. Cur ita videatur æquum, quatuor sunt causæ. Interdum res aliena est, quæ petitur, quam dominus vendit quidem: sed non nisi immenso precio. Non est æquum, si reus non desierit eam rem dolo malo possidere, cogi eum emere rem, quam non habet, ea conditione, ut supra iustam æstimationem oneretur. Alioqui plus cogetur præstare, quam debuit. Ita, quoniam alia conditione rem habere non potest: restat, ut non in rem, quam non habet, sed in veram æstimationem eius adversario damnetur. Hoc faciendum esse in re aliena legata, quæ exigatur ab herede, quam eandem dominus aut non vendat, aut vendat immenso pretio scriptum est in *L. si domus, §. qui confitetur, D. de leg. 1.* Cur non idem respondeatur in omnibus rebus debitis, quæ dolo debitoris non absunt: ratio reddi non potest. In quo rursum si quæretur, cuius temporis æstimatio spectanda sit, cavetur in *d. L. 3. de cond. trit.* quod hic teneamus, ad hanc sententiam: ubi de æstimatione rei, quæ adhuc exstat, quæritur (quod hoc casu contingit) spectandum esse condemnationis tempus duobus temporibus. Uno cum res ante deterior facta non est, ut nunc quidem non sit minoris, quam fuit tum, cum petita est: altero, cum facta quidem est deterior, sed reus in re præstanda moram non fecit, quod accidit cum rem nunquam habuit, ut in ea specie, de qua agimus. Nam si moram fecerit in ea re (quod fit, cum rem habuit cum petebatur, quam deinde consulto alienavit), eaque deinde deterior facta sit: faciendum est idem, quod supra, ad tempus moræ videlicet reducenda æstimatio est.

IV. Interdum res debitoris est, habetque is eius præstandæ facultatem: sed humanitas facit, ne res ab illo abstrahi debeat, dum æstimationem offerat. Quod probatum est in servo legato, qui sit pater heredis aut filius eius naturalis, quem legatarius ab herede petat. Plus quam humanum est, concedere hoc affectui et caritati patris, ut filium apud se habeat: pietati filii, ut apud se habeat patrem: humanum et illud habere rationem libertatis, ad quam credibile est, filium a patre, patrem a filio retineri, et hanc ante-

Tom. VI.

poni affectioni nescio cui actoris, qui dum habeat æstimationem, nullum eius incommodum est, si servo carcat, pro quo facile alium possit parare: hoc idem scriptum ab Ulpiano eodem loco, quo superius, positum est in *d. L. si domus, §. qui confitetur, de leg. 1.* de tempore, quod in hac re æstimanda spectetur, idem quod in superiore specie tenebimus.

V. Nonnunquam ideo æquum rem ab eo, cum quo agitur, retineri: quia cum hoc ei utile est: tum vero non expedit ne actori quidem ipsi, rem ad illum transferri, ut petit. Quod accidit in iudiciis divisoriiis familiæ ereiscundæ, communi dividundo; tum, cum de una re dividenda agitur, quæ non potest ita dividi, ut singuli ex sociis rei communis partes divisas obtineant sine incommodo. Et ideo cum in his pars divisa petatur a singulis; tamen officium iudicis in eo genere tale est, ut cum res commode dividi non poterit, ut homo, bos, equus, non eam dividat: alioqui eam perdet: sed quod ex usu est utriusque, eam totam uni adiudicet, et re æstimata eum invicem in æstimationem partis, quam habet amplius, quam pro iure communionis, alteri condemnet. Sin ita possit, res dividi sine detrimento, ut tamen effici non possit, quin unius pars alterius partem superet: iubetur index dividere quidem hoc modo, et singulis adiudicare partes: sed ita, ut quia plus uni tribuit, quam iuxta divisio postulat, hunc invicem certa pecunia, nempe in æstimationem ejus, quod amplius ei adjudicavit, alteri condemnet. Idem observatur in iudicio finium regundorum, si evidentioribus finibus distingui agros commodius sit, quam olim fuissent distincti. Placet enim ex alterius agro partem aliquam alterius agri domino adjudicari debere ita, ut is alteri in certam pecuniam condemnetur: hoc apud Justinianum, in *§ eadem, et seq. Inst. de off. iud.* Cætera in his iudiciis, quæ sunt in officio iudicis: nempe, si plures sint res communes, ut singulas singulis adiudicet, et si in alterius persona prægravare videbitur, ut hunc certa pecunia alteri condemnet: tum ut si quid in rebus communibus damni quis dedit, sive quid ad quem pervenit ex re communi, is eo nomine pro parte alteri damnetur: sin contra alicui sociorum quid abest societatis nomine, ut ei sententia iudicis pro parte sanciat: quibus in rebus versantur illæ, quæ personales præstationes horum iudiciorum appellantur. *§. si familie, Inst. de off. iud. L. 3. D. com. divid. L. item Labeo, §. familia, D. fam. ercis.* Hæc inquam omnia magis ex

vi, et potestate petitionis, quam contra petitionem statuuntur: his enim modis, ut res communes dividuntur: sic dividuntur commoda et incommoda, quæ per occasionem communione contigerunt: sed ut quisque sociorum nihil eorum amplius ferat, quam proportionem. Petitur autem his iudiciis, divisio, idque agitur, ut a communione recedatur. Itaque nihil ea ad hunc locum. Tantum in his quæritur, quæ sit ratio res dividendi, efficiendique, ut a communione discedens unusquisque suam partem ferat integram, quod ex singulis iudiciis petendum est.

VI. Postremo nonnunquam evenit, ut debitor, si rem præstet post rem iudicatam, sicuti petita est, plus aut minus præstiturus sit, quam habiturus foret petitor, si res statim restituta esset. Quod non est æquum. Ut enim creditor in re de qua non convenit, ut certo die daretur, id habere debet, quod petiit, quale est, cum petitur, quodque ex ea habiturus foret, si eo tempore res data esset, cum petita est: ita dum id habeat, satis est. *L. 2. D. de usur. L. cum fundus, D. si cer. pet. L. illud, D. de petit. hered.* Ut autem plus minus re consequatur petitor, si reus rem ita, ut petita est, præstet, contingit tum, cum genus petitum est earum rerum quarum in genere ipso certa est æstimatione, et eiusmodi, quæ temporibus commutetur. Quales sunt, quæ constant pondere, aut mensura: ut si creditor ex causa mutui petierit decem modios frumenti, aut vini decem dolia: deinde sententia iudicis cogatur reus tot modios frumenti, tot vini dolia præstare. Nam hæc qui petiit, petitionem retulit ad id vinum, quod tunc est cum agitur.

VII. In universum enim probandum est, eum qui suum, aut sibi debitum quid nominat, semper præsens tempus demonstrare intelligi. *L. si ita legatum, D. de aur. et aug. leg.* Finge ergo, minutam esse æstimationem vini eo tempore, cum res iudicatur: si liberatur reus vinum dando, non consequitur creditor eam æstimationem, quam, si vellet, esset habiturus, si statim vinum datum esset: fac contra auctam esse æstimationem. Si cogitur reus vinum dare, plus petitor conse-

quitur, quam consequeretur, si statim vinum esset restitutum. Quorum utrumque cum, ut dixi, sit iniquum, et contra rationem iuris: consequens est in vinum, quod nunc est, non debere reum condemnari: sed in id, quod fuit, cum petitum est, quod ita fit, si damnetur in eius vini æstimationem. Nec quisquam dicat, si vinum, quod petitum est, ab initio datum foret, petitorum eius æstimationem fuisse habiturum, quæ postea secuta est. Qui scis enim, si id datum esset, an fuerit usque ad rem iudicatam permansurum? Nam profecto alienati potuit, et consumi a creditore et ipso casu perire. Et vero cum datum non sit, non possumus affirmare id fuisse mansurum, quod datum esse, et mansisse non constat. Idem de specie certa petita dici non potest. Etsi enim hæc, si data esset initio, perire eodem modo potuerit, et consumi, tamen quia id factum non esse constat, cum exstet res etiam nunc tempore rei iudicatæ; ideo in re certa, quod evenerit spectare oportet, non quid potuerit evenire: hæc causa est, cur placeat vino petito in genere condemnationem fieri debere in æstimationem vini: et in hac si quærat, cuius temporis æstimatio spectanda sit, eius temporis esse spectandam, quo convenit, ut vinum daretur: si non convenit, tum esse spectandum, quanti vinum fuerit cum lis contestata est. *L. vinum, D. si cer. pet. L. ult. D. de cond. triti.* Sic enim fiet, ut consequatur creditor id, de quo actum est, vel quod petiit, quale tunc erat, nec quidquam amplius, ubi certum non sit, petitorum id habiturum fuisse: quavis res statim esset restituta. Et hoc spectatur in strictis iudiciis. In bonæ fidei iudiciis rei iudicandæ tempus, quanti res sit observatur. *L. 3. §. in hac, D. commod. L. 3. §. ult. D. de actio. em.* Sed de hac re tota disserui: diligentius in *L. vinum, D. si cer. pet.*

VIII. Illud animadvertendum fieri hanc condemnationem in genere earum rerum, quæ pondere, numero, aut mensura constant, quia recipiunt certam æstimationem, in singulis ponderibus et mensuris, in quam proinde condemnatio fieri potest. Cæteris autem rebus, quæ sua

1. De quo et fuisse disceptant Anton. Fab. 16. *Conject. 1. et seqq. et 16. Err. Prag. 1. et seqq. ac Cod. suo Titul. Si cert. pet. definit. 7. et seqq. Andr. Kothl. Exercit. legati 10. et seqq. Marc. Lycklama in Repet. d. L. vinum. Casp. Schifordeghe. Lib. 1. ad Ant. Fab. Tract. 20. et seqq. Strictius Gœd. de Contr. stip. Cap. 11. Concl. 6. Vaud. 1. Q. 41. n. 19. et seqq. Charond. 1. Verisim. 12. Andr. Clud. de Condict. cert. C. 4. n. 125. et seqq. Arumæ. de Mora C. 8. n. 5. Jo. Kitzel. de Oblig. Mutui C.*

9. Confer. Munoz. de Ratiocin. C. 17. Ego me huic liti non implico, quam alio tempore pro virili tractabo in Comm. de bona et mala fide, etc. De æstimatoribus, qui pretium definiunt, vid. præter citatos supra Lib. 21. C. 1. N. 4. Valasc. Praxi collat. C. 9. Jo. Garcia Gallec. de Expens. C. 24. Menoch. Adipisc. possess. Remed. 5. n. 162. et seqq. add. Nov. Sax. Elect. 32. p. 1. et ibi Moller. Confer. Dominic. Soto Lib. 6. de Just. et Jur. Q. 2. Art. 3.

sua tantum specie æstimantur, generaliter petitis, ut homine, equo, bove, non solum in hæc eadem condemnabitur reus: sed etiam ita eum condemnare necesse est, non in rei petitiæ æstimationem: homine quovis generaliter petito, ut non omnes homines simul petiti intelliguntur, sed unus homo ex omnibus: sic non potest nisi unus æstimari, et is quidem: qui sit certus, et quam prius constituerit debere dari: hoc autem ante sententiam constare non potest. Quis enim detur, in electione rei ita positum est, non actoris. Ita cum non sit, quod æstimetur, necesse est, qualis petitio fuit, talem quoque fieri condemnationem: adde quod non est periculum, ne hoc modo majoris pretii hominem actor consequatur, quam ab initio petiit. Cum enim certum hominem nullum petierit: apparet eum nec certi pretii hominem petiisse.

IX. Eædem causæ et similes efficiunt in iis actionibus; quibus, ut quid fiat, petitur: ut fiat condemnatio maxima ex parte, non in hoc, ut reus faciat, quod petatum est, sed in id quod interest id fuisse factum. Petitur, ut quid fiat in actionibus in rem omnibus, in quibus hoc agitur, ut res petita restituatur. Item in actione ad exhibendum, tum in actionibus in personam, quibus aut ad rem restituendam agitur, quæ a nobis perfecta sit, cujus proprietates a nobis non recesserit; ut commodati, depositi, mandati; aut ad rem tradendam, ut in actione ex stipulatu, cum rem stipulati sumus. Siquidem ergo res, de qua agitur, interiit, eadem necessitas, quæ supra, cogit condemnationem fieri in id, quod interest; postquam non possit reus utiliter damnari ad restitutionem, exhibitionem, traditionem ejus rei, quæ restitui, exhiberi, tradi non potest. *d. L. arbitrio*, in princ. vers. *non tamen*, *D. de dolo*.

X. Sed etsi res extabit, et erit, quod natura possit præstari: tamen ea est horum iudiciorum conditio, ut quemadmodum dixi, magna ex parte condemnatio fiat in id, quod interest. Interdum quidem, ut reus faciat, quod petitur, sed raro: et quanvis id factum sit primo: tamen ut plurimum pergit iudex, et summa condemnatio est in id, quod interest. De causis paulo post. Ante, quod sit in his iudiciis circa condemnationem iudicis officium breviter dicam: quando id est ab eo, quod in aliis iudiciis receptum est, longe diversum, et de eo inter omnes convenit. Ergo in actionibus in rem officium iudicis tale est. Primum, quia de jure rei

petitiæ agitur, quo jure actor rem ad se pertinere, et sibi restitui debere intendit; ante omnia declarat sententia sua iudex, rem controversam eo jure esse, quo intenditur. Ut si rem suam esse intendat actor, declarat iudex, ejus esse. *L. ex diverso*, §. 1. *D. de rei vindic.* Quod proximum est, quoniam petitur rei restitutio: in re exstante (de qua nunc nobis sermo est) semper jubet possessorem rem restituere: hunc jussum pro justa sententia esse fortasse quis existimaverit, sic ut eo interposito necesse sit iudici quiescere, tanquam officio suo functus sit: ut qui hoc modo pronunciaverit de re controversa, et reum condemnarit. *arg. L. iudex*, *D. de re jud.* Et habetur quidem certe hic jussus pro sententia interdum: verum non semper, sed et post hunc restat etiam nunc iudici sententia ut plurimum, qua reum in id, quod interest, condemnet. Quod cum ita sit; non tantum, quia hic jussus adeo dissimilem vim ad iudicium transigendum habet: sed etiam, quia hoc totum jus posterius hujus generis actionum proprium est, et ab aliarum actionum jure abhorret; quale sit, præcipue in officio ejus, qui de hac actione judicat, considerandum est. Si quidem ergo possessor jussus rem restituit, aut non restituit quidem, sed eam habet in potestate: jussus pro justa sententia est, sic uti ultra nihil habeat iudex, quod de re pronunciet, et in quo reum condemnet. Priore casu, quia possessor jussui parendo, eumque voluntate sua ita confirmando, nihil reliquit iudici, quod amplius de re pronunciaret. Posteriore, quia etsi possessor non paret iudici volens: tamen magistratus jussum exsequendo rem ei aufert etiam manu militari, quomodo efficitur, ut jussus sententiæ, et rei judicatæ vim obtineat. Hæc colligimus ex *L. qui restituere*, in princ. *D. de rei vind.* Quod si restituere jussus, neque rem restituit, neque eam in potestate habet, dum eam aut dolo malo, aut culpa desit possidere: hic jam incipit superior jussus in ea causa esse, ut habeatur pro admonitione duntaxat, et arbitrio iudicis, tanquam amici officio fugientis monentisque, ut possessor rem restituat: non etiam pro condemnatione. Etenim, si pro condemnatione haberetur, judicata res esset, et sive bene, sive male, officio suo functus esset iudex, nec ultra posset progredi. *d. L. iudex*, *D. de re jud.* Nunc autem hoc servatur, ut quasi sententiam non dixisset prius, sequatur ejus a condemnatione nova, qua damnatur reus in id, quod

2) Et hinc quia condemnatio sequitur, jussum illum, seu

arbitrium nunquam esse sententiam, arguit Ant. Fab. 16.

quod interest. Hoc in *d. L. Qui restituere*, 2. respon.

XI. Non idem fit in iis judiciis omnibus, in quibus ad dandum agitur. In his, si damnatur reus, ut rem det, nihil amplius quaeritur: si damnatur in aestimationem, statim damnatur, nec ullus praecedit iussus, ut rem det, ut sic ea non data sequatur condemnatio. Et recte. Non enim est necesse. Si namque damnatur reus rem dare, et non dat, nihil opus est propria cognitione, et sententia de rei estimatione, quæ certa esse potest sine iudice, quamdiu res exstat. Si damnatur in aestimationem, id tum fit, cum æquum est reum in rem ipsam non damnari, ut supra diximus; ut proinde: vel stultum, vel iniquum sit jubere rem dari, quam scias dari non debere.

XII. Cur ergo in actionibus in rem, et similibus contra fit potius? Quia iudicii necessitas tale officium iudicis exigit. Nam primum in his quamdiu res restitui potest, æquum est semper reum juberi, ut rem restituat: ob eam causam, quam mox dicam. Quod si restituere iussus non restituit, neque rem habet, nihil est jam, quod ab eo, exigatur, præter facti aestimationem, ea est autem id, quod interest. Atqui ad id aestimandum sententia iudicis opus est. Res enim in facto posita est, quatenus cuiusque interest, et disquisitione indiget non minore, quam reliqua, quæ in iudicium deducuntur. *L. quatenus, D. de reg. jur. L. ult. D. de prætor. stipul.* Hactenus igitur et officium iudicis fuit protrahendum: alioqui sententia sua controversiam non diremerit.

XIII. Quod in actionibus in rem juris est, idem locum habet, et in actionibus in personam, in quibus agitur de re restituenda, quæ quidem profecta sit a nobis ita, ut a nobis proprietas non recederet, ut commodati, depositi, item in interdictis, quibus id agitur, ut opus, quod factum est, restituatur. *d. L. qui restituere*, in fin. Idem placet, et in actione ad exhibendum. §. *præterea*, *Inst. de action.* Ita pendet in his condemnatio ex arbitrio iudicis: id est ex eo, utrum iudicis arbitrio pareas, necne: unde et arbitrariæ dictæ sunt huiusmodi actiones, *d. §. præterea*.

XIV. Reliquæ sunt actiones in personam, quæ ex obligatione faciendi nascuntur, ubi

quid tradi debet. Et exstat in *L. si quis ab alio*, in fin. *D. de re judic.* de faciendi obligationibus definitio huiusmodi: Evenire hoc in omnibus faciendi obligationibus, ut si non fiat, quod promissum est, condemnatur reus in pecuniam numeratam, id est, in id, quod interest. Qua declaratur et in tradendi obligationibus, sive actionibus iis, quæ inde nascuntur, isto modo reum condemnari: et quoniam dicitur non agi isto modo, sed isto modo condemnationem fieri, hinc colligimus sic condemnari reum in omnibus, non tantum si creditor egerit in id, quod interest; quod dubitationem non habet: sed etiam si petierit ab initio rem sibi tradi, quæ ex empto, aut stipulatu tradi debuit. Quorum utrumque et cum restituendi obligationibus congruit. Nam et tunc cum ad restituendam rem agitur, etsi jubetur primo reus rem restituere: tamen si non fit, quod debetur, jam dixi condemnationem fieri in id, quod interest. Sed hoc distant aliæ actiones ab aliis, quod eæ in quibus ad dandum, tradendumve agitur, arbitrariæ non sunt. Qua ex re intelligemus, in his nulla habita ratione, utrum possit reus tradere nec ne; prætermisso præterea jussu, ut reus tradat, statim condemnationem fieri in id, quod interest.

XV. Nunc conabor huius juris rationem exponere. Ergo in obligationibus faciendi, si non fiat, quod promissum est, condemnatio fit in id quod interest: primum cum promittit quis quid se facturum, non tam factum videntur cogitasse contrahentes, quam facti utilitatem. Ex quo est, quod jam ab initio in ejusmodi obligationibus existimatur id, quod interest contineri. *L. si pœnam*, *L. quoties quis*, 81. *D. de verb. obl.* Et illud, quod est consequens, quod dicitur justa aestimatione facti dandum esse petitionem. *L. stipulationes non*, vers. *Celsus*, *D. eod.* Qua de re si quis plura desiderat dixi, quantum satis esse videbatur, ad *L. si quis ab alio*, *D. de re judic.* et ad *L. stipulationes*, de *V. O.*

XVI. Secundum quæ recte dicetur, eum, qui petit, ut quid fieret in eo, quod prius ad jus ejus non pertinuit, etsi videtur verbis factum deduxisse in iudicium, vi tamen ipsa et sententia verborum utilitatem facti, id est, id quod interest, deduxisse. Tum autem

tem

Conject. 17. et 17. Err. Prag. 6. ac 18. Err. Prag. 4. et passim. Et jussum illum pro interlocutione habent Menoch. Arb. Q. 3. n. 9. Vaud. 1. Q. 54. ac non jure actionis, sed iudicis officio expediri, Mudæ. in §. 1. *Inst. de act.* n. 39.

Sneidvin. *ibid.* n. 62. Menoch. *Adipisc. poss. Remed.* 4. n. 524. Quod Molinæ in *Novo intellectu*, *L. si partem*, 19. *Quem serv. amit. et aliar. quas conjunxit* n. 23. refellere nititur. Sed hac de re quid nostri iudicii, alio tempore.



tem, ut detur deduxisse factum, tamen condemnationis faciendae est potius in aestimationem facti: quia si reus recusat facere, quod promisit, ut hactenus fecit, sententia erit ipsi etiam actori inutilis. Nam magistratus, qui sententiam exsequitur, extorquere ab invito reo non potest, ut faciat. Tantum potest pecuniam, aestimationem ejus, quod interest. Hanc vero non potest, nisi prius certum factum sit, quanti ejus intersit: nec vero potest certum fieri, nisi sententia iudicis: quoniam, ut supra dixi, res in facto posita praecipue inter alias cognitiones definitione iudicis indiget. Sed cur non placet primo juberi reum, ut rem tradat, ut sic expectetur, an faciat necne; tum deinde, ni faciat, damnetur in id, quod interest: Quia nulla aequitatis ratio cogit id expectari, atque ita differri iudicium. Sive enim de affectione actoris quaeritur, ejus affectionis in re, quae nunquam illius fuit? nulla ratio habenda est: sive quaeritur de ejus utilitate, nihil ejus interest habere, quod petit, dum consequatur eam utilitatem, quam ex facto volebat consequi. Quod ad reum attinet, non est metuendum ne dicatur ejus interesse, ne in aliam rem damnetur, quam quae petita est. Cum enim nolit facere, quod eum jure facere oportebat, si ob eam causam damnatur in pecuniam numeratam, id voluntati et contumaciae suae expensum ferre debet.

XVII. In actionibus in rem, itemque his, in quibus ad exhibendum, aut rem constituendam agitur, contra receptum est, contrariis de causis. Primum est aequissimum, quod a nobis profectum sit, et ad nos etiam ju-

re pertineat, id ad nos etiam reverti, si potest; et ut credibile est, id pertinere ad voluntatem nostram, ita in eo affectionis nostrae, non tantum utilitatis haberi rationem. Cum hoc aequum est, tum vero potest iudex consequi, ut fiat, rem, quam possidebit, tenebitque, ei auferendo. Quod si res non possidebitur a reo, quia tamen ab eo recuperari potest: melius est, tempus constitui ad eam restituendam, intra quod expectetur, an is condemnationem metuens jussui iudicis pareat.

XVIII. Quid sit habendum in eo, quod interest, scripsimus in commentario de eo, quod interest. Cujus temporis utilitas in eo spectanda sit a iudice: id est, an aestimandum sit, quod quovis tempore interfuit, an solum, quod interfuit tempore litis contestatae: declaratur in *L. si calendis, D. de re judic.* quem locum illic pluribus exsecuti sumus.

XIX. Illud proprium est hujus loci, diligenter monere et videre quodnam sit in eo officium iudicis; cum et res, quae dari debuit, et in facto id, quod interest, sit aestimandum, non unam in hac re receptam esse aestimandi rationem. Alias aestimatur res, quanti vere est: quod positum est in iudicis cognitione, de qua supra dictum est. Alias quanti res erit ab actore aestimata iurejurando in eam rem illi delato, quod appellatur in litem: id est, rem, quae in lite versatur, aestimet. Quod quia neque fit passim, neque etiam convenit, ideo ubi id faciendum sit, et quomodo in eo se gerat, iudici videntum est.

CAP.



## C A P. VI.

De in litem jurando. Quid sit in litem jurare. Hujus jurisjurandi quæ species.

*In litem jurare, sive jurejurando æstimare litem quid sit; quid potissimum nomine litis significetur. I. II.*

*Tale jusjurandum æquitate exigente receptum esse. III.*

*Cum in rebus quæ dicuntur amissæ, nec probantur; tum in earum æstimatione: posterius hoc quomodo temperatum. IV.*

*Item in sola rei petitæ æstimatione quam constat præstari debere: æstimatio fit aut pro affectione, aut pro rei veritate. V.*

*Hinc esse jusjurandum, quod vulgo nuncupant, affectionis et veritatis: quid sit utrumque. VI.*

I. **I**N litem<sup>1</sup> jurare nihil aliud est in usu juris, quam jurare in litis æstimationem, jurejurando litem æstimare, seu jurare, quanti litem æstimes. Litem accipimus rem, de qua lis et controversia est. Utrumque pene expressit Ulpianus in L. 1. hoc tit. *Crescere potest*, inquit, *condemnatio in judicio per jusjurandum in litem*. Et hoc ita explicat: *nec res*, inquit, *pluris fit per hoc, sed æstimatur ultra rei pretium*. Itemque ex eodem Ulpiano intelligimus in L. 5. et L. 4. §. 1. sed et Marcianus in L. 3. cum dixisset in certis judiciis in litem jurare, subjicit statim: *sed judex potest præfinire certam summam, ad quam usque juretur*. Ecce in summam certam et præfinitam jurare, et in litem jurare pro eodem posita. Ibidem, jusjurandum in litem deferri dicitur, ut inde possit judex rem æstimare. Nec aliud significant illi modi loquendi, in litem jurare, quanti actoris intersit: quantitatis enim verbo æstimationem rei intelligimus. L. 3. L. tutor, L. pen. h. tit. L. 3. D. ad exhib. ubi dicitur, judex quantitatem taxare. Lis igitur, idest, res de qua lis est, ut antea dixi, figura usitata,<sup>2</sup> continens pro contento: unde illa passim in libris responsisque veterum

Jurisconsultorum eodem more usurpata, litem alicui æstimatam esse, aliquem litis æstimationem sustulisse. L. si propter, D. de rer. amot. L. 2. in fin. et L. 3. D. de pro empt. L. nec ullam, §. pen. D. de petit. her.

II. At illud, inquires, quomodo potest recipi, ut in litem interpretemur, in litis æstimationem? Nam si maxime diversa sunt, res aliqua, et ejus rei æstimatio: necesse est, itemdem maxime diversa videri, litem et ejus litis æstimationem, ubi lis pro re, de qua lis est, accipiat. Et necesse esset ita videri, si lis significaret omnem rem, de qua lis est: quo sensu quodcumque jusjurandum interponeretur in lite de re aliqua, id recte diceretur in litem. Sed apparet veteres in hujus jurisjurandi appellatione verbum totius tribuisse præcipuæ parti litis per excellentiam; ut litem dicerent id, quod est quidem in lite, sed quod est summum ac præcipuum, et ad quod totius litis finis atque exitus refertur. Ea autem est damni aut amissi lucri æstimatio, quam actor judicio consequi contendit. Quo fit: parte, atque hoc effectum, qui maxime lite petitur, et in lite versatur, jusjurandum in litem dictum sit, quod esset in ipsam litis, et rei in judicium deductæ æstimationem.

<sup>1</sup>) Materiam hanc plenius tractare, vix sinunt, quæ sequuntur. Nec temperare tamen possum, quin aliquibus corruptionibus A. Fabri occurram. Omittenda itaque plura de quibus consulas ad totam materiam Duar. ad hoc tit. D. in prioribus poster. Comm. Baron. ad eund. et Borch. Synoptice, et Beust. (sed qui brevius) ad Rub. D. de jurej. n. 127. et seqq. Zas. ad Sing. LL. h. t. D. pleniorum tractatum Jo. Bapt. Plot. de in lit. jur. ad L. 9. C. unde vi. Ad præcipua quædam ejusdem Menoch. Arb. Cas. 207. et seq. Coras. 6. Misc. 1. et 3. seqq. et C. 9. ac ad L. in act. 5. h. t. Tomo 1. fol. 606. etc. Charond. 3. Verisim. 8. Vital. L. 1. Var. Lect. 21. et seq. Goed. ad L. 192. de V. S. Sueidvin. ad §. item si 11. Instit. de act. n. 33. et

seqq. et ad §. præterea 31. eod. n. 22. ac seqq. Munnoz. de Ratiocin. C. 9. n. 26. usque ad n. 39. et n. 55. ac n. 73. et seqq. Forst. de Jurisdic. Rom. p. 2. lege Numæ 3. n. 33. et seqq. Matth. de Afflict. Dec. 169. (et ibi in annot. Cas. Ursil.) et Decis. 330. ac 360. Vinc. Caroc. Decis. 12. M. Ant. de Amat. Decis. 165. Virgil. Pincierz. Q. 52. Polydor. Ripa de Nocturno tempore C. 30. et seqq.

<sup>2</sup>) Duar. ad hunc t. D. C. 1. Borch. hoc t. Cap. 1. n. 8. Charond. 3. Verisim. 8. Lis non significat, judicium, ut Azo et Hostiensis, quo in loco judici præstetur, quia hoc commune est aliis, sed rem de qua contentio in judicio.

nem. Sed de verbo satis, et tamen necessario propter nonnullorum de eo dubitationes interpretationesque contrarias. Nunc de re ipsa dicamus.

III. Et cum hoc jurejurando constituatur actor judex in caussa sua invito reo, quod genere ipso iniquum est. *L. Julianus autem, 16. D. de judic. tit. C. Ne quis in sua caussa jud.* certum est, jusjurandum esse ejusmodi, quod temere non fuerit admittendum, et quod dici solet, nihil de solemnibus immutandum, nisi ubi evidens æquitas posceret. *L. etsi, D. de reg. jur. L. pen. D. de in int. restit.* Quam ob causam et hoc jusjurandum quibusdam in caussis ex æquitate ita exigente receptum est.

IV. Receptum est autem alias de rebus, quæ amissæ dicuntur, nec amissæ probantur, simul et de earum rerum æstimatione: alias de sola æstimatione rei petitiæ, quam rem prius deberi aut præstari debere convenit. Prius introductum est constitutione Zenonis adversus eum, qui vi aliquem de possessione dejecit. *L. si quando, C. Unde vi.* Nam si is, qui dejectus est, quædam in ea vi sibi erepta aut amissa, aut corrupta esse dicat, et damnum ad certam summam æstimet; placeat huic juranti credi non solum de æstimatione earum rerum quas prius fuisse, ac per vim amissas esse constabit; sed etiam de ipsis rebus, numero, et conditione earum, quanvis<sup>3</sup> aut non doceat se prius habuisse,

Tom. V.

<sup>3</sup> Ubi statuitur juramento damnum passi, quia plerumque difficilis probationis modus et quantitas damni dati ejusque facultas ipsius adversarii facto prærepta. Modo tamen appareat damnum datum esse, quia hæc qualitas (scilicet generalis, quod vis facta sit, quod res ablata) testibus probari debet, vid. Vasq. 1. *Ill. Contr.* 36 n. 4. Myns. 4. *Obs.* 12 et 5. *Obs.* 71. Zobel. *Diff. jur. civ. et Sax.* 30. p. 1. n. 4. et 5. Ant. Fab. 18. *Err. Prag.* 8. Qui hoc jusjurandum Zenonianum vocat veteri jurisprudentiæ ignotum. Eique ut locus sit, requiri vult (1) ut non aliunde apparere possit, quid quantumve ablatum, vid. Plot. §. 2. n. 1. et seqq. (2) Odium violenti invasoris. (3) Ut citra hoc res æstinari nequeant, Myns. d. *Obs.* 12. dno requirit: Probandi difficultatem et delictum adversarii, ideoque heredi speciali hoc non deferri, sed huic aliter probandum esse, ut tamen ejus imperfectæ probationes jurejurando necessario suppleantur. In herede vero, si instructus sit de damno, contra haud temere sentit Coras. *ad L. 5. hoc tit. n. 29. in fin.* quia hic odium dolosi solum spectatur, nec lex minus affecta erga conscientiam heredis (alias sæpe totius litis commodo hic privaretur. Idem Myns. d. *Obs.* 71. jurejurando huic locum non esse, quando non contra ipsos raptores, sed dominos ditionum, qui depredationis damnum sarcire aliqua ex causa tenentur (veluti mercatoribus ad nundinas proficiscentibus) agitur, Plot. §. 2. n. 32. Koppen. *Decis.* 37. n. 13. Plerisque Italiæ locis statuta ut juramento damnum passi credatur, Bargal. 3. *de Dolo* 14. n. 7. Cum autem statutum disponit, standum esse juramento, pro plenaria probatione, non recipitur contraria probatio non recipitur contraria probatio non recipitur, ita Jo. Ant. Trigona *Singul.* 55. Secus si simpliciter dicat standum esse, ut citati a Rauchb. P. 1. Q. 9. n. 35. Conventionem quoque ut nudæ assertioni damnum passi stetur valere sentit post alios Vasq. 2. *Contr. usu freq.* 29. n. 5.

aut cum haberet, per eam causam amisisse: et in summa credi actori, se ad hanc aut illam summam damnum passum esse juranti, et ut nunc loquimur, litem jurejurando tanti aut tanti æstimanti: cum hoc tamen temperamento, ut judex pro personarum et negotii qualitate taxet certam summam, quam actori jurejurando excedere non liceat, ut illic in commentariis ad illum titulum exposuimus.

V. Alterum de æstimatione scilicet rei petitiæ, quam rem prius præstari debere constat, jusjurandum in litem vetus est, solumque veteribus cognitum atque explicatum. Cui locus est in judicio de re principaliter petita, adversus eum, qui eam rem non præstat dolo culpave, ut infra docebo. Hic prætereundum non est, duplicem æstimationem adversus frustratores reos actori concessam esse, in quam et juratur, atque ex ea et de jurejurando in eam admittendo varie statuitur. Interdum ob rem non præstitam permittitur actori rem æstimare pro arbitrio atque ex affectione, ut in hanc æstimationem reus condemnatur. *L. 1. L. tutor, D. hoc tit.* Alias æstimatur res ex vero, seu quanti est, ut non amplius sententia judicis præstetur. *L. 2. §. 1. eod.* quæ et sollemnis atque usitata rerum æstimandarum ratio est. *L. prætia, D. ad L. Falc. L. si servum, D. ad L. Aquil.*

VI. Hinc 4 duplex jusjurandum de æsti-

22

ma-

De quo vid. Jo. Bapt. Plot. h. *Tr.* 47. Jure Saxonico hoc violentiæ casu receptum juramentum minutionis vel minorationis. Soli enim juratæ assertioni ac æstimationi actoris creditur, (modo res non eæ sint quibus certa jure estimatio) si ne taxatione judicis, nisi reus juramento suo illam moderetur aut minuat, vid. Fachs. inter *Diff.* Zobel. 30. P. 1. n. 6. Beust. *ad Rubr. de jurejur.* n. 107. Coler. *de Process. exsec.* in præfat. n. 15. Rauchbar. P. 1. Q. 9. tota, ubi n. 26. et seqq. ejus differentiam a jurejurando in litem percenset. Querit. *Duar. ad h. t. D. n. 53.* an pecunia in sacculo deposita, si is resignatus reddatur deponenti et hic jurare velit pecuniam subtractam esse credatur. Affirmantem æquiorē vocat, cum primis si apud cauponem depositum. Inhumana enim eorum sententia, qui res omnes sacco inclusas cauponi patefaciendas esse, nec aliter illum teneri quam singularum recepta custodia. Quippe et durum ad pandenda patrimonii secreta cogi, *L. 2. C. de alim. pup.* et periculi plenum. Modo tamen dolus cauponis ex conditione personarum aliisve conjecturis pateat, qui sola resignatione non arguitur, quid enim si, hero inscio, famulus signacula removerit? ita *Duar.* Convenit fere Beust. *ad Rub. D. de jurei n. 155. et seqq.* Ac varios casus hic distinguit Menoch. *Arb. Cas.* 208. n. 26. et seqq. Jo. Bapt. Plot. *de in lit. jur.* §. 10. n. 6. et seqq. Polydor. *Ripa de Nocturno tempore.* Cap. 81.

4) Vulgo tres species statuunt *Zas. ad Rub. D. hoc t. 1. n. 3. et seqq.* Plot. h. *Tr.* §. 52. n. 3. Menoch. *Arb. Cas.* 207. n. 2. Beust. *ad Rub. D. de jurei n. 143.* Forst. *de Jurisd. Rom. P. 2. lege Numæ.* 3. 135. (1) Affectionis ad rem, de quo *Cap. seq. (2)* Affectionis extra rem, interesse singularis, de quo *L. 3. hoc tit. et infra C. 9. n. 7. (3)* Veritatis, quod interesse vulgare persequitur, ut *infra Cap. 10. Sanc. Zas. d. loc. medium veritatis*, et postremum æstimationis nuncupat. Sed Coras. affectionis, ut not. *C. seq. N. 1. ast. A.*

matione rei petita, de qua nunc agimus, natum est. Unum, quo jurat actor, quanti rem aestimet ex affectione, quod saepe pretium excedit. *d. L. 1.* Alterum, quo jurat, quanti sua vere intersit. *d. L. 2. §. 1. L. 5. in fin.* Quae genera ita notantur a veteribus, ut prius vocetur jusjurandum, quanti in litem juratum est: posterius id, quo juratur, quanti res est, seu quanti interest, quibus verbis vera aestimatio significatur *d. L. 2. in fin. L. tutor.* Genera ob eam causam ita distincta, ut haec ab illis tanquam contraria statuuntur. *d. L. tutor*, et *L. non a judice, D. de judic.* Utrumque tamen in litem: nam etsi maxime ac praecipue dicitur in litem, ubi

actor pro arbitrio pretium aestimat, ut saepe per antonomasiam ita dicitur, ut in *L. 1. L. 5. L. vulgo, hoc tit.* tamen nihilominus, et alterum in litem dicitur, quia est in litem aestimationem. *L. in actionibus, 5. vers. plane*, et *L. seq. hic.* Prius affectionis, alterum veritatis vulgo nominant. Atque ut est ista aestimatio, ita etiam varie utrumque admittitur. Priori illi iurijurando sive aestimationi, quae ex arbitrio et affectione actoris pendet, quia gravior est, ei, non semper locus esse solet, ut posteriori, quae veritatem continet. Sed nunc de singulis dicamus explicatius, ac plenius: et de priori prius, quod etiam per excellentiam jusjurandum in litem dicitur.

## C A P. VII.

### Cui jusjurandum in litem deferri possit, aut non possit?

*In litem jurat verus et solus litis sive rei dominus I.*

*Non tamen impubes, sive pupillus, sive filiusfamilias; et quare. II.*

*Secus si sit adolescens, et velit jurare. III.*

*Quare furiosus, mente captus, prodigus, et infans hio silentio praeteriti. IV.*

*Tutores et curatores in pupilli et minoris causa possunt in litem jurare, si velint. V.*

*Contrariis occurritur. VI.*

I. **J**Am primum constat jusjurandum rei non esse, sed solius actoris. *L. 2. §. 1. L. 5. in fin. hoc tit.* comparatum videlicet ad sublevandum actorem adversus injuriam rei, qui rem debitam non praestat, ne actor una cum re, quae pegeratur, etiam de aestimatione ipsa in dubium veniat. Sed ne forte actorem hic intelligamus, qui agere potest, seu qui extra judicium quid petat: res ita definita est a veteribus, ut dicerent, alium in litem non debere jurare, quam dominum litis. *L. vulgo, h. tit.* Is autem dominus litis intelligitur, qui judicio egit, et litem contestatus est. *L. procuratoribus, L. nulla, C. de proc.* Sed additur amplius in *d. L. vulgo*, ut is solus possit jurare, qui

litem suo nomine contestatus est: quibus verbis removetur aperte<sup>2</sup> procurator: licet dominus sit post litem contestatam. *dd. LL.* Verum dominum hic requirimus, qui scilicet re et effectu dominus sit per omnia. Et ratio est, quia etsi adversus reum lis juste aestimanda est jurejurando: tamen eum falsa aut dubia aestimatione laedi non oportet: quaecunque autem aestimatio hic exigetur, ea certa non est procuratori. Si de vera aestimatione rei agitur; non ita vires rei ei notae esse possunt, aut certe solent, ut domino. Si quaeritur de domini affectione, haec vero soli domino cognita esse potest.

II. Sed nec omni domino hoc jusjurandum deferri placet. Judicium, quod satis sit ad rem

Fab. veritatis juramentum negat ut *C. 10. N. 1.* At quae interesse singularis dicitur, distinctam speciem non esse ostendit, *Borch. h. tit. Cap. 2. n. 15.*

1) *Coras. 6. Mis. 1. et 2. et ad L. 5. h. t. n. 8.* unicuique esse vult jusjurandum in litem, et nullum affectionis. (1) Quia nusquam habetur aestimationem crescere ex affectione, cum *LL.* negent pretia ex effectu aestimari. (2) Si occiso vel subrepto servo affectionis ratio non habetur, *L. 33. pr. ad L. Aquil.* minus ob contumaciam delictum levius. (3) Hoc jusjurandum deferretur ratione interesse pecuniarii, quod in affectione non consistit. (4) Hic juratur, quanti intersit, *L. 3. L. pen. h. t.* quo utilitas venit, non affectio. Et utilitatis itaque rectius dicitur. Quod vero hic contumacia puniatur, id in eo quod actor non probare tenetur, quid sua intersit, sed suo jurejurando iudex ipse sibi asserit. Et ultra verum pretium

licite jurat, *L. 2. hoc tit.* si nempe plures intersit, non autem ex affectione, etc. ita *Coras.* cui assentitur *Marc. Lycklama ad L. vinum. 22. de reb. cred. n. 81.* salis occurrit *Borch. h. t. C. 2. n. 16. et seqq.* ex quo pleraque ad verbum transcripsit *Setser. Lib. 5. de Juram. C. 2. n. 11. et seqq.*

2) Excipiunt, nisi habeat ad hoc speciale mandatum, *Plot. h. Tr. §. 32. n. 5.* Quod errore obtinet, non ratione. Vulgo notant juramentum hoc non deferri ignorantibus, sed recte instructo, vid. *Plot. h. Tr. §. 50. n. 5. et 6.* Ideoque nec heredibus nisi verisimiliter informatis, vid. *Coras. ad L. 5. D. h. t. n. 29. et Plot. d. §. 32. n. 6.* Jo. Bapt. Costa *de Facti scient. et ignor. Cent. 1. dist. 99.* Attamen si defuncto oblatus, dum viveret, id pro praestito haberi, ut mors sit loco juramenti, notat *Gail. 2. Obs. 43.*

rem æstimandam; in actore requirimus. Hinc quæsitum de minoribus 25. annis, quorum etsi aliquod iudicium est de rebus, nondum tamen satis certum est, et firmum propter ætatem. *L. 1. D. de minor.* Et exceptus est impubes, etiam qui tutore auctore suo nomine egerit, ut potest *L. 2. C. qui leg. pers. stan. in jud. hab.* et ita Ulpianus in *L. videamus, 4. hoc tit. pupillus, si impubes est, non potest in litem iurare*, inquit. Addit, *qui impubes est*, non supervacaneo: ne quis forte de eo, qui olim pupillus fuit, acciperet: ut interdum constat pupillam et tutorum *ἐκδοτικῶς* 3 appellari eum qui pupillus, aut tutor fuit: cum de re ad priorem tutelam pertinente agitur. *L. si tutor post. L. cum pupillus, D. de tut. et rat. distr.* Et definitio superior de omni impubere intelligenda est, etiam filiofamilias, si quando contingat hunc suo nomine agere ac litem contestari, ut poterat olim 4 cum ei hereditas matris acquirebatur etiam Ulpiani temporibus. *L. pen. D. ad S. C. Tertull.* ut hodie adventitia omnia. *L. ult. C. de bon. quæ lib.* Si impubes ex his bonis quid persequatur iudicio, ut maxime litem suo nomine contestatus sit, quod patre consentiente potest, ut et ad consentiendum pater cogitur. *d. L. ult. §. 1. in fin.* tamen ne sic quidem in litem iurare poterit, quanvis genus actionis hoc iusjurandum admittat, ut quia in rem agatur, aut ad exhibendum. *L. 5. hoc tit.* Ætati enim hoc denegatur, non statui personæ: et ætati propter inopiam iudicii. Atqui de tota lite iurare pupillus potest, et servandum est iusjurandum. *L. qui iurasse, D. de iurejur. cur.* et in litem iurare non possit? quia prius fit deferente adversario, eoque et volente, nec aliter impuberis iusjurandum valet. Volenti non fit iniuria. *L. nemo videtur, de reg. jur.* At iusjurandum in litem a iudice defertur, invito adversario: ut hic si deferatur; speciem quandam iniuriæ habeat. Hæc de impuberibus.

III. *Adolescens vero in litem iurare potest*, inquit Ulpianus, quia scilicet iudicii plus est in ea ætate, et intelligentia tanta, ut aliorum monitu de rebus communibus earumque æstimatione possit iudicare: quare et testamentum facere adolescentibus licet, et

Tom. VI.

obligantur, si non habeant curatores. *L. quæ ætate, D. qui test. fac. L. 3. C. de in integ. rest.* Sed addit Ulpianus, 5 *si velit*, si igitur nolit, non est cogendus, de quo infra ubi de necessitate iusjurandi hujus suscipiendi disseretur.

IV. De furioso, mente capto, prodigo, infante nihil hoc titulo Digestorum cautum legimus: quia scilicet et supervacuum fuit monere, hos in litem iurare non posse: cum constet omnes mente aut iudicio carere, et ut alia negocia gerere non possunt, sic multo minus iudicio agere. *L. in negociis, L. furiosi, de reg. jur.* Prodigum etiam metus collisionis et profundendæ actionis furioso similem facit. *L. his qui, in fin. D. de tut. et cur. fur.* Ita ex his, qui sunt domini et litem suo nomine contestati sunt, solus excipitur impubes, qui in litem iurare non possit: cæteris hoc conceditur: qui litem suo nomine contestati non sunt, quanvis domini litis effecti superior definitio ab hoc iurejurando excludit.

V. Hinc quæsitum de tutelari caussa in *d. L. videamus, 4. hoc tit.* Tutelaris caussa ibi dicitur 6 non, quia pupillus adversus tutorem agit tutelæ; non solum, quod constante tutela ea agi non possit. *L. si finita, D. de tut. et rat. distr.* sed etiam quia in ea actione tutor reus est, et non ipse iuraret in litem, ut illic proponitur, sed adversus eum iuraretur ab actore: sed tutelaris caussa intelligenda est, quæ exercitatione quidem est tutoris; ad tutelam tamen, seu ad rationem et administrationem tutelarem pertinet: quod ita sit, si pupilli quidem caussa sit emolumento, sed quam tutor, ut tutor, id est pro ratione officii et tutelæ exerceat, idque ex persona sua, dum agit et rem in iudicium deducit, quod potest. *L. 1. §. ult. L. vulgo, D. de admin. tut.* Finge ergo tutorem, rem aliquam pupilli depositam repetere, aut rem pupilli vindicare, et per contumaciam rem non restitui, ut ob id lis iurejurando æstimanda sit adversus contumacem. Quis in litem iurabit? non pupillus, ut supra effectum est: non etiam pupilli mater, ut ibi scriptum est: non quod propter filium in immensum iuratura sit, ut Accursius putat: alioqui nec actori ipsi iurare permit-

22\*

3 ) Ita et Borch. *h. Tr. C. 3. n. 9.* Sed mihi ea ratio probatur, quia aliquando pupillus dicitur adolescens, qui curatorem habet, vid. *not. supra Lib. 3. C. 21. N. 2.* Aliter Goed. *ad L. 1. de P. S. n. 17.* accipiens, si pro quia.

4 ) Sed vid. *not. supra Lib. 9. C. 2. N. 2. initio et C. 5. N. 11. et 12.*

5 ) Etsi enim et hic curatoris sui consensu in iudicio expe-

riatur, ita tamen, ut ipse potius quam curator agere videatur, Borch. *hoc tit. C. 3. n. 23.*

6 ) Aliter Duar. *hoc tit. n. 10.* ita scilicet: Tutelaris hic non est quævis pupillaris, quasi in omni pupillari caussa, etsi ex stipulatione agatur, possit iurari in litem, sed actio tutelæ, qua nempe tutor nomine pupilli agit contra contutorem remouit vel excusatum.



mitteretur in caussa sua: sed quia mater quæ tutrix non est, in caussa filii nec domina est litis, nec pro domina habetur, et nemo nisi dominus in litem iurare potest, ne vel domino iniuria fiat, si minoris res æstimetur, quam ex sensu domini, vel reo, si pluris. Restat tutor: sed et hic dominus non est: idemque et de curatore quæritur in caussa adolescentis. De utroque tamen Ulpianus statuit in *d. §. 1. si iudicium inter ipsos* (supple et alios, cum quibus iudicium intercedit) acceptum sit, et pro affectu erga minores suos hoc iusiurandum suscipere non recusent, ius non ob stare, quo minus iudicium hoc modo finem accipiat, id est, quominus illi ita iurent, ut cum iuraverint, iudex sequi iusiurandum et tanti reum condemnare debeat.

VI. At tutor dominus non est, sed iure pro domino habetur, cum tutelam administrat. *L. tutor qui tutelam, D. de adm. tut. L. qui fundum, §. si tutor, D. pro empt. L. interdum qui, D. de fur.* Idemque de curatore dicendum est, quem placet pro potestate non minus rem adolescentis in iudicium deducere. *L. 1. §. ult. D. de adm. tut.* At illud certe iniquum est, iurare ipsos de utilitate sua, cum domini non sint; in hoc autem iureiurando de utilitate iurantem agatur,

non de aliena. Huic obiectioni occurrit Ulpianus sub finem *d. §. 1. non enim*, inquit, *ad suam utilitatem iurisjurandi referenda æstimatio est, sed ad domini, 7 cuius nomine tutelæ ratio postuletur*: quasi dicat, quatenus tutelæ ratio patitur: at ratio tutelæ, quam quandoque finita tutela tutor reddere cogitur, postulatur nomine domini, et ideo huius solius utilitatem continet: sed iurabunt isti in caussa minorum suorum, si volent: *grave enim videri*, inquit, *invitos sub alieni compendii emolumento etiam anceps perjurium subire*: anceps, ut in re scilicet non satis illis perspecta. Jurant illi quidem in caussa pupilli aut adolescentis de calumnia. *L. 2. §. quod observari, C. de jur. prop. cal. dan.* Sed ideo, quia de calumnia sua iurant, re sibi comperta: sed et interdum in caussa minorum de re etiam ipsa controversa iurare coguntur: verum hoc quoque ita, si agatur de re probe illis cognita: puta de fideicommisso ab ipsis relicto: quod non magis ignorare possunt testamento relictum, quam se tutores datos, ut est species *L. 5. C. de reb. cred.* Cæterum de re ignota, et facto alieno iurare ne in caussa quidem propria quisquam cogendus est. *L. Marcellus, §. jurare, D. rer. amot.*

CAP.

7) Ut sic juret, quod si ipse pupilli loco esset, rem tanti ex affectione æstimaret, Bart. *ad d. L. 4. pr. n. 6.* Quare etsi mater pupilli, non admittenda, *d. L. 4. pr. ut mater,*

quia scilicet litis domina non est; quando tamen tutelam liberorum gerit, admittenda ut tutrix, Borch. *h. t. C. 3. n. 18. et seq.*



## C A P. VIII.

## Quibus in actionibus jusjurandum in litem actori deferatur.

*Juratur in litem in tribus actionum generibus 1. in actionibus in rem, et quidem omnibus. I.*

*2. In quacunque ad exhibendum actione. II.*

*3. In iis bonæ fidei actionibus, in quibus de restituenda re agitur. III. Secus in iis, in quibus agitur de re tum primo præstanda. IV.*

*Contrariis occurritur. V.*

*Sed et in aliis juratur in litem actionibus quæ sunt similes enumeratis; quæ ejusmodi. VI.*

*Ratio. VII.*

*An actiones, quæ stricti iuris appellantur, hoc iusiurandum admittant: quo in loco de his auctor. VIII.*

**I.** **T**ria actionum genera Marcianus in L. 5. D. *hoc tit.* notat, in quibus in litem juretur, actiones in rem, ad exhibendum, et bonæ fidei. De quibus singillatim exponendum est. Actiones in rem sunt non tantum quibus rem nostram vindicamus: sed sunt et quibus persequimur rem non nostram, ut <sup>1</sup> Publiciana de rebus ex justa causa et bona fide possessis, §. *namque Inst. de act.* et hypothecaria de rebus nobis pignori obligatis, §. *item Serviana, Inst. eod.* et aliæ complures, de quibus agitur a §. 1. usque ad §. in personam, 16. eod. De rei <sup>2</sup> vindicatione, quæ domino competit, inter omnes convenit, in hac adversus eum,

qui dolo non restituit, in litem jurari. L. *qui restituere, D. de re. vindic.* De cæteris dubitatur, ideo, quia ut in litem juretur duæ adferantur causæ cum alibi, tum præcipue in L. *tutor, D. hoc tit.* et quod contumacia punienda sit non restituentis rei, causa omnium in rem actionum communis: et quod arbitrio potius domini rei pretium statuendum sit: de quibus causis postea. At in cæteris actionibus cessat ratio posterior. Marcianus tamen et in his in litem jurari satis aperte demonstrat, cum appellat actiones in rem, non actionem in rem, puta rei vindicationem. Et ita est omnino, in omnibus in litem jurari. De <sup>3</sup> Hypothecaria enim id expressum est in

<sup>1</sup>) Consentit Coras. in L. 5. h. t. n. 16. et Bronch. h. t. C. 4. n. 25. Uterque per L. 7. §. 8. de *Public. in rem.* Et Ant. Fab. 16. *Conject.* 16. et 20. quia ad exemplum et in subsidium vindicationis inducta, eoque colore, datur quasi actor usuceperit.

<sup>2</sup>) Item petitione hereditatis, L. 25. §. 10. de *petit. her.* Coras. ad L. 5. *hoc tit.* n. 16. Menoch. *Arb. Cas.* 207. n. 15. Plot. h. Tr. §. 14. Borch. *hoc tit. Cap.* 4. n. 8. actione confessoria, L. 7. in *fin. Si serv. vind.* Menoch. d. loc. n. 18. et Borch. n. 11. negatoria. Nam etsi hic restitutio vel exhibitio rei non petatur tamen sicuti in confessoria non solum ob rem non præstitam, si adversarius non patitur me uti servitute, sed et ob cautionem injunctam non præstitam in litem juratur, d. L. 7. ita et hic Menoch. 1. *Arb. Q.* 5. n. 21. Borch. d. *Cap.* 4. n. 14. Coras. ad d. L. 5. n. 16. Duar. h. t. n. 1. ac contra et alios defendit Cisner. ad L. 15. de op. *nov. nunc. p.* 123. et *seqq.*

<sup>3</sup>) Borch. *hoc tit. Cap.* 4. n. 19. Menoch. *Arb. Cas.* 207. n. 21. Hortens. ad d. L. 16. §. 3. et §. 6. Sed hæc ita, si contra tertium possessorem agatur, ubi jurari sic potest in ampliorem summam, quam est debitum, cujus nomine pignus obligatum d. L. §. 3. d. 21. §. ult. Nam quod in domino est non cogi rem suam justo pretio vendere: id in creditore, non cogi pignus justæ æstimatione, quanti scilicet interest, distrahere, ne et contumacia reo impunis sit, Hortens. ad d. §. 3. Secus si contra ipsum debitorem, ubi non æstimatio pluris, quam quanti interest, seu debetur, d. L. 21. §. ult. ubi ratio differentiam quam explicat Hortens. ad d. L. 16. §. 6. Facessant vero novationes Anton. Fabri 16. *Conject.* 15. et *seqq.* ac 18. *Err. Prag.* 1. qui et iusiurandum hoc hypothecariæ denegat et d. §. *versic. si vero dolo usque ad fin.* pro Triboniani emblemate inepto venditat. In hypothecaria aut, nunquam neque æquitas rei suæ non vendendi, (cum dominus non sit creditor, nec pignus rei suæ consistat) ne-

que necessitas juris quasi sine jurejurando res æstimari nequeat, iusiurandum hoc exposcit. Quia creditor indemnis servatur, si consequatur quod interest. Licet id aliter æstimatur, ut est L. 21. §. ult. de *pign.* contra debitorem, ex quantitate scilicet debita, computatis sumptibus in litem factis: pluris enim interesse nequit. Nec contumacia sola æstimatur sine re propria, in qua quis restituenda contumax: Aliter contra possessorem alium, quanti res est. Nam quod plus est in rei pretio quam in debito, restituit debitori, si creditor pignus vendiderit, L. 24. §. 2. de *pign. act.* sive lis per judicem æstimata, quia et hic species venditionis. Pluris itaque interest contra possessorem, d. §. ult. non propter iusiurandum in litem, sed rem ipsam obligatam, ut quod in pretio ejus excedit, debitum, debitori pignoratitia agenti restituere possit. Cujus æstimatio, quia res exstat, quæ possidetur, fieri potest citra iusiurandum. Deinde in d. §. ult. non distinguit inter possessorem qui in culpa et qui in dolo: distingueretur autem, si de jurejurando in litem ageretur. Denique ibi creditor contestatur litem suo nomine, sed supra quantitatem debitam, quia creditor non est, habetur Procurator debitoris: ego per L. 7. h. t. Hæc summa est obsectorum a Fabro Qui et d. C. 15. sub. *fin.* ineptam esse rationem, d. §. 3. in *versic. Nam si tanti.* Quid enim, inquit, an non prodest in rem actio, etsi tantundem, non amplius quam personalis persequatio, si debitor inops si alii ipsi creditores: qui si in personam ageretur, ob prelationis jura quædam potiores essent, etc. Sed hæc nimio opere nos moveant. Nam etsi d. L. 16. §. 3. non exstaret, non aliud de hypothecaria nobis statuendum foret, tum per L. 68. de *R. U. in fin.* quam æque sane Triboniano adscribit Faber, sed nullo merito, tum per L. 5. *pr. h. t.* ubi verba generalia hypothecariam quæque continent. Sed excipit Faber, ea sic accipi debere, modo ob id actiones in rem proponantur, ne dominus re sua careat. Nam et bonæ fidei judicia generaliter ibi dici, nec alia tamen denotari,

in *L. si fundus*, §. in vindicatione, et in *L. si inter*, §. ult. *D. de pignor. et hyp.* Multo magis idem probandum in aliis, in 4 quibus tanquam domini quidam rem vindicamus, eoque ipso plus juris habemus. Ne nos moveat, quod in his omnibus res petitoris non est: nam nihilominus ad jus, possessionemque ejus pertinet: cuius juris quasi dominus esset, ita ejus pretium æquum est illidem illius arbitrio statui.

II. De actionibus ad exhibendum generaliter etiam accipere debemus, ut in his omnibus adversus eum, qui dolo non exhibet, juretur in litem, non tantum tunc cum quis se dominum esse dicit, sed etiam cum qualicunque actione acturus est, ad quam aditum parat ad exhibendum actio. Idque aperte indicat Ulpianus in *L. 3. D. ad exhib.* conjuncto §. 1. cum præterea, et §. est autem. Hoc eo dicimus, quia si quis vindicaturus ad exhibendum agat, sunt qui hujus jusjurandum in litem deferri debere non dubitent, quia se dominum dicat: in cæteris actionibus non putent, quia hoc statuunt pretium domini solum arbitrio statuendum. Sed si in actionibus in rem hoc recte diceretur, in quibus ex diversis causis et jure tam dissimilibus agitur: attamen in actione ad exhibendum dici non potest: quia in omnibus hujus generis una petitio est ejusdem æquitatis, et una causa omnium communis, ut res exhibeatur, tantum ideo, quia agentis interest. *L. 3. §. sciendum, L. pen. D. ad exhib.* Jam vero ne in actionibus quidem

in rem hoc recipitur, ut non aliis, quam dominis rem suam vindicantibus hoc jusjurandum deferatur: defertur enim et creditori pignus vindicanti, ut supra dictum. Quod si ea ratio valeret, ut non aliis, quam domino, deferendum putarem, etiam in actione ad exhibendum prorsus locum non haberet: neque enim quisquam in hac actione ideo vincit sibi rem exhiberi debere, quia sit dominus; sed quia solum se dominum dicat: hoc enim intendere satis est, probare non est necesse. *d. L. 3. §. 1. §. sciendum, ad exhib.* At in omni actione ad exhibendum persequitur actor aliquid suum; nempe usum et copiam rei, de qua quæritur, seu rei videndæ cognoscendæque facultatem, quam et ipsa lex omnium, quorum interest, propriam esse voluit. Merito igitur et hæc ipsa copia ac facultas arbitrio petitoris tanquam cujusdam domini æstimanda est.

III. Nunc de actionibus bonæ fidei videamus. Et etiamne hic, in omnibus, ut prius in actionibus in rem, et ad exhibendum fieri diximus, in litem jurabitur? Placet in his Azonis, Fulgosii, Duareni distinctio, ut siquidem agatur de re nobis restituenda, quæ prius a nobis profecta sit, et tradita, jus nostrum non mutarit, ibi in litem jurari possit, re non restituta. Sin autem agatur de re aliena, nunc primum nobis præstanda, ibi in litem non iuretur. Et ideo semper constitit in his actionibus bonæ fidei in litem jurari posse: in commodato. *L. 3. §. in hac, D. comm. in deposito. L. 1. §. in de-*

quam quibus restitutio rei suæ petitur, ut *infra h. C. N. 6.* Verum seipsum Faber ferit. Nam etsi hypothecariam intentans rem seu corpus suum non dicat: jus tamen in eo sibi suum reale asserit. ejusque quasi dominium vindicat. Et æquitas rei suæ invito non vendendæ hic quoque locum habet, eaque ipsa in *d. §. 3. vers. Nam si tantum*, significatur, ut recte Hortens. *ibid.* Neque ad casus inopiæ aut concursus creditorum accidentarios hic respici debet. Quin ea mens est Jurisconsulti: etiam cum solvendo debitor, nec in ære, multorum alieno, exitum alium esse debere actionis in rem, reo possessore contumace, quam qui foret in actionibus in personam, debitor contumace. Dices ex Fabro *d. C. 15. in fin.* Pignoris finis est securitas crediti, non ut augeatur condemnatio. Resp. ex *L. 1. h. t.* crescit condemnatio ex contumacia non restituentis. Sicuti et dici potest dominium in id haberi, ut rem tenere eaque frui; etc. liceat. Quin merito creditori jusjurandum hoc defertur, ut debitore pigneratitia agente, magis ipsi prospectum sit. Cum enim huic reddat, quod amplius debito consecutus est, *d. L. 21. §. ult.* quod lucrum ex pignoris occasione natum retineri nequeat. *L. 54. de furt. arg. L. 17. §. 1. de R. V.* non est verendum facile ne immodice juret, quippe cum ea res lucro suo, modo pigneratitia postea agat debitor, non cessura sit. Quod si solum pignus, citra jusjurandum æstimaretur quanti vere est, et ita quod in pretio excedit, debitum præstaretur creditori quo istud deinde redderet debitori, caussari hic postea posset, rem minoris quam sit, æstimatam esse: id sibi fraudi esse non debere: cum alia utique sit ratio ejus venditionis pignoris, ad quam multis sollicitudinibus pervenitur; alia hujus, quæ ex litis æstimatione inducitur. Non distinguit *d. §. ult.* inter dolum et cul-

pam. Sed generaliter dicit majorem æstimationem fieri adversus alios possessores. Et indistincte ea major: alia tamen ex culpa, alia ex dolo: quod aliunde petendum, et textus unus ex aliis supplendus. Postrimum quod creditor (vel aliqua etiam ratione) hypothecariam intentando sit Procurator debitoris, in eo quod pretium rei excedit creditum, falsum est, nec lege ulla probatur. Sophistica enim ratio Fabri, equivocatione ludens: in superfluo eo creditor non est. Ergo Procurator. Non est creditor quoad obligationem personalem, est autem quoad jus pignoris reale, ipsi in tota ea re tributum. Piget plura.

4) Consentit Plotus §. 24. n. 5. Borch. *d. C. 4. n. 26.* idem statuens in rescissoria et Pauliana. Quin et in Serviana *ibid. n. 23.* De Faviana idem tradit Plot. *d. §. 24. num. 7.*

5) Duar. *hoc tit. n. 10. et 11.* ita restringens, cum ab eo intenditur, qui non aliter vindicare potest, ubi si vera litis æstimatione soluta liberaretur reus: æque cogeretur actor ei rem suo pretio addicere, et Coras. *ad L. 5. h. t. n. 17.* ac Ant. Fab. 16. *Conject. 15. p. 347.* quod hoc jusjurandum nunquam detur ad id tantum, quod interest, æstimandum, si non præterea res aliqua præstanda et æstimanda sit. Sed recte Douellus. Et ita indistincte Menoch. *Ca. 207. n. 18.* Borch. *h. t. C. 4. n. 34.* Jurandum vero hic, non quanti ex affectu æstimetur res ipsa, quæ exhiberi petitur, sed quanti æstimetur damnum, quod exhibitione negata oritur.

6) Duar. *ad hunc tit. n. 21. et seqq.* Coras. *ad L. 5. h. tit. n. 18. et seqq.* Borch. *h. t. C. 4. n. 69. et seqq.* Anton. Fab. 6. *Conject. 17. ac 16. Conject. 15. et 17.*

*Error. Prag. 7.*

*depositi*, D. *depos.* in locatione, cum res locata non restituitur. L. *si cui locaverim*, §. 1. D. *loc.* in rei uxoriæ actione, seu in actione ex stipulatu de re dotali restituenda. L. *si filiofamilias*, §. 1. D. *sol. matr.* in actione tutelæ, cum res suas pupillus a tutore repetit L. *tutor*, D. *hoc tit.* scilicet, quia in his omnibus de re, quæ a nobis profecta est, restituenda agitur.

IV. At in actione ex empto, qua actione rem alienam petimus, utpote venditam, quæ nondum tradita venditoris manet, quam eandem a nobis non profectam constat, placet non aliam condemnationem esse adversus venditorem, quanvis procacia rem non tradentem, quam in id, quod interest. Sic enim scriptum est in L. 4. C. *de act. empt.* Ut in hac procacia non tradentis venditoris iudex curare debeat tantum in condemnationem deduci, quanti interest compleri emptionem: pugnant enim hæc inter se, quanti ea res est, seu quanti interest, et quanti litem iuratum est, condemnari. L. 2. L. *tutor*, D. *hoo titul.* L. *non ab iudice*, D. *de judic.* Et merito in hoc genere actionis non admittitur iurjurandum in litem. Illud enim tenendum est, non alias æquum esse rem arbitrio petitoris æstimari, quam cum rei dominus est, aut, quod huic proximum est, rem sui juris, seu ad jus suum pertinentem persequitur, ut ante diximus. L. *tutor*, h. tit. L. *si filiofam.* §. 1. D. *sol. matr.* L. *non enim*, D. *rer. am.* Emptor autem ut rei venditæ dominus non est; sic nec res ad jus possessioneive ejus pertinet. L. *qui sibi*, C. *de her. vel act. vend.*

V. Sed verba Marciani, et alia quædam nobis opponuntur. Marcianus enim in 8 d. L. 5. generaliter definit iurari, in litem in bonæ fidei iudiciis: sicut in actionibus in rem et ad exhibendum, in quibus nos omnibus in litem iurari supra probavimus. Ac-

cedit hæc Ulpiani definitio apertior in L. 3. §. *in hac*, D. *comm.* In hac actione (commodati) sicut in cæteris, inquit, bonæ fidei iudiciis, similiter in litem iurabitur. Cæterorum verbo omnia reliqua eiusdem generis intelliguntur. Sed non debent hæc nos a superiori sententia demovere. Nam Marcianus plurali numero locutus est, in bonæ fidei iudiciis: pluralem locutionem etiam duorum numero contentam esse scimus. L. *ubi*, D. *de test.* Potest et de omnibus ea oratio accipi: sed non convenit rationi, ut hic ita accipiat: at convenit in actionibus in rem, et ad exhibendum; et ideo sic interpretati sumus Marciani de iis verba, non tamen ex verborum sensu, sed ex ratione, et aliis locis iuris; nam si in hypothecaria actione in litem iuratur, ratio postulat ut iuretur in cæteris in rem omnibus. Idemque et de actione ad exhibendum ratione collegimus. At non item ratio patitur, ut iuretur in litem in omnibus bonæ fidei iudiciis, ut ostendi. Quod ait Ulpianus in d. L. 3. §. *in hac*, iurari in litem in commodato, sicut in cæteris bonæ fidei iudiciis; si hoc tantum dixisset, magis locus adversaretur. Sed addit, *similiter*, id est, similibus in caussis, et similibus conditionibus, quibus in cæteris in litem iuratur: quod ita fit, si quid a nobis profectum repetamus, ut ante demonstratum.

VI. Sed quæritur an præter illa tria actionum genera, a Marciano enumerata, etiam in aliis in litem iurari possit? non enim videtur. Habet hoc certarum specierum enumeratio, ut qui nominatim certas appellavit, in quibus aliquid concederet, hoc ipso intelligatur de cæteris non sensisse L. *cum de lanionis*, §. *cui fundum*, D. *de Inst. et Inst. leg. maritus*, C. *de procurat.* quod et concedendum est; dum tamen hoc sic interpretemur, in his solis ab illo enumeratis in litem iurari, et si quæ sunt similes: semper enim

7) Ita contra DD. veteres Duar. *hoc tit. n. 21. et seqq. et in posteriorib.* Comm. Cap. 3. Coras. ad L. 8. *hoc tit. n. 19.* Borch. *hoc tit. n. 90.* Bronoh. 2. Enant. 32. Ant. Fab. 17. Err. Prag. 9. Quia nec in toto tractatu emptionum per titulos multos, ulla huius iurjurandi mentio, cum de iis actionibus, quibus res sua repetitur, fere in specie hoc proditum sit. Et quia hic non de rei suæ repetitione, sed ad traditionem alienæ agitur, cessat ratio deferendi, quæ L. 8. *hoc t. ut C. seq. N. 5.*

8) Ad d. L. 5. resp. Duar. *hoc tit. n. 25.* Sicuti cum dicitur in bonæ fidei actione ex mora fructus et usuras deberi, non hic sensus, quasi nulla sit actio bonæ fidei, in quo id non obtineat, sed is, quod iudex, si æquum videatur, in id condemnare possit. Ita et hic subaudi: Si quando æquitas suadeat, quod tunc accidit, cum ad restitutionem agitur: alias dicendum foret in actionibus quoque ex vendito, quæ ad pretium datur, sic iurari. Et Coras. d. n. 19. resp. si perpetuum hoc, idem obtineret in actione ex permutatione, contra L. 5. §. 1. *de præscript.* verbis ibi: quanti interest, junct. L. 64. pr.

*de judic.* et in commodato ac deposito nummorum. Ac ut Borch. d. loc. n. 72. et Duar. d. loc. alias quoque in actionibus contrariis ita iuraretur. Ast non iurari in illis probat, L. 5. *princ. Depos.* De quo Coras. d. loc. n. 18. et 6. Misc. 7. et Borch. d. C. 4. n. 73. et seqq. ubi docent, nunquam in contrariis huic iurjurando locum esse, nec si fides rupta arguatur. Contra Plotus h. Tr. §. 20. n. 1. Mala autem illatio ex d. L. 5. pr. quia in empti iudicio de fide rupta agitur, ideo sic iurari. Non sane quod fidem is demum rumpat, qui rem alienam, quam a domino habet, non restituit, nec is quoque qui non præstat, a domino promisit (ut Ant. Fab. 17. Err. Prag. 7. male et contra vim pariter verborum ac juris textus, L. 6. *Cod. de her. red. vend. et simil.*) sed quia collectio nulla. Perinde ac si sic. Testamentum hoc non valet, quia septem testes desunt. Ergo quoties adsunt, valet, cum immo et alia sint requisita. Et ratio ista d. L. 5. pr. *Depos.* negat esse continuacem in contraria actione. Non ideo ubicunque continuax quis, iurejurando hoc coercetur, Duar. *hoc tit. n. 25. et seqq.*

enim in paribus causis eadem ratio idem ius admittit. *L. illud, D. ad L. Aquil.* Et vero ita statuendum est, etiamsi quæ sint actiones in personam, non in rem, aut ad exhibendum, et non sint ex bonæ fidei; si tamen competant ad rem restituendam, quæ a nobis profectas sit, aut alioqui ad ius nostrum pertineat, in his 9 itidem in litem iurati. Declaratur id exemplis harum actionum, quod metus causa, de dolo, rerum amotarum, Favianæ de rebus alienatis in fraudem patroni. Omnes sunt in personam, nec sunt ad exhibendum, aut bonæ fidei: in omnibus tamen iuratur in litem. Iuratur in actione quod metus causa, et de dolo <sup>10</sup> *L. arbitrio in pr. D. de dol.* atque has in personam esse diserte scriptum est in §. *præterea, Inst. de act.* Iuratur in actione rerum amotarum. *L. si cum dos, §. ult. D. rer. amot.* et hæc actio condictio est. *L. rerum, 28. rer. amot.* proinde in personam actio. *L. actionum, D. de obl. et act.* Postremo iuratur in actione Calvisiana, et Faviana. *L. tenetur, D. si quid in fraud. patr.* quæ et ipsa est in personam. *L. 1. §. hæc actio, eod. tit.*

VII. Cur ergo in his pariter iuratur in litem, ut in actionibus in rem? quia in his omnia similia ad iusiurandum admittendum. Persequuntur enim rei nostræ, certe a nobis profectæ restitutionem; et si contumacia quaeritur, sunt et ipsæ arbitrariæ, id est, eiusmodi in quibus arbitretur prius iudex rem restitui: cui arbitrio cum non paretur, fit illa contumacia non restituentis, quæ in actionibus in rem, et ad exhibendum iureiurando in litem coercetur: de qua postea pluribus. Ac quo minus de his dubitemus, putemusque singulari aliqua ratione propria ista esse superiorum actionum: extat generalis Ulpiani

præceptio de hoc genere, in *L. qui restituere, D. de rei vind.* qui cum dixisset, eum qui restituere iussus iudici non paret, siquidem dolo fecit, quominus posset, damnum esse, quantum adversarius in litem iuraverit: si culpa, non pluris, quam quanti res esset; subjicit hanc definitionem: *Hæc sententia generalis est, et ab omnia sive interdicta, sive actiones in rem, sive in personam sunt, ex quibus arbitrato iudicis quid restituitur, locum habet.*

VIII. Ex his, quæ hactenus diximus, hoc conficitur, iusiurandum in litem, de quo loquimur, solum in actionibus arbitrariis (quales sunt actiones omnes in rem, et ad exhibendum in quibus locum esse huic iuri iurando supra demonstratum est) et actionibus bonæ fidei, quāvis his quidem non omnibus, jure receptum esse. Sed est et tertium genus actionum idque amplissimum, nimirum quæ stricti juris appellantur. De his ergo quaeritur amplius, an iusiurandum in litem, ut superiores illæ admittant? quod nos quidem negamus certis ducti argumentis, si de priori hoc iurisjurandi genere quaeratur, in quo ultra rei pretium lis actoris arbitrio aestimatur. Posterius illud genus, quo veritas, sive quanti res est, aestimatur, id vero in stricti juris actionibus locum habere posse dicimus: quod et Marcianus adfirmat in *d. L. 5. §. plane h. tit.* sed quia et hic locus obscurior est, et res tota non vacat dubitatione, consultius visum est, hujus rei disputationem in eum locum rejicere, qui est a nobis posterioris hujus iurisjurandi explicationi tributus. Nunc reliqua de priori pertexamus, quod per excellentiam ut antea quoque monui, iusiurandum in litem appellatur.

CAP.

9.) Quod Duar. *h. tit. n. 1. et 2.* admittit in his, si arbitrariæ sint. Non enim idem esse in actione vi bonorum raptorum et similibus, (licet Anton. Fab. 17. *Err. Prag.* 5. in actione furti ita juri vellet, vid. not. *infra. C. 10. N. 7.*) Et Borch. *C. 4. n. 34.* ac aliis citatis Plotus §. 22. n. 5. in arbitrariis omnibus sic juri, per *L. 68. in fin. de R. F.* Dissentit Ant. Fab. ut *IV. seq.*

10.) Quia etsi, hic non res nostræ, sed quæ fuit, restitui petatur, eadem tamen ratio vel major, quia hic non tantum contumacia, sed et admissus ab initio dolus arguitur, Duar. hoc

*tit. n. 7.* Non nescius sum, quibus hæc impugnent Ant. Fab. 16. *Conject.* 18. et 18. *Err. Prag.* 6. falsitatis et ineptitudinis arguens *d. L. 18. pr.* ut et Casp. Schifordegher. *Lib. 1. ad Ant. Fab. Tract.* 25. Q. 6. Nec deessent, quæ illis repongerem, sed loci angustia non sinit. Videsis modo, Just. Mejer. *Endox. Justin. Decade 2. Q. 5.* Sicuti et Ant. Fab. 19. *Conject.* 20. et 18. *Err. Prag.* 7. in interdictis nunquam in litem juri contra *d. L. 65. in fin.* quam pari audacia damnat, uti et *L. 15. §. 9. Quod vi aut clam.*





## C A P. IX.

Adversus quem, et quamobrem hoc jusjurandum deferatur.  
Item quibus de rebus.

*Juratur in litem adversus eum qui rem petitam non restituit usus in ea re dolo vel culpa lata. I. III.*

*Culpa levis non coercetur in litem jurando, sed æstimatione sarcitur. II.*

*Causa jurisjurandi in litem: dolus rei minime restituentis; et petitoris affectio. IV.*

*Pro depositis nummis; aut iis quorum certa æstimatio generibus a contumace reo petitis non deferatur hoc jusjurandum; et quare. V.*

*Nisi tamen petitoris interfuit nummos sua die redditos fuisse; duplici modo*

*interesse: quomodo iuretur in utroque. VI.*

*Qui certa die non præstat quod præstare debuit, etiam si aut pecunia sit, aut aliud æstimationis certæ, tenetur in id quod interest actoris. VII.*

*An res petita pluris, quam sit revera eo sit habenda, quod lis per hoc jusjurandum possit crescere. VIII.*

*Quæstio hæc in quibus judiciis agitari soleat; et quomodo hanc definiat Ulpianus. IX.*

I. **I**N litem juratur in his omnibus actionibus, de quibus supra exposui, adversus eum qui rem petitam non restituit, aut exhibet, idque dolo malo: ob solum enim dolum in litem jurari Marcianus ait, non etiam ob culpam. *d. L. 5. §. sed in his omnibus.* Idemque declaratur in *L. qui restituere, D. de re. vind.* Hæc enim, inquit Marcianus, *judex æstimat.* Legendum est, *Hanc enim.* Ut judicis æstimatio ad solam culpam referatur. Sola enim culpa est, quæ a judice æstimatur, ut et scriptum est in *L. præced. in fin. ex culpa æstimatio a judice facienda est.* Dolus non restituentis, non judicis æstimationi, sed petitoris arbitrio committitur. *L. tutor, D. hoc tit.* Recte autem dixit ob dolum, non ob contumaciam, non quod contumacia non sit dolus, et ob hanc maxime non juretur in litem: sed quia doli verbum plus complectitur, et Marcianus intelligi voluit ob omnem dolum in litem jurari. *Tom. VI.*

rari. Dolus, quo fit ut res non restituatur aut exhibeatur, duplex est; præsens et præteritus. Præsens, cum qui possidet, aut habet rei restituendæ facultatem, jussus restituere, judici non paret. Hic dolus proprie contumacia appellatur: adversus hunc citra controversiam juratur in litem *2 L. 1. L. 2. §. 1. L. tutor, hoc tit.* Præteritum voco, cum reus quidem nunc, cum jubetur, rem non possidet, ita, ut etiam si maxime vellet, non possit restituere: sed prius dolo fecit, quo minus possideret. Et hic *3* dolus jurejurando in litem coercetur, *d. L. qui restituere, de re. vind. L. sed etsi lege, §. hæc verba, D. de her. petit. L. si fundus, §. in vindicatione, D. de pignor.* Fit hoc ex perpetuo jure, quo placuit, qui dolo possidere desierunt, pro possessoribus esse habendos, *d. L. sed etsi, §. perinde, L. qui dolo, D. de reg. jur.*

II. Quod ait Marcianus, in litem non jurari

23

rari

<sup>1</sup>) Ita Forner ad *L. 123. de V. S. Duar. h. t. n. 35.* legit hic etiam *ἐπιπρηλατικός*, ut sensus sit, ob culpam a judice sit æstimatio. In manuscripto quodam legi, *h. enim judex etc.* in alio *hoc enim etc.* sicuti et habet editio Parisiensis, de anno 1547.

<sup>2</sup>) *L. 18. de dolo L. 8. §. 1. junct. L. 10. Rer. amotar. L. 3. §. 2. ad exhib.* Neque hic requiritur difficultas probationis, Plotus *h. Tr. §. 22. n. 1. et §. 27. n. 2.*

<sup>3</sup>) Borch. *hoc tit. C. 5. n. 3. Charond. 3. Verisim. 8.* ob dolum ante acceptum judicium commissum in restituendo non jurari, sed post susceptam causam, si aut contumaciter reluctatus, cum posset restituere, aut dolo fecerit, ne posset add. Plot. *h. Tr. §. 14. n. 1. et §. 25. n. 3. et 4.* Cæterum Anton. Fab. *17. Err. Prag. 6.* reprehendit putantes jusjurandum in litem in bonæ fidei judiciis tantum nasci ex dolo amisso in judicati executione. Nam in *L. 3. §. 2. Commod. ha-*

betur rei judicandæ, id est, quo res in condemnationem deducitur, non judicandæ. Et quid si res commodata, ex gr. ante rem judicatam dolo malo rei præstari posse desit, ad quid feretur, ait, sententia nisi ad æstimationem. Que autem alia æstimatio, nisi hæc, etc. Dolus autem Rei proprius requiritur. Aliud si pupillus conveniatur ex dolo tutoris, per *L. 1. Cod. Aliud ex fact. tut. vel Cur. Beust. ad Rubr. de jurejur. Quand. ex fact. tut. vel Cur.* Beust. ad Rubr. de jurejur. *n. 151.* Aliud si heres ex dolo defuncti, cum quo lis nondum contestata est, *L. 1. L. 2. L. 4 C. h. t. vid. Coras. ad L. 5. D. h. t. n. 28.* ubi quadripartitam distinctionem refert Borch. *h. Tr. Cap. 5.* Duobus casibus contra heredem hoc præstari notat Moner. *Decis. 11. n. 7. Wesenb. Cons. 13. n. 25.* Verus item, non præsumptus, ut Jo. Bapt. Plot. *h. Tr. §. 49. n. 30.* Sed contra Duar. *h. t. n. 35.* vide distinctionem Bargalii *2. de Dolo 3. n. 2.*

rari ob culpam; iudicem enim hanc æstimare, sic interpretandum est ex *d. L. qui restituere*, ut qui nec potest restituere, nec dolo fecit, quominus posset, si tamen culpa ejus factum est, damnari debeat: sed ita, ut culpa, idest, damnum culpa datum solum æstimetur, et, ut ibi loquitur Ulpianus, *non pluris, quam quanti res est, quanti adversarii interest, reus condemnatur*.

III. Culpam hic levem, non latam accipere debemus: nam cum prius Marcianus dixit, ob dolum jurari in litem, etiam ob latam culpam jurari dixit: lata enim culpa dolum est. *L. quod Nerva, D. depos.* Quid? quod id expressum est in *L. 2. C. de in lit. jur.* ut bene Fulgositius <sup>4</sup> adversus Accursium atque alios eum vulgo secutos, observavit ac docuit in *d. L. 5. D. h. tit.* nec mutat, quod dicit, ob dolum solum jurari in litem. Nam nec hac particula solum lata culpa excluditur, nisi quid aperte de lata culpa excludenda in lege significetur, ut in lege Cornelia de sicariis. *L. in lege, D. ad L. Corn. de sic.* Argumento est, quod de deposito traditur, dolum duntaxat in eam actionem venire: *L. 1. §. ult. D. depos.* nec minus tamen constat depositarium ob latam culpam teneri. *L. 1. C. dep.* idem et de mensore scriptum est in *L. 1. §. 1. si mens. fal. mod. dix.*

IV. Ex his intelligimus dolum aut similem dolo culpam quæ lata dicitur, in non restituente vel exhibente rem petitam causam esse hujus iurijurandi, sive ut in litem adversus eum juretur. Est et altera causa in persona petitoris, jus scilicet ejus et affectio in re petita, quam ejus esse, vel ad ejus jus pertinere supra, cum de actionibus dissereremus, intellectum est: iniquissimum enim visum est veteribus, cogi quenkum invitum re sua carere, suoque pretio eam alteri ven-

dere. *L. non enim æquum, 7. D. rer. amot.* Atque hæc duæ causæ, affectio, inquam, petitoris, et dolum adversarii, ut conjunctæ locum huic iurijurando faciunt, ita conjunctim a Marcello expositæ sunt in *L. tutor, 8. D. h. tit.* Et affectio ista quidem præcipue <sup>5</sup> spectanda fuit: unde et affectionis iurjurandum vulgo dicitur; nec in omnibus rebus locum habet, etiamsi maxime his actionibus petantur, quæ conditione sua hoc iurjurandum admittunt, et agatur adversus contumaces: sed in iis tantum, in quas affectio cadit.

V. Negat Ulpianus in *L. nummis, 3. D. hoc tit. nummis depositis iudicem oportere in litem iurjurandum deferre, ut juret quisque quod sua interfuit*: et addit rationem, *cum certa sit nummorum æstimatio*. Qua ratione maxime declaratur sic recte de rebus in universum definiri: Quarum rerum certa æstimatio est; quales sunt nummi, vinum, oleum, frumentum, et quæcunque res pondere, numero, mensurave constant: etsi hæc depositæ petantur, aut tanquam res petitoris vindicentur, eademque dolo aut contumacia possessoris non restituantur, quibus de causis iurjurandum in litem admitti solet; tamen de his rebus hoc iurjurandum deferri non debere: cæteris in rebus deferri posse, si aliud non impediatur. Ratio ducta est ex fine iurijurandi in litem. Nam hoc iurjurandum vel ob id defertur, ut constet de vera æstimatione rei, quæ ignoratur, et aliter probari non potest. *L. 5. in fin. D. h. tit.* vel ut pretium rei arbitrio domini statuatur ex eius affectione. *d. L. tutor.* Neutram ob causam iurjurandum in litem <sup>6</sup> de nummis deferri potest. Nam si nummorum æstimatio quæritur, hæc per se certa est, eoque non indiget alia probatione, multoque minus ad eam

<sup>4</sup>) Consentit Coras. *ad L. 5. h. t. n. 27. fol. 628. et 4. Misc. 2. n. 11. Duar. ad h. n. 33. et seqq.* Busius *ad L. 4. §. ultim. h. tit.* Bron. 2. *Enant. 30. Borch. h. Tr. C. 5. n. 5. et seqq.* Quia et ubi de pœna, modo pecuniaria sit, agitur, dispositio dolum puniens, latam culpam complectitur: etiam adjuncta taxativa, *L. 1. si is qui test. Lib. Duar. et Bron. d. loc.* Et culpæ v. in *L. 4. §. ultim.* levem innuit, non latam, uti et alias Coras. *d. loc.* et Borch. *n. 9.* Dissentit post alios Schrad. *de Feud. P. 10. Sect. 4. n. 185.* Beust. in *Rubr. de jurejur. n. 131. Plot. h. Tr. §. 4. n. 86. et §. 48. n. 16. et Pac. 3. Enant. Q. 90.* Volentes speciale esse *d. L. 2. Cod. hoc tit.* in actione tutelæ, ut ex lata culpa juretur favore pupilli. Quo facere videtur, quod *tit. hic C. de in lit. jur.* in materia tutelæ positus, nec alios casus continet. Eoque forte ostenditur, quod illic tractetur non de alio iurijurando quam in causis tutelæ delato, vid. de hac questione Bargal. *Lib. 5. de Dolo C. 2. n. 35. et seqq. et Lib. 6. regula 8.*

<sup>5</sup>) Generale est, ut in venditione pretium arbitrio domini statuatur. Affectioni itaque indulgeri hic non iniquum, *Duar. h. t. n. 8.* quæ sæpe in rebus vilioribus, ut canibus, equis,

immodica conspicitur. Qui itaque modus in his rebus cupiditatis idem æstimationis esse solet. Exempla est fictilis Epicteti lucerna, quæ Luciano teste, tribus drachmarum millibus æstimata est, *P. Vanderan. de Privil. credit. Cap. 12.*

<sup>6</sup>) Finis iurijurandi, ut dominus pretium rei suæ statuatur. Ad eas itaque res pertinet, quarum pretia incerta, quæ secundum tempora variant. Eorum enim rerum, quæ in mercis numero, æstimatio mutabilis, quæ sit pecunia. Nummi autem merce non æstimantur. *L. si ita 42. de fidejus. Duar. h. t. n. 4. et 5.* Videnturque iidem nummi reddi, etsi alia corpora modo ejusdem generis et bonitatis, cum æstimatio non sit pro hominum arbitrio varia, neque ita cogatur aliud pro alio accipere, *A. Fab. 17. Err. Prag. 9.* (Exceptio tamen statuenda ex notatis *supra Lib. 10. Cap. 3. N. 6.*) Idem fere de vase argenteo judicatum refert *Ant. Fab. C. suo h. t. definit. 2.* Eadem ratio librorum ejusdem editionis, vid. *Beust ad Rub. d. h. t. n. 149. ubi n. 152.* cessare docet hoc iurjurandum ubi res venalis habita. De quo tamen ex rei qualitate varie statuendum puto, tametsi Coras. *6. Misc. 3.* rationem eam, quod in nummos non cadat affectio, repudiet.

eam rem iureiurando. Si quærat dominus affectio, hæc in nummos et res superiores non cadit. Unus enim aureus solaris, exempli gratia, ab alio, utilitate, et commoditate nihil plane differt: quod in animalibus, hominibus, prædiis, et cæteris rebus, quæ sua specie, non quantitate æstimantur, secus est: harum enim rerum unaquæque suam vim, suas commoditates, utilitates, voluptates, a cæteris multum distantes habet. De domini affectione nihil ibi dixit Ulpianus, hæc nimirum in nummos non cadere, quia minus de eo dubitabatur.

VI. Sed de nummis quod dixerat, sic temperat, si convenerit, ut certo die redderetur, nec redditi sint, placere iusjurandum in litem deferri posse: non de nummis, ne Ulpianus mutet quod dixerat: certam eorum æstimationem esse, et propterea iusjurandum in litem non admittere: sed de eo, quod actoris intersit, nummos illi *7 sua die redditos fuisse*. In quo computari ait extra nummos, damna, quæ ob pecuniam sua die non redditam contigerunt. Hæc autem esse ostendit, si actor sub pœna pecuniam debuit, quam scilicet quia solvere non potuit creditoribus suis, dum nummos a se depositos non accipit ideo in pœnam incidit: aut si pe-

Tom. VI.

cuniam debuit sub pignore, et quia pecunia deposita ei denegatur, pignus distractum est. Nempe iusjurandum in litem hic adhibebitur, ut petitor juret se tantum pœnæ nomine solvisse, ubi id aliter facile probare non possit; *arg. in L. 5. in fin. D. h. tit. in pignore autem ut juret, quanti sit pignus amissum, non etiam ut id ex affectione æstimet, et debitor ei in tantam summam condemnatur*. Non enim ita res æstimatur, nisi adversus eum, qui rem, de cujus æstimatione agitur, possidet, et contumacia non restituit, aut quam prius restituere poterat, eam dolo desiit possidere. *L. 2. §. 1. L. tutor, D. hoc tit.* In proposito autem is qui nummos depositos sua die non reddidit, pignus, de quo agitur, numquam possedit, nec in eo non restituendo quicquam dolo fecit, cum a creditoribus actoris solum possum et distractum fuerit. Sed et priori iurijurando non alias locus erit in hoc pignore æstimando, quam si pignus perierit. *L. 5. in fin. D. hoc tit.* Nam si adhuc exstat, satis de vera æstimatione ex inspectione rei constare potest. Sed si de pœna ista, et pignore, quæ hic æstimanda dicimus; iusjurandum actoris admittatur, sive non admittatur: tamen illa sententia Ulpiani manet, 23\* sem-

7) Hic quoque cum manibus Triboniani luctatur, A. Fab. 17. Err. Prag. 9. eidem d. L. 3. vers. *Nisi forte de eo*, totum ceu multis modis ineptum, adscribens. Movetur. (1) Quod ex ratione, quæ in d. vers. tantum sequatur, præstari debere id quod interest, quod aliqui ratione nummorum non debetur. Quanti interest in ea specie, sciri facile citra iusjurandum potest, quantum scilicet fuerit in pœna, quanti pignus distractum. Semper, ait, verum manet ratione nummorum non interesse hæc ac alia corpora reddantur, ideoque iureiurando huic locus nullus. Nam quod Accursius jurari hic, sed non in litem, præcedentia uti et series ac contextus refellunt. Nec audiendus Bart. et sequaces, qui ibi esse iuramentum veritatis, ut *L. 3. §. ult. h. t.* Nam et id commentitium, vid. *not. C. seq. N. 2. et d. §. ult.* sine delatione iuramenti res nullo modo æstimari potest, quod hic non accidit. (2) Per verba: *Sua die*. Inaudita hæc conventio in deposito, ut certa die reddatur. Absurdeque Accursius hoc extendit ad nummos creditos, qui mutuum est stricti iuris, itaque iusjurandum in litem non recipit. Falsus autem in eo Tribonianus, iudicio Fabri, quod putavit ideo non dari iusjurandum in litem in deposito nummorum; quia nihil intersit, unde collegit locum ei esse, quando interest. Quæ ratio falsa. Neque juratur, quoties interest, quin immo quando id quod interest præstari dicitur, iusjurandum hoc excluditur. Hæc summa impetitionum Fabri, brevibus concepta. Quibus æque brevis nunc occurremus. Unde quæso, ut hinc incipiam, objecta ansa erroris Triboniano, nonne is omnibus antiquorum Jurisconsultorum monumentis, etc. Quænam illi voluptas ex tanta cujus insinulatur, responsorum veterum Prudentum corruptione ac perversione juris rationis. Quidquam vero in d. vers. *Nisi forte*, juris rationi repugnans! Immo congruentius nihil. Non sequitur: Aliunde liquere potest, quantum interest. Itaque in litem non juratur. Fateor iusjurandum hoc non deferri toties quoties interest: largior, quando absolute, sine adjecto, dicitur id quod interest præstari, iusjurandum hoc excludi. Num ideo non simul vere et realiter interesse potest, quoties hoc iusjurandum admittitur. Et num quoties sciri potest aliunde, quantum vere interest, iusjurandum hoc non deferatur? Num ratio d. vers. ad Interesse solum verum et pecuniarium concludit, num in

hac specie affectioni locus nullus? Est immo opinor. Quidni enim vir probus majoris æstimet opinionis aliquam, et fidei non modicam imminutionem, quæ exinde secuta est, quod fidem conventionis suæ alteri prestare non potuit. Adhuc si pignus distractum, quod luere propter moram depositarii non potuit, nunquid et hic rem suam invitus, et nec justo pretio quidem, sed ut plerumque in pignorum venditionibus evenit, minoris vendere coactus, quam retinisset, ni moram depositarius fecisset. Quid igitur vetat, immo quid non summo opere possit, affectionis erga rem istam pigneratam et distractam rationem haberi. Et affectionis hoc iusjurandum vere statuimus, non veritatis. Quod DD. plerique affectionis extra rem vocant, ut *not. supra C. 6. N. 4.* Equius certe est hoc casu religioni et fidei deponentis committi quanti sua interesse putet (in quo et aliqua ratio affectionis erga rem pigneratam amissam, item ratio ejus habebitur, quanti æstimet fidem servari a se et conventioni suæ stari potuisse) quam eundem ex adversarii culpa, sine ulla sua, oneri difficilis probationis adstringere, cujus defectu sæpe id quod interest ad exilium summam redigitur, *L. ult. de stip. Prætor*. De nihilo quoque quod ex verbis *sua die*, elicit Faber. Nam (1) non necessario arguunt conventionis legem adjectam, sed recussionem dolosan depositarii eo tempore, quo repetebat deponens, restituere nolentis. *Sua die*, id est, qua illum nummos habere oportuit, ut solveret suis creditoribus. (2) Non inaudita diem depositi redditioni dici, immo exempla *L. 1. §. 43. et seqq. D. Depositi*. Sed hoc dispositum ibidem quod etsi dictus sit, diem eum repeti possit. Quare et hic potest dici certam diem dixisse deponentem, eam nempe qua a se pecunia iuxta recondenda solvenda, cum interim non haberet, ubi ipse reconderet. Falso Faber non posse diem adici deposito: Potest immo, sed adjectus creditur in favorem deponentis, non depositarii, qui nullum lucrum ex depositi officio capere potest aut debet. Et propterea illi pœnitere licet, ac citiore die, modo non intempestive, repetere. Hoc autem dici adjectio efficit, ne ante lapsum ejus depositurus restituere possit volenti, qui citra eam conventionem, quovis tempore restituens liberaretur. *Wes. Par. D. Depos. n. 5.* Denique Faber ipse a se dissensive videtur 16. *Conject. 1. pag. mihi 273.*

semper hæc æstimanda esse, ubi is, cum quo agitur, nummos depositos sua die non reddidit, a quocunque ista æstimatio, et quomodocunque probari debeat.

VII. Locus in hanc sententiam diligenter notandus: quo efficitur, quoties quid certo die præstandum aut restituendum est, etiam si sit pecunia, vinum, frumentum, et res similes quarum certa æstimatio est, quæque ex se fructus non ferunt: tamen adjectionis diei hanc vim esse, ut si res sua die præstita, restitutæ non sint, debitor teneatur non in res ipsas tantum, sed in id quod actoris interest sua die præstitas non esse: hoc amplius in eo, quod interest, numeranda esse omnia damna, ob eam causam etiam extra rem contingentia, ut, si ideo petitor in pœnam inciderit, aut pignora ejus sint distracta. Quod idem Ulpianus apertius, et pluribus confirmat in *L. 2. §. ult. D. de eo, quod cer. loc.* Videtur adversari *L. si sterilis §. cum per venditorem, D. de act. empt.* Sed de ea objectione dixi oportunius ad *L. quod si Ephesi*, in *pr. d. tit. de eo, quod cer. loc.*

VIII. Postremo, ut hunc locum concludamus ex eo quo supra demonstravimus, contumaciam rei non restituentis alteram causam esse, propter quam lis ultra verum rei pretium crescat sive jurejurando actoris atque arbitrio æstimetur; ex eo, inquam, pendet illa quæstio, an propterea res petita pluris habenda et æstimanda sit quam revera est, quia lis crescere per hoc jusjurandum possit: de quo definit Ulpianus in *L. 1. D. h. tit.* 8 non esse. Quæstio inutilis et inepta, si id quæri proponamus in his judiciis, in quibus in litem juratur, sive cum de rei æstimatione principaliter quæritur: quorsum enim pertinet hoc definiri, tanti vel pluris rem habendam esse? id enim tantum agitur, ut æstimetur, non quanti sit res in iudicium deducta. Et res ita habet, ut dixi, in iudiciis in quibus in litem iuratur, cum principaliter de re æstimanda quæritur.

IX. Sed accidit interdum, ut in his ipsis iudiciis multo ante sententiam, atque adeo initio iudicii ob alias causas in iudicium incidentes, quærendum sit, quanti sit res, quæ

in iudicium deducta est; ut quia id ante constitui, necesse sit ad iudicium rite institutum aut promovendum: de quo tamen quicquid constitutum erit, nihil ad principalem causam decidendam pertinet: eoque superior quæstio et Ulpiani definitio pertinet. Veluti, cum tractatur de iurisdictione iudicis apud quem agitur, quæriturque, utrum res petita intra iurisdictionem eius consistat, an excedat. Pone, fundum petitem, ad summum quingentis aureis dignum, apud eum iudicem qui ex lege et forma iurisdictionis suæ, usque ad illam summam cognoscere potest: eum vindicat petitor apud maiorem iudicem, quod dicat eum se æstimare septingentis aut pluris: et posse fieri, ut tanti aut pluris in eo iudicio fundus æstimetur, si per contumaciam ab adversario non restituatur: eiusque rei rationem habendam esse: contra adversarius utitur præscriptione fori, et ad iudicem suum, illum minorem, revocat, quod dicat rei petitiæ pretium intra iurisdictionem eius consistere: recte dicit, ex superiori Ulpiani definitione, qua præcipitur verum rei spectandum esse, non id, in quod crescere lis possit, ex contumacia rei: quoniam hæc æstimatio non rei petitiæ æstimatio sit, sed pœna contumaciæ non restituentis: ut scriptum est in *d. L. 1.* Aliud exemplum huius rei in fideiussore iudicio sistendi causa dato poni potest: locuples dari debet, pro rei scilicet, de qua agitur qualitate, id est, qui tantum facere possit, quanti res est, de qua agitur: pone eam ducentorum esse: si ab actore petatur fideiussor locuples ad trecentos, quod lis crescere per iusiurandum in eam summam queat, non est audiendus: sed liberabitur reus, ne cogatur statim in ius venire, ut olim mos erat, nisi satisfaceretur. *L. 2. §. ult. D. qui satisd. cog.* Hæc de his causis Ulpianum scripsisse argumento est, quod *d. L. 1.* definitio sumpta est ex *lib. 51. ad Sabinum*: quo libro tractasse illum de iudicio, et de iudicis iurisdictione, indicat *L. eum qui, 13. D. de jurisd. L. si locus, 59. D. de jud. L. iudex, 55. D. de re jud. L. nemo qui condemnare, 27. de reg. iur.* omnes sumptæ ex *eodem lib.* et ad eam tractationem, quam dixi, pertinentes. CAP.

8) Ubi verbum expungit Ant. Fab. *Conject. 5. C. 17.* quasi alias falsa sententia. Crescere potest, inquit, condemnatio per iusiurandum in litem ex contumacia. Sed non ideo dicendum pluris esse rem, quæ in iudicium deducta: ac cuius nomine iuratur. Et contraria sunt, rem non fieri pluris, et rem tamen æstimari ultra pretium, nec dicendum esse ultra pretium rei, sed suum. Sed hæc inanes argutiæ. Nec animadvertit Faber, se dum ἀνυπολόγιαν quam putat, vitare vult, in graviorem incidere. Æstimari contumacia, pro coerceri, puniri, aut sensu eo, quem si correctæ lectio posceret, ubi uspiam legitur? Licet facile largiar apte dici æstimare contumaciam ex

suis requisitis etc. item dolum æstimari ex eo, quod in litem iuratur, ut *L. 64. de judic.* Rem æstimari quanti in litem iuratur, recte dicitur, *L. 8. Rer. amotar.* Et ultra igitur rei pretium. Nec cum eo pugnat, quod res non fiat pluris. Distinguendum enim id, quod in re est, ab eo quod in re est, ab eo quod in fictione aut opinione (non communi, ne quis obijciat verbum *opinamur d. L. 1.* sed) singulari. Nam cum et res ab iniquis taxatoribus minoris æstimatur, ideo minoris non fit, nec communiter minoris eam esse opinamur, ad effectus eos, de quibus hic Donellus aut similes.

## CAP. X.

De posteriori genere jurisjurandi in litem, quod vulgo veritatis appellant.

*Aliud esse jusjurandum a superiore distinctum ex L. C. Marciani verbis ostenditur.*

I. et seqq.

*Posterior hoc necessarium, prius illud voluntarium. II.*

*Necessitatem induci debitoris mora vel culpa, et rei ipsius interitu; et quare. III. IV.*

I. **J**usjurandum in litem duplex esse supra monui. Unum, quo iurat actor, quanti rem aestimat, vel ex affectu; quanvis ultra rei pretium. Alterum: quo iurat de vera aestimatione, idest, quanti res vere sit, seu quanti sua intersit. De priori hactenus disputavimus, nec tamen plene: superest enim de vi ejus, deque necessitate suscipien-

*Item et rei deterioratione. V.*

*Jusjurandum hoc posterius et in strictis, et in bonæ fidei judiciis adhiberi. VI.*

*Sed in strictis, cum res exstabit, secus in bonæ fidei judiciis. VII.*

*Hujus loci esse conditionem furtivam, et furti actionem. Cujus temporis habenda aestimatio in utraque. VIII.*

di dicere: sed quia hæc illi cum posteriori communia sunt, postea ubi de hoc quoque breviter exposuero, in commune de illis duabus quæstionibus dicam. De hoc igitur iurejurando in litem, quo quanti res est, aestimatur, illud primum quæritur, an ullum tale sit: sunt enim qui<sup>2</sup> negent: sed convin-

1) Super justo rei valore, omni affectione seposita, Menoch. *Arb. C.* 208. n. 2. De differentia inter hæc, quanti ea res et quanti interest, vid. *God. ad L. 79. de V. S.*

2) Duæ ad hoc tit. in priori et posterior. *Comm.* nullam distinctionem juramenti veritatis et affectionis agnoscit, etsi disertis verbis non reprobet, sed in *poster. Cap. 3.* statuit si dolo aut contumacia Rei difficilis reddita aestimatio, ut aliter probari nequeat, nullam esse distinctionem actionum, *L. 5. §. ult. h. t.* alias non deferri, nisi in certis casibus, *L. 5. pr. h. t. A. Massa Gales. Tr. de Judiciis bonæ fidei n. 9.* cum causa jurisjurandi in litem deferendi sit difficultas aestimationis per judicem, conjuncta dolosa mora, id non esse judiciorum bonæ fidei præcipuum, magis quam aliorum: ubi ex facti qualitate subsistit causa deferendi jurisjurandi. Denique A. Fab. 16. *Conject.* 1. et 13. ac 17. *Er. Prag.* 8. 8. et 10. hoc jusjurandum veritatis ita fere impugnatur. Distinctio hæc Jurisconsultis ignota, omneque in litem jusjurandum est affectionis, sive certa res, quæ debetur aestimanda, sive quod interest actoris. Differentia hæc solum inter bonæ fidei et stricta judicia, quod in illis jurare conceditur, etiam cum citra hoc res aestimari posset, ex æquitate judicii, ne per dolum adversarii qui re sua carere ac vendere justo pretio cogatur: in his vero ex necessitate eo uno casu, quo alio modo res aestimari nequit, cum nempe res post moram (ante tamen litem contestatam, vid. *not. infra N. 4.*) perempta. Ubi cum obligatio perpetuetur, res autem præstari nequeat, aestimatio facienda. Ea autem præsens debetur temporis, quo judicium acceptum. Quod probatur tum, quia alias falsa ratio Jurisconsulti in *d. §. ult.* quia aestimare non potest. Res enim perempta, inspecto eo tempore, quo exstabit, aestimari potest. Tum quia fictione juris res habetur pro exstante. At si exstaret, talis deberet præstari, qualis quantique esset, cum peteretur. Ergo et nunc præsens aestimatio: nec contentus esse debet actor aestimatione, quæ fuit tempore moræ, quia potuit plurius nunc esse, si perempta non fuisset. Præsens itaque aestimatio cum ejus rei, quæ nulla est, nec officio judicis nec homi viri arbitrio constitui possit: inde eam jurisjurando actoris committi oportet. Necessitatis itaque hoc juramentum potius dici debet, quam veritatis, quia non poena contumaciæ huc adigit, sed necessitas, non difficultas probationis, ut DD. vulgo sed mera impossibilitas; quando sine delatione hujus jurisjurandi res nullo modo aestimari potest. Neque huic dat causam doli, sed mora *d. L. 5. §. ult.* (quæ non modo sine dolo sed et sine culpa esse potest) et interitus. Mora facit, ut res perempta adhuc debeatur, ac si exstaret, non autem ut præstari possit, quia præstatio est facti in qua fictioni non locus est *L. 12. §. 2. de*

*captiv. et postlim.* Quia itaque vi moræ res exstare fingitur, peremptæ rei præsens aestimatio debetur, et inde jurandi necessitas. Licet Stichus ex. gr. mortuus; præstanda tamen ejus aestimatio, *L. 91. §. 3. et ult. de V. O. L. 21. L. 23. de constit. pec.* et quidem præsens tempore quo agitur, non morte aut mortis. Quia et quod aestimatio non debeat referri ad tempus præteritum, quo res exstitit, ut Bartolus et alii, vel hinc patet, quia sic nulla non modo impossibilitas esset probandæ aestimationis, sed nec difficultas. Facile enim est dicere quanti res fuerit, quæ nunc non exstat, quæ etsi exstaret, non ideo facilius foret præteriti temporis aestimatio. Sic in actione *L. Aquilicæ* ubi aestimatio sit retro, quanti res eo anno plurimi, *L. 21. ad L. Ag.* non juratur in litem, quia pugnare condemnari, quanti plurimi; et quanti in litem juratur. Quo circa cum jurisjurandi delatio hic necessaria sit, consequens est etiam affectionis indulgeri, quia non nisi ex jurantis affectione aestimationem habere potest res ea, quæ revera, cum non sit, nullam habet. Sola itaque hic causa necessitas vel impossibilitas probandi. Mora autem ideo exigitur, ut res deberi persistat. Quod si citra eam obligatio manere possit, ne illa quidem esset necessaria. Denique cum res aestimatur jurisjurando in litem, inepte quæritur ejus temporis ratio habenda sit, cum aestimatio fiat ex affectione jurantis. Nec obstat *L. 9. h. t.* verbis: cum furtum factum sit. Nam resp. id ibi ideo quia poena furti, (quæ cum propter delictum infligatur, ad tempus delicti referenda) dupli vel quadrupli constituitur ratione simpli. Etsi autem juraverit agens furti rem fuisse plurius quam fuit, non ideo minus valebit jusjurandum, nec audietur fur probaturus rem minoris fuisse. Hæc summa eorum quæ a Fabro *dd. loc.* fusius probata. Sed opinatio ista, ut ab illo exordiar, æquitate perspicue deficitur. Quid enim durius et inhumanius, quam eum qui nullius doli reus, immo etiam aliquando culpæ omnis exsors, (si verum, ut ipse quidem Faber ponit, quod culpa carere possit mora, quod hic non disputo) propter rei interitum fatalem, ut est species *d. L. 5. §. ult.* tanta poena plecti, ut in actoris arbitrio sit infinitum illius rei pretium, suamque ad rem affectionem aestimationem mare. Immo an non abunde sufficit actori, si aestimationem veram consequitur, cui si citra moram res tradita fuisset, favere ipse quoque perire potuisset. An non satis puniatur mora, si aestimationem præstare cogitur, re insuper perditâ. Quam si præstitisset sua die, omni se obligatione exsolvisset, nec postea interitum rei præstaret. Quia immo vel ex eo constat affectioni hic indulgeri non posse, quia interitus rei post moram liberat morosum, si constet rem æque perituram fuisse



vincuntur apertis testimoniis veterum, <sup>3</sup> ut Pauli in L. 2. §. 1. Ulpiani in L. 3. sed præcipue Marciani in L. in actionibus, 5. §. plane interdum, D. h. tit. ubi huius iurisiurandi natura et conditio expressa est. Sentire enim eum et loqui de hoc posteriori iureiurando in d. §. plane, multis modis demonstrari potest. Dixerat enim antea in actionibus in rem et ad exhibendum, et bonæ fidei in litem iurari, sed iurari ob solum dolum, non etiam ob culpam: intelligens scilicet prius illud iusiurandum in litem, quod ita per excellentiam vocatur: idemque dixerat Ulpianus in L. 4. præc. §. ult. ob culpam in litem non esse iurandum. Postea Marcianus subiicit, et in actione stricti iuris interdum in litem iurandum esse: veluti si Stichus promissor moram fecerit, et Stichus decesserit, hoc est uno verbo: propter culpam hic in litem iurari: mora enim culpæ species est. L. si servum, §. sequitur, D. de verb. oblig. Atqui in litem iurari paulo antea non posse dixerat, ob culpam, sed ob solum dolum. Eodem igitur loco manifeste contraria scripsit, nisi de diversis generibus in litem iurisiurandi senserit: quod et verum est. Idemque ex eo apparet, quod et in actione sola stricti iuris sic iurari ait ob culpam scilicet debitoris, cum prius illud iusiurandum in

litem in actionibus tantum arbitrariis et bonæ fidei collocasset. Denique huic posteriori iuriurando tunc solum locus est, cum res debita non exstat, sed precepta est, ut exemplum subiectum ostendit, et mox amplius dicitur. Prius illud etiam re exstante et tunc præcipue receptum est, cum quis scilicet contumacia non vult eam restituere, quam possidet.

II. Nunc ipsa verba Marciani, quibus naturam expressam huius iurisiurandi diximus, exponamus. At hic, non iurari, ut in prioribus actionibus et de priore iureiurando dixerat; sed iurandum esse non otiose, sed quo significetur iusiurandum hoc, quod defertur interdum etiam in stricti iuris iudiciis, necessarium esse; prius illud magis voluntarium. Re enim precepta, quæ nihilominus adhuc debeat, deferre iusiurandum actori de vera tantum rei æstimatione necessitatis est, ubi illi aliter consuli non possit. Quod sit in eo iureiurando, de quo nunc agimus, ut postea declarabitur: deferre autem actori, ut litem arbitrio suo æstimet, idque supra rei pretium, quod sit in priore iureiurando, voluntatis est, et poenæ, non ullius necessitatis: cum intra veram æstimationem consistendo, id est, id quod ei abest sarciendo, non minus rem salvam habeb-

creditori, ut suo loco. Nec alia ratione res deberi persistit ac exstare fingitur, quam quia acceptam creditor distrabere, ac ita res ipsi non perire potuit. Quare cum quis rem preceptam iudicio persequitur, ea ratione nititur, quod res sibi non æque fuerit peritura. Unde apparet affectionem ejus singularem ac peculiarem ad rem spectari non posse, sed commune potius ac formale pretium. Quæ enim affectio ultra rei pretium, finem rem quam acceptam ipse venalem habiturus. Nam si dixerit actor se Stichum, ex. gr. qui mortuus est post moram, amasse, vel fundum, qui inundatione aut chasmate perit, vid. d. L. 47. §. ult. de L. 1. ob certas causas majoris ex affectione æstimare, quam alius; eo ipso ostendit se Stichum aut fundum eum non retenturum, ideoque ipsi certo periturum fuisse. Quæ professio non tantum iurjurandum in litem affectionis excludit, sed immo, veræ etiam ac justæ æstimationis petitionem. Atque his cum fulcrum sententiæ Fabrianæ subvertatur, reliqua per se corrumpunt, quibus qui hæc menti infixerit, levi negotio occurret. Non potest solum, sed debet hic æstimatione referri ad tempus quo res exstitit, atque ita necesse est. Ponnamus ( ne litem liti implicemus ) quod controversi alias potest et solet, in strictis iudiciis quoad æstimationem litis contestatæ tempus spectari; sed supponenti erunt termini habiles, subaudiendumque ut alias semper, si modo possit; si ratio alia juris vel naturæ non obstat. Siouti, hic natura impedit spectari valorem rei tempore quo non exstat. Dicit Faber ex hac ipsa necessitate et alias æstimandi impossibilitate recurri ad iurjurandum hoc affectionis. Retorqueo. In hoc iurjurando sit æstimatio, si non rei ex affectione ( quod dicitur L. 1. h. t. ad impugnatum Faber vocula ex delata, vid. C. præced. N. 8. ) saltem ( dicente id Fabro ) affectionis ad rem. Et fingitur, postquam juratum est vel tanti rem fuisse vel tanti interesse partim peculiariter, partim ex affectione quanti iuratur. Non igitur ratio temporis habenda, quo res non exstat, nec affectio alio tempore considerari potest, quam quo res adhuc fuit. Quis enim afficiatur erga rem quæ non est; qui, sodes, iurari potest in litem ex affectione præsentis. Nam immo etsi de præterita affectione obijciat aliquid adversario, non tam illi quam sibi suæque intentioni adversatur per supra

dicta. Quod si dixerit se distracturum fuisse rem acceptam, nonne inde efficitur contentum esse debere, si id pretium accipiat, quod ab alio emptore accepturus. Nonne in hoc satis superque indulgetur actori, quod probare eum non oportet, quanti potuerit res venire; sed ejus assertioni, juratæ licet, in causa sua fides habetur. Ex his liquido jam apparet, tantum abesse, ut re fataliter precepta confugere necesse sit ad iurjurandum affectionis, ut nec aliæ quam veritatis juramento locus esse possit, etiam in bonæ fidei iudiciis, etsi maxime dolosa mora fuerit, de quo infra N. 6. Nihil obstat. verba non potest d. L. 5. §. ult. Nam resp. patet ex iis quæ Don. ut in medio h. Cap. ibi: et Ratio d. §. ult. etc. Quæ et convincunt falsum esse, quod Faber vult æstimationem præteritam rei preceptæ perinde sciri posse, ac si exstaret. Nam immo hoc casu ex collatione eum aliis rebus ejusdem et speciei et bonitatis, quæ eo tempore de quo quæritur venditæ, scitu facilius, quanti et hæc venire potuerit. Precepta ea, etsi de specie ex. gr. equo, servo, certi simus, non ita facile de qualitate et bonitate, ut Donellus hic, cum equus et servus alius 10 alius 100. florenis venire possit. Necessitatis hoc iurjurandum dici posse non dissiteor, in quo nec Donellus repugnat. Non minus tamen verum est, apte veritatis dici: quin ita melius constat oppositio alterius speciei. Hoc nego absolutam impossibilitatem probandi æstimationem requiri. Quidni enim summa difficultas efficiat, ut necessarium hoc videatur, sine quo nempe, probatione defecti plerique actores commodo litis excederent, reis impune moram laturis. Nonne haud absimili ratione necessarium iurjurandum dicitur, quod vulgo suppletorium, de quo Commentar. in Tit. Digestor. de jurejur. Cap. 11. Denique ex iis quæ Don. hic profligatur Fabri opinio et omnino ex L. 9. h. t. verbis: tanti rem fuisse, non dicitur se habuisse ex affectione, etc. Male itaque Faber non audiri probationem contrariam. Contra vid. C. seq. N. 11. 12.

3 ) Quod ex iisdem LL. confirmat Borch. h. t. C. 2. n. 2. Attamen in specie L. 3. h. t. puto affectionis juramentum præstari, si alia ejus requisita concurrant, vid. not. C. præced. N. 7.

bere potuerit. Unde et præcipue dicitur hoc iureiurando contumacia rei puniri. *L. tutor, §. 1. D. h. tit.* Potuit autem pœna omitti, ut nihilominus actori consuleretur.

III. Ait Marcianus, iurari interdum; quod explicat his verbis: *Veluti*, inquit, *si promissor Stichum moram fecerit, et Stichus decesserit.* Dixit, *veluti*, ut intelligeremus sub una specie res omnes eiusdem generis ac similes accipere nos debere, ut sit, cum exempli causa aliquid dicitur, *L. 1. §. quod vulgò, D. unde vi.* Atque hoc modo hic et de promissore, et de Sticho, et de mora, et de morte loquitur. Nam etsi debeatur quid non ex promissione, sed ex alia causa, puta ex testamento, idem est, ut declaratur in *L. 6. seq.* Unde et regula antea generaliter de actione stricti iudicii concepta. Idem, si non Stichus, sed alia res debita perierit: idem si non ex mora, sed ex alia culpa debitoris. Et in summa intelligimus duas 4 res in universum esse, quæ coniunctim hoc iusiurandum in actione stricti iudicii inducant; culpam debitoris, quæ perpetuavit obligationem, et interitum rei debitæ. Quæ cur duo hic exigantur, et simul coniuncta cur ad hoc prosint, cognoscendum est. Primum moram, aut culpam debitoris intervenire oportet; quoniam si prius res pereat, quam per debitorem factum sit, quo minus daret, iure liberatur. *L. si ex legati, D. de verbor. obligat. l. quod te, D. si cer. pet.* Et quidem ita, ut nec æstimationem debeat. *L. in ratione, §. incertæ, D. ad L. Falcid.* ut propterea iusiurando locus esse non possit. At mora facta perpetuatur deinceps obligatio; ut quavis res pereat postea, nihilominus tam teneatur debitor, quam si res exstaret. *d. L. si ex legati, L. si servum, §. sequitur, L. nemo, D. de verbor. oblig.* Unde et re perempta etiam nunc de æstimatione superest

actio. *L. in re, D. de cond. furt.* Idem est, si culpa debitoris res perierit, *d. L. si servum*, in pr. et *§. 1.* et culpa quidem etiam sine dolo, *d. L. §. sequitur.* Exigitur hic præterea, ut res perierit, ut exemplum allatum ostendit in *d. §. plane*, et *L. seq. alias.* Ubi verbum, *Alias*, non potest referri nisi ad conditiones prius comprehensas, quæ significantur ideo esse adiectæ, quia *alias*, id est, extra has conditiones in his iudiciis non iuratur in litem.

IV. Et ratio huius rei in *d. §. plane* redita est; quia iudex sine delatione iusiurandi, æstimare non potest rem, quæ non extat. Si enim 5 legendum est; non ut in Pandectis Florentinis: *sine relatione iusiurandi*: iudex enim, non alius, iusiurandum in litem defert. *L. tutor, D. hoc tit.* at iudici certe nemo defert, ut dici possit iudicem id referre. Sed cur non potest iudex sine delatione iusiurandi æstimare rem quæ non extat? Id vero aperte falsum est, si quis de eo, quod natura fieri potest, interpretetur. Potest enim actorem cogere, ut probet rem tanti esse, quanti dicit, aut affirmanti credere. Sed hoc sic accipiendum est, ut non possit iure, atque ex officio iudicis: quia non potest sine iniuria actoris aut debitoris. Actoris, si probationem exigit ab invito. Sic enim eveniet, ut actore non probante reus absolvi debeat: at re amplius non extante, æstimationis eius aut difficilis, aut potius nulla legitima probatio est. Quibus enim instrumentis ea demonstrari possit, aut quibus facile testibus? Neque enim instrumenta de rei æstimatione confici solent, neque testes reperias, qui rem cum extaret viderint, aut curiosius, quanti esset, observarint; aut etiam meminerint. At iniquum est, moram et culpam debitoris actori nocere. *L. in condemnatione, §. unicuique, L. factum, D. de reg. iur.*

4) Vulgo DD. duo requirunt. (1) Dolum præteritum: (cum iusiurandum affectionis fere præstetur ob dolum præsentem.) (2) Difficultatem probationis Menoch. *Arb. Cas.* 308. Jo. Bapt. Plot. *h. Tr. §. 4. n. 20.* et *§. 26. n. 1.* et refert A. Fab. 16. *Conject.* 13. Unde et huc refertur iusiurandum Zenoniam *L. 9. C. Unde vi.* Menoch. *d. loc. n. 3.* et *seqq.* item quod præstatur contra tutorem vel administratorem qui non confecit librum rationum; Plot. *d. §. 4. n. 85.* et *§. 9. n. 28.* Menoch. *d. loc. n. 16.* et *seqq.* Munoz. *de Ratiocin. C. 9. n. 26.* et *seqq.* contra fiduciarium heredem, et usufructuarium omnium honorum inventario non confecto; Plot. *§. 26.* Quin Duaren. *h. t. n. 52.* quoties de eo, quod interest, quaritur, cuius probatio difficilis *L. ult. de præst. stip.* hoc iusiurandum deferri putat. Sed ita ut Don. *hic Borch. h. t. C. 2. n. 2.* et *3. C. 5. n. 14.* ubi et ob levem culpam iusiurandum veritatis præstari, quia ejus species sit mora. Neque aliud puto mora post iudicium acceptum commissæ. Tamej si DD. vulgo qui doceant ex dolo quandoque etiam ante sententiam commissæ, si juncta sit difficultas probationis, iusiurandum hoc deferri,

insectetur A. Fab. 17. *Err. Prag.* 6. Namque, ait, si post iudicium acceptum res perempta, citra iusiurandum hoc iudex æstimare potest rem perditam, inspecto scilicet tempore litis contestationis. Siquidem etsi extaret non alius temporis, quam quo lis contestata est, æstimationi deberetur, quæ sciri perinde potest re perempta *L. pen. de cond. tritit.* Nec etiam difficultas quantacunque, sine tamen impossibilitate, iusiurandi huic in strictis iudiciis locum dat, nisi forte in unica specie *L. 9. C. Unde vi.* odio violenti possessoris. Ubi tamen novum iusiurandi genus a Zenone inducitur, non de æstimatione rei debitæ, sed probanda quantitate rerum per vim subreptarum. Sed ad hoc facilis Resp. ex not. *C. præced. N. 2. vers. Ponamus (ne litem, etc.)* Spectetur sane, esto, ejus temporis æstimatio. Ast si res perit antequam æstimaretur, major ratio deferendi huius iusiurandi actori quam difficilem ejusdem probationem ex mora Rei injungendi etc. (5) Quomodo et legit A. Fab. *Lib. 16. Conject. et Decad. 18. Err. Prag. passim.* nulla mentione correctionis. Et ita in editione Parisiens. an. 1517. et aliis.

iur. Reo iudex iniuriam faciet, si necessitate probandi actori remissa ( ut debet ) nudam eius æstimationem volet sequi sine delatione iurisiurandi: quia cum posset actorem sine iniuria obstringere religione iurisiurandi, ne falsum diceret, et hanc veluti probationem a reo exigeret, maluit eum absolute in causa sua facere iudicem, quod cum genere ipso iniquum sit, nunquam quoad eius fieri poterit, est admittendum. L. Julianus ait, D. de iudic. ut in hac causa non est, iniquum, ubi iusiurandum ante delatum accedit; cum aliter actori consuli non possit, et huic delationi culpa debitoris causam dederit: et rursum aliter reo consuli non potest, nisi delato actori iureiurando. Ex quo intelligimus illam necessitatem huius iurisiurandi deferendi, propter quam nimirum in litem iurandum esse Marcianus dixit, non, iurari.

V. Hoc loco diligenter monendi sumus, quod hactenus diximus de re quæ periit in totum, ut sit cum Stichus decessit; idem admittendum esse, et in re deteriore post moram facta, ut iuretur hic et de æstimatione, quatenus res deterior facta est. Nam et id quod eatenus periit, non extat: nec magis potest nunc æstimari sine iureiurando, quam si res omnino periisset. Et vero quod ius est de toto, idem et de parte intelligendum esse placuit. L. quæ de tota, D. de rei vind.

VI. Ad extremum non est prætereundum, quod Marcianus ait, hæc statui non in actione stricti iudicii, sed et in actione stricti iudicii: qua conjunctione admonemur, quod hic actionibus stricti iudicii tribuitur, ita his tribui, ut sit etiam cum aliis commune. Atque hoc voluit intelligi; si quid ex bonæ fidei, aut arbitrariis actionibus præstandum sit, quod itidem post moram debitoris possessorisve perierit, non minus: at-

que adeo multo magis etiam in his <sup>6</sup> eodem modo iurandum esse, ut in quibus et eadem æquitatis ratio, et natura actionum plenior, evidentius idem ius desiderent. §. in bonæ, et §. prætareæ, Institut. de action.

VII. Sed non ut omnium actionum commune est, ut in his iuretur in litem, cum res post moram periit: ita est omnium commune, ut in his non iuretur; si adhuc res exstabit. Solum actionum stricti iuris hoc proprium est, ut in his re extante nunquam in litem iuretur. Diversum est in bonæ fidei iudiciis, et arbitrariis, in quibus utrumque dolo adversarii fiat, ut res non restituatur, quantumvis extet, iuratur in litem, et quidem ita, ut rei æstimatio arbitrio domini subiciatur: huic enim iurisiurando in contumacia rei locus est. L. 1. L. 2. §. 1. L. t. tutor, D. h. titu. non est autem contumacia, nisi, cum qui restituere rem debet, et potest, is non restituit. L. contumacia, in fin. D. de re iudic.

VIII. Actionem autem stricti iuris hic intelligere debemus etiam eam, quæ ex delicto oritur, veluti conditio furtiva, vel ipsa furti actio: de qua posteriori tantum accipienda est 7 L. cum furti, 9. D. h. tit. scribit enim illic Javolenus, tanti rem æstimandam esse, quanti fuit, cum furtum factum est. Atqui si de re conditione furtiva ageretur, ut illic accepit Accursius, æstimatio fieret: eius temporis, quo res unquam plurimi fuisset, postquam furtum factum est. L. in re, §. 1. D. de cond. furt. Cur non igitur et in actione furti, cum res æstimanda est, idem dicimus? Differentiæ ratio est; quod in conditione res furtiva petitur, quod quia omnibus temporibus debetur, ideo ex omnibus temporibus æstimanda est pro arbitratu et commodo petitoris. In actione autem furti non res petitur, sed furti pœna; quam æstimari oportet ex eo tem-

6 ) Ita et Borch. h. t. C. 4. n. 88. Plane A. Faber. sicuti in strictis ex mora iusiurandum affectionis admittit ut supra N. 2. ita ex eadem in iudiciis bonæ fidei 16. Conject. 13. et 17. Err. Prag. 6. ac 10. si res ante litem contestatam periit. Nam hoc, arguit, commune omnium iudiciorum tempus litis contestatæ spectari ex ipsissima juris ratione, licet in bonæ fidei iudiciis id non spectetur præcise, si vel moræ vel condemnationis tempore res pluri fuerit. Quare cum potuerit æstimatio augeri usque ad tempus rei iudicandæ, et per moram factum, ne cresceret: non debet illa efficere quo minus præsens æstimatio debeat. Qualis autem sit, re perempta, non magis a iudice in his, quam in strictis iudiciis constitui potest. Verum omnino puto, nec in bonæ fidei iudiciis alii quam veritatis iurijurando locum esse, quoties res casu fatali periit, etsi dolo Rei factum, ne citius restitueretur. Quippe nec hic affectio spectari facile potest, cum si certum foret rem ipsi actori quoque petitorum, ne veram quidem is æstimationem consequeretur L. 14. §. ult. Depos. et similib.

7 ) Borch. h. t. C. 4. n. 78. Gœd. ad L. 192. de V. S. A. Fab. 17. Err. Prag. 5. Qui in eo errare videtur, quod d. L. 9. de iureiurando affectionis accipit, et ideo ad conditionem furtivam non pertinere, quia in hac illi iurijurando non locus sit, nisi eo casu quo res post moram periit. Confer. supra ex Fab. N. 2. Nunquid igitur in actione furti pœnali indistincte ex effectu iurabitur. Id consequens equidem. Verum qui vel juris rationi conveniat, non video. Ne dicas et hic rationi locum esse, ne cogatur dominus re sua carere, ac justo pretio eandem vendere, ut A. Fab. d. loc. Nam ei immo magis locus in conditione furtiva, quæ veluti ex causâ dominii datur, et actio furti sapissime datur non domino, cuius quoquo modo vel ratione interest. Denique quadruplati verum pretium diserte docet L. 50. pr. de furt. quæ perspicue Fabrum refellit. Alii de conditione furtiva d. L. 9. accipiunt ut citati supra Lib. 21. C. 3. N. 15. De utraque accipi poterit, si spectetur principalis ibi quæstio non de tempore juxta quod æstimatio, sed an adici debeat eo plurisve, add. not. h. C. N. 2. sub. fin.

tempore, quo furtum factum est. Actio enim furti, quæ hanc pœnam persequitur, iure proposita est ei, *cujus interfuit rem non surripi*, *L. cujus*, 10. *D. de furt.* hæc verba ad id quod interest eo tempore, quo furtum factum est, non obscure referuntur: sed obiciet aliquis, in actione furti non recte nos dicere in litem iurari, cum ea sit actio de pœna furti, non de re furtiva, cuius de æstimatione in hoc iureiurando quæritur. Di-

cimus sic actionem de pœna esse, ut non eo minus in eo iudicio et res furtiva æstimanda sit. Petitur enim ea actione duplum aut quadruplum. Id quantum sit, intelligi non potest, nisi prius constiterit, quanti sit res furtiva, idest, simplum, quod duplandum aut quadruplandum est. Quod si hic res æstimanda est; etiam de ea æstimatione 8 iusiurandum locum habebit.

8) Ita Borch. *d. C.* 78. Et in hoc convenit A. Fab. 17. *Error: Prag.* 4.

## C A P. XI.

Quæ sit vis iurisjurandi in litem, quibus conditionibus id servandum. De perjurio.

*Servari oportere iusjurandum in litem, si modo duas habeat conditiones. I.*

1. *Si actor non alio a reo, sed iudice deferente juraverit: quid si a reo ex culpa deferatur actori in id quod eius interest. II.*

*Si tamen cum reus actori detulit, eo iureiurando teneri velit, idem et a iudice servari necesse est. III.*

2. *Etsi actor et in immensum iuravit; sed tamen modum in eo non excessit a Iudice præfinitum. Jurare in immensum quid sit; et quatenus iudex hoc quod iuratur sequi debeat. IV. VI.*

*An, et quando Iudex possit iuriurando in litem taxationem adiicere: quæ vis huius taxationis; et qua distinctione tota finitur hæc quæstio. V. VI.*

*Sive nec Iudex a se delatum iusiurandum minuit aut reiecit ex magna causa: quæ sit talis. VII.*

*An posteriori huic exceptioni fuerit iure novissimo derogatum. VIII.*

*Exponitur. L. de periurio 11. D. de in lit. iur. IX.*

*Iusiurandum in litem, si periurium habet coniunctum, posse ex causa retractari solum illud quo quanti res est æstimatur. X. IX.*

**I.** *N*unc de vi iurisjurandi in litem dicendum est. Vis est in eo, ut servari debeat, ut si et de alia re inter litigatores iuratum esset, sed suis conditionibus. Hæc duæ sunt, Una, si actor deferente iudice iuraverit. Altera, si taxationem iudicis non excesserit.

II. De priori conditione sic Ulpianus scribit in *L. 4. videamus*, §. *deferre*, *D. h. tit.* Deferre autem iusiurandum, iudicem oportet: cæterum si alius detulerit iusiurandum, vel non delato eo iuratum sit: nulla erit religio, nec ullum iusiurandum: et ita constitutionibus expressum est Imperatoris nostri, et divi patris ejus: hæc ille. Et siquidem alius deferat, quam reus, expeditum est, quod dicit nullum esse iusiurandum: at reo deferente, cur ei iusiurandum non noceat?

*Tom. VI.*

Movet, quod aliud omne, quod non est in litem, adversus eum qui detulit, servari placeat; non quod non sit in litem, sed quia, ut iuris auctores tradunt, proficiscitur ex conventionem, et speciem transactionis continet: ideo servandum propter religionem, et conventionem, seu transactionem. *L. 2. L. sed etsi servus, L. qui jurasse, seq. §. ult. L. admonendi, D. de jur.* Et quod idem valet, quia æquum est adversus eum custodiri, qui contentus eo, cum deferret, fuit *d. L. qui jurasse*, in princip. Concurrunt hæc omnia etiam in eo iureiurando, quod in litem a reo defertur: car ergo non servabitur? Quia iusiurandum aliud omne, quod servari diximus, interponitur de re ad litigatorem omnino pertinente. In iureiurando hoc in litem etiam res iudicis agitur. Adhibetur enim, ut

ut puniatur contumacia non restituentis, aut non exhibentis. L. 2. §. 1. *L. tutor, D. hoc titulo*. Hæc contumacia adversus iudicem committitur, cui iubenti non paretur. Merito igitur iurisiurandi delatio ut in re maxime iudicis, arbitrio eius et potestati permittitur. Ex quo intelligitur non idem esse in alio illo iureiurando in litem, quod ex culpa defertur actori in id quod eius interest; ad id iusiurandum superior definitio non pertinet, nec quicquam prohibet, quo minus reus recte id deferat, et cum detulerit, adversus eum ex generali regula edicti servetur. L. 5. D. *de iurejur.* Quod semper ita accipiendum est, dummodo reus præsentem iudicem id deferat, ut in omni iudiciali iureiurando fieri debere præcipitur in L. *generaliter, §. omne igitur, C. de reb. cred.*

III. Sed et illud quod de priore iureiurando in litem dictum est, nullum esse id iusiurandum, si reus detulerit, non iudex; sic accipiendum est, ut nullum sit, siquidem reus, postquam iuratum est, eo tenei non lit: cæterum si velit, consentiatque, ut in eam æstimationem sententia feratur: non est in potestate iudicis id non sequi, quasi ipse iusiurandum non detulerit: quoties enim inter litigatores convenit, quid pronuncietur, iudicis officium est eiusmodi sententiam proferre. L. *si convenerit, §. de re iudic.* Nec contrarium est quod in d. L. 4. §. *deferre*, dicitur, nullum esse iusiurandum: neque enim tam iusiurandum hic iudex sequitur, quam posteriorem conventionem.

IV. De altera conditione videamus. In quo quaeritur, an iudex tanti reum condemnare debeat, quantum petitor in litem iuraverit, etsi in immensum iuraverit; an vero sit in potestate iudicis, id iusiurandum non sequi. Sententia summa Ulpiani est in d. L. 4. §. *iurare*, et §. *sequen.* Si quis deferente iudice iuraverit in litem, quanvis in infinitum, iudicem tamen id sequi debere, nisi aut is modum statuerit, ad quem usque iuraretur, et actor hunc modum excesserit; aut magna

aliqua causa id non sequi suadeat: ut constet locus definitione una, cui adiunctæ sint duæ exceptiones. Ait ergo, iurare in infinitum licet: id postea dicit, in <sup>2</sup> immensum, id est, in eam summam, quæ longe rei pretium, ac pene modum in eo excedat: certa sit tamen, et pronuntiatione finita, non incerta: iudex enim certam sententiam ferre debet. §. *iurare, Institut. de offic. iudic.* Nam infinita hic dicitur, non quod pronuntiatione finita non sit; sed quod verbis legis sit infinita: quoniam quibus legibus de hoc iureiurando cautum est, certa quantitas non adiicitur, ad quam usque iuretur: sed sine ulla præfinitione iuris, licet in hanc aut illam summam iurare. L. *arbitrio, D. de dolo.* Quod ait Ulpianus ita iurare licere, significat ita licere, ut cum iuratum fuerit, iusiurandum servandum sit, et iudex id sequi debeat: idque significat in §. *sequen.* ubi definit, magis esse, ut iudex possit hoc iusiurandum non sequi, sed ex magna causa: nisi igitur hæc magna causa sit, sequi cogitur. Quod ipse idem apertius expressit in L. *qui restituere, D. de re vindic.* cum ait, si possessor dolo fecerit, quominus posset rem restituere, damnum eum esse, quantum adversarius in litem sine ulla taxatione in infinitum iuraverit. Ut quanvis excesserit actor duplum rei petiti, aut triplum, atque adeo quadruplum; tamen non dubia sit sententia Ulpiani, iudicem nisi quæ magna causa prohibeat, id sequi oportere. Neque id <sup>3</sup> mutavit constitutio Justiniani. L. *un. C. de senten. quæ pro eo quod int. prof.* Non enim hoc iusiurandum est in id quod actoris interest, cui modum illa constitutio præfinit, sed quanti actor rem æstimet, idque pro arbitrio et ex affectu; quæ res inter se ut contrariæ opponuntur. L. *tutor, D. hoc tit. L. non a iudice, D. de iudic.* Sed et in hoc iureiurando contumacia non restituentis punitur. d. L. *tutor*, cum hoc expedit metui delicti poenam: L. *si unus, §. pacta, D. de pact.* tum vero lex Justiniani ad

1) Duar. h. t. in poster. Comm. C. 4. ita: Si simpliciter reus detulit, non sic intelligimus, quasi inter eos hoc convenit. Sed si appareat id convenisse, ut tanti condemnaretur reus, si juret actor, id servandum. Recte. Tunc enim, opinor, non pro iureiurando in litem, sed decisorio habendum est. Sed et acceptando iudicem deferre videri, Plot. h. Tr. §. 50. n. 2.

2) Hæc pro iisdem habet Donell. et Borch. h. t. C. 2. n. 16. Sed rectius puto Duar. h. t. n. 27. in priorib. Comm. et in posterior. C. 4. quod infinitum hic, non ἀπείρο, nec idem quod d. §. 2. dicitur immensum, sed ἀόριστος indefinitum alterum. Sic Cicer. 4. Top. Quæstionum duo genera: Alterum infinitum, alterum definitum. Sic in L. 91. de condit. et demon. L. 13. §. ultim. de dam. inf. Distincta igitur infinitum

sine præfinitione, non tamen sine modo: et immensum, sine modo et mensura, cum affectioni nimium indulgetur. Obrech. Disp. 12. de R. V. P. 1. C. 9. n. 435. et 2. seqq. add. Bronch. 1. Misc. 61. Coras. ad L. 5. h. t. n. 20. A. Fab. 16. Conject. 17. et 18. Err. Pragm. 10. et not. supra Lib. 6. Cap. 20. IV. 1.

3) Ita contra Bart. et DD. vulgo Duar. h. t. n. 27. et seq. tum quia nec æquum est, cogi aliquem rem suam duplo iusti pretii vendere; tum quod plurimum differat id quod interest, d. L. un. ab eo de quo in litem iuratur, L. 64. de iudic. Ac confirmat Coras. ad L. 5. h. t. n. 20. vers. verum enimvero etc. Diss. Jo. Bapt. Plot. h. Tr. §. 49. n. 25.



ad casus incertos, in quibus sunt delicta, non pertinet, ut illic docuimus. Nunc exceptiones videamus.

V. Prior exceptio est, licet in infinitum iurare, ut servetur jusjurandum, nisi iudex modum statuerit iurijurando, ad quem usque juretur: tum enim ultra iurare non licet. *L. si quando, C. unde vi.* Et si juratum sit, hactenus nullum est jusjurandum, quasi nec delatum. *d. L. 4. §. deferre.* Sed repugnare videntur leges et edicta de hoc jurejurando: in quibus nullus modus adjicitur, nulla certa quantitas. *L. arbitrio, in prin. D. de dol. L. tutor, D. hoc tit. L. si filiofamilias, §. 1. D. sol. matrim. L. si cum dos, §. ult. D. rer. amot.* Ulpianus contra ut probet posse iudicem modum huic iurijurando statuere, utitur hoc argumento, quod iudex possit a principio nec jusjurandum deferre: quod et dicitur in *4 L. 5. seq. D. h. tit.* Quod si verum est, recte colligit: nam qui potest non deferre in totum, multo magis potest pro parte non deferre. Pro parte autem tantum jusjurandum in litem non defertur, cum taxatio iurijurando adjicitur. *Sed et arbitrario bonæ fidei iudicis, inquit, hoc congruit.* Neque obstat, quod idem Ulpianus in *d. L. qui restituere*, definit: non enim illic dicit reum damnandum sine ulla taxatione: sed reum damnandum, quantum adversarius sine ulla taxatione juraverit; ut hæc verba *5 sine ulla taxatione*, non ad iudicem damnantem, sed ad adversarium jurantem referantur. Sic enim res habet, ut cum juravit actor sine ulla taxatione, id est, nulla taxatione a iudice præfinita, iudex hoc ipsum sequi, et tanti reum damari debeat, *d. L. qui restituere.*

Tom. VI.

Aliter atque si taxationem in deferendo adiecerit. *d. L. 4. §. jurare.* Sed enim, ajunt, ex hoc ipso loco colligitur, posse iudicem non sequi jusjurandum, cui nullam antea taxationem adiecerit. Dicitur enim in hoc *§. jurare*, generaliter posse eum taxationem adjicere, nec distinguitur quo tempore: ergo et postquam juratum est, taxationi iudicis locus erit, arg. *L. de pretio, D. de public. cum similib.* quod et vulgo <sup>6</sup> interpretes admiserunt. Sed repugnant Ulpiani verba et sententia in *d. §. jurare*, et *§. seq.* ait enim, iudicem, qui jusjurandum detulit, non posse non sequi id, nisi ex magna causa, et postea repetitis probationibus: loquiturque non obscure de eo, qui aut nulla taxatione præfinita juravit, aut præfinita quidem, sed constitit intra taxationem, ut si jusjurandum minuendum sit postea, non possit minui ob præcedentem taxationem adjectam. Hoc autem ait, iudicem minuere aut rejicere non posse, et solum magnam causam, ac repertas postea probationes excipit. Nec moveri debemus quod generaliter de taxatione iudicis loquatur: nam neque verbum taxationis generale est, ut ad posterius quoque hoc tempus pertineat: et si pertineret, non est tamen hæc mens Ulpiani, ut ad id referri debeat. Taxare non est minuere, id quod factum est, sed <sup>7</sup> modum statuere rei futuræ: et ut Festus significat, *Lib. 17.* taxatio est, cum quid alicui faciendum permittitur: sed certo præstituto modo, ad quem usque illi in eo progredi liceat. Ait enim taxationem dictam, cum arbitrio præscribebatur, quod jus ei esset statuendi. Atque hanc vim et significationem esse taxationis, quæ iurijurando in li-

24\*

tem

4) *L. 3. §. 2. ad exhib. Menoch. Arb. Ca. 207. n. 29.* Borch. *h. t. C. ult. n. 2.* et DD. communiter. Diss. Ant. Fab. et ex parte Coras. ac Vital. ut *N. seq.*

5) Aliter DD. vulgo respond. sine taxatione ulla scilicet quæ fiat a lege, non autem sine ea, quæ iudicis arbitrio commissa, et Pac. 3. *Enant. Q. 88.* Borch. 1. *Misc. 61.* Borch. *h. t. C. ult. n. 1.* Quam distinctionem reprobatur Vital. 1. *Var. Lect. 21.* putans taxationi huic iudicis locum esse, non in omni jurejurando in litem, sed ubi restituere jussus, dolo possidere desit, ut *d. L. 68.* quem gravius coerceri putat ob dolum post condemnationis commissum, ne iudicato pareret, quam si ante commississet. Et ita *d. L. 4. §. 2. L. 5. §. 1. h. t.* de dolo diverso tempore admissio accipit. Sed male. Et si eodem collimet Coras. *ad L. 5. h. t. n. 20.* Nam et dd. LL. indefinite loquuntur et *ex L. 1. et 2. h. t.* apparet hoc titulo præcipue de jurejurando ob contumaciam non restituentis, cum posset, tractari. Audentius A. Fab. 16. *Conject. 17.* et 18. *Err. Prag. 10.* qui *d. L. 4. §. 2. a verb. sed an iudex. et §. seq. 3.* itemque *d. L. 5. §. 1. et 2.* pro Tribonianum ineptis additamentis venditat, nullam taxationem iudicis agnoscens, cum nec citra eam immensum iura permittant iurare, aut rem valoris 50. mille ex gr. æstinare. taxationem hanc ignotam mediæ jurisprudentiæ primum a Zenone inductam, *L. 9. C. unde vi,* in iurijurandi ea specie, cujus longe alia ratio sit. Plura id genus profert, quæ

profligare non nimis operæ foret, si pretium operæ videretur. Quem vero cordatiorem turbabit hæc Fabri argutatio. Si iudicis arbitrii est, ait, taxare quantitatem, non dici potest, quoniam casu de perjurio queri possit; si quidem facta taxatione non potest videri pejerasse, si ad permissam usque quantitatem; non facta imputari potius iudici posset, cur non taxaverit. Quis item eo moveatur, quod bonæ fidei iudex *d. L. 2.* non concinne dicatur. Immo dicitur ita, ut bonæ fidei debitor, a Symmacho 3. *Epist. 41.* et ut Augustus bonæ fidei se esse dixit. Sueton. in *Aug. C. 41.* Quo non tam ad iudicia bonæ fidei, cum non in his solis ita juretur, quam ad officium iudicis, cujus est nimiam iniquitatem non admittere, respicitur.

6) DD. vulgo et Borch. *h. t. C. ult. n. 3.* Menoch. *Arb. C. 207. n. 30.* cum quibus sentire videtur Robert. 1. *Ani-madvers. 29. sub fin.* Tametsi aliud statuat in juramento veritatis, quia, ajunt, si ibi taxatio sequi posset, perjurium iurantis detegeretur, quod non accidit in affectionis juramento, ubi taxatio non pejerasse arguit, sed immodicam cum affectionem habuisse. Menoch. *Arb. C. 208. n. 5.* Borch. *d. C. ult. n. 4.* vid. Coras. *ad L. 5. h. t. n. 20.* Sed recte Donnellus.

7) Vid. Cujac. 2. *Obs. 12.* qui ostendit, ita in contractibus et testamentis taxationes dici præscriptiones verborum, quibus oratio coercetur aut dilatur.

tem adjicitur, aperte declaratur in *L. si quando, C. unde vi*. ubi de hac taxatione ita scribitur, ut taxatio præcedat, jusjurandum in litem sequatur ita, ut actori non liceat ultra taxationem a iudice ante factam jurare. Apertius Justinianus hoc de voce taxationis confirmat. *Novel. de iudic. §. oportet*. Scribit enim in hanc sententiam, si iudex victori jusjurandum de expensis deferat, ad quantitatem scilicet quæ moderata illi videtur, quam leges taxationem vocant, et quæ sequuntur. Interdum tamen taxatio<sup>8</sup> æstimationem significat. Ut *L. cum propria*. in fi. *C. si quis alt. vel sibi juncta L. non ignoret, C. de fruct. et lit. exp.* et in *L. 4. C. de act. empt.* Quæ significatio huc non pertinet. Hæc de verbis: de Ulpiani mente dubitari etiam non potest. Ait enim, *ut intra certam quantitatem iuretur*, ut iuretur, inquam, nempe postea, non autem ut ante juratum minuatur. Et continenter: *Ne arrepta occasione in immensam iuretur*. Non metuimus, ne in immensum juretur, postquam juratum est; sed ante quam juretur, ubi res adhuc est integra, et adversus hunc metum vult superiore modum adjici; proinde rebus adhuc integris, et ad frenandum futurum jusjurandum.

VI. Sed nondum hæc sententia constituta est: pendet enim Ulpianus ex hac ratione, quod possit iudex ab initio jusjurandum nec deferre, ut et Marciano in *L. 5. seq.* at hæc ratio falsa videtur. Primum traditur multis locis constanter, cum res petita non restituitur; siquidem culpa rei, damnandum eum quanti res est: sin dolo, debere rem æstimari et reum damnari, non quanti res est, sed quanti adversarius in litem juraverit. *L. qui restituere, D. de re vind. L. non a iudice, de iudic. L. tutor, D. h. tit. L. filiofamilias, §. 1. sol. matr. L. si cum dos, §. ult. rer. amot.* Quibus verbis significatur rem non voluntati iudicis permissam, sed subjectam juris necessitati, ut quanvis ista nolit, tamen jure pro officio facere cogatur. arg. *§. curare, Inst. de off. iud.* Idem probant rationes superioribus locis adjectæ: ideo

reus damnandus est, quanti in litem actor juraverit, quia non est æquum pretio, idest, quanti res est, litem æstimari, vel invitum quem cogi suo pretio res suas vendere. *L. tutor, D. h. tit. L. si cum dos, §. ult. et L. non enim, seq. D. rer. am.* At extra hoc jusjurandum nulla est æstimatio, nisi quanti res est, seu quanti actoris interest. *L. non a iudice, D. de iudic.* Non licet ergo iudici hoc jusjurandum non deferre adversus contumacem, *et contumacia punienda est*, inquit Marcellus, *et rei pretium arbitrio potius domini statuendum.* d. *L. tutor*, additque ibidem nominatim, id faciendum esse potestate petitori in litem iuranti concessa: igitur hoc dicit debere iudicem hoc jusjurandum actori deferre. Quid ergo est, quod ab Ulpiano et Marciano dicitur, posse iudicem hoc jusjurandum nec deferre? Utrumque recte dicitur, sed suis conditionibus. Non est in potestate iudicis hoc jusjurandum non deferre, si de facto, quod superioris condemnationis causa est, idest, de dolo et contumacia possessoris<sup>9</sup> constat: ut nec illud est in potestate iudicis, contumaciam non restituentis non punire, aut in hac contumacia pretium rei arbitrio domini non statuere. Utrumque enim iniquum et contra ius d. *L. tutor. d. L. non enim*. Non licet autem iudici contra quam ius et æquum est, iudicare. *Inst. de off. iud.* in pr. et maxime in iis iudiciis, in quibus iuratur in litem, idest, in bonæ fidei et arbitrariis actionibus ut supra dictum. In his enim potestatem quidem liberam iudicandi habet, ut tamen id facere iubeatur ex æquo et bono, *§. in bonæ, §. præterea, Inst. de action.* Quod si de facto, et contumacia ambigitur, aut de ea non satis liqueat; ibi valet, quod dicitur, posse iudicem non deferre iusiurandum, ut de facti questione ipse statuatur: quippe facti quæstio in potestate iudicantis est, iuris autem quæstio legis auctoritati reservatur, ut Papinianus eleganter scripsit in *L. 1. §. 1. in fin. D. ad Turp. L. ordine*, in prin. *D. ad munic.* sic in *L. 2. §. si quis iudicio, D. si quis caut.* ei qui tempestate vel vi fluminis prohibitus se siste-

<sup>8</sup> Unde taxatores, taxatio expensarum, etc. Alio item sensu Sidon. *Lib. 7. Epist. 9.* Si urbium status non tam murorum ambitu quam civium claritate taxandus est.

<sup>9</sup> Recte. Convenit, Duar. *h. t. n. 9.* et Coras. *ad L. in act. 5. hoc tit. n. 21.* Non hoc itaque liberæ et absolutæ potestatis iudicis tanquam a sententia denegante hanc delationem appellari nequeat, ut voluit Castrensis. Sed si pro negotii natura æquum, necessitate adstringitur iudex, *L. 68. de R. V. L. 3. h. tit. arg. a contrario ex verbis: non oportet.* Nam quæ iudicis arbitrio concessa, non in meram ejus voluntatem, (uti cum *L. dicit posse iudicem, L. 40. de iud.*) sed quasi bono viro commissa intelliguntur, arg. *L. 75. de L. 1. et*

*simil.* Quare si contra vere contumacem non deferat iudex appellare licebit, Duar. et Coras. *dd. loc.* Sicuti et contra a delatione ejusdem adversarius recte appellat, Coras. *ad d. L. 5. n. 30.* Nec deferendum hoc nisi petenti, nec præstandum nisi parte adversa citata, Plot. *h. Tr. §. 50. n. 7. et 8. Rauch. P. 1. Q. 9. n. 45.* Nihil itaque causæ, cur quod de hoc arbitrio habetur, *d. L. 4. §. 2. et L. 5. §. 1.* Tribonianus tribuat et tantopere in eum invehat, A. Fab. *16. Conject. 17.* Neque pro eo facit *L. ult. h. t.* quam recte Donellus exponit ut *C. seq. N. 3.* Aliter Vital. *1. Far. Lect. 21.* distinguit inter jusjurandum in litem illud, de quo in *L. 68. de R. V.* et aliud.



illic agitur; ita etiam proponitur actor intra eam taxationem iurasse. Par igitur, idem et de eo existimari, cui nulla taxatio adiecta est, ad quemcunque modum postea actor iuraverit: quia et hic pariter nihil sit adversus delationem, et eam potestatem iurandi, quam iudex concessit: non enim periculum est, ne ibi iuretur adversus taxationem, ubi nulla fuit adiecta taxatio.

VIII. Illud in superiorioribus verbis contrarium videri potest, quod Justinianus præcise iubet, ne iudex in minorem summam, quam iuratum est, condemnet, nec ullam exceptionem adiciat; quasi velit nec ex magna aliqua causa eiusmodi, qualem diximus iusiurandum reiici posse. Sed non eo minus constitutio cum exceptione huius loci accipienda est: sive quod priores leges ad posteriores trahuntur, et contra. *L. non est novum, L. ideo, L. sed et posteriores, D. de legib.* Sive quod in toto iure generi per speciem derogatur. Quid? quod ex verbis ipsis constitutionis hæc exceptio facile colligitur: vetat enim, ne iudex humanior videri velit, quam lex. Non ergo prohibetur, quominus æque saltem sit humanus, atque lex. Imo vero hoc præcipue est officium iudicum, humanitatem et æquitatem legum sequi. *L. quidam, D. si cert. pet. L. 4. §. ult. D. de eo quod cer. loc.* At constat ex *d. §. iurare, et §. item videndum, L. 4. h. tit.* ius ita esse, ut liceat iurijurando taxationem adicere, et ab eo, quod delatum sit, ex causa recedi posse. Quapropter et verbis Justiniani idem iudici permitti intelligendum est.

IX. Ad vim quoque huius iurisiurandi (licet non omnis, sed eius quo res quanti est, æstimatur, ut postea dicetur) pertinet definitio illa Pauli in *L. ult. D. h. tit. De perjurio ejus, qui ex necessitate iuris in litem iuravit, quæri facile non solere.* Quod ait, *non facile*, id est, non sine iusta et evidenti causa, arg. *L. etsi, D. de reg. iur. L. pen. D. de in int. rest.* ex quo contra intelligimus quæri, id est, agi de periurio posse ex magna et iusta causa. Et siquidem agatur criminaliter, perspicuum est nullam admodum agenti idoneam causam esse de eo quærendi; quia ut periurium puniatur, in quo est solum vindicta publica, privati nihil interest. *L. prætor, 7. §. 1. D. de iniur.* Quo fit ut putem de periurio

ejus qui in litem iuravit, criminaliter, et extra ordinem quæri nec posse nec solere: confirmaturque id generali illa sententia. *L. 2. C. de reb. cred.* iurisiurandi contemptam religionem satis Deum ultorem habere: de qua satis dixi in titulo de jurejurando *supra lib. 24.* At causa esse potest, si reus de damno privato laboret, quod amplius iusta æstimatione solvit, vel solvere recusans, quod amplius exigitur. Proinde hoc casu potest iusiurandum retractari, nempe civiliter agendo, et de re privata et familiari. Et hoc quidem ita potest, dum sic agatur, ut perjurium <sup>12</sup> probetur instrumentis postea reperiitis, non etiam testibus: plane ut iusiurandum illud, quod in dubiis causis a iudice deferri solet, et necessarium vulgo nominatur: de quo est *L. admonendi, D. de jurejur.* idque a me illo titulo satis explicatum est: unde quod ad hanc rem pertinet in hoc in litem jurejurando illustrando, peti velim: est enim hoc illi perquam simile. Nam utrumque pariter a iudice defertur, et utrumque iudex sententia sua confirmat, dum secundum eum iudicat, qui iuravit. De instituenta hac retractatione hic quæritur, qua actione reus repetat, quod amplius vera æstimatione ex periurio adversarii condemnatus dederit. Nam cum ex causa iudicati solverit, condicere ut indebitum non potest. *L. 1. C. de cond. indeb.* Et cessantibus aliis actionibus erit actio de dolo. *L. servus, §. ult. arg. in L. si quod deferente, D. de dol.* Quod si reus condemnatus nondum solvit id, in quo peieratum est: certi iuris est, cui re iam soluta damus actionem ad solutum repetendum, ei pecunia nondum soluta multo magis adversus petentem competere exceptionem. *L. invitus, §. 1. D. de regul. jur.* Ita igitur iusiurandum in litem ex periurio interdum retractari potest. Sed apparet fere ex superioribus, id de solo iureiurando in litem vere dici, quod ad veritatem æstimandam, idest, quanti res est, interponitur: non etiam in illo in litem iureiurando locum habere, quo actor ultra rei pretium suo arbitrio atque ex affectu rem æstimat, iure concedente: non potest enim hic dici peierasse, quantumvis verum pretium excedat, atque adeo iuret in immensum: quod secus est in illo altero, quo res duntaxat quanti est, æstimari permittitur. Quod etsi per se ipsum intelligitur, tamen id Paulus in superiori illa definitione

ne

<sup>12</sup> ) De probatione contraria contra iusiurandum in litem

vid. Jo. Bapt. Plot. h. Tr. §. 48. n. 22. et seqq. Vinc. Caroc. Decis. 12

ne significat, cum addidit illa verba qui in litem iuravit ex necessitate iuris: iuris scilicet privati, quia ad ius actoris probandum ad hoc iusiurandum decurrendum fuerit: æstimatur enim res quæ post moram debitoris perit: ut jam æstimatione eius aliter probari facile non possit, quam iureiurando actoris; ut supra suo loco exposui.

X. Illud hoc loco animadvertendum, iusiurandum ipsum in litem, quodcumque sit, si periurium non habet retractari non posse: si periurium habet, retractari posse, sed illud solum, quod de vera æstimatione est: atque id ipsum raro nec facile, ut docui. Quare Paulus non de iureiurando, sed de

periurio dixit non facile quæri solere: Hoc pertinet etiam illud, quod Iabolenus definit in *L. cum furti*, 9. *D. h. tit.* ita hic oportere iurari, ut satis sit actorem dicere certam summam, quanti rem fuisse iurat, non autem habere necesse adiicere: *plurisve quia*, inquit, *quæ res pluris est, utique tanti est*, significat his verbis, non esse metuendum in proposito, ne is qui iuravit rem valere viginti, videatur peierare, si res pluris valeat, puta viginti quinque, quia si valet viginti quinque, utique verum est eam et valere viginti: inest enim semper minor summa in maiore. *L. 1. §. si stipulanti, D. de verb. oblig.*

## C A P. XII.

### De necessitate jurisjurandi in litem suscipiendi.

*Necessitas jurandi potest esse aut ex jure publico, aut privato. I.*

*Ex jure publico nullam esse in litem jurandi necessitatem ostenditur. II.*

*Ex jure privato secus; et qualis ista necessitas. III.*

*Locus Pauli in L. ult. D. de in lit. jur. a nonnullis aliter explicatur, et eorum interpretatio revincitur. IV.*

I. **H**Æc necessitas duplex intelligi potest; publici iuris, et privati. Aut enim necesse habet actor in litem iurare, quia ius cogit eum suscipere iusiurandum, ut quavis alioqui æstimatione vera contentus sit, et de ea probare malit testibus, aut instrumentis, quam iurare: tamen non audiatur, sed omnino iurare debeat, vel causam amittere. Aut dicitur necesse habere habita ratione iuris sui privati: quia scilicet liceat quidem ei non iurare, et nihilominus vincere, si modo probet de æstimatione: sed quoniam facile probare non potest æstimationem rei non extantis, et tamen ad vincendum aut probare aut iurare debet, ideo privata utilitate eo adducatur, ut cogatur iurare: alioqui res ei perierit.

II. Hoc intellecto nego ullam esse necessitatem priorem, iuris scilicet publici in iurando in litem, nego eum, cui iusiurandum in litem a iudice defertur, cogi iure id suscipere; sed huic liberum esse ita id recusare, ut si de æstimatione probare velit nihilominus au-

diri, et re probata vincere debeat, quodcumque tandem id erit jusjurandum in litem. Quod et Bartolus recte sensit, et scripsit in *L. ult. D. hoc tit.* Omne enim iusiurandum in litem, tam quod est de affectione iurantis, quam quod est de vera æstimatione, comparatum est actoris causa: posterius quidem ad eum probatione sublevandum; prius autem etiam ad eum augendum, ut pro suo arbitrato pretium rei suæ dicat, quod velit. Utrumque ita adversus reum, ut sit etiam adversus invitum, cui post iusiurandum nihil relinquitur, nisi ut condemnetur. Delatum igitur actor impune recusabit: cum liceat unicuique iuri pro se introducto renunciare. *L. pen. C. de pact. L. si iudex, D. de minor.* Non idem servatur in iureiurando, quod non est in litem, sed ab adversario defertur: quod nisi refertur, sine iusta causa recusare non licet. *L. jusjurandum et ad §. ait, et §. datur, L. manifestæ, D. de jurejur.* Sed hoc contraria de causa quia et deferentis causa defertur, eiusque interest id

<sup>1</sup> Quod et probatur *L. quod si possessor. 71. de R. V. Borch. h. Tr. C. 3. n. 27. Jo. Bapt. Asin. Tr. de Exec.*

<sup>2</sup> *§. 3. C. 1. n. 16.* quia jusjurandum hoc favore partis inductum et odio dolosi, cui renunciari potest.



id suscipi, ut citius et sine molestia atque omni sumptu a lite discedatur. At etiam iusiurandum illud necessarium iuriurando in litem non dissimile, quod pariter defertur a iudice, et invito adversario; illud, inquam, quod a iudice defertur in debili caussa, recusari non posse, antea suo loco diximus, idque expressum est in *C. ult. ext. de iureiur.* Sed et hoc a iureiurando in litem in eo, de quo nunc agitur, diversum est: defertur enim maxime iudicis, et adversarii alterius caussa. In dubiis enim caussis, id est ancipitibus, et in quibus pares sunt utrinque probationes, interest iudicis habere, quid sequatur, quod nisi iureiurando alterutri parti delato facile explicare non potest. Interest igitur eius, iusiurandum ab eo delatum non recusari; aut certe ex recusatione confessionis coniecturam capi oportet. Interest et adversarii, ne quid videlicet temere in caussa dubia adversus eum a iudice sine iureiurando statuatur. In iureiurando in litem contra nihil interest iudicis ab actore iurari; quia sive actor aliter probat semper iudici certum ex iure, quid hic sequi debeat: nam illo probante secundum eum iudicat. *L. negantes, C. de obl. et act.* non probante, reum absolvit. *L. qui accusare, C. de eden.* Adversarii interest multo minus, cum potius intersit eius non iurari, si actor nihil probet: quia tum reus absolvatur: actore autem non probante, reus metuere non possit, ne quid temere iudex hic statuatur: cum tum maxime æquum sit, reum condemnari, cum non iureiurando, sed iustis probationibus convictus est. *d. L. negantes.* Et ideo, quod in *L. 4. §. D. h. tit.* scriptum est, adolescentem, si velit, iurare in litem posse; sic accipiendum est, ut ad omnes actores, quibus idem delatum est, pertineat, intelligaturque illam conditionem, si velit, esse conditionem propriam<sup>2</sup> iuriurandi, non adolescentis.

III. Restat ergo, ut quod Paulus scribit in *d. L. ult. D. h. tit. ex necessitate iuris* iurari necessitatem alteram interpretemur; nempe privati iuris necessitatem, ut nisi actor iuret, æstimationem una cum re amittat, non quia de æstimatione probare volens, iure non audiatur, sed quia natura hic sit rei status, ut æstimationem facile probare non

possit: quæ<sup>3</sup> necessitas, ut supra cap. proximo demonstratum est, ad posterius duntaxat genus iuriurandi, quod de vera æstimatione est, pertinet.

IV. Scio esse, qui illa verba; *Ejus qui ex necessitate in litem iuravit*, in definitione Pauli aliter interpretentur, id est non pro specie una eorum qui iurant in litem, sed pro ratione definitionis subiectæ accipienda putent; ut sit sensus, ideo non facile quæri de periurio eius, qui in litem iuravit, quia ex necessitate iuris iuravit: sentientes necessitati, quam quis sibi non imposuerit, esse subveniendum, ut et subveniendum est. *L. si fideiussor, §. D. qui satisd. cog. L. 2. §. si quis tamen, D. si quis caut.* Idque dictum esse volunt ad discrimen eius, qui deferente adversario iurans peieravit, cuius quia in potestate fuit iusiurandum non suscipere referendo, ideo de eius periurio sentiunt facilius quæri posse: non quidem civiliter; nam hoc modo retractari non potest. *L. admonendi, D. de iureiur.* sed criminaliter, et extra ordinem, ut puniatur: hanc enim coercionem in eo admittunt, eamque periurii pœnam esse interpretantur, cuius fit mentio in *L. nam sufficit, D. de dol.* Quæ interpretatio hoc convenit cum illa nostra superiore, quod admittit retractationem solum periurii, idque solum in iureiurando eius, qui de vera æstimatione iurare debuit: nunquam autem in eo, qui arbitrio suo rem æstimavit; quia in illo tantum priore periurium est. Hoc discrepat, quod in eo qui delato de vera æstimatione iureiurando peieravit, retractationem civilem nullam agnoscit, extraordinariam admittit, et si non facile, aut etiam utramque tollit, contra quam supra ius esse diximus. Sed procul amolenda hæc interpretatio est. Nam primum nulla eiusmodi necessitas est suscipiendi in litem iuriurandi, qualem isti intelligi volunt, ut supra hoc capite demonstravi. Deinde si qua esset, nunquam tamen eam necessitatem pro ratione propositæ a Paulo definitionis admittere deberemus. Paulus ait, non facile quæri solere de periurio eius, qui in litem iuravit. Inepta plane ratio est, si dicat eo fieri, qui ex necessitate iuris iuravit. Dici enim potest, excusandum esse actorem quod iuravit in litem; quia ex ne-

<sup>2</sup> ) Consent. Borch. *d. C. 3. n. 27.* Objic. At frustra *d. L. 4. pr.* de tutoribus ac curatoribus specialiter cavetur eos iurare non teneri, si nec quisquam alius cogitur. Resp. in illis ratio dubitandi specialis, cum si recusent iurare, tutelæ vel curæ iudicio de damno quod inde passus pupillus vel adolescens pulsari possint Borch. *d. C. 3. n. 29.*

<sup>3</sup> ) Recte: Etsi A. Fab. 16. *Conject. 17. p. 355.* ita exponat quod res hæc non potestati et arbitrio iudicis, sed iuris necessitati subiecta sit. Quod refellitur *C. præced. N. 9.* Confer. Plotus *h. Tr. §. 52. n. 3.* ubi post Bartolum, et alios dici hoc posse necessarium non vere, sed causative scribit.

cessitate iuris iuravit. At profecto eadem necessitatis ratione dici non potest, excusandum esse eius periurium: quoniam nulla necessitate iuris peieravit. Iusiurandum enim ab eo exigebatur, non periurium. Quinimo in iure iurando exigendo hoc ipsum exactum est, ne peieraret. Religio enim et fides ab eo exige-

batur. Quamobrem si peieravit, fecit volens, non coactus; nec tantum volens, sed etiam improbe. Ut proinde non magis excusatione dignus sit in periurio, qui in litem iuravit, quam alius quivis, qui deferente adversario peieravit.

### C A P. XIII.

Quo referatur quæstio; De eo quod interest: et quid in ea tota quæstione agatur.

### C A P. XIV.

Quid valeat hoc verbum; quod interest.

### C A P. XV.

Id quod interest, esse unius generis, non ut vulgo traditum est, triplex.

### C A P. XVI.

Quæ sint de eo, quod interest, veterum et rei propriæ dubitationes, et de lege Justiniani.

### C A P. XVII.

Explicatur ea pars legis quæ est de modo et taxatione ejus quod interest. Qui sint casus certi.

### C A P. XVIII.

Qui sint casus incerti.

## C A P. XIX.

Subdifficilis quæstio explicata de venditione, locatione, et similibus;  
sitne in his casus certus, an incertus.

## C A P. XX.

Dupli rationem in hac constitutione quam inire debemus.

## C A P. XXI.

Quæ ratio Justiniano hujus discriminis casuum introducendi.

## C A P. XXII.

Ut damni, sic lucri habendam rationem in eo quod interest.

## C A P. XXIII.

Quod si in constitutione damnum quod revera induci dicitur: quæ  
utilitas quæ circa rem consistat, quæ non consistat: et quid ex  
his præstandum.

## C A P. XXIV.

Sitne aliquis modus poenarum conventionalium, et quis sit.

*Vide laudatam Epistolam.*

HUGONIS DONELLI  
JURISCONSULTI  
COMMENTARIORUM  
DE JURE CIVILI  
LIBER VIGESIMUS SEPTIMUS.

---

*Vide Epistolam ad lectorem sæpius laudatam.*

Tom. VI.

25.

HUGO-





# HUGONIS DONELLI

## JURISCONSULTI

### COMMENTARIORUM

#### DE JURE CIVILI

#### LIBER VIGESIMUS OCTAVUS.

#### CAPUT I.

De confessis. Et ad hunc Tit. Digestor.

---

*Vide Epistolam supra laudatam.*

---

#### CAP. II.

Quæ sint remedia adversus eum, qui secus, quam oportere diximus, judicavit.

*Rerum nexus, et transitio ad pœnam iudicis improbi aut imperiti. I.*

*Sententia lata adversus leges ipso iure nulla. II.*

*Iniusta sententia appellationis remedio rescinditur. III.*

*Prodit actio adversus eum qui male iudica-*

*vit etsi per imperitiam, aut cum assessoribus imperitis, et quæ posterioris partis exceptio. IV.*

*Contrariis occurritur; et L. filiusfamilias, 15. D. de iudic. explicatur. V.*

*Facit et ille litem suam qui in iudicando aliquid dolo malo prætermisit. VI.*

I. **Q**Uæ iudex in iudicando observare debeat, quæve si justa sententia, et ejus sententiæ quanta sit vis, quique effectus, satis, opinor, duobus proxime præcedentibus libris demonstratum est. Sed frustra quid in sententia jus exigat, docuerimus, si iudice aliter judicante, erit impune. Videamus ergo si imperitus, aut improbus iudex contra judicabit, quæ sit pœna.

II. Et si aperte, ac nominatim contra leges et constitutiones sententiam dixit, nempe id expriment fieri debere, quod leges vetant: veluti reum damnare se, quanvis actor nihil

probaverit: eum de fructibus absolvere se, quanvis de re condemnaverit: aut eum damnare se in usuras usurarum: quæ omnia aperte sunt contra leges: hanc, iuquam, si sententiam dixit, sententia nullius momenti est ipso jure, ita, ut nec appellatione sit opus. L. 1. §. item cum contra, D. quæ sent. sine app. resc. de quo scripsi plura ad L. præses, D. de re iud.

III. Sin aperte, nihil dicit contra leges: tametsi forte judicat perperam, et alterutri parti injuriam facit, valet tamen sententia ipso jure nihilominus. d. L. præses. Sed in eo

eo hæc sunt remedia. Sententia, si injusta est, potest appellatione retractari. Quod ut possit constare, an injusta sit nec ne, omnibus proditum est remedium appellationis L. 1. D. de appell. Hoc prætermisso sententiæ standum est, L. cum prolatis, D. de re iud. Sed et tum victo alio modo succursum est.

IV. Actio enim prodita est ei adversus judicem, qui litem suam facit: id est: qui male judicavit; ut quantum de ea re æquum religioni judicantis visum fuerit, in tantam pecuniam damnetur: L. ult. D. de extra cognit. tit. de obligat. quæ ex quas. del. nasc. in princ. L. 4. §. si iudex, D. de obl. et act. In quo non doli tantum nomine: sed etiam culpæ, et imperitiæ teneri eum certum est. d. L. ult. d. extr. cog. Quorum tamen posterius quidem in iudice privato tantum recipiendum putant: ordinarium, qui assessores habeat, venia dignum esse, si secutus sit iudicium assessorum: moti exemplo magistratus, qui jus novum statuit de assessorum sententia. Nam hunc Paulus edicto prætoris de iis, qui jus novum statuerunt, non teneri ait, sed assessores. L. 2. D. quod quisq. iur. Mihi exemplum congruere non videtur. Ideo enim ait ille non teneri magistratum, quem modo dixi, quia eo edicto dolus jus dicentis puniatur: constat autem nihil dolo facere eum, qui de sententia assessorum quid iudicat. Fingamus igitur propositam fuisse actionem eo edicto in omnes, qui quid novi juris statuissent, vel Paulus ipse significat futurum fuisse, ut teneretur, qui de sententia assessorum id fecisset. Quapropter cum constituta sit actio adversus judicem, qui male judicavit, etiam si iudicavit per imperitiam: non debet ab hac pœna immunis esse, qui cum assessoribus imperitis et ipse imperite iudicavit, nisi sicubi ita jus sit ut magistratus cogatur sequi plurimorum assessorum sententias. Nullum enim delictum ejus est, qui juri publico obsequitur.

V. Sed cum constituerimus, idque ipsum aperte illi loci exprimant, quos de hac actione supra iudicavi, litem suam facere eum judicem, non modo qui dolo malo, sed etiam qui per

imperitiam iudicavit: quid dicemus sibi velle Ulpianum in L. si filiusfamilias, D. de jud. qui ita definiat: *judicem tunc litem suam facere intelligi, cum dolo malo in fraudem legis sententiam dixerit. Dolo autem malo videri hoc facere, si evidens arguatur, ejus gratia, vel inimicitia, vel sordes?* Non dubitem his verbis, eum contrarium dicere, nisi quid sentiat sequentibus verbis declararet. Nunc autem temperamentum adjicit, in quo velit superiorem definitionem habere locum. Subjicit enim continenter hæc verba; *ut veram litem æstimationem sufferre cogatur.* Ex quibus apparet, hoc eum sentire, quod ante dictum erat, id totum accipiendum esse hac conditione, siquidem id agatur, ut cogatur iudex veram æstimationem sufferre. Unde intelligemus Ulpianum velle demonstrare eo loco, non tam quis litem suam faciat, quam illud, quatenus æquum sit damnavi eum, qui litem suam fecerit. Et dum eum demum in solidum teneri ait, qui dolo malo dixit sententiam: significat non ita eum teneri æquum esse, si per imperitiam male iudicavit. Quatenus igitur hic eum teneri æquum est? Nam hoc incertum relictum est illis locis, quos supra citavi de hac actione. Et potest hoc æstimari ex eo, quod Ulpianus in ead. L. si filiusfamilias in princ. scribit in hæc verba: *si filiusfamilias iudex litem suam faciat, in tantam quantitatem tenetur, quæ tunc in peculio fuit, cum sententiam dicebat.* Inquit filiusfamilias iudicem, quantum in bonis, et quasi patrimonio tunc habuit, cum iudicavit, eatenus teneri. Nam peculium quasi patrimonium quoddam est filiusfamilias §. actiones autem de peculio; Inst. de action. hinc colligi potest idem probandum esse et in patrefamilias. Constat enim filiosfamilias ex omnibus causis non aliter teneri, quam patrefamilias L. filiusfamilias, D. de oblig. et act. L. tam ex contractibus, D. de jud. Itaque cum subjicit eum, qui dolo malo litem suam fecit, teneri in veram æstimationem, intelligere debemus, non patrefamilias a filiofamilias distinguere, quasi in posteriore parte agat de patrefamilias tantum, quia

1) Add. tit. Cod. de poen. jud. qui male judic. L. 12. Cod. de dignit. Nov. 8. et 17. Nov. 24. Nov. 25. Cap. 3. Nov. 124. C. 2. pr. etc. L. 12. tabb. pecuniam accepisse convictum capite puniebat, Agell. 20. Noct. 1. vid. Marcil. in L. 12. tab. collect. C. 10. Libro legis Bojoriorum. C. 3. Tit. 4. Qui corruptus nummis falso iudicavit, duplum damni cogitur exsolvere, et fisco insuper 40. solidos persolvere. De poena iudicum pluribus Mathesilan. ad d. tit. Cod. Menoch. Arb. Cap. 339. et seqq. Vasq. 2. Contr. usu freq. 37. Oldend. Cl. 7. Act. 13. et ultim. Jac. Omphal. Lib. 6. de Usurpat.

legum. Cap. 21. Bargal. Lib. 3. de Dolo. C. 9. Myns. Decad. 9. Resp. 90. Pollet. 5. Hist. fori 9. et Broidæ. in Supplem. Cap. seq. Rulant. de Commis. P. 1. Lib. 6. Cap. 7.

2) Quid si male ex consilio Sapientis iudicavit? Litem suam non facit, Schnrf. Cent. 1. Cons. 29. Quod apud nos merito obtingit, licet Scala Lib. 4. de Cons. Sap. C. 26. distinguat, an ultro id requisiverit; ubi contrasentit, an ad partium voluntatem. Quando autem ipse consultor litem suam faciat, vid. idem Lib. 4. Cap. 23.

quia in priore dixerat de filiofamilias, sed<sup>3</sup> distingui eum, qui culpa litem suam fecit, ab eo, qui eam fecit suam dolo malo: quia cum in posteriore agatur de eo, qui dolo malo indicavit (in quo non recte distinguitur filiofamilias a patrefamilias) necesse sit priorem partem accipi de eo, qui male indicavit per imperitiam, sive is erit paterfamilias, sive filiofamilias.

VI. Pertinet autem ad superiorem definitionem Ulpiani intelligi illud Papiniani ex *L. non quidquid, D. de jud.* iudex si quid adversus legis præceptum in iudicando dolo

malo prætermiserit, legem offendit: hoc enim dicto declaratur, non tantum eum dolo malo facere litem suam, atque ita in solidum teneri, qui consulto quid statuerit secus, quam ius erat: sed etiam, qui dolo malo prætermiserit, quod facere jure publico jubebatur. Propone iudicem non condemnasse victum victori in expensas litis. In qua specie nominatim Justinianus constituit iudicem de suo quidquid damni ex ea re erit, sarcire debere. *L. properandum, §. sine autem, C. de jud.*

3) Confer supra Lib. 15. Cap. 28. n. 9. Cujac. 13. Obs. 18. Pac. 3. Enant. Q. 23. Quam culpam præstent iudices et

magistratus, vid. Delrio ad *L. contractus, 23. de R. I. Cap. 18.*

## C A P. III.

Quo rita, quibusque solemnibus observatis sententia ferenda sit.

*Transitio ad solemnia ferendæ sententiæ; et quæ sint. I.*

Primo sententia ferri debet utroque litigatore præsentem; aut etiam altero absente post trinam ejus vocationem. II.

Evocatur quis tribus edictis: quid illa sint: impetratur postea peremptorium: hoc quid sit. III.

Solemnis trium edictorum numerus interdum non servatur; et quibus in causis. IV.

Quando peremptorium edictum sit, vel non sit necessarium. V.

Reus contumax, si die cognitionis adsit, auditur, et quatenus: absens et citatus damnabitur, aut erit etiam in bona causa victor. VI.

*Contrariis occurritur. VII.*

*Actore absente, si modo hoc reo placuerit, circumducetur edictum; quid hoc sit. VIII.*

*Alias vero idem fere hic juris servari adversus actorem quod contra reum. IX.*

Secundo. Sententia recitanda ex breviculo. *Improbatur communis lectio: ex periculo. X.*

Tertio: *De ea lingua qua proferenda sententia quo in loco auctor. Quæstionis occasio. XI.*

Quarto: *Ferenda sententia in loco publico, et solito. Quinto in tempore non feriato. XII.*

I. **Q**Uoniam pertinet ad officium iudicis in sententia ferenda, ut proposui, supra libro 26. c. 2. non solum qualem sententiam ferat: sed etiam quomodo: et in genere sententiæ quid illi sequendum sit, dictum est: reliquum est, in ritu ejus ferendæ quid jus postulet, cognoscamus: tot sunt autem solemnia, quæ in eo exigantur: ut feratur sententia præsentibus iis, quos causa contingit, aut his saltem legitime evocatis, ut ex scripto recitetur: ut usitata lingua: tunc ut feratur idoneo loco, et tempore. Ex quibus priora tria sententiæ sunt propria; duo

posteriora, locum dico, et tempus, ad omnem iudicis cognitionem pertinent: sed maxime tamen ad sententiam. Non enim pronuntiare tantum; sed etiam in alia quavis parte iudicii, quæ causæ cognitionem desiderat, sedere debet et idoneo loco, et idoneo tempore, sed tum præcipue, cum de re pronuntiat. Omnia ad vim sententiæ ejus generis, ut sine his sententia nos non teneat. De quibus videamus.

II. Et de præsentia litigatorum jus sic habet: de unoquoque negotio præsentibus iis, ad quos res pertinet, quandiu eorum facultas

tas esse potest, judicari oportere. *L. de unoquoque, D. de re jud.* Utroque absente, quanvis legitime vocato, non licere: ut indicat Titulus codicis, *Quomodo, et quando judex sententiam proferre debeat præsentibus partibus, vel una parte absente*: absente altero possit judicare: sed ita, si is prius legitimis edictis evocatus ordine edictorum peracto copiam sui non fecerit. *L. ea quæ, C. quo. et quan. jud. L. si prætor, in princ. D. de jud.* Quod quomodo conveniat cum *d. L. de unoquoque* ibi dixi.

III. Ea sunt edicta de quibus legitimus in *L. ad peremptorium, et LL. seqq. D. de jud.* Edictum hoc vocamus denunciationem magistratus, per quam litigatori, ut adsit, jubet *d. L. si prætor, D. de jud.* Edicere enim jubere est hinc factum, ut denunciationes dicantur eadem significatione. *d. L. ea quæ, L. tres denunciationes, C. quo. et quan. jud.* Quas easdem quoniam literis complectitur magistratus, literas dixerunt: et literis evocari, qui edictis evocatur. *L. contumacia, D. de re jud.* In hac re si legitimum numerum quærimus tria edicta requiruntur, quæ proponuntur per intervallum non minus decem dierum, <sup>2</sup> quibus propositis impetratur id, quod appellatur peremptorium, quod inde hoc nomen sumsit, quod perimat disceptationem: hoc est, ultra non patitur adversarium tergiversari. In peremptorio enim comminatur is, qui dedit, etiam absente diversa parte cogniturum se et pronuciaturum. Hæc ex Ulpiano in *d. L. ad peremptorium, et tribus seqq.*

IV. Sed ita legitimus hic est, et solemnissimus numerus edictorum, ut si res exigat, liceat judici hunc numerum minuere. *Nonnunquam*, inquit idem Ulpianus de peremptorio loquens, *hoc edictum post tot numero edicta, quæ præcesserunt, datur: nonnunquam post unum, vel alterum: nonnunquam statim, quod appellatur unum pro omnibus. Hoc autem æstimare oportet eum, qui ius dicit, pro conditione causæ, vel personæ, vel temporis; et ita ordinem edictorum, aut compendium moderari.* Hæc Ulpianus in *L. non-*

*nunquam, D. de iud.* Quod dicit de conditione causæ, personæ, temporis, ejusmodi est. Non utetur prætor tot edictis in causa, quæ facile dilationem non patiatur: quod genus est, si de alimentis, si de tutore constituendo agatur, et similibus, de quibus in *L. 2. D. de feriis.* Non utetur adversus eum actorem, qui sit tenuis homo, et pauper, qui exempli gratia, de mercede sibi debita agit; non utetur eo tempore eum periculum esse videbitur, ne res incidat in ferias messium, aut vindemiarum. Quæ omnia significantur in *L. 1. in fin. eod. et d. L. 2. D. de feriis.*

V. Et quoniam peremptorium tribus edictis propositis subijcimus, an semper id intervenire oporteat, dubitari potest. Frustra Ulpianus tractare videtur, quomodo ad peremptorium perveniatur, nisi id sit necessarium. Rursum in *L. 2. Cod. quom. et quand. jud.* scriptum est, *cessante quoque causa peremptorii edicti adversus eos, qui admoniti adesse noluerunt, sententiam a iudice ferri posse.* Et res ita habet, ut interdum <sup>3</sup> sit necessarium, interdum non sit. Sic enim scriptum est in *L. tres denunciationes, Cod. quom. et quand. jud.* *Tres denunciationes ad peremptorii edicti vicem adversus contumaces convalescere.* Est autem contumax, qui coram admonitus copiam sui facere contemnit. *L. contumacia, D. de re iudic.* Hinc licet colligere, sive tres denunciationes non intervenerint, sive intervenerint quidem, sed adversus absentem, et eum cui coram denunciatum non sit: toties peremptorio opus esse, alias non esse.

VI. Hoc ordine peracto adversus reum, si quidem is adierit, cognitionis die, audietur ille quidem: sed ea lege, quæ constituta est a Justiniano adversus omnes, qui quavis in parte iudicii jussi adesse primo contemserint; deinde apparent; ut prius omnia <sup>4</sup> damna jubeatur sarcire adversario, quæ ob frustrationem ejus contigerunt. *L. sancimus, Cod. de judic.* Si ne sic quidem ille venerit, citabitur absens, id est, appellabitur nominatim, et inclamabitur: ita, ut sive responderit,

<sup>1</sup> ) Quin etsi cœperit judex sententiam præsentibus partibus legere, si inter legendum se absentem, eam non valere, post Bal. Jo. Ansbach. *Sing. all. Lib. 1. C. 30.* Præsens autem quis dicatur, vid. Tirac. post *LL. Connub. gl. 6. n. 30. et seqq.* et quando sententia lata præsumatur contra præsentem vel absentem, Menoch. 2. *Præsumpt. 69. et seq. add. supra Lib. 27. C. 6. N. 5. ibique not.*

<sup>2</sup> ) Quod Theod. Marc. in *L. 12. tab. collectis et interpretam. C. 6.* originem habere putat ex veteri lege 12. tabularum: QUI TESTIMONIUM DEFUGERIT, IS TERTIIS DIE-

BUS ( id est trinundino, ter intra dies 27. et ita desertor testimonii post trinam denunciationem recusavit ) OB PORTUM OBVAGULATUM ITO, etc. De citatione peremptoria vid. citatos *supra in not. Lib. 23. C. 11. N. 4.*

<sup>3</sup> ) Peremptorium edictum quando requiratur, vel non, vid. Sig. Scaccia *Lib. 1. de Judic. caus. civ. crim. et heretical. 1. 91. n. 25. et seq. et citatos supra in not. Lib. 23. Cap. 13. N. 4.*

<sup>4</sup> ) Contumax non audietur, nisi refusus expensis, vid. *not. supra Lib. 23. C. 11. N. 20.*

rit, sive non responderit: agatur caussa, et pronuncietur: non utique secundum presentem: sed interdum vel absens, si bonam causam habeat, vincet. Hoc in *L. et post, D. de judic.*

VII. Cui non est contrarium illud ex *L. contumacia, D. de re judic.* contumaciam eorum, qui jus dicenti non obtemperant, litis damno coerceri. Ut enim illic docuimus, id ita interpretandum est, cum ii, qui non obtemperant, damnati sunt, non cum sunt absoluti. Vel si malumus hoc modo: ut intelligamus contumaciam eorum litis damno coerceri: nempe si iudex<sup>5</sup> velit: quod efficiet eos damnando. Non enim semper compellitur adversus absentem pronunciare. *L. 1. C. quo. et quan. jud.* hoc autem eodem redit. Porro contumacia eorum, qui jus dicenti non obtemperant, litis damno coercetur, cum damnati sunt a iudice: quia cum cæteris injuste damnatis paratum sit remedium appellationis, quo efficitur, ne injusta sententia illis noceat; hoc de contumacibus<sup>6</sup> constitutum est, ex peremptorio absentem damnatum, si per contumaciam abfuerit, appellanti non audiri. *d. L. et post, §. ult. L. si prætor, D. de judic.* Quod jus a nobis expositum est diligentius ad *d. L. contumacia.* Sed tamen est ejusmodi, ut cum ostendat absentiae contumacis poenam: magno pere intersit litigatorum, eos de eo jure hoc loco admoneri, ne quis edicta magistratus in hac re facile contemnat; dum falso putat, si adversus se judicatum sit, appellationi locum superesse: hæc de absente reo dicta sunt.

VIII. Quod si actor, quo postulante edictum peremptorium impetratum erat, absit cognitionis die, cum reus venerit: de eo sic Ulpianus scribit in *d. L. et post, de judic. circumducendum, erit edictum peremptorium, neque caussa cognoscetur neque secundum presentem pronuntiabitur. Circumducto edicto videamus, an amplius reus conveniri*  
Tom. VI.

possit: an vero salva quidem lis sit, verum instantia tantum edicti perierit: et magis est, ut instantia tantum perierit: ex integro autem litigari possit. Circumducendum edictum dicit ut sit, 7 delendum, et obliterandum: id est perinde habendam quasi nec impetratum esset: denique reum ab observatione judicii absolvendam, ut Justinianos loquitur in *L. properandum, §. et si quidem, Cod. de judic.* Circumducere enim, delere est, idemque valet, quod inducere. Instantiam autem litis vocat ille ea omnia, quæ sunt in lite ab actore, vel reo, quibus iustent, ut lis ad exitum producat. Hac ratione Marcianus in *L. mora, D. de usur.* instantiam vocat interpellationem creditoris: quia hac interpellatione, instat creditor reo, ut reus solvat. Sed circumducetur edictum, si reus ita postulet.

IX. Quid si ultro actorem absentem provocet, et rem cognosci velit? Idem servabimus adversus actorem, quod adversus reum absentem diximus. Primum idem ordo edictorum ad eum evocandum. Tum si abierit, res eodem modo cognoscetur, et judicabitur: ut actor vincat etiam, si meliorem causam habeat. Postremo si reus absolutus erit, actor qui per contumaciam abfuerit, si appellet, non audietur. *L. properandum, §. et si quidem, C. de jud.* Propria hic actoris, absentis poena constituta est, ut quanvis ipse vicerit; rem tamen petitam duntaxat ferat, reus in expensas litis non damnetur: auctor Justinianus in *d. L. properandum, §. et si quidem.*

X. Dixi in proferenda sententia illud secundum spectari, ut de scripto recitetur. Extant in hanc sententiam constitutiones tres sub Titulo *C. de sententiis ex breviculo recitandis.* Ex quibus ea quæ secundo loco posita est, rem hanc definit apertius his verbis: *ut iudices non subito, sed deliberatione habita post negotium sententias ponderatas si-*

<sup>5</sup> Ita et Don. ad *L. 53. de re jud.* et ibi citatos in not. Sed Duar. ad *d. L. 53.* hanc contumacis poenam refert ad edictum de eo, qui jus dicenti non obtemperavit. Ut is deinceps hac poena plectatur, qui in contumacia adeo perseveravit, ut quod extenuum est in iurisdictione non fecerit. Atque ita non cujusvis judicis sententia hanc poenam infligi posse sentit, sed solum a ius dicente, id est, Prætoris. Confer. Scip. Gentil. 1. *de Jurisd.* 8. pag. 130. Blarer. in *L. diffamari C. 2. n. 23.* Enimvero quod *d. L. 1. C. Quom. et quand. jud.* habetur, posse iudicem adversus contumacem dare sententiam, non compelli, neutiquam ita exaudiendum videtur, ac si iudex, etsi absentis contumacis causam meliorem esse perspexerit, condemnare eum tamen ob id solum, quia contumax, possit, si velit. Cæterum si aliud iudici videatur, quod absolvere queat. Illic quippe ratione iudex gratificari alteri posset, et *apertus*

locum inveniret, quod exemplo pessimum est admittere. Sed vocula *posse d. L. 1.* non absolutum arbitrium, sed juri adstrictum denotat per not. *supra Lib. 26. Cap. 11. N. 11.* Nam *d. L. 73. de jud.* dicit si bonam causam habuit, vincere. Et ita judicari debet, nec aliter potest, si de ea iustitia causæ iudici liqueat. Sicut recte DD. vulgo ab solam contumaciam, actore non probante, caussa non cadere reum, Menoch. *Arb. Cap. 280. n. 4. Gall. 1. Obs. 60. n. 8. Ranchbar. P. 1. Q. 1. n. 32.*

<sup>6</sup> Vid. *infra Cap. 6. N. 9.*

<sup>7</sup> Vid. P. Friden. *Lib. 2. de Mandat. judic. C. 20.* Meland. Conan. Canier. *Parte 2. Membro 6.* De pena actoris contumacis vid. quoque Nov. 112. *C. 3.* Damhuder. *Præxi Civ. Cap. 77.* Myns. 4. *Obs. 65.* Scaccia *Lib. 1. de Jud. Cap. 93.*



hi ante forment, et emendatas statim in libellum secuta fidelitate conferant; scriptas ex libello partibus legant. Sed nec sit eis posthac copia corrigendi, vel mutandi. Excipit ea constitutio illustres iudices, quibus hoc concedit, ut liceat eis per 8 officium suum sententias definitivas recitare. Hoc scriptum ea constitutio libellum vocat: ut non sit improbable sic inscriptionem legendam esse; *De sententiis ex breviculo recitandis*. Est enim consentaneum, *breviculum* brevem chartam a Justiniano nominari. Alii 9 *periculum*, malunt. Scimus, quid Latinis significet periculum. Ego quid periculum cum libello, aut libelli recitatione commune habeat, me nescire fateor.

8) Quomodo et in suprema Imperii Curia per Protonotarium praesente vel Praetore supremo vel Praesidium altero, et una Senatorum parte dimidia sententiam recitari audivimus. Olim nec hoc licuisse videtur. Apulei. 1. *Floridior. Ipse Proconsul*, ait, *moderata voce, taceret et sedens loquitur, et plerumque de tabella legit*. Quippe Praeconsis vox garrula ministerium est, *Proconsulis autem tabella sententia est*. De quo more et necessitate recitandi ex libello vid. Ræv. Broide. et omnino Langlæ. locis ante citatis Mathesilan. ad Tit. *Cod. de Sent. ex peric. Corset Sing.* 3a3. Rulant. *de Commis. P. 1. Lib. 5. C. 12. Trentacinq. 2. Pract. Resol. Tit. de Sentent. Resol. 2. Novella Leonis 45.* insuper requirit, ut iudex sua manu obsequet, ne si temere iudicatum sit, postea sententiam suam inficiari queat. Et proditum a Maranta *Tit. de sentent. n. 13.* et Pace *Scala Lib. 3. de Consil. Sapient. C. ult.* quod iudex consilium Pendentium manu sua subscribere debeat ita: Pronuncio, etc. ut in suprascripta consultatione, ne oriatur dubium, an sententia ex scripto lata sit. Quod tamen apud nos non verendum. Sed et istius juris exceptiones tenendae sunt. (1) in libris brevibus vilium personarum vel caussarum. *Nov. 17. Cap. 3. Nov. 28. Cap. 3. anth. nisi breves, C. d. t. et ubi sportularum exactio nulla*: Non autem in quibusvis summaris, *Clem. saepe 2. §. sententia, de P. S. Maranta Tit. de Sentent. n. 17. Vant. de Nullit. ex defect. Process. n. 70.* (2) in caussis Clericorum coram Episcopo, *Nov. 83. praefat. pr. 3.* (3) Et scholarum fortissim. de quibus *L. ult. §. ult. Cod. de priv. schol.* Quod tamen Trentacinq. *d. Resol. 2. n. 5. et 6.* in caussa solum modica admittit, et Vant. *d. loc. n. 73.* (7) Si contraria consuetudo sit, quae valet, Jo. Pels. *Process. Tit. 2. n. 75.* Sicuti et Jure Saxon. *Lib. 3. Art. 78.* scriptura non necessaria post König. *Process. Cap. 102. n. 17. Sueidvin. in §. curare, 32. Inst. de act. n. 6. Reinch. Diff. jur. civ. et Sax. 35. P. 4.* In curiis tamen Saxonis per actuarium, seu Protonotarium recitari solet. Sedere quoque iudices moris fuit, sicuti Advocatos stare. Unde consensu iudicum, et ius sedendi, *L. quisque 6. in fin. C. de postul. Nov. 82. Cap. 3. initio.* Iudique arguunt a stante iudice sententiam ferri non posse, Trentacinq. et ab eo citati *d. Resol. 2. n. 7. vid. Pollet. 1. Hist. fori 5. pag. 37. et Cap. 7. pag. 49.* qui rationem reddit. (1) quod animus sedendo magis capiat. Sicuti Tranio apud Plaut. *Mostella Act. 5. Sc. 1.*

..... nimio plus sapio sedens.

cum natura nulla molestia impedita constantius in rem propositam sese intendat. (2) quod auctoritas magistratus ita magis conspicua. Men. *Arb. Quaest. 61.* eo innui putat, quod sedente et re accurate perpensa iudicatur. Caterum solemnitate levem statuit, quae facile remittatur. Conf. Lang. 1. *Sem. 3.*

XI. Qua lingua sententia proferri oportet, scripsi ad *L. decreta, D. de iudic.* Quod quaerendum est propter duo loca de hac re in speciem pugnancia. *d. L. decreta*, et *L. iudices, C. de sent. et interl.*

XII. Locum in quo iudicetur<sup>10</sup> publicam esse volumus, et eum in quo more, et consuetudine publica ius dici soleat: aliter nec iudicatum valet. *L. cum sententiam, C. de sent. et int. L. penul. D. de iusti. et iur.* Quod si plura ejusmodi loca in eo territorio fuerint, neque iudici dato certus locus constitutus sit: jubetur iudex eo loco iudicare, quo solet iudicari sine incommodo litigantium. *L. si locus, D. de iud.* In tempore omnes<sup>11</sup> dies iudicii praeter feriatis habent-

9) *Breviculo* sane habet editio Haloandri ut et Parisiensis de anno 1526. Quae lectio aridet Alcia. 10. *Dispunct. 21.* Rainal. *Cors. Indag. 8.* Perrenon. 2. *Animadv. et Var. Lect. 17.* cum *brevis* significet chartulam, *L. ult. C. de conven. fisci debet. Lib. 10. Cap. 2.* Confer. Mercer. 2. *Opin. 17.* Editiones Baulozæ et Russardi habent *ex libello*, sed hic in notis marginalibus testatur in omnibus MSS. haberi *periculo*. Et sane eam voculam in omnibus, quos inspexi, manu exaratis libris constanter reperi. Unde eam recte, opinor, tuentur, Cujac. 5. *Obs. 25. in fin. et in Par. C. d. tit. de sent. ex peric. Ræv. Protribun. C. ult. Phil. Broide. in Supplem. Hist. fori Polluti Lib. 5. Cap. 15. P. Fab. 2. Semestr. 24. pag. 360. Langlæ. 5. Semestr. 5. pag. 244.* (licet ipse dissentire videatur eod. *Cap. pag. 239.*) Bernard. *Autum. not. ad Langlæ. d. Cap. 5.* Nam pari modo concepta non solum rubrica *Cod. Theod. Lib. 4. tit. 17. Sed et L. 2. cod. tit. habetur, sententiam ex periculo promi debere*. Periculum itaque hic tabellam, seu libellum significat, ut promere ex periculo sit, de scripto eloqui ac recitare, Langlæ. *d. lo. Quomodo Enil. Prob. in Epaminonda*, a Thebanis Epaminondam petisse, ut periculo suo inscriberent, et Cio. in *Frumentaria* pericula Magistratum vocat. Tametsi Perrenon. *d. loc.* columnam, seu statnam in foro positam, quibus magistratum nomina inscripta, illic denotari existimet. Et Hot. 3. *Obs. 20.* discrimen, quod ex periculo iudicii eventu accidere potest, interpretetur. Qui sane in eo recte Cujacium refellit, quod is *ex periculo* exponit quasi per iudicem, cum utique sententiae non summam, sed integræ recitari debeant. Sed et quod Festus ait *Lib. 14.* Catonem posuisse in Oratione *Periculatus sum*, Ræv. *d. loc.* accipit pro eo, quod est: libello complexus sum, etsi vulgo exponatur, periculum subii, Perott. *Cornucop. in 41. Martial. Epigramma.* Atque ita voculam *periculo* idem Ræv. expone in *L. 20. pr. Quod vi aut clam.*

10) Vid. Mathesilan. ad *d. L. 6. de sent. Wes. ad Rub. Cod. de ord. judic. n. 24. et Cons. 43. n. 44. et 2. seqq. et n. 59. et seqq.* Menoch. 1. *Arb. Q. 64. Coler. Decis. 206. Maranta P. 6. tit. de sentent. n. 72. et seq. Horat. Carpan. Statut. Mediol. Vol. 1. Cap. 31. Poll. 1. Hist. fori 2. 3. et 4. P. Greg. 2. de Rep. 6.*

11) Iudicari quoque potest, tum mane, tum meridie et vespere, *Nov. 82. Cap. 3.* scilicet usque ad occasum Solis. Quomodo in *L. 12. tab. SOLE OCCASO DIEI SUPREMA TEMPESTAS ESTO, Agell. 17. Noct. 2.* Neque enim noctu iudicia exerceri aut sententias ferri posse obtinuit, per *L. 2. §. 31. de O. I. Cap. consulut. de offic. deleg. vid. Marcil. in L. 12. tab. collect. Cap. 8. Scip. Gentil. 2. de Jurisd. 29. pag. 317. Menoch. 1. Arb. Q. 62. Joseph. Cunia Practica Syndicatus Cap. 17. n. 43. Vant. de Nullit. ex defect. jurisdict. ordinari. n. 132. Wes. ad titul. Cod. de ord. jud. n. 25. Maranta hoc tit. n. 92. fuse Polydor. Ripa de Nocturno tempore, *Cap. 134. Lancell. Contad. de Off. Præt. in caus. civil. v. Sententia n. 41. Confer. Ræv. ad LL. 12. tab. Cap. 7. Goed. ad L. 2. §. 1. de P. S. Nisi consensus partium accedat, vel contra se habeat consuetudo, Menoch. Vant. et Mar. dd. LL. Polyd. Ripa dict. Cap. 134. n. 30. et n. 45. et Lancell. Conr. d. n. 41. ex quibus plures exceptiones pete, Areopagitæ noctu iudicant, vid. supra *Lib. 17. Cap. 24. N. 14.***

bendi sunt. Per ferias si quid judicatum sit, nemo judicatum facere cogitur. L. 1. D. de feriis, L. si ut proponis, C. quom. et quand.

iud. de hoc jure supra a me dictum est, lib. XXIV. cap. 7.

## DE APPELLATIONIBUS.

### CAP. IV.

Cur prodita sit appellatio: Quid sit: Et quibus capitibus contineatur quaestio de appellationibus.

Transitio ad appellationem: qui finis appellationis. I.

Appellatio quid sit; et de locutione, seu de significatione ejus et Coniugatorum. II.

Tractandarum rerum methodus et partitio. III.

I. **R**Ebus rite judicatis standum esse non semel diximus ad titulum de re iudicata. D. sed hac conditione, si appellatum non sit. L. cum prolatis, D. de re iud. Nempe ita jus est, ut post rem judicatam, nisi quid aliud impediatur supersit victo remedium appellationis: quo efficitur ut suspendatur et quodammodo extinguatur judicatum. L. et in maioribus, C. de app. L. 1. §. ult. D. ad Turpil. de eo remedio reliquum est ad absolutionem iudicii, et juris nostri prosecutionem, ut nunc dicatur.

II. Appellare autem est superiorem iudicem appellare, qui de eadem re amplius cognoscat, et iudicet, ac prius sive decretum sive pronunciatum sententia sua corrigat, et in melius reformet, ut colligere licet ex L. 1. in pr. D. de appell. Hoc idem provocare dicitur. L. praeses, D. de re iudic. L. 3. §. ult. L. illud, D. de appell. L. eos tota, C. de accusat. legendo passim occurrit in hoc argumento. Unde illa: 1. Auxilium appellationis: auxilium seu remedium provocationis,

Tom. VI.

pro eodem. L. servi, D. de appell. L. hi qui, C. eod. L. 1. §. si quis ante, D. a quib. app. non licet, L. si actor, C. de app. d. L. 1. in fin. D. ad Turp. Estque in eo hic usus loquendi, ut quemadmodum dicitur appellari iudex, non appellari ad iudicem: ita dicatur iudex seu magistratus provocari, non provocari ad iudicem L. 1. §. pen. L. Imperatores, §. 1. D. de appell. L. 1. D. quis a quo appell. L. ei cuius, D. de app. recip. Quanquam et appellare ad Principem vel ad praesidem interdum legimus: sed hoc rarius: ut in L. si qui, §. 1. D. de app. L. 5. C. eod. De hoc inquam, seu auxilio seu remedio quaerimus.

III. Et quoniam appellatione, ut dixi, id agitur, ut quod ante adversus nos statutum est, superioris iudicis sententia rescindatur, itaque efficiatur, ne nos teneat: hoc quaerendum est, quomodo appellatione ad id perveniamus. Sic vero perveniri potest, si quibus in causis appellare necesse est, ibi appellatio ante omnia jure constituatur: tum detur

26\*

epe-

1) Suspendi dicitur L. 32. Cod. C. cum inter 13. extr. h. tit. L. 5. C. Quor. appell. non recip. L. 32. C. de trans. L. ult. Cod. sent. rescindi. Extingui autem d. L. 1. §. ult. ad SC. Turpil. et fac. L. 2. §. ult. de pen. L. 6. §. 1. de his qui not. inf. Quibus cum haud probe convenire videatur; vulgaris est distinctio; quod extinguatur quoad statum causae praesentem, cum exsequi sententiam non liceat; suspendatur autem respectu futuri temporis ac eventus, cum possit sententia prior confirmari a superiore et ita effectum sortiri judicatum. Panorm. et alii, ut refert P. Greg. 6. de App. 11. n. 4. et probant Lanc. de Att. P. 2. C. 12. praefat. n. 126. Cov. Praet. QQ. C. 23. n. 1. Gail. 1. Obs. 144. n. 2. sed reprobant Fr. de Cald. ad L. 3. C. de in in rest. in definit. v. per quod pristinum jus recuperat n. 35. Quippe hac ratione prior sententia confirmata effectum haberet, ac vires suas retro porrigeret contra d. L. 6. §. 1. de his qui not. inf. et immo non ex priori illa, sed posteriori confirmante, agitur, vid. not. infra C. 9. N. 3. Quare Caldas d. loc. suspensam dici sententiam, quandiu appellans superiorem

non adiit, cum possit sententia appellatione deserta in iudicium transire; ubi iudex, prior exsequitur, vid. not. infra C. 8. N. 7. Extinctam autem, quando appellationem prosecutus, sive prior sententia reformetur sive confirmetur; cum ex illa cum extincta, nec agatur, nec executio petatur. Confer. Hier. Mag. Dec. Flor. 193. Cachet. Decis. 5. And. Scheller P. 1. Q. 41. n. 4. et seqq. Non autem impediri praesumptionem iustitiae prioris sententiae, docent Lanc. d. loc. n. 125. Menoch. Lib. 1. Praesumpt. Q. 35. n. 20.

2) Ad L. 17. L. 30. et passim C. h. t. L. talo 40. §. 1. D. de pact. L. 244. de V. S. Provocatio tamen verbum generalius est ac latius patet, quo omnis invocatio auxilii superioris, et ita etiam supplicationes, etc. continentur, Marant. Rep. ult. n. 161. Sed et verbi appellare ratione materiae subjectae acceptio variat. Sicuti dicitur appellari debitor L. 16 §. ult. de fidei. puella cuius pudicitia attentatur L. 15. §. 17. de injur. et aliis modis. vid. supra Lib. 17. C. 12. n. 10. N. 20. P. Greg. 1. de App. 2.

opera, ut constituta perveniat ad eum iudicem, qui de appellatione cogniturus est: sic denique ea introducta fungatur iudex suis partibus. Dicendum est igitur primum, quibus in causis appellatio necessaria sit: in quibus non sit: ne forte eam frustra requiramus, ubi ea

non est opus: secundo loco in appellatione necessaria, quæ ejus constituendæ ratio sit. Tertio quæ ratio ejus introducendæ. Postremo quid appellatio efficiat: id est, quid det litigatori ad agendum appellationis causam: quid a iudice, qui de ea cognoscit, exiga

## C A P. V.

### Quas ad res rescindendas prosit et sit necessaria appellatio.

*Appellatio ad delata civilia munera recusanda, et ad retractandam sententiam necessaria. I.*

*Quibusdam tamen nec adversus nominationem legitimam. II.*

**I.** **P**roducta est duas ad res appellatio; ad delationem publici muneris, aut honoris defugiendam, et ad rem judicatam retractandam: atque ita producta: ut superioribus rebus rite peractis, nec munus aut honorem delatum defugere liceat ommissa appellatione, nec rem judicatam rescindere. A muneribus et honoribus justæ causæ excusationem præstant: sed quæcunque causæ sint, eæ nisi interposita appellatione allegari non possunt. De quo ita cavetur in *L. hi qui Cod. de appell. Hi qui ad civilia munera vel ad decurionatum, vel honores devocantur, licet, vacationem a principibus acceperint, si appellationis auxilio non utantur, consensu nominationem confirmant.* Congruit: *L. 4. L. cives, Cod. eod.* Est tamen in hoc genere, quod inter cætera munera et tutelam intersit. In cæteris enim muneribus delatis a nominatione appellare necesse; in tutela a repulsa demum excusatione: et hoc utriusque generis cum altero commune.

**II.** Illud proprium singulorum, quod sunt quidam, quibus etiam adversus legitimam

*Quibusdam vero nec adversus sententiam necessaria: quando hoc, et quatenus. III. II.*

nominationem non est necessaria appellatio: quidam quibus non est necessaria adversus sententiam quanvis rite latam. Adversus nominationem non est necessaria veterano. De quo cautum est in *L. veteranis, C. quan. provoc. non est necess.*

**III.** Adversus sententiam non est necessaria iis, qui ex pluribus causis condemnati sunt, si vel unus ex condemnatis appellavit: dum in communi causa omnes condemnati sint. Quod ut fiat planius de re ita statuendum est: cum plures separatim condemnati sunt, quanvis ex eadem causa, ut plures tutores aut curatores: pluribus ejus appellationibus opus est: ut qui ex his non appellavit, intelligatur sententiæ acquievisse. *L. si qui, in pr. D. de app.* Quo sensu accipiendum est, quod scribitur in *L. 3. vers. certe, D. eod.* Quod si plures in communi causa non separatim condemnati sint, ita sufficiet unum appellasse, ut unius victoria etiam ei proficiat, qui non provocavit. *d. L. si qui, §. ult. L. 1. et 2. C. si unus ex plurib. appellaver.* Adeo autem plures sententiæ

1) Add. *L. 1. §. 2. D. Quand. app. L. 1. pr. D. de vacat. mun. L. 2. Cod. de decur. Lib. 10. tit. 31. L. 4. Cod. de munerib. patrim. Lib. 10. tit. 41. L. 1. tit. seqq. quem civ. mun. jud. L. un. Cod. de vacat. publ. mun. Lib. 10. t. 45. L. ult. C. Qui act. vel profess. se excus. Lib. 10. t. 49. L. 2. L. ult. Cod. de filijs. et quemad. etc. Ac quidem a muneribus et auctoritate et utilitate publicis ab ipsa nominatione, seu electione appellandum, ut in alleg. LL. cumprimis *d. L. ult. Cod. Qui act. vel profess. dicitur: si a nominatione facta appellationis*, etc. in iis autem quæ utilitate privata, ut tutela, a rejecta demum excusatione, ut supra *Lib. 3. C. 9. n. 50. 52. N. 17. Maranta P. 6. h. t. n. 324. P. Greg. Lib. 2. de Appell. C. 21. Ant. Fab. C. suo h. t. defin. 8. et 7. Quor. app. non recip. defin. 1. et 2. ubi scita ratio. Christoph. Besold h. t. Cap. 7. n. 12. Et causa hic agitur inter nominatum et nominatorem, Cujac.**

9. Obs. 35. Add. Menoch. *Arb. Cap. 227.* Sed et ab electione appellari ita potest, ne electus admittatur, quod vel indignus, vel potior alius nominandus, *P. Greg. h. t. Lib. 1. C. 12. n. 2. P. 2. Decis. 84. n. 16.* Non autem appellatio ei cui alius prælati. Raudens. *Dec. 33. n. 67.*

2) Si et eadem in illa defensionis causa, secus si diversa, *d. L. 10. §. ult. vid. P. Fab. 2. Semestr. 25. pag. 371. P. Greg. h. t. Lib. 5. C. 5. Besold. h. t. C. 5. n. 4. Gail. 1. Obs. 126. n. 3. Matheslan. ad t. C. si un. ex plurib. P. Emil. Decis. Rotæ 37. Part. 1. Vinc. de Franch. Decis. 467. Trentacinq. 2. Pract. Resol. h. t. Resol. 7. n. 7. et seqq. Hart. Pist. Lib. 1. Q. 47. Rauchbar. P. 2. Q. 7. Frieder. de Process. Lib. 3. de Cont. caus. Cap. 16. Et quod in appellatione plurium consortium non necesse sit singulorum nomina exprimi, Myus. 2. Obs. 66.*

tiæ adversus plures separatim latæ, quantævis ex eadem caussa, plures desiderant appellationes, ut si vel in una caussa, et adversus eundem separatim duplex senten-

tia divisa detur, veluti, una sortis, et altera usurarum, placeat duplicem appellationem esse necessariam. *L. cum in una, D. de appell.*

## C A P. VI.

Justas esse caussas, cur non recipiatur appellatio, et quæ sint. In quo hæc explicantur: qui appellare non possint: a quibus non appelletur: Quibus in caussis liceat appellare: A qua sententia: quoties; Tum intra quæ tempora appellandum sit, et quomodo. Postremo cujus sit recipere aut repudiare appellationem: Et quid si appellator de non recepta queratur.

*Continuatio. Facultas appellandi cuique libera. I.*

*Sed tamen appellatio aut iure non admittitur interdum, aut certa dumtaxat lege seu modo. II.*

*Non admittitur appellatio ex quinque caussis, et quæ illæ. III.*

*1. Ex Appellantis persona aut in aliena caussa, aut in sua. IV.*

*In aliena: plerumque nemini licet appellatio; et quando secus. V.*

*In sua: interest, an qui iudicio expertus appellet, an alius cuius interest. VI.*

*Priore casu libera cuique appellatio, nisi quæ obstant: huius generis quæ; obiter de singulis. VII. VIII. IX. X. XI.*

*Posteriore: ille cuius interest, etsi iudicio non expertus, appellare permittitur, et quatenus. Interesse quid significet. XII. XIII.*

*In testamenti caussa ii, quorum interest appellare prohibentur, nisi tamen heredis collusionem obiciant. XIV.*

*2. A Persona principis, eiusque consiliariorum, Senatus, præfecti prætorio, et iudicis a principe dati sine provocatione. XV.*

*Adversus rescriptum principis provocare licet, et quomodo. XVI.*

*Item a quovis iudice, si superiores ex-*

*ceperis, illo etiam qui sit rescripto principis datus. XVII.*

*Non tamen ab executore sententiæ, nisi forte is male sententiam interpretetur. Hoc quid sit. XVIII.*

*3. A caussis quibusdam. Quæ illæ: obiter de singulis. XIX. XX. XXI. XXII.*

*4. Ab interlocutoria sententia, nisi hæc irreparabile damnum afferat. XXIII.*

*Ab interlocutoria tamen, et quocunque gravamine licet appellare ex Jure Canonico. XXIV.*

*5. Si tertio iam fuerit appellatum. XXV. Tempora appellationis legitimæ quæ sint. XXVI.*

*Item quæ appellationis solemnia, quæ libellorum conceptio et forma. XXVII.*

*Offerendi libelli iudici a quo appellatur; si per eius violentiam non liceat, publice proponendi. XXVIII.*

*Appellationis minime receptæ quis sit iudex appellandus; et quomodo. XXIX.*

*Iudex appellatus adeundus intra appellatoria tempora; quæ sint hæc, alibi auctor. XXX.*

*De vi huius posterioris appellationis. XXXI. Quæ sit ea de re auctoris opinio, et quibus fulciatur rationum momentis. XXXII.*

*Contrariis occurritur; et distinctione habita res tota planius explicatur. XXXIII. XXXIV.*

**I.** **S**I appellatio necessaria erit: primum est, ut ea jure interponatur, constituaturque. Constituendæ hæc ratio est, si recipiatur a iudice, a quo appellatur. Quid

ergo, dicat quispiam, potest iudex hanc repudiare? Atqui de potestate appellandi ita cautum est legibus: et in maioribus, et in minoribus negotiis appellandi liberam facult-

1) Usumque frequentem et necessarium, *L. 1. pr. hoc tit. vid. P. Gregor. h. Tr. Lib. 1. Cap. 5. Besold. Cap. 1.*

Bröderod. h. Tr. Parte 1. Tit. 2. Quam plerique iuri naturæ ascribunt, quippe cuius est defensio, unde nec statuto

cultatem esse. *L. et in maioribus, L. si quis, C. de appell. cap. de appellationibus*, 2. *extr. si de appell.* Ex quo est, quod imperatores prohibent vim; aut minus inferri appellantis: et si quis prohibeat victos appellare, minantur se ultores futuros. *L. minime, d. L. si quis, C. eod. L. αυτοκρατωρ. D. eod.* Quæ si de hac re facultas est: frustra expectatur auctoritas et approbatio iudicis, in eo, quod etiamsi velit denegare non potest. Et est sane ita, ut nisi quid nominatim prohibeatur, sit ubique ea facultas appellandi, quam modo dixi.

II. Sed et est in ea, itidem ut in cæteris fere rebus concessis, quod jure excipitur. Primum non passim admittitur appellatio: sed multis de causis in totum inhibetur. Tum autem cum admittitur, non admittitur, nisi certa lege. Nam et certo modo appellandum est, et appellandum intra certa tempora jure constituta. Quibus rebus prætermisiss frustra appellatur. Hinc totidem causæ non recipiendæ appellationis; quæ ob eam causam æstimandæ judici permittuntur, ut si re cognita ab eo recepta fuerit appellatio, hæc jam pro justa habeatur. Sitque plane constituta. Quare quid in universum hic liceat, et quatenus videamus.

III. Est igitur, ut dixi, cum plane appellatio non admittatur. Quominus admittatur, in causa sunt alias persona appellantis; alias iudicis dignitas, qui judicavit; alias ca-

ussa, de qua actum est: nonnunquam genus sententiæ: postremo etiam numerus appellationum sæpius interpositarum.

IV. In persona appellantis spectandum est, utrum in aliena causa quis appellet, an in sua.

V. In aliena causa ei, qui iudicio expertus non est, appellare non licet *L. 2. vers. sed dicendum, D. quando app. sit.* Quod sic accipimus, nisi aut ei mandatum sit, aut cum appellasset, dominus ratum habuerit. Placet etiam si mater, cum filii rem sententiam versam animadverteret, provocaverit, pietati id dando, et hanc audiri debere: hæc in *L. 1. D. de app. recip.* Hoc amplius humanitatis causa receptum est, ut quilibet appellare possit nomine ejus, non tantum, qui ad supplicium ducitur, sed etiam qui supplicio addictus est: quanvis ille repugnet. *L. non tantum, D. de app. L. addictos, C. eod.* Quemlibet cum dicimus, liberum intelligere debemus. Nam servus ne domini quidem nomine appellare permissus est. *L. ult. in pr. D. eod.* Recte autem edictum est, ei qui iudicio expertus non est. Is enim qui iudicio est expertus, quanvis alienam causam agat, ut procurator: tamen lite contestata dominus litis efficitur, ut recte placeat eum, si victus sit, appellare posse, et quidem per procuratorem. *L. 4. §. ult. D. de app.*

VI. In sua causa si quis appellet, id est, si

effici posse, ne appellare liceat, docent Myns. 1. *Obs. 14.* quia alia, ait, ratio pacti, quod non directo offendit ius superioris, et citati a Treutlero *Vol. 2. Disput. 33. Thes. 1.* Et quod appellationem iustam nec Princeps tollere possit, Vasq. 1. *Contr. usu freq. 1. n. 4. et 5.* Verum Pinel. *ad Rub. Cod. de rescin. vend. Parte 1. C. 2. n. 22.* non proprie esse defensionem statuit, quia, ait, an sint plures instantiæ mere arbitrarium est, nec respicit iustitiam causæ. Nemo enim scire potest, an rectius in primo vel secundo tribunali indicetur. Et Knich. *de Sax. non provoc. jure v. jus. Cap. 2. n. 176. et seq.* iuris civilis etc. hanc esse contendit. Qui *d. Cap. 2. n. 50. et seqq.* disquirunt, num usu immemoriali effici possit, ne a quopiam appelletur. Certe Princeps et causam certam appellatione remota delegare, ut *infra N. 21.* generale privilegium de non appellando tribuere potest.

2) Ac quod recipere iudex teneatur præter *L. 21. Cod. hoc tit.* Novellis textus disertissimus *Novell. 82. Cap. 12. et 13. Novell. 126. Cap. 3. pr. et Novell. 134. Cap. 3. vers. ult.* Quos tamen DD. illi non adducunt, qui generaliter definiunt appellationem in dubio permissam censi, eique deferendum esse, Tiraquell. *Tr. Le mort saisit le vif, Parte 6. Declar. 6. n. 9. Marant. Parte 6. hoc tit. n. 399.* P. Gregor. *Lib. 2. Cap. 1. n. 1. Besold. Cap. 11. n. 1.*

3) Et plane non recipiendæ, quas calumniose interponi apparet, non spe victoriæ, sed ut iudicati vires suspendantur, et subterfugia capiantur, vid. P. Gregor. *hoc tit. Lib. 1. Cap. 13. et Cap. ultim. Marant. hoc tit. n. 347. Menoch. Arb. C. 197.* Nimis quippe huius remedii ad iniquitatem abusus, Gail. 1. *Obs. 128 n. 2. Broidæ. Supplem. Hist. fori Polletti Lib. 5. Cap. 17. pag. 543. P. Heig. Parte 1. Q. 10. n. 10. et seq. Knich. supr. d. loc. Cap. 3. n. 58. et seq.* Hinc inolevit, ut deferant appellationi cum clau-

sula: *Si et in quantum de jure etc.* Grav. *ad Vestr. 7. Pract. ultim. n. 22.*

4) Vid. P. Greg. *h. Tr. Lib. 2. Cap. 14. et Lib. 5. Cap. 2. Vasq. 2. Contr. usu freq. 39. Besold. h. Tr. Cap. 5. n. 11.* Filius familias nomine patris auditur, *L. 23. §. 2. hoc tit. vid. Guid. Papæ. Decis. 203.*

5) De appellatione Procuratoris, vid. M. Anton. de Amatis *Decis. 37. Achill. de Grass. Decis. Rotæ 230. ac 235. et seq. Brederod. hoc tit. 13 v. Procurator.* Et num teneatur appellare, item appellationem prosequi *supra Lib. 18. Cap. 16. n. 6. et seqq. ibique not. Besold. h. Tr. Cap. 5. n. 7. et 8.*

6) Vid. Harpr. *ad §. 1. I. de iis per quos agere, n. 101.* ubi ratio differentiæ, cur mater in secundo hoc iudicio admittatur, quæ non item in primo.

7) Humanitatis consideratione, ut ait *L. 6. in fin. C. de Episc. aud.* Nec audiendus Hostiensis, qui requirit, ut postea ratum habeat, P. Gregor. *Lib. 2. Cap. 7. n. 10.* Minus vero qui interpositionem solam admittunt, ut persecutio deinde fiat ab ipso reo, ut Besold. *hoc tit. Cap. 7. n. 11.* Contra enim rectius P. Gregor. *d. Cap. 7. n. 12.* Quem de hoc vide *ibid. et 32. Synt. 24. n. 15. et seqq. Broidæ. 5. Hist. fori 17. p. 549.* Padilla in *L. transigere n. 9.* (idem statuens in condemnato ad membri abscissionem, ut et P. Gregor. *d. Cap. 7. n. 13.*) P. Frid. 3. *de Contin. caus. 8. n. 21. Vasq. 1. Ill. Contr. 41. n. 10. et seqq.* Ubi 8. obiectiones diluit, et *Contr. 2. usu freq. 39. n. 23.* ubi extendit ac restringit. Confer. *not. h. C. n. 26.* Idem statuit Vasq. *d. Cap. 41. n. 9. et seqq.* de condemnato in causa civili, cuius tanta egestas, ut ipse appellare nequeat, ut quod favor vitæ operatur ratione cuiusvis, idem paupertatis favor efficiat respectu inopis.





dato victum posse provocare. *L. ex consensu, D. de appell.* Cæterum licet ei qui appellavit, renunciare appellationi suæ rebus integris, id est priusquam appellationem ad superiorem judicem <sup>15</sup> introduxerit. *L. si quis libellos, C. de appell. et c. quamvis, extr. de elect. lib. 6.* Vel antequam iudex appellationem susceperit, vel alteri delegaverit. Sic tamen ut sumptus adversario restituat. *c. interposita, extr. de appell.* Hæc de his, qui ipsi iudicio experti victi sunt.

XII. Quid his liceat, qui causam non egerunt, quorum tamen interest videamus. Et placuit, quanvis alio condemnato, non minus eum quoque cuius interest <sup>16</sup> appellare posse: sed hac conditione si is cesset, qui victus est. Et quoniam non multum refert utrum victus non appellet, an appellet quidem, cæterum non ex fide causam agat, visum est hic quoque ei, cuius interest idem tribuendum: non quidem ut ipse novam appellationem interponat, cum sit a condemnato interposita: sed ut defensio causæ perinde illi committatur, ac si ipse appellasset. Licet hæc colligere ex *L. 4. §. 1. D. de app.* ac ne exempla desint eorum, quorum interest alios, qui de re egerunt non condemnari, plura eodem illo loco proponuntur. Eodem pertinet. *L. 5. eo. tit.*

XIII. Illud de verbo monendi sumus, interesse alicujus sic accipere nos hoc loco, non tantum si ejus pecuniariter intersit, id est, si alio condemnato aliquid ei abfuturum sit de re familiari, ut alias fere accipi solet: sed etiam si quod incommodum famæ et estimationis ad eum pertineat. Ut puta, dicimus hic interesse patris filium non pronunciari servum aut libertum, quia non possit filius talis esse, quin ejus rei dedecus, vel civita-

tis minutio patrem quoque attingat. Item interesse propinquorum, ut quis propinquus capite damnetur, quia putatur nota capitalis alicui iniusta ad totam familiam pertinere. Hæc de causa, et illic patri filio damnato, et hic propinquis alio propinquo damnato: <sup>17</sup> appellare permittitur. *L. 2. §. si is qui, et §. ult. D. quand. ap. sit.*

XIV. Non est tamen hoc perpetuum, ut cuius interest, ei appellare liceat. Non enim pertinet hoc ius ad eos, quibus testamento inofficioso, quid datum relictumve est: sive legatum quid sit, sive civitas data. Interest horum omnium heredem scriptum præsentem non vinci in causa inofficiosi testamenti: quia ex inofficioso testamento, de quo præsentem herede scripto pronunciatum sit, neque legata neque civitates debeantur. *L. Papin. §. ult. D. de inoff. test. L. si prolusorio, §. 1. D. de app.* Verumtamen non permittitur his ex supra scripta causa appellare, nisi hac lege, si dicant, per collusionem esse pronunciatum, aut transactum cum herede instituto. *L. 5. §. 1. d. L. si prolusorio, D. de app.* Collusione objecta non tantum his licet appellare, ubi victus heres cessavit: sed etiam appellatione ab eo interposita, possunt agere causam appellationis. *L. 5. §. 1. D. de app.* Plane his ita consultum est rebus integris, ut si his vel suspecta tantum sit collusio, id est, si suspicentur non ex fide heredem causam agere, possint agere causam apud ipsum judicem, qui de testamento cognoscit. *L. suspecta, D. de inoff. test. d. L. si prolusorio, D. de app.*

XV. Ut non omnibus appellare permissum est: sic nec ab omnibus iudicibus. Principio a Principe <sup>18</sup> appellare fas non est. Quod etiam monere stultum esse ait Ulpianus,

<sup>15</sup>) Apud nos res integra habetur ante emissam citationem ad prosecutionem appellationis, Moller. 4. *Semestr.* 35. De hac renunciatione, vid. P. Greg. *Lib. 8. C. 4. Trentacinq. 2. Pract. Resol. h. 1. Resol. 8.* qui septem casus distinguit. Confer. Ant. Fab. *C. suo de temporib. app. defin. 8.* impune renunciari volens intra decendium a die sententiæ, si forte ea statim interposita, post illud non nisi expensas, quibus causam dedit, adversario refundat. Cæterum et intra decendium hoc variationem concedunt, ut appellationis interpositæ pœnitentia ductus ad alium superiorem, ad quem etiam causa devolvere posset, appellet. Quo de Gutieri. *Lib. 1. Pract. Q. 108.* Caucheran. *Decis. 131.* qui contra sentire videtur, si appellationi iudex a quo detulit.

<sup>16</sup>) De appellatione tertii, non pigebit te consuluisse, Gail. 1. *Obs. 22. Covar. Pract. QQ. C. 15. P. Greg. Lib. 5. C. 1. Broderod. P. 1. Tit. 13. v. Tertius.* Sed hoc interesse non sit separatim a iure principalis, P. Greg. *d. C. 1. n. 21.* ac de eo prius doceatur, saltem summarie *ibid. n. 20.* antprobetur semiplene, Gabr. Saraxna *not. ad Mathesilan. Sing. 213.* et nuncupatum causæ seu gravamina exprimantur, Gail. *d. Obs. 122. n. 5. Matthes. d. Sing. 123.* Aliud autem si adhareat interposita a principali, quam eo non prosequente, ipse prosequi potest, vid. Gail. *dict. loc.*

<sup>17</sup>) Dominus quando pro subdito recte appellet, quod sua

intersit, vid. Guid. Pap. *Decis. 464.* Gail. 1. *Obs. 125.* Maritus an et quando pro uxore sine mandato recte appellet, Gail. 1. *Obs. 133.*

<sup>18</sup>) Quod et scite confirmat Aeneas Sylvius *Tract. de Ortu et auctoritate Imp. C. 22. et seq.* Sicuti rivuli a mari fluentes, dum ad mare reversi sunt, quiescant, P. Greg. *g. de Rep. 1. n. 38.* vid. idem *Lib. 3. de Appell. Cap. 7.* Bodini. 1. *de Repub. 10. n. 160. et seq.* Lancel. Conrad. *Templ. om. jud. Lib. 1. C. 1. §. 4. de præstantia et potentia Imp. v. sententiam inappellabilem fert pag. 429. et seqq.* Matth. Steph. *Lib. 2. de Jurisd. Part. 1. C. 1. Membro 2. n. 183. et seqq.* Panrmeist. 2. *de Jurisd. 4. n. 159. et seqq.* Besold. *de Appel. C. 2.* Idem in Rege alio, Principe aut Republica que superiori nulli subjecta, Maranta *h. 1. n. 248. et n. 254.* Trentacinq. *Lib. 2. Pract. Resol. 1. n. 2.* et auctores citati. Plane a sententiis Principum, a quibus lege humana appellare non licebat ad tribunal divinum, sæpius inique condemnati provocaverunt, nec omnino sine effectum. Exempla ex Historicis referunt Phil. Cameral. 3. *Op. Succesiv. 30.* Jo. Marian. *Lib. 3. de Rege et Regis instit. C. 12.* P. Greg. 1. *de App. 2. n. 10.* Besold. *d. C. 2. n. 13.* Ventura de Valent. *Parthen. litig. Lib. 1. C. 1. n. 38. et 2. seqq.* Quid si Imperator litem suam inferiori iudicandam commiserit (uti potest *L. 14. de jurisd.* vid.

nus, cum ipse sit, qui provocetur. L. 1. D. a quibus app. non lic. Non licet etiam a senatu, ne si Princeps quidem appelletur. d. L. §. 1. a quib. app. non lic. Non licet nec a præfectis prætorio. L. si quis, C. de app. L. unica, C. ne liceat in una ead. caus. ter provoc. Cujus rei rationem reddit Arcadius in L. unica, D. de off. præf. præ-  
Tom. VI.

tor. Si ex suprascriptis Princeps ita det judicem, ne liceat ab eo provocari, non magis ab eo appellari potest, quam ab ipso Principe, alius ita judicem dare non potest. d. L. 1. §. ult. D. a quib. app. non lic. Quod tribuitur sententiæ Principis: tribuitur et ejus consiliariorum, tum sententiæ, tum responsis: cum Princeps super aliqua causa  
27 con-

not. supra Lib. 17. C. 2. N. 2.) victus adversarius nunc quid et quem appellabit? Zas. Lib. 2. Sing. Resp. C. 18. censet quod tunc in appellationis quoque causa se subicere cognitioni non suspecti debeat. Nam si in principali causa noluit ipse seu in causa sua, iudicare, nec debet in appellatione, ne proviso d. L. 14. reddatur elusoria, ita Zas.

19) Ratio quia Princeps ipse in eo ordine se numerat, et ita pars ac caput Senatus, per L. 8. de dign. ubi Goth. Philipp. Berter. Pithanon. Diatriba 1. C. 7. pag. 78. scribens illibatam per hoc mansisse auctoritatem Principis, cum appellationum iudicia, quæ consultationes dictæ, presente in Senatu principe, peragi aut ab eo confirmari solerent, Nov. 62. Olim vero et ante orationem D. Hadriani a Senatu provocari potuisse, ostendit Berter. d. loc. et Bodin. 1. de Rep. 10. n. 161. Confer. P. Greg. 3. de App. 11. Turam. ad L. 9. de LL. Guerin. Piso Soac. de Rom. et Venet. magistrat. inter se comparatione n. 21. et seqq. ubi nostro tempore hæc correctæ esse et annihilatum Senatum illum veterem ex Baldo refert. Et ibid. n. 31. hodie veram illius imaginem exprinere Senatum Venetum putat, non autem Curias supremas, vid. infra N. 22. Senatui Mediolanensi auctoritas a Carolo V. Imperatore concessa, ut ab eo non provocare liceat. Relatio de Insubria Ducat. pag. 219. P. 1. Thesauri Politici Philippi Honorii. A concilio universali non appellatur, Menoch. Arb. Cap. 438. n. 36. ne quidem ad Papam, ut ex Jacobatio Brederod. P. 1. Tit. 14. ad P. Greg. 3. de App. 6.

20) Nec si ex consensu litigatorum prorogata iurisdictione cognoscat. L. 8. C. de Episc. aud. add. L. 17. de minor. L. 5. C. de precib. Imp. off. L. 1. C. de off. præf. prætor. Orientis, Nov. 23. Cap. 1. Nov. 82. C. 12. Nov. 119. Cap. 5. Solus enim hic vere sacra vice iudicans L. 16. C. Th. de Appell. Nec nulla maior post Principem potestas. Unde Soerati Lib. 2. Hist. Eccles. dicitur *μὴ ὡς τῶν ἄλλων ἀρχόντων, δυνάστες μετα βασιλῆα*. Qui solus, ut Ausonius, Epist. 16. ad Probum, exceptis tribus heris (Imperii consortes inauit) herorum primus est. De auctoritate Præfectorum prætorio, Bodin. 3. de Rep. 6. initio. Berter. Pithanon. Diatriba 1. C. 8. P. Fab. 1. Semestr. 1. 2. 3. Coras. Epist. QQ. C. 5. n. 3. et 4. De hoc non provocandi iure Matth. Steph. 1. de Jurisd. 14. n. 30. et seqq. P. Greg. 3. de App. 12. Brederod. P. 1. Tit. 15. Qui hunc generalis legis, quæ alii quoque eius alias iudicio non subiecti tenebantur, condendæ ius habuisse, contendit Alciat. 2. Parad. 9. per L. 2. C. de offic. præf. Orient. et fere Guic. 6. Obs. 10. Quod refellunt Angelus a Sancto Joanne Antiparadox. contra Alciat. Cap. 4. et Guerin. Piso Soac. de Rom. et Venet. Magistr. inter se comparat. n. 69. Nam forma in d. L. 2. non legem significat generalem, sed edictum ex bono et æquo editum, ut prob. L. 1. de extr. cogn. ibi: ut preses etc. formam rei det, add. Cagnol. ad L. 3. de Jurisd. n. 277. et seq. Successit hic magistro equitum L. 1. de off. præf. prætor. Fenestella Pompon. Let. et Raph. Volaterran. de Magistratib. Rom. Hodieque iidem fere apud Principes Mareschalci, qui olim magistri equitum, Henr. Bebel. de Magistratib. et sacris Rom. Inde, forsitan vulgatum istud, quod Elector Saxonie Imperii Archimareschalcus, habeatur Præfectus prætorio. Sicuti nec desunt, qui Electores generatim, et Princeps Electoralis familiaris præfectis prætorio comparant, Wes. Cons. 40. n. 46. et Cons. 46. n. 2. ac ab eo citati. Quam comparisonem immerito absurdam vocat Andr. Knich. de Sax. non provocat. jure v. Jus. C. 3. n. 34. quod augustius sit hoc fastigium, quia in heredes transitorium. Neque enim quæ similia in omnibus convenire oportet, alias eadem magis dicenda. Et multa imo communia huic dignitati cum illa præfectoria veteri, Heig. P. 1. Q. 4. n. 14. et n. 51. Nam uti hæc dignitas summa est in imperio et Regie æquiparatur, vid. Moller. 1. Semestr. 40. ita et olim præfecti prætorio Regibus comparati, ex Cassiod. Heig.

d. n. 51. ut olim nulla major præfectoria post Principem potestas, ita hodie Electoria. Sane ex aurea Bulla Caroli IV. C. 11. omnibus Electoribus jus non provocandi competere videtur, sed reliqui de jure suo recesserunt, quod illibatam mansit electoribus Saxonie et Brandeburgicis. Sed Brandeburgense privilegium non nisi Electori, Saxonicum omnibus Ducibus Saxonie indultum. Et ab his nullo omnino nec supplicationis, revisionis, nullitatis remedio ad Imperatorem causæ devolvi possunt, vid. Heig. d. Q. 4. Knich. d. v. Jus. C. 2. et v. litis provoc. nescium. C. 3. Neque ea re majestas Imperatoris læditur, vid. Thom. Michael. de Jurisd. Conclus. 26. Gerlac. Buxtorfius Dissertat. in 17. priora aureæ Bullæ Caroli IV. Capita Concl. 94. lit. C. Diss. Bodin. 1. de Rep. 10. n. 92. Georg. de Cabedo P. 2. Decis. 40. n. 12. Cardinales quoque præfectis prætorio in hoc comparat. Gl. in L. 1. C. de off. præf. prætor. Brederod. h. Tr. P. 1. Tit. 15. Jac. Ouphal. Lib. 7. de Usurpat. legum. C. 1. n. 11. Nec desunt, qui Regibus illos exæquant. Patriarchæ sententiam appellationi non subjacere habetur Delectu legum compendiariorum Leonis et Constantini Tit. 10. §. 6. Tomo 2. Jur. Græco Rom. a Leunclavio editi.

21) Vulgo appellant cui causa delegata cum clausula, appellatione remota. Quo de C. pastoralis 53. C. inquisitioni 7. extra h. t. fuse P. Greg. 2. de App. 20. quem adi. et Marant. h. t. n. 336. et seqq. Viv. Lib. 1. Decis. 69. Myns. 1. Obs. 3. Pinel. in Rub. C. de resc. vend. P. 1. Cap. 2. n. 22. (ubi hac re non tolli defensionem contendit cum ut plures instantiæ sint, merita causæ non concernat) Paul. Emil. Decis. Rotæ. 33. P. 1. ubi per eam non excludi notorium gravamen. Sed nec nullitatem, nec restitutionem in integrum, nec suspecti quæstionem remotam esse ita censent, idemque in privilegiis de non appellando, intra certam summam statuendum, Paurmeist. 2. de Jurisd. 4. n. 146. modo seorsim proponatur, secus si appellationi permista nullitas, aut incidenter veniat, Gravatt. ad Vestr. Lib. 8. Cap. 1. n. 24. Vant. Tit. Qui post. dic. de nullit. n. 33. nec reconventionem; vid. Theoph. Gisebert. de Reconvent. C. 23. Sed si conventio delegata cum hac clausula, et reconventio cum eadem intelligitur, per C. 2. extra de mutuis petit. Zang. in Prælect. ad C. 41. 53. et 71. conjuncta extra h. t. add. Besold. h. t. C. 2. n. 18. Num a iudice, cui arbitrium concessum, appellatur, Menoch. Arb. Q. 70. et num a dato ita ut secundum conscientiam judicet, P. Greg. 3. de Appellat. 15. aut in cujus conscientia et arbitrio partes decisionem constituerunt, Damhuder. Praxi civil. Cap. 230. n. 10. qui negativam statuit, si is juret, se juxta dictamen conscientie pronunciassse.

22) Ita Maranta h. t. n. 251. Atque huc referendæ supremæ curiæ regnorum, veluti Parlamenta Franciæ et cum primis Camera Imperialis. Neque enim apte Senatui Romano eas comparari ostendit Guerin. Piso Soac. de Rom. et Venet. magistr. n. 26. Nec scite admodum Præfectis prætorio conferuntur a Rol. a Valle Cons. 1. n. 18. (citante Goth. ad L. 1. C. de off. præf. prætor.) Guid. Pap. Decis. 50. Tes-sawro Dec. 2. h. 1. P. Greg. 3. de App. 11. n. 1. P. Heigio. P. 1. Q. 10. n. 34. Utut sit alio modo est hæc potestas per nes curias istas, etsi iudicent inconsulto Principe, nempe per modum veluti commissionis vel delegationis, nomine alieno, ex legibus ab alio præscriptis; alio apud ipsum Principem, jure proprio, P. Greg. 9. de Rep. 1. n. 38. Veluti dixi: Neque enim neganda est his curiis jurisdictio ordinaria, Gail. 1. Obs. 41. n. 5. Thom. Michael. de Jurisd. etc. Concl. 34. Cæterum uti olim sententiæ Præfectorum prætorio retragationes subiacebant, et supplicare contra illas Principi, aut citationes ab eum fere (ut Bodin. 1. de Rep. 10. n. 161.) licebat L. 5. et auth. seq. C. de precib. Imp. off. Novell. 83. Cap. 12. Nov. 115. Cap. 1. Novell. 119. Cap. 5. Cu-

consultur, et a consiliariis ejus causa examinatur. L. iubemus, L. seq. C. de app. Hinc quaesitum.

XVI. An adversus rescriptum Principis provocari possit. Par enim videtur, ut quod a Principe pariter proficiscitur, pariter ab eo non possit provocari propter Principis auctoritatem. Sed placet hoc posterius fieri posse. L. 1. §. 1. D. de app. utrumque optima ratione. Nam in sententia Princeps de facto cognoscit, atque ita judicat: in rescripto, non cognoscit de facto: sed rem ita accipiens, ut proponitur, tantum de jure, id est, quid faciendum in proposito, et sequendum videatur, respondet: sic fit, ut qui a sententia Principis appellat, is Principis auctoritatem et aequitatem suggillet, quasi is aut imperite, aut inique judicavit. Qui autem appellat adversus rescriptum Principis, is non de Principe, sed de consultoris mendacio, et improbitate queratur. Adversus quæ equum est, apud ipsum Principem auxilium soperesse, et quidem ita sunt constitutiones de hac re, ut non aliter adversus rescriptum appellari possit, quam si dicatur ea quæ Prin-

cipi a consultore exposita sunt, non esse se habere ut sunt exposita. L. 1. §. 1. D. de appell. Unde factum est, ut si cum Imperatori scriberetur, exemplum literarum litigatori editum sit: neque is appellaverit, et contra eum rescriptum sit: placere a literis pridem editis appellari non posse: quasi qui tum non appellavit, vera esse quæ scripta sunt, consenserit. L. ult. D. quando appell. sit.

XVII. Si superiores exceperis: a iudice quovis, qui de re iudicavit appellari potest: etsi in iudice dando rescripti Principis auctoritas intervenerit. L. 2. L. etiam, L. a proconsulibus, C. de app. Itaque a præsidentis sententia appellandi jus est, etiam tunc, cum Princeps deportato insulam assignavit. L. 1. in pr. D. quā app. sit.

XVIII. Ab exsecutore sententiæ appellare non licet. L. ab exsecutore, D. de appellat. L. ab executione, C. quor. app. non. Interest enim publice, non differri rerum iudicarum et plane peractarum executionem: idque adeo verum est, ut appellare non liceat ab exsecutore quavis suspecto, ut

in

ac. 12. *Observ.* 3. Jac. Ferrer. *Addit. ad Guid. Pap. Decis.* 5. ita et hodie non exigui supplicationem usus, quibus affines Revisiones, quæ usurpantur. De utrisque opportunum hic tractandi locus foret, sed locus non est. Consultere potes de illis Menoch. 1. *Arb. Q.* 70. et *Q.* 71. n. 10. et seqq. et adip. poss. *Remed.* 4. n. 895. et seqq. *Lanc. de Attent. Parte 2. Cap.* 19. Maranta hoc tit. n. 12. et seqq. usque ad n. 24. ubi in quibus conveniant appellationi, in quibus differant, satis exponit P. Gregor. 1. *de App.* 6. Myns. 6. *Obs.* 15. Hering. *de Fidei. C.* 5. n. 291. et seqq. *Trentacinq. 2. Pract. Resol. hoc. tit. Resol.* 1. n. 4. (ubi docent admitti hanc ubi ratione personæ, non licita appellatio. Ubi autem ex natura causæ prohibita illa, etiam hæc add. Vinc. de Franch. *Decis.* 148. n. 4. et 6.) De his (Revisionibus, aut recognitionibus, ut vocat Oldend.) ex professo Jo. Ludovic. Bender. *Tr. de Revisione*, Gail. 1. *Obs.* 154. et seqq. P. Frider. 2. *de Mandat. iudic.* Cap. 28. *Rulant. de Commiss. P. 1. Lib. 2. Cap. 21. et Parte 3. Lib. 9. Cap.* 18. Georg. de Cabedo. *Parte 1. Decis.* 12. Knich. *de Sax. non provoc. jur. v. Jus.* Cap. 5. Hering. *de Fidejuss. Cap.* 15. n. 88. et 2. seqq. et *Cap.* 20. §. 20. n. 26. et seqq. Heig. *P. 1. Q.* 10. n. 58. et seqq. Enimvero etsi hæc bono fine inductæ, pessimus tamen earum abusus merito corrigendus, vid. Veltur. de Valent. *Parthenii litig. Lib. 2. Cap.* 14. n. 13. et seqq. Quæ etsi in foro nostro tentatæ pluries, impetratas tamen nunquam esse, testatur Heig. d. *Q.* 10. n. 52. id commendans in seqq. Sed et Moll. 1. *Semes tr.* 38. memorat, quoties supplicationes, quod appellatio deficeret, porrectæ in aula Electoris, toties rejectas esse. Nec temere, ut putat, quia in curia Provocationum, secunda etiam leuteratio, vulgo *D. berleüterring*, permissa.

23 ) Connan. 1. *Comm.* 15. n. 7. Atque ita d. §. 1. exaudiunt de appellatione, non a rescripto ipsius Principis, sed a sententia iudicis inferioris, juxta id rescriptum, ad consultationem ejusdem emissum lata, Cornel. Benincas. *de Constitut. Q.* 6. n. 28. P. Heig. *P. 1. Q.* 10. n. 25. P. Greg. 2. *de App.* 2. n. 2. et 3. docens a concessione rescripti non provocari, sed contra effectum ejus et executionem, add. Besold. h. tit. C. 2. n. 11. Cæterum a Principe male consulto seu minus informato ad eundem melius informandum recte provocari volunt, vid. Budin. 1. *de Rep.* 10. n. 163. Chassane. *Catal. gloriæ mund. P.* 5. *Consid.* 24. n. 103. Et sane P. Greg. 3. *de App.* 7. n. 9.

non quidem per modum appellationis, cum superiorem ea requirat, ast supplicationis provocationem hanc fieri ducet, ut plenius attentiusque cognoscere velit, et sequitur Besold. d. C. 2. n. 10. Sicuti et Menochius post alios *Arb. Q.* 27. n. 21. Lancell. Conrad. *Templ. om. iud. Lib. 1. §. 4. de præstant. et potentia Imp. v. sententiam inappellabilem fert.* n. 9. a sententia Principis recursum haberi ad ipsummet Principem, ut causam reveidat. Attamen Gail. 1. *Obs. ult. in fin.* appellationem huiusmodi absurdam vocat, concordi statutu voto rejectam quippe cum Cæsar tot Procerum Senatu stipatus sententias inconsulte non proferat. Et Heig. d. *Q.* 10. n. 18. et seqq. nullum ei locum esse posse, nisi ubi ad relationem et falsam suggestionem alterius a Principe iudicatum. Quod si causa examinata, partibus auditis in sacro auditorio lata sententia, quis Principem incuria aut negligentia arguet, cum et conatus ita terminatam questionem exquisito suffragio relinquare annitens, ignominia aliisque poenis coerceatur, L. 2. C. ut lit. pend.

24 ) Num et a Rectore vel Senatu Academico? Sunt qui negant posse sine periculi reatu, Rebuff. *Privil. Schol.* 158. Sed de hoc vid. P. Gregor. 4. *de App.* 13. Matth. Steph. *Lib. de Jurisd. P. 2. C.* 12. n. 63. et seqq.

25 ) Quia exsecutio iudici, qui sententiam tulit, tribuenda potius quam exsequenti, qui nudam facti explicationem duntaxat, veluti instrumentum iudicis, habet, ac de novo nihil facit, sed mandantis factum persequitur, Joan. Wamesius *ad d. Cap.* 43. De appellatione ab excessu in exsequendo, item a Pronunciatione de exsequendo etc. utiliter consulens Marant. h. t. n. 259. et seqq. P. Greg. 2. *de App.* 11. *Trentacinq. 2. Pract. Res. h. t. Resol.* 12. Patlad. 2. *Rer. Quotid. Cap. fin. Parte 2. §. 3. et P. 5. §. 15.* Gail. *de Arrest. imperit. Cap.* 11. n. 20. Myns. 3. *Obs.* 83. Vasq. 2. *Contr. usu freq.* 38. n. 6. et 7. Munoz. *de Ratiocin. Cap.* 33. n. 14. et seqq. Scip. Gentil. 2. *de Jurisd.* 31. Knich. *de Sax. non provoc. jure v. jus.* Cap. 2. n. 159. Coler. *Cons.* 2. *Wes. Cons.* 100. *Decis. noviss. Rotæ* 100. P. 1. Antou. Fab. C. suo h. t. *defin.* 28. et seqq. Gilman. *Lib. 2. Decis. Cam.* 29. Meichner. *Tomo 1. Lib. 1. Decis.* 28. n. 6. et seqq. *Tomo 3. Decis.* 7. n. 11. et 2. seqq. *ac Tomo 4. Decis.* 4. Confer. M. Anton. de Amatis *Decis.* 75. Surd. *Decis.* 27. ubi tractat num liquidatio instrumenti gaudeat privilegio, ne appelletur.







Valentiniano, et Theodosio Imperatoribus, ut pœnam vigiati librarum auri denunciarint, non tantum ei, qui adversus hæc provocaverit: sed etiam iudici, qui receperit appellationem. *L. quisquis, C. quor. app. non recip.* Ex hac ratione est, quod placuit etiam a sententia, quæ de possessione lata est, appellari non posse. *L. unica, C. si de momen. poss. fuer. app.* Etsi enim aliquid incommodi est, adversarium possessorem pronunciari propter onus probationis: non est tamen sententia ejusmodi, quæ plenum præjudicium afferat victo: quia plenior cognitio de proprietate, et justa possessione in directum iudicium differatur. Unde et possessio de qua ante iudicium proprietatis iudicatur, momentaria dicitur <sup>31</sup> in *d. tit. C. si de momen. poss. fuer. app.*

XXII. Postreimi generis est, si appelletur, ne bonorum possessio, unde liberi ex Car-

boniano edicto decernatur impuberi, cui sit controversia, an sit inter liberos, item ne pignus vendere liceat: de quibus in *d. 32. L. ult. D. de app. recip.* Cæteræ causæ sunt <sup>33</sup> ejusmodi, ut in his sive majores, sive minores sint, jus sit provocandi. *L. et in majoribus, L. si quis, C. de appell.* Itaque etiam a sententia, quæ pro libertate dicta est appellari potest, quanvis adversus eam cesset in integrum restitutio. *L. illud, D. de app.*

XXIII. Quod ad genus sententiæ attinet, non est visum utile Romanis ab alia sententia appellari posse, quam ab ea, qua finis liti imponitur, quam ideo definitivam vocant. *L. permittit, C. quor. app. non recip.* Itaque vetant ab interlocutione ante eventum ejus sententiæ appellari: præterquam si iudex id fieri jubeat, cujus facti damnum aut injuria sententia definitiva <sup>34</sup> sarciri non potest: veluti, si quæstionem in civili negotio habendam ju-

31 ) Et ita de quovis possessorio *d. L. un.* accipit Donellus vid. *supra Lib. 17. C. 4. n. 23.* vers. *est autem.* Cui consentit Gomez. in *L. Tauri 45. n. 191.* quia præjudicium modicum, in iudicio proprietatis reparari facile, et Sarmient. 2. *Select. Interpret.* 13. qui summarissimum possessorium, quod vocant, iuri ignotum censet, cum olim quodvis possessorium longe citius, quam summarissimum hodie solet, expediretur. Eamvero ex quo usu hodierno lis de possessione sæpe longissimo durat tempore, eo inspecto non incongruum est, *d. L. un.* ad summarissimum istud restringere. Quomodo et Camera in plenario possessorio appellationem recipit, Gail. 1. *Observ.* 7. n. 7. De appellatione a possessorio plura expetens, adeat plures antiquos relatos Tiraquel. *Tr. Le mort saisi le vil. P. 6. Declar.* 6. n. 5. Ex superioribus, quos nos adimus. Gomez. et Sarmient. *dd. loc.* Oldend. *de Jure et equitate Tit. 12.* Menoch. *passim in Sing. Remed. maxime 9. Recup. n. 316.* et seqq. Coras. in *L. 12. §. 1. de acq. poss. P. 1. n. 8.* Vasq. *Contr. usu freq. 38. et 40. Vestr. Pract. Lib. 7. Cap. 3. n. 5. et seqq.* Maranta *h. tit. n. 305. et seqq.* P. Gregor. 2. *de App. 5. Besold. h. Tr. C. 7. n. 9.* Trentacinq. 2. *Pract. Resol. h. tit. Resol. 14.* Myns. 6. *Observ.* 13. Wurmsen. *Tit. 24. Obs. 12.* Hartm. *Tit. 19. Observ. 24.* Wes. *Cons. 1. Decian. Vol. 1. Resp. 45.* Alliet. *Decis. 269.* M. Anton. de Amatis *Decis. 15. et Decis. 88.* Vinc. de Franch. *Decis. 288.* Achill. de Grassis *Decis. 246.* Cacheran. *Decis. 25. et 47.* Fachinæ. 1. *Contr. 75.* Rauchb. *P. 2. Q. 6.*

32 ) Generatim si sententia notorie justa, vel ex confessione appellantis, quia si ideo a præfecto Prætorio non appellatur, quia creditur iuste iudicaturus, magis quando vere constat, et sic iustitia iudicii causa inhihenda appellationis. Salomonius in *L. un. de offic. præfect. prætor. add. not. supra N. 3.* Et ita nostri non recipi in notoriis, vid. Marant. *hoc tit. n. 293.* Vestr. *Pract. Lib. v. Cap. 3. n. 13. et seqq.* P. Gregor. 2. *de Appell. 26.* Besold. *hoc tit. Cap. 6. n. 2.* in debitis liquidis, vid. Ventura de Valent. *Parthenii litig. Lib. 2. Cap. 11. n. 20.* et Coler. *de Process. excac. P. 4. C. 2. n. 18.* et seq. a sententia de reddendis rationibus, Munoz. *de Ratiocin. Cap. 4. n. 5.* a iudicio sortis, quia gravamen infertur a fortuna, cui non est superior, post alios Tiraquel. *de Jure primigen. Q. 17. Opin. 1. n. 95.* Sebast. Medic. *de Casibus fortuit. P. 2. Q. 10. n. 141.* Zobel. *Diff. jur. civ. et Sax. 42. P. 1. n. 6. et 7.* Marant. *hoc tit. n. 257.* P. Gregor. 2. *de Appell. 16.* Brederod. *h. Tr. P. 1. Tit. 20.* Ventur. de Valent. *d. Lib. 2. Cap. 5. n. 10.*

33 ) Plures tamen causæ exceptæ apud Interpretes habentur, quarum aliquas iam retulimus in precedentibus, et Lanc. Conrad. *de Offic. prætor. in caus. civil. v. appellatio n. 9.* casus 80. quibus appellare non liceat, recenset Marant. *h. tit. n. 280. usque ad n. 366.* causas 45. refert. Inter quas causæ iurejurando delato a parte adversa decisæ, vid.

*d. N. 3. ad Commentar. in Tit. D. de iurejur. Cap. 9.* etc. Studiorum, si in eorum favorem lata sententia, vid. P. Greg. 2. *de App. 24.* mercedis pauperi debite, *Decis. Rotæ noviss. 764. P. 1. an et cuiusvis. piæ causæ, vid. Tiraq. Privil. piæ causæ. 153.* an et dotis, vid. Gomez. in *L. Tauri 50. et 3. seqq. n. 54.* Et immo iure civili in causis minimis exigue summæ non appellari, censet Marant. *h. t. n. 326. et seqq.* Exponens in *d. L. 30. maioribus*, id est criminalibus, minoribus, id est civilibus. Attamen Pontifex *C. de Appell. 11. extra hoc tit.* pro quacunque levi et minima causa, ut deferatur appellationi præcipit. Sane Imperator Justinianus *Novell. 31. Cap. 1.* summo se studio cavisse memorat, ne appellationes intra 500. solidos ad aulam suam deferantur, add. *Novell. 23. Cap. 3.* Facit *Novell. 69. Cap. 1. in fin.* Hodieque non tantum certa quantitas præscripta, intra quam consistentes lites provocatione ad Curiam imperii devolvi nequeunt, vid. *not. supra Lib. 17. Cap. 9. N. 10. sub fin.* et confer. P. Greg. 3. *de Appell. 16.* Sed et plerisque imperii statibus privilegia indulta, ne intra certam summam ab iis Camera appelletur, quæ immerito damnat Blaver. in *L. Diffamari Cap. 10. n. 34.*

34 ) Ita et post Bart. Theod. Straitman *Antinom. LL. civil. Cap. 24.* Broidæ. *Supplem. Hist. fori. Polleui Lib. 5. Cap. 17. pag. 549.* Bronch. 2. *Misc. 73.* Gœd. *de Sequestri. Cap. 1. n. 151.* Loanet. *Rer. Quotid. Cap. 21. n. 8. et 9.* Blaver. in *L. diffamari Cap. 10. n. 8. et seqq.* Wurmsen. *Tit. 24. Obs. 14.* aut si ægre reparari possit ( ut si rejecta probatio, *Surd. Decis. 36. n. 13.* Quod est contra *L. 36. h. t.* ) si in causa appellationis examinari non possit. *L. 9. Qui cat. cog. Alb. Galeot Margaritæ aureæ Rap. 26. n. 2.* si vim definitivæ habeat, Mattheslan. *Sing. 39. ibique in annot.* Gabr. Sarayna, et DD. citati et citandi passim, ubi ita procedendum ac si a definitiva appellatum esset, Thom. Trivisan. *Lib. 1. Decis. 13.* cum alias in appellatione ab interlocutoria ipsum gravamen expresse designare oporteat, ( vid. Menoch. 1. *Praesumpt. Q. 45. n. 11.* Coler. *Decis. 269.* ) nec postea alia producere liceat; a definitiva vero non necesse sit instrumento appellationis exprimere, ut *infra N. 43.* Damhuder. *Praxi civ. Cap. 236. n. 6.* Et ubi a tali interlocutoria quæ jus alicujus totum absorbet appellatum, postea non solum esse appellationi a definitiva, tradit post Gofred. idem Damhuder. *Praxi Civil. Cap. 144. n. 13.* Sed et si appellatio hujusmodi non admissa, ceu frivola, neque a reiectione ea quoque appellatum, censetur deserta ita, ut tale gravamen per appellationem a definitiva deinde reparari nequeat, quod notandum, Myns. 2. *Obs. 49.* Plura de his expetens petat ex laudatis iam auctoribus locis citatis. Quos præter consuli quoque possunt Menoch. *Arb. Cap. 490. et Adip. possess. Remed. 4. n. 807. et seqq.* Marant. *hoc tit. n. 140. et seqq.* P. Gregor. *de App. 4.* Besold. *h.*

judex interlocutus sit, vel in criminali, si contra leges hæc faciat. L. 2. *D. de appell. recip.* Exemplum est etiam in sententia pro ætate minoris dicta, a qua placet statim appellari posse, antequam de reliquis causis in integrum restitutionis cognitum, et de in integrum restitutione judicatum sit in L. *intra. D. de min.* Nempe ideo, quia sententia dicta pro ætate præjudicium certum adfert reliquæ cognitioni, quod nisi præsentem appellatione arceri non potest. Et merito vetant. Nam si licebit, ut quidque dilationibus, aut testibus producendis, instrumentisve proferendis, aut de loco vel tempore cognoscendi, in quavis parte judicii jussum, vetitumve erit, contra appellare, ex una lite <sup>35</sup> infinitæ non necessario nascentur, fientque adeo lites immortales. Quod ita esse Gallia contra jure usa magno suo malo jam pridem experitur. Neque ideo interlocutio, quæ injusta videbitur, litigatori nocebit. Nam si dilatio, exempli gratia mihi denegata, aut adversario concessa, mihi ad victoriam nihil nocet, cum mihi liceat ab ea appellare; sin causæ damnum attulit, quod quomodo contingat (dixi sup. lib. xxiv. cap. 6.) est quidem æquissimum hanc injuriam corrigi: sed satis esse debet, si re judicata in eam rem mihi idonee consulatur. Quod quomodo fiat ibidem a me expositum est. Idem dicimus in

cæteris omnibus, quæ judex jubeat aut vetet.

XXIV. Jure autem Canonico generaliter et ab interlocutoria et omni gravamine appellare licet, *cap. super, extr. de appellat. cap. 1. eod. tit. lib. 6. cap. 2. de dol. et contum. eod. lib.* imo etiam a futuro gravamine, cuius scilicet justa <sup>36</sup> suspensio videatur, *cap. 2. extr. de conjug. serv. et cap. cum dilecti. extr. de dol. et contum.* adeoque etiam ante litem contestatam. *cap. 1. de appell. in 6.* Et quidem etiam extra iudicium in omni loco, parte adversaria præsentem: quæ proprie provocatio vel interpellatio est ad causam agendam magis, <sup>37</sup> quam appellatio: et fere contemnitur. *d. cap. 1. et cap. 2. de dol. et contum. in 6.* Quæ omnia a jure civili abhorrent: ut et illud sine voce ulla, sine literis ullis licere appellare solo facto, puta <sup>38</sup> eundo ad Pontificem, *cap. dilecti, 52. extr. de appellat.* vel submittendo se patrocinio tuitionive ejus, *cap. ad audientiam, 34. et cap. dilectis, 55. extr. de appellat.*

XXV. De numero appellationum breve est, quod jure constitutum est. Nempe vetat in eadem lite, eadem de re <sup>39</sup> tertium provocare. *L. unica. Cod. ne liceat in una ead. caus. tert. provoc. et cap. tua nobis. 65. extr. de appell. juncto cap. directæ, 39. eod. tit.* Dixi quibus de causis in totum prohibeatur jure appellatio: Videamus quod est pro-

*Tr. Cap. 7. n. 8. Trentacinq. 2. Pract. Resol. h. t. Resol. 13. Vasp. 1. Ill. contr. 41. usque ad n. 16. Octav. Vestr. Pract. aulæ Rom. Lib. 3. Cap. 16. et Lib. 7. Cap. 3. n. 2. et 3. et utrobique Grav. Ayver. Process. Parte 1. Cap. 6. Obs. 4. Myns. 4. Obs. 46. Gail. 1. Obs. 129. et seq. Wurmser. Tit. 24. Obs. 14. Sütic. Obs. Pract. Cap. 9. et 10. Guid. Pap. Decis. 10. 12. 74. et seq. ibique annotatores, Cacher. Decis. 6. M. Ant. de Amat. Decis. 59. Jo. P. Surd. Decis. 36. Georg. de Cabello P. 1. Decis. 59. Ant. Gamma Decis. 159. Gilin. Lib. 1. Decis. Cam. 10. n. 58. et seqq. et Decis. 30. ac Lib. 2. Decis. 26. Ant. Fab. C. suo h. t. defin. 1. et def. 3. ac seqq.*

<sup>35</sup> Hæc ratio redditur in Constitutione Justiniani ex Basilicis restituta a Cujac. 12. Obs. 3. et est nunc L. 36. C. h. t. Ac censetur frustratorie dilationis causa interponi, L. 2. C. de Epis. aud. Et appellatio ab articulo inhibetur, L. 5. Cod. Quor. app. non recip. ubi Cujac. 12. Observ. 6. articulum exponit interlocutionem, etsi aliter Alciat. 11. Parerg. 12. ita accipiens, quod si Appellans dicat exsecutorem modum excessisse, adversarius autem neget, tunc super articulo lis, ut judex appellationis cognoscat causam appellationem recipiat nec ne. Diss. Bart. ad L. 39. de minor. scribens nulla lege vetari, ne ab interlocutione contra leges prolata appelletur. Plane jus Saxonicum consuetudinarium in hoc Canonico convenire, notant Reinhard. inter Diff. Lobel. P. 1. Diff. 41. n. 9. Coler. Decis. 269. Sed Camera ex dicta ratione sequitur jus civile, Gail. 1. Obs. 129. Speciale quoque favore studiorum, ut ab interlocutoria jure civili teneat provocatio, ut Rebuff. Privil. schol. 163. Pac. ad auth. habita Cap. 9. n. 30. et alii.

<sup>36</sup> Modo non nimis vaga sit et generalis, vid. Marant. hoc tit. n. 354. P. Gregor. 2. de App. 18. Wurmser. Tit. 24. Obs. 9. Speckhan. Cent. 2. Cl. 4. Q. 36. De appellatione ab incarcerationatione vid. P. Greg. 2. de App. 4. n. 18. et seqq. Guid. Pap. Decis. 235. et seqq. Wes. Cons. 43.

<sup>37</sup> De appellatione hæc extrajudiciali, quæ non suspendit gesta, sed protectioni superioris subicit, ne gravamen inferatur, nec inhibito inde decerni solet, ac sere vim conventionis habet, vid. Gail. 1. Obs. 120. Marant. hoc tit. n. 278. et seq. P. Greg. 1. de App. 11. et 12. ac Lib. 4. Cap. 16. Besold. h. Tr. Cap. 7. n. 12. et quos longa serie laudat Simon. Gunther. Thesaur. practantium in explicat. Tabulæ analyt. etc. n. 75.

<sup>38</sup> Vid. Lancel. Conrad. de Offic. præf. in causis civil. v. appellatio n. 11. Vestr. Lib. 7. Pract. Cap. ultim. n. 6. ibique Grav. n. 27.

<sup>39</sup> Novell. 82. Cap. 5. Itaque Plato olim definivit *Dial. 6. de LL. fol. m. 857.* Si duo judicia litem dirimere non possunt, tertium actioni suæ imponat, vid. idem *Dial. 12. de LL. fol. m. 953.* Requiritur autem tres sententiæ conformes. Nam qui bis vicit, tertio victus, ipse quoque bis appellare potest, ut ita quatuor appellationes fieri possint in eadem causa, licet non plures duabus ab eadem persona, Maranta hoc tit. n. 280. Wurmser. Tit. 24. Obs. 25. In Camera tamen appellatio quoque tertia eiusdem recipitur, ne alias statim imperii in suis ditionibus plures instantias constituendo jurisdictioni supremi tribunalis eludere possent, Gail. 1. Obs. 122. et 128. (ubi an sententia nulla faciat numerum. Confer. Myns. 6. Obs. 4.) M. Ant. de Amatis Decis. 55. Pegnera Decis. 187. Anton. Sola ad Constit. antiq. Subaudia. rub. de conclus. causæ decreto ut nihil etc. Parte 3. P. Gregor. 2. de Appell. 25. Besold. hoc tit. Cap. 6. n. 3. Trentacinq. 2. Pract. Resol. hoc tit. Resol. 15. In causis contra Clericos vel Monachos secundo appellare non licet, Novell. 123. Cap. 21. pr. Jure Saxonico post tres sententiæ, quomodo leu-teratio admittatur, vid. Coler. Decis. 140.

proximum, quoniam cum ea admittitur, non admittitur nisi certa lege, quid in ea re facto sit opus, quo prætermissio nihilo magis appellare liceat, quam supra.

XXVI. Et in justa appellatione duo observanda sunt: Tempus appellandi, tum forma et solemnities appellationis interponendæ. Non omne tempus appellationi datum est. Primum adversus sententiam, antequam sententia ipsa lata sit, frustra appellatur. *L. eos, §. super, Cod. de app.* Post sententiam et quicumque actus est, unde appellari posse diximus, licet: sed ita, ut sit hic quoque tempus moderatum definitum legibus, ultra quod non liceat appellare. Fuit hoc 40 constitutum tempus ejus quidem in propria causa biduum, in aliena triduum. *L. 1. §. biduum, §. quod in sententiis, §. in propria, D. quan. app. sit, L. eos, §. penult. C. eod.* Unde tractatum tam multis locis, quæ propria, quæ aliena causa, *d. L. 1. §. in propria, §. tutores, L. 2. tota, D. quan. ap. sit, L. 3. D. de ap. recip. L. qui suspectum, D. de app.* Postea Justinianus cuilibet, qui appellare volet, spacium decem dierum dedit. *Novel. 93. §. 1. aut. hodie, Cod. de app.* Hoc tempus in sententiis ex die sententiæ latæ computandum est: in aliis actibus ex ipso actu, unde appellatur. *d. L. 1. §. triduum, et §. quod in sententiis, D. quan. ap. sit.* Quod ita accipiemus, si adversus præsentem pronunciatum fuerit. Nam si fuerit adversus absentem, tempus 41 ex quo quis scit, computandum est: non ex quo pronunciatum est *L. 1. §. ult. D. quan. ap.*

*sit.* Quisquis intra hos dies non appellat, postea non auditur: adeo ut de militibus quidem, aut capite damnatis appellandi tempora remittantur. *L. qui suspectum, in fin. de appell. L. addictos, Cod. eod.* His diebus sciendum est, non computari eos, quibus quis nec ejus, qui sententiam dixit, in publico adeundi copiam habuit, cum is post sententiam dictam statim se subduxisset: nec habuit copiam ejus, ad quem appellavit. Nam alterutrius si fuit copia, præscriptio temporis locum habet. *L. 1. §. dies, D. quan. ap. sit.*

XXVII. Solemnities, quæ dixi, hæc sunt. Si quidem apud acta ipso die, id est, ilico viva voce quis appellet, satis erit, si dicat, 42 Appello. *L. 2. L. 5. §. ult. D. de app. L. litigatoribus, Cod. eod.* Sin vel alio die appellet, vel non apud acta, necesse habet appellare per libellos appellationis summam continentes, quos det et offerat judici, a quo appellat, qui libelli appellatorii nominantur. *L. 1. §. ult. juncta L. seq. L. cum quidam, D. de app. L. eos. §. pen. C. eod.* Hi libelli ita concipiendi sunt, ut habeant 43 scriptum, et a quo dati sunt, hoc est, quis appellet, et a qua sententia. Tot enim sunt, quæ nominatum exigantur in conceptione horum libellorum: nec quidquam amplius in *L. 1. §. ult. juncta L. 3. in princ. D. de appellat.* Unde intelligi potest, nec eum adversus quem appellatur, nec causam appellationis, nec eum 44 qui appellatur, necesse esse libellis comprehendi, quanquam omnia ista ad-

ad-

40) *L. 20. §. 1. d. t. L. 3. de appell. recip. Briss. 2. Antiq. 19.* Ordinatione iudicii Curialis Ducum Saxonie lapsus bidui lenterationem ut impediatur, vid. Coler. *Decis. 291.*

41) Nisi Procurator adfuit, *d. L. 1. §. ult. Quan. appel. Gail. 1. Observ. 139. n. 9. Wurmser. Tit. 24. Observ. 3. Hartm. Hartm. Tit. 19. Observ. 3. n. 1.* Sed de hoc adi Trentacing. 2. *Pract. Resol. hoc tit. Resol. 4.* Et nisi ad publicationem sententiæ citatus non venit, per ea quæ Coler. *d. Decis. 291.* Nec expectandus dies conditionis, si sub ea dicta sententia, *d. L. 1. §. 5. Quan. app.* quia licet aut illius eventum vis iudicati se non exerat, tamen iudex dum fert sententiam, ea partem gravat, Damhuder. *Praxi civil. Cap. 237. n. 4.* Curritque hoc a momento ad momentum ipso die appellationis una computato, Wurmser. *d. t. 24. Observ. 2. Hartm. d. t. 19. Observ. 2. Myns. 2. Observ. 3. et 3. Observ. 11.* Nec partium consensu, ne quidem per modum compromissi, extendi potest, Mynsing. 2. *Obser. 68. et 3. Observ. 11. Moll. ad Novell. Elect. Sax. 1. P. 1. n. 3. Vestr. Lib. 7. Pract. Cap. 3. n. 20.* ibique Gravatur. Et intra hoc declarari debet, ad quem intendat appellans prosequi appellationem, M. Ant. de Amat. *Decis. 160. post Imol. Cons. 101. Lib. 2. et Cons. 12. n. 2. et 3. Lib. 6.* si nempe plures sint superiores in eadem jurisdictione concurrentes, ut præventionis locus sit. Hoc tamen alii et post manifestari posse volunt, dum petuntur apostoli, aut appellatio introducit, Zang. in *Prælect. ad C. 2. extra h. t.* De hoc decendio ejusque computatione consule quoque Tirag. *de Ret. lignag. §. 35. Gl. 4. n. 9. et 10. Menoch. 2. Præsumpt. 95. Gail. 1. Observ. 139. Frider. 1. de Process. extrah. 8. M. Antonin. Bard. Tr. de Tempore utili*

*et continuo, P. Gregor. 6. Besold. h. Tr. Cap. 8. n. 1. et 2. Trentacing. 2. Pract. Resol. h. t. Resol. 6. Blarer. in L. diffamari Cap. vo. n. 34. Fachin. Lib. 3. Cons. 27. Franch. Pfeil. Cons. 177. Fr. Viv. Lib. 2. Decis. 266. Meichsner. Tomo 1. Lib. 1. Decis. Cam. 26. Jure Saxonico etsi cautum sit, ut appellationes confestim lata sententia fiant, Auff unvenuandem Fusz, Lib. 2. Artic. 6. sub fin. ea tamen dispositio fere non servatur, Facis. Diff. 54. inter Diff. Zobel. 41. P. 1. n. 4. Coler. Decis. 130. præterquam in litibus metallicis, de quibus ita specialiter sancitum est. 42.) Quod sufficit, ut cognitio devolvatur, non autem ut satis introducta censeatur, ne deserta videri possit, A. Fab. C. suo h. t. defin. 12. vid. Besold. h. Tr. C. S. n. 3. Ab interlocutoria viva voce interposita non valet regulariter, vid. Gail. 1. Obs. 130. Myns. 3. Obs. 15. n. 13. Wurmser. T. 24. Obs. 8. P. Greg. 6. de Appell. 1. et alios citatos supra N. 36. Noctu an interponi possit, Polydor. Ripa de Nocturno tempore Cap. 137. Quod possit diebus feriatis, supra Lib. 24. Cap. 7. N. 19. Damhuder. Praxi civil. Cap. 229. n. 6.*

43) Mynsing. 3. Observ. 15. n. 4. Hartm. Tit. 19. Observ. 15. De apta horum libellorum conceptione Rainal. Cors. 2. Indagat. 20. P. Greg. 6. de Appell. 4. Frider. 1. de Process. extrah. 7. Quid si statutis loci aliæ solemnitates requisitæ, num iis omis appellationi subsistit, Gail. 1. Observ. 124. Paupertas an excuset in scriptis non appellentem, Gabr. Sarayna ad Matthesilan. Sing. ult.

44) Consentit Wurmser. Tit. 24. Observ. 8. Et de hoc quoad jus civile convenire DD. notat Jo. Wames. in C. 2.

adici nihil vetet. Sciendam tamen, eum qui appellatur, sic adiri posse, ut si quis alium iudicem appellet pro alio, si quidem maiorem, vel etiam parem, nihil hic error ei noceat: sin minorem, noceat: id est, perinde habeatur, quasi non appellasset: quia non rite appellavit. *L. 1. §. pen. D. de app.* Non idem placuit de causa appellandi, si quis eam adiecerit, hanc si quis certam dixerit, quæ tamen falsa sit, aut quæ ei displiceat, non prohibetur in agendo etiam aliam causam provocationis reddere. *L. 3. ult. D. de app.* Illud sciendum est, quod scribitur in *L. illud. 3. D. eod.* eum qui provocavit, non debere convitari ei, a quo appellavit. Quod tamen si fecerit hactenus ei nocebit, non ut nullius momenti sit appellatio, sed ut <sup>45</sup> plecti debeat.

XXVIII. Hæc libellorum appellatorum forma et conceptio est. Quos rite conceptos, quoniam supra diximus iudici offerri debere: monendi sumus si forte per violentiam iudicis non liceat ei dare libellos, sufficere <sup>46</sup> publice proponere; interim hoc exigi, ut publice proponantur. *L. cum quidam, D. de app.* Ex his apparet, quam multæ causæ sint, propter quas reiciatur iure appellatio. Ideo ut initio dixi, res hæc iudici, a quo appellatum est æstimanda permittitur. Ut si quam ex his obiciente adversario subesse animadverterit, non modo ei facultas sit appellationis non recipiendæ: sed eam etiam accipere prohibeatur toto *tit. C. quor. app. non rec.*

XXIX. Sed quoniam hic periculum est, ne iudex appellantem non audiat magis ideo, quia adversus sententiam suam appellari indignetur, quam quod causam admittendæ appellationis subesse existimet: prospectum

est hoc loco appellanti constitutionibus ita, ut vel hoc nomine liceat <sup>47</sup> appellare, quod non sit appellatio eius recepta, cuius appellationis erit idem iudex, qui fieret, si recepta esset appellatio. Placetque ad hanc perveniri hoc modo, ut si Principem appellari oportuit, principi supplicetur: si vero alius appellabitur, nihil amplius necesse sit, quam eum adiri, quod fieri potest, et sine literis dimissoriis: de quibus postea.

XXX. Sed hoc ita, dum intra constituta tempora appellatoria, vel Principem, vel competentem iudicem adeat is, cuius appellatio recepta non erit: hæc in *L. 5. in pr. in fin. D. de app. recip.* Intra quæ si is alium pro alio adeat: si quidem Principem, constitutum est perinde id haberi, atque si is aditus esset, qui adiri debuit: sin alium, nihil ei error proderit, ut videatur intra constituta tempora eum, quem oportuit, adisse: hæc ad istam sententiam in *L. 5. D. de app. recip.* Constituta tempora appellatoria, quæ dixi, quæque ita nominantur in *d. L. 5. in fin.* accipiemus non biduum, aut triduum, aut decem illos dies, intra quos supra diximus appellari posse. Neque enim natura patitur, ut intra tam breve spacium, vel Princeps, vel competens iudex adeatur: sed ea tempora, intra quæ res ad superiorem iudicem jubetur ex appellatione deferri. De quibus dicetur postea.

XXXI. Hujus ipsius appellationis de qua agimus vis hæc est, ut quemadmodum in recepta appellatione, ita et hic præcipiatur omnia in eodem statu esse, nec quidquam novari jubeatur præterea is, qui appellationem non recepit, opinionem suam confestim per relationem manifestare, et causam pro qua non receperit appellationem, ejusque exemplum

extra h. t. quia nulla exinde incertitudo, cum appellatio fiat gradatim, ut *Cap. seq. N. 7.* (quæ tamen ratio non sufficiens, per notata paulo ante *N. 41.*) Jure Canonico vero, etsi quidam contra velint, cum Papa appellari possit omisso medio, contrariam tamen, seu receptiorem probat Jo. Wamez. *d. loc. n. 4. et 5.* quia etsi omisso medio potestas appellandi, non tamen in dubio censetur ea voluntas, sed jure magis communi appellans uti putatur. Ergo, qui sic generaliter appellat proxime superiorem adire debet.

<sup>45</sup>) Greci habent ibid. *τομωδα*, quod est verberibus cadi, Leunclav. *Lib. 2. Notator. Cap. 120.* arbitrio Principis vindicari; Paul. *5. Sent. 35. §. ult.* infamia notari, *L. 42. de injur.* Quod Rev. *1. Var. 3.* de eo accipit, qui formulam appellationis ita concipit: *Quia male judicatum est, appello.* Sed nostri docent, convitium non haberi, si dicatur sententiam iniquam esse, sed si ex corruptione latam, aliisve hujusmodi verbis, quibus dolus sordes iudici impingerentur, etc. vid. Guid. Pap. *Sing. n. 8.* Lacell. *Conrad. de Off. præct. in caus. civil. v. appellatio n. 4.* Vestr. *Lib. 7. Pract. Cap. 3. n. 31.* ubi tamen tutius esse monet, ut addatur. *Salvo honore iudicis, etc.*

<sup>46</sup>) Hinc inolevit appellatio coram Notario et testibus, vid.

Marant. *h. t. n. 133.* Mynsig. *4. Obs. 45.* Hartm. et ab eo citati *Tit. 19. Obs. 4. P. Gregor. 6. de Appell. 3. n. 4.* Moller. *ad Novell. Elect. Sax. 20. Parte 1.* Quæ apud nos valet, etsi copia iudicis non desit, ex *d. Novell. 20.* Sed et dictæ Constitutioni suæ D. Augustum Electorem derogasse rescripto suo, ne in Curis suis recipiantur, nisi coram iudice a quo interpositæ, refert Zang. *Prælect. ad Cap. 4.* et aliquot conjuncta extra hoc tit. Cum contra jure Civili et Canonico quoties copia iudicis a quo, ei offerenda sit appellatio, Hartm. *d. T. 19. Obs. 6. n. 1.* vid. Gutierrez. *Lib. 1. Pract. Q. 102. et seq.* Ea autem insinuat iudici a quo fieri potest etiam extra iudicium, Mynsig. *2. Observ. 12.* nec necessaria est in appellatione ad Cameram idem *4. Obs. 41.*

<sup>47</sup>) Et itaque cautus sit appellans, et a reiectione: quoniam seu negata delatione appellet cum alias reiectione ea et sententia in iudicatum transeat, Gravæ. *ad Vestr. Lib. 7. Pract. Cap. ult. n. 23.* Brederod. *h. Tr. Parte 2. Tit. 2. fol. 33.* Quod et in appellatione ab interlocutoria obtinet ut supra *N. 31.* add. P. Gregor. *8. de Appell. 2. n. 13.* Prins autem expectari debet responsum iudicis a quo, deferente appellationi an recuset, Hartm. Hartm. *Titul. 19. Observ. 8.*



emplum litigatori reddere. *L. penult. D. de app. recip. L. 3. C. de app.*

XXXII. Sed non usque eo videtur mihi vis hujus appellationis pervenire, ut in eventu, atque in summa cognitionis inter hanc, et eam quæ recepta est nihil intersit. Puto enim si iudex qui appellationem non recepit, opinionem suam per relationem declaraverit, et causam reddiderit, cur non admitteret appellationem: nihil præterea ex appellatione, quæ ob non receptam priorem appellationem interposita est, apud superiorem judicem quæri oportere, quam utrum justa causa fuerit repudiandæ appellationis, necne. Ac si fuisse causam constiterit, hic superiorem judicem ultra progredi non debere. Denique non debere cognoscere de prioris judicis sententia. Moveor quod ex iis causis, quas exposuimus, prohibetur legibus iudex recipere appellationem, et quidem ita, ut ex quibusdam causis, adversus eum, qui receperit, poena statuatur. *L. 2. L. penult. et toto tit. C. quor. app. non recip.* Cur quæso, nisi quia id agitur, ne amplius de eadem re audiat appellans, sed sententia exitum habeat? Quod plane contra fit, si ob non receptam, primo appellationem permittitur appellare, et appellatio posterior hoc efficit, ut iterum de eadem re cognoscere, et priorem sententiam retractare liceat. An non etiam illud absurdum est, priorem appellationem ob certas causas prohibere, posteriorem manentibus iisdem causis admittere?

XXXIII. Non abs re est, quod tento ratione hanc sententiam efficere. Nam præterquam, quod nusquam eam aperte positam reperio in libris nostris, hoc etiam ad eam prima fronte repudiandam accedit, quod in *L. a proconsulibus, C. de app.* scriptum est in hæc verba: *Si victus oblatam, nec receptam ab iudice appellationem affirmet, præfectos adeat, ut apud eos de integro litiget, tanquam appellatione suscepta.* Quod plane superiori sententiæ contrarium videri potest: sed non ita est. Intelligendum est enim ei rescripto tunc locum esse, cum sine causa appellatio recepta non est, aut quo tantundem valet, non est causa a iudice reddita, quam ob rem etiam non recipitur. Nec ad rem pertinet, quod superiora verba rescripti sine distinctione scripta sunt. Observandum est enim rescriptum de his agere, quibus provocare permittit. Nam initio rescripti ita scriptum est: *A pro-*

*consulibus et Comitibus, et iis, qui vloc Prefectorum cognoscunt, provocare permittimus.*

Non permittitur autem his provocare, qui iustis de causis id facere prohibentur. Atque etiam non pertinere eam constitutionem ad eos iudices, qui iusta de causa appellationem non admiserunt, facilius ex extremis verbis colligi potest. Minatur enim constitutio supplicium ei iudici, qui appellationem non recepit, si forte is cuius appellatio recepta non erat, apud superiorem judicem vicerit. Nihil hoc ad eum judicem, qui iusta de causa appellationem repudiavit. Etenim si poenam non meretur, quod jure permitte fit, ut bene scriptum est in *L. Grachus, C. de adult.* quam videtur poenam mereri is, qui appellationem non dico permitte jure, sed etiam iubente non recepit?

XXXIV. Sit igitur hæc distinctio constituta: si iudex causam reddiderit per relationem, cur non receperit appellationem, non debet posterior iudex de sententia prioris iudicis cognoscere prius, quam cognovit, an iusta causa fuerit nec ne. Atque etiam si iustam esse ei constiterit, omnino ultra progredi non debet. Quod si aut ille nullam causam reddidit, aut hanc postea injustam aut falsam esse compertum est, superiori constitutioni locus est, quæ potestatem facit de integro litigandi non aliter, quam suscepta appellatione. Quemadmodum supra scriptis de causis appellatio repudiari potest: ita si nulla ex his causa erit, sic iubetur iudex recipere appellationem, ut si contra faciat, non solum appellare liceat adversus ejus repudiationem, et de eadem re ex integro litigare, eo modo, quo supra dictum est: sed etiam poena sit adversus eum constituta, nec tantum adversus eum, verum etiam adversus officium ejus, nisi illi restiterit, atque actis contradixerit. Poena autem est triginta auri pondo, quæ coguntur isti largitionibus Principis inferre. *L. iudicibus, L. quoniam iudices, C. de app.* De hac re placuit ad Principem referri oportere, ut sit hujus injuriæ vindex. *L. a proconsulibus, in fin. C. eod.* Simul et tempus constitutum est, intra quod de ea agere, et poenam persequi liceret: alias annus, alias sex menses: alias quatuor, idque pro varietate iudicum, ad quos appellatum est. Quæ de re cautum est in *L. si appellationem, C. eod.*



## C A P. VII.

**Appellationem** sic recte introduci, si ad eum judicem, quem appellari convenit, inducatur iis solemnibus adhibitis, quæ jus præscribit, et intra tempora ad eam rem constituta. Inde tractatum, quis a quo appellandus sit, quæ sint hic solemnia: quid apostoli, quid relatio, quid refutatoriæ preces, quid consultatio, quæ tempora legitima, et qui sint, qui dicuntur in hoc genere fatales dies, quid sit reparatio appellationis.

*Continuatio, et tractandarum rerum partitio, seu inducendæ appellationis ordo I.*

*Primo, adeundus appellationis judex, non alius, nisi, cum provocatur ad principem, illius consilarii. II.*

*A Judice dato appellatur idem, qui dedit: ab illo cui mandata jurisdictio ille, ad quem quis a mandante provocaret. III.*

*Quis judicum appellandorum ordo aut prærogativa in jure Civili. IV. V.*

*Summæ quantitas ex conjunctis etiam pluribus summis collecta ad principis notionem causam defert. VI.*

*Superior judicum ordo Imperii Romanorum proprius: sed modo pro cujusque gentis et populi instituto alius atque alius: quid ex illo nostris temporibus reliquum. VII.*

*Jure pontificio licet omissis judicibus intermediis appellare ad Summum Pontificem. VIII.*

*Quando alius pro alio judex appellatur, an valeat aut irrita sit appellatio. IX.*

*Secunda, appellator ei ad quem provocat offerre debet Apostolos a judice instantè petitos: qui ab eo dandi appellatori etiam non petenti, et sine dilatione. X.*

*Exponitur L. eos, §. Apostolos; et conciliatur cum L. Unic. D. de libell. dimissor. et cum L. Judicibus 24. Cod. de Appellat. XI. et seq.*

*Quid sit opinionis exemplum sive relatio, quid refutatoriæ preces; qui hæc differant ab Apostolis. XII. XIII.*

*Quid sit Consultatio; et quid hæc ad principem habita relatio differat ab ea, quæ ad cæteros judices dirigitur. XIV.*

*Appellator ut apostolos, ita relationem petere debet instantè et sæpius XV.*

*Tertio, solemnia et stata appellationis introducendæ servanda tempora: tria hæc temporum spatia, et quæ. XVI.*

*Reparationem appellationibus obtinere etiam jure novissimo, sed eam in appellatione pedaneis judicibus denegari. XVII.*

*Item in consultatione, seu ad principem appellatione. XVIII.*

*Qui sint fatales dies, et quot fatalium lapsus: quomodo dies ii a Justiniano dilatati. XIX.*

*Quid sit reparatio appellationis, et a quo impetretur. XX.*

**I.** **R**ecepta appellatione perficiendum est, ut ea rite perveniat ad eum, qui appellatur, et, quod constitutiones dicunt, ut provocatio introducat in auditorium judicis: indicatur ad eum judicem, qui de appellatione cogniturus est: ut apud eum appellator litem appellationis instituendam curet: eam in judicium ejus inducat, eique exordium imponat. Animadvertendum tot modis eandem rem exprimi constitutionibus Justiniani L. in offerendis, ver. his videlicet, C. de app. L. nemo, L. ultim. §. et cum ante, §. in his, §. illud, Cod. de temp. app. Id quomodo fiat videamus. Et inducendæ appellationis hic erat naturalis modus, ut Tom. VI.

adeatur is, quem oportet appellari, et ad eum appellatio deferatur: quæ et ipsa omnino observari convenit. Sed præter hæc ius civile, et alia quædam exigit. Nam et appellationem vult deferri certo modo, et præter appellationem vult quædam una afferri ad institutionem futuri iudicii pertinentia. Postremo et certa tempora præstituit, intra quæ hæc omnia peragantur, quibus prætermis appellatio pro deserta habeatur. Ex quo est illud Theodosii in Lege præcipimus. in pr. C. de app. disceptationem jubemus arripi eo ordine, ea observatione iisdemque temporibus, quibus cæteræ quoque li-

*lites fatali die, post appellationem in sacris auditoriis terminantur. Quæ separatim, ut quidque postulat explicemus.*

II. Ergo in primis eum judicem adiri oportet, qui de appellatione cogniturus est, quod Justinianus *Nov. 119. Ut sponsal. largit. sit special. contr. §. hoc quoque, et Auth. si appellatione, Cod. de temp. app.* sic exprimit, opus esse, ut qui appellationem interposuit, occurrat, et præsentiam sui manifestet judici futuro appellationis. Sed an alius adiri potest? Et Justinianus ibidem significat, esse interdum alios, quos adiri in hac re sit satis, nempe, ejus judicis quem dixi, consiliarios, aut eos, qui causas introducunt: *Si is, inquit, qui appellavit, occurrat judici futuro appellationis, vel ejus consiliariis, vel iis qui lites introducunt.* Quod dicere videtur propter eas appellationes, quæ deferuntur ad Principem. De quibus a Theodosio ita constitutum est in *L. præcipimus, C. de app.* ut velit alias esse, cum Princeps ipse judex sit: alias jubeat consiliarios quosdam suos esse judices, ubi quos velit, et quibus in causis definit. Tum hæc addit: sive ipse judicet, sive quidam ex illis judicibus, quos constituerat, velle se ut appellationes tradantur iis, qui sunt principi ab epistolis, seu a libellis, quos ab illis suscipi, et introduci jubet. Quod, cum de his nominatim constitutum sit, licet hinc colligere, nisi quem alium leges adiri permittant, non alium adeundum esse, quam eum, qui judex futurus est appellationis. Nec legimus constitutiones alias id permittere quam cum Princeps appellatur: idque eo modo, quo supra dictum est.

III. Hoc demum loco statuendum est, quem appellari oporteat, ut et hunc suo tempore adeamus. Et multum interest, utrum a judice dato appelletur, an ab alio, qui jurisdictionem habens pro jurisdictione sua, vel manus deferat, vel judicet. A judice dato si appelletur, certa regula utimur, sive primo, sive iterum appellatur, semper unum eundemque appellari, nempe, eum qui dedit judicem, vel successorem ejus. *L. 1. in princ. D. quis a quo app. L. præcipimus, §. hæc si, Cod. de app.* Adeo ut nihil putetur referre, utrum magistratus ipse elegerit sua sponte judicem, an eum dederit ex auctoritate Principis, quanvis nominatim judicem declaramus. *L. ultim. D. quis a quo app.* Longe diversum est, si a decreto, vel sententia ejus, qui jurisdictionem habeat, nec in eo judex datus sit, provocetur. Primum hoc dissimile, quod ab eo nunquam appellatur is, qui jurisdictionem detulit. Nam etsi mandatum quis jurisdictionem habeat, non tamen appellatur<sup>2</sup> is qui mandavit, sed ille qui provocaretur, ab eo qui mandavit jurisdictionem. *L. 1. §. 1. D. quis a quo ap.* Non enim is cui mandata est jurisdictio judici dato similis est. Ille enim a mandante jurisdictionem cum accipiat, per omnia vice mandantis fungitur, *L. 3. D. de off. ejus.* ut proinde nihil intersit uter judicarit. Judex datus non jurisdictionem accipit, sed tantum judicandi potestatem. *L. a judice, Cod. de jud.* Quæ res declarat eum vice magistratus, qui judicium dedit, non fungi, eoque magistratus jurisdictioni nihil derogare. Non hoc tantum dissimile, sed illud multo magis, quod ceritur in iis, quos appellare oporteat,

ab

1) Is vero oportet, ut major sit priore judice. Neque ad compares judices appellationem referri decet, sed a minore judicio in majus tribunal ascendere, ut *Nov. 23. C. 4. C. placuit 9. C. anteriorum 28. §. illo videl. Cap. 2. Q. 6.* Nam cum in æqualem, nedum in majorem minori, nulla sit auctoritas, non convenit, ut hic ejus acta gesta convellat, *Bodin. 3. de Rep. 6. n. 319. Maranta P. 6. h. t. n. 3. P. Greg. 1. de Appell. 3. n. 2. et Lib. 4. Cap. 1. n. 2. et 3. Besold. de Appell. Cap. 4. n. 1. et 2.* Quod quidam de natura, alii de substantia appellationis esse docent, ut contra lege municipii usuve caveri non possit, quin is, qui appellatur, aliqua saltem ratione, superior sit, cum hæc sit signum et pars superioritatis, *Wesenh. Cons. 43. n. 46. et DD. passim. vid. Knich. de Sax. non provoc. jure v. jus Cap. 2. et Encyclopædiæ Cap. 6.* Hinc ex quo Macedonum Regibus Athenienses multum paruerunt, non tamen appellationis, aut querelæ via sententias, aut decreta sua extra urbem et ditionem ad Macedonum tribunalia deferri passi sunt, *Joach. Steph. 2. de Jurisdict. 11. n. 20. et seqq.* Etsi immediata subjectio hinc non ita arguatur, cum non ita substantiale appellationis sit, ut fiat gradatio, *P. Gregor. d. Cap. 3. n. 4. Matth. Steph. de Jurisdict. Lib. 2. P. 1. Cap. 7. n. 357.* Attamen consuetudine induci posse, ut ad peregrinum judicem, et a quo non dependet jurisdictio iudicis, a quo appellatur, adstruit *Coler. Cons. 1. n. 283. et seqq.* Quomodo

olim ex regno Boemiæ provocaciones deferebantur ad Curiam Magdeburgensem et Lipsiensem, priusquam appellationum judicium Pragæ institutum, *Relat. Orat. Veneti ex aula Imp. Rom. P. 1. Thessauri Politici Phil. Honorii pag. 61.* Hodieque a Rostochiensi Senatu vel Curiam Ducis Megapolensis vel Senatum Lubecensem appellare liberum est. Sicuti et aliz ad mare Balticum civitates eundem Senatum appellant. Cujusmodi Provocationes in vim magis consilii, seu consultationis aut prorogate jurisdictionis fieri, censet *Matth. Steph. d. Cap. 7. n. 362. add. Bocer. d. Jurisdict. Cap. 3. num. 76.*

2) De appellatione a delegato, item sententia *d. L. 1. §. 1. ac conciliatione cum L. seq. 2. et L. 1. Cod. Qui pro sua jurisdict. vid. Govean. ad L. 1. de jurisdict. n. 6. et 1. Var. Lect. 46. Vacon. 6. Declar. 84. Ioan. Restitut. ad Pand. Cap. 9. Fachinæ. 1. Contr. 78. Marant. hoc tit. n. 386. et seq. Petr. Greg. 4. de Appell. 8. Pet. Gail. 1. Obs. 121. Wurmsen. Tit. 24. Obs. 5. Hartm. Tit. 19. Obs. 38. M. Anton. de Amatis Decis. 47. Anton. Fab. C. suo hoc tit. defin. 30. Confer. Bover. Sing. 64. n. 11. Bodin. 3. de Rep. 6. n. 320. A vicario quis appelletur, *Marant. h. tit. n. 380. et seqq. Confer. Cujac. 16. Obs. 2. Scip. Gentil. 2. de Jurisdict. 9. Gerlac. Buxtors. Dissertat. in 17. priora aureæ Bull. Caroli IV. Capita Concl. 63.**

ab eo, qui iudex datus non sit. Nam præterquam, quod alii appellantur primo loco, alii secundo, etiam in unoquoque gradu, non semper iidem adpellationis iudices observantur.

IV. In quo sub posterioribus Imperatoribus, quorum constitutiones exstant, in Codice Justiniani hic ordo fiat, et forma jurisdictionis. A magistratu municipali, aut alio quovis iudice recta appellatur præses in provinciis. Quod colligimus ex *L. hi qui, Cod. de app.* Nam cum ibi posuissent Imperatores, eum, qui ad munus vocatus erat appellasse: Ex eo ipso consequens esse volunt, ut ille apud præsidem Provinciæ causam agere debeat. Cum igitur, inquit, ad munus vocatus appellaveris apud præsidem provinciæ, juste te appellasse ostende. Quibus verbis aperte significant, quæcunque prima appellatio interposita est, hoc ipso, quod est interposita, præsidis esse cognitionem. Nisi forte causam fuisse putamus, cur a delatione muneris recta appellaretur præses, non appellaretur autem idem a sententia ejusdem magistratus. Et sane cum supra magistratus municipales solus esset præses in provincia, qui iuridicando præses, quem tandem alium præter præsidem provinciales appellarent? Quod si in provincia aliqua, aut aliqua regione præsides nulli essent: placebat appellationem Romam deferri, ejusque appellationis iudicem esse Præfectum urbi. Ut de iis provinciis et regionibus constitutum est, quæ enumerantur in *L. cum appellatio, Cod. de appell.* Romæ qui primo loco cognoscerent, prætores fuerunt. arg. *L. si quis ex aliena, D. de judi.* Ideo non appellabantur ipsi, nisi iudicem dedissent: sed ab his erat provocatio. Qui autem ab his<sup>3</sup> appellaretur, fuit præfectus urbi itidem, ut in provincia, cum a sententia, aut decreto inferiorum magistratum non erat alius in provincia, qui appellaretur, ut cautum est in *L. si apud, C. de app.* A præsidibus provinciarum, ac perinde a<sup>4</sup> præfecto urbi appellabatur Princeps. Huc pertinet *L. a proconsulibus, in pr. C. de app. A proconsulibus*, ait Constantinus, et Comitibus, et iis qui vice præfectorum cognoscunt, (omnes hi Præsidis appellatione continentur. *L. 1. D. de off.*

Tom. VI.

præsid. ) sive ex appellatione, sive ex delegatione, sive ex ordine judicaverint, provocari permittimus: ita ut appellanti iudex præbeat opinionis exemplum; et acta cum refutatoriis, suisque literis ad nos dirigat. Hæc omnia ad se dirigi vult Princeps non alia de causa, quam quod appellatio ad eum referatur. Et quod ait, sive ex appellatione, hunc sensum habet: sive superiores illi judicaverint ex appellatione, quæ ad eos interposita erat, sive judicaverint ex delegatione, quod essent videlicet a nobis delegati: sive judicaverint ex ordine, id est, tum, cum ordo jurisdictionis primo loco iis cognitionem causæ detulisset. Sed in ea appellatione qua princeps provocatur varii iudices pro genere appellationis constituti sunt.

V. Exstat Theodosii constitutio, cujus initium est: *Præcipimus, C. de app.* qua primus de hoc genere ita cavit, ut vellet interdum Principis audientiam, et cognitionem expectari: interdum hac non expectata statim alios esse ejus appellationis iudices, quos vice Principis vult cognoscere. Principis audientiam tunc expectari vult, cum a sententiis illustrium et magnificorum iudicum fuerit appellatum, a quibus modo appellari potest. Quales sunt Præfectus urbi, magister officiorum, quæstor palatii. *L. ult. vers. ultionis, C. ubi senat. vel clar. d. L. præcipimus*, in pr. illic: *Virum illustrem*. Quo eodem ex loco constat, præfectum prætorio esse ex numero illustrium: sed is est a cuius sententia non possit appellari, ut supra diximus. *L. a proconsulibus, C. de app.* Alios jubet esse iudices, cum appellatur a sententiis spectabilium tantum iudicum, quales fuisse proconsules, præfectum augustalem, comitem Orientis ostendit Accursius ad *d. L. præcipimus*, in pr. Idem statuit et Theodosius et tunc, cum appellatum est a iudice privato, non illustri, quem Princeps antea dederit. Iudices autem huius appellationis simul duos et eos certos statuit: præfectum prætorio, et una quæstorem Sacri palatii. Præterquam si a duce appellatum fuerit, in qua specie vult solum præfectum prætorio iure ordinario iudicare. Hæc Theodosius, in quibus quædam sunt a Justiniano<sup>5</sup> immutata. Nam primum si litis æstimatio viginti li-

28\*

3) *L. 13. C. Th. cod. P. Greg. 3. de Appell.* 14. Aliquando ab iis ad consules provocatum. *Valer. Lib. 7. C. 7. Langlæ. 7. Semestr. 5. pag. 332.*

4) Olim nec a Præfecto urbi appellari potuisse, statuit P. Bursius 1. *Subtit. 14. per locos Symmachi Lib. 10. Epist. 29. 41. 46.* quæ tamen non hoc, ast contrarium probare videntur. Tametsi et hic vice sacra iudicare dicebatur. Quomodo in antiqua inscriptione, *Parte 3. Topographiæ urbis*

*Romanæ* Jani Jacob. Boissardi pag. 109. Neratius Cerealis Præfectus urbi vice sacra iudicans. Et sane indiscretæ dignitatis dicitur cum Præfecto prætorio, *L. 1. Cod. de præf. præf. sive urbi, Lib. 12. Tit. 4.* Olim ad quos Provocationes factæ, vid. Broidæ *Supplem. Hætor. fori Polletti Lib. 5. Cap. 16.* Cujac. 21. Obs. 33. Petr. Gregor. 4. *de Appell.* 11.

5) Alia de his constituta in Novellis passim, ut *Nov. 20. Nov. 23. Cap. 5. Nov. 24. Cap. 5. Nov. 25. Cap. 6. Nov.*

brarum auri quantitatem excedat; velint causam apud se disceptari in communi auditorio procerum palatii sui, ut scilicet nihil hic referre putaret a quibus iudicibus esset appellatum. *L. in offerendis*, vers. *his videlicet*, *C. de app.* Quod si litis aestimatio esset infra, aut intra eam quantitatem, retinuit ille quidem iudicum cognitionem: sed quibusdam in causis et iudicum numerum; et iudices ipsos commutavit. Namque pro duobus iudicibus a Theodosio constitutis Justinianus vult unum satis esse: si non excedat litis aestimatio decem librarum auri quantitatem, *d. L. in offerendis*, in princ. Vice versa pro praefecto praetorio, quem solum Theodosius in appellatione a duce interposita iudicem esse statuit, Justinianus duos esse iussit iudices, magistrum officiorum, et quaestorem sacri palatii. *L. si quando*, *C. de appell.* Sed et Theodosius ipse postea pro quaestore palatii, quem praefecto praetorio adiunxerat, voluit magistrum militum, una cum praefecto praetorio iudicare in una hac causa: Si apparitor magisteriae potestatis de statu in provincia passus sit controversiam, et a praesidis sententia fuerit provocatum. *L. eo casu*, *C. eod.*

V. Interim illud observabimus in his causis summæ<sup>6</sup> quantitatem alias facere, ut sit notio ipsius Principis, alias ut sit iudicum a principe constitutorum. Quapropter recte huc accommodabitur ea quaestio, quæ tractatur in *L. si quis*, §. 1. *D. de app.* De ea actione, quæ plures species in se habeat, ut tutelæ, negotiorum gestorum, pro socio: in qua quis pluribus summis sit condemnatus: quarum singulæ notionem Principis non faciunt, omnes autem coniunctæ faciunt. Queritur enim utrum separatim spectandæ sint an coniunctim: statuit autem Ul-

pianus esse Principis cognitionem, ut coniunctim summæ spectentur.

VII. Sed hæc de iudicium ordine, et prerogativa in disceptandis causis appellationum pro veteri forma imperii constituta sunt. Quamutata necesse est hæc eadem cessare. De his vero quivis populus et Princeps prout expedire, et ad præsentem rerum statum pertinere videbitur, statuit. Illud, quod dixi, de sententiis iudicum datorum, quia ubique iudices a magistratu dari possunt, perpetuum est. Est et illud, quod jam dicam, et circa appellationes diligenter observandum est, quoties constat præsidem, vel quemlibet alium magistratum esse cognitorem, id est, eum ad quem iure cognitio appellationis deferatur, nimirum hos solos appellandos esse. Et si forte omissis his Princeps appelletur: tamen ad eos causam remitti. *L. Imperatores*, in pr. et §. 1. *D. de app. L. addictos*, *C. eod.* Plus dicimus, etsi ad Imperatorem causa remissa sit partibus consentientibus, quæ ad notionem præsidis pertinebat, posse tamen præsidem hanc audire. Sic enim Paulus in *L. ad Imperatorem*, *D. eod.* Quod ego sic accipio dictum esse, ut possit præses causam audire non solum litigatoribus consentientibus, et priorem conventionem mutantibus (de quo nemo iuste dubitaret) sed etiam uno ex litigatoribus postulante. Nihil enim Paulus distinguit, et hoc ita juberi videtur in *d. L. addictos*, *C. eod.*

VIII. Jure autem Pontificio permissum est recta ad ipsum Pontificem appellare, intermediis iudicibus omissis,<sup>8</sup> *c. si duobus*, *extr. de appellat.* Sed interdum, et in territorio tantum ecclesiæ Romanæ, ut putant interpretes. Ad alium certe non licet, omissis 9 mediis. *c. dilect.* *extr. eod.*

IX.

29. *Cap. ult. Nov. 30. Cap. 11. Nov. 62. pr. Nov. 75. Nov. 82. Cap. 4. Edicto Justin. 8. Cap. 1. §. 1. Nov. 126.* Ex qua patet coram his cognitoribus eodem modo peractas appellationes esse, ac si princeps adesset. Unde Joach. Steph. 3. *de Jurisd.* 12. n. 35. eadem observata fuisse solemniam vestium, seu iadumentorum et calceamentorum, quibus tum litigantes, tum advocati ex singulari habitu coram Principe in ejusdem Consistorio utebantur. Sed in his cum exoleverint, immorari nihil attinet. Videri potest Joach. Steph. *d. Lib. 3. Cap. 10. n. 22. et seqq. et Cap. 13. n. 7. et seqq.*

6.) Confer. not. *Cap. præced. N. 33.* Auri autem libra 72 auri, Goth. *ad Nov. 23. in Epitome lit. E.*

7.) *Nov. 30. Cap. 9.* ubi cum increpatione remitti dicitur, qui continuo relicto magistratu suo ad Imperatorem recurrit. Atque hoc est quod vulgo: gradatim fieri debere appellationem, vid. Marant. *P. 6. h. tit. n. 368.* Petr. Gregor. 1. *de Appell.* 3. n. 3. et 4. *et Lib. 4. Cap. 2. Mynsing. 1. Obs. 67. Gail. 1. Obs. 119. n. 2. Hartm. Tit. 19. Obs. 5. Peguera Decis. 91. Moller. 2. Semestr. 30. Speckhan. Cent. 2. Cl. 4. Q. 37. fuse Brederod. h. Tr. P. 1. Tit. 18.*

8.) Et pluribus similibus citatis a Brederodo *d. T. 18. v. ad Papam.* Rationem differentiae reddit Rebuff. *Privil. schol.*

164. quia Imperator in quem populus potestatem suam contulit, in eundem illiberalis esse non debeat. Papa autem a Christo jus suum habens nemini quidquam debeat. Item quod Papa, omnium Patrum pater, cum omnibus Prelatis in eadem jurisdictione concurrat, eamque habeat non per communicationem, ne sit Collega, nec per gradum ceu dependentem ab alio, sed ut totum continens omnia, sicuti Oceanus fluviorum omnium receptione auctor non sit.

9.) Casus tamen excepti aliquot statuuntur. De quibus Brederod. *h. Tr. P. 1. Tit. 18.* Petr. Gregor. 4. *de Appell.* 3. Mynsing. 1. *Obs. 67.* Speckhan. *d. Q. 37. n. 4. et seqq.* Sicuti a Studioso Imperatorem recte appellari omissio medio plerisque convenit, Horat. *Luc. Priv. Schol. 72.* Rebuff. *Privil. 164. Pac. ad Auth. habita. Cap. 6. n. 18.* Peguera *Decis. 191. n. 12.* Brederod. *h. Tr. P. 1. Tit. 13. v. scholaris.* Maranta *h. t. n. 173.* Neque hoc, ut gradatim fiat absolute necessarium, quia contra lege caveri usuve recipi potest. Sicuti in Sicilia Marant. *h. t. n. 377.* et Hispania, Gu-tierz. *Lib. 1. Pract. Q. 42.* a quovis iudice Rex appellari potest. Et apud Francos Curia supremæ in causis capitalibus. Cujac. 21. *Obs. 33.* Leonin. 7. *Emend. 6. n. 4.* Petr. Gregor. 1. *de Appell.* 3. n. 4. Sed et Princeps inferior per contractum iudicationem a se abdicare potest, ut eo prætermisso,

IX. His constitutis, quos appellari oporteat: quid fiet si alius pro alio aditus fuerit? Respondebimus id, quod ab Ulpiano definitum est in L. 1. §. *si quis*, D. de app. *Si quis vel parem, vel majorem iudicem appellaverit, alium tamen pro alio, in ea causa est, ut error ei non noceat. Sed si minorem, nocebit.* Quod ex rescripto ab eo allato ita interpretandum est, ut si par vel major magistratus appellatus, atque etiam aditus sit, alius tamen pro alio, nihilominus is quem appellatum oportuit, perinde cognoscere debeat, atque si ad ipsum facta esset provocatio intra tempora constituta: sin minor, aditus erit, nihil factum videbitur. Unde eveniet, ut si interim tempora legitima exierint, sententia vim suam teneat. Ergo hos adiri oportet: oportet autem adiri appellationis causa, id est, ita ut dicat appellator deferre se appellationem a se interpositam: petere, ut de causa appellationis iudices cognoscant, et judicent. Hanc enim esse denuntiationem appellatorum appellationem introducendum declarat Justinianus. *Nov. 50. de his qui ingred. ad appellum.* §. 1. Quod cum fit, ibidem dicitur appellatio iudici offerri, quia scripto offertur, ut mox dicetur. Hoc idem Justinianus verbo parum Latino vocat, appellationem <sup>10</sup> intimare: quasi dicas, metam iudici facere. *L. in offerendis*, vers. pen. *C. de app.* Hæc ut proposui ad introducendam inchoandamque appellationis causam satis erant: nisi jus civile justis de causis in deferenda appellatione alia quædam exigeret.

X. Nunc autem hoc primum exigit, ut appellator quantum consequi potest, literas ab eo iudice, a quo appellatum est, afferat: testes nimirum receptæ appellationis, et ad superiorem iudicem dimissæ: quas propterea dimissorias literas, et apostolos appellamus. Quarum hic est sensus: *Appellasse, puta, Lucium Titium a sententia illius, quæ inter illos dicta est.* L. unic. *D. de dimiss. lit.* has iudici appellationis offerri oportet. Itaque cum in his appellatio interposita contineatur, non abs re est, quod his oblati dicitur ipsa

appellatio offerri, ut modo dixi. Hæc literæ ab eo, a quo appellatum est impetrantur, quas ob id iubetur appellatori dare, et quidem ipso etiam non petente, et sine aliqua dilatione. Sic enim diserte scriptum est in L. eos, §. *ultim. Cod. de app.* Quæ posteriora duo non satis prima fronte cum aliis locis iuris congruere videntur.

XI. Nam quod ad petitionem attinet, ita scriptum est in L. unic. *D. de dimiss. lit.* *Sufficit autem petisse intra tempus dimissorias instantes et sæpius, ut etsi non accipiat id ipsum contestetur. Nam instantiam repetentis dimissorias constitutiones desiderant.* Quod cum dicitur, simul etiam significatur saltem eas instantes et sæpius peti debere. Quod attinet ad dilationem dicitur in L. *iudicibus*, *C. de app.* triginta dierum spacia ex die sententiæ definita esse, intra quæ gesta una cum relatione litigatoribus conveniat præstari, nec prius iudicem ulla pœna teneri. Porro relationis verbo generali apostoli continentur: apostolis enim, uti horum formam supra concepimus, refert iudex quis a qua sententia, et adversus quem appellavit: ut quis dicat, non contineri: tamen ut apostoli, sic relatio iubetur ilico edi litigatori, in L. 1. *C. de relat.* Denique utrumque ad inducendam appellationem pariter desideratur, ut postea dicemus. Hæc vero ita concilianda mihi videntur: ut si de iudice tantum quærat, hic apostolos dare debeat, etiam non petente appellatore (de necessitate enim horum petendorum prius respondebo) alioqui plectatur, ut auditum est *d. L. iudicibus*. Est autem hic pœna eadem constituta, eademque pœnæ persecutio, quæ constituta est adversus eum, qui non admisit appellationem: de quo constitutum est in L. *si appellationem*, *C. de app.* Sin quærat de litigatore: Ecquid iudicis denegatio ei in hac re noceat: hic vero dicimus non nocere: sed hac lege si modo petat apostolos sibi dari: idque <sup>11</sup> instantes et sæpius faciat. Nam hanc petitionem non absolute desiderari, sed sub conditione, si velit litigator de-

ne-

recta ad Cameram appelletur, vid. Matth. Steph. *de Jurisd. lib. 2. P. 1. Cap. 7. n. 359. et seq.*

<sup>10</sup>) Si Ciceronis sæculum spectes, non si posterius, Arnob. *Lib. 5. Unde est vobis cognitum aut unde intimatum.* Sidon. *Lib. 7. Epist. 10. spontaneo memoratu intimare.* Similes loci apud Symmachum. 1. *Epist. 89. 3. Epist. 30. etc.* Cæterum verbo hæc insinuat fieri potest iudici ad quem (de ea quæ fit iudici a quo vid. *Cap. præced. n. 27. et in not. N. 46.*) si instrumentum non statim haberi queat, Myus.

1. *Obs. 83. vide de hac Brederod. h. Tr. P. 2. Tit. 12. P. Greg. 6. de Appell. 8. et seq.*

<sup>11</sup>) Ut et de appellantis diligentia vere constet, ne censetur tacite renunciassse appellationi et acquiescere sententiæ, utque negligentia iudicis appareat. Quomodo et tunc monitiones aut edicta requiruntur ad contumaciam citati, Blarer. in *L. diffamari Cap. 6. n. 28. God. de Contr. stip. Cap. 11. n. 72.* Et si usu obtinuit, ut iteratæ petitiones etiam simul uno contextu ac in ipsa appellatione fieri possint, Vestr. *Lib.*



negationem apostolorum sibi non nocere, apparet ex his, quæ Ulpianus continenter in *d. L. unica*, in fin. subiicit: *Æquum est igitur*, inquit, *si per eum steterit, qui debebat dare literas, quo minus det: ne hoc accipiendi noceat*. Hoc ergo vult Ulpianus dum litigator petat literas instanter et sæpius, idque ipsum contestetur, si postea hanc instantiam suam, et contestationem probet iudici superiori, non minus appellationem ei rite oblatam videri, quam appellator literas dimissorias accepisset. Quod autem secundo loco dicitur iudicem sine dilatione apostolos debere dare, non incommode ita accipiemus sine dilatione <sup>12</sup> frustratoria, ut hoc verbum adiicitur in *L. 1. in fin. C. de rela.* id est, sine dilatione, quæ quidem legibus constituta non sit. Qui enim iure differt, differre non videtur. Nisi malumus aliud iuris esse de apostolis dandis, aliud de relatione, quam et ipsam cogitur iudex litigatori præstare: putamusque si iudex ilico post appellationem interpositam non dederit apostolos, poenam esse in eum constitutam, quam evitare non possit, quamvis postea paratus sit, una cum relatione apostolos reddere. Quod nulli invito probabitur. Quid enim interest litigatoris apostolos ante relationem accipere, quibus etiamsi velit ad inducendam appellationem, ante acceptam relationem uti non possit. Non sunt hæc literæ satis. Visum est, utile esse, quisquis iudex sit, qui provocatur, hunc de iure prioris sententiæ, quantum licet certiores fieri, postquam ab eo hoc postulatur, ut pronunciet iuste an iniuste iudicatum sit. Id quoniam ita fit, si acta prioris iudicii cognoscat, et relatione prioris iudicis, de eo, quod actum et iudicatum est, admoneatur: placuit utrumque ad eum deferri debere, eaque gratia utrumque præstari litigatori ab eo, a quo provocatum est: <sup>13</sup> acta dico, et iudicis relationem. *d. L. iudicibus, C. de app.* Aliis locis ita expressum est, litigatorem interposita provocatione, curare debere, ut petat opinionis

exemplum, et refutatorias preces: item iudicem appellanti præbere debere opinionis exemplum, et acta cum refutatoriis partium, suisque literis ad superiorem dirigere debere: hæc in *L. quoniam nonnulli*, et *L. a proconsulibus, C. de app.* quæ eodem redeunt.

XII. Id ut intelligatur, horum unumquodque quid sit, et quamobrem desideretur singularim explicabo. Literas iudicis in hac specie accipimus relationem iudicis, quæ literis continetur. His enim refert iudex, quæ de re actum sit, quæ de eo opinio sua sit, ac secundum hoc quid pronunciarit, ut intelligere possit superior iudex quæ res referentem moverit. Ita in ea relatione opinionem suam exponit iudex. Unde in *L. eos, §. super, D. de app.* jubentur iudices opiniones suas transmittere ad superiorem: cum uberius possent ex aliis constitutionibus relationem suam transmittere. Quam quoniam verendum erat, ne in ea relatione aliquid fugeret iudex: placuit eum jubere debere relationis seu opinionis suæ exemplum ilico litigatoribus edi apud acta hoc consilio, ut si cui forte relatio minus plena vel contraria videatur, is refutatorias, partes opponat, quas similiter apud acta sine aliqua frustratoria dilatione offerat. Hoc quidem prope totidem verbis de hoc genere cautum est a Constantino in *L. 1. in fin. C. de rel.* Nisi quod ille de consultationibus, et relationibus loquitur, quibus iudices de negotio referunt ad Principem etiam ante appellationem. Et congruunt duo rescripta sequentia ejusdem tituli. Sed quod de his relationibus dictum est, ejusmodi est, ut ad relationes omnes, etiam quæ ad superiores iudices appellationis causa fiunt, pertineat. Nam in *L. 2. ejus tituli* hæc generalis ratio omnes complectens redditur: *quippe, tunc relationibus plena veritas est, cum vel allegationibus repelluntur, vel probantur assensu*. Deinde cum in appellationibus et opinionis exemplum edi debere legamus, et legamus præterea refutatorias preces, quis dubitet in iisdem verbis idem jus contineri? His ad-

7. *Pract. Cap. 3. n. 55.* (bique Grav. vid. et Myns. 2. *Obs. 24.* Cachéran. *Decis. 12.* In Camera vero recipitur apostolis non petitis, Gail. 1. *Obs. 139. n. 15.* Myns. 4. *Obs. 36.* P. Frider. 1. *de Process. extrah. 7. n. 26. et seqq.* Quos de apostolis his plenius consule, uti et Cujac. 24. *Obs. 29.* Gœd. *ad L. 106. de V. S. Wurmser. 24. Obs. 23.* Maranta P. 6. h. t. n. 219, et seqq. (ubi n. 24. quod dentur expensis appellantis) Petr. Gregor. 6. *de App. 2. et 7.* Brederod. h. Tr. *L. 2. Tit. 4.* Weliner. *Pract. Obs. de V. S. v. Abschiedbrieff.* Polydor. Ripa *de Nocturno tempore, Cap. 38.* Unde dicti etiam Scip. Gentil. *Orig. Lib. sing. pag. 386.*

12) Ita quoque in *d. L. 6. §. ult. ut et in Nov. 134. Cap. 3.* similia verba exponit Cujac. in *d. Nov. 134. et 24. Obs. 29. ac de Divers. temp. præscript. Cap. 10.* Sane iudex si velit, hunc terminum coarctare et minorem præfigere potest, Grav. *ad Vestr. Lib. 7. Pract. Cap. 3. n. 71.* 13) De hac actōrum editione vid. Gail. 1. *Obs. 134. et Grevæ ibid. Pract. Conclus. 134. ubi n. 13. et seq. exemplum, non authenticum, edi tradit, nec si diserte iudex superior mandaverit.*

adde finem, omnibus his relationum generibus, et refutatoriis precibus communem. Quorsum enim consultationem, quæ ad Principem destinatur, edi litigatori: adversus exemplum consultationis opponi a litigatore consultatorias preces? Nempe, ut his cognitis sic de re instruat Princeps, ut propemodum actorum recensione non sit opus, uti scriptum est in *L. ult. C. de relat.* Plane idem de relationis et opinionis editione, deque refutatoriis precibus, quæ in appellationibus desiderantur scriptum est in *L. eos, §. super, C. de app.* Ajunt Imperatores, *opiniones suas iudices, et exempla appellatoribus edita, et refutatorias eorum ad scrinia quorum interest, transmittant.* Sequitur, quamobrem, quibus, inquit, gestorum eorum fides manifesta relatione pandatur, ut meritis eorum consideratis pro fortuna singulorum sententia proferatur. Quare, quod de uno genere dictum est, necesse est ad alterum, in quo eadem ratio sit, transferri. Ex his autem intelligi potest, quid vocent Imperatores refutatorias preces. Supra diximus, relationes tunc veras esse, cum allegationibus repelluntur. Repellere porro refutare est. Perspicuum est igitur refutatorias literas, dici eas, quæ continent allegationes, quibus repellitur et refutatur relatio iudicis antea edita, sive quod minus plena sit, sive quod vero sit contraria, ut est in *d. L. 1.* Hanc refutationem recte refutatorias literas nominaverimus. Et quidem libelli refutatorii vocantur a Justiniano in *L. ultim. §. 1. Cod. de App.* et *L. ultim. §. in his, Cod. de temp. app.* Sed obtinuit magis ut refutatoriæ preces dicerentur. *dict. L. 1. Cod. de rel. L. quoniam nonnulli, Cod. de app.* Fortassis ideo, quia in his erat appellator, ne superior iudex relationi iudicis a quo appellatum est, fidem adhibeat: et simul ipse quid sit in re exponit.

XII. Illud quidem nullo jure probari potest, quod vulgo tradunt, refutatorias preces<sup>14</sup> libellos esse appellatorios, aut apostolos. Quam enim refutationem aut libelli appellatorii, aut literæ dimissoriæ continent, quorum utrumque nihil amplius declarat, quam Lucium Titium appellasse ab ea sententia, quæ inter illos dicta est? Cum autem constat exemplum

opinionis, seu relationis non iudici edi a litigatoribus, sed edi litigatoribus a iudice: oportet in *L. eos, §. super, Cod. de app.* non recte legi; *opiniones suas iudices, et exempla ab appellatoribus edita transmittant:* sed ita legendum, *exempla appellatoribus edita*, detracta præpositione, *AB:* Vel hoc modo: *exempla ab his appellatoribus edita*, ut intelligatur, *ab his iudicibus.* Quod si edito opinionis exemplo, nihil respondeant litigatores, assensu suo relationem confirmant, ut est in *L. 2. C. de relat.* Ut apparet eos non cogi libellos refutatorios dare, unde in *L. ult. §. in his, Cod. de temp. app.* cum Justinianus diceret litigatores intra certum tempus gesta colligere debere, et refutatorios libellos: gesta quidem simpliciter dixit, colligenda esse: de libellis autem addidit conditionem, *si voluerint.* Quod ergo dicitur in *L. quoniam nonnulli, Cod. de app.* appellationem pro deserta esse, si litigator, nec opinionis exemplum nec refutatorias preces curet petere vel offerre: hoc petere ad refutatorias preces referri non debet: Sed ad opinionis exemplum duntaxat. Hoc enim petere oportet, et acceptum iudici superiori offerre. Refutatorias autem preces nihil nisi offerre. Non enim necesse est, eas peti ab iudice, quæ ab ipso litigatore proficiuntur. Jubetur iudex ista dirigere ad superiorem in *d. L. a proconsulibus, Cod. de app.* sed ita, ut ea tradi oporteat litigatori, ut deinde ab eo offerantur. *L. iudicibus, L. quoniam nonnulli, Cod. de app.* Sane ubi reus in custodia retinetur, officium iudicis est ut superiores reos ipse transmittat ad scrinia eorum, quorum interest. *L. eos, §. super, Cod. de appellationib.*

XIV. Illud circa relationem iudicis monendi sumus, cum princeps appellatur, ad eum quoque referri debere: sed inter relationem, quæ dirigatur ad Principem, et eam quæ ad cæteros iudices, hoc interesse, quod cæteris iudicibus satis est referre, quid sit in re, et opinionem de ea re suam exponere. Cum autem appellatur Princeps, relatio habere debuit Principis consultationem. Unde<sup>15</sup> illa: appellatione implorari Principis disceptationem, et audientiam per consultationem. *L. præ-*

<sup>14</sup> ) Vulgo refutatorii apostoli statuuntur, quibus iudex ostendit, superiori appellationi, seu injustæ deferendum non esse, et ita eam refutat. *Coed. ad L. 106. de V. S. n. 4. vid. P. Greg. 6. de App. 2. n. 2. 6. et seq. Marant. P. 6. h. t. n. 225. Brederod. h. Tr. P. 22. Tit. 4. et alii.* Sed Douello fere convenit Cujac. 22. Obs. 33. hos Græce vocari ἀναπληρωματικός, et supplementa partium a Symmacho docens.

<sup>15</sup> ) Vid. Nov. 126. princ. Nov. 75. Maranta Parte 6. h. t. n. 7. et 3. seqq. Petr. Greg. 1. de Appell. 4. Enimvero et in præcedentibus et sequentibus hujus Capitis sunt quæ non plene satisfaciunt, sed ne examinem, loci angustia vetat.

*præcipimus*, in princip. et vers. *sane*, *Cod. de appell.* Item, consultationum more negotium in sacrum Principis palatium introduci. *L. in offerendis*, in princ. *Cod. eod.* Et consultationem exercere pro exercere appellationem apud Principem in *L. 4. Cod. de temp. appell.* Est autem consultatio cum exposito negotio, et eo, quod ante actum et iudicatum est. Consultit Principem iudex, quid illi de ea re fieri placeat, et in eo iudicium eius implorat. Quod colligi potest ex *L. 1. et L. ultim. Cod. de relat.* Ex hoc iure nata est illa inscriptio in Codice: *de appellationibus et consultationibus.*

XV. Cum ista dicamus ab appellatore afferri debere ad appellationem introducendam, quid fiet, si non afferat? Officium eius est, ut petat hæc sibi reddi: Ut si non petierit, non minus appellatio<sup>16</sup> deserta habeatur, quam si non petiisset apostolos. *L. quoniam nonnulli, C. de app.* quod ego sic accipio, ut petere debeat instanter, et sæpius, uti de apostolis diximus. Cur enim instantius apostolos, quam relationem iudicis petere debeat, ratio reddi non potest. Quod si petierit ista, et petenti reddita non erunt, puto, nihil hoc obesse, quo minus superior iudex de causa appellationis cognoscat. Non quod re non cognita possit iudex ferre sententiam, sed quia nihil prohibeat iudicem appellationis alias probationes exigere, quibus de negotio instruat. Verum cum hic novus labor cum appellatori, tum iudici imponatur, cum appellator etiam novis sumptibus oneretur: non immerito placuit eum iudicem plectendum esse, qui superiora denegarit. Sic tamen, si ista non reddiderit intra tempora at eam rem definita, id est, intra triginta dies a tempore sententiæ numerandos. De quo cautum est in *L. iudicibus, C. de app.* Illud peculiariter constitutum est adversus eos, qui in appellatione ad Principem facta, non omnia ad Principem transmittunt actis indita, quæ litigatores instructionis, probationisque causa recitaverunt, ut perpetua infamia notentur. *L. ne causas, C. de app.*

XVI. Præterea hæc solemnia et<sup>17</sup> tempora definita sunt, intra quæ appellationem introducere liceret. Ea pro varietate iudicium et locorum varia sunt constituta a Justiniano, ac sunt in summa tria: alias annus: alias novem menses: alias menses quinque. Annus consultationibus datus est: id est, iis appellationibus quibus Princeps appellatur. Primo quidem Justinianus in hac specie duos annos dederat in *L. in offerendis*, vers. *his videlicet, C. de app.* De quo tempore loquens idem Justinianus in *L. 3. C. de temp. app.* vetat ultra id tempus vivere consultationem, quantumvis reparatio, in eam rem postuletur a Principe, et quæcunque excusatio de ea re obtendatur: simul ea quæ gesta sunt in priore iudicio iubet tradi Scrinio sacrarum epistolarum ante dimidiam partem eius temporis. Id autem est intra annum. Postea idem in *L. ult. §. in his, C. de temp. app.* In his casibus, in quibus biennium constituerat, biennii metas (sic enim loquitur) unius anni terminis coarctavit, intra quem etiam gesta colligere, et tradere scrinio sacrarum epistolarum permisit. Ubi sine dubio hos casus, quos dixi, intelligit: ut appareat hic annum mansisse. Utraque illa constitutione, quam modo retuli, emendata. Et notandum, hic annum ita dari, ut non distinguatur, quibus ex locis deferatur appellatio propinquis an remotis. Cum autem hic annum dat Justinianus, simul etiam hunc excedi vetat. Quanquam et disertis verbis id cavit in *d. L. 3. Cod. de temp. app.* Sed idem hoc ita accipiendum postea voluit, si alii essent iudices appellationis, quam Princeps, secundum ea, quæ de iudicibus huius generis appellationum supra exposuimus: aut Princeps quidem ipse in consistorio Procerum suorum cognosceret. Sed huius quoque utiliter de causa adeundi esset copia. Quod si is publicis negotiis occupatus copiam sui non faceret, aut non posset Proceres revocare, cavit postea ne id appellatori esset fraudi. Sed causa maneret integra in id tempus, cum monitus Princeps patres revocari iuberet,

16) De appellatione deserta quomodo dicatur, quæ et unde talis habeatur, deque aliis ad eam spectantibus etc. adiri possunt P. Gregor. 8. *de Appell.* 2. et 3. Marant. *h. t. n.* 408. et seqq. Gutierrez. *Lib. 1. Pract. Q.* 109. Trentacinq. 2. *Pract. Resol. h. t. Resol.* 10. Christoph. Besold. *h. Tr. Cap.* 10. Menoch. 2. *Præsum.* 96. Vestr. *Lib. 3. Pract. aulæ Rom. Cap.* 6. Gail. 1. *Obs.* 137. et seqq. Warmser. *Tit. 24. Obs.* 21. et seqq. Myns. 2. *Obs.* 59. et seqq. (ubi quando non expiciente parte attendenda desertio) et *Obs.* 77. ac 3. *Obs.* 22. M. Ant. de Amatis. *Decis.* 32. et seqq. P. Amil. *Decis. Rotæ* 30. et 2. et seqq. Parte 1. Georg. de Cabedo *P. 1. Decis.* 42. Guid. Pap. *Decis.* 135. et 185. Cachervan. *Decis.* 7. et 28. Anton. Fab. *C. suo tit. de temporib. appell.* Num a sententia qua deserta pronuntiatur, appellandum, plenius excutit Rauchb. *P. 1. Quæst.* 14.

17) De fatalibus, ut vocant, introducendæ appellationis, Gail. 1. *Obs.* 140. Mynsing. 3. *Obs.* 94. et 6. *Obs.* 12. Petr. Gregor. 6. *de App.* 8. et 9. Bröderod. *h. Tr. P. 2. Tit.* 7. Besold. *h. t. Cap.* 9. n. 2. Rauchb. *P. 2. Q.* 24. n. 37. et seqq. Cæterum et iudex a quo introducendæ appellationi brevior terminum præfigere appellandi potest, etsi non finiendæ, *Cap. 4. et sequenti Cap. ex insinuat.* 50. *Cap. oblatæ.* 57. *h. t.* cum ut citius tardiusve peragatur, non ad ipsum, sed superiorem iudicem pertineat, vid. Marant. *h. t. n.* 205. et 412. Vestr. *Lib. 7. Pract. Cap. ult. n.* 3. ibique Gravatt. *n.* 24. et Hartin. *Tit. 19. Obs.* 9. longiorem autem statuere non potest, Gail. 1. *Obs.* 140. n. 3. Corset. *Sing.* 9. n. 2.

ret, et litem inferri pateretur. Hæc Justinianus *Novel. 23. de appell. §. ad hæc sancimus.* Unde est *Auth. sed et lis, C. de temp. app.* Præterea et tunc annus est constitutus introducendæ appellationi, cum appellatur quidem magistratus. Sed ex remotioribus locis deferebatur appellationi puta, Ægypto, Lybia, orientali tractu, usque ad utrasque Cilicias numerando, Armeniis vel gentibus, vel Illyrico, et ab his transmittabatur appellatio Constantinopolim. Hæc ita definita sunt constitutione Justiniani *L. ult. C. de temp. app.* Et annum hic numerari ipse disertis verbis exponit in eadem lege, vers. *sin autem.* Illic: *ut partim annale.* Eadem illa constitutione novem tantum menses tunc esse jussit, cum appellabatur ex aliis imperii partibus, quam iis quæ supra comprehensæ sunt. Qua constitutione derogavit Legi Theodosii, quæ est *L. 2. C. eod. tit.* qua pro varietate judicum a quibus appellatur varia tempora statuebantur ad appellationem introducendam. Ideo autem et in hac specie novem menses, et in priore annum esse dicimus, quia in utraque tres menses numerantur, intra quos liceat petere reparationem appellationis a Principe: cujus petendæ potestatem confirmat superiore constitutione Justinianus: sed dubitant nonnulli, an reparatio hodie locum habeat. Quam si sublatam esse posuerimus, ex anno superiore restabant duntaxat novem menses: Ex novem mensibus restabant tantum sex.

XVII. Moventur autem illi *L. 3. C. de temp. app. et Nov. 82. de judici. §. cæterum.* Quibus in locis Justinianus reparationem appellationis excludit. Sed non animadvertunt in *d. L. 3.* reparationis petitionem inhiberi in consultationibus: et quidem post tempus ad eas introducendas constitutum. Nempe, quod satis temporis esset ad eam introductionem constitutum prioribus constitutionibus. Erant enim ante *d. L. 3.* duo anni, nunc est annus. In novella autem de iudicibus nominatim cavet Justinianus, ne reparatio locum habeat in ea specie, quam proponit. Nempe, cum a pedaneis iudicibus appellatur in eadem urbe. Ita cum superioribus in locis nominatim certis tantum in causis reparatio denegetur, perspicuum est eam quæ antea generaliter concessa erat cæteris in causis mansisse. Hactenus igitur et annus et novem menses constituti. Postea Justinianus ex iis causis, in quibus appellatur ma-

Tom. VI.

gistratus. excepit eam speciem, cujus modo mentionem feci, cum scilicet appellatur a pedaneis iudicibus in eadem urbe, in qua specie quinque tantum menses ad introducendam appellationem statuit. Primum enim duos menses: deinde item alios tres dedit, adempta reparationis intra tres alios menses petendæ facultate, ut efficiantur hic tantum menses quinque. Hoc, inquam in *d. Novel. 82. de judic. §. cæterum.* Hæc tempora cum esse dicimus, intra quæ appellationem introducere liceat, nisi quid aliud adjiciatur, hoc intelligemus licere omnibus ejus spacii diebus, quibus appellator velit eam inducere, quoniam quicumque dies fuerint, verum est, omnes intra id spacium contineri: intelligemus et illud licere inducere, quamvis id non petatur a Principe, quoniam supervacaneum est precibus postulari, quod jure communi permittitur. *L. unic. C. de Thesaur. lib. 10.*

XVIII. Et quidem in eo anno, qui consultationibus id est, iis appellationibus, quibus princeps appellatur datus est. Utrumque plane ita fit. Ut enim intelligatur posse hic, cum libet, appellationem induci, nulli hic dies fatales appellatoris introducendi observantur, ut diserte scriptum est in *L. ult. illic: Nullius alterius judicis, C. ubi senat. vel clar.* Et adjicitur hunc esse morem, et habitum consultationum. Non incommode tamen dicetur, cum appellator consultationem præmature inducet, nondum exacto anno, hujus rei <sup>18</sup> certiore fieri adversarium debere: ne illius factum victori noceat, dum causa inducitur, eo die qui jure notus esse non potest. *arg. in L. 2. §. quod si ita, C. de temp. app.* Jam cum reparatio in his nullum locum habeat, quod cautum est in *L. 3. C. de temp. app.* nec mutatur in *L. ult. C. eod.* quia ea lex, jus antiquum de reparatione confirmans de his causis loquitur, quæ fuerunt more appellationum, non consultationum transmissæ, ut expressum est ea lege in princ. vers. *sancimus.* Cum inquam in consultationibus reparatio nullum locum habeat: hæc autem una petatur a Principe: conficitur, quicquid de his introducendis conceditur, jure ipso non precibus concedi.

XIX. Non eadem causa fuit cæterarum appellationum, earum videlicet, quibus appellatur magistratus, et ut constitutiones loquantur, quæ non consultationum, sed appellationum more introducantur. Nam primum quanvis sit in his summum quoddam

spa-

spacium constitutum intra quod liceat inducere appellationem: id nimirum, quod supra statuimus, tamen ita jus fuit ut non posset ea induci omnibus ejus spacii diebus, quibus appellatori visum esset, sed certis tantum et lege definitis. Id inde licebit existimare, quod constat in his certos fuisse dies, qui fatales sint appellati. *L. 2. C. de temp. app.* Declarat autem Justinianus in *L. ult. §. et cum antea, C. eod.* fatales esse, quibus si appellator venerit, et litem instituendam curet, legi, quæ est de inducendis appellationibus, satisfaciatur. Quod si eos non observavit eveniat, ut lis expiret. Unde et nomen habent. Fatum enim Latinis inter cætera mortem significat, et fato fungi idem est, quod mortem obire, ex <sup>19</sup> quo fatales dies dicti, qui si observati non sint, appellatio expiret, et quasi fato fungatur. Hi autem certi ea de causa constituti fuisse videntur, ut etiam victori ipsi noti essent, quos idem facile observare posset, cum vellet, ne scilicet posset queri se inscio causam fuisse introductam, ita ut ad defensionem causæ in tempore occurrere non posset. Ut significatur id *d. L. 2. vers. quod si ita contigerit, C. de temp. app.* Cæteri dies qui ex legitimo spacio inter fatales dies intercedebant <sup>20</sup> temporales nominati sunt: quia essent ex tempore ad introducendam appellationem constituto, *d. L. 2. vers. pen.* Hoc posito videndum, quot dies fatales fuerint inducendæ appellationis, et qui nam hi fuerint. De qua re cautum est in *d. L. 2.* Res sic habet: In anno, quem supra dedimus, fuerunt hi dies quinque totidem spacii temporis, quasi intervallis distincti, ita ut finito unoquoque spacio, qui dies sequeretur is esset fatalis. Spacium primum fuit sex mensium: dies primus fatalis is, qui eos menses insequitur. *Primi dies fatalis tempora*, inquit Theodosius, *post appellationem sex menses esse iubemus.* *d. L. 2. vers. 2.* id est, tempora, quæ eum diem antecedunt sunt sex

menses. Neque enim fatalis dies in sex mensibus numeratur, sed in fine cujusque temporis fatalis dies constituitur, ut expressum est in *d. L. ult. §. et cum antea, C. eod.* Primum hoc spacium tria alia spacια trium mensium sequebantur, quorum unoquoque exacto numerabatur dies unus, qui erat fatalis: ita ut fatalis dies esset non tricesimus cujusque mensis, sed tricesimus primus: ut significatur in *d. L. 2. vers. quod si primo*, et duob. seqq. Unde in *d. L. ult. vers. 2.* dicitur post primum semestre spacium alia trium mensium spacια sequi, et additur interpretatio, id est, novaginta trium dierum. His accedat spacium ultimum trium mensium: quibus exactis statuebatur ultimus dies fatalis, quem placebat ex quarto fatali die numerari, ita ut ab eo die esset nonagesimus primus. Eundem diem talem esse, ut vel eo die reparatio petenda esset (de qua mox dicendum est) vel ante unum diem præcedentem, et tum appellatio postremum inducenda, hoc facto legi satisfactum esse, etsi adversarius petitiæ reparationis admonitus non esset. Hæc sententia videtur *L. 2. vers. quod si contigerit.* Non appellatur quidem hic dies fatalis in *d. vers. quod si contigerit.* Sed appellatur alibi, nempe in *L. ult. §. illud, C. eod.* Cum dicitur appellator fatali die introductus causæ appellationis imponere exordium. Ubi omnes dies quibus appellatio induci potest sine controversia intelliguntur. Et cur non nominetur hic postremus dies fatalis eadem ratione, qua superiores: cum hoc potissimum die eveniat, ut appellatio non inducta plane extingatur? In novem mensibus, quos supra posuimus totidem fatales dies fuerunt eodem prorsus ordine distributi, et iisdem intervallis: præter primum, cujus initium est, non post sex menses ut supra, sed post tres duntaxat: de quo constitutum est in *d. L. ult. vers. sin autem.* In quinque mensibus quatuor tantum fatales dies fuerunt. Detracta enim reparatione dies unus

<sup>19</sup> Ita enim lites et actiones vivere legimus *L. 3. C. de temp. app.* (etsi ibi pro *vivendi utendi* reponat Basilicorum auctoritate Leunclav. *Lib. 2. Notator. Cap. 213.* sed male) *L. ult. C. de fid. instr. §. 1. I. de perpet. et temp. act. ac mori, L. 3. §. 1. D. quæ in fraud. cred. L. cum lite mortua 2. D. Jud. solvi. L. 13. §. 5. C. de judic. perire item ac primi, L. 18. §. 4. de dolo.* quippe ut vita hominis ex Philosophorum sententia in fato stare dicitur, fato finire, et per fatum vita abrumpi. Ita per metaphoram liti quædam adscribuntur vivendi et moriendi spatia, ut terminus pro fato sit, quo lapso mori censeatur. Hinc fata caussarum, ut *not. supra Lib. 18. Cap. 3. N. 4.* Et in hoc recte conveniunt P. Gregor. 8. *de Appel. 2. N. 7.* et 8. Cujac. 18. *Obs. 37.* Jo. Wames. *ad C. 5. extra h. t. n. 2.* Beust. *ad L. 1. D. de jurei. n. 87.* Fallitur itaque Bodin. 3. *de Rep. 6. n. 324.*

inveterato errore incongrue, sic vocari sentiens, nullum veterum fatalem diem fatalia tempora usurpasse, sed statos dies, statutum tempus. Errorum inde ortum esse, quod qui leges Codicis et Novellarum Latine verterint, pro *νοδίας* *ἡμίδας*, legerint *νοδίας*. Quem refellit et exagitat Cujac. *d. Cap. 38.* Confer. Hering. *de Fidejuss. Cap. 20. §. 10. n. 86. et seqq.* Plane illud minus appositum videtur, quod P. Greg. *d. Cap. 2. n. 9. et 10.* fatales quoque censet dici posse, quia definiti a lege citra partium placitum, quod et fatum decretum significet, ac quod præter voluntatem nostram accidit.

<sup>20</sup> Diss. Cujac. 12. *Obs. 4.* statuens diem temporalem in *d. L. 2. et L. 32. §. 4. C. de app. L. 63. C. Th. eod. L. ult. C. Th. eod. L. ult. de reparat. appell. eundem esse fatali.* Quem laudat Jo. Wames. *ad Cap. 5. extra hoc tit. num. 1.*



unus fatalis ex superioribus illis quinque de-  
trahitur, sic restant quatuor. Primi initium  
est post duos menses: reliqui singuli per in-  
tervalla unius mensis sive triginta dierum.  
Unde *d. Nov. 82. de iudicib. §. cæterum.*  
Atque hic primo fatalium dierum numerus  
fuit. Justiniano postea placuit, ut pro uno  
die fatali decem observarentur, quibus lice-  
ret inducere appellationem: quatuor ante ve-  
terem fatalem, et quinque post eum ipsum  
diem. Idque propter varios casus, quibus  
fit, ne unus dies facile possit obscurari: hoc  
in *d. L. ult. §. et cum antea, C. de temp.*  
*app.*

XX. Cum hoc in temporibus supra defi-  
nitis observandum est de diebus certis, qui-  
bus tantum appellatio induci potest: tum et  
illud cavendum, non per omnes eos dies ap-  
pellationem jure ipso induci posse: sed esse  
interdum, cum oporteat id a Principe im-  
petrari. Et sciendum per quatuor primos fa-  
tales dies concedi jure potestatem inducendæ  
appellationis: ut non sit necesse eum per  
eos dies postulari a Principe. Cæterum si ap-  
pellator his exciderit, sic expirat jure appel-  
latio, ut nisi beneficio Principis restauretur,  
et ut leguntur constitutiones, nisi reparetur,  
non sit amplius locus ejus inducendæ. Et ve-  
ro conceditur hæc <sup>21</sup> reparatio post tres po-  
stremos menses ejus anni, eorum novem men-  
sium, quibus supra quinque fatales dies at-  
tribuimus: ex quibus postremus fatalis is est,  
quo reparatio petitur. Hæc, inquam, a Prin-

Tom. VI.

cipe postulatur, et concedi solet. *d. L. 2. §. quod si contigerit, L. ult. vers. sin au-  
tem, C. de temp. app.* Hæc tempora quæ  
supra scripta sunt, si cui longiora esse vi-  
deantur, et sæpe non necessaria, ut dicat  
injuriam fieri victori, si cogatur expectare,  
donec victus exacto demum anno introducat  
appellationem, quæ potuit multo ante facile  
induci. Hoc loco admonendi sumus habere  
victorem in eo, quod sibi gratuletur. Nem-  
pe enim et huic datum est, non minus quam  
victo, ut posset, si vellet introducere ap-  
pellationem, et quidem præmature. Sane in  
consultationibus hoc victori diserte tributum  
est a Justiniano *L. in offerendis, vers. his  
videlicet, C. de app. L. ult. §. in his, C.  
de temp. app.* Cur autem ad cæteras ap-  
pellationes transferri non debeat, non animad-  
verto. Quid enim, an minus in aliis causis  
interest victoris id licere, quam tunc, cum  
Princeps appellatur? puto tamen utrumque  
victori facere licere, ea conditione, quam in  
victo appellationem inducente supra posui-  
mus, cum nimirum victor in consultationi-  
bus certiorum adversarium faciat, causam  
a se induci in cæteris appellationibus, dum  
causam inducat uno aliquo ex iis diebus,  
quos fatales diximus, ne alioqui factum ejus  
victo noceat, cui dies inductæ appellationis  
notus esse non potuit. Cujus rei argumen-  
tum, ut dixi habemus in *L. 2. §. quod si  
ita, C. de temp. app.*

CAP.

29\*

<sup>21</sup>) De reparatione hac, item de restitutione in integrum  
contra lapsum fatalium, vid. Cujac. 12. Obs. 4. et de Div.  
tem. præscr. Cap. 16. Mynsig. 5. Obs. 98. Gail. 1. Obs.

143. M. Anton. de Amatis Decis. 77. Anton. Fab. Cod. suo  
de tem appell. defin. 15.



## C A P. VIII.

De vi et effectu appellationis ad suum judicem inductæ. Hac inducta appellatorem causas appellationis reddere debere. In his reddendis quid allegare ad defensionem possit. Et quibus uti probationibus. Cujus sit reddere causas appellationis: Et intra quæ tempora reddi possint.

*Vis introductæ appellationis ea: ut sententia, a qua appellatum, si injusta, corrigatur; idque cum appellanti, tum et victori proficiat. I.*

*Appellator causas appellationis debet reddere. II.*

*In iis reddendis potest novas instituere probationes. III.*

*Immo et neglectis probationibus institutis alias allegare. IV.*

*Dominus agere potest causam appellationis procuratore absente, et præsentem et invito. V.*

*Pupillus vero aut minor, postquam tutor aut curator appellavit, non potest; nisi uterque tutela abierit aut cura. VI.*

*Quin et uterque, aut illorum heres pupillo vel minore cessante persequi cogitur hujus causam et finita tutela et cura ante rationes redditas. IV.*

*Quisque potest appellationem persequi vel per se, aut per procuratorem: hic in quibus causis admittitur. VII.*

*Quæ appellationis a nominatione, aut a sententia interponendæ tempora. IX. X.*

I. **D**Einceps quid delata ad suum judicem, et inducta appellatio valeat, consideremus. Et hoc efficit, eoque comparata est, ut initio dixi, ut rescindatur sententia, a qua appellatum est, et in melius reformetur. L. 1. *D. de app.* Et notandum eam semel introductam, non solum hoc beneficium victo affere, qui appellavit, sed etiam victori. Nam et huic, cum semel appellator in judicium venerit, datum est, ut non minus et ipse de sententia possit queri. Si quid minus se ea sententia consecutum arbitrat. Quin hoc etiam adjicitur constitutione Justiniani, quamvis victor abfuerit, tamen judicem pro officio<sup>2</sup> partes victoris in eo implere debere. L. ult. in pr. *C. de app.* Sed hoc ita, si de sorte queratur, non de sumptibus duntaxat. Nam si sententiam de sorte agnoscens queratur, tantum de sumptibus, quod dicat, se jussu minus de his præci-

pere, quam oportuit: non licet aliis iudicibus de his consulere victori, quam iudicibus iis, qui ex consultatione, id est, ex appellatione ad Principem facta cognoscunt. Hi autem de his sine provocatione statuent: quoniam de his liceat queri: appellationem autem interponere non permittitur. Hæc sententia L. ult. *C. quan. prov. non est necess.*

II. Enimvero hæc vis est appellationis utique si sententia, a qua provocatum est, injusta sit, non etiam si justa. Nam justam oportet sententia superioris iudicis confirmari. L. eos, in pr. *C. de app.* Hinc pendet, quid litigatores, et iudicem in causa appellationis facere conveniat. Et quod ad litigatorem attinet, quoniam appellando de iniquitate sententiæ queritur, hujus officium est, ante omnia appellationis causas exequi, id est, docere, se<sup>3</sup> juste appellasse. L. *hi qui, C. de app.* quod nihil aliud est, quam red-

<sup>1</sup>) Vulgo statuuntur duo præcipui effectus: Suspensivus et devolutivus, vid. P. Gregor. 6. *de Appell.* 11. et seqq.

<sup>2</sup>) De hoc et ut Appellatus possit adherere appellationi adversarii, utque sententia in totum suspendatur, et ad favorem appellati reformari possit, vid. Myns. 2. *Obs.* 21. Gail. 1. *Obs.* 122. n. 3. et 4. Trentacinq. 2. *Pract. Resol. h. t. Resol.* 7. Ante Fab. *C. suo h. t. defin.* 20. Boer. *Decis.* 73. n. 3. et 8. Confer. Peguera *Decis.* 194. Sic quoque leuteranti deteriolem sententiam dicere potest iudex, etsi Leuteratus id non petat, Modest. Pist. P. 1. *Quæst.* 22.

<sup>3</sup>) Vulgo justificationem appellationis nuncupant, de qua fuse Bredeorod. h. *Tr. Parte 2. Tit.* 33. Enimvero A. Fab. *Cod. suo h. t. defin.* 15. et Tit. *de judic. defin.* 20. apud

suos iudicatum memorat, quod appellans causas nullas reddendo, si profiteatur, se velle rem cognosci ex prioris instantiæ actis, obtineat, si ex iisdem iniquitas prioris sententiæ appareat, cum scripturæ gravaminum extra Processum sint, nec appellationem constituent. Quæ sententia rationem habet. Attamen Gilman. Lib. 2. *Decis. Cam.* 42. n. 3. testatur, quod ni Appellans justificet, quoad sententiæ iniquitatem, succumbat, etsi de ea vel gravamine constiterit. Et Gail. 1. *Obs.* 128. n. 7. et 8. libellum appellationis nihil novi, sed meram repetitionem priorum articulorum continentem rejici. Cæterum nec inter DD. vulgo satis convenit, an appellanti de iniquitate an appellato de iustitia prioris sententiæ edocere incumbat. Quod non desunt, qui statuunt, maxime si reus condemna-

reddere causas appellationis suæ. Unde hæc pro eodem usurpari videmus: causam appellationis agere, seu exsequi, et causas appellationis reddere. L. ult. §. ult. D. de app. L. 1. D. an per alium caus. ap. red. poss. Est autem iusta causa appellationis quicquid est, quo demonstratur iudicem inique, et contra jus iudicasse. Ut si ota de vi et possessione controversia iudex de possessione prius pronuntiavit, quam crimen violentiæ excuserit. L. 1. C. de app. et si qua sunt alia, quæ sunt infinita.

III. In his causis reddendis quæritur, possit ne litigator quidquam allegare amplius ad defensionem juris sui, quam priore iudicio fecerit, et an novis uti probationibus. Item, si causas aliquas libello appellatorio sit complexus, possitne his neglectis alias in agenda causa reddere. Et de priore ita cautum est in C. eos. §. 1. C. de app. Si quid in agendo negocio minus se allegasse litigator crediderit, quod in iudicio acto fuit omissum: apud eum, qui de appellatione cognoscit, persequendi jus esse, licere et novas instituire probationes, si quid minus probatum existimet: dum testibus, quos producet sumptus ad litem præbeat. Hoc idem et victori tributum est constitutione Justiniani. L. 4. C. de temp. app. Qua constitutione hoc edictum est superioribus, ita licere utrique parti 4 novis assertionibus uti, vel exceptionibus: dum hæc ad novum capitulum non pertineant: sed ex illis oriantur, et illis conjunctæ sint, quæ apud anteriorem iudicem fuerunt propositæ.

IV. De illo altero, quod quæri diximus, ita scriptum legimus ab Ulpiano in L. 3. in fi. D. de app. Quid ergo si causam appellandi certam dixerit, qui appellavit? an liceat ei discedere ab hac, et aliam causam allegare? an non quasi forma quadam ob-

strictus sit? Puto tamen cum semel provocaverit esse ei facultatem in agendo, etiam 3 aliam causam provocationis reddere persequique provocationem suam, quibuscumque modis potuerit

V. Sed in hac potestate duo cavenda sunt. Interest enim primum, quis causas reddat appellationis, quoniam non omnes ad causam appellationis agendam admittuntur, etiam si maxime eorum intersit. Deinde intra quæ tempora causæ reddantur. Nam et hæc certa esse placuit: et ejusmodi, quibus exactis sententiæ priori standum sit. Et si de persona agentis quæritur, potest qui appellavit idem et causam appellationis agere, sive suo nomine agat sive alieno. L. tutor, D. de app. Sed ille semper ut in re ad jus suum pertinente: hic hactenus dum dominus litis jure non prohibebit, hic prohibet cum actionem causæ, quatenus per leges licet, suscepit. Neque enim duo domini esse possunt ejusdem litis, non magis quam cæterarum rerum, ut sub titulo de procuratoribus disseruimus. Quid hic domino litis liceat, videamus. Et certi juris est, posse et hunc causam exsequi appellationis: quamvis hujus procurator litigando appellationem interposuerit. L. dominus, C. de appellationib. Sed an cessante procuratore id facere potest, an et invito, et denique quoties visum illi fuerit? Verba superioris rescripti de hac re consulenda sunt. Ajunt Imperatores: Dominus litis causam appellationis, quam procurator suus litigando interposuit, etiam absente procuratore exsequi potest. Qui dicunt, etiam absente procuratore, hoc includunt, non minus et præsentem eo dominum litis causam exequi posse. Et cum non distinguatur, utrum procurator causam agere paratus sit, an neget: suspectus sit, an non sit: satis argumenti est, domino quoties ei visum erit, causæ suæ

tus appellavit. Quo de vid. Guid. Pap. Decis. 10. Cachieran. Decis. 13. P. Gregor. 6. de Appell. 13. Brederod. h. Tr. Part. 2. Tit. 25. §. 1. Sed omnino id appellantis officii esse probat d. L. 7. Cod. h. tit. cap. cum in ecclesia 38. extra cod. L. un. Si pend. appell. mors interven. etc. Nam si reus priori sententiæ inique condemnatus, actoris probationibus non convictus; non utique hoc necesse erit, ut in appellatione negativam probet, sed ostendat oportet ex prioris litis instrumentis illi probationem actoris sufficientem non inesse.

4) Novæ probationes non sicut super alia re, quam antea vere in iudicium deducta, vid. Mathesilan. Sing. 240. Gilman. Lib. 1. Decis. Cam. 22. n. 8. et seqq. Et regula Non deducta deducam etc. locum habet in concernentibus decisionem negotii principalis, itaque purgari possunt omnes errores, qui causas causæ concernunt, Hieron. Bruckner. in Corollar. 1. ad Decis. Maynard. n. 10. Non autem ea sic reparari possunt, ex quibus ad decisionem causæ nihil infertur, ut sunt declinatoriæ et dilatoriæ iudicii exceptiones, Magon. Decis. Florent. 98. n. 11. (ubi ejusdem nature esse vult,

cautionem pro relevando sequestro) Sieb. ad L. 13. C. de Proc. n. 13. quia, ait, appellatio ponit rem in eundem statum, quo erat post litem contestatam. Jam vero in priori instantia non licuit obijcere post iudicium acceptum exceptiones dilatorias, sed peremptorias solum. Ergo nec hic alie audiuntur. Confer. not. supra Lib. 22. Cap. 9. N. 26. Testes quotque novos super iisdem vel directo contrariis articulis producere vetitum, Nov. Elect. Sax. 21. Part. 1. Quod et jure Canonico cautum, ob eundem subornationis metum Clem. ult. de testibus, et nun juri civili consonatum sit, disceptatur. Ac Myns. 1. Obs. 41. etsi contra in Camera receptum sit, aliam tamen et quod jus Civile Canonico in eo conveniat, veriorem receptioremque censet. Verum et in hoc ipso quoque adversatur Rainal. Cors. 2. Indag. 6.

5) Et si plura gravamina proposita, sufficit alterum probare, per L. 13. §. 1. h. t. Cap. significavit 48. extra cod. modo tendant ad eundem effectum, secus si ad diversos, ex Masuero et Guidone Papa Brederodus h. Tr. P. 2. T. 35. §. si plura gravamina.

sux actionem permittendam esse, vel invito procuratore. Sed et in *L. ult. D. an per alium caus. app. red. poss.* generaliter ita scriptum est: *magis tamen observatur, ut audiri debeat in causis appellationis is, cujus absentis procurator appellavit.* Non memoro, quod in *d. L. ult. Macer* quæstionem ita posuerat; *an cessante procuratore dominus litis respondere possit, exemplo adolescentis videamus.* Nam cum responsio certa sit, et generalis, non quid proponat, sed quid respondeat, spectare debemus; alioqui dicendum erit, si procurator non cesset, non posse dominum litis mandatum revocare, et causas appellationis reddere, quod tamen adolescenti conceditur finita curatoris administratione.

VI. Hic nobis excipiendi sunt pupilli, et adulti, quorum tutor aut curator in negotio eorum appellavit. Non enim hi possunt causam appellationis persequi, nisi hac lege si is qui appellavit tutor aut curator esse desierit: ut si interim adoleverit pupillus, aut adultus ad legitimam ætatem pervenerit. *L. ult. §. ult. D. de app.* Fortassis ideo, quia quoad supersunt, qui primi experti sunt, non sunt invito adversario alii admittendi, qui idonee causam tueri non possunt, ut significatur in *d. L. ult.*

VII. Cessante autem minore causam ad se pertinentem exsequi non tantum potest tutor, aut curator, quamvis finita tutela aut cura, causam a se ereptam agere: sed etiam cogitur, alioqui eorum periculum est. Usque eo tamen donec rationes reddiderint. Nam post redditas rationes, causas appellationis non coguntur reddere. Non hæc tantum tutoris et curatoris conditio est: sed etiam his mortuis heres in periculum medii temporis succedit. *L. tutor, D. de app. L. unica, §. ult.*

*D. si penden. ap. mors interv. L. ult. D. si tut. vel cur. vel mag. L. un. C. ut cau. post pub. ads. tut.*

VIII. Quibus autem causis appellationis reddere, et litem exequi permittitur, licet his reddere et per se, et per <sup>6</sup> procuratorem. *L. Lucius, D. de app.* Sed per procuratorem in his causis in quibus ab initio per procuratorem agere liceret. *L. 1. D. an per al. cau. ap. red. poss.* Sunt ex his qui non tantum possint causam appellationis cõptam persequi, sed etiam cogantur. Sed de hoc tunc agendum mihi videtur, cum quæritur, an quis litem appellationis omittendo pœnam temere appellantis inductam possit evitare. De quo postea.

IX. Causæ appellationis intra tempus præfinitum repræsentari debent, alioquin magistratus, ad quem appellatum est rem judicatam <sup>7</sup> exsequitur. *L. si contra, C. de app.* Ut intelligamus nullum locum appellationis relinqui ei, qui intra <sup>8</sup> tempus legitimum causas non reddiderit. Fuit hoc tempus duorum mensium, tum cum a munere delato appellatur: quos placuit adversus præsentem computari statim: adversus absentem tunc, cum primum cognovit nominationem contra se celebratam. Sic enim accepta est *L. 1. C. de temp. app.* tametsi verba legis ita sunt, ut dicat spacium interponendæ appellationis computandum esse ex eo die, quem modo diximus. Quæ verba non de interposita exercenda, sed de interponenda ea quæ nondum interposita est, accipienda esse videntur. Sed cum constet ex *L. 1. §. quod in sententiis, D. quan. app. sit.* intra eosdem dies appellari debere a nominatione muneris, intra quos appellandum est a sententia, eo decursum est, ut existimetur in *d. L. 1.* duos menses non ad interponendam appellationem referri

6) Vid. *Cap. sæpe contingit 44. Cap. interposita 70. §. 1. extra h. t.* Requiritur autem responsalis idoneus ut vocat *d. C. 44.* scilicet cui aut tota causa agenda aut defendenda commissa aut specialiter appellationis prosecutio et justificatio. Quod si non recepta appellatio a iudice nec ab adversario approbata, eum ad impetrandum scilicet rescriptum et contradicendum iis qui contra nitentur, constitutum esse sufficit *d. C. 70. §. 1. etc.*

7) Immo si lapsu fatalium deserta appellatio vel iudex superior desertam pronunciavit, executio est prioris iudicis, ad quem jurisdictio revertitur, et qua iudex appellationis ob desertionem caret, per *L. ult. §. 4. C. de temp. app.* verbis: *Sententiam ad effectum perducit tanquam si ab initio minime fuerit provocatum*, et arg. *Cap. cum in ecclesia. 38. extra h. t. Clem. pen. eod. Gail. 1. Obs. 113. n. 14. et Obs. 137. n. 3. Myns. 4. Obs. 94. Wurms. T. 13. Obs. 3. n. 2. Brederod. h. Tr. P. 2. T. 41. f. 683. Certe d. L. 8.* Donelli opinionem non probat. Neque enim inde apparet, an rector, de quo ibi, appellatus fuerit, an alius ab illo. Atque hic iudex superior nec ex consensu partium de causa princi-

pali iudicare potest, nisi si iniquitas appellationis constet ex litis instrumentis, ubi sententia prior confirmari potest. Quod proderit appellato ad hoc, ne desertor restitutionem adversus lapsum fatalium impetrare possit, *Gail. d. Obs. 137. n. 1. et 2.* In Curia provocationum Elect. Sax. appellationem desertam pronunciari oportet, et causam ad iudicem a quo remitti, quam is non prius exsequitur, quam ubi ea sententia in iudicatum transit, *Moll. 4. Semestr. 32. n. 5.*

8) De fatalibus prosequendæ et finiendæ appellationis, vid. *Marant. P. 6. h. t. n. 228. et seqq. P. Gregor. 6. de App. 10. Menoch. Arbitr. Cap. 446. Myns. 1. Obs. 31. 5. Obs. 57. et 6. Obs. 12. Gail. 1. Obs. 141. Quintilian. Mandos. in Casib. annualib. n. 134. Vestr. Lib. 3. Pract. Cap. 5. ibique Gravat. Jure Saxonico habentur præter annum sex hebdomadæ et tres dies, *Lib. 1. Art. 38. Coler. Decis. 140. n. 4.* Verum in iudicio appellationum Elect. Sax. appellatio introducta proximis sessionum diebus, qui semestri lapso recurring, peragenda appellandi, ni legitime se impeditum doceat, alias deserta iudicatur, *Moller. 4. Semestr. 32. n. 2.**

ferri, sed ad exercendam, qui tamen computandi sunt ex die interponendæ appellationis quemadmodum et illi dies, intra quos appellari debet. L. 5. §. ult. D. *quan. app. sit.*

X Aliud juris est, cum a sententia provocatur. Hujus generis appellationibus exercendis Justinianus annum præstituit ita, ut hoc exacto perinde rata sit prior sententia, quasi provocatum non esset. Nisi tamen appellator doceat per se factum non esse, quo minus causam perageret: sed aut judicis injuria, aut alia inevitabili causa esse prohibitum. Quo probato jussit 9 alterum annum accedere. Biennio vero transacto, vetuit amplius appellatorem audiri, ne si per judicem quidem steterit, quo minus causam exsequeretur; cum, inquit, *sit ei apertissima facultas, et nostram adire majestatem, et* 10 *tarditatem judicis in querelam deducere, et nostro beneficio perpotiri*: hoc in L. ult. §. *illud, C. de temp. app.* de qua constitutione idem multis agit in Nov. 50. *de his qui ingre. ad app.* in prima parte ejus constitutionis. Eandemque illam in extremo ejus partis nominationem confirmat. Sed quoniam videtur velle ea constitutione aliquid in jure superiore innovare, quidnam illud sit, quod agit, dicendum videtur. Et animadverto esse, quod superiori legi adjiciat, non quo illi quidquam deroget. Nam si vellet victor appellatore cessante obtinere, ut sententia confirmaretur etiam biennio nondum exacto, potestatem fecit 11 id postulandi a iudice appellationis: sed sub finem biennii tunc cum unus adhuc mensis ex biennio superest. Quo postulato, si etiam victor appellatorem per-

quisiverit, jussit judicem cognoscere, et judicare, sive appellator inventus erit, et copiam sui faciat, sive neutrum. Sed pro hoc commodo, illud incommodum victoris esse voluit, quod non patitur secundum victorem semper sententiam ferri, ut illi prior sententia confirmetur, quod utique semper fieret, si ille biennium exire pateretur. Sed hac conditione si ex his quæ acta sunt, comperit victorem jure superiorem esse. Sin contra jubet pro appellatore, quamvis absente ferri sententiam. Hactenus tamen, utroque casu semper absens in sumptus litis condemnatur: hinc sumpta *Auth. ei qui, C. de temp. app.* Idem et post biennium agendi potestatem fecit duabus in causis. Una est, cum appellationis causa 12 agitur in consistorio Principis. Et per procerum ordinem factum est, quo minus intra biennium sententia ferretur. Iniquum enim putavit propter occupationes, ut loquitur, quas circa ministeria Principis habere noscuntur, causas hominum deperire. Hoc in L. ult. §. *si tamen, C. de temp. app.* Altera causa est, cum lite appellationis cœpta alioqui arbitri eliguntur a litigatoribus, et cum interim hi cognoscunt, biennium exiit. Hic si forte postea causa redeat ad judicem appellationis, jussit, nihil obesse id tempus quo res arbitratorum cognitioni subiecta fuit. Sed hoc neglecto integrum legitimum tempus appellatori servari: etiamsi decies millies biennium præterisset 13. Hoc in Nov. 93. *de app.* Unde *app. Auth. si tamen, C. de temp. app.* Quod causis tribuit Justinianus, hoc personæ tributum est a Constantino. Hic enim 14 heredibus appellatoris in universum consuluit ita, ut his præter legitimum

9) Vid. Gilman. 2. *Decis. Cam.* 42. n. 39. et seq. ubi quæ requirantur, ut detur annus secundus, Marant. P. 6. h. t. n. 231., et seq. ubi contra DD. vulgo satis adstruit, non simpliciter dari biennium, sed existente causa impediendi. Atque hic protestari de diligentia oportet, alias negligentia in iudice non præsumeretur. Grav. *ad Vestr. Lib. 3. Cap. 5.* Nec unica protestatio satis, sed aliquoties repetenda, Gail. 1. *Obs.* 141. n. 9. Quod tamen in curia Procuratorum Electorali necessarium non esse, monet Moll. d. *Cap. 32. n. 4.*

10) Quod hodie non servatur. Raro quippe in locis, qui jure communi reguntur, appellationes biennio terminantur, (etsi apud nos pleræque citius) Gail. d. *loc. n. 8.* Et in Curia Romana quoque post biennium prorogationem fatalium peti licere bis, et ter quoties iudici videtur, Vestr. *Lib. 3. Pract. aulæ Rom. Cap. 5.* Iudici vero a quo idem non licet, vid. *not. cap. præced. N. 11.*

11) Quod declarantem vide Gail. 1. *Obs.* 122. n. 3. et 4. Trentacinq. 2. *Pract. Resol. h. t. Resol. 7. n. 8. et seqq.* Marant. P. 6. h. t. n. 244. ibique Joan. Ruland. in *addit.*

12) *Cap. antiquiorum* 28. §. *ad hæc. Cap. 2. Quæst.* 6. Hinc fatalia proseguenda non currunt in Camera, vid. Gail. 1. *Obs.* 131. n. 7. etsi si eadem coram inferioribus antea non servata appellatio ceu deserta non recipitur *ibid. num. 8.*

13) Vid. Matthesil. in d. *Auth. si tamen et Sing.* 24. Cujac. in d. Nov. 39. Wurmser. *Tit. 24. Obs. 2.* Maranta

P. 6. h. t. n. 242. Anton. Gabr. Rom. *Com. Conclus. L. ibi* 2. *Tit. de Arbitr. Concl. 4.* Vestr. 6. *Pract. Cap. ult. n. 17.* et ibi Grav. n. 41. quid aliud statuit, si in arbitratore compromissum. Num autem alias conventionem partium fatalia hæc extendi possint, anceps contentio est. Receptor vero est affirmativa quæ et in Camera recepta dicitur, Gail. 1. *Obs.* 141. n. 6. (etsi in illa obloquatur Grav. *ad Vestr. 7. Pract. ult. n. 42.*) Pro qua facit Clem. *quandiu h. t.* Eamque pluribus firmant Maranta P. 6. h. t. n. 236. et seqq. Asin. *Praxi jud. §. 2. Cap. 9. add. Corset. Sing. 9. n. 1.* Matthesil. *ad d. Auth. si tamen C. de temp. appell. n. 10. et seqq.* Tessaur. *Decis.* 244. Trentac. 2. *Pract. Resol. h. t. Resol. 10. n. 14.* Et sane ea aperte confirmata est Const. *Frider. de pace constantia. §. in causis appellationum.* Quin in Curia appellationum Elect. Saxon. etiam tantum cite hæc fieri potest prorogatio, neutro videlicet comparente, Matthesil. *ad d. Auth. si tamen C. de temp. appell. n. 14.* Vid. Matthesil. *ad d. t. C. P. Greg. 8. de App. 4. n. 8. et seqq.* Quod pauperi fatalia non currant, Vasq. 1. *Ill. Contr. 41. n. 2. et seqq.* Vestr. *Lib. 7. Pract. Cap. ult. n. 20.* Gail. 1. *Obs.* 146.



num tempus, quod restabat vivo, indulgeret quatuor menses inde numerandos, ex quo tempus ad deliberandum concessum præte-

rierit. Lex est ultima, C. si penden. app. mors interv.

## C A P. IX.

Quod sit officium judicis in caussa appellationis, et quæ sint huic judicio cum priore communia, quæ hujus propria.

*De judicis officio communia quædam prioris judicio, quædam appellationis propria. I.*

Communia quinque. 1. Ut litigantes patienter audiat intra tempora appellationis. II.

2. Ut integra omnia et illæsa pendente appellatione servet et tueatur: quæ hæc sint. III.

3. Ut redditas appellationis causas cognoscat, et sententiam proferat; vel iis minime redditis rem judicatam confirmet, atque exequatur. IV.

4. Ut justam esse pronuntiet, vel injustam prioris judicis sententiam (hanc æstimari ex eo tempore quo lata fuit) V.

Item ut fructuum, et litis sumptuum nomine victum condemnet, seu in id quod interest, cum agitur de facto. VI.

5. Ut sententiam ipse suam, si ab ea provocatum non fuerit, exequatur etiam in criminibus. VII.

I. Nunc de officio judicis id est, quid cum litigatoribus in hac caussa propter appellationem præstare oporteat, videamus. Et sunt pleraque in hoc genere cum iis, quæ in primo judicio præstanda esse diximus, communia, ut de his monere tantum sufficiat. Quædam propria hujus judicii quæ ideo præcipue animadvertenda videantur.

II. Illa communia. Primum quia hic, de quo diximus, judex est, eumque caussas ap-

Propria. 1. Ut et pendente appellatione innovetur aliquid interdum, in pœna, et quatenus. VIII.

Item in sequestratione, duobus in casibus. IX.

Quid in cæteris rebus, et adversus alios præter appellantem innovetur. X.

2. Ut in appellationis judicio possit magistratus superior causam alteri delegare, et etiam uno ex litigatoribus agente ferre sententiam. XI.

3. Ut imponere pœnam teneatur injusto appellatori. XII.

Nisi in tempore renunciaverit appellationi, aut transegerit. XIII.

Quid si, eo interim decedente, renunciavit heres, aut prosecutus fuit appellationem. XIV.

4. Ut, si pendente appellatione reus decesserit, crimen extinguatur: sed bonorum quæstio supersit. XV

pellationis cognoscere oportet: ideo ejus officium est, ut litigatores causam agentes patienter audiat intra tempora constituta.

III. Proximum est, ut quoniam dum caussa agitur, in suspenso est, an quod ante judicatum est, valeat nec ne? Idcirco interim perinde habeatur quasi nec judicatum esset. Hac de caussa pendente appellatione nihil innovetur, sed omnia appellatori servantur integra in id tempus cum de re pronun-

1) Nov. 134. Cap. 3. in fin. Et ita Frider. II. Imp. apud Petr. de Vineis Lib. 5. Epist. 46. in fin. et Epistot. 81. 84. 89. etc. quod attentatum sit in irritum revocari, et in statum pristinum reduci jubet Cap. bonæ 51. extr. h. t. et simil. Unde vulgatissimum illud: Attentata ante omnia revocanda: vid. citatos infra h. Cap. N. 9. Et appellatione manus clauditur inferiori ac facultas ulterior constringitur, Damhud. Praxi civ. 242. n. 2. et DD. passim. Uti et intra decendium datum appellationi, Corset. Sing. 7. n. 1. Etsi justæ appellationi non deferens exsequi velit, ei de facto resisti potest, Coras. de Jure arte P. 2. Cap. 8. Sed et appellans pendente appellatione si quid innovet, deserere appellationem ac

ei renuneiasse censetur, maxime si adversarium possessione sua spoliaret Cap. an sit 42. h. t. tum quia actus is contrarius litis pendentis, tum quia judicem contemnens juris auxilio indignus, vid. Gail. 1. Obs. 146. n. 12. et seqq. Myns. 2. Obs. 50. Menoch. Arb. Casu 16. n. 3. Lanc. de Attent. P. 2. Cap. 4. Linit. 2. n. 95. et Part. 3. Cap. 31. n. 252. P. Greg. 7. de App. 3. n. 4. et 5. et Lib. 8. Cap. 4. n. 10: Quod tamen temperant nonnulli, Cothaman. Jur. Resp. 96. n. 87. Plane innovare non dicitur, qui possessionem suam continuat, Menoch. Recup. poss. Remed. ult. n. 49. P. Emil. Decis. Rotæ 51. Parte 1. Ant. Fab. C. suo Lib. 1. T. 10. definit. 1.

nunciatum fuerit. *L. unica, D. nihil innov. app. interp. L. 3. C. de app.* Quod jus non solum ad bona sed etiam ad statum personæ, et quicquid est, quod legibus cuiquam tribuitur, pertinet, scilicet, ut appellatione pendente, neque sequestrationem rei possesse, neque ejus restitutionem, neque vincula, neque ordinis aut famæ jacturam, neque omnino ullam poenam pati debeat is, qui appellavit, qui quid eorum ante condemnationem pati non deberet, sed sint ei omnia in eodem statu. Cujus rei exempla extant in *d. L. unica*.

IV. Tertium est in officio judicis, ut si causæ appellationis intra tempora constituta redditæ fuerint, <sup>2</sup> eas ille cognoscat: in his merita causæ consideret: sic deinde sententiam proferat. *L. eos, §. super, C. de app.* Si redditæ non fuerint, non minus et hic sententiam ferat, ac rem judicatam confirmet, quam deinde <sup>3</sup> exequatur. *d. L. eos, arg. L. si contra, C. eod.* Et quemadmodum primus judex judicare ipse cogitur: ita de iis, qui de appellatione cognoscunt, constitutum est, ut omnem causam propria sententia determinent, non <sup>4</sup> ad suum judicem negocium remittant. *d. L. eos, in princ.*

V. Quartum positum est in sententia, quæ et ipsa ferri debet de eo, quod positum est. Hoc autem agitur appellatione, ut declarat judex sententiam prioris judicii injustam esse, aut justam. Quapropter et hoc ipsum <sup>5</sup>

Tom. VI.

<sup>2</sup>) Quid si sententia prior plura capita continuit, ac a quibusdam appellatum, nunquid tota causa suspensa et ad superiorem devoluta, an vero pro parte ea, qua non appellatum est inferior exsequi potest. Variant nostri. Quidam indistincte totam jurisdictionem suspendi æque ac si ab omnibus articulis, etsi articulis is, a quo appellatum, cum reliquis nihil commune habeat, Damhuder. *Praxi civ. C. 242. n. 2.* Alii distinguunt an capitula sententiæ connexa sint, an separata. Boer. *Decis. 73. Trentacinq. 2. Pract. Rasol. h. t. Rasol. 7. n. 13. et seqq.* Ant. Fab. *C. suo h. t. defin. 2. n. 6.* add. Zobel. *P. 1. Diff. 41. n. 3.* qui eam opinionem, quod pro parte suspenditur, usu servari scribit. Confer. Petr. Heig. *P. 2. Q. 21. Vinc. de Franchi. Decis. 467.*

<sup>3</sup>) Nec in hoc DD. omnino conveniunt. Receptor tamen est, quod superior exsequatur, etsi confirmet priorem sententiam, modo expresse, causæ meritis excussis (non si propter desertionem, aut lapsum fatalium, vid. not. *C. præced. N. 7.*) Mynsing. *4. Obs. 94. et 5. Obs. 94. Coler. de Process. exsec. P. 2. Cap. 1. n. 97. Brederod. h. Tr. P. 2. Tit. 41. fol. 686.* Diss. P. Greg. *8. de Appell. 5. n. 4.* Cujac. *20. Obs. 36.* Quos etsi non satis revincat *d. L. 6. pr.* cum per recursum ibi remissio cognitionis causa, non autem executionis intelligi possit, nec *L. 32. §. 2. C. hoc tit.* quæ de judicato accipi potest, quod prior sententia injusta pronunciatur, Cujac. *4. loc.* Satis tamen refellit *Auth. si quis litigantium. C. de Episc. et Cler. verbis: Per sententiam suam confirmet et executioni propriæ tradat,* etc. Sane si ab interlocutoria male appellatum pronunciatur: ad priorem judicem, cujus officium, nec dum finitum est, recurritur, *Cap. cum in Ecclesia. 38. Cap. ut debitus. 59. extr. h. t.* Mynsing. *4. Obs. 94.* Gail. *1. Obs. 131. n. 2. et 2. seqq.* ubi tamen si inferior detulerit appellationi, cum eo ipso jurisdictionem omnem a se abdicaverit, non teneri superiorem causam

pronunciare jubetur. *d. L. eos, in princ.* Quo loco existit dubitatio si forte jus secundum quod, aut contra quod prior sententia lata erat, mutatum sit postea, ut nunc quidem diversum sit, cum res ex appellatione judicatur: Utrum justa vel injusta sententia pronuncianda sit ex eo jure quod nunc est, an ex eo, quod priore judicio valuit. Et de hac re nominatim constitutum est a Justiniano *Novell. 115. ut cum de appell.* in princ. Videri æquum, ut secundum eas leges appellationis causa examinaretur, et finem acciperet, <sup>6</sup> quæ tempore prolatae ante sententiæ obtinuerunt. Et recte, non enim quæritur, qualis esset ea sententia si nunc ferretur: sed qualis tunc fuerit, cum lata est. Quod sane ex eo jure, quod tunc fuit æstimandum est.

VI. Quod autem dicitur de priore sententia, ita pronunciatum esse, justam hanc esse, aut injustam, non eo pertinet, quasi non ultra progredi judex debeat, sed quemadmodum in priore judicio: sic in hoc et victus de fructibus, qui percipi potuerunt, usque ad tempus rei judicatæ, itemque in sumptus litis <sup>7</sup> condemnandus est. Nec minus cum de facto agitur, condemnatio facienda est in id, quod interest: id est, in æstimationem damni, quod adversarius passus est ob id, quod factum non est, quod fieri debuit. Ex quo est illud, quod de his, qui honore, aut munere sibi delato appellaverunt, constitutum

30

est

sam remittere, sed posse, si velit, idque expresse tunc fieri debere docet, add. Wurmser. *Tit. 24. Observ. 27.*

<sup>4</sup>) Quia etsi ab interlocutoria appellatum, si male judicatum pronunciatur tota causa ad superiorem devolvitur, *d. Cap. 59. h. t. Gail. d. Obs. 131.* Notabilisque eo casu cautela pro appellato traditur, ut renunciatus articulo appellationis in causa principali cognosci potat. quod appellans impedire non poterit, tum quod ipse jurisdictionem inferioris appellando declinaverit, tum quod si appellatio ejus justa pronunciaretur, causa tota ad judicem appellationis non minus devolveretur, Gail. *1. Obs. 136. Blarer. in L. diffamari Cap. 10. n. 32.*

<sup>5</sup>) Nil vero refert, an verba dirigat ad appellationis, an ad sententiæ actum. Perinde est, sive dicat bene vel male appellatum, sive bene, vel male judicatum, sive hæc, ut stilus fere est, conjungat, sive neutrum dicendo condemnat, aut absolvat, vid. Hartm. *Tit. 18. Obs. 6.* Wurmser. *Tit. 24. Obs. 28.* Tametsi olim plerumque ita pronunciari consuevisse, justam injustamve appellationem videri, probat Cujac. *4. Obs. 13.* uti et rejicienda formula hæc tempore Constantini: A re bene judicata temere appellasti furoris audacia.

<sup>6</sup>) Petr. Gregor. *8. de Appell. ult. n. 10.* Sicuti quoque sententia ferenda. Statuta et consuetudines loci, ubi primo causa tractata, Guid. Pap. *Decis. 237. n. 1.* Heig. *P. 1. Q. 4. n. 40.* Rauchbar. *P. 1. Q. 1. n. 27.* Dissentit quodammodo Loan. Rer. *Quotid. Cap. 21. n. 3.* Eiusdemque naturæ est causa appellationis, cujus causa principalis, ut si illa summaria, et hæc Vinc. de Franchi. *Decis. 520.*

<sup>7</sup>) Indistincte, si appellans victus *Cap. fin. 5. de dol. et contum. Gail. 1. Obs. 152. n. 4.* vid. tamen Petr. Gregor. *8. de Appell. 5. n. 8.* Sed si appellatus, tunc ubi ex veteribus actis lata sententia, ut not. *supra Lib. 26. Cap. 3. N. 8. cir. med.*

est, ut is, qui non juste appellavit, damnum agnoscat, si quod Respublica passa sit. *L. Imperatores, §. si magistratus, D. de app. L. 1. D. si tutor vel cur. vel magist.* Hoc enim eo fit, quia qui ad munus vocatus erat, rem gerere debuit, quod non fecit, qui munus detrectans appellavit.

VII. Reliquum est in iudicis officio, ut quamcunque sententiam dixit, a qua provocatum non est, is rem iudicatam etiam in criminibus exsequatur. *L. si contra, L. addictos, in fi. C. de app.* In quibus omnibus easdem partes officii prioris iudicis, eundemque ordinem rei querendae animadvertere possumus.

VIII. Sed sunt quaedam ut dixi, appellationis propria. Primum, quod dixi appellatione pendente nihil innovandum, ejusmodi est, ut non sit perpetuum. Et quidem in poena et sequestratione honorum interdum secus se habet. In poena sic accidit. *Si quis enim ex pluribus facinoribus condemnatus propter quaedam appellavit: propter quaedam non:* Extat Ulpiani distinctio in *L. un. in fi. D. nihil innov. ap. inter.* in haec verba, *ut si quidem graviora sint crimina, propter quae appellatio interposita est: levius autem id, propter quod quis non appellaverit, recipienda sit omnino appellatio, et poena differenda. Si vero graviolem sententiam meruit ex ea specie, ex qua non est appellatum:* id est, si in ea specie qua pravius crimen versatur, unde est gravior sententia, appellatum non est: omnino, inquit, poena imponenda est. Cujus distinctionis fortassis illa ratio est, quod una poena imposita periculum est, ne tantum de facultate sequentis poenae ferendae detrahatur, ex quo etiam sequenti causae praedictum fieri videtur. Scimus autem per minorem causam majori praedictum fieri non debere. Quod non in contrariam valet. *L. per minorem, D. de iudic.* Ita minor poena semper differenda est: major omnino imponenda.

IX. Sequestratio autem pendente appella-

tionem duabus in causis usurpatur. Primum tunc, cum non a sententia, sed ab executione sententiae appellatur: quibus in causis id licet facere. Hic enim cautum est, constitutione Valentis: *ut si res mobilis est, ad quam restituendam executoris opera fuerit indulta, appellatione suscepta possessori res eadem detrahatur, et sequestri idoneo collocetur reddenda ei parti, pro qua sacer cognitor iudicaverit.* Quod si de possessione vel de fundis executio cessaverit, fructus omnes qui tempore interpositae provocationis capti, vel postea nati erunt in deposito collocentur jure fundi, penes eum, qui appellaverit, constituto, verba sunt legis: *ab executione, L. quor. app. non recip.* Sed et tunc, cum appellatum est a sententia, visum est aequum esse fructus agri, de quo disceptatio est, apud sequestrem deponi, si possessor doceatur eos populari: ita cavetur in *L. Imperatores, §. ult. D. de app.*

X. Praeterea etsi caeteris in rebus nihil innovatur adversus eum, qui appellavit, est tamen interdum, quod propter appellationem interpositam innovetur adversus alios. Quod fit in eo genere appellationis, cum ab honore delato appellatum est. Constitutum est enim si magistratus creatus appellaverit, interim collegam ejus utriusque officium sustinere debere; credo, quod in ea re nihil magni oneris imponatur ei, qui utriusque personam sustinebit. Honos enim amplior defertur, non munus imponitur. Itaque non idem servatur, cum tutor aut curator a munere delato appellavit: Sed placuit in locum ejus, qui appellavit, alium esse dandum, quoad usque appellatio pendeat. Haec in *d. L. Imperatores, §. si magistratus, et seq. D. de app.*

XI. In potestate sententiae dicendae duo hic singularia. Unum, quod non semper cogitur iudex sententiam dicere. Permittitur enim superioribus magistratibus, ut praefecto praetorio causam iudicio Rectoris provinciae delegare, sive mediocritas negotii, vel longinquitas re-

8) *L. 32. §. 2. Cod. eod.* Quod expeditum apud omnes, cum sententia prior infirmatur. Cujac. 20. Obs. 36. Coler. de Process. P. 2. Cap. 1. n. 98. non aequè quando confirmatur, ut not. h. C. N. 3.

9) Longe plures a DD. proferuntur. Nam Lanc. Conrad. de Off. praet. in caus. civil. v. appellatio n. 20. et seqq. casus 23. exceptos refert: et limitationes 54. statuit Rob. Lancelot. de Attent. P. 2. Cap. 12. qui de his fuisse tractat. Adire quoque potes Petr. Greg. Lib. 7. de Appell. toto. Marant. hoc tit. n. 173. et seqq. Vestr. Lib. 8. Pract. Cap. 4. Gail. 1. Obs. 144. et 2. seqq. Mynsing. 1. Obs. 26. et 3. Obs. 33. Ottom. Meland. Comm. Cameral. Parte 5. Raud. Decis. 13. n. 5. et seqq. et decis. seq. Guid. Papae. Decis. 213. Afflict. Decis. 251. ac seq. et 354. P. Amil. Decis.

Rotae. 49. et seqq. P. 1. Ant. Fab. C. suo Lib. 1. Tit. 10. Fr. Pfeil. Cons. 175. Sixtin. Cons. Marp. 18. n. 60. et seqq. Vol. 2. Quod hoc jus non habeat locum quoad tertium ratione sui Interesse aliquid molientem, nisi imitatur juri causae principalis, Menoch. Recup. poss. Remed. ult. n. 49. Sententia pro paupere lata ita suspensa, quod is interim ex fructibus honorum litigiosorum non debeat, Cornel. Benincas. de Privileg. paupertatis. Quaest. 7. Special. 4. n. 17. Et quae ad faciliorem expeditionem appellationis faciunt, ac in commodum appellantis, non vetita iudici, Cap. cum teneamur. 17. ext. h. t. modo articulo appellationis se non imminuat, vid. Moller. 4. Semestr. 32. num. 6.

10) De Iudice, cui causa appellationis delegata est, vid. Joan. Rer. Quotid. Cap. 21.

regionis ad iudicium supremi magistratus litigatores sine evidenti incommodo venire non patiatur. *L. cum post, C. de app.* Alterum quod dum sententiam feret, id facere potest vel ex una parte, ut Justinianus loquitur: id est, quanvis appellator in iudicium solus venerit, aut venerit solus victor. Ac proinde, quamvis <sup>11</sup> lis contestata non sit, hoc inquam speciale privilegium esse ejus qui appellationi præsides, etiam ex jure vetere scribit Justinianus in *L. ult. §. illud, C. de temp. app.*

XII. Et est illud proprium hujus iudicii, in iis quæ iudicem pronunciare oportet, quod jubetur præter alia omnia pœnam pecuniariam sententia sua imponere ei, qui malam litem fuerit appellatione persecutus, ne temere ac passim omnibus provocandi facultas præbeatur. *L. eos, §. ne temere, C. de app.* videtur autem postea constitutione Valentis pœna <sup>12</sup> definita esse, ut esset quinquaginta librarum argenti. Sic enim verba sunt. *L. ab executione appellantes, vel ab articulo, si eos perperam intentionem cognitoris suspendisse claruerit, quinquaginta librarum argenti animadversione mulctandos.*

XIII. Hujus pœnæ metus facit, ut permulti, cum appellarent, causæ diffidentes non audeant expectare eventum iudicii. Sed cupiant in tempore appellationi renunciare, quo pœnam evitent. Ideo quæritur, an hoc eis facere liceat. Et puto si usque ad libellos appellatorios tantum processerit, neque induxerit appellationem, hoc cuivis licere <sup>13</sup> impune. Quid enim aliud sibi volunt Imperatores in *L. si quis libellos, C. de app.* his verbis: *Si quis libellos appellatorios ingesserit, sciat se habere licentiam arbitrium commutandi, et suos libellos recuperandi ne justæ pœnitundinis humanitas amputetur.* Quod si eo usque progressus fuerit appellator, ut appellationem induceret: vel ex superiore constitutione licet colligere non esse pœni-

Tom. VI.

tentiæ locum, quo minus qui appellavit in pœnam injustæ appellationis incidat. Et sane in *L. eos, §. ne temere, C. de app.* cum de hac pœna imponenda cavetur, non dicitur hanc eum sustinere debere, qui condemnatus sit, aut qui tantum appellaverit. Sed eum qui litem fuerit persecutus. Plane si pendente appellatione de negotio transactum sit inter litigatores, non potest hæc pœna adversus appellantem statui, cum iudicium hoc modo finiatur. *L. si contra, C. de app.*

XIV. Sed etsi appellator interim decesserit, siquidem heres ejus persequatur appellationem. Idem de eo, quod et de appellatore statuendum est. Sin appellationi renunciat, hac pœna non tenebitur: quoniam in pœnam heres non succedit. *L. pen. D. de op. nov. nunc.* Nam quod dicitur in *L. unic. D. si pend. app. mors interv.* heredem causas appellationis reddere debere, si adversarii intersit: non eo pertinet, ut si non fecerit, plecti debeat, quasi injustam litem esset persecutus. Sed ut significetur, eum alioqui rei prius judicatæ stare oportere. *L. 1. C. eod. tit.*

XV. Postremo hoc plus valet in criminibus appellatio, quam primum iudicium institutum: quod defuncto eo, qui reus fuit criminis, crimen extinguitur, adeo ut nec de pœna pecuniaria supersit actio. *L. defuncto, D. de accus. L. 2. L. 3. C. si reus vel accus. mort. fuer.* Quod si reus condemnatus appellavit, ac deinde pendente appellatione decedat semper quidem ejus morte crimen extinguitur. Sed si præsidis sententia sua specialiter bona adeunt, [supererit bonorum quæstio: adversus quam non aliter is, qui emolumentum successionis habet, obtinere potest, quam si in reddendis causis appellationis iniquitatem sententiæ detexerit, ut expressum <sup>14</sup> est in *L. 3. C. si pend. ap. mors interv.* et *L. unic. vers. quamvis, D. de eod. tit.*

3.\*

CAP.

<sup>11</sup>) Consentit. Jo. Wames. *ad Cap. per tuas.* 58. extr. h. t. n. 4. Ant. Ramhaud. post alios *Addit. ad Decis. Pap.* 58. et de communi testatur Franc. de Caldas. *ad L. 3. C. de in integr. rest. in defn. v. per quod pristinum jus recip.* n. 42. modo in priori instantia lis contestata fuerit. Tametsi hoc contentione et contradictione, distinctionibus item non careat, vid. Mathesilan. *Sing.* 63. et ibi Sarayna, Bover. *Sing.* 36. n. 9. Myns. 1. Obs. 1. Gail. 1. Obs. 76. Vigel. *de Lit. contest.* Cap. 2. p. 554. Obrecht. *de Lit. contest.* Cap. 4. num 36. et seqq. Covar. *in cap. Raynald.* 18. §. 2. *testam.* n. 1. fuse Andr. Kohl. *Exercit. legali.* 5. et seqq.

<sup>12</sup>) Olim a iudicibus provocare vacuum solumque omni pœna, ut Tac. 14. *Annal.* Postea ne cui solum in hoc arbitrium esset, pœnæ præstitutæ, certaque pecuniæ quantitas in æde sacra sponione facta ni juste provocasset, deponeretur, quam vincens auferebat; vel intra diem quintum ex die acceptorum apostolorum idonee datis fidejussoribus cavebat appellans de eadem inferenda, si contra appellationem pronun-

ciaretur, vid. Paul. 5. *Sent.* 35. ibique Cujac. et 21. *Observ.* 33. Briss. 2. *Antiq.* 18. Rævard. 5. *Var.* 10. Quæ cautionum et sponionum ratio sublata *L. 6. §. ult. C. hoc tit.* mulcta subrogata. Eamque esse mulctam quæ dicta præjudicialis *L. 50. L. 65. C. Th. h. t. Symmach. Lib. 1. Epist. 37.* vult Rævard. *d. Cap.* 10. quam tamen Cujac. *d. Cap.* 33. strictius accipit de irrogata ei qui frustratorie ab interlocutione provocavit. De coercitione hac, vid. et Menoch. *Arb. Cap.* 445. Damhud. *Præxi civ. Cap.* 241. P. Gregor. 8. *de App.* 5. Marant. *P. 6. h. t. n.* 346. docens, etsi Jure Canonico illi mulcta 50. librarum auri non sit locus, alio tamen modo extra ordinem posse coerceri. Jure Saxónico quæ pœna, vid. *Diff. jur. civ. et Sax.* 41. p. 1. n. 12. Coler. *Decis.* 131. Conf. Myns. 3. *Obs.* 56.

<sup>13</sup>) Conf. Gail. 1. *Obs.* 137. n. 7. Remitti quoque pœnam ei, qui appellavit a pœna corporali, judicatum refert A. Fab. *C. suo h. t. defn.* 44.

<sup>14</sup>) Vid. Petr. Gregor. 6. *de App.* 15. n. 4. et seqq.

## C A P. X.

Ad Titulum, De receptis arbitriis, D. et C. Ac primum quæ sit arbitrii utilitas: tum quibus rebus continetur vis, et auctoritas arbitrorum. Arbitria etiam compromissa dici, et cur.

*Transitio ad arbitria. I.*

*Quæ arbitrii utilitas, et quas hæc habeat conditiones. II.*

*Naturalis earum quæ de arbitrio quæri solent rerum progressio atque ordo. III.*

*Prior omnium apud litigantes quæstio. De vi et potestate arbitrii: an hæc talis ut litem dirimat. IV.*

*Arbitrium litem dirimit, si et probatum sit a jure, et illud præterea leges tueantur. V.*

*Probatur a jure arbitrium, si suis constet a natura partibus, et habeat factum arbitri legitimum: quot et quæ a natura partes. VI.*

*Partium una si desit, aut non earum aliqua ad Civile jus conformata, ad nihilum redit arbitrium. Hoc quale sit, explicatur per singulas. VII. VIII. IX. X. XI.*

*In facto arbitri tria jus requirit. 1. Communia quædam cum iudicibus ante sententiam: quæ illa sint. XII.*

*Quid in cognoscenda causa arbiter a iudice distet. XIII.*

*2. Sententiam sive justam sive injustam, modo ne quid inhonestum jubeat, si ve aliquid statuatur præter compromissum. XIV.*

*Sententia arbitri injusta, propter dolum stipulantis quando nulla, aut inutilis. XV.*

*3. In ferenda sententia circumstantias loci, personarum et temporis, XVI.*

*Personarum: nempe litigatorum præsentiam, et arbitrorum, cum in plures compromissum; quid si hi, vel illi non adsint XVII.*

*Temporis: quodlibet sententiæ arbitri opportunum tempus (contrariis occurratur.) XIX.*

*Nisi dies dominicus obstet, aut aliud iudicium, aut privilegium aliquod; posterius utrumque quid sit. XVIII.*

*Tuentur arbitri sententiam leges, cum ei parere litigatores cogunt. XX.*

*Duplex cogendi ratio, obliqua, et directa: sive conventionalis, et legitima: quid sit utraque XXI.*

*Prior in facto litigatorum consistit: hæc quid valeat: olim sola obtinuit, et quandiu. XXII.*

*Posterior est actio aut exceptio; utraque in id prodita a Justiniano, quando una adsit ex conditionibus ab illo præstitutis; quatur illæ, et quæ. XXXIII.*

*Quare duæ priores abrogatæ a Justiniano Jure novissimo. XXIV.*

*Qualis superior actio et exceptio a Justiniano oditæ. XXIV.*

I. **H**Actenus de judiciis, quæ quidem proprie ita appellantur. Quod genus est eorum iudicium, quorum publicum est iudicandi munus, quique pro potestate ejus muneris iudicium exercent. Erat alterum iudicii genus, de quo initio libri primi proposuimus, quod est iudicium ex consensu sumptorum: id est, arbitrorum, quod ex re arbitrium nominatur. Item et compromissum ex eo, quod litigatores in arbitro sumendo faciunt. Compromittunt enim pœnam invicem hac conditione, si quis eorum non steterit arbitri sententiæ. Quod et ipsum genus ad sumendas lites pertinet: L. 1. D. de recep. de quo nunc dicendum videtur.

II. Ac ne quis requirat initio, quid sit necesse quærere ex consensu arbitros, cum

ubique magistratus parati sint, per quos liceat, id quod volumus, etiam ab invitis consequi: Utilitas arbitrii in promptu est. Iudicium namque res longa est. Persecutio in eo et defensio, ut plurimum et difficilis et molesta. Iudex ipse qui aditur, plerumque impeditur: nonnunquam iniquus aut infensus litigatoribus, cujus iudicium subire periculosum est. Vitantur hæc incommoda, si dum erit viri boni et intelligentis minimeque suspecti copia, qui iudicandi operam inter privatos non recuset, hunc litigatores sumant arbitrum, ut velint, quod ille sententiæ dixerit, ratum esse: si modo et illud sequatur, quod quærunt, ut arbitrium finiat controversiam: sed habet, inquam, hæc utilitas has conditiones, si sit, qui non recuset sententiæ di-



dictionem, etsi arbitrio finiatur controversia.

III. Quod cum ita sit, hæc sunt de arbitriis quæ quærantur: an quisquam de arbitrio delato, si recuset, cogendus sit sententiam dicere: Si cogitur, quando videatur sententiam dixisse: cum dixerit, quam vim arbitrium habeat. In quibus sunt illa quidem iis, qui in arbitrio progredi velint, naturæ ordine priora: ut quis arbitrium recipiat, tum ut arbitrio recepto dicat sententiam, quibus demum positis sequitur natura, ut dicatur sententia valere, aut non valere.

IV. Verum iis, qui integris rebus deliberent, an arbitro potius, quam iudici rem committant (quod omnibus qui quid aggredi volunt, faciendum est) hoc primum occurrit, de quo sibi constare velint, an arbitrium ejusmodi futurum sit, quod litem dirimat. Hoc enim nisi fit, aut speratur fieri posse: non est cur quisquam alterius arbitrium sequi velit, ubi dubitat, an quidquam proficiat. Neque vero hoc pariter in omnibus arbitriis contingit, ut litem dirimant. Ut igitur intelligant, jam a Principe litigatores in re, quæ ex eorum electione pendet, quid in arbitrio sequi, quid fugere, et omnino quid de eo sibi promittere debeant, ne quid temere aggrediantur aut frustra, ante omnia hoc statuendum est, quæ vis sit, et potestas cujuscunque arbitrii. Ut hoc cognito, cum decreverint arbitrio rem subicere, tum illa quærant deinceps, an quis cogendus sit sententiam dicere, et quando videatur dixisse.

V. Ut arbitrium litem finiat, duabus rebus continetur: si id non improbatur jure, et non improbatum si leges tueantur. In utroque horum suæ sunt cautiones. Jam primum etsi omne arbitrium litigatorum consensu constat, nec ob aliam causam valet, quam quod volunt illi ratum esse, quod arbiter statuerit: dicere autem solemus conventionibus standum esse, nec quenquam fraudari, qui sciat et consentiat. *L. nemo videtur, D. de reg. jur.* Tamen arbitriis, ut judiciis, lex imposita est, ultra quam nullum arbitrium valeat, nec quisquam cogatur ei parere.

VI. Est autem quod animadvertatur, cum in his rebus quibus arbitrium constat: tum in facto arbitrii. Constat et constituitur arbitrium natura his rebus, arbitro, litigatoribus, re de qua inter litigatores apud arbitrum agitur, et lege, qua arbitrii potestas arbitro defertur.

VII. In hac constitutione hoc primum observatur, ne quid desit earum rerum, quas supra sum complexus. Quod stultum esset

monere, si initium tantum spectaverimus. Nulli enim tam stulti futuri sunt, ut nisi contendant inter se de re aliqua, de re quæ non est, arbitrum quærant; aut cum de vera lite arbitrum quæsierint, putent esse arbitrum, priusquam sit arbiter constitutus, qui sententiam de re controversa diceret. Sed cum erunt hæc omnia ab initio constituta, fieri potest postea, ut eorum aliquid esse desinat. Quod si fit, res eo redit natura, ut solvatur compromissum.

VIII. Moriatur igitur arbiter. Ita solvetur compromissum, ut quamvis unus arbiter juserit litigatorem adesse Calendis certo loco, non tamen committatur poena adversus eum, qui non adfuit, si ante Calendas arbiter decesserit. *L. arbiter Cal. 40. D. eod.* Desinit autem esse arbiter non tantum morte, sed etiam litigatorum conventionem. Si proponas diem dictum esse compromisso, et compromissi diem exiisse. *L. quid tamen, §. Papinianus, §. si intra, D. eod.* Sane si nominatim ita sumptus sit arbiter, ut liceret, ei diem arbitrii proferre, et protulit, manebit arbiter. *d. §. Papinianus.* Sed hoc inquam in compromisso nominatim caveri oportet. Alioqui et ipse frustra proferet invitis litigatoribus. *L. non distinguemus, §. ult. et L. seq. D. eod.* Et quamvis litigatores prolato die denuo in eum compromiserint, non efficient, ut invitatus cogatur esse arbiter, qui jure esse desierat; nisi per eum factum sit, quominus intra diem constitutum partibus suis fungeretur, *d. L. quid tamen, §. Papinianus.* In quam sententiam accipi oportet *§. dices, L. non distinguemus, D. eod.* Potestas diei proferendi nullam aliam dat arbitro facultatem, quam ut diem proroget duntaxat. Quo fit, ut die arbitrii prolato omnia integra manere oporteat, quæ priore compromisso constituta fuerant, id est, conditionem et minorem controversiam, de quibus compromissum factum erat, item poenam, item et fidejussores, qui dati erant: nisi placeat alios non absimiles dari, contra quam si quid ab arbitrio constitutum fuerit, pro non constituto erat. *L. Labeo, §. hæc autem, §. ult. et L. sequenti, D. eod.* Diem protulit non solum qui præsens, sed etiam qui per nuncium, aut per epistolam protulit. *L. diem, D. eod.*

IX. Similiter et uno ex litigatoribus mortuo solvi necesse est compromissum: Si hæres defuncti in compromissum non succedat. Sic enim eveniet, ut jam duo litigatores non sint, sine quibus nullum arbitrium esse diximus. Etsi quidem heredis institutio facta

non sit in compromisso, placuit eum in compromisso non succedere, itaque et solvi compromissum. *L. diem, §. 1. D. eod.* Et merito. De facto enim suo spondent litigatores, cum spondent se arbitri sententiæ staturos, et eo quidem facto, quod personæ eorum cohæreat. Cur enim ita se arbitro committunt? Quia fidunt videlicet prudentiæ, et æquitati arbitri: sive quod eum norunt, sive quod eum bene erga se affectum existimant. Mutata conditione personarum, non continuo heredes idem facerent, ac propterea ejusmodi factum est, quod ad alios non transeat. *arg. §. sed cum factum, Inst. de stip. serv.* Quod si heredis mentio in compromisso facta fuerit, compromissum heredes tenebit propter conventionem. *d. L. diem, §. 1.* Heredem intelligimus utriusque partis. Si enim ab altera duntaxat parte heredis mentio comprehensa fuerit, placet compromissum solvi morte cujusvis ex litigatoribus, non secus, quam si neutrius heredis persona esset comprehensa. *L. sed et; 49. §. ult. D. eod.*

X. Eadem rei controversæ quæ arbitri et litigatorum ratio. Sive igitur de negotio transactum sit, sive ejus parte aut acceptilatione, aut homine mortuo qui petebatur, aut quo alio modo sit liberatus: quia res sublata est, de qua judicium fieri oportebat: solvetur compromissum *L. non distinguemus, §. item non est, §. summa, D. eod.* Ergo hoc primum dicebat natura, non posse constitui arbitrum sine iis rebus quatuor, quas supra dixi.

XI. Illud efficit jus civile, ne semper omnes illas intervenire sit satis: quia non omnes ad constitutionem arbitrii eo jure admittuntur. Non quivis est idoneus arbiter: non inter quoslibet arbitrium consistit, non de re qualibet, nec quavis lege recte constituitur. Non omnes, ut dixi idonei arbitri habentur. Primum quicumque judices esse non possunt, idem arbitri officio fungi non possunt. Quo in genere sunt servi *L. Pedius, 7. §. ult. et L. 9. D. eod.* Item fœminæ. *L. ult. C. eod.* Item hi, qui facultate judicandi destituuntur: minor annis 25. furiosus, mutus, surdus: de quibus in *L. 3. in princ. et L. sed si, 9. §. sed neq. D. eod.* Minorem quidem viginti annis constat compromissorium judicem eligi non posse. Id enim diserte scriptum est in *L. cum lege, D. eod.* Sed hoc ipsum dubium fecit, an Major viginti annis, si minor sit annis viginti quinque possit eligi arbiter. Verum cum ibidem scriptum sit, et huic succurrendum esse: Si temere arbitrum receperit: puto id satis esse causæ,

cur litigatores ejus sententiæ stare non cogantur, ita fieri, ut minore viginti quinque annis arbitro sumpto arbitrium non consistat. Quod et scriptum est in *d. L. 3. D. eod.* Ne is quidem idoneus arbiter, qui judex est ejus rei de qua arbiter sumitur. *L. 9. §. si quis, D. eod.* Idem nec is, qui sumptus est de re sua ob eam causam quæ redditur in *L. pen. D. eod.* Sed etsi arbiter postea inimicus factus sit, et ob id testationibus contentus, ne sententiam diceret, vetatur sententiam dicere. Sic tamen ut si dixerit, placeat quidem ipso jure valere sententiam, verum exceptionem doli mali obstare ei, qui pœnam ex sententia petat. *L. non distinguimus, §. cum quidam, D. eod.* His consequens est, ut si duo arbitri electi sint, quorum unus non sit idoneus, dicendum sit arbitrium nullius esse momenti, quia effectum sit in hujus persona arbitrium non consistere: certum est autem alterum solum sententiam dicere non posse, ut postea dicitur. Hoc in *L. 7. §. ult. D. eod.* Si de litigatoribus quæritur: ut judicium, sic arbitrium cum servis non consistit: et generaliter cum iis, qui judicio nec agere, nec conveniri possunt, adeo, ut nec ex hac causa servus pœnam stipulando acquirat domino suo actionem, nec eodem promittente in dominum detur eo nomine actio de peculio. *L. non distinguemus, §. si servis, D. eod.* Nec de omnibus rebus arbiter sumi potest: non potest de famoso delicto. Non de ea re, de qua publicum judicium est, veluti, de adulteriis, de sicariis, de similibus: nec de liberali causa, ingenuitate, aut libertate. Quia omnes ejusmodi causæ sunt, quæ existimentur majores quam judices habere debere. *d. L. non distinguemus, §. Julianus, et seq.* Habet hoc quoque arbitrium cum judicio commune, quod de iis rebus quæ post compromissum acciderunt judicare arbiter non potest. *L. de his, D. eod.* Quod ad legem, quæ arbitrio dicitur, attinet, jus sic habet, ut recte sumatur arbiter, si ita sumatur, ut sententiam dicat, quam videtur. Quod si hæc lex arbitro dicta erit, ut certam dicat, vel ut dicat, quod Titio disceptatori placuerit, nullum est arbitrium, utpote, in quo libera facultas arbitrii sententiæ non sit futura, quod est contra naturam arbitrii. *L. qualem, 19. L. item si, 17. §. inde, D. eod.*

XII. Rebus omnibus ad justum arbitrium bene constitutis, tamen multa sunt præterea in facto arbitri, quæ jus exigit. Contra quæ si fiat, non minus, quam ob suprascriptas causas arbitri sententia improbatur. Et quoniam

niam summum ejus officium est, ut sententia sua controversiis finem imponat, quod et se facturum recipit. *L. Papinianus, 7. §. recepisce, D. eod.* Ideo sunt, quæ ad justam sententiam servare jubentur, quæ spectentur partim ante sententiam: partim in genere sententiæ: partim in sententiæ ferendæ circumstantiis. Et sunt illi ante sententiam communia hæc cum iudicibus. Principio quæ ad constituendam futuri iudicii religionem Justinianus injungit iudicibus, hæc eadem injungit arbitro, ut faciat: nempe, ut ante sedem iudicalem sacrosanctas scripturas depositas habeat: ut iusjurandum de calumnia, et perfidia exigat a litigatoribus primum: post a patronis causæ, quale et quomodo iudices exigere jubentur. *L. rem non novam, versic. et generaliter, et §. patroni, C. de jud. L. 2. C. de ju. prop. cal.* In primis autem illud arbitri ante sententiam, ut causam disceptet, et discutiatur, id est, ut agnoscat. *L. litigatores, in pr. L. sed si, 14. L. Labeo, §. hæc autem, D. eod.* Nam quomodo controversiis finem imponet, qui quid esset controversiarum non cognovit?

XIII. Sed non eandem opinor hic disceptionem exigimus ab arbitro, quam a iudice. Ab hoc plena exigitur, id est, ut litigatores pro se dicentes, et ea quæ ad causam pertinent afferentes patienter audiat, et hac gratia tempus det, quod ad ea proferenda sit satis, quæ qualia essent suo loco exposuimus. Arbitrum autem puto existimare debere, quid sibi de controversia cognitum et probatum putet: et quamvis vel audientiam uni ex litigatoribus non recte denegarit, vel dilationem ad res necessarias proferendas: non tamen eo minus sententiam ejus valituram. Cur putem, adducor hac ratione, quod plena cognitione ab arbitro prætermisâ, nihil aliud dici potest, quam arbitrum injuriam fecisse ei, quem non audivit, aut cui delationem denegavit, atque ita injuste judicasse. Nunc autem receptum est nihil obesse sententiæ arbitri, quod injuste judicavit, cum dicatur ejus sententiæ standum esse sive æqua sit, sive iniqua. *L. diem, §. stari, D. eod.*

XIV. In genere sententiæ: si verum est quod modo dixi, quid statuatur arbitro, ad vim sententiæ nihil interest. Et merito. *Sibi enim imputet, inquit Ulpianus, qui compromisit. d. §. stari.* In quo tamen duo excipiantur: Unum ne quid inhonestum jubeat. *L. quid tamen, §. non debent, D. eod.* Alterum, ne quid statuatur, præterquam quod ei ex compromisso licet. De quo hæc Pauli

verba sunt in *L. non distinguemus, §. de officio, D. eod.* De officio arbitri tractantibus sciendum est, omnem tractatum ex compromisso sumendum. Nec enim aliud illi licebit, quam quod ibi ut efficere possit, cautum est. Non ergo quodlibet statuere arbitro poterit, nec in qua re libet, sed de qua re compromissum est, et quatenus compromissum est, utputa, nihil egerit, si singas eum vetare poenam ex compromisso peti, de qua compromissum non est. *L. quid tamen, §. item si arbitro, L. arbitro, 42. D. eod.* aut alium arbitrum statuere, ad quem iri jubeat, vel quem jubeat sibi adjungi. *L. non distinguemus, §. quæsitum, §. item Pedius, §. item si iubeat, L. in compromissis, D. eod.* Idemque est, si diem compromissi proferat, de qua proferenda nihil cautum sit in compromisso. *d. L. non distinguemus, §. ult. L. arbitro, 50. D. eod.* Solutioni tamen diem arbitro statuere potest. *L. quid tamen, §. solutioni, D. eod.* Pato, quia dies solutionis pars est: de solutione autem est compromissum. Cætera, ut dixi, in sententia arbitri, quantumvis iniqua, rata sunt.

XV. Sane si stipulantis dolo, et corruptela factum sit, ut arbitro pro eo iniquam sententiam ferret. Si quidem in compromisso adjectum sit, ne quid dolo malo in ea re fieret, poena ipso jure non committetur, etsi adversarius sententiæ non pareat. Hoc amplius etsi forte per errorem ei paruerit, habebit ad ea repetenda, quæ solvit ex stipulatu actionem. Quod si doli clausula in compromisso adjecta non sit, valebit quidem sententia ipso jure. Cæterum jure prætorio erit inutilis. Nam ei qui victus est, rebus integris adversus poenæ petitionem doli exceptio dabitur. Qui si per ignorantiam solverit, quod jussus est, ad id repetendum habebit de dolo actionem: hæc in *L. ita, 31. De eod.*

XVI. In circumstantiis sententiæ ferendæ sunt personæ, quarum præsentia, aut consensus in ea re desideratur. Item locus et tempus ferendæ sententiæ. Quibus de rebus hoc servatur.

XVII. Primum coram litigatoribus sententiam dici oportet, aliter non valet; nisi in compromisso expressum sit, ut vel uno, vel utroque absente sententia promatur. *L. diem, §. si quis litigatorem, L. inter, D. eod.* Quid ergo si unus certo loco et tempore adesse jussus non adsit? non eo magis, sententia eo absente valebit. Sed poena adversus eum committetur, quia per eum factum sit, quo minus arbitro sententiam diceret. *d. §. si quis litigatorum.* Sane si per eum non

steterit, quominus adesset, dum aut valetudine, aut Reipublicæ caussa, aut magistratu, aut alia justa caussa impeditus est, committetur quidem pœna, etiam hoc casu ipso jure. Sed si paratus sit in eundem compromittere, placet actionem in eum denegari, aut cum exceptione tutum fore. *L. quid tamen, §. si quis ex. D. eod.* Hinc apparet si quis ex litigatoribus jussus non sit ab arbitro, ut adesset, neque adsit, nec sententiam adversus eum dici posse, nec pœnam adversus eum committi, per quem non stet, quo minus adsit. Itaque esse ex officio arbitri, si quid proficere velit, ut prius jubeat adesse litigatores certo loco, et certo tempore. Quod dum faciet, illud tenendum erit, nihil referre, utrum per nuncium adesse jubeat: an per epistolam. *L. sed et. 49. §. arbiter, D. eod.* Coram autem litigatoribus sententiam dicere, est dicere præsentibus litigatoribus: præsentibus inquam, non tantum a corpore, sed etiam ab animo et intelligendi facultate. Quæ cum non sint in furioso, infante, aut dormiente, nemo coram his, sive his præsentibus quidquam facere aut dicere intelligitur: sed nec coram pupillo sententia videtur dicta nisi tutor præsens fuerit. *L. diem, §. coram, L. si compromissum, et LL. seqq. D. eod. L. coram, L. apud Labeonem, D. de verb. sign.* Præter litigatores sunt et alii, quibus, præsentibus judicari oportet. Hi sunt arbitri, tunc, cum in plures compromissum est. Finge in tres compromissum esse, si vel uno absente duo judicent, quamvis inter se consentiant: arbitrium non valebit, quia scilicet inquam compromissum factum est, licere vocare litigatores, si aut ejus auctoritatis sit arbiter, ut eum honorem litigatores illi habere debeant, aut ipse in secessibus soleat agere, et litigatores facile et honeste eo loci venire possint.

XVIII. Restat tempus dicendæ sententiæ, quod et ipsum non semper est idoneum. Ac quo minus aliquo tempore recte sententia dicatur, tria obstant. Interdum ipsius diei conditio. Cujus generis est dies dominicus. Hoc enim die vetant constitutiones ullum judicium exerceri, etiam apud arbitros. *L. omnes, C. de fer.* Alia res, quæ per id tempus tractatur: cui interim sententia arbitri præjudicium fieri non oportet. Quod contingit, cum is facit controversiam hereditatis, qui cum defuncto compromiserat. Paulus, in *L. non di-*

*stinguemus, §. si is, D. eod. Si is, inquit, faciat controversiam hereditatis, qui cum defuncto compromiserat: futurum est præjudicium hereditati, si arbiter sententiam dicat. Ergo interea inhibendus est arbiter.* Sensus est, finge eum, qui a defuncto decem petierat, de qua summa et cum illo compromiserat contendere cum heredibus legitimis de hereditate, quod dicat se testamento defuncti heredem esse, aut se quoque ex parte legitimum heredem. Prius quam de ea re judicatum erit, prohibetur arbiter de summa, de qua aditus est, sententiam dicere. *Futurum est enim, inquit Paulus, præjudicium hereditati, si sententiam dicat.* Futurum ideo, quia si arbiter pronunciet heredes, qui legitimi dicuntur, pecuniam debere, tacite et illos heredes esse confirmat, dum vult eos ex persona defuncti teneri, id est, jure hereditario: Et hunc, qui pecuniam petit, heredem esse negat: sive quod duo heredes in solidum esse non possunt: sive quod si heres esset, eatenus obligatio confusione tolleretur. *L. ut debitum, C. de act. hered. L. Stichum, §. aditio, D. de solutio.* Hoc autem est ante justum judicium de hereditate, de ea præjudicium facere: porro hereditati præjudicium fieri non oportet. *L. 5. in fin. D. de petit. hered.* Nonnunquam privilegium temporis postea incidens litigatorem tuetur, ne per id tempus cogatur litem exercere. Ut proinde frustra invito eo, quamvis præsentem arbiter de re sententiam ferat: itaque necesse sit, rem in aliud tempus differri. Tale est privilegium legatis, qui Romam venerunt, concessum, ne de eo, quod ante legationem contraxerunt cogantur se Romæ defendere, quandiu legationis caussa ibi demorantur. *L. 2. §. legatis, D. de jud.* Quod et ipsum eadem ratione efficit, ne si quis ante legationem Romæ compromiserit, cogatur de eo Romæ apud arbitrum litigare. *L. non distinguemus, §. item si quis, D. eod.*

XIX. Si hæc impedimenta non erunt, puto arbitrum omni tempore recte sententiam dicturum: nec quidquam ad rem pertinere, dicat feriatis diebus, an non feriatis; dicat consentientibus litigatoribus, an non consentientibus. Nam quod dicitur in *L. Pomponius, 13. §. arbiter, D. eod.* arbitrum his diebus non cogi sententiam dicere quibus judex non cogeretur, id est, feriatis, non arguit eum per eos dies sententiam dicere non

(\*) Ne credat lector hic aliquid editoris incuria prætermisum: commode visum est ea referre, quæ monet Osualdus in hunc locum: Hæc illius verba: *Hic lacuna, nec contextus*

*integer in opere Donelli, et omissa quæ de LOCO tractanda; nec superior editio quidquam supplevit.*

non posse. Nihil enim prohibet, quo minus possit: quo minus si nolit non cogatur. Sed etsi præsentes litigatores non consentiant, ut hoc tempore arbiter sententiam ferat, non tamen ideo efficient ne is officio suo, quod illi semel delatum est, recte cum velit, fungatur. Facere quidem possunt, ne adsint tum cum arbiter adesse jussit. Ex quo etiam eveniet, ut sententia; si quam arbiter ipsis absentibus dixerit, nullius sit momenti. Sed cur non valeat, caussa in eo erit, non quod non licuerit per id tempus dicere, sed quia non liceat dicere absentibus litigatoribus. Non adversatur huic sententiæ, quod in *L. sed si compromissum*, 14. *D. eod.* dicitur, *si compromissum sine die confectum sit, necesse est arbitro omnimodo diem statuere partibus consentientibus, et ita demum causam disceptare.* Observandum est enim id dici ibi non absolute: sed sub exceptione, nisi malit arbiter omni tempore cogi sententiam dicere. Subjicitur enim continenter: *quod si hoc prætermisum sit, omni tempore cogendus est sententiam dicere.* Si hoc prætermisum sit, id est, si non statuerit diem partibus consentientibus.

XX. His vitiis, quæ supra, cum in constitutione arbitrii, tum in facto arbitri notavimus, evitatis, efficitur quidem ea sententia, quæ jure non improbetur: sed ejusmodi, quæ etiam nunc sit inutilis, nisi et jus eam tueatur ita, ut si quis ex litigatoribus recuset, cogatur ei parere. Nec vero jus semper cogit id facere, nec uno modo. Quare, quod adhuc reliquum est ad vim et effectum sententiæ de cogendi ratione, et quando locum habeat videamus.

XXI. Et cogendi litigatoris duæ sunt rationes. Obliqua una, quæ ex conventionione litigatorum nascitur. Altera directa, quæ ipso jure constituitur sine alia conventionione. Illam conventionalem: hanc legitimam possumus appellare. Conventionalis est, cum pœnam certam ultro citro promittunt litigatores, si quis arbitri sententiæ non steterit, quam recte dixi, obliquam. Hujus enim non ea vis est, ut quis cogatur districte stare sententiæ: sed ut cogatur metu pœnæ, sive sub conditione nisi malit pœnam pendere. Legitima est, quam eandem directam appello, cum jus cogit sententiæ ipsi stare recta. Quod fit actione in eam rem arbitro data, quo mandatur sententia executioni; et exceptione data reo ad defensionem sententiæ.

XXII. Prior ratio ut parata sit litigatoribus, in facto eorum positum est, si videlicet initio compromissum interponant. Com-

promissum mutuam illam pœnæ stipulationem, et promissionem, quam modo dixi, appellamus. Valet autem ea stipulatio ad duas res. Non enim tantum ad hoc conducit ut quis sententia lata cogatur ei parere: quia nisi paruerit, pœna secundum verba stipulationis committatur, sed etiam ad hoc, ut cogatur arbitri sententiam pati: quia tunc committitur pœna, si per litigatorem steterit, quo minus arbiter sententiam diceret. *L. diem*, §. *si quis litigatorem*, *L. si quis rem*, *D. eod.* *L. 2. C. eod.* Efficitur hoc ex sententia verborum. Promittit enim litigator pœnam sub conditione, si sententia dicta sit, et sententiæ non paruerit. Est autem regula juris quæ efficit, si per eum, cujus interest conditionem non impleri, factum sit, quominus impleatur, perinde haberi, quasi conditio impleta esset. *L. in jure*, *de R. I.* Ac fuit sola hæc ratio confirmandi arbitrii in usu ante tempora Justiniani. Sic enim jus erat, ne ex sententia arbitri esset judicati actio: et omnino ne magis sententia arbitri haberet rei judicatæ auctoritatem, quam cujusvis alterius privati. Nam et ipse arbiter privatus est, et in ea opera, quam litigantibus præbet, privato officio, non publico munere fungitur. Itaque ex sententia arbitri, ne appellari quidem poterat: hæc res faciebat, ut subsidio pœna invicem promitteretur, ut metu pœnæ a placitis non recederetur, ut expressum est *L. 1. C. eod.*

XXIII. Primus Justinianus ex arbitri sententia actionem et exceptionem dedit. Quæ illa est altera legitima et directa tuendæ sententiæ ratio, quam dixi. Sed dedit non passim, verum certis conditionibus, quæ et ipsæ positæ sunt in facto litigantium, ut pendeat hic quoque ex eorum facto, utrum hac via utantur, nec ne, non secus, quam in illa superiore. Conditiones autem ex prioribus ejus constitutionibus sunt quatuor, non quas simul omnes concurrere oporteat: sed quarum unaquæque valeat ad confirmationem sententiæ, ut quam ex his litigatores elegerint, continuo parata sit actio et exceptio; nulla earum interveniente, non sit proposita non dico actio, sed ne exceptio quidem ex sententia: ut cautum est nominatim ejusdem Principis constitutione in *L. pen. vers. altera*, *C. eod.* Una est conditio, si litigatores jurejurando interposito caverint se sententiæ arbitri staturos: idque ipsum se ita cavisse literis vel privatis id est, suis, vel publicis testatum fecerint, aut idem fecerint apud arbitrum, quod et in acta arbitrii redactum sit. Proxima superiori conditio est, si vel arbit-



ter solus juraverit se religiose et integre esse judicaturum: dum hoc fecerit litigatoribus postulantibus, et iisdem id factum esse, aut literis, aut apud acta arbitrii testantibus. Tertia est, si sententia dicta, sententiæ subscripserint litigatores, profiteri se hanc sibi probari: sic ut nihil referat, utrum his verbis usi sint, an aliis, puta, his; non recuso, quin judicatum faciam. Postrema est, si silentio litigatores sententiam confirmarint, quod illos fecisse placet, si intra decem dies, quam sententia lata est, una pars adversario, vel judici non denunciavit sententiam non placere. De primis tribus cautum est pluribus verbis in *L. 4. C. eod.* De postrema cavetur in *L. pen. C. eod.*

XXIV. Sed quod jus de prima et secunda conditione ab illo hic constitutum erat, abrogatum est postea ejus ipsius constitutione. *Nov. 82. de judicib. §. quia vero.* Is enim animadvertit periculosum esse, et lubricum concedere aliquid in hac specie jurejurando in futurum concepto, quia fieret sæpe, ut litigatores iniqua sententia arbitri læsi suo ipsorum damno permoverentur, ne sententiæ parere vellent: quæ ex re in certum perjurium inciderent. Eo adductus ille generaliter ita constituit, ut ad antiquum jus rediens juberet omnimodo cum pœna quantacunque arbitros eligi, sine hac vetaret imperitiam arbitri litigatoribus nocere, etiam interposito ab his jurejurando. Duæ posteriores conditiones manserunt.

XXV. Actio est in factum, vel conditio ex lege, vel in rem utilis, prout facti qualitas exigit. *d. L. 4. vers. et in his.* Actio comparata non ad novum judicium institutum: sed in hoc ut ad similitudinem judicati actionis mandetur sententia executioni per eosdem magistratus, per quos mandaretur, si ordinario judicio actum esset. *d. L. pen. in pr.* Exceptio quæ ex arbitrio nascitur, pacti exceptio est, ibidem: cum hanc vim sententiæ arbitri esse dicimus, quæ exposita est, monendi sumus, eam sententiam intelligere nos, quæ prima ab arbitro dicta fuerit. Propone, eum sententiam, quam semel dixit, mutare postea, et ab eo quem condemnarat, postea vetare aliquid peti. Dicimus primam sententiam eam esse, quam jus tueatur. Non quod si liceret arbitro plures sententias dicere, non esset ea servanda, quæ est novissima. *arg. L. pacta novissima, C. de pact.* Sed quia si sententiam dixit, quæ arbitrium finiat, id est, si condemnavit, aut absolvit, placeat eum sententiam mutare, aut corrigere non posse: ne si erraverit quidem in sententia dicenda: idcirco, quia sententia semel dicta arbiter esse desierit. *L. qualem, §. ult. et L. seq. L. quid tamen, in pr. D. eod.* Sane jussum ante sententiam mutare potest. *d. L. qualem, §. ult.* CAP.



## C A P. XI.

Qui arbitrium recipit, eum cogi sententiam dicere. Quis cogat: quæ ratio cogendi. Justas tamen esse causas, propter quas interdum quis non cogatur, et eæ quæ sint: tum de pœna compromissa.

*Continuatio atque ordo. I.*

*Cogitur sententiam dicere qui pœna compromissa recepit arbitrium. II.*

*Quinque ex edicti interpretatione esse causas arbitrii recusandi. 1. Si futura sit inutilis arbitri sententia. III.*

*Huic affinis causa pœnæ non compromissæ: duobus exceptis casibus ex Jure Justiniani novissimo. IV.*

*Pœna compromissa sive magna, sive modica, sive pure, sive in diem, aut sub conditione nihil interest. V.*

*Dummodo ea et pœna sit, et promissa, et ab utroque: tria hæc qualia sint, explicatur. VI.*

*Quare in arbitrio pœnæ stipulatio exigatur; et quando non necessaria. VII.*

*2. Si arbiter non possit dicere senten-*

*tiam sine incommodo valetudinis, honoris, aut rei familiaris. Obiter de singulis. VIII.*

*In causa tamen valetudinis et similibus arbiter differre dumtaxat cogitur ex causa; et qua. IX.*

*3. Si litigatores præbeant sese indignos, quibus arbiter hanc operam præstet; et quando hi tales. XI.*

*4. Si arbiter cogatur aliter quam licet per compromissum. XII.*

*5. Si sit dies feriat; præterquam si dies compromissi sit exitura; quid huic rei consequens. XIII.*

*Nisi tamen convenerit nominatim: ut nec, si dies exitura, dicatur sententia feriato die. XIV.*

**I.** **H**is de vi et auctoritate, cujuscunque arbitrii initio cognitis, habebunt, quod dixi, litigatores, quid in instituendo arbitrio sequantur, aut fugiant. Secundum quæ si is erit rerum status, ut non inutiliter res ejus quem sibi proposuerint arbitrio subijci posse videatur, idque ita facere stant: deinceps oportune de cogendo arbitro quærent: si forte ita erunt comparati, ut hunc omnino sibi arbitrum expetant, eoque recusantem arbitrari cogendum putent. De quo, ut erat propositum nunc dicam.

**II.** Et de eo cogendo, qui arbitrium non receperit, nihil jure cautum est. Unde intelligitur, neminem cogi id recipere, semel autem arbitrio recepto edicto expressum est, eum cogi dicere sententiam, qui pœna compromissa receperit. L. 3. §. 1. D. eod. Recepisse arbitrium eum definiunt, qui iudicis partes recepit, finemque sua sententia controversiis impositurum pollicetur. L. Pomponius, §. recepisse, D. eod. Qui cogere Romæ, fuit Prætor. d. L. 3. §. 1. et ult. Ejusque exemplo in aliis locis is coget magistratus, qui iudicando præest, cui mulctæ dicendæ jus erit. Cogendi enim ratio est, ut mulctam indicat ei, qui sententiam dicere recusabit. L. non distinguemus, §. si ar-  
Tom. VI.

biter, D. eod. Quis arbitrium receperit, ut cogi possit nihil interest. Omnes cogi possunt a prætore: dum ne sit par, aut superior magistratus L. 3. in fin. L. 4. 5. 6. 7. D. eod. Sed cogit Prætor causa cognita: id est sub conditione, nisi causa sit, cur arbiter cogi non debeat: de quo magistratus cognoscat.

**III.** Est quidem hæc solum conditio ad cogendum edicto expressa, si quis pœna compromissa arbitrium receperit, ut ex verbis edicti, una hæc sit detrectandi arbitrii causa, quod quis receperit, si litigatores pœna non compromissa ad arbitrum ierint. Sed edictum ita acceptum est, quasi omnino prætor pollicitus esset, se eum, qui arbitrium recepit, sententiam dicere coacturum causa cognita: ut quæcunque esse videretur justa causa, quæ arbitrum excusaret, hic sententiam dicere non cogeretur. L. licet, D. eod. Sunt autem justæ causæ ad recusatorem sententiæ dicendæ genere quinque. Una est, si dicatur inutile esse arbitrium, ac sententiam, quæcunque dicetur nullius fore momenti. Quid enim interest, litigatorum sententiam dici, quæ inutilis futura sit, aut quid necesse est inanem operam sumi. Sive igitur is arbitrium receperit, qui arbitri officio fungi non potest: sive is sit reus, cum quo

quo agi non potest. Sive de re de qua agitur, arbitrium non consistat: sive lex arbitrio dicta sit, quam non oportet: quibus de causis arbitrium improbari diximus. Tot sunt causæ, propter quas recte recuset arbiter sententiam dicere. Dixi supra de his causis ordine. Consulantur ii loci, quos citavi, de singulis (nihil enim necesse est hæc eadem inculcare) tot locis scriptum reperiemus his de causis arbitrum sententiam dicere non cogi.

IV. Ad hoc genus causæ referri debet, quod non cogitur quisquam ex verbis edicti sententiam dicere, si arbitrium receperit, pœna non compromissa. Hoc enim cum fiebat, olim impune arbitri sententiæ non parebatur, ut supra dixi. Itaque cum hodie ex constitutionibus Justiniani duo sint casus, quibus jam ab initio certum sit, et sine compromisso sententiam, quæ quandoque dicta erit, valituram: non est dubitandum, quin iisdem casibus cogendus sit arbiter, quanvis sine compromisso arbitrium receperit. *arg. in L. quod dictum, D. de pact.* Quod si nulla earum conditionum interveniet, quas Justiniani constitutiones expriment, manebit jus antiquum, ut non aliter cogendus sit quisquam, quam si arbitrum receperit, pœna invicem promissa.

V. Pœna compromissa cogetur, si nihil aliud impediatur, nec intererit, certa summa promissa sit, an incerta, puta quanti ea res est. *L. non autem, D. eod.* Ne illud quidem, quanta sit pœna: major, ne an minor, quam sit res de qua agitur. *L. non distinguemus, D. eod.* Solum enim hoc spectatur ne sit inutilis arbitri sententia. Sed nec illud refert pure promissa sit pœna, an in diem. Nam sub conditione si promittatur, periculum est, ne deficiat conditio, in quem casum recte dicitur pœna non esse promissa. *L. litigatores, §. ult. et L. seq. D. eod.*

VI. Interim et pœnam esse oportet, et promissam esse, et invicem promissam. Pœna est, quicquid promittitur, si quis arbitri sententiæ non steterit, sive ea pecunia numerata sit, sive quid aliud. *L. litigatores, §. 1. D. eod.* Promissam sic accipiemus, quæ utiliter promissa est. Itaque si mulier alieno nomine promittat, non est pœna promissa propter intercessionem. *L. non distinguemus, §. si mulier, D. eod.* Utque ab initio promissam esse oportet: sic hoc exigimus, ut duret promissio, sitque res in ea causa, ut pœna inde perpetuo possit exigi. Proinde si pœna promissa accepto lata sit, non debet cogi arbiter sententiam dicere. *L. Pomponius,*

*D. eod.* Inde dictum pœna semel commissa solvi compromissum: scilicet, quia amplius pœna committi non possit: id est, quia efficiatur promissio inutilis. *L. non distinguemus, §. 1. L. si duo, §. ult. D. eod.* Finge arbitrium in diversas causas sumptum esse pœnam in omnes semel promissam, ni stetur arbitri sententiæ. De una causa dictam esse sententiam ab arbitro, eum porro qui damnatus erat, sententiæ non paruisse. Pœna in solidum adversus hunc committetur. Hanc commissam placet amplius committi non posse. Quæ res facit, ut quasi nec promissa sit, solvatur compromissum. Idem dicendum est, si desinat pœna ideo exigi posse, quia promissor desinat esse solvendo: ut quia bonis suis cesserit. *L. item si unus, D. eod.*

VII. Quod juris est pœna ab utroque non promissa, aut ita promissa, ut exigi non possit, idem est, si ab altero promissa sit duntaxat: non ab utroque ita ut vere dicatur compromissum. *L. litigatores, §. 1. L. Pomponius, §. 1. D. eod.* Quippe, hoc agitur ne frustra sententiam dicat arbiter. Nunc autem fieri potest, ut sententiam dicat adversus eum, qui pœnam non promisit. Quod si fit, sententia erit inutilis. Idcirco nec tunc cogitur arbiter sententiam dicere, cum vel uni postea pœna accepto lata est, *d. L. Pomponius,* vel unus bonis suis cessit. *d. L. item si unus.* Cum Paulo sic recte concludemus summam rei esse, ut *Prætor se non interponat, sive initio nullum sit compromissum, sive sit, sed pendeat, an ex eo pœna exigi possit: sive postea deficiat pœna soluto compromisso. L. non distinguemus, §. summa, D. eod.*

VIII. Animadvertendum tamen cur promissio seu stipulatio in pœna exigatur. Nempe eo exigitur, ut promissa pœna debeatur: quæ alioqui pacto deberi non potest. *L. juris gentium, §. sed cum nulla, §. quinimo, D. eod.* Finge pactum ad exactionem pœnæ, de qua convenit, sufficere, ut interdum sufficit, nihil exigimus amplius. Utpote, res, quas litigatores invicem dari velint: si non steterit arbitri sententiæ, apud arbitrum depositæ sint eo pacto, ut ei daret, qui vicisset: pro pleno compromisso id habebitur, et cogetur arbiter sententiam dicere. *L. litigatores, §. 1. D. eod.* Scilicet quia in hac specie id pactum sit, ex quo jure civili nascatur actio, cum ambo ita deposuerint rem apud arbitrum, ut illic paciscendi redderet. *d. L. juris, D. de pact. L. legem, C. eod.* Finge, ad pœnam acquirendam non exactione, sed retentione

tantum litigatori opus esse. Tantundem dicemus ex edicti sententia: id tum evenit, cum ambo litigatores debitores invicem fuerunt, ut pacti sunt, ne petat, quod sibi debetur, qui sententiæ arbitri non paruit, *d. L. litigatores, §. interdum, D. eod.*

IX. Secunda causa est ad excusationem arbitri, si dicatur operam præbere non posse, sine aliquo incommodo suo, periculose, vel valetudinis, vel famæ et honoris, vel rei familiaris, et incommodum post arbitrium receptum inciderit. Equum est enim, sic eum cogi sententiam dicere, quia se dicturum receperit: ne tamen ei officium suum: quod litigantium non sui commodi causa susceperit, sit damnosum. *L. sed si quis, D. quemad. test. ap. L. si servus, §. quod vero, D. de fur.* Prohibet valetudo, si aut arbitrum postea in morbum incidat, aut ætas ingravescat. Proinde horum utrumque arbitro judicandi munus remittit. *L. licet, D. eod.* Famæ et honoris periculum adit arbitrum, si exortis postea inimicitias capitalibus inter eum, et litigatores, nihilominus judicet. Ut enim judicet quam rectissime, non tamen effugiet, quin contra existimetur fecisse victus odio, aut animi aliqua perturbatione. Hæc causa est, cur si inimicitie capitales, inter eum et litigatores, aut alterum ex litigatoribus intercesserint, placeat eum sententiam dicere non cogendum. *d. L. licet.* Quamquam, cur hic arbitrum non cogatur, potest non inepte et hæc ratio reddi, quod litigatores inimicitias susceptis indignos se præstent, quibus is, quem pro inimico habent, et quem offendunt operam præbent. Lædit et tunc officium, atque existimationem arbitrum, cum magistratus ei aut munus aliquod publicum obtigit, si dum operam privatis præbet, curam Reip. omittere cogatur. Ideo his incidentibus placeat eum esse excusatum, ne sententiam dicat. *d. L. licet, in fin. L. non distinguemus, §. Sacerdotio, D. eod.* Agitur periculum rei familiaris, si qua occupatio urgens incidat, si iudicium publicum, privatumve, si necessaria profectio: quibus rebus vacare arbitrum non possit, si cogatur de re cognoscere, et judicare. Quamobrem et his de causis sententiam dicere non cogitur. *d. L. licet, in fin. et L. seq.*

X. In causa tamen valetudinis et similibus (similes intelligere debemus, occupationes, et eas incommoditates, quæ temporales sunt, non perpetuæ) placet arbitrum ex causa differre cogendum. Causa erit si aut dies compromisso non erit adjectus: aut adjectus, sit brevior, ita ut eo finito satis sit

futurum spaciū ad rem disceptandam, et sententiam dicendam: aut dies quidem exiturus sit, sed ex conventionem liceat arbitro diem proferre. Hæc sententia *L. aut si qua, D. eod.*

XI. Tertia excusationis causa est, si se indignos præbuerint litigatores, quibus arbitrum operam hanc navaret. Quod faciunt, aut eum infamando, aut auctoritatem, et iudicium ejus spernendo: dum ad iudicem, aut alium arbitrum iverunt. *L. sed si, §. in fin. et LL. 2. seqq. d. L. licet, D. eod.* Adjicit tamen Ulpianus ex sententia Juliani in *d. L. §. si arbitrum infamarint litigatores, non omnimodo prætorum debere eum excusare: sed causa cognita.* Quod sic interpretandum puto, si videlicet litigatores sordes, aut turpitudinem arbitri, quam detexerint, non probent: aut ipse arbitrum falsum esse probet, quod illi dixerint. Illud notandum nihil interesse, utrum ambo litigatores rem, de qua compromissum erat, in iudicium deducant, an unus tantum id faciat, ne arbitrum cogatur sententiam dicere, quamvis poena adversus eum, qui id fecit committatur. *L. si quis rem, D. eod.* Quod et uno arbitrum infamante admittendum puto.

XII. Quarta causa est, si secus cogatur arbitrum, quam licet per compromissum. Id evenit, eum sint tres arbitri, aut plures sumpti, et prætor unum cogit, non ceteros. Sic enim sumpti sunt, ut simul sententiam dicerent. Ita fit ut nemo unus cogendus sit sententiam dicere: sed aut omnes aut nullus. Nisi tamen in plures compromissum sit ea conditione, ut quam quilibet vel unus sententiam dixisset, ei staretur. *L. item si unus, §. item si plures, L. non distinguemus, §. cum in plures, D. eod.*

XIII. Postremo affert excusationem arbitri diei, quo cogitur conditio, si sit feriatus dies. De quo ita scriptum est in *L. Pomponius, in fin. D. eod. Arbitrum his diebus non cogitur sententiam dicere, quibus iudex non cogitur (id est feriatis) nisi dies compromissi exitura sit, nec proferri possit. Proinde si forte urgeatur a Prætorum ad sententiam, æquissimum erit, si juret sibi de causa non liquere, spacium ei ad pronuntiandum dari:* hinc intelligitur, si dies compromissi exitura sit, nisi feriatis diebus arbitrum sententiam dicat: etiam his diebus illum cogi posse. Cui consequens est, ut si per eos dies coactus sententiam dixerit, poena ex compromisso utiliter peti possit.

XIV. Si tamen lex dicta sit compromissum nominatim ne die feriata diceretur: facit

est conventio, ut nec tum cogi possit arbiter per eos dies, cum dies exitura videbitur: præterea ut si sententiam dixerit, quamvis cogente Prætorē, tamen si petatur poena exceptio locum habeat. Hæc sententia L. si feriatis, D. eod.

## C A P. XII.

### Quando sententia ab arbitro dicta videatur.

*Dicere sententiam idem esse, ac ita de re controversa pronunciare quod videtur. I. Ut controversiæ finis imponatur. II.*

*Et quidem toti. III. Singulæ definitionis partes explicatæ. I. II. III.*

I. **S**equitur si sententiam dicere volet arbiter, ut quærat, quando videatur dixisse, ne aut ante tempus agamus, si forte dicta non sit; aut si dicta sit, adhuc cogamus arbitrum aliam sententiam dicere, quasi prius non dixerit. Et dicere sententiam est, de re controversa pronunciare quod videtur, ita, ut ea pronuntiatione finis toti controversiæ imponatur. *L. qualem, in princ. §. 1. L. non distinguemus, §. item Pedius, D. eod.* Est pronunciare de re controversa, ex quo intelligitur eum, qui de alia pronunciat, non solum in ea nihil nocere, sed etiam ei relinqui adhuc, ut de controversia pronunciet. *d. L. non distinguemus, §. quæsitum, et seq.* Est pronunciare quod videtur, ut sciamus dictam esse sententiam, si arbiter, quod videbatur, dixit: quamvis prætor præscriberet ei aliud, quod pronuncicaret. *d. L. qualem.*

II. Finem controversiæ ea pronuntiatione imponi oportet: Quod quia non facit, non tantum is qui pronunciat de alia re,

sed etiam qui eadem de re incertam sententiam dicit: consequens est non modo inutiliter incertam sententiam dici, ita ut sententia nec prosit, nec noceat: sed etiam ita, ut nec dicta videatur, eoque arbiter adhuc cogi possit sententiam dicere. *L. quid tamen, §. Pomponius, D. eod.*

III. Et quod dixi, finem toti controversiæ imponi debere, hanc sententiam habet, ut si de una controversia arbiter sumptus sit, aut de pluribus quidem, sed inter se conjunctis, et communibus: is autem de parte tantum sententiam dicat perinde habeatur, quasi in totum non dixerit, ut sit adhuc a prætorē cogendus. Idemque est, etsi de pluribus controversiis, quamvis inter se separatis, compromissum sit, si modo ita fit compromissum, ut arbiter de omnibus simul sententiam diceret. Alioqui enim plura compromissa sunt, et licet separatim sententiam dicere de singulis. *d. L. qualem, §. 1. d. L. quid tamen, in princ. L. Labeo, D. eod.*

CAP.





## C A P. XIII.

De executione rei ab arbitro judicatæ, et præcipue circa pœnæ persecutionem, quis videatur contra sententiam fecisse.

*Continuatio. Pro executione sententiæ ab arbitro dictæ quæ remedia competant, et cui, et adversus quem I. et seq.*

*Pœnæ persecutio soli adversario competit adversus eum qui fecisse dicatur adversus sententiam. II.*

I. **D**icta sententia nihil superest, nisi, ut quæ de vi sententiæ dicta sunt, nunc denique ad rem conferantur, nempe, ut reus qui sententia arbitri dare, facere jussus est, aut actor qui vetitus est quid petere, sententiæ ( quæ quidem rite lata sit ) pareat, sive æqua sit, sive iniqua. Ni paret, tum uti adversarius, pro quo sententia dicta est, illis remediis utatur, quæ ad executionem sententiæ prodita esse diximus: id est, aut actione in factum rei, in quam reus condemnatus est, persequendæ causæ, aut exceptione adversus actorem constituta, qui contra sententiam petat: aut pœnæ, quæ promissa est, si contra sententiam fieret persecutione. Sed est in usu istarum rerum, quod etiamnum dubitatur: de quibus postulat hæc executio, ut breviter dicatur, quando videlicet his remediis locus sit: quibus competant: et adversus quos. Et quod ad actionem in factum, itemque exceptionem attinet, minus dubitatur, has ex sententia arbitri inter eos locum habere, inter quos actum est: actionem quidem petitori dari adversus **eum**, unde petebatur, qui dare aut facere jussus est: et dari statim: nisi dies solutioni dictus sit. ( Nam hunc adjici posse et expectandum esse supra diximus ) exceptionem autem competere reo adversus actorem, qui contra sententiam arbitri petat.

II. De pœnæ persecutione in hoc quidem ambigitur, cum nascatur ipsa ex compromisso, et non sit compromissum nisi inter litigatores, hanc quoque similiter uni tantum ex litigatoribus adversus alterum competere: non ita, ut vel petitori soli detur, vel soli reo: sed ut pariter utrique proposita sit adversus alterum: quia ambo pœnam invicem stipulati sint: non tamen competere ipsam simul utrique, nec statim; sed inesse in eo hanc conditionem, si quis ex litigatoribus ad-

*Quis taliter fecisse dicatur, pluribus propositis quæstionibus ordinata et apta ad singulas responsione definitur. III.*

versus sententiam arbitri fecisse dicatur: Ut proinde et tunc detur, et detur adversus hunc ipsum soli ejus adversario.

III. Solum hoc præcipue dubitationem habet, quis videatur fecisse adversus arbitri sententiam, non solum ut pœna committatur, sed ita committatur, ut commissa ab invito exigì possit. Et absoluto reo hæc sunt dubitationis causæ adversus actorem. Interdum arbiter nihil nominatim peti vetat, sed ita pronunciat, videri Titium nihil debere Sejo. Videtur ergo Sejus petere contra sententiam, qui verbis sententiæ non est vetitus petere? Interdum vetat arbiter quidquam peti, idque generaliter: sed tum, cum aut de omnibus controversiis, quæ inter actorem, et reum intercedebant compromissum factum non est, aut cum non est actum de quibusdam speciebus. Ex quo dubitatur, num et hæc contineantur sententia, quæ verbis sententiæ continentur. Nonnuquam complectitur ille certum, quod peti vetet: sed quoniam vetat actorem petere, et vetat a reo: ideo hæc quærentur. Quid si non petat ipse actor, sed alius reus ejusdem pecuniæ creditæ? Quid si petat ipse sed petat ab alio, a quo peti non minus ipsius rei intersit? Reo condemnato hoc quidem constat facere eum adversus sententiam, si quod jussus est dare, interpellatus non det. Sed hoc quæritur, An hoc facto, sic pœna adversus eum committatur, ut si paratus sit dare postea, evitet pœnam: quasi jam contra sententiam non faciat, et breviter de his hæc sunt probata ordine.

IV. Cum arbiter ita pronunciat, videri sibi nihil Titium debere Sejo, satis vi ipsa vetuit Sejum petere, cum peti non possit, quod non debeatur. Itaque si quid petisset, videtur contra sententiam fecisse. *L. quid tamen, §. si arbiter, D. eod.*

V. Etsi plenum compromissum factum sit in-

inter litigatores: id est, de rebus, controversisque omnibus: etsi arbiter ita pronunciarit, ut vetaret a reo quidquam peti, si tamen de certis tantum rebus actum sit: tamen ad eas tantum res sententia pertinet: De cæteris autem causis supersunt actiones, *d. L. quid tamen, §. plenum; L. de rebus, D. eod.*

VI. Actor absoluto reo non tantum adversus sententiam facit, si petat ipse: sed etiam si petat alter reus credendi socius. *L. si duo, D. eod.* Quod ita accipiendum puto, si is reus credendi, qui egerat et vetitus erat petere, factum correi probat, aut ad eum societatis jure aliquid pervenerit de eo, quod exactum est. Non enim potest dici non stare sententiæ, qui id agat, ut sententiæ pareatur. *L. Celsus, in fin. D. eod.* Multo magis id facit adversus sententiam, si petat ipse, quanvis ab alio: dum petat ab eo, a quo petendo, id ipsum aliqua via a reo auferat. Ut si petat a rei fidejussore, qui condemnatus regressum habiturus est ad debitorem. *L. adversus, D. eod.* ut si petat ab alio reo debendi socio. Quia necesse sit, quod unus ex sociis per causam societatis solverit, hujus partem alteri socio perire, *d. L. si duo.*

VII. Quod ad reum attinet, placet inte-

resse, utrum is simpliciter jussus sit dare, an intra certum tempus, puta, intra calendas proximas. Si simpliciter: tamen necesse quoddam modicum tempus: quod ubi præterierit, pœna statim peti possit. Sic enim scribit Ulpianus in *d. L. quid tamen, §. ult.* Modicum tempus non male accipiemus, quod sit tale, intra quod domo pecunia promi possit. Nec enim debitor cum sacco venire debet. *L. quod dicimus, D. de solut.* Nisi malumus modicum tempus decem dies interpretari. Quod est melius, ex *L. promissor, §. 1. D. de const. pec.* Pœnam post id tempus committi quidem, sed ita, ut si reus ante judicium acceptum dederit, quod jussus erat, pœna ex stipulatu peti non possit: Si quidem nihil interfuerit actoris tunc solvi. *d. L. quid tamen, in fin. et L. seq.* Quod si arbiter intra certum diem dari jusserit, et datum non sit: licet postea offeratur: attamen semel commissam pœnam non evanescere. Quoniam semper verum sit, intra diem constitutum datum non esse. Hoc in *L. Celsus.* Sane si creditor valetudine impeditus sit, quo minus intra eum diem acciperet, aut alia quavis causa: pœna committetur. Sed si ille postea paratus sit accipere, reus non impune dare recusabit, *d. L. Celsus, §. 1.*

CAP.



## C A P. XIV.

## Ad L. 1. D. de recep. Qui ar. rec. ut sent. dic.

*Differentiæ plures arbitratorum ab judiciis indicantur. I.*

*Hi notantur, qui arbitraria per omnia quasi similia esse judiciis opinantur. II.*

I. **E**X his quæ de arbitriis disseruimus, intelligi potest, etsi compromissum sive arbitrium judicium est, multis in rebus cum judiciis conveniens: plura tamen esse, in quibus ab illis discrepet: sive constitutionem arbitrii spectemus, sive sententiam, sive circumstantias sententiæ dicendæ, sive vim et auctoritatem: Nam ut ex multis pauca summam colligam: de rebus omnibus recte agitur: non item de omnibus arbitrium consistit. Uno ex litigatoribus mortuo, nihilomi-

Tom. VI.

*Interpretatio L. compromissum 1. D. de recep. et qui arbit. recep. III.*

nus judicium perseverat: at isto modo solvitur compromissum. Arbitrator si ita sumatur, ut certam sententiam dicat, nullum arbitrium est: et simpliciter sumptus non cogitur aliud pronunciare, quam quod videtur: In judicio si convenerit inter litigatores, quid pronuncietur, oportet judicem hujusmodi sententiam proferre. *L. si convenerit, D. de re jud.* In genere sententiæ qualemcumque sententiam arbitrator dixerit, ei standum est, sive æqua sit, sive iniqua: nec enim potest ab

32

ea

1) *Supra Cap. 10. n. 11. in fin. vid. et not. Lib. 17. Cap. 3. N. 4. Unde Scala Lib. 4. de Cons. sap. C. 28. clausula ea: ni arbitrator sententiam ferat juxta hujus vel illius prudentis consilium, vitari compromissum jure communi inspecto cenet, sive stricte intelligatur sive de boni viri arbitrio, nisi aliud consuetudo loci ferat receptumve sit.*

2) Quod et Chartaginensis Synodi *Cap. 99. et Cap. 123.* definitum esse naturæque arbitrii ac veræ rationi convenire scribit, Cujac *Consult. 12. et 9. Obs. 23.* Et ratio hujus rei redditur in *L. 27. §. 2. h. t.* quia sibi imputet qui compromissit. Judicio contententi non est quod ita imputetur cum id subire, si reus, eo confugere, si actor, suo excidere nolens, necesse habuit. Incivile autem est quem arbitrum probaveris, ejus arbitrium improbare, cumque sponte delectos judices faciant partes quorum sententiæ initio stare non cogebantur, æquum est boni consilii quæ deciderint. Et ita juste de omnibus cavis docet Ant. Mass. Gales. *de Judic. bon. fid. n. 15.* Sicuti in simili quæ contra juramentum necessarium proficiunt nova instrumenta non item contra voluntarium ut supra suo loco. Dices a iudice ex consensu litigantium accepta tamen appellari *L. 23. pr. de appell. Resp.* Sed ibi consentire omnino in aliquem, quicumque sit, oportuit reum (ac quidem qui in decursu esset selectorum *vid. not. supra Lib. 17. Cap. 24. N. 22.*) qui alias, quantumvis detrectans cognitionem iudicis si non hujus ast alterius passurus, et quod rem præcipue expedit, ibi consensum est ut in iudicem, nempe ut ex jure et legibus juxta fidem actorum iudicii pronunciaret. Jure igitur de ejus sententia provocatio, sive in jure sive in facto iniquitatem fovere dicatur. Arbitrator vero et ex vi vocis ut Fest. *Lib. 1.* est qui totius rei arbitrium et facultatem habet, nec ullis adstricta vinculis ejus religio, ut Seneca *3. de benefic. 7.* a: sententiam suam non prout lex et justitia suadet, sed prout humanitas aut misericordia impulit, regere potest. Præterea ad munus arbitri plerumque utriusque partis amici eliguntur, quorum interventu spes est fore ut dissidentibus conveniat. Lang. *5. Sem. 4. p. 233. et seqq.* ubi a Cio. pro Cecinna et alibi domestici deceptoris et amici nomine arbitros innui ostendit, et Pollet. *3. Histor. fori 12.* Neque ab hac Jurisconsulti ratione discrepans ea, quam Imperator reddit in *L. 1. C. h. t.* quia nec iudicati actio ex sententia ejus præstari potest, et ob hoc invicem præna promittitur. etc. Vulgo ita accipiunt: Appellationis vis ea ut effectum sententiæ, qui est actio vel exceptio iudicati,

extinguat. Hic non nascitur ex arbitrio. Ergo, Quam collectionem reprobat Coras. in *L. societatem 76. vers. arbitratorum pro soc. n. 9.* sic accipiens: quod nullus juris effectus inde nascatur, cum aliæ sententiæ a quibus appellatio, si non est iudicati, ut quæ jure nulla, alium tamen juris effectum producant, cum qui dicit sententiam, auctoritate publica exsequi possit. Verum non video qui ista executio sententiæ invalidæ, quæ meri atque illiciti facti est, juris effectus dici mereatur. Quin itaque in eo peccari puto quod quæ conjunctim sibi probe constant, sensu composito, divelluntur, cum Imperator non ex eo solo inferat quod iudicati actio non sit, sed juncta ea ratione, quæ potior est, quod præna invicem promittatur etc. Atque hoc vult Imperator, quod frustranea sit hic appellatio, cum nec ad prænam evitandam prosit, quia conditio stipulationis, si sententiæ pareatur, ita maxime committitur, cum certum sit non parere qui quantum in se est irritare nititur, nec ad vim iudicati sistendam, quippe cum eam arbitri sententiam non habeat, nec præna illata amplius quidquam parti victæ verendum sit. Nunquid igitur casibus iis, quibus vis fere iudicati arbitrio tributa est, ut *supra. C. 10. n. 23. et seq.* et provocatio inde erit. Id haud equidem consequens, cum utique in defectu virum iudicali principalis decisionis ratio non consistat, et quæ vera ac genuina est, utique persistat. Scitum insuper ne quidem cessante una ratione e pluribus dispositionem deficere nec mutationem juris, nisi expressim facta sit intelligi. Plane ab arbitris statutariis, ut vocant seu ad quos ex statuti præscripto cognati eunt, ut *N. de seq. appellationem* vulgo concedunt, *Sich. ad L. 1. C. de Rob. credit. n. 4. Mynsing. 4. Obs. 68.* Sicuti et jure appellatio ab arbitris aliis qui dicuntur, non ex compromisso sumpti, sed a prætoribus constituti, non ut de negotio principalis, ut iudices dati, cognoscant, sed ut si quid privatæ contentione, in cursu litis aut præparatoriis judiciis discutiendum id expediant, veluti an fidejussores idonei *L. 9. et seq. Qui id expedit, veluti an fidejussores idonei L. ult. C. de sat. cog. an causæ recusationis iudicis juxta L. ult. C. de judic.* Quas LL. ita cum *d. L. 1. conciliant Vaud. 1. Q. 14. Pac. 1. Q. 69. A. Fab. ad d. L. 9. Confer. Cujac. 9. Obs. 23. Gail. 1. Obs. 33. n. 18.* Athenis arbitratorum ex compromisso, quos καὶ ἑμπροσθεν διαίτηρας nuncupabant, sententiam appellatione ad Ἀρεοπαγίτας vel Θεςμοθίητας suspendi potuisse, scribit Joach. Steph. *Lib. 2. de Jurisdic. Cap. 9. n. 50. et seqq.* interposito tamen juramento non fraudandæ veritatis, sed iniquitatis corrigendæ gratia hoc re-

ea appellari. *L. 4. C. de recept. arbitr.* In sententia judicis contra: quæ si nominatim contra leges lata est, nullius est momenti: si tantum contra jus litigatoris, tamen ab ea potest appellari. Sententia judicis uno ex litigatoribus absente, dum legitimis edictis evocato lata valet: arbitri sententia, nisi utroque præsentem dicta est inutilis. Si tres iudices diversas sententias dixerint, obtinet ea, quæ est favorabilior: si tres arbitri idem fecerint, nulla valet. A iudice sententia dici non potest, nisi in loco publico ad jus dicendum destinato: Arbitrator quovis loco potest dicere, de quo actum sit inter litigatores. Iudex diebus feriatis frustra sententiam dicit invitis litigatoribus: arbitrator contra. Sententia judicis, a qua provocatum non sit, valet ipsa per se, quam ad rem actio iudicati comparata est, et rei iudicatæ exceptio. Sententia arbitri, non aliter, quam ope compromissi: nisi ea fecerint litigatores, de quibus cavent constitutiones Justiniani. A sententia judicis appellari potest: ab arbitri sententia nullo modo. Iudicandi munus quia publicum est, nemo detrectare potest: arbitrium<sup>3</sup> nemo recipere cogitur. Sunt quædam causæ, propter quas quis excusatur, ne sententiam dicat, quanvis arbitrium receperit: et hæc complures: quæ non item iudicem excusant, quominus iudicet.

II. Quæ cum ita sint, apparet, errare eos, qui quod in *L. 1. D. eod.* dicitur, *compromissum ad similitudinem iudiciorum redigi*: sic interpretantur, quasi per omnia sint hæc inter se similia: itaque statuunt, quidquid in iudicio intervenire, et fieri a iudice oportet, ut iudicium ratum sit: id quoque in arbitriis intervenire, et fieri oportere, alioqui nihil agi. Si hoc admittimus, deleamus jam

ea omnia, quæ in Pandectis de hoc genere tradita sunt a juris auctoribus, quæ supra executi sumus. Quinimo deleamus etiam ipsas constitutiones Justiniani, quæ secutæ sunt postea, quæ proprius arbitria ad similitudinem iudiciorum revocarunt. Quavis enim eæ actionem, et exceptionem dent ex sententia arbitri, non secus, quam ex re iudicata: id tamen faciunt certis conditionibus, cum passim ea data oportuerit, si per omnia redactum esset compromissum ad similitudinem iudiciorum.

III. Quid ergo restat, nisi ut animadversis omnibus arbitrii partibus, in quibus nulla prope est, in qua non sit aliquid a iudicio dissidens. Sic illud Pauli dictum ( si modo Pauli est, ita ut inscriptio significat ) accipiamus, ut compromissum ad similitudinem iudiciorum redigatur non per omnia: sed fine ipso et exitu, sive potestate: quia fine videlicet eodem feratur: nempe, ad finiendas lites? Et quidem ut iudicio: sic compromisso genere quodam iudicii, et compendioso et certissimo lites finiuntur. Quod videtur. Et ideo Paulus in *d. L. 1.* cum dixisset; *compromissum ad similitudinem iudiciorum redigitur*: ipse continenter veluti interpretatus, quia in re redigatur, subiungit hæc verba, et *ad finiendas lites pertinet*. Non nego quibusdam in rebus, nec his paucis compromissum comparari ordinariæ actioni. *L. non distinguemus, §. item si quis*, in fin. *D. eod.* Sed hoc contendo non comparari per omnia, ne quis forte, quicquid in officio iudicis exigitur, id putet continuo ad arbitrum transferri oportere. Quod si verum est: præter ea quæ supra a nobis ad vim arbitrorum exposita sunt, nihil in arbitrio et compromisso desiderabimus.

HUGO.

medium implorari: Apud suos ab arbitris appellari, Cujac. *Consult.* 12. ut tamen poena in compromissum deducta committatur, sive confirmetur, deinde sive infirmetur arbitri sententia. Quo de et Bernard. *Autum. not. ad Langl.* 5. *Sem.* 4. ( qui iudicatum testatur eandem poenam debere etsi postea ab appellatione recessum sit. ) Petr. Greg. 2. *de Appell.* 12. n. 18. Maynard. *Lib. 2. Decis.* 65. et seq. De appellatione ab arbitro an et quatenus et quando permissa vel recepta plura pete ex Myns. *d. Obr.* 68. Wurmser. *T.* 24. *Obs.* 6. P. Greg. *d. C.* 12. Maranta *P.* 6. *Tit. de Appell.* n. 261. et seqq. Covar. 2. *Var. Resol.* 12. Paurmeist. 1. *de Jurisdic. ult. n.* 26. Maynard. *d. Dec.* 65. et seq. Meichsner. *Lib. 1. Decis. Cam. n.* 3. 4. 5. et n. 24. Atque hæc Capituli huic ultimo subnotavi, aut verius festinus effudi, ne extreme pagellæ vacuæ essent, cum in universa hac materia plura suppetierint, quæ omittere oportuit ob causas in præloquio paucis expositas.

3) Etsi peccari contra charitatem velit, qui hoc denegat Munnoz. *de Ratiocin.* 8. n. 7. Sicuti nec jus commune litigantes compromittere in arbitrum compellit, uti iudicium in iuratum exercetur *L. 27. §. 2. hoc. tit.* vid. Wurmser. *Tit.*

3. *Obs.* 1. Scaccia 2. *de Judic.* 2. *Q.* 1. qui excipiunt, nisi lis intricata sit, quæ a iudice expediri nequeat aut metus majoris incommodi. Confer. Langlæ. 5. *Semestr.* 4. Plane statuta pluribus locis Italiæ cum primis vigere legimus, quibus lites certarum personarum, puta parentum liberorumque invicem, et qui auctiori alio cognationis, aut necessitudinis vinculo connexi arbitris committi iubentur. Quæ ratione niti rataque merito esse adstruunt de iisdem fusius tractantes, Horat. Carpan. *Statut. Mediol. Cap.* 115. *Vol.* 1. n. 1. 2. 3. etc. Scaccia *d. Cap.* 2. *Q.* 2. n. 27. et seqq. et *Q.* 4. ac seq. et passim. Sunt et aliæ differentiæ. Nam nec cavetur iudicio sisti apud arbitrum ut in iudicio, neque qui compromisso victus de evictione actionem habet *L. 56. §. 1. de evict. etc.* Infamis arbiter esse potest *L. 7. pr. h. tit.* qui a iudicatione arcetur, quia arbitrium non est munus civile, sed contractus privatus; et sibi imputent qui talem elegerint, Freher. 3. *de Infam.* 28. n. 12. Noctu an arbiter sententiam vel laudum, ut vocant, ferre possit, vid. Polyd. Ripa. *de Nocturno tempore Cap.* 135. et seq. Hering. *de Fidejuss. Cap.* 12. n. 5.

**HUGONIS DONELLI**  
**JURISCONSULTI**  
**COMMENTARIUS**  
 AD  
 TITULUM INSTITUTIONUM  
 DE ACTIONIBUS.

---

*CLARISSIMIS VIRIS,*  
 ET  
 MAGNIFICIS DOMINIS,  
**PRAETORI, CONSULIBUS,**  
 SENATUIQUE URBIS LEIDÆ

HUGO DONELLUS

S.

**V**ertitur hic jam annus prope quartus, viri amplissimi, ex quo me habet  
 civitas et voluntas vestra in eo munere docendi juris, quod ex parte detulistis.  
 Quo tempore toto dum Reipublicæ et vobis satisfacere studeo, ita opera mea  
*Tom. VI.* 32\* in-



inter vos versata est, ut confidam fidem et sedulitatem in eo munere vobis spectatam esse, nec minus probatam æquitati vestræ. Vellem, spectatus item esset animus, spectata mea erga vos observantia. Sic enim in universo eo munere quas res mihi officii mei ratio erga vos præscribit, abunde opinione mea essem consecutus. Sed vereor, ne hospiti non contigerit. Hoc scio, omnem illam observantiam publico privatoque testimonio apud vos tamdiu caruisse. Atque utinam ne iniquitas temporum eam aliorum verterit, atque erat. Atqui ut eam cum omni cultu me vobis præstare æquum est, quibus optimo jure debetur; ita eam exstare non minus ad officium virorum bonorum, ad exemplum recte facti, et grati Deo obsequii pertinere arbitror. Præstandi multæ causæ: dignitas vestra; merita in Academiam, cujus et nos pars sumus; nonnulla mea conditio privatim cum meritis vestris conjuncta. In primis dignitas. Scimus enim, quem hic honorem Deus verbo suo exigit erga eos, quos populo suo in Rerumpublicarum administratione præesse voluit. Quam ad rem in clara et nobili civitate eminentissimo loco ab illo constituti estis. Nec exigendi ratio obscura, reputantibus quantum sit illud beneficium, quod ab insigni opera et cura vestra profectum manat ad omnes: certe cujus causa vos a Deo constitutos esse eodem verbo docemur, ut placidam et tranquillam vitam agamus cum omni pietate et honestate. Academia ipsa quid vobis debeat, ultro nec invita de se profitetur. Etsi enim institutione, auctoritate, et præsidiiis communibus eos auctores et defensores agnoscit, quos oportet: tamen quod in urbem vestram recepta est, quod semel recepta in ea vivit, et valet; totum beneficii vestri est: quibus licuit, et licet repudiare. Neque hic constitit beneficium. Non enim ita passi estis illi locum esse in urbe vestra, ut destitutam vestro præsidio ipsam sibi, aut aliis, quibus uti vellet, aut posset, regendam permitteretis; sed ita voluistis esse vestram, ut non aliter quam partem optimam et nobilissimam civitatis in curam et tutelam vestram vobis cum amplissimis viris ejus Curatoribus communem susciperetis. Cujus curæ et administrationis ita eos, qui publicis stipendiis in ea Academia fruuntur, huc usque non pœnitet, ut in eo studium vestrum in Rempublicam cum fide et constantia conjunctam experiri se omnes fateantur. Quo nomine publica studia, et bonas artes, earumque studiosos perpetua pietate et observantia vobis devinxistis. Mea autem privatim conditio quid hic a me exigit, satis me admonet. Quamquam enim non diffiteor, qui uspiam gentium publicis studiis juvandis dant operam, et necessario aliquo aut utili munere in Academia recte funguntur, eos quovis honore dignos videri; iisque sæpe plus debere Academas, quam ipsos

ipsos Academiis: tamen non ita me mihi surripuit hic amor nostri, ut non  
 meminerim, quisquis hic sum, hospitem certe me esse apud vos, cui plura  
 quam indigenis et civibus conditio ipsa nescio quomodo imponat. Sed eo magis,  
 quod hujus conditionis vinculum multis modis merita vestra majus fecerunt.  
 Vel hoc ipsum sentio non in exigui beneficii loco mihi ponendum fuisse, quod  
 vobis visum est hospitem jam ab initio ut vocatum amanter, ita advenientem,  
 cum omni significatione benevolentiae exceptum in numero civium vestrorum  
 habere ac complecti. Sed accessit propensio et fides reliqui temporis: quo  
 deinceps in iis quæ beneficio communi liberaliter constituta erant, ita a vobis  
 habitus sum ad hunc diem, ut in his percipiendis omnia vestra in me humana,  
 et exprompta, et cum fide summa exstitisse libenter agnoscam. Et hæc quidem  
 juris, meritique vestri omnia; quæ et ipsa nequaquam me fugerunt. Enimvero  
 ut in his cognitio mea fuit; ita beneficio Dei et officii studium. Id quod si a  
 plerisque spectatum non est, velim, quæ vestra æquitas est, sic de me judi-  
 cetis, si qua in me in munere publico antea fides fuit, neque ei fidei obser-  
 vantiam erga vos parem, aut etiam majorem, neque observantiae testandi  
 studium, sed testari cupienti facultatem et occasionem defuisse. Quam cum  
 nunc res et tempus obtulerint, feci quod officii sui non securos decet, ut  
 oblatam cupide arriperem; simul in eo exemplum vestrum imitarer, ut quoniam  
 benefaciendo publice præiretis, ego pro virili agnoscendo mutua pietate subse-  
 querer. Cumque ad omnem testificationem summæ voluntatis, quam quidem a  
 me exspectetis, nihil haberem melius, quam si darem operam, ut insigniore  
 aliquo testimonio hæc ipsa exstaret, adhibui hunc commentarium interpretem,  
 qui publice apud alios, privatim apud vos hæc opera fungeretur. Idcirco dicatum  
 nomini vestro jussi in publicum exire, cum superiore testatione; ut quo pluribus  
 publice exponeretur hic labor, eo pleniore officio ut testatio, sic et dignitatis ac  
 meritorum illorum gratia ad quam plurimos perveniret. Neque dubitavi, quin  
 scripti genus ipsum per se ad eam rem nonnihil invitamenti esset habiturum.  
 Est enim in titulum Institutionum De actionibus: id est, in optimum titulum  
 juris: cujus perspecta utilitas, et celebrata inter omnes, qui de jure aliquid  
 cognoverunt, tam multos omnibus ætatibus ad sui cognitionem pellexit. Atque  
 hoc publicæ testationis consilium fuit. Quod reliquum est, commentarium ita  
 comparatum privatim ad vos misi, qui de animo non ingrati hospitis, deque  
 perpetua erga vos observantia plenius et arctius coram apud vos testaretur.  
 Estoque, si ita humanitas vestra patitur, hoc munus a nobis, quando amplius  
 offerre non licet. Munus si a re æstimetur, tanti faciendum quanti videbitur:

si ab animo offerentis, est, cur de mutua benevolentia vestra sibi audeat omnia polliceri. Est enim ab integro, eodemque vestræ dignitatis studiosissimo, qualem forte vos in optimis et vobis deditis civibus juvet interdum spectare.

Valete, viri amplissimi.

Lugduni Batavorum. Calend. August. Clō ID LXXXIII.

PRÆ.



# P R Æ F A T I O

**S**I Juris civilis præcipue finis hic est, ut suum cuique tribuatur, tributum ut aliis obtinere liceat, obtinendi autem ratio sita est in judiciis, et recta juris nostri persecutione; magnam in primis in eo jure utilitatem esse oportet partis ejus, quæ posteriorem hanc cognitionem recte informat. Si quis est autem locus in libris nostris, qui id utilissime præstet, is est titulus Institutionum inscriptus De actionibus. Nam quæ quærentur in omni recta persecutione, Quis cum quo recte agat; Quid petat, et Quantum; tum Quid ex unoquoque judicio sperare debeat, ne frustra experiatur: hæc omnia propositis ordine de unoquoque genere aptis divisionibus is titulus commode complexus est: ut si quis ea cognitione instructus veniat ad agendum, metuere non debeat, ne non experiatur prudenter; et si quid in adversariis petitionibus vitii aut calumniæ est, facile deprehendat; cumque objicietur, facile refutet: si modo quæ vis sit illarum divisionum, et quem hic usum præbeant, noverit. Sed et hoc in eo titulo præcipue ad commendationem. Nam cum ex Pandectarum, et Codicis latioribus libris fere sumi soleant, quæ sunt certa et absoluta de singulis juris partibus, quæque de his brevius, interdum etiam velut obiter comprehensa sunt in Institutionibus, ex illis operibus vel suppleantur, vel explicantur; hic contra singulare quiddam evenit, ut nusquam ita ex professo et conjunctim hic locus de recte instituenda actione tractatus sit, ut in eo titulo. Quinimmo eo titulo ea sunt de actionibus tradita, quæ ad aliorum locorum de hoc genere cognitionem inde transferantur. Itaque non abs re is titulus tantopere commendatus est a veteribus interpretibus propter utilitatem. Sed quod in aliis rebus accidit, ut difficilia sint quæ pulchra juxta proverbium, hoc idem in hac parte accidit maxime, ut utilitatem et pulchritudinem rerum par difficultas sit consecuta, cum propter rerum varietatem, et incertitudinem, tum propter brevitatem hujus tractationis. Ex quo tam multi commentarii in hunc titulum existerunt. At non quo studio, ita et successu. Vicit enim in plerisque difficultas, ut se res ipsa ejusque utilitas ab his cerni non pateretur. Quod cum non lateret doctos et magnos interpretes plerosque nostra ætate, eandem et ipsi operam sunt aggressi non sine magno fructu et laude. Ego qui sciam, quam non omnia semper occurrant omnibus; et quam non sit omnibus in rerum explicatione mos idem, motus sum rei utilitate, ut vellem hunc commentarium adjungere: non ut superiorum commentarios excuterem de manibus studiosorum, quod insanum etiam fuisset cogitare; sed ut cum illis conferrem operas, si quid forte ad cognitionem atque usum optimarum rerum possem adjumenti adferre. Et spero, qui utentur, eo se ad eas res adjutos dicent. Etiam me illa spes tenet, habituros hic studiosos juris, quo nonnullam sitim, si quam forte in aliquibus hujus operæ expectatio commovit, possint cum benevolentia explere. Res exposui, pluribus fortasse, quam nonnulli existimabunt convenire Justiniani instituto, qui scripsit Institutiones, id est, ele-

*elementa juris. Sed res hic traditas spectavi, utpote mihi propositas ad explicandum. Quæ si spectentur, vereor, ne scripserim etiam paucioribus, quam res tanta explicari posse videatur. Quoniam autem hic divisiones utiles ad juris nostri persecutionem accommodatæ traduntur; putavi id negotii recte interpretanti plane dari, ut in singulis divisionibus numerus actionum ejus generis partitione; vis actionum definitione; usus singularum juris tractatione explicaretur: verborum atque orationis obscuræ explicatione ad hunc ipsum usum collata. Quod et sum secutus. Mihi quidem utilitas et obscuritas rei id postulare visa est. In quibus omnibus usus sum brevitate rebus conveniente. Non illa, quam plerique putant, qui puerorum more brevitatem metiuntur lineis aut tempore: sed illa, quæ in compendio orationis, res tamen ipsas ad quas tradendas confertur, retinet, non amitteret. Nam qui brevitatis et concinnitatis affectantes laudem ita scribunt, aut docent, ut omittant res cognitu necessarias, quo videantur celerius ad extremum pervenisse; hi mihi videntur non tam breviter scribere, aut dicere, quam nihil. Qua brevitate qui delectantur, reperient tandem se illis non esse dissimiles, qui dum cervicem et caudam bovis nacti sint, totum se bovem habere arbitrentur. Hæc de instituto breviter monere visum fuit. Tuus est hic labor, optime lector. Accipe, et frue.*

HUGO.





# HUGONIS DONELLI

## JURISCONSULTI

### COMMENTARIUS

AD

## TITULUM INSTITUTIONUM

## DE ACTIONIBUS.

*Partitio Institutionum ad finem juris consequendum recte accommodata, et de ejus sententia. I.*

*Superesse hic quid sit, et ad quam tractationem præcedentem referatur. II.*

*Actio non jus persequendi solum, sed maxime persecutio in partitione juris: et cur Justinianus jus definiat, non persecutionem. III.*

*Actio non inde dicta, quod rei agantur ad judicia, ut putavit Theophilus, sed agere esse tractare judicio de re aliqua; unde et actio, ea tractatio. IV.*

*Jus facultas et potestas: et cur. V.*

*Jus non vis. VI.*

*Persequi quid. VII.*

*Judicium quid, et quæ ejus partes, et quam sit necesse hanc partem ita observari in hac definitione. VIII.*

*Debere quid. IX.*

*Debere an etiam dici possit, cum quo in rem agitur, et an actio in rem definitione actionis contineatur. X.*

*Accusatio interdum actio dicitur, minus proprie. XI.*

*Popularis actio an de eo quod nobis debeatur, et an in bonis nostris. XII.*

*Injuriarum actio an in bonis nostris, et quando. XIII.*

*Officio judicis quæ debentur, quatenus debentur, etiam eorum actionem esse. XIV.*

*In Restitutionibus in integrum, ut petitur debitum, ita et esse actionem. XV.*

*Actionis, petitionis, persecutionis significationem unam esse: docendi causa hæc distinguui. XVI.*

*Superest, ut de actionibus loquamur. Actio autem nihil aliud est, quam jus persequendi in judicio, quod sibi debetur.*

**I.** **S**uperest. Recte superest; id enim superest ex partitione juris, quæ his libris ad tractandum proposita est *tit. de jur. nat. gen. et ci. §. ult.* Partitio ea fuit, omne jus, quo utimur, vel ad personas pertinere, vel ad res, vel ad actiones. Partitio ad finem juris consequendum accommodata, eoque optima. Est enim hic finis juris, suum cuique tribuere, ut declarant definitio justitiæ, et præcepta juris, quæ dicuntur in *L. justitia D. de jus. et jur.* Ad hunc finem consequendum necesse est et esse aliquid suum cuiusque, et ejus quod cuiusque sit, obtinendi, si negetur, aliquam rationem. Atque illud

*Tom. VI.*

quod cuiusque est, aut in persona est ipsa cuiusque, aut rebus externis. Quod personæ proprium est, habeturque in persona etiam si quis extra se nihil aliud habeat, ut vita, incolumitas, libertas; id jus est, quod dicitur ad personas pertinere. Unde jus, seu status personarum dicitur. *Inst. de jure personarum*, et *D. de statu hominum*. Quod est in rebus externis, quia aliunde habetur, quam a jure personæ, ideo proprie dicitur jus ad res pertinere: in quo de rebus acquirendis, constituendisque deque earum jure agitur. Obtinendi utriusque illius juris nostri ratio est in actionibus, id est, in persecutione le-

gitima juris nostri: ut recte dicatur hæc pars juris pertinere ad actiones. Quod si ita est, quæ de jure civili recte instituitur tractatio, si ad juris finem obtinendum fertur, ut ferri debet, necesse est omnem ad tria ista omnino referri, personas seu jus personarum, res, et actiones. De jure personarum dictum est libro primo. De rebus libro secundo, et tertio, et nonnulla parte quarti ad hunc usque titulum: nam in rebus numerantur etiam obligationes, de quibus proxime dictum est, ut declaratur supra, *tit. de reb. corp. et inc.*

II. Qui tribus membris propositis, de duobus prioribus tantum disseruit, huic necesse est superesse tertium, de quo dicat. Hæc vero sunt actiones. Hoc est igitur, quod Justinianus dicit, *superesse, ut de actionibus loquamur*. Nam illa ridicula Theophili ad titulum de obligationibus supra, et Accursii ad hunc locum ratio est, qui dicunt ideo superesse, quia proxime actum sit de obligationibus, quæ sunt matres actionum, quia dicuntur obligationes actionem parere. *L. licet, §. ea obligatio, D. de proc.* Ut postquam dixit de matre, supersit, ut videamus de filia. Primum hac ratione dici debuit hoc titulo non debuisset agi de actionibus in rem: quoniam hæc non nascuntur ex obligatione, ut traditur in *§. sequenti*, contra quam hoc titulo factum videmus; in quo pariter de actionibus in rem, et actionibus in personam disseritur. Ac prius etiam de actionibus in rem. *§. 1. et deinceps*. Tum autem hæc ratio ab instituto Justiniani alienissima est: qui de obligationibus se dicturum nihil usquam ante proposuit: quidquid autem superest, non potest dici nisi ex rebus propositis superesse: aut si tractatum de obligationibus cum tractatu de actionibus conjunctum dicimus, ut fecit Teophilus, et ideo præmissum, quia obligatio esset mater actionis, ut sic jam inde ab eo titulo sit initium agendi de actionibus: dici debuit jam tum illud, quod hic scribitur, superesse nimirum jam tunc, ut de actionibus loqueretur Justinianus; sed ad eam cognitionem prius agendum de obligationibus.

III. *Ut de actionibus loquamur*. Recte Baro in ea partitione juris, quam diximus, et ad quam hoc reliquum quod hic dicitur, referri debet, intelligi debere ait juris nostri persecutiones, actum persequendi, non persequendi tantum facultatem, quæ etiam tunc est, cum nihil persequimur: aut si malumus, sic actiones hic intelligemus jura persequendi, ut sint ista jura quatenus ad rem conferuntur, conjungaturque jus agendi cum

ipsa persecutione, ut in Pandectis factum videmus, cum ad actiones ventum est. Nam si actionem intelligimus tantum jus persequendi, actio res erit incorporalis itidem ut obligatio: omnia enim quæ in jure consistunt, in numero rerum incorporalium habentur. *Inst. tit. de reb. corp. et inc.* Sed et hoc sensu omnia quæ sunt in actionibus, eadem in bonis, id est, in rebus nostris numerantur. in *L. bonorum, D. de verb. sig.* Nunc autem sic partitio superior distinguit actiones a rebus, ut appareat in numero rerum actiones, quæ illic nominantur, non haberi. Quod non fit aliter, quam si actionis verbo non jus tantum persequendi, sed et persecutionem ipsam quæ fit judicio, intelligamus. Et vero id accipi fini illius partitionis convenit. Eo enim accommodatam partitionem esse diximus, ut quod jus præcipit, suum cuique tribuere, id consequeremur: quod positum est in eo, primum ut norimus, quid sit suum cujusque; deinde si id non tribuitur a volente, sit constituta ratio, qua obtineatur ab invito. Hæc ratio in facto est. Posita est autem in actionibus, et persecutionibus juris nostri. Quapropter actionum verbo eas persecutiones, hanc obtinendi juris rationem, quæ ad rem confertur, ex sententia et fine partitionis intelligere debemus. Qui fit igitur ut Justinianus actionem de qua agitur, statim definiat jus persequendi, non persecutionem, et sic deinceps de actionibus ut de jure persequendi disserat, non ut de persecutione et judicio? Quia ad explicandam eam persecutionem facti, quam quærimus, necesse habuit id facere natura rei id postulante. Non enim quælibet persecutio juris nostri recepta est, sed ea quæ instituitur pro eo jure agendi, quod cuique jure publico datum est. Ita ad persecutionem istam intelligendam prius jus agendi statui oportet. Atque ut forte non necesse esset id facere; tamen ad id de quo quæritur, ita pertinet, ut qui hoc docet, simul id de quo agitur, doceat, atque adeo hoc ex illo multo facilius et commodius intelligatur. Hoc enim cognito, quod sit jus agendi cujusque, quid hic cuique jus concedat, statim et quidem optima ratione intelligitur, quam hic persequendi rationem instituere, et quomodo in ea pro jure nostro nos gerere debeamus: id autem est, de quo quæritur.

IV. *Actio autem*. Actionem definit jus persequendi: sive placet dici jus persequendi, sive persecutionem, merito quæritur, quam id origini verbi conveniat. In quo explicando quia inest definitio nominis, recte fecerimus,

si de ea prius dixerimus, quam de definitione rei, quæ hic explicatur: quod tamen non esset necesse de jure agentis, nisi origo et significatio verbi videretur hanc definitionem non pati. Constat enim actionem dici ab agendo. Quid est autem, dicat aliquis, in verbo agendi, ex quo hæc persecutio iudicii, quæ dicitur in definitione, intelligatur? Et Theophilus id explicans hoc loco scribit actionem dictam ab agendo, eo quod improbos et perfidos ad iudicia agamus, id est, invitos trahamus. Quod ex jure vetere ab eo dictum, eoque et recte dictum existimari potest: sic enim jus olim fuisse constat, quod et in Pandectis relatum est, ut si quis in jus vocatus non iret, invitum ducere, id est, agere liceret. *tit. D. in jus vocati ut eant.* de quo more alias plura. Et hanc rationem ab illo acceptam etiam viri docti plerique sunt secuti. Non satis attente meo iudicio neque illi, neque Theophilus. Nunquam enim verbo agendi cum ad iudicia refertur, ita usi sunt veteres, ut hoc verbo idem significarent, quod ducere, trahere: quod certus et perpetuus usus loquendi veterum declarat. Interdum enim dicunt agere cum adjuncto; interdum agere simpliciter. Cum adjuncto hoc modo, ut dicant vel agere cum aliquo, vel agere iudicio, agere interdicto. Simpliciter, ut cum dicimus non licere alicui eo nomine agere, alicui eo nomine esse actionem, aut non esse. In adjunctis superioribus nemo est qui non videat agere nihil minus significare quam trahere aut ducere invitum. Non enim dicimus trahere cum aliquo, sed trahere aliquem; nec ducere cum aliquo, sed ducere aliquem: sic nec in eadem significatione liceat dicere agere cum aliquo, sed agere aliquem invitum. Illud vero agere iudicio perspicuum est non significare trahere et ducere aliquem iudicio. Ducimus ad iudicium non iudicio: ducimus et trahimus manu et corpore nostro, non iudicio: et ducimus antequam iudicium ullum esse coeperit. Quod si quando lectum esset apud veteres aut in usu juris dici agere aliquem de reo, qui in jus vocatur, aut ducitur: esset cur admitti posset ducendi et trahendi significatio in verbo agendi. Nunc autem perpetuus hic usus est veterum in legibus, edictis, et scriptis omnibus, ut eum

Tom. VI.

qui iudicio convenitur, id est, reum, verbo forensi, circuitione usitata nominent eum cum quo agitur. Sic nominatur in edicto de iurejurando interprete Ulpiano in *L. 3. D. de jur.* sic nominatur *tit. Inst. de excep.* in pr. sic ex usu veterum juris auctorum Cicero cum alibi sæpe, tum lib. 2. de inventione. *Agit is*, inquit, *cui manus præcisa est, injuriarum: postulat is, qui cum agitur, a prætore exceptionem, extra quam si in reum capitis præjudicium fiat. Ille is qui agit, iudicium purum postulat: ille qui cum agitur, exceptionem addi ait oportere.* Nunquam ergo agendi verbum proponitur cum adjuncto in iudiciis, ubi agere interpretari possimus ducere aut trahere invitum. Quid, cum simpliciter agere aut actionem nominant veteres, an videntur hoc verbo ullam ejusmodi ductionem aut tractionem significare? Nullo modo. Demus enim eum, qui in jus vocatus venerit sponte, atque etiam litem erit contestatus. Nemo dubitat, quin recte dicatur iudicio cum eo actum esse, et quod iudicium adversus eum institutum est, esse actionem. Non convenit autem omnino eum dici actum esse, qui sponte fortasse et libens venerit. Demus etiam aliquem invitum trahi in jus. Ne huic quidem tribui potest, ut dicatur agi in jus pro eo quod est, invitum trahi. Ad hoc significandum usi sunt veteres ducendi verbo, non agendi, ac ne agendi quidem verbo recte uti potuerunt. Agimus jumentum aut vehiculum, quæ ante nos promovemus, ut præcedant, non sequamur: unde actus servitus. *L. 1. D. de serv. rust. pr.* Ducimus homines, vel quos manu aut corpore apprehensos ducimus, vel quibus ita viam indicamus, ut vel sequantur præeuntes, vel una nos comitentur. Ad hanc quidem coactionem significandam de qua loquimur, ubique legimus veteres ducendi verbo usos esse, agendi nunquam. Terentius in *Eunuch. act. 4. sc. 6.*

*Si vim faciet, in jus ducito hominem . . .*

Cicero lib. 2. De Orat.

*ut apud Nevium videtur esse misericors ille, qui iudicatum duci videns percunctatur ita: Quanti addictus? mille nummum: si addidisset*

33\*

1) In pr. 1. de act. et probant Baro *ibid.* P. Gregor. 21. *Synt.* 8. n. 2. et A. Fab. 20. *Conject.* 9. p. 110. Id Græculi, inde quia ipsorum simile verbum est, *ἀδύω*, ut Jac. Curt. 1. *Conject. ad Fr.* 15.

2) Et hæc vox forensi modo usurpata, nec ductionem tra-

ctionemve significat, si simpliciter ponatur, ut licere alicui agere; nec si cum adjecto, agere in iudicio, non ad iudicium, agere injuriarum, iudicati etc. Nec omnem vi ducere, in jus necesse, sed resistentem, nec minus actio, si jubens eat, *Gifan. ad L. 28. de O. et A. n. 3.*

*disset tantummodo, ducas licet; esset illud genus ridiculi præter expectationem: sed quia addidit, Nihil addo, ducas licet: addito ambiguo altero genere ridiculi, fuit, ut mihi quidem videtur, salsissimus.* Paulus in L. 2. in fin. D. si ex nox. cau. ag. sed si servus præsens est, et dominus abest, nec quisquam servum defendit; ducendus erit jussu prætoris. Quid interdictum, quo agitur, ut filium qui in potestate nostra est, nobis velut auferre, et domum cogere liceat, nonne de liberis ducendis conceptum est a prætore, non autem de agendis? L. 3. D. de lib. exh. item duc. Unde Ulpianus jus hoc quod patri edicto tribuitur, non actionem vocat, sed ductionem: jus ductionis, non actionis, d. L. 3. in pr. hoc interdictum, inquit, pertinet ad ductionem, ut ducere quis possit eos, in quos habet jus ductionis. Non igitur profecto ab eo, quod reum in jus ducere liceat, actio dicta est: quam hac ratione ductionem dici oportuerat, non actionem. Quid ergo est? Animadverto hæc verba agere cum aliquo, a Latinis, probatisque auctoribus omnibus, præcipue nostris sic usurpari, ut sit tractare cum aliquo de re aliqua, quo ab eo impetremus: petere ab eo et contendere, ut quid præstet, faciat. Exemplorum plena omnia; uno aut altero contentus ero. Cicero de amicitia; cum enim sæpe mecum ageres, Attice, ut de amicitia scriberem aliquid. Id est, cum sæpe mecum tractares de ea re, sæpe a me contenderes, peteres, ut de amicitia scriberem. Idem ad Atticum lib. 5. Is egit mecum accurate multis verbis, ut tibi responderem. Id si usquam, fit maxime in instituendo judicio, et jure nostro persequendo: tractat enim actor cum reo de eo quod illum dare facere oportet, et petit, ut præstet. Unde <sup>3</sup> agere, et actio pro ea tractatione. Quod a veteribus hic intelligi non aliud est argumentum certius, quam quod dicimus non agere aliquem, sed agere cum aliquo, ut aliquoties in §. 1. seq. item quod reus dicitur a veteribus, ut ante ostendi, non is qui agitur; sed is cum quo

agitur, et ut Cicero loquitur, qui cum agitur. In qua oratione non aliud licet intelligere ex adjuncto, quam illam ipsam tractationem et contentionem cum aliquo. At petimus et contendimus quid sæpe ab adversario extra judicium: petimus etiam ab amico, quod ille non debeat. Neque tamen usu juris aut hic agere dicimur aut hic esse actio. L. amplius, D. rem rat. hab. Nempe quia jus hic effectum rei spectat, non nudam petitionem, quæ effectum petitionis jure non habet. Si quis quid petit extra judicium, ejusmodi est, ut nec cogatur actor præstare in ea petitione, et reo petitionem contemnere liceat: quod perinde est jure, quasi petitum non esset. Tunc igitur et tractatur serio, ac res effectum habet, cum agitur judicio: ubi reo defugere impune non licet. Merito igitur tunc primum ab effectu agere dictum, et actio, non ante. Nam nec petere in usu juris dicitur is, qui extra judicium petit; sed solum qui judicio, et litem est contestatus, d. L. amplius rem rat. hab. Sic tamen judicio cœpto agere dictum, ut nihil aliud intelligamus, quam eum qui judicio petit, serio et vere cum adversario de re petita judicio tractare cœpisse; cœpisse cum eo de re, et jure suo experiri, ut quod voluntate non potuit, jure judicioque ab invito teneat. Denique non alia forma verborum dictum est agere cum aliquo privato: quam agere cum populo. Quid est autem agere cum populo? Id A. Gellius sic explicat lib. 13. cap. 14. rogare quid populum, quod suffragiis suis aut jubeat, aut vetet. Hoc vero nihil aliud est, quam de hac ipsa re tractare cum populo, id agentes ut jubeat, aut vetet, idque ipsum ab illo impetremus. Sed quoniam fit rogando, ut fert majestas populi: non exigendo, quod ille non debet: ideo recte dixit A. Gellius id esse, rogare quid populum, quod jubeat, aut vetet. Non alia igitur nec in privatis hujus formulæ significatio est, quam ut cum dicimus agere cum aliquo, intelligamus tractare cum eo de re aliqua, ut impetremus: nec tamen quovis modo tractare

3) De varia vocum *agere*, et *actio*, acceptione, usu juris vid. Ludov. Gomes. in pr. I. h. t. n. 7. qui novem significatus refert, Benincassa in Præf. ad h. t. n. 116. Vult. in pr. I. h. t. n. 13. qui significatione maxime restricta, conditiones venire scribit, latiori vindicationes, quoque; adhuc latiori extraordinarias persecutiones, ex officio judicis; generalissima denique omnes actus legitimos, vid. Val. Guil. Forst. Tract. Justin P. 2. Disp. 1. Th. 1. Etsi vero actio et causa sæpe, ab auctoribus, tum aliis, tum nostris, promiscue sumi videntur; non confundenda tamen, nec idem sunt, ut post Placentin. Vacon. 6. Declar. 89. n. 7. quem refellit L. 14. §. 2. ibi: cum in rem ago non expressa causa, D.

de exc. rei jud. Differuntque, sive causa sumatur pro lite, ac controversia, ut in L. 8. pr. D. Mandati et simil. ) sicuti advocati causas agere dicunt (sive titulum, ex quo agitur, ut d. L. 14 §. 2. Qui et actione sublata, manet; veluti si quod mihi debes ex empto, solveris, actio et obligatio perempta, titulo pro emptore manente. Et ubi actio variatur, quandoque causa eadem, veluti cum de dolo parentis, patronive agitur, non actione concepta de dolo, sed in factum, Dynus ad pr. I. de act. n. 22. et seq. Gomez. ibi n. 24. et Vult. n. 99. Benincassa n. 163. et seqq. Sequi vero dicitur causa, obligationem d. §. 2. scilicet in libelli compositione, quavis ordine naturæ eam præcedat.

ctare, sed efficaciter: quod fit iudicio. Eadem verbi agendi significatio est in iudiciis, et cum per se ponitur sine adjuncto: intelligitur enim agere iudicio; quod eodem reddit. Nam et experiri iudicio dicimus, idque frequentius. Dicitur tamen et absolute experiri, ut intelligatur experiri actione, experiri iudicio: quæ passim legenti in libris nostris occurrent. Cicero pro Cecina: *Quid agas mecum ex iure civili aut prætorio, non habes.* Idem pro Quintio, *Ego experiri non potui.* Hinc ergo tractatio illa cum aliquo, et contentio iure suscepta actio appellata: ut sit actio, si verbi significatio et origo quæritur, jus agendi non aliquem, ut ex sensu Theophili intelligi debuit; sed agendi et tractandi cum aliquo, de ea re videlicet, quam iudicio ab eo tenere et consequi volumus.

*Actio autem nihil aliud est, quam jus persequendi.*

V. Jus, id est, potestas iure tributa, ut in definitione usus fructus, itineris, viæ, actus, et similium. *L. 1. D. de usuf. L. 1. D. de ser. rust. præd.* Quæ significatio non ex proprietate verbi est, quo significatur jus naturale, gentium, aut civile, et omnino quæcunque lex est, quodcunque præceptum, quod recta ratio naturalis, aut civilis inter homines constituit. *L. omnes, D. de jus. et jur.* Sed inest in eo figura usitata, metonymia: qua jus continens accipit contempti significationem: ut sit jus non lex, non ipsum illud quod constitutum est; sed id quod iure continetur, id est, quod iure tribuitur; quod iure cuique licet facere. Inde illa: jus suum persequi, jus suum obtinere, jus suum cuique tribuere, nulli jus suum detrachere. *L. iustitia, D. de jus. et jur. L. 2. D. de his qui sunt sui vel al. jur.* In quibus non intelligimus id, quod quisque legislator constituit, sed quod lege cuique habere conceditur, quod persequi, et de quo certare, ut sibi id tenere liceat. Nec alia, opinor, hujus verbi significatio est, cum dicimus aliquid suo iure agere. Mitio apud Terentium

in Adelph. Act. 1. Sc. 1.

*Do, prætermitto, non necesse habeo omnia Pro meo iure agere . . . . .*

*Pro meo iure*, valet, pro eo quod mihi iure ac lege licet in filiam statuere, pro imperio et potestate, quam patri jus nostrum concedit. Hinc ad nomen juris faciendi verbum addito, ut dicatur jus utendi, jus eundi agendi; potestas et facultas ejus rei significatur lege concessa. Itaque jus persequendi hoc erit, quod dixi, facultas persequendi lege tributa.

VI. Jus per methathesim si quis dici velit, ut sit jus quasi vis et necessitas quæ nos teneat; non improbabilius dicatur fortassis alio loco, ubi jus potestatem quid faciendi non significet. Ut autem hic dicatur, natura actionis, et potestatis omnis iure tributa non sinit. Neque enim actio dici potest vis aut necessitas persequendi, cum unusquisque quod suum est, aut sibi debetur, persequi possit, si vult; si non vult, nulla cuiquam necessitas sit persequendi. *L. 1. C. ut ne ag. vel ac. cog.*

VII. *Persequendi.* Persequi est eo usque sequi, donec assequamur. Translatio a feris fugientibus huic loco convenientissima, cum de reo conveniendo et nostro obtinendo agitur. Nam reus dum solvere et præstare quod petitur, detrectat, fugere videtur. Unde et Græci reum <sup>4</sup> *φευγον* vocant. Sed et rei intentionem de fugiendo efficiunt, ut res quæque ipsæ quas petimus, una nos fugere videantur: quas laboramus obtinere, neque tamen per fugam rei possumus. Fugientes res quibus iustamus, recte dicimur sequi. Quod si eo usque sequimur, donec consequamur, recte persequi dicimur. Id autem fit agendo iudicio. Unde actio recte dicta jus persequendi iudicio. Hinc intelligimus omnem actionem persecutionem esse. Sed docendi causa, quæ species actionum suis quæque nominibus notatæ magis intelligantur, distinguantur, ista in usu juris, ut aliud sit actio, aliud petitio, aliud persecutio. *L. pecuniæ, §. actionis.*  
L.

4) Vid. not. Lib. 17. Comm. civ. C. 4. N. 5. Et hoc quoque verbo exceptiones, quæ proprie actiones non sunt *L. 8. §. 1. de P. S.* excluduntur, quibus rei non petunt, aut persequuntur, sed persecutiones reppellunt. Dyn. in pr. *J. h. t. n. 13.* Gomes. n. 49. Myns. n. 7. Vult. n. 7. 103. Harprecht. n. 11. Gædd. ad d. *L. §. 1. n. 4.* in quo et

differt a bonorum possessione *L. 3. §. 2. de bon. poss.* quæ non tantum in agendo, sed et patiando, cum non minus creditores hereditarii bonorum possessores conveniant, quam debitores, ab illis conveniantur, vid. Hot. in pr. *L. h. t. v. persequendi* Vult. *ibid. n. 105.*



*L. bonorum, D. de Ver. sig.* De quo paulo post plura in verbo, *debetur*.

VIII. *Judicio*. Judicium non male ita definiatur, legitima actio de re controversa inter actorem et reum apud judicem constituta, causæ tractationem inter litigatores, et judicis de ea re tum cognitionem, tum sententiam continens. *Legitima actio*: quia omnis judicii tractatio certo ordine et progressu jure constituto constat, ut partes judicii subiectæ ostendant. Hujus actionis et tractationis partes sunt, judicii constitutio, seu litis contestatio; causæ tractatio et cognitio; tum sententia et pronuntiatio judicis. Prima judicii pars litis contestatio. Unde judicium ceptum dictum, cum lis est contestata. *L. 1. C. de jud. juncta L. lite, D. de Usur.* Hanc sequitur causæ cognitio: posita in his cognoscendis, quæ ad causam pertinentia a litigatoribus acta et probata sunt. Hæc ita est necessaria, ut etiam ipso jure nullius momenti si sententia, quæ lata sit causa non prius judici diligenter cognita. *L. judices, C. de jud. L. ex stipulatione, C. de sent. et int.* Summa pars et præcipua, ex qua et judicium appellatur, est sententia et pronuntiatio judicis, hujus condemnationem aut absolutionem continens: ac tum dicitur res judicata, cum hac pronuntiatione res finem controversiarum accepit. *L. 1. D. de re judic.* Ex hac parte sola, ut dixi, proprie judicium appellatur. Est enim judicare Varroni *lib. 5. de ling. lat.* dicere jus seu quid juris sibi videatur de re aliqua, et quibusdam verbis dicendo rem finire: quod tum facit quisque, cum fert sententiam. In litis autem contestatione, et causæ disceptatione atque cognitione nulla ejusmodi juris et sententiæ dictio est. Sed tamen hic quoque judicii partes esse dicuntur, non tam proprietate verbi, quam rerum istarum cum sententia necessaria conjunctione: quod scilicet jure hæc ita ad vim judicii et sententiæ antecedere debeant, ut sine his nullum judicium sit, nulla sententia: quæ res facit, ut cum in his constat vis sententiæ, eadem quoque hujus vis, proinde et sententiæ efficacis partes sint, a quibus judicium incipere, sic deinde ad sententiam progredi debeat. Judicii adjectio et superior definitio in primis hoc loco notanda. Nam prius nos admonet, quantum cuique tribuatur, ad res suas reposcendas: posterius, quantum judici ad cogendos eos, cum quibus apud eum agitur. Jure civili nihil amplius cuiquam tribuitur ad res repetendas, quam actio. *L. exstat, D. Quod met. cau.* Quod omnia prætorum edicta declarant, qui-

bus illi hoc solum pollicentur se actionem duros. Quare si actio jus est persequendi, sed judicio statim verbo judicis dampnemur, ad res repetendas judicio opus esse, vim privatam prohiberi: nulli denique licere quod suum aut sibi deberi putet, vi et auctoritate sua auferre, sibi que in re sua jus dicere: quod et diligenter constitutionibus provisum est, pœna adversus vim variè constituta, ut *d. L. exstat, D. Quod met. cau. L. si quis in tantam, C. unde vi, §. 1. Inst. de vi bo. rep.* Cum autem judicium esse dixerimus, quod præter sententiam judicis etiam in eo causæ cognitionem diligentem desideret: hoc etiam accidit de potestate judicis, et ratione cogendorum rerum ad solutionem intelligamus negantes debitores a judice armata vi aut alio modo terreri non debere: sed prius convinci oportere, convictos damnari, sic denique damnatos remediis juris ad solutionem urgeri, quod et diserte cautum est in *L. negantes, C. de ob. et act. L. 1. C. de exse. rei jud.*

IX. *Quod sibi debetur*. Ex hoc verbo incidit hæc definitio in reprehensiones vitiosæ definitionis. Nam et quædam actiones videntur hoc verbo non contineri: et rursus, eodem verbo quædam comprehensa, quæ non sunt actiones: ut et illa parte angustior sit definitio: hac latior definitio; vitia duo nota in definiendo. Ac videamus primum, an non multæ sint species, ex quibus persequamur quod nobis non debetur, ut non contineantur debendi verbo: actiones tamen sint. Nam cum duo genera sint actionum; in rem, et in personam: de quo est in *§. sequenti*: primum hoc verbo in universum non continentur actiones in rem: deinde ex actionibus in personam non videntur hæc contineri; popularis, injuriarum, accusatio: quæ tamen et ipsæ sunt et nominantur actiones. De quibus priusquam recte statuatur, cognoscendum est, quid sit debere, et quæ hoc verbo contineantur: sic enim intelligemus, utrum eo verbo contineantur superiores species, necne. Et debere quisque, seu debitor esse intelligitur, a quo invito pecunia exigi potest, sic definitur in *L. debitor, D. de Ver. sig.* Ergo is, qui tenetur necessitate ejus pecuniæ præstandæ: ab eo enim invito solum pecunia exigi potest, qui et necesse habet, quod exigitur, præstare. In nullo porro est hæc necessitas præstationis, nisi in eo qui est alteri obligatus, ut det quid, aut faciat: sic enim definitur obligatio, vinculum juris, quo necessitate adstringimur alicujus rei solvendæ. *Supra de obl. in pr.* Quapropter

pter in quo quis alteri obligatus non est, id alteri debere non intelligitur.

X. Hinc jam judicetur de actione in rem. Et de ea traditum est in §. sequenti. actione in rem agi cum eo, qui nullo jure nobis obligatus est: quod ex superioribus nihil aliud est, quam actione in rem agi cum eo, qui nihil debet. Quid opus est verbis in hac actione, cum diserte traditum sit in *L. scribit, D. de aur. et arg. leg.* quod suum cuiusque sit id ei non deberi? Quod si ita est, non continetur hac definitione actio in rem, definiturque hic tantum in personam actio, quæ sola adversus eum datur, qui nobis debet, qui idem nobis obligatus est vel ex contractu, vel ex maleficio, ut est in *d. §. 1. et L. actionum, D. de ob. et act.* Et hoc alibi posset admitti, et fortasse hoc ipsum sensit Celsus, a quo sumpta est hæc definitio; quæ extat in *L. nihil aliud, D. de ob. et act.* movemurque eo, quod actionis verbo usitate veteres actionem in personam significabant, ut et in eundem titulum *de obl. et act.* relatum est ex Papiniano in *L. actio.* ut dici possit ad eam significationem atque usum veterum, qui præcessit, accomodatam esse sequentem definitionem Celsi. Sed hoc, inquam, illic atque alibi potest admitti: hoc loco non potest, ubi Justinianus instituit agere non de actione in personam tantum, sed de omni genere actionum: ac primo etiam loco agit de actionibus in rem. Esset etiam valde ridiculum, cum genus posuisset actionis in personam, quod definivisset, id mox dividere in actiones in rem, et actiones in personam. Sic res habet, ut nisi hoc loco omnem actionem complexus fuerit definiendo, nihil ejus instituto, nihil huic titulo hæc definitio conveniat. Neque vero debendi verbum refragatur. Etiam hoc verbo continetur in rem actio. Non enim male dixerimus aliquid debere esse ad id præstandum jure teneri: aut id præstandum jure teneri: ita teneri, ut id præstare oporteat? Atqui debet hoc modo, qui convenitur actione in rem. Non debet nobis rem nostram, aut eam de qua alia quavis actione in rem agitur: at debet ejus restitutionem, eamque ipsam hujusmodi actionibus persequimur. *L. officium, L. qui restituere, D. de rei vind.* Est igitur et in rem actio ea, in qua persequimur id quod nobis debetur. Qua ratione recte dictum est in *L. pecuniæ, §. ult. D. de ver. sig.* hoc verbum, *debit*, omnem omnino actionem comprehendere intelligi, sive civilis, sive honoraria, sive fideicommissi fuit persecutio. At negamus actionem in rem dari adversus

eum qui obligatus est. *d. §. 1. inf.* an non igitur simul negamus dari adversus eum qui debet? Proprie negamus. Paulo largius dici potest aliud esse debere quid, aliud ad id obligatum esse. Debet quisquis obligatus est: sed potest debere, et qui non est obligatus, ut in hac in rem actione. Is obligatus dicitur, qui facto aliquo obstringitur vel suo vel alieno ad aliquid præstandum: quod postquam contigit, ejus necessitatem evitare non potest, nisi solvendo, ut est definitio obligationis. Facto suo, veluti contractu, aut maleficio suo. Alieno, veluti si quis negotia ejus gesserit, aut ex ejus cœnaculo quid deiecerit, effuderit. Nullum ejusmodi factum incidit in actionibus in rem, propter quod is qui actione tenetur, obstringatur ei, cui competit actio. Is tenetur hac actione, qui rem cœpit possidere, cujus et habet restituendæ facultatem. At ita cœpisse possidere non est id factum, quo obstringatur possessor, id est, quo ita teneatur, quin possit et sine ulla rei restitutione in perpetuum non teneri. Non enim tenetur, si desierit possidere sine dolo malo. *L. qui petitorio, D. de rei vind.* Quod si postea deprehensus rem possidere conveniatur, teneri quidem incipit; sed propter rem, non ullo suo facto obstringi: magisque est rem hic conveniri, non personam: personam tamen propter rem, quæ a possessore tenetur. *arg. L. Imperatores, D. de publ. de quo in §. seq.* Incipit ergo ad restitutionem rei teneri, eamque debere, qui idem aliquo modo ad eam restitutionem non est obligatus. At enim prius diximus eum qui debet, etiam obligatum esse: quandoquidem non ab alio exigere pecunia potest, quam ab eo qui sit obligatus. Is autem debitor, a quo invito pecunia potest exigere. *d. L. debitor, D. de ver. sig.* Et hoc vere dicitur: sed in eo a quo pecunia, id est pecunia numerata, petitur. Hæc cum petatur in genere, ut nostra peti non potest: ut alienam, sed nobis debitam peti oportet. Hæc vero si petitur et exigitur ab invito, non ex aliis causis deberi potest, quam ex iis, ex quibus obligatio nascitur, eoque nec ab alio exigere, quam ab eo, qui est obligatus. Quod non accidit in actione in rem: quo in genere corpus certum petitur, et id ut nostrum, aut ad jus nostrum pertinens, non autem ut debitum: etsi per consequentiam juris nostri simul etiam corporis restitutio ut nobis debita petitur. Nihil igitur proponitur, cur non ad actiones quoque in rem hæc definitio recte possit referri.

XI. Videamus jam de tribus illis, populari

lari actione, actione injuriarum, item accusatione criminis. Nam duæ priores cum aperte actiones vocentur, neque etiam aliter possint appellari, nemo dubitat, quin sint actiones: accusatio autem criminis etiam actio dicitur, ut *L. qui accusare, C. de ed. et C. quan. civil. act. crim. præ.* Dubites tamen, an ulla earum contineatur superiore definitione, quia in his non videatur quisquam id persequi, quod sibi debeatur. Et de accusatione certum est, ea nos non persequi quod nobis debetur, atque adeo eam hoc verbo removeri. Persequitur enim accusatio omnis solum vindictam criminis: quæ vindicta ad utilitatem Reipublicæ pertinet, non privatorum *L. locatio, §. quod illicite, D. de publican.* Sed nec accusatio quoque actio est, aut dici solet, nisi abusive. Unde titulis maxime distinctas istas species videmus, quorum alii sunt de actionibus, ut hic; de obligationibus et actionibus, ut *D. et C. alii de accusationibus, non autem de actionibus, tum D. tum C. De populari actione, et injuriarum*, quas actiones esse constat, est hoc, cur dubitetur, an videamur his persequi quod debetur: quod popularis dicitur esse ea, quæ jus suum populo tuetur. *L. 1. D. de pop. act.* quasi dicas, quæ quod populo debetur persequitur, non quod nobis privatim. Un-

de quæ habet hanc actionem, dicitur non intelligi esse locupletior. *L. pen. D. eod.* Actio autem injuriarum dicitur in bonis nostris non computari ante, quam litem contestemur. *L. injuriarum, 28. D. de injur.* quo significari videtur ne in hac quidem quidquam ante litem contestatam aut nostrum esse, aut nobis deberi: alioqui in bonis nostris futurum: ut omnia tam nostra, quam nobis debita in bonis numerantur. *L. bonorum, D. de ver. sig.* Sed nihil horum probat in his actionibus actorem non persequi iudicio, quod sibi debeatur.

XII. Popularis actio dicitur jus suum populo tueri, quia summus finis et præcipuus huc spectat. Ut enim hic pecuniaria persecutio privato detur adversus eum, qui publico nocuit: tamen huc spectat actio, ut publica injuria vindicetur, atque hac poena proposita publicæ securitati et utilitati consulatur. Interim petitio ipsa prima, quæ ea actione proponitur, proponitur privato ei, qui agere volet, et privatam pecuniæ persecutionem habet: itaque hactenus de eo est, quod huic actori debetur; et debetur quia jus ita hanc actionem constituit, ut qui occuparet litem contestando, huic pecunia ista<sup>5</sup> præstaretur. Exemplo sit actio, quæ competit eo nomine, quod effusis aut dejectis liber homo

pe-

5) Et ita ex populari actione, poenam totam agenti cedere, non fisco inferri, statuit Gœd. ad *L. 12. pr. de F. S. n. 15. per d. 12. et d. L. 5. §. 5. item per L. 7. et 9. de jurisd. L. 3. pr. de sep. viol. L. ult. de litig.* Et quia alias, ait, definitio latior esset definitio, nec divisiones et exempla illi convenirent. Ac communem dicit Jason in *§. poenales 12. I. de act. n. 39.* referente Wes. in *Par. de jurisd. n. 14.* Qui tamen potius inter fiscum et actorem dividendam sentit, per *L. 25. §. ult. ad SC. Silan.* ut et Cujac. 10. *Obs. ac probat Petr. Theod. Disp. crim. 3. Th. 1. tit. H.* Sed verius puto, nisi privati damnati ratione actor ea experiatur, (quo casu, alia illius conditio, per *L. 42. pr. de proc. L. 3. initio princ. de sep. viol.*) regulariter poenam totam fisco inferri, per *d. L. 3. §. 5. de sep. viol.* quam cum Gœddeo *d. loc. n. 37.* de criminali accusatione exaudire, series præcedentium et sequentium non permittit. Item, per *L. 3. pr. de Term. moto verbis: in publico dari.* Quorum expositio: id est, ex populari actione solvi, ut tamen exactio sit privata, ut Gœdd. *d. loc. n. 16.* nimis a claro et aperto sensu verborum, aliena apparet. Nec obstat quod et in *d. L. 3. pr. de term. mo. et in 3. de sep. viol.* actio dicitur ei dari, quicumque agere volet. Ergo poena cedit agendi. Neganda enim consecutio. Nam et accusare, ex lege Julia ambitus, ex. gr. cuius poena pecuniaria, cuius licet, non ideo tamen ad accusatoris commodum. Quin et hæc ipsa causa, cur procurator in popularibus, pro actore arceatur, ut *Lib. 18. Commentar. Civil. C. 10. n. 5.* Denique *d. L. pen. §. 1. de pop. act.* satis clare hoc convincit. Nimirum durum, tum generalitatem verborum, qui habet has actiones ad tempus, quod iudicium acceptum præcessit, restringere. Quin ut verbi habere, potissimum accipi debet, tempore post litem contestatam. Antea enim cum, fatente hic Donello nostro ab alio præveniri possit, cum nec jure domini, quia actio hæc est populi totius non singulorum, nec sine interpellatione obtineat, vere habere dici nequit *L. habere 87. de F. S. L. 164. §. ult. eod.* non magis, quam quicum-

que alius: Sed nec apta ulla dubitandi ratio si, ut Donellus vult, accipiat. Ad *d. L. 12. de F. S. Resp. dici* Creditoris loco, non quod emolumentum, ad ipsum pertineat, sed quia iudicium accipiendo, quasi contraxit *L. 13. §. 11. de pecul.* et sic novatione facta obligationem, quæ prius universi populi potius, quam singulorum, in se transtulit; Subtilitate tamen juris, magis quam utilitate. Eodem modo, quo procurator, lite contestata, dominus litis efficitur: *Lib. 18. Civil. Commentarior. Cap. 12. n. 25.* atque ita creditor, quia sit novatio *L. ult. C. de us. rei jud.* Locupletior tamen, ideo dici nequit, cum quicquid ex lite consequitur, ad dominum mandantem redeat *L. 46. §. 4. de Procur. Ad d. L. 5. §. 5. resp.* Loquitur de damno pecuniario, *ibid. in fin.* Itaque de intentata ratione privati interesse, quo casu et ad heredes transit, si et eorum intersit, et poena actori applicatur, ceu damni pensatio. Ast si alius, quam cuius interest, velit experiri, heredibus jure hereditario non competit, ut diserte additur *ibidem.* Intellige: nec lite contestata; quia verba generalia, et quia veluti procurator populi est, sic agens. Is autem ad heredes ceptam litem non transfert, *Lib. 18. Civil. Commentarior. Cap. 17. N. 12.* Ad *L. 3. pr. de sep. viol. resp.* ex ante dictis peti potest d. vero *L. 7. et L. 9. de Jurisd. n. 12.* nihil definiunt de hoc, in neutram partem. Ad *d. L. ult. de litig. resp.* nec de populari actione esse, nec de persequente publicum interesse, sed snum. Solius enim agentis, ibi interest, rem litigiosam non dedicare etc. Et ratio subjecta, in popularibus actionibus locum non habet. Ad *d. L. 25. §. ult. ad Silan.* respondet ipse Gœddeus *d. loc. n. 18.* speciale, in ea actione, de qua ibi, eoque ipso argui regulam contrariam. Recte hoc: at animadvertere debuit, hoc ipso magis, suam sententiam convelli. Si namque eo casu, ubi peculiari præmio, ad agendum invitare voluit prætor, ut illic tantum dimidia datur actori, pro opera multa in difficili inquisitione impendenda, utique aliis casibus, ubi hæc præmii et ratio et pollicitatio prætoris cessat, integra eidem tribuenda non est. Denique non obstat, quod sic definitio

perisse dicetur. Hæc in quinquaginta aureos proponitur a prætore *L. D. de his qui de-jacer. vel effuder.* Eadem pœnalis et popularis esse dicitur in *L. 5. §. hæc autem, D. eod.* Cur popularis, cum privatæ pecuniæ persecutionem contineat, quæ pecunia actori præstetur? quia verè hujus actionis finis hic est, ut metu pœnæ prospiciatur securitati viarum: quæ ratio illius edicti redditur in *L. 1. §. 1. D. eod.* Et tamen nemo non videt hanc ipsam persecutionem quinquaginta aureorum privato dari, et ejus pecuniæ nomine quam idem actor sibi exigit, non populo, et exigit, ut debitam: quoniam aliter ab invito exigi non posset. *d. L. debitor, D. de verb. signi.* Cur ergo dicitur qui hanc actionem habet, non esse locupletior? *d. L. pen. de pop. act.* Quia hoc de eo dictum est, qui litem nondum est contestatus. Ante litem ex hac actione contestatam qui hanc actionem habet, non est locupletior; post litem contestatam locupletior est, et incipit esse creditor, qui prius non fuerat, ut significatur in *L. si cui, D. de ver. sig.* quippe judicio contrahitur. *L. 3. §. idem scribit, D. de pecu.* At enim ut probetur actionem hanc aliquando non esse de eo quod debetur, satis est dici saltem ante litem contestatam hanc actionem haberi, et tamen qui eam habeat non esse locupletio-rem. Nam si non est locupletior, utique nihil ei debetur. Erit igitur tum actio popularis, quam etiam dicamus haberi ab eo qui nondum ea egerit: et tamen non erit jus persequendi judicio, quod illi debeatur. Ego puto eum qui hanc actionem habeat ante litem contestatam, ideo dici per id tempus non intelligi locupletio-rem, non quia non possit esse revera: sed quia nondum intelligatur; verum pendeat ex eventu, an lis contestetur postea, an non contestetur. Si lis contestata non sit, retro versus perinde habetur, quasi nunquam actio competiisset, ut vere dicturi simus uti actio non fuit, sic nec quidquam debitum fuisse. Multa autem possunt accidere, ne qui hanc habere putabatur, litem contestetur: vel quia noluit, vel quia exstitit is, cujus magis interesset, vel is qui magis esset idoneus ad agendum (hi namque præferri solent. *L. 2. L. 3. D. de pop. act.*) vel quia morte præventus cum

Tom. VI.

vellet agere, non potuit. At si litem fuerit contestatus, qui hanc actionem habuit: hic contra eveniet, ut retro versus dici possit non solum actionem ante habuisse, sed etiam fuisse in ea, quod ei deberetur, quod tamen ex eventu postea cœperit intelligi. Et certe frustra institueretur actio de ea pecunia quæ petitur, nisi peteretur ut debita, ac de ea ut debita actio competeret. Non enim post litem contestatam nasci oportet jus persequendi, ut recte agatur, sed ante. Alioqui intentio non procedat. Conditio actionis impleta locum petitioni facit: non ex petitione impletio hujus conditionis nascitur. *L. nuda, C. de cond. stip.* Planeque hic idem accidit, quod in re legata priusquam de agnitione aut repudiatione legatarii constiterit. Dum hoc pendet, non potest intelligi, an res sit legatarii: ac de eo affirmari nihil potest: neque converso. *L. quædam, D. de reb. dub.* Nempe ideo, quia potest repudiare: quod si facit, pro eo erit quasi nec esset legatum. *L. legatarius, §. 1. de leg. 1.* At si agnovit legatum; jam ejus res fuisse intelligitur, non ex quo agnovit, sed retro versus ex quo adita est hereditas. *L. servum filii, L. si tibi homo, §. cum servus, D. de leg. 1.*

XIII. Idem de actione injuriarum licet dicere. Hæc ante litem contestatam non computatur in bonis, ut est in *d. L. injuriarum, 28. de injur.* scilicet quia si quis de ea litem non contestatur, et ita decedit, perinde est, quasi nulla fuisset actio; quæ nec illi profuit vivo, nec prodest heredibus, ad quos non transmittitur. *L. heredi, 13. D. de injur.* At si injuriarum agat, et litem fuerit contestatus; jam ita fit actio actoris propria, et de eo quod vere dicatur ei deberi, ut ex eodem eventu intelligatur retro quoque fuisse in ejus bonis, et fuisse jus persequendi judicio, quod agenti deberetur. Non ergo ante dicitur computari in ejus bonis; non quia non possit esse si quis consideret id quod natura certum est: sed quia non potest a nobis hoc intelligi, prius quam litem sit contestatus: multa autem incidere possunt, ne contestetur. Sunt ergo hæ actiones, id est, et in rem, et popularis, et injuriarum, omnes ut verbo debendi, ita hac definitione ex eo verbo comprehensæ; nihil ut

hac

actionis populari non congruat. Nam imo congruit æque, ut alii, quæ per procuratorem exercetur. Persequitur hic agens pœnam populo debitam, facto rei laso, cujusque interest, eam fisco persolvi. Ipse vero actor, non suo nomine agit, nec ut Titius, Caius, (quia nec ex contractu suo, hæc ipsi

actio, nec ex delicto adversarii, qui non magis ipsum, quam alium quemvis læsit) sed quasi unus ex populo *L. 42. §. 2. de proc. mandatum habens a lege, sicuti tutores, curatores, etc.*



hac parte desit definitioni, etsi actionis verbo generaliter omnem persecutionem hic intelligamus. Quod ideo hic tenendum esse dicimus, quia aliter non conveniat actionis verbum, quod hic definitur, aut partitioni juris initio a Justiniano propositæ, aut subiectæ hoc loco actionum divisioni, et tractationi.

XIV. Sed ex hac interpretatione incidimus in alterum incommodum priori contrarium, ut quoniam verbum debendi generaliter hic accipimus, et definitionem de omni persecutione; videatur plus contineri his verbis et definitione, quam definito. Quædam enim videntur esse persecutiones ejus, quod nobis debetur, quæ tamen non sint actiones: cujus generis persecutio eorum, quæ debentur officio judicis; item restitutiones in integrum: nam de interdictis et stipulationibus prætoriiis, ut his petimus aliquid quod debeatur: ita et hæc actionis verbo contineri scriptum est in *L. actionis, D. de ob. et ac.* Quid, quod actiones in rem, item persecutiones extraordinariæ distinguuntur ab actionibus, ut species diversæ? De quibus item dicam paucis, quantum necesse sit ad definitionis et rei propositæ explicationem. Aut igitur in his omnibus nihil debetur, aut si quid debetur ac persequendi jus est, simul quoque et in his actio est. Ex his quæ consequimur officio judicis, sunt exempli gratia usuræ: hæc in bonæ fidei contractibus ex mora accedunt, et præstantur officio judicis. *L. qui per collusionem, §. 1. D. de act. em. L. quero, D. loc.* Atque hæc etiam dicuntur ex mora deberi. *L. mora, §. 1. D. de usur. L. initio, C. de pac. int. em. et ven. com.* Negantur tamen peti posse. *d. L. qui per collusionem, §. 1. de act. em.* quo ipso negatur de his esse actionem: quoniam nulla actio sine petitione. Non ergo, dicat aliquis, jus omne persequendi iudicio, quod nobis debetur, est actio. Immo aut hæc usuræ non debentur, aut quatenus debentur, de his petitio est et actio. Dicuntur deberi, sed dicuntur cum adjuncto, ut præstentur officio judicis. Cujus tandem judicis? nempe qui aditus erit de usuris, et a quo hæc quoque petitæ erunt: nam ne in iudiciis quidem bonæ fidei ultra id quod in iudicium deductum est, excedere potestas judicis potest. *L. ut fundus, D. com. divi.* Est igitur et de his petitio: proinde et actio. Et vero actio: non tamen qua per se peti possint, et principaliter, sed actio de sorte ipsa, circa cujus executionem etiam Usurarum ratio habetur officio judicis, ut de simili accessio-

ne quæ præstantur officio judicis, scriptum est in *L. centum, D. de eo quod cer. loc.* Ita actio est et de usuris, sed quæ de sorte instituta inducat per consequentiam etiam usurarum præstationem. Sortis vero actione sublata etiam usurarum petitio tollitur. *L. 4. C. depôs.* Et hoc tempus est, quo dicuntur hæc usuræ peti non posse. in *d. L. qui per. §. 1. de act. em. non possunt*, inquit Hermogenianus, *usuræ peti; pretii sorte licet post moram soluta*; quippe hac soluta tollitur de sorte actio: quæ sublata nec accessioni locus est. *d. L. centum*, in fin. *L. ult. in pr. D. de eo quod cer. lo.* et ut est in *d. L. 4. C. dep.* non hic duæ sunt actiones, una sortis, alia usurarum: sed una sortis cum suis accessionibus: qua sublata, nulla amplius nec de accessione petitio superest. Faciamus ergo actionem de sorte sublatam esse: ne usuræ quidem istæ, aut alia accessio debebitur amplius. *d. L. ult. D. de eo quod cer. lo.* Faciamus de sorte recte actum: tum quidem vere dicetur usuras deberi et accedere officio judicis: sed et de his quoque erit actio: nempe illa ipsa quæ de sorte instituta est, cui etiam usurarum præstatio accedit vi et potestate judicii bonæ fidei.

XV. Restitutiones in integrum ejusmodi sunt, ut quidquid est, in quo petimus restitutionem, sit adhuc in eo, quod nobis videatur deberi. Nemo enim videtur re exclusus, quem prætor in integrum se restitutum pollicetur. *L. nemo, D. de in int. rest.* At de restitutionibus ita scribit Paulus in *L. quod si minor, §. ult. D. de min.* quasi harum persecutio actionem non habeat. Nam de restitutione minorum loquens: *ex hoc edicto*, inquit, *nulla propria actio vel cautio proficiscitur: totum enim hoc pendet ex prætoris cognitione.* Sed si in restitutionibus beneficium prætoris facit, ut sic etiam debeatur adhuc, quod summo jure amissum erat: facit idem beneficium, ut et peti possit. In quo est petitio restitutionis proposita a prætore. Neque hæc petitio aliud est, quam actio, qua cum eo agitur, adversus quem nos restitui postulamus. Itaque et hæc ipsa cognitio de in integrum restitutione minoris, actio nominatur in *L. non solum, §. est et casus, D. de proc.* putaturque pertinere ad illa verba edicti de procuratoribus. Cujus nomine quis actionem dari sibi postulat, et quæ sequuntur in *L. servum, §. ait, D. de proc.* Et quod ait Paulus ex edicto de minoribus nullam esse propriam actionem, hoc ipsum confirmat. Propriam actionem esse negat; significans actionem esse, sed



sed non propriam, id est, unam et certam, quæ omnibus minoribus restitutionibus conveniat. Variæ enim causæ petendæ hujus restitutionis: varia, ad quæ restitutio postulatur. Totum igitur hoc pendet ex prætoris cognitione, ut æstimet quid, qua de causa postuletur, ut ad petitionem accommodetur beneficium restitutionis. Quod reliquum est, distinguuntur in usu juris species persecutionum ita, ut actio dicatur solum quæ in personam est, petitio, quæ in rem; persecutio, quæ extraordinaria persecutio est. *L. pecuniæ, §. actionis, D. de ver. sig. L. actio, D. de ob. et act.*

XVI. Sed non eo minus verum est etiam actionis verbum generale esse, dicique actionem omnem sive in personam, sive in rem sit petitio, ut adjicitur in *d. L. pecuniæ, §. actionis, D. de ver. sig.* quomodo et nunc actionem Justinianus usurpat. Quam recte ergo distinguuntur? Non sane vi et significatione verborum, quæ omnia per se idem valent, ut quacunque de re cum alio jure iudicioque agamus, in eo et actio, et petitio, et persecutio recte dicatur. Actio, quod nulla omnino petitio aut persecutio esse po-

Tom. VI.

test licet in rem, in qua non cum aliquo de re aliqua agatur, ut est in *§. seq.* Petitio, quod in omni actione est aliquid quod petamus ab adversario. Persecutio, quod nihil aliud est agere et petere iudicio, quam rem iudicio persequi. Et ita actionis verbum esse, diserte scriptum est in *d. L. pecuniæ, §. actionis*; petitionis autem sic usurpatur in *L. exstat, D. quod met. caus.* sic persecutionis in hac definitione, ubi actio dicitur jus persequendi. Sed in his distinguendis, ut et in aliis innumeris, quæ significatione non multum differebant, commoditas docendi spectata est a veteribus: scilicet ut cum plures essent species actionum, quas commodum esset ut re distinctæ sunt, ita singulas propriis nominibus notari, quoniam verborum confusionem etiam rerum confusio sequi solet: ideo distinguerentur nomina hæc quoque, et actio in personam, petitio in rem, persecutio extraordinaria diceretur. Id factum esse hac ipsa ratione Justinianus docet in verbis iniusti, rupti, et irriti testamenti, in *§. alio autem, Inst. quib. mo. test. inf.* quod in una specie dictum pertinet ad omnes similes.

34\*

Omnium



## Omnium autem.

## §. I.

*Summa hujus tituli, ordo atque usus. I.*  
*Actionum divisio in rem et in personam docet, cui, et adversus quem detur actio. II.*

*Actionum divisio in rem et in personam a causa efficiente ducta, non aliunde. III.*

*Judex quis, et quis arbiter; et qui arbitri hic designentur. IV.*

*Summa divisio quid: et quid summum, ac primum. V.*

*Actio in rem non est in personam, ut in personam hic accipitur. VI.*

*Simplicibus in dividendo an contineatur mixtum. VII.*

*Mixtas actiones tam in rem, quam in personam nullas esse. VIII.*

*In rem scripta actio, pactio, lex, quid sit. IX.*

*In rem hic quid significet. X.*

*In rem actio cur dicatur adversus rem. XI.*

*In personam cur dicta, cum omnes actiones sint adversus aliquem. XII.*

*In personam actio, quid. XIII.*

*Ad exhibendum actio in rem, non in personam, et quo sensu dicatur ab Ulpiano esse personalis. XIV.*

*Modus agendi in actione in personam, intentione unus: pro negotiorum qualitate infiniti. XV.*

*In rem actionis causæ duæ. XVI.*

*In rem actio soli domino competit, sed civilis. XVII.*

*De incorporalibus in rem actio et vindictio. XVIII.*

*L. vindictio, D. de rei vind. explicatur. XIX.*

*In rem actio adversus possessorem. XX.*

*Possessor quis habendus in actione in rem, ut sit adversus eum actio. XXI.*

*In rem actionem possessio parit adversario, quid sit. XXII.*

*In rem actio cur non adversus eum qui sit obligatus; sit tamen adversus eum, qui tenetur actione. XXIII.*

*Petitio actionis in rem, et in ea officium judicis. XXIV.*

*Possessor in lite contestanda an, et quando necesse habeat se contra dominum dicere; et an sit utile. XXV.*

Omnium autem actionum, quibus inter aliquos apud judices arbitrosve de quacunque re quaeritur, summa divisio in duo genera diducitur: aut enim in rem sunt, aut in personam. Namque agit unusquisque, aut cum eo, qui ei obligatus est, vel ex contractu, vel ex maleficio: quo casu proditæ sunt actiones in personam, per quas intendit adversarium ei dare aut facere oportere, et aliis quibusdam modis. Aut cum eo agit, qui nullo jure ei obligatus est, movet tamen alicui de aliqua re controversiam: quo casu proditæ actiones in rem sunt: veluti si rem corporalem possideat quis, quam Titius suam esse affirmet, possessor autem dominum ejus se esse dicat. Nam si Titius suam esse intendat: in rem actio est.

I. **C**ONSTAT hic titulus maxime certis divisionibus actionum: quas priusquam attingimus, utile erit initio summam tituli complecti, et videre, quid in his divisionibus et toto titulo agatur. Sic enim facilius cognosci poterunt singulæ tituli partes, item-

que earum usus, cognita ea re summa ad quam velut extruendam referuntur: et simul intelligi, quem fructum ex ipso titulo capere possimus: quorum alterum docilitas legentis sequetur, alterum attentio. Accommodata est tractatio omnis ad id, quod in hac parte quaer-

quæritur. Quoniam igitur partitio juris, quam supra posuimus, sic actiones statuit, ut intelligatur in his ea ratio, qua jus nostrum, quod prius constitutum erat, persequamur, et persequamur iudicio: ad hanc persecutionem instituendam res postulabat, ut intelligeretur quam recte institueretur quævis actio, ne frustra experiremur: tum quid quantumque sperare deberet quisque ex ea actione, quam haberet: ut hinc posset etiam existimare apud se, num sibi expediret ea actione experiri. Utroque communiter fit, ut sciat quisque an possit agere, et quatenus: posteriore etiam, an expediat. Et utrumque horum præstat hic titulus, quæ et totidem capita tituli esse animadverto, in quibus explicandis versatur: duo hæc, inquam, unum, quæ sit recta institutio actionis, seu quibus rebus opus sit ad actionem recte instituendam: alterum, quantum liceat ex unaquaque expectare. Horum utrumque explicatur hoc titulo hoc modo atque ordine. Ut quis recte agat, quatuor his in rebus positum est; ut ei competat actio; ut in eum, cum quo agitur; ut petat, quod oportet; ut petat quantum oportet. Nam et ab eo cui non est actio jure prodita, et adversus eum in quem non est prodita, frustra agitur: et cum omni actione peti aliquid necesse sit, quod debeat; jure petere quod non debetur, nec ultra quam debetur, cuiquam licet. Ad hæc explicanda quatuor divisiones primæ hoc titulo comparatæ sunt, et his adiuncta tractatio de plus petitionibus. *Prima* divisio est in hoc §. *omnium*. protenditurque ad §. *sequens illa*. Hæc docet, cui et adversus quem omnis competat actio, et in genere quid petat. *Secunda* est in d. §. *sequens*. Ea docet explicatius, quid petatur quaque actione: ex quo intelligitur etiam, quandiu quæque actio competat, ut ibi dicitur. *Tertia* proponitur in §. *omnes autem*. Ea ostendit, quantum quaque actione recte petatur. *Quarta* est in §. *actionum autem*. Hæc ex natura actionis cuiusque docet eadem illa, quæ iam dixi: nempe quid quantumque pro natura iudicii petamus et consequamur officio iudicis: plus enim consequimur actione bonæ fidei et arbitraria; minus actione stricti iuris. Ex his nascitur

quæstio, quid fiat, si is qui agit, plus, minusve, aut aliud petat, quam illum oportet petere. Ex quo illa tractatio de his petitionibus, superioribus divisionibus subiecta, quæ hunc locum explicat in §. *si quis agens*. usque ad §. *sunt præterea*. et in his quæ pœna sit, aut non sit, docet. His expositis attextitur *quinta et postrema* divisio (tot enim sunt summæ hujus tituli de actionibus divisiones, ut suis locis ostendetur) divisio illud secundum explicans, quod supra posui, quid ex quaque actione sperare debeamus. Ea est in d. §. *sunt præterea*. et deinceps: qua docemur quasdam actiones esse, quibus idipsum quod debetur et petimus, solidum consequamur; quasdam, quibus non semper solidum.

II. Venio ad *primam* divisionem, quæ hoc §. traditur: quæ cum doceat, quis cum quo recte agat, merito hanc primam Justinianus posuit: prius enim esse oportet, adversus quem consistamus iudicio, quam quidquam ab eo iudicio consequamur. Et quoniam magnus atque evidens divisionis usus est, si id ostendit, quod dixi, neque statim ex verbis divisionis id perspicitur: recte fiet, si id statim ab initio statuamus. Id vero aperte ostendit divisio propositis his causis, propter quas adversus aliquem agere possumus. Docet autem in summa duas has omnino causas esse: unam, si quis nobis sit obligatus; alteram, si possideat quod nostrum sit. Quæ adversus obligatum est actio, in personam: quæ adversus possessorem de re nostra, in rem dicitur: quæ duo genera sunt hujus divisionis. Ut jam si quæritur, quæ causæ dent nobis actionem adversus aliquem, recte dici possit, in re debita esse adversarii obligationem, qua nobis tenetur: in re nostra esse a nobis jus nostrum, ab eo cum quo agitur possessionem: de quibus mox plura.

III. Itaque rectissime sentiunt, qui hanc divisionem ex causa efficiente ductam esse volunt: apparet enim ex præcedentibus. Non recte vero qui hac divisione explicari putant substantiam actionis. Rogati enim quid sit actio, in qua quæstione de substantia rei quæritur, respondebimus esse jus persequendi, ut est definitio. Rogati autem qualis sit, et cujus generis (in quo quia de accidente quæ-

1) Diss. Wes. in *Par. h. t. n. 11.* volens ductam esse a materia, circa quam Vult. in §. 1. *I. h. t. n. 2.* divisionem a causa materiali, reliquis priorem esse; quia non causa efficiens, sed materia ingreditur substantiam rei, et Myns. *ibid.* n. 8. Harprech. n. 2. Certe ab efficiente ductam, vix probabile est. Neque enim in personam dicitur, quod ex obligatio-

ne factore personæ; neque in rem, quod ex dominio, possessione rei: sed, ut ipse Donellus quod illa contra personam, hæc contra rem. Non igitur persona, et res hic ut causa efficiens considerari possunt, sed nec ut materia, circa quam, seu objectum: verum, ut subjectum recipiens.

quæritur, perspicuum est de substantia non quæri, quoniam hæc toto genere differunt substantia et accidens) duarum alterum, aut in rem esse respondebimus, aut in personam. Ne ad finem quidem actionis hæc divisio pertinet: finis enim hic est, ut consequamur quod petimus, sive nostrum, sive debitum nobis: minime autem ut personam conveniamus, aut rem. In quo tamen hæc divisio versatur. Hoc enim efficit divisio, ut norimus, ubi personam certam sequamur, ubi rem ipsam quæ petitur. Illud tolerabile non est, quod quidam scripserunt, a materia sumptam divisionem, quia scilicet omnis actio circa personas versetur, aut circa res. Erramus enim valde, si putamus actionem in rem dici, quia in ea res petatur; in personam, quia petatur persona. Una omnium actionum materia est, res quæ petitur, sive in personam agatur, sive in rem. Et si quando accidit, ut petatur servus; non tamen ut persona petitur; sed ut res vel nostra vel nobis debita: et tam actione in rem peti potest, si noster est, quam actione in personam, si debetur. Sed cur ita vocentur, paulo post suo loco dicemus.

IV. *Quibus inter aliquos apud iudices.* Hæc verba declarant iudicium tribus personis constare: actore, et eo cum quo agitur, id est, reo: *L. 3. D. de jur. qui litigatores sunt*, inter quos res agi dicitur: item iudice apud quem res agitur, qui ejus causæ iudex et disceptator est. *Apud iudices arbitrosve.* Iudex ab arbitro hoc distat. Iudex est, qui ita judicat, ut in ea re munere publico fungatur. *L. ult. §. judicandi, D. de mun. et hon.* Unde et notionem habere dicitur, id est potestatem cognoscendi jure constitutam. *L. ait, D. de re jud.* Arbitrator autem est iudex quidem et ipse, ut significatur in *L. pen. D. de jud.* sed iudex voluntarius, id est, qui ex consensu litigatorum sumptus inter eos partes iudicis suscepit. *L. Pomponius, §. recepisse, D. de recep. ar.* Is non appellatur iudex proprie, quæ ratio est eos hic distinguendi; quia iudicis est judicare: conjugata enim iudex et judicare. Est autem judicare jus dicere, Varroni *lib. 5. de ling. lat.* id est, dicere quod vere ius est: quod est proprium officium iudicis: ab eo enim exigitur, ne aliter iudicet, quam legibus aut constitutionibus, aut moribus proditum est: *tit. de off. jud. in princ. inf.* At arbitrator ita iudicat, ut magis arbitretur, id est, in sententia id dicat pro officio, non utique quod ius est, quasi aliud ratum non sit; sed quod sibi æquum videtur, ut ratum sit, sive æ-

quum dixerit, sive iniquum. *L. qualem, in princ. D. de recep. L. societatem, 76. §. ult. D. pro soc.* Non eo minus tamen recte coniunguntur hi cum iudicibus hoc loco, cum de actione instituenda, id est, ea persecutione, quæ iudicio fit, agitur. Nam ut arbitri iudices sunt, ut dixi; sic apud eos et persecutio, et iudicium: et quidem ita, ut quanvis in dissimili potestate iudicandi, eadem tamen forma sit et ratio iudicii exercendi. Hic eodem modo actio instituenda; nec aliter eorum arbitrium ratum est, quam si ordine iudiciario, id est, causa more iudiciorum agitata et cognita ad sententiam ferendam processerint. Adque est, quod dicitur compromissum ad similitudinem iudiciorum redigi. *L. 1. D. de recep. compromissum* id est, arbitrium, cum ex compromisso itur ad arbitrum. *d. L. societatem, §. ult. pro soc.* Quod si vere dicitur in arbitris, qui proprie ita appellantur, nec funguntur publico munere iudicandi: multo magis pertinet ad eos iudices, qui cum vere sint iudices fungentes publico munere, dicuntur etiam in usu iuris arbitri: quo verbo ut plurimum appellari solent iudices, qui ex bonæ fidei iudicio cognoscunt: propter liberam iudicandi potestatem pene per omnia cum arbitris communem. Unde et iudicium ipsum arbitrium *L. ad officium, C. com. divi. L. ut fundus, D. com. d. L. pro socio, D. pro soc. L. arbitrium, L. ult. D. fa. er.* Sed cum locus utrumque ferat, plenius est arbitrorum verbo priores hic accipi: sed et rectius: nam alioqui non satis commodè distinguerentur arbitri a iudicibus, cum posteriores isti maxime sint iudices, et dicantur: ut *d. L. ut fundus, com. divi. d. L. arbitrium, fa. er.* Scio coniungi ista interdum iudicem arbitrumve, ubi tamen arbitri verbo iudex datus intelligatur: ut in *L. lex Julia, D. de leg. Jul. rep. L. a Divo*, in *pr. D. de re jud.* Sed id tum fit, cum ex adiuncto intelligitur non alium iudicem arbitri verbo posse accipi: quod fit in *d. L. lex Julia*, ubi ita scriptum est, lege Julia de repetundis præcipi, ne quis ob iudicem arbitrumve dandum, mutandum, iubendumve ut iudicet: quæ adiuncta nisi in iudicem a magistratu datum non cadunt: quoniam ex compromisso sumpti, nec dantur, nec mutantur a magistratu. Idem intelligitur, cum nominatur arbitrator, quem magistratus dedit. *d. L. a Divo, de re jud.* Hoc autem loco nulla res cogit significationem iudicis et arbitri in angustum adducere, et negligere commoditatem distinctionis, ut cum prius no-

nominaati sint iudices generali vocabulo, sub-  
liciantur adhuc illi divisim, qui nihilominus  
iudices sint. Recta est interpretatio, quæ in  
ambiguis non quærit, quid usquam signifi-  
cetur verbo, sed prudentiam adhibet, et vi-  
det, quid ei loco, in quo versatur, maxime  
conveniat: cum in ambiguo sermone non  
utrumque dicat, qui loquitur, sed id dum-  
taxat, quod vult, ut bene scripsit Paulus  
in *L. 3. D. de reb. dub. De quacunque re*.  
Sive corporalis erit, sive incorporalis: et si-  
ve nostra erit, sive nobis tantum debetur:  
hæc enim postea genera rerum in actionibus  
distinguantur, quia ad genus actionis sæpe  
multum intersit, quo de genere earum rerum  
agatur.

V. *Summa divisio*. Summa divisio sæpe  
nominatur a nostris ea, quæ inter multas  
prima ponitur. Ut summa divisio personarum  
*tit. de jur. per. sup. L. 3. D. de stat. ho.*  
summa divisio rerum in *L. 1. D. de rer. di.*  
summa divisio actionum hoc loco. Et hoc  
vident omnes: ratio nominis non item nota  
omnibus: de qua nonnihil dicendum est: cum  
potius videri possit verbi significatio repu-  
gnare. Nam summum Latini solent appella-  
re, quod est ultimum et postremum: quo  
ex usu summum opposuit primo Horatius  
*epist. 1. lib. 1. his verbis*:

*Prima dicte mihi, summa dicende  
camæna.*

Et certe scimus summa esse, quæ sunt in  
supremo loco: qui locus in extruendo et con-  
scendendo solet esse postremus. An ergo sum-  
ma intelligitur brevis, ut solemus summam  
dicere in numeris; ex quo summæ rerum,  
et summam dicere, cum significamus mul-  
ta in unam summam colligi, et dici brevi-  
ter? Sed sunt aliæ divisiones ejusdem gene-  
ris tum mediæ, tum postremæ non minus  
breves interdum etiam breviores. Quid ergo  
est? Et ut est relatio ad res alias, ita varia-  
tur summi significatio; recte ut alias dicatur  
summum, quod est extremum; alias sum-  
mum non id quod primo loco ponimus, sed  
quod primum locum tenere debeat. Interdum  
enim summum ad ordinem et progressum  
collocationis refertur: interdum ad rei et lo-  
ci dignitatem. Ordinem collocationis cum spe-  
ctamus, recte summum dicitur, quod est  
extremum: quoniam quæ in extruendo sum-  
ma sunt, tempore et progressu collocationis  
sunt extrema: extremo enim loco imponun-  
tur. At cum dignitatem rei inspicimus, pri-  
mo quidem summum dicitur, quod in sum-

mo et maxime omnium edito loco collocatur  
propter præstantiam. Sed quoniam quæ eius-  
modi sunt summa, eadem et ordine prima  
facimus propter dignitatem: eo fit, ut digni-  
tatis habita ratione summum dicatur, quod  
est primum, et vice versa primum, quod  
intelligi volumus summum: quia ejusdem di-  
gnitatis est et præstantiæ, ut qui propter  
hanc statuitur summo loco, idem ordine pro-  
cedendi anteeat cæteros. Unde in hominibus  
eos qui dignitate et gradu antecellunt, vo-  
camus summos ex loco; atque eosdem ab or-  
dine vocamus primos, non ut aliud intelli-  
gamus summorum appellatione, quam pri-  
mos; nec appellatione primorum quam sum-  
mos. Sic Guatho loquitur apud Terent.

In Eun. Act. 2. sc. 2.

*Est genus hominum, qui esse primos se  
omnium rerum volunt.*

*primos*, id est, summos. Qua ratione sum-  
ma opponuntur imis, id est, prima postre-  
mis. Unde et quæ sunt prima, dicantur esse  
supra, quæ autem sequuntur, infra: illa su-  
periora, quæ priore loco præcesserunt; hæc  
inferiora, quæ sequuntur. Plane isto sensu  
dicantur in his omnibus quæ proposuimus,  
summæ divisiones, quæ non scriptura sunt  
primæ, sed dignitate et gradu primæ, ut  
et ordine præcedere debeant, ut sint hæc su-  
pra alias, cæteræ infra; ut quæ ex prioribus  
his pendeant. Denique summæ, quæ summo  
et maxime conspicuo loco poni debent; id  
est, primo. Is est enim, qui legentibus sta-  
tim occurrit, et ab omnibus maxime conspi-  
citur. Atque huius generis est ea divisio,  
quæ hic proponitur. Docet enim, id quod  
in omnibus actionibus est primum, et quo  
non posito longius progredi non licet. Nem-  
pe quis adversus quem consistat iudicio: si-  
ne quo frustra deliberemus, quid quantum-  
que petatur; in quo versantur reliquæ divi-  
siones. Recte ergo summa divisio, quæ ordi-  
ne naturæ et necessario anteit reliquas, et  
quam ideo sequi debent reliquæ.

VI. *In duo genera deducitur*. Numerus di-  
visionis initio observandus. Statuuntur enim  
hic, ut et in *L. actionum, de oblig. et act.* a-  
ctionum genera hæc duo, in rem, et in  
personam: et duo tantum, non plura. Quo-  
rum utrumque vitiosum potest videri, nisi  
explicatur. Primum illud, quod placet genera  
hæc duo diversa esse, in rem, et in perso-  
nam: quasi quæ in rem est, non sit in per-  
sonam. Quod contra est. Omnis actio est in  
per-



personam. Eoque unum genus actionis in personam, non duo, quorum unum non sit in personam: nam illæ ipsæ, quæ dicuntur in rem, cum nisi adversus possessorem non sint, non sunt omnino, nisi in personam. Denique nulla actio est, nisi cum eo, cum quo agitur, ut hoc ipso in loco traditur. Eum autem cum quo agitur, adversarium intelligimus, nec adversarius quisquam, nisi is adversus quem agitur, et constituitur iudicio. Sed significatio horum verborum exposita rem expediet, de quo mox plura. Nunc hoc satis ad id de quo quæritur, actionem in rem esse illam quidem in personam: at non ita, ut in personam in hac divisione intelligi volumus. In personam enim dici, cui persona sola ejus cum quo agitur, sine re quam habeat, locum facit: in rem contra, cui res possessa: utpote in qua res possessa verius convenitur, ac propter rem persona: sine re autem nulla ea actio est. Quæ aperte genera distincta esse apparet. Duo igitur, non unum. Sed quod statuuntur duo tantum, quale sit, videamus. Et videri potest saltem hoc vitiose: dici enim hic non unum genus esse prætermissum; sed mixtas quasdam tam in rem, quam in personam: et eam, quæ dicitur in rem scripta, Quod metus causa. Primum in §. *quædam*, *inf.* dicuntur quædam actiones mixtam causam obtinere videri tam in rem, quam in personam: hæ videlicet, familiæ erciscundæ, communi dividundo, finium regundorum. Quas si vere ita mixtas admittimus, tertium genus efficitur distinctum a prioribus: ut dici debuerit summam hanc divisionem quæ proponitur, in tria genera deduci, non duo tantum, ut hic scriptum est. Nisi tamen defendimus cum multis duo hic tantum genera esse: nam tertium illud mixtum satis sub simplicibus contineri. Atqui si dicimus contineri, hoc ipso concedimus re vera tertium genus esse: nihil enim interest, ut sit, utrum dicamus id exprimi verbis, an non expressum vi ipsa contineri: quoniam non potest contineri alia re, quod non est.

VII. Ac ne illud quidem verum est, duobus generibus simplicibus propositis satis mixtum comprehendere, ut potuerit omitti mixtum sine vitio. Non ita esse Justinianus clare ostendit hoc titulo in his ipsis divisionibus: non eo tantum, quod de mixtis istis dixit separatim: sed etiam loculenter exemplo proposito in actionibus rei, et pænæ persecutoriis, quas cum in hæc duo genera divisisset, tertium genus nominatim in eandem divisionem adjecit, ut diceret quasdam esse

mixtas §. *sequens illa*, *infra*. Esset tatiùs admittentibus superiores illas actiones mixtas esse tam in rem, quam in personam, fateri et hoc genus esse tertium in hac divisione prima, neque esse prætermissum a Justiniano, cum postea diserte id genus posuerit in *d. §. quædam*. Dicerent etiam non ob stare, quod hic scriptum est divisionem in duo genera deduci: non enim additur in duo tantum, ut tertium excludatur; itaque in tria deduci re vera: sed in duo, quæ ponantur hoc loco; et tertium quod positum sit in *d. §. quædam*. Id cum appareat ex sequentibus sensisse Justinianum, id sequendum esse: neque enim oportere verba captare ullius loci, sed qua mente quid diceretur, animadvertere convenire. *L. pen. ad exh.* De mente autem si quæreretur, incivile esse nisi tota tractatione perspecta, una aliqua particula eius proposita iudicare vel respondere. *L. incivile*, *D. de legi.* Sed nihil opus est in utroque horum laborare, ut vel in hac summa divisione tria genera actionum esse defendamus, vel duo tantum quibus recte contineantur mixtæ.

VIII. Hac disputatione opus est his, qui admittunt superiores actiones mixtas esse tam in rem, quam in personam. Non est necessaria, si quis neget esse mixtas; sed aut in personam tantum esse dicat, aut in rem tantum. Quæ nostra hic defensio est, eaque expedita. Vere ergo summa hæc divisio actionum duo tantum genera habet, ut aut in rem sint omnes, aut in personam, in quam sententiam conveniunt et hic locus, et *L. actionum, de obl. et act.* Ne nos hic moveant superiores actiones: hæ enim in personam tantum sunt, non etiam in rem, ut suo loco exponemus, id est, in *d. §. quædam*. Nec verba eius loci refragantur. Dicuntur enim illic mixtam causam non obtinere, sed obtinere videri tam in rem, quam in personam. Recte videri, quia id præ se ferunt, quam ob causam et de his separatim monendum fuit: re autem vera non obtinent.

IX. Legimus præterea actionem, Quod metus causa, in rem scriptam dici. *L. metum autem*, 9. §. *ult. D. Quod met. caus.* Quod itidem mixtum quoddam novum genus actionis videri potest: dici enim potest non esse in personam tantum, cum dicatur etiam in rem scripta. Rursum esse in personam traditur in §. *præterea*, *inf.* Sed cum esse in personam diserte scriptum sit in eo §. non dubitabimus, quin ita sit in personam, ut non sit in rem, cum hæc genera opponantur. Idque eo magis dicendum est, quod Justin-

stinianus ibidem ita scribat hanc actionem esse in personam, ut simul separet nominatim ab actionibus in rem, de quibus prius dixerat. Quid est igitur, quod dicitur scripta in rem? Id, quod in perpetuo usu veterum in huiusmodi orationibus animadvertere non est difficile, et est a multis eruditis viris cum hoc loco, tum alibi observatum; cum veteres dicunt actionem, pactionem, legem in rem scriptam aut conceptam esse, non hoc significari: esse hæc, quæ rem aut possessorem sequantur, quanquam hoc fit interdum: sed hoc exprimi, scripta ista esse et concepta generaliter et indistincte de re solum, de qua agitur, sine designatione ullius personæ ad quam actionis, pactionis, legis verba dirigantur. De actione quod metus causa sic hoc verbi explicatur in *d. L. metum*, 9. §. 1. et §. ult. De pactione in *L. juris gentium*, §. pactorum, *D. de pact.* De lege et edicto in *L. hæc autem*, §. ult. *D. quib. ex caus. in pos. eat.* Nec aliud significatur de interdictis, cum in *L. 1. §. ult. D. de interd.* ita scribitur; *interdicta omnia, licet in rem videantur concepta: vi tamen ipsa personalia esse.* Hoc enim est, interdicta omnia adversus certam personam dirigi, eam videlicet, cum qua interdicto agitur: etsi verbis generalibus sine expressione ullius personæ concepta sint; ut, in loco sacro facere, inve eum immittere quid vero. *L. 1. D. ne quid in loc. sa.* Dicitur ergo actio, Quod metus causa in rem scripta, quia simpliciter proposita est edicto in quadruplum de re vi extorta, ni restituatur, nec adjicitur a quo metus sit adhibitus: ut intelligatur etiam si quis metum non intulit, si ad eum pervenit, quod extortum est, cum eo agi posse, ut nisi restituat, in quadruplum condemnatur. *d. L. metum*, 9. §. 1. *L. item si*, §. 1. et §. in hac actione, *D. quod met. caus.* Quod quidem non facit, quominus sit tota in personam, nec quidquam cum actione in rem commune habeat. Hic enim nascitur actio non ex re possessa, sed ex delicto personæ; quæ si metum non intulit; at ab alio illatum probat; dum rem metu extortam metum passo non restituit; quod pro delicto a prætoribus habetur, vis coercendæ causa, et ejus quod metu gestum est, rescindendi. Recta igitur huius loci divisio in genera duo hic proposita, ut et duo sint distincta revera, nec plura quam hæc duo.

X. *Aut enim in rem sunt, aut in personam.* Ut prius numerus generum huius divisionis revocabatur in dubium: sic nunc generibus appellatis unius generis significatio et res ipsa; nimirum actionis in rem. Nam de

actione in personam non dabitur; quid vocemus in personam, et quam recte vocemus ex natura rei. Omnes enim intelligunt in particulam hic significare adversus: ut sit *in personam* idem quod adversus personam. Quod et ipsum definitione rei convenit: definitur enim esse actio, qua cum eo agimus, qui nobis est obligatus, et quæ semper adversus eum locum habeat. *L. actionum, de obl. et act.* At de actione in rem utrumque vocatur in questionem, et quid significetur his verbis; et quam recte ulla dicatur in rem, aut etiam ab actione in personam distinguatur. Ac prius de significatione verbi constare oportet. Est autem hic dubitatio ex eo, quod non videtur convenire particulam *in* similiter hic accipi pro adversus: absurde enim dici ullam actionem esse adversus rem: cum, ut supra dixi, nulla nobis sit lis aut esse possit cum re, sed cum persona: nullum iudicium adversus aliquem, nisi eum qui nobis adversetur; res autem non adversetur, sed persona. Denique cum hæc ipsa actio dicatur in definitione esse non adversus rem, sed nominatim semper adversus rei possessorem: hoc autem æque in personam. Et si aliud commode significari posset, id sumeremus; ut in verbo ambiguo careret interpretatio vitio juxta præceptum *L. in ambigua, D. de legi.* sed aliud non potest. Animadverto quidem in huiusmodi orationibus particulam *in* sæpe aliter accipi a latinis, et nostris, quam pro *adversus*. Interdum pro *ad*: ut cum dicunt actionem scriptam esse in rem: pactionem esse in rem. Ubi intelligitur, ut dixi, actionem et pactionem verbis legis aut patrum relatum esse ad rem solum, non ad personam. *L. 9. §. metum*, et §. ult. *D. Quod met. caus. L. juris gentium, §. pactorum, D. de pact.* Nonnunquam pro *juxta* et *secundum*: ut, cum dicitur actio esse in factum. *L. actionum, §. 1. D. de ob. et act. L. 1. L. quia, D. de præs. verb.* ubi intelligendum est actionem dari non adversus factum (ut enim scripsi in commentario de præscriptis verbis, omnis actio in personam, ex facto est, adversus personam, non adversus factum: alioqui etiam omnes actiones ex maleficio sint in factum) sed juxta seu secundum id quod factum est, conceptam et compositam actionem. Potest etiam intelligi actio constans verbis ad id quod factum est collatis. Sed nihil horum in actione in rem licet intelligere. Non enim magis hæc confertur ad rem certam consequendam, quam in personam actio: nec magis juxta rem de qua agitur, instituitur illa quam al-

te-

tera communia hæc utriusque actionis. Quapropter non relinquitur aliud, quam ut particulam in accipiamus in utraque actione pro adversus, sitque hic divisionis sensus, omnes actiones aut adversus rem esse, aut adversus personam. Et certe nisi hæc particula idem in utroque genere significat, non recte genera inter se tanquam contraria opponuntur, fitque maxime vitiosa divisio, quæ potest hoc modo ad unum genus revocari. Nam admissa diversa hujus particulæ significatione, nihil prohibet, quominus utraque in uno et eodem genere locum habeat. Exempli gratia, ex empto actio erit in personam venditoris, quia est adversus venditorem: eadem tamen in rem, id est, secundum, aut ad rem venditam quæ petitur: ut sit eadem et in rem et in personam, si diversas has significationes in his appellationibus recipimus. Quod est maxime contra sententiam divisionis, quæ duo genera statuit, vel potius est ejusmodi, quod divisionem evertat, sublato uno genere, sine quo divisio esse non potuit. Constat hoc igitur divisionis sensum hunc esse, omnes actiones aut adversus rem esse, aut adversus personam. Hoc de verbis. At ex eo incidit dubitatio major de re ipsa. Sic enim de actione in rem duo hæc statuuntur in hac divisione: primum esse hanc adversus rem petitam: deinde ita in rem, ut non sit in personam: quorum utrumque et natura omnis iudicii, et definitione hujus actionis refelli videtur. Omnis actio, et omne iudicium est inter aliquos, non inter unum aliquem, et rem ipsam quæ petitur, ut initio hujus §. scriptum est. Omnis actio cum eo quo agitur, non cum re de qua agitur, ut postea eodem hoc §. expressum est: estque utrumque notius, quam ut probatione indigeat: quid enim a re petamus, ut præstet, quæ nihil intelligit, nec potest præstare? Quæ potest nobis esse contentio cum re, quæ neque litigat, neque nobis adversatur, utpote nihil intelligens, et muta? Postremo, ut dixi, in *L. actionum, de ob. et act.* describitur in rem actio ita, ut dicatur semper esse adversus possessorem. Non ergo adversus rem, quæ est adversus possessorem: et quia adversus possessorem, semper utique in personam, nimirum possessoris.

XI. Sed nihil ex superiore interpretatione in re ipsa non recte, nihil adversus legem rectæ divisionis. Ac primum sciamus nihil dici absurde, cum dicimus actionem in rem esse adversus rem, quæ possidetur. Quia hoc dicitur maxime ex sensu et usu veterum, qui in actionibus, quæ sequuntur rem aliquam,

et propter possessionem dantur, dicunt res ipsas non personas conveniri: sic enim de hoc genere scriptum legimus diserte in *L. Imperatores, D. de public.* Et quid est quæso, conveniri aliquem aliqua actione, nisi actionem adversus eum dari? *L. 1. D. de ed. L. si fidejussor, D. mand.* Conveniri igitur rem qui dicit, hoc ipsum dicit actionem in eam rem, seu adversus eam rem dari. At ante probavimus non posse cum re petita, aut adversus rem ullam actionem consistere, frustra et inepte rem conveniri, ut quid præstet, quæ nec audire, nec intelligere, quod petitur, nec præstare potest. Ita est: non potest adversus rem esse actio natura: possessorem ipsum conveniri natura oportet, eoque et actio in rem esse dicitur adversus possessorem. Sed juris interpretatione in hac actione cum re agi intelligitur, cum agitur cum possessore. Est enim actio adversus possessorem: sed propter rem quam possidet et defendit, ut in possessoris persona magis intelligatur res conveniri, quæ huic conventioni causam et originem dedit. At certe quia hoc modo in rem actio possessorem semper desiderat, adversus quem agatur, exerceaturque hæc conventio; ideo hactenus verum est semper esse in personam, quia semper adversus personam possessoris. Negari id non potest: sed non æstimatur, quia accidit per consequentiam rei possessæ, non principaliter. Nos autem ex eo quod fit principaliter res æstimamus, non ex eo quod per consequentiam: ex causa et origine, non ex eo quod inde sequitur. *L. 1. D. de auct. tut. L. si procuratorem, §. in pr. D. man.* Atque id ita fieri in hac actione ex eo potest intelligi, quod alibi dicitur, vindicationem quæ in rem actio est, rem sequi, non personam obligare. *L. ult. C. si un. ex plu. ser. cer.* Atqui sequitur possessorem; alioqui non diceretur adversus possessorem esse; sed sequitur propter rem: hanc autem principaliter: ideo magis hanc sequi dicitur, quam personam. Id autem natura actionis declarat: nam si quis rem nostram possidet, tenetur nobis actione in rem: sed tamdiu, quandiu possidet: Quod si sine dolo malo desierit possidere, jam amplius non tenetur: ut appareat, quod possessor tenetur, causam esse in re possessa, non in persona: cum possessoris eadem persona futura sit, etsi possidere desierit. De quo mox in descriptione hujus actionis.

XII. Non sic actio in personam; quæ ita est adversus personam obligati, ut sit propter personam ipsam, quia talis est, id est, quia obli-

obligata est; non propter rem, quæ debetur: hanc enim sive habet qui obligatus est, sive non habet, utrobique pariter tenetur: et solus, non alius ad quem forte res debita postea pervenerit. Sit exempli gratia venditor, qui mihi vendiderit ædes. Hinc mihi actio ex empto, ut ædes tradat. *L. ex empto, D. de act. em.* actio in personam, quia ex contractu, ut mox definitur. Sic ille hac actione mihi tenetur, ut teneatur, sive ædes habeat, sive non habeat; sive possideat, sive non possideat: quia non ideo tenetur, quod ædes habet; sed quia est obligatus ad tradendum: quæ obligatio est in persona: eadem semper futura, etsi rem non habuerit. Et ut certius liqueat, hanc actionem personam obligati non egredi, rem non sequi: si venditor eas ædes vendiderit alii postea et tradiderit, novus possessor mihi de ea re non tenetur, quia mihi obligatus non est: solus tenetur, qui mihi vendidit; quia mihi fuit obligatus. *L. quoties, C. de rei vind.* Hoc modo cum non sit in personam ea, quæ in rem dicitur; recte hæc genera statuuntur duo et ita distinguuntur, ut vere dicatur actio in rem non esse in personam, ut nunc in personam intelligi volumus.

XIII. *Namque agit unusquisque.* Descriptio est actionis in personam, qua exprimitur hujus ipsius actionis definitio ea, quæ traditur in *L. actionum, D. de ob. et act.* ut sit actio in personam, qua cum eo agimus qui obligatus est nobis ad faciendum aliquid vel dandum: et semper adversus eum locum habet. Definitio declarans, et cui detur hæc actio, et adversus quem, et in universum quid petat. Datur ei, qui alium obligatum habet. Datur in eum, qui obligatus est. Petit, quod nobis ex obligatione dandum aut faciendum est; in summa quod nobis debetur. Unde illa intentio et formula vetus hujus actionis propria, Si paret Mævium Titio dare facere oportere, quæ indicatur in *§. sic itaque, inf.* et ad quam allusum videtur hoc loco. Ex his intelligitur unicam hujus actionis causam esse obligationem, inter quos ea intercedit: causam ita constitutam, ut adversus omnem qui jure civili obligatus est, sit in personam actio, de qua constat. *L. naturales, D. de ob. et act. L. licet, §. ea obligatio, D. de proc.* et contra si quis obligatus non est, non sit adversus eum actio in personam. Alioqui non semper esset adversus eum, qui nobis obligatus est, contra quam traditur in *d. L. actionum.*

XIV. Sed hoc posterius dubium facit actio ad exhibendum: quam certum est non dari

adversus eum qui nobis sit obligatus, cum sit adversus eum qui possidet aut dolo desiit possidere, quem constat nihil fecisse eorum ex quibus obligatio oritur: et tamen dicitur ab Ulpiano actio esse personalis. *L. 3. §. est autem, D. ad exhib.* Nos teneamus ex suprascripta definitione et causa, ut actio ad exhibendum non est adversus eum qui nobis sit obligatus; ita nec esse actionem in personam. Quid ergo? in rem videlicet: ut quæ rem sequatur, et propter rem ejus rei possessorem, quæ est certa et perpetua actionis in rem nota. *d. L. actionum, de obl. et act. L. ult. C. si unus, ex plur. ser. cred. L. unic. C. de al. jud. mu. caus. fuc.* Esse autem adversus eum, qui possidet, aut dolo malo desiit possidere itidem ut rei vindicationem, certi juris est. *L. 3. L. 5. §. idem, Julianus, L. thesaurus, in princ. D. ad exhib.* At enim personalis est, inquit Ulpianus. Observandum est actionem in personam dici quidem interdum personalem, ut in *L. quavis, 8. distractis, C. de pig. L. ult. C. de obl. et act.* sed hoc vix usquam alibi, aut si usquam, certe raro, et inusitate. Sic autem solere loqui veteres in usu juris, ut actiones in personam dicant, quæ sunt adversus personam. Personale autem id, quod personæ cohæret; ut constitutiones personales, beneficium personale, servitutem personalem. *L. 1. de const. L. quia, D. sol. mat. L. non solum, §. tale, D. de lib. leg.* Talis est actio ad exhibendum: quæ ei cujus interest rem exhiberi, competens, et competens adversus eum qui possidet, horum personæ plane cohæret, nec ad heredes, aut in heredes transit. Nam heres actoris non quasi heres, sed suo nomine, si quid ejus intersit, hac actione uti potest. Et heres possessoris non nisi suo nomine tenetur, si vel possidet, vel dolo fecit quo minus possideret. *L. de eo, §. ult. D. ad exh.* Quo minus autem dubitetur hoc a nobis ita recte dici: faciet *L. his solis, C. de revoc. don.* ubi isto ipso modo actio quæ matri datur adversus ingratos liberos ad revocandam donationem, dicitur personalis actio tantum hoc nomine, quod vindicationis habeat effectum, et adjicitur explicatio, cur vindicatio, aut quæ hujus vim habet, sit personalis, quia ita sit actio, ut nec in heredem detur, nec tribuatur heredi. Quod plane in actione ad exhibendum accidit; ut merito eodem isto sensu dicatur personalis. Hoc quidem melius est ita accipi, quam dici esse actionem in personam adversus superiorem definitionem et juris certi regulas. Est ergo, ut eo redeam, una actionis

in personam causa, obligatio. Ex quo ad constituendam hanc actionem adversus aliquem ante omnia et solum quærendum est, quis sit nobis obligatus. Id breviter attingit Justinianus, et indicat ex causis obligationis. Hæ sunt quatuor. Oritur enim omnis obligatio aut ex contractu, aut quasi ex contractu, aut ex maleficio, aut quasi ex maleficio, ut plenius traditur in §. ult. de obl. supra. Id autem est, quod hic intelligi voluit, cum ait hac actione agi cum eo, qui obligatus est vel ex contractu, vel ex maleficio, et addit in extremo, et aliis quibusdam modis: his verbis notans superiores obligationum causas, et per alios quosdam modos id exprimens, quod Cajus in L. 1. in princ. D. de obl. et act. præter contractum, et maleficium, scribit obligationes nasci proprio quodam jure ex variis causarum figuris. Eas autem causas, et modos ipse superiore illo loco interpretatur quasi contractus, et quasi maleficia. Nec contextus ullo modo refragatur, quo minus ita interpretemur hæc verba et aliis quibusdam modis. Aut enim conjungenda sunt cum illis verbis vel ex contractu, vel ex maleficio, et quæ interposita sunt, legenda per parenthesis (quo casu proditæ sunt actiones in personam, per quas quis intendit adversarium ei dare aut facere oportere) ut intelligamus non solum hoc casu utroque superiore proditas esse actiones in personam: sed et aliis quibusdam modis obligationum contrahendarum, seu ex quibus quis nobis obligatur: aut uno contextu proximis sunt annexenda. Sunt qui proxime præcedentibus connectentes, referant ad eum qui intendit, et ita interpretentur: per quas intendit hoc modo, adversarium nimirum sibi dare aut facere oportere, et intendit aliis quibusdam modis. Inter quos et Theophilus auctor videri potest: neque enim satis diserte de eo loquitur. Quod mihi hoc loco non videtur defendi posse.

XV. Aut enim hi alii modi agendi in actione in personam nulli sunt, aut unus tantum, aut certe sunt infiniti; eoque nunquam alii quidam, ut hic scriptum est. Etenim aut volumus Justinianum superioribus verbis solum indicasse intentionem actionis propriam extra formulam: aut exprimere voluisse veterem formulam agendi. Si intentionem tantum actioni convenientem, ut verba ostendunt: non potest dici aliis modis agi aut intendi in actionibus in personam: immo ne alio quidem modo licet uno: quoniam in hoc genere nunquam quisquam alia intentione utitur, quam ut petat eodem modo, quo obligatione com-

prehensum est. §. huic autem, vers. qua de causa, infra eod. proinde ut quid fiat aut detur; in quibus omnium obligationum substantia consistit. L. 3. D. de obl. et act. Quod si volumus verba de veteri formula accipienda esse; primum verba id non significant, cum vetus formula actionis hæc fuerit, Si paret illum dare facere oportere, de quo in §. sic itaque, inf. eod. quibus verbis nunc Justinianus non utitur. Deinde etsi præcessisset formula vetus; tamen ne sic quidem recte dici posset intendi et aliis quibusdam modis, ut significaretur agendi modus, quem illi volunt, a Constantino et Theodosio inductus, ut sublatis actionum formulis et impetrationibus satis esset ad rectam intentionem, si aptam rei et proposito negotio competentem eam esse constiterit. L. 1. L. 2. C. de for. et imp. act. sup. Nam si aptitudinem et convenientiam agendi spectamus, hic modus unus est. Una enim aptitudo et convenientia exigitur in omnibus. Sin spectamus negotia singula, et pro singulorum natura modos agendi fingimus; modi alii agendi sunt infiniti, ita ut dixi, nunquam alii quidam modi, ut hic scriptum est. Teneamus igitur alios modos hic accipi debere, non modos agendi aut intendendi in actione in personam: sed aut obligandi, aut ex quibus agitur, et proditæ sunt actiones. De posteriore hac sententia non dubitatur, quin per se verissima sit, et certi juris: cum autem verbis optime conveniat, nihil est, quod ei sententiæ possit ob stare. Prior illa aut falsa est, aut certe parum liquet.

XVI. Aut cum eo agit. Descriptio est actionis in rem, qua adjuncto exemplo rursum exprimitur actionis ea definitio, quæ traditur in d. L. actionum, D. de obl. et act. ut sit actio in rem ea, per quam rem nostram, quæ ab alio possidetur, petimus: et semper adversum eum est, qui rem possidet. Ex qua intelligimus eadem illa, et cui detur, et adversus quem, et in summa quid petat. De quibus quia justæ incidunt dubitationes nonnullæ cum ex re, tum maxime ex hoc loco; dicam breviter de singulis eodem ordine: sic tamen ut omnia potissimum accommodentur ad explicationem hujus loci, cui serviunt. Ergo cum quæritur cui et adversus quem competat in rem actio: animadvertendum est ut in actione in personam, id statui ex causa, ex qua hæc quoque actio constituta est, sed in causis hoc inter hanc actionem et superiorem interesse, quod actionis in personam una causa est communis, obligatio: actionis autem in rem causæ duæ quas concurrere oportet.



porteat ad agendum; unam in persona agentis, dominium: alteram in persona ejus cum quo agitur, possessionem. In persona agentis est, ut qui agit, rem suam esse affirmet, ut hic scriptum est: ut autem comprehensum est superiore definitione, ut petat rem suam: in summa, ut rei petita sit Dominus, et se talem esse intendat: id enim est, quod alibi dicitur, in rem actionem competere ei, qui aut jure gentium, aut jure civili dominium acquisivit. *L. in rem, D. de rei vind.* Cæterum dum quis petat rem suam; et hic et superioribus locis expressum est sufficere ad jus agentis, ut sit in rem actio: ut efficiatur actionem in rem non alii dari, quam domino, seu rem suam petenti: et retro omni qui rem suam petat, hanc actionem competere. Utrumque quatenus verum sit, videamus.

XVII. Et prius illud, quo exigimus, ut res sit actoris, de quibus actionibus accipiendum sit, paulo post declarat Justinianus in *§. sed istæ*: docet autem ad actiones in rem civiles tantum pertinere: alias enim esse prætorias et ipsas in rem, easque complures, quæ aliis proditæ sint, quam rem suam vindicantibus: de quibus suo loco. Unde intelligemus etiam illud quod generaliter dictum videtur in rem actionem competere ei, qui aliquo jure dominium acquisivit, de hoc genere actionum in rem civilium dictum esse. Nec mirum, si hic nihil adjectum est discretionis causa. Nam hæ solæ proprie sunt in rem actiones, quæ sunt civiles, quippe directæ: prætoriae autem magis utiles, ut dicitur ad *§. namque, infra*. Alterum autem illud, quo actionem in rem damus omni, qui rem suam petit, ex definitione superiore perpetuum est: ex hoc loco incidit in quæstionem. Scribit enim Justinianus in rem actionem esse, veluti si rem corporalem possideat quis, quam Titius suam esse affirmet: de re corporali loquitur. Quid ergo, si quis rem incorporalem suam petat, veluti servitutem jure sibi constitutam, in rem actio non erit? Immo erit, quaecumque rem suam quis petat.

XVIII. Ac de rebus incorporalibus, puta servitutibus, etiam actionem in rem esse diserte scriptum est in *§. æque, seq.* Quod si de his in rem actio, etiam vindicatio: cum omnis in rem actio, vindicatio appelletur. *§. appellamus, infr. d. L. actionum, de obl. et act.* quanquam quid opus est verbis: cum tot locis diserte dicantur servitutes vindicari ut tit. *si servit. vindic.* *L. 2. §. 1. eod. tit. L. pen. §. 1. D. si ususf. pet.* Hoc eo dici-

mus, quod Accursius hoc loco exponens, cur Justinianus dixerit rem corporalem, hanc rationem reddit, quod incorporalia non vindicentur: idque probat scilicet exemplo peculii, cujus vindicationem non esse traditur in *L. vindicatio, D. de rei vind.* Nos contra sciamus ex his quæ diximus, et de rebus incorporalibus nostris æque actionem in rem esse, et quod idem est, vindicationem. Ad quod negandum non recte motus est peculii exemplo.

XIX. *Vindicatio*, inquit Julianus, *non ut gregis ita et peculii recepta est: sed res singulas is cui legatum peculium est, petet, d. L. vindicatio.* Non utique quia peculium sit res incorporalis; fieri enim potest, ut omnia quæ sunt in peculio, sint corporalia: sed eo omnino, quod rei vindicatio non est nisi de una re, et certa, eaque nostra. *L. si in rem, D. de rei vind.* aut ita de pluribus diversis, ut omnes junctæ uni corpori ex pluribus distantibus constanti sint subjectæ; ut si grex petatur. *L. 1. §. ult. L. 2. D. eod.* Peculium non est hujusmodi: cum enim in peculio res omnes esse possint, mobiles et immobiles, corporales, et nomina: *L. quam Tuberonis, §. ult. D. de pec.* ex rebus tam inter se dissimilibus corpus unum confici non potest. Et ut potest; non tamen ejusmodi, in quo omnes partes ejus corporis possint esse nostræ, et eodem jure contineri: cum possint aliæ res esse servi, quatenus peculium dicitur patrimonium servi; *§. actiones autem, infr. eod.* aliæ illi pigneratæ, aliæ commodatæ, aliæ in nominibus: quæ cum omnes tam vario jure habeantur, omnino singulas propria actione peti necesse est. Quid est ergo, quod Justinianus hic rem corporalem nominavit? Dici poterat eum exempli loco nominasse: ait enim, veluti si rem corporalem possideat quis. Sed verius est eum consulto posuisse, quo corporales res ab incorporalibus distingueret: de incorporalibus enim subjicit postea in *§. æque*: verum non ita, ut de incorporalibus rebus negaret esse actionem in rem, quam postea tam diserte statuit; sed quia, ut apparet, hoc illi propositum erat de actionibus in rem, quæ de rebus corporalibus competant, prius dicere, deinde separatim de actionibus rerum incorporalium. Cui ordini instituto serviens prius nominat res corporales, ut prius de his dicturus, ex quo deinde perveniat ad incorporales. Ad ordinem igitur institutum scribendi, non ad res in hoc genere distinguendas hæc adjectio pertinet. At supra retulimus hanc definitionem

nem ex *L. in rem, D. de rei vind.* in rem actionem competere ei, qui rei dominium acquisivit. Quid ergo, dominium servitutis dicitur? Sane vero dicitur a veteribus, ut *L. 3. D. si ususf. pet.* *L. semper, §. hoc interdicto, D. quod vi aut clam.* Non quidem proprie: sed nihil vetat ut in his quatenus illis utimur, possessionem et traditionem dicimus exemplo rerum corporalium: *L. ult. D. de serv.* sic et in iisdem quatenus nostræ sunt, eodem exemplo dominium intelligi. Certe æque jure civili nostræ sunt, atque res corporales, quæ sunt domini nostri: absurdum igitur et de his eandem actionem civilem non dari.

XX. In persona ejus, cum quo in rem agitur, hoc spectatur, ut rem possideat: atque adeo dicitur hæc actio semper adversus eum esse qui rem possidet, *d. L. actionum, de obl. et act.* Unde intelligendum est, quod hic proponitur quis rem possidere, non exempli tantum causa dictum esse, etsi Justinianus utitur particula *veluti*, ad id proponendum: sed ita additum, quia ad potestatem hac actione agendi necessario pertinebat. Quod dicitur in rem actio esse adversus eum qui possidet; manifestam sententiam habet, ut hac actione teneatur omnis velit nolit qui possidet. *L. 1. C. ubi in rem actio.* Quod dicitur esse semper; hoc amplius significat, non esse adversus alios, et si quis non possidet, eum hac actione non teneri: nam si aliquando posset esse adversus alium, verum non esset semper eam esse adversus possessorem. Hinc illud præceptum *L. officium, in pr. D. de rei vind.* officium judicis esse in hac actione, ut ne inspiciat, an reus possideat. Verum utrumque: sed quatenus verum, cautione indiget.

XXI. Positum est autem in eo, ut sciatur, quem hic possessorem accipere debeamus. Et sciendum est in eo proprietate verbi nos non uti, sed paulo latius quosdam hoc verbo contineri, etiam qui vere possessores non sint. Proprie is solus possidere dicitur in usu juris, qui rem affectu dominantis tenet, ut Theophilus recte definit in *§. idem placet, supra, per quas pers. nob. acq.* idque ex eo ipso loco. Quod partibus definitionis ex jure certo petitis, fiet certius. Nempe hoc declarat definitio, ad possessionem duas has res esse necessarias, detentionem rei, et rem pro domino habendi affectum. Recte utrumque. Nam si quis rem tenet, sive is nunquam tenuit, sive cum cœpisset tenere et possidere, amisit possessionem, certum est

hunc non possidere. *L. 3. in pr. §. Nerva, §. Nerva, D. de acq. pos.* Sed etsi quis rem tenet justa ex causa; non tamen ut suam, sed ut alienam, non possidet; ut fructuarius, *d. §. idem placet, ut colonus. L. non solum, §. 1. in fin. D. de usuc.* Quare si proprietatem verbi et veritatem rei hic sequimur: nec qui rem tenent, non etiam possident, hac actione tenentur: et multo minus, qui cum tenuissent, amiserunt rei detentionem, etiam si prius vere et civiliter possedissent. Quorum utrumque secus est. Hoc est igitur, quod hic de verbo possessoris præcipiendum est, hoc verbo in hac actione quatuor genera reorum contineri, adversus quos jure sit in rem actio. Primum veros illos possessores, qui rem affectu domini possident: quod dubitationem non habet, cum proprie dicantur possessores: unde sæpe, quod possessoribus rerum lege tribuitur, ita istis tribuitur, ut cum aliis denegetur omnibus alienas res quamvis juste tenentibus, tamen in veris istis semper locum habeat: ut in usucapione, quæ tribuitur recte possidendi, *d. §. idem placet, supra per quas pers.* Ut in remissione satisfactionis judicio sisti, quæ data est olim rerum immobilium possessoribus. *L. sciendum, D. qui sat. cog.* Nec intererit, utrum quis ex his possessoribus rem possideat animo et corpore, an vero animo dumtaxat; ut fit, cum aut possidet per alios, aut corpore digressus a fundo possessionem animo retinet: utroque enim modo pariter jure possidet. *§. possidere, infra de interd.* sed et habet restituendi facultatem, qui reversus, nisi vi prohibeatur, potest corpore recipere possessionem, quam restituat. *L. clam, in fin. L. si is quod, §. quod autem, D. de acq. pos.* Hæc autem facultas restituendi in hoc judicio solum quæritur, ut dicetur in petitione hujus actionis. Atque hinc etiam acceptum secundum genus possessorum. Placuit enim possessorem hic intelligi omnem, qui tenet; ut quisquis tenet, quia habet restituendi facultatem, ab eo res peti possit: puta ab eo, apud quem res deposita est, vel comodata, et similibus. Sic enim affirmative legitur Pandect. Flor. in *L. officium, in fin. D. de rei vind.* Et recte. Id enim contextui convenit. Prius relata erat sententia Regasi ex proprietate verbi id negantis. Ulpianus per adversativam affirmat. Efficitur autem perspicua ratio. Nam si verus possessor, qui plus juris habet ad rem tenendam, tamen vindicatione tenetur: multo certe æquius est te-

neri eum, qui minus juris habet ad eam detentionem. In re quidem dubia verbis legis standum est, nec a significatione, id est, proprietate recedendum. Sed in re dubia inquam: non etiam cum manifestum est aliud sensisse scriptorem. *L. 1. §. licet, versic. in re; D. de exercit. L. non aliter, D. de leg. 3.* Manifestum est autem, cum lex actionem in rem dat adversus possessorem, eam de eo qui tenet sentire: quoniam dat in hoc, ut rem restituat: quæ facultas non minus in eo est, qui rem tenet, æquitas autem ad eum ad restitutionem cogendum major. Unde eveniet, ut sæpe qui agit, idem et dominus sit, et vere possideat; et tamen nihilominus recte agat adversus eum qui tenet solum, et habet restituendi facultatem: ut cum dominus rem vindicat a colono: de quo postea ad illa verba: *Ei vero qui possidet.* Hoc amplius et qui omnino rem non tenent nec animo nec corpore, hoc verbo continentur, si cum prius possiderent, dolo desierint possidere. Tenentur et hi in rem actione non minus. *L. qui petitorio, D. de rei vind. L. nec ullam, §. pen. D. de ser. pet.* At diximus hanc actionem semper adversus eum esse, qui rem possidet. *d. L. actionum, de obl. et act.* Constat autem eum qui possidere desiit, amplius non possidere, quantumvis desierit dolo. Et non possidet hic quidem re vera, seu natura; sed possidet juris interpretatione. Sic enim jus dolum accipit in omnibus causis, ut sit dolus pro possessore: ut qui dolo desiit possidere, pro possessore habeatur. *L. qui dolo, L. parem, D. de reg. jur.* Hac ipsa de causa placet et eum teneri rei vindicatione, qui cum non possideret, nec dolo fecisset, quo minus possideret, sic tamen se obtulit rei defensionem, quasi possideret, cum actor ignoraret, et in hoc errore actoris litem cum eo contestatus est. *L. is qui se, et L. seq. D. de rei vind.* Quippe et hic pro possessore: deceptus enim actorem; quæ ratio redditur in *d. L. is qui se*; pro possessore autem dolus est ex regula juris superiore. *L. qui dolo, D. de reg. jur.* Sunt ergo hi in numero possessorum, quos sub hac appellatione actione in rem teneri volumus. Quod si qui sint, qui neque rem teneant, neque dolo desierint tenere, possidere, nec se dolo ut possessores liti obtulerint, hi utique hac actione non tenebuntur. *d. L. qui petitorio, de rei vind.* Quæ si ita sunt, apparet hanc actionem ex possessione nasci, si quæritur de eo, cum quo agitur.

XXII. Itaque recte scriptum est in *L. u-*

*nic. C. de ali. jud. mut. cau. fac. posses-* sionem parere in rem actionem adversario. Non enim aliud est parere actionem alicui, quam efficere, ut ille actionem habeat. Id quod præstat in hac actione possessio ejus, qui cum agitur: quæ facit, ut adversarius ejus, id est, actor, possit adversus eum hac actione experiri. Apparet hinc etiam vere dici hujus actionis hac parte causam esse possessionem. Ea enim causa est efficiens cuiusque actionis, qua posita, sequitur actio: detracta, actio desinit. Quod hic accidit ex possessione: hac enim posita tenetur reus qui rem nostram possidet. Simul atque desiit possidere, si quidem sine dolo, amplius non tenetur.

XXIII. Atque hoc rursum si ita est, intelligitur quam vere hic dictum sit a Justiniano, hac actione agi cum eo, qui nullo jure nobis obligatus est. Efficitur enim ex superiore. Nam si possessor rei nostræ ob possessionem solum nobis tenetur: hac sine dolo amissa sua sponte desinit teneri, ut dixi. Non ergo ante possessionem quidem fuit obligatus: alioqui non liberaretur ullo facto suo, nisi rei possessæ restitutione. Is enim obligatus intelligitur, qui vinculo juris ita obstrictus est ad aliquid præstandum, ut non liberetur nisi rei debitæ, et ad quam tenebatur, solutione, ut est definitio obligationis. *de obl. in princ. supra.* Aliud est igitur teneri, aliud obligatum esse. Quisquis obligatus est, tenetur actione. At non quisquis tenetur aliqua actione, idem est obligatus: ut teneri generis nomen sit: *obligatum esse speciei.* Is potest teneri actione, qui tamen facto suo liberari potest: ut possessor rei vindicatione, qua prius tenebatur, si possessionem sine dolo malo suo amiserit. Ut pater aut dominus actione de peculio, si quid in peculio sine dolo malo habere desinant. *L. summa, D. de pecul.* Quæ res ostendit, ita ob præsentem possessionem istos aliquando cœpisse teneri, ut tamen propter eam non fuerint obligati. Non obligatur quisquam, nisi qui ita tenetur, ut ex quo teneri cœpit ad aliquid præstandum, non possit ullo facto suo quamvis minime fraudulento eam præstationem evitare.

XXIV. Petitio hujus actionis propria quæ sit, indicat superior illa definitio actionis in rem: per hanc, inquit Ulpianus, rem nostram petimus. *d. L. actionum, D. de obl. et act.* Ita prius actor rem suam esse intendit, quæ ab alio possidetur: Unde intentio hujus loci, quam Titius suam esse affirmet,

sic deinde eam rem petit. Petere rem suam, non est petere, ut res nostra nobis detur, quod enim nostrum est, amplius nostrum fieri, eoque et nobis dari amplius non potest. §. sic itaque, *infra eod.* Sed est petere, ut res nostra nobis restituatur. Hinc officium iudicis in hac actione ad hanc intentionem et petitionem accommodatum: quod constat his partibus, si quidem intentio vera est. Primum de dominio pronuntiat: et rem petitam non facit ejus qui egit, quoniam ante fuit ejus, sed ejus esse sententia sua declarat. *L. ex diverso, §. 1. de rei vind. L. sicut, §. sed si quaeritur, D. si ser. vind.* Secundo loco jubet rem restitui cum fructibus, omnique caussa, *L. officium, L. ex diverso, §. 1. L. praeterea, D. de rei vind.* Estque hic iussus, non tam sententia, quam arbitrium iudicis et velut interlocutio, quam deinde sententia sequatur. Nam si restituere iussus iudici non pareretur; hic demum tertio loco sequitur illa sententia iudicis, qua condemnatur reus quanti ea res erit iurejurando actoris aestimata, si quidem dolo malo ejus factum est, quominus restitueret: aut si sine dolo ejus, quanti vere res est, id est, quanti actoris interfuit. *L. qui restituere, D. de rei vind.* de quo plura postea ad §. praeterea, *infra.*

XXV. Possessor autem dominum ejus se esse dicat. De actione in rem, eoque et de actore ejus actionis superiora: uti de actione nunc solum agitur. De defensione tamen possessoris interseritur obiter haec particula: quae quia incertum facit, an hujusmodi aliquid pro natura actionis dicere possessor debeat, paucis attingenda est. Teneamus vero id quod omnes concedunt, exceptis quibusdam qui

magno conatu in re aperta litem movent, teneamus hoc, inquam, ad defendendam sibi rei petitae possessionem non esse necesse possessori contra 2. vindicare, seu dicere dominum se esse ejus rei quae petitur: satis est negare rem esse actoris, idque sive actor non probet rem suam esse, sive probet. Actore quidem non probante, jus certum est reum quanvis nihil ipse praestiterit, obtinere, id est, non cogi possessorem rem restituere, atque ita in suo loco manere possessionem, *L. qui accusare, C. de eden. L. ult. C. de rei vind. §. commodum, infra de interd.* Hoc, inquam, etsi reus nihil praestiterit, ut est in *d. L. qui accusare, C. de eden.* Ergo etsi nulla defensione sit usus, ut se magis dominum esse diceret: hoc enim facere, aliquid praestare est. Ergo etsi dixerit, tamen ejus rei probationem nullam implere cogitur. Et quid attinet exigere a reo, ut dicat, quod non cogitur probare, et quo non probato nihilominus obtineat? sic enim nihil profuerit actori reum id dixisse. Nunc autem actoris caussa id exigitur, si exigatur, ne reus absque eo ut superius illud dicat, absolvatur. Sed hoc facilius quis admittit, si actor non probet se esse dominum. At quid si probet rem suam fuisse: puta se recte emissee ab eo, a quo oportet, et sibi traditam esse: possessor autem hac probatione cogita probare velit se postea usucapione dominum esse factum: an non saltem in hunc casum necesse est initio litis contestatum esse hanc defensionem, ut se potius dominum esse affirmet? movet, quod cum actor intentionem suam probavit, admittitur quidem contraria rei defensio, sed hac lege, si ejus defensionis habita sit initio litis

2) Consentit Hot. §. ad 1. *I. de act. sub. fin. et Mudæ. ibidem versic. vel cum eo agit, n. 60.* qui antiquarum formularum reliquias latere in *d. §. 1.* scribunt, sed posteriores Jurisconsultos, defensionem in sola negatione posuisse, atque hoc esse commodum possessionis. Plane antiquitas, si reus non contradiceret, aut contravindicaret; tamquam ex cessione in jure facta, Praetor continuo secundum petito rem vindicias dabat, eique rem addicebat ita: Quando neque ais, neque negas, illum fundum praesenti, et vindicanti, addico, Valer. Prob. in notis Hortens. ad *d. §. 1. Cont. 1. Disput. 12. Broidæ Supplem. ad Hist. fori Polluti Lib. 5. Cap. 4. Obrecht. de Concip. libell. Cap. 8. n. 11.* Quo respiciebat illa formula: Quando te in jure conspicio, postulo, anue fias auctor, id est an periculum iudicii recipias, Hot. 7. Obs. 5. Probatio tamen contravindicanti nulla incumbat, nisi actoris intentione prius impleta, Cont. *d. loc.* Hodie autem satis est, si neget, rem actoris esse (1) per *L. ult. C. hoc t. L. 42. de pet. her. L. 1. L. 23. Cod. de probat.* Hortens. Hot. et Mudæ. *ad loc.* Quod et pluribus contra Contium *d. C. 12.* adstruit Wesenb. *ad hunc tit. C. n. 54.* (2) Quia nec titulum possessionis dicere, cogitur reus *L. 11. C. de probat.* Ergo nec dominum allegare, Falliturque Contius dnm scribit absolvi possessorem non etsi nihil dicat, nulla defensione uta-

tur, sed etsi nihil praestet, id est, probet. Aliud esse, verbotenus, contra vindicare; aliud, probationes domini exhibere. Nam *d. L. 11.* probat nec dicere, vel allegare eum cogi. Wes. *d. loc.* et *L. ult. C. h. tit.* absolvi quoque eum, quem constat, injuste possidere, Petr. Barbosa *ad L. si alienam 11. ipsi 12. D. Sol matr. n. 60.* Nec verba, etsi nihil praestat. *L. 4. C. de ed.* ad probationes restringenda. Et quorsum quaeso allegatio ejus, quod non probandum, et quo non probato, reus aequè obtinebit. Quin si dicere non cogitur possessor pro qua parte, res ejus sit *L. 73. h. t.* utique nec quod tota arg. *L. 76. h. t.* Quid, quod absque sua allegatione, reus ex possessione sola praesumitur dominus, per *L. 15. verbis in detinendo dominio C. hoc tit. L. 1. C. de prob.* Quin necessitate ea contra vindicandi posita, ex simplici iudicio petitorio, constituitur, duplex: ut possessor quoque actor sit, Wes. *d. loc.* Denique etsi palam agnoscat reus, rem suam non esse, causam possidendi se nullam habere, non tamen inde actor vincit, nec rem suam esse probat, sed manet ea, apud possessorem ex regula, eum cuius non interest, non admitti ad agendum *L. 1. C. sine censu vel reliq. Vasq. 2. Ill. Contr. 85. n. 1. Paul. Emil. Decis. Rotae 11. P. 1.* Eo ipso enim, quod possidet, potior reus est, ipsique facilius retentio, quam alteri persecutio.

litis contestatio. *L. prescriptionem, L. si quidem, C. de exc.* Et ne in eam quidem eventum necesse est possessori 3 initio dicere se contra esse dominum: non quod non debeat deduci in iudicium et litis contestationem ea defensio, qua postea reus uti velit: sed quod satis superiore inficiatione contineatur ea, qua se dominum esse dicit. Nam qui actorem negat esse dominum, idem affirmat eum dominum non esse: atque hac sive negatione sive affirmatione dicit 4 omnia, quibus fit, ne ille sit dominus: sive ideo accidit, quia nunquam ante dominus fuit; sive ideo quod cum fuisset dominus, postea dominum in possessorem est translatus: hoc enim alteri postea quaesito, simul et prior dominus esse desinit: quoniam duorum in solidum dominum esse non potest. *L. 5. §. ult. D. com.* At in vetere formula hujus actionis eadem contestatio litis fuit: **FUNDUS SABINUS MEUS est: IMMO MEUS:** teste Cicerone in oratione pro Muræna. Fuit, et est etiam hoc loco: ut non dubitem hoc ex vetere illo jure hic hæsisse vestigium. Sed additio illa, *immo meus*, neque fuit veteribus, neque nunc est possessori necessaria eo, vel ut cogatur possessor idipsum de jure suo probare, actore de suo non probante; vel ut hoc probante possessor ad superioris defensionis probationem admittatur, ut ostendi. Quorsum ergo adjicitur hoc loco, aut in vetere formula usurpata est? ut possessori caveretur haud dubie; non tamen quia necesse esset adjici, sed quia illi honestum, et

Tom. VI.

quia utile. Honestum est, ne videatur rem sibi defendere tantum ob id, quod actor jure agendi deficiatur, non quia ipse ullum jus domini in re habeat: quod videtur non juste possessionis habere confessionem. Utile est ad iudicem conciliandum, ut de causa possessoris melius sentiat, atque ita ei saveat. Iis enim solemus favere, de quibus bene existimamus: aversi contra esse ab iis, de quibus male. Sane si velit possessor non absolvi tantum, sed de se quoque 5 pronuntiare se esse dominum: rectius faciet, si initio in lite contestanda dominum se esse dicat, et contra vindicet. Nam si negaverit tantum adversarium dominum esse, non videtur iudex aliud pronuntiare posse pro reo, quam hoc ipsum: ut in omni iudicio ultra id quod in iudicium deductum est, excedere potestas iudicis non potest. *L. ut fundus, D. com. divi.* Nec multum proferit possessori, si ad istam inficiationem probandam postea se ipsum dominum esse ostenderit. Nam cum eo tantum retulerit hanc probationem, ut efficeret actorem dominum non esse: semper huc res redit, ut ea probatione confirmet id solum, quod in iudicium deductum est; non ut rem novam in iudicium deducat. Jam autem dixi ultra id quod in iudicium deductum est, excedere non posse potestatem iudicis. Et ut vellet novam intentionem deducere, dubitari potest, num posset: cum ne exceptio quidem admittatur postea, nisi quæ initio litis contestata est, *d. L. siquidem, L. prescriptionem, C. de exc.*

36

Et

3) Et ita exceptio domini quodocunque ante sententiam opponi potest ad hoc ut reus absolvatur arg. eorum quæ habet Petr. Barbosa ad *L. si alienam 11. ipsi 12. Sol. matr. n. 22. et seqq.* Ad hoc autem, ut super dominio rei feratur sententia non item, cum sententia petitioni conformis esse debeat, nec illa, post litem contestatam mutari possit. Facit *L. 9. C. de præsc. long. temp.*

4) Unde efficitur, etsi alias exceptio de jure tertii, a quo reus nullum jus vel causam habet, non audiat *L. 4. §. 7. Si ser. vind. Wes. Cons. 15. n. 97. Monter. a Cueva. Decis. 42. n. 88. Tessauro. Decis. 4. n. 1. hic tamen exceptio de dominio tertii efficitur, per *L. ult. Cod. hoc tit. L. 6. junct. gl. v. apparuit C. de ser. fugit.* Quia hæc perimit jus agentis, actorem in totum a sua petitione excludit, ac in effectu concludit, illum sine actione agere, Tessauro, *d. Decis. 4. n. 1. Juan. Petr. Sord. Decis. 144. n. 19. Petr. Barbosa ad L. si alienam 11. ipsi 12. D. Sol. matr. n. 4. et 5. ac n. 51. ubi docet, eum quoque sic recte excipere, qui causam a vindicante habet, et n. 52. etiam eum, qui possessione spoliavit petitem. Ibidemque n. 57. et seqq. tractat, an de utili quoque dominio tertii, vindicanti domino directo opponi exceptio possit. Ac quod admittenda hæc exceptio, etiam post litem contestatam, Tessauro, *d. Decis. 4. n. 8.* quia non tam sit de jure tertii, quam de non jure agentis. Quare impleta intentione actoris, hoc probandum suscipere reus poterit. Quin nec omnino necesse est, ut postquam actor probavit, ex. g. se emisse a domino, reus, ut contra probando doceat se, vel alium dominum esse. forte, quia usuceperit, sed et si alia ratione probationes ejus elidat, obtinebit: Veluti si objiciat actori, quod**

sit incapax ejus rei, qui conditione personæ dominus esse nequeat, ex. gr. si servum potestati objiciatur, quod sit Judæus, mancipium autem Christianum etc.

5) Defensio, quæ in sola inficiatione domini actoris, parit reo solam absolutoriam *L. ult. C. h. t. et quæ in contra vindicatione, efficit, ut res una ejus esse de hæretur, Mude. in §. 1. l. de. act. n. 61.* Itaque majoris auctoritatis est pronuntiandum, rem esse rei conventi, quam absolutio simplex. Coler. *Cons. 30. n. 77.* Hæc enim, ipsi quidem reo proficit, quousque possidet, ut habeat exceptionem rei judicate contra actorem. Ast, si possessione cecidit, etsi ea ad petitem per venerit, nulla sic absolutio contra hunc actio, nec in rem, per *L. 11. pr. de jurej.* nec Publiciana arg. *L. 7. §. 7. de Public. junct. L. 2. de jurej.* Neque enim, ex titulo sententiarum, rem tenet, jure domini, vel quasi; nec aliquid jus in re ei sententia tribuit, quia non pronuntiatur ideo est, rem suam esse, scite Wes. ad *h. t. n. 47.* Quando autem contra vindicando, reus suam esse probavit, non simpliciter, sed in solvendo, sed et ipse dominus declarandus *L. 14. D. de probat. Cap. cum causa extr. de sent. et re iud. Hartn. Titul. 45. Obs. 2.* Eoque ipso una judicatum, rem actoris non esse, *L. 40. §. 2. de Procur. L. 15. de exc. rei jud. per Wes. ad d. t. C. n. 57. add. idem Cons. 6. n. 62. fecerit Wes. ad d. t. C. n. 57. unde apparet, rem, cui et seq. ut Coler. Cons. 30. n. 77. Unde apparet, rem, cui probatio domini sui expedita, non frustra fiducia sui juris, eam in se recipere juxta *d. L. 14. de probat.**



Et certe in specie L. circa, D. de prob. is ex persona ingenuitatis dicebatur esse liber-  
tus, auditur quidem probationes de ingenui-  
tate suscipiens, et sententia judicis cum pro-  
baverit, pronuntiatur ingenuus: sed cum ab  
initio non negaret tantum actorem patronum  
suum esse, sed diceret se esse ingenuum. Et

hoc ab initio intendi, ac contra vindicari tu-  
tius ab omni eo, qui rem suam esse volet  
pronuntiari. Itaque hoc casu contra vindica-  
re necesse fuerit: sed ita, ut potius hæc pos-  
sessoris actio sit mutua, quam adversus acto-  
rem defensio: de qua nunc quæritur.

## Æque.

## §. II.

Summa §. I.

Quæ hic expendenda. II.

Confessoria cur in rem, et quam vim hoc  
habeat. III.

Confessoria quæ restitutio, et quis in ea ju-  
dicii exitus. IV.

Confessoria cur sit dicta: et a re esse, non  
a conceptione orationis. V.

Confessoria cur prodita de servitutibus. VI.

Negatoria cur in rem. VII.

Negatoria cur dicatur competere de servitute,  
quæ nulla est. VIII.

Negatoria adversus quem: et esse etiam ad-  
versus eum, qui servitutem sibi non de-  
fendat. IX.

Negatoria in actione quæ restitutio, et quod  
officium judicis. X.

Negatoria cur ita dicatur, et hoc item ex  
re esse, non ex conceptione orationis. XI.

Alius tollendi jus an servitus; et an de eo  
actio confessoria; et quando. XII. XIII.

Actor quid Justiniano in illis verbis per  
quem neget rem actoris esse. XIV.

Illa verba Ei vero qui possidet, recte posi-  
ta, et eorum sententia. XV.

Ratio Justiniani illa, Nam in his agit, qua-  
lis et quam proposito probando conveniat.  
XVI.

Agit qui non possidet, quomodo hic accipien-  
dum. XVII.

Negatoria cur non detur de re corporali, de  
servitute autem competat. XVIII.

Actionem in rem possessori non dari, nec  
confessoriam, nec negatoriam. XIX.

Actio in rem cur possessori non detur: tum  
confessoria, tum negatoria. XX. XXI. XXII

Actionem in rem possessori non dari, dictum  
esse de rebus corporalibus: ad servitutes  
non pertinere. XXIII.

Actio in rem de servitutibus prodita etiam  
possidenti, tam confessoria quam negato-  
ria: et cur potius, quam in rebus corpo-  
ralibus. XXIV.

Actionem in rem de re corporali etiam pos-  
sessori dari, et hoc quomodo intelligen-  
dum, et quam conveniat cum priori-  
bus. XXV.

Actoris partes onus probandi, et cur. XXVI.

Possessoris commodum. XXVII.

Actoris partes obtinet possessor non uno ca-  
su, sed multis, et quibus: et quam hi ad de-  
finitionem Justiniani pertineant. XXVIII.

Possessor nemo partes actoris, seu onus pro-  
bandi sustinet, quatenus possessor est, sed  
quatenus prius actor est, aut pro actore  
habetur. XXIX.

Non in Interdicto uti possidetis solum acci-  
dere, ut possessor partes petitoris obti-  
neat. XXX.

In servitutibus non esse unum illum casum,  
de quo hic traditur. XXXI.

L. si prius, D. de oper. nov. nuntiant. non  
habere hunc unum casum. XXXII.

Qui suscipit ultro in se probationes, posse  
eum solum dici, qui partes actoris obti-  
neat. XXXIII.

Probatio in judicio intendentibus quid, et  
id obtinere volentibus, pariter omnibus  
necessaria: etiam ei possessori, qui pro-  
bationes in se ultro suscipit. XXXIV.

Obtinere partes actoris, et sustinere diversis  
rationibus recte dici de omnibus, qui par-  
tibus probandi funguntur in judicio. XXXV  
XXXVI.

Uno casu, Justinianum non scripsisse, aut  
de uno casu non sensisse: idque ex verbis  
demonstratur. XXXVII.

In hoc casu, seu illo casu, hic non recte  
legi. XXXVIII.

Sane non uno casu, legendum; aut sed non  
uno; aut sed nec uno: et quam lectio  
huic loco per omnia conveniat, et sola.  
XXXIX.

Theophili locus emendatus. XL.

Æque

Æque si agat quis, jus sibi esse fundo forte vel ædibus utendi fruendi, vel per fundum vicini eundi agendi, vel ex fundo vicini aquam ducendi: in rem actio est. Ejusdem generis est actio de jure prædiorum urbanorum: veluti si quis agat jus sibi esse altius ædes suas tollendi, prospiciendive, vel projiciendi aliquid, vel immittendi tignum in vicini edes. Contra quoque de usufructu, et de servitutibus prædiorum rusticorum, item prædiorum urbanorum invicem quoque proditæ sunt actiones: ut si quis intendat jus non esse adversario utendi fruendi, eundi agendi, aquamve ducendi, item altius tollendi prospiciendive, vel projiciendi immittendive: istæ quoque actiones in rem sunt, sed negativæ. Quod genus actionis in controversiis rerum corporalium proditum non est. Nam in his agit, qui non possidet: ei vero, qui possidet, non est actio prodita, per quam neget rem actoris esse. Sane uno casu qui possidet, nihilominus is actoris partes obtinet, sicut in latioribus Digestorum libris opportunius apparebit.

I. **D**E re corporali actionem in rem pro-  
xime dixerat, si quis rem suam petat ab eo qui possidet. Subjicit non de corporali tantum hanc actionem esse, sed æque, id est, similiter et de rebus incorporalibus quæ nostræ sint, iisque omnibus, quod indicat exemplis servitutum. Nam res incorporales, quæ quidem nostræ sint, sunt servitutes. Ideo harum exemplis utitur. Et quoniam dubitari poterat, num competeret de omnibus; ad dubitationem hanc tollendam exempla retulit. Nam cum servitutum quædam sint personarum, ut usus, usufructus: quædam rerum seu prædiorum: L. 1. *D. de ser.* et quæ prædiorum sunt, earum quædam prædiorum urbanorum; quædam rusticorum: quæ commemorantur *supra de servit. in princ.* et §. 1. item L. 1. *D. de servit. rust. præd.* animadvertere licet eum omnium generum exempla posuisse, in quibus et hanc actionem statueret: quod sane non alio spectat, quam ut intelligamus competere eandem actionem de omnibus. Hoc interesse docet in hoc genere inter res corporales et incorporales, quod in servitutibus duæ sunt in rem actiones proditæ. Una dicenti servitutem suam esse, seu sibi deberi a re alterius: quam actionem hic non no-

Tom. VI.

minat: juris auctores confessoriam vocant: altera ei, qui negat rem suam servitutem debere: quam hic vocat negativam: nostri in usu juris negatoriam. L. 2. *D. si ser. vind.* Unde horum titulorum inscriptiones: *Si usus fructus petatur, vel ad alium pertinere negetur.* Item, *Si servitus vindicetur, vel ad alium, pertinere negetur.* Petitionis et vindicationis verbo in rem actio significatur, L. *actionum*, L. *actio*, *D. de obl. et act.* L. *pecuniæ*, §. *actionis*, *D. de verb. signif.* Petitur et vindicatur servitus, de qua in rem agitur, sed confessoria actione. Negatur ad alium pertinere, de qua itidem agitur in rem, sed negatoria. De rebus corporalibus una tantum actio in rem, prodita ei qui rem suam esse intendit, id est, confessoria. Nunquam ei qui negat: cujus et rationem reddidit in extremo.

II. Atque hæc summa sententia hujus loci. In quo quædam sunt, quæ habent dubitationem: quæ si distincte, proposita recte atque ordine explicantur, locus aliqui omnium sententia vix pervius poterit patere. Ea sunt quatuor, quorum tria pertinent ad actiones: unum est in exemplis, quæ hic proponuntur. De actionibus ut tria complectitur Justinianus, ita singulorum ratio cognoscenda

da est: sine quo harum actionum usus non magis intelligitur, quam si omnino hic non essent propositæ. *Primum*, cur dicantur hæ actiones in rem, et quam vim id habeat. *Alterum*, cur et unde ita vocentur, illa confessoria, hæc negatoria. *Tertium*, cur hæ proditæ sint actiones in rem duæ de servitutibus, cum in vindicatione rerum corporaliū una tantum sit prodita confessoria. Quæ singula ordine in unaquaque harum actionum breviter expendemus, ac primum in confessoria.

III. Est ergo actio confessoria, qua servitus petitur, et vindicatur, iudem in rem actio, ut illa de re corporali: nempe iisdem de causis. Actio in rem est per quam rem nostram petimus. *L. actionum, D. de obl. et act.* Et confessoria de servitute ejusmodi, per quam servitutem nobis competere, id est, nostram esse intendimus, *L. 2. in pr. D. si ser. vind.* Non enim si nobis promissa sit tantum servitus, locus est huic actioni. Sed etsi nobis fundus venditus sit, nec traditus, actione ex empto, id est, in personam agitur, ut venditor fundum tradat, et tradendo si dominus est, nostrum faciat, *L. ex empto, in pr. D. de act. em.* ita et de servitute, si forte vendita sit, nec tradita: idemque, etsi sit promissa aut aliter ex contractu debita. Ex contractu enim obligatio: nec obligationis substantia in eo est, ut aliquod corpus nostrum, aut servitutem nostram faciat; sed ut alium nobis obstringat ad dandum aliquid vel faciendum, vel præstandum, *L. 3. D. obl. et act.* ubi autem servitus tradita erit, quod fit usu servitutis et domini patientia hunc usum in re sua permittentis: *L. ult. D. de ser. L. 3. in pr. D. de usuf.* tum servitus incipit esse nostra: de qua ob eam causam jam agere in personam non licet, ut nobis detur, quæ jam nostra est: *§. sic itaque, infra eod.* sed hæc sola est actio, per quam servitutem nostram esse intendamus. In rem actio de re corporali est adversus eum qui rem possidet, tenet, et habet restituendi facultatem. Et confessoria suo modo adversus possessorem servitutis. Competit namque non adversus eum, qui quandoque nobis obligatus servitutem dedit; qui solutione ejus quod debuit, omni obligatione liberatus est: sed adversus omnes omnino, qui nos servitute uti quoquo modo impediunt, sive servitutis faciant controversiam, sive non faciant. *L. loci, §. si quis mihi, L. si quis diuturno, §. ult. D. si ser. vind. L. pen. §. 1. D. si usuf. pet.* Quod

non aliud est, nisi adversus servitutis detemptorem et occupatorem dari. Ut enim in rebus corporalibus si quis rem corporalem nostram tenere nos aut attingere non sineret, id non faceret aliter quam ut ipse rem occupatam teneret solus, quam nobis non redderet, quam ob rem et actione in rem teneretur: sic in servitute si quis ea nos uti prohibeat, eam suo quodam modo detinere possidereque recte dicatur: adversus quem ideo sic intendamus recte, ut ea quasi occupatione et detentione cedat. Dicitur tamen confessoria etiam possessori interdum dari, ut idem sit petitor juris et possessor. *L. etsi, §. 1. D. si ser. vind.* nempe ergo et adversus eum, qui non possidet: quoniam duo in solidum eandem rem possidere non possunt. *L. 3. §. ex contrario, D. de acq. pos.* Quod et verum est; nec sunt hæc contraria: sed idem hic fit, quod in vindicatione rerum corporaliū fieri supra indicavimus, et exponetur pluribus in aliis verbis, *ei vero qui possidet.* Actio dari potest ei qui jus vere possidet, quo casu et erit adversus eum qui vere non possidet. At nunquam datur ei, qui servitutem detinet: semper autem adversus eum qui velut occupatam tenet: et ita possessorem intelligi volumus, cum dicimus actionem in rem possessori non dari: dari autem adversus possessorem.

IV. Petitio, et ex ea petitione officium judicis in utraque actione idem, idem utriusque judicii exitus. In actione in rem de re corporali judicis primum officium est, ut pronuntiet rem esse actoris. *L. et ex diverso, §. 1. D. de rei vind.* Et hic quoque ut servitutem per sententiam non constituat, sed quæ est declaret. *L. sicut, §. sed, si queratur, D. si servit. vind.* Illic judicium eo spectat, ut res restituatur. Unde secundum in officio judicis, ut jubeat restitui cum fructibus: ac nisi paret possessor, damnetur eo modo, quo supra diximus, *L. qui restituere, D. de rei vind.* Idem in hac actione judicii exitus, ut scilicet restituatur servitus, idque eodem præcedente jussu, eademque sententia judicis efficitur, ut est generalis definitio in extremo *d. L. qui restituere.* Nec minus placet etiam in hanc actionem fructus et omnem causam venire, *L. loci, §. 1. D. si ser. vind. L. pen. §. pen. D. si usuf. pet.* Sic autem videtur servitus restitui, si desinat is cum quo agitur, controversiam servitutis facere, et actorem uti servitute patiatur: unde officium judicis

in eo, ut securus actor consequatur servitute utendi facultatem, *d. L. pen. §. ult. D. si us. pet.* Id autem sic efficitur officio iudicis. Quoniam enim id verbis non præstatur, sed re, fieri autem potest, ut qui hodie non prohibet, quo tempore jussus est restituere, cras prohibeat, hic adversus periculum futuri temporis cautio subsidio inventa est, quæ pro restitutione rei cederet, ut caveat possessor neque per se, neque per heredes suos factum iri, quominus servitute uti liceat. Itaque officium iudicis hoc est, ut jubeat hanc quoque cautionem interponi: ut si caverit, reus, absolvatur: sin minus, tanti condemnatur, quanti actor in litem juraverit. *L. harum, D. si ser. vind.* Et vero consequitur petitor hac cautione, ut in futurum quoque sit securus: aut enim reus metu stipulationis non prohibebit adversarium uti servitute: aut si prohibet, parata est actori actio ex stipulatu quidem, attamen tanquam ex causa iudicati, qua statim quod interest sua in executione iudicati consequatur: nam post rem iudicatam nihil amplius, quæritur, quam an iudicatum sit, *L. post rem, D. de re jud.*

V. Quod secundum in hac actione spectandum dixi, confessoria dicitur hæc actio, quia per hanc servitute nostram esse confitemur, id est, affirmamus: nec ulla est confessoria de servitute, nisi per quam intendimus servitute nobis competere, eamque vindicamus, id est, ut nostram petimus. *d. L. 2. in pr. et §. 1. si ser. vind.* Itaque utrum sit confessoria, ex re petita et sententia verborum æstimandum est, non ex figura orationis. Potest quis intendere servitute suam esse simul verbis et sententia: ubi nemo negat confessoriam actionem esse, in qua et verba et sententia affirmant. At potest quis affirmare sententia orationis servitute sibi competere, ut tamen oratio conceptione verborum sit negativa. Nihilominus actionem confessoriam esse dicemus ex definitione, quia petit servitute, et nostram esse confitetur: utputa, cum dico mihi jus esse utendi fructu fundo alicujus; jus eundi agendi per fundum vicini; jus tigni immittendi in vicini ædes: non mirum, si dicitur hoc loco in his exemplis actio esse negativæ contraria, id est, confessoria: quoniam utraque re vere confessoria est; et sententia, qua servitute re vera meam esse affirmo; et conceptione verborum, quæ et ipsa affirmativa est. At cum intendo jus non esse vicino altius ædes suas tollere, et officere luminibus meis, ora-

tio quidem verbis negativa est; at sententia affirmat de servitute, hanc esse meam. Confessoria igitur ex definitione, quia servitute vindicat, *d. L. 2. si ser. vind.* sed de eo exemplo paulo post suo loco.

VI. Sequitur tertium illud, cur sit hæc actio in servitutibus prodita. Sed de eo ideo hic non quæritur, quia habet actio exemplum rerum corporalium: nam quæ de rebus corporalibus prodita est in rem actio, non alia est quam confessoria, utpote prodita rem suam petenti, eoque et suam esse confitenti atque affirmanti: ut si caussa est in re corporali, cur liceat hac actione experiri, et rem nostram petere: sit jus atque æquum et rem incorporalem eodem modo petere licere. Ad negatoriam hæc quæstio pertinet: cum ea in controversiis rerum corporalium non sit constituta. Ac de ea actione jam eadem ista tria consideremus.

VII. Est autem actio negatoria, per quam quis servitute a re sua deberi negat. *d. L. 2. in pr. si ser. vind.* Hoc quoque genus in rem actio est, ut hic traditur, et *d. L. 2. si ser. vind.* quippe et hic rem nostram petimus: non utique servitute, quam hic negamus, sed rei nostræ libertatem. Negat quis servitute vicino se debere ædes suas alius non tollendi: verbis de servitute negat: vi ipsa hoc intendit habere se ædes suas ab ea servitute liberas. *L. loci, §. competit, D. si ser. vind.*

VIII. At dicitur hæc quoque actio competere de servitute, *d. L. 2. si ser. vind.* Quomodo de servitute quæ nulla est? Recte: sed ut sit de servitute non quam quis sibi vindicet, sed quam se alii neget: idque ita explicatur in *d. L. loci, §. competit.*

IX. Est et hæc actio itidem adversus possessorem. Dum tamen possessorem hic intelligamus ut in confessoria, non eum, qui proprie libertatem possidet, dum est in possessione servitutis: quoniam et ei qui vere in possessione libertatis est, negatoria dari potest: *L. etsi, §. 1. L. sicut, §. sed si quæritur, D. si ser. vind.* sed eum, qui sive sit in possessione servitutis, sive non sit, libertatem prædii nostri velut occupat et tenet. Datur enim adversus eum, quisquis in nostro quid facit, inve nostrum immittit invitis nobis, aut in nostro facientes nos prohibet. *d. L. loci, §. competit, L. sicut, §. Aristot., D. si ser. vind.* Ut autem servitute nostram detinere intelligitur, qui nos ea uti non patitur: sic libertatem, qui quominus ea utamur, impedit. Nec interest, utrum is qui in

nostro quid facit, aut in nostrum immittit, jure servitutis id se facere dicat, an non dicat: satis est, quod hæc facit, ut hac actione teneatur, ut declaratur multis in *d. L. sicut*, §. *Aristo*, *D. si servit. vind.* Nec nos moverit, quod hæc actio ut confessoria, de servitute esse dicitur, saltem quam negemus nos debere. *d. L. 2. in princ. d. L. loci*, §. *competit, eod.* Ut enim recte et naturæ actionis convenienter negemus nos ei servitutem debere, qui quid eorum facit quæ supra scripta sunt, non est necesse eum dicere sibi earum rerum servitutem debere, et servitutis facere controversiam: satis est, quod id faciat, quod jure facere non potest, nisi jure servitutis. Videndum est enim, quo spectet hæc actio: nempe eo, ut efficiatur jus non esse adversario eorum quid facere, quæ diximus eoque ut officio judicis facere prohibeatur. Atqui hoc efficitur ista intentione, si dicamus nos earum rerum servitutem non debere, sive ejus rei controversiam faciat adversarius verbis, sive non faciat. Hoc enim posito servitutem adversario non debere a nobis, sequitur, ut illa facere in nostro non possit: quia quæcunque oratio ejus fuerit de servitute in utramque partem, sive ut controversiam de ea faciat, sive nullam: re certe ipsa non potest ea jure facere, nisi jure servitutis: quo fit, ut hoc jure negato, et potestas illa faciendi ei detrahatur. Quocirca ut defendamus recte dici hanc actionem competere de servitute, non est necesse eo confugere, quod eruditus etiam quibusdam hac objectione impeditis accidit, ut dicamus huic actioni tum locum esse, cum is qui hac actione experiri vult, servitutem prius debuit, quæ post remissa est, de qua tamen nunc controversiam patitur; aut cum idem vicino alicui servitutem debet, non autem ei cum quo nunc agitur, qui et sibi eandem debere dicit. Sit sane et his casibus negatoria actio, ut est, et sine controversia recte dicatur ea actione servitus negari, quam adversarius sibi defendit. Sed non minus recte, ut dixi, et hæc negatur adversus omnes, qui ea faciunt in nostro, quæ facere non possunt, nisi jure servitutis: ut sic negata servitute efficiatur eos illa facere non posse: qui unus finis est hujus actionis: et hoc sive servitutem sibi defendant, sive non defendant. Quanquam si præfracte quærimus in negatoria actione, ut sit adversarius, qui servitutis controversiam faciat, quo eam nos debere recte negemus; is paratus est in his omnibus, qui quid faciunt in nostro nobis invitis, aut

nos in nostro quid facere prohibent. Esto enim, his faciendis de servitute nihil dicant, quo eam sibi usurpent verbis: at certe satis usurpant re ipsa et facto; quoniam in his factis servitus consistit. *L. quoties*, §. *D. de ser.* Sit ergo hæc actio adversus omnem, qui hæc facit, quocunque modo se dicat facere, sive jure servitutis, sive nullo.

X. Exitus judicii idem, qui supra, ut cum libera res nostra pronuntiata fuerit, libertatem adversarius nobis restituat, quam quodammodo facto suo nobis ademerat. Restitutio in eo, ne nos amplius inquietet. *L. pen. §. ult. D. si us. pet.* Et quoniam non id agitur tantum, ne hodie nos inquietet, sed ut in futurum quoque de libertate nobis provisum sit: ut in confessoria actione, sic in hac cavere debet reus neque se neque heredes suos quidquam facturos, quominus actor libere re sua utatur. Continetur ergo officio judicis, ut et illa fieri vetet, quæ facta sunt, et de futuris quoque factis caveri jubeat: quod nisi sit, condemnatio sequetur. *L. egi, d. L. harum, D. si ser. vind.*

XI. Negatoria cur dicatur hæc actio, apparet. Ideo negatoria de servitute, quia competit neganti se servitutem debere. *d. L. 2. in princ. L. loci*, §. *competit, D. si servit. vind.* Itaque an sit negatoria, itidem hic ut in confessoria ex re quæ intenditur, æstimandum est, non orationis conceptione. Negatoria est, quæ servitutem negat, etiamsi affirmativa intentione utatur: non est negatoria, quæ servitutem vindicat, etiamsi negativa oratione sit concepta. Utpote, intendit quis jus sibi esse prohibendi, ne quid in suum immittas: negatoria actio est in *L. sicut*, §. *Aristo, si servit. vind.* Intendit quis ædes suas esse liberas a servitute altius non tollendi. Et hæc negatoria est actio in *L. loci*, §. *competit, eod. tit.* utrobique tamen affirmativa oratio; sed quæ sub affirmativa conceptione vi ipsa servitutem ab actore debere negat: quod ex definitione et vi verbi sufficit, ut sit actio negatoria. At cur hæc prodita de servitutibus, cum in controversiis rerum corporalium nulla sit ejusmodi actio? hoc enim erat *tertium*, quod circa has actiones quærebamus. Et cum id explicet Justinianus illic, *Quod genus actionis*: sit autem locus per se obscurior; ejus rei tractationem in eum locum rejiciemus, ubi separatim attingatur.

XII. Venio ad exempla hujus loci: quod *quartum* in hujus loci tractatione spectandum esse diximus. De his monendi sumus, cum



cum sint omnia servitutum, esse ejusmodi, ut si de genere servitutis quæritur, singulorum specierum significatio et potestas petenda sit ex titulis de servitutibus, non hoc loco tradi, ubi de actionibus servitutum agitur, non de ipsis servitutibus. Unum esse genus, in quo ambigatur de actione: cujus ideo ratio hoc loco nobis explicanda est: sic enim ad propositam huic loco quæstionem pertinet, et est ejusmodi, ut de eo parum liqueat. Id genus est jus, quod vocat altius ædes suas tollendi: de quo ita dat actionem confessoriam, ut videatur debuisse dari negatoria: aut certe male has actiones ante definivimus, et omnino quæ sint, non intelligitur. *Veluti*, inquit, *si quis agat jus sibi esse altius ædes suas tollendi*. Aperte Justinianus hoc exemplum refert inter ea, in quibus dat actionem confessoriam. Post hæc enim exempla in vers. *Contra quoque*, subjicere se ostendit ea, in quibus scribit contrariam esse actionem, eamque vocat negativam, id est, negatoriam. Posuerat ergo prius actionem contrariam negatoriæ: ea autem est confessoria. Atqui si recte definitur confessoria, qua servitutem nobis competere intendimus; negatoria, qua alteri deberi negamus, ut definiuntur ista in *L. 2. D. si serv. vind.* negatoriæ exemplum esse dixeris, non confessoria, cum ago jus mihi esse altius ædes meas tollendi. In hac enim intentione non servitutem mihi deberi dico, sed me vicino debere nego: et quod idem est, ædes meas a servitute liberas esse intendo: idque ita demonstratur. Id solum servitutis est, si quis cogatur aliquid pati in suo, aut in suo non facere, *L. quoties, 1. §. ult. D. de servit.* Ergo in suo aliquid facere, servitutis non est; sed libertatis servituti contrariæ. Intelligiturque hoc ipsum certius ex eo, quod placet liberum esse cuique in suo quidvis facere, dum in alienum nihil immittat. *L. sicut, §. Aristo, D. si serv. vind.* At hujus generis est ædes suas altius tollere: liberum igitur hoc ipsum cuique: eoque et libertatis, quam dominus sibi asserat servitutem se debere negando: non servitutis, quam ab alio acceptam confessoria sibi vindicet. Idque est, quod dicitur, neminem dominum prohiberi altius ædificia tollere, si domus servitutem non debeat. *L. altius, C. de servit.* Et quia non prohibetur, ideo cum eo qui tollat, etiam si obscuret vicini ædes, quibus non serviat, nullam competere actionem, *L. cum eo, D. de servit. urb. præd.* Conceduntur hæc ei domino, cujus ædes servitutem non debent,

cujus ædes non serviunt. Ergo ei, cujus ædes sunt liberæ: ergo ei, cui hujus ipsius libertatis jure, id est, jure proprio rei suæ licet altius tollere, non constituto aliunde jure servitutis. Ex quibus efficitur, si quis intendat jus sibi esse altius ædes suas tollere, et officere luminibus vicini, hunc non vindicare servitutem, quæ nulla illi constituta est, sed negare hanc a se deberi ei, qui impediatur altius ædes tolli, et ita intendere ædes suas esse liberas. Negatoria igitur hic actio in rem de servitute, non confessoria, ex definitione superiore. Sunt, quid id admittant, quasi Justinianus inter exempla actionis confessoria unum hoc exemplum admisit negatoriæ actionis. Sed repugnant, ut dixi, illa verba *Contra quoque*: quibus se subjicere ostendit ea exempla, in quibus statuat actionem negatoriam, eamque priori contrariam: nec alia est contraria, nisi confessoria: hanc igitur in prioribus exemplis posuerat, non negatoriam. Quid verbis opus est? in verbis *Contra quoque*, diserte scribit in hoc ipso exemplo negatoriam actionem esse hanc, si quis intendat jus non esse adversario altius tollendi. Ergo hoc dicit actionem hanc esse de servitute altius tollendi, quam neget deberi adversario juxta definitionem *L. 2. si serv. vind.* Proinde adversarius qui sic aget, ut intendat jus sibi esse altius tollendi, intendet sibi servitutem competere. Confessoria igitur hæc actio, non negatoria, ex definitione confessoria actionis. Sunt, qui fateantur hanc actionem jus mihi esse altius ædes meas tollendi, vere esse negatoriam, ut disseruimus, et Justinianum hic agere de actione confessoria: et tamen defendant non eo minus exemplum ad confessoriam actionem pertinere; quod dicant et in hoc exemplo quæ actio negatoria est, eandem esse diversis rationibus re atque verbis confessoriam. Negatoriam esse, si servitutem spectemus, de qua agitur. Vere enim hanc ab actore deberi negat. Confessoriam, si spectemus libertatem: nam hanc potissimum actor hac actione sibi asserere conatur, atque hanc ipsam suam esse confitetur, itidem ut servitutem a se deberi negat: constatque utrumque inesse in hac actione, *L. loci, §. competit, D. si serv. vind.* Cum autem accedat oratio affirmativa, ut intendat actor jus sibi esse altius ædes tollendi; nihil causæ dici posse videtur, cur non re et verbis dicatur confessoria, conveniatque instituto Justiniani, qui hoc loco actionem confessoriam intelligi voluit. Atque hoc sensu as-

sequuntur, ut congruat exemplum Justiniani sententiæ de confessoria actione, et simul non adversetur hic locus illis aliis, quibus traditur licere altius ædes suas tollere jure proprio rei suæ, non jure servitutis: quoniam ne id quidem hic negetur, cum dicamus hanc actionem jus mihi esse altius ædes meas tollendi, confessoriam esse; non tamen ad servitutem vindicandam, sed ad libertatem ædium asserendam, quæ jure communi tributa sit omnibus, quorum ædes non serviant. Equidem agnosco, si ad verbi rationem res exigitur, dici confessoriam isto modo nec ineptè, nec parum significanter: negatoriam enim maxime de libertate esse: hanc autem si æstimamus, nihil repugnare, quominus quæ de servitute quam negat, negatoria est: de libertate quam confitetur, recte dicatur confessoria. Sed quominus confessoriam ita hic interpretemur, hæc prohibent: veterum usus: ipsius loci sententia: et quod ne ista quidem interpretatione difficultatem loci explicamus. Confessoriam scimus vocare veteres, non quæ confessoria est de libertate, sed quæ confessoria est de servitute, quam deberi confitetur: sicuti negatoriam, non quæ est negatoria de libertate, sed quæ negatoria de servitute, quam negat. Sic enim traditur de his actionibus in *L. 2. si serv. vind.* competere has in rem actiones de servitutibus: illam de servitute, quam affirmet deberi: hanc de servitute, quam deberi neget. Sed et hanc actionem confessoriam intelligere se hoc loco Justinianus satis ostendit: cum enim dicit postea negativam actionem, de qua loquitur, non esse proditam in controversiis rerum corporalium: simul significat eam de qua senserat in principio, et quam ab hac negativa ut contrariam separat, in judiciis rerum corporalium esse proditam. Non ergo prius intellexit eam confessoriam, quæ servitutem deberi negans confiteretur et affirmaret libertatem: quoniam hæc in illis judiciis nulla est. Sed hoc sensit, eum qui agit jus sibi esse altius ædes suas tollendi, sic confessoria agere, ut agat de servitute, quam his verbis sibi competere contendat. Postremo cur metuimus in hac specie altius tollendi confessoriam admittere, quæ sit de servitute? Ne scilicet cogamur admittere hoc jus esse servitutem, sicque pugnemus cum iis locis quibus traditur licere hoc cuivis jure rei suæ, non jure servitutis. *d. L. cum eo, D. de servit. urb. præd., L. altius, C. de servit.* Atqui hac ipsa ratione in hac specie admittere de-

bemus confessoriam, quæ sit de servitute; quia in *L. 2. D. de servit. urb. præd.* inter jura prædiorum diserte numeratur jus altius tollendi: sunt autem jura prædiorum, horum ipsorum servitutes. *supra de servit. in pr. et §. 1.* Sed et eadem in causa habetur in *L. in tradendis, §. 1. D. com. præd.* Quod nisi recipimus, priorum locorum objectionem metuentes, illinc dilapsi in istorum posteriorum reprehensionem manifestam incurrimus. Quid ergo est? Et sumi oportet id, quod ex proximis duobus locis datur intelligi: jus altius tollendi ædes suas interdum servitutis jus esse, non libertatis: interdum libertatis, non servitutis. Quo posito, res est expedita. Licet autem attendenti intelligere maxime ex *d. L. 2. de servit. urb. præd.* Illic enim statim in principio traditur, urbanorum prædiorum jura talia esse: altius tollendi, aut non extollendi. Ac jura jam ante diximus intelligi servitutes, ut hoc ipsum explicatur in *tit. de servit. in pr. et §. 1. supra.* Qui jus altius tollendi servitutem esse, seu servitutis jure competere dicit; aperte negat hoc idem competere, servitute non constituta: eoque negat competere jure libertatis, seu jure proprio rei suæ. Et contra qui jus altius non tollendi dicit esse servitutem, quam quis in suo pati debeat; is aperte dicit hac servitute ædibus suis non imposita licere cuivis altius ædes extollere pro libertate et jure rei suæ. *L. altius, C. de servit.* Ita qui hæc duo dicit, plane hoc dicit, jus altius tollendi et servitutem esse, et non esse: servitutem, et libertatem.

XIII. Contraria hæc sunt, nec possunt simul consistere. Quomodo igitur sibi constant. Accidunt hæc non in uno et eodem jure altius tollendi, sed in diversis, ut alias hoc jus sit jus servitutis, id est, non aliter debitum, quam servitute a vicino mihi constituta: alias jus libertatis rei nostræ, quo possumus uti invito vicino, hoc ipso quod ædes nostræ sunt, dummodo hanc libertatem non imminuerimus servitute ædibus imposita altius non tollendi. Quando igitur hæc accidunt? Vidit hoc Petrus Faber ad hunc *§. et ad tit. de servit. supra.* Vidit Baro, et diligentius exposuit ad *§. prædiorum, supra, de servit.* ambo moniti certis locis tribus, qui de hoc jure altius tollendi scripti sunt: quibus hoc jus ita tribuitur dominis jure communi, ut addatur hæc exceptio, dum ne quid fiat contra formam et statum veterem ædificiorum, ut est in *L. qui luminibus, D. de servit. urb. præd. L. 1. C.*

*C. de servit.* et ut explicatur alibi, dum ne ædificator modum usitatum altitudinis excedat. *L. 1. C. de æd. priv.* Quid ergo ad rem hi loci? Et facile omnes nos docent, nulla certa forma ædificiorum publice constituta licere cuivis jure gentium ædes suas quam altissime tollere, etiam si effecturus sit luminibus vicini: et licere jure rei suæ, id est, etiam non impetrata a vicino hujus rei concessione, seu hujus rei servitute. *d. L. altius, C. de ser. d. L. cum eo, D. de servit. urb. præd.* Et hactenus hoc jus libertatis est rerum nostrarum, non servitutis a vicino concessæ. Idem juris esse, etsi constituta sit publice certa forma et altitudo ædificiorum, sed qui ædificat, consistat intra hujus formæ modum. Hac autem constituta, si quis altius tollat, non licere jure rei suæ, cujus altitudo modum a lege publica accepit. Unde eveniet, ut si licere incipiat, non aliter liceat, quam vicino concedente, et hanc servitutem ædibus suis imponente, ut ædificantem et suis luminibus officientem pati cogatur, quem prius pati non debebat. Quæ res facit, ut jam jus altius tollendi sit servitus, seu jus servitutis. Et hoc cum forma publice constituta ita erit, ut non liceat altius ædificare invitis vicinis. Nam si præcise ita cautum sit lege, ne quis supra eam altitudinem ædificet propter incendia, aut ruinas ædificiorum; nihil aget servitus constituta, quominus ab ædilibus urbis ædes coerceantur intra legitimum modum: pactis enim privatorum juri publico derogari non potest, *L. jus publicum, D. de pact. L. quod bonis, §. 1. D. ad leg. fal.* Secundum hæc res est ut de dissidentibus locis, ita et de actionibus atque interpretatione hujus loci admodum expedita. Si igitur forma nulla ædificiorum publice constituta est, aut constituta non exceditur: quia tum ædificare licet jure rei suæ, jure libertatis publice concessæ; si quis tum intendit jus sibi esse altius ædes suas tollendi, is ædes suas liberas esse dicit, eoque servitutem se debere negat, non servitutem sibi deberi contendit. Proinde negatoria actione utitur de servitute, non confessoria. *d. L. 2. si ser. vind.* Et isto sane sensu exemplum huic loco non congruit. Quod si lege civitatis certa forma ædificiis præscripta est, supra quam tollere ædificia non liceat invito vicino; vicinus autem constituerit jus mihi esse invito se altius ædes meas tollendi, et officendi luminibus suis; jam hoc jus servitus erit, quam vicinus pati debeat, quod ante servitutem con-

stitutam non cogebatur. Ne mihi constituerit hoc jus; tum ex lege retinebit jus et libertatem ædium suarum, qua efficiatur ne sit mihi jus altius ædes tollendi. Hic vero in utramque partem optime exempla in hac specie congruent. Nam si servitute mihi constituta vicinus me impediat, quominus altius ædificem: recte intendam confessoriam actionem de servitute, ut dicam jus mihi esse altius ædes meas tollere invito eo, id est, dicam eum hanc servitutem mihi debere, ut cogatur altius ædificantem pati. Servitutem autem nulla ejusmodi mihi ab eo constituta, si velim ædificare, licet ei ita mecum agere, jus mihi non esse invito se altius ædes meas extollere: atque hæc vere negatoria actio est, quam Justinianus postea in hac specie statuit. Hoc enim nihil aliud est, quam negare servitutem hanc mihi deberi; ædes vicini hactenus esse liberas, ne ædificantem me pati cogatur. Pacto in hac re idem quod lege effici non potest; libertas namque naturalis altius ædificandi cum sublata est lege, si deinde mihi cedatur a vicino jus altius tollendi, manet nihilominus eadem conditio rei meæ adversus cæteros, ut altius tollere non possim: sed servitus mihi constituta est a vicino, qui jam pati incipit, quod prius sine pacto non cogebatur: hoc autem pati servitutis. *L. quoties, 1. §. ult. de servit.* At eadem libertas si adempta sit pacto, puta quia inter me et vicinum convenerit, ut ad certam altitudinem mihi ædificare liceret: si idem postea mihi concedat altius ædificare: non nova servitus mihi constituitur, sed quæ illi a me pacto constituta erat, contrario pacto ab eo remittitur. Qua remissa, redit res mea in libertatem naturalem, de qua si experiar postea, agam licere mihi altius ædes meas tollere, jure rei meæ, quæ jam amplius huic non serviat. arg. *L. altius, C. de ser.* Hæc autem est negatoria actio negans amplius servitutem deberi, et ædes liberas esse affirmans. *d. L. 2. L. loci, §. competit, D. si servit. vind.* De modo altitudinis ædificiorum, quis fuerit, et quam varius Romæ, nihil necesse est dicere hoc loco. Satis est constare fuisse aliquando constitutum. Fuisse autem præterquam quod auctores sunt Strabo *Lib. 5. Tacitus Lib. 15. Ann.* plane constat ex superioribus locis, id est, *d. L. 1. C. de servit. L. 1. C. de ædific. privat. L. qui luminibus, D. de servit. urb. præd.* si fuit aliquis, superiori juri locus est. Qualis aut quando fuerit, ad hanc quæstionem juris nihil pertinet. Immo vero ad hanc quæstionem sa-

tis est non modo ejusmodi aliquem modum esse, sed etiam existere posse in quibusque regionibus, et civitatibus, ut ad id tempus hæc quæstio accommodetur.

XIV. *Quod genus actionis.* Non abs re addidit hoc loco negatoriam actionem in controversiis rerum corporalium proditam non esse: pertinet enim partim ad defensionem, partim ad explicationem quorundam superiorum. Prius dixerat de rebus corporalibus in his esse actionem in rem, sed eam per quam quis intendit rem suam esse; de ea per quam quis neget rem esse adversarii, nihil adjecebat: omiserat itaque negatoriam. Non recte, diceret aliquis accepta ex hoc loco occasione: cum enim modo dixerit etiam hanc actionem proditam esse in servitutibus, cur in rebus corporalibus omisit? Dixerat præterea initio hujus §. actionem in rem de servitutibus competere æque, id est, similiter atque de rebus corporalibus: ex quo potuit intelligi etiam competere negatoriam de corporalibus; sic enim fit, ut competat de his rebus per omnia in rem actio æque et similiter. Utrumque cum requireret interpretationem, commode subjecit, quod utrumque absolveret: dum et prioris reddit rationem, et posterius enarrat. Hoc genus, inquit, (negatoriae actionis) *in controversiis rerum corporalium proditum non est.* Proinde nemo mirari debet, si in his confessoriae tantum actionis mentionem feci; negatoriam non dedi: ideo enim non dedi quia hæc in illis nulla est: dissimiliter atque in servitutibus. Quod autem dixi de servitutibus æque atque de rebus corporalibus esse actionem in rem: hoc æque sic accipiendum est, ut competat æque et pariter in utroque genere rerum, quod ad genus actionis attinet: non quod attinet ad numerum, seu ad species actionum hujus generis. Competit æque de omnibus in rem actio: nunquam enim alia actio est de servitutibus, quam in rem, sive confessoria erit, sive negatoria. At competunt de servitutibus duæ in rem: hæ ipsæ videlicet quas dixi, confessoria et negatoria: de rebus corporalibus una tantum confessoria: illa altera in harum rerum controversiis non est prodicta. Nam in his is agit, qui non possidet: ei vero, qui possidet, non est actio prodicta, per quam neget rem actoris esse. Ratio est, non qua probetur, cur in controversiis rerum corporalium actio negatoria non sit prodicta, sed qua declaretur id quod proposuit, proditam non esse. Locus est paulo obscurior. Difficultas partim ex genere collectionis, partim ex sententiis

ipsis per se, quæ hic affirmantur. Itaque visum est utrumque hoc loco distincte expendere. Et quoniam afferuntur hæc pro ratione, prius de genere ipso probationis, quale sit, videamus. De quo non temere est, quod quæritur. Non enim videtur ratio efficere id, quod est propositum. Id ita faciam, si prius dixerò, quid hic actoris verbo significetur, ne non satis intellectum, sententiam mutet, et rectam collectionem impediat. Ergo illud, *per quam neget rem actoris esse*, rectum est, ut actoris verbo intelligamus adversarium qui non possidet, sitque hic sensus; ei vero, qui possidet, non est actio prodicta per quam neget rem esse ejus qui eam non possidet, cum quo forte possessor experiri velit. Actoris verbo hunc intelligere Justinianum et antithesis, et præcedentia hujus rationis declarant. Primum actorem opponit ei qui possidet. Possidenti non recte opponitur quisquam, nisi is qui non possidet. Tum autem eum qui non possidet paulo ante eum esse dixerat, qui agit: quod nihil aliud est, quam eum qui non possidet, in his controversiis esse actorem. Non mirum, si ex hoc sensu sibi et prioribus consentiens eum qui non possidet, nunc quoque actorem vocat. Ut tamen actorem intelligamus non eum qui vere actor est, cum fieri possit, ut is qui non possidet, nunc non agat, sed eum qui si hoc casu ageretur, actor esset, aut actor esse deberet.

XV. Hoc intellecto venio ad rationem: cujus vim initio simpliciter proponam. Probatio autem mihi esse videtur ex enumeratione partium, quarum a singulis removetur negatoria actio. Nam si probatur in singulis partibus harum controversiarum hanc actionem locum non habere, recte colligitur in ejusmodi controversiis in totum huic actioni locum non esse; quod erat propositum. Est igitur ratiocinatio hujusmodi. Controversia omnis quæ de rebus corporalibus nostris movetur actione in rem, aut movetur ab eo, qui rem non possidet, aut ab eo qui possidet. Nentro autem in genere controversiæ locum habet negatoria actio. Quare in totum in his controversiis locum non habet. Quia vero ad hoc efficiendum satis erat assumptum illud probare; ideo solum posuit, et probavit; ad hanc, ut opinor, sententiam. In his controversiis rerum corporalium si quis jure agat, is est qui non possidet. Huic autem nulla negatoria actio; non tam quia jure non prodicta, quam quod nec natura esse potest. Non enim ei alia potest esse actio

actio ad rem suam recuperandam, quam ea per quam rem suam petat, eoque et suam esse intendat: ubi si neget suam esse, aperte seipsum excludat. Ei vero qui possidet, etsi natura potest actio negatoria ultro dari; tamen jure non est prodita, quia non est necessaria; cum sufficiat ei quod possidet. L. 1. §. 1. *D. uti possid.* Quapropter si neque non possidenti actio negatoria natura dari potest: neque ei qui possidet, jure est prodita: neque præterea plures sunt controversiæ de rebus corporalibus, in quibus sit huic actioni locus: efficitur quod dixit, in totum in his controversiis huic actioni locum non esse. Sed an hoc dicat Justinianus videamus; atque adeo tota ratio paulo diligentius expendatur; quæ non immerito viris eruditis est suspecta. Et vero insunt in ea, ut apparet, partes duæ: parum ut videtur appositæ ad probandum id, quod proponitur. De eo qui non possidet hæc ratio est: *nam in his (controversiis), inquit, is agit, qui non possidet.* Quid hoc ad rem, ut probetur ei qui non possidet negatoriam non dari, de quo quæritur? Minime vero hoc ex illo sequitur: potest enim qui rem aliquam non possidet, de ea re agere, et nihilominus negatoriam actionem habere, ut in servitutibus. Nam si cujus ædes in totum liberæ sint, ut eas altius tollere liceat, aut ne cogatur dominus in eas tignum recipere: recte agit negatoria, si vicinus eum altius tollere prohibet, aut tignum in parietem ejus immittit: et quidem utrumque maxime, etsi adversarius sit in possessione servitutis, dominus non sit in possessione libertatis: veluti, si dominus ædium depressas ædes suas habeat, aut tignum in parietem ejus jam sit immissum. L. loci, §. competit, L. etsi, §. 1. L. sicut, §. sed si quæritur, D. si servit. vind. Et si tantum dixisset Justinianus eum agere, qui non possidet; neque verum dixisset, neque ex eo colligeretur non possidenti negatoriam actionem non dari. Refelleretur utrumque exemplo servitutum: ubi et servitutem vindicat, qui eam possidet, et de libertate ædium suarum experitur negatoria, qui non possidet libertatem. d. L. etsi, §. 1. L. sicut, §. sed et quæritur, D. si servit. vind. Sed dictum hoc est de controversiis rerum corporalium: et hoc sentit, eum agere in his controversiis, qui non possidet rem corporalem. Hoc vero qui dicit, nihil aliud significare intelligitur, quam eum qui de his rebus agat, confessoria actione experiri posse: negatoria nequam. Agendi enim verbo quam actionem

intelligit? in rem: de ea enim agitur. Quorum vero hæc actio non possidenti? nempe ad eam rem quæ abest, petendam. Eaque ipsa definitio est actionis in rem, quæ ita definitur, ut sit actio, per quam rem nostram, quæ ab alio possidetur, petimus. L. actionum, D. de obl. et act. At qui petit, simul necesse est intendat rem suam esse; qui si neget, aperte, ut ante dixi, seipsum excludat. Atque hoc ipsum est confessoria actione experiri, non negatoria. Quare vel ipsum actionis et non possidentis nomen hoc efficit, ut intelligi debeat actionem confessoriam hic esse posse, negatoriam non posse. Cur ergo in servitutibus est negatoria ei, qui servitutem se debere negat; cum nihilominus hæc ipsa actio sit in rem, et datur interdum libertatem non possidenti? Dicam postea, cum in veritatem harum sententiarum inquiretur. Nunc quid Justinianus in hac ratione posuerit, quærimus. Sit ergo hac parte sententia Justiniani, si quis in rebus corporalibus in rem agat, eum agere, qui non possidet: hinc sua sponte intelligi eum qui non possideat, negatoria agere non posse: cogente id actionis definitione, non possidentis fine, et rei corporalis natura: scilicet quia nec actio aliud petat, quam rem suam: nec possessor in ea re aliud intendat, quam suam esse, ut eam recipiat, quæ confessoria intentio est: et idem alia intentione uti non possit, cum una res sit, de qua ab utraque parte contenditur; quam cum affirmavit, non possit negare. Ex quo ut quid hic subaudiendum est, ita quid subaudiendum sit, apparet. Sed sit sane ita, ut possit hæc pars sic accipi, si per se ponatur: huc spectare nimirum Justinianum, ut significet ei, qui non possidet, negatoriam actionem non dari. Nihil pertinet ad hunc locum, si appareat ex sequenti parte Justinianum id non sentire. At videamus, ne aut repugnet pars sequens, quo minus id sentire putandus sit; aut si volumus non repugnare, incidat ipsa in manifestum vitium. Quorum alterum satis est, ne sit ea ratiocinatio, quam diximus, aut ne ex ea efficiatur, quod volumus.

XVI. Subjicit ergo Justinianus per adversativam: *ei vero qui possidet, non est actio prodita, per quam neget rem actoris esse.* Hæc adversativa si recte posita est, significat Justinianum in eo qui possidet aliquid ponere diversum ab eo, quod prius posuerat in eo, qui non possidet. Nunc autem de eo, qui possidet, aperte scribit, negatoriam actionem ei non esse proditam. Ergo idem de eo, qui



qui non possidet, prius non sensit. Aut si sensit, vitiose dixit idem per adversativam: cum ita scribere deberet conjuncta oratione: Ei, qui non possidet, cum agat, non potest esse negatoria actio. Sed et ei, qui possidet, æque non est eadem hæc actio prodita. Itaque non temere est, quod plerique docti viri hunc locum suspectum habuerunt. Nonnulli etiam conati sunt remedium afferre, et ita restituere; Ei vero, qui non possidet, non est actio prodita, per quam neget rem alterius esse. Quæ Francisci Hottomanni hoc loco vetus restitutio est. Quod ego non reprehendendi causa dico, sed laudandi. Nam et difficultatem loci præclare vidisse eum apparet, et si quæritur, quid per se rectum sit, nihil potest dici melius ad probandum id quod quæritur, estque sententia sine ullo vitio et salebra: a quibus contraria lectio ægre potest defendi. Sic enim recte colligitur: In controversiis rerum corporalium is agit, qui non possidet: id est, is agit solus, non etiam is qui possidet. Per quod satis significabatur possidenti nullam esse actionem, eoque nec negatoriam; ut proinde id postea de possidente repeti non oporteat. At ei, qui non possidet, quem solum agere dixi, prodita est solum actio confessoria, non etiam ea, per quam neget rem esse adversarii, ejusdemque possessoris. Quare in his controversiis rerum corporalium negatoria actio prodita non est: cum possidenti nulla sit actio: non possidenti sit prodita, sed confessoria, non negatoria. Atque ut hoc sic recte colligitur; ita illud per se verissimum est, possidenti actionem non dari. *L. 1. §. pen. D. uti poss.* De veritate igitur sententiæ et consecutione hujus rationis si per se quæritur, nihil est, ut dixi, hac lectione neque verius, neque melius. Sed quid ageremus? Non enim ad mutanda, quæ certo hic scripta sunt, accedimus, sed ad interpretanda. At ita constans est in omnibus libris recepta lectio superior, ut nemo adhuc exstiterit, qui se alicubi aliter legisse diceret. Sed et Theophilus aperte legit locum de eo, qui possidet. Quod si quid hic mutandum esset, esset tolerabilius ita legere: Ei vero, qui possidet, non est actio prodita: detractis illis verbis, per quam neget rem actoris esse. Ut diceremus hæc ab aliquo interprete non satis attento tanquam glossema addita esse; deinde in contextum irrepsisse. Habermus autem hujus sententiæ rationem non obscuram in enarratione Theophili: qui hunc locum plane isto modo expressit, quem dixi. *Τὸ γὰρ νεμομένῳ, inquit, ὃ δίδεται in rem:*

*ὃδὲ δύναται ἀδίκειν, εἰ φαίνεται τὸν ἀγῶνα πρὸς μὴ εἶναι.* Non dixit, non est actio negatoria prodita, ut hic scriptum est: sed in universum non datur actio in rem: ex quo intelligitur, ideo nec negatoriam ei esse proditam. Quomodo si legeretur; præterquam quod id diceretur, quod per se verissimum est, nullam nimirum possidenti actionem dari, traditum in *d. L. 1. §. pen. uti pos.* effugeret etiam oratio vitium illud, quod supra metuebamus. Statuit enim posterior pars diversum a priore, dum prius non possidenti etsi non datur negatoria actio; datur tamen aliqua, nempe confessoria. At ei, qui possidet, nulla. Sed quoniam ne hoc quidem certo affirmare possumus, hæc verba, *per quam neget rem actoris esse*, non esse Justiniani, et in eo publice recepta ac constante scriptura prohibemur: videndum est potius, quid commode dici possit receptam lectionem retinentibus. Ego vero non minus animadverto esse in ea, quo per adversativam recte distinguatur posterior pars a priore, tanquam diversum continens; et nihilominus recte defendatur, in utraque parte negatoriam actionem utriusque generi actorum denegari. Hoc autem illud est, quod initio sum complexus, dum, quæ hic esset Justiniani ratiocinatio, ostendi. Prius ergo dixit in controversiis rerum corporalium eum agere, qui non possidet: ex quo solo intelligi voluit, ei actionem negatoriam non esse. Sed hoc ita dicit, ut velit intelligi, ideo eum negatoriam actionem non habere, quia ad petendam rem suam natura eam actionem habere non possit. Post ei, qui possidet, eandem actionem detrahit: sed aliter. Non enim ideo dicit ei, qui possidet, actionem negatoriam non esse, quia eam habere non possit per rerum ipsarum naturam: nihil enim prohibet, quo minus possessor rei cum turbatore ita experiat, ut neget rem ejus esse, eoque et quiescere eum jubeat per judicem: nam et sic agitur interdicto. *L. 1. §. est igitur, et §. pen. D. uti poss.* sed cum possit natura ita experiri, qui possidet: non tamen ita agit; quia hæc actio jure ei non est prodita. Cur autem non prodita? dicam paulo post suo loco. Atque hæc de ratiocinatione Justiniani dicta sunt, ut intelligeretur, quam recte probaret hoc modo illud, quod proposuit, in controversiis rerum corporalium actionem negatoriam proditam non esse. Nunc, si videtur, ipsas per se sententias, quales sint, considerare mus.

XVII. *In his is agit, qui non possidet.*

*det.* Sententia verissima et perpetua cum in rebus corporalibus, tum in servitutibus, de quibus in rem agitur, semper eum agere posse in rem, qui non possidet. In rebus quidem corporalibus ita comparata est in rem actio, ut nec alii detur, quam non possidenti adversus eum qui possidet. §. *retinendæ*, *Inst. de Interd. L. actionum*, *D. de obl. et act. L. 1. §. pen. uti poss.* In servitutibus autem etsi ita in rem actio est de servitute, ut de ea agere possit qui est in possessione ejus juris de quo agitur: semper tamen constitit, eum multo magis agere posse, qui non sit in possessione: *L. etsi*, §. 1. *L. sicut*, §. *sed si quæritur*, *D. si servit. vind. merito*: cum omnis in rem actio id spectet, et in hoc sit comparata, ut res, quæ abest, non possidenti restituatur. *L. qui restituere*, *D. de rei vind.* Sententia quidem patet latius, si alibi per se posita legatur, et vim verborum quis consideret. Hoc enim significat solum eum agere, qui non possidet: quo continetur, ut quemadmodum is recte agit, qui non possidet; ita contra si quis possidet, agere non possit: quod et verum est. Sed quoniam de possessore separatim postea dicit Justinianus, ex sententia ejus intra verba consistere oportet, et dictum accipere de eo solo, qui non possidet: quod autem ad possessorem attinet, ad sequentem clausulam referre. Idque ita facere necesse est, non tantum si sententiæ Justiniani servare volumus; sed etiam si manifestum vitium effugere ineptissimæ orationis. Nam si dixisset solum eum agere posse, qui non possidet, ut intelligeremus eum qui possidet non posse: inepte admodum idem inculcaret postea de possessore. Sed eo ineptius, quod in hac repetitione minus complecteretur, quam prius: cum prius omnem actionem detraxisset possessori: postea detrahat solum negatoriam. Sed quoniam superiorem sententiam de rebus corporalibus eo spectare dicimus, ut significetur ei, qui non possidet, in his rebus negatoriam actionem non dari, ita ut horum utrumque superiore dicto includatur: videamus, et hoc posterius quam per se verum sit. Constat enim hoc loco hanc actionem dari in servitutibus, et in hoc distinguere rerum corporalium controversias a controversiis servitutum. Ac si cui actio in rem danda est, ei maxime danda est, qui ea potissimum indiget. Is autem est, qui rem non possidet. Quod cum fit in rebus corporalibus, *L. actionum*, *D. de obl. et act.* tum etiam in servitutibus, ut paulo ante dixi.

XVIII. Cur ergo negatoria datur de servitute; de re corporali non datur; nisi quia aut hanc actionem de servitute dari, aut eandem de re corporali non dari falsum est? Immo recte utrumque. Differentiæ rationem recte hoc loco Theophilus exposuit. Dicam tamen, si potero, planius. Commune hoc est omnium actionum in rem, tam in rebus corporalibus, quam in servitutibus, ut ad rem aliquam judicio obtinendam, sive ea res corporalis est, sive servitus, sive rei nostræ libertas, unusquisque de jure suo agere debeat, non de alieno, ut est in *L. uti frui*, *D. si ususfr. pet.* id est, debeat ita agere, ut dicat aliquid suum esse, non autem neget alienum. Non enim si probat non esse alienum, ideo vincit suum esse: cum possit esse tertii alicujus. Jam vero rerum corporalium natura hæc est, ut qui rem quam petit, adversarii esse negat, non ideo affirmet hic quidquam esse suum, quæ res facit, ut inutilis sit agenti negatio. In servitutibus contra hoc evenit pro rei natura, ut qui servitutem vicino se debere negat, vi ipsa eadem opera adstruat rei suæ libertatem, id est, rem suam liberam esse intendat: ea enim res est libera, quæ servitutem non debet. *L. loci*, §. *competit*, *D. si servit. vind.* Hoc autem qui intendit, jam non negat, sed affirmat: de suo jure agit, non de alieno, ut est in *d. L. uti*, *D. si us. pet.* quæ res ex eadem regula hanc actionem ut confessoriam admittit exemplo quoque rerum corporalium, non ut negatoriam.

XIX. *Ei vero qui possidet, non est actio prodita, per quam neget rem actoris esse.* Significat negatoriam actionem possidenti non dari: ea enim negatoria est, per quam negamus rem esse adversarii. De negatoria solum loquitur. Quid ergo, an hæc sola possidenti non datur, dabitur autem confessoria? Ne hæc quidem: et omnino datur nulla. Actio, inquit Ulpianus, nunquam ultro possessori datur. Quippe sufficit ei, quod possideat. *L. 1. §. pen. D. uti poss.* Cur igitur negatoriam solum nominavit, cum pariter neutra competeret? quia institutus sermo id solum postulabat: de negatoria enim solum proposuerat, tantumque opus erat probare hoc genus proditum non esse in controversiis rerum corporalium. Et quod alibi traditur, cum in una re, aut in una persona quid ademptum est, in alia re, aut alia persona relictum videri: *L. qui testamento*, §. *mulier*, *D. Qui test. fac. pos.* *L. cum prætor*, in princ. *D. de jud. in voluntate ob-*  
scura

secura adimentis locum habet: non etiam tunc cum constat loquentem proposito adductum esse, ut de una tantum specie proposito conveniente loqueretur: multoque minus tunc, cum ex aliis partibus juris constat etiam in eo quod omisum est, idem esse ademptum: quorum utrumque in proposito contingit. Quid quod ex eo, quod negatoria hic detrahitur possessori, statim colligi debuit, multo magis detrahi confessoriam? Mirum enim, si cui detur actio ad petendum, quod habet: id quod facit confessoria, si datur possidenti. Non mirum, si datur negatoria: quæ spectare potest ad id, quod habemus retinendum. Denegatur tamen hæc ipsa hoc loco possessori. Ex quo intelligi debuit multo magis denegandam confessoriam. Ratum sit igitur, neutram competere possidenti, neque confessoriam, neque negatoriam: nec de confessoria hunc locum obstarè; qui hoc confirmat potius.

XX. Sed cur actio possessori non datur? Neque enim frustra aut inepte monuit hoc loco Justinianus de negatoria, hanc non dari, quasi nemo posset sanus de eo dubitare. Alioqui non præclare, sed multo ineptius Ulpianus, qui generaliter de omni actione scripsit, nunquam actionem ultro possessori dari. *d. L. 1. §. pen. uti poss.* Cur ergo, inquam non datur? Reddit rationem ibidem Ulpianus: quia *sufficit ei, quod possideat*. Ratio idonea: sed hucusque, ut declaretur nullam fieri possessori injuriam, si non detur ei actio non necessaria. At si dicatur, posse esse utiles has actiones ad rem nostram magis et citius obtinendam; quid prohibet, quominus et hæc dentur cum aliis remediis ad rem tenendam comparatis? Scimus enim plerasque actiones, pleraque item remedia jure prodita propter utilitatem, atque adeo propter commoditatem solam, non quia sint necessaria: cum aliæ actiones, et viæ ordinariæ iisdem de rebus possent sufficere. Mitto bonorum possessionem secundum tabulas, et contra tabulas liberis suis heredibus propositam: res in utroque genere heredum sæpe non necessarias. Quam multæ sunt actiones hujusmodi ex contractibus, quasi contractibus? maleficiis suæ sunt propriæ actiones, quæ ad consequendum, quod ex singulis causis debetur, sufficere possint: tamen de iisdem rebus proposita certi conditio, item triticiaria. Et in re furtiva quam multæ actiones concurrunt de eadem re? Interdum ex contractu; semper autem conditio furtiva, vindicatio, ad exhibendum. *L. si pro fure, §. 1. D. de cond. fur.* Quæ sane vel una caussa justa est

amplius de eo dubitandi, cur hæc actiones possessori sint denegatæ.

XXI. Ostendamus igitur non solum ideo has actiones possessori non dari, quia possessio ei sufficiat: sed etiam quia actiones sint ad id quod possessor petit, plane ineptæ et inutiles. Confessoria quidem ad id quod petitur, etiam repugnans: ut etiamsi velimus, hæc possessori secundum naturam rei dari non possit. Est enim confessoria in rem actio ea, quam supra definivimus: per quam scilicet petimus rem nostram, quam eandem rem nostram, esse affirmamus: hæc enim affirmatio confessio est: unde confessoriae nomen. At hæc intentio possessori non convenit. Quomodo enim petat, quod habet? quomodo petat sibi restitui ab eo, qui non tenet: non habet restituendi facultatem? Immo vero hoc ipso, quod se possidere dicit, utramque hanc petitionem excludit. Qui enim petit, ideo petit, ut habeat; ac propterea fatetur se id nondum habere. Repugnant igitur hæc, intendere rem aliquam penes se esse, et nihilominus eam ab alio petere, quasi non habeas. Sed et qui petit rem sibi restitui ab alio, pugnat secum, si se possidere contendens, simul dicat adversarium possidere, ut restituat: pugnat cum natura, si contendens rem penes adversarium non esse, tamen velit eum restituere. Nemo enim potest per rerum naturam restituere, quod non habet. Quare natura rerum non patitur, ut de ea re quam possidet, confessoria actione quisquam experiatur.

XXII. Non eadem negatiæ actionis ratio. Cum enim possidenti possit fieri possessionis controversia; quid prohibet, ei actionem ultro dari, per quam cogatur adversarius amplius controversiam possessionis non facere; ipse securus possidendi facultatem consequatur? Hoc et natura rei recipit, et in servitutibus admissum est: neque id aliter, quam negatoria actione. *L. pen. §. ult. D. si us. pet.* Nec quisquam dixerit hoc solum in servitutibus nec possidenti datum: nam et possidenti actio datur in hoc genere, ut mox dicetur. Quid, an non interdictum uti possidetis datur possessori, cui fit controversia possessionis? *L. 3. §. 1. §. seq. D. uti poss.* Interdictum autem et ipsum actio est. *L. actio, D. de obl. et act.* Qui minus igitur detur actio negatoria, per quam quis sibi eodem modo possessionem tueatur? Et certe neque possessoris utilitas, neque per se actionis natura repugnat, si quis modo in actione nihil amplius obstat, quam quod actio est. Sed  
ad

ad naturam actionis in rem, qualem nunc negatoriam intelligimus, est inutile. Est enim omnis actio in rem jure civili non ad possessionem rei constituendam prodita; sed prius ad dominium et jus plenum rei, de quo et iudex prius pronuntiare debet: deinde eo, ut cujus res esse sententia iudicis declaratum fuerit, illi et res restituatur. Sic observatur etiam in servitutibus de ea servitute, quam quis suam esse intendit confessoria actione. *L. sicut, §. sed si queritur, D. si servit. vind.* Non dubium, quin valeat et in negatoria actione de libertate, quam actor itidem suam esse intendit. *L. loci, §. competit, D. eod.* cum sententia intentioni debeat esse consentanea. *L. ult. C. de fid. lib.* Porro ut efficiatur rem nostram esse, negatoria non agitur: quippe quæ ad eam rem sit inutilis: nemo enim ideo se dominum esse, aut rem suam esse confirmat, quia negat rem esse adversarii: cum fieri possit, ut sit neutrius. Non ergo vere tantum dictum est hoc loco, possessori negatoriam actionem non dari: cui consequens fuit multo minus dari confessoriam: sed etiam intelligitur, quam recte dicatur utrumque; et ne supervacuum videatur de eo nos moneri, quæ fuerit de utroque dubitationis causa.

XXIII. Nunc hoc monendi sumus dicta hæc esse in utraque actione de possessore rerum corporalium; jus ad servitutes non pertinere. Nam in servitutibus placet eundem possessorem juris esse posse, et petitem; id est, et eum qui est in possessione servitutis, nihilominus de servitute agere posse confessoria: et eum contra, qui est in possessione libertatis posse de jure suo agere negatoria, quod traditur et declaratur exemplis in *L. etsi, §. sciendum, L. sicut, §. sed si queritur, D. si servit. vind.* Non adversatur, quod hic simpliciter dicitur, ei qui possidet, negatoriam actionem non esse proditam. Repetendum est enim illud quod proposuit, in controversiis rerum corporalium, quod et repetit initio hujus actionis: ait enim; *nam in his is agit.* In his, intellige, controversiis rerum corporalium: et idem in tota ratione intelligendum est, si modo ratio ad id, quod propositum est, recte refertur. Sed et illud Ulpiani simpliciter dictum, actionem nunquam ultro possessori dari, *d. L. 1. §. pen. D. uti poss.* non ad alias res pertinet. Scriptum est enim ad interdictum uti possidetis, et de iis rebus, de quibus competit interdictum: competit autem de rebus corporalibus et soli. *d. L. 1. in pr. et*

*§. inter, uti poss.* Postremo, ut nihil dicatur amplius, quam actionem possessori non dari, ipsum possidendi verbum satis docet, dictum hoc esse de rebus corporalibus: solæ enim possidentur res corporales: incorporales, quales sunt servitutes, non possidentur. *L. 3. in pr. D. de acq. poss. L. servus, §. 1. D. de acq. rer. do.* Ut appareat in his, quæ de dissimilitudine actionum in rem diximus, cum de rebus corporalibus agitur, aut de incorporalibus, duas has differentias statui inter istarum rerum actiones. Priorem hanc, de qua supra diximus, positam in genere actionis: quod de rebus corporalibus negatoria actio nulla est: de servitutibus est prodita ei, qui neget se servitutem debere. Alteram positam in possessione istarum rerum: quod in rebus corporalibus sive est negatoria, sive confessoria, nunquam alterutra possidenti datur: in servitutibus utraque tam ei, qui possidet, quam qui non possidet. Ex quo incidit rursum res in dubitationem. Cur enim quæ actiones in rem in utroque genere rerum competunt, cum sint de rebus nostris quas petimus, non pariter competunt iis solis, qui non possident, aut pariter omnibus, sive possideant, sive non possideant?

XXIV. Sed quoniam jam ostendi rationem constare, cur in rebus corporalibus actio possidenti non detur: solum relinquitur dubium, cur idem non recipiatur in servitutibus. Dubitationem movet exemplum ejusdem actionis in utroque genere rerum. Arguit hæc dubitationem. Nam si actiones de servitutibus in rem sunt, ut sunt: *L. 2. si servit. vind.* necesse est esse adversus possessorem. *L. actio-num, D. de obl. et act.* Quod si adversus possessorem, is qui agit possessor esse non potest, quoniam duo eandem rem possidere non possunt. *L. 3. §. ex contrario, D. de acq. poss.* Sed et quod dicitur necesse esse inter litigantes alium petitem esse, et alium possessorem, nec posse aliter rem expediri: *L. inter, D. de jud. §. retinendæ, Inst. de interd.* generaliter dictum est, et ad omnes controversias pertinet, in quibus quid petimus a possessore. Quare non videtur jus pati ne in servitutibus quidem, ut idem sit et petitor juris et possessor. Sed et Ulpiani hæc ratio est, quominus possessori detur actio; sufficit, inquit, ei quod possidet. Cur hæc non æque dicamus in servitutibus? Et de his sit hoc responsum, omnino in servitutibus quoque controversiis alterum ex litigatoribus possessoris partibus fungi debere, alterum petitoris: aliter litem expediri non posse. Sed

et de eo non dissimiliter statui, atque in controversiis rerum corporalium, ut qui est in possessione ejus juris, de quo agitur, is possessoris partes sustineat, etiam si maxime actionem instituerit, alter petitoris. *d. L. sicut, §. sed si queritur, L. etsi, §. 1. D. si servit. vind.* Hoc dissimile, quod qui in ea possessione est, potest ultro agere de eo jure, quod sibi defendit, sive is servitutem sibi vindicet, sive libertatem. Non impeditur hoc ratione Ulpiani superiore, sed efficitur: atque hic differentiae ratio inter res corporales et servitutes constituit. Non datur, inquit, possessori actio: quia sufficit ei, quod possidet. Propone aliquem pro possessore esse, cui tamen hoc non sufficiat ad rem tenendam. Continuo huic actionem dederis, quia cesset ratio, quæ actionem adimebat arg. in *L. quod dictum, D. de pact.* At hoc in ista quasi possessione servitutum accidit; quod non item fit in rerum corporalium detentione. Res corporales qui tenet, eas habet apud se, ut quandiu ita habet, non metuat, ne sibi ignorantia auferantur. Denique sic habet, ut sint in ejus potestate, non alterius: quod illi ad justam securitatem est satis. At qui est in possessione servitutis, is nihilo magis servitutem apud se habet, aut habet in sua potestate. Servitus enim omnis quia a re aliena debetur, etiam in alieno est, non in nostro: in ejus a quo debetur potestate, non in nostra: ut possit is quoties velit, et scientibus et ignorantibus nobis prohibere nos usu servitutis. Ususfructus aut actus mihi constitutus est in fundo tuo, et te patiente aliquandiu sum usus servitute: qui usus me possessorem facit. *L. ult. D. de servit.* Tu tamen fundum occludere potes ut dominus, cum videtur, et impedire usum servitutis. Tignum habeo immissum in parietem tuum; ego sum possessor. *d. L. sicut, §. sed si queritur, si servit. vind.* Totum hoc tamen in tua potestate: licetque tibi efficere, quoties velis, ne immissum habeam et ignorante me et invito, vel tignum præcidendo, vel parietem quo tignum immittitur diruendo. Quæ res facit, ut effectum nec servitutem possidere videar, sed adversarius: certe non ita possidere, ut mihi sufficiat, quod possideam, qui non eo magis sum securus. Quamobrem merito hæc actio necessaria visa est, quo consequar fruendi, utendive securitatem. *L. pen. §. ult. D. si servit. vind.* Eadem ratio libertatis, cujus nomine negatoria agitur. Nam et libertatis hujus possessio est in patientia vici-

ni, qui nos possessione rei nostræ libere uti patitur: nec alia re interpellatur hæc libertas, quam cum aliquis facit nobis possessionis controversiam; nos nostra possessione uti prohibet. *L. 3. §. 1. §. seq. D. uti poss. L. vim facit, D. de vi.* Hæc autem patientia vicini res aliena est: non in nobis, sed in vicino: quam ille, si aliquando præstitit, potest non præstare, quoties velit. Eo nec satis eam libertatem videmur possidere, etsi cum agitur, simus in ejus possessione: aut si quis possidere nos putet, non tamen sufficit ad securitatem, quod ita possidemus. Quæ et ipsa causa etiam hoc modo possidenti actionem negatoriam dedit, huc spectantem, ne dominus in posterum inquietetur, ut loquitur Ulpianus in *d. L. pen. §. ult. D. si us. pet.* Illuc redeo, quod hic dicitur, ei qui possidet negatoriam actionem non esse proditam; et quod alibi traditur generaliter, actionem nunquam ultro possessori dari: de actionibus rerum corporalium dictum esse: in servitutibus locum non habere, etsi hæc interdum dicuntur possideri.

XXV. Sed videndum, num falsum sit et in rebus corporalibus. Nam in *L. officium, D. de rei vind.* traditur dominum rem suam vindicare posse ab omnibus qui tenent, et habent restituendi facultatem: puta ab eo apud quem deposita est, vel cui commodata, vel qui conduxit, aut qui legatorum servandorum causa, vel dotis ventrisve nomine, vel quia damni infecti nomine ei non cavebatur: in possessione est. Atqui hi omnes non possident, ut ibidem adjicitur. Sunt hi in possessione. Solus est dominus, qui per istos possidet. *§. possidere, Inst. de interd.* Sic fit, ut qui vere possidet, idem recte rem suam vindicet ab eo qui tenet, atque ita detur actio, et in rem actio etiam ei, qui possidet, et quidem rem corporalem, quod supra negavimus. Et verissime dicitur, eum qui possidet, posse rem suam, quæ ab alio tenetur, petere ab eo qui tenet. Quo enim plus juris est actori in re possessa, eo citius ei actio in rem danda est ad rem suam obtinendam: dum is conveniatur, qui potest conveniri: potest autem qui rem tenet, et habet restituendi facultatem. *d. L. officium.* At dominus si possidet, hæc ipso plus juris habet in re possessa, quod possidet: sic enim accedit possessio ad jus domini confirmandum. Quare si potest dominus rem petere etiam qui omnino non possidet, quod constat: multo citius ei dabimus actionem, qui rem possidebit, si eam non teneat. Falsum



sum ergo, dicet aliquis, aut contrarium, quod dicitur cum hoc loco, tum ab Ulpiano, ei qui possidet, actionem non dari. Immo verum utrumque, neque alterum alteri contrarium: dum sciamus, quem utrobique possessorem vocemus. Cum dicimus eum agere posse, qui possidet, si alius rem teneat, neque restituat: aperte possessoris verbo eum demonstramus, qui vere possidet, et ea possessione, quæ jure consistere dicitur, non corpore in *L. nemo, C. de acq. pos.* Cum autem dicitur simpliciter eum agere non posse, seu ei actionem non dari, qui possidet: possessor intelligendus est is, qui rem tenet, et penes se habet, exigente ita natura et fine actionis, de qua agitur. Videndum est enim, cur id dicatur: nempe quia rei restitutionem persequitur in rem actio: quæ petitio non tantum supervacua est, sed etiam sæpe absurda in eo qui rem tenet. At est etiam necessaria ei, qui quanvis rem possideat, tamen corpore non tenet. Hic enim non minus laborat, ut res sibi restituatur, quam si omnino non possideret. Quapropter et ei dabimus, postulante id fine actionis. Nec aliud sensit Ulpianus, cum dixit nunquam ultro actionem possessori dari, ut ratio ab eo subjecta declarat: *quippe, inquit, sufficit ei, quod possideat.* Hoc quidem recte dicitur de eo, qui tenet: de eo autem, qui non tenet, quanvis possideat interpretatione juris, non recte dicitur. Nequaquam enim huic sufficit ista possessio, quæ nihilo plus ei prodest, quam si nullo modo possideret. Nec mirum sit in actoris persona possessorem a nobis sic accipi, cum aut non possidenti dicimus actionem dari, aut possessori non dari. Nam et cum de reo agitur sic et possessoris verbum accipi constat ex eodem fine et natura actionis. Traditum est enim diserte eodem auctore Ulpiano in *L. actionum, D. de obl. et act.* actionem in rem esse, per quam rem nostram, quæ ab alio possidetur, petimus: et semper adversus eum esse, qui possidet. Hic vero convenit possessorem latius accipi eum qui rem tenet, et habet restituendi facultatem, etiam si vere non possideat, id est, non ut suam, non a vimo dominantis. *d. L. officium, de rei vind.* Non alia id quidem de causa, quam quod convenit fini et naturæ actionis, quæ nihil nisi restitutionem rei postulat. Sit ergo et possessoris eadem significatio, cum de actore dicitur possessori actionem non dari: quando et restitutionis, quæ petitur, natura id postulat: quæ ei non convenit, qui tenet:

Tom. VI.

necessaria est ei, qui non tenet, etiamsi possideat. Ad quod confirmandum cum accedant aliorum locorum sententiæ, et quidem ejusdem auctoris Ulpiani, quibus declaratur eum qui possidet, non tenet, rem vindicare posse: quin jam superiora illa verbis contraria de eo qui tenet interpretanda sint, dubitare non debemus. Neque id solum significat Ulpianus in *d. L. Officium, de rei vind.* sed prope diserte expressit in *L. naturaliter, §. 1. D. de acq. pos.* cum ait non denegari ei interdictum, uti possidetis, qui cœpit rem vindicare: non enim videri possessioni renuntiassse eum, qui rem vindicavit. Admittit igitur aperte eum rem vindicasse, ejus possessio fuit, quam et post vindicationem retinet.

XXVI. Sane uno casu. Quod dixerat ei qui possidet, negatoriam actionem non dari, quo innuitur multo minus dari confessoriam, eoque nullam dari: hanc habet significationem, ut is qui possidet, in rem agere non possit. Id quoniam sic accipi poterat, quasi nec effectu posset pro actore esse, id est, partes actoris obtinere, ideo interpretatur, et hoc posterius quod videri poterat, removet, ac velut excipit. Estque hæc sententia, quasi ita scripsisset: sane quod dixi eum qui possidet, non agere, non sic accipiendum est, quasi nec possit agere, nec obtinere partes actoris. Etsi non agit: potest tamen actoris partes obtinere: Id valet, probandi onus sustinere: *L. si prius, in fin. D. de op. no. nunt. L. circa, D. de prob. L. inter, D. de jud.* hæc autem dicuntur actoris partes, quia is semper intendit, aut dicit aliquid. Semper autem probatio ejus, qui dicit, non ejus qui negat. Unde et probatio semper actoris, quatenus ei contradicatur. *L. 2. L. verius, D. de prob. L. actor, C. eod.*

XXVII. Quæ et ipsa res facit, ut non sint hæ partes possessoris: qui ex hoc jure etiam si dominus non sit, tamen actore non probante possessionem retinet, quanvis nihil ipse de jure suo aut dixerit, aut probaverit: *L. qui accusare, C. de ed. L. ult. C. de rei vind.* atque inde dictum, illud onus petitoris; hoc commodum possessoris. *d. L. inter, de jud. §. retinendæ, vers. commodum, infra de interd.* Potest ergo qui possidet, actoris partes obtinere, ut probandi onus ei incumbat non secus, quam actori.

XXVIII. Sed addit Justinianus, fieri id, uno casu, nec de casu quidquam exprimit, aut etiam vel leviter significat: tantum adjicit; sicut in latioribus Digestorum libris

oppor-

*opportunius apparebit.* Quis est ergo iste unus casus? Et si lectio vulgaris recta esset, aut ullo modo posset defendi: tentarem et ipse cum innumeris aliis, num posset hic casus et a nobis inveniri, aut ab aliis bene inventus num quo modo recte posset constitui, ne toties de eo ambigeretur. Sed si quod multi docti viri sentiunt, aperte falsa sententia, et vitiosa lectio est; de remedio potius cogitandum cum illis, quam stulte laborandum in eo investigando, quod quia non est, omnino inveniri non potest. Quod et mihi vel maxime videtur. De quo tamen quia dubitatur a maxima parte interpretum, qui non sine caussa temeritatem istam correctionum non secus ac pestem fugiunt, et tanquam jocularium quendam et puerilem ludum a certitudine doctrinæ et prudentia exclusum ad pueros relegant: visum est de eo certius aliquid dicere, ubi animus legentium et veri amantium fortasse acquiescat. Ne ergo in posterum lectionis istius vulgaris religio hic magnopere nos teneat: constitui docere, primum sententiam perspicue falsam continere, frustra que in ea, ut ex Digestorum libris, retinenda laborari. Tum autem ne Justinianum quidem ipsum, aut quisquis auctor est, ita scripsisse, idque ex ipsis verbis posse constare. Primum non difficile est probare aperte falsam sententiam esse hanc, eum qui possidet, uno tantum casu actoris partes obtinere. Quam multi enim sunt casus et varii, in quibus id accidit? Qui possidet, a quo res iudicio petitur, innumeris exceptionibus se tueri potest, ne condemnatur: puta quod de eadem re jam iudicatum sit inter easdem personas: quod transactum sit; quod possessor longo tempore possidendo rem suam fecerit, et si quæ sunt similes. At in exceptionibus reus actor est. *L. 1. D. de excep.* Neque hoc aliud est, quam eum onus probandi, id est, actoris partes sustinere, ut explicatur in *L. in exceptionibus, D. de prob.* Qui possidet, si patitur possessionis controversiam, agit interdicto uti possidetis: propositum est enim hoc interdictum possessori hujus ipsius possessionis tuendæ et retinendæ caussa *L. 1. §. est igitur, D. uti poss. §. retinendæ, infra de interd.* Quod si agit, idem et probandi onus sustinet; quæ sunt, ut dixi, partes actoris *L. verius, D. de prob.* In tribus iudiciis duplicibus, familiæ erciscundæ, communi dividundo, finium regundorum, quæ iis et adversus eos dantur, qui res communes, aut confines possident, singuli et actores sunt, et rei. *L. iudicium communi,*

*D. fin. reg. L. inter, §. qui familiæ, D. fam. ercisc.* Ergo et reus qui possidet, quoniam in his actor est, etiam in his actoris partes sustineat, necesse est. In præjudiciis et hoc evenit, ut quoties operæ petuntur a liberto, aut quid aliud ab eo desideratur, si libertus neget, reddatur præjudicium, seu actio præjudicialis patrono: in qua is qui se patronum dicit, probare debet se patronum esse, et ita partibus actoris fungi, quanvis forte is possessor fuerit, et libertus in possessione libertinitatis. *L. quoties, D. de prob. L. ult. D. si lib. ing. esse dic.* An ergo hic unus casus, ac non potius prope innumeri, in quibus qui possidet, idem et actoris partes obtinet? Vertamus nos in omnes partes, quas volumus: si vel in his casibus solis (sunt enim etiam plures, ut in eo qui ultro suscipit in se partes probationis ex *L. circa, D. de prob.* ut in eo, in quem quia rem non defendit, transferuntur partes actoris in *L. si prius, D. de op. no. nunc.* de quibus nonnihil postea) si, inquam, vel in superioribus solis, de quibus constat, is qui possidet, actoris partes obtinet; necesse est falsum esse uno tantum casu eum qui possidet, has partes obtinere. Contraria enim sunt, atque adeo agentia et negantia, non amplius quam uno casu hoc contingere: et, idem contingere pluribus casibus, quam uno. Atque hoc quidem ita necesse, ut nullo ingenio possit infirmari: nisi quid adfertur, quo probetur sententiam Justiniani non pertinere ad superiores casus. Sed manifestum est omnes verbis ejus definitionis contineri. In omnibus enim est, qui possidet, et idem actoris partes obtinet. Nihil autem amplius dicit Justinianus, quam eum qui possidet, interdum partes actoris obtinere.

XXIX. Immo, ajunt quidam, ad eos casus definitio Justiniani non pertinet: quoniam in his proponitur quidem is, qui possidet, et idem qui partes actoris obtinet: sed hoc accedit, quod et possessor iste prius agit, ut in interdicto uti possidetis, in duplicibus iudiciis, in præjudicio; aut pro actore habetur, ut in exceptionibus: sic deinde tanquam actor non mirum, si partes actoris obtinet. Justinianum autem loqui volunt de eo tantum qui possidet, et ut possessor tantum, non ut actor actoris partes obtinet. Quod perspicue refellitur, primum quidem verbis: magis tamen reipsa, et falsitate ipsius sententiæ. Verbis quidem aperte. Ut enim jam dixi, nihil amplius scribit Justinianus, quam eum qui possidet, nihilominus actoris partes ob-

tinere. In superioribus autem casibus is qui possidet, nihilominus actoris partes obtinet totidem verbis. Quare ad hos casus definitio omnino pertinet. At enim in his is qui possidet, prius agit, aut pro actore est. Plane: sed et iste verbis definitionis continetur. Nam qui ita agit, aut pro actore habetur, nihilominus possidet. Unde recte ita dicemus pro perpetua regula interpretationis apud omnes juris auctores recepta: Justinianus generaliter loquitur de eo, qui possidet, nec adjicit, qui actor non est, aut pro actore non habetur. Proinde quisquis possidebit, et nihilominus obtinebit partes actoris, is continebitur Justiniani definitione: parumque refert, an prius agat, an vero aliter tantum sit possessor. Perpetua hæc collectio est veterum in similibus orationibus generaliter scriptis, ut in *L. metum*, 9. §. 1. *D. Quod met. cau. L. item veniunt*, §. *petitam*, vers. *a quo*, *D. de her. pet. L. de pretio*, *D. de publici*. Sed in primis refellitur ista sententia re ipsa, cum ita statuit posse aliquem possessorem actoris partes obtinere, qui possessor tantum sit, nec prius habeatur pro actore: atque adeo de hoc solo definitionem Justiniani intelligendam. Nunquam enim possessor aut reus quisquam partes actoris sustinere potest, nisi sit quod probare cogatur: hæ enim sunt, ut dixi, petitoris partes, necesse habere aliquid probare. *d. L. si prius*, *D. de op. no. nunt*. Nunquam autem quisquam has partes sustinet, nisi qui aut prius agere cogitur, aut conventus prius intendit aut dicit aliquid, quod probare debeat: nam quid aliud probare debet, quam id quod dicitur: aut cui probatio incumbit, nisi ei qui dicit? non enim unquam incumbit ei qui negat. *L. 2. D. de prob. L. actor*, *C. eo*. At quisquis dicit aliquid, etiam si sit reus, in eo quod dicit, actor est, aut si malumus, pro actore habetur; ut reus in exceptionibus, et allegationibus suis omnibus. Unde et in his onus probandi sustinet. *L. 1. D. de exc. L. in exceptionibus*, *D. de prob. L. 1. C. eod*. Vel ipse ille casus, quem isti pro exemplo adferunt, in quo possessor non sit actor, et nihilominus actoris partes sustineat, abunde id ostendit, quod dixi, atque ipsos refutat. Proponunt speciem Africani ex *L. si prius*, *D. de op. no. nunt*. in qua possessor ædificii conventus confessoria aut negatoria actione, si ædes non defendit, de quarum servitute aut libertate agitur, actoris partes sustinere cogitur, quavis nec egerit prius, nec exceptione ulla sit usus. Sed animadver-

tere debuerunt id quod est in principio ejus responsi, eum qui illic rem non defendit, ideo cogi sustinere partes actoris, quia et prius agere cogitur: sic enim Africanus: *partes judicis non alias futuras fuisse ait, quam ut eum cum quo ageretur, cavere juberet, non prius se ædificaturum, quam ultro egisset jus sibi esse altius ædes tollere*. Agit ergo prius reus, et intendit jus sibi esse altius ædes tollere: sic deinde quia actor est, et intendit quid, id quod intendit, probare cogitur. At agere hoc modo cogitur. Nihil hunc ad rem pertinet, quomodo agat, volens, an invitus. Satis est quod agit, nec prius ad partes probandi venit, quam ita egerit: ut semper verum sit neminem partes actoris sustinere, nisi qui prius actor sit, aut habeatur pro actore: quod isti negant, nos affirmamus, et vel uno hoc exemplo abunde declaratur. Quod ut dici non posset: tamen semper illuc rediremus, Justinianum nihil amplius dicere, quam eum qui possidet, interdum actoris partes obtinere, nec quidquam adjicere de possessore, agat prius, an secus. Id cum certo accadat in superioribus casibus totidem verbis, quibus definitio Justiniani expressa est: plane efficitur id non contingere uno tantum casu. Nunc cum hoc accedat, ut nunquam possessor quisquam obtineat partes actoris, nisi prius se pro actore gerat, aut vere agens, aut intentione et defensione aliqua utens: res eo deducitur, ut nec de alio possessore Justinianus sentiat, eoque necesse sit, ut is possessor, de quo sentit, innumeris pene casibus actoris partes obtineat, non uno dumtaxat. Etsi autem hoc plus quam satis est ad refellendos omnes eos, qui unum hunc casum statuere conantur; quia quemcumque attulerint, semper in promptu erit opponere superiores, in quibus idem statuatur: tamen ne qua sit hæsitatio, operæ pretium est cognoscere, quem alii isti casum esse velint, in quo uno qui possidet, actoris partes obtinet. Sic enim certius intelligetur, quam id falsum sit: nec aliis auctoribus magis, quam iis ipsis, qui id statuunt. Non enim qui hunc casum unum quærant, sentiunt idem; sed ita discrepant inter se sententiis, ut quem casum unus statuit, statim is illi ab aliis eripitur. Mitto ea, quæ hic afferuntur ab Accursio, quæ nec speciem veri habent, et ab aliis omnibus satis refutantur. Dicam quæ allata sunt ab iis, qui in hac re plus aliis vidisse existimari possunt.

casum statuerent in interdicto uti possidetis: hac ratione scilicet, quod in hoc interdicto solum accideret, ut simul quis possideat, et nihilominus agat. Falsa, et ad id de quo quæritur, plane inepta sententia. Falsa, quia accidit hoc idem in duplicibus judiciis, et in præjudiciis interdum, ut ostendi: accidit in servitutibus. *L. etsi, §. 1. si serv. vind.* Inepta, quia ad rem plane non pertinet, nec quidquam efficit pro eo casu, de quo quæritur. Esto enim, qui possidet, uno tantum casu agat. At certe qui possidet, non uno casu partes actoris obtinet: de eo autem nunc agitur, an partes has obtineat, non agat.

XXXI. Quidam hunc casum unum statuunt in servitutibus: de quibus hoc traditur in *d. L. etsi, §. 1. si servit. vind.* in his eundem possessorem esse juris, et petitionem. Deterius hoc multo, quam superius. Primum laborat iisdem vitiis. Nam ut dicamus eum qui possidet in servitutibus, agere posse; etiam si contingeret solum hoc casu, tamen nihil ad hunc locum, ubi non agitur de eo possessore, qui agit, sed de eo, qui partes actoris obtinet. Quod posterius multis aliis in causis accidit. Deinde hoc etiam falsum, in servitutibus solis eum qui possidet, posse actorem esse. Et hoc multis aliis casibus accidere, paulo ante indicavi. Sed accedit hoc tertium vitium majus, quod superiores eum casum adferunt, in quo etsi is qui possidet, agit, et non agit solum eo casu, quæ sunt aliena: tamen saltem idem actoris partes obtinet: id quod is casus cum hoc loco commune habet. Isti autem in servitutibus afferunt eam speciem, in qua is qui possidet, etsi agit, tamen non actoris partes sustinet, sed possessoris: hoc enim diserte ita traditur in *L. sicut, §. sed si quæritur, D. si servit. vind.* quod plane pugnat cum hoc loco.

XXXII. Alii his repudiatis, quod sane difficile non fuit, putant se hunc casum reperisse in ea specie Africani, quam supra commemoravi ex *L. si prius, D. de op. no. nunt.* Ubi in actione confessoria aut negatoria, si is cum quo agitur, rem de cujus servitute aut libertate agitur, non defendit; jam dixi placere in eam partes actoris transferri, ut qui prius erat reus, ultro agere et partes actoris sustinere cogatur. Et quidem ego agnosco in hac specie eum casum, in quo qui possidet, actoris partes obtinet. Sed jam satis ante docui non minus et hoc accidere in iis casibus, quos initio proposui. Ex quo apparet ne hunc quidem esse unum casum, in quo id accidat: de quo nunc quæritur.

XXXIII. Si quid in hoc genere probabiliter dici potest, reperietur maxime id esse, quod Petrus Bellaperticensis olim scripsit, casum istum unum, de quo Justinianus loquatur, esse hunc, cum libertus qui erat in possessione ingenuitatis, et generaliter reus qui possidet, suscepit in se onus probandi suum esse, quod intendit, ut hoc probato secundum se sententia feratur juxta *L. circa, D. de prob.* Nam si verba ad vivum rescare volumus; hic unus casus esse videtur, in quo vere et apposite dicatur possessor obtinere partes actoris: cum in cæteris omnibus superioribus potius dicatur actoris partes substituere: *d. L. si prius, in fin. D. de op. no. nunt.* Sustinemus enim inviti, quæ imponuntur, ut in superioribus casibus. Obtinemus volentes, quæ suscepimus, et quidem ea maxime, quæ prius ultro petimus: quod in uno hoc casu proposito contingit. Itaque non temere est, quod Joannes Faber, et alii nonnulli idem sequuntur hoc loco. Et sæpe; fateor, exemplum me movit. Sed re diligentius expensa animadverto totum hoc dici probabiliter et in speciem magis, quam vere.

XXXIV. Eadem enim et in hoc casu probandi necessitas est, quæ in superioribus, eadem, inquam, plane, non alia. Cur enim qui agit interdicto uti possidetis, probare debet se possidere? quia se possidere intendit, et secundum id judicari postulat. Cur in exceptionibus reus possessorve exceptionem velut intentionem probare debet? quia scilicet intendit quod est in exceptione, et hoc probato, secundum se judicari postulat. Atqui idem agit, et intendit libertus qui ex possessione ingenuitatis se dicit ingenuum; idem possessor qui rem suam esse intendit, ubi hæc ita intendunt, ut secundum intentionem suam sententia feratur: de qua specie agitur in *d. L. circa, de prob.* Neque vero ut id obtineant, sufficit dicere, quæ intendunt, sed etiam eos intentionem suam implere oportet, non minus quam superiores. *L. 2. d. L. in exceptionibus, D. de prob.* An non igitur hic eadem intentio possessori, et ex intentione eadem necessitas probationis? Plane isto modo per omnia. Non habet quidem necesse libertus suscipere has probationes, si satis habeat manere in possessione ingenuitatis, et pronuntiari se non esse libertum actoris. Sed si velit amplius pronuntiari ingenuus, ut et se esse intendit, de quo liberto agitur in *d. L. circa*: non minus et hoc probare cogitur: alioqui non obtinebit, quod intendit.

Denique, ita reperiemus nullam esse probationem in iudicio intendenti quid, et vincere postulanti, nisi necessariam. Si non vult quis intendere, aut cum intenderit, non studet vincere; liberum est ei non probare. At si velit obtinere, quod intendit, hæc iudicii lex est, ut sive actor est, sive reus, probare necesse habeat, neque unquam solum dicenti creditur repugnante adversario. *L. si quidem, C. de prob. d. L. 2. D. de prob.* At enim in hoc casu liberum est liberto non suscipere probationes. Jam dixi esse liberum, si de ingenuitate non laborat vincere. Sin ingenuum se esse intendit, et hoc obtinere vult, qualem nunc proponimus: nihil est certius, quam eum probare debere. Neque hoc aliter fit in superioribus casibus. Nam qui agit interdicto, liberum est ei non agere, et ita non suscipere partes actoris seu probandi. Et qui exceptione utitur, liberum est ei non uti, et ita non implicare se necessitate exceptionis probandæ. Sed ideo isti probare coguntur, quia hanc necessitatem volentes sibi imposuerunt: ille agendo: hic exceptione utendo, et ambo id intendendo, in quo obtinere studeant. Et si breviter dicendum est in omnibus his casibus una inest necessitas probationis, non absoluta, sed generaliter ea, quæ dicitur consequentiæ, seu necessitas cum adiectione. Absolute nemo in his necesse habet probare. Potest enim quisque non intendere, quod intendit: nemo enim agere, aut in iudicio intendere quid invitus cogitur. *C. ut nemo inu. ag. vel ac. cog.* Sed et qui intendit, potest pati se vinci. At hoc posito, ut quis quod intendit, cupiat obtinere, et secundum id sententiam ferri: consequens est, ut id probare necesse habeat. Alioqui non obtinebit. Quod et ipsum plane in hoc postremo casu contingit.

XXXV. Secundum quæ facile est respondere de verbis, *obtinenti*, et *sustinendi*, quo intelligamus utrumque in superioribus omnibus casibus recte usurpari, et tribui ei, qui probatione utitur. Quibus partibus actoris, id est, probandi fungitur in petitione, aut intentione aliqua; si initium agendi et intendendi spectamus, recte dicitur eas partes obtinere, ut hoc loco: quoniam ita agendo aut intendendo eas partes sibi imposuit: voluit enim agere, atque adeo ad victoriam has partes ultro expetiit. Sin spectamus id quod actionem et intentionem sequitur: dicendus est eas partes sustinere: quia hoc suscepto, ut agat et intendant quid, atque in eo vincat: sequitur, ut quod intendit, probare necesse

habeat. Quare cum in hoc casu nihil dissimile sit a superioribus circa partes actoris, et onus probandi: fit hic quoque idem, quod supra, ut ne hic quidem unus casus sit, in quo potius quam in superioribus, is qui possidet, actoris partes aut obtineat volens, aut si malumus, sustineat invitus.

XXXVI. Sed et hoc de hoc casu postremo recte responderi potest: etsi concederemus in eo solum accidere, ut recte diceretur possessor actoris partes obtinere, non sustinere: tamen aut de eo casu non sensisse Justinianum, ut proinde non debuerit sententia Justiniani ad hunc casum referri: aut certe hunc casum non magis unum esse in hoc genere; quam unus est in superioribus, in quibus quis probare cogitur, et partes actoris propriè sustinere videri potest. De hoc quidem casu non sensisse Justinianum sic potest liquere. Apparet Justinianum de eo casu loqui, qui sumitur ex Digestorum libris: ad illos enim nos revocat. Hic casus si inde sumitur, non alius erit, quam qui expressus est in *d. L. circa de prob.* Et vero Petrus inde sumpsisse se profitetur. Is autem est, cum libertus, qui est in possessione ingenuitatis, et cum quo agit is, qui se patronum dicit, fiducia ingenuitatis suæ ultro in se suscipit probationes ad hoc, ut ingenuus pronuntiatur. At hic casus huic loco et proposito Justiniani convenire non potest. Cum enim hæc verba, *Sane uno casu*, exceptionem aut interpretationem precedentis sententiæ habeant: non possunt nisi de ea re esse, de qua prior sententia est, ad quam referuntur, vel in totum vel ex parte: quod proprium est exceptionis et interpretationis omnis, ac temperamenti subjecti. Justinianus autem prius dixerat de eo qui possidet rem corporalem, cui negavit actionem dari. Quare si hoc temperare vult in his verbis, ut vult: necesse est, exceptio vel interpretatio sit in totum vel ex parte de re corporali. Porro ingenuitatis causa, quæ sumitur ex *d. L. circa*, nulla ex parte est de re corporali. Quo efficitur neque hunc casum convenire huic loco, neque de eo Justinianum sentire: ut profecto non deberi dici possessorem in eo casu partes actoris obtinere ex sententia Justiniani, ubi is de eo non senserit. Quod si producimus *L. circa*, et porrigimus hunc casum etiam ad causam proprietatis in iudiciis rerum corporalium, quo possessori potestas fiat probandi rem suam esse, ut sic deinde secundum eum iudicetur, ut fecit Petrus: non jam is unus casus est, qui



qui legitur in *d. L. circa*: sed plures, ut sive agatur ingenuitatis causa, sive libertatis, sive partus, sive proprietatis, hæc facultas suscipiendi in se probationes admittatur, et qui suscepit, cum possideat, nihilominus partes actoris obtineat. Sed nihil opus est hac defensione; quamvis per se abunde idonea, ut probetur, ne hic quidem unum casum esse eum, de quo hic agitur. Illud tenendum est, etiamsi hic locus causam ingenuitatis admittat, et unus sit hic casus, in quo quis probationes ultro suscipiens audiat: tamen in hoc casu eadem esse omnia, propter quæ dici debeat eum qui possidet, actoris partes vel obtinere, vel sustinere similiter ut in superioribus casibus omnibus. Nam et in hoc casu, qui suscipit in se probationes de ingenuitate sua, prius ingentium se esse intendit, et in hac intentione actor est non secus, quam qui alias res sibi vindicat, aut reus qui exceptionis intentione utitur: et præterea intentione ad victoriam suscepta, sequitur non minus, ut necesse habeat probare intentionem. Quæ si omnia eadem sunt et in hoc casu, et in omnibus, in quibus qui possidet, actoris partibus fungitur, ut is pariter recte dicatur partes actoris obtinere, et sustinere: cum appareat hos casus non solum plures esse, sed etiam pene innumeros, perspicuum sit, nihil magis verum, aut ratum haberi debere, quam non uno casu eum qui possidet, partes actoris obtinere eodem modo; nempe et intendentem quid prius, et ab initio volentem, intentione autem suscepta coactum. Nihil autem magis falsum, quam uno tantum casu id contingere. Quid ergo? recedemus a lectione vulgata, constanter recepta pene in omnibus exemplaribus; quam eandem jam olim ab initio Accursius et qui ætate superiores erant, solam agnoverunt? Sane vero hoc relinqui appareat, nisi aperte falsum tueri volumus. Nam quominus id ita falsum sit, ne Justinianus quidem ulla auctoritate sua efficeret; atque adeo ne principes quidem omnes in unum collecti. Illud potuit efficere Justinianus, ne amplius quam uno casu is qui possidet, actoris partes obtineat, ubi eum casum exprimeret. At ut verum sit plures non esse in Digestorum libris, quam unum, ubi liquido constet plures esse: hoc vero non potuit. Quod cum ita sit, melius est omnino hic errorem scribentis, etiam auctoris ipsius; sive ea incogitantia est, sive nimia in scribendo festinatio, agnoscere, quam sententiam tam aperte falsam admittere. Quis est enim,

cui aliquando in scribendo aliqua particula non excidat, aut alia pro alia in calamus non obrepit? Et hoc quidem in voluntate et sententia etiam obscura Justiniani admittendum fuerit.

XXXVII. Quid ergo, si probamus nec Justinianum, aut auctorem hujus loci scripsisse, uno casu, aut de uno casu sensisse: quidquam causæ dici potest, cur non jam etiam ex voluntate scribentis lectionem mutare debeamus? Id vero ex ipsis verbis hujus loci potest demonstrari: quæ ego paucis expendam. Primum apparet Justinianum in hac sententia voluisse affirmare, aliquo casu eum qui possidet, partes actoris obtinere. At si scriptum est, uno casu, nihil affirmat, nihil dicit. Quare aut hoc non scripsit, aut scriptum non voluit. His autem verbis; *sane uno casu*, nihil eum docere aut affirmare de eo casu certum est. Nam primum hunc casum non exprimit verbis: addit demonstrationem, sicut in latioribus Digestorum libris apparebit. Sed non est ea demonstratio, unde is casus intelligatur: atque adeo tam non notat ea demonstratio hunc casum, quam si omnino adjecta non esset. Nam ea non adjecta, omnes intelligerent hunc casum aut ex Digestis, aut ex aliis libris nostris petendum esse. Ea adjecta, nihilo plus intelligimus, quam ante. Omnino vero ex Digestis, quam late patent, hunc casum sumi non potuisse eventus declaravit. Quæritur enim is casus ab innumeris tot annos, et quidem sedulo: sed infelix labor, quo quæsitus tam diu et anxie, nondum est inventus. Præterea si unum casum intelligere voluit, et eum a nobis sciri, ut certe voluit, cum indicarit ex Digestis, atque hoc cognito pro non dicto esset, quod hic dixisset: oportuit aliquam esse causam, si non justam, at certe probabilem, cur eum, ubi opus erat, non expresserit, sed potius de eo nos ad Digesta ablegarit. An ergo fuit commoditas docendi, quod hic casus facilius et plenius ex Digestis cognosci posset? At jam dixi tam hoc non facile ex Digestis sumi posse, ut nemo adhuc exstiterit, qui eum inveniret, aut etiam attigerit quid de eo, nisi sibi diffidens et divinabundus. An potius brevitati consulere voluit, quæ conveniebat Institutionibus? At tam facile et cito dicere potuit: sane in servitutibus; sane in interdicto uti possidetis; sane in specie Africani sub titulo *de oper. no. nunt.* aut sane cum reus ultro probationes in se suscepit: horum, inquam, unumquodque tam cito potuit dicere, et tam

paucis verbis, atque adeo paucioribus; quam hoc modo: *sane uno casu, qui in latioribus Digestorum libris opportunius apparebit*. Non ergo scripsit unum casum, ut eum demonstraret potius ea demonstratione, quæ non intelligitur, quam expressione ea, quæ faciliior et brevior esse potuit. Tertio loco consideretur, quod ait ideo se hunc casum non exprimere, quia apparebit alias ex digestis opportunius. Atqui si nunquam possessor actoris partes obtinet, nisi uno casu, et visum est Justiniano de eo hic præcipere; nusquam opportunius fuit atque adeo magis necesse de eo *commonefacere*, quam hoc loco, ubi et de actione in rem agebatur, et ipse eam sententiam ex professo posuerat, quæ hanc expressionem requirebat, si quid in ea sententia vellet intelligi. Quapropter unum casum non dixit, cujus expressionem necessariam omisit, et in alium locum non necessario rejecit. Quarto loco expendatur verbum *apparebit*, quo utitur: *sicut*, inquit, *in latioribus Digestorum libris apparebit*. Hoc quidem verbum ad unum istum casum accommodari non potest. Jam enim ostendi etsi quis hunc casum alicubi esse concederet: tamen tam eum ex his libris non apparere, quasi qui quærenti ultro et facile sit obviis, ut ne quæsitus quidem magno conatu, ac tot annos ulli sit inventus, qui de eo sibi certo polliceri auderet. Nos insuper nec ullum esse istum casum liquido probavimus. Postremo ut unum casum inveniremus, quid opus fuit adjici, *in libris Digestorum latioribus*? nam ad unum casum invenendum sufficiebant vel paucissimi et brevissimi libri, si modo in his usquam hic casus extaret. Quorum nihil cum uni casui conveniat: oratio ipsa indicat auctorem de uno casu non scripsisse; aut certe non sensit. Quæ cum in scriptura vulgari concurrant, ut et sententia per se falsa sit, et non dubiis argumentis colligatur auctorem non ita voluisse: an dubitamus scripturam esse mutandam, et ad eam speciem traducendam, quæ careat vitio, et reliquæ orationi conveniat? Falsa sententia facit, ut velle debeamus mutare: voluntas scriptoris, ut sine periculo possimus.

XXXVIII. Et tamen hoc ipsum faceremus timidius, nisi ad certam superiorum demonstrationem etiam aliorum quorundam exemplarium auctoritas accederet. Nunc autem magni nominis, ac fidei Jurisconsulti duo testes sunt hoc loco aliter se hunc locum legisse in aliis exemplaribus, quod et illi

secuti sunt: *Æmilius Ferretus*, et *Eguinarus Baro*. Ille hoc modo, *Sane non uno casu*: hic autem, *Sane in hoc casu*. *Notomannus* et ipse locum emendandum esse assentiens, conjecturam animi secutus reposuit *Sane illo casu*: quod idem est cum posteriore illo *Baronis*. Nam *in hoc*, significat in hoc de quo nunc principaliter agitur in hoc §. *æque*, id est, in servitutibus. *In illis* autem, valet in illo superiore, id est, servitutibus, de quarum actionibus prius dixerat: et quarum tractationem intersecerat, postea de rebus corporalibus nonnihil interserendo. Aliis verbis eadem sententia. Videntur ergo, utram ex his sumamus ad emendationem, an vero utrumque ferre possit locus. Et hoc posterius de servitutibus plane huic loco non convenit, et per se falsum est, ut dicamus in hoc casu, id est, in servitutibus eum qui possidet nihilominus partes actoris obtinere. Nam ut ante indicavi, potest in his qui possidet, idem et agere: sed non item actoris partes obtinet, verum possessoris, uti et ipse re vera possessor est. *L. etsi §. 1. L. sicut, §. sed si queritur, D. si servit. vind.* Deinde si hunc casum certum exprimeret, ut diceret eum qui possidet in servitutibus, agere quoque posse, satis dixerat, superfluumque erat ne dicam ineptum addere, sicut in latioribus Digestorum libris apparebit. Superfluum; quia non est necesse quodcumque in his libris Institutionum dicitur, monere etiam in Pandectis esse, etiam si illic idem tradatur: alioquin in omnibus fere periodis id ad illi oportere: quod nequaquam hic factum videmus. Si quid idem sit in Pandectis, bene est: si non sit, nihilominus quod hic traditur, suam auctoritatem per se obtinet, tributam his libris in præmio. Ineptum adjici: quia in servitutibus eundem esse possessorem juris et petitem, non in libris latioribus Digestorum dicitur, quasi quærendum sit ex pluribus libris et his latioribus: sed dicitur uno tantum in loco, aut item altero, et his quidem brevissimis, et sub uno titulo positus, *d. L. etsi, §. 1. d. L. sicut, §. sed si queritur, D. si servit. vind.*

XXXIX. Restat igitur, ut ita legamus, *Sane non uno casu*: nisi malumus ad veterem scripturam accedentes propius pro *Sane* legere, *Sed non*, aut *Sed nec*, totidem pene literis, certe finitimis, et eodem modo incipientibus particulis: ut fit *Sed non uno*: aut *Sed nec uno casu*: ut primo cum ita scriptum esset, post factum sit, sed ne: quod cum

cum non intelligeretur, repositum sane, quod contextui et exceptioni magis conveniebat. Et quidem illud, *Sed*, magis expressisse videtur Theophilus, quam, *Sane*, ita scribens, *ἐν τῷ δέ δέματι*. Sed quo modo ex his legamus, ad sententiam quam volumus, nihil interest. In omnibus enim eadem hæc sententia est, non uno casu accidere, quod hic traditur. Verumtamen ad structuram orationis illud melius, et ad præcedentia temperanda aptius, *Sane non uno casu*: quomodo se alicubi legisse testatur Ferretus. Utunque hoc, aut illa placebunt: negativa oratio retinenda omnibus modis. Primum quia sententia ipsa per se est verissima: falsa contraria, ut supra abunde et liquido probasse mihi videor. Deinde quia oratio est ejusmodi, quæ sola conveniat huic loco: utpote cum præcedentibus recte cohærens, eaque optime temperans: cum sequentibus autem ita affecta, ut hanc solam sequentia exigant, ita scripta, ut non alii convenire possint, quam ei qui dixit, non uno casu eum qui possidet, actoris partes obtinere. Ad priora referatur hoc modo, ut et initio attingi. Prius dixerat ei qui possidet, non esse actionem prodatam de re corporali. Id ne quis ita interpretetur, quasi nec agere, qui possidet, nec omnino actoris partes sustinere possit; ita temperat, ut dicat, sane quidem, eum agere non posse de re corporali, qui hanc possidet: at in universum et in hoc genere rerum, et in rebus incorporalibus eum qui possidet, actoris partes obtinere posse, idque fieri non uno casu. Sequentia autem hæc sunt; *sicut in latioribus Digestorum libris opportunius apparebit*. Quorsum hæc, cum ad declarationem unius alicujus casus, aut plurium nihilo plus conferant, quam si essent omissa? Nempe ideo subjecta, quia dixerat non uno casu superius illud contingere, id est, contingere pluribus et variis casibus. Quæreret enim aliquis, quibus? quod si non enumeraret, saltem hujus rei rationem reddi oportuit: ne aut falso plures hos casus posuisse, aut cum posuisset, inepte omississe videretur. Ergo his verbis rationem reddit, cur eos nunc non persequatur, aut indicet: perindeque est, quasi ita diceret: eos casus omnes colligere et recensere longum esset, minimeque huic loco, aut brevitati Institutionum conveniens: melius igitur, atque opportunius ex latioribus Digestorum libris petere. Ex his vero plures

esse hos casus, et quinam sint, apparebit. Apparet autem in superioribus casibus, qui suis quique locis quæsitæ occurrent in Digestis. Ut jam non sit obscurum, cur dixerit opportunius esse hæc petere ex Digestis, et cur in his inde cognoscendis usus sit verbo *apparere*. Cor addidit, *latioribus*? hanc ipsam ob causam quod hi casus plures sunt, et varii, qui non uno aliquo in loco exstant in Digestis, sed varie est sparsim in latioribus Digestorum libris: unde et colligendi sunt.

XL. Sed refragatur gravis testis superiori lectioni Theophilus, apud quem et affirmativa oratio est, ut in textu latino. Sic enim apud eum scriptum legitur: *ἐν τῷ δέ δέματι μόνον*. Verum quid vetat, quominus dicamus et hoc scriptum mendose, atque ita legi debere, *οὐκ ἐν τῷ δέ δέματι μόνον*? quid enim prohibet mendum irrepsisse ex textu latino, ut quemadmodum illic vitiose legebatur affirmative, sic librarii qui textum Theophili excudebant, conferentes græca cum latinis pro *ἐκ* reposerint *ἐν*, ut similiter affirmativam orationem efficerent? Quod inde fit admodum probabile, quod illud in, pro quo positum est *ἐν* non est in textu latino, ut si recte expressit Theophilus, ne id quidem adjicere debuerit. Ac si pro *ἐν* reponendum est aliud, nihil est literis finitimum magis, quam *ὅν*, vel ante vocalem *ὅκ*. Quo posito etiam verissima sententia efficitur. Sed conjecturæ hæc sunt, quibus si nihil aliud cogat ad certitudinem veri, nihil ne ipse quidem quidquam aut multum tribuo. Sed rem ipsam specto: hoc amplius quid oratio ipsa per se ut aptum necessario flagitet, quid ut alienum rejiciat, considero. Quæ si hic spectantur, vincet ratio non aliter legi posse aut debere, quam *Sane non uno casu*; aut *Sed non uno casu*; aut *Sed nec uno casu*; ex quibus illud optimum, *Sane non uno casu*, ut et apud Theophilum *ἐκ τῷ δέ δέματι μόνον*. Hæc scripsi pluribus, tum quod res plerisque nova desiderabat certiore probationem: tum ut esset de hoc loco tantopere ac tamdiu controverso aliquando certandi finis, cognita ea sententia et lectione, in qua acquiescere oporteret. Quod aliter consequi me posse non putavi, quam si vera sententia certis rebus confirmata, et contrariarum inanitate detecta: etiam lectio ipsa adversus omnem metum temerariæ mutationis quam optime posset, munitur.

Sed istæ quidem.

§. III.

*Divisio secunda actionum principalis hic non est, sed est interpretatio superioris. I.*

*Civilium et prætoriarum actionum divisionis hoc loco finis atque usus. II.*

*Actionum omnium in personam causæ. III.*

*Civiles actiones in personam cur hic omiſsæ in totum: prætorix paucæ cur expositæ. IV.*

*Actionum in rem tam civilium quam prætoriarum causæ, et hinc earum species. V. VI.*

*Istæ actiones, quarum mentionem habuit, de quibus actionibus intelligendum. VII. VIII. IX.*

*Legitimum, quod ex quavis parte juris civilis descendit, ut eadem sint legitimum, et civile: ut et hoc loco. X.*

*Civile quid, et cur per excellentiam id quod non est prætorium. XI.*

*Causæ actionum civiles quæ. XII.*

*Causæ actionum civiles nullæ ex iis partibus juris antiqui, quæ dictæ sunt interpretatio prudentum, seu jus civile, et legis actiones. XIII.*

*Comparatæ actiones, quæ constitutæ; et ratio nominis. XIV.*

*Jurisdictio prætoris quibus in rebus sita. XV.*

*Ædiliæ actiones prætoriarum verbo comprehensæ. XVI.*

*Prætorix actiones et obligationes solum, quæ sunt a prætore constitutæ, non etiam quæ comprobatæ: Civiles etiam quæ comprobatæ jure civili, et cur. XVII.*

*Noxalis actio adversus eum qui servum nocentem desiit dolo malo possidere, prætorix, non civilis. XVIII.*

*Necessarium XIX.*

*Lectio hujus loci quæ recta XX.*

Sed istæ quidem actiones, quarum mentionem habuimus, et si quæ sunt similes, ex legitimis et civilibus causis descendunt. Aliæ autem sunt, quas prætor ex sua jurisdictione comparatas habet tam in rem, quam in personam, quas et ipsas necessarium est exemplis ostendere, ut ecce, Plerumque ita permittit prætor in rem agere, ut vel actor dicat se quasi usucepisse, quod non usuceperit: vel ex diverso possessor dicat adversarium suum non usucepisse, quod usuceperit.

I. **N**on traditur hoc loco principalis aliqua divisio actionum sejuncta a sententia et portione superioris, ut scilicet quædam sint actiones civiles, quædam prætorix, neque hoc ad superiorem referatur; sed sit hæc secunda actionum divisio hujus tituli per se consistens, ut vulgo parum, ut arbitror, attente tradunt: sed divisio necessaria est, pars quodammodo et appendix superioris. Certe quidem ad ejus interpretationem tota collata. Nam primum non novam divisionem se proponere præfatur, ut facit in sequentibus divisionibus: sed aperte priorem divisionem

persequens interpretatur, quod in ea obscurum erat. Quod enim in ea divisione quasdam actiones specialiter expresserat, sic accipi potuit, quasi hæc et similes solæ essent ex utroque genere. Nunc hoc dicit non ita se id accipere: sed istas actiones, quarum mentionem habuit, non esse solas hujus generis: esse enim et alias prætorias tam in rem, quam in personam. Quod nihil aliud est, quam explicare, de quibus actionibus superior divisio actionum in rem, et in personam sit accipienda. Deinde non dicit actiones de quibus locutus est, esse civiles, sed descendere ex

caussis civilibus: significans actionum hujus generis causas quasdam esse civiles. Cui membro cum subjiat per adversativam alias esse actiones tam in rem quam in personam a prætore comparatas, aperte ostendit hoc se intelligere alias esse, quæ nascentur ex causis prætoris; eoque et utriusque generis causas quasdam esse civiles, quasdam prætorias. Quod et ipsum prioris divisionis interpretatio est hoc explicans, quibus ex causis actiones tum in rem, tum in personam nascentur. Hoc vero non est divisionem novam principalem instituere: sed in priore perseverantem explicare utriusque generis causas, sine quibus nulla sit neque in rem, neque in personam actio.

II. Atenim proponit aperte hanc divisionem, ut quædam sint ex civilibus causis, quædam prætorie. Plane: sed divisionem huc spectantem, ut explicentur causæ superiorum generum; quæ singularum partes sunt vel maxime: certe res, sine quibus hæc genera non sint omnino. Quod enim dicuntur quædam actiones in rem esse, quædam in personam, huc solum spectat, ut sciamus pro natura cujusque cui detur, et in quem actio. Ut autem cui detur, et in aliquem, non nisi justis et certis de causis contingit. Ita ad divisionem et hæc genera cognoscenda, omnino quæ sint hæc causæ, cognosci necesse est. Id quod assequimur cognitione earum actionum, quæ ex utroque genere sunt partim ex jure civili, partim ex jure prætorio. Quot enim sunt hæc actiones utroque jure proditæ, tot sunt et agendi causæ distinctæ. Atque huc divisionem hanc et enumerationem prætoriarum actionum referri oportet. Hunc scopum atque usum hujus divisionis qui non animadvertit, non temere effugiet, quin cogatur fateri et Justinianum parum commode divisisse, et non magnum admodum usum esse hujus divisionis. Non recte ille, si novam divisionem principalem instituens non recta et aperte ad hanc transiit, ut facit in reliquis; sed quasi in priore maneret, et hanc interpretaretur, ita verbis exceptionem, aut correctionem, aut breviter interpretationem significantibus usus est: ut diceret, *Sed istæ quidem*, quarum mentionem habuimus. Non recte ille, si cum posset breviter et dilucide dicere actiones omnes aut civiles esse, aut prætorias, seu honorarias, ut est divisio in *L. actionum*, in fin. *D. de obl. et act.* ipse inani circuituione usus dixit priores de quibus locutus erat, descendere ex legitimis et civilibus causis: alias autem esse, quas prætor ex sua jurisdictione

comparatas habet. Usus autem hujus divisionis perexiguus reperietur si hoc tantum in ea quaeritur, ut sciamus, quæ actiones sint jure civili proditæ, quæ jure prætorio. Utro enim jure actio prodita sit, ad vim actionis et jus nostrum consequendum nihil interest: cum non minus actio prætoria reum teneat, quam civilis. Auctor ad historiam cognoscendam valet; ad jus nihil facit, si alias actionem jure constitutam esse constat. Sit ergo, uti dixi, hic usus divisionis, ut quoniam omnis actio tam in rem quam in personam, (quæ divisio instituta est) datur alicui, et in aliquem, idque ex causis utriusque generis est æstimandum: jam hic intelligatur, quæ sint hæc causæ: quando pro distinctione actionum civilium et prætoriarum accidit, ut distinguantur et agendi causæ, et pro unoquoque genere varie quoque constituantur agenti tam in rem, quam in personam.

III. Quæ cognitio cum ad divisionem institutam, vel potius ad jus agendi cujusque tantopere pertineat; consultum est eas causas ad istum usum diligenter cognititas habere: quas ideo nunc summatim proponam; tantum ut genera sint nota, quæ notata suis locis, tum deinde ex his ipsis singula plenius petantur. Et de actionibus in personam expeditior præceptio est. Verissimum est enim illud, et perpetuum, quod supra dixi in §. I. agendi causam, quæ quidem proxima sit, unam esse omnium actionum hujus generis communem, obligationem, seu si is cum quo agitur, sit nobis obligatus. Hanc quidem supra posuit in *d. §. I.* Etsi autem videtur nunc scribere se intellexisse civiles causas quas prius posuit, eoque et obligationem de qua prius in actione in personam locutus erat, civilem intellexisse: tamen ne prætoria quidem causa alia est actionis in personam, quam hæc ipsa: semper enim agitur in personam adversus eum, qui nobis obligatus est, ut est generalis definitio actionum in personam in *L. actionum*, *D. de obl. et act.* Esse autem hanc illic definitionem generalem, pertinentem tam ad prætorias actiones in personam, quam ad civiles, declarat divisio ibidem subjecta; qua actiones quæ prius definitæ erant, sic dividuntur, ut dicantur omnes esse aut civiles, aut honorariæ. Et vero non aliunde dicitur actio in personam, quam quod personam sequitur ipsam per se, non rem, cujus nomine agitur, ut dixi suo loco. Nec potest actio quemquam sequi ad aliquid præstandum, nisi eum qui jure obstrictus est necessitate ejus rei solvendæ. Quem obligatum dicimus, *tit. de obl.*  
in



in pr. supra. Ne causssæ quidem ipsæ proximæ et generales obligationis quas supra commemoravit in *d. §. 1.* id est, contractus, quasi contractus, maleficium, quasi maleficium, aliæ sunt in actionibus in personam prætoriiis, quam in civilibus. Omnes enim obligationes tum civiles tum prætorix dicuntur esse ex his quatuor causis, eodem *tit. de obl. §. 1. et ult.* Sed species ipsæ istorum generum alio atque alio jure habentur. Quædam enim tenentur et vindicantur jure civili; quædam non nisi jure prætorio. Atque hinc scilicet illa divisio obligationum, ut quædam sint civiles, quædam prætorix, *d. §. 1. supra de obl.* unde rursum actiones in personam itidem partim civiles, partim prætorix. *L. actionum*, in fin. *de obl. et act.* uti nimirum ex obligatione nascitur in personam actio. *L. licet*, *§. ea obligatio*, *D. de proc.* Id autem ut intelligeretur, profuit hoc loco manere, actiones in personam non tantum descendere, ut loquitur, ex civilibus causis, sed etiam ex prætoriiis, idque ipsum exemplis ostendere: quod et fecit in *§. in personam*, et aliquot sequentibus. Sed quæ sint illæ causssæ primæ, ex quibus obligatio constituta est jure prætorio, unde et actio in personam; non magis ad hunc locum pertinet quærere, quam quæ sint illæ, ex quibus obligatio et actio in personam nascitur jure civili: cum de utroque genere pariter hic agatur. Locus est ad obligationes, et earum causas pertineñs: unde et earum rerum cognitio huc afferri debet. Et sunt hæ causssæ supra in argumento obligationum ut suo loco expositæ.

IV. Quam ob causam factum videmus, ut actionum in personam causas istas et species civiles in totum omiserit hoc loco Justinianus, adeo ut ne exemplo quidem unius alicujus actionis civilis sit usus: prætorias autem causas obligationum seu actiones attigerit quidem, sed ex innumeris paucas, et velut exempli loco: nam cum enumerasset quasdam prætorias, subiecit in *§. pœnales quoque*, alias esse ejusdem generis innumerabiles. Sed cur has etiam paucas inter prætorias attigit potius, quam ullas civiles, cum non magis causssæ et species obligationum prætorix ad hunc locum pertinerent? Hoc ideo, quod ex his quæ ante exposuerat de obligationibus, in ea parte juris constabat civiles obligationes, atque hinc actiones in personam civiles constitutas esse ex omnibus illis quatuor causis obligationum, contractu, quasi contractu, maleficio, quasi maleficio. De prætoriiis incertum: quoniam in

Tom. VI.

eo argumento inter contractus, et quasi contractus, nullas ante numeravit obligationes actionesve prætorias: inter maleficia, et quasi maleficia, paucas. Ex quo potuit dubitari, an ne ex contractu aut quasi contractu ullæ essent prætorix: ex cæteris autem causis an nullæ præter superiores. Et exemplis docet ex omnibus causis superioribus esse quoque actiones in personam prætorias: certe quidem ex contractu, maleficio, quasi maleficio: præter superiores autem, quas exposuit, multo plures: quod his paucis quæ subiecit, satis fuit ostendere.

V. Quod attinet ad actiones in rem: cum eas de quibus locutus est antea, dicat nasci ex legitimis et civilibus causis: nempe huc spectat sequens prætoriarum enumeratio, ut intelligamus novas hic agendi causas, et eas proximas a prætore esse inductas. Illa quidem causa, quam ex parte ejus cum quo agitur, nobis dari volumus ad agendum, nimirum ut possideat, aut pro possessore ob dolum habeatur: hic non mutatur: hæc in omnibus in rem actionibus una est, et omnium communis: sine qua nemo in rem actione tenetur aut jure civili, aut prætorio. Ut differrent aliis rebus omnibus actiones in rem civiles ab actionibus in rem prætoriiis: tamen una hæc in re eas convenire constat, quod omnes in rem sunt, et dicuntur: neque vero alia de causa in rem, quam quod non personam obligant, sed rem sequuntur, ac per rem ejus rei possessorem: idque nominatim dictum est de actionibus prætoriiis, puta hypothecaria, in *L. ult. C. si unus ex plu. her. cred.* In persona autem agentis, quando præcipue ac primo proprias causas quemque ex sese afferre oportet, quo ostendat rem ad jus suum pertinere, ut sit, cur ei res restitui debeat: hæ causssæ sunt varix. In summa autem aliæ ex jure civili, quæ hic civiles appellantur; aliæ ex jure prætorio. Jure civili una hæc causa in rem agendi, et vindicandi, si quis rem suam petat, et ut scriptum est in *§. namque*, seq. si quis dominium suum vindicet: quo in genere de universitate petitio hereditatis; de rebus singulis corporalibus rei vindicatio. *L. 1. D. de rei vind.* de servitutibus confessoria, et negatoria actio. *L. 2. D. si servit. vind.* Jure prætorio causssæ plures; non tamen ut in actionibus in personam innumeræ, sed paucæ et certæ. In hereditate duæ: si quis hereditatem bonorum possessione quæsitam petat: unde possessoria hereditatis petitio. *L. 1. D. de poss. he. pet.* Item si quis petat hereditatem fideicommissariam: unde et petitio hereditatis

tis fideicommissaria. L. 1. et tot. tit. D. de fid. he. pet. In rebus autem singulis sex sunt causæ numero, ex quibus totidem in rem actiones prætoriae: quibus positæ etiam causæ agendi intelliguntur. Ex his actionibus duæ hic omissæ: quatuor positæ, quæ ordine subjiiciuntur.

VI. In quibus omnibus recensendis utar ordine eo, qui naturæ et dignitati singulorum videtur convenire, ut quo quæque a jure dominii minus aberit, ea priore loco ponatur. Prima ergo actio est de agro vectigali, seu emphyteuticario, de qua tit. D. si ag. vect. vel emph. pet. Secunda de superficiei, quam in alieno solo constitutam habemus, de qua in L. in speciali; et L. seq. D. de re vind. L. 1. D. de superf. Has actiones merito in hoc genere primas facimus, quia qui jus vectigale, et superficiem habent, haud multum differunt a dominis: quam fortassis causam esse quis existimaverit, cur ut notiores, et a vero dominio prope nihil distantes hoc loco sint omissæ: hæ enim sunt, quas omissas esse diximus. Reliquæ hic subjiiciuntur optimo ordine: habita scilicet dignitatis ejus, quam supra dixi, ratione. Tertia est igitur, Publiciana de rebus bona fide possessis: de qua in §. namque. Quarta rescissoria de rebus olim nostris, quæ postea in alium translatae nostræ esse desierunt: nunc tamen rescissa ob justas causas a prætore translatione, quodammodo in jus nostrum redierunt: de qua in §. rursus. Quinta actio hypothecaria de prætorio pignore: de quo genere interpretor §. si quis in fraudem. Sexta ea, quæ dicitur Serviana, et hypothecaria de pignoribus cæteris. Hæc de usu et sententia hujus divisionis præfati, verba hujus loci consideremus: in quibus quædam sunt animadvertenda.

VII. Ait, Sed istæ actiones, quarum mentionem habuimus, et si quæ sunt similes, ex legitimis et civilibus causis descendunt. Bis vitiosa sententia, ut videtur; et quod ait omnes actiones, quarum mentionem fecit, ex civilibus causis descendere: et quod cum omnium prius meminerit, addit et si quæ sunt similes. Illic sententia aperte falsa: hic etiam absurda. Ait igitur istas actiones, quarum mentionem habuit, ex civilibus causis nasci. Atqui supra meminit omnium actionum in rem, et omnium in personam. Divisit enim in §. 1. actiones omnes in genera duo, ut sint aut in rem, aut in personam; eoque et actiones in rem, et actiones in personam generaliter nominavit, nec quidquam adjecit, quo certas ali-

quas species ex his generibus se dicere significaret. Falsum est autem omnes actiones in rem, aut in personam esse ex civilibus causis: cum multæ sint ex utroque genere prætoriae, quod et ipse statim subjicit. Etsi autem post eam divisionem actionum in actionibus in rem certas species recenset, ut rei vindicationem de rebus corporalibus, et actiones de servitutibus, confessoriam, et negatoriam: tamen non eos minus verum est eum prius et alias appellasse: genera enim prius nominavit: sub quibus species omnes continentur non tantum expressæ, sed etiam non expressæ. Atque ut dederimus eum in actionibus in rem mentionem fecisse tantum istarum, quas postea nominatim recenset: tamen nihil istius fecit in actionibus in personam: has generaliter appellavit, et si quas addidit species, has addidit, ut diceret vel ex contractu esse, vel ex maleficio, et aliis quibusdam modis. Earum ergo meminit generaliter, quæ sunt ex his causis. At saltem in hoc genere falsum est eas actiones quæ sunt ex contractu, aut maleficio esse ex civilibus causis: cum eæ quæ dicuntur postea prætoriae, sint et ipsæ partim ex contractu, partim ex maleficio. Plusquam autem absurdum est, quod cum sub appellatione generis meminisset omnium in rem, et personam actionum, nunc addit, et si quæ sunt similes, quasi postquam omnes generaliter est complexus, possint præter has ullæ esse ex eodem genere. Nam profecto qui aliquas præterea similes esse dicit, dicit præter omnes esse alias: quoniam quæ sunt similes, sunt aliæ. Denique perinde hæc adjectio est, ac si ita dixisset: sed actiones omnes in personam (nam has omnes ante nominavit, nec ullam speciem hujus generis expressit) et si quæ sunt similes in personam. Atqui si omnes dixit, non debet metuere, ne quas prætermiserit similes; quoniam in omnibus nulla deest. Aut si quæ adjiciendæ sunt velut omissæ, non nominavit omnes: quod falsum est.

VIII. Res sic habet, non effugiemus hanc objectionem, atque hæc vitia hujus sententiæ, si per istas actiones, quarum mentionem habuit, intelligemus genera ipsa actionum quæ ante nominavit, ac non certas species horum generum ante expressas. Et quidem has ipsas intellexerunt Theophilus, et Accursius: quorum ille locum sic reddidit, ut ad actiones in rem, quarum supra Justinianus mentionem fecit, nominatim referret: hic autem aliis verbis idem declarans mentionem interpretatus est expressam. Non dubium, quin cum non

non essent ista in textu Justiniani, ideo ad-  
jecerint, quia sine his superiora incommoda  
videbant; his adjectis vitare studebant. Quid  
ergo, his adjectis id assequimur? Sane vero  
assequimur. Sic enim intelligemus solas illas  
actiones in rem quas ante expressit, vindica-  
tionem rei corporalis, et de servitutibus con-  
fessoriam et negatoriam. Quibus acceptis  
omnia bene se habent. De his enim recte  
dicitur has descendere ex causis legitimis et  
civilibus: descendunt enim re vera: quia ju-  
re civili non datur actio in rem, nisi rem  
suam vindicanti: §. *namque, seq.* superioribus  
autem actionibus rem nostram petimus: vin-  
dicatione rem nostram corporalem: confesso-  
ria servitutem nostram: negatoria libertatem  
rei nostræ. Sed et de his loquendi optime  
additur: et si quæ sint similes, quoniam su-  
perioribus multum abest, ut contineantur  
omnes eæ quæ descendunt similiter ex causis  
civilibus. Sed verba Justiniani obstant:  
nihil enim amplius nominat, quam istas actio-  
nes quarum mentionem habuit: nec addit,  
actiones in rem, aut quarum mentionem ex-  
pressam habuit. Et quidem ego putarem ob-  
stare, si quid ad superiorem sententiam ver-  
bis deesset. Sed verba ipsa satis species istas  
expressas significant, ut ad eas significandas  
alia adjectione non sit opus, nisi majoris  
expressionis causa, ne quis sit error. Ver-  
bum hoc, *istæ*, ad res certas, quæ alicubi  
sunt, refertur, non ad genera, et res incer-  
tas, quæ nusquam sunt, aut ubi sint, igno-  
ratur. Est enim demonstrativa particula, nec  
demonstrantur nisi certa, et quæ certo loco  
sunt: ut cum dicimus, *istic*, significantes  
ubi tu es: et ista vestra, de iis quæ certa  
prius designata erant. Cum autem sententiæ  
veritas hanc interpretationem exigit, eam  
etsi res esset ambigua, ut vitio carentem ac-  
cipere debemus. L. *in ambigua, D. de le-  
gib.* Hoc sensu de actionibus in personam  
his verbis non loquitur: quando earum actio-  
num speciem nullam ante expressit: sed pos-  
sunt contineri his quæ sequuntur, et si quæ  
sunt similes.

IX. *Et si quæ sunt similes.* Quæ sunt  
igitur aliæ istis ante expressis similes? Ex  
actionibus in rem eæ, quæ præter istas rem  
nostram petunt: ex actionibus in personam  
illæ, quæ eandem originem et eosdem aucto-  
res juris habent. Sunt autem præter superio-  
res et aliæ in rem hujus generis: ut petitio  
hereditatis, per quam hereditatem nostram  
petimus: nam et hæc descendit ex legitimis  
et civilibus causis. L. 1. 2. 3. *D. de her.  
pet.* ut confessoria et negatoria de aliis ser-

vitutibus innumeris, quas supra non com-  
memoravit. Actiones autem in personam quam  
plurimæ iisdem auctoribus, et iisdem parti-  
bus juris proditæ. Quo fit, ut si superiores  
istæ expressæ ex legitimis et civilibus causis  
sunt, sint et hæ, quas dicimus similes. Ca-  
vendum autem, ne dicamus cum *Accursio*,  
similes intelligi quæ sunt ex contractu, vel  
quasi contractu, ex delicto, vel quasi deli-  
cto, et variis causarum figuris: non enim  
hæ omnes sunt ex legitimis causis et civili-  
bus: sed pleræque ex jurisdictione prætoris,  
ut postea declaratur. Itaque nec genere si-  
miles sunt superioribus expressis, quia non  
sunt in rem: nec origine, quæ eandem ju-  
ris originem et constitutionem non habent.

X. *Ex legitimis et civilibus causis.* Le-  
gitimum proprie dicitur, quod est ex lege,  
id est, ea parte juris, quæ proprie lex ap-  
pellatur in divisione juris §. *constat, supra,  
de jur. nat.* conjugata enim lex et legitimum.  
Sed in usu juris latius accipi solet, ut sit id  
omne, quod sit ex aliqua parte juris civilis,  
non tantum lege, sed alia quavis legi simi-  
li, puta plebiscitis, senatusconsultis, consti-  
tutionibus principum: ut legitima conventio  
dicta, etiam quæ senatusconsulto adjuvatur.  
L. *Legitima, D. de pact.* legitima hereditas,  
quæ jure aliquo obvenit ab intestato: L. 3.  
§. *de illo, D. pro soc.* obvenit autem etiam  
senatusconsultis, et constitutionibus. L. 3.  
*D. de her. pet.* legitima actio in L. *qui ser-  
vandarum, §. ult. D. de præf. ver.* eadem  
quæ civilis in L. 1. *D. eod.* Quod ex simi-  
litudine istarum partium natum est: nam cæ-  
teræ partes juris verbo leges non dicuntur:  
vi et potestate sunt leges, quæ eandem cum  
lege potestatem obtinent. Unde et dicuntur  
constitutiones similes legibus in §. *quos au-  
tem, supra de bon. poss.* Quo sensu legiti-  
mæ et civiles idem valent; cum juris civilis  
verbo easdem istas partes significamus. Et ita  
legitimas causas hic accipi debere manife-  
stum est. Ait enim actiones, quarum men-  
tionem habuit, et si quæ sunt similes, de-  
scendere ex causis legitimis simul et civili-  
bus. At non omnes istæ actiones sunt ex le-  
ge, sed quædam ex aliis quoque partibus  
juris. Legitimas igitur etiam quæ sunt ex his  
partibus, intelligit. Eas enim dicit, non quæ  
sunt ex causis legitimis, aut civilibus: sed  
conjunctim quæ sunt ex legitimis et civili-  
bus.

XI. Civile autem quid dicitur, ut est jus  
civile unde nascitur. Id interdum dicitur ge-  
neraliter, ut contineat etiam jus prætorium,  
et in §. *constat, supra, de fur. nat.* alias an-  
gu-

gustius, ut sit id quod venit ex cæteris partibus, non etiam ex jure prætorio, sintque hæc duo genera juris civilis; civile quod specialiter ita dicitur, et prætorium. *L. jus autem, D. de jus. et jur.* Appellatio hinc nata, quod cæteræ partes per se et efficaciter jus faciunt, etiamsi aliud non interpretentur, aut temperent. Jus prætorium magis illius juris vox, id est, interpretatio est: *L. nam et D. de just. et jur.* scilicet quia juris ejus adjuvandi, supplendi, corrigendi causa est introductum, *d. L. jus autem, eod.* Totiesque sic necesse est jus civile accipi, quoties, ut sæpe, distinguitur a prætorio, ut *L. scio, D. de testi. L. qui testamento, §. servus, D. qui tes. fac. L. nec ex prætorio, D. de reg. jur.* Quo ex usu posteriore et nunc civiles dicuntur causæ, quæ non sunt ex jure prætorio, sed ex aliis partibus juris civilis: utpote quæ hic postea distinguuntur a prætoriis. Similiter ut actiones et obligationes civiles, cum dividuntur in civiles, et prætorias seu honorarias, *L. actionum, in fin. D. de ob. et act. §. 1. supra de oblig.*

XII. De causis actionum loquitur hoc loco Justinianus, non de actionibus: de quibus si ageretur, intelligeremus civiles actiones dici eodem modo, quo definiuntur civiles obligationes, quæ legibus constitutæ sunt, aut certe jure civili comprobatæ. *§. 1. supra de obl.* Nunc ut dixi, de causis actionum loquitur: de quibus commode idem dici posse prima facie non videtur. Nam plerarumque actionum in personam causæ sunt alienorum negotiorum administrationes malæ, delicta, quasi delicta: quas res non modo non constituit aut probat jus civile, sed etiam improbat, et ob id dat actionem, ut coerceantur, et quod inde abest, præstetur. Sed non minus et de his licet idem dicere, civiles et legitimas causas actionum esse, quæ lege et jure civili constitutæ sunt ad agendum: constitutæ igitur non per se et simpliciter, ut sane pleraque facta per se non constituuntur, sed improbantur jure; sed constitutæ ad agendum: id est, de quibus jus constituit, ut ex his factis tanquam justis causis sit actio; et breviter, ex quibus jus actionem dedit. Actionis in rem jure civili causa hæc est una, si quis rem suam vindicet: quia ex hac causa jus dat actionem. *§. namque, seq.* Atqui potest dominium rei nobis acquiri jure gentium, ut æque sit in rem actio *L. in rem, D. de rei vind.* Sed nihilominus jus non dico idem dominium confirmat, quamquam confirmat: sed hoc amplius ex eodem dominio dat actio-

nem in rem *d. §. namque.* Recte igitur hæc causa civilis, quam jus ad agendum constituit. Unde recte dictum est, superiores actiones in rem, quarum meminit, ex legitima et civili causa esse. Actionum in personam causæ civiles eadem, quæ et obligationum: hæc fere, contractus omnes, de quibus egit supra in argumento obligationum: quasi contractus item omnes: in maleficiis damnum injuria datum ex lege Aquilia; furtum nec manifestum ex lege duodecim tabularum. In his tamen pleraque facta improbantur legibus. Sed quod improbantur, hoc ipsum causam præbuit legi, ut adversus ea constitueretur actio. Quæ ex his factis jure civili constituta, vere dixerimus ista facta harum actionum legitimas et civiles actiones esse: proinde et actiones ex his causis legitimis et civilibus descendere.

XIII. Quod si descriptio superior vera est, ut sit civilis actionum causa, quam jus constituit ad agendum, et ex qua actionem dedit: nullæ sunt ut Accursius putavit, causæ actionum civiles ex ea prudentum interpretatione, quæ initio juris constituti appellata est jus civile; nullæ ex ea parte, quæ olim dicta est legis actiones: tametsi utrasque constat juris civilis partes fuisse; *L. 2. §. his legibus, §. novissime, D. de cri. jur.* nullæ ex responsis prudentum, etsi hæc quoque inter partes juris etiam nunc numerantur. *§. constat, supra de jus. et jur. L. jus autem, D. de just. et jur.* Non sane quod si ex his partibus actiones ullæ ob certas causas datæ essent, non æque recte hæ causæ dicerentur legitimæ et civiles, ut sunt causæ actionum ex cæteris juris partibus: sed quod ut ex his nullæ actiones dantur aut unquam datæ sunt, vel dari possunt: ita nec inde ullæ agendi causæ constitutæ: proinde nec inde ullæ actionum causæ civiles ex superiore definitione. Prudentum non est, aut unquam fuit actionem constituere ex aliqua causa; sed an data esset lege, interpretari, et eam quæ data erat, ostendere. Unde eorum opera, et ea pars quæ appellabatur jus civile, dicebatur interpretatio prudentum, seu pars in prudentum interpretatione consistens, *d. L. 2. §. his legibus, et §. novissime.* Ea autem pars quæ dicebatur legis actiones, etsi tota profecta erat a prudentibus: non tamen ideo ita dicebatur, quod in ea a prudentibus actiones datæ essent, sed quod quæ a legibus prioribus datæ erant, essent compositæ, id est, certis formulis inclusæ, quibus cives inter se disceptarent; ita ut ea pars non actionum constitutionem, sed ex actioni-

nibus constitutis agendi formam contineret, ut aperte declaratur in *d. L. 2. §. his legibus*, vers. *deinde*: et *d. §. novissime*, vers. *igitur*, de orig. jur.

*Quas prætor ex sua jurisdictione comparatas habet.*

XIV. Quæ actiones et obligationes a prætore proficiuntur, eas prætor ex sua jurisdictione constituit, ut est in *§. 1. supra de obl.* Constituendo comparat, id est, facit, ut sint paratæ iis, quibus proponuntur. Ait, *ex sua jurisdictione*. Atqui actiones prætor ex edictis suis comparatas habet. Proponebant enim edicta prætores: *L. 2. §. eodem tempore, D. de ori. jur.* atque his edictis actiones, quas pollicebantur se cuiquæ uti quæque res erat daturus, ut exemplo sunt edicta omnia, quæ exstant in Pandectis ad actionem aliquam pertinentia. Quomodo igitur actiones aut obligationes prætoris ex jurisdictione? quia edicta jurisdictionis prætoris pars erant. Quia ergo ex edictis, ideo ex jurisdictione; cum et edicta ipsa essent jurisdictionis.

XV. Nam jurisdictio est juris dicendi potestas. Hæc potestas in prætoribus duabus in rebus sita erat; in jure publice proponendo, ac velut constituendo; quod fiebat edictis: et in jure constituto privatis reddendo. *d. L. 2. §. eodem, de ori. jur.* Utroque modo jus dicere recte dicebatur prætor. Illic publice civibus universis: hic privatim singulis postulantibus. Nam et cum jus proponitur publice, jam multo ante quam usus veniat, dicitur jus: dicitur enim civibus, quod jus prætor de re quaque dicturus sit, ut sciant cives, et se præmuniant: qui finis edictorum erat, ut est in *d. L. 2. §. eodem*.

XVI. Prætorias actiones hic tantum nominat; ædilicias omisit: ut in divisione hac civilium et prætoriarum actionum videri possint quædam omissæ, quæ nec civiles sint, nec prætoris; non sine manifesto vitio divisionis. Nam et ædiliciæ actiones quædam sunt, edicto ædilium comparatæ de rebus morbois, vitiosisve venditis, redhibitoria et quanto minoris emptor empturus esset. *L. 1. L. sciendum, §. ult. D. de æd. ed.* Atque hæc constat nec civiles esse, nec ex civilibus causis: et quidem multo minus quam prætorias: quoniam minor potestas ædilium fuit in edictis proponendis, quam prætorum *§. prætorum, supra de jur. nat.* Sed non tantum hoc loco, verum in aliis quoque simi-

lium rerum divisionibus observare possumus idem admissum esse a veteribus, ut ubique contenti fuerint prætorias dicere, ubi tamen ædiliciæ in eadem causa haberentur. Ut in divisione obligationum in *§. 1. supra de obl.* quæ plane eadem est, quæ et hic actionum; item in divisione stipulationum: *supra de divis. stip.* Neque tamen aut hic aut illic quidquam a veteribus peccatum est. Respondet enim Pomponius, et cum hoc Justinianus in *L. 5. D. de verb. obl. supra de divis. stip. §. prætoris*. Prætorias sive stipulationes sive obligationes, sive actiones, sic audiri oportere; ut in his contineantur etiam ædiliciæ: quoniam et hæc ab jurisdictione veniunt. Quo non significatur ædilicias esse prætorias: sed ex prætoriarum verbo etiam ædilicias intelligi propter similitudinem: quia sunt ex eadem jurisdictione: ut sic quodammodo ex parte præcipua juris honorarii, totum ipsum jus honorarium intelligatur: quod plaribus exposui ad *d. L. 5. de verb. oblig.*

XVII. Illud in definitione prætoriarum tum obligationum, tum actionum diligenter notandum est, quod prætoris dicuntur, quæ constitutæ sunt, et comparatæ ex jurisdictione prætoris, et hic et in *§. 1. supra de obl.* aliter atque obligationes et actiones civiles, quæ in *d. §. 1. de obl.* definiuntur non solum quæ sunt constitutæ legibus, sed etiam quæ jure certo civili comprobatæ. Et ita res habet. Quæ conventiones jure gentium obligationem et actionem pariunt, ut emptio, venditio, locatio, conductio, societas, commodatum, depositum, et similes earum obligationes et actiones etsi nascuntur a jure gentium: tamen jure civili comprobatæ et admixtæ fiunt civiles, et ita appellantur in usu juris. *L. juris gentium, D. de pact. L. in commodato, §. sicut, D. com.* Sic et in rem actio ex jure civili est, si quis rem suam vindicet: *§. namque, seq.* tametsi potest res actoris esse jure gentium, ex quo et jus rei persequendæ. *L. in rem, D. de rei vind.* Sed jus civile actionem in eandem rem admittendo suam fecit. Non eadem conditio prætoriarum. Solæ sunt prætoris, quæ proficiuntur ex jurisdictione et edicto prætoris. Quod si quæ sint jure civili constitutæ aut admixtæ, ut civiles sint, non ideo fiunt prætoris, etsi edicto prætoris erunt propositæ. Exemplo est actio commodati, quæ proposita edicto monitorio quod extat in *L. 1. D. com.* nihilominus est civilis. *d. L. in commodato, §. sicut, D. eod.* Differentiæ ratio est in auctoritate utriusque juris, civilis et prætorii. Jus civile obligationes et actiones



nes juris gentium comprobando simul etiam constituere et inducere in civitatem videtur: quia aliqui sine hujus juris auctoritate, et non admissæ nos non tenerent; potuit enim non admittere. At prætor eas quæ ante ex jure civili erant, edictis suis pollicendo, nequaquam easdem constituere, aut etiam magis confirmare intelligitur: quando et hæ sine auctoritate prætoris eadem futuræ essent. Legis enim auctoritate valent, in qua constituendi juris potestas est: non valent auctoritate prætoris, qui nihil nisi hujus juris viva vox est. *L. non et ipsum, D. de just. et jur.* Quorsum ergo easdem actiones edictis proponere? ut fieret id, cujus causa maxime edicta comparata erant, ut monerentur edicto cives, et ut est in *d. L. 2. §. eodem, D. de ori. jur.* ut scirent cives, quod jus de re quaque dicturus esset prætor, et se præmunirent.

XVIII. Nec mutatur hæc sententia in actione noxali, quæ ex noxa servi datur adversus eum, qui eum servum desiit dolo possidere; de quo tamen justa dubitatio est. Hanc prætoriam esse scriptum est in *L. electio, §. item si ex pluribus, D. de nox. act.* et hoc quia ex hac causa actionem prætor in eum qui possidere desiit, nominatim edicto proposuit. At eadem prius ex jure civili esse videri potest. Nam jure civili et directo dari constat adversus eum, qui servum in potestate habet, possidet: ut adversus hunc sine dubio sit juris civilis actio. *d. L. electio, §. item si ex, L. si plurimum, D. cod.* An non ergo et civilis, atque ex hoc ipso jure in eundem, si dolo malo possidere desiit? quod regulæ juris consequens est, qua efficitur dolum pro possessore haberi. *L. qui dolo, L. parem, D. de reg. jur.* Et hoc admisit Accursius in *d. L. electio, §. item si ex.* Ac ne videantur hæc contraria, ita conciliat, ut dicat origine civilem esse; quod et hic tuetur: sed per extensionem dici prætoriam. Quod verum non est. Adversus eum, qui dolo possidere desiit, vere prætoriam est; quia in hunc casum inducta est solum a prætore: in eum casum jus civile actionem non dedit: certe non ita dedit, ut de eo satis posset constare. Nihil ad rem pertinet, quod actio noxalis jure civili certo datur adversus eum, qui servum possidet: et dolum pro possessore habetur. Hoc enim posterius non ex verbis est, ut apparet; sed quia sententia legis ad hunc quoque casum porrigitur. Hæc interpretatio non statim fuit in hac specie juris admittenda. Quod enim actio ex noxa servi datur adversus possiden-

tem, odio delicti comparatum est: odia autem interpretatione non sunt adjovanda. *L. cum quidam, D. de lib. et post.* Aut si jus ad hanc quoque speciem porrigi placet, necesse fuit id jurisdictione suppleri, et certo induci: quod hic factum est a prætore, ut et faciendum esse docemur in *L. nam ut ait, D. de legib.* ut proinde inductio sit prætoris, non juris civilis.

XIX. *Necessarium est exemplis ostendere.* Necessarium non absolute, sed cum adjuncto, si velimus, hoc quod diximus, recte intelligi. *Plerumque ita permittit prætor agere.* Plerumque dicit, quia non omni ei, qui dominus non est, ita permittit; sed soli ei, in quem concurrunt ea, quæ pro causa hujus actionis exigit, quæ sane non semper concurrunt. *Ut vel actor dicat se quasi usucepisse:* quam intentionem esse dicit Publicianæ in *§. namque, seq.* quam recte, ibi opportunius dicitur. *Vel ex diverso possessor;* quod pertinet ad rescissoriam actionem, de qua in *§. rursus*, ubi vere dicit actor adversarium suum non usucepisse, quod usucepit, dum intelligitur non usucepisse jure prætorio, quod usucepit jure civili: quia juris civilis usucapio jure prætorio infirmatur.

XX. Illud, *possessor*, quod legitur in omnibus exemplaribus vulgaribus, quomodo et Accursius sine ulla significatione variantis scripturæ legit, vitiosum videtur: ut dicatur is possessor agere, et dicere adversarium suum non usucepisse: nam de actore in utroque exemplo hic agitur. Et sane nihil vitiosius, nec magis falsum, si possessorem eum accipimus, qui nunc possidet: cum possessori nunquam, ultro actio detur. *L. 1. §. pen. D. uti pos.* Sed nihil vetat possessorem hic intelligi, ut Accursius interpretatur, veterem possessorem, id est, eum qui ante fuit possessor; ut dicitur insula, quæ ante fuit insula: *L. insula, D. de acq. rer. do. tutor post pubertatem*, qui ante fuit tutor, *L. si tutor, L. si post, D. de tut. et rat. dist.* Nec mirum a Justiniano ita hic possessorem appellari: nam et in *§. rursus*, paulo post sequenti idem dominum vocat, qui nunc dominus non est, sed qui aliquando fuit. Alii malunt, *possessorem*, hoc sensu, ut ex diverso actor dicat possessorem eundemque adversarium suum non usucepisse: quomodo et in quibusdam exemplaribus veteribus legitur, et Theophilus locum sic vertit, ut sic quoque videatur legisse, qui adversarium istum possessorem facit. Vera sententia citra controversiam: sed et vera prior, quæ idem exprimit: ut pro sententiam nihil

nihil intersit, utro modo legatur. Si de commoditate scripturæ quæritur; melius fecisset omnino Justinianus, si omisisset utrumque hoc verbum, *possessor*, vel *possessorem*, et ita scripsisset: si vel actor dicat prius illud: vel ex diverso dicat adversarium suum suscepisse. Ut illud actor positum initio orationis disjunctivæ, ad utrumque membrum ejus orationis, et utrumque verbum, dicat, referretur: sic enim omni vitio et obscuritate careret oratio. Addito autem alterutro, vel *possessor*, vel *possessorem*; difficile est statuere utrum ad commoditatem orationis sit melius. Obscurius est paulo illud *possessor*, ut *possessorem* interpretemur, qui olim *possessor* fuit: sed tamen ex verbo actoris satis explicatur; cum jure non possit agere, qui

Tom. VI.

nunc possidet. Quod si legimus *possessorem*, habebit oratio sua quoque vitia, et fortasse majora. Nam et hic trajectio est verborum inelegans et inepte affectata; *possessorem* dicat adversarium suum suscepisse, pro dicat *possessorem* eundemque adversarium suum suscepisse. Deinde illud, adversarium suum, accipere oportebit dictum per appositionem, ut sit, *possessorem* qui adversarius suus est: qua figura loquendi haud temere quisquam reperiet nostros unquam usos fuisse: ut quæ orationem reddat obscuriorem, non necessaria in prorsa oratione iis, qui perspicue et intelligenter loqui velint. Quod cum ita sit, nolim contendere: sed tamen in pari incommodo malim veterem et usitatam lectionem retinere propter auctoritatem, et fidem.

40

Namque



Namque si cui.

§. IV.

*Publiciana qua ex causa. I.*

*Publiciana etiam de servitutibus. II.*

*Publiciana non de his rebus, quarum alienatio et usucapio est interdicta. III.*

*Publiciana non omnium rerum traditionem exigit. IV.*

*Causa justa, quæ; et quæ in Publiciana accipienda. V.*

*Publicianam etiam justa causa nulla præcedente, interdum competere. VI.*

*Bona fides ad Publicianam necessaria, et quando hanc intervenire oporteat. VII.*

*Publiciana non domino competit. VIII.*

*Publiciana possessione casu amissa competit; et quis hic casus intelligendus sit. IX.*

*Publicianæ inducendæ ratio atque æquitas. X. et XIV.*

*Directa actio in rem, civilis; Publiciana utilis, et ita vocatur. XI.*

*Vindicare dominium recte dicitur. XII.*

*Durum, iniquum, et cur. XIII.*

*Publicianæ intentio, qua actor dicit se suscepisse, quomodo accipienda. XIV.*

*Publiciana adversus possessorem, non tamen adversus dominum rei: præterquam certis casibus, et quibus. XV.*

Namque si cui ex justa causa res aliqua tradita fuerit ( veluti ex causa emptionis, aut donationis, aut dotis, aut legatorum ) et necdum ejus rei dominus effectus est: si ejus rei possessionem casu amiserit, nullam habet in rem directam actionem ad eam persequendam: quippe ita proditæ sunt jure civili actiones, ut quis dominium suum vindicet. Sed quia sane durum erat, eo casu deficere actionem, inventa est a prætore actio, in qua dicit is, qui possessionem amisit, eam rem se suscepisse, quam usu non cepit, et ita vindicat suam esse quæ actio Publiciana appellatur, quoniam primum a Publicio prætore in edicto proposita est.

I. **P**roponitur hic Publiciana in rem actio. De qua Justinianus hæc distincte complectitur, Qua ex causa cui competat; A quo inducta, et quæ fuerit causa ejus introducendæ; Quid in ea actor intendat; Cur Publiciana appelletur. Quintum prætermisum, præcipue hic notandum tamen, adversus quem hæc actio competat. Sing la breviter attingemus. Proposita est hæc actio certa ex causa. In ea insunt hæc omnia: si cui res aliqua tradita erit; si tradita ex justa causa; si bona fide accipienti; et si forte ex causa emptionis si tradita erit bona fide ementi, accipientique; si is necdum ejus rei dominus effectus erit: postremo si ejus rei possessionem casu amiserit. Ex quibus cætera omnia hic initio comprehensa: solum omissum quod ad bonam fidem eementis, accipientisque pectinet. Nos singula eodem ordine exsequemur.

II. Si res aliqua: nempe aliena, ut est

in edicto. L. 1. D. eod. sed non fuit necesse hic addi, quia id postea satis indicatur illis verbis, *et necdum ejus rei dominus effectus est*: quod non aliter contingit, quam si is qui tradebat, dominus non fuit: alioqui traditione statim dominus efficeretur, qui accipit. §. *per traditionem*, supra de rer. divis. Quæ res sit, nihil interest; si tamen tradita erit. Traduntur proprie res corporales, eadem quæ tangi et prehendi possunt. Quæ res facit, ut incorporalium, puta servitutum, nulla proprie traditio sit, uti nec possessio: L. ult. D. de servit. ut verba si præfacte sequimur, nec de servitutibus constituta sit Publiciana. Sed traditionem hic accipimus latius, quidquid ejusmodi est, ut pro traditione habeatur jure, etsi subtiliter non sit traditio natura. Ejusmodi traditio est in servitutibus usus ejus joris, et domini servitutem constituentis patientia. d. L. ult. de servit. Quapropter et servitutes ad hoc edi-



te ejus, qui dominus putabatur, Publiciana dabitur: ut, si res legata sit ab eo qui dominus non erat. Exemplo est is, cui ex Trebelliano hereditas restituta est. Quem placet etiamsi non fuerit nactus possessionem, uti posse Publiciana. *L. cum sponsus, §. is cui, D. eod.* nempe ideo, quod restituta hereditate, omnia jura in fideicommissarium transeunt. *L. 1. D. ad Treb. §. restituta, supra de fid. her.*

V. *Ex justa causa*: Justa causa dici potest omnis ratio justa obtinendæ alicujus rei, sive quis rem ut suam possideat, et ex domini causa, sive ut alienam, dum a volente possessore accipit sibi habendi et possidendi causa, ut ex causa pignoris, aut precario traditam. *L. quæcunque, D. de publ. L. communi, §. si duo, D. com. divi.* Et in summa, justa causa cum generaliter dicitur, tam possessionis solius causa sine opinione domini intelligi potest, quam domini acquirendi causa. Sed in hac actione, et hac parte juris justam causam tantum intelligimus eam, ex qua dominium acquiritur, si dominus sit qui tradit: non etiam qua acquiritur tantum justa possessio: ut declaratur in *d. L. quæcunque de publ.* Quod acceptum est ex eo, quod sequitur in edicto, et nondum usucaptum petet. *L. 1. D. eod.* Hæc enim verba declarant Publicianam proponi de eo, quod traditum in ea causa sit, ut usu-

capi quidem possit; nondum tamen usucaptum petatur. Non potest autem res usucapi, nisi ex iis causis quæsitæ, ex quibus dominium transferretur, si dominus esset, qui tradit. *L. clavibus, D. de contr. empt. tit. de usuc. in princ. supra.* Dum autem sit ejusmodi aliqua causa, nihil retulerit, quæ sit 4 emptione, an donatio, aut dos, aut legatum, et similes, ut hic de his exempli causa comprehensum est. Causæ pluribus indicatæ in *L. 1. et aliquot sequentibus, D. de publician. in rem act.* Nulla ergo causa ex his præcedente cessat Publiciana.

VI. Quid tamen si quis errore facti justo causam subesse putet, quæ non est, veluti si emerit a furioso, quem ignoret furere? Emptionem non valere constat. *L. in negotiis, D. de reg. jur.* Placuit tamen emptorem posse usucapere. *L. 2. §. si a furioso, D. pro empt.* An ergo et Publiciana dabitur? hic quidam loci dissidere videntur. Nam in *L. 7. §. Marcellus, D. de publician. in rem act.* traditur simul hæc cedere, ut quia emptor potest usucapere, etiam publicianam habeat in hac ipsa specie. In eadem specie Paulus admittit usucapionem utilitatis causa: Publicianam competere negat, uti et actionem de evictione. *L. 2. §. si a furioso, D. pro empt.* Et probo Accursii 5 distinctionem ultimam, quæ est in *d. L. 7. §. Marcellus*: ut ex hujusmodi emptio-

possessio ad tertium venerit, heresque vel legatarius ex persona testatoris experitur, Sneider. *ad d. §. 3. n. 3. et 7. Menoc. Adipisc. posses. Remed. 4. n. 601. et seq.* Quod facile refellitur. Nam (1) *d. L. 12. §. 1.* indefinite concepta, tot subanditiones non admittit, scitumque est ne distinctionem lege ipsa non proditam nos comminiscamur: (2) Accessionibus possessionis ad usucapionem implendam ex persona auctoris nos uti non inconcinne dicemus. Ast quod heres, vel legatarius actionem ullam ex persona defuncti exerceat vix apposite dicitur. Ex persona alterius agit, cujus actio non est propria. At cujusnam magis quam heredis, universi juris successoris. Experitur sane Publiciana jure hereditario, quia hic ipsi titulus, hæc causa cui jus agendi innititur (remota scilicet quomodo ex gr. dominium vindicandi causa est titulus empti a domino habitus.) Ast non magis ex persona defuncti agit heres, vel legatarius quam emptor, qui rem traditam accepit, ex persona venditoris. Tametsi interque bona fide sui auctoris adjuvetur, ut *infra N. 6.* Quare et ad similia hoc jus *d. §. 1.* trahemus. Veluti: Sicuti Ecclesia rem sibi donatam vindicare potest, quam nec unquam possedit per ea quæ *supra Lib. 5. C. 2. n. 9.* ita eandem Publiciana petere, si ambigat an auctor suus dominus fuerit, aut si vere fuerit quidem, sed id probatu non expeditum. Certe ita statui oportet alioqui jus domini citra possessionem acquirendi inane erit. Quis enim effectus erit, aut cui bono ista constituta, nisi ut ita dominus effectus rem absentem recte persequatur. Atqui, quæ difficultas est dominium auctoris probandi, absque hoc prætorio subsidio foret, rarissime quis petitorio vinceret. *Old. Cl. 3. Act. 3. initio.* Aut nullus itaque aut perrarus usus esset ipsius juris. Cesso plura etsi suppetant. Satis hæc, opinor, ita contra plerosque adstructa.

¶ (Etsi servus, tutor, procurator emerint traditumque acceperint *L. 7. §. 10. L. 19. §. ult. h. ac etsi servus non peculiari nomine L. 10. h. t. ad quod vid. Cujac. in Paulo ad L. 2. h. t.* item etsi in fuga sit, ut possessionem per eum

nactus non sit dominus *L. 15. h.* si scilicet servus domino acquiri noluerit, ut accipit *Zas. ad L. 1. §. 14. de acquir. poss. n. 6.* nec alias adversatur in eo *d. §. 4.* Et hic quoque casus, quo qui nunquam possedit, Publiciana experitur, eoque firmantur tradita *N. præced.*

5) Vera hæc distinctio Accursii *ad d. L. 7. §. 2.* Quam firmat noster *ad d. §. 4. I. de act. n. 6.* Quia *d. §. 16.* jungitur Publiciana actioni de evictione. Hæc autem non adversus alium intelligi potest quam ipsum furiosum, qui vendit. Deinde si utilitatis causa recepta usucapio *d. §. 16.* quæ dominium aufert: magis Publiciana nihil auferens domino, sed extraneis possessoribus alienam. Et *Rob. 2. Relect. 10. et 2. Animadv. 27. ac 2. notat. ad Mercat. 27.* hæc comprobatur per *§. seq. 3. d. L. 7.* verbis: quæ etiam adversus donatorem. Ergo, ait, species *§. præced.* de Publiciana contra alium, non contra auctorem, etc. Plane Cujac. *ad d. L. 2. §. 16. Pro emptore* verba ejusdem *§. nec Publiciana competit*, ceu mendosa resecat, notatus a *Rob. dd. locis* et *Cisnero ad L. 3. de usucap. n. 17.* et *A. Fabro 1. Conjectur. 18.* Ipseque Cujac. *16. Observ. 29.* sententiam suam quasi retractat, agnoscens ea verba, quæ et in *Basil. Lib. 50. Tit. 4.* haberi testatur. Et id omne quod *d. §. 16.* habetur, de summo jure accipit, quo ipso usucapionem sequi verum sit. Atque ita inter jus strictum *d. §. 16.* et æquitatem *d. §. 2.* distinguunt *Duar. ad Tit. D. de Usucap. Cap. 2. Cisner. ad d. L. 3. n. 18. Bronch. 4. Ass. 10.* Quod merito refellit *Robert. 2. Animadv. 27. et 2. notat. 27.* Sicuti nec audiendi qui distinctionem Jurisconsultorum agnoscunt *Pac. 7. Enant. Q. 3.* (qui tamen ex mente Justiniani inter jus strictum et benignum æque distinguendum censet) et *A. Fab. 1. Conject. 18.* Tanquam Paulus *d. §. 16.* rationi Ulpiani *d. §. 2.* respondeat in verbis *utilitatis causa* hoc sensu: Quod sic receptum, non est protrahendum *L. 14. de LL.* Non enim, ait, uti usucapionem adjuvat favor publicus, ita et Publicianam, sed privata tantum utilitas, propter quam a juris regula non receditur.



emptione non sit Publiciana, nempe adversus furiosum qui vendidit: ut hoc similiter dictum intelligamus, uti Paulus prius dixerat ex ea emptione de evictione actionem non nasci: quæ sane actio non adversus alium intelligi potest, quam adversus venditorem. At si agatur adversus alios, uti adversus eos usucapio admittitur, sic admittebatur et Publiciana. Quæ sententia Marcelli et Ulpiani fuit in *d. L. 7. §. Marcellus*: et omnino retinenda est, estque verissima. Non enim minus justam causam possessionis desiderat usucapio, quam Publiciana. *L. Celsus, D. de usur. et usuc. tit. de usuc. supra*. Et tamen hæc ipsa quæ non est, fingitur subesse in superiore specie ad usucapionem utilitatis causa auctore Paulo in *d. L. 2. §. si a furioso, D. pro empt.* Quando magis subesse existimari debet ob eandem utilitatem ad Publicianam? Nam usucapio etiam ipsi domino dominium aufert: Publiciana nihil domino, ut quæ adversus hunc non detur: extraneis possessoribus aufert aliquid, sed possessionem tantum, et quidem alienam: id est, eam quæ prius actoris fuit, et nunc esse debet, non possessorum.

Ast immo major merito favor Publicianæ, minusque hæc odiosa quam usucapio. Cum ea domino jus suum illibatum servet, et possessori cum primis injusto obsistat. Absque qua foret, ipsique domini raro, probatione non jure defecti, suum vel a prædonibus obtinerent. Et quod publicæ utilitatis ratione in hac inducenda motus Prætor, probant verba *§. 4. I. de act. durum erat, et plerique nostrorum agnoscunt, vid. Oldend. Cl. 3. Act. 3.*

6) Eademque, uti ad usucapionem vid. *supra Lib. 5. C. 17. n. 11.* ita et hic in emptione non traditionis solum, sed et contractus tempore exigitur *L. 7. §. pen. et ult. h. t. Myns. ad §. 4. I. h. t. n. 25. Sneider. n. 41. Old. Cl. 3. Act. 3. in Practica pag. 335.* Et ita *d. L. 7. §. ult.* exponit Henr. a Suerin. *Repet. Lect. C. 43.* ut in verbis extremis vocula *tunc* denotet tempus traditionis, verba autem *ab initio traditionis* significant contractum, quo agitur ut tradatur, quia ex contractu emptionis initium et veluti iter capiatur ad traditionem. Sed quia ita plane idem *d. §. ult.* aliis modo verbis repeteret quod prius §. monuit, præfero explicationem Gothofredi *ibid.* quod non satis sit ignorantia rei alienæ, sed quid amplius aliquando ad bonam fidem requiratur. Et inde firmo quod et qui credit rem venditoris esse, possit mala fide accipere, si sciens contra leges marcat: de quo non alio loco. Hinc sicuti mala fides supervenient, cursum usucapionis non sistit, *supra Lib. 5. Cap. 17. n. 8.* ita nec Publicianam. Adeo ut etsi quoad illam jus Canonicum a civili recesserit ut *ibid. not.* hic tamen nec eo quidem jure correctionem vulgo agnoscant, cum hæc non ita odiosa sit, nec quidquam domino auferat, aut in ejus incommodum vergat, sed ejus solum, qui ipse minus vel nihil juris habet, collatus actori, ita post Jasonem in *§. 3. I. de act. n. 77. et n. 86. Sneider. ibid. n. 59. Menoch. Recup. poss. Remed. 16. n. 12. et seq. Jo. Bapt. Asin. de Execut. §. 7. Cap. 81.* post plures relatos Gilken. *de Præscript. P. 2. Memb. 2. C. 7. n. 31.* Bona fides autem solius emptoris (ex gr. idem in alio) continetur ut *L. 7. §. 13. h. t.* Quare non nocet mala fides auctoris, ut ne quidem heredi doli defuncti *d. L. 8. §. 12.* (etsi hic contra sit in usucapione ut *supra Lib. 5. Cap. 20. n. 29*) Jure enim fieri potest, ut sicuti quandoque dominium transfert qui ipse non habet, ita et causam domini *L. 46. de acq. do. 6. Old. Cl. 3. Act. 3. Q. 3.* Neque id jure novo correctum post *auth. malæ fidei C. de præscr. long. temp. Nov. 119. C. 7.* ut male quidam voluerunt contententes hodie Publicia-

VII. *Bona fide accipienti, ementive*: Hæc verba ommissa sunt hoc loco, sed exigi edicto etiam bonam fidem accipientis: in emptione autem etiam ementis simul, et accipientis, constat ex *L. sed etsi, 7. §. prætor, D. eod.* Bona fide emere, aut accipere dicitur, qui eum a quo emit, aut accipit, putat dominum esse, aut jus transferendi habere; puta tutorem aut procuratorem esse. *L. bonæ fidei, D. de verb. signif. L. qui a quolibet, D. de contr. empt.* Notandum, quod dixi circa bonam fidem possessoris, hoc interesse inter emptionem et cæteras causas, ex quibus res traditur, quod in emptione duobus temporibus <sup>6</sup> bonam fidem intervenire oportet, et cum emit, et cum res ei traditur, ut sit usucapioni et Publicianæ locus: in cæteris autem causis sufficit ad bonam fidem spectari tempus traditionis. *d. L. sed etsi, 7. §. Publiciana, D. de Publ. L. 2. in pr. D. pro empt.* Quibus de rebus in usucapione ut proprio loco diligentius cognoscendum est.

VIII. *Et necdum ejus rei dominus effectus est.* Id ita fit, si et rem acceperit ab eo, qui dominus non erat, et acceptam nondum

nam exerceri non posse. Quos refellit sane Oldend. *d. Act. 3. in defens. rei pag. 339.* (Et iisdem verbis ex eo non laudato, more non laudando, Myns. *ad d. §. 4. n. 30.*) Sed ita ut tamen iis nimis largiri videatur, dum sic locum dat hodie actioni huic Oldendorpius, si mala fides auctoris, opposita petitori ab adversario non appareat, vel judici satis non probeatur. Ut ita non bona fides auctoris probanda sit actori, sed contrarium reo. Rectius qui nullam hic quoque mutationem agnoscunt. Nam *d. auth.* non tollit præscriptionem in casibus, de quibus loquitur, sed in longius tempus differt, Sneider. *ad d. §. 4. n. 43.* Et hic quoque rationi superioris diversitatis locus, unde nec jure Canonico aliud dicendum videtur. Quod et menti auctorum antecitatorum convenire reor. Hoc amplius bona fides auctoris efficit, ut successor detur hæc actio, etsi ipse dolo non careat *d. L. 7. §. 12.* Quod de herede ac successore universali accipit, Mynsing. *ad d. §. 4. n. 27.* et faciunt ea, quæ *supra Lib. 5. C. 20. n. 24.* Tentari potest idem esse in singulari: cum *d. §. 12.* indefinite successorem vocet, et is maxime successor, qui in rem ut *supra d. C. 20. n. 21.* Sed de hoc alio et loco et tempore. Plane uti superiori casu cautio, ne de mala fide auctoris confiteatur agens, Sneider. *ad d. §. 4. n. 43.* sed si reus ea objecta se defendat, eum audiri non debere, nec ad probationem admitti contendat. Ita hic, opinor, tutius faciet successor, si intentionem suam in titulo suo, et jure hereditario, ex gr. ac bona fide auctoris fundet, et de his fidem faciat, non autem malam fidem suam agnoscat, objiciente eam adversario (quis enim æquus iudex huic reum condemnabit) sed ad probandum eam illum non admitti debere dicat. Quia et Old. *d. Act. 3. in defens. rei* censet exceptionem malæ fidei petitori non ab alio reo objici posse, quam cui ipsi jus aliquid in re, quia alias sit exceptio de jure tertii, cui replicare possit actor: habeo *rem, quod ad te attinet, bono jure arg. L. 4. §. pen. Si ser. vind.* Quod tamen asserere nolum. Cæterum alleganda hic est bona fides petitori, non autem probanda, cum ex causa seu titulo, qui probandus, inferatur ac jure præsumatur, tametsi juramento actoris probandum velint Oldend. *d. Act. 3. pag. 336.* vid. Sneider. *ad d. §. 3. n. 43. et seqq. Myns. ad §. 4. eod. n. 58.* At Wes. *ad Tit. C. de R. V. n. 48.* nec allegationem necessariam concedit, etsi utilem esse fateatur.

7) Hinc perniciosus plurium error, vero domino Publicianam negantium, et per *d. L. 1. §. 1. et L. 18. de pignor.*

dum usuceperit: quæ duo edicto expressa sunt. *d. L. 1. D. eod.* Nam si res a domino tradita est, statim traditione possessor dominus efficitur. §. per traditionem, *supra, de rer. div.* Aut si etiam possessor rem non a domino traditam et bona fide acceptam per constitutum usucapioni tempus possedit; res fit ejus usucapione. *tit. de usuc. supra, L. traditionibus, C. de trans.* Atque his casibus Publiciana non datur: ideo, quia fuit supervacua: cum dominio jure gentium aut jure civili quæsito, sit directa et civilis in rem actio *L. in rem, D. de rei vind.* et sequitur postea in hoc §. *Habet*, inquit Ulpianus, his casibus actor civilem actionem, nec desiderat honorariam. *L. 1. D. de public. in rem act.*

#### IX. Et casu possessionem amiserit. Quip-

*d. §. 4. Inst. de act. et quæ*, ajunt, non 'aliis hæc actio, quam qui usucapere potest. Dominus autem rem suam nequit. Et cui jure civili satis provisum directa actione, non est quod ei Prætor subveniat. Denique quod hæc actiones sibi invicem adversentur, ita Vital. 1. *Var. Lect.* 25 n. 8. Sneider. *ad §. sed istæ 3. junct. seq. I. de act. n. 24. et seq. Vult. ibid. n. 11. et n. 20. ac Gifan. et Harpr. n. 15. Valent. Guil. Forst. Tract. Justin. Pari. 2. Disp. 3. Th. 34. lit. B.* Quem errorem convellit Oldend. *Cl. 3. Act. 3. passim* et Mynsing. *ad d. §. 4. n. 38. et seqq.* Nos ejusdem radices ac fibras omnes amputabimus. Ecquodnam vero domino, si probatio domini, quæ fere semper in difficili est, non suppetat, rei persequendæ erit remedium, si non hoc. Siquidem nec interdicto recipere possessionem poterit, si casu amisit. Anne vel omne ei remedium abdicabimus, et ex ea ipsa causa hæc actionem regalimus, quod plus juris habeat, quam daremus, si minus juris haberet. Vel scientem mentiri cogemus, si hæc intentata necesse habebit dicere aut se dominum non esse, ut Accursius vult et Jaso *ad d. §. 4. aut se ambigere utrum sit dominus*, ut post Angelum Sneider. *ad d. §. 4. n. 45.* Quorum illud insulsum, ut recte Oldend. *d. lo. p. 337.* utrumque varissimum et falsissimum est. Cum immo ex conditione bonæ fidei sit, et sic agenti necessarium *L. 13. §. 1. h. tit.* ut se dominum esse credat. An non autem tanto magis credit, quanto minus dubitat. Vindicatio civilis uti ex parte agentis exigit dominium, ita prætoriam hæc causam domini, id est titulum, bonam fidem et traditionem auctoris, (nisi in casibus quibus hæc non necessaria, ut *supra N. 3.*) Fac jam dominum verum, qui vel non certo scit quod sit dominus, credit tamen: (quid enim si auctor, a quo accepit, vere dominus fuit; sed de illo successor non satis liqueat) vel certo scit, sed probare nequit: (pone instrumenta unde possessio longissima auctoris et consequenter usucapio constabat, perditæ esse; testes qui de eadem illi privatim fidem fecerant, obisse) vel probare etiam potest, sed eam molestiam, moras item iudicii, quod longissime extrahi sic solet, evitare satagit; iudicio sic intendere: Fundum Sempronianum, quem tu possides, me a Sejo venditum bona fide accepisse, (aut mihi testamento Seii legatum) ajo: Eum mihi restituui, Judex, peto. Quæ vera formula est vid. *infra N. 12.* Intentione hæc firmata, quid est quod actorem ex persona sua submoveat. Anne reus cum repellat dicendo: At tu dominus es, ideo non hæc actione experiri debes, sed alia. Ita sane Accurs. in *gl. magna §. 4. I. de act.* his verbis: in ea (Publiciana) obtinebit, nisi adversarius probet actorem dominum hujus (rei) fuisse. Quod si probet, dabitur ei rei vindicatio. Qui enim Publiciana succubuit, non repellitur a rei vindicatione directa. Absurde dicit Accursius probet, item succubuit. Qui enim probatio hujus rei exigitur a Reo? Nonne is confitendo dominium auctoris, malitiam ipse suam prodit, et quod nulla sibi causa restitutionem vel negandi vel remorandi. Qui succumbet Publiciana, qui confessione adversarii intentionem suam nou modo implevit, sed quid amplius. Non enim quæ abundant

pe adhuc possidenti nunquam ultro datur actio ad rem obtinendam: cum sufficiat ei, quod possidet, ut *supra* diximus. *L. 1. §. pen. D. uti poss.* Additum est casu, ut significetur hoc verbo quidquid opponitur possessoris voluntati, distinguaturque qui amisit possessionem non volens, ab eo qui, suo facto et sua voluntate amisit: puta rem vendendo, aut permutando, aut donando. Quibus 8 modis qui fecit, quominus rem haberet, merito ei ideo Publiciana non datur, quia nec vero domino re ab eo alienata, et jure ejus amisso ulla in rem actio competet.

X. Publiciana a prætore est. Causa et ratio ejus constituendæ, rei æquitas, quod hac actione non constituta futurum fuerit, ut justus possessor, si possessione excidisset, nullam

vitiant. Falsissimum quippe est, quod toti errori causam præbuit, actiones has origine pugnantes esse: cum potius valde affines, sint, origine, medio, et exitu; alteraque alterius supplemento perficiatur, ut Oldend. *d. Act. 3. pag. 326. et seq.* et majoris minorisque ad invicem rationem habeant: ut, sicuti cui aureus est, eidem et grossus: ita etc. Oldend. *ibid. pag. 332.* Sicuti et heredi civili bonorum possessio datur §. 1. in fin. *I. de bon. poss.* At jus bonæ fidei possessoris non adversum est dominio, sed affine, finitimum. Anne initio reus repellat actorem, quasi non rite (et ut vulgo formiter) intendat, Sane si formulas *gl. d. loc.* sectamur, id dicendum. Itaque agere oportebit: Fundum etc. a Sejo non domino, vel, quem dubito an fuerit dominus, venditum accepi: Eum restitui, jure quasi domini, perinde ac si usucepisses, peto. Ast hæc ratione jura, quæ mendacia coercent, dominum aut mentiri scientem cogent, aut oneri difficillimo probandi usucapionem, dominumve adstringerent, ob id ipsum, quia dominus: Qui non adstringeretur si dominus non foret. Junge *not. infra N. 12.* Hinc facile concidunt rationes adversæ. Nam illa verba: *necdum dominus d. §. 4.* et similia referenda ad casus crebro contingentes, non autem ad opinionem accipientis, rem et intentionem petentis, quasi actio hæc in eo fundetur, quod non sit dominus, vid. Old. *d. Act. 3. pag. 325. et p. 338.* Nec vero ex certitudine naturæ, cui omnia cognita, sed ex eo quod est in usu et foro, et ad hominum captum, actiones æstimandæ: Old. *ibid. pag. 332.* Sic quod *d. L. 1. §. 1. h. t.* habetur in casu inventionis verum est, quia ad id prodita Publiciana, ut quasi domino subveniret, Myns. *ad d. §. 4. n. 41.* Ac illa si *usucaptum est d. §. 1.* accipiendæ: si idem constet, aut si id probandum in se recipiat et intente actor. Tunc enim Publicianam non rite intenteat, non quia hujus intentio illi inter omni contraria, quin imo illa huic consequens esse potest; sed quia tunc jure civili communi satis ipsi consuevit. Old. *d. Act. 3. p. 324. Wes. ad Tit. C. de h. n. 45. in fin.* Unde nec has actiones conjunctim proponere licebit. Tametsi, ex quo usu fori cumulatio actionum frequentari cœpit: inde et rei vindicationem ac Publicianam eodem libello proponi non temere invaluerit, sed disjunctim, unde formula hodie vulgaris: Peto declarari rem jure domini, vel quasi ad me pertinere, Oldend. *d. Act. 3. pag. 336.* Sneider. *ad §. 3. I. de act. n. 61. et seqq.* Mynsing. *ad §. 4. eod. n. 62. et seq. Gail. 1. Obs. 62. n. 5. Wesenb. ad Tit. C. de R. V. n. 45. Bronch. 1. Ass. 76.* Busius *ad L. I. h. t. per C. Abbate 3. de re jud. in 6.* Ubi dominio probato sententia feretur, qualem rei vindicatio exigit; non probato, qualem hæc actio, quod iudici amadvertendum, Oldend. *d. loc. p. 337.* Confer. *Coed. ad L. 28. de F. S. n. 6. et ad L. 124. eod.* Sic nec argumentum a contrario sensu *ex d. L. 18. de pign. valet*; de quo vid. Myns. *d. loc. n. 42. et seqq.*

8) Etsi ad id metu vel dolo inductus, quia et is utcumque voluit, Oldend. *Cl. 3. pag. 333.* Forst. *Tract. Inst. P. 2. Disp. 3. Th. lit. C.*

lam actionem in rem haberet; nulla enim fuit jure civili. Nullam autem esse actionem hoc casu, iniquum. Ratio comprehensa illis verbis, *nullam habet*: quæ cujusmodi sit, et ut verbis exprimat, videamus.

XI. *Nullam habet in rem directam actionem*: Directam vocat civilem et jure civili proditam: quod ratio subjecta explicat. Cum enim pro ratione dicere debuisset: quippe ita proditæ sunt directæ actiones: ita rationem reddidit, *quippe ita proditæ sunt jure civili actiones*: ut intelligeremus eas directas esse, quas nunc dicit jure civili proditas. Directam actionem utili opponimus. *L. actio, D. de neg. gest. §. ult. supra de leg. aq.* ut sit directæ, quæ verbis ipsis legis recta datur alicui, et in aliquem; quasi in hunc verba ipsa legis dirigantur: utilis, quæ verbis cessantibus datur ex sententia et mente legis utilitatis causa, ut appositissimo exemplo legis Aquiliæ declaratur in *d. §. ult. de leg. Aq.* Quo ex sensu si Publiciana directæ isti et civili recte opponitur, erit nimirum civilis in rem actio, directæ: Publiciana utilis. At quomodo tandem Publiciana utilis, quæ nihilominus et ipsa apertis verbis edicti datur? Dicitur utilis<sup>9</sup> ad jus civile relatæ; quia ex hujus quoque sententia et ratione ducitur. Datur enim jure civili in rem actio domino. Possessor qui non a domino accipit, quantumvis justus, tamen dominus non est: ut hic quidem cessent verba legis: sed pro domino est habendus: quæ nobrem, mox dicetur. Danda igitur et huic in rem actio ex sententia legis propter eandem rationem, quæ sententiam et mentem legis indicat: ac si ex hac sententia dabitur, erit utilis ex superiore definitione. Sed cur hic spectamus jus civile potius, quam prætorium, quo hæc actio nominatim prodita est, cum illo sit omissa? Quia edictum ipsum prætoris de hac actione nihil aliud continet, quam istam ipsam sententiam juris civilis: quam ille interpretatus et secutus, in hunc casum, qui lege omissus erat, clarius induxit actionem. Pertinetque omnino hæc species ad eos casus, qui quandoque similes cum incidunt, lege omissi, supplentur jurisdictione prætoris propter eandem utilitatem; ut faciendum esse præcipitur, quoties lege aliquid unum vel alterum introductum est, et occurrunt alia, quæ ad ean-

dem utilitatem tendunt. *L. nam ut ait, D. de legib.*

XII. *Ita proditæ sunt jure civili actiones*. Intellige in rem: quod de genere prius ita proposuerat; nullam habet in rem directam actionem. *Ut quis dominium suum vindicet*. Non recte, dixerit aliquis, dominium suum vindicet. Nam si habet, cur petit, quod habet? si non habet, in rem agere non potest. *L. in rem, D. de rei vind.* An igitur hac objectione moti cum Accursio per dominium suum, rem dominii sui accipiemus, ut ille fecit? Nihil necesse est. Et qui rem vindicat, recte dicitur dominium vindicare. Hoc enim vindicare significat, suum esse dicere, sibi asserere quid proprium, quod et re vera proprium est. Atenim frustra vindicat dominium, qui habet. Frustra si quis vindicando dominium peteret. Nunc autem de dominio non agit, ut habeat; sed ut res sibi restituatur, quæ abest: quod quia consequi non potest, nisi se prius dominum esse probaverit, ideo ab intentione dominii orditur, et se dominum esse contendit; ac talem se esse pronuntiare postulat: quod et illo probante ut fiat, primum officium est judicis in hac actione. *L. et ex diverso, §. 1. D. de rei vind.*

XIII. *Durum*<sup>10</sup> erat eo casu deficere actionem. Durum, iniquum et injustum: quod tum maxime usurpatur, cum verbis juris nimis inhærendo æquitatem omittimus: sic hoc verbi explicatur in *L. illud, D. de her. pet.* ubi quod initio durum dicitur in oratione Hadriani, paulo post dicitur injustum. Translatio ducta a rebus duris, quæ quia natura sunt rigida et immota, ideo tractanti non cedunt, nec ulla arte tractando molliri possunt. Tale est jus summum: quod verba præfracte retinens æquitatem se vinci aut molli non patitur; æquitati nihil concedens; æquitati inexorabile. Unde et sit iniquum: *ex quo illud, Summum jus, summa injuria, factum*, inquit Cicero, *tritum sermone proverbium, Lib. 1. Off.* usurpatum a Terentio in Heaut. Hujus autem generis est hoc jus, quo in rem actio datur domino; si domini verbum præfracte urgendo, non patimur id jus produci ad ullos qui domini non sint, quamvis ii incidunt, quos æquum sit in hac re pro dominis habere et tueri. Hoc est igitur

<sup>9</sup> Directa autem ad edictum Publici relatæ, Oldend. Cl. 3. Act. 3. p. 327. Adde not. Lib. 21. Civ. Commentar. C. 2. N. 7.  
<sup>10</sup> Quam duritiem scite explicat hic Donellus noster et Oldend. Cl. 3. Act. 3. pag. 326. Hinc hunc fidei possessor

sæpe dicitur domini loco, et vocatur dominus *L. 32. de usu cap. L. 84. de furt.* Meritoque jure domini fruitur, quoties res est cum alio quam cum domino, quia æquius est illum rem recipere, quam alium eandem tenere. Cujac. in Papin. ad *L. 14. h. t.* Vult. ad §. 3. et 4. *I. h. t. num. 12.*

tur, quod hic durum et iniquum recte dicitur. Iniquum autem hoc casu deficere actionem, quia possessio ejus, qui rem pro sua possidet et colit, si est justa, id est, si eam ex justa causa et bona fide nactus est, hoc meretur, ut possessor in ea re pro domino habeatur, quandiu in eo nulli alii fit injuria: idque ita fit, dum eo facto vero domino res sua non auferitur. Et ita etiam habetur jure. Nam jure gentium bonæ fidei possessor in fructibus percipiendis id juris habet, quod dominis prædiorum tributum est, ut similiter percepti fiant ejus pro opera et cultura. *L. qui scit, §. 1. D. de usur. §. si quis a non domino, supra, de rer. divis.* Jure autem civili cum justo tempore possederit, rem usu facit suam, *supra, de usuc. in princ.* Et ut desint cætera: at certe justa possessio semel actori jure quæsitæ est: hanc illi tueri æquum est: ut sive adhuc obtinet, eam retineat: sive casu amisit, danda sit opera, ut ei restituatur. Tantum ne eum tueamur adversus verum dominum, cui propter alienam possessionem quantumvis justam res sua auferri non debet. Cæterum si res agetur cum alio qui dominus non est, semper justus possessor hoc ipso quod talis est, plus juris habet in possessione obtinenda, quam qui aut nullo jure

rem tenet, aut possessionem<sup>11</sup> post eum qui nunc agit, nactus est. Æquum igitur et hactenus eum haberi pro domino laborantem de re sua, id est possessione, recuperanda: et ei in hunc casum actionem in rem dari. Idque ita Publiciana actione provisum est: quæ ei qui justam possessionem aliquando nactus est, his de causis datur adversus omnem possessorem: sic tamen, ut verus dominus excipiat. Quæ æquitas est et jus hujus actionis, ut declaratur in *L. ult. D. de public. in rem act.*

XIV. Intentio hujus actionis notatur his verbis; *in qua dicit is qui possessionem amisit: eam rem se suscepisse, quam non suscepit, et ita vindicat suam esse.* Sed intentio si ad verba exigitur, adeo falsa, adeo adversus edictum et hunc ipsum locum, ut nihil magis. Quid enim, an non in omni actione ad recte agendum id dicendum est, quod pro causa ejus actionis positum est jure aut civili aut prætorio? Sane hoc ipsum, non aliud. Is enim recte quid petit, qui petit ex causa, ex qua jure actio constituta est: sic enim ex sua causa sequitur actio tamquam ejus causæ effectus: nec sine sua causa ullus effectus potest intelligi. At actio Publiciana comparata est nominatim ex hac caus-

<sup>11</sup> ) Receptissimum tamen vulgo est Publicianam non dari contra possessorem noviore, si et ipse bonam fidem ac titulum habet, nisi ab eodem causam petitor habeat, tum per *L. 9. §. 4. h. tit.* tum quia possessio juncta titulo fortior sit nudo titulo, *Sneidvin. ad §. 3. et seq. I. de act. n. 28. Old. Cl. 3. Act. 3. p. 330. Vasq. 2. Ill. Contr. 70. in fi. Petr. Barbosa ad alienam 11. ipsi 12. D. Sol. matr. n. 45. Curt. Jun. Cons. 177. n. 2. Menoch. Recup. poss. Remed. 15. n. 91. Wesenb. ad tit. C. de R. U. n. 17.* Quod tamen declarant modo et hujus titulus sit justus, causam dominii præbens, veluti titulus pro herede, de quo *Tit. D. Pro herede non autem qui Tit. de Petit. her. Oldend. d. loc. et Sneidvin. n. 32. Confer. Lib. 5. Civil. Commentarior. Cap. 14.* nec in fraudem agentis procuratus, *Sneidv. n. 31. Oldend. et Wesenb. d. loc. et de eo apparet.* Alias vel ex eo solo quod antiquior possessio titulata, novior clandestina censetur, ait *Barbosa d. n. 45.* Quidam etiam ubi petitor ex causa onerosa tenuit actionem hanc contra noviore possessorem ex titulo lucrativo concedunt, quod potior ratio esse debeat damni evitandi, quam lucri, *Vult. in d. §. 3. et seq. I. de act. n. 18. post Usilium ibid. n. 23. et Forst. Tract. Just. P. 2. Disp. 3. Th. 4. lit. D.* Verum hoc omne etsi non temere ab interpretibus statui videatur, eorum tamen magis auctoritate, quam LL. veritate jurisque ratione nititur. Quod et *Wes. ad Tit. C. de R. U. n. 47.* sentire et priora, quæ n. 17, veluti corrigere videtur. Nam (1) *d. L. 9. §. 4.* loquitur de casu quo alteri emptori res plane non tradita per verba: *qui tantum emit.* Ac imo (2) ratio: eo ipso quod prior possessor bonæ fidei et cum titulo dominus a pretore fingitur, posterior, etsi rem teneat, contra illum fingi nequit, ne duæ fictiones contrariæ in iisdem personis concurrant. Et fictio extremum habile requirit, fuisse *Alc. ac L. si is qui 15. de Usucapion.* Quare posterior hic possessor fingi quidem et ipse potest dominus, sed contra eos qui post se venient. Alias (3) fortior quoque erit fictio in casu ficto, quam veritas in vero contra *L. 19. §. pen. Locati L. 8. §. ult. de opt. leg.* Nam nec verus dominus exceptionem dominii utiliter objicit ei, contra quem

actionem efficacem non habet ut in *Comm. ad Tit. de action. §. 4. n. 15. versic. sed tamen vindicat.* Adhuc (4) semel quæsitum priori quasi dominium ac jus possidendi quidam dominium possess. vocant (illi sine facto suo et culpa, quæcumque bona fides sit posterioris, adimi nequit. Nisi dicas regulæ *L. 11. de R. I.* in iis quæ juris prætorii, locum non esse, quod non probabis, nec persuadebis. Sed nec (5) ex auctoritate prætoris est, ut quem semel loco domini habuit, eundem rursus restituat. Accedit (6) quod *L. pen. h. tit.* exceptionem justæ dominii objicendam dicit. Hanc quomodo objiciet posterior priori: Immo (7) quam aliam objiciet. Neque enim regulæ *L. 156. §. 1. de R. I.* æquitas eum tuetur. Cum non possit dicere se, si actor possideret, contra illum actione experiri posse. At *d. L. 156. §. 1.* est de exceptione contra eundem danda; contra quem foret actio. Neque enim ex gr. cui actio ex vendito contra Sejum, eidem exceptio rei venditæ contra Cajum; cui actio spoli vel interdictum contra Titium, ei exceptio spoli contra Mævium etc. Ei igitur exceptionem objicit possessor, contra quem si ille possideret ageret. Ageret autem utique non contra antiquiori, sed noviori titulo præditum. Uti nec (8) absonum forte quod *Wesenb. d. n. 57.* Publicianam inniti præsumpto dominio ex antiquiore possessione. Quod si ita est hæc præsumptio a noviori possessore non nisi contraria probatione sui dominii eliditur. Et hæc ita certissima reor. Contrarium autem receptum est, tametsi nullo jure. Quo usu fori facilis cautio commentitio titulo eludendi hoc judicium. Nam posterior possessor, qui nullo jure tenet Publicianam timens aut præfugiens, procurare potest antea simulatum instrumentum emptionis, sibiornare, qui vendidisse se tanti vel tanti dicat. Nam etsi tradant procuratum titulum hunc non prodesse ut supra, etsi item verissimum sit hunc esse in mala fide. Ex alia tamen doctrina DD. facile malignus hic possessor tuebitur, cum ipsi satis sit bonam fidem allegare, et actori contrarium probandum incumbat, quæ probatio plerumque difficillima. Ast si rationi juris hic in judiciis sua constaret auctoritas, omnis ansa tali commento et vafritici præcisa foret.







actionum exponendis supra ostendi initio §. precedentis, sufficitque ad eam rem unum exemplum actionis hypothecariæ, quæ et ipsa in rem prætoria est. *L. si fundus, §. in vindicatione, D. de pig. L. 2. C. si unus ex plur. creditor. deb.* Sed quod de æquitate hujus actionis ante attingi, hoc loco certius monendi sumus, proprium hoc esse hujus actionis, ut cum detur adversus omnes possessores, adversus dominum rei non detur. *L. pen. L. ult. D. de public.* Cujus rei ratio significatur hæc in *d. L. ult.* quod quæ æquitas in Publiciana actione tuetur actorem adversus cæteros possessores, quod plus juris habet in re petita, quam cæteri: hæc illud deficit, et oppugnat agentem adversus dominum, quem constat multo plus juris habere in re sua, quam quemlibet quanvis justum possessorem, qui dominus non sit. Unde et exceptio vulgo usurpari solita adversus Publicianam, si ea res de qua agitur, possessoris non sit: quæ exceptio justii domini vocatur in <sup>13</sup> *L. pen.* ubi eodem sensu et Publicianæ obijcienda esse dicitur. Perpetuum hoc est non minus, quam illud, quod placet domino adversus omnem possessorem ultro in rem actionem dari. *L. officium, L. in rem, D. de rei vind.* Immo vero hoc quam illud, multo certius. Facilius enim possidenti exceptio datur ad retinendum, quam non possidenti actio ad persequendum: ut si domino detur actio, multo magis ad rem retinendam ei exceptionem competere quis dixerit, justa regulam juris. *L. invitus, §. 1. D. de reg. jur.* Sed tamen et vindicandi domino multa sæpe obstant, quominus possessor ei rem restituere debeat. Hæc eadem et possidenti, ac Publiciana actione convento obstabunt, quominus retineat. Et generaliter quibus ex causis ad summovendam domini retentionem possessori exceptio est, ex iisdem causis amissa possessione adversus dominum agenti ad repellendam domini exceptionem est replicatio. *L. si Titio, D. de rei vind.* scilicet ut et hic exceptio replicatione, tanquam actio exceptio-

ne infirmetur: postquam exceptio velut actio quædam est: *L. 1. D. de exc. L. in exceptionibus, D. de prob.* replicatio autem nihil nisi exceptio, quæ datur actori. *L. 2. §. 1. D. de exc.* Tria sunt autem genera earum rerum, quæ dominum summovent. Quædam sunt, quæ faciunt, ut is pro domino non habeatur adversus possessorem. Quædam, ut possessori etiam si non possideret, ultro rem tradere, aut restituere debeat. Quædam, ut saltem pati debeat rem apud eum manere. Primi generis est res judicata, qua quandoque agente domino possessor absolutus est, quo declaratur actorem dominum non videri. Unde exceptio rei judicatæ possessori, et eidem possessione amissa cum veteri domino agenti adversus exceptionem domini, rei judicatæ replicatio <sup>14</sup> *L. si quis rem, D. de exc. rei jud.* Ejusdem generis et <sup>15</sup> jusjurandum, si possessor deferente domino juraverit rem ejus non esse, aut suam esse. Unde jurisjurandi exceptio et replicatio adversus eum qui detulit. *§. æque, infra, de exc.* Utrumque eo pertinens, ut dominus pro domino non habeatur inter easdem personas, quia ita judicatum, aut ita juratum est; post quæ nihil amplius quæritur. *L. post rem, D. de re jud.* Secundum genus hanc rationem habet, ut si adversus dominum actio est, ut rem nondum traditam tradat, aut restituat, multo magis re tradita sit adversus eum ad retinendum exceptio aut replicatio. *L. vindicantem, D. de evict.* fit autem ut dominus obligetur ad rem tradendam, ex venditione, sive vendidit ipse sive procurator ejus ipso mandante: nam et adversus dominum procuratoris ex ea causa agi potest utili actione ex empto. *L. Julianus, §. si procurator, D. de act. empt.* Quare si aut ex sua venditione rem tradidit emptori cum adhuc dominus non esset, deinde dominus factus rem ut suam vindicet, vel agente emptore sibi defendat; aut procurator qui voluntate domini vendiderat, prohibente eo rem tradiderit emptori; utroque casu emptorem tuebitur prætor: sive possideat, exceptio-

ne

<sup>13</sup> ) Et fac. *L. 173. §. ult. de R. I.* Neque enim Prætor inducere debuit beneficium in domini injuriam, eive suum auferre. Et æquius est tueri dominum quam possessorem bonæ fidei *d. L. ult. Donel. ad d. §. 4. n. 15.* Vult. *n. 15.* Sneider. *n. 34.* P. Fab. *2. Semestr. 17. pag. 281.* Apparet autem hinc actionem tamen ipso jure consistere et opponi exceptionem necesse esse, Sneider. *d. n. 34.* Oldend. *Cl. 3. Act. 3. pag. 33.* Proditaque videtur hæc domini exceptio contra hanc actionem peculiariter. Namque in aliis, vel non necessariam, ut in rei vindicatione, ubi contra vindicatio non exceptio proprie est, neque ut Wes. *ad tit. C. de R. V. n.*

<sup>56.</sup> et *n. 84.* vult, illius species est hæc exceptio, vel ei locum non esse puto. Tametsi multum DD. disceptent, quando remediis possessoris opponi possit, ut Menoch. passim Zange *de exc. P. 3. C. 24. add. not. Lib. 22. Civil. Commentar. C. 2. N. 3.*

<sup>14</sup> ) Quam et de Publiciana recte exponit Wes. *ad Tit. C. de R. V. n. 57.* et Oldendor. *Cl. 3. Act. 3. p. 329.*

<sup>15</sup> ) Obstar videtur *L. 7. §. 7. in fin. h. t.* vid. Wes. *d. n. 57.* et Mudæ. *ad §. item si 11. I. de act. n. 24. et seqq.*

ne adversus dominum vindicantem; sive Publiciana rem petat, replicatione adversus dominii exceptionem. De priorē specie est in *L. si a Titio, D. de rei vind.* de posteriore in <sup>16</sup> *L. Papinianus, D. de publ.* Fiebat olim, ut dominus teneretur ad rem restituendam sine damno dominii rei suæ, sive mobilem eripuisset alteri, sive de fundo alterum dejecisset: illic actione vi bonorum raptorum, *tit. de vi bo. rap. supra.* hic interdicto unde vi. *L. 1. D. de vi.* Quæ res faciebat, ut si hæc adversus justum possessorem admissa essent, sic posset possessor etiam Publiciana adversus dominum experiri, ut esset actio utilis, cui si objiceretur dominii exceptio, actor replicatione doli uteretur quando ei etiam ultro actio in personam ad rem recuperandam competeret. *L. damni, §. non solum, D. de damn. inf.* Hodie post eas constitutiones, quæ raptori et invasori dominium

*Tom. VI.*

perire jubent, et in adversarium transire, *L. si quis in tantam, C. unde vi, §. sed nedum. supra, de vi bon. rap.* huic quæstioni in hac specie locus non est; in qua nec qui prior dominus fuerat, dominus manet, ut possit adhuc rem vindicare; et qui prius possidebat, ita jam sit dominus, ut non agat adversus alium dominum, cum ipse sit dominus, nec agat Publiciana, cum ei civilis in rem actio coeperit competere. Tertii generis sunt transactio, omnisque pactio, qua placuit inter dominum et possessorem, ut possessor fundum retineret: hanc enim conventionem ita tuetur prætor edicto de pactis, ut sive iterum agatur cum possessore, pacti exceptione defendatur; sive possessione amissa a domino petat, adversus exceptionem dominii replicatione adjuvetur, ut est vulgaris pacti exceptio, *§. præterea, infra, de exc. L. cum proponas, 2. C. de pact.*

41\*

Rursus

<sup>16</sup> ) Cujus tamen decisio dubio non vacat, vid. Cujac. 6. *QQ. Papin. ad d. L. 14.* Oldend. *Cl. 3. Act. 3. p. 328.* et seq. Forner. 3. *Select. 6.* Refert. et Cujac. 10. *Obs. 6.* casus quibus hæc exceptio replicatione doli, vel in factum

elidatur, exstare in *L. 63. de R. V. L. 31. Ex quib. ca. mai. L. 57. Mand. add. L. 28. de nox. act.* Mercer. in *L. 18. de pign. n. 14.*



## Rursus ex diverso.

## §. V.

*Rescissoria actio hoc loco quæ, et qua ex causa. I. et II.*

*Usucapio rescinditur postulante eo, cujus res usucapta est, cum abesset necessaria aut probabili aliqua de causa, et quæ hujus restitutionis æquitas. II.*

*Usucapio rescinditur postulante eo, cujus res in civitate manentis usucapta est ab eo, qui aberat, quacunque de causa abfuerit dum absens non defenderetur. III.*

*Usucapiaturne res absentis, an absens usucapiat, quid intersit ad rescissionem usucapionis, et differentiæ ratio. IV.*

*Rescissoria actio non nisi rescissa a prætore usucapione per in integrum restitutionem. V.*

*Usucapionis rescissio et restitutio ex supra scriptis causis intra quod tempus. VI.*

*Utilis annus, utiles dies, qui. VII.*

*Rescissoria actio nata post rescissam usucapionem perpetua, non intra aliquod tempus. VIII.*

*Rescissoria actio in rem, et ejus intentio. IX.*

*Rescissoria adversus quem. X.*

*Rescissoriæ actionis quis exitus, quæ restitutio. XI.*

*Rescissoria hæc actio cur dicta. XII.*

*Rescissoria cur utilis. XIII.*

*Rescissoriam actionem in rem Publicianam non esse, et cui bono id nosse. XIV.*

*Rescissoria omnis, quæ alienatione priore quovis jure rescissa competit. XV.*

Rursus ex diverso, si quis cum reipublicæ causa abesset, vel in hostium potestate esset, rem ejus, qui in civitate esset, usuceperit: permittitur domino, si possessor reipublicæ causa abesse desierit, tunc intra annum rescissa usucapione eam petere: id est, ita petere, ut dicat possessorem usu non cepisse, et ob id suam rem esse. Quod genus actionis quibusdam et aliis simili æquitate motus prætor adcommodat, sicut ex latiore Digestorum seu Pandectarum volumine intelligere licet.

I. **H**IC proponitur actio in rem superiori contraria: ut non immerito dicatur permitti ex diverso. Nam Publiciana agitur de re non usucapta, quam actor usucaptam dicit. Hic actio est, qua agitur converso modo, id est, de re usucapta quam actor non usucaptam intendit. Est autem de re olim nostra, quæ semel usucapta, nostra esse desiit jure civili: post beneficio et restitutione prætoris ad jus nostrum rediit, rescissa nimirum usucapione. Unde et actio eadem in rem, sed utilis. De qua cum ad rei, tum ad hujus loci explicationem hæc cognoscenda sunt: cui, quæ ex causa hæc actio constituta sit: quæ ratio et æquitas ex ea causa hujus actionis introducendæ: intra quod tempus constituta, quam intentionem habeat:

adversus quem detur: quis exitus hujus actionis, et quodnam in ea officium judicis: quorum singula hic ordine breviter magis significantur, quam attinguntur. Postremo quo nomine appelletur: de quo solet dubitari, neque hoc loco indicatur. Quod eo proderit, ut sicubi nomen occurreret, liceat ex nomine actionem agnoscere. Habet hæc actio hanc causam, si quis rem olim suam vindicet, quæ postea in alium translata sit: sed ea translatione, quam æquum sit rescindi, quæ et ipsa rescissa sit. Quod ostenditur hoc loco exemplo rei nostræ ab alio usucaptæ, quæ usucapio postea justis de causis rescindatur: sed nihilominus ut intelligi debeat pertinere hæc ad alias rei nostræ translationes complures, quæ aliis de causis itidem rescindan-

dantur, a prætore: de quo in extremo. Volumus rem olim fuisse actoris: quia si ante usucapionem ejus non fuit, ne ejus quidem erit, rescissa usucapione: ut proinde nec tunc tanquam suam possit vindicare. Hoc expressit Justinianus hoc loco, cum ait per-mitti hanc actionem domino. Ubi aperte domini-um vocat, qui olim fuit: cum hujus rem, ante quam agat, dicat usucaptam fuisse. Sic ut dixi in §. *præced.* appellatur insula, quæ ante fuit insula, rei facilius explicandæ caus-sa in *L. insula*, in fin. *D. de acq. rer. do.* Volumus postea usucaptam esse, quod hic expressum est: quia si res nondum a posses-sore usucapta sit, veteris domini manet: ad quam vindicandam ideo ei competit directæ in rem actio, ut vero domino: nec desiderat auxilium extraordinarium. *L. ab hostibus cap-tis*, *C. de postl. rev.* Volumus eam usuca-pionem esse, quæ remoto etiam beneficio ætatis domino veteri nocere non debeat. Ac jure prætorio placet non nocere duabus de causis: aut propter absentiam ejus, cujus res usucapta est; aut propter absentiam ejus, qui usucepit.

II. Propter absentiam ejus, cujus res usucapta est; si aut necessaria aliqua de cau-sa, aut justa vel probabili abfuerit per id tempus, quo res usucapta est. Necessaria, veluti si legationis publicæ, si militiæ, in summa si Reip. causa abfuerit; si fuerit in vinculis, in potestate hostium, in servitute. Justa et probabili, veluti si abfuerit studio-rum causa. De hac parte cautum est edicto de majoribus prima clausula. *L. 1. D. ex quib. caus. mai.* sententia clausulæ expressa in *d. L. ab hostibus captis*, *C. de postl. re-ver.* Exempla justæ et probabilis absentiæ tra-dita in *L. sed etsi*, §. *ult.* et seqq. duabus, *D. ex quib. caus. mai.* De hac parte nihil hic aperte Justinianus: sed significat illis ver-bis, cum ait prætorem simili æquitate mo-tum hoc genus actionis et aliis quibusdam accommodare: Prius enim dixerat de iis, quo-

rum in civitate manentium, usucapta res est ab iis, qui ipsi aberant. Nunc ait et aliis personis eandem actionem accommodari, et simili æquitate, nempe ob eandem causam, id est, propter usucapionem, cui similis ab-sentia locum dedit. Id autem accidit in iis, qui cum suprascriptis de causis abes-sent, eorum e converso res usucapta est ab iis, qui in civitate erant: de quibus, ut di-xi, superiorioribus locis expressum est. Cum autem prætor hanc usucapionem rescindit, hujus partis æquitas manifesta est. Aperte enim iniquum est necessariam aut justam ab-sentiam cuiquam nocere; per quam factum sit, quominus dominus qui aberat, posses-sorem qui in civitate erat, posset convenire de re sua, et ita usucapionem interpellare. Atque hæc hujus partis æquitas est, qua mo-tum prætorem Justinianus scribit in hanc quoque speciem actionem eandem accommo-dasse.

III. Quod hic tribuitur absenti, cujus res per causam superioris absentiæ ab eo qui in civitate erat, usucapta est: idem eodem edicto tributum est in civitate manenti, cu-jus rem usucepit is qui aberat, cujus con-veniendi potestas non fuit: de qua specie hic comprehensum est in principio. Ita fit, quod Ulpianus de his partibus edicti scribit in *L. item ait*, in pr. *D. ex quib. caus. mai.* ut priore succurrat suprascriptis personis, ne ca-piantur: posteriore adversus ipsas, ne ca-piant: denique quemadmodum ipsis absentia non nocet, sic etiam ne prosit. Sed ut pro-ponitur: hæc pars posterior hoc loco, indi-get cautione. Nam de eo qui absens usuce-pit, ita loquitur Justinianus, ut proponat eum, qui, ut in superiore parte, Reip. cau-sa, aut alia necessaria abfuerit: quasi ad rescindendam usucapionem ejus, qui per ab-sentiam suam usucepit, oporteat eum neces-saria aliqua, aut probabili de causa abesse; ac non eadem rescissio sit adversus eum, qui voluntate sua abfuit. Scribit præterea sic ad-ver-

1) Exemplum usucapionis, contra quam ex absentia cau-sa restitutio datur, frequentius occurrit. Nec tantum si interim completa usucapio, sed et si reverso eo intra modicum tempus *L. 5. §. ult. h. tit.* de quo Ant. Fab. *ibid.* Duar. ad *h. t. Cod. f. 132.* Mudæ ad *L. 3. Cod. de restit. milit.* Azo in *Summa. C. de restit. milit. n. 11. et seq.* Menoch. *Arb. Cas. 33.* Sed et ex aliis causis restitutio facienda *L. 30. in fin. hoc tit.* ut adversus venditionem *L. 6. Cod. de restit. mil.* præscriptionem quamvis temporalem *L. 1. L. 5. Codic. eod. adversus sententiam d. L. 30. in fin. D. L. 1. Cod. hoc tit.* Cujac. 7. ad *Afr. in L. 29. hoc tit.* vid. item 22. Obs. 18. et Henr. a Suerin, *Repet. Lect. C. 14.* Ubi si abfuit cum causa ageretur et indefensus condemnatus, instauratio judicii fit *d. L. 1.* Si vero ipse litigavit usque ad conclusio-

nem causæ, et deinde eo absente lata sententia aliud statuit Sich. ad *L. 1. C. h. t. n. 8. et 9.* tametsi restitui ad appel-landum decennio lapsa concedat. De restitutione in integrum majorum, adversus sententiam, maxime ex causa instrumen-torum noviter repertorum fusissime Odd. *P. 2. Q. 73. et seqq.* Sic quoque etsi edicti partis 2. verba tantum de restituendis actionibus temporalibus quarum dies exiit, sententia tamen actionibus quoque ad eas quarum conditio defecit et quæ non-partinet ut *L. 43. hoc tit.* ubi Ant. Fab. et Cujac. *ibid.* 7. ad *Afr.* scribens duplicem esse actionem restitutoriam (1) ex edicto, (2) ex decreto, seu officio Prætoris. Sed et alia impedimenta, præter absentiam ab adversario exorta huc spectant, vid. Odd. *P. 1. Q. 12.*

versus eum qui absens usucepit, rescindi usucapionem, ut nihil amplius requirat, quam absentiam. Quorum utrumque discimus ex edicto secus esse. Nam prima clausula, quæ est de iis personis absentium, quæ per eam absentiam aliquid amiserunt, et ut nunc quæritur, quarum res usucapta est, ita his personis succurritur, itaque his usucapio non nocet, si ut dixi, necessaria, aut probabili aliqua de causa abfuerunt, non si animi causa, aut etiam utilitate tantum rei familiaris cogente. Secunda autem clausula, quæ est de iis absentibus, qui per eam absentiam quid consecuti sunt, et ut de usucapione nunc agitur, qui rem alienam usuceperunt, sic succurritur adversus eos, sic his usucapio non prodest, ut nihil intersit, qua de causa abfuerint, utrum necessaria aliqua vel probabili, an plane voluntaria; nihil enim distinguitur in edicto. Idque est, quod Ulpianus de hac secunda clausula loquens in *L. item ait*, §. 1. *D. ex quib. caus. ma.* scribit his verbis: *et erit notandum, quod plus prætor expressit, cum adversus eos (qui absunt) restituit, quam cum ipsis subvenit (ut in prima clausula præcedente) nam hic (id est in secunda clausula, de qua loquebatur) non certas personas enumeravit, adversus quas subvenit, ut supra: sed adjecit clausulam, qua omnes qui absentes non defenduntur, complexus est. Omnes absentes, id est, omnes quacunque de causa absint: cum supra causæ absentiae distinguantur. Et certe si justissima etiam absentia, de qua hic comprehensum est, nihil prodest absenti ad usucapionem retinendam: absurdum sit ei prodesse absentiam voluntariam. Sed ut prioribus non nocet absentia, nisi justa: ita dum hæc interveniat, sic his succurritur, ut ipsis non noceat habuisse domi procuratorem, per quem agere possent cum possessore, et interpellare usucapionem. Posterioribus autem quemadmodum nulla absentia prodest ad usucapionem retinendam: ita pro his hoc exigitur, ut non aliter rescindatur adversus eos usucapio, quam si usuceperint, cum absentes non defenderentur. *d. L. item ait*, in prin. et §. 1. Quod eo pertinet, ut si quem habuerunt domi non solum procuratorem, sed etiam amicum, qui interrogatus suscipere potuerit defensionem; si eos ultro non interpellavit actor, aut quæsi et interpellati parati sunt defendere; non debeant absentes inquietari. *d. L. item ait*, §. hæc autem, *L. ergo, seq. D. ex quib. caus. maj.* Dum intelligamus defensionem esse idoneam, quæ offerri debeat, si et iudicium non de-*

trectetur, et iudicatum solvi satisfidetur. *d. L. item*, §. ult. Quod si aut nemo sit, qui possit interrogari; aut procurator vel amici interrogati defensionem idoneam se non offerant: tum vere dicetur absentes non defendi, et restitutioni ac rescissioni usucapionis locus est. *L. ergo, ex quib. caus. mai.* Atque hæc etiam ita gesta esse constare debet, quamobrem ea complecti testatione oportet, ut est in *d. L. ergo*, id est, dare operam, ut sit scriptura, in qua hæc ita gesta esse scriptum sit attestantibus et obsignantibus idoneis testibus ad eam rem adhibitis: de quo genere testationis et testium accipi debet *L. carent, D. de prob.*

IV. Quarum rerum æquitas hæc est, rationem in utramque partem atque hoc modo actionem introducendi continens; quod uti æquum est justam absentiam absenti non nocere: ita æquum nec nocere alteri: et quod idem est, sicut damno absens propter absentiam affici non debet; sic nec lucrum facere. *d. L. ergo, ex quib. caus. mai.* Utrumque tamen ita, si nihil sit, quod domino cujus res usucapta est, imputetur, quod cum possessore actum non sit, et interpellata ejus usucapio. At absenti, cujus res per justam ejus absentiam usucapta est, nihil est, quod imputari possit, si nec ipse, nec alius, quem domi idoneum actorem habuit, usucapionem interpellavit. Nam ipse non potuit agere cum possessore propter absentiam. Procurator ejus potuit; sed si non fecit, nulla domini culpa est, qui non potuit absens eum cogere. *L. nullum, D. de reg. jur. L. cum quidam, §. si a pupillo, D. de usur.* Contra vero ei domino, cujus in civitate manentis rem usucepit absens, est quod possit imputari, si non interpellavit usucapionem, aut non dedit operam, ut interpellaret, cum posset aut procuratorem absentis convenire, aut amicum, qui absentis defensionem susciperet. Illud animadvertendum in hac parte, quod significatur hoc loco, ut et in edicto, eos qui sunt, in hostium potestate, posse rem usucapere: quod sic accipiendum est, ut possint per eos, qui in eorum potestate fuerunt, si quid possederint ex re peculiari: per se autem non possit usucapere, qui nec possunt possidere ipsi ab aliis possessi. *L. ait*, §. 1. §. si plane, *D. ex quib. caus. mai. L. cum heredes, §. 1. D. de acq. pos.*

V. Non est satis ex his causis usucapionem rescindi posse: volumus etiam rescissam esse, priusquam competat veteri domino actio, de qua agitur. *Permittitur*, inquit Justitia-



ianus, *domino rescissa usucapione rem petere*. Rescinditur autem usucapio, impetrata adversus eam a magistratu in integrum restitutione, quam prætor ex supra scriptis causis pollicetur edicto de majoribus: cum quæ eodem de tempore usucapionem rescindit, et pristinam actionem restituit, quæ tempore amissa erat. Quinimo de rescissione usucapionis aperte nihil cavens, solum pollicetur se earum rerum de quibus prius comprehensum erat, actionem in integrum restitutum. Sed non est restitutio nisi redintegratio rei amissæ. L. 2. C. in quib. caus. in inte. rest. nec. non est. nec redintegratur amissa, nisi pro infectis habitis, id est, rescissis his propter quæ amissa erat. Itaque his verbis pollicetur, ut dixi, eodem tempore et usucapionis rescissionem, et hac rescissa simul veterem actionem. Verumtamen actionem non prius, quam rescissa sit usucapio, ut hic expressum est.

VI. Quod quoniam ita est, ut ante hanc rescissionem actio de qua sermo est, non competat: pertinet ad causam ejus actionis nosse, quando seu intra quod tempus rescissio ista peti possit; ne si post tempus petatur, nulla sit rescissio, eoque nulla actio. Bene igitur hic additum est, rescissa intra annum usucapione: ut intelligamus intra istum annum rescissionem hanc peti posse, et exinde simul competere posse actionem: post annum autem ut rescindi amplius usucapio non potest, sic nullam hanc in posterum actionem futuram. L. 3. C. de rest. nul. L. ult. C. quib. ex caus. maj. Sumptum ex edicto, quo restitutionem hanc prætor intra annum pollicetur. L. 1. D. ex quib. caus. maj. Sed addidit prætor, quod huc transferendum est, intra annum, quo primum, de ea re experiundi potestas erit. Quibus verbis et initium

hujus anni designavit, et quibus diebus eum annum constare vellet, ostendit. Initium unde hunc annum computari oporteat, hic expressum est, ut sit initium tunc, cum primum is qui aberat, abesse desierit: tunc enim particula hic addita, extremum tempus quo quis abesse desiit, significat. L. 4. D. de cond. et demon. At hoc tempus est, cum primum cum eo qui aberat, experiundi potestas est.

VII. De diebus autem, significarunt prætores superioribus verbis se intelligere eum annum, qui constaret quidem trecentis sexaginta quinque diebus, ut est anni circulus: L. anniculus non statim, D. de ver. sig. sed constaret his non continuis, quæ civilis et ordinaria anni computatio est, d. L. anniculus: verum iis, quibus agendi potestas esset: qui ideo a veteribus dicti sunt utiles, ut intelligerentur utiles ad eam rem de qua agebatur, id est, ad agendum. L. 2. D. de diu. temp. præf. unde annus, et omne tempus utile dictum, quod his diebus constaret. L. 2. D. quis or. in bo. pos. ser. Sed hoc olim tempus fuit restitutioni postulandæ ex edictis prætorum. Jus postea constitutione Justiniani mutatum, et præfiniti omnibus in integrum restitutionibus anni quatuor continui, quorum initium sit ex eo die, ex quo annus utilis cedebat. L. ult. C. de temp. in inte. rest. Illud meminerimus totum hoc tempus edicto præstitui restitutioni actionis, non actioni: pollicetur enim prætor non se veterem actionem intra id tempus daturum, sed intra id tempus restitutum. Inter quæ ad tempus hujus actionis multum interest: de quo quia ex superioribus quæstio incidit, hic opportunus locus videtur monendi.

VIII. Nempe eo pertinet, ut intelligamus actionem quæ hic datur, non posse dici compe-

2.) Duplex enim in restitutione, ex recepta nostrorum sententia remedium vel iudicium: Rescindens quo restitutio conceditur per quod submovetur obstaculum et impedimentum ob quod agi non poterat. Et rescissorium, quod rescisso obstaculo competere incipit. Et rescissorium, quod rescisso obstaculo competere incipit, nec nisi prævia rescissione effectum producere potest L. 13. §. 1. verbis: *rescissa alienatione, dato in rem iudicio de minor.* vid. Las. ad §. rursus 5. I. de act. n. 4. et seqq. Sich. ad Rub. Cod. de in inte. rest. n. 4. Ant. Fab. 7. Err. Prag. 1. Mauric. Cap. 1. n. 6. et 7. etc. 4. et seqq. Odd. P. 1. Q. 33. Et ex ritu veteri rescissio tota peragebatur apud Prætores, actio vero rescissoria apud iudicem datum: separatimque erat officium prætoris, qui rescindebat alienationem vel usucapionem et dabat actionem rescissoriam ab officio iudicis, qui de eo cognoscebat. Sed postquam ille iudiciorum daudorum mos exolevit ac magistratus ipse partibus iudicis fungitur, eadem opera utrumque peti et obtineri posse, statuit Duar. ad Titul. D. de minor. ad verba: *ut putarem f. 85. et ad h. tit. f. 131.* Et hoc est quod DD. volunt Rescindentis et Rescissorii iudicii cumulationem admitti, quod et usus servat, Rebuff. h. tit. in præfat. in fin. et artic. Gallico gl. 5. n. 11. Myns. 2. Obs. 25. Guid. Papæ

Q. 143. ibique in annot. Ant. Ramhaud. Oldeud. Progy. act. Cl. 6. Act. 3. Parlad. 1. Rer. Quotid. 10. n. 27. Suedvin. in §. rursus 5. I. de act. n. 84. Mauric. C. 9. Odd. P. 1. Q. 33. Artic. 5. Diss. Ant. Fab. 7. Error. Prag. 1. Quia ea demum, ait, una petitione conjungi possunt, quæ simul et semel tractantur et inter quæ nullus ordo. Atqui rescindens præparatorium est rescissorii, et necessario præcedere debet. Quomodo enim actionem in rem ex. gr. potest dare prætor, nisi sub formula, Si apparebit rem esse petitoris. Jam vero non constat esse ejus, nisi rescissa alienatione. Sed his occurrere potest ex Mauric. d. C. 9. Possunt enim hæc ita successive conjungi: ex. gr. Peto me restitui contra sententiam et restitutionem concessa fundum ablatum reddi: Sed etsi cumulatio simplex ne concessa fundum ablatum reddi: Sed etsi cumulatio simplex sit; æquius tamen est conditionaliter eam intelligi, ut Odd. d. Artic. 5. Quid quod exosa legislatoribus iudiciorum multiplicatio et circuitus, ubicunque uno iudicio plura peragi possunt, Mut. ad L. 3. C. de restit. mil. Frustra enim sit per plura dæ. ad L. 3. C. de restit. mil. Frustra enim sit per plura dæ. quod potest per pauciora, de quo belle Dantes Aligher. Lib. 1. de Monarchia in Syntag. Tract. de jurisd. edito a Simone Schardio f. 83.

petere intra tempus superscriptum, sed esse perpetuam. Nam ante quam rescissa sit usucapio; hic traditur rem peti non posse, id est actionem de ea re non competere. Proinde ante eam rescissionem non potest dici actio competere intra id tempus, quæ actio ante nulla est. Sane intra id tempus rescissa usucapione, recte dicitur etiam intra id tempus agi hac actione, quia post restitutionem agitur. *d. L. ab hostibus captis, C. de post. rev.* Sed non ideo ante restitutionem an actio competit quamvis intra statutum tempus, quia, ut dixi, ante restitutionem nulla est. Postquam autem impetrata rescissio est, et restituta actio, exinde incipit actio esse perpetua ei cui restituta est. Datur enim domino veteri: remota usucapionis causa, quæ illi quominus ut ante dominus esset, obstabat. Hac remota, necesse est ei<sup>3</sup> perpetuo competere actionem ut prius, quamdiu erit dominus, eandemque etiam in eum ad quem res transierit, transferri. Neque hic locus aut edictum refragatur. Nam hic statuitur tempus, intra quod rescindatur usucapio, non intra quod detur actio usucapione rescissa: et edictum restitutioni petendæ præstituit tempus, non actioni restitutæ. Quinimo restitutionis verbum declarat, integram restitui veterem actionem: ut si nondum amissa perpetua, fuit, sit et perpetua, quæ est restituta. Ergo hac impetrata restitutione a veteri domino, atque ita rescissa priore usucapione adversarii, habemus causam, ex qua hæc actio domino nascitur: tunc enim primum ei competit restituta: et ut hic scriptum est, tunc permittitur domino rem ut suam petere.

IX. In rem hæc actio est, ut ante proposuit in §. *sed istæ*, vers. *ut ecce*. Unde et petendi verbum, quo hic utitur: quo proprie significatur actio in rem. *L. actio, D. de obl. et act. L. pecuniæ, §. actionis, D. de ver. sig.* Inde et mentio hujus actionis quæ hoc loco

adjicitur: *permittitur*, inquit, *domino rem usucaptam petere*, id est, ita petere, ut dicat possessorem non usucepisse, et ob id suam rem esse, et tamen res vere usucapta erat, ut hic proponitur initio. Unde et restitutio necessaria ad rescindendam usucapionem. An non igitur mentitur actor aut potius an non secum contraria loquitur, qui dicat adversarium non usucepisse, quod prius in restitutione petenda falsus est eum usucepisse? Immo recte utrumque et vere pro diverso jure, quo hæc causa defenditur. Adversarius vero rem usucepit; sed jure civili. At hæc usucapio per restitutionem in integrum rescinditur jure prætorio. Qua rescissione secuta, jam consequitur actor hoc jure, ut vere dicat adversarium non usucepisse, quia effectu res eo rediit, ut nulla sit usucapio, quæ rescissa est. Ita illud ad summum jus et id quod initio fuit: hoc ad rescissionem secutam et effectum juris relatum verissime utrumque dicitur.

X. Hæc actio cum in rem sit, genus ipsum actionis nos admonet adversus eum dari, qui possidet, aut dolo malo desiit possidere, ut dantur cæteræ in rem actiones, etiam prætoriæ. *L. si fundus, §. in vindicatione, D. de pig.*

XI. Cum autem domino veteri detur ita rem suam vindicandi, ut si nunquam dominus esse desiisset: plane idem exitus hujus actionis intelligi debet, idemque in ea officium judicis ad rei restitutionem et fructuum, qualia hæc in directa actione et civili esse diximus, per quam quis rem jure civili suam vindicet. De quo scripsi ad §. 1. *supra*.

XII. Quod superest dicitur hæc actio in rem rescissoria *L. ab hostibus captis, C. de postl. rev. L. nec non, §. ult. D. ex quib. caus. mai.* Rescissoria, non quod rescindat usucapionem, aut ad hanc rescindendam detur: sed contra quod sit ex restitutione istius usu-

3) Sed hæc plane contraria sunt *L. 35. in fin. pr. de O. et A.* et ab omnium sententia aliena. Et refellitur noster ex *L. 31. hoc tit.* ubi ita demum perpetua actio, si possessionem nactus eam postea amisit, exinde quia nulla amplius restitutione eget, qui rem suam recepit sine vitio, ita ut et postea evinci nunquam possit. Et sit actio perpetua *d. L. 31.* non beneficio restitutionis, sed possessionis recuperatæ, quæ non solum exceptionis perpetuæ jus peperit, sed et vicem supplet, non litis contestationis solum ut *Odd. P. 1. Q. 21. Art. 4. n. 20.* verum restitutionis non modo petitiæ, sed et impetratæ et executioni mandatæ. Cum ita desinat necessaria esse restitutio, nec quidquam verendum possidenti, ne res sua ipsi auferatur, vid. *Anton. Fab. ad d. L. 31.* Quod si actio sic restituta semper perpetua, non video quæ *d. L. 31.* vel sit vel fingi possit, dubitandi ratio. Hoc inter nostros non convenit an idem quadriennium quod restitutioni integrum hodie, aut annus utilis olim, sit huic actioni rescissoriæ. Quod vult *Duar. ad T. Cod. de temp. in int. rest. fol. 134.* (1) Quia hæc

remedia novo jure non separata, sed eadem opera Prætor rescindit et de actione cognoscit. (2) Quia edicto prætoris unius tantum anni mentio. Nec dicit Prætor dabo actionem restitutionariam intra alium annum. (3) Quia quadriennium datur ad finiendam litem *L. ult. C. de temp. in int.* Et *Mudæ. ad d. L. ult.* etsi largiatur olim alium annum utilem fuisse actioni restitutionariæ, tamen hodie aliud. Quid enim promovisset Justinianus *d. L. ult.* si iudicio tantum rescindentem quadriennium præxisset, si restitutæ actioni adhuc suum annum utilem. inutili actionum multiplicatione conservasset. Sed alii communius obtemperata jam restitutione, ubi primum competere cepit rescissoria, eam anno durare *d. L. 35. in fin. pr. L. 3. Cod. de restit. milit.* *Wurmser. Lib. 1. Tit. 25. Obs. 4. n. 12.* *Sneidvin. in §. rursus 5. I. de act. n. 76. Mauric. Cap. 6. n. 7.* *Anton. Fab. ad L. 15. §. ult. et ad L. 31. h. tit. vid. Odd. P. 1. Q. 21. Art. 3. et 4.* Nam in *d. L. ult.* verba: *ad finiendam litem* intelliguntur quoad restitutionis iudicium, non actionis restitutæ.

usucapionis: de quo jam inter omnes non doctos modo, sed in jure etiam mediocriter versatos constare video: adeo id et hoc loco, et aliis quibusdam aperte declaratur. Hoc quidem loco scriptum est hanc permitti rescissa prius usucapione. In *L. in honorariis, D. de ob. et act.* dicitur etiam expressius rescissa usucapione reddi. Et quod idem valet, dicitur in integrum restitutis dari in *L. ult. C. quib. ex caus. maj.* Prius ergo non erat, sed ex hac rescissione et restitutione nata est; ut sane non possit competere ad rescindendam usucapionem, quæ prius quam hac actione experiri liceat, jam rescissa est. Diciturque hoc modo 4 rescissoria consimiliter ut restitutoria, quæ muliere ab intercessione liberata redditur creditori adversus veterem debitorem, qui per intercessionem mulieris novatione aut acceptilatione liberatus erat. *L. quamvis, §. si convenerit, vers. Marcellus, §. si mulieri, L. aliquando, §. ult. D. ad Vell.* Quo verbo non significatur ea, quæ creditori competat, ut aliquid restituitur; sed quæ rescissa prius intercessione restituta est a prætore, cum prius esset amissa. *L. si mulier, 16. in fin. L. ult. in fin. D. ad Vell.*

XIII. Dicitur hæc eadem actio, de qua agimus, actio rescissoria 5 in rem utilis in *L. ult. C. quib. ex caus. maj* utilis eo sensu, quo opponitur utilis directæ: hæc enim opponitur directæ vindicationi in *d. L. ab hostibus captis, C. de postl. rev.* Eodem plane exemplo, et ratione, qua Publicianam utilem dici, et a directa separari supra ostendimus. *§. namque.* Nam et hæc ad jus civile relata ex verbis ejus juris non competit: cum jure civili non sint proditæ in rem actiones nisi ei, qui dominium suum vindicet, *d. §. namque:* in proposito autem actor re sua usucapta dominus esse desiit. Sed restitutus a prætore, sequitur ut pro domino, qui ante fuit, habeatur. Quo posito, jam eadem causa, eoque ratio et sententia juris civilis eandem actionem admittit: quæ tamen cum verba juris cessent, non potest esse directa: sed erit utilis ex sententia.

XIV. Sunt, qui putent hanc quoque Publicianam.

Tom. VI.

4) Duar. *ad t. D. de minorib. f. 85. et ad t. D. Quibus ex caus. maj. f. 130.* Rescissoria quia datur rescisso eo, quod gestum est. Restitutoria, quia restituitur actio amissa. Aliquando tamen nova actio datur quæ nunquam ante competit ut *L. 43. h. tit.* Unde quidam rescissoriam duplicem faciunt institutoriam *d. L. 43.* et restitutoriam, vid. Mauric. *Cap. 5.*

5) Si scilicet contra usucapionem. Nam et actio temporalis, cujus dies exiit, ipsa restituitur, per *L. 1. hoc t.* Et hoc quidem casu manere directam actionem, quæ prius competiit,

Publicianam appellari a Paulo in *L. in honorariis, D. de ob. et act.* his verbis: *Ille autem (actiones) rei persecutionem continent, quibus persequimur, quod ex patrimonio nobis abest. Ut cum agimus cum bonorum possessore debitoris nostri: item Publiciana, quæ ad exemplum vindicationis datur, sed cum rescissa usucapione redditur, anno finitur: quia contra jus civile datur.* Hoc posterius ad actionem Publicianam referunt, cujus proxime mentio facta erat: et sic accipiunt: sed cum Publiciana non ad exemplum vindicationis datur, sed rescissa usucapione redditur, anno finitur. Et sane verba hæc, *sed cum redditur*, ambigua sunt: in quibus salva ratione recti sermonis potest subintelligi Publiciana actio, quæ modo appellata erat; potest et generaliter actio, ut sit sensus, sed cum actio redditur rescissa usucapione. Quod si omissa quæstione de re, in verbis tantum consistimus, malim et ipse prius accipi, quam posterius: dilucidius est enim et rectius, verbum referri ad id subjectum, quod proxime præcessit, quam generaliter ad actionis verbum, quod erat remotius. Sed si hæc rescissoria de qua agimus, non est Publiciana; res apud nos potior, quam verba, esse debet; et in ambigua oratione id accipiendum est, quod vitio caret. *L. in ambigua, D. de leg.* Et tamen ne sic quidem de hoc verbo aut de auctore litem cuiquam moveam, aut movendam putem, si hoc tantum quærat, quis sit auctor. Utrum enim sit inducta a prætore Publicio, an ab alio, dum semper eodem modo, eodemque jure competat, id rem nihil interest. Sed si in auctore id agitur, ut Publicio constituto vocetur Publiciana, verbum autem deinde ad rem confertur, ut scilicet cum alicubi in jure nominatur absolute Publiciana, ibi hæc quoque rescissoria intelligatur: hoc est, cur interesse putem quæri, utrum sit hæc etiam actio Publiciana, aut usquam ita vocetur, an non: ut ex nomine de re quoque æstimetur. Atque hac ipsa de causa puto monendum esse hanc actionem non esse a Publicio prætore, aut dici Publicianam. Moveor his rebus. Nam supra ubi Publicianam nominari oportet.

vult Accurs. quasi quæ tempore sublata non sit, sed adversus præscriptionem temporis replicari per in integrum restitutionem, et Mauric. *Cap. 8. n. 3. Parlad. 1. Rer. Quotid. 1. §. 4. n. 6.* Sed Anton. Fab. *ad L. 15. §. ult. hoc tit.* Si actio vere temporalis, prætoriam vel ædilitiam, tempore eam finiri: Non quia tempus modus tollendæ obligationis, sed quia actiones eæ hanc naturam habent a voluntate prætoris qui introduxit. In actionibus vero perpetuis, quæ tempore perimuntur per præscriptionem admittit opin. Accursii. Quamquam et recta ac principaliter actio peti possit per in integrum restitutionem.

oportebat, ibi nominata est, et indicatum, unde nomen, nempe in §. *namque, præcedenti*. Si et hæc erat Publiciana, idem et de nomine moneri conveniebat. Quod cum factum non sit, magnum argumentum est idem huic actioni nomen, eundem auctorem non fuisse. Aut quæro, cur cum in utroque genere pariter interesset id indicari, in uno tantum id factum sit, in altero omissum? Ac ne putemus nominatim hic tantum Publicianam actionem: etiam postea, quæ actiones certum nomen habuerunt inter actiones in rem prætorias, eas suis nominibus etiam ab auctore natis appellavit, ut Servianam, et quasi Servianam in §. *item Serviana, supra*. Cur hic potius, ubi æque utile erat, omisit? Sed et in his locis, in quibus hæc actio certo nomine designatur, ubique vocatur tantum rescissoria; nusquam Publiciana, ut *L. nec non, §. ult. D. ex quib. cau. mai. L. ab hostibus captis, C. de post. re*. Stultum esset admodum, si hæc actio Publiciana nominaretur, omisso recto nomine aliud longius petatum ingerere. Quid, titulus de Publiciana in Digestis nonne generaliter ita conceptus est, de Publiciana in rem actione? De una tamen specie toto eo titulo agitur; nempe ea actione, quæ et edicto ejus tituli comprehensa est, quæ datur ei, qui quid ex justa causa et bona fide a non domino accepit, et nondum usucaptum petit. Nusquam mentio etiam tenuissima rescissoriæ illius, de qua agimus, quasi esset species Publicianæ. Non fuit igitur hæc rescissoria istius generis species. Aut si fuit, magna duo peccata non tantum in eo titulo, sed in tota tractatione veterum de Publiciana admissa sunt. Primum quod proposito genere ad dicendum, una species ejus generis æque necessaria atque altera omissa est; et quidem ita, ut ne appellaretur quidem. Deinde quod ea species quæ illic traditur, sic traditur, ut nulla adjiciatur circumscriptio, qua declaratur speciem tantum Publicianæ ab auctoribus intelligi: qua non adjecta futurum erat, ut ab omnibus intelligeretur de toto genere, id est, de omni specie ejus generis dictum esse, quod ad unam tantum speciem pertineret. Sciamus igitur si quid in veterum scriptis certi

aut recti est, rescissoriam quæ rescissa usucapione datur, Publicianæ verbo non contineri, eoque Publicianam non esse. Quod cum ita sit; cum Paulus ita scribit in *d. L. in honorariis: sed cum rescissa usucapione redditur*; meminerimus subaudiendum esse, actio, de quo genere toto eo capite agebatur; non autem, Publiciana, quæ proxime nominatur. Quod si ad contextum respiciendum est; reperiemus etiam contextum hoc exigere, atque adeo probare rescissoriam actionem Publicianam non esse. Nam adversativa particula, *sed*, declarat actionem diversam a priore subjici. At si rescissoria ista et ipsa Publiciana est, non recte distinguitur a priore Publiciana, quæ ad exemplum vindicationis datur. Nam et rescissoria hæc datur eodem modo ad exemplum vindicationis, id est, actionis in rem civilis et directæ. Unde dicitur utilis, et hac ratione directæ opponitur, ut dixi, *d. L. ult. C. quib. ex caus. maj. d. L. ab hostibus captis, C. de post. re*. Restat igitur, ut si qua in re recte distinguitur hæc rescissoria a Publiciana, quæ ad exemplum vindicationis datur, distinctio in eo sit, non quod rescissoria non detur eodem exemplo, sed quod non sit Publiciana.

. XV. His expositis, diligentius monendissimus ejus, quod supra initio attigi, sic rescissoriam actionem de qua diximus, competere de re nostra usucapta, quam solam causam hoc loco Justinianus posuit, ut non competat ex hac solum causa; sed generaliter de omni re nostra aliis modis in alium translata, quæ translatio similiter justis de causis rescindatur per in integrum restitutionem. Ideo erit hæc eadem in rem actio rescissoria de rebus nostris, quas metu coacti in alium transtulimus, tunc cum rescissa traditione ex edicto Quod metus causa restituta erit actio, ut significatur in *L. metum, 9. §. volenti, D. quod met. cau.* Quod si recipimus in metu, etiam in iis recipiendum erit, quarum alienatio dolo malo expressa est. Idem probandum in actione in rem minori restituta. *L. in causæ, 1. §. interdum, D. de min.*

Item



## Item si quis in fraudem.

## §. VI.

*Pauliana actio cur vulgo putetur hic notari. I.*

*Paulianam actionem hic defendi non posse. II.*

*In rem actionem hic proponi. III.*

*Pauliana non in rem, sed in personam. IV.*

*Faviana et Pauliana similes, et quid differant. V.*

*Theophilus notatus. VI.*

*Pauliana ex obligatione, et quæ. VII.*

*Paulianam non sequi rei possessorem, nec esse in rem scriptam: et in quem detur. VIII.*

*Pauliana competit rebus in fraudem alienatis, etiam si bona debitoris nondum a creditoribus possessa sint. IX.*

*De Prætorio pignore actio hoc loco credito-*

*ribus proponitur, et unde, ac quando hoc pignus. X.*

*Prætorii pignoris presecutioni quæ creditoribus datur, totam hujus loci descriptionem convenire. XI.*

*Prætorii pignoris persecutionem creditoribus non dari, nisi re in fraudem creditorum alienata, et cur aliter in pignoribus conventionalibus. XII.*

*Prætorii pignoris persecutio cur prodita de re alienata in fraudem creditorum bonis a creditoribus possessis, cum eo nomine etiam fit Pauliana. XIII.*

*Prætorii pignoris cur persecutio propria constituta, cum sit hypothecaria de pignore. XIV.*

Item si quis in fraudem creditorum rem suam alicui tradi derit, bonis ejus a creditoribus possessis ex sententia præsidis, permittitur ipsis creditoribus, rescissa traditione, eam rem petere, id est, dicere eam rem traditam non esse, et ob id in bonis debitoris mansisse.

I. **Q**Uam hic actionem proponat Justinianus, paulo attentius, quam hactenus ab interpretibus factum est, inquirendum puto. Non enim profecto potest defendi, quod ab illis uno ore receptum est, hic statui Paulianam habet quidem ea actio nonnihil commune cum causa actionis ejus, quæ hic describitur. Sed plura obstant et certiora, quam ut huic loco possit convenire. Atque hinc vulgaris sententia nata est, neque omnino temere. Nam de iis quæ in fraudem aliorum alienata sunt, duo sunt genera nota actionum prodita jure prætorio: unum de iis, quæ alienata sunt in fraudem creditorum, daturque creditoribus ad ea revocanda: quæ actio vocatur Pauliana. *L. videamus, §. in Faviana, D. de usur.* Alterum est de iis, quæ alienata sunt a liberto in fraudem patroni: hæc Faviana et Calvisiana appellatur. *L. 1. §. utrum, §. si pluribus, L. 2. D. si quid in fraud. patr.* Sic ergo nostri illi ratiocinati sunt. Loquitur Justinianus hoc loco de eo, *Tom. VI.*

qui in fraudem creditorum rem suam alicui tradidit, ad quam revocandam etiam dat actionem creditoribus, quorum in fraudem tradita est. Necesse est igitur alterutrum genus actionis intelligi, aut Paulianam, aut Favianam seu Calvisianam. Constat Favianam non proponi: quando hæc competit de rebus alienatis in fraudem patroni. Ita restat Pauliana, quam designet, quam et ipsam de rebus in fraudem creditorum alienatis propositam edicto certum est. Exstat edictum de hoc genere in *L. 1. D. quæ in fraud. cred.* Actionis vis et potestas magis intelligitur ex interdicto, quod ex ea causa redditur, exstatque in *L. ait, D. eod.* Et omnino ita dicendum fuit, si de his quæ in fraudem creditorum alienata sunt, non alia fuit actio creditoribus, quam Pauliana. Sed si est alia, quam constet esse in rem, cui eidem conveniat descriptio hujus loci: spero apud omnes facile obtinebimus, committendum non esse, ut hac ommissa accipiat hic Pauliana, cui neutrum illud sa-



perius vel ipsis assentientibus satis convenit. Vident enim omnes, quid hic obstat Paulianæ, in quo etiam diluendo laborant, nec ullo modo inter se consentiunt. Sed alia non occurrebat; neque vero alia fuit usitata in hoc genere, quæ proprio aliquo titulo, aut certo loco ex professo traderetur, quam superior. Ideo omisso omni labore alterius querendæ in Pauliana constiterunt, et huc solum converterunt orationem, ut quæ huic videbantur obstat, removerent. Detur alia non incommoda: non dubium, quin hanc fuerint omisuri. Quænam ergo est ista alia?

II. Dicam postea, si quod in præjudicata ista aliorum sententia nobis obstat, prius removero, et ostendero, quod initio proposui, non posse Paulianam hoc loco defendi. Non litigo de verbo Paulianæ. Eam dico, quæ a nostris dicitur Pauliana, et de qua agitur sub titulo *quæ in frau. cre. D.* sive quis hanc Paulianam dici velit, sive malit in factum, ut est in *L. hac in factum, D. eod. tit.* Alio hanc huic loco convenire non posse, etiam si maxime de rebus in fraudem creditorum alienatis non esset alia actio. Tria sunt, quæ Justinianus de actione hic proposita statuit huc pertinentia, quibus detur hæc actio, adversus quos, et qua ex causa. Primum vult actionem esse in rem. Deinde sic dari, si res in fraudem creditorum alienata sit, nec fraudis participationem in accipiente exigit. Postremo dari solum bonis a creditoribus possessis ex sententia præsidis. Omnia hæc contra in actione Pauliana, seu ea quæ in factum est ex eadem causa. Non ergo Paulianam aut actionem istam in factum Justinianus statuit.

III. Primum illud constare debet Justinianum hic proponere actionem prætoriam, quæ sit in rem, non in personam. Non exprimit id quidem hoc loco, non magis quam in hypothecaria actione, de qua §. *sequenti* subjicit. Sed ideo, quia in neutra fuit necesse: satis enim ex præcedentibus et sequentibus intelligebatur. Proposuerat enim supra in §. *sed istæ*, quasdam esse actiones item prætorias, quæ non minus quam civiles essent tam in rem, quam in personam: quas et ipsas constituisset exemplis ostendere. Ac primum quæ in rem erant proposuit, ut exempla continenter subjecta probant: deinde quæ erant in personam, ut declarat in §. *in personam*. Atque in his quæ sunt in rem, numerat hanc de qua agitur, et hypothecariam quæ sequitur. Et quidem ita numerat, ut neget esse in personam, ut apparet ex *d. §. in personam*. Illic enim ita scribit: *in personam*

*quoque actiones ex sua jurisdictione propositas habet prætor.* Vis hæc est conjunctionis, ut res diversas copulet. Itaque hoc significat non tantum in rem actiones esse ex jurisdictione prætoris de quibus eo usque dixerit, sed etiam actiones in personam; cujus generis sunt, quæ sequuntur. Quod cum non difficile esset videre: etiam Theophilus hic posuit, et diserte scripsit actionem, quæ hic proponitur, et ipsam a prætore inventam, et in rem esse, ut superiores.

IV. At certe Pauliana non est in rem actio, sed in personam. In rem quidem non esse, non aliunde melius intelligetur, quam ex iis, quæ sunt propria utriusque generis. Actionis in rem proprium hoc est, ut sequatur ejus rei possessorem: ut si quis rem possidet, is teneatur actione, quanvis cum actore nihil contraxerit, aut deliquerit: si quis autem non possidet, non teneatur. *L. actionum, D. de obl. et act. L. qui petitorio, D. de rei vind. L. si fundus, §. in vindicatione, D. de pig. L. 2. C. si un. ex plur. her. deb.* Utrumque contra in Pauliana ista et in factum actione. Possidet quis quod in fraudem creditorum alienatum est ex causa onerosa? non tenetur, nisi et fraudis particeps fuerit. *L. 1. L. ait, D. quæ in frau. cre. L. pen. C. de revoc. iis quæ in fraud. cred.* Usque adeo, ut quanvis is qui a debitore in fraudem creditorum sciens rem emit, eam rem iterum alii bona fide ementi vendiderit, placeat secundum emptorem non teneri: nec in ea re spectari possessionem, sed dolum ejus qui admisit. *L. is qui a debitore, D. quæ in fraud. cred.* E converso sunt, qui non possideant, nec dolo malo desierint possidere; tamen teneantur Pauliana actione. Datur enim hæc actio non solum heredi cæterisque successoribus; sed etiam in heredes, similesque personas. *L. ait, in fin. D. quæ in fraud. cred.* Non minus hoc, quam prius illud, ab actionis in rem natura abhorrens. Adeo enim hæc adversus eum non datur, qui non possidet, ut nec detur in heredes ejus, qui possedit, si ipsi non possideant. *L. si in rem, 2. D. de rei vind.* Hæc jam certissimo argumento sunt Paulianam et istam in factum actionem, de qua loquimur, in rem non esse. Non minus et hoc certum, si probetur esse in personam: quando actiones in rem, et in personam toto genere inter se distant, et non tantum diversis, sed et contrariis ex causis nascuntur. §. 1. *supra, L. actionum, D. de obl. et act.* Paulus inter actiones in personam hanc actionem non obscure numerat in *L. videamus, 2. §. in Fa-*

*Faviana*, *D. de usur.* qui cum initio proposuisset videndum, quando in actione quæ est in personam, etiam fructus veniant, exemplis deinde variis ejus generis utens, inter cæteras actiones Favianam quoque et Paulianam, per quam quæ in fraudem creditorum alienata sunt, revocantur, recensuit in *d. §. in Faviana*, his verbis his Paulianam actionem in personam esse indicans: et quod de actionibus in personam quæstione posita, exempli loco hanc attulit: et quod eodem loco has actiones tanquam unius generis inter se conjunxit, Favianam et Paulianam: de quarum altera, quin sit in personam, nemo ambigit: ita diserte id scriptum est in *L. 1. §. hæc actio, D. si quid in fraud. patr.* Hæc actio, inquit Ulpianus de Faviana loquens, *in personam est, non in rem: et in heredem competit, et in cæteros successores, et heredi, et cæteris successoribus patroni.*

V. Ut de Pauliana nusquam idem aut scriptum aut significatum esset: tamen vel hujus exemplo posset idem de Pauliana constare. Ambæ enim ex eadem causa: de iis nimirum quæ in fraudem alienata sunt, revocandis: Faviana si quid in fraudem patroni: *L. 1. in princ. D. si quid in frau. pat.* Pauliana, si quid in fraudem creditorum. *d. L. videamus, §. in Faviana, de usur. L. 1. L. ait, quæ in frau. cred.* Nec dissimiliter Pauliana ut heredi, sic et in heredem, similesque successores datur, ut ante dixi. *L. ait, in fin. quæ in frau. cred.* Quæ cum omnia sint in utraque similia, eaque actionis genus non distinguant: non potest, si Faviana in personam est, ut est, quin sit et Pauliana. Nisi forte quis dicat inter has actiones hoc interesse, quod actio Faviana de iis quæ in fraudem patroni alienata sunt, datur etiam in eum qui fraudis conscius non fuit: *L. 1. §. dolum, D. si quid in frau. pat.* Pauliana autem in eum solum, qui scivit et fraudem participavit. *L. ait, in princ. et §. 1. quæ in frau. cred.* At hoc tanto magis arguit Paulianam esse in personam. Hoc enim significat hanc actionem non propter rei possessionem dari, ut illa, quod propius ad actiones in rem accedit: sed dari propter delictum personæ: ex quo genere actiones in personam *§. 1. supra, eod.*

VI. At Theophilus et Paulianam hic esse dicit, et eandem in rem esse. Scio: neque id Theophilus tantum facit; sed et plerique alii docti viri, quibus non minus tribuo. Sed non quid illi, sed quam vere, quæritur: certe et naturam actionis in rem, et juris au-

toritatem refragari constat. Hæc vero est, quæ in juris quæstione apud nos valere debet, non cujusquam alterius, qui ab his dissentiat.

VII. At si Pauliana est in personam, erit etiam ex obligatione, seu adversus eum, qui nobis obligatus est, ut est natura hujus generis actionum. *§. 1. supra, eod. L. actionum, D. de obl. et act.* Unde ergo obligatio ejus qui in fraudem alienatum possidet, ut dici possit creditoribus esse obligatus, cum quibus nullum negotium gessit? Ex delicto, si quidem fraudis particeps fuit, ut jam dixi: si non est particeps; tamen et hic quoque ex delicto. Est enim genus delicti, si admonitus rem in fraudem creditorum alienatam esse a debitore, tentat id retinere adversus creditores fraudatos. Quod factum similiter improbat prætor, ut ejus qui rem ab alio vi extortam bona fide accepit, et possidet, ac conventus eo nomine non reddit: adversus quem ob id factum datur actio, Quod metus causa. *L. metum, §. ult. L. item, §. in hac actione, D. quod met. caus.* Quamobrem et hæc ipsa in personam esse dicitur. *§. præterea, infra, eod. de quo dixi ad §. 1. ad illa verba: in duo genera diducitur, supra.* Non est igitur Pauliana actio in rem, sed in personam. Quo posito, non debuit ab Accursio admitti nihilominus de ea agi hoc loco, quasi contempto ordine actionum utriusque generis recensendarum. Prohibet enim, ut dixi, Justinianus, qui in *§. in personam*, testatur se ad actiones prætorias, quæ in personam sunt, transire: satis aperte significans priores de quibus egit, in rem esse, non in personam. Nihil ad defendendam hic Paulianam actionem facit, quod quidam fatentur quidem eam in personam esse; sed hoc habere dicunt ex actione in rem, quod sit in rem scripta, quia sequatur possessorem, ut actio quod metus causa. *d. L. 9. §. ult. D. quod met. caus.*

VIII. Neque enim verum est eam sequi possessorem: non enim sequitur nisi his conditionibus, si aut fraudis sit conscius, aut rem ex lucrativa causa acceperit. *L. si is qui a debitore, D. quæ in fraud. cred. L. pen. C. de revoc. his quæ in fraud. cred.* In quo jam non possessionis solius, sed alius facti possessoris ratio habetur. Et ut sequeretur hæc actio possessorem, atque hoc modo in rem scripta dici posset: confirmaret hæc defensio reprehensionem, non vitaret. Actio enim Quod metus causa, etsi in rem scripta alicubi dicitur, *d. L. 9. §. ult. quod met. caus.* nihil tamen nisi in personam est.

est. §. *præterea, infra, eod.* Sed ut dederimus admitti posse hoc loco actionem in personam, neque ordinem a Justiniano institutum repugnare: tamen, ut proposui, ne sic quidem Pauliana actio convenire potest hujus loci descriptioni. Pauliana actio non proponitur, si quid tantum alienatum sit in fraudem creditorum: sed ita ut dixi, si is etiam, qui accepit, sciverit, et fraudem participaverit, *L. 1. L. ait prætor, in prin. et §. 1. D. quæ in frau. cred.* aut in quid in fraudem creditorum alienatum sit ex causa lucrativa: quo casu etiam adversus ignorantem creditoribus consulitur. *d. L. ait, in princ. D. quæ in frau. cred. L. pen. C. de rev. iis quæ in frau. cred.* At actio hoc loco proposita simpliciter proponitur ex hac causa, si quid debitor in fraudem creditorum tradiderit, neque fraudis conscientia in accipiente exigitur.

IX. Ad extremum quod præcipue notandum est, Pauliana actio competit rebus in fraudem creditorum alienatis, sive bona a creditoribus possessa sint, sive non sint, ut intelligere est ex *L. si quis cum, et L. omnes, §. 1. D. quæ in frau. cred.* Hic autem proponitur actio, quæ rebus quidem in fraudem creditorum alienatis competat; sed alienatis tunc, cum jam bona debitoris a creditoribus possessa essent ex sententia præsidis. Ita fit plane, quod initio dixi, ut non proponatur Pauliana hoc loco, et alia si qua est, hic omnino quærenda sit.

X. Res autem judicio meo sic habet. Bonis debitoris a creditoribus possessis; si res aliqua ex his a debitore in fraudem creditorum alienata sit, est quidem ea de re prodita creditoribus Pauliana actio ad revocandum, quod alienatum est: est et in factum, si tamen et hæc Pauliana non est: ambæ in personam, ut ostendi. Sed est et ex eadem causa actio in rem creditoribus pignoris prætorii persequendi causa, quod ex ista possessione bonorum natum est. Ac de ea actione in rem hic agitur. Sic autem ista possessio, et ex ea possessione pignus contingit, quod dicimus. Ex tribus causis, ex quibus in possessionem bonorum alicujus mitti solet, una est rei servandæ causa; cum creditores servandi debiti causa mittuntur in possessionem bonorum debitoris. *L. 1. D. quib. ex caus. in poss. eat.* Id ita fit, nam si debitor latet, neque defendatur, mittit prætor postulantes creditores in bona, seu in possessionem bonorum ejus: ut si debitor intra tempus a prætore præstitutum venire jussus non adsit, etiam permissu prætoris bona distraherentur. *L. Fulcinius, §. 1. D. quib. ex caus. in*

*poss. ea: L. cum proponas, C. de bon. auct. jud. poss. L. item ait, §. hæc autem, D. ex quib. caus. maj. L. satisque, D. de in jus voc.* Sed etsi debitor non latet, si potestatem sui non faciat, neque defendatur, non jubentur quidem ex hac causa bona distrahi: sed tamen etiam ex hac causa mittuntur creditores in possessionem bonorum debitoris. *d. L. item ait, §. hæc autem, ex quib. caus. maj. d. L. satisque.* Tribuit hæc missio, ut et ex cæteris similibus causis, non possessionem veram, et quæ proprie ita dicitur, cum quis aut jure domini, aut domini opinionem et affectu possidet; sed nudam detentionem rerum: denique custodiam rerum et observationem. *L. cum legatorum, D. quib. ex caus. in poss. ea. L. 3. §. ult. D. de acq. pos.* Quod si missi creditores in possessionem jussu magistratus, etiam in possessionem venerint, adfert hoc secum jussu prætoris, cui paritum fuerit, ut constituatur creditoribus in omnibus bonis debitoris, pignus, quod in usu juris dicitur prætorium, ut a prætore, aut iis qui simili potestate præditi sint, constitutum. *L. non est mirum, D. de pig. act. L. ult. C. de præt. pig. L. misso, D. pro. empt.* Hujus pignoris retinendi causa exceptionem esse creditoribus in possessione bonorum manentibus inter omnes semper constituit. At si forte creditor possessionem amisisset, vetus fuit dubitatio, an quemadmodum recuperandi pignoris conventionalis causa erat in rem actio prodita creditori; sic esse deberet et de prætorio pignore: placebatque non esse: certe de eo jus fuit controversum. Testis Justinianus in *L. ult. C. de præt. pig.* qui primus hanc persecutionem et de prætorio pignore in ea constitutione dedit, et se exemplo pignoris conventionalis in eo usum esse testatur. Fuisse tamen et hanc actionem in rem jam olim de eo pignore constitutam quibusdam casibus, satis declarat ibidem, cum constituat eam actionem etsi creditor sua culpa possessione ceciderit, non fortuito casu. Sic enim significat in eo hæsisse dubitationem veterem, an si culpa sua amisisset creditor possessionem prætorii pignoris, illi persecutio dari deberet: cæterum si sine culpa casu aliquo amisisset, etiam prius illi jure vetere in eam rem consultum fuisse, habuisseque eam hic quoque actionem in rem constitutam. Hæc vero illa est species actionis in rem de prætorio pignore, quam hic tradi intelligere debemus. Aut enim ea prius nulla fuit: aut si fuit aliqua, omnino eam fuisse oportet, quæ hic proponitur.

XI. Quod certius intelligitur, si animadverterimus in eam quadrare omnia, quæ actioni hic intellectæ tribuuntur. Proponit Justinianus actionem in rem. Et hæc actio quam dicimus, in rem est, utpote de pignore; cuius persecutio est in rem. *L. Pignoris, D. de pig. L. pignoris, C. eod.* Prætoriam intelligit Justinianus. Et hæc persecutio pretoria: non solum quia de pignore actio est ex jure honorario: *L. si tibi, §. de pignore, D. de pact.* sed etiam quod prætor seu magistratus prætorium pignus constituit. *d. L. non est mirum, de pig. act.* nec frustra constituit, sed ut possidenti retinere, amissa autem sine culpa possessione, id persequi liceat. Cætera hic expressa plane consentiunt. Datur hæc actio bonis a creditoribus possessis: quia non aliter pignus hic contrahitur, quam bonis ita possessis, *d. L. non est mirum.* unde nec aliter actio in rem de pignore. Datur, si debitor rem ex his bonis alicui tradiderit: non quod si alius tradiderit, non detur; sed quia placuit dari posse etiam si debitor ipse tradiderit, et rem alienarit: quo casu exsistebat justa dubitatio veteribus, num et hic danda esset creditoribus pignoris prætorii persecutio: non solum quod missi sunt in possessionem rerum, quam in re alienata amiserunt; sed multo magis quod missi sunt in bona debitoris: nunc autem res debitoris esse desiit, postquam alienata est. Sed placebat nihilominus et hic actionem in rem esse, qua ut hic scriptum est, permittitur creditoribus rescissa traditione eam rem petere, id est, ita petere, ut perinde habeatur, quasi nec tradita esset a debitore; sed in bonis ejus mansisset. Quod eo pertinet, ne forte noceat creditoribus hæc exceptio, si dicatur eos non jure suo rem persequi, qui cum jussi sint custodire et observare res debitoris, nunc persequantur eam rem, quæ debitoris esse desierit. Sed adversus hanc exceptionem justa replicatio est, prius constitutum esse pignus, quod debitor creditoribus facto suo non potuit auferre. *L. debitorem, C. de pig.* de eo pignore hanc esse persecutionem.

XII. Unum hoc non videtur persecutioni prætorii pignoris convenire, quod datur hic actio, si res tradita sit a debitore in fraudem creditorum. Nam si pignus hic est, et de eo pignore persequendo hic agitur, non recte adjicitur hæc conditio: conveniebat enim hanc actionem dari de pignore, quocunque modo, et quocunque animo traditum aut alienatum esset a debitore: quoniam ita jus est. debitorem neque vendentem, neque donantem, neque quovis alio modo rem alienantem,

posse facere deteriore conditionem creditoris, aut ejus persecutionem impedire. *d. L. debitorem, C. de pignor.* Et in cæteris pignoribus, quæ consensu contrahuntur, hoc ita est. Proprium hoc est hujus pignoris prætorii, quo de agitur, ut si debitor rem ex bonis possessis non in fraudem alienarit, rata sit alienatio, nec possit a creditoribus revocari. Tunc enim intelligitur res non in fraudem creditorum alienata, cum debitor non donavit, sed vendidit, ut bonum patremfamilias decet, et rem bene gessit, et pecuniam ad creditores aut curatorem bonorum retulit. Quod cum fecit, non mirum, si nulla superest actio de ea re creditoribus: quoniam eo modo de ea re illis satisfactum est. Satisfactum est etiam legi pignoris: constitutum enim erat rei servandæ causa. At re ita distracta, ut diximus, creditores rem, id est, id quod sibi debebatur, hactenus servarunt. Ad hæc si debitor solvendo est, non videtur res in fraudem alienata. *§. prævaluisse, supra, quib. ex caus. maj. non lic.* Hactenus autem solvendo est debitor, si est ex re alienata, unde creditoribus satisfiat. Certe non debent creditores eam alienationem revocare, qua non revocata, non minus habeant, quod requirunt: non enim malitiis est indulgendum. *L. in fundo, D. de rei vind.* Sed ut ad persecutionem hujus pignoris exigimus, ut res alienata sit in fraudem creditorum: ita observemus, cum hoc factum erit, nihil hic amplius desiderari ad rem alienatam hac actione revocandam. Recte: est enim actio in rem, qua nunc agitur. Actio in rem cum detur semper adversus possessorem, *L. actionum, D. de obl. et act.* si quis hic rem alienatam possidet, satis est hac actione tenebitur: nec requiremus, utrum fraudis particeps fuerit, qui accepit, an non fuerit. Itaque et qui primo a fraudatore debitore accepit ignarus fraudis, tenebitur hac actione, si possidet. Et si alii item quanvis bona fide accipienti tradiderit, etiam posterior hic tenebitur, si possidebit. Qui si sine dolo malo possidere desierint, continuo desinent teneri.

XIII. Atque hinc licet intelligere, ubi bonis a creditoribus possessis res a debitore in fraudem creditorum alienata est, cum sit ex ea causa actio Pauliana et in factum predicta creditoribus, cui bono fuerit, et hanc actionem in rem ut de pignore prætorio dari. Nempe quia hæc in rem actio bonis jam possessis est plenior et commodior. Nam Pauliana et ex eadem causa actio in factum tunc solum datur ad revocanda ea, quæ in frau-

fraudem creditorum alienata sunt, cum qui accepit, fuit fraudis particeps, aut rem ex lucrativa causa accepit. *L. ait, in pr. §. 1. L. is qui a debitore, D. quæ in frau. cred. L. pen. C. de revo. his quæ in frau. cred.* Sed et utraque actio datur intra annum, quo primum de ea re experiundi potestas erit, *d. L. 1. L. ait, L. hac in factum, D. quæ in frau. cred.* At hæc in rem actio de pignore, de qua agimus, nihil amplius exigit, quam fraudem debitoris in alienatione. Proinde quisquis eam rem possidere reperietur sive fraudis particeps erit, sive non erit; et sive onerosa ex causa rem possidebit, sive ex lucrativa; hac actione convenietur. Sed et actio cum sit de pignore, necesse est et creditoribus tamdiu durare, quamdiu pignus constabit: quod non prius dissolvetur, quam illis satisfactum fuerit.

XIV. Illud quæretur fortasse, si actionem hic intelligimus, quæ sit de prætorio pignore, quid opus fuerit eam distingui ab hypothecaria, de qua agitur in *§. item* seq. immo vero quam recte hæc statuatur alia, quæ est eadem: cum sit hæc etiam pigno-

ris persequendi causa. Sed hypothecaria proprie est de pignore, quod est ex conventionem, aut si quod est, quod ex voluntate domini proficiscitur, ut definitiones pignoris et hypothecæ traditæ in *d. §. item*, seq. declarant. In alia causa habitum fuisse pignus prætorium, quam conventionale, quod ad jus persequendi pignoris attinet, testis est, ut ante dixi, Justinianus, qui ideo pignoris prætorii possessione amissa, similiter actionem dedit, ut est de pignore conventionali, quia ante diversum ut in rebus dissimilibus obtinebat. Sed et hodie meminerimus in his generibus circa actionem in rem de pignore, hoc esse dissimile; quod re pignori obligata alienata a debitore, ex cæteris causis nihilominus durat pignoris persecutio, quocunque modo res sit alienata: in causa prætorii pignoris non aliter, quam si res in fraudem creditorum alienata fuerit: cuius rei rationem supra exposui: ut appareat merito species istas actionum de pignore esse his locis distinctas, quas res ipsa tam aperte separavit.

Item





## Item Serviana.

## §. VII.

*De pignore actio in rem prætoris, cui, adversus quem, cujus rei causa. I.*  
*Serviana quæ, et de quibus rebus. II.*  
*Quasi Serviana, et hypothecaria quæ, et unde dicta. III.*

*Pignus et hypotheca quid, et quid alterum ab altero differat. IV.*

*Pignus et hypotheca quibus modis constituentur. V.*

Item Serviana, et quasi Serviana ( quæ etiam hypothecaria vocatur ) ex ipsius prætoris jurisdictione substantiam capiunt. Serviana autem experitur quis de rebus coloni, quæ pignoris jure pro mercedibus fundi ei tenentur. Quasi Serviana autem est, qua creditores pignora hypothecasve persequuntur. Inter pignus autem et hypothecam ( quantum ad actionem hypothecariam attinet ) nihil interest. Nam de qua re inter creditorem et debitorem convenerit, ut sit pro debito obligata: utraque hac appellatione continetur: sed in aliis differentia est. Nam pignoris appellatione eam proprie rem contineri dicimus, quæ simul etiam traditur creditori, maxime si mobilis sit. At eam, quæ sine traditione, nuda conventionione tenetur, proprie hypothecæ appellatione contineri dicimus.

I. **P**roponitur ad extremum hoc loco actio in rem de pignore. Hæc a prætore est. *L. si tibi, §. de pignore, D. de pact.* Ex jure quidem civili esse non potest: cum ut supra scriptum est in *§. namque, eod.* ita sint proditæ jure civili actiones in rem, si quis dominium suum vindicet. Actio in rem est. *L. pignoris, C. eod.* creditoribus constituta pignoris persequendi causa, ut hic declaratur. Et quia in rem, hinc satis intelligimus competere eam adversus omnem, qui pignus possidet, aut dolo malo desiit possidere. *L. si fundus, §. in vindicatione, D. de pig. L. 2. C. si un. ex plu. her. cred.* Actionis exitus hic, ut qui convenitur, necesse habeat aut creditoribus agentibusolvere, aut rem de qua agitur, restituere: alioqui quanti ea res est, condemnatur: quo modo, declaratur in *d. L. si fundus, §. in vindicatione, de pig.* Hæc duplex est, ut hic traditur, Serviana, et quasi Serviana, quæ eadem hypothecaria appellatur.

II. Serviana, ut analogia indicat, dicta ab auctore, uti Publiciana. De qua in *§. namque, in fin. supra, eod.* Hæc experitur quis de rebus coloni, ut hic scriptum est: id est locator agri de rebus ejus, qui agrum co-

lendum conduxit. *L. res pignoris, D. de acq. poss.* Et additur, de rebus coloni, quæ pignoris jure pro mercedibus fundi locatori tenentur. Qua adjectione non illud significatur, res omnes coloni pro mercedibus fundi locatori obligatas esse: sed si quæ res coloni pro mercedibus tacite tenentur, de his Servianam hanc competere: ut sit hic relativum, quæ, non demonstrationis, sed distinctionis causa additum. Non enim statim pro mercedibus fundi res omnes coloni pignori obligantur. Tacite autem hæc tenentur, in quo genere pignoris Serviana locum habet: Primum fructus fundi, qui ibi nascuntur: et hi citra ullam conventionem domini aut voluntatem. *L. in prædiis, D. in quib. caus. pig. vel hyp. tac. contr.* Deinde invecta et illata in fundum, si aut ut pignori essent, nominatim convenerit; *L. eo jure, D. eod.* aut voluntate domini fundi illata sint, ut est in *L. certi, C. loca.* Voluntate domini inducta sic accipiemus, si dominus locaverit fundum hac lege, ut aliqua in eum fundum inferrentur, ut docui in commentario de pignoribus, *tit. in quib. caus. pig. tac. cont.*

III. Quasi Serviana, et hypothecaria est, quæ

quæ de reliquis rebus pignori obligatis competit, ut hic indicatur. Quasi Serviana dicta, quod cum Serviana illa proposita esset in edicto a prætore: post deinde de cæteris pignoribus actio cœpit institui ad exemplum prioris illius Servianæ. Hypothecaria autem a re ipsa, quam actio persequitur: hæc enim persequitur hypothecam, seu pignora. Hinc quod ad cognitionem actionis necesse erat, de verbo pignoris et hypothecæ docet Justinianus, quid sit pignus, et hypotheca; simul quid alterum ab altero differat.

IV. *Pignus est, inquit, res omnis de qua inter creditorem et debitorem convenit, ut sit pro debito obligata.* Quod ait, *de qua convenit*; magis exempli causa additum est, quam quod conventio ad definitionem pertineat: multa enim genera pignorum esse constat, quæ constituuntur sine ulla conventionne, de quibus paulo post. Erit ergo pignus generaliter, res omnis creditori pro debito obligata. Hypothecæ eandem appellationem esse scribit. *Sed hoc, inquit, quantum ad hypothecariam actionem attinet*: alioqui, ut subjicit, si significationem et proprietatem verborum spectamus, inter utrumque hoc interest, quod pignus est, cum simul res traditur creditori, maxime si mobilis sit: hypotheca autem res, quæ sine traditione, nuda conventionne tenetur. Sumptum ab etymologia et origine utriusque verbi, dictum est enim pignus a pugno, ut sit res quæ tradatur manu, ac velut pugno. *L. plebs, §. pignus, D. de ver. sig.* Unde maxime proprie id dicitur de re mobili, in quam solum cadit, ut pugno capiatur. Sed propter traditionem translatum ad res omnes etiam immobiles, quarum possessio itidem tradatur creditori. Hypotheca autem verbum græcum est *ὑποθήκη*, quod latini usu suum fecerunt: idem valens, quod obligationi et nexui subjectum: ut appareat verbum generale esse, ad utramque speciem rerum pignori oppositarum pertinens, tam quæ traditæ sunt, quam quæ non sunt traditæ. Sed tamen, inquit Justinianus, eam rem quæ sine traditione, nuda conventionne tenetur, proprie hypothecæ appellatione contineri dicimus: nempe verbo generis ad speciem pignori contrariam contracto; quod intelligi necesse est, cum hypotheca a pignore distinguitur; ut accidit in verbo adoptionis, actionis, et aliis innumeris, modo generis, modo speciei ei generi subjectæ significationem obtinentibus. *L. 2. D. de adop. L. pecuniæ, §. actionis, D. de ver. sig.* Eadem horum verborum differentia traditur in *L. si rem, §.*

*proprie, D. de pig. act.* Quæ cum sit ejusmodi, qua alterum ab altero tam aperte distinguatur: an non contrarium est, quod eodem hoc in loco paulo ante Justinianus scribit, inter pignus et hypothecam, quantum ad actionem hypothecariam attinet; nihil interesse? an non multo magis illud Marciani simpliciter dictum, inter pignus et hypothecam tantum nominis solum differre? *L. res hypothecæ, §. ult. de pig.* Immo diversis rationibus, et iis quas juris auctores hic intelligunt, utrumque recte dicitur. Et hæc summa est; re hæc diversa sunt; effectum juris eadem. Re diversa, quæ non tantum verborum numero ac sono distinguuntur, sed res diversas significant. At nihilominus effectum juris eadem: quia et res ipsæ natura sua diversæ, jure tamen idem valent. Res enim pignori opposita tantum tribuit creditori in jure pignoris etsi tradita non sit, quantum si esset tradita; nec plus quæ tradita est, quam quæ non est tradita. Jus namque pignoris positum est in pignoris persecutione seu hypothecaria actione, et in ejus actionis commodum: quo scilicet rem persequentem, cum consecutus fuerit, possidere, possessionem vendere et tradere emptori licet. Hæc autem actio et persecutio, et si quod est commodum ei actioni adjunctum, tam datur ei, cum quo convenit de pignore sine traditione, quam ei cum quo ita convenit, ut simul ei traderetur rei possessio. *L. si tibi, §. de pignore, D. de pact.* Jure igitur, seu effectum juris, hæc sunt eadem. Et hoc est, quod Justinianus hoc loco scribens inter ista nihil interesse, quantum ad hypothecariam actionem attinet: scilicet quia hæc utrique generi pariter tribuitur; in ea autem est is effectus juris, seu id commodum, quod cum de jure quaeritur, in pignore spectare debemus. Ex hoc effectum illud dictum est ab Ulpiano in *L. 1. in pr. D. de pig. act.* pignus contrahi non solum traditione, sed etiam nuda conventionne, etsi non traditum est. Contrahendi verbum ad jus refertur, et ibi valet, ubi ex conventionne vinculum juris nascitur. Recte ergo dictum etiam nuda conventionne pignus contrahi, cum pignus conventionne obligatur et adstringitur jure; et jure obligationem et actionem parit. Hoc eodem sensu dictum est illud a Marciano, inter pignus et hypothecam tantum nominis sonum differre. *d. L. res hypothecæ, §. ult. de pig.* Sane vero inter hæc nihil interest, cum de jure harum rerum quaeritur. Quod sentiebat Marcianus, qui de his scribebat ad formulam hypothecariam, id est, ad hypothecariam actionem; ut indicat in-

scriptio d. *L. res hypothecæ*. Solum hoc constituendum est, quando, et quomodo res quæque pro debito obligetur, ut sit pignus et hypotheca: de quo pluribus scripsimus in commentario de pignoribus, nunc breviter summam perstringam.

V. Pignus omne aut lege constituitur, aut hominum opera et facto. Lege, cum favore personæ, aut causæ, de qua agitur, pignus tribuitur creditori; ut fisco in bonis debitorum fisci. *L. 1. L. 2. C. in quib. caus. pig. tac. cont.* Ut pupillis et adolescentibus in bonis tutorum et curatorum pro officio administrationis. *L. pro officio, C. de admin. tut.* ut uxori in rebus mariti in causa dotis. *L. unica, §. 1. C. de rei ux. act.* ut cuius creditori in insula restituta, cum pecunia ob restitutione ædificii credita est. *L. 1. D. in quib. caus. pig. vel hyp. ta. con.* Hominum facto pignus constituitur nonnunquam a magistratu: ut plurimum autem ab eo cujus in bonis res est, quæ pignori subijcitur. A

magistratu, cum jussu ejus bona debitoris possessa sunt a creditoribus, quibus in causis id facere concessum est. *L. non est mirum, D. de pig. act.* de quo genere proximo §. diximus. Ab iis, quorum in bonis res est, constituitur pignus partim testamento, partim inter vivos conventionione. Testamento, cum rem aliquam pignori esse illi aut illi creditori jubet testator. *d. L. non est mirum, D. de pig. act.* Conventionione ita, ut simul atque convenerit, ut res esset pro debito obligata, pignus contrahatur, etiam si res tradita non fuerit creditori, ut hic traditur, et *L. 4. D. de pig. L. 1. D. de pig. act.* Conventionio hic recepta duplex; quædam expressa, quædam tacita. Expressa intelligitur ex verbis conventionis. Tacita admissa est interpretatione juris in fructibus fundi locati: *L. licet, D. in quib. caus. pig. vel hyp. ta. con.* item in invectis et illatis. *L. eo jure, D. eod. L. 4. D. de pact.*

## In personam.

### §. VIII.

In personam quoque actiones ex sua jurisdictione propositas habet prætor: veluti de pecunia constituta: cui similis videbatur receptitia. Sed ex nostra constitutione (cum et si quid plenius habebat, hoc in actionem pecuniæ constitutæ transfusum est) et ea quasi supervacua jussa est cum sua autoritate a nostris legibus recedere. Item prætor proposuit actionem de peculio servorum, filiorumque familiarum: et eam, ex qua quæritur, an actor juraverit, et alias complures.

*Transitio, §. hujus summa, et partitio. I.*

I. **H**Actenus actiones in rem prætorias. Neque vero plures sunt, quam ex quas initio hujus divisionis proposuimus in §. *sed istæ quidem*. Deinceps Justinianus actiones in personam prætorias, ut erat propositum subicit: quas ex contractu et velut negotio ge-

*Tom. VI.*

sto tres numerat: de constituta pecunia: de peculio: ex jurejurando: ex maleficio autem poenales innumeras esse ait in §. *pœnales*, contentus quasdam ex iis exemplis loco proponere.

*De con-*

## De constituta.

## §. IX.

*Constitutum quid, et quid a promisso differat. I.*

*Constitutæ pecuniæ actio ex pacto nudo, et cur contra regulam juris. II.*

*Debitum solum recte constituitur. III.*

*Constituere pecuniam quid sit in edicto. IV.*

*Debitum hic, quale accipiendum V.*

*Constitutæ pecuniæ actio cui detur, et adversus quem. VI.*

*Constitutæ pecuniæ actio qua de re. VII.*

*Receptitia vetus quæ, et unde dicta. VIII.*

*Constituti actionis appellationes. IX.*

*Constitutoriam actionem sub conditione dari, et quæ. X.*

De constituta autem pecunia cum omnibus agitur, quicumque pro se vel pro alio soluturos se constituerint: nulla scilicet stipulatione interposita: nam alioqui si stipulanti promiserint, jure civili tenentur.

I. **P**rætoriam actio est in personam, actio de pecunia constitutæ. L. 1. D. de pec. const. de qua tria hic complectitur Justinianus, qua ex causa sit; in quem detur; qua de re: quæ paucis cognoscenda sunt. Quibus si addiderimus, cui detur, et quando; natura hujus actionis, quod quidem ad hunc locum satis sit, erit exposita. Nascitur hæc actio ex hac causa, ut hic traditur, si quis quid pacto constituerit se soluturum. Constituit se soluturum qui se soluturum promittit: nam et promittendi verbum ad nudam promissionem potest referri. L. sciendum, §. 1. D. de ad. d. Sed quia promittendi verbo frequentius utimur de eo, quod stipulanti promittitur, §. si scriptum, Inst. de inut. stip. unde constituens, et promittens inter se opponuntur in L. 1. §. eum qui, D. de pec. const. ideo prætor constituendi verbum elegit, ut significetur id quod nuda promissione constituitur et recipitur. Tunc enim locus est constitutoria huic actioni (nam et ita nominatur actio in L. nec enim, D. de pec. const.) cum constituitur quid pacto sine stipulatione, ut hic expressum est. Non quod si quis stipulanti idem promittat, non obligetur, cum sit certissimum vinculum ad firmandam fidem et homines vinciendos stipulatio, supra, de verb. obl. in princ. sed quia tenetur jure civili, ut hic scriptum est: quo significatur non fuisse in hac promissione necessariam actionem prætoriam, cum civilis sufficeret, ut de Publiciana traditur re

a possessore jam usucapta in L. 1. D. de Pub.

II. Est ergo obligatio et actio constitutæ pecuniæ ex nudo pacto: cum nudum id vocemus quod neque traditione, neque stipulatione sumit effectum, ut est in L. divisionis, D. de pact. Jus ideo notandum quia comparatum contra regulam juris civilis, qua efficitur ex pacto nudo actionem non nasci. L. jurisgentium, §. sed cum nulla, §. quinimo, d. L. divisionis, D. de pac. L. legem, C. eod. Unde etiam intelligimus, si vellemus hic actionem nasci, necesse fuisse introduci a prætore: eoque et introductam esse prætoriam. Excepta est nimirum a cæteris pactis hæc species. Excipiendi rationem hanc Ulpianus reddit in L. 1. in pr. D. de pec. const. quoniam grave est fidem fallere. Quod sic interpretandum est, quasi dixit, quoniam grave est in hac specie: nam in universum si dicitur, non est idonea ratio, ex qua colligatur ex constituto constitui debuisse actionem. Nam et in cæteris pactis fides datur. L. 1. D. de pac. Quod si in his etiam placet grave esse fidem fallere, licebit dicere hac ratione etiam ex his actionem dandum fuisse: quod falsum est. Erit igitur Ulpiani hæc sententia: Hoc edicto prætor favet naturali æquitati, qui constituta ex consensu facta custodit: quoniam in hoc genere grave est fidem fallere. Ideo autem in hoc genere præcipue, quia cum non constituatur nisi debitum, ut mox dicetur: nempe in consti-

stituto duplex obligatio est, prior per se, et posterior prioris firmandæ caussa. Quare si prior non tenet; at teneat posterior, quæ ad priorem novum vinculum accessit; et quod una conventio non potuit efficere, id congeminata efficiat.

III. Non quisquis constituit se quid futurum, is de constituta pecunia tenetur: sed qui constituit se soluturum nempe quod ante debitum fuit. Non enim solvitur, nisi quod debetur, *supra quib. mod. tol. ob. in pr.* Et hoc est, quod ad causam hujus actionis prætor exigit, ut sit debita pecunia, quæ constituitur. L. 1. §. 1. D. de const. pec.

IV. Notandum tamen prætorem in edicto dare hanc actionem ei, non qui constituit se pecuniam debitam soluturum: sed solum qui pecuniam debitam constituit, d. L. 1. §. 1. Sed hoc idem valet. Unde et actio de pecunia constituta, quæ hic, et superiore §. ita nominatur. Nam constituere inter alia significat, id quod minus firmum est, stabilire et firmare. Cicero lib. 1. Off. *incunctis enim ætatis incunctia senum constituenda et regenda prudentia est.* Constituenda, id est, constabilienda et firmanda, quæ vacillat. Id autem fit in constituto, cum quod minus firmiter prius debebatur, aut parum tuto, id nova pactione confirmamus, dum promittimus nos id soluturos. Sed ut constitutum, et debitam pecuniam prætor exigit ad causam hujus actionis: ita nihil amplius, quam constitutum et debitam pecuniam. Id eam vim habet, ut dum hæc duo simpliciter concurrent, actio locum habeat. Constituit quis pecuniam ab aliquo debitam: sed constituit alius, quam debitor: aut constituit alii, quam creditori. Dubitari potuit, an valeret constitutum; quia neque priore casu qui constituit, pecuniam debuit; neque posteriore ei debita fuit, cui constituitur. Sed edictum simpliciter vult pecuniam constitui, nec adjicit, quis constituat, aut cui constituatur, dum pecunia prius fuerit debita; quemadmodum nec illud adjicit, cui, aut a quo sit debita. Unde placuit utrobique constitutum valere ex verbis edicti. L. eum qui, §. quod exigimus, D. de pec. const. Idem acceptum et in verbo debiti.

V. Debitam pecuniam prætor exigit: quomodo sit debita, nihil addidit. Ex quo intellectum est, quacunque ex caussa, et quocunque jure quid debitum sit, recte constitui; dum aut utiliter peti possit, aut naturaliter debeatur. L. 1. §. pen. et ult. L. 2. L. 3. D. eod.

XI. Causa actionis constituta, licet facile intelligere, cui, et adversus quem detur hæc actio. In eum dari, qui constituit, hoc loco expressum est. Idque genus ipsam actionis ostendit. Est enim in personam: pròinde adversus eum, qui obligatus est. L. actionum, D. de obl. et act. §. 1. supra, eod. Non est autem obligatus ex constituto, nisi qui constituit. Ex eadem regula ei dabimus, cui constitutum est, sive sit is cui debebatur prius, sive alius. L. eum qui, §. quod diximus, D. de pec. const. Nam ex contractu actio, ut obligatio, constituitur inter contrahentes: ut quemadmodum ex ea caussa agitur cum eo, qui obligatus est: sic agat is qui eum obligatum habet: denique ita definitur actio in personam ut sit, qua adversus eum agimus, qui nobis obligatus est. d. L. actionum, D. de obl. et act. Sane si ei qui in aliena potestate est, constituitur, iis quorum in potestate est, obligatio acquiritur juxta regulas juris. L. eum qui, §. ult. et 2. LL. seqq. D. de pec. const. sed etsi actori municipum, vel tutori pupilli, vel curatori furiosi, vel adolescentis constituatur: sive quis constituat, se his ipsis soluturum, sive se soluturum municipibus, vel pupillo, vel furioso, vel adolescenti: placet municipibus, pupillo, furioso, adolescenti utilem actionem dandam, d. L. eum qui, §. item tutori, §. si actori, eod. tit.

VII. Datur hæc actio de pecunia: quo verbo continentur res omnes non mobiles tantum, sed et immobiles. L. pecuniæ nomine, L. pecuniæ verbum, D. de verb. sig. ut intelligamus hanc actionem de omnibus rebus, quas quis se soluturum constituerit, competere. Quod Justiniani constitutione effectum est, cum prius actio de pecunia constituta competet tantum de iis, quæ pondere, numero, aut mensura constant.

VIII. De cæteris erat prodita actio, quæ dicebatur receptitia, a recipiendo; quod verbum hic significabat non recuperare, cum ad recuperandum jus nostrum omnis fere spectet actio: sed promittere et polliceri: quomodo latine dicimus recepisse aliquem, se aliquid facturum, id est, suscepisse in se, et pollicitum esse. Hac sublata voluit Justinianus unam esse de omnibus rebus constitutis eam, quæ de pecunia constituta appellatur: quod et ad agendum esset commodior, et verbum pecuniæ rebus conveniret: exstat constitutio in L. 2. C. eod. eaque constitutio est, et recepta actio, quam commemorat in superiore §. in personam.

IX. Actione ita constituta, nomen ex re im-



impositum: dicta est enim actio de pecunia constituta; ut hio et §. superiore. L. 2. C. de const. pec. quibus verbis quid contineatur, supra expositum est. Eadem dicta actio constitutæ pecuniæ. L. qui id quod, in princ. D. de don. Eadem et constitutoria actio. L. nec enim, D. de pec. const.

X. Sed quod hic omissum est, natura actionis non patitur, ut a nobis omittatur, nisi in jure hujus actionis ita errare volumus, ut putemus ex superioribus nos tum eam actionem habere, cum nulla est. Monendi igitur sumus, propositam esse hanc actionem, edicto non statim, sed sub conditione, si appareat eum qui constituit, neque solvere, neque fecisse, neque per actorem stetisse, quominus fieret, quod constitutum est. L. si duo, §. ait, D. de pec. const. Condicio edicti hæc est: ex

qua intelligitur, non amitti actionem actori, si moram fecerit in eo accipiendo, quod ex constituto debebatur, quod esset contra regulas juris: L. illud, D. de per. et com. rei vend. sed ei ab initio nec datam videri, si per eum steterit constituti die, quominus oblatum acciperet. Non eadem conditione ex aliis conventionibus et contractibus puris datur actio: ex quibus ut præsens conventio est, ita et statim agi potest. §. omnis, supra, de verb. obl. L. in omnibus obligationibus, D. de reg. jur. Sed observandum est novam hic actionem pecuniæ constitutæ introduci a prætore præter regulam juris civilis. Ideo visum est prætori ita eam inducere, ut quam mitissime cum reo ageretur, et quæcunque culpa posset actori in accipiendo obijci, ne actio daretur.

## Actiones autem.

### §. X.

*De peculio actio ex contractu et quasi contractu solum filiorumfamilias, servorumve: nunquam ex maleficio. I.*

*De peculio semper actio adversus patrem dominumve, non semper in solidum. II.*

*De peculio actio prætorialia, et ratio ejus adversus patrem dominumve introducenda. III.*

*Peculium servi quid, et quo jure habeatur. IV.*

*Peculium filiifamilias quid, quotuplex, et quo jure quodque habeatur. V.*

*De peculio non omni actionem esse adversus patrem ex contractu filiorumfamilias et de quo sit intelligenda. VI.*

*Ipsa jure quid fieri, quam varie apud juris auctores accipiat, et quæ sit ratio hujus appellationis. VII.*

Actiones autem de peculio ideo adversus patrem dominumve comparavit prætor: quia licet ex contractu filiorum servorumve ipso jure non teneantur: æquum tamen est peculiotenus (quod veluti patrimonium est filiorum filiarumque item servorum) condemnari eos.

I. **D**E actione de peculio sic in summa definit; ex contractu filiorumfamilias, servorumve constitutam esse actionem a prætore de peculio adversus patrem dominumve. Addidit ex contractu; quo verbo etiam quasi contractum intelligere debemus; ut tutelam et negotia a filiosfamilias, aut servo gesta, quorum nomine etiam de peculio adversus patrem, dominumve actio est. L. 1. C. quod cum eo, L. ex facto, D. de pec. L. ex contractibus, D. de. obl. et act. L. si filiusfamilias, D. de neg. gest. Ne-

que novum est quasi contractum propter affinitatem absolute contractum appellari. L. sed et cum, D. de neg. gest. d. L. ex contractibus, de obl. et act. Additum ergo ex contractu ad maleficia, et quasi maleficia removenda: consulto. Nam ex filiorum quidem familias maleficiis, et quasi maleficiis pater nullo modo tenetur. §. ult. infra de nox. act. Ex maleficiis autem servorum tenetur quidem dominus; sed noxali actione, id est, ea, ex qua dominus condemnatus non ideo necesse habet damnum de suo, aut de peculio

culio servi præstare: sed servum noxæ dedendo liberatur. Ex qua etiam potestate noxæ dedendi, noxalis actio appellata est, *infra de nox. act. et L. 1. D. eod.*

II. Ait ex filiorumfamilias et servorum contractu actionem constitutam de peculio; non quod ex eo genere non sit etiam constituta adversus patrem domique in solidum (est enim et in solidum constituta: qui locus explicatur fusius in titulo sequenti) sed quia interdum est in solidum, non semper: de peculio autem semper, et sine exceptione. Nam si quid filius, aut servus patris domique jussu contraxerint, gesserint; tenetur pater vel dominus quod jussu in solidum. Si quid patris domique jussu gestum non sit, sed in rem patris aut domini verum; tenentur et hi in solidum de in rem verso, id est, quatenus in rem eorum verum est. Si nihil horum factum erit, cessant superiores actiones: sed nihilominus semper actioni de peculio adversus eos locus est. §. *præterea, infra, quod cum eo de peculio*, id est, ut hactenus condemnet iudex, quatenus in peculio sit. §. *præterea, infra eod.*

III. At hanc actionem a prætore constitui aut supervacuum videri potest, aut iniquum. Supervacuum, si jure civili constituta est. Iniquum, ut ex facto filiorum, servorumque quolibet ignorantes et inviti teneantur patres domique, ubi hi ex eo quod gestum est, locupletiores facti non sint. Utrique igitur huic dubitationi occurrit hoc loco Justinianus: docens nullam hanc actionem esse ipso jure, id est civili, de quo postea: ut proinde necesse fuerit, nedum utile, si hanc aliquam esse vellemus, eam jure prætorio comparari. Ut autem constitueretur, æquitatem et utilitatem suasisse. Omnes enim concedent æquum esse ipsos saltem filios, et servos usque ad quantitatem patrimonii sui obligari, tenerive. Peculium autem id eorum velut patrimonium est, inquit Justinianus. Ex quo efficitur, hactenus teneri eos æquum esse. Qui fit igitur, ut non conveniantur ipsi, sed patres aut domini? quia peculium etsi voluntate patris aut domini et naturali possessione est filiorum et servorum: jure tamen est patris et domini, quatenus his acquiritur. L. *quod servus, D. de acq. pos. §. 1. Inst. per quas pers.* ut merito ii conveniendi sint, qui in solvendo habent, quod de eo peculio statuant.

IV. Videndum, quid sit peculium, et quatenus verum sit illud, patres domosve de peculio teneri: neque enim id in peculio filiorum usquequaque verum est. Et illud

tenendum est, aliam esse causam peculii servorum, aliam filiorumfamilias. Nullum peculium servi est, nisi quod a domino nominatim fuerit servo constitutum, quidquid erit, quod quæsierit servus vel aliena liberalitate, vel opera sua et labore. L. 4. in pr. *D. de pec.* Unde peculium servi ita definitur, *quod servus domini permissu separatim a rationibus dominicis habet, deducto inde, si quid domino debetur. L. 5. §. ult. D. de pec.* Hoc genus peculii quantumvis voluntate domini servo concessum, jure tamen totum est domini, et proprietate et fructu: nihil enim servi suum habere possunt. §. *item vobis, supra, per quas pers. nob. acquir.*

V. Longe dissimilis causa peculii filiorumfamilias. Nam primum quidquid habet filiusfamilias aliunde quæsitum, id in peculio est filii: nec quidquam refert, utrum sciente et permittente patre habeat, an ignorante, atque adeo invito. L. *ult. C. de inoff. test.* Deinde non omne peculium filiifamilias est in potestate et dominio patris. Pleraque filiorumfamilias ita sunt propria, ut si patresfamilias essent. Quod ut intelligatur, sciendum est hujus peculii plura esse genera, quæ una definitione nequaquam contineantur. Quoddam est paganum, quoddam militare. Indicantur hæc genera in *d. L. ult. C. de inoff. test.* Paganum appellamus, quod non est militum, ut pagani opponuntur militibus, §. 1. *supra, de mil. test.* Id duplex est. Aut enim a patre profectitur, aut aliunde: prius profectitium; posterius in usu juris adventitium dicitur. L. *profectitia, 5. in pr. et §. si pater pro filia, D. de jur. dot.* Profectitium est, quidquid a patre collatum est in filium, vel aliunde quidem, facto tamen vel contemplatione patris: colligitur hæc definitio ex §. 1. *supra per quas pers. nob. acquir. d. L. profecticia, in pr. D. de jur. dot. L. sed si plures, §. in arrogato, D. de vulg.* Hoc quanquam voluntate patris collatum est in filium; jure tamen totum est patris, ut olim, ita nunc etiam, d. §. 1. *per. quas pers. L. cum oportet, C. de bo. quæ lib.* Unde dictum, si pater filio quem in potestate habet, donet, donationem nullam esse. L. 1. §. 1. *D. pro don.* Adventitium est, quidquid aliunde quam a patre obvenit filio, sive ignorante patre id factum sit, sive invito. Hujus peculii proprietas filii est ex constitutionibus: usufructus quæritur patri, d. §. 1. *per. quas pers. d. L. cum oportet, C. de bon. quæ lib.* Hoc amplius et possessio, et administratio patri concessa ad eum modum, qui constituitur in

1. ult. §. *ubi autem*, et deinceps usque ad li. *C. de bon. quæ lib.* Interdum cum proprietate etiam ususfructus peculii adventicii filiis acquiritur: quod receptum est in iis caussis, quæ his locis comprehensæ sunt. *L. ult. §. 1. auth. excipitur*, et 2. seqq. *C. de bon. quæ lib.* Militare rursum duplex est; castrense, et quasi castrense, *d. L. ult. C. de inoff. test. L. 1. §. nec castrense, D. de coll.* Castrense est, quidquid miles in castris vel extra castra per causam militiæ acquisiit: ut sunt stipendia, ut præda ex hoste; item quæ ad militiam proficiscenti aut in castris versanti dantur a parentibus aut amicis ad usus militiæ necessaria. *L. castrense, D. de cast. pec.* Quasi castrense est filiorumfamilias, magistratuum, patronorum, advocatorum, professorum, et magistrorum liberalium artium. Nempe id omne, quod isti ex stipendiis publicis, aut ea opera, quam publice Reipublicæ navant, quæsierunt. *d. L. ult. C. de inoff. test.* Dictum quasi castrense, quia forum et Respublica superioribus quasi quædam castra sunt, eorumque opera quasi quædam militia, qua Reipublicæ militant: quod in persona advocatorum declaratur egregio rescripto in *L. advocati, C. de advoc. divers. jud.* Utrumque hoc genus peculii totum proprium est filiorumfamilias dominio et fructu. *d. L. 1. §. nec castrense, de coll. d. L. ult. C. de inoff. test.* Et quidem ita, ut hujus peculii actionem et persecutionem, atque adeo liberam alienationem inter vivos filiifamilias habeant etiam invito patre. *L. 4. §. 1. D. de cast. pec.* Unde in hoc genere dicuntur filiifamilias fungi vice patrumfamilias. *L. 2. D. de senat. Mac.*

VI. Quæ cum ita sint, de actione de peculio adversus patres ita statuemus. Ex contractu filiorumfamilias tenentur patres de peculio profecticio citra controversiam: totum enim patrum est: ut proinde possint et soli suo jure de eo statuere. Tenentur et de peculio adventicio quatenus in hoc peculio ususfructus eorum est. *d. L. ult. §. ubi autem, C. de bon. quæ lib.* Quod si et ususfructus ad filiumfamilias pertinebit, de eo non tenebitur pater, ut qui in hoc peculio nihil habeat suum, quod possit solvere: sed solus filius aget, et convenietur eo nomine, ut est constitutum in *d. L. ult. §. 1. in fin. illic: et filius simili modo, C. de bon. quæ lib.* Id si in peculio adventicio recte dicitur; multo magis de castrensi et quasi castrensi intelligendum est, quorum utrumque sine exceptione filiifamilias esse diximus: huc

pertinet. *d. L. 4. §. 1. D. de cast. pec.* Quapropter quod in hoc §. dicitur ex contractu filiorumfamilias actionem de peculio esse adversus patres, sic accipiendum est, ut sit de peculio, quod sit in jure et potestate patris. De peculio servorum nihil distinguimus, cum omne dixerimus ad jus et potestatem domini pertinere.

VII. *Ipsa jure non teneantur.* Ipsa jure quid fieri innumeris in locis in libris nostris occurrit: nec significatio omnibus statim nota: aut si intelligitur, non tamen hujus ratio statim expedita. Ac primum hic monendi sumus, ipsum jus non uno modo dici: ne forte *διωρυγία* decepti, quod valet in uno loco, eodem modo accipiendum putemus in omnibus. Et tamen ne ut in significationibus admodum variis et incertis vagetur animus, nec quidquam habeat, quod sequatur; præcipiendum est ipsum jus non pluribus modis dici in summa, quam duobus. Aut enim ipso jure valet, quod jure solo, aut idem quod jure civili, non prætorio. Utraque significatio hinc accepta. Ipsum enim *ἐμφατικῶς* dicitur, ut excludatur ad vim ejus de quo queritur, aliud omne quod jus non sit: ut paulo post declarabitur pluribus. Eo igitur pertinet adjectio, vel ut significetur vere jure quid fieri, quia fiat jure solo, nulla re adhibita extrinsecus; vel ut significetur fieri eo jure, quod solum vere jus est; id est, civili distincto a prætorio: Ac ne in eo electio nos fallat, discernitur facile significatio ex adjuncto, cui ipsum jus opponitur. Interdum enim opponitur iis, quæ ut valeant, factum aliquod desiderant. Quod si recte sit, nempe hoc necesse est sic accipi, ut ipsum jus significet solum, et præter quod ad vim rei constitutæ nulla alia re aut externo facto sit opus. Valet intelligiturque hæc significatio in his formulis: ut, cum dicuntur exsistere sui heredes ipso jure, §. *sui, Inst. de her. quæ ab int.* constat enim id dictum ad discrimen extraneorum heredum, qui delata sibi hereditate non nisi volentes et animi destinatione heredes exsistunt, adeundo, aut pro herede gerendo. §. *sui, vers. necessarii*, et §. *item extraneus, Inst. de her. qual. et diff.* Hoc ergo significatur, quod explicatur in *d. §. sui, 2. D. de her. quæ ab int.* suos heredes fieri jure solo, id est, non ut cæteri non necessarii ullo facto suo adhibito, non additione sua, non denique cujusquam auctoritate aut interventu. Item cum dicitur æs alienum hereditarium dividi inter heredes pro portionibus hereditariis ipso jure. *L. pacto successorum, C. de pact. L. ea quæ, C.*

*C. fam. erc.* Constat et hoc relatum esse ad eam divisionem, quæ fieri solet in iudicio familiæ erciscundæ, et nomina hereditaria a cæteris rebus hereditariis in hac divisione distingui. Hoc ergo dicitur, etiam tum, cum si qui ad hereditatem vocabantur, heredes exstiterunt, res hereditarias cæteras indivisas manere: sed dividi postea aut voluntate heredum inter se, aut iudicio familiæ erciscundæ: *L. non ideo, L. coheredibus, C. fam. er. L. 1. D. eod.* at nomina hanc divisionem non desiderare: quia ipso jure, id est, jure solo sine hoc facto divisa sint: unde dicuntur nec in iudicium familiæ erciscundæ venire. *L. 2. §. ult. D. eod.* Ejusdem significationis est illud, cum dicitur actio perimi ipso jure, non per exceptionem, aut contra. *L. qui servum, §. 1. D. de ob. et act. L. lecta, illic, sed cum sortis, D. si cer. pet.* Id enim valet, actionem perimi jure solo statim, ut maxime nullum factum debitoris in ea liberatione opponenda intervenit: aliter atque in his, in quibus liberatur per exceptionem: cujus vis est ea, ut eam allegari, et in iudicium deduci ab initio oporteat: alioqui reo nihil prosit. *L. si quidem, L. præscriptionem, C. de exc.* Ejusdem rei et illud, cum dicitur quid valere non ipso jure, sed per fideicommissum. *L. quærebatur, illic, sed in proposito, D. de test. mi.* Nam et hic ipso jure declarat jure solo: id est ita, ut ad eum in quem voluntas testatoris confertur, res perveniat recta sine ullo facto et interventu heredis: cum si quid non valeat nisi per fideicommissum, in eo opus sit heredis additione, et restitutione fideicommissi. *§. sed si recusabat, Inst. de fid. her.* Eodem sensu dictum et illud, portionem legis Falcidiæ apud heredem ipso jure remanere, etsi res corporaliter in solidum translatae sint. *L. 1. §. si quis ex mortis, D. quod leg.* Hoc enim est, remanere eam apud heredem jure solo id efficiente sine cujusquam opera: est enim heredis, quanvis non sit ei tradita a legatariis, etsi ab herede non vindicata, aut corporaliter apprehensa. *L. lineam, D. ad leg. Fal.* Mutatur significatio, cum ipsum jus opponitur juri prætorio: tum enim ex specie adversante ipsum jus intelligitur civile, ut hoc loco: ubi hæc sententia est; ideo actionem de peculio ex contractu filiorum et servorum adversus patrem, dominumve comparatam a prætore; quia hi non teneantur eo nomine jure civili, et tamen æquum sit teneri peculio tenus. Quæ et significatio manifestior

est in his orationibus, cum legimus omnes actiones aut ipso jure competere, aut a prætore dari. *§. 1. infra de per. et temp. act.* Item, usumfructum et alias servitutes partim jure ipso constitui, et valere, partim tutio-  
ne prætoris. *L. si ususfructus, §. 1. D. usuf. quemadm. cav.* Id enim alibi sic explicatur, constitui aut jure civili, aut prætorio. *L. 1. in fin. D. de superf.* Neque vero magis dici possunt ista acquiri, seu constitui ipso jure, ut significetur jure solo sine cuiusquam facto; quam dicuntur res corporales ipso jure acquiri, cum ad eas acquirendas traditio et possessio requiritur: nam et ad usumfructum et alias servitutes acquirendas eadem velut traditio et possessio, id est, iisdem factis opus est. *L. 3. in pr. D. de usuf. L. ult. D. de ser. L. 1. in fin. D. de ser. rust. præ.* Ac cur ipsum dicatur solum, cum sententia postulat, minus dubium est. Nam ut significetur aliquid fieri jure, ac non solo, sufficiebat dicere jure fieri. Cum autem additur demonstrativum ipso, intentitur oratio, et hoc significatur videlicet, fieri illo ipso modo, non alio. Et vero scimus quæ vis esse soleat hujus demonstrativi, cum dicimus ipse fecit: est enim hæc, ut significetur ille ipse per se, non per alios. At cur his verbis, ipso jure, designetur veteribus jus civile, dubitari potest. Jus enim verbum est generis, quod non minus ad prætorium, quam ad civile pertinet: utrumque enim jus est: quin juris Romani species hæc duæ, civile, et prætorium. *L. jus autem, D. de just. et jur.* Cur igitur verbo generis designetur potius jus civile, quam prætorium: aut potius cur verbo generis utentes veteres ambiguitatem relinquunt, quam si speciem exprimerent, tollere potuerunt? Et sane verbo solo juris non recte uterentur, ut unam potius speciem significarent, quam alteram, cum ambæ etiam in specie ipsa exprimenda retineant nomen juris, distignanturque solum his adjectionibus, ut una dicatur jus civile, altera jus prætorium. Sed addita particula, ipso, designatur jam species juris, non genus. Recte enim Baro, ipsum inter cætera notare excellentiam: ut cum discipuli Pythagoræ dicebant, *ipse dixit*: ipse illis erat Pythagoras per excellentiam. Id ergo demonstrativum juri tributum ex hoc sensu facit, ut jus id quod excellat, intelligere debeamus. Id autem est jus civile. Quinimo id ipsum est, quod vere nomen et auctoritatem juris ob-  
tineat: nam prætorium non tam jus est, quam viva vox juris civilis: sic enim appel-  
la-

latur in *L. nam et ipsum*, *D. de just. et jur.* Viva vox, id est interpretatio quædam, et ἡ ἀνέκδοτος. Unde dicitur constitutum adju-

vandi, supplendi, corrigendi juris civilis gratia, *d. L. jus autem*, *D. de just. et jur.*

## Item si quis postulante.

### §. XI.

*Ex Jurejurando actio cui detur et qua ex causa. I.*

*Ex Jurejurando actio adversus quem. II.*

*Ex Jurejurando actio a prætore constituta, non jure civili; et cur utrumque. III.*

*Jusjurandum adversario deferente datum, nec*

*prætextu perjurii retractari: duas causas excipi. IV.*

*Ex Jurejurando actio, in factum dicitur, et utilis; ita ut his verbis significetur una eademque actio, non duæ. V.*

Item si quis postulante adversario juraverit, deberi sibi pecuniam, quam peteret, neque ei solvatur: justissime accomodat ei talem actionem, per quam non illud quæritur, an ei pecunia debeatur, sed an juraverit.

I. **T**ertia est actio prætorica in personam, eademque ex contractu, quæ hic ordine proponitur: comparata ex jurejurando ei, qui deferente adversario juravit, aut perinde habetur, quasi jurasset sibi quid deberi, aut suum esse. Quæ ut plane intelligatur, et una hic locus; natura ejus ex iis quæ propria sunt singularum in personam, distincte spectanda est: sunt autem hæc præcipue in hac actione: Quibus qua ex causa detur: Adversus quem: Quo jure constituta sit: Quam recte constituta: An semper detur et sine retractatione jurisjurandi: una sit, an plures, et quo nomine vocetur. Proposita est hæc actio duobus, et his totidem de causis. Primum ei, qui juraverit sibi deberi pecuniam, ut hic expressum est. Idem est, etsi juraverit, quid suum esse. *L. nam postea*, §. ult. *D. de jur.* Sed utrumque hac conditione, si juraverit postulante adversario, ut hic scribitur: quod in edicto dicitur, si quis conditione delata juraverit, ut proponitur in *L. 3. in prin. D. eod.* quod quamobrem adjectum sit, ratio ibidem reddita est. Deinde etiam proposita actio ei, cui remissum est jusjurandum: ut hic quidem perinde habeatur actor quasi jurasset. *d. L. nam postea*, in prin. *D. eod. L. 1. L. actori, C. de reb. cred.* Remissum jusjurandum dicitur, cum quis delatum suscepit, sed

cum paratus esset jurare, adversarius qui detulit, gratiam ei fecit jurisjurandi, sola voluntate jurisjurandi suscepti contentus. *L. remittit*, *D. de jurej.*

II. Adversus quem detur, ex genere actionis æstimandum est. Constat actionem in personam esse. §. *in personam*, *supra*. Proinde adversus eum qui detulit, cum quo res gesta est, qui idem conventionem se obligavit: et ut in eum, sic adversus eos, qui in locum ejus successerunt: cæterum adversus alium si velit jurejurando ut is qui juravit, nihil ei proderit; etiam si juraverit rem aliquam suam esse: hæc in *d. L. nam postea*, §. ult. *D. eod.* et sunt omnia propria actionis in personam; quæ nunquam adversus possessorem ut possessorem datur; sed solum adversus eum, qui nobis obligatus est. *L. actionum*, *D. de obl. et act.* Ex contractu autem et conventionem obligatur is solus suo nomine, qui cum contractum aut quid actum est. §. 1. *supra eod.*

III. Est autem actio prodita jure prætorio, non civili, ut hic declaratur, et §. *in personam*, *supra eod.* Quæ res introducit hanc quæstionem, cur non detur jure civili; et cum illo non detur, cur potius detur jure prætorio. Et ita est jus civile, ut nulli detur actio, nisi ei, cui quid debetur, ut indicat definitio actionis, tradita supra in principio hu-



hujus tituli. Nec satis est in iudicio dicere sibi quid deberi, nisi qui dicit, probet: et hic ordo iudiciorum est, ut reus actore non probante absolvatur. *L. 2. D. de prob. L. qui accusare, C. de ed.* Non probat autem deberi sibi, qui sibi deberi jurat: fieri enim potest, ut pejeret. Hæc ratio dum in universum jure civili retinetur, inde factum est, ut eo jure in hanc causam actio non sit constituta. Cur ergo prætor hic constituit? quia nihilominus justum fuit constitui, et ut hic loquitur Justinianus, justissimum. Qui justum, cum pugnet cum superiore ratione? Quia ad religionem jurisjurandi accedit deferentis conventio et consensus; dum is hoc dicere videtur, si actor juraverit, se paratum jurisjurando stare, id est præstare quod petitur. Unde dicitur jusjurandum proficisci ex conventionem. *L. qui jurasse, §. ult. D. de jurej.* Ex hac conventionem suscepto jurejurando, si etiam jurat actor, non est nuda conventio, sed fecit actor, ut sibi vicissim fieret, quod petit: vel ex regulis juris civilis ejusmodi pactio servanda est. *L. legem, C. de pact.* Atqui si in jurejurando inest hæc conventio, fuit utique et ante quam hæc actio a prætore constitueretur. Cur non igitur ex ea et jure civili putemus fuisse jam olim actionem? quia non est expressa conventio, neque omnibus cognita. Hanc autem inesse prætor est interpretatus et religionis tuendæ causa, et quo a litibus facilius discederetur: atque hanc interpretationem secutus adversus deferentem actionem dedit. Hinc illa; jusjurandum servari propter religionem et conventionem. *L. sed etsi servus, D. de jur.* item jurejurando transigi negotium inter litigatores. *L. admonendi, in fi. D. eod.* item, jusjurandum speciem transactionis continere. *L. 2. D. eod.* Speciem accipe, non speciem transactioni et generi subjectam; sed similitudinem seu instar transactionis. Accedit ad hanc conventionem utilitas publica, dum id agitur jurejurando servando, ut sit aliquis litium finis. *L. ult. D. pro suo.* Ergo hæc actio constituta est ei qui juraverit sibi quid deberi, aut suum esse, adversus eum qui jusjurandum detulit: et jure optimo constituta.

IV. Sed an data sine exceptione? quid enim, si dicat adversarius jurantem pejerasse? Et de hac re generaliter ita definitur in *L. 1. C. de reb. cre. causam jurejurando delato et præstito, vel remisso decisam, nec perjurii prætextu retractari posse: idem in L. quod si deferente, D. de dol.* Idque est, quod hic dicitur, in hac actione non illud

Tom. VI.

quæri, an actori pecunia debeatur, sed an juraverit: ut intelligamus illo probante se jurasse, reum omnimodo esse damnandum. Idem in *L. 5. §. dato, D. de jur. L. post rem, D. de re jud.* Sed hoc non est perpetuum. Jusjurandum ob perjurium duabus de causis accedentibus retractari posse placuit: alias propter causam de qua juratur; alias propter conventionem jurisjurandi delati. Propter causam una in specie receptum est: legati scilicet aut fideicommissi, quod nondum cognitis verbis testamenti juravit legatarius sibi deberi quanvis herede postulante: effectum hoc lege Justiniani. *L. ult. C. de reb. cred.* favore supremarum voluntatum, ut videtur: quas publice interesse existimatur conservari. *L. vel negare, D. quem test. ap. L. 1. C. de sac. ecc.* Propter conventionem idem probatum, cum iusiurandum delatum est specialiter hac lege et conventionem, ut si probaretur adversarium pejerasse, liceret jusjurandum retractare. Hanc exceptionem esse interpretor, quæ in *L. 1. C. de reb. cred.* in extremo expressa est his verbis, *nisi specialiter hoc lege excipitur*: lege, id est lege et conventionem delati iusiurandi: ut sit eo loco lex, pactio et conventio in deferendo iurejurando interposita: quomodo legis verbum a veteribus in usu iuris passim usurpari solere notius est, quam ut in eo probando laborare oporteat: ut *L. in lege, L. fistulas, L. fundi, D. de cont. empt. L. legem, C. de pact. tit. C. de pac. int. em. et tribus seqq.* Legis autem verbo cavendum, ne illic cum interpretibus constitutionem intelligamus: nam nec præteritam constitutionem excipere potuit Antoninus, cum nulla esset; et multo minus futuram, quæ an ulla esset futura, divinare non potuit. Et ut esset futura; tamen stultissimum esset de eo monere, cum omnes scirent per posteriores leges prioribus derogari posse: quæcunque autem futura esset lex posterior, nihil ad jus et consultationem præsentem consultoris pertineret. Teneamus igitur legem illic accipi debere conventionem jurisjurandi delati. Quæ interposita, ne miremur jusjurandum retractari posse ob perjurium: semper enim æquum erit, inter litigatores conventionem servari. *L. 1. D. de pac.* idque efficitur edicto generali de pactis. *L. juris gentium, §. ait, D. de pac.* Non aliis de causis causam jurejurando adversario deferente decisam retractari posse legimus. Nam quod dicitur in *L. admonendi, D. de jur.* causam iurejurando a iudice ob inopiam probationum exacto decisam ex integro agi posse: huc non pertinet, ubi

ubi de eo, qui postulante adversario iuravit, agitur. Et diserte distinguuntur hæc genera in *d. L. admonendi*.

V. Actio ex iureiurando appellatur in factum in *L. actori, C. de reb. cred.* Est etiam, ubi nominetur utilis, ut in *L. si duo, §. Marcellus, L. sed etsi possessori, §. ult. D. de jur.* Cavendum tamen, ne cum vulgo ideo has duas actiones diversas esse exi-

stimemus. Utramque eandem esse sciri potest ex *d. L. sed etsi*. Ubi quæ in primo responso, vers. *proinde*, dicitur in factum: in simili vel potius in eadem specie dicitur utilis in *§. ult.* Sed de eo, ut et de vi superiore iurisjurandi, itemque de reliquis partibus ad iusjurandum pertinentibus scripsi accuratius in commentario de iurejurando.

## Pœnales quoque.

### §. XII.

*Triplex dumtaxat pœnalis actio prætoria hic a Justiniano descripta, et quare non omnis de unaquaque obiter. I. II. IV. V.*

*Pœna illius qui parentem vel patronum in jus vocasset, non impetrata venia, ex quo more aut instituto derivata. III.*

Pœnales quoque actiones prætor multas ex sua jurisdictione introduxit: veluti adversus eum, qui quid ex albo ejus corrupisset: et in eum, qui patronum vel parentem in jus vocasset, cum id non impetrasset: item adversus eum, qui vi exemerit eum, qui in jus vocaretur, cujusve dolo alius exemerit, et alias innumerabiles.

I. **Q**uod pœnales nominant eas, quæ sequuntur; innuit eas, quarum supra fecit mentionem, esse rei persecutorias: significans utriusque generis actiones in personam esse a prætore constitutas. Quid autem contineatur his appellationibus, exponit in *§. sequens illa, infra. Adversus eum qui quid ex albo ejus corrupisset*. De hac actione, et ea parte edicti est in *L. si quis id quod, D. de juris*.

II. *Et in eum qui patronum vel parentem in jus vocasset*. Hæc actio proposita est edicto prætoris ea parte, quæ est de in jus vocando. Proposita autem non simpliciter in eum, qui istas personas in jus vocasset; sed qui vocasset sine permissu prætoris. *L. 4. D. de in jus voc.* Venia autem petita impune vocare licuit. *L. pen. L. ult. C. cod.* Quibus, adversus quos, quam ob rem sit proposita, partim comprehensum est edicto quod exstat in *d. L. 4. de in jus voc.* partim diligentius explicatur ibidem, et subjectis aliquot capitibus. Actio pœnam continet. Est autem pœna edicto constituta quinquaginta aureorum. *L. pen. D. cod.*

III. Sed hic subsisti potest. Cur enim hic

pœna adversus vocationem in jus, quæ legitimo jure instituitur? Movet, quod non est pœna, nisi ubi præcessit delictum: pœna enim nihil aliud est, nisi delicti coercitio. *L. aliud est fraus, D. de verb. signif.* Quod potest autem delictum esse in eo, quod libertus patronum in jus vocat: quod filius patrem, ambo iuris persequendi causa? nam quod potest esse delictum in iuris sui persecutione? iure licet cuivis agere, et persequi iudicio, quod sibi debetur: est enim actio id ius persequendi. Et hoc si iure, licet et eum cum quo acturus sis, in ius vocare: quoniam huius persecutionis et actionis initium fit ab in ius vocando, *§. ult. infra, de pœ. tem. lit.* Porro quod iure fit, pœnam non meretur. *L. Gracchus, C. de adul.* Non abs re igitur videri potest, nullam hic pœnam esse debuisse: quamobrem et constitutæ ratio merito quæritur. Et referri hæc debet ad morem veterem iudiciorum Romanorum, quo tempore hoc edictum propositum est. Ut is mos fuit, habuit in ius vocatio nonnihil ignominie. Sciendum est enim, quod a viris doctis recte observatum est, in primis a Duareno lib.

1. *Disput. c. 1.* sic jus fuisse olim in jus vocationis, ut qui vocabantur, inviti cogebantur ire; alioqui etiam invitos liceret ducere, ut patet ex *L. plerique, L. neque, D. de in jus voc. ex tit. in jus voc. ut eant*: item ex eo, quod constituta esset actio in eos, qui in jus vocatum vi exemissent, *tit. Ne quis eum qui in jus voc. est, vi. exim.* Non eximitur, nisi qui aufertur alteri; nec aufertur alteri, nisi qui ab eo tenebatur, aut ducebatur. *L. 4. D. ne quis eum qui in jus voc. est.* Nec evitabat quisquam hanc ductionem, nisi satis aut cautum pro personæ qualitate daret se iudicio constituto die stitutum. *d. tit. in jus voc. ut eant.* Publice quæquam ita duci ignominiosum: certe quod vehementer lædat verecundiam ejus, qui ducitur. Satisdare autem aut cavere etsi per se non est turpe: tamen ut illam ductionem evites, id cogi facere, vim adjunctam et minas habere videtur. Sed etsi aut invitum ducere, aut hujus ductionis vitandæ causa satisfactionem exigere inter alios cives delicto caruit, quia erat permissum: tamen nemo non videt his rebus offendi reverentiam parenti et patrono debitam, si quis hæc adversus istos instituat. Hinc delictum, si quis hos in jus vocaret; unde et pœna. Et tamen quia propter metum hujus reverentiæ non debuit exigi a liberto, aut filio, ne jus suum ab his non persequerentur, si illi injuriam facerent, aut non præstarent quod debent: res ita temperata est a prætore, ut vetaret eos in jus vocari sine permissu suo: venia autem petita concederet: cum ipsa veniæ petitio reverentiæ debitæ significationem haberet.

IV. *Item adversus eum, qui vi exemerit.* Quale sit hoc genus actionis, et quam ori-

ginem habeat, ex his, quæ modo diximus, intelligitur. Est igitur actio ei qui reum in jus vocatum ducebat, constituta adversus eum, qui vocatum vi exemisset. *L. 1. et tot. tit. D. ne quis eum qui in jus voc. est.* Constituta autem actori in id, quanti ea res erit ab actore æstimata, de qua controversia est, ut sunt verba in *L. pen. in pr. D. ne quis eum.* id est, constituta in id quod actor sibi deberi dicet: cujus fidem faciat hoc ipso, quod affirmabit tantum sibi deberi; ommissa quæstione, an sit calumniator, necne, ut est in *d. L. pen.* id est, an ei vere debeatur, necne: in quo cernitur actionis pœna: cum alioqui jure publico nulli dicenti nisi probanti fides habeatur in iudicio. *L. 2. D. de prob.* Unde et actore non probante placet reum obtinere. *L. qui accusare, C. de eden.*

V. *Et alias innumerabiles.* Cur omnes actiones prætorias pœnales non recenseat, rationem reddit, quia sint innumerabiles. Et vero recensere, ut est ejus institutum, non est necesse. Proponit enim in *§. sed istæ, supra,* actiones tam in rem quam in personam non tantum jure civili constitutas esse, sed esse et alias in utroque genere ex jurisdictione prætoris, id est, edicto comparatas: satisfecit instituto et propositioni superiori, si exemplis doceat tam in actionibus in rem, quam in personam rem ita se habere. Quod et fecit: ita tamen, ut ubi causæ et species earum actionum facile comprehendendi possent, illic aut omnes, aut maxime necessarias sit complexus, ut supra: ubi autem fuerunt innumeræ, eas omiserit, contentus ex innumeris paucas proponere, ne exempla deessent ad probandum, quod proposuerat: ut hic factum videmus.

Præ-



## Præjudiciales.

## §. XIII.

*Scopus hujus §. et summa. I.*

*Præjudiciales actiones quæ, et quæ earum species. II. III. IV. et seqq.*

*De partu agnoscendo actio. V.*

*Præjudicium inter patrem et filium quid, et qua de re. VI.*

*Præjudicium quid. VII.*

*Præjudicialium actionum proprium quid, et cur ita vocentur. VIII.*

*Præjudicii aliis caussis faciendi caussa instituuntur actiones præjudiciales. IX.*

*Præjudicii definitio apud Theophilum recta. X.*

*Præjudiciales actiones de eadem quæstione præjudicium adferunt non tantum inter easdem personas, sed etiam inter omnes. XI.*

*Præjudiciales cur dicantur videri esse in rem XII.*

*Præjudiciales actiones quæ dicantur habere causam legitimam, quæ a jurisdictione prætoris. XIII.*

Præjudiciales actiones in rem esse videntur: quales sunt per quas quæritur, an aliquis liber, an libertus sit, vel de partu agnoscendo. Ex quibus fere una illa legitimam causam habet, per quam quæritur, an aliquis liber sit: cætera ex ipsius prætoris jurisdictione substantiam capiunt.

I. **D**Uobus generibus actionum constitutis, uno in rem, altero in personam, et eorum caussis quantum instituto convenire visum est, expositis, occurrit tacitæ objectioni, quæ efficere videbatur deesse aliquid superiori divisioni, eoque et vitiosam esse divisionem. Nata dubitatio ex actionibus præjudicialibus: quas quidem actiones esse constat: certe ita nominari apparet: videri tamen possunt neque in personam esse, neque in rem. Non sunt in personam: non enim sunt adversus eum, qui sit nobis obligatus, quod est proprium actionum in personam. §. 1. *supra L. actionem, D. de obt. et act.* Non videntur esse in rem: quia cum actione in rem id agatur, ut res ad jus nostrum pertinens, quæ ab alio possidetur, nobis restituatur, nulla ejusmodi restitutio fit in actionibus præjudicialibus. Vitiosa igitur divisio, cui hoc genus desit. Adversus hanc seu objectionem, seu dubitationem tacite superiores divisionem confirmat, docens etiam præjudiciales actiones de quibus dubitari scimus ad eam divisionem pertinere, non novam speciem constituere superioribus generibus non subjectam: ne quis forte hoc saltem genus hic requirat: videri enim actiones in rem esse. De quibus si distincte dixerò,

quæ sint; quæque earum species; Quid sit earum proprium, unde et nomen: Cur dicantur in rem; Cur aliæ civilem causam habere, aliæ a prætoris jurisdictione profici: de sententia hujus loci, et harum actionum natura dixerò.

II. Præjudiciales actiones, si de re quæritur, non de verbo, et generaliter dicendum est, sunt actiones de statu vindicando asserendoque, sive hunc in alio certum esse dicimus juris alicujus nostri ab eo obtinendi causa; sive is contra contrarium statum sibi ab eo jure liberum defendat, eumque vindicet. Id ita esse, atque adeo quale sit, species hujus generis cognitæ planum facient. Earum tres species numerat hoc loco Justinianus.

III. Una est, *in qua quæritur*, inquit, *an aliquis liber sit*: adde, quod tribus verbis interjectis sequitur, an servus. Est enim ea actio, qua inter duos agitur de unius libertate simul et servitute: cui scilicet locus est inter duos, quorum unus eum cum quo agit, servum suum esse dicit; alter contra se liberum contendit, ut necesse sit in ea controversia quæri, utrum is, qui servus dicitur, liber sit, ut ipse se dicit, an servus, ut ab adversario objicitur. Nec interest ad actionem

nem præjudicalem hujus generis, a quo actio et intentio nascatur: utrum ab eo qui se dominam dicens ad iudicium provocat, et cum quem servum dicit, in servitutem petit: an vero ab eo qui servus dicitur, dum is adversus eum qui libertatis controversiam facit, ultro in libertatem<sup>1</sup> proclamat, id est, se liberum esse intendit, et quodammodo se in libertatem vindicat. *L. liberis, §. ult. L. quod autem, D. de lib. cau.* Inde hæc causa dicitur etiam causa liberalis, et liberale iudicium, utpote in qua de libertate agitur *d. 2. L. quod autem, L. ordinata, D. eod.*

IV. Altera species est, in qua queritur, inquit, an quis sit libertus: quod rursum sic accipi debet, utrum libertus quis sit, an ingenuus. Ea est enim, qua inter eos agitur, quorum unus alterum libertum suum esse dicit; id est, a se iusta servitute manumissum, seque ei patronum esse. *Inst. de liber. in princ. L. adoptivum, §. patronum, D. de in jus voc. alter autem se eius libertum, id est se ab eo manumissum negat: sed se aut ingenuum place esse, aut ab eo cum quo agitur, ingenuum esse contendit.* Unde quæstio huius iudicii propria, an is, qui libertus dicitur, sit libertus, an ingenuus. Neque hic refert, uti nec in priore specie, uter de iure suo adversus alterum ad iudicium provocet: sed alterutro agente præiudicium seu præjudicialis actio redditur: in qua eadem quæstio versatur. *L. circa, L. quoties, D. de prob. L. ult. D. si libert. ing. esse dic.*

V. Tertia species est, quæ hic dicitur de partu agnoscendo. Cui tunc locus est, cum maritus soluto matrimonio partum ab uxore editum suum esse negat; sive quod neget eam uxorem suam fuisse, sive quod ex se prægnantem. *L. 1. §. dies, in fin. D. de agnosc. lib. mulier contra legitimum partum esse et ex marito editum contendit.* Agit ergo Mulier in hac controversia adversus maritum intendens se et uxorem ejus, et ex eo prægnantem fuisse: petit, ut ita esse pronuntietur, quo et maritus partum pro suo agnoscat, agnitum pro iusto filio habere, atque alere cogatur. *d. L. 1. §. pen. §. ult. de agnosc. lib.* Hæc actio mulieri non est

necessaria, cum et sine iudicio maritus partum agnoscere, et pro suo alere cogitur. Quod tunc placuit, cum denuntiatione legitima præcedente, qua nuntietur mulier prægnans esse, nec maritus, nec quisquam nomine mariti respondet ex eo non esse prægnantem. *d. L. 1. §. denuntiare, vers. pænna, §. pen. eod.* Denuntiatio autem iusta in hac re talis describitur in *d. L. 1. §. 1.* permittitur mulieri, parentive, in cuius potestate est, vel ei, cui mandatum ab eis est, si putet prægnantem, denuntiare intra dies triginta post divortium connumerandos, ipsi marito vel parenti in cuius potestate est, aut domum denuntiare, si nullius eorum copiam habeat: hoc autem denuntiat mulierem esse ex eo prægnantem; ibidem in *§. denuntiare.* Tunc ergo mulieri necessaria est hæc actio ad agnitionem partus, cum aut non denuntiavit se esse prægnantem, vel ii nomine eius, quos supra diximus: aut ipsa denuntiante maritus negavit ex se prægnantem esse. *d. L. 1. §. ult.* Competit hæc actio soluto matrimonio adversus maritum, qui ita, ut dixi, partus controversiam facit. Competit et adversus avum, si post mortem mariti eiusdemque patris partus edatur avo superstite, in cuius potestatem recasurus sit partus, si ex filio eius natus probetur: avus autem partum similiter non agnoscat. *L. 3. §. 1. D. eo.* Actio de partu est, non tantum si post divortium edatur, sed etsi iam ante constante matrimonio sit editus, et de eo agnoscendo agatur. Sed nec tantum de eo, qui edatur post divortium, sed etiam de eo qui edatur post mortem mariti, atque ita matrimonio morte mariti soluto. *d. L. 3. §. 1.* Hæc actio de partu non item vice versa marito adversus uxorem competit, ut neget eam ex se fuisse prægnantem, ne postea partum agnoscere cogatur. Ideo dicitur actio de partu agnoscendo, ut declaretur ea agi adversus aliquem, quo is partum agnoscere cogatur. At hoc sola petit uxor a marito qui prius partus facit controversiam: nunquam maritus ab uxore, cum illud contendat potius, ne partum agnoscat. Et vero ad eam rem actio de partu illi sit inutilis. Nam si mulier nihil denuntiavit, aut ea denuntiante respondit maritus non esse ex se prægnantem.

<sup>1</sup> ) Et proclamare simpliciter ac concise dicti qui ad libertatem *L. 4. C. ubi ca. stat. agi* Seneca 2. *Controv.* 2. P. Fab. 2. *Semestr.* 16. pag. 156. ac seq.

<sup>2</sup> ) Etiam aliis auctoribus Terent. *Adelph.* 2. Sc. 1. Plut. *Penulo* 4. Sc. 2. non a liberalitate, ut quidam insulse, sed libertate, sicuti et artes liberales, Merc. 2. *Opin.* 21. Joan.

a Wover. *de Polymathiac.* 3. Unde et liberalitas dicitur quasi libero digna sicuti et Græce *ἐλευθεριον* 4. *Eth. Nicom.* 1. Tho. Sagittar. *Exerc. Ethic. Exoter.* 13. *Thesi* 4. lit. B. Plane Ravat. 1. *de Præjud.* 12. Liberales causas a præjudicialibus actionibus differre contendit. Sed in his immorari non libet.



gautein, etiam sine iudicio non cogitur partum agnoscere: ut ad id obtinendum quod habet, actio sit inepta. *d. L. 1. §. Julianus*, vers. *idem per contrarium*, §. *ult. illic, plane*, *D. eod.* Contra si muliere denuntiante non negavit ex se prægnantem, sic partum alere cogitur, ut non possit id detrectare. *ead. L. 1. §. denuntiare*, vers. *pænæ*. Sane non ideo partus illi filius et suus heres efficitur. *ead. L. 1. §. idem Julianus*. Quæ res facit, ut possit et ea de re iudicio experiri, de quo mox: sed de eo an quis sit filius noster necne, cum ipso filio agitur, non cum uxore, quæ dum non cogatur partum alere, de conditione filii iudicium accipere necesse non habet.

VI. Huic finitima est quarta species, qua inter patrem et filium agitur, in qua et ipsa quæritur, an quis sit filius et in potestate Lucii Titii, necne: quod quidem cum superiore specie commune est. Nam et illa quæstio, an partus sit ex Lucio Titio editus, non aliud continet, quam hoc, an is partus sit filius et in potestate Lucii Titii. Unde et sententia pro partu cum filium, et suum heredem facere dicitur. *d. L. 1. in fi. de ag. lib.* Sed tamen hæc posterior longe diversa est ab illa priore de partu agnoscendo. Hac enim posteriore non inter uxorem et maritum agitur in controversia de conceptione partus: sed inter patrem et filium ipsum: sic nunc voco eum, qui pater, et qui filius dicitur. Illa de partu soli matri datur adversus maritum, non marito adversus matrem: hæc posterior et patri maxime adversus filium, et vicissim filio adversum patrem. Actio de partu datur matri solum affirmanti partum justum esse, et filium mariti, non neganti. Hæc posterior quam dico, sic patri datur adversus filium, ut detur et affirmanti filium suum esse eum cum quo agitur, et contra neganti. Similiter et filio datur in utramque partem, id est, sive filium se esse intendat Lucii Titii, petatque, ut agnoscatur a patre, sive se filium ejus esse neget. Sed et in hac posteriore specie non quæritur, an quis sit filius ex causa justi partus: sed ex quavis causa, qua quis jure civili justus filius efficitur. In summa sciamus ei qui pater dicitur competere actionem præjudicialem adversus eum qui dicitur filius, non tantum qua intendat se patrem esse et illum filium, qui se filium negat: sed et contra qua neget eum filium suum esse, qui se filium esse contendit. Et vice versa filio adversus patrem ultro eandem actionem dari in alterutram partem de jure filii affirmanti. In quibus

omnibus una hæc quæstio versatur, an quis sit filius, necne. Pater si filium petat, qui se filium ejus esse neget; præjudicio agit cum filio, ut is filius suus pronuntietur. Hoc præjudicium intelligit Ulpianus in *L. 1. §. 1. D. de rei vind.* in his verbis: *petuntur liberi nostri, qui sunt in potestate, aut præjudiciis, aut interdictis, aut cognitione prætoria*. Id autem ita fit: aut enim liberi nostri detinentur ab aliis, aut ipsi nobis faciunt sui controversiam. Adversus alios agitur interdicto, de liberis exhibendis ducendisve. Ipsi si sui controversiam faciunt, et se liberos fatentur, sed se esse in potestate negant, transigitur hæc res cognitione prætoria, quæ duo ita traduntur in *L. 3. §. 1. D. de lib. exh.* Unde relinquitur tertium, ut si plane se filios negent, præjudicio locus sit, quo a nobis petuntur. Sed et neganti aliquem suum filium esse aliquando actione opus est, ut declaretur id ita esse: ut cum partus ex uxore editus est, et cum illa denuntiasset tempestive se esse prægnantem, maritus non negavit. Hic enim in re dubia partus pro filio habetur, et pro tali alendus est. Sic tamen ut placeat non ideo hunc filium ejus, et suum heredem affici, et huic veritati locum superfore, ut cum id constiterit, non amplius eum alere cogatur. *L. 1. §. Julianus*, §. *idem Julianus, de agnosc. lib.* Quomodo ergo consequetur pater, ut talis hic declaretur? nempe iudicio, quo de ea re agatur adversus eum, qui filius dicitur. Non dubium ergo, quin et neganti detur actio in eam rem: ac quæ datur, ipsa itidem præjudicialis: utpote quæ habeat omnia, quæ præjudicii propria esse dicimus, de quibus paulo post. Hæc eadem actio vice mutua ei qui filius dicitur, ultro agendi dabitur, sive se filium Lucii Titii esse intendat, sive neget. Si quis pro filio non agnoscitur, qui se filium dicit, huic præjudicialis actio est adversus patrem, qua petit, ut talis pronuntietur, et pro tali agnoscatur. Datur hæc actio matri pro filio. *L. 3. §. 1. D. de agnosc. lib.* multo magis ipsi filio competere quis dixerit. Et converso si quis pro filio habitus neget se filium, eodem modo illi actio in eam rem danda est, quo datur ei qui neget se esse ejus patrem, ne ea quæ sunt filii, præstare cogatur. Sic datur præjudicialis actio ei, qui se servum neget, ne præstare cogatur, quæ sunt servi. Sic et qui se libertum negat, et ingenuum esse dicit, ne præstet, quæ sunt liberti. Cur non detur etiam ei, qui se filium alicuius esse negat, ne præstet, quæ sunt filii, ra-

ratio reddi non potest. Quæ si ita recte distinguuntur, fiunt quatuor species, quas harum actionum recte numeremus. Melius tamen fortasse et aptius hæc ita distinguantur, ut actionum præjudicialium statuatur genera hæc tria. Unum de libertate, in quo quaeritur, utrum quis liber sit, an servus. Alterum de ingenuitate, in quo quaeritur, liber quis sit, an ingenuus. Tertium de familiaræ potestate, in quo quaeritur, utrum quis sit filius, an non sit. Hujus autem generis species duæ. Una, qua agitur inter uxorem et maritum de partu mulieris agnoscendo pro legitimo partu, et eo qui sit filius. Altera, qua agitur inter duos, quorum unus se patrem dicit, alter negat: aut contra unus se patrem negat, alter eum esse contendit.

VII. Dicuntur hæ actiones præjudiciales: item et uno verbo præjudicia. *L. quoties, D. de prob. L. ult. D. si lib. ing. esse dic. L. 3. §. 1. D. de ag. lib. 1. §. 1. D. de rei vind. L. actionis, D. de obl. et act.* Cur ita vocantur, videndum est. Nomen quidem ex re ductum, quæ sit harum actionum propria. Sed quæ sit ea res, unde nomen, aut non intelligitur ab omnibus, aut non est explicatum ita expeditum. Præjudicium<sup>3</sup> est iudicium præcedens de re aliqua, ad sequentem aliquam causam ita pertinens, ut priore illo iudicio de hac quoque sequente iudicium ante factum intelligatur. Sic enim fit, ut prius illud iudicium in sua causa de qua actum et iudicatum est, dicatur absolute iudicium: in sequente autem ad quam etiam pertinet, dicatur præjudicium; quia ad hanc relatam sit iudicium præcedens; et tamen nihilominus in hac ipsa iudicium, quia et huic causæ iudicium et finem adferat, quasi et de ea simul iudicatum sit.

VIII. Quid ergo, an actiones de statu superiores ideo dicuntur præjudiciales, quia aliis causis sequentibus præjudicium adferunt? Sed hoc commune est cum aliis multis actionibus, quæ tamen non dicuntur præjudiciales. Si ex causa de inofficioso inter filium et heredem scriptum cognoverit iudex, et pronuntiaverit contra testamentum, nec fuerit provocatum; sententia non solum jus facit de hereditate inter litigatores, ut sit suus heres, secundum quem iudicatum est; sed

Tom. VI.

et legatis et libertatibus præjudicium adfert, ut quasi de his quoque iudicatum sit, nihil eorum debeatur. *L. Papinianus, §. ult. D. de inoff. test.* Nemo tamen actionem de inofficioso testamento præjudicialem esse dicit. Item si debitor sciente creditore egerit de proprietate pignoris, et victus sit, ea res creditori quandoque de eadem re agenti præjudicium facit. *L. sæpe, vers. scientibus, D. de re jud.* Neque tamen vindictio debitoris dicitur actio præjudicialis. An potius dicuntur præjudiciales, quod alia quæstione iustituta ea quæstio sustinenda est, donec de his actionibus iudicium fiat: ut sint præjudiciales, quia<sup>4</sup> earum iudicium præcedere debeat? Sed et hoc commune cum omni causa maiore; cuius hæc conditio est, ut si de ea agi cœperit, ac deinde minor instituatur, a qua præiudicium maiori metuatur, semper sustineatur minor, et prius de maiore iudicium fieri oporteat. *L. per minorem, D. de jud. L. fundum, L. fundi, L. rei, D. exc. L. 5. in fin. D. de her. pet.* Non ideo tamen actio de re maiore inter actiones præjudiciales numeratur. Aliud igitur esse oportet, quod sit harum actionum proprium, unde et præter cæteras dicantur præjudiciales. Et res ita habet. Præjudiciales sunt superiores actiones de statu, non tantum quia aliis rebus præiudicium aliquando adferunt, sed quia huius ipsius præiudicii aliis rebus faciendi causa instituuntur; et ut instituuntur, ita his præiudicium sine exceptione adferunt, id est, non tantum inter easdem personas, sed etiam inter alias omnes, inter quas de eodem statu postea quæstio incidit: quorum utrumque in has solum actiones cadit: ut proinde finis præiudicii, et præiudicii potestas in his actionibus duæ sint notæ certæ, quæ distinguantur a cæteris, unde et merito nomen proprium obtineant.

IX. Duæ ergo res sunt, ut de his distincte dicatur, et distinctæ demonstrentur facilius, quæ actiones istas vere et proprie præjudiciales faciunt: finis præiudicii propositus, et præiudicii potestas iisdem attributa. Finis harum actionum hic proprius, quod cum sint de statu, non tamen propter statum solum instituuntur, alioqui inutiles futuræ: sed propter ea commoda aut in-

45

com.

<sup>3</sup>) Vide auctores citatos *Lib. 22. Civil. Commentarior. C. 8. N. 18.*

<sup>4</sup>) Quomodo vult *Rav. 1. de Præjudic. 12.* non inde dici quod in iis magnum præiudicium veritatur, nec quod aliis causis præiudicent, nec quod per illas impediatur, ne præiudicium feratur, sed quod prius, quam causæ ad quas perti-

nent, per datum iudicem expendantur. Sic esse in manuscripto libri vetustissimi *de verbis juris*: Præjudiciales dicuntur, quæ in modum exceptionis opponuntur, et ante primam quæstionem de necessitate terminantur. Quæ credibile est, ait *Ravardus*, ex Jurisconsultorum aliquibus reliquis esse.

commoda, quæ ex statu nascuntur: ut scilicet eaussis controversiisque omnibus de eo genere quandoque incidentibus, iam nunc in hoc iudicio præiudicium adferant; id est, ut pro eo, ac de statu iudicatum erit, ita commoda et incommoda ei statui adiuncta sequantur, quasi eadem opera et de his iudicium factum esset. Quod ut intelligatur, sciendum est multa esse, quæ statu constituto, de quo superioribus actionibus agitur, per causam eius status præstari aut non præstari oporteat. In servitutem petitur aliquis. Servitutis hæc sunt incommoda præter alia multa. Præstabit servus domino operas velit nolit, et eas quascunque dominus imperabit: alioqui coercendi ius est. Bona præterea omnia, et quidquid per servum acquiritur, in domini potestate, iure ei quæsitæ. §. 1. *Inst. de his qui sunt sui vel al. jur.* Agitur cum aliquo tanquam cum liberto. Liberti hæc onera sunt. Honorem et reverentiam patrono debet: ex quo illa, ne quam actionem famosam adversus patronum instituat, aut adeo quæ doli vel fraudis habeat mentionem. L. 2. *L. parens, L. licet, D. de obs. a par.* ne patronum in ius vocet sine venia prætoris. L. 4. *D. de in jus voc.* Debet et libertus patrono operas, quæ pro beneficio manumissionis erunt impositæ. *L. operis, D. de op. lib. L. si non sortem, §. libertus, D. de cond. ind.* Successio præterea libertorum patrono edictis prætorum delata est. *Inst. de bo. lib.* Agitur de eo, an quis sit filius, necne. Patris hæc iura sunt: honorem et reverentiam patri filius debet. *d. L. 2. parens, D. de obs.* Si quid filio qui in potestate est, obvenit a patre, id patri acquiritur: si aliunde, ususfructus est patris. §. 1. *Inst. per quas pers. no. acq.* Sed patrem et filius alere debet. *L. si quis a liberis, D. de ag. lib.* Vicissim hæc filii sunt commoda. In primis filium alere debet pater. *d. L. si quis a, in princ. et §. si vel parens, L. ult. §. ipsum autem, C. de bon. quæ. lib.* Jus item agnationis patri et filio cum invicem, tum cum aliis, qui eiusdem sanguinis sunt, constitutum, ex quo et hereditatum inter ipsos perceptio. Hoc ergo dicimus quæcunque actiones præiudiciales vel de servitute, vel de libertinitate, vel de familia, si per se spectantur, esse agenti inutiles, etiamsi maxime secundum actorem pronuntietur, et consequatur is de statu, quod petit. Nam qui aliquem servum suum esse intendit, libertum suum, aut filium, is nihil aliud petit, quam ut is cum quo agit, talis pronuntietur: nec aliæ sunt partes iudicis, quam ut

talem pronuntiet. *L. Divi, §. 1. D. de lib. cau. L. circa, D. de prob. L. 1. §. ult. D. de agnosc. lib.* Esto, iudex talem esse pronuntiet: quid inde consequitur actor, si hic consistitur? nihil amplius, quam ante. Quod non idem fit in aliis actionibus: in quibus ita agitur, ut petamus aliquid nobis dari, fieri, restitui: quod et ipsum sententia iudicis consequimur, adversario in unum aliquod ex his, prout petatum est, condemnato. Nulla istarum rerum petitio est in actione præiudiciali: ac propterea nulla etiam eiusmodi condemnatio iudicis.

X. Et hoc est, quod Theophilus præiudicialem actionem esse definit hoc loco, formulam intentione sola constantem, quæ condemnationem non habeat. Recte Theophilus: necesse est enim, ubi non petatur ab adversario, ut aliquid præstet, ibi nullam esse adversarii condemnationem: quoniam sententia iudicis non debet excedere id, quod in iudicium deductum est. *L. ult. C. de fid. lib. L. ut fundus, D. com. divi.* Habet quidem præiudicium sententiam et pronuntiationem iudicis de statu: sed non condemnationem in id, ut quid detur, aut fiat ab adversario. Quod cum ita sit, inutilis est: ut dixi, agenti præiudicialis actio, si intra statum consistitur, ac non instituitur actio alterius rei causa. Quorsum ergo actio, aut quæ utilitas horum iudiciorum? Nempe hæc, ut actor statu isto adversarii sententia iudicis constituto, consequatur ea, quæ sunt domini, quæ patroni, quæ patris: ac ne frustra egerit, ut hoc iudicium ad ea deinceps obtinenda ei prosit. Apparet igitur, si qua hic utilitas est, institui has actiones cum propter eas res quæ sequuntur, tum vero præiudicii de his rebus faciendi causa, ut quandocumque de his rebus controversia incidere, intelligatur de his iam nunc iudicium factum esse. Quod si hic horum iudiciorum finis est, et is eorum iudiciorum proprius, perspicuum est ex hoc fine recte præiudiciales appellari, similiter ut pœnales vocamus, quæ pœnæ persequendæ causa rei persecutorias, quæ rei persequendæ instituuntur.

XI. Atque ut hic finis est harum actionum, ut controversiis rerum ex eo statu pendendum præiudicium adferant: ita vere hoc illis inest, ut adferant: ut non magis his insit finis præiudicii aliis causis faciendi, quam huius præiudicii vis et potestas. Sic, inquam, est actionum præiudicialium vis et potestas, ut in omnibus quæstionibus, quæ per causam status nasci possunt, (quæ quales sint in singulis generibus, supra diximus) præiui-

iudicium, seu ius faciant, id est, quasi de iis quoque iudicatum sit, sic litem omnem quæ postea de his incidet, dirimant: idque non ut in aliis actionibus inter easdem personas, sed inter omnes etiam maxime extraneas. Exemplo sit actio de partu agnoscendo, quando de hac specie hoc quod dico, apertius traditum est, quam in aliis eiusdem generis. De ea ergo ita scriptum est in L. 1. §. ult. L. 2. L. 3. in pr. D. de agnosc. lib. *Plane si denuntiante muliere negaverit maritus ex se prægnantem, tametsi custodes non miserit, non evitabit, quo minus quæretur, an ex eo mulier prægnans sit, necne: quæ caussa si fuerit acta apud iudicem, et pronuntiaverit cum de hoc agatur, quod ex eo prægnans fuerit; in ea caussa est, ut agnosci debeat (sive filius non fuit, sive fuit) quasi suus in omnibus causis. Quare et fratribus suis consanguineus erit. Sive contra pronuntiaverit, non erit suus, quanvis suus fuerit, placet enim ejus rei iudicem jus facere.* Idem ergo eveniet, etsi inter patrem et filium præiudicium redditum sit, et iudex eum qui filius dicitur, aut filium esse Lucii Titii pronuntiaverit, aut contra filium non esse. Quo exemplo idem et in actione de libertinitate intelligemus. Finge ita: inter patronum et libertum iudicio actum est, quod patronus diceret illum libertum suum esse. Iudex libertum esse pronuntiavit: nec quidquam amplius tum patronus consecutus est. Post patronus obsequium desiderat, petit operas, postulat ne adversus se famosa actio intendatur, neve in ius vocetur, quibus de causis ab initio præiudicium reddi solet. L. ult. D. si lib. ing. esse dic. Quanvis ille se nunc libertum neget, nihil tamen nunc novo iudicio opus est ad eam rem. Jam enim ante de eo iudicium factum est, cum hic pronuntiatus est libertus: quoniam hoc constituto, et hæc quæ dixi, et alia pleraque consequantur. Sed hoc inter easdem personas statui, ius cum aliis rebus indicatis commune est. L. 3. D. de exc. rei jud. Nos dicimus amplius, si liberto mortuo quæretur de eius successione inter patronum et cognatos liberti, quorum hi cognatum suum ingenuum fuisse dicant, hic fuisse libertum, et tanquam patroni iure hereditatem vindicet: sententiam priorem ad hanc quoque causam pertinere; ut quanvis eadem quæstio revocetur inter alias personas, et dici soleat res inter alios actas et indicatas aliis non præiudicare: L. sæpe, D. de re jud. L. 1. D. de exc. rei jud. tamen in præiudicio secus sit, et illud iudicium de statu factum

legitimo contradictore rem agente, ius de eo faciat inter alias quoque personas, inter quas quandoque quæretur, libertus is quem dicimus, fuerit, necne. Idemque eveniet e converso pro eo qui libertus dicebatur, si pronuntiatus fuerit ingenuus, idque factum sit iusto contradictore, id est, eo qui se patronum dicebat sine collusione. L. Divi, §. 1. D. de lib. caus. L. cum non iusto, L. ult. D. de collus. deteg. Idque est, quod dicitur in L. pen. D. de stat. hom. ingenuum accipiendum esse etiam eum, de quo sententia lata est, quanvis fuerit libertinus: quia res iudicata pro veritate accipitur. Hoc sic accipe, quia res de eo iudicata: nam si de omni sententia hoc diceretur, nihil erat, cur superius illud diceretur potius de ingenuitate, quam de alia quavis conditione; de qua iudicatum esset. Nunc autem proprium aliquid intelligi voluit Ulpianus de ingenuitate: hoc autem est, ut res de eo iudicata in totum pro veritate habeatur; id est, hanc vim habeat, ut habeatur pro ingenuo, qui ingenuus pronuntiatus est, etsi ab aliis, quam cum quibus res acta est, fiat ei ingenuitatis controversia: exemplo eius, qui filius pronuntiatus est, aut non esse filius. d. L. 1. §. ult. et seqq. de agnosc. lib. Quod cum non item ius sit in aliis actionibus, d. L. sæpe, D. de re jud. apparet hac quoque parte ius statui proprium actionum præiudicialium; ex quo eodem rectissime et ipsæ præter cæteras dicantur præiudiciales.

XII. Hoc genus actionum in rem esse videri ait Justinianus. Recte videri, non esse. Nam proprie in rem non sunt, quia in his non est res quæ restitui debeat, aut de qua restituenda sententia feratur, ut supra dixi: quod tamen contra fit in omnibus in rem actionibus, quæ proprie tales sunt. L. officium, L. qui restituere, D. de rei vind. L. si fundus, §. in vindicatione, D. de pig. In rem tamen videntur esse, quia his actionibus omnibus qui agit, suum aliquid petit, domini servum suum in servitutem: is qui servus dicitur libertatem sibi asserit: patronus ius patronatus: is qui libertus dicitur, contra sibi vindicat ingenuitatem. In quæstione de familia pater suum filium velut petit: filius se illius filium esse contendit, et ita ille ius patris, hic ius filii se habere. In rem igitur hactenus, cum in rem dicamus eas, quibus rem nostram, aut ad ius nostrum pertinentem petimus, ut docuimus ad §. 1. supra eod. tit. Et ut actio in rem adversus possessorem est: L. actionum, D. de obl. et act. sic et præiudiciales actiones adversus eum,

eum, qui ejus rei quam hic velut nostram dicimus, nobis controversiam facit, eoque eam quasi tenet, possidet, ut in servitutibus fieri diximus ad §. *æque*, *supra eod.*

XIII. Superest, videamus, ex superioribus generibus actionum quas legitimam causam habere, et cur habere dicat, quas ex prætoris jurisdictione substantiam capere. Ait igitur: *ex quibus fere una illa legitimam causam habet, per quam queritur, an aliquis liber sit.* Non dicit actionem hanc legitimam esse, sed habere causam legitimam. Quæ ergo ista causa est hic agendi legitima potius, quam in cæteris? Hæc videlicet, quod in hoc genere proprie rem nostram petimus, eamque nobis asserimus. Rem enim dominii sui vindicat, qui servum petit in servitute. Et vice versa is qui servus dicitur, etsi in libertatem proclamat, rem tamen suam petere quodammodo videtur, dum se quasi sibi vindicat: certe se suum esse dicit: sic enim de manumisso loquitur Persius *Sat.* 5.

*Vindicta postquam meus a prætore recessi.*

Porro constat civilem esse hanc causam in rem agendi, si quis dominium suum vindi-

cet. §. *namque, supra eod.* Non eadem intentio est in cæteris actionibus, in quibus scilicet queritur, utrum quis libertus sit, an ingenuus: filius sit, an non sit. Nam nec libertus, nec filius sunt dominii nostri, ut maxime libertum nostrum, aut filium esse constiterit. Et ut pronuntiati sint, ille ingenuus, hic non esse filius: non tamen eo magis se ipsos sibi adepti videantur; cum etsi liberti sint, aut filii, nihilominus sui sint, id est, liberi. Causa igitur hæc omnis præjudicio agendi non civilis, sed prætoris: ut merito a prætore introductæ hæ actiones videri debeant. Sed cur illam actionem, in qua queritur, an quis liber sit, cum legitimam causam habere dixit, addidit, *fere*: cum illius solius videatur esse propria ea causa, quam diximus? Videri potest additum propter actionem, quæ est de partu agnoscendo: quæ etsi non dissimilem causam habet, ab iis, in quibus queritur, filius aliquis sit, an non sit, libertus sit, necne: tamen mulieri ad præjudicium pro partu faciendum prodita videtur ex senatusconsultis, ut con-jicere licet ex L. 1, in princ. et L. 3. §. 1. *D. agnosc. lib.* Proinde ex jure civili proficisci; quia hujus juris pars sunt senatusconsulta. *L. ius autem, D. de iust. et iur.*

Sic





Sic itaque.

## §. XIV.

*Scopus hujus §. et summa I.*

*Formula vetus actionis in personam, ex formula indicatur actio. II. V.*

*Dandi verbum. III.*

*Quod nostrum est, cur non possit magis nostrum fieri. IV.*

*Actiones, interdicta ex initiis verborum edicti, aut formulæ appellata. V.*

*Condictio adversus furem de re nostra; et an recte constituta, et quid plus habeat conditio, quam vindicatio. VI.*

*Magis teneri furem pluribus actionibus quomodo accipiendum. VII.*

*Condicti rem posse non solum furi, sed etiam cuivis malæ fidei possessori. VIII.*

Sic itaque discretis actionibus: certum est, non posse actorem suam rem ita ab aliquo petere, si apparet eum dare oportere. Nec enim quod actoris est, id ei dari oportet: scilicet quia dari cuiquam id intelligitur, quod ita datur, ut ejus fiat. Nec res quæ jam actoris est, magis ejus fieri potest. Plane odio furum, quo magis pluribus actionibus teneantur, effectum est, ut extra pœnam dupli aut quadrupli, rei recipiendæ nomine fures etiam hac actione teneantur, si appareat eos dare oportere: quamvis sit adversus eos etiam hæc in rem actio, per quam rem suam quis esse petit.

I. **U**T circa divisionem actionum in rem, et in personam, occurrebat ante de generibus istis dubitatio, quam superiore §. diluit: ita divisione superiore et membris superioribus duobus bene constitutis, consequens fuit, ut de vi divisionis admoneret, tum de nominibus ipsorum generum, si quid forte in his cavendum, aut animadvertendum videretur, quod ad certiore ejus divisionis cognitionem faceret: quod et nunc facit. Ac monet hoc loco, quod ad vim ejus pertineat: de nominibus dicit *sequenti* §. Vis divisionis hæc est, ut quoniam diximus actionem in rem esse, quibus rem nostram petimus: in personam, quibus petimus, quod nobis debetur ex obligatione, sive quod nobis ex obligatione dari fieri oportet: hinc intelligamus de eadem re utramque hanc actionem non competere, ut vel rem nostram actione in personam, vel rem nobis debitam actione in rem petere liceat. Contraria enim sunt, quod nostrum est, et quod nobis debetur, seu dari oportet: cum id dari oporteat, quod nondum nostrum est, sed alienum, ut hic explicat. Non fuisset admodum necesse de eo nos moneri, si esset perpetuum: cum ex divisione ipsa et definitionibus generum traditis in

§. I. satis intelligeretur. Nunc quia non est perpetuum, ideo hoc ipsum hoc loco attingendum fuit, ne quis ex hac discretione esset error. Quod et ipsum nunc agitur. Significat igitur in summa, ita discretis actionibus, ut supra factum est, hinc constare, rem nobis ex obligatione debitam sic actione in personam peti posse, ut non possit actione in rem: cum quod nobis dari oportet, nostrum non sit; actio autem in rem nulli detur, nisi ei qui suum petat. *L. in rem, D. de rei vind. L. actionum, D. de obl. et act.* Id autem esse perpetuum: quod ea re declarat, quod hac parte nihil excipit: imo hanc partem ne attingit quidem. At si de re nostra ageretur, hic vero aperte scribit in eo quidem genere regulariter jus idem valere, ut quæ res actione in rem peti potest, non possit etiam peti actione in personam: sed tamen non semper ita esset: in rebus enim furtivis et mala fide possessis locum non habere, de quibus adversus furem et malæ fidei possessorem utraque sit actio domino, et in rem, et in personam. Propter quam exceptionem necesse habuit solum de re nostra dicere, et ante exceptionem præmittere definitionem consequentem superiori actionum discretioni,

ni, ut ex regula ad exceptionem perveniret.

II. Ait, *non posse actorem suam rem ita ab aliquo petere, si apparet eum dare oportere*: Id est, non posse rem suam petere actione in personam, seu formula et intentione actioni in personam conveniente: fuit enim hæc formula iudicii et actionis in personam propria, si paret illum dare facere oportere, ut indicat §. 1. *supra eod. infra de exc. in pr. et §. præterea*. Quæ oratio perfecta non est, desunt hæc verba, *iudex condemnato*, ut Theophilus hic scripsit. Ita ex formula actionis actionem ipsam intelligimus. Nam quod inter eruditos jam constat, sic fuit olim mos iudiciorum apud Romanos, ut prætores non solerent iudicare ipsi, sed litigatores ad iudicem quem darent, remittere; et una ipsis iudicium dare, id est, formulam iudicii, quam iudex in iudicando sequeretur: et simul ea formula iudicem designabant. Fuit autem in actionibus in personam hæc iudicii formula, Si paret Lucium Titium ex mutui causa Sempronio decem dare oportere, Gallus Aquilius iudex esto, Gallus Aquilius condemnato. Cuius moris testimonia diligenter collecta sunt a Duareno ad L. 7. §. 1. *D. de pact.* Testis Theophilus hoc loco. Exempla passim obvia apud Ciceronem in Verrem oratione quinta. Dicebant autem veteres, si paret: et paret pro parebit præsens pro futuro, ut est apud Nonium.

III. *Scilicet quia dari cuiquam id intelligitur, quod ita datur, ut ejus fiat*. Id est, quia dare est dominium transferre. L. *ubi, §. ult. D. de verb. ob.* Quod sic intelligendum est, nisi ex adjuncto mutetur significatio, ut sit dare pro tradere: ut cum dicimus pignus datum pro tradito. L. 1. *C. de non nu. pec.* Dare rem pignori, commodato, et similia ex similibus causis, ex quibus nequaquam dominium transfertur: quæ passim occurrent. Quod si nulla eiusmodi adiectio est, quæ significationem tradendi habeat, ut cum simpliciter stipulamur rem dari, ibi valet, quod de significatione verbi hic traditur, ut sit dare, dominium rei transferre.

IV. *Nec res quæ jam actoris est, magis ejus fieri potest*. Quippe dominium unum est. Quare id quispiam adeptus, aliud non desiderat: ac nec potest, quia aliud nullum est. Sed nec magis res ejus fieri potest, nisi sit alius, qui dominium amplius transferat. Atqui si quis cœpit esse dominus rei, alius non est dominus: duo enim domini ejusdem rei in solidum esse non possunt. L. 5. §. *ult. in fi.*

*D. commod.* Neque vero qui dominus non est, dominium transferre potuit. L. *traditio, D. de acq. rer. dom. L. nemo plus, D. de reg. jur.*

V. *Plane odio furum*. Exceptio est superioris definitionis; interdum et rem nostram peti posse actione in personam: receptum hoc esse in re furtiva adversus furem. Id significat, cum ait rei recipiendæ nomine fures etiam hac actione teneri, si appareat eos dare oportere: hoc enim perinde est, quasi dixisset, hac actione, quæ in personam est; ex formula actionem indicans more veterum, qui ex initiis aut edictorum, aut actionum, et maxime interdictorum, ipsas actiones, et interdicta notare consueverunt. Unde actio, Quod metus causa, quia initium edicti his verbis. Quod metus causa gestum erit. L. 1. *D. quod met. cau.* Actio si certum petetur, pro conditione certi, ex primis verbis edicti, quo hæc conditio proponebatur. L. 1. *D. de cond. tri.* Sed hæc ex initiis edicti. Ex initiis formulæ et conceptionis actiones designari solitas tot fere argumenta sunt, quot sunt interdicta. (nam et interdicta sunt actiones. L. *actionis, D. de obl. et act.*) Hinc enim illæ appellationes; interdictum quorum honorum; quod legatorum; unde vi; uti possidetis, et similia: quia scilicet omnium superiorum interdictorum prima verba hæc erant. Cujus generis plane est hæc appellatio, cum nominatur actio, si paret illum dare oportere, ut sit actio in personam: quoniam initium veteris formulæ in hac actione ejusmodi initium haberet, ut supra dixi.

VI. Jus ergo ita est, etiam rem nostram quæ nobis furto ablata est, repetere nos posse a fure non solum actione in rem; sed etiam actione in personam, ut intendamus eam rem nobis dari oportere: quæ intentio est hujus actionis. *de interd. in pr. infra §. 1. supra eod.* Eam quidem cujus res furto sublata est, de re ipsa furtiva habere vindicationem, id est, in rem actionem, ac propter hanc etiam actionem ad exhibendum constat: sed habet una etiam et condictionem, id est, actionem in personam, quam dixi, ut traditur in L. *si pro fure, §. 1. D. de condict. fur. §. ult. supra de obl. quæ ex del. et hic*. Sed huic condictioni et actioni in personam de re nostra furtiva duo videntur adversari: natura rei primum, deinde juris ratio. Natura rei hæc est, ut quoniam res nostra est, jam amplius nostra fieri non possit, eoque nec dari. At actione in personam hoc ipsum intendit actor dari sibi oport-

oportere. §. 1. *supra eod.* Contra naturam igitur rei, ut isto modo agatur. Juris ratio facit, ut nulla detur actio, quæ sit supervacua et agenti inutilis. At hæc ejusmodi est: nam cui bono actionem in personam adversus furem dari, cum ad rem recuperandam in rem actio sufficiat? De quibus sit hoc responsum. Primum verum esse, non posse fieri omnino, ut quod nostrum est, quatenus nostrum est, amplius nostrum fiat, ut supra ostendi. Sed cum res furtiva vere sit nostra, fingi debet odio furum in furem esse translata. Ita fiet, ut procedat intentio. Quod autem domino rei de re furtiva vindicatio competit, non ideo actionem in personam de eadem re adjici est inutile. Actio enim in personam adversus furem est plenior. Habet autem duas utilitates, ad quas actio in rem non pervenit. Nam primum si adversus furem conditionem dederimus; re amissa aut perempta quanvis casu, nullo dolo malo furis, nihilominus is perpetuo tenebitur conditione, ut et tenetur. Non enim potest obligatione, ac per obligationem actione in personam liberari re perempta, qui prius in ea re moram fecit: fur autem in re furtiva perpetuo moram facere intelligitur. *L. in re, in pr et §. 1. L. ult. D. de cond. fur.* At non item tenetur vindicatione, qui rem sine dolo malo possidere desiit. *L. qui petitorio, D. de rei vind.* Nam quod dicitur in *L. item si, §. ult. D. de rei vind.* si res possessa post moram possessoris perierit, quanvis sine dolo malo et alia culpa ejus, tamen possessorem teneri, ut pretium præstet, nominatim de servo et alio animali petito scriptum est, id est, de re petita, quæ post litem contestatam periit. Ita est: etiam in vindicatione post litem contestatam mora possessoris perpetuat vindicationem: quia quovis judicio contrahitur. *L. 3. §. idem scribit, D. de pec. ut proinde obligatio eo judicio contracta incipiat exinde ad regulam veterem pertinere, Culpa perpetuat obligationem. L. si servum, §. sequitur, D. de verb. ob.* Lite autem nondum contestata, et nondum instituta vindicatione, quo tempore quæritur, an adversus aliquem competat: sciamus hanc non competere adversus eum, qui sine dolo malo possidere desiit, ut maxime ei possit obijci culpa, quod rem aliquando non restituerit. Habet et conditio, seu actio in personam, quæ rei persecutionem continet, hanc utilitatem, ut detur et ipsa in heredem: quod et in conditione furtiva receptum est. *L. si pro fure, §. ult. D. de cond. fur.* Non sic in rem actio, quæ quoniam

non datur, nisi adversus eum qui possidet, aut dolo malo desiit possidere: ideo nec datur in heredem, nisi quatenus horum alterum in eo intervenerit: quæ res facit, ut jam non detur ut in heredem, sed ut adversus possessorem: nisi tamen possessor judicio conventus post litem contestatam decesserit: quia et jam tum obligatio contracta sit, ut dixi, in quam et heres succedit. *L. si in rem, 51. L. cum autem, seq. D. de re rei vind.* In utilitate hujus actionis non recte ponemus, opinor, infamiam. Nam primum cessat infamia in conditionibus, quanvis ex famosis causis prodeant, ut traditur in *L. cessat, D. de obl. et act.* Et quod dicitur in *L. non poterit, D. de fur.* fieri non posse ut furti damnatum non sequatur infamia, ad furti actionem pertinet, de qua cautum est edicto de infamibus, *L. 1. L. athletas in fin. L. furti, D. de his qui not. inf.* Hanc vero multum distare constat a conditione furtiva. Illa pœnam petit legitimam dupli aut quadrupli: hæc rem ipsam, ut est in *L. si pro fure, §. 1. D. de cond. fur.* Tum autem ut forte conditio furtiva sit famosa (esto enim, re ipsa et opinione hominum non effugiat infamiae notam, ut Accursius scribit ex *L. 2. D. de obs. a lib.*) tamen ea res noceat fortasse furi: domino certe non prodest, ut cujus non intersit reum infamem haberi. Non nego dici posse odium furum in eo esse, ut ignominiosa actione teneantur. At ut magis teneantur hoc modo, quod Justinianus scribit, non recte, ut arbitror, dicitur. Sed sive hanc utilitatem conditionis haberi placet, sive non haberi, illæ semper manent, quas ante posui. Datur ergo et conditio, seu in personam actio adversus furem utiliter etiam de re nostra, quanvis adversus eum de ea re vindicatio competat. Datur tamen præter naturam rei, et regulam communem juris: ac propterea jure singulari, non communi.

VII. Idque odio furum, quo pluribus actionibus magis teneantur, ut hic scriptum est: ubi *magis teneri eos* addita conditione sic intelligemus, non ut teneantur magis ob hanc solam causam, quia plures hic actiones sint numero: sed quia vi et potestate hujus conditionis magis, id est, fortius et efficacius teneantur, quam si sola esset vindicatio. Nam ut numerum hic tantum spectemus, non ideo dici possit quis magis teneri, quia adversus eum plures sint de eadem re actiones. Sic enim sunt actiones istæ plures, ut non possit agi nisi una, et cum ex una reus solverit, confestim liberetur, aut ipso iure, aut

aut per exceptionem, iusta regulam iuris, bona fides non patitur, ut his idem exigatur. *L. bona fides non, D. de reg. jur. L. qui servum, in prin. et §. 1. D. de obl. et act.* quod et in re furtiva innuitur in *L. si pro fure, §. 1. de cond. fur.*

VIII. De fure tantum hic scriptum est, teneri eum de re furtiva non solum actione in rem, per quam rem nostram petimus, sed etiam actione in personam, qua intendimus nobis dari oportere. Sed intelligendum est, ius pertinere etiam ad alios malæ fidei possessores non tantum mobilium rerum, sed etiam immobilium, ut traditur in *§. si tamen, Inst. de rer. di. et L. 1. in fin. L. 2. D. de cond. tri.* dum tamen in rebus immobilibus servetur distinctio *d. L. 2. de conduct. trit.* ut si quis fundi possessionem amiserit injuria, fundum ipsum condicere possit, si dominus

est: si non est dominus, solam possessionem. Ut recte in universum dicturi simus neminem rem suam condicere posse, præterquam a fure aut malæ fidei possessore: quod et vulgo receptum est. Nam quod legitur in *L. ult. D. usuf. quemadm. caveat.* proditum esse neminem rem suam nisi furi condicere posse; aut de fure exempli causa dictum est; aut ad speciem illic propositam referri debet: ut sit sensus, neminem rem suam talem, qualis proponebatur, condicere posse, nisi furi, id est, rem mobilem: nam de mobili agebatur. Verum est autem, neminem rem suam mobilem nisi furi condicere posse: quia qualis qualis sit possessor rei alienæ mobilis, si mala fide possidet, semper quia rem invito domino contrectat, furtum facit, *§. furtivæ, in fin. supra de usuc.*

Appel-



## Appellamus.

## §. XV.

*Nomina actionum nota esse tui bono. I.*  
*Actio in rem omnis etiam de rebus alienis,*  
*vindicatio; ut omnis in personam condictio.*

II.

*Vindicandi verbum unde. III.*

*Vindicare quid, et cur in rem actio, vindicatio. IV.*

*Condicere quid, et cur actio in personam, condictio. V.*

*Dicere diem. VI.*

*Condictio et denuntiatio vetus usurpata etiam in actionibus in rem: cur ergo proprie dicta de actionibus in personam? VII.*

*Condictio nunc abusive in rem actio, et cur. VIII.*

Appellamus autem in rem quidem actiones, vindicationes: in personam vero actiones, quibus dare aut facere oportere intenditur, conditiones. Condicere enim est denuntiare prisca lingua: nunc vero abusive dicimus conductionem actionem in personam esse, qua actor intendit dari sibi oportere. Nulla enim hoc tempore eo nomine denuntiatio fit.

I. **H**actenus in superiore divisione actionum in rem, et in personam, de re ipsa dixit, quæ his generibus continetur. Nunc admonet de nominibus horum generum, ut si quando nomina in legibus, constitutionibus, et aliis scriptis veterum occurrent, ut passim, intelligamus, quæ species ex superioribus nominentur, ad quas deinde et definitiones superiores, et jus de singulis ante traditum accomodemus. Appellamus autem, inquit, in rem actiones, vindicationes; in personam vero, conditiones. Eadem sententia Ulpianus in L. actionum, D. de obl. et act. Actionum duo genera sunt, inquit, in rem, quæ dicitur vindicatio: et in personam, quæ condictio appellatur.

II. Generaliter hoc, et ad omnes species utriusque generis ex æquo pertinet. Utenim omnis actio in personam dicitur condictio: sic et vindicatio omnis, quæ in rem est, id est, non illa tantum qua rem nostram petimus; sed et omnes in rem prætoris, quæ sunt de rebus alienis. Unde et vindicatio pignoris dicta hypothecaria actio, qua pignus petimus; quia in rem est. L. si fundus, §. in vindicatione, D. de pig. Et hunc quidem usum juris esse in his appellationibus, non dubitatur.

III. De ratione nominum dubitatur. Quid enim habet vindicationis aut conductionis ver-

bum, quo aut vindicatione significetur actio in rem; aut conductione in personam actio? Neque hæc quæstio hic negligi debuit. Scimus enim etiam in iure, idque etiam Justiniani præceptum est, nomina rebus debere esse consequentia. §. sed nos plenissimo, supra de donat. Atque adeo ipse idem hoc loco cur actio in personam diceretur condictio, rationem exposuit: sed eam quæ adhuc explicationis egeat: de vindicationis autem verbo nihil dixit. Dicam paucis: ac primum de vindicando. Mitto verbi originem, ut remotiorem a memoria nostra, et de qua a veteribus nihil traditum legimus. Quam tamen si quis requirit, probabile admodum est, quod Hotomanus noster sibi videri hic scripsit, vindico compositum verbum esse a vim et dico, ut vindicare sit vim dicere ac velut denunciare iis, qui ius nostrum in re aliqua impediunt. Vim tamen legitimam, qualis olim usurpabatur jure in judiciis de rebus nostris, quam Cicero in oratione pro Cæcinna vocat quotidianam, A. Gellius festucariam. Sed quia et de hac ambigi potest, propter vindictæ verbum, quo etiam significatur ultio; non urgebo, quod est incertius, et ad id, de quo nunc quæritur, non est necesse.

IV. Sumam de significatione id quod constat, vindicare rem aliquam esse rem asse-



rere: ut vindicare in libertatem, asserere in libertatem. *L. de bonis, D. de lib. cau.* Est autem asserere, id quod alicujus est, in quo tenendo is ab alio controversiam patitur, ad jus potestatemque ejus revocare: efficere, ut sicut propriæ res alicuius est, ita eius esse iudicetur, eique eam sine cuiusquam interpellatione liceat tenere. Idem valet et vindicare. Unde libertatis vindex, id est, assertor, qui libertatem prope amissam in suum locum restituit, firmavitque. Cicero in epistola ad Octavium: *repente exstitisti tu vindex libertatis nostræ.* Idem lib. 3. de legibus: *tabellam sumat vindicem libertatis.* Et vindex pro defensore apud eundem in Topicis: *assiduo assiduus vindex esto:* id est, locuples locupletis defensor esto: id ipsum quod nostri dicunt, neminem defensorem alterius idoneum esse sine satisfactione. *L. qui proprio, §. qui alium, D. de proc.* Satisfat enim, qui fideiussorem locupletem dat pro rei qualitate: qualis fideiussor hic exigitur. *L. 1. D. in ius voc. ut eant. L. 2. D. qui sat. cog.* Atqui eiusmodi assertio est rei in actione in rem. Huc enim spectat qui agit, ut dominium rei suæ, aut ius possessionemve quam habet in re, sibi asserat, id est, sibi constabiliat, et firmet: quod et re restituta consequitur: eaque restitutio propria est huius actionis. Unde merito qui ita agit, etiam sibi vindicare dicitur, et actio, vindicatio.

V. De conditionis verbo hic scribit Justinianus dictam conditionem a condicendo: quia condicere prisca lingua sit denunciare. Sane non prisca lingua tantum, sed et postea latinis usitata, de iis quæ communi et mutua denuntiatione certi temporis et loci inter aliquos dicuntur, statuunturque, ut fiant; ut condicere cœnam, pro denunciare alicui certo die ut adsit, et vice versa te adfuturum promittere. Sed quid hoc ad rem, ut propterea nominari debuerit actio in personam a condicendo, et denunciando? Quæ enim est ista denuntiatio, a qua tanquam actionis propria actio designari potuerit? Explicat Theophilus. *Nam qui olim, inquit, cum aliquo litem habebat, denunciabat ei, ut hoc aut illo die ad iudicium accipendum, aut litem persequendam adesset.* Ne defugiamus auctoritatem, eandem sententiam Festus lib. 3. definit conditionem ex usu veterum: *condictio, inquit, est in diem certum eius rei, quæ agitur, denuntiatio.* Sed utrumque usque adhuc vel obscurius, vel incertius: nam neque unius denuntiatio significat conditionem, nec quomodo ea denuntiatio interveniret, aut quid ad iudicium pertine-

ret, satis intelligitur. Quantum ergo ex iis vestigiis, quæ de more veterum in hac re in Pandectis nobis relicta sunt, persequendo consequi possumus, res huic verbo convenientissime ita transigebatur. Initium instituendæ actionis cujusque fuit ab ea parte, ut quis in ius utiliter vocaretur. *§. ult. infra de pæn. tem lit.* Si quis in ius vocatus esset, nisi satisfaceret se postea certo die iudicio stitutum, cogeatur ire in ius, et quidem ita, ut nisi iret sponte, duci posset. *tit. D. in ius voc. ut eant, vel satis vel caut.* Satisfacendo, efficiebat, ut differetur ius in certum diem, in quem caveret reus se iudicio stitutum. Itaque vocatio satisfacienti in hunc diem erat. Eum diem actor dicebat, id est, denunciabat reo.

VI. Cum autem more fieret, ut rei vocati fere semper satisfacerent, aut caverent iudicio sistendi causa, eveniebat, ut initium instituendæ actionis proficeretur ab hac diei dictione, quæ pro iusta in ius vocatione cederet. Unde factum, ut apud veteres toties legamus diem dicere alicui, pro denunciare alicui diem, quo ad iudicium adsit, ut sit cum eo experiundi copia: et breviter pro litem intendere alicui: quia hinc nasceretur litis initium. Plautus in Captivis act. 3. sce. 1.

*Nunc barbarica lege certum est ius meum omne persequi.*

*Qui consilium iniere, quo nos victu et vita prohibeant.*

*His diem dicam, irrogabo mulctam, ut mihi cœnas decem.*

*Meo arbitrato dent. . . . .*

Idem in Asinaria act. 5. sce. 1.

*Putem ego, quem videam æque esse mæstum, ut quasi dies si dicta sit?*

Sed ita hunc dicebat actor, ut simul reus eundem diceret: ille denunciando, quo die vellet reum se sistere iudicio: reus contra denunciando se eo die adfuturum. Idque est, quod legimus in *L. de die, D. Qui sat. cog.* de die ponenda in stipulatione (iudicio sisti) solere inter litigatores convenire: si non conveniat, diem esse in potestate actoris: ut hunc reus sequi debeat, moderato tamen spatio de hoc a iudice statuendo. Hinc ergo recte actio non dictio, quæ unius esset; sed condictio, quæ esset duorum, ubi scilicet ambo litigatores diem in commune dicerent, quo die sisteretur, et iudicio agi inciperet: nam

nam condicere valet simul dicere ut et Festus ibidem interpretatur. Sed cum omnium actionum etiam in rem initium proficiscatur ab in ius vocando, *d. §. ult. infra de pœ. tem. lit.* eadem omnino necessitas veniendi etiam in actione in rem imposita fuit in ius vocato, nisi satisdedisset in certum diem se stitutum iudicio.

VII. Ergo et in hoc genere actionis dicebatur, condicebaturque is dies, quo die iudicio ageretur: eoque et communis omnium actionum tam in rem, quam in personam ista diei mutua denuntiatio, atque condictio. Cur igitur hoc verbum dictum potius de actione in personam, quam de actione in rem, quod ex æquo ad utramque pertineret? Factum id est more loquendi communi juris auctoribus maxime usitato, quo duabus speciebus alicujus generis propositis, si uni tantum ex his certum et proprium nomen inditum sit, altera nomine tantum generis appellatur; non quia illi soli conveniat, sed quia non sit aliud ei relictum, quo appelletur. Exempla notissima in verbo adoptionis, cognationis, actionis: quæ cum origine et vi sua generalia sint, tamen cum ad species ventum est, usu loquendi facta sunt propria unius speciei, unicuique generi subjectæ, nempe ejus, quæ hic carebat alio nomine, dum altera certo et speciali nomine appellatur. Dicitur enim adoptio ea, quæ fit apud magistratum: quæ autem per principem, arrogatio: cum tamen et hæc verbo generis sit adoptio. *L. 1. L. 2. D. de adop.* Sic et cognati distinguuntur ab agnatis ut diversæ species: cum generaliter omnes sint cognati. *L. Jurisconsultus, §. 1. D. de gra. et affi.* Sic et actio a petitione: cum tamen et petitio sit actio, cum generali-

Tom. VI.

ter loqui volumus. *L. pecuniæ, §. actionis, D. de ver. sig.* Idemque in aliis innumeris observari potest. Nunc, inquit Justinianus, nulla eo nomine denuntiatio fit, intellige nulla eiusmodi, qualem supra ostendimus. Alioqui etiam nunc in ius vocatio est. Quisquis autem vocat in ius, is reo denuntiat, ut in ius veniat. Itaque etiam nunc a denuntiatione inchoatur actio. Sed non eiusmodi, qualem significat condicere; de quo verbo nunc agitur. Proinde ne nunc quidem ulla est condictio superior, cum scilicet utrimque a litigatoribus dies dicitur, in quem se sistant iudicio iuris experiundi causa. Hoc ideo, quod constitutionibus posterioribus dies quo iudicio sisti debet, non est in potestate actoris, ut hunc ille possit reo dicere, sed lege dies constituitur. Sunt ex Novella Justiniani in hanc rem viginti dies constituti: quos etiam ante tempora Justiniani fuisse credibile est, *aut. offeratur, C. de lit. cont.*

VIII. Quia autem nulla nunc est eiusmodi condictio, qualis olim, ideo ait Justinianus nunc abusive actionem in personam dici conditionem. Recte abusive: quia non est in re, quod significatur verbo. Sed abusus hac ratione defenditur, quod primo actio in personam eiusmodi conditionem habuit, a qua proficisceretur. Re sublata mansit nomen, quod initio actioni fuerat, ut et in aliis rebus plerisque, quarum appellationibus priscis utimur, exoleto tamen usu rei. Exemplo est hodie bonorum possessio contra tabulas, et secundum tabulas, sic dicta quia primo veteres usi sunt tabulis in scribendo; quibus tamen cum iam olim scribi desitum esset, nihilominus postea nomen vetus retinuerunt. *L. 1. D. de bon. poss. sec. tab.*

Sequens



Sequens. et seqq. §§. usque ad §. quædam.

## §. XVI.

*Sequens hic secunda, et cur. I.*

*Ordo rectus hujus divisionis. II.*

*Usus hujus divisionis. III. VII.*

*Res quid, et quid pœna in hac divisione, et quam recta divisio. IV.*

*Rei persecutio quid, et quibus in rebus versetur. V.*

*Pœnæ persecutio quid. VI.*

*Rei persecutoria actiones cur perpetuæ et in heredes: pœnæ persecutoria contra. VII.*

*Actiones in rem omnes rei persecutoria. VIII.*

*Actiones ex contractu rei persecutoria, duabus exceptis, quæ sunt mixtæ. IX.*

*Ex maleficiis actiones omnes pœnales, duabus exceptis. X.*

*Ex pœnalibus maleficiorum, quæ mixtæ. XI.*

*Ex quasi contractu actiones omnes rei persecutoria una excepta, quæ mixta est. XII.*

*Ex quasi maleficio actiones pœnales, et quatenus. XIII.*

Sequens illa divisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt. Rei persequendæ causa comparatæ sunt omnes in rem actiones. Earum vero actionum, quæ in personam sunt, eæ quidem, quæ ex contractu nascuntur, fere omnes rei persequendæ causa comparatæ videntur: veluti quibus mutuum pecuniam, vel in stipulatum deductam petit actor, item commodati, depositi, mandati, pro socio, ex empto, vendito, locato, conducto. Plane si depositi agatur eo nomine, quod tumultus, incedii, ruinæ, naufragii causa depositum sit: in duplum actionem prætor reddit: si modo cum ipso, apud quem depositum sit, aut cum herede ejus de dolo ipsius agitur, quo casu mista est actio. Ex maleficiis vero proditæ actiones, aliæ tantum pœnæ persequendæ causa comparatæ sunt: aliæ tam pœnæ, quam rei persequendæ, et ob id mixtæ sunt. Pœnam tantum persequitur quis actione furti: sive enim manifesti agatur quadrupli, sive non manifesti dupli: de sola pœna agitur: nam ipsam rem propria actione persequitur quis, id est, suam esse petens: sive fur ipse eam rem possideat, sive alius quilibet. Eo amplius adversus furem etiam conditio est rei. Vi autem bonorum raptorum actio, mista est: quia in quadruplo rei persecutio continetur: pœna autem tripli est. Sed et legis Aquiliæ actio de damno injuria dato, mista est: non solum si adversus infitiantem in duplum agatur, sed interdum et si in simplum quisque agat: veluti si quis hominem claudum aut luscum occiderit, qui in eo anno integer et magni pretii fuerit: tanti enim damnatur, quanti is homo eo in anno plurimi fuerit, secundum jam traditam divisionem. Item mista est actio contra eos, qui relicta sacrosantis ecclesiis, vel aliis venerabilibus locis legati vel fideicommissi nomine, dare distulerint usque adeo, ut etiam in iudicium vocarentur: tunc enim et ipsam rem vel pecuniam, quæ relicta est, dare compelluntur, et aliud tantum pro pœna, et ideo in duplum ejus fit condemnatio.

I. **S**equens illa divisio est. Sequentem vocat, quæ proxime præcedentem sequitur. At quæ fuerit illa præcedens, videamus. Nempe ea, qua dividitur actio in duo genera; in rem, quæ dicitur vindicatio; et in personam, quæ conditio appellatur: in hæc enim

enim genera, eorumque generum appellationes proxime desiit in §. *sit itaque*, et §. *appellamus*. Atque ea primā fuit divisio, quam sibi proposuit hoc titulo tractandam, ut ipse testatur in §. 1. et eadem una: in qua ad eos usque §. §. aperte perseveravit. Non dubium igitur, quin hæc sequens, ut primam et eam unam sequitur, ita ordine sit secunda ex illis quatuor, quas hoc titulo ad reclamationis institutionem tractari diximus. Eo Theophilus sequentem hic recte est interpretatus *divisum*: non quod sequens simpliciter significet secundam; sed quia sequentem a prima cum dicimus, non obscure ex adjuncto secunda intelligatur.

II. Vocat autem Justinianus sequentem, non quam ipse sequentem facit: quid enim si pervertat justum ordinem? sed quæ re ipsa talis est, id est, quæ recto ordine sequitur præcedentem. Et vero divisio est ejusmodi. Cum enim constiterit, quod primum est in actione instituenda, quis cum quo recte agat, quod superior divisio docet: proximum est, ut quæretur, quid peti oporteat: quod sequens hæc divisio ostendit.

III. Estque hic præcipuus usus hujus divisionis. Certe hujus tituli proprius. Non tamen solus. Valet enim divisio et ad dignoscenda tempora, intra quæ actiones quæque competant, et ad statuendum de heredibus, quæ in hos dentur actiones, quæ non dentur. Siquidem de his ita jus traditum est, quæ actiones rei persecutionem continent, eas hactenus esse perpetuas: quæ autem pœnæ persecutionem, intra annum dari, exceptis quibusdam, et his paucis. *L. in honorariis, D. de obl. et act. tit. de perp. et temp. act. infra.* eademque ex regula illas quidem dari in heredes: has autem minime, §. 1. *infra de perp. et temp. act. d. L. in honorariis, L. si pro fure, §. ult. D. de cond. fur.* Unde utroque loco quæri oportet, quæ actiones rei persecutionem contineant, quæ pœnæ persecutionem: quod in hac divisione explicatur. Ita fit, ut hæc divisio triplicem hunc usum præbeat in actione recte instituenda, ut scilicet norimus, et quid petere liceat, et intra quæ tempora, et num etiam adversus hæredes. Sed ex his, quid peti possit, divisio recta ostendit: illa autem duo, intra quæ tempora, et num ab heredibus, non nisi per consequentiam. Prius enim id sumendum ex eo jure, quod ante retulimus de iis actionibus, quæ rei, aut pœnæ habent persecutionem: ad cujus interpretationem sequitur, ut quærendum sit, quæ sint eæ quæ rei aut pœnæ per-

secutionem habere dicuntur. Ideo hoc loco divisio est exposita, in quo quærebatur, quid quaque actione peteretur, quod ostendere proprium fuit ejus divisionis. Illa autem duo posteriora, quia ad aliam quæstionem, et aliud jus pertinebant, in suum tempus dilata, et tractata proprio et distincto titulo, *infra de perp. et temp. act.* Divisio hæc est: quasdam actiones rei persequendæ gratia comparatas esse, quasdam pœnæ persequendæ, quasdam utriusque gratia, et rei et pœnæ, atque hinc esse mixtas. Qua divisione posita, quæ et quales sint hæ actiones, quæritur. In quo naturæ ordo hoc postulat, primum ut norimus, quid hic vocemus rei persecutionem, quid pœnæ; tum deinde quæ actiones horum alterutrum, aut utrumque contineant. Posterius hic exposuit Justinianus: prius omisit. Sed tamen ad potestatem harum actionum ita necessarium, ut nihil prosit nosse, quæ habeant rei persecutionem, quæ pœnæ, nisi constiterit, quid horum appellatione contineatur, ut sciamus quid sit, quod sub ista appellatione liceat nobis petere: et cur hæc aut illæ dicantur horum alterutrum continere.

IV. Res non haberet dubitationem, si hic de nota significatione verborum ageretur. Nunc autem ex hac ipsa re incidit divisio in obscuritatem, atque adeo in reprehensionem. Nam si usitatam verborum significationem sequimur, aperte vitiosa est divisio: si non sequimur, vel hoc ipsum vitiosum, quod his verbis cogimur intelligere eas res, quæ verbis non exprimuntur. Primum distinguuntur hic res et pœna ita, ut unum non sit alterum, ut sit in membris divisionis cujusque. Atqui rei verbum significat omne id quod est, et tam eā quæ sunt extra patrimonium, quam quæ in patrimonio, continet. *L. rei appellatio, D. de verb. signif.* Itaque non omnis res est pœna: at certe omnis pœna quæ nobis debetur, et petitur, est res quæ debetur et petitur: ut si qua actio pœnæ persecutionem continet, vere dicturi simus, et ex verbi significatione hanc continere rei persecutionem. An non igitur vitiose distinguuntur ista? aut cedo quid hic verbo rei sine vitio significetur. Illud etiam parum liquet in verbo pœnæ. Quæcunque enim pecuniæ præstatio inungitur alterius coercendi causa, si quid fecerit, aut non fecerit, constat in usu juris dici pœnam: sive hæc irrogatur lege, ut pœna furti: *L. si pro fure, §. 1. D. de conduct. furtiv.* sive imponitur testamento hæredi: §. *ult. Inst. de leg.* sive pactione contrahentium constituitur. §. *ult. Inst.*

*Inst. de ver. ob.* Atqui nulla actio, quæ persequitur pœnam conventionalem, dicitur hic pœnæ persecutionem continere, sed rei, ut exempla actionum in personam subjecta probant. Dicet aliquis pœnæ verbo hic significari tantum pœnam legitimam, seu lege sola constitutam. Sane ita est: sed quæro, quam recte, et quam ex significatione verbi, cum nihilominus et conventionalis, et cæteræ, quas dixi, sint pœnæ. Hæc sunt igitur, quæ puto in his verbis explicanda, quo et res intelligatur, et divisio atque appellatio veterum suam defensionem obtineat: Et quod ad distinctionem generum attinet; si quidem generalem significationem rei accipimus, fatendum est non recte ista genera distingui: cum ex hoc sensu pœna sit res, eoque et quæ actiones pœnæ persecutionem habent, eadem recte dicantur habere rei persecutionem. Hoc amplius et illud fatendum, rei nomen cum simpliciter ponitur, istam significationem habere. At si addantur pronomina hæc possessiva, mea, tua, nostra, ut dicatur res mea, tua, nostra: hic adjunctum significationem mutat, et ex generali facit specialem, ostenditque hic rem dici rem ad patrimonium nostrum pertinentem. Atqui hæc rei significatio est in hac divisione, intelligiturque ex eo, quod nominatur actio quæ continet rei persecutionem, id est, persecutionem, qua quis rem persequitur. Ut enim in hac oratione nihil exprimitur aliud: tamen superiora ista pronomina usu loquendi latinorum intelligantur accommodata ad personam ejus, de qua fit sermo. Quod multis ostendit Valla in similibus orationibus *Lib. 4. Eleg. Cap. 1. quale est, inquit, cum dicimus, vendidi patrimonium, suppletur meum: collocasti filiam, suppletur tuam: publicavit opus, suppletur suum.* Ex quo usu et hæc divisio ita accipienda est, ut cum dicitur actio rei persecutionem continere, intelligi debeat rei meæ, tuæ, nostræ, prout erit persona, de qua loquimur. Idque ita veteres accepisse indicat definitio ab his de hoc genere tradita.

V. Definiant enim actiones rei persecutionem continere eas, quibus persequimur, quod ex patrimonio nobis abest. *L. in honorariis, D. de obl. et act.* Quod si ita est,

pœnæ persecutionem continere intelligemus eas, quibus persequimur, quod ex patrimonio nobis non abest. Quæ jam membra divisionis contraria sunt, eoque optime distincta: atque hactenus recta divisio. Quod attinet ad verbum pœnæ; cum pœnæ persecutio rei persecutioni hic opponatur, ex adjuncto intelligimus eam pœnam, quæ ita sit pœna, ut in ea non insit rei persecutio: scilicet ut quantum rei persecutionis actio continebit, tantum pœnæ significationi detrahatur. Relinquitur igitur jam hoc solum, ut videamus, quid contineatur appellatione ejus, quod nobis ex patrimonio abest: quo cognito, utrumque genus erit cognitum. Et ex patrimonio abesse hic dicuntur hæc quatuor: Primum, quod est in patrimonio nostro, sed ab alio tenetur. Proximum, quod in patrimonio esse desiit, sed ex obligatione nobis restituendum est. Tertium, quod nobis debetur ex contractu. Cum enim id ex conventionem nostrum esse debuerit, et tamen id crediderimus debitori, videtur quodammodo voluntate nostra exemptum de nostro, et translatum in eum, cui de eo fidem habemus. Quartum, quodcumque ejus, quod nobis abest, æstimationem continet qualis est æstimatio, quæ fit ex jurejurando in litem. *L. 1. L. tutor, D. de in lit. jur.* Qualis pœna conventionem promissa: nam et hæc caveri solet loco ejus quod interest. *§. ult. Inst. de verb. obl. L. ult. D. de præst. stip.* Ergo quæcumque sunt actiones, quibus horum quid persequimur, eas dicimus rei persecutionem continere, idque ipsum subjecta genera declarant.

VI. Unde rursum ex contrario intelligi oportet eas dici pœnæ persecutionem continere, quæ alicujus rei ex superioribus persecutionem non continent: proinde et pœnæ significationem hic contrahi ad eam pœnam, quæ sic petatur, ut non præstetur loco aut nomine ejus quod nobis abest de nostro; sed extra id omne, tantum coercendi ejus causa, a quo petitur. Quæ pœna cum constituatur tantum lege, nempe huc res redit, ut pœna hic intelligatur legitima, non conventionalis, aut quæ officio judicis imponatur. VII.

1) Etsi enim id in patrimonio nostro nunquam fuit, tamen quia ex conventionem in eo esse debuerat, et debitoris culpa ad nos pervenit, latius id quoque abesse dicitur, Gifan. ad *L. 35. de O. et A. n. 7.* eodem modo, quo id, quod debetur, nostrum dicitur, ut *Lib. 12. Civil. Commentarior. Cap. 1. n. 2.*

2) Recte. Et convenit Gifan. *d. n. 7.* ac Vult. in *§. sequens 16. I. de act. n. 9.* Harpr. *ibid. n. 4. et seqq.* quia

pœna intelligitur legitima, legibus et jure definita. Conventionalis autem pœna magis est in rebus, quam extra res; nec, ad illam collata, pro pœna habetur. (Dissentit Coras. in *d. §. 16. n. 2.*) Sic etsi quandoque actio redhibitoria in duplum agitur, nec mixta tamen illa est, contra quam Accursius vult. Nam duplum id, non ut pœna petitur, sed quia in iis contractibus duplum repromitti solet. Fac. *L. 33. §. 4. verb. videantur, de ædil. ed. Cujac. in d. §. 16.*



VII. Quibus definitionibus recte convenit, quod placet eas quæ dicuntur isto modo rei persecutionem continere, esse perpetuas, et dari in heredem; quia nihil habent, in quo non debeant sequi regulam juris de perpetuis, et hereditariis actionibus. In contraria causa esse eas actiones, quæ dicuntur continere pœnæ persecutionem: quia nulla fiat injuria actori, si non dentur perpetuo: et si de heredibus quæritur, æquum sit heredes pœna legitima non teneri, ubi scilicet pœna ex delicto defuncti nascitur, et delictum non attingit heredes. Eadem definitione istorum generum posita, hac divisione admonemur, non omnes actiones esse de eo quod nobis abest; sed et quibusdam factis pœnas pecuniarias jure civili esse constitutas, quæ non cedant fisco, sed privatis debeantur; unde et earum persecutio sit privata.

VIII. Usu et significatione divisionis cognita, deinceps quæ actiones sint alterutrius generis, aut mixtæ, videamus. Id etsi proposita unaquaque actione, qualis jure constituta est, non admodum difficile est judicare adhibita superiore definitione: tamen ne quis sit error, utilius visum est in singulis generibus actionum indicare nominatim, quæ sint hujus, aut illius generis, de quibus nunc agitur. Quod et Justinianus hic secutus est, ista indicatione sola contentus. Meminisse ergo oportet omnes actiones aut in rem esse, aut in personam; et in personam aut ex contractu, vel quasi contractu, aut ex maleficio, vel quasi maleficio. De singulis sic habendum. Omnes in rem actiones rei persequendæ causa comparatæ sunt. Hoc ille ita definit in §. *rei persequendæ*: Quippe his rem nostram, aut ad jus nostrum pertinentem persequimur, id est, quod nobis abest ex patrimonio. Juratur quidem in his ob contumaciam non restituentis in litem: *L. qui restituere, D. de rei vind. L. in actionibus, D. de in lit. jur.* atque hoc jurejurando contumacia pœna afficitur, cum æstimetur res ab actore etiam ultra rei pretium. *L. 1. L. tutor, D. de in lit. jur.* Sed non ideo hæ actiones etiam tum maxime cum in his juratur in litem, pœnæ persecutionem continere, seu pœnæ persequendæ causa comparatæ esse dicendæ sunt. Nam hæ ipsa pœna nihil nisi ejus, quod actori abest, æstimatio

est; ut in hac intelligatur id ipsum quod abest, contineri. Non illa quidem æstimatio, qua res omnibus vulgo tanti sit; sed æstimatio tamen, quam actor dicit rei suæ, cujus rationem haberi æquum est: cum non sit æquum quemquam cogi invitum suo pretio res suas vendere. *d. L. tutor, D. de in lit. jur. L. non est, D. rer. amotar.* Ita reo contumaci<sup>3</sup> pœna hæc est: actori rei suæ persecutio. At enim hoc modo actor supra quam ei abest, consequi videtur. Plane, si justum pretium hic spectatur; cum sæpe ex contumacia æstimetur res ultra id pretium, *d. L. 1. de in lit. jur.* At non ultra id quod ei abest, si spectatur id pretium, quo rem suam æstimat: quod sane arbitrio potius domini statui æquissimum est, *d. L. tutor, de in lit. jur.* verumque est illud Javoleni ex *L. libertus, 36. D. de bon. lib.* absurdum esse jus cujusque aliorum computatione, non judicio ipsius domini æstimari. Tum autem ut pretium hic esse fateamur: tamen pœna est, quæ ex contumacia non restituendis nascitur, idque officio judicis, non ea quæ petatur actione: nam actione in rem nihil amplius, quam res nostra, quæ ab alio possidetur, petitur. *L. actionum, D. de obl. et act.*

IX. Actiones in personam ex contractu omnes item rei persecutionem continent, duabus exceptis: depositi, et redhibitoria. Depositum, si quid depositum sit incendi, tumultus, ruinæ, naufragii causa; actio in duplum, sive cum eo, apud quem depositum est, sive cum herede ejus de dolo eorum in re deposita agatur. *d. §. rei persequendæ, hic L. 1. §. 1. D. depos.* Redhibitoria et ipsa in duplum adversus eum, qui redhibenti morbosum mancipium pretium non reddit, et cætera quæ ex hac causa reddi oportet: diserte hoc traditum in *L. redhibitoria, D. de ædi. ed.* Cui non adversatur quod quidam obijciunt, quod neque duplæ petitio, neque actio quanto minoris pœnæ persequendæ nomine instituuntur. Nihil enim cum his commune habet redhibitoria. Utraque superior mixta est, in duplo et id quod abest, et ultra id alterius tanti pœnam continens. *d. §. rei, in fi. hic, d. L. redhibitoria, de ædil. ed.*

X. Ex maleficiis actiones, quæ sunt aut  
ex

<sup>3</sup> Et hæc pœna, qua afficitur is contra quem in litem juratur *L. 1. de in lit. jur.* non tam nascitur ex delicto, quam ex damno alteri illato. Nec illa condemnatio, ultra rem ejusve æstimationem, est ex ipsius actionis natura, sed ex jurisjurandi delatione, quod et omitti ac non deferri potuit. Fopp. ab Ezema 1. *Dissert.* 19. Sed et pœnalis actio alia ab ea,

quæ pœnæ nomine dari, aut concipi dicitur, ut *L. 9. §. ult. de Reb. auct. jud. poss. L. ult. §. 1. Quæ in fr. cred.* quæ nihilominus rei persecutoria mera, quia actor nil præter rem consequitur, etsi puniat factum rei. *L. 9. Quod fals. tut. auct. vid. Cujac. 24. Obseq. 17.*

ex furto, aut vi bonorum raptorum, aut damno injuria dato, aut injuria, omnes persecutionem pœnæ habent; aliæ quidem solius pœnæ, aliæ autem pœnæ et rei: omnes tamen pœnæ persecutionem; ut proinde omnes sint pœnales, ut declaratur in §. *ex maleficiis*, et §. *vi autem*. Excipiendæ sunt duæ, actio rerum amotarum, et conditio furtiva. Actionem rerum amotarum ex delicto esse cum res ipsa docet, tum vero scriptum est in *L. si mulier*, §. *pen. D. rer. am.* At ibidem traditur hanc ipsam actionem rei persecutionem continere. Conditio quoque furtiva cum sit ex furto, id est, maleficio, rei tamen habet persecutionem. *L. si pro fure*, §. *ult. D. de cond. furt.* Idque actionum persecutio in utraque satis indicat: persequuntur enim ambæ id, quod de nostro nobis ablatum est, id est, quod nobis abest ex patrimonio. Quam ob causam has quoque actiones et perpetuas esse, et in heredem dari iisdem locis traditur.

XI. Quæ ex his pœnalibus mixtæ sint, ita intelligemus, si scierimus, quæ sint dumtaxat pœnales: sunt autem hujusmodi duæ, furti, et injuriarum. De actione furti est in

§. *ex maleficiis*, hic: et in *L. si pro fure*, §. *i. de cond. fur.* De actione injuriarum in §. *pœna*, supra de injur. Cæteræ ergo mixtæ, quæ sunt ex maleficiis, quod copiosius explicatur in *d. §. ex maleficiis*, et §. *seq.*

XII. Ex quasi contractu actiones omnes rei persecutionem habent, utpote persequentes, quod nobis abest, ut licebit intelligere ex iis generibus harum actionum, quæ exponuntur supra de *obl. quæ ex quas. contr.* Una actio excipitur ex hoc genere in §. *vi autem*, vers. *item mixta*, hic: nempe actio ejus legati et fideicommissi nomine, quod relictum est ecclesiæ, aut aliis venerabilibus locis: actio in duplum constituta a Justiniano adversus eos, qui legatum restituere differunt eo usque, donec in jus vocati sint. Et hæc mixta est, persequens partim quod abest legatum, partim alterum tantum, in quo est legis pœna.

XIII. Actiones in personam ex quasi maleficio omnes pœnales esse, et quatenus pœnales, intelligi potest ex his, quæ de hoc genere tradita sunt supra *tit. de obl. quæ ex quasi del.*

Quædam



## Quædam actiones.

## §. XVII.

*Recta collocatio hujus §. I.*

*Familiæ erciscundæ actio quid, et unde nomen. II.*

*Præstationes personales in duplicibus judiciis, quæ. III.*

*Communi dividundo actio, quid. IV.*

*Finium regundorum actio, quid, et unde nomen. V.*

*Duplex judicium quid, et quid differat a mixto. VI.*

*Duplicia judicia tria cur dicantur videri tam in rem, quam in personam. VII.*

*Duplicia tria judicia vere in personam tantum esse, non in rem. VIII.*

Quædam actiones mistam causam obtinere videntur, tam in rem, quam in personam: qualis est familiæ erciscundæ actio, quæ competit coheredibus de dividenda hereditate. Item communi dividundo, quæ inter eas redditur, inter quos aliquid commune est, ut id dividatur. Item finium regundorum actio qua inter eos agitur, qui confines agros habent. In quibus tribus judiciis permittitur judici rem alicui ex liti gatoribus ex bono et æquo adjudicare: et si unius pars prægravari videbitur, eum invicem certa pecunia alteri condemnare.

I. **Q**uia proxime dixerat de actionibus mixtis; per occasionem et alias tres subicit, quas et ipsas mixtas videri ait: sed quæ longe dissimili in re et genere versentur. Nam ante de iis mixtis dictum est, quæ conjunctim rei et pænæ persecutionem habent. Quæ autem subjiuntur, dicuntur mixtam causam habere non ab his rebus duabus permixtis; sunt enim omnes rei solum persecutoriæ: sed quia partim in rem esse videntur, partim in personam, ut initio explicatur. Ex quo apparet hanc connectionem esse in verbis magis, quam in re. Fatendum est rectius facturum fuisse Justinianum, si has species primæ divisioni propositæ continenter subjecisset. Sive enim hic proponi placet tertium quoddam genus earum actionum, quæ sint tam in rem, quam in personam; non alio loco subjici debuit, quam ubi de prioribus duobus uno in rem, altero in personam agebatur: sive volumus has actiones esse in personam tantum, aut in rem tantum, sed tamen de iis dubitari potuisse, an mixtæ essent; ne hæc quidem dubitatio alio loco tractari et removeri debuit, quam cum primam illam divisionem ad quam hæc

Tom. VI.

quæstio pertinebat, exposuisset: ut factum supra videmus de actionibus præjudicialibus. Sed de re videamus.

II. Proponuntur hic tres actiones, familiæ erciscundæ, communi dividundo, finium regundorum. Dicuntur mixtam causam obtinere videri tam in rem, quam in personam. Et ut possit intelligi ita esse, inter quos et cui rei competant, hoc loco breviter indicatur: sed brevius, quam pro natura et potestate singularum. Ideo paulo explicatius vis et potestas singularum attingenda est: sed eo magis, quod definitiones de singulis hic traditæ sunt, continentes ad quid unaquæque competat: quas facile est sic accipi, quasi ad eas res tantum hæ actiones competant. Quod cum aliter se habeat, vel hoc ipsum ad hunc locum pertinet moneri nos, non ita eas definitiones accipi debere, et simul ostendere, quid amplius singularum natura contineat. Huc accedit, quod nisi altera pars qua constant hæ actiones, cognita fuerit, nunquam illud intelligetur, quale sit, quod dicitur has actiones esse in personam. Et quoniam ex natura cujusque pendet, ut norimus sint ne in rem, an in personam, an

utrumque, prius quid contineant, consideremus. Familiae erciscundae actio competit coheredibus de dividenda hereditate, ut hic scriptum est. Et hoc est, agit hoc iudicio heres adversus coheredes suos, ut a communione hereditatis discedatur, sive ut inter eos dividantur res hereditariae prius indivisae. L. 1. *D. fa. erc.* Hinc nomen familiae erciscundae, id est, hereditatis dividendae. Nam familia hic hereditatem significat: ut in lege duodecim tabularum his verbis: *Agnatus proximus familiam habeto.* L. *pronuntiatio*, §. 1. *D. de verb. sig.* *Erciscere* autem verbum antiquum est, quo eadem lex duodecim tabularum utebatur, pro dividere. Persequitur et continet hoc iudicium res duas, rerum hereditariarum divisionem, et praestationes quasdam personales, eas videlicet, quibus heres heredi propter communionem rerum est obnoxius. Et ut loquitur Ulpianus, familiae erciscundae iudicium ex duobus constat; id est, rebus, atque praestationibus, quae sunt personales. L. *item Labeo*, §. *pen. D. fam. ercisc.* Rerum divisio qualis sit: quae in hac divisione adjudicatio, item quae mutua condemnatio, quarum rerum hic mentio fit in extremo, declaratur in §. *si familiae*, *infra de off. jud.*

III. Praestationes autem personales quas diximus, tres sunt. Inducuntur enim aut lucri, aut damni, aut impensarum nomine, quae quidem res in re communi inciderint. *Lucri*, ut si quid ad aliquem heredem pervenit ex re communi, id ceteris heredibus communicet. *Damni*, ut si quid damni in rebus hereditariis datum factumve est culpa alicujus heredis, id ceteris pro portione cuiusque sarciat. *Impensarum*, ut si quae in res hereditarias ab uno herede factae sint, quas propter partem suam necesse habuerit facere, ei praestentur a coheredibus. Comprehensa sunt haec genera diserte in iudicio communi dividundo in L. 3. *D. com. divi.* Unde intelligi debet etiam ad hoc iudicium pertinere. Hereditatis enim divisione semota, caetera sunt utrique iudicio cum altero communia. L. *si quis putans*, §. *officio*, *D. com. divi.* Indicantur eadem genera praestationum in L. *praetor*, in pr. *D. de reb. auct. jud. pos.* in commune autem in omnibus rebus communibus in L. *quibus*, 34. juncta L. *ut sit*, 31. *D. pro soc.*

IV. Communi dividundo iudicium redditur inter eos, inter quos res una, vel plures communes sunt, dummodo plures istae sint singulae, ut a communione earum discedatur; nec interest, ex societate communes sint, an

sine societate. L. 1. L. 2. *D. com. divi.* Iudicium ut fine eodem, ita iisdem rebus constans, quibus superius, rerum communium divisione, et praestationibus iisdem personalibus, d. L. 3. *D. com. divi.* Hinc in divisione rerum idem servatur cum de earum adjudicatione, tum de condemnatione mutua, ut est in extremo hujus §. quod pluribus declaratur in §. *eadem*, *infra de off. jud.*

V. Finium regundorum iudicium est, inquit Justinianus, quo inter eos agitur, qui confines agros habent: addendum est, ut fines regantur, unde nomen finium regundorum; id est, ut fines ad suam normam et certitudinem dirigantur, et quod intra justos fines quisque habet, id totum retineat; si quid amplius, id vicino restituatur. L. 4. §. *ult. L. si irruptione*, in pr. et §. 1. *D. fi. reg.* Sed etsi fines recte dirimi non possunt, vel propter inaequalitatem loci, vel propter veterum finium incertitudinem, permittitur iudici aliis finibus evidentioribus agros distinguere. Quo casu quia necesse est ex unius agro partem aliquam alterius agri domino adjici et detrahi; ideo res transigitur adjudicatione, et condemnatione. §. *si finium*, *infra de off. jud.* Quid autem hic iudicem sequi oporteat, explicatur fusius in L. 2. §. *ult. L. 3. L. 4. in pr. fi. reg.*

VI. His de natura et potestate harum actionum breviter ut pro loco, cognitis, jam facilius poterit intelligi, quid sit, quod de his initio proponit Justinianus. Ait ergo has actiones mixtam causam obtinere videri, sed addit tam in rem, quam in personam. Ex quo intelligimus haec iudicia non eodem sensu hic dici mixta, quo dicuntur duplicia. Nam et duplicia alibi vocantur; sed hoc sensu, quod in his uterque ex litigatoribus duplitem personam sustinet, actoris videlicet et rei. L. *in tribus*, *D. de jud.* L. 2. §. *ult. D. com. div.* Et recte. Nam cum iudicia sint de dividendis rebus, evenit, ut uterque partem a socio petat, et vicissim ab eo petatur; ut illa parte actor fit, hac reus. Quae res facit, ut hactenus quoque sint mixta.

VII. At nunc mixta dici apparet ex eo, quod tam videantur in rem, quam in personam. In rem ideo, quia in his socii de re sua agunt, puta parte sua, ut sic in rem hactenus agere videantur: cum in rem actiones sint, quibus rem nostram petimus. In personam citra controversiam in eo, quod a sociis ea petimus, quae supra diximus esse in personalibus praestationibus. Haec enim petuntur.

tuntur ab eo, qui sit ad eas res propter rationem communionis obligatus: de quo genero obligationis est in §. *item si, supra de obl. quæ ex quas. con. nas.* Adversus obligatum autem actio in personam: *L. actionum, D. de ob. et act.*

VIII. Sed notandum est diligenter dici has actiones non mixtam causam obtinere tam in rem; quam personam; sed obtinere videtur. Re vera enim in personam sunt omnino:

Tom. VI.

1.) Consentit Coras. *ad Rub. D. de reb. cred. n. 2. et 3. et in §. 1. I. de act. n. 3.* Vult. in *d. §. 20. ipsi 18. I. h. t. n. 2.* quia familiæ eriscundæ et communi dividundo dantur ex quasi contractu, nec contra quosvis possessores, sed coheredes, et quibus res est communis. De actione vero Finitim regundorum idem probat, ex *d. L. Fin. reg.* Ideoque Justiniano ut vocula videntur. Quia licet non sint, videantur, tamen, non ob causam ex qua dantur, sed ob effectus nonnullos. Et A. Fab. 20. *Conject. 10.* quia, inquit, alias divisio *d. §. 1.* manca esset, quam tamen perfectum, vel subjectum dilemma arguit. Itemque alio probari potest, quia aut intendimus eum, quem lite pulsamus, dare, facere, aliquid oportere, aut non intendimus. Quæ contradictoria sunt. Equidem, subit, mistarum nomen, non inauditum Ictis *L. 37. §. 1. h. t.* Verum non hoc sensu, quod partim in rem sint, etc. sed alio, in quibus nempe uterque actor et reus; duplicia iudicia, ejusmodi non hæc solum actiones, quæ *d. §. 20.* Sed et quædam interdicta *d. L. 37. §. 1. L. 2. pr. de interd.* Atque hoc ipso modo in *d. §. 20.* Verba *mistam causam obtinere* exponit Faber, illis, *tam in rem, quam personam*, cum interpretis glossæmate, rescatis. Sic congruere putat, quæ sequuntur in vers. *in quibus.* Reddi nempe illis rationem, cur uterque actor, et reus sint, quia, ex qua parte sit uni adjudicatio, ex ea actor, ex qua vero alteri, condemnatur reus. Ex neutra vero parte, naturam actionum realium sapere ait, quia in his non acquiritur dominium, sed declaratur. In tribus vero illis iudiciis, res, post adjudicationem plene sit alicuius, quæ antea quoque erat alterius. Male ergo, qui ex verbo *adjudicandi* participationem actionis realis inferunt. Ita Faber. Cujus correctionis temeritatem, vel Theophilii *Institutiones* redargunt, qui in *d. §. 20.* diserte actiones has, actionis in rem et in personam, naturam, in se continere scribit. Quod et exemplo in actionibus familiæ eriscundæ declarat. Et tertium hoc genus non temere agnoscunt, Cujac. in *par. C. Fam. erisc.* Wes. in *Par. D. Fin. reg. n. 6. et Fam. arc. n. 2. Zas. et Hot. ad L. d. §. 20. idem Zas. 2. Sing. Resp. 33. Brou. 2. Ass. 10. Thadæ. Piso Socæ. in §. 1. I. de act. n. 6. Cagnol. in Rub. D. si cert. pet. n. 57. et seqq. Gifan. ad L. 37. de O. et A. n. 15. Lang. de Except. P. 2. Cap. 1. n. 193. Val. Guil. Forst. Tract. Justin. pag. 2. Disp. 1. Th. lit. C. 2. Obs. succis. 4. Ac magis est origine sane et essentia, has actiones in personam, esse, sine vero et effectu, quædam ex natura actionum in rem participare. Constantque rebus et præstationibus, quæ sunt personales actiones, ut Ulpianus in *L. 22. §. pen. Fam. ero. L. 4. §. 3. comm. div.* Et tam in rem directæ sunt, quæ dividi petitur: Wes. *d. n. 2.* quatenus scilicet respicitur portio mea, quam in personam, respectu personalium præstationum, et quatenus in re spectatur portio aliena, coheredes, vel socii, ex qua mihi adjudicari potest, Myns. in *d. §. 20. n. 15.* Dyn. *ibidem n. 8.* Petr. Vauderan. de Priv. credit. Cap. 16. sub fin. Mudæ. in *d. §. 20. n. 2. et 3.* ut ita non obstat superior Fabri objectio, quod adjudicatione dominium acquiratur, contra quam in actionibus realibus. Neque enim hac ratione, naturam actionis realis in se habent, sed quatenus, qui eas exerceret, partem in rebus communibus suam petit. Quam cum sæpe commode, obtinere nequeat, nisi adjudicationibus factis; ideo iudicis officii est, res singulas singulis adjudicare, eumque cui plus adjudicatur, alteri in pecunia condemnare §. 4. et seq. *I. de offic. jud.* Ac male ino Faber, ex qua parte adjudicatur, actorem esse; enim totum hoc, magis ex officio iudicis veniat, quam intentione actoris, divisionem postulantis, atque ex necessitate eo veniatur, quando commodior divisio fieri nequit *d. §. 4. et seqq.* Quæ et uno solum casu, necessaria in actionibus Finitim regundorum ut §. seq. 6. *I. d. t.* Neque sic divisio *d. §. 1. h. t.* manca. Nam, ut ipse Vult. ad *d. §. 1. n. 2. infr.* expressione simplicium mista, et ex utrisque concreta, intelliguntur.*

in rem non sunt: ne forte cum initio dividuntur actiones in duo genera, in rem, et in personam, putemus ei divisioni aliquid deesse, et hoc loco induci tertium quoddam genus mixtarum actionum. Duo sunt illa tantum tradita a veteribus. *L. actionum, D. de obl. et act.* Neque hæc actiones refragantur: sunt enim in personam dumtaxat, ut dixi in ejus divisionis explicatione ad §. 1. *supra eod.* in rem non sunt. Primum de actione

47 \*

fi-

Dyn. in *d. §. 1. n. 13.* Usill. *ibid. n. 30.* Bronch. 4. *Ass. 31.* Confer. Tirag. post *LL. connub. gl. 5. n. 69. et 2. seqq. ac n. 76. et Tr. le mort saisis le vil. pag. 2. declar. 4. n. 7. et seq.* Accedit, quod non adjecta vocula tantum, et facit *L. incivile 24. de LL. quomodo*, objecto licet occurrere posse, non diffusetur Donellus noster in *d. §. 1. n. 6.* Ad reliqua objecta Vultei resp. Has quoque actiones ex re venire *L. 46. b. t. et quidem magis, quam ex persona L. 29. Comm. divid.* nec dari adversus quosvis possessores, quia non in solidum, ac mere reales. Unde licet in aliis, quam coheredibus, et sociis requisitum unum, actionis realis adsit, possessio, alterum tamen actionis personalis, obligatio deficit. Ad rationem Donelli (1) resp. eo ipso probatur, esse mistam, quia quatenus fines suos vindicat, in rem est. Bron. 2. *Ass. 10.* Goth. in *d. L. 10.* Ad (2) resp. Etsi una nota actionum realium, non semper hic conveniat, videlicet possessionis ab alio detentæ restitutio, alia tamen adest, domini assertio. Quin et possessio abesse videtur. Qui enim prius possidet rem, atque in ea partem suam pro indiviso, hoc agit, ut deinde possideat pro diviso rem, vel partem certam. Ad (3) responsio ex dictis patet. Cum et tantum probet, non esse realem. Ad (4) resp. non ratione adjudicationis, naturam realium referre ex parte, sed alia, ut expositum. Obijcit Jason in *d. §. 20.* duas species oppositas misceri, et ex iis tertiam constitui non posse. Sed post *Zas. ibid. resp. Bron. d. loc.* optimum quandoque ex contrariis fieri temperamentum, cum et quatuor contrarie complexionis in corpore hominis resideant. Et mistæ hæc, ex simplicibus utrisque non formaliter, sed materialiter. Alique his actionibus forma, ab illarum diversa ex utriusque qualitatibus participans. Sicuti mulus: de natura equi et asini, non utriusque forma informatus, sed peculiari intermedia. Et elementare mistum, constat ex elementis, non quod elementa juxta formas suas, sive integras, sive remissas, atque refractas, atque ita actu misto insint. Quæ opinio licet pluribus probata Zabæ de *Mistione.* Fernel. 2. *Physiol. 6. et 7.* Archang. Mercenar. *Difficult. 1. Böldin. Lib. 1. Theatri naturæ etc. mili. d. Philosophiæ studia tractarent, aliena, tum a mente Aristotelis de Gener. et Corr. 10. Text. 84. et 2. de Partib. Animal. 1. initio, tum a vero, visa est, cum Scal. Exerc. 16. Sect. 3. et Exerc. 101. Text. 19. et passim Conimbricens. in *d. Cap. 10. Arist. Quest. 3. Fr. Tolet. Comm. in Lib. 6. Phyl. Cap. 2. Text. 23. Q. 2. Sebast. Fox. Lib. 2. de Platonis et Arist. consensu Cap. 10. Riolan. Physiol. Sect. 1. Cap. 8. Valles. 1. Controv. Phil. et medic. 1. etc. Cæterum, male quidam his mistis accensent, in rem scriptas, ut sunt: Quod metus causa; Noxalis; ad exhibendum; Arnold. ab Haersolt. in *Proleg. de act. in genere n. 12.* sentiens personales esse, quia ex contractu, vel delicto, reales, quia contra quemcumque. Magis peccant, qui propriam, atque ita quartam speciem actionum in illis ponunt Jac. Gure in *L. 2. C. de resc. vend. pag. 11.* Nam illa non mutant naturam actionis personalis, ita dictæ, quod sine designatione personæ dentur. vid. *Civil. Commentar. Lib. 15. Cap. 39. n. 31. sub fin. N. 20. Lang. d. Cap. 1. n. 106. Gifan. ad L. 25. de O. et A. n. 12. et seqq. Cagnol. in Rub. D. Si cert. pet. n. 52. et seq. Coras. ibid. n. 3. et 1. Misc. 12. A. Fab. 20. Conject. 10. pag. 116. et seqq. ubi docet, has verbiis formula dirigere in personam certam, et tamen sic dictas vult, quod in concipienda formulæ conditione, iisdem verbis usus fuerit Prætor, quibus in actione reali. Neque hoc obstat scribit, cum conditio non disponat, dispositio vero formulæ eadem sit, quæ aliarum actionum in personam, potestate scilicet fuerit, contra quam diriguntur, iudici dato, quod condemnandi ejus, contra quam diriguntur, iudici dato, longe fieri non potuerit in realibus. Sed ratio appellations, longe aptior allata a Don. *d. Cap. 39.* Nam nec unde ita conjiciat, Faber de verbis conditionis formulæ, argumentum nullum profert.***



finium regundorum diserte scriptum est in L. 1. *D. fin. reg.* hanc in personam esse, licet sit pro vindicatione, quia scilicet per hanc rem nostram consequamur, quæ sit intra nostros fines. Idem ergo et de reliquis duabus judicandum est, ut pote ita similibus, ut tres istas ubique conjungi, et eodem jure censi videamus, *d. L. in tribus, D. de jud. d. L. 2. §. ult. com. div. §. si familiæ*, et 2. §§. seqq. *infra de off. jud. et hoc loco*. Tum autem in rem non esse certissimo argumento hæc sunt. Primum nunquam actio in rem ei datur, qui possidet, quem quidem constet possidere, et qui se pro tali haberi velit. *L. 1. §. pen. D. uti poss. §. æque, supra eod.* At judicium familiæ erciscundæ non tantum ei datur, qui non possidet, sed etiam ei qui possidet: et quidem huic maxime, ut colligere est ex L. 1. *illic, quæ quidem actio, D. fam. exc.* Deinde actione in rem petimus rem nostram,

aut ad jus nostrum pertinentem, §. 1. et §. *sed istæ*, et deinceps, *supra eod.* At familiæ erciscundæ judicio, item communi dividendo sic ad divisionem rerum communium provocamus, ut non magis partem nostram petamus, quam alienam. Volumus enim res singulas, aut partes singularum rerum ex divisione distinctas et totas nobis adjudicari: cum in rebus communibus nullum sit etiam minimum vestigium, quod non sit socio mecum commune, id est, in quo socius partem non habeat, ut ego. Postremo hæc adjudicatio cum petitur, petitur obligationis jure, tanquam ab eo videlicet, qui propter communionem quam mecum habet, eam adjudicationem pati debet. Quæ plane necessitas ex obligatione quæ ex communione est, nascitur: omnis autem actio ex obligatione est in personam. Quare non sunt hæ actiones in rem, sed in personam umtaxat.

Omnes autem, et seqq. usque ad §. actionum autem.

### §. XVIII.

*Series hujus divisionis. I.*

*Quadruplum nulla actio excedit. II.*

*Simpli actiones quæ. III.*

*Dupli actiones quæ. IV.*

*Tripli actio una. V.*

*Lectio vera constituta in §. tripli, in fin.*

*VI.*

*Quadrupli actiones quæ. VII.*

*In duplum, triplum, quadruplum, quæ actiones ab initio, quæ ex eventu, et quibus conditionibus. VIII.*

*Simplum in his actionibus, quod intelligendum. IX.*

*In duplo, triplo, quadruplo quando insit simplum, aut non insit. X.*

Omnes autem actiones, vel in simplum conceptæ sunt, vel in duplum, vel in triplum, vel in quadruplum: ulterius autem nulla actio extenditur. In simplum agitur: veluti ex stipulatione, et mutui datione, ex empto, vendito, locato, conducto, mandato, et denique ex aliis quam plurimis caussis. In duplum agimus: veluti furti nec manifesti, damni injuriæ ex lege Aquilia, depositi ex quibusdam caussis. Item servi corrupti: quæ competit in eum, cujus horratu consiliove servus alienus fugerit, aut contumax adversus dominum factus est, aut luxuriose vivere cœperit, aut denique quolibet modo deterior factus sit. In qua actione earum etiam rerum, quas fugiendo servus abstulerit, æstimatio deducitur. Item ex legato, quod venerabilibus locis relictum est, secundum ea quæ supra diximus.

Tripli vero agimus, cum quidam majorem vera æstimatione quantitatem in libello conventionis inserunt, ut ex hac causa viatores, id est, executores litium, amplio rem summam sportularum nomine exigent: tunc enim id, quod

quod propter eorum causam damnum passus fuerit reus, in triplum ab actore consequetur: ut in hoc triplo etiam simplum, in quo damnum passus est, connumeretur. Quod nostra constitutio introduxit, quæ in nostro Codice fulget, quam proculdubio certum est ex lege condictitia emanare. Quadrupli autem agitur, veluti furti manifesti, item de eo, quod metus causa factum sit, deque ea pecunia, quæ in hoc data sit, ut is cui datur calumniæ causa, negotium alicui faceret, vel non faceret.

Item ex lege condictitia nostra constitutio oritur, in quadruplum condemnationem imponens iis executoribus litium, qui contra nostræ constitutionis normam a reis quidquam exegerint.

Sed furti quidem nec manifesti actio, et servi corrupti, a cæteris, de quibus simul locuti sumus, eo differunt, quod hæ actiones omnimodo dupli sunt: at illæ, id est, damni injuriæ ex lege Aquilia, et interdum depositi: infitiatione duplicantur, in confitentem autem in simplum dantur. Sed illa, quæ de his competit, quæ relicta venerabilibus locis sunt, non solum infitiatione duplicatur, sed etiamsi distulerit relictæ solutionem usquequo jussu magistratum nostrorum conveniatur. In confitentem vero ante, quam jussu magistratum conveniatur, solventem simpli redditur.

Item actio de eo quod metus causa factum sit, a cæteris, de quibus simul locuti sumus, eo differt: quod ejus natura tacite continetur. Ut qui iudicis jussu ipsam rem actori restituat, absolvatur: quod in cæteris casibus non est ita: sed omnimodo quisque in quadruplum condemnatur, quod est et in furti manifesti actione,

I. **T**ertia est divisio actionum ad institutendam recte actionem similiter comparata. Ut enim in omni actione dicere oportet, quid petas: ita et illud, quantum petas. Prius superior illa divisio ostendit: posterius hæc quæ sequitur. Bene vero et naturæ ordine illa præcedit, hæc sequi debet. Prius est enim, ut norimus, remne dumtaxat petamus, an pœnam: quod prior illa explicat. Proximum, si pœna petitur, id est, amplius aliquid, quam quod nobis abest, ut videamus, in ea pœna quousque petendo supra rem progredi liceat: quod hæc divisio aperit. Sic autem divisio est: *Omnes, inquit, vel in simplum conceptæ sunt, vel in duplum, vel in triplum, vel in quadruplum: ulterius autem nulla actio extenditur.*

II. Quod ait nullam ulterius extendi, vere in universum dicitur; sive pœnas legitimas spectes, sive conventionales. De pœnis lege constitutis constat. In pœna conventionali potest falsum videri ideo, quia licet pœnam in infinitum stipulari supra quam nostra intersit. *L. stipulatio ista, §. alteri, D. de verb. obl.* Sed nihil hoc superiori sententiæ adversatur. Quantumcumque enim est, quod pœnæ nomine stipulamur, simplum est, non duplum, aut triplum, aut quid amplius. Unde in *ver. seq.* dicitur in simplum agi ex stipulatione. Generaliter, inquam, ex stipu-

latione. Proinde ex omni stipulatione: eoque et ex pœnali. *arg. in L. si servitus, D. de ser. ur. pr.* Et recte in simplum ex stipulatione quoque pœnali. Pœnam enim stipulantes ita in stipulatum deducimus, ut hanc per se solam et unam simpliciter stipulemur, non autem ex comparatione alicujus simpli, quod a pœna excedi velimus duplo, aut triplo, aut deinceps.

III. *In simplum agitur.* In simplum sunt omnes actiones, quæ rei persecutionem continent: ut quæ persequantur, quod unum et simplum ex patrimonio nobis abest. Sed et ex iis, quæ habent persecutionem pœnæ, sunt illæ in simplum, in quibus certa pœnæ summa ita lege comprehensa est, ut neque dupli, tripli, aut quadrupli mentio fiat, nec ex comparatione alterius simpli amplius quid pœnæ nomine constituatur: ut, cum pœna constituitur in quinquaginta, in decem, aut viginti aureos: et quæ sunt similes pœnæ. *L. si quis id quod, D. de juris. L. pen. D. de in jus voc. §. 1. et seq. supra de obl. quæ ex qua. del.*

IV. *In duplum agimus.* Quinque sunt actiones in duplum constitutæ. Furti nec manifesti, de qua in *§. pœna, supra de obl. ex del.* Damni injuria ex lege Aquilia, ut hic scriptum est: sed hac conditione, si quis se damnum dedisse infitietur: nam hæc actio ad-

adversus confidentem in simplum est, adversus infitiantem in duplum. *L. inde Neratius, §. hæc actio, D. ad leg. Aquil.* Depositum ex iis causis, de quibus comprehensum est edicto in *L. 1. §. 1. D. depos.* Servi corrupti ex ea causa, quæ hic exposita est: de qua edictum, et ejus interpretatio in *L. 1. in pr. et deinceps, D. de ser. cor.* Ex legato quod venerabilibus locis relictum est: de qua actione est in *§. vi autem, vers. item mixta, supra cod.* Et hæc quinque hoc loco recensentur. Licetne his sextam addere redhibitoriam? Nam in *L. redhibitoria, D. de Æd. ed.* dicitur hæc interdum condemnationem habere in duplum. Sed hoc non sic accipiendum est, quasi hæc actio aliquando sit in duplum ejus simpli, quod principaliter nobis abest, ut nunc actionem in duplum vocamus. Ideo dicitur aliquando in duplum condemnationem habere, quia venditor interdum damnatur ad res duas, id est, et ad pecuniam, quanta pro re vendita, accessionisve nomine ab emptore data est, et quanti ea res erit, quod emptorem, qui eo nomine obligatus erat, venditor non liberaverit: ut ibidem explicatur, et indicatur edicto in *L. Ædiles etiam, §. ult. D. de Æd. ed.* quod et ipsum docui pluribus in commentario de *Æd. ed.* Harum autem præstationum utraque simplum continet, et rei quæ abest, non pœnæ persecutionem. Quod actionibus in duplum non convenit; quarum in duplo si non utrumque simplum, at certe alterum saltem semper pœnæ persecutionem continet.

V. *Tripli vero.* Una actio est in triplum, quam hic commemorat. Cui, in quem, quæ ex causa detur, et quatenus, dilucide exponit. Obiter notandum ex hoc loco, neque sportulas viatoribus seu litium exsecutoribus præstari solitas unas fuisse; sed pro modo quantitatis petitiæ ad certam summam exigi solitas: et quod mirum est, has ipsas non ab actore, qui viatoris opera uteretur, præstari solere, sed a reo exigi.

VI. *Quam proculdubio certum est ex lege conditicia emanare.* Theophilus hunc locum exprimens sic interpretatur, ut dicat ex hac constitutione, quam Justinianus refert, nasci conditionem ex lege. Ex quo apparet apud Justinianum ita scriptum fuisse, certe Theophilum ita scriptum legisse, *ex qua proculdubio est ex lege conditiciam emanasse.* Ex qua, intellige constitutione nostra. Proculdubio est, id est, certum est: quod cum ita quidam inter lineas interpretati essent, tandem etiam in contextum irrepsit:

sed supervacaneæ, cum proculdubio esse, et certum esse, idem valeant. Conditiciam autem Theophilus ex usu juris interpretatus est conditiciam actionem, id est, uno verbo conditionem; hanc ex lege, id est, eam quæ conditio ex lege appellatur. Quod et Hotomanus locum postulare primus, opinor recte vidit, et sive a Theophilo admonitus, sive ex ingenio, isto modo emendavit. Quo modo et nobis omnino legendum, et locus restituendus est. Primum quidem auctore et præeunte Theophilo, qui ætate propior scire potuit, quomodo apud Justinianum scriptum esset. Sed maxime ideo, quia locus ita cogit facere. Multa sunt enim, quæ lectionem istam vulgarem aperte repudient. Constitutio nostra, inquit, emanat, seu nascitur ex lege conditicia. Et ubi illa lex conditicia, aut ubi unquam hujus nominis mentionem fieri legimus? Et vero nulla etiam lex ita dici potuit, ut est usus loquendi veterum in legibus designandis. Si quæ enim dici potuit conditicia, ex eo dici debuit, quod proponeret de variis rebus conditiones. At leges et constitutiones ex causis et factis de quibus cavent, nomen accipiunt, non ex actionibus, quæ de his rebus competunt: ut lex Aquilia dicitur de damno dato: *L. 1. ad leg. Aquil.* Lex Falcidia de minuendis legatis; *Inst. de leg. Fal.* Senatusconsultum Vellejanum, de intercessionibus. *L. qui exceptionem, D. de cond. ind.* et similes leges innumeræ. Nulla autem lex vindicatoria, quæ vindicationem proponat: nulla conditicia, quæ conditionem. Jam illud quid est, constitutionem Justiniani quam hic indicat, emanare et oriri ex alia lege? Primum quid ad jus aut hunc locum pertinebat id monere? quid enim faciebat ad confirmationem constitutionis Justiniani, aut ad confirmationem actionis propositæ? Plane ineptum et alienum: cum sive constitutio Justiniani ex alia lege qualibet sumpta esset, sive non esset, semper hoc ipso haberet satis firmitatis, quod ab ipso Justiniano esset. Quid si ne hoc quidem dici potest, constitutionem Justiniani manare ex alia lege? Et certe non potest, nisi absurde. Nam si intelligimus constitutionem Justiniani illius alterius legis caput unum fuisse translatum iisdem verbis, eadem lex dici debuit, non nova constitutio, quæ ex illa lege emanaret. Sin constitutio, vere nova est, non debet dici ab alia lege emanare, sed a Justiniano: quia prior lex hanc constitutionem non tulit, sed Justinianus. Quare et falsitas sententiæ, et

in vera etiam sententia inutilitas orationis aperte ostendunt corruptam esse et procul rejiciendam vulgarem istam lectionem. Quid autem interpretatio Theophili, et ex hac inducta emendatio, qualem sententiam continet? veram quidem in sese citra controversiam: sed quod ad rem maxime pertinet, solam convenientem huic loco: neque id solum, sed etiam hoc loco cognitu necessariam. Ait Justinianus ex ista constitutione sua oriri conditionem ex lege. Nihil certius. Quæ enim ex ea constitutione actio est, inducta est nova ista lege, cum prius nulla esset. Ea autem est conditio ex lege. L. 1. *D. de cond. ex lege*. Sed non est satis, hoc etiam ita esse, sciri hoc loco conveniebat. Justinianus enim proposuerat constitutione sua actionem in triplum ex ea causa, quæ constitutione expressa est: et hactenus hic relata erat constitutio. Sed ex jure Romano, quo certas actiones esse oportuit, quærendum fuit, quænam hæc esset actio. Hoc ergo subjicit, et ait proculdubio esse conditionem ex lege. Atenim sequitur in §. *item ex lege*, quod condictionem legem confirmet. Sic enim legitur: *Item ex lege condictionem nostra constitutio oritur*. Sed et hoc vitiose, ut idem Theophilus ostendit, qui eum locum sic expressit, ut diceret esse et ex constitutione Imperatoris nostri proditam conditionem ex lege; indicans apud Justinianum ita scriptum fuisse, et nunc quoque legi debere: *item ex lege condictionem nostra constitutione*, vel *ex nostra constitutione oritur*, et illa verba *ex lege condictionem* sic accipienda esse, ut significetur condictionem actio ex lege, quæ ex constitutione quoque Justiniani oriatur in facti specie illic proposita.

VII. *Quadrupli autem agitur*. In quadruplum quinque sunt actiones, ex quibus quatuor hic recensentur: furti manifesti: de qua in §. *pæna*, supra de obl. quæ ex del. Quod metus causa: de qua in L. *item si cum*, §. 1. *D. quod met. cau.* Adversus calumniatores: de qua hic et in L. 1. *D. de calum.* Quæ, cui, et in quem detur, in L. 3. et deinceps, *cod. tit.* Adversus executores litium, qui plus quam his debetur, exegeant a reis sportularum nomine: de qua hic in vers. *item ex lege*, ubi quæ sit vera lectio, et sententia loci, supra ostendi in §. *triplici*. Quintam adjiciemus, vi bonorum raptorum: de qua supra tit. de vi bon. rap. et L. 1. *D. cod.*

VIII. *Sed furti quidem nec manifesti*. Monet hoc loco usque ad §. *actionum autem*, quod præcipue in superioribus actionibus

cavendum sit: non sic superiores actiones in duplum, triplum, aut quadruplum esse constitutas, ut ex omnibus statim duplum, triplum, aut quadruplum exigere liceat ab eo adversus quem constitutæ sunt, nec eam pœnam liceat reo evitare: sed hanc esse differentiam inter eas, ut quædam ex his omnimodo dupli sint, tripli et quadrupli; id est, ita sint constitutæ, ut statim hæc possint exigi, nec possit earum rerum condemnatio evitari: quædam, in quibus pœnam evitare liceat reo. Prioris generis omnes, quæ in diversa causa nominatim non habentur: ex quibus hic commemorantur tres: furti nec manifesti in duplum; servi corrupti, quæ et ipsa in duplum est; de quibus initio hujus §. item furti manifesti in quadruplum: de qua in §. *item actio*, seq. in fin. Sed sunt in hoc numero etiam aliæ; ut illa quæ est in triplum, de qua in §. *triplici*, supra ut actio vi bonorum raptorum in quadruplum. L. 1. *vi bon. rap.* Et generaliter, ut dixi, quæ non sunt ejusmodi, in quibus nominatim lege pœnam evitare conceditur. Quod conceditur interdum; sed et hoc non uno modo. In eo hæc varietas istius generis actionum est triplex. Constituuntur enim in duplum aut quadruplum sub conditione, alias si reus solutionem rei petitiæ differat, et expectet, donec in jus vocetur: hujus generis est actio de legato venerabilibus locis relicto; de qua hic. Alias si reus non distulerit tantum, sed judicio conventus hoc adjecerit ad frustrationem, ut inficiaretur se debere, et adversus infitiantem lis sit contestata: cujus generis dæ: actio damni injuria ex lege Aquilia, et depositi interdum, ut hic loquitur Justinianus: nempe ex iis causis, ex quibus in duplum datur actio ex edicto. d. L. 1. §. 1. *D. dep.* Alias si non tantum rem distulerit reus, et sit etiam infitatus se debere, atque hoc modo lis cum eo contestata; sed etiam ad extremum judicio convictus jussus sit rem de qua agitur restituere, neque restituerit: quod accidit in una specie actionis, quod metus causa: de qua in §. *item actio*, seq. L. *item si cum*, §. 1. et §. *hæc autem*, *D. quod met. cau.*

IX. Sed sive jam ab initio hæ actiones in duplum, triplum, quadruplum sint, sive ex eventu supra scriptis conditionibus: eveniet, ut in omnibus quærendum sit, quod sit hoc duplum, triplum, quadruplum, seu quomodo ista æstimemus. Et animadvertendum est duabus ex rebus æstimari; quantitate simpli, ex cujus ratione duplum aut triplum dicitur: et ex hujus simpli in duplo,

plo, triplo comprehensione, aut remotione. Necesse est enim ista crescere, aut minui prout est simplum, quod duplatur, triplaturve. Sint enim centum aurei in simplo; duplum erit ducenta: sint in simplo ducenta; duplum erit quadringentorum. Eademque tripli et quadrupli ratio est. Sed et simpli quantitate inventa, eadem mentio dupli, tripli, et quadrupli incidet, si aut in duplo et reliquis computabimus simplum, aut simplo non computato ista volumus præstari. Quapropter in harum rerum æstimatione duo hæc constituenda sunt, primum quod sit illud simplum, ad cuius rationem duplum, et cætera dici volumus: deinde an in his simplum computemus, necne. De utroque breviter sic habendum. Simplum in omni actione vocamus, quod actori abest, quodque esset præstandum, etsi nulla pœna amplioris summæ lege esset constituta, *supra de vi bon. rap. in pr. L. 1. D. de calumniat. L. item si cum, §. 1, §. quadruplatur, D.*

*quod met. cau.* Hujus simpli duplum, triplum, quadruplum intelligendum est.

X. Cum autem quæritur, an in duplo et cæteris simplum computari debeat, dicemus, nisi qua nominatim constituta sit lege actio, qua separatim, et ultra duplum, triplum, quadruplum petatur id quod nobis abest, semper in duplo, triplo, quadruplo simplum connumerari, ut in actione de servo corrupto; *L. 1. D. de ser. cor. vi bonorum raptorum, §. vi autem, supra eod. L. 1. D. vi bon. rap. quod metus causa, §. item actio, infra, et similibus quibus in §. vi autem, ver. item mixta, §. tripli, supra eod.* Tunc solum dupli et quadrupli solidi præter simplum persecutio est, cum rei persecutio extrinsecus est lege constituta, quod declaratur in *§. ult. supra de obl. quæ ex del. exemplo actionis furti; quæ si ve sit dupli, si ve quadrupli dicitur tantum ad pœnæ persecutionem pertinere hac ratione, quod ipsius rei persecutionem extrinsecus habeat dominus.*

## Actionum autem.

### §. XIX.

*Usus divisionis propositæ. I.*

*Divisio recta. II. et seqq.*

*Stricti juris actiones quo sensu dictæ, ut non pugnet appellatio cum L. placuit, C. de jud. III.*

*In stricti juris actionibus etiam bonam fidem spectari: sed quatenus: ut vere dicantur non esse bonæ fidei. IV.*

*Arbitrariæ actiones tertium genus actionum distinctum a prioribus. V.*

*Divisio hic tradita non ideo vitiosa, quia omissæ arbitrariæ actiones. VI.*

*Actiones bonæ fidei dictæ, quia omnis hic potestas judicis judicandi ex bona fide. VII.*

*Bonæ fidei actiones dictæ arbitria, et in his iudex arbiter, et cur. VIII.*

*Bonæ fidei actiones cur ex libera potestate judicandi non dicantur libera judicia, ut contraria quæ sunt, stricta IX.*

*Bonæ fidei actionum nomen unde, ac non anxie repetendum ex formulis. X.*

*Judiciorum veterum mos in actionibus dandis, concipiendisque XI.*

*Bonæ fidei actiones etiam dictæ ex bona fide descendere, et quam recte. XII.*

*Stricti juris actiones, quæ, et unde ita dictæ. XIII. XLIII.*

*Stricti juris id est, strictæ potestatis non summæ juris actiones. XIV.*

*Stricto jure vallata actio quid sit apud Justinianum in L. unic. §. sed etsi non ignoramus, C. de rei ux. act. XV.*

*Theophilus non videtur recte strictum jus in his actionibus interpretatus summum jus. XVI.*

*Ex bona fide valet ex æquo et bono. XVII. XVIII.*

*Cur ex fide bona, quæ præstantur ex æquo et bono. XIX.*

*De Contrariis judiciis locus Ciceronis lib. 3. Offic. expositus. XX.*

*Bonæ fidei actionum genera propria duo. XXI.*

*Moris et consuetudinis quæ sunt, præstanda in bonæ fidei judiciis. XXII.*

*Reticiendi pœna. XXIII.*

*Deteriorationis pœna. XXIV, XXVI.*

*Moræ pœna. XXV.*

*Fructuum et usurarum præstatio ex mora in bonæ fidei judiciis. XXVI.*



*Dolo malo aut vi contractum ipso jure non valet in bonæ fidei judiciis. XXVII.*

*Exceptiones bonæ fidei judiciis inesse, contineri: et hoc quid sit, tum quid contineat. XXVIII. XXIX.*

*Exceptionem non desiderari; non desiderari, ut excipiat, quid sit. XXX.*

*Bonæ fidei actione etiam certum recte petitur. XXXI.*

*In bonæ fidei judiciis etiam facti quæstiones maxime versantur. XXXII.*

*Strictis judiciis negata: seu quibus rebus distent stricta judicia a bonæ fidei judiciis. XXXIII. XXXIV.*

*Ipsa jure quis non teneatur, an per exceptionem, quid inter sit. XXXV.*

*Inter judicia bonæ fidei et stricti juris, differentie quedam repudiatæ. XXXVI.*

*Bonæ fidei omnes, quæ hic appellantur. XXXVII.*

*Bonæ fidei nullæ præter eas, quæ hic enumerantur. XXXVIII.*

*Contrariæ actiones etiam bonæ fidei XXXIX. Utiles ex iisdem causis item bonæ fidei. XL.*

*Item protutelæ, bonorum possessoria hereditatis petitio, et petitio hereditatis fideicommissaria XLI.*

*Item contractus emphyteuticus. XLII.*

*De precario actio, et condictio indebiti non bonæ fidei, et cur. XLVI. XLIV.*

*Finium regundorum actio non bonæ fidei, et cur. XLVII. XLIV.*

*Condictio indebiti, funeraria, injuriarum, de sepulchro violato, adversus judicem qui litem suam fecit, non sunt bonæ fidei. XLVIII. XLV.*

*Actiones quæ dicuntur bonæ fidei, cur potius bonæ fidei quam cæteræ. XLIX. L. LI.*

*Petitio hereditatis non mutuum negotium habens cur bonæ fidei. LII.*

Actionum autem quædam bonæ fidei sunt, quædam stricti juris. Bonæ fidei sunt hæc: ex empto, vendito, locato, conducto, negotiorum gestorum, mandati, depositi, pro socio, tutelæ, commodati, pignoratitia, familiæ erciscundæ, communi dividundo, præscriptis verbis, quæ de æstimate proponitur, et ea quæ ex permutatione competit, et hereditatis petitio. Quamvis enim usque adhuc incertum erat, inter bonæ fidei judicia connumeranda hereditatis petitio esset, an non: nostra tamen constitutio aperte eam esse bonæ fidei disposuit.

I. *Alit, actionum autem quædam bonæ fidei sunt, quædam stricti juris. Quarta est divisio actionum, pertinens et ipsa ad actionis institutionem et persecutionem recte informandam. Est autem hæc vis atque usus divisionis. Ducta est divisio ex potestate judicis in quoque genere actionis: ex potestate indicans id quod usum actionis continet, quid scilicet quantumque pro hac potestate, et natura horum generum petere ac consequi liceat officio judicis: si quidem hæc potestas ad tribuendum aut denegandum id quod petitur, pertinet. Quid ergo differt hæc divisio a prioribus duabus; quarum altera contineri diximus quid liceat petere, altera quantum liceat? Et hoc differt, quod priores ostendunt, quid et quantum liceat petere pro ea quantitate, quæ conventionem aut jure certo definita est: hæc, quid quantumque amplius liceat pro potestate et officio judicis, nulla neque conventionem neque jure certo definitum. Quod ita recte docetur, si in his actionibus declaretur, quæ sit ista potestas.*

Tom. VI.

testas judicis. Id totum quale sit, cognita divisione primum; tum hujus generibus, quæ sint, et quam vim habeant; postremo horum generum partibus, intelligitur. Et sunt omnia hæc delibata hoc loco: sed delibata tantum, non exposita: ut non parum sit in singulis, quod dubitetur, et quod cognoscere cupiendi ad quærendum et explicandum relinquatur. De his ergo dicam ordine, quantum ad hujus divisionis intelligentiam et institutum sufficere videbitur.

II. Divisio ita proponitur; quasdam actiones bonæ fidei esse, quasdam stricti juris. Hic statim occurrit, quod quærat de ipsa divisione, seu de membris divisionis. Nam alia videri possunt hic falso posita; quædam quæ adjici debuerant, esse omissa: ut partim falsa sit, partim manca divisio. Statuuntur hic actiones stricti juris, quæ et ipse cum distinguantur ab actionibus bonæ fidei, simul et bonæ fidei esse negantur. Quid ergo, si horum utrumque falsum est? Certe nullas esse stricti juris prima fronte existi-

mari potest ex eo jure, quo constitutum est, in omnibus rebus præcipuam esse justitiæ æquitatisque, quam stricti juris rationem. *L. placuit, C. de jud.* Si in omnibus rebus, etiam in actionibus. Quod si in actionibus stricti juris ratio non habetur, non possunt dici actiones esse ejus juris, quod in illis non servatur. Sed et omnes actiones saltem quæ sint ex contractu, esse bonæ fidei, nullas non bonæ fidei, effici videtur illa altera sententia juris constituti, quæ traditur in *L. bonam, C. de obl. et act.* bonam fidem in contractibus considerari æquum esse. Unde enim actiones bonæ fidei, nisi quia in his præstantur omnia ex bona fide, id est in summa, quia in his bona fides spectatur? de quo paulo post. Quare si in contractibus omnibus, eoque et in actionibus, quæ inde nascuntur, pariter spectatur bona fides, necesse est easdem istas actiones, cujuscunque modi sint, etiam si ex stipulatu, bonæ fidei esse existimari. Aut ergo falso dicuntur actiones quædam esse stricti juris, et nec bonæ fidei, aut videndum, quomodo ista conveniant cum superioribus sententiis. Nihil vero in his propositæ divisioni adversatur.

III. Nam quod dicitur in *L. placuit, C. de jud.* nullis in rebus stricti juris habendam rationem, illic verbum *juris* jus constitutum significat eodem modo, quo jus naturale, gentium, et civile dicimus. Sane jus constitutum si summum et strictum est, ut constitutio nominat, id est, si verbis tantum nititur contra sententiam et rationem legis, id nunquam sequimur; sed æquitatem, id est, mentem et sententiam legis: exemplum in *L. non eo minus, D. de proc.* Et quidem hoc sensu concedendum est nullas esse actiones stricti juris, id est, nullas tales, in quibus stricti istius juris potius, quam æquitatis ratio habeatur. At hic cum dicuntur quædam actiones esse stricti juris, jus non constitutum, sed potestatem significat, ut paulo post dicitur; nec aliud est quasdam actiones esse bonæ fidei, quasdam stricti juris, quam quasdam esse liberæ potestatis iudicis, qui æstimare possit quidquid est ex bona fide, ut significatur in *§. in bonæ, infra*, quasdam adstrictæ potestatis iudicis, quia in his hujus potestas certis finibus inclusa sit, et adscripta, ut verbum ipsum indicat. Quod si vere ita se habet potestas iudicis in actionibus, ut certe habet: perspicuum est genera superiora duo hinc ducta, recte item statui, et alterum ab altero recte distingui. Nec minus recte, quæ stricti juris sunt, sic a prioribus distinguuntur, ut

sint et ipsæ non bonæ fidei, ut quidem bonæ fidei actiones hic et passim in usu juris nominantur. Certe quasdam actiones, seu quasdam iudicia non esse bonæ fidei diserte scriptum est in *L. 3. §. 1. D. de usur.*

IV. Quod autem dicitur in *L. bonam, C. de obl. et act.* bonam fidem in contractibus spectari; non nego recipiendam in contractibus omnibus. Nam nec in contractibus stricti juris quidquam dolo malo, et non bona fide gestum, ratum est. *L. dolo, C. de inut. stip.* Non nego etiam in ea sententia bonam fidem ita accipi, ut tunc, cum dicimus actiones esse bonæ fidei, item iudicandum ex bona fide: ut scilicet significetur, officium boni viri considerandum in contractibus, ne quid adversus id fiat: de quo verbo postea. Spectanda igitur bona fides in contractibus omnibus, et eo spectanda, ut sequamur. Sed videndum, quatenus; videndum, an eodem modo in contractibus stricti juris, quo in contractibus bonæ fidei. De quo cum exstet certi juris distinctio aliis locis tradita, quæ indicatur in *§. ult. Inst. de obl. ex cons.* illinc sumere oportet, quo id quod hic obscurum est, explicetur. Dicendum igitur, spectandam in strictis etiam iudiciis bonam fidem; verum ita, non ut quid præstetur, de quo non convenerit, etiam si sit ex bona fide id præstari: quod solum proprium est iudiciorum bonæ fidei; *d. §. ult. Inst. de obl. ex cons. L. quia tantundem, D. de neg. gest.* sed contra, ut si quid convenerit, quod subtilitate juris videatur præstandum, ne præstetur, si sit contra bonam fidem. *d. L. dolo, C. de inut. stip. L. si quis cum aliter, D. de verb. obl.* Unde merito hæc iudicia dicta non bonæ fidei; quia deest id, quamobrem actiones bonæ fidei appellantur. Sic enim dicuntur eæ, in quibus res tota æstimatur ex bona fide per omnia: id est, non in unam aliquam partem, sed in utramque, sive quid præstandum sit, sive non sit: et maxime si id agatur, ut quid præstetur ex bona fide, quamvis de eo nihil dictum, promissumve sit. Quod cum non fiat in actionibus stricti juris: et maxime cum in his id desit, quod est actionum bonæ fidei proprium, ut quid præstetur hoc ipso, quia bona fides id postulat: non mirum, si iis non tribuitur nomen, quibus deest causa et ratio nominis. Sed fient hæc planiora et certiora, cum quid sit horum utrumquodque, et cur ita vocetur, cognoverimus. Statuuntur ergo recte hæc divisione genera hæc duo, ut actionum quædam sint bonæ fidei, quædam stricti juris, quo-

quorum utrumque vere tale est, ut vocatur, distinguiturque recte alterum ab altero.

V. Sed his generibus recte constitutis, saltem videbitur superesse illud alterum vitium, ut manca sit divisio. Statuitur enim postea a Justiniano in §. *præterea*, tertium genus distinctum, ut videtur, a superioribus, arbitrariorum actionum. At hoc si aliud est vere omisum est in hac divisione. Quærendum igitur ad vim et sententiam divisionis, sint ne hæc duo tantum genera, quæ hic posita videmus: an tria, ut efficere videtur §. *præterea*: et si tria, quomodo effugiamus, ne sit vitiosa divisio. Et vulgo sic divisionem acceperunt, ut velint esse plenam, et sicut duo tantum illa genera Justinianus proponit, ita et velint tantum duo hæc esse, ut aut bonæ fidei sint actiones, aut stricti juris: ne scilicet si dederint ei aliquam speciem deesse, cogantur fateri esse vitiosam. Confirmaturque hæc sententia ex L. 3. §. *in hac*, D. *com.* ubi hæc quoque genera tantum duo commemorantur iudiciorum, bonæ fidei, et strictorum. Cum autem obijciuntur actiones arbitrarie ex d. §. *præterea*, respondent arbitrias actiones novum genus non constituere, sed ad eadem illa genera referri: esse enim stricti juris, seu actionum stricti juris speciem. Nos autem ita statuemus tertium hoc genus esse distinctum maxime a superioribus, ut arbitrarie neque sint bonæ fidei, neque stricti juris. Tale id genus statuit aperte Justinianus in d. §. *præterea*, cum ait *præterea esse quasdam actiones, quas arbitrias appellamus*. *Præterea*, id est, præter superiores, ut intelligeremus arbitrias alias esse a prioribus. Nihil ad rem pertinet, quod dixit quasdam arbitrias appellari, non autem esse. Ideo enim sic appellantur, quia revera sunt arbitrarie, et ex arbitrio iudicis pendentes, ut ibidem declarat. Sed et definitiones arbitrariorum, et stricti juris, actionum repugnant. Nam in actionibus quoque arbitariis sic accipitur arbitrium ut permittatur iudici ex bono et æquo æstimare, quemadmodum actori satisfiat d. §. *præterea*. Non idem licet iudici in stipulationibus, et similibus actionibus stricti juris, ut colligere est ex §. *ult. Inst. de obl. ex cons.* Quod si testimonium veterum quæritur, non est obscurum in L. *in actionibus*, D. *de in lit. jur.* ubi cum Marcianus initio dixisset in litem jurari in actionibus bonæ fidei, item in rem, et ad exhibendum, quæ sunt arbitrarie ut dicemus ad §. *præterea*, *infra* subjunxit per adversativam; *plane interdum et in actione stricti iudicii in litem juran-*

*dum*: aperte declarans eas de quibus locutus erat, stricti iudicii actiones non esse. Sed multo apertius Papinianus, et quidem ita, ut nullus sit dubitationi locus, tria hæc genera distincte posuit eodem loco in L. 3. D. *de usur.* bonæ fidei, arbitrias, et quæ neutrum horum essent, quas dicimus stricti juris. Verba hæc sunt: *In his quidem iudiciis, quæ non sunt arbitria nec bonæ fidei, post litem contestatam actori causa præstanda est.* Sunt ergo primum duo hæc genera actionum citra controversiam distincta, arbitrarie, et quæ sunt bonæ fidei. Est et tertium quoddam ab his duobus sententia Papiniani plane sejunctum, quod ille ita describit, ut dicat esse id iudicium, quod nec sit arbitrium, nec bonæ fidei. Id autem aliud intelligi non potest, quam id quod nominatur in hac divisione, actionum videlicet stricti juris. Ita plane actiones arbitrarie non sunt stricti juris; sed toto genere ab his diversæ: fiuntque hic omnino, ut dixi, tria illa genera, ut quædam sint bonæ fidei, quædam stricti juris, quædam arbitrarie.

VI. An non ergo vitiosa est hic divisio, quæ duo priora tantum posuit, tertium omisit? Esset vitiosa, si in his membris duobus constitisset Justinianus, nec tertium postea ad ea priora adjiceret. Nunc autem tertium istud statim et continenter ab illo subijcitur in d. §. *præterea*: ut perinde id haberi debeat, quasi eodem loco tres istas species proposuisset. Incivile porro est, nisi tota lege perspecta una aliqua particula ejus proposita judicare vel respondere. L. *incivile*, D. *de legib.* Recta igitur hæc divisio, in qua et species ipsæ veræ, nec minus inter se distinctæ statuuntur, et numerus congruit. Tantum ut in numero specierum meminimus non in his duabus, quæ hic proponuntur, esse consistendum; sed tertium illud adjiciendum, quod et postea adjicitur a Justiniano in §. *præterea*: ut efficiatur divisio tripartita, cujus species duæ hic, et §§. *duobus sequentibus* tractantur; tertia in d. §. *præterea*, continenter, et uno ductu divisionis.

VII. Divisione posita, deinceps quæ sint bonæ fidei actiones, quæ stricti juris, et quam vim habeant, ordine videamus: ac primum quæ sint, et unde ita appellatæ. Actio bonæ fidei dicitur, in qua libera potestas est iudici æstimandi inter litigatores, quid alterum alteri ex bona fide præstare oporteat. Descriptio pene totidem verbis expressa in §. *in bonæ*, *infra* hic, et L. 5. in pr.

pr. *D. de obl. et act.* Itaque duæ res judicium bonæ fidei constituunt, distinguuntque a cæteris actionibus, libera potestas æstimandi arbitrandive judici tributa; et hæc ipsa potestas intra modum et regulam bonæ fidei inclusa. Quæ partes ab effectis facile notari possunt. Nam ex libera ista potestate hæc sunt.

VIII. Dicuntur enim hæc judicia a nostris passim arbitria; et judex in his datus, arbiter. *L. arbitrium*, *L. in judicio*, *L. ult. D. fa. erc. L. coheredibus*, *C. eod. L. pro socio*, *D. pro soc. Cicero lib. 3. de Off. Quintus quidem Scævola Pontifex Maximus summam vim esse dicebat in omnibus iis arbitriis, in quibus adderetur ex bona fide; fideique bonæ nomen existimabat manare latissime, idque versari in tutelis, societatibus, fiduciis, mandatis, rebus emptis venditis, locatis conductis.* At hæc omnia judicia sunt bonæ fidei, quæ vocat arbitria. Atque hinc appellatio, quod in his res committitur arbitrio judicis, id est, liberæ potestati æstimandi pro officio boni viri: id enim arbitrii verbum continet. *L. 1. D. de leg. 2.* Hinc et judicia his contraria dicta stricti juris, et stricta. Cur enim stricta, nisi quia priora illa quibus opponuntur, sunt libera, et liberi juris? Ex bona autem fide natum nomen generis. Unde enim dictæ actiones bonæ fidei? Nempe ex re nomen, ut ideo ita dicantur, quia hic omnis æstimatio et condemnatio judicis est ex bona fide, seu in id quod ex bona fide quemque præstare oportet. *L. quæro*, in pr. *D. loca.* Et partes quidem hujus generis ita se habent. Sed ex his ipsis partibus de nomine potest dubitari.

IX. Cum enim hæc partes duæ sint, cur non potius ex potestate æstimandi libera, quæ in his quoque inest, dicta sunt judicia libera: cum præsertim quæ his opponuntur, ex ipsa potestate judicis, quia adstricta est, dicantur stricta? Id causæ est, quod quæ sunt bonæ fidei, ex priore parte dici non possunt; ex posteriore recte designantur. Nam si simpliciter dixerimus libera, unam tantum partem complexi fuerimus libertatem, altera parte omissa. Atque hoc modo etiam falsum dixerimus, quia non sunt absolute libera. At qui dixit esse ea, in quibus res judicetur ex bona fide, utrumque dixit, et bonam fidem in his spectari, et dum judicetur ex bona fide, hactenus omnia esse libera. Id autem significatur satis, cum dicuntur esse judicia, et actiones ex bona fide, seu bonæ fidei. Hinc nomen: cui recte opponuntur judicia stricta, dum hoc verbo removere volumus non tantum

absolutam potestatem, sed hanc ipsam ex bona fide judicandi.

X. Quæ cum videamus ita esse, si quis adhuc quærit, unde nomen bonæ fidei actionum sit natum; non videtur anxie ex formulis veterum judiciorum repetendum longius, quod est in re, et ipsum per se est in promptu: fatemur enim in his judiciis liberam potestatem judici datam ex bona fide judicandi, etiam hodie, quo tempore formulæ et interpretationes actionum sublatae sunt. *C. de for. et imp. act. sub.* Proinde in promptu est ex hac ipsa potestate recte dictas esse bonæ fidei actiones; utpote, ut dixi, ex re nomen. Sed quæretur fortasse amplius, unde fuerit hæc potestas ab initio, ut si sit ex vetere formula, recte inde ducatur ejus origo, et nomen. Dici enim potest nomen quidem esse a potestate judicis; sed potestatem esse ex formula. Ita primam causam et originem nominis ex formula. Sed ne hoc quidem de potestate judicis recte dicetur.

XI. Dabat quidem olim prætor judices, ut fere mos erat in jure dicundo: dabat et judicii formulam. Et in his ipsis actionibus, quas bonæ fidei vocamus ita jubebat judicari, ut adderet, ex bona fide, aut quæ verba idem valerent, *Quod æquius melius; Ut inter bonos bene agier oportet, et sine fraudatione*, ut indicat Cicero in Topicis in loco a causis: item *lib. 3. de Off.* ubi agit de dolo malo, uti fuerit vindicatus legibus. Ex quo et potestas judicis; quæ ultra id quod in judicium ex formula deductum erat, excedere non potuit. *L. ut fundus, D. com. divi.* Sed proxima tantum causa hæc fuit, et quæ per se nihil valeret. Cæterum ipsa formula aliam causam superiorem habuit, a qua penderet hæc potestas omnis; non utique voluntatem et conceptionem prætoris, sed jus quod præscribebat prætori hanc ipsam formulam: cum ita placeret esse formam jurisdictionis, ut prout esset actio; ita proponeret prætor convenientem cuique judicii formulam: in bonæ fidei actionibus liberam faceret potestatem judici ex bona fide judicandi: in strictis rem certam diceret, in quam juberet præcise condemnationem fieri: eumque ordinem non solebant pervertere prætores, atque adeo non poterant, nisi contra naturam cujusque judicii vellent facere, id est, contra jus, quod eam naturam præscripserat. A jure igitur hæc potestas omnis, non a formula: ut cum constituerit potestatem ex bona fide judicandi jure dari, si de jure quæritur, sit constitutum, ubi quiescere debeamus. Si

de nomine actionis; sit et hujus nominis ratio ex eo jure statim exposita. Est enim omnino consequens rei, ut in qua actione res judicatur ex bona fide, ea dicatur bonæ fidei. Faciet etiam hæc cognitio, ut quanvis hodie sublatae sint formulæ et interpretationes actionum: tamen non eo minus statuamus et nomen vetus, et rem ipsam hujus generis actionum etiam nunc manere: quia formulis sublati nihilominus causa utriusque rei manserit, id est, jus quod huic generi causam et formam dedit, non vetus prætoris formula: hæc enim ex jure, non jus ex formula. Prodest tamen cognitio veterum judiciorum, et formulæ in his judiciis ad ejus ipsius juris, quod dixi, confirmationem, ut cum animadverterimus ita formulam fuisse in jure dicundo, ut in bonæ fidei judiciis liberam potestatem tribueret judici ex bona fide judicandi; in judiciis strictis contra: sciamus ita quoque jus fuisse, et hanc ex jure istorum judiciorum naturam. Quo de more si quis plura desiderat, multi docti viri scripserunt nostra ætate, quorum e scriptis licet petere. Optime et accurate Duarenus in commentario de in litem jurando.

XII. De nomine actionum bonæ fidei illud observandum, dici etiam has actiones interdum eas quæ ex bona fide descendant, pro eo quod est esse bonæ fidei, ut apud Justinianum in *L. unica*, §. *sed etsi non ignoramus*, *C. de rei ux. act.* apud Paulum in *L. domum*, in fin. (etsi locus totus videtur ex dictione a Triboniano interpolatus) *D. de contr. em.* Quod quidem proprie dici non potest, ne forte hæc loquendi ratio nos fallat. Quæ enim actiones bonæ fidei sunt in contractibus, ut empti, venditi, locati, conducti, mandati, pro socio, et similes, eæ omnes ex contractu nascuntur. §. *rei persequendæ, supra eod.* id est, ex contractu descendant. §. *sed istæ, supra eod.* Non ergo ex bona fide; quid enim si res mala fide gesta est? non potest dici actio descendere ex ea fide, quæ nulla est. Nec quidquam ad rem pertinet, si bonam fidem eam intelligamus, quæ postea præstari debeat. Nam cum nondum sit præstita, ne sic quidem potest dici actio ex ea fide, quæ non est, descendisse. Et ut forte res bona fide gesta sit, semper tamen actio ex contractu, non ex bona fide; cum etsi abesset a contractu bona fides, nihilominus eadem futura esset actio. Sed cum ipsi contractus, ex quibus istæ sunt actiones, dicantur et ipsi contractus bonæ fidei, quia maxime ex bona fide legem accipiant: *L. cum qui*, *D. de don.* *L. hujusmodi* §.

*qui servum*, *D. de leg. 1. L. mora*, §. *in bonæ*, *D. de usur. L. contractus*, illic; *sed hæc ita*, *D. de reg. jur.* *συρεκδοχικῶς* nomen partis hic usurpatur pro toto, ut dicantur actiones descendere ex bona fide, quæ descendant ex iis contractibus, qui hanc fidem adjunctam habent. Illud omnino durum est, quod Paulus ipsos contractus bonæ fidei dixit descendere ex bona fide. *lib. 2. rec. sent. tit. 17.* Ut enim contractus ex se ipsis descendere dici non possunt, sic multo minus ex sua parte. Denique contractus omnis nullam aliam causam præcedentem habet, unde nascatur, nisi consensum, et si quid ad consensum accedere debet, ut res, verba, literæ.

XIII. Stricti juris actiones quas vocemus, ex contrario intelligitur. Nam si bonæ fidei sunt, in quibus libera potestas est judicii ex bona fide rem æstimandi: stricti juris sint, oportet, eæ, in quibus hæc potestas non est libera. Et verba stricti juris optime conveniunt, atque adeo hoc ipsum expriment. Nam jus inter cætera potestatem significat: ut in illa divisione personarum, cum dicimus quosdam esse sui juris, quosdam alieno juri subjectos, hoc significatur quosdam esse suæ potestatis, quosdam alienæ potestati subjectos. *L. 1. D. de rer. divi.* Strictum autem valet adstrictum. Hoc sensu actio stricti juris idem declarabit, quod actio strictæ seu adstrictæ potestatis. Hoc vero ipsum est. Est enim actio, in qua potestas judicii certis rebus adstricta est, non ut in actionibus bonæ fidei libera: quod hac divisione atque his verbis intelligi volumus. Hanc significationem repugnantia generum exigit: usus veterum confirmat: juris certi ratio omnem aliam excludit. Repugnantia manifeste exigit, postquam eas bonæ fidei esse dicimus, in quibus libera potestas permittitur judici, ut est in §. *in bonæ*, *infra* cui non recte opponitur, nisi id, in quo hæc potestas est adstricta. In usu juris etiam hæc actiones dicuntur judicia stricta, ut *L. 3. §. in hac*, *D. com.* item actiones stricti judicii, ut in *L. in actionibus*, *D. de in lit. jur.* ubi apparet stricti verbum non ad jus publicum strictum, sed ad iudicium ipsum, quod sit adstrictum, referri. Non est autem iudicium adstrictum, nisi in quo eadem non licet, quæ in alio licet libere. Sed tamen et de hac mente posset dubitari, nisi utriusque generis et verbi vim expressisset Seneca alludens ad horum judiciorum morem et formulam veterem *lib. 3. de Benefic.* his verbis: *Melior videtur conditio causæ bonæ, si ad ju-*



*judicem, quam si ad arbitrum mittatur: quia illum formula includit, et certos quos non excedat terminos ponit: hujus libera et nullis constricta vinculis religio est.* Est ergo hujus potestas nullis vinculis constricta: illius inclusa certis terminis, et certis vinculis constricta. Ex quo judicii stricti, seu constricti nomen. Atque ut hæc significatio rei et usui veterum congruit; ita aliam significationem verbi *juris* in hac divisione res ipsa et jus certum repudiat.

XIV. Alterutrum enim necesse est, ut cum nominamus quasdam actiones stricti juris, hic jus accipiamus aut jus constitutum, aut potestatem: ut sit sensus, actiones has esse, in quibus aut res æstimetur ex stricto jure, aut potestas judicii sit constricta seu angusta. Nihil enim est tertium in significatione hujus verbi, quod huic divisioni conveniat. At quominus de jure constituto stricto, id est, summo interpretemur, prohibet illa sententia juris certi, de qua initio dixi, in omnibus rebus stricti juris non haberi rationem. *L. placuit, C. de jud.* Quapropter relinquitur altera significatio cæteris rebus omnibus per se ipsa huic divisioni optime conveniens, ut interpretemur strictum jus strictam potestatem actionis et judicii, quæ et vere in his judiciis stricta et angusta est.

XV. Neque aliter accipere oportet, quod est apud Justinianum in *L. unica, §. sed etsi ignoramus, C. de rei ux. act. actionem ex stipulatu stricto jure esse vallatam*, pro eo quod est actionem hanc esse stricti juris. Hoc sentit, certe ex verbo *vallatam* hoc sentire arguitur, actionem esse stricta seu adstricta potestate circumscriptam. Nam *vallatam* dixit pro certis terminis tanquam vallo circumdatam et inclusam. At hoc nihil aliud est, quam quod paulo ante Seneca dixit, *actionem esse, in qua judex formula includitur, et intra certos quos non excedat, terminos cohibetur*. Quod quidem ad potestatem judicii his rebus constrictam referri manifestum est. Et hoc dicere fortasse melius est, quam fateri Tribonianum in ea constitutione non satis vim verbi antiqui juris percepisse. Quamquam ne admodum nobis necesse sit de eo loco conciliando laborare; fatendum est Tribonianum eo loco parum commode de his generibus locutum esse. Certe parum commode dixit *actionem ex stipulatu non ex bona fide descendere*, pro eo quod est non esse actionem bonæ fidei. Potest enim ea actio descendere ex bona fide, id est, ex stipulatione bona fide contracta, quanvis nec ipsa stipulatio sit contractus bonæ fidei, ut

nunc vocamus, nec actio, quæ inde nascitur bonæ fidei. Potest tamen defendi sic recte dici non descendere ex bona fide, ut intelligatur non descendere ex contractu bonæ fidei: parte posita pro toto, ut paulo ante ostendi in verbo actionis bonæ fidei. Utcumque est, si stricto jure vallatam intellexit Tribonianus eam, quam stricti juris intelligi debere diximus, recte sensit, et veterum sententiæ convenienter. Sin eam quæ stricto, id est, summo jure utatur, seu in qua summi et stricti solum juris ratio habeatur; agnoscendum est dictum ab illo parum commode.

XVI. Nec melius Theophilus, cum de strictis judiciis ita scripsit in *§. in bonæ, infra* *ὅτι οἱ τῆς ἀκριβοῦς λίνεται κίτης*; si modo id sensit, quod verba exprimere videntur, *in quibus stricti et summi juris ratio habetur*. Est enim adversus *d. L. placuit, C. de jud.* Et præterea repugnantia generum, quam lex rectæ divisionis exigit, item usui veterum adversatur.

XVII. Postquam quæ dicantur actiones bonæ fidei, quæ stricti juris, et unde, tenemus, sequitur cognoscamus, quæ sit ista potestas judicii, quam his actionibus tribui, et a qua hæc genera distingui diximus: tum quæ ea potestate contineantur. In quo cernitur vis atque usus hujus divisionis: quam unam ob causam hæc genera proponi et cognita habere oporteat. In bonæ fidei judiciis liberam potestatem esse diximus judici æstimandi, ex *§. in bonæ infra*: sed æstimandi ex bona fide, ut est in *L. 5. in pr. D. de obl. et act.* In strictis judiciis contra. Quapropter si scierimus, quid sit hoc ex bona fide, et quid contineat, potestatem utriusque judicii cognoverimus. Principio hoc generaliter statuendum est, ex bona fide valere ex æquo et bono. Quod enim Cajus in *d. L. 5. de obl. et act.* dixit in *actionibus bonæ fidei agi de eo, quod ex bona fide alterum alteri præstare oportet*, id ipse idem in *L. 2. eod. tit.* sic expressit, ut diceret in *his alterum alteri obligari de eo, quod alterum alteri ex bono et æquo præstare oportet*. Eodem modo Justinianus explicat in *§. in bonæ, infra*. Hinc qua in actione olim addebatur *Quod æquius melius*, qualis fuit rei uxoriæ actio, ut scribit Cicero *Lib. 3. de Offic.* et significatur in *L. pen. in fin. D. sol. mat.* (unde hæc eadem dicitur in bonum et æquum concepta in *L. eas, D. de cap. min.*) ea dicitur actio una esse ex bonæ fidei judiciis in *§. fuerat, infra eod.* Quod non alia de causa dici potest, quam quod id ipsum quod est æqui-

us melius, est ex bona fide; et quod ex bona fide, idem æquum et bonum. Sed et idem Cicero eodem *Lib. 3. de Off.* inter exempla eorum arbitriorum, quibus addebatur olim ex bona fide, numerat fiduciam, genus contractus vetus apud Romanos: cuius tamen in iudicio paulo ante scripserat addi illa verba aurea, *ut inter bonos bene agier oportet, et sine fraudatione.* Quæ non cohererent, nisi hæc ipsa, quæ inter bonos et bene aguntur, sint eadem etiam ex bona fide. Inde etiam illud Tryphonini in *L. bona, D. dep.* bona fides, quæ in contractibus exigitur, summam æquitatem desiderat.

XVIII. Quo loco etiam necessario oritur quæstio de verbi significatione. Quid enim, an idem est bona fides, quod æquum et bonum? Nemo dicit: neque enim cum dicimus aliquem bona fide possidere, hoc significamus eum possidere ex æquo et bono: cum possidere bona fide sit putare eum dominum esse a quo accipimus, quod est facti: æquum autem et bonum sit jus, quod factum tueretur, aut repudiat. Itaque tantum interest inter bonam fidem, et æquum et bonum, quantum inter rem facti, et juris: inter quas tamen tantum interest, ut una alteri opponatur. *L. moræ, in pr. D. de usur. L. consilio, in fin. D. de cur. fur.* Dicit aliquis, bonam fidem quidem non esse æquum et bonum: sed tamen in contractibus bonam fidem hoc ipsum efficere, ut præstari debeat, quicquid est æquum et bonum, quasi prius de eo fides sit interposita, ut sit bona fides, hujus præstationis causa; præstatio, bonæ fidei effectus. Sed ne hoc quidem videtur ex significatione verbi dici posse. Scimus enim quid Latinis sit fides. *Est, inquit Cicero Lib. 1. de Offic. dictorum conventorumque constantia et veritas: sic dicta, quia fiat, quod dictum est.* Ex quo intelligitur non esse fidem, eoque nec bonam fidem extra quam dictum quid, promissumve est. At quam multa sunt in contractibus bonæ fidei, quæ servantur ex æquo et bono, de quibus prius nihil promissum aut dictum etiam omnino est, eoque ubi nulla fides est data? Nam ut postea dicitur, ex hac æquitate præstantur pleraque, de quibus nihil convenit. Pleraque contra fide de his data, non præstantur. Ex quibus illud sine fide et conventionem fit: hoc etiam contra fidem datam: ut dici quidem possint fieri ista ex bono et æquo: at certe non possint ex fide, sive bona sive mala, quoniam de his nulla fides data sit. De quibus sic habendum puto.

XIX. Non sunt, ut dixi, hæc eadem, aut

idem significantia, bona fides, et æquum et bonum, seu æquitas. Unde bene Tryphoninus bonam fidem quæ in contractibus exigitur, dixit non summam æquitatem esse, sed *summam æquitatem desiderare*, ut ista res diversas esse intelligeremus: nulla enim res dicitur seipsam desiderare, sed aliam. Sed si in contractibus bonæ fidei fides datur ex officio boni viri de omnibus iis præstandis, quæ sunt ex æquo et bono: recte bona fides dicitur istam æquitatem desiderare: quia bona fides, quæ inde exigitur, ut causa hanc præstationem tanquam effectum pariat. Ego autem ista omnia, quæ in contractibus bonæ fidei ex æquo et bono præstari dicimus, præstari existimo ex bona fide, eaque data, ut fidem a Cicerone definiri supra diximus. Non præstantur omnia ex fide aperte data, quia sæpe de his nihil nuncupatum est verbis: sæpe etiam præstantur quædam contra fidem aperte datam: at præstantur ex fide tacita, et ea, quæ ex his quæ geruntur, intelligitur. Sciendum est enim in iis contractibus et causis quæ sunt bonæ fidei, negotium alios cum aliis gerere, in quo gerendo vultu et oratione se viros bonos præstituros iis cum quibus res est, pollicentur: certe hoc ipso, quod se contrahere velle dicunt, et aliquid consequi, tales se videri volunt. Nam cum sint ea negotia, ut postea dicitur, quæ mutua præstatione et obligatione consent: primum quidem hoc constat ita unumquemque erga se affectum esse, ut cupiat ab eo, cum quo contrahit, sibi omnia in eo negotio recte præstari, et ex boni viri officio. Quod quia ab illo tacite exigit, valde consentaneum est existimari ipsum, ut hoc ab illo impetret, eadem vicissim et de se polliceri. Et quidem ea vis est honesti in animis nostris, ut etiam qui vivunt turpiter, et reipsa fraudant, tamen rebus externis boni viri haberi velint. Bene igitur, et rei ac verbo convenienter factum, ut qui contrahunt, cum in negotio ea præstant, quæ viros bonos decet, id est, quod æquum et bonum est præstari, dicantur præstare ex bona fide, id est, ex eo quod prius vultu, gestu, et oratione pollicebantur, ac veluti se præstituros fidem dabant. Ut nihil aliud sit ex fide bona, quam ex officio bonorum virorum, quales se omnes hic profitentur, et haberi volunt. *L. si in lege, in pr. D. loc.* Hoc vero officium, summam illam æquitatem desiderat, quam Tryphoninus dixit. Ergo et bona fides, quæ hoc officium pollicetur, ac promissum exigit. Idque ipsum est, quod Cicero *lib. 3. de Offic.* scribit, Quintum Scævolum Pontificem

Maximum dicere solitum, *magnam vim esse in omnibus iis arbitriis, in quibus adderetur ex fide bona, fideique bonæ nomen manare latissime: idcirco in his magni esse iudicis statuere, præsertim cum in plerisque essent iudicia contraria, quid quemque cuique præstare oporteret.* Magni, quia hoc ipsum magni esset et juris periti iudicis statuere, quis esset vir bonus, quid ex æquo et bono, quæ omnia fidei bonæ verbo continebantur.

XX. Sed eo majoris, quod, inquit, *in plerisque essent iudicia contraria*, id est, ut bene iudicio meo Duareus. accepit ad *tit. de in lit. jur. num.* 21 quod in plerisque iudiciis varia essent, et contraria de eo iudicia, ut et ille scribit, quod iudices ipsi varie iudicarent, et aliud alii iudici videretur. Et vero id ita interpretandum omnino est; non autem de iudiciis, id est actionibus, contrariis, quæ directis opponuntur, ut in commodato, deposito, mandato, §. *ex quibusdam, infra de pæ. tem. lit.* Non enim profecto contraria iudicia sunt in directis iudiciis, cum hæc et personis, et rebus ac præstationibus omnibus sint distincta *L. ei apud, in pr. D. depo. L. in rebus, §. ult. D. com.* Sed nec dici possunt contraria iudicia generaliter esse in quibusdam bonæ fidei iudiciis, pro eo quod est, inter bonæ fidei iudicia pleraque esse contraria: alioqui ita dicendum fuisset Ciceroni, præsertim cum in bonæ fidei iudiciis pleraque essent iudicia contraria. Postremo ut recte diceretur in plerisque iudiciis bonæ fidei esse iudicia contraria, pro pleraque esse contraria: tamen nihil hoc plane pertineret ad amplificationem Ciceronis, quam ille in his verbis intelligi voluit. Non enim eo majoris est iudicis, et magis intelligentis tractare hæc iudicia, et statuere, quid quemque cuique præstare oporteret, quia inter hæc pleraque essent contraria. Immo contra ideo minoris et minus intelligentis iudicis tractare iudicia contraria, quam directa; quia in contrariis solum de una re agitur, id est, de indemnitate ejus qui agit: *d. L. ei apud dep.* directa autem multis et variis rebus ac præstationibus iisque sæpe obscuris contineatur. Sed tunc vere intelligimus in directis iudiciis magni iudicis esse de his rebus statuere, cum audimus ita has res esse varias, quas quemque cuique præstare oporteat, ut sint etiam cognitu obscuræ et difficiles, ac de his contraria sint iudicia in plerisque iudiciis. Sic enim intelligimus maxime perspicacis esse iudicis videre ac deligere in his, quid sit rectum et æquum maxime.

XXI. Hoc intellecto de bona fide, magis tamen intellectum est, quid sit in verbo, quam quid sit in re, de qua quæritur. Superest enim adhuc illa quæstio, quid sit in his iudiciis ex æquo et bono, quid ex officio boni viri: quæstio si rem spectes, eadem, certe non minus obscura, quam illa quid sit ex bona fide: cum hoc ipsum statuere quid sit ex fide bona, ideo magni iudicis esse dixerimus, quia hic quæreretur, quid esset ex æquo et bono, quid ex officio boni viri. Et fuit olim res obscurior, quæ ideo majore eruditione et prudentia indigebat, cum nondum quid esset in hoc genere, comprehensum esset ullo certo jure, aut interpretatione Jurisconsultorum. Post ubi ista notata sunt, et tradita ab his quorum scripta exstant in libris nostris, facta sunt omnia certiora, quæ hic sequamur; si tamen veterum sententias, quæ huc pertinent, recte accipiamus, et quæ sunt ab illis tam varie tot locis sine ulla certa regula de hac parte tradita, ad certa genera, et ad certam aliquam præceptionem, quantum potest, revocemus. In quo etiamnum ab eruditis laboratur. Nam ab Accursio et similibus veterum iudiciorum ignavis istarum rerum cognitio non est expectanda. Et eorum, quæ in iudiciis bonæ fidei exiguntur ex fide bona, seu ex æquo et bono, quæ quidem horum iudiciorum propria sint, duo genera esse animadverto. Quædam sunt in eo, ut præstentur, quanvis de his nihil convenerit, aut etiam dictum sit; quædam in eo, ut quanvis de his aperte verbis convenerit, ne præstentur. Utrumque quia ex fide bona, quia æquum et bonum. Ex his quæ præstanda sunt sine ulla conventionem, quædam omnimodo præstanda sunt propter seipsas, quædam hac conditione, si quis facto suo aliquid incommodi attulit adversario.

XXII. Sine conditione ulla præstari placet, quæ sunt moris et consuetudinis: id est, omnia, quæ in huiusmodi negotiis in quaque regione frequentantur, et a contrahentibus inter ipsos de more præstari solent: veluti ut venditor evictionis nomine duplam promittat. *L. quod si nolit, §. quia assidua, D. de ædil. ed.* Atqui hæc talia sunt plerumque, ut de his ab hominibus præsertim rerum et moris imperitis ne cogitatum quidem sit in re contrahenda. Sed sunt omnia ejusmodi, ut quia mos publicus ea injungit, æquum sit ob hunc morem ea præstari. Si quid incommodi facto unius ex contrahentibus allatum sit ab adversario, id uti quæque res est, vindicari solet his iudiciis. Hac autem parte, tria

tria genera factorum coercentur, quibus noceri solet adversario, reticentia dolusque omnis adhibitus in contrahendo; et rebus jam contractis rei deterioratio, et mora.

XXIII. Reticentiæ poena adversus eos, qui eum cum quo contrahunt, ex officio bonorum virorum monere alicujus rei debuerunt, et contra officium cælarunt. De quo officio ita placuit, ut si ab initio intersit unius ex contrahentibus, quid scire, ne aliter obligetur, quam oportet, id si sciat alter, aperte dicere debeat, nec pati commodi sui causa eum, qui ignorat, errare, veluti, in emptione si quid sit vitii morbive, si quid servitutum, si quid tributorum, si quid incommodi denique in re vendita, propter quod expediat emptori aut rem omnino non emere, aut non tanti, aut non differre ejus usum longius; ut id dicat venditor emptori, quid sit, et dicat palam et aperte; non obscure vel ambigue, sed ita ut quivis intelligere possit id ipsum esse, de quo est controversia. Si cælet emptorem, aut fallendi causa obscure loquatur, aut etiam insidiosè obscure dissimulet, reticentiæ et dissimulationis poena adversus eum constituta in id quod emptoris interest. *L. 1. §. 1. L. Julianus, §. idem Julianus, L. si sterilis, §. 1. L. in venditione, D. de act. empt. L. si vina, D. de per. et com. rei vend. L. quod sæpe, §. ult. L. ea quæ, §. ult. D. de cont. empt.* Hoc ideo, quia cum bonæ fidei contrarius sit dolus; *L. 3. §. ult. pro soc. L. contractus, D. de reg. jur.* semper hunc a se abesse præstare debet, qui contrahit in iudicio bonæ fidei. *L. tenetur, in fin. d. L. Julianus, §. idem Julianus, de act. empt. d. L. ea quæ, in fin. de cont. empt.* Is autem in venditore esse intelligitur, non tantum si mentiatur, sed etiam si lucri sui causa sciens quid reticeat, vel malitiosè dissimulet. *d. L. ea quæ, in fin. de con. empt. L. 1. §. 1. de act. empt.* de quibus plura in præstationibus empti et venditi cognoscenda sunt.

XXIV. Rebus contractis non tantum hoc ex bona fide, ut quod debetur, præstetur, sed etiam ut præstetur nec deterius, et suo tempore ac sine mora. Deterius qui reddit aut facto suo aut culpa, ita tenetur vetere actione, ut nec ipso jure liberetur. *L. et eleganter, §. non solum, D. de dol. de quo scripsi pluribus ad L. 3. D. de cond. trit.*

XXV. Sed etsi debitor moram fecerit, æquum est creditori moram non nocere, eoque et post moram commoda ei præstari,

Tom. VI.

quæ percepturus esset, aut percipere potuisset, si mora non esset interposita.

XXVI. Hujus autem generis commoda tria: in re ne reddatur deterior, extra rem in cæteris quidem rebus fructus; in pecunia autem usuræ. Atque hinc etiam placet ista in bonæ fidei judiciis præstari ex mora. Re post moram deteriore facta ex bonæ fidei contractu nullo modo liberatur debitor, quin vetere actione ipsam integram restituere debeat, qualis fuit ante moram. *L. 3. §. 1. D. com. L. 1. §. si res deposita, D. dep. de quo item ego plura ad L. 3. de cond. trit.* De fructibus traditum in *L. 3. in pr. D. de usur.* De usuris diserte et generaliter in *L. mora, §. in bonæ, D. eod.* Ratio redditæ in *L. usuræ, eod. tit.* quod usuræ vicem fructuum obtineant, nec debeant a fructibus separari, in legatis, fideicommissis et bonæ fidei judiciis. Qua ratione maxime confirmatur, quod prius dixi de fructibus, fructus generaliter in his ipsis judiciis ex mora præstari. Nam usuras constat deberi ex mora. *d. L. mora, §. in bonæ, de usur.* Quod si usuræ in hac præstatione vicem et similitudinem fructuum obtinent, necesse est intelligi prius hanc ipsam conditionem fructuum esse, quam similitudo et exemplum ad usuras transferretur. Quæ cum præstentur in his judiciis sine ulla conventionē, tantum ex mora, quia æquum est; ideo dicuntur non esse in obligatione, sed præstari officio judicis; item magis ex officio judicis, quam ex obligatione proficisci. *L. quia, D. de neg. gest. L. qui per collusionem, §. ult. D. de act. em. L. quæro, in pr. D. loc.*

XXVII. Quæ promissa cautave sunt, ut præstari non sit æquum, duabus de causis accidit; vel quia ab initio contraxit promissive quis inductus dolo, aut coactus metu; vel quia re ab initio recte contracta usitatam exceptionem aliquam postea nactus est pacti, jurisjurandi, rei judicatæ, vel doli mali, quales describuntur, *infra tit. de except.* Si quid horum incidat in contractum bonæ fidei æquitas judicii facit, idque horum iudiciorum proprium est, ut qui defenditur his rebus, non teneatur ipso jure, nec desideret exceptionem. Primum hoc constat, si quid in bonæ fidei contractibus gestum contractumve sit ab initio dolo malo, ipso jure non valere. Utpote, nulla est venditio, si quis circumscriptus sit in hoc, ut venderet. *L. et eleganter, in pr. D. de dol.* Similiter societas, si dolo malo aut fraudandi causa coita sit, ipso jure nullius momenti est. *L.*

3. §. ult. *D. pro soc.* utrumque, ut est in *d. l. 3.* in fin. quia fides bona contraria est fraudi et dolo. Ergo et si quid horum factum sit metu. Nam et metus dolum habet: *L. item si cum, §. pen. D. quod met. cau.* et idem non minus contrarius consensui, nec minus contra bonos mores, quam dolo. *L. nihil consensui, D. de reg. jur.* Ex quo recte hæc dicuntur non valere ipso jure: dum hoc sic accipimus, non valere jure civili, id est, verbis et sententia juris de hoc genere contractuum constituti, vel, ut olim, verbis ipsis iudicii et formulæ. Jubentur enim ista in his iudiciis æstimari ex bona fide. Verum est autem etiam secundum verba, quæ ita gesta sunt, bona fide gesta non esse. Ad hanc regulam referri oportet omnem præstationem, quæ in his iudiciis contra bonos mores desideratur: quam ideo dicitur bonæ fidei iudicium non recipere. *L. generaliter, D. de usur.* Eodem pertinet, quod dicitur bonæ fidei contractus non pati iniquam conventionem. *L. ex empto, §. ult. D. de act. empt.* Hoc enim significatur, si adiecta sit, non valere.

XXVIII. De exceptionibus etiam quæ post rem bona fide contractam in his iudiciis debitori natæ sunt, hæc veterum definitio est, has bonæ fidei iudiciis inesse, bonæ fidei iudicio contineri. *L. 3. D. de res. ven. L. huiusmodi, 34. §. qui servum, D. de leg. 1. L. sed etsi, 21. D. sol. mat.* Ut cætera in more veterum iudiciorum instituendorum posita docte et luculenter in lucem protulit Duarevus in *L. juris gentium, de pact. et ad tit. de in litem jurando*: sic superiorem definitionem veterum ex eo more natam recte sic accepit, ut diceret adversus eum quidem, qui his exceptionibus munitus est, reddi iudicium bonæ fidei, si neget se teneri, aut se debere quod petitur (nam quomodo aliter diceretur exceptio iudicio inesse, si iudicium nullum esset constitutum?) sed ita reddi, ut quamvis reus non dixerit, quamobrem non teneretur, id est, quamvis exceptiones illas initio tum non objecerit, et sit contestatus, ut includerentur iudicio, et ut olim mos fuit, includerentur formula iudicii; tamen vi et potestate iudicii quod bonæ fidei est, insint iudicio non minus, quam si in iudicium nominatim essent deductæ litis contestatione. Insint autem ita, ut ad officium iudicis pertineat, si postea allegentur, eas æstimare et cognoscere, et si veras cognoverit, reum inde absolvere.

XXIX. Inesse ergo iudicio exceptionem tria continet: primum non necesse esse ex-

ceptionem objici initio in lite contestanda, et hanc in iudicium nominatim deduci, ut insit iudicio. Alterum, quamvis exceptio non sit objecta initio, et nominatim in iudicium deducta; tamen re vera iudicio includi, eo-que et ad officium iudicis pertinere habere ejus rationem. Tertium, sic in hac re esse officium iudicis, ut re probata debeat reus ex ea exceptione, quæ iudicio inerat, absolvi. Duo priora sic expressit Paulus in *L. plane, D. de her. pet. Benignius est*, inquit, *in prædonis quoque persona haberi rationem impensarum: non enim debet petitor ex aliena jactura lucrum facere.* Addit, et idipsum officio iudicis continebitur, nec exceptio doli mali desideratur. Apertius utrumque Scævola in *L. ult. eod. tit.* his verbis: *Quæsitum est, cum paratus sit pater restituere hereditatem habita ratione eorum, quæ in eum erogavit, an filius nihilominus perseverans petere hereditatem doli mali exceptione removeri possit. Respondi, etsi non exciperetur, satis per officium iudicis consuli.*

XXX. Quid est non desiderari exceptionem, aut non desiderari, ut excipiat? Non sane hoc significat, non necesse esse unquam allegari a reo eas causas, propter quas exceptio initio competeret. Nam quomodo iudex juris tui rationem habeat, te propterea absolvat, ubi jura tua non noverit? et quomodo nosse potest, ubi ea non alleges, et negante adversario probes? Sed hoc significatur non necesse esse eas causas ita allegari, ut sint exceptiones iudicii constituti, id est, ut initio objiciantur, quo ex his addatur jam a principio in iudicium exceptio, qua actio et intentio actoris vel removeatur, vel minuat, id enim exceptio proprie significat *L. 2. D. de exc.* Cæterum exceptione harum rerum initio omissa, saltem ante rem judicatam desideratur, ut si actor de intentione sua probaverit, hic jura illa sua alleget reus, quibus a iudice cognitis et probatis absolvi debeat. Sic enim fit, quod ait Scævola, *ut ei consulatur*: sic fit, quod Paulus ait, *ut ejus allegationis ratio habeatur.* Hoc autem esse officium iudicis in hac re, ut reus hac de causa absolva- tur, quia exceptio contineatur bonæ fidei iudicio, diserte scriptum est a Juliano in *d. l. huiusmodi, §. qui servum, de leg. 1.* Unde ergo hæc potestas iudici has allegationes post rem judicatam æstimandi, quæ in iudicium verbis deductæ non sunt? Nam ne frustra in bonæ fidei iudicio hoc quisquam quæri existimet, generalis hæc sententia est, ultra



ultra id quod in iudicium deductum est, excedere potestatem iudicis non posse; et quidem usurpata in iudicio communi dividundo, quod est bonæ fidei, in *L. ut fundus, D. com. divi*. Et potestas est non aliunde, quam ex eo ipso quod in iudicium deductum, et iudici permissum est. Nam his iudiciis sive veterem formulam dandi spectes, sive ius quo ita prætor iudicium dare cogebatur, quod etiamnum mansit, iubetur iudex iudicare ex fide bona. His verbis hoc continetur, ut qui exceptionem habet jure comparatam, non condemnatur: non est enim æquum bonum, eum cui exceptio aliqua data sit, qua tutus esse debeat, condemnari. *Inst. de exc. in pr. et deinceps*: proinde nec ex bona fide.

XXXI. Hæc cum dicimus his iudiciis contineri, sic accipimus, ut contineantur, sive quid certum nominatim petatum sit, sive indefinite, quantum iudici videbitur ex bona fide. Olim quidem constabat; quia semper his iudiciis addebatur. Ex bona fide, aut quod eandem vim haberet, ut diximus. Nunc formulis sublatis cum ius manserit, idem nunc quoque iudici datum intelligemus. Nisi quis putat proprium esse horum iudiciorum, ut actor nihil certum petat, sed tantum, quantum alterum alteri præstare oporteat. Sed et potuisse olim, et nunc maxime posse certum peti his iudiciis, puta rem venditam ex empto; pretium et usuras certas de quibus forte convenerit, ex vendito, ut nihilominus intelligantur cætera vi et potestate iudicii adiacere; constat ex eo, quod ex his causis competit, et competiit iam olim certi conditio. *L. in duobus, §. exceptio, D. de jurejur.* Non competebat autem hæc conditio, nisi ex iis causis, ex quibus certum petitur, id est, peti potest. *L. certi, in pr. D. si cer. pet.*

XXXII. Sed et cum superiora prope omnia maxime in facto consistent; puta aliquid frequentari in aliqua regione, rem fecisse deteriorem, in mora fuisse, dolum mentumve adhibuisse; pactum intervenisse, vel iusjurandum, vel rem iudicatam, ex quibus defensiones nascuntur reo, quarum rerum omnium quæstionem in hæc iudicia venire diximus: vel hinc liquido apparet in his iudiciis, similiter ut in strictis, facti quæstionem versari, non tantum juris: neque hic quidquam proprium esse actionum bonæ fidei.

XXXIII. Cætera cum horum iudiciorum propria esse dicimus, nempe hoc ipso negamus in strictis iudiciis locum habere: ex quo intelligitur horum iudiciorum differentia, pro-

pter quam necesse sit hæc genera inter se distingui. Unde et singulorum vis et potestas, quam quærimus. Id autem an recte negemus, sic plane constare poterit, si eadem illa repetita conferantur in his iudiciis, et singula in his diversa statui, una actione ex testamento excepta, reperiemus.

XXXIV. Ac de iis, quæ ex contractu præstari volumus, hæc iuris certi distinctio est, ut placeat in bonæ fidei iudiciis omnia præstari officio iudicis, quæ alterum alteri præstare equum est, etiam sine conventionione: in strictis autem iudiciis ea demum, de quibus convenit, nihil amplius. *§. ult. Inst. de obl. ex cons. L. quia, D. de neg. gest.* nisi si quid saltem natura iudicii continetur. *L. cum quid, D. si cer. pet.* Ideo de iis, quæ sunt moris et consuetudinis, nusquam traditum ea in strictis iudiciis venire. Quinimmo cum dicitur nominatim ea in bonæ fidei iudiciis debere venire: satis hoc ipso eadem a strictis iudiciis remonentur. *L. quod si nolit, §. quid assidua, D. de æd. ed.* Inde quoque in his nec usuræ pecuniæ, nec fructus debentur ex mora. De usuris quidem ius certum, has ex mora in actionibus stricti iuris non deberi, cum ubique ut debeantur ex mora, bonæ fidei tantum iudiciis tribuatur. *L. mora, §. in bonæ, D. de usur. L. initio, C. de pac. int. em. et ven.* Sed adeo hoc verum est, ut ne debeantur quidem in his post litem contestatam. Argumento est conditio indebiti, in qua pecuniæ indebitæ usuræ, nec post litem contestatam præstantur *L. 1. de cond. ind.* Nam quod dicitur in *L. lite, D. de usur.* lite contestata usuras currere, hanc sententiam habet, usuras quæ prius deberi cœperant, lite contestata nihilominus currere, id est, earum cursum lite contestata non retardari: vel deberi cœptas lite contestata perseverare: quomodo dictum est longum tempus currere ei, qui rem alienam esse postea cognovit: ubi significatur per longum tempus non incipere, sed perseverare usucapionem antea cœptam. *L. bonæ, 43. §. 1. D. de acq. rer. do.* Nequaquam autem hoc dicitur, usuras lite contestata incipere deberi, seu incipere currere. Nam si usuræ post litem contestatam non veniunt in indebiti conditionem, quæ tamen conditio ex æquitate naturali est: *L. indebiti, in pr. D. de cond. ind.* multo minus in cæteris actionibus stricti iuris, quæ eadem æquitate non nituntur, usuræ post litem contestatam accedent. Denique ius certum est, usuras in strictis iudiciis citra stipulationem non deberi. *L. 3. C. de usur. L. si pupilli, in fi. iuncta L. quia,*

seq. *D. de neg. gest.* De fructibus in his iudiciis hoc servatur, ut post acceptum quidem iudicium ex æquitate præstandi sint, quia post iudicium acceptum, id est, litem contestatam omnis causa præstanda sit: at ante non veniant ne ex mora quidem, si quis actionem habeat ad id consequendum, quod eius non fuit, veluti ex stipulatu. *L. videamus, §. actionem, D. de usur.* Hic et in fructibus et usuris excepta sunt legata ac fideicommissa. Actio ex testamento quæ ex his causis nascitur, stricti iudicii est. *L. 5. in fi. et L. alias, seq. D. de in lit. iur.* Placet tamen in his fructus ex mora venire: sed et usuras, non secus quam in bonæ fidei iudiciis. *L. 3. in pr. L. usuræ, D. de usur. L. in minorum, C. in quib. cau. in int. rest. nec. non est.* Haud dubium, quin favore ultimarum voluntatum, quas publice etiam expedit quam maxime et citissime exitum habere. *L. vel negare, D. quem. test. ap. L. 1. C. de sa. ecc.* In re deteriore facta, quæ ex contractu stricti iuris, veluti ex stipulatu, debita fuerit, placet semper promissorem hactenus vetere actione liberari, ac si quid in eo fecit dolo, teneri tantum actione de dolo: sine dolo autem plane liberari. *d. L. et eleganter, §. non solum, D. de dolo:* de quo etiam scripsi ad *d. L. 3. de cond. trit.* Quod attinet ad ea, quæ cum verbis cauta essent, volumus ex æquo et bono non præstari, sic de his ius est in strictis iudiciis, ut si quis quid ab initio deceptus dolo, aut coactus metu, aut etiam errore suo inductus promiserit, quod non debebat; nihilominus consistat ipso iure stipulatio, et promissor stipulanti obligetur; sed actio doli mali exceptione summoveatur. *L. dolo, C. de inut. stip. L. si quis cum aliter, D. de verb. obl.* Quod si re ab initio recte contracta, aliquid intervenerit postea ex iis, ex quibus exceptiones iure proditæ sunt, puta pactum, iusiurandum, res iudicata, non minus et hic promissor eas exceptiones habebit. Quinimmo hæ maxime comparatæ sunt tuendorum reorum causa in strictis iudiciis, in quibus alioqui futurum erat, ut summo iure damnari deberent, *infra de excep. in pr. et deinceps.* Sed nihil hic amplius consequitur promissor et ab initio, et postea, quam exceptionem: cum in bonæ fidei iudiciis ipso iure et potestate iudicii ex his causis tutus sit is, cum quo agitur.

XXXV. Quid ergo interest, ipso iure quis non teneatur, an vero teneatur ita, ut actio per exceptionem infirmetur? Sane nihil, si quis exceptione sit usus, id est, si quis ab

initio intentioni actoris obiecit exceptionem, eamque hoc modo contestatus in iudicium deduxit: id enim, ut ante dixi, exceptio significat: *L. 2. de excep.* idque est, quod dicitur nihil interesse, ipso iure quis actionem non habeat, an per exceptionem infirmetur. *L. nihil interest, D. de reg. jur.* At finge initio exceptionem omissam, dum simpliciter negat reus se quidquam debere. Hic aliud bonæ fidei iudicium, aliud strictum omittenti tribuit. Prius reum liberat, quandoque postea ante rem iudicatam allegarit ea, propter quæ æquum sit eum non teneri. His enim cognitis iudex qui iubetur iudicare ex bona fide, etiam secundum verba, id est, ipso iure recte eum absolvet, et quidem pro potestate sibi commissa: quoniam sive quid ab initio dolo malo gestum est, verum est ipso iure id ex bona fide non valere; sive postea reo exceptio aliqua nata est, verum est eum bona fide, id est, ex æquo et bono non teneri. Strictum iudicium exceptione quæ reo competeat omissa, iudicem adstringit olim formulæ, nunc petitioni et litis contestationi, ut reum convictum promississe, aut iure debere id, quod negabat, condemnare debeat. Nec quidquam proderit, reo, si postea exceptionem alleget. Semper enim hoc tenendum est, ultra id quod in iudicium deductum est, excedere potestatem iudicis non posse. *L. ut fundus, D. com. divi.* Non est autem deducta in iudicium exceptio, quæ initio omissa est in hoc genere iudiciorum in lite contestanda. Verbis quidem deductam non esse constat, quam reus initio non est contestatus, idque ipsum et in bonæ fidei iudicio diceremus. Sed nec potestate iudicii stricti in iudicium deductam dixeris, ut ea a iudice æstimetur, quoniam in hoc genere iudiciorum hoc tantum iudici commissum est, ut iudicet de his quæ nominatim in iudicium deducta sunt, non etiam infinite de omnibus, quæ videantur ex æquo et bono æstimanda. Sic fit ut superiores exceptiones omnes recte dicantur ipso iure, id est, et secundum verba iudicio bonæ fidei inesse: in strictis autem iudiciis non inesse: quia potestate iudicii non insint, sed tantum in iudicium nominatim deductæ. Unde rursum evenit, ut non sit necesse eas contestari initio in bonæ fidei iudiciis, quæ etsi non excipiatur, insint tamen, ut supra ostendimus. In strictis autem iudiciis necesse sit eas initio contestari; alioqui omissæ eo iudicio nihil prosint: et ita ius est pene diserte traditum in *L. si quidem, L. præscriptionem, C. de excep.* Ex quibus etiam in-

telligimus, quid in iudicio exercendo inter hæc intersit, ipso iure quem ex his causis non teneri, et non teneri per exceptionem: quæ in usu iuris inter se opponuntur. L. qui servum, §. 1. D. de obl. et act. Qui ipso iure tutus est, licet ei tuto in lite contestanda negare ullam esse obligationem contractam, aut ullo modo se teneri: adversus quem si probetur postea aliquid ante gestum esse, ex quo obligatio oritur, satis tamen tutus sit, si referat ex adverso ea intervenisse, propter quæ eum ipso iure eo iudicio tutum esse diximus, et ea intervenisse doceat. Quem autem dicimus tutum esse per exceptionem, is in lite contestanda ita necesse habet de obligatione summo iure contracta confiteri, ut de ea confessus nihilominus exceptionem obiciat, qua fiat, ut non debeat condemnari.

XXXVI. Illæ differentiæ inter hæc iudicia recipiendæ non sunt, quas quidam putant, ut si res debita deterior facta sit ab aliquo, quam a debitore, in bonæ fidei quidem iudiciis teneatur eo nomine, si post moram deterior facta sit; in strictis autem non nisi ex tempore litis contestatæ, arg. L. 3. §. in hac, D. com. item, ut si in bonæ fidei iudicio puta emptione, in materia dissensum sit, veluti si æs venditum sit pro auro; nulla sit emptio: L. in venditionibus, §. ult. et L. seq. D. de cont. em. in stipulatione contra si quis stipulatus sit æs pro auro, teneat stipulatio eius corporis promissorem. L. si id quod aurum, 12. D. de ver. obl. Nam de mora ego didici, generale illud esse in omni obligatione, culpa, eoque et mora perpetuari obligationem, nec minus in stipulatione, quam in bonæ fidei iudiciis. L. si servum, 91. in pr. et §. sequitur, D. de verb. oblig. Quod eam sententiam habet, ut qualis quæque res fuit, quo tempore mora facta est, talis præstari debeat, ut dicendum sit, sive perierit res postea, sive deterior facta sit, utroque nomine debitorem etiam ex stipulatione teneri. L. nemo, 82. §. 1. D. de verb. obl. Et ideo Ulpianus in conditione triticiaria, quod iudicium nequaquam bonæ fidei est, scripsit si res petita deterior facta sit post moram, ad tempus moræ reducendam esse æstimationem. L. 3. D. de cond. trit. Nec quem moverit, quod supra diximus ex contractu stricti iuris nihil amplius deberi, quam rem quæ promissa est. Ne nunc quidem id mutamus. Mora enim facit, ut quod de re post moram decessit, adhuc extare videatur, d. L. nemo, §. 1. de ver. ob. Ita plane hac parte inter bonæ fidei

iudicia et stricta nihil interest: de quo scripsi plura in commentario de mora, et ex professo ad d. L. 3. de cond. trit. Quod attinet ad errorem contrahentium in materia, sane hic aliter infirmat emptionem, aliter stipulationem: sed differentiæ ratio non ex potestate horum iudiciorum est, sed ex dissensu; qui in eo est, qui in materia errans rem certo pretio in materiam dicto emit; non est in stipulante, qui corpus certum stipulatur nullo pretio interveniente, quod pro ea præstet; ut exposui ad d. L. si id quod aurum, de ver. obl. Cum sit vis hæc et potestas horum iudiciorum, iam puto intelligi, quam verum sit illud, quod de usu huius divisionis proposui; ex ea videlicet assequi nos, quid quantumve pro potestate horum iudiciorum petere et consequi per iudicem liceret.

XXXVII. Bonæ fidei sunt hæc. Hactenus tamen magis dictum est, quales sint bonæ fidei, et stricti iuris actiones, quam quæ sint. Diximus enim utrasque appellatas esse ab ea potestate iudicandi, quæ in his iudiciis data est; priores quidem dictas, in quibus libera hæc potestas data est ex bono et æquo iudicandi: stricti iuris contra, in quibus hæc potestas adstricta et conventioni, et iudicii petitioni. Adieciimus, quid ista potestas in utroque genere contineret: id est, in bonæ fidei iudiciis quid tribueret libera, in strictis quid detraheret adstricta. Sed relinquatur adhuc hæc quæstio, quæ sint illæ actiones, in quibus hæc aut illa potestas tributa est iudici, id est, quæ sint huius aut illius generis actiones. Id vero præstat hoc loco, et §. seq. Justinianus. Enumerat quidem solum actiones bonæ fidei. Sed si omnes huius generis, ut facere eum inter omnes convenit, hac enumeratione consequitur, ut non minus intelligatur, quæ sint stricti iuris. Omnibus enim comprehensis, necesse est, quæ relinquuntur, bonæ fidei non esse. Hæ autem ex divisione sunt stricti iuris, nisi sint ex genere earum, quas mox vocat arbitrarías. Quare hoc videamus, quæ sint bonæ fidei. Et certas in hoc numero recenset Justinianus ab hoc loco usque ad §. in bonæ. Qua in enumeratione tria hæc nobis quærenda sunt: Primum an sint omnes bonæ fidei, quæ hic nominantur. Secundum, an solæ, ac præter has nullæ. Tertium, cur hæc potius, quam cæteræ. Quod quærimus, an omnes hic appellatæ sint bonæ fidei, propter actionem depositi quærimus. Nam hæc non tantum in simplum est ex omnibus aliis causis, quam hactenus bonæ fidei esse inter  
omnes

omnes convenit: sed etiam in duplum de eo, quod tumultus, incendii, ruinæ, naufragii causa depositum sit. L. 1. §. 1. *D. depo.* Etiamne ergo ex his causis bonæ fidei erit, ut fructus et usuræ pecuniæ dupli ex mora accedant, ut sit in bonæ fidei iudiciis, L. *mora*, §. *in bonæ*, L. *usuræ*, *D. de usur.* Et puto hactenus quoque esse bonæ fidei. Generaliter enim hic scriptum est depositi actionem bonæ fidei esse. Atqui ex superioribus causis depositi actio est, et quæ in duplum competit. Nec ad rem pertinet, quod duplum pœna est, magis ex maleficio constituta, quam negotio gesto. Non enim eo minus hæc pœna depositi actione petitur: nec minus depositum est, quanvis delictum in ea versetur. L. *ex contractibus*, *D. de obl. et act.*

XXXVIII. Sed an solæ bonæ fidei, quæ hic enumerantur, ac præter has nullæ? quod secundo loco quærebamus. Quæstio in eo est, utrum omnes hic enumerentur, quæ sunt bonæ fidei. Et probandum est, quod receptum est sententia communi, propositum fuisse Justiniano omnes hic enumerare: ideo solas eas esse huius generis, quæ hic recensentur, præterea nullas. Huius sententiæ argumenta hæc sunt non dubia. Primum in his actionibus proponendis non dicit, Bonæ fidei sunt hæ: veluti ex empto, vendito, locato, conducto, et cæteræ, ut fit, cum exempli causa quasdam proponere volumus, non omnes: sed *quædam*, Bonæ fidei sunt hæ: ex empto, vendito, et quæ sequuntur: indicans se quæ sint huius generis, professo pronuntiare. Id quod ita esse certius statuemus observato more huic ipsi usitato, maxime sub hoc titulo; qui cum vult rem non defenire, sed exemplis indicare, uti solet his particulis similitudinis, ut, vel uti: ut in §. *sed istæ*, §. *in personam*, §. *rei persequendæ*, supra §. *præterea*, infra eod. tit. Deinde ut sciremus nullas eum omittere voluisse, etiam illas adiecit sedulo, de quibus dubitatio erat; docens has quoque esse bonæ fidei, ut petitionem hereditatis, et actionem ex stipulatu quæ pro dote competit. Quod certe non faceret, nisi omnes quæ essent vellet complecti. Exemplis enim cum rem demonstrare volumus, non colligimus omnia: sed paucis, et his certis tantum utimur, contenti id quod dicitur, rebus notioribus indicare. Sed quod ad rem maxime pertinet, videndum est, quid agat, quove spectet hæc divisio. Nempe ut ostendat, quod divisione expressum est, quasdam esse actiones bonæ fidei, quasdam stricti iuris. Atqui quæ sint huius generis, ex his verbis nihilo magis intelligitur quam si nihil dixisset. Non satisfacit

igitur divisioni propositæ, nisi quænam hæ sint, ordine deinde aperit. Et hoc facere velle eum apparet, cum subiicit, Bonæ fidei sunt hæ; ex empto, vendito, et cæteræ. Hoc vero consequi qui velit, necesse est, quænam istæ sint actiones, aut definitione generis explicet, aut singularum numero ostendat. Exemplis enim quibusdam res non demonstratur: cum possint aliæ pleræque esse eiusdem generis, quæ propterea non occurrunt. Definitio hic nulla est. Enumeratio igitur sit, oportet, quæ sequitur, earum actionum, quæ sint bonæ fidei, et quidem ita, ut hinc intelligatur, cæteras esse stricti iuris: de quo etiam genere propositum erat. Alioqui duo hæc maxima vitia in hac divisione sequuntur, quod nec de priore genere tantum dixerit, quantum satis est ad actiones eius generis cognoscendas, et de posteriore nihil omnino dixerit.

XXXIX. Actiones tamen hic enumeratas cum solas bonæ fidei esse dicimus, sic accipi debet, ut contineantur non tantum directæ, quæ opponuntur contrariis, ut mandati, commodati, depositi: sed etiam ex iisdem causis contrariæ. L. 5. in pr. *D. de ob. et act.* Nam et contrariæ similiter mandati, commodati, depositi actiones dicuntur. §. *ex quibusdam*, infra de pœ. tem. lit.

XL. Nec minus utilis ex iisdem causis continetur: puta, negotiorum gestorum adversus curatorem; L. 3. *C. de trans.* quæ tamen dicitur negotiorum gestorum utilis. L. *curatores*, *C. de neg. gest.* Sed si in lege vel huius vel illius actionis appellatione continetur directa, quæ ex verbis ipsis legis est; non minus ex eadem lege intelligetur actio utilis, quæ sit eiusdem nominis: quoniam utilis est ex legis sententia: §. *ult. Inst. de leg. Aquil.* Verbum autem ex legibus non minus accipitur ex legum sententia, quam ex verbis. L. *nominis*, §. 1. *D. de verb. signif.*

XLI. Qua ratione et protutelæ actionem, et bonorum possessoriam hereditatis petitionem, et petitionem hereditatis fideicommissariam recte bonæ fidei actiones esse dicimus. Certe protutelæ actioni eadem tribuuntur, quæ tutelæ. L. 1. §. *in protutelæ*, L. *pen. D. de eo qui pro tut. neg. gest.* Posterioribus autem petitionibus eadem, quæ petitioni hereditatis directæ L. *ult. D. de bo. pos. her. pet.* L. 1. L. 2. *D. de fid. her. pet.* Neque hoc præter enumerationem huius loci, quasi hic sint prætermittendæ, enumerantur enim inter bonæ fidei iudicia actio tutelæ, et petitio hereditatis. At protutelæ actio

actio est actio tutelæ utilis ex eadem æquitate et utilitate comparata. L. 1. in pr. *D. de eo qui pro tut.* Petitiones autem hereditatis bonorum possessoria, et fideicommissaria, nihil aliud, quam hereditatis petitiones utiles; quippe de bonorum possessione et fideicommisso hereditatis: quæ duo iure prætorio et senatusconsultis pro hereditate habentur. L. 1. 2. 3. *D. de bo. pos.* L. 1. *D. ad Treb.*

XLII. Hoc amplius et quem contractum olim esse constitit unum ex iis, qui hic enumerantur, etsi incertum esset, quis proprie et peculiariter; eum sciemus etiam nunc in eodem numero haberi debere, etsi forte certam definitionem postea, et pleniorē accepit ex constitutionibus, neque hic novo nomine suo appelletur. Qualem bene iudicavit Connanus contractum emphyteuticum. Hunc constitit inter veteres aut emptionem esse et venditionem, aut locationem et conductionem, etsi utrum esset, dubitabatur. §. adeo, *Inst. de em. et vend.* Sed utrumvis horum esset, sententiæ huc concurrebant, ut esset bonæ fidei, et ex his qui hic nominantur. Postea Zeno voluit contractum esse ab utroque illo separatam, et conceptionem definitionemque habere propriam L. 1. *C. de iur. empt.* Non ideo hoc efficit, ut iam non putetur bonæ fidei, quia hic iam appelletur contractus emphyteuticus. Sic enim Zeno novam vim huic contractui dedit, non ut minueret veterem, sed ut eam retinens etiam augetet.

XLIII. Cæterum extra has nullæ bonæ fidei. Et breviter sic enumeratio huius loci accipietur, ut quæ non sunt in hoc numero vel ex verbis, vel ex sententia legis bonæ fidei non habeantur: omninoque hic vere licet usurpare, quod Modestus in una specie donationis scripsit, ideo cæteras bonæ fidei actionum iure non uti, quia in bonæ fidei contractibus non deputentur. L. *eum qui*, *D. de donat.* Hoc enim, quia in hoc genere aliqua non deputetur, sic recte hic accipiemus, quia non deputetur hoc loco, ubi ex professo enumerantur, quæ sunt huius generis. Atque hinc factum, ut simul intellectum sit cæteros esse stricti iuris. Hinc illæ certo iure stricti iuris habitæ: ex stipulato; ex testamento; L. *in actionibus*, vers. *plane*, juncta L. *alias seq.* *D. de in lit. iur. ex donationis causa. d.* L. *eum qui*, *D. de don.* conditio indebiti. L. 1. *C. de cond. ind.* et reliquæ condictiones; item actiones pœnales ex maleficiis, et similes; et generaliter omnes, quæ hic non appellantur, ne

necesse sit omnes species persequi. Non alio argumento certiore videlicet, quam quod hic non enumerantur.

XLIV. De quibusdam tamen dubitatum, quas constet nec directas esse eas quæ hic appellantur, neque utiles. Dubitatum autem ideo, quia quædam sunt similes iis, quæ hic commemorantur: quædam etiam ex bona fide, aut bono et æquo esse dicuntur. Prioris generis duæ, actio de precario, et finium regundorum. Posterioris hæ, conditio sine caussa, actio funeraria, actio iniuriarum, actio de sepulcro violato, actio adversus iudicem, qui male iudicavit. Precarium dicitur simile esse commodato in L. 1. *D. de prec.* cur non igitur precarium bonæ fidei, ut commodatum? Quid, quod etiam dicitur actio præscriptis verbis de precario oriri ex bona fide in L. 2. *D. eod.*? Actio finium regundorum adeo similis actioni familiæ erciscundæ, et communi dividundo, ut ubique tria hæc iudicia coniunctim numerentur, ubique inter se comparentur. L. *in tribus*, *D. de jud.* L. 1. §. 1. *D. com. divi.* §. *quædam*, supra hoc tit. §. *si familiæ*, et duobus seqq. *infra de off. jud.* Cur non ergo actio finium regundorum item bonæ fidei, ut familiæ erciscundæ, et communi dividundo?

XLV. De posterioribus ita legimus. Conditio sine caussa, eoque et indebiti dicitur ex bono et æquo introducta in L. *pen. D. de con. ind.* Funeraria actio ex bono et æquo oriri, in L. *et si quis*, §. *hæc actio*, *D. de relig.* Iniuriarum actio ex bono et æquo esse in L. *non solum*, §. 1. *D. de injur.* Actio de sepulcro violato in id, quanti ob sepulcrum violatum æquum videbitur. L. 3. in pr. *D. de sep. viol.* Unde et dicitur in bonum et æquum concepta in L. *pen. D. eod.* Actio in factum adversus iudicem, qui male iudicavit, similiter in quantum de ea re æquum religioni iudicantis videbitur. L. *ult. D. de ext. cogni.* Quid ni igitur et hæ dicantur bonæ fidei, in quibus res geritur ex bona fide, atque æquo et bono, ut in his quas bonæ fidei dicimus? §. *in bonæ*, *infra.* Sed si recte statuimus, quæ hoc loco in bonæ fidei actionibus non deputantur, eas bonæ fidei non esse: non sunt ex quas dixi, bonæ fidei.

XLVI. Exemplo est inter cæteras actio de precario, et conditio indebiti: quarum in priore fructus præstantur tantum a tempore litis contestatæ: L. *quæsitum*, §. *ex hoc*, *D. de prec.* in posteriore usuræ pecuniæ indebitæ non veniunt ne post litem quidem con-



testatam. L. 1. C. de con. ind. quorum tamen utrumque contra fit in bonæ fidei judiciis, ut ante diximus. Nec nos moverit similitudo superior istarum actionum, aut æquitas. Nam nec priores similes sunt in eo, de quo agitur: et in posterioribus quod fit ex bona fide, non est id, ex quo bonæ fidei actiones appellantur. Precarium simile est commodato: sed in eo, quod utrumque petenti utendum datur. L. 1. D. de prec. L. 1. D. com. Illud dissimile, quod ad ista genera in hac re distinguenda pertinet, quod in commodato non solum accipientis, sed etiam dantis negotium gestum, dum id agitur, ut qui accipit, rem commodatam curet, ut bonus et diligens paterfamilias faceret: alioqui culpæ et negligentiae omnis nomine teneatur. Precarium autem magis ad donationes et beneficium causam, quam ad negotii contracti speciem spectat, ut est in L. interdictum, D. de prec. Unde etiam placet eum, qui precario rogavit, culpam in precario non præstare, sed solum dolum, et culpam dolo proximam: aliter atque in commodato, in quo is qui commodatum suscepit, non tantum dolum, sed etiam culpam præstat. Neque id alia de causa, quam quod totum precarium ex liberalitate descendat ejus, qui precario concessit: hæc Ulpianus in L. quaesitum, §. eum quoque, D. de prec. Atque hinc præcipua causa, per precarium non sit contractus bonæ fidei: quoniam hujus generis notam in contractu hanc esse volumus, si negotium mutuam inter aliquos geratur, ut postea dicitur.

XLVII. De finium regundorum actione idem judicandum est. Hoc quidem iudicium duplex est, et hactenus simile familiæ eriscundæ, et communi dividundo judiciis. Sed in eo dissimile, quod causam bonæ fidei continet, quod in illis familiæ iudicii eriscundæ, et communi dividundo negotium mutuam et commune inter coheredes et socios geritur. In finium regundorum iudicio solus sibi rem gerit, qui convenitur, dum partem aliquam ultra constitutos fines sibi occupat, soli, inquam, sibi, non vicino.

XLVIII. Quod attinet ad eas, quæ dicuntur ex æquo et bono oriri, aut esse introductæ, facile iudicium est, non ideo eas bonæ fidei existimari debere. Non enim bonæ fidei actiones ideo ullæ dicuntur, quia initium eas constituendi, et causa sit ex bona fide: sed quia, ut supra dixi, in his omnia dijudicantur ex bona fide, non tantum quæ præstanda non sunt, sed etiam quæ sunt

præstanda, ut si quid æquum sit, et usitatum præstari, id præstetur etiam sine conventionem. Quod non fit in istis actionibus, quas ex æquo et bono esse diximus. Nam in conditione indebitæ pecuniæ non accedunt usuræ ex mora, ac ne ex lite quidem contestata, d. L. 1. C. de cond. ind. Funeraria actio certa summam edicto præfinitam habet, quam persequatur, nempe quod funeris causa sumptus factum erit: nihil amplius. L. si quis, 12. §. prætor, D. de relig. Sic et injuriarum actio nihil nisi pœnam certam constitutam edicto, injuriæ scilicet æstimationem, §. pœna, Inst. de injur. Quod autem actio de sepulcro violato, et actio adversus iudicem, qui male judicavit, dicuntur esse in id, ut condemnentur reus, quantum ob eas res æquum videbitur: non significat omnia quæ æquum sit alias præstari, venire in has actiones; sed solum facti ipsius æstimationem: et eam quidem, non quæ ab initio sit certa, sed quam iudex in sententia dixerit: ut hic in præteritum tempus neque fructuum, neque usurarum pecuniæ quæstioni locus esse possit ex bona fide. Sed et quod ad omnes istas in commune pertinet, nullum in his negotium geritur mutuam, sed tantum res agitur actoris, qui reo vicissim in his judiciis præstare nihil debet. At ita sunt bonæ fidei actiones, ut sint fere de mutuo negotio, et obligationem mutuam habente (quam recte, de eo jam dicemus) certe sunt ejusmodi, ut in his iudex æstimare debeat, quid alterum alteri præstare oporteat ex æquo et bono. §. in bonæ, infra, L. 5. in pr. D. obl. et act.

XLIX. Deinceps ergo, quod tertium propositum erat, videamus, cur hæc potissimum habitæ sint bonæ fidei, quæ hic enumerantur, cæteræ non item. Et Ciceronem animadverto lib. 3. Offic. cum iudicia posuisset quædam bonæ fidei, subjicere hæc verba: quibus vitæ societas continetur. Ejus autem verba hæc sunt: fideique nomen existimabat (Scævola) manare latissime, idque versari in tutelis, societatibus, fiduciis, mandatis, rebus emptis venditis, locatis, conductis, quibus vitæ societas continetur. Quibus verbis videtur reddidisse rationem, cur in his maxime rem ex bona fide geri, judicare placeret: scilicet quia sine his societas humani generis stare non posset. Etenim si attendatur, reperientur omnes esse contractus ejus generis, qui versentur in commutatione rerum officiorumque, qua hæc vita carere non potest. Quæ et ratio a plerisque doctis viris reddita est. Sed videndum, ne non

non sit hæc satis. Qui minus enim ad vitæ societatem pertinet mutuum, precarium, donatio? quibus indigentia nostra sublevatur, fortasse etiam magis quam commodato. Quid stipulatio, ut jus est de pactionibus constitutum? Ita necessaria, ut cum conventionibus abundet hæc vita, quas inter homines ratas esse hominum intersit, ea civilis hæc et quotidiana vita carere non possit: quæ una ad firmandas hominum inter ipsos conventiones jure civili inventa est. Ac cum inter bonæ fidei judicia etiam petitio hereditatis numeretur: qui minus illa judicia videri possunt ad vitam necessaria, quibus res alias nostras, quæ apud alios sint sine causa, condicimus, aut quibus res nostras vindicamus, item cætera quæ sunt de damno dato, et omni eo, quod nobis abest, persequendo? Haud scio igitur, an rectissime dixerimus, quod Hotomanus noster animadvertit in hunc locum, ideo eas actiones quæ hic recensentur, potius bonæ fidei esse habitas, quam cæteras; quia in omnibus excepta una petitione hereditatis, reperietur mutuum negotium geri inter aliquos, ex quo sic unus aliquid præstet alteri, ut huic vicissim obligetur alter. Id quidem in emptione venditione, locatione conductione, societate, permutatione, præscriptis verbis actione quæ de æstimato proponitur, quando hic negotium ad venditionem aut locationem accedit, perspicuum est. Ne id quidem obscurum in iis contractibus, ex quibus mutux illæ sunt actiones; directa, et contraria, cujus generis sunt commodati, depositi, pignoratitia, mandati tutelæ, negotiorum gestorum. In dote quoque ut maritus obligatur mulieri, ut dotem soluto matrimonio reddat; ita vice mutua mulier, ut impensas quæ ad perpetuam rei utilitatem factæ sunt, rependat. Sed et in hoc, ut dotem esse præstet. Quorsum ergo hæc mutua in his præstatio ad omnia ab utroque ex bona fide exigenda? Non utique solum, quia sit ex re utriusque contrahentium: dici enim potest multa esse in rem utriusque in contractu, quæ tamen non ideo debeant præstari: sed quia in hujusmodi negotiis ita est ex eorum inter quos res agitur communi voto omnia ex bona fide præstari, ut sit etiam ex naturæ regula hoc ipsum recte exigi ab adversario: Nam si singulos cogitamus, sic omnes in omni negotio etiam non mutux obligationis affecti esse intelliguntur, ut cupiant eos, cum quibus rem habent, se adversus se quam optima fide gerere, omnia sibi præstare bona fide, sine dolo malo, sine frustratione: et denique ut

Tom. VI.

inter bonos bene agier oportet, ut erat vetus fiduciæ formula. Sed non ut quisque id sibi præstari vult, ita continuo sine conventionione recte exigit ab adversario, nisi hoc ipsum æquum sit recte ab illo exigi. Atqui hæc æquitas evidens est in negotiis istis mutux præstationis et obligationis. Nam et adversarius ipse, qui eodem modo pro se affectus est, eadem illa sibi quoque præstari postulat, et exspectat ab altero, quæ supra dixi. Nihil æquius, quam quod sibi ipse præstari vult, eadem et ipsum in eadem causa eidem illi præstare. Estque hoc ex æquitate naturæ manifesta, expressum edicto prætoris in hæc verba, *Quod quisque juris in alium statuerit, ut ipse eodem jure utatur.* L. 1. D. *quod quis. jur.* Quod si hoc commune votum est utriusque, jam apparet ut res ita geratur, recte invicem inter ipsos et desiderari, et admitti.

L. Ad hoc confirmandum quod certius argumentum asserre possumus, quam quod omnia judicia earum rerum, in quibus negotium non geritur utrimque, bonæ fidei non esse reperiuntur? Si quod est negotium, si contractus, in quo merito videatur creditor posse a debitore omnia in eo præstando quod debetur, ex fide bona exigere; est mutuum; præsertim si est gratuitum. Id enim a liberalitate et officio profisciscitur non minus, quam commodatum, ac plus etiam transfert in accipientem. Nec vero quidquam turpius, quam cum beneficium acceperis, non quantum possis, optima fide reddere. Id tamen judicium bonæ fidei non est. Si moram, exempli gratia, in pecunia præstanda feceris, non ideo usuras citra stipulationem debebis. L. 3. C. *de usur.* Cur tandem hoc tam dissimiliter a commodato, in causa, ut videtur, tam pari, aut etiam majori? Quia nihil erat scilicet in mutuo, quod vicissim præstandum esset debitori, in quo cum debitor a creditore bonam fidem sibi præstari vellet, hanc eandem creditor vice mutua recte ab illo exigeret ut pro ipsius sententia et voluntate. Hac de causa ex stipulatu actio, qua promissor tantum tenetur, stricti iudicii est. d. L. *in actionibus*, in fin. et L. *alias*, seq. de *in lit. jur.* Ex testamento adeo actio in eadem causa. d. L. *alias*, eod. Ejusdem generis conditiones omnes, etiam quæ naturalem repetitionem habent, qualis indebiti. d. L. 1. C. *de cond. ind.* De pœnalibus actionibus, quæ nascuntur ex maleficiis, non dubitatur. Quippe omnes ejusmodi, in quibus unus obligetur: quem cum dicere non possimus bonam fidem sibi præstari velle a

creditor, cum ei a creditore nihil debeatur; non est etiam, quod pro ipsius voto possit hæc ipsa bona fides ab eo exigi.

LI. An vero quod dicimus, ex finium regundorum actione non aperte intelligitur? Hæc inter bonæ fidei judicia non numeratur hoc loco. At familiæ erciscundæ actio numeratur, item communi dividundo. Hæc vero justissima causa erat, si nihil aliud obstaret, cur adjiceretur et finium regundorum. Sunt enim hæc judicia tria cæteris omnibus in rebus ejusdem potestatis, et, ut dixi, ubique inter se comparantur; quomobrem et ubique conjungi solent. Mista sunt tam in rem, quam in personam. §. *præterea, supra eod. tit.* Duplicia sunt, *d. L. in tribus, D. de jud. d. L. 2. §. 1. com. divi.* id est, ejusmodi, in quibus uterque actor est et reus. *L. judicium communi, D. fin. reg.* Si hæc cæteris rebus similia, quid causæ est, si familiæ erciscundæ judicium, et communi dividundo bonæ fidei sunt, quin sit et finium regundorum actio? Omnino nihil relinquitur aliud, quam quod familiæ erciscundæ judicium et communi dividundo ex negotio communi gesto tanquam ex societate nascantur: ubi unus ex coheredibus, aut sociis rei communis non tantum obligatur alteri, sed etiam unus et negotium suum gerit, et socii. In finium regundorum judicio contra. Qui enim amplius possidet, quam patiuntur fines, de quibus regundis agitur, is possidet tanquam suum, non tanquam commune: rem sibi gerit, non vicino. Quod si qua in re personalis actio est in ea specie, magis ex maleficio aut quasi maleficio actio est propter dejectos aut perturbatos fines, quam ex contractu. Unde in §. *item si inter, supra de obl. quæ ex quas. contr. nas.* cum de his actionibus ageret Justinianus, communi dividundo et familiæ erciscundæ actiones sicut et negotiorum gestorum actionem ex quasi contractu oriri dixit, finium regundorum prætermisit.

LII. Sed unum genus nobis obstat, petitio hereditatis, quæ cum numeretur hoc loco inter judicia bonæ fidei, mutuum tamen negotium nullum habet, ex quo petitor possessori obligetur, aut quid præstare debeat. Nos videamus, ne quod de hac specie scribit hoc loco Justinianus, multo certius confirmet superiorem sententiam. Ait enim usque ad sua tempora incertum fuisse, an inter bonæ fidei judicia connumeranda hereditatis petitio esset, an non: se autem ut bonæ fidei esset, constituisse, ex *L. ult. in*

*fin. C. de pet. hered.* Quid ergo fuit, cur hoc dubitaretur apud veteres? Nempe hoc ipsum, quod nunc objicitur, quod inter heredem, et possessorem hereditatis nullum negotium mutuum gereretur, unde alter alteri esset obligatus: quæ tamen nota fuit actio- num hujus generis. Aut quæro, quæ in tantæ auctoritatis et tanti momenti judicio alia justa causa hujus dubitationis afferri potuerit. Dixerit aliquis, postquam obtinuit, ut hæc bonæ fidei actio esset; nunc saltem eo rem rediisse, ut possit actio esse bonæ fidei, quæ nullum negotium et obligationem mutuam habeat. Sed hoc in petitione hereditatis tantum receptum esse animadvertendum est. Hæc non mutat regulam et notam superiorem, sed confirmat. Excipitur enim hæc una ex omnibus. Excipiendi ratio non una. Mitto, quod res magna in eo judicio versatur: nempe hereditas: de qua et centum virali judicio apud Romanos agebatur: ea judicii auctoritate, ut nihil in præjudicium ejus fieri debeat. *L. Divus, in fin. D. de her. pet. l. ult. C. eod.* Hoc, inquam, mitto; quia fortasse parum ad id, de quo nunc quæritur. Erant enim et alia permulta, de quibus agebatur centum viralibus judiciis, quæ non eo magis erant bonæ fidei de quibus Budæus in *annotat. ad Pandectas*. Illud præcipue ad rem pertinet, et ad superiorum negotiorum naturam proxime accedit, quod universitas rerum quæ hereditate continebatur, fecit, ut hereditatis administratio committeretur possessoribus, eaque fidelis et diligens. Quæ res etiam ad heredem qui agit, pertinet: ut hic res a negotiorum gestione non multum abesse videatur: atque ita fiat, ut quemadmodum in hac administratione si quid impenderit, gesserit, cupiat ejus ex bona fide rationem haberi; vicissim quoque hanc ipsam bonam fidem petitor ab eo recte exigat. Hinc impendendi et curandi necessitas possessori injuncta: ac de impensis, et pretiis rerum venditarum ex bona fide tanquam ex negotio gesto jus dici cœptum. *L. plane, D. de her. pet.* Hinc tanquam in negotiorum alienorum administratione præstationes personales hic constitutæ, et hæc mutux. Nam et possessor de pretiis rerum hereditariarum, deque iis quæ a debitoribus exegit, genere quodam personalis actionis tenetur. *L. sed etsi, §. petitio, D. de her. pet.* et si quæ res hereditatis causa emptæ sunt, quantvis pecunia possessoris, ut eas reddere debet, sic petitor pretium restituere cogitur. *L. item veniunt, in pr. D. de her. pet.*

## Fuerat antea.

## §. XX.

*Ex stipulatu actio de dote repetenda cur sola data mulieri a Justiniano, vetere actione rei uxoriæ sublata. I. Singularia hujus actionis. II.*

*Mulierem in caussa dotis non præferri ex privilegio creditoribus expressam conventionem hypothecam habentibus. III.*

Fuerat antea et rei uxoriæ actio una ex bonæ fidei judiciis: sed cum pleniorē esse ex stipulatu actionem inveniētes, omne jus, quod res uxoria antea habebat, cum multis divisionibus in actionem ex stipulatu, quæ de dotibus exigendis proponitur, transtulerimus, merito rei uxoriæ actione sublata, ex stipulatu actio, quæ pro ea introducta est naturam bonæ fidei iudicii tantum in exactione dotis meruit, ut bonæ fidei sit. Sed et tacitam ei dedimus hypothecam. Præferri autem aliis creditoribus in hypothecis tunc censuimus, cum ipsa mulier de dote sua experiatur, cuius solius providentia hoc induximus.

I. **D**E dote repetenda fuerat olim actio uxori, quæ rei uxoriæ appellabatur. Actio bonæ fidei citra controversiam: ut in cuius iudicii formula usurparentur hæc verba, *Quod æquius melius, iudicato*. Testis Cic. *Lib. 3 Offic.* formulæ vestigium exstat in *L. pen. §. ult. D. sol. mat.* Cum multis in rebus plenior esset actio ex stipulatu ad dotem repetendam, ubi mulier dotem sibi reddi stipulata erat, ut indicat Justinianus in *L. uni, §. sciendum, §. maneat, §. cum autem, et alibi, C. de rei uxor. act.* idcirco visum est ei unam hanc actionem ex stipulatu ut plenissimam et certissimam ad dotis repetitionem mulieri dare. Quod fecit in *d. L. unic. statim a prin.* Sed quoniam neque semper intervenit stipulatio in dote danda, ut dici possit actio ex stipulatione esse, ubi stipulatio nulla est; et præterea nonnulla erant in rei uxoriæ actione pleniora, in utraque etiam quædam non videbantur sufficere: his incommodis occurrit Justinianus; et de stipulatione ita cavit, ut vellet eam semper pro interposita haberi; quæ autem erant alterius actionis, ad hanc transtulit, et de hypotheca adiecit, ne quid hic deesset mulieri ad omnem cautionem.

II. Atque in summa ad eam rem circa hanc actionem quatuor hæc fere singularia  
*Tom. VI.*

constituit, quæ hic breviter complectitur. *Primum*, ut quanvis mulier dotem sibi reddi stipulata non sit, aut stipulata sit inutiliter, nihilominus sit ei proposita ex stipulatu actio, quasi stipulatio utiliter intervenisset. *d. L. unic. §. 1. Secundum*, ut ex stipulatu actio, quæ in cæteris caussis stricti iudicii est, *L. 5. in fi. et L. alias, seq. D. de in lit. jur.* in hac repetitione dotis sit bonæ fidei, *d. L. unica, §. sed etsi non ignoramus. Tertium*, ut habeat hæc actio adjunctam hypothecam bonorum omnium mariti. *d. L. unica, §. 1. Quartum*, ut in hac ipsa hypotheca mulier: ipsa, inquam, sola, non heredes ejus, omnibus aliis creditoribus anteponatur, quanvis tempore prioribus, seu hypothecam tempore antiquiorem habentibus: hoc ille in *L. ult. C. qui pot. in pig. hab.* Ac priora tria, et si quid est amplius, quod ad naturam hujus actionis pertineat, facile sumentur ex *d. L. unica, de rei uxor. act.* Quartum habet dubitationem, quæ hic monitorem saltem desiderat, velitne Justinianus mulierem omnibus creditoribus in hypotheca præferri, non acitam tantum, sed etiam expressam hypothecam habentibus.

III. Et verius est, quod et magis vulgo probatur, constitutionem Justiniani accipien-  
dam

dam de iis creditoribus, qui antiquiorem quidem hypothecam habent, sed constitutam lege et privilegio; non autem eam, de qua creditores sibi ipsis aperta conventionem caverint. Primum id satis significatur verbis constitutionis, cum vult mulierem præferri creditoribus prioris temporis privilegio vallatis. Non est enim privilegium, nisi in eo quod lege tribuitur sine conventionem. Tum autem nulla juris aut æquitatis ratio patitur, ut actio creditoribus ipsorum opera, et cautione semel quæsitæ, his adimatur. Id fieri posse negant veteres. *L. ult. D. de pact. L. habere, D. de evict.* Repugnant præcepta juris, quæ ventum alterum lædere, suum cuiquam mortali detrahere. *L. justitia, D. de just. et jur. L. 2. D. de his qui sunt sui vel al. jur.* Reclamat præclarum dictum Scævola in

*L. pen. in fi. D. quæ in frau. cred. Vigila- vi, inquit; meliorem meam conditionem feci: jus vigilantibus scriptum est: ubi negat quod ista vigilantia creditoris illi partum sit, ei adimendum. Nihil ad rem pertinet, si dicatur id minus iniquum videri debere, aut quavis iniquum sit, non eo minus tamen uxori tribuendum esse, quia lege Justiniani cautum sit. Prius enim de eo, an cautum sit, liquere debet. Quod nisi apertis verbis id expressum fuerit, hoc tenebimus nulli unquam privilegium tam iniquum ulla lege tributum videri debere: quia beneficia in cuiusquam injuriam legibus et constitutionibus tribui non solent, ut diserte scriptum est *L. nec avus, C. de emancip. lib.* Plura scripsi in hanc sententiam ut in loco ad *d. L. ult. C. qui pot. in pig. hab.**

In bonæ





## In bonæ fidei.

## §. XXI.

*Bonæ fidei actionum naturam cur hic obiter perstrinxerit, non exposuerit. I.*

*Compensatio argumentum hujus §. et cur hoc de compensatione, et cur de sola, cum sint alia innumera propria actionum bonæ fidei. II.*

*Compensatio quid, III. XIV.*

*De compensatione juris summa; et quodnam hic fuerit jus vetus: tum quid sit hanc fieri ipso jure aut per exceptionem. IV.*

*Compensationi locum fuisse in strictis judiciis per exceptionem ex rescripto D. Marci, et tamen eandem etiam ante Justinianum admissam olim ipso jure: neque hoc negare Justinianum sua constitutione. V.*

*De Compensatione summa legis Justiniani, et solum inductam ab eo compensationem ipso jure in actionibus in rem. VI.*

*Compensationem admitti ipso jure solum ex causa liquida, idque in actionibus omni-*

*bus, et quam hoc jus novum, et inducendi causa. VII.*

*Compensationis causa liquida, quæ, et quod jus apertum, quo compensatio nititur. VIII.*

*Compensationis exceptio si objicitur initio litis, admittetur ejus cognitio quandoque, quanvis causa ejus non sit ullo modo liquida. IX.*

*Compensationem cessare in actione depositi, et de rebus vi occupatis, et cur: sed in his solis duabus, non etiam in commodati. X.*

*Compensationi non semper locum esse, neque hoc contrarium esse Justiniani constitutioni. XI.*

*Compensatio adversus quos, et quibus in causis locum non habeat. XII.*

*Compensatio solum in pecunia et quantitate utrinque debita; idque vi ipsa verbi effici. XIII. XIV.*

In bonæ fidei judiciis libera potestas permitti videtur judici ex bono et æquo æstimandi, quantum actori restitui debeat. In quo et illud continetur, ut si quid invicem præstare actorem oporteat, eo compensato, in reliquum is, cum quo actum est, debeat condemnari. Sed et in stricti juris judiciis ex rescripto divi Marci opposita doli mali exceptione, compensatio inducebatur. Sed nostra constitutio easdem compensationes, quæ jure aperto nituntur, latius introduxit, ut actiones ipso jure minuant, sive in rem, sive in personam, sive alias quasunque: excepta sola depositi actione, cui aliquid compensationis nomine opponi, sane iniquum esse credimus: ne sub prætextu compensationis, depositarum rerum quis exactione defraudetur.

I. **Q**uid sit proprium actionum bonæ fidei, quo distinguantur a cæteris, initio definit. In bonæ fidei judiciis, inquit, libera potestas permittitur judici ex bono et æquo æstimandi, quantum actori restitui debeat. Sed non progreditur longius in hujus definitionis explicatione. Atqui hoc totum tam non intelligitur, quam si dictum non esset, nisi explicatur, quid sit hoc ex æquo et bono; cur ex bona fide, quod ex æquo et bono; quid contineat tribuatur ista potestas libera in bonæ fidei judiciis; quid contraria in strictis judiciis deneget. Quæ cum

tantopere ad hunc locum pertinerent, ideo quantum necesse videbatur, initio exponere conati sumus. Justinianus autem hic omisit. Quod quidem factum videri potest admodum vitiose. Hanc enim explicationem duæ res flagitare hoc loco videbantur. Primum ipsa per se natura earum actionum de quibus agitur, quæ nisi superioribus rebus saltem leviter expositis, cognosci non potest. Tum multo magis definitio superior initio ab ipso posita. Poterat enim hæc omitti, ut quis diceret Justinianum hoc titulo contentum fuisse genera ipsa actionum istarum indicare. Nunc

Nunc cum ipse eam definitionem posuerit naturæ actionum, ut videtur, explicandæ causæ, non potuit sine vitio necessariam ejus definitionis explicationem omittere. Cur enim posuit si docere volebat: si volebat, cur rem æque incertam et inexplicatam reliquit? Hoc est igitur quod puto hic quærendum initio, cur Justinianus aut non explicarit hoc loco, quod proprium erat naturæ actionum bonæ fidei, aut si explicare visum non erat, cur definitionem ad eam rem pertinentem posuerit initio sine fructu. Et animadverso proposito ejus cum in toto hoc titulo, tum hoc loco, recte defenditur utrumque superius. Non explicavit diligentius, quid proprium esset actionum bonæ fidei, et quid potestas judicis libera tribueret vel judici vel actori, aut non tribueret: fecit id ex instituto suo perpetuo brevitati Institutionum convenienti, quo illi, in hoc titulo præsertim, propositum est genera ipsa actionum breviter ac prope nude indicare; quæ autem ad naturam cujusque pertinentia latius patent, ea omittere, et rejicere ad latiores libros Pandectarum. Quia brevitate illum usum esse in omnibus generibus, ex unaquaque divisione, si quis attendet, facile agnoscet. Quam porro late pateat superiorum rerum explicatio, satis intellectum est ex iis, quæ supra de hac parte diximus. Quod autem nihilominus definitionem superiorem ad eam rem pertinentem posuit hoc loco, et tamen inexplicatam reliquit; fecisset vitiose, si instituisset hac definitione naturam actionum bonæ fidei explicare.

II. Sed observandum est unum hoc illi propositum esse hoc loco, agere de compensatione, neque id quovis modo, sed removere differentiam compensationis, quæ olim erat, vel esse quibusdam putabatur inter actiones bonæ fidei, et stricti juris. Et quoniam inducebatur ea differentia ex hac causâ, quod in bonæ fidei judiciis libera potestas permitteretur judici admittendi omnia, quæ essent ex æquo et bono; ideo hujus differentię causam indicaturus sat habuit id ponere, quod ad propositum sufficiebat: et vero intepestivum erat longius progredi. Sed ex hac re incidit locus in alias reprehensiones. Quid enim compensatio ad hunc locum, quæret aliquis: aut si quid pertinet, cur potius attingitur quæstio de compensatione tantquam ad naturam harum actionum pertinens, cum sint alia innumera non minus atque adeo multo magis harum actionum propria? Et habet utrumque hanc rationem. Primum quæstio ipsa qualis hic proponitur, an scilicet

cet compensatio in his judiciis pariter, et quomodo admitti debeat, non dubium est, quin plane pertineat ad propositam divisionem. Cum enim dicuntur quædam actiones esse bonæ fidei, quædam stricti juris, ostendit statim hæc distinctio differre hæc judicia inter se. Et quidem non una est hæc differentia, sed multæ et insignes, natæ omnes ex hoc fonte, quod in bonæ fidei judiciis libera potestas est judici omnia admittendi, quæ sint ex æquo et bono; in strictis non item. Hinc inter cæteras nata quoque primo plurium sententiis differentia in jure compensationis, ut hæc in bonæ fidei judiciis admitteretur etiam ipso jure pro potestate judici tributa: in strictis autem aut non admitteretur omnino, aut admitteretur per exceptionem, ut hic judicatur initio. Ita si cæteræ differentię ad superiorem divisionem, et naturam horum judiciorum pertinent, quam hæc quoque pertineat, quæ ex eadem causâ est, apparet. Cur autem inter tam multas unam hanc attingat, res indicat. Non enim attingit, ut constituat; sed ut removeat. Ergo de cæteris differentiis nihil dicit, quia non est necesse. Omnes enim manent ut prius quæ ideo ex Pandectis, et illic ex veterum scriptis petendæ sunt. Quod si maneret ea quoque differentia, quæ in compensatione esse olim putabatur, non magis de hac sermonem injiceret, quam de cæteris: aut certe diceret ex æquo de omnibus. Nunc autem una hæc est ex omnibus; quam non patiatui manere, et de qua jus novum constituerit. Ideo et de hac sola dicere necesse habuit. Et ut intelligeretur, quam recte hanc quæstionem subiceret propositæ divisioni, statim ostendit occasionem sibi natam ex natura judiciorum bonæ fidei, atque adeo hac fieri, ut videatur inter istas actiones ea differentia esse de compensatione, quam dixi. Addit deinde, quo significet non temere se de hac sola differentia in judiciis monere: quia scilicet velit intelligi se hanc sustulisse, unde et jus de compensatione a se in hac re constitutum breviter proponit.

III. Instituto Justiniani hoc loco, et ordine loci cognito, de re videamus. Agitur hic de compensatione in his actionibus, quæ propositæ sunt, admittenda. Compensatio est debiti et crediti inter se contributio. L. 1. D. de comp. cum scilicet debitor a quo pecunia petitur, vicissim sibi a petitore deberi dicit, et id illi imputat, desideratque tanto minus a se peti, quasi pro imputatione hoc idem re ipsa tribueret creditori: et simul idem reus, quod sibi a petitore debebatur, vult

vult sibi amplius non deberi, quasi hac imputatione vicissim ab illo sibi tributum: ut sic fiat mutua illa, quam supra diximus, contributio. Unde et compensatio utrinque pro soluto haberi dicitur usque ad concurrentes quantitates, quæ invicem debentur. L. 4. C. de comp. Hinc exitus compensationis admittæ is, qui indicatur hoc loco, ut si compensato eo, quod invicem debetur, nihil supersit utrinque, quod debeatur, absolvi debeat reus: sin supersit, quod reus debeat, in id solum reliquum debeat condemnari.

IV. Quæritur autem hoc loco de compensatione, admittaturne ea in bonæ fidei judiciis tantum quasi natura judicii ita postulante, an vero et in strictis, et quomodo. De his sic in summa Justinianus: in utroque genere admitti dicit; sed aliter jure vetere, aliter novo, quod ipse constituit. In vetere quid referat; in novo quid constituat, considerandum est: habet enim utrumque dubitationem. Et jus vetus in eo fuisse scribit, ut in bonæ fidei judiciis admitteretur compensatio a iudice sola æquitate judicii citra exceptionem, id est, ipso jure. In stricti autem juris judiciis solum opposita initio doli mali exceptione, dum reus hoc dicit in lite contestanda, dolo facis actor, quod petis istam summam, cum tandundem mihi debeas, ac potius debeas tecum pensare. Idque divi Marci rescripto inductum esse ait. Quid sit compensationem fieri, seu actionem minuere ipso jure, quid per exceptionem, et quid referat, utro modo debitor liberari dicatur; dixi supra ad §. actionum, num. 35. Atque hæc illa est differentia vetus, quam esse dixi inter hæc judicia circa compensationem. Quo loco, quod de compensatione in bonæ fidei judiciis ipso jure admittenda significat, certi juris et fuit olim, L. si ambo, D. de comp. et nunc est ex ipsius constitutione. Id exigit æquitas judicii et compensationis.

V. Quod autem refert in strictis judiciis non idem jus fuisse olim, sed in his ex rescripto D. Marci compensationem induci solitam per exceptionem, id est, non ipso jure; se autem constitutione sua induxisse latius compensationes, ut actiones ipso jure minuant in omnibus actionibus, proinde et in actionibus stricti juris: utrumque ejusmodi est, ut videatur aperte falsum esse. Constat enim ex locis minime dubiis, etiam ante tempora Justiniani, atque adeo temporibus veterum Imperatorum et Jurisconsultorum compensationem in strictis quoque judiciis ipso jure pro soluto habitam fuisse, et reum liberasse. Hoc quidem traditum non obscure in L. 4. C.

de comp. et L. 4. D. eod. Quod si verum est; neque compensatio prius liberavit reum tantum per exceptionem, neque verum est Justinianum hoc induxisse, ut compensatio liberaret reum ipso jure. Quorum de utroque ita respondeo. Quod ait Justinianus prius in stricti juris judiciis compensationem inductam per exceptionem; si simpliciter dicat, agnosco falsum esse. Nam si compensatio jam olim pro solutione valuit, ut valuit d. L. 4. C. de comp. (quid enim interest, solvas quid, an quod apud creditorem tuum sit de tuo, velis id ab eo in eam causam retineri?) sequitur, ut compensatio ipso jure debitorem liberet: quoniam ipso jure liberat, et tollit omnem obligationem solutio. Inst. quib. mod. tol. ob. in pr. L. 5. C. de pact. Nunc autem ait compensationem olim inductam per exceptionem ex rescripto divi Marci. Hæc adjectio, ex rescripto divi Marci, hæc inter se conciliat: facit enim, ut simul verum esse possit inductam a divo Marco compensationem tantum exceptione opposita, et tamen ante tempora Justiniani, et veterum sententiis compensationem liberasse reum ipso jure. Nihil enim vetat, quominus ætate divi Marci res adhuc dubia fuerit, oporteretne compensationem ipso jure admitti, an vero per exceptionem, unde et ille exceptionem tantum dederit, postea autem sententia obtinuerit, ut compensatio etiam ipso jure haberetur pro soluto in omni pecunia debita. Certe constat pro jure certo hoc usurpatum rescripto Alexandri in d. L. 4. C. de comp. Sed hic longo post tempore secutus est Marcum Antoninum. Quod si quidam ex veteribus, ut Neratius, idem istud senserunt, ut sensisse indicat d. L. 4. D. eod. nihil prohibet etiam hic dici, quorundam veterum et hanc jam olim sententiam fuisse; sed non omnium, eoque non fuisse explorati juris: atque in hac dubitatione sumpsisse divum Marcum id, de quo inter omnes conveniret, si non admitteretur scilicet compensatio ipso jure, at certe admittendam per exceptionem, et hoc illud tantum tutius et certius esse secutum. Sic tamen, ut dixi, ut postea contra obtinuerit, et quidem tam multo ante tempora Justiniani. Quod ad Justinianum attinet, is ante sua tempora ita obtinuisse non negat: denique ut in strictis judiciis compensatio admitteretur ipso jure, id se induxisse non dicit. Non enim dicit simpliciter se compensationes latius introduxisse, ut actiones ipso jure minuant, quasi prius omnino non minuerent, quod falsum esse constat saltem in bonæ fidei

dei iudiciis: sed ut minuant in omnibus actionibus sive in rem sint sive in personam: hoc enim additur nominatim in ipsa constitutione, *d. L. ult. in pr. C. de comp.* et hoc loco inde sumptum. Induxit igitur, ut minuant in omnibus actionibus: non autem in singulis: et in omnibus scilicet etiam in quibus id non obtinebat: cum prius non obtineret in omnibus: non autem in singulis, cum constet et antea in quibusdam hoc idem valuisse. Quare si constet hoc ipsum obtinuisse antea in strictis iudiciis, intelligi debet non magis dicere Justinianum id se induxisse in his iudiciis, quam ex iisdem verbis colligimus eum dicere id se induxisse in iudiciis bonæ fidei: quod tamen nemo colligit.

VI. Jam quid ipse constituerit de compensatione in his actionibus admittenda, quidve induxerit, videamus. Induxit autem tria. *Primum*, ut compensationes fiant ipso jure, si quis vult, in omnibus actionibus, sive in rem sint, sive in personam. *Secundum*, ut id fiat certa tantum conditione in omnibus. *Tertium*, ut quædam actiones excipiantur; in quibus jubet nec compensationem admitti. Principio cavet in omnibus actionibus tam in rem, quam in personam compensationes fieri ipso jure. *d. L. ult. in prin. C. de comp.* id est, ut hic interpretatur, ut compensationes oppositæ actori minuant actiones omnes ipso jure, ac non tantum opposita et initio contestata compensationis exceptione, sive in rem sint actiones, sive in personam. Et addit hoc loco actenus se compensationes latius introduxisse. In quo ergo latius, aut quid tandem hac parte novi juris induxit, cum ante in omnibus actionibus in personam idem juris fuerit, non tantum si essent bonæ fidei, sed etiam si stricti juris, ut supra ostendimus? *d. L. 4. C. de comp. d. L. 4. D. eod.* Nempe hoc latius, hoc denique quod in hac re nunc primum constitutione sua induxit, quod placuit compensationem ipso jure recipi etiam in actionibus in rem. Nam in his prius non recipiebatur: siquidem id exigebat prius compensatio, ut pecunia utrinque deberetur, *d. L. 4. C. de comp.* unde et compensatio definita, debiti et crediti invicem contributio. *d. L. 1. D. eod.* In actione autem in rem actor petit rem suam, non sibi debitam. §. 1. *supra eod.* At Justinianus pro debito etiam id haberi vult, ut reus possit compensare, si quid vicissim ei a petitore debeatur. Porro hoc inducto, etiam si de eo nihil induxerit in actionibus cæteris; tamen vere dicetur, induxisse eum

ejusmodi compensationem in omnibus actionibus, cum prius non admitteretur in omnibus. Illud tenendum est, cum prius idem jus obtinuerit tam in actionibus stricti juris, quam bonæ fidei, id jus eum in his actionibus non induxisse.

VII. Secundo loco addit constitutio superiori juri temperamentum, et hoc novum. Sic enim vult in omnibus actionibus compensationem admitti ipso jure, id est, tunc cum initio litis compensatio opposita non est, si ea jure aperto nitatur, ut hic scriptum est; vel ut apertius hoc expressum in ipsa constitutione, si causa, ex qua compensatur, id est, compensatio, objicitur, liquida sit. Et observandum, conditionem hanc addi constitutione actionibus omnibus, in quibus prius compensationem admiserat ipso jure: proinde non tantum actionibus in rem, sed etiam in personam: et in his non tantum si stricti juris sint, sed etiam si bonæ fidei. In quo certum est jus ab illo constitui novum. Nam si per compensationem ipso jure liberatus est reus tanquam solutione, semper verum est eum non debere, nec actori ullam esse actionem, ut initio reus negavit: quia solutio fecit, ne ulla esset actio, quæ sublata est: tantum huc res reddit, ut probetur solutio. Sed etsi initio opposita esset exceptio aliqua, liceret reo eam persequi postea et probare, etsi prius negasset se debere, et esset convictus. *L. si quidem, C. de excep.* Nunc autem exceptiones omnes qualis est compensationis dicuntur inesse bonæ fidei iudiciis; ut scilicet ante rem judicatam oppositæ eodem modo a iudice admitti et audiri debeant, ac si initio per litis contestationem essent in iudicium deductæ, ut docui supra ad §. *actio-num, num. 28. et seqq.* Sed Justinianus occurrere voluit calliditati reorum, qui cum se victos, et certa petitione teneri vident, re jam diu agitata certo et indubitato debito compensationem opponunt ex quavis causa undecunque quæsitæ, et eadem tamen incerta; non quia causa ita sit, sed ut dum de re incerta quæritur (si modo quæreretur) moras nectant suis ambagibus, et ita frustrentur in debito quanvis non dubio miseris creditores. Quod ille indignum nec ferendum putavit, ut comprehensum est ipsa constitutione. Ut igitur compensationis defensio tum opposita omni fraudis suspitione careat, exigit, ut ex causa liquida opponatur.

VIII. Caussam compensationis vocat, caussam ex qua reus sibi vicissim a petitore quid deberi dicit, cujus debiti nunc defensione

sione ad compensationem utitur: ut cum dicit sibi deberi decem mutua. Hanc causam ideo exigit, quia sine causa nihil potest deberi; et ex ea an quid debeatur, necne, solum aestimatur. *L. cum de indebito, §. ult. D. de prob. L. 2. §. circa, D. de dol. mal. exc.* Hæc causa tunc est liquida, cum certum est ex ea deberi, quod petitur; et ut nunc Justinianus loquitur, cum jus debitoris apertum est in eo, quod sibi vicissim deberi intendit, quo jure aperto nunc compensatio ab eo inducta nititur. Utrumque ita fit, si de causa debiti quæ allegatur, duo constant; justam esse debendi causam, et simul veram. Justa est, quæ est ejusmodi, ex qua jure quid debeatur: veluti si dicat ex causa mutui, legati, venditi centum sibi deberi, puta mutuo a se data, aut sibi legata, aut ex pretio venditionis debita. Quam cognitionem in quæstione juris, qualis nunc est, cum scilicet quæritur an quid debeatur, ideo præcedere oportet, quia frustra quæritur, utrum causa vera sit, necne, si constet jam a principio, etsi vera sit, nihil tamen ex ea deberi posse. Cum justam debendi causam allegari constabit, sic deinde certum fiet debitum, et apertum jus debitoris, si constabit hanc ipsam causam esse veram, id est, vere præcessisse, ut dicitur; puta pecuniam mutuo datam legatam esse, aut rem aliquam tanti venditam creditori. Id constabit vel adversarii confessione, quæ facit, ut de re confessa amplius quæri non oporteat; *L. si quidem, C. de excep. L. ult. in pr. C. quib. ad lib. prod. non lic.* vel probatione oblata et confecta intra id tempus, cujus mora actori non noceat; puta intra tempus, quod debitori condemnato daretur ad solvendum; *L. aufertur, §. qui compensationem, D. de jur. fisc.* aut si nullum daretur, si eodem die posset de re constare, arg. in *L. 3. in pr. D. ut in pos. leg.* aut supersit actori aliquid temporis ad probandum, quod petit, et intra id debitor compensatione usus de eius causa doceat. Quod Bartolus recte sensit *ad L. ult. C. de comp.*

IX. Sed meminerimus constitutionem Justiniani loqui de compensationibus quæ fiunt ipso jure: et quod hic exigit de causa liquida, id hujusmodi compensationibus exigere, id est, tum cum ab initio litis non opposita et contestata compensationis exceptione, postea inter moras judicii intentione actoris jam probata objicitur compensatio. Sic enim initio cavet constitutio; compensationes ex omnibus actionibus ipso jure fieri sancimus.

Tom. VI.

Et quod de causa liquida subjicit postea, ad istam ipsam constitutionem quæ præcesserat, temperandam subjicit. Sed et in eo temperamento nominatim eam compensationem, quæ non fit ex causa liquida, ideo repudiat, quia post multa forte certamina, et reo jam pene convicto opponitur. Ex quo intelligi debet, si quis initio litis utatur exceptione compensationis, cessare constitutionem: ad eas denique compensationes, quæ per exceptionem opponantur, non ipso jure, constitutionem non pertinere. Propone aliquem ista exceptione uti hoc modo. Reus a quo decem petebantur, negat se ea debere, et tamen dum de eo dubitat, utitur simul exceptione compensationis, ut dicat, etsi deberet, tamen sibi tantundem ex illa aut illa causa vicissim ab actore deberi. Dicemus si is quanvis post longa certamina de eo quod petebatur, convictus sit debere, posse tamen eum redire ad exceptionem compensationis, quam initio omiserat, donec de intentione actoris constaret, et posse quanvis causa ex qua compensatio objicitur, non sit liquida. Id jus publicum est, datum omnibus reis ad sui defensionem, ut si quis est a quo quid ut debitum petitur, liceat ei ab initio negare intentionem adversarii, et se quidquam ex ea causa debere: et cum negaverit, addere nihilominus exceptionem, ut dicat, quanvis probatum fuerit, quod intenditur, habere se tamen illam aut illam justam exceptionem, qua nunc in illum eventum utatur. Ad quem modum judicio constituto prius imponitur actori necessitas probandi quod intendit: post ubi probaverit, permittitur reo redire ad suam exceptionem, et eam probare: quod non fit nisi in causa non liquida et controversa: hoc in *L. si quidem, C. de comp.* Id jus nisi specialiter superiore constitutione mutatum fuerit, manere oportet. *L. præcipimus, in fi. C. de app.* At nullo modo mutari ex iis quæ dixi, facile intelligitur. Exigit constitutio causam compensationis liquidam, cum compensationes ipso jure fiunt. Non fiunt ipso jure, cum initio exceptio compensationis opponitur. Sunt enim hæc, ipso jure actionem minui, et per exceptionem, non tantum diversa, sed etiam ejusmodi, quæ ut tanquam contraria inter se opponantur. *L. qui servum, §. 1. D. de obl. et act. L. 4. D. de ser.* Quinimmo ipsa ratio constitutionis aperte exceptionem compensationis etiam in causa non liquida admittit. Cum enim compensationem ideo repudiat, quia post longa forte et varia certamina, a parte jam pene convicta, certo et indubitato opponitur, condemnationis certæ mo-



ratoriis ambagibus excludendæ causa: apparet si opponatur exceptio compensationis, quod sit ab initio in lite contestanda, ubi nulla adhuc certamina litis fuerunt, reus nullo modo convictus, non magis certum et indubitatum debitum, quam ante, nulla fraudis suspicio ad remorandam condemnationis spem, quæ spes nondum ex ulla probatione constituta est; apparet, inquam, in his rationi legis locum non esse, ideo nec exceptionem in tempore oppositam ad coercionem legis Justiniani pertinere. *L. de eo. juncta L. quid enim, seq. D. de jud.*

X. Superest exceptio lege Justiniani inducta, qua et ipsa aperte jus constituit novum. Nam cum prius in omni actione in personam privata compensationi locus esset, excipit lex duo genera, in quibus compensationem in totum non admittit, id est, neque ipso jure, neque per exceptionem, etsi maxime causa compensationis dicatur adferri liquida: actionem depositi, et omnem qua possessio alienæ rei vi occupata repetitur: utramque non sine certa ratione. Nam depositum unum ex contractibus omnibus non ob aliam causam datur, quam ut sit quod reddatur deponenti, cum primum reposcet: utpote datum solius custodiæ causa, donec visum erit deponenti repetere. Adversus hanc conventionem et fidem datam, id est, adversus naturam ipsam depositi sit recta, si dum constabit esse depositum, interponetur ulla mora reddendi etiam prætextu compensationis. Est igitur contra naturam contractus admitti compensationem, ac proinde sane iniquum hujus actioni compensationem opponi, ut hic scriptum est: *sane iniquum* sic accipe, iniquum præter actiones cæteras, quæ quidem vim non persequuntur. Vi autem occupatum nullam plane ne in speciem quidem probabilem causam habet ad retentionem vel rei occupatæ, vel æstimationis ejus. Nam a vetere possessore nullus consensus ad rem transferendam, ne coactus quidem, ut est in iis, qui vi metusve causa quid tradiderunt. Ab eo qui occupavit ad possessionem nanciscendam vis sola. Hanc porro comprobare est contra bonos mores. *L. nihil consensui, D. de reg. jur.* Quocirca nihil relinquitur occupanti ad ullam retentionem; proinde nec ad compensationem objiendam: quoniam compensatio species est retentionis. *L. 4. L. ob negotium, D. de comp.* Ut autem in hac exceptione ratio excipiendi quærenda fuit; ita est numerus actionum exceptarum observandus. Duas superiores excipit: sed has tantum. Hac enumeratione confirmatur compensationi locum

esse in actionibus reliquis omnibus. Bene dicitur eum qui ex iis rebus quas prius posuerat, aliquas excipit, non posse non videri id ipsum, quod posuerat, in cæteris confirmare: vel ut vulgo, exceptionem confirmare regulam in casibus non exceptis. *L. quæsitum, §. idem respondit, domo instructa, in fi. D. de instruct. vel instrum. leg.* Idque hæc ipsa constitutio in proposito aperte ostendit. Initio enim legis ita definierat Justinianus, sancire se compensationes ex omnibus actionibus ipso jure fieri. Nisi quid inde exceperit postea, necesse est definitionem manere in omnibus: de omnibus enim nominatim caverat. Excipit autem tantum duas illas superiores. Maneat igitur definitio, his exceptis, in aliis omnibus. Quæ et sententia vera est. Ideo et in commodati actione locus erit compensationi, si nihil aliud sit impedimento: hæc enim est ex actionibus quas complectitur constitutio. Nec quominus id dicamus, impediemur *L. ult. C. de Com.* ubi ita scriptum est; *prætextu debiti restitutio commodati non probabiliter recusatur.* Aliud est enim rem commodatam retinere velle pro pecunia sibi debita, aliud compensatione uti velle: quoniam compensatio in pecuniam utrinque debitam tantum cadit, ut mox dicitur. Itaque tunc esse posset compensatio in commodato, cum re commodata amissa, aut deteriore facta commodatarii culpa, inciperet commodatarius teneri in rei æstimationem, atque ita pecuniam debere, et vicissim ei ab eo qui commodati ageret, pecunia deberetur. Quo casu et compensationem ejus pecuniæ admitti non dubitatur.

XI. Sed quod dicitur in omnibus aliis actionibus compensationi locum esse, non hanc habet significationem, ut semper sit locus in omnibus: sed ut si de genere ipso actionis quaeritur, sciamus omnes esse ejusmodi quæ conditione sua compensationem admittant; et ideo semper admittant, si ut dixi, nihil aliud sit impedimento. Cæterum neque adversus omnes compensatio locum habet, neque in omni re debita, cujuscumque modi sit actio: eaque duo impedimenta sunt, quæ obstant etiam jam olim compensationi. Quæ cum etiam nunc statuimus, nihil tamen contrarium dicimus constitutioni Justiniani, qui in omnibus actionibus compensationem admittit, duabus tantum exceptis. Non enim hic propter actionem removetur compensatio, ut apparet; sed propter agentis personam cum causa publica conjunctam, aut propter rem quæ vocatur in compensationem.

XII. Duo sunt, quibus agentibus compen-

satio de eo quod vicissim privato debitori debent, compensatio obijci non potest, fiscus, et Respublica: sed in certis tantum causis ad publicam utilitatem pertinentibus, quæ comprehensæ sunt in L. 3. C. de com. L. ob negotium, D. eod. L. aufertur; §. ut debitoribus, D. de jur. fis. ut hic persona actoris, simul et causa publica escludent compensationem.

XIII. Quod ad res attinet, quæ hanc admittant, probo sententiam vulgo receptam, neque speciem reo debitam cum pecunia ab eo petita, neque pecuniam illi debitam cum specie ab eo petita compensari posse: multoque minus speciem cum specie. Et in summa ita constituo compensationem in alias res non cadere, quam in quantitates utrinque debitas. Quam ad rem fateor ingenue non moveri me magnopere iis argumentis, quibus vulgo ad hanc rem utuntur, quæ hic afferuntur ab Accursio, et ad L. ult. C. de comp. Quin omnia sunt ejusmodi, quæ si quis proprius consideret, et generalitatem aliorum locorum de compensatione in omnibus actionibus admittenda conferat, facile totam illam sententiam sit omissurus: adeo in illis nihil firmi pro ea sententia, aut ad aliorum locorum refutationem: ut non sit mirum plerisque doctos viros, dum ea expendunt, et alios locos urgent, facile venisse in contrariam sententiam. Sed hujus sententiæ veræ et solidæ rationes sunt tres: quarum duæ ex principiis certis juris et æquitatis ductæ infirmari posse non videntur: tertia ex significatione verbi sumitur, quæ ut desint cætera, de locis in speciem dissidentibus facile rem expedit. Primum ergo nemo debitor facto suo liberari potest invito creditore, nisi solvendo. L. si rem, §. omnis, D. de pig. act. Unde et compensatio non alia de causa debitorem liberat, quam quod pro solutione habetur. L. 4. C. de comp. dum scilicet nihil interest, utrum quid tradam creditori meo solvendi animo, an quod meum aut mihi debitum apud illum erat, patiar apud eum esse eo nomine. L. qua ratione, §. interdum, D. de acq. rer. do. L. singularia, in fin. D. si cert. pet. Porro solutio non est solutio nisi ejus quod debetur, nec aliud pro alio invito creditore solvi potest. Inst. quib. mod. toll. obl. in pr. L. 2. §. 1. D. si cert. pet. Quare nec aliud pro alio compensari potest: veluti, si cum pecunia, quam reus debet, velit compensare speciem sibi vicissim debitam, aut contra cum specie a se debita pecuniam debitam sibi ab actore. Idque tanto magis recipiendum est in compensatione, quam in

solutione, quod absurdum sit ad liberationem plus tribui imagini solutionis; quam veræ et naturali solutioni, quæ solum tunc est, cum pecunia numeratur naturaliter creditori. L. solutam, D. de sol. Sit et ejusdem rei hoc argumentum. Nec emere invitus, nec vendere quisquam cogitur. L. invitum, C. de contr. empt. L. nec emere, C. de jur. deb. At pecunia a te petita postulare ab actore, ut pro ea pecunia speciem quam vicissim debet, sibi habeat, tu pecuniam illi debitam retineas; nihil aliud est, quam petere, ut eam speciem actor emptam habeat eo pretio, quod tu retines. Et ex diverso specie aliqua a te petita postulare, ut eam speciem retineas invito actore, ille autem pro re pecuniam sibi habeat, quam vicissim tibi debet nihil aliud est, quam peteré, ut eam speciem vendat, tu pro pecunia quam offers, tanquam pretio emptam habeas. Utrumque ideo, quia emptio et venditio est, cum res pro pecunia, aut pecunia pro re datur. L. naturalis, in pr. illic, et siquidem, D. de præes. verb. Neutrum ergo actor admittere cogitur. Etsi hæc explorati juris rationem habent; tamen plerique moventur verbis legis Justiniani, quæ in omnibus actionibus admittit compensationem; in omnibus quidem in personam sine dubio, idque ex jure quoque vetere; sed hoc amplius et in actionibus in rem. Constat autem in plerisque in personam peti non pecuniam, aut quantitatem, sed speciem, ut in commodato. In actionibus autem in rem nunquam aliud, quam rem et speciem certam. L. si in rem, 6. D. de rei vind. Sed et alii loci permulti in iis actionibus, quibus species petitur, similiter compensationem recipiunt: quos collegit Duarenus, nempe aliam sententiam secutus, in L. fructus, §. ob donationes, D. sol. matrim. Hic ipse locus inter cæteros, ubi traditur jam olim in omnibus bonæ fidei judiciis officio judicis contineri, ut si quid invicem præstare actorem oporteat, debeat admitti compensatio, et compensato eo in reliquum reus condemnari.

XIV. Adversus quæ omnia poterat hæc defensio sufficere, ut diceremus admitti compensationem in actionibus omnibus, dummodo ea concurrant, quæ exigit compensationis natura: admitti, inquam, sed suis legibus et conditionibus, quas illi jus imposuit: in quibus est præcipue, ut quantitas invicem debeat. Nihil ad rem pertinere, quod non adjiciatur hæc conditio superioribus locis. Nam nec negatur. Ideo satis esse, si constet ex aliis hanc legem esse compensationis inter cæteras. Inde videlicet, quod hic desit, esse

sumendum: neque enim omnibus locis dicuntur omnia quæ ad rem quamque de qua agitur, pertinent. Jam vero quam hoc exigit compensationis ratio, ut quantitas debeat invicem, quam compensari volumus, et superiora argumenta luculenter probant, et simul diserte expressum est in L. 4. *C. de comp.* Quo referri etiam possunt, si quis vult, loci in eam rem hic citati ab Accursio: inter quos maxime L. *si convenerit*, D. *de pig. act.* At quid, si probamus ipsum per se compensationis nomen vi sua hoc continere, ut pecunia invicem debeat? Opinor, non modo confirmamus illud idem, quod supra; sed etiam de locis istis omnibus in speciem contrariis liquido respondemus, quod omnibus possit esse satis; eorum nimirum ipsorum locorum verbis pecuniam utrinque debitam exigi, quoties compensationis vel simpliciter fit mentio, ut proinde non sit hæc conditio anxie ex aliis locis accersenda. Ad damus igitur jam ad omnem certitudinem tertium illud, quod proposuimus, compensationis verbo debitæ invicem pecuniæ contributionem significari, non aliarum rerum. Id etymologia probat, et veterum usus. Compensare ut pensare simplex a pendendo dictum constat. Est autem pendere, pecuniam solvere, auctore Festo, ab eo, quod ære gravi cum initio uterentur Romani, soluturi id appendebant, non numerabant. Unde pensiones et pensitationes dictæ. Hinc compensare dicti duo inter se, cum mutuo pensant, seu pendunt pecuniam alter alteri, quæ al-

teri debeat. Pensatio igitur ista, pecuniæ mutuæ pensatio est, non speciei certæ: ut vere dicturi simus compensationem esse non tam debiti et crediti ut est in L. 1. *D. de comp.* quod paulo est generalius, quam debitæ et creditæ pecuniæ inter se contributionem. Quid est autem veteribus pensare beneficium, tarditatem supplicii gravitate compensare, et similia? Est pro eo quod debeas tantum rependere, ut æquam præstationem facias, id est, ut tantundem præstes. At non redditur tantundem certo, nisi cum pecunia aut res aliæ quantitate constantes eadem quantitate redduntur. Quocirca et compensatio quæ proprie nunc appellatur, non debet intelligi ex usu veterum, nisi pecuniæ quantitatisve utrinque debitæ et mutuo imputatæ pensatio. At hoc si ita est, quis relinquitur locus compensationi in actionibus in rem, et aliis actionibus in personam, in quibus certa species petitur? Nullus relinqueretur, si semper aut in his peteretur res ipsa, aut petita restituenda esset. Sed multis modis accidit, ut pro re præstanda sit æstimatio; sive quod dolo malo res non restituitur, sive quod dolo aut culpa ejus cum quo agitur, res amissa, aut deterior facta est: ut jam reus quantitatem ex ea causa debere incipiat, ut de actione in rem traditur in L. *item si verberatum*, L. *qui restituere*, D. *de rei vind.* Hic vero compensationi locus, ut si qua pecunia reo vicissim debeat ab actore, hanc cum illa recte compenset, ut bene hic Accursius.

Præ-



## Præterea quasdam

## §. XXII.

*Arbitraria actio nec bonæ fidei, nec stricti juris, et de hoc genere summa hujus loci. I.*

*Arbitrariæ actiones unde ita dictæ, et quid sit hic ex arbitrio judicis pendere. II.*

*Bonæ fidei actio cur non dicatur arbitraria. III.*

*Arbitrium in actione arbitraria, quid sit, quid contineat, et ubi interponatur. V. IV.*

*In arbitraria actione sententia quæ arbitrium sequitur, quid habere debeat tum ad absolutionem, tum ad condemnationem. VI. IV.*

*Actio de eo quod certo loco promissum est, alio loco agenti arbitraria, et cur ita dicatur. VII.*

*Arbitrariæ actiones quæ in summa. VIII.*

*Arbitrariæ omnes, quæ sunt ad restituendum tam in rem, quam in personam, nisi sint bonæ fidei. IX. X.*

*Bonæ fidei actio etsi idem arbitrium, et eandem condemnationem habeat, quam arbitraria, ut commodati, non est tamen arbitraria, et cur. XI.*

*Ad exhibendum actio omnis arbitraria. XII.*

*Ad solvendum actio sola arbitraria, quæ est de eo quod certo loco debetur: et de Re-dhibitoria. XIII.*

*Noxalis actio quando arbitraria. XIV.*

Præterea quasdam actiones arbitrarias, id est: ex arbitrio judicis pendentes appellamus, in quibus, nisi arbitrio judicis is, cum quo agitur, actori satisfaciatur: veluti rem restituat, vel exhibeat, vel solvat, vel ex noxali causa servum condemnari debeat. Sed istæ actiones tam in rem, quam in personam inveniuntur. In rem, veluti Publiciana, Serviana de rebus coloni, quasi Serviana, quæ etiam hypothecaria vocatur. In personam, veluti quibus de eo agitur, quod vi aut metus causa, aut dolo malo factum est. Item cum id, quod certo loco promissum est, petitur. Ad exhibendum quoque actio ex arbitrio judicis pendet. In his enim actionibus et cæteris similibus permittitur judici ex bono et æquo secundum cujusque rei, de qua actum est, naturam æstimare, quemadmodum actori satisfieri oporteat.

**I** Supra ad §. *actionum*, monui tripartitam esse illam divisionem, quæ in §. *actionum autem*, proponitur. Non enim tantum actiones esse quasdam bonæ fidei, quasdam stricti juris; sed etiam tertium inter utrumque superius interjectum genus earum, quæ dicuntur arbitrariæ. Id autem genus est, quod hic prioribus illis duobus continenter adjicitur; et quidem admodum significanter, quo intelligatur genus esse distinctum a prioribus; ex eadem divisione tamen, cum ita dicitur statim initio; præterea quasdam actiones arbitrarias appellari. Non enim aliud valet illud præterea, quam præter superiores et tertium hoc genus esse, quas arbitrarias appellamus. Sed quam id verum esset, quam-

que arbitrariæ non essent ex eo genere, quæ dicuntur stricti juris, satis illic ostendimus; et multo etiam certius ex iis quæ de natura arbitrariorum hic dicuntur, intelligitur. Restat, ut de genere ipso videamus: quod hic breviter quidem, ut pro instituto operis, recte tamen et commode, si quod aliud hoc titulo, explicatur. Quam ad rem accommodata tria ordine complexus est Justinianus. Primum definitionem: deinde quæ hujus generis essent actiones: postremo quid esset harum actionum proprium. De singulis quid valeant breviter ita dicam, ut quod postremum posuit, quasi a primo natum secundo loco a me attingatur.

**II.** Arbitrarias actiones sic definit, quæ ex ar-

arbitrio judicis pendet. *in principio, et in versic. ad exhibendum.* Et hoc ex arbitrio judicis pendere quid sit, statim explicat; id autem tale esse, ut nisi arbitrio judicis is cum quo agitur, satisfaciat, condemnari debeat. Quo ambiguitatem priorum verborum sustulit. Potest enim intelligi ex arbitrio judicis pendere actio, cujus exitus, id est, condemnatio et absolutio sit in arbitrio et potestate judicis; ut hoc ipsum scilicet pendeat ex ejus arbitrio, utrum sententiam ferat, necne, et dum feret, qualem ferat, absolvat reum, an condemnet, et quatenus id faciat. Ostendit non id ita in proposito accipiendum. Et recte. Omnium enim actionum commune hoc est, ut quæcunque potestas est judicis in quavis actione, ea semper intelligatur, quæ sit vere judicis. Quamobrem et omnis duplicem necessitatem adjunctam habet; judicandi primum de qua re cognovit; deinde et recte judicandi, id est, ut jure scripto et moribus proditum est: quæ duo sunt in officio cujusvis judicis. *L. de qua re, D. de jud. Inst. de off. jud. in pr.* Et quoniam jubetur judicare, hoc verbo etiam continetur, ut de re sententiam ferat, quæ finem imponat controversiæ aut condemnando, aut absolvendo: id enim est judicare. *L. 1. D. de re jud.* Hic ergo monemur ex arbitrio judicis pendere dici eas, quæ sententiam quidem suam semper habent, et una condemnationem aut absolutionem, quod est omnium commune: sed habent ante sententiam arbitrium judicis, rem hujus generis propriam, ex quo pendet, non an judex sententiam ferat, sed ferendo utrum condemnet, an absolvat. Arbitrium id est, quo jubet judex, ut reus quid faciat, quod conveniat petitioni et naturæ actionis; quod quale sit, de eo postea. Ex eo autem sic pendet actionis exitus, condemnatio videretur, aut absolutio, dum ei arbitrio paretur, aut non paretur, ut siquidem paret reus, absolutio: si non paret, condemnatio sequatur. Quod non item fit in cæteris actionibus, quarum hæc natura est, si quasdam bonæ fidei exceperis, ut convicto reo deberi id quod petitur; sententiam differri non debeat, aut ex aliquo jussu et arbitrio judicis præcedente suspendi; sed statim debeat reus condemnari. Exemplo res plana fiet. Actio de eo quod metus causa extortum est, arbitraria est, ut hic traditur, et *L. item si cum, §. hæc autem, D. quod met. cau.* Ideo ita dicitur, quia cum sit in quadruplum, non tamen reus quanvis convictus rem metu extortam possidere, statim in quadrup-

plum condemnatur; sed prius jubetur rem de qua agitur, restituere: quam si restituit, evitat quadrupli condemnationem: si non restituit, tum in quadruplum condemnatur. *d. L. item si cum, §. 1. et §. hæc autem, D. quod met. cau. §. item actio, supra hoc tit.* Ut vere dici possit hanc condemnationem ex eo pendere, quod reus arbitrio non paruerit. Item actio de eo quod dolo malo a nobis expressum est, arbitraria est: nam et hujus exemplo hic quoque Justinianus utitur. Nempe ideo arbitraria, quia in hac actione reus convictus rem dolo malo abstulisse, prius jubetur restituere. Nisi restituerit, sequitur condemnatio harum actionum propria, in id videlicet, quanti ea res erit jurejurando actoris æstimata, ut est in *L. arbitrio, D. de dol.* non idem fit, ut dixi, in cæteris actionibus. Nam actio furti, exempli causa, ita est dupli aut quadrupli, ut simul atque convictus fuerit reus furtum fecisse, in duplum aut quadruplum condemnatur, neque hanc condemnationem evitet, quantumvis rem forte ablatam primo quoque tempore restituerit. *d. L. item actio, supra eod.*

III. Ex hac definitione intelligimus bonæ fidei actiones non esse arbitrarias, ut nunc arbitrarias appellamus. Etsi enim æstimatio rei in his actionibus arbitrio judicis libero committitur, *§. in bonæ, supra eod.* unde et ipsa judicia dicuntur arbitria, et horum judiciorum judex arbiter: *L. arbitrium, L. in hoc judicio, L. ult. D. fam. erc. L. ut fundus, D. com. divi. L. pro soc. D. pro soc.* non tamen istarum actionum condemnatio aut absolutio natura actionis ex arbitrio judicis præcedente pendet; sed posteaquam probatum est deberi, quod debetur; statim sequitur condemnatio, etsi condemnatio ex æquo et bono concipitur. Nam quod in his judiciis hoc arbitrium interponitur interdum, quod fit cum res a nobis profecta repetitur, et jubet judex eam nobis restitui, ut nisi restituatur, juretur in litem, de quo postea in extremo loco: accidit hoc conditione ipsius rei, cujus pretium non est æquum alterius arbitrio potius statui, quam domini: *L. tutor, D. de in lit. jur.* non utique judicii propria natura, quæ omnibus conveniat. Alioqui in aliis rebus petitis idem fieret: quod secus est.

IV. Sunt ergo arbitrariæ actionis duo propria, quæ superior definitio exigit: quæ qualia sint, quid postulent; seu quod sit in his officium judicis, et quæ potestas actionis, sequens locus est, ut videamus, et idem qui amplius expositus naturam hujus actionis continet



tinet: quod tertium, ut dixi, Justinianus posuit. Propria hæc duo; arbitrium judicis præcedens, et sententia quæ sequitur: non tamen sententia simpliciter, sed sententia ex arbitrio pendens. In utroque hoc officium judicis, quod in commune describit in extremo Justinianus: *permittitur*, inquit, *in his actionibus judici ex bono et æquo secundum cujusque rei de qua actum est naturam æstimare, quæmadmodum actori satisfieri oporteat*. Quo intelligimus potestatem istam atque officium ad utramque illam partem pertinere: Quid contineat, et postulet in utroque, videndum.

V. Et arbitrium quod hic dicitur, est jussus judicis, quem velut arbiter honorarius interponit rei amice velut componendæ causæ, unde arbitrii nomen, quo jubet reum aliquid facere, convenienter ejus actionis, quæ intentata est, naturæ: ut nisi paruerit reus, condemnatio sequatur ea, quam hujus generis proprium esse dicemus. Ita describitur arbitrium hoc in *L. qui restituere, D. de rei vind.* ubi tamen arbitrium dicitur in fine *arbitratus*, qui idem et *jussus* in principio. Sic et *jussus* dicitur in *§. item actio, supra hic*. Quod jubet judex, unum est ex his tribus, rem de qua agitur, aut restitui, aut exhiberi, aut solvi, prout ad restituendum, aut exhibendum, aut solvendum certo loco quid agatur: quibus in causis arbitriæ actioni locus est; quod significatur hic in principio. Idque ipsum illud est, quod superior definitio præcipit faciendum secundum cujusque rei de qua actum est naturam. Hæc cum jubet judex, non tantum jubere, et arbitrari, sed etiam arbitrium dare dicitur, pro edere et interponere arbitrium ac jussum. *d. L. item si cum, §. hæc autem, D. quod met. cau. L. arbitrio, §. 1. D. de dol.* Notandum, quidquid hic jubet judex, hunc jussum dici et arbitrium, non sententiam: *d. L. item si cum, §. hæc autem, D. quod met. caus.* quia in usu juris sententiam eam proprie dicimus, qua lis deciditur. *L. quod jussit, D. de re jud.* Quod non fit arbitrio interposito in his actionibus. Nam si eo arbitrio lis decideretur, nullæ essent amplius in ea causæ partes judicis, nec amplius sententiam ferre posset: quippe qui judex esse desiisset. *L. judex posteaquam, D. de re jud.* Nunc autem arbitrio superiore dato, adeo lis non deciditur, nec adimitur propterea potestas sententiæ posterioris ferendæ, ut hoc ipso interponatur arbitrium, quo deinde condemnatio aut absolutio, id est sententia, sequatur. Et tamen nihil prohibet hoc arbitrium dici

sententiam, ut interlocutio omnis judicis ad præparationem causæ aut sententiæ pertinens et ipsa sententia dicitur generaliter. *L. qualem, §. ult. D. de recep.* Sed generis nomen quod erat, contractum est ad eam, quæ rem finit propter excellentiam. Interdum tamen nullum hujusmodi arbitrium interponitur, quale diximus, sed statim fit condemnatio in his ipsis actionibus arbitrariis: quod fit, cum constat rem de qua agitur, restitui aut exhiberi non posse. *d. L. arbitrio, §. 1. D. de dolo.*

VI. Arbitrium sequitur sententia judicis. *d. L. item si cum, §. hæc autem, quod met. cau. d. L. arbitrio, D. de dolo.* Habet hæc sententia absolutionem aut condemnationem, ut reliquæ. *L. 1. D. de re jud.* Sed in hoc genere actionum utramque ex arbitrio judicis pendentem. Sequitur absolutio duobus casibus. Uno si reus paruerit arbitrio et jussui judicis: puta ut qui judicis jussu rem metu extortam restituit, absolvatur. *§. item actio, supra hic.* Altero, si non paruerit quidem, sed sine dolo malo et culpa eius factum sit, quominus possit rem restituere: ut in specie actionis quod metas causæ declaratur in *d. L. item si cum, §. aliquando, Quod met. cau.* Quo casu dicitur illic ab Ulpiano arbitrium adferre absolutionem, quia adfert per occasionem. Nam vere aut recta solum absolutionem parit, quod reus paret arbitrio, aut perinde habetur, quasi paruisset, ut hoc casu posteriore. Sed quoniam cum perinde id habetur, vere non paruit, ideo arbitrium ipsum videtur solum esse in causæ, cur reus absolvatur, quia nisi arbitrium intervenisset, reus non absolveretur. Quod si his casibus solis absolutio arbitrium sequitur, fit, ut arbitrio dato tum sequatur condemnatio, cum neque reus fecit, quod jussus est, et per eum stetit, quominus faceret. Hanc condemnationem in actionibus quæ ad restituendum sunt, aut ad exhibendum duplicem esse animadverto. Aut enim quadrupli est: et hæc solum propria actionis quod metas causæ, idque intra annum, de qua in *d. L. item si cum, §. 1. §. hæc autem, quod met. cau. d. §. item actio, supra hic.* Aut est in id quanti ea res est, de qua agitur. Atque hæc ipsa rursum duplex. Alias enim æstimatur res jurejurando actoris; quod fit, cum reus per contumaciam aut dolo malo rem non restituit, aut exhibet. *L. arbitrio, in pr. de dol. L. qui restituere, D. de rei vind. L. 1. L. 2. L. 5. D. de in lit. jur.* Alias æstimatur tantum lis ex vero, id est, quanti est re vera jurejurando actori non delato. *d. L. qui*  
re-

*restituere, D. de rei vind. L. in actionibus, vers. plane, D. de in lit. jur.* Cum autem iudex iurandum defert in litem, æstimandum illi permittitur, utrum in infinitum permittat actori jurare, an vero jurejurando taxationem adjiciat, intra quam juretur: et cum juratum est, utrum iurandum sequatur, an possit vel prorsus reum absolvere, vel minoris condemnare: de quibus quid servandum sit, est in *L. 4. §. jurare, §. pen. D. de in lit. jur.* Quibus cognitis, cum hic dicat Justinianus permitti iudici in his actionibus ex bono et æquo secundum cujusque rei de qua agitur naturam æstimare, quemadmodum actori satisfieri oporteat; si quis quærat, quæ sint iudici ad eam rem æstimanda, et quibus isto modo actori satisfiat, habet ea in his, quæ diximus, breviter exposita. Hæc in summa, ut post interpositum arbitrium (nisi tamen videatur non esse interponendum, ut fit interdum) æstimet iudex ad futuram sententiã, utrum reum absolvere debeat, an condemnare. Absolvendi conditiones certæ. Condemnandi contrariæ. In condemnatione ut litem æstimet, eamque æstimationem pro genere actionis, proque dolo aut culpa rei ita moderetur, ut supra dixi.

VII. Et hæc omnia de natura harum actionum, deque potestate et officio iudicis in illis: usque adhuc certa et communia in actionibus ad restituendum, et ad exhibendum, quæ duo sunt priora genera earum actionum, de quibus paulo post. Habent et ipsa locum in actione de eo quod certo loco promissum est, quod est tertium genus: sed tamen non nihil huius proprium, diversum a cæteris: quod peculiariter videatur observandum de arbitrio et officio iudicis. Est igitur et hæc arbitraria, cum alio loco agitur, ut hic traditur: non tamen quia semper arbitrium iudicis sententiã præcedat in hac actione; sed quia interdum: cum autem hoc arbitrium non recipit, habet aliud quod committatur arbitrio iudicis, unde et fiat arbitraria. Duo sunt igitur quæ hanc arbitrariam faciunt. Primum illud semper, quod cum hac actione alio loco agitur, et placet interrim utilitatem loci constituti reo servari; committitur arbitrio iudicis, hæc ipsa æstimatione, ut æstimet ex æquo et bono, quanti intersit promissoris constitutio potius loco solvere, quam in eo, in quo agitur. In quo et actoris quoque pro æquitate ejus arbitrii ratio habetur: atque hinc maxime hujus arbitrariæ nomen. *L. 3. L. 2. in pr. et §. ult. L. centum, illic, circa cujus, D. de eo quod cert. loc.* Sed hoc commune huic actio-

ni cum bonæ fidei judiciis, nec satis idoneum, cur dicatur ex arbitrio iudicis pendere. Alterum est proprium hujus generis, quo ad definitionem quoque superiorem pertinere intelligitur, quod et hujus condemnatio aut absolutio interdum pendet ex arbitrio iudicis præcedente. Nam sive reus pecuniam loco constituto obtulit, sive dicit se eam eo loco deposuisse ad solutionem, sive dicit eam loco constituto facile solvi posse; audiendus est, si postulet sibi fieri potestatem solvendi constituto loco cautione in eam rem exacta: hoc in *L. 4. §. 1. D. de eo quod cert. loc.* Ex quo colligimus in eo officium esse iudicis, ut jubeat reum his casibus pecuniam loco constituto solvere, et eo nomine cavere; hac lege videlicet, ut si reus huic arbitrio pareat, absolvatur; si non pareat, condemnatur, ut eo ipso loco quo actum est, solvat.

VIII. Cognita definitione arbitrariæ actionis, tum ejus natura, quæ hoc ipsum arbitrium efficeret, unde est nomen et definitio; reliquum est, videamus tertio loco quod secundum Justinianus posuit, quæ sint actiones hujus generis. Quæstio quidem naturæ ordine prima, si dubitaretur, an essent aliquæ actiones arbitrariæ, et enumeratione generum id probandum esset. Prius est enim, ut sit actio, quam ut qualis sit, quidve contineat, quærat. At hoc pōsito esse aliquas arbitrarias, quod hic pro certo ponitur, uti et constat esse quasdam bonæ fidei, quasdam stricti juris; nihil aliud sequitur, quam ut quærat, quid sit hoc verbi, quid singularum proprium, quo aliæ distent ab aliis, tum quæ in hoc numero, id est, quæ ista conditione quæ exposita est, habeantur. De eo Justinianus ita scribit, ut significet ex arbitrariis actionibus quasdam esse ad restituendum, quasdam ad exhibendum, quasdam ad solvendum. In noxali autem actione hanc esse disjunctionem, ut ista fiant, aut servus noxæ dedatur. In quo hæc genera illum notasse apparet. Sed in his omnibus particula veluti tantum usus, ut diceret, veluti rem restituat, vel exhibeat, et reliqua eodem modo, tum hæc ipsa genera postea exemplis quarundam actionum tantum indicatis, dubium fecit, essentne genera hæc sola, an plura, et an omnes horum generum essent arbitrariæ. De quo sic breviter constituimus, actionum arbitrariarum tria esse genera: aut enim esse ad restituendum, aut ad exhibendum, aut ad solvendum. In aliquo genere ex his semper esse noxalem. Quæ ad restituendum sunt, omnes esse arbitrarias, dum

dum non sint bonæ fidei. Ad exhibendum omnem arbitrariam sine exceptione. Ad solvendum eas tantum, quæ sunt de eo quod certo loco debetur. Sed hæc et explicationis et confirmationis indigent. Quare singula videamus.

IX. Et de iis quæ sunt ad restituendum, sic statuo, inquam, quibus actionibus id agitur, ut res nostra aut ad jus possessionemve nostram pertinens, nobis restituatur (nam in his proprie restitutionis verbum obinet, cum de re actori restituenda agitur) omnes dum bonæ fidei non sint, esse arbitrarias. Aut enim in rem sunt, aut in personam. Omnes in rem actiones ad restituendum competunt. Et omnes item arbitrariæ, excepta hereditatis petitione, quam bonæ fidei esse diximus, non quod non admittat eandem æquitatem arbitrii et restitutionis, qualem esse diximus in reliquis in rem; sed quia dum idem fit, non necesse est aliter dici, quam bonæ fidei, cum id consequatur bonæ fidei potestate, non arbitrii conditione: a qua sola dicuntur actiones arbitrariæ, de quo paulo post plura. Reliquæ, ut dixi, arbitrariæ. Quod ex generibus earum facile intelligitur. Nam aut civiles sunt, aut prætoriaræ. Civiles, quibus rem nostram petimus, sive ea corporalis est, sive incorporalis. Prætoriaræ cæteræ, de quibus in §. *sed istæ*, et deinceps *supra cod.* Prætorias arbitrarias esse declarat hoc loco Justinianus Publicianæ et hypothecariæ exemplo: has enim cum exempli loco, addita scilicet particula *veluti*, arbitrarias esse dicit, satis significat non has solum, sed et cæteras ejusdem generis, id est, in rem, et prætorias esse arbitrarias. Et sunt omnino, utpote in quibus sit idem jussus judicis de re restituenda, et nisi jussui pareatur, eadem condemnatio, ut significatur regula generali Ulpiani tradita in *L. qui restituere*, in fin. *D. de rei vind.* Et certe quod dicitur hypothecaria arbitraria esse, eo fit, quia prius possessor jubetur hypothecam quam possidet creditori restituere, ac nisi restituit, sequitur condemnatio arbitrariarum actionum propria, in id scilicet, quanti ea res est jurejurando actoris æstimata, ut declaratur in *L. si fundus*, §. *in vindicatione*, *D. de pig.* Cæterarum prætoriarum cum eadem petitio sit, eadem restitutionis æquitas; idem quoque arbitrium judicis et eadem condemnationem in his esse necesse est: unde et arbitrariarum nomen. De rei vindicatione quæ civilis in rem actio est, nulla mentio hoc loco: sed ideo, quia prioribus positus non fuit necesse. Nam si in iis actionibus, in rem,

quibus non petimus rem nostram, sed aliter ad jus nostrum pertinentem, admittitur ea æquitas arbitrii et condemnationis, quam diximus: quanto magis intelligi debet admitti eam in eo genere, in quo rem nostram petimus? Et vero in hac præcipue idem jussus de re restituenda, et re non secuta idem exitus condemnationis, ut explicatur in *d. L. qui restituere*, *D. de rei vind.* Atque hæc arbitrariarum actionum definitio est, et nota, ut sint, in quibus condemnatio ex arbitrio judicis pendeat, ut hoc loco definitur. Est igitur et hæc præcipue actio arbitraria. Proinde omnes in rem actiones arbitrariæ, ut proposui.

X. De actionibus in personam, quæ ad earundem rerum restitutionem competunt, idem judicandum est, dum, ut dixi, non sint bonæ fidei. Indicatur id quoque aliquo modo hoc loco exemplis duarum actionum, quod metus causa, et de dolo, quas Justinianus aperte hic actionibus in personam subicit, et constat competere, ut restituatur quod metu extortum, aut dolo expressum est, quarum exemplis et antea sum usus, et quam essent, dicerenturve arbitrariæ, ostendi. Sed an hæ solæ ex hoc genere essent arbitrariæ, dubitari potuit: cum hæ propter metum et dolum qui intervenit, videri possent singularem quandam restitutionis æquitatem, et delicti coercionem desiderare. Verum ne dubitemus cæteras quoque in personam quæ sunt ad restituendum, similiter esse arbitrarias, facient exempla actionis rerum amotarum, item Favianæ de his quæ in fraudem patroni alienata sunt. Rerum amotarum actio condictio est. *L. rerum*, 26. *D. rer. am.* proinde actio in personam. §. *appellamus*, *supra hic*. Favianam actionem in personam esse, non in rem diserte scriptum est in *L. 1. §. hæc actio*, *D. quæ in fraud. patr.* Harum tamen in utraque traditur si res non restituatur, damnari reum, quanti actor in litem juraverit *L. si cum dos*, §. 1. *D. rer. am. L. tenetur*, 5. *D. quæ in fraud. pat.* Quo quidem non aliud significatur, quam in his id fieri, quod in cæteris actionibus arbitrariis fieri supra diximus, prius nimirum juberi reum rem restituere: si non restituit, litem adversus eum æstimari, quanti res est jurejurando ab actore æstimata; quibus conditionibus jurejurandum in litem deferri solet. *L. 1. L. 2. §. 1. D. de in lit. jur. L. arbitrio*, *D. de dol. L. qui restituere*, *D. de rei vind.* Atque hoc cum fit, actio est arbitraria: hac enim de causa actio quod metus causa, et de dolo dicuntur hoc loco

arbitrariæ. *d. L. arbitrio, D. de dol.* Confectum est igitur, quod posui, omnes ad restituendum actiones, si bonæ fidei non sint, esse arbitrarias.

XI. Si sint bonæ fidei, ut possunt esse, qualis est commodati, depositi, locati: nihil vetat idem arbitrium de re restituenda prius interponi, ac nisi arbitrio pareatur, idem iusjurandum in litem deferri actori. Immo vero in his quoque isto modo res transigi solet: ejusque rei certum argumentum est, quod in his æstimatur lis jurejurando in litem re non restituta. *L. 5. L. tutor, D. de in lit. jur. L. 3. §. in hac, D. com. L. 1. §. in depositi, D. depo.* Non enim in actionibus, quæ ad restituendum sunt, huic iurijurando locus est, nisi ob contumaciam non restituentis, nec contumacia, nisi ejus qui non paret iudicis arbitrio. *d. L. 1. L. 2. §. 1. de in lit. jur.* Sed fit hoc totum natura et potestate harum actionum omnem speciem æquitatis complectente. Sunt enim bonæ fidei. Bona fides cum summam æquitatem per omnia desideret: *L. bona, D. dep.* nempe inter cætera hanc quoque ipsam æquitatem restitutionis et arbitrii exigit. Neque ideo dicendæ sunt arbitrariæ: quia id non habent ex arbitrii conditione sola. Aliter atque arbitrariæ actiones, quæ hanc unam fere habent speciem æquitatis, ut arbitretur iudex primo fieri, quod rei petitæ conveniat, post deinde condemnet, si arbitrio non pareatur. Denique sic fuit earum vetus formula, non ut iudex judicaret in universum ex fide bona, sed juberetur arbitrari de eo quod petatum est, sic deinde condemnare sub conditione, *si ea res arbitrio iudicis non restituetur, exhibebitur. L. item si cum, §. pro eo autem, D. quod met. cau.*

XII. Quod ad actionem ad exhibendum attinet hæc genere et specie una est. Habet enim omnis hanc causam agendi communem, si actoris intersit rem exhiberi *L. 3. §. sciendum, D. ad exhib.* finem hunc et ipsum communem, ut res exhibeatur. Variis quidem de causis potest accidere, ut intersit agentis rem exhiberi; quo nomine ad exhibendum agetur. *d. L. 3. §. est autem, D. ad exhib.* Sed hoc non magis facit plures species hujus actionis, quam fiunt plures rei vindicationis ideo quia dominium quod hanc actionem parit, contingere potest ex causis variis rerum acquirendarum. Et ideo non ut in superiore genere, quod est ad restituendum, Justinianus dixit de pluribus ejus generis actionibus eas esse arbitrarias, et certis exemplis uniuscujusque speciei usus est;

ita in hoc ad exhibendum: sed verbo generis rem complexus sub appellatione singulari ait, ad exhibendum quoque actionem ex arbitrio iudicis pendere. Primum ut intelligeremus non esse hic quærendum, an omnes actiones hujus generis essent arbitrariæ, cum una esset ad exhibendum actio, non generibus plures: deinde ut si forte occurrerent plures, ut possunt plures esse numero variis ex causis natæ ejus, quod agentis interest, sciremus omnes esse arbitrarias; quia omnes essent unius generis et unius modi, quarum una æque esset ad exhibendum actio, atque altera: ut cum iisdem causis contingantur omnes, sit et in omnibus eadem arbitrii æquitas, et iudicii conditio atque exitus. Dicitur autem et actio ad exhibendum ex arbitrio iudicis pendere, id est, esse arbitraria, quia et in hac fit idem, quod in superioribus. Nam et hic reus contumax per in litem iusjurandum petitori damnatur. *L. 3. §. præterea, D. ad exhib. L. 2. §. 1. de in lit. jur.* Hoc autem fit eodem modo, quo supra. Postquam actor docuit sua interesse rem exhiberi, jubetur exhibere: nisi exhibet, condemnatur quanti actor in litem iuraverit. Ita pendet hæc itidem condemnatio ex illo arbitrio iudicis.

XIII. De iis actionibus in personam, quibus agitur, ut quid solvatur, solæ hæ sunt arbitrariæ, quibus petitur, quod certo loco dari debet, cum alio loco agitur: quod concessum est *§. loco, infra eod. L. unica, C. ubi conven. qui cer. loc. dar. prom. L. 1. D. de eo quod cer. loc.* Si quidem certo loco promissum sit, nempe stipulanti, ut sit ex stipulatu actio, jus certum, *d. L. 1. de eo quod cer. loc. d. §. loco, infra* de quo ideo et hoc loco scriptum est. Sed nihilominus etsi quid habeatur certo loco aliter quam ex stipulatione, idem juris est: veluti ex testamento, aut ex mutui causa. *L. si heres, L. seq. D. de eo quod cer. loc.* Aliam hujus generis actionem arbitrariam non agnoscimus. Quid tamen de redhibitoria dicemus? Nam et ea id agi constat, ut pretium reddatur emptori, et ut edictum ædilicium loquitur, ut solvatur. *L. ædiles etiam, §. ult. L. redhibitoria, D. de ced. ed.* Et tamen hanc actionem esse arbitrariam ex eo intelligere possumus, quod hujus condemnatio dicitur pendere ex arbitrio iudicis, si pecunia soluta non erit a venditore, aut emptor qui eo nomine obligatus erat, non liberatus. *d. L. redhibitoria, d. L. ædiles etiam, §. ult.* Dicemus, si redhibitionis nomine agatur ex empto, ut potest. *L. ex empto, §. 1. D. de act.*



*act. em.* non esse hanc arbitrariam, etsi maxime præcedat arbitrium et jussus aliquis iudicis condemnationem. Est enim actio ex empto bonæ fidei. §. *actionum autem, supra, hic.* Jam autem ostendimus quæ actiones sunt bonæ fidei, eas non esse arbitrarias. Sin tanquam ex edicto Ædilium agitur actione in factum, quales solent esse actiones ex edictis prætorum, et hanc talem esse constat: *L. quod si, §. in factum, D. de ad. ed.* non negabimus esse arbitrariam: quod pluribus ostendi in commentario de ædilitio edicto. Neque ideo superiora mutamus. Non enim redhibitoria ea parte arbitraria est, qua id agitur, ut pecunia solvatur, cuius pecuniæ condemnatio semper una et certa est: sed qua parte id agitur, ut liberetur emptor, uti eodem edicto cautum est. Tunc enim huc spectat actio, ut restituatur emptori sua libertas, quæ illi per causam vitiosi Mancipii venditi ablata est. Jam autem dixi omnem actionem ad restituendum, si bonæ fidei non sit, esse arbitrariam.

XIV. De uno genere hic dubitatur, noxali actione videlicet, id est, ea quæ ex maleficio servi adversus dominum competit, ut is damnatus vel litis æstimationem sufferat, vel servum noxæ dedat. *L. 1. D. de nox. act. infra eod. tit.* in pri. Hanc quoque esse arbitrariam Justinianus hoc loco aperte scribit, cum eam cæteris annumerat eodem contextu: cum ait denique etiam huius condemnationem pendere ex arbitrio iudicis, et sequi, nisi dominus cum quo agitur condemnatus, aut solvat, aut ex noxali causa servum dedat. Atqui non esse hanc arbitrariam, hoc exemplo convincitur, si proponas agi noxali actione de damno a servo dato. Non enim potest dici hoc casu actio esse arbitraria, nisi aut condemnatio huius iudicii arbitrio iudicis committitur, ut fit in actione arbitraria de eo quod certo loco promissum est, *L. 3. de eo quod cer. loc.* aut arbitrium et jussum iudicis condemnationem præcedit, quam deinde sequatur condemnatio in æstimationem damni. Horum neutrum fit in hac actione. Nam primum hic iudici præscribitur jure, quam sententiam ferat; ut dominum scilicet in decem, aut servum noxæ dedere condemnet. *infra de off. jud.* in pr. Quod necesse habet facere iudex, id ejus potestati et arbitrio non subicitur. *L. verbum oportere, D. de verb. signif.* Hoc amplius ibidem et statim jubetur iudex ita dominum condemnare, postquam probatum erit servum damnum dedisse. Quæ res adimit omnem arbitrii prius interponenti facultatem, cui parendo liceat hanc conde-

mnationem evitare, ut fit in actionibus arbitrariis. Non est igitur sine dubio ex hac causa actio noxalis arbitraria, aut pendens ex arbitrio iudicis. Quod et verum est: nec contrarium scribit Justinianus. Quemadmodum enim cum dicit inter cætera condemnationem pendere ex arbitrio iudicis, id est, actionem esse arbitrariam, si is cum quo agitur non solvat, non sic accipiendum est, ut velit omnem actionem ad solvendum esse ejusmodi, sed aliquando, ut cum agitur alio loco de eo, quod certo loco dari oportet: ita et cum in noxali causa idem evenire dicit, sic accipere debemus, ut ea actio aliquando sit arbitraria, non semper, neque ex omnibus causis. Animadvertendum est enim Justinianum initio, quo loco actiones arbitrarias proponit, de his exempli causa dicere, non autem definire in universum, quæ sint actiones arbitrariæ. Et res ita habet. Interdum noxalis actio arbitraria non est; interdum est arbitraria. Ex quibus causis si ex maleficio domini adversus dominum agatur, actio arbitraria non est, ex iisdem causis si ob maleficio servi adversus dominum noxali agatur, noxalis actio non erit arbitraria: optima ratione, quia in noxali actione eadem domini condemnatio est, quæ in directa, nisi quod in noxali hæc disjunctio est, ut dominus solvat, aut servum noxæ dedat. *id. tit. de off. jud.* in pr. At hoc fit simul et conjunctim. Unde eveniet, ut si de æstimatione damni nullum arbitrium iudicis præcedit, ne præcedat quidem de noxæ deditione, cujus præstatio eodem tempore injungitur: proinde et tota condemnatio in hac actione statim et eodem tempore ad damni æstimationem, aut noxæ deditionem conferatur. Accidit hoc in iis actionibus ex maleficio, ex quibus pecunia solum petitur, ut legis Aquiliæ de damno dato, furti, injuriarum. Contra si quibus ex causis dominus ex maleficio suo conventus teneatur arbitraria, ex iisdem causis conventus ex maleficio servi, noxali actione tenebitur, simul et arbitraria: scilicet ut arbitrium quod in directa actione adversus dominum contineret jussum de re sola restituenda: hoc in noxali itidem præcedat de ea re, sic tamen ut simul conjunctum habeat jussum de servo noxæ dedendo sub disjunctione, ut dominus rem restituat, vel servum noxæ dedat. Quod si neutrum fecerit, tum condemnatur in litis æstimationem, qualis adversus eum futura esset suo nomine. Finge servum metum adhibuisse, et per vim quid abstulisse. Erit eo nomine quod metus causa actio adversus do-



minum noxalis. L. quod dicimus, D. quod met. cau. Hanc vero arbitrariam esse intelligimus, id est, iudicis officium in ea tale esse, ut primum arbitretur, et iubeat iudex dominum rem a servo extortam restituere,

aut servum noxæ dedere disiunctim. Quod nisi dominus faciat, tum is in quadruplum condemnatur; quæ condemnatio est eius actionis propria.

## Curare.

### §. XXIII.

*Sententiam certam ferri debere, definitio quam apposite subjecta hoc loco, et quam hic sententiam habeat. I.*

*Curare debere necessitatis. II.*

*Sententia incerta cur non valeat. III.*

*Certa sententia quæ. IV.*

*Id quod interest, incertum: peti id omnibus iudiciis ubi quid fieri debuit. Hic tamen sententiam certam ferri debere. V.*

*Incertain sententiam interdum ferri necesse esse, ac tum valere, et ubi id accadat VI.*

Curare autem debet iudex, ut omnino quantum possibile ei sit, certæ pecuniæ vel rei sententiam ferat: etiam si de incerta quantitate apud eum actum est.

**I.** Non temere est, quod de certa sententia ferenda, hoc loco superiori divisioni actionum subicit. Nam in bonæ fidei actionibus dixerat permitti iudici æstimare quantum alterum ex litigatoribus alteri præstare oporteret ex æquo et bono. §. in bonæ supra. Et in actionibus arbitrariis prope idem proxime statuerat: iudici videlicet permitti æstimare, quemadmodum actori satisfieri oporteat. Quibus verbis satis intelligitur, si quæ hic iudex æstimet, hæc eum certa facere debere, et sententia sua ita complecti. Neque enim æstimat iudex, nisi quod præstetur, seu quo satisfiat alteri. Neque vero præstari potest, nisi certum: nec satisfieri alteri nisi re certa. Sed quia permittendi verbo usus erat, quo verbo res potestati iudicis subicitur, non iuris necessitati, L. non quidquid, D. de jud. L. 1. C. quom. et quand. jud. et præterea hanc æstimationem tribuerat superioribus tantum duobus iudiciis, bonæ fidei, et arbitrariis: tria hinc nata sunt circa hanc æstimationem, de quibus dubitaretur. *Primum*, an etiam in superscriptis iudiciis iudex in re æstimanda certam sententiam, id est, certæ rei et quantitatis ferre deberet. *Alterum*, an in his solum certam sententiam ferre, an vero etiam in omnibus. *Tertium*,

an et tunc, cum de incerta quantitate apud eum actum est. Quæ cum ex proximis definitionibus nascerentur, commodum subiecit Justinianus de certa sententia ferenda, quod ut ad eas dubitationes dirimendas, sic ad omnia iudicia pertineret, atque ita definit. Quidquid de potestate æstimandi iudici in superioribus iudiciis duobus permissa diximus: sciendum est iudicem curare debere, ut in his certam sententiam ferat: nec in his tantum, sed facere id debere omnino, vel ut in aliis exemplaribus legitur, *omnimodo*. Quod sic interpretandum est, ut debeat in universum et sine exceptione in iudiciis omnibus tum stricti iuris, tum superioribus: denique ubicumque sententiam feret. Neque solum debere tunc id facere, cum res aut quantitas certa petita est, sed etsi de in certa quantitate apud eum actum sit: cum hac tamen exceptione, quatenus fieri id possit. Quæ huius loci sententia est, cumque ad omnes actiones pertineat, quam recte tamen cohæreat cum præcedentibus, et quam apte, quamque prope necessario hoc loco inseratur, apparet.

**II.** Ait, *curare debet iudex, ut certam sententiam ferat*. Præceptum hoc est, non simplicem admonitionem continens, quomodo quam optime iudex se gerat in sententia fe-

ferenda; sic tamen, ut si forte secus faciat, sit impune; sed rem necessitati juris subiciens: ut, cum alibi dicitur judicem observare debere, ne aliter judicet, quam jure proditum est: ubi certum est hoc exigere, ut faciat, alioqui ratum non sit, quod dixerit. *tit. de off. jud. in pr. infra.* In proposito autem adeo necesse est, ut judex certam sententiam ferat, ut nisi faciat, sententia non valeat ipso jure, nec rei judicæ habeat auctoritatem. *L. pen. L. ult. C. de sen. quæ sine cer. quan. prof. L. in sententiis, D. de re jud.*

III. Merito: nam nec res judicata est, cum sententia sine certa re aut quantitate profertur: si quidem ea res judicata est, quæ finem accipit controversiarum sententia judicis. *L. 1. D. de re jud.* Non imponit autem finem controversiæ ea sententia, cujus ex conceptione non apparet, quid, quantumve præstandum sit, de quo quærebatur. Hæc sententia juris, certam sententiam ferri debere, generalis est non ad unum genus actionum pertinens, sed ad omnia quibus id agitur, ut reus ad aliquid præstandum damnetur. *d. L. pen. et ult. C. de sen. quæ sine cer. quan. d. L. in sententiis, de re jud.* ut si de certitudine sententiæ ferendæ quæritur dubitari non debeat, quin ad omnes omnino actiones pertineat hujus loci definitio.

IV. Certam tamen sententiam intelligere debemus non eam tantum, quæ verbis certam rem aut summam expressam habet; sed etiam quæ rem aut summam non exprimens, tantum demonstrat ex loco certo, ubi ea res aut summa certa continebatur: ut si dicat judex, solve quod petatum est, cum certum petatum esset, idque ex actis constaret: solvè quod illis codicillis continetur, cum codicilli in judicio essent prolati. *L. in sententiis, in fin. pr. L. pen. C. de sen. quæ sine cer. quantit.*

V. Ait, etiam si de incerta quantitate apud eum actum est. Additum propter obligationes faciendi, in quibus si factum non sit quod debuit, obligatio et petitio est in id quod actoris interest. *L. si pœnam L. stipulationes non, vers. Celsus, L. quoties quis, D. de ver. ob. L. 1. in pr. D. de act. em.* Id autem quod interest incertum. *d. L. si pœnam, D. de verb. obl. §. ult. Inst. eod. L. ult. D. si quis in jus voc. non jer. de quo scripsi ad d. L. si pœnam.* Hoc ergo Justinianus vult intelligi, etsi in id quod interest actum sit, cujus quantitas incerta est, nihilominus judicem prius cognoscere debere,

quanti intersit actoris, et quantum ad esse cognoverit, tantum sententia complecti, et in eam summam reum condemnare; ut fieri debere præcipitur in *L. unica, C. de sen. quæ pro eo quod int. prof.* Si condemnaverit his verbis, solve Titio quanti ejus interest, nihil egit, tametsi id dixit, quod petitione continebatur. *arg. in d. L. pen. et ult. C. de sen. quæ sine cer. quan. prof.* Neque vero metuemus; ne cum judex de incerta quantitate ejus quod interest aditus, in certam quantitatem reum condemnaverit, videatur in aliam rem condemnasse, quam petita est, contra *L. ult. C. de fid. lib.* Nam et cum certam summam dicit judex ejus quod interest, non aliam rem dicit, sed eam quæ petita erat, explicat, nihilominus ut dicat eandem, quam actor intelligi voluit: ut de frumento commodissime dictum est a veteribus, eum qui excussit frumentum ex spicis, non novam speciem facere, sed eam quæ est, detegere. *L. adeo, §. cum quis ex aliena, in fin. D. de acq. rer. do.* Animadvertendum est autem vel hanc ipsam adjectionem facere, ut definitio hujus loci referri debeat ad omnes actiones; arbitrarias quidem certe, de quibus egit proxime; sed non minus ad eas, quæ sunt bonæ fidei, et quæ stricti juris. Quid enim, an dubitamus in his judiciis posterioribus de obligationibus faciendi sæpe agi, et venire in judicium id quod interest, id est, rem incertam? Actio ex empto bonæ fidei actio est. *§. actionum, supra.* Si tamen res vendita non tradatur, in id quod interest agitur. *L. 1. in pr. D. de act. em.* Actio ex stipulatu stricti juris. *L. 5. in fin. juncta L. alias seq. D. de in lit. jur.* Et quis ignorat in stipulatum ut plurimum deduci, ut quid fiat; et si id actum non sit, venire incertum, id est, id quod interest? *d. §. ult. Inst. de verb. obl. L. si pœnam, D. eod. L. ult. D. si quis in jus voc. non jer.* Quinimmo cum ex stipulatione duæ sint actiones, condictio certi, et ex stipulatu: ex stipulatione certa certi condictio est; nunquam ex stipulatu nisi ex incerta stipulatione, *supra de verb. obl. in pr.* Quare si in omnibus actionibus certa sententia esse debet, et omnes admittunt, ut de incerta quantitate agi possit: dubitandum non est, quin definitio hujus loci utrumque complexa ad omnem actionem, non ad proximum tantum genus debeat referri.

VI. Ait, quantum possibile ei sit. Quo significatur non omnem sententiam quæ fertur sine certa re, aut quantitate non valere; sed tunc, cum natura rei patitur, ut certa sententia ferri

ferri possit; cæterum et tunc valere, cum per rei petitæ naturam non licet judici aliam sententiam ferre, quam incertam. Quando autem certam sententiam ferre possit iudex, quando non possit, si quæritur, ita recte definiemus, semper certam sententiam ferri posse a iudice, nisi cum rei petitæ præstatio pendet ex electione debitoris: quod accidit in pluribus rebus disjunctim, aut generaliter promissis, ut declaratur in §. *si quis agens*, vers. *huic autem et seq. infra eod.* In his cum sit debitoris electio, placet

quoque talem actoris petitionem esse debere, ut eodem modo petat, quo stipulatus est, id est, disjunctim Stichum, aut decem, aut generaliter hominem, ut ibidem scriptum est. In hujusmodi vero petitione fieri non potest, quin eadem sit condemnatio iudicis, id est, incerta, ne in unam rem certam promissorem condemnando adimat ei electionem, quam et stipulatio, et petitio actoris illi tribuit: de quo scripsi ad L. *qui ex pluribus*, 196. D. *de verb. obligat.*

Si quis agens, usque ad §. si minus.

### §. XXIV.

*De plus petitionibus hoc loco agendi occasio, et totius loci summa. I. II. III.*

Si quis agens, in intentione sua plus complexus fuerit, quam ad eum pertineat, caussa cadebat, id est, rem amittebat: nec facile in integrum, restituebatur a prætore, nisi minor erat vigintiquinque annis. Huic enim, sicut in aliis caussis caussa cognita succurrebatur: si lapsus juventute fuerat; ita et in hac caussa succurri solitum erat. Sane si tam magna caussa justi erroris interveniebat, ut etiam constantissimus quisque labi posset: etiam majori vigintiquinque annis succurrebatur, veluti si quis totum legatum petierit: post deinde prolati fuerint codicilli, quibus aut pars legati adempta sit, aut quibusdam aliis legata data sint, quæ efficiebant, ut plus petiisse videretur petitor, quam dodrantem, atque ideo lege Falcidia legata minuebantur.

I. **S**uperioribus divisionibus cum docemur, quid et quantum quaque actione petere possimus eadem opera hoc docemur, neminem recte agere, nisi qui petit, quod debetur, et quantum debetur. Hinc quæstio, si actor in agendo non servarit hanc legem, ut solum peteret, quod quantumve debetur, an impune id faciat, necne. Ideo peropportune ea quæstio post superiores divisiones exposita hoc loco a Justiniano explicatur, pertinetque ea tractatio usque ad §. *sunt præterea, infra*. Est autem totius disputationis hæc summa. Ei qui superiorem legem non servarit, interdum petitio nocet, interdum non nocet: id accidit ex eo, quod contra eam legem fit non uno modo, neque omnes modi eodem jure tenentur. Aut enim plus petitur quam debetur, aut minus, aut aliud. De prima specie agit Justinianus in §. *si quis agens, usque ad §.*

*si minus*: ibi deinceps, de duabus posterioribus. Si quis plus petit, quam debetur, non modo non consequitur, quod petit; sed est etiam poena adversus eum eo nomine constituta, ut discant omnes jus suum prius diligenter explorare, et temperare ab injuria; certe falso et inani iudicii metu non creare aliis molestiam. Hæc poena olim alia fuit, alia nunc est. Sic olim; qui plus petebat, et ut Justinianus hoc pluribus explicat, si quis agens intentione sua plus complexus esset, quam ad eum pertineat, caussa cadebat, id est, rem amittebat: *hoc in pr. idem in L. si pater*, 36. D. *de sol.* Eratque hæc causæ amissio ejusmodi, ut adversus eam nemo restitueretur a prætore, nisi ex iis caussis, quæ jure communi etiam in aliis rebus præberent in integrum restitutionem. Minor potuit restitui ob ætatem ex edicto generali de minoribus. L. 1. D. *de min.* Major, si ju-  
sta

sta facti ignorantia factum esset, cur putaret plus sibi deberi, quam vere debebatur: ex illa parte edicti de maioribus restituendis; item si qua alia mihi justa causa esse videbitur, in integrum restituam, ut scire licet ex L. 1. in fi. L. sed etsi, §. ult. D. ex quib. cau. ma.

II. Neque hæc pœna solum adversus eum, qui re plus petiisset, veluti pro decem aureis viginti: sed etiam qui plus petiisset quovis modo. Quid ergo, quæreretur aliquis, aliis quoque modis plus petitur, quam aut plures res, aut majorem quantitatem petendo, quam debetur? Sane aliis: et in summa plus petitur quatuor modis, ut docet, et commode explicat in §. plus autem, et deinceps, re, tempore, loco, et causa. *Re*, cum re aliqua certa aut certa quantitate debita plures res aut major quantitas petitur. *Tempore*, cum quod in diem aut sub conditione debetur, ante tempus petitur. *Loco*, cum quod ut certo loco detur, cautum est vel stipulatione, vel constituto, vel testamento, id alio loco petitur sine loci adiecti commemoratione: nam si loci constituti mentio fiat, licet alio loco petere, constituta in eam rem actione arbitraria, quæ iniuriam mutati loci prohibeat. *Causa*, cum ex pluribus rebus aut certis disiunctim aut infinite et generaliter promissis, actor unam

aliquam certam petit auferens reo electionem, quæ in hoc genere illi tribuitur: ut causa hic significat speciem et figuram promissionis. De superiore electione scripsi ad L. qui ex pluribus, 106. D. de verb. obl. Quibuscunque, inquam, modis ex his quatuor plus petitum esset, ea erat pœna plus petitionis, quam supra diximus.

III. Sed hæc olim. Ab ea recessum esse docet in §. sed hæc quidem, idque partim Zenonis constitutione, partim sua: sic tamen, ut alia nunc quoque relinquatur, sed non ita gravis. Zenonis constitutio fuit de iis, qui tempore plus peterent, nec quidquam de ea amplius notat Justinianus in d. §. sed hæc quidem. Sed quid illa caverit, exponit pluribus in §. hodie, infra de excep. Summa autem hæc, ut adversus eum qui ante tempus petiit, duplicentur reo induciæ temporis: quibus finitis non ante reus actionem suscipere cogatur, quam impensæ præcedentis litis ei depensæ fuerint. De cæteris qui alio quovis modo plus peterent, quam tempore, cavit Justinianus, atque hanc pœnam statuit, ut si quid sit ex ea petitione damni adversario, id ei sarciatur, addita tripli pœna de eo, quod ob maiorem quantitatem libello conventionis comprehensam viatoribus præstare coactus esset: de qua pœna in §. tripli, §. eod.

Plus



## Plus autem.

## §. XXV.

*Ante conditionem de qua incertum est, an sit exstitura, si quis peteret olim, eum non esse dictum plus petere, nec rem amisisse. I.*

*Ante diem qui agit, dictus a veteribus male agere, ante conditionem qui agit, dictus nihil facere: cur, et quo id spectet. II.*

*Ante conditionem agendo non amitti rem,*

*quæ nulla adhuc esset, etiam si maxime postea conditio extitisset. III.*

*Ante conditionem agens quod hic dicitur tempore plus petere, et rem amisisse, intelligendum de ea conditione, quæ certo exstitura sit. IV.*

*Ante diem qui petit, licet eam tantum summam quæ debetur, cur dicatur tempore plus petere. V.*

Plus autem quatuor modis petitur: re, tempore, loco, et caussa. Re: veluti si quis pro decem aureis, qui ei debebantur, viginti petierit: aut si is, cujus ex parte res est, totam eam, vel majorem partem suam esse intenderit. Tempore: veluti si quis ante diem, vel ante conditionem petierit. Qua enim ratione qui tardius solvit, quam solvere deberet, minus solvere intelligitur: eadem ratione qui præmature petit, plus petere videtur.

I. **T**empore; veluti si quis ante diem, vel ante conditionem petierit. Plus petit, quam debetur, sine controversia, qui ante diem petit: quoniam quod in diem est, etiam ante diem debetur, sive conventionem promissum sit, sive testamento relictum. §. *omnis, supra de verb. ob. L. cedere, D. de verb. sig. l. 5. D. quan. di. leg. ced.* At quod debetur sub conditione, ante conditionem existentem nec debetur. *d. L. cedere, de ver. sig. d. l. 5. quan. di. leg. ced.* Quomodo igitur ante conditionem agendo dicatur creditor plus petere debito, cui omnino nihil debetur? Hæc res nos admonet, ut quæramus, an de omni conditione hic locus, an potius de certo genere, et de quo possit accipi. Et res ita habet, ut de ea conditione de qua incertum sit, existat, necne, accipi nec debeat, nec possit. Meminisse enim oportet pœnam hic esse statutam iis, non qui peterent aliquid, cum his nihil deberetur: sed qui peterent plus quam deberetur, et ut Justinianus proponit in §. *si quis agens*, plus quam ad eos pertineat. Unde et hoc §. is dicitur re plus petere non cui nihil debetur, et tamen petit; sed qui pro decem aureis, qui ei debebantur, viginti petierit. Atque hic etiam constitit responsi ratio in ea questione, quæ proponitur in *L. si pater*, 36. *D. de solut* dum in ea specie, in qua filius patri relicta ejus uxore prægnante heres, totum quod patri debebatur, petisset, quidam putabant eum nihil consumpsisse, qua-

si heres esset sub conditione, qua pendente nihil deberetur. Julianus autem putabat eum amisisse partem eam pro qua heres fuisset, quia constaret eum ex aliqua exstuisse, etsi postea quæreretur, ex quota. Cum autem pars ei debita esset, pars non esset, utpote pendente ejus partis conditione, evenire, ut intelligeretur plus petisse debito, quæ res pœnæ plus petitionis locum faceret. Sic tamen, ut utraque ratione declaratur eum cui nihil debetur, cum petit, si quid petat de eo quod forte futurum sit postea, nihil amittere. At cui debetur sub conditione, jam ante ostendi huic ante quam conditio exstiterit, omnino nihil deberi. Qui igitur petit ante conditionem, quæ modo vera sit conditio, ad hanc pœnam non pertinet. Præterea pœna plus petitionis aperte adversus eos est, qui petunt, eoque qui faciunt quid; denique qui faciendo delinquant: non est enim pœna, nisi delicti pœna. *L. aliud est fraus, D. de verb. signif.*

II. Quod sane de his recte dici potest, qui quod ipsis debetur in diem ante diem petunt: subest enim debitum, quod petant. Unde et hi ante diem petendo dicuntur a veteribus agere quidem, sed male et perperam agere, jure his ante tempus actionem denegante. *L. 1. in fin. D. quan. di. us. leg. ced. L. 2. §. qui ita, D. de eo quod cer. lo.* At non idem dici potest de iis, qui petunt ante conditionem. Cum enim his nihil debeatur, nihil habent, quod in judicium deducant. Idque iidem illi veteres



teres confirmant. Hinc enim illud Scaevolæ, *eum qui ante diem agit, male agere; eum autem qui ante diem cedentem agat, quod sit pendente conditione, nihil facere.* d. L. 1. in fin. *quan. di. us. leg. ce.* Quapropter utraque de caussa qui ante veram conditionem petuit, pœna plus petitionis non tenentur. Neque vero dubitandum est, quin hoc Scaevola et veteres senserint, cum eum cui debetur in diem, ab eo cui debetur sub conditione in agendo ita distinguunt, ut illum male agere dicerent, hunc nihil facere. Neque enim hoc discrimen ad effectum agendi referri oportet: quoniam effectum tam nihil agit, qui ante diem petit, quam qui petit ante conditionem: pariter enim ambo remouentur, ille vel jure ipso stipulationis, quem diem inclusum habet, vel exceptione pacti si convenerit, ne ab eo intra certum tempus peteretur. §. *temporales, infra de exc.* Restat igitur, ut quod hic ad jus actoris non pertinet, ad pœnam ejus relatum intelligatur; aut si certius quid volumus, intelligatur relatum ad jus aliquod ejusmodi, in quo quærendum sit, utrum actor petendo quid egerit, quanvis male, an nihil egerit. Quod quidem nisi ad jus de pœna plus petentium, in quo idipsum quæritur, referri non potest.

III. Postremo adversus eum qui plus petiit, videndum est, quæ sit pœna. Nempe hæc, ut qui petiit, rem amitteret olim, quam ideo consumebat, quia in judicium deduxisset, ut in pr. §. *si quis agens, supra*, et §. *temporales, infra de exc.* At is potest deducere, et amittere, cui quid debetur: cui autem nihil debetur, ei nihil est, quod possit in judicium deduci, aut amitti. Quare nec is cui debetur sub conditione, ante conditionem agendo, quo tempore nihil ei debetur, quidquam amittere potuit: proinde nec pœna ista plus petitionis ullo modo ad eum pertinuit. Nihil ad rem facit, quod forte postea conditio exstiterit, quo facto retroversus a principio interpositæ stipulationis pecunia deberi existimatur. L. *potior, D. qui pot. in pig.* L. *necessario, illic, idem Pomponius, D. de per. et com. rei vend.* Non enim eo minus verum erit eo tempore inspecto. quo ante conditionem actum est, actum esse de eo quod nullo modo deberetur. Et nos in pœna vetere plus petitionis spectamus id tempus, quo quis petiit, non quod postea secutum est. Ad eum enim qui petit, verba hujus juris diriguntur. Quapropter quod hic dicitur eum tempore plus petere, qui petit ante conditionem, sciamus, ut proposui, de ea conditione accipi non pos-

se, quæ an impleatur, incertum est, quæ pendente nihil debetur.

IV. Reliquum igitur, ut de ea accipi debeat, quæ omnimodo existitura sit; veluti, si quis si morietur, vel cum morietur dare promiserit, et stipulator vivo promissore agat. Nam et quod hac conditione promissum est, pendente quoque ea debetur; unde et ante solutum repeti non potest. L. *nam si cum, 17. L. quod si seq. D. de cond. ind.* At enim nihil hic distinguitur de conditione. Quinetiam cum hic simpliciter nominetur conditio, ea potius videatur intelligi debere, quæ vere conditio est, quam quæ minus proprie est conditio, ut ubique quoad potest verbis, et maxime significationi propriæ serviatur, ut præcipitur in L. 1. §. *licet*, in fin. *D. de exer. act.* L. *non aliter, D. de leg. 3.* Sed ibidem adjicitur id faciendum in re dubia, et nisi appareat aliud sensisse scriptorem. Hic autem ex propositione satis intelligitur, de quo die, et de qua conditione definitionem accipere debeamus. Propositio est de eo, quod plus petitur tempore, id est, ita petitur ante tempus, ut peti quidem jure non possit, debeat tamen. Nam si in eo nihil est quod debeat, quomodo dici possit quidquam plus quam debeat, peti? Quamobrem ut definitio conveniat propositioni, necessario ita accipienda est, ut dicatur plus peti tempore, veluti si quis petierit ante diem, vel ante conditionem; intellige, quæ modo efficiat, ut ante debeat aliquid, quo dici possit ante agendo plus peti, quam debeat, de quo nunc agitur. Nisi id fit, inducitur absurda definitio, et quæ definito ipso refellitur, statuens illic plus peti, ubi plus non esse constat. Inducitur definitio veterum sententiæ repugnans, ut quæ definiat eum qui ante conditionem petat, male agere, eoque incidere in pœnam plus petentium: cum veteres statuunt eum nihil facere, aliter atque eum qui ante diem agendo male agit. Scimus autem semper legem ita accipiendam esse, quoad fieri potest, ut vitio careat. L. *in ambigua, D. de legib.* Id quod in proposita definitione ex structura orationis tanto facilius admittendum est, quam in cæteris, quod hic apparet rem non definiri ex professo, sed exemplum subijci earum rerum, in quibus eveniat, ut plus petatur tempore. Ait enim Justinianus, tempore; veluti si quis ante diem, vel ante conditionem petierit. Quod cum exempli loco dicitur addita particula veluti, quadrabit recte exemplum, si in his aliquando eveniat, ut tempore plus petatur, etsi non semper.

V. *Qua enim ratione qui tardius solvit.*

Qui ante diem petit, prima facie non videatur plus petere, si maiorem summam non petat, quam quæ in obligationem deducta est. Ubi enim illud plus, dixerit aliquis, eadem illa summa, non maiore inducta? Ergo id declarat Justinianus, et ostendit ante diem agendo plus peti videri hac ratione, quod qui tardius solvit, quam solvere deberet, minus solvere intelligitur. Bepe hæc comparat, et eadem ratione constare dicit. Cur enim tardius solvendo intelligatur debitor minus solvere, hæc ratio est, quod in re debita præter rem ipsam est etiam fructus quidam et interusurium pecuniæ, atque hoc debitor adimit creditori, cum non patitur pecuniam suo tempore venire ad creditorem,

quam apud illum esse conveniebat. Ergo et creditor ante diem agendo ideo plus petit, quia intentione sua adimit, quod in se est, debitori hoc ipsum interusurium, quod propter dilationem illi concessam penes eum ut pecuniam ipsam manere oportebat. Et in summa penes quem pecunia esse debet, penes eum esse debet et pecuniæ fructus. Quare qui pecuniam debitam non patitur esse apud eum, apud quem esse debet, simul etiam ei pecuniæ fructum adimit: debitor creditori suo tempore non solvendo, quod debuit: creditor debitori ante tempus exigendo, quod apud debitorem manere oportuit. In quo aperte plus petitur.

Loco



## Loco plus petitur.

## §. XXVI.

*Alio loco petendi quod certo loco promissum est, cur facultas data, et quatenus sine injuria. I.*

Loco plus petitur: veluti cum quis id, quod certo loco sibi dari stipulatus est, alio loco petit sine commemoratione illius loci, in quo sibi dari stipulatus est: verbi gratia, si is, qui ita stipulatus fuerit, EPHESI DARE SPONDES? Romæ pure intendat sibi dari oportere. Ideo autem plus petere intelligitur: quia utilitatem quam haberet promissor, si Ephesi solveret, adimit ei pura intentione. Propter quam causam alio loco petenti arbitraria actio proponitur: in qua scilicet ratio habetur utilitatis, quæ promissori competitura fuisset, si illo loco solveret, quo se soluturum spopondit. Quæ utilitas plerunque in mercibus maxima invenitur: veluti vino, oleo, frumento; quæ per singulas regiones diversa habent pretia. Sed et pecuniæ numeratæ non in omnibus regionibus sub eisdem usuris fœnerantur. Si quis tamen Ephesi petat, id est, eo loco petat, quo ut sibi detur stipulatus est: pura actione recte agit. Idque etiam prætor monstrat, scilicet quia utilitas solvendi salva est promissori. Huic autem, qui loco plus petere intelligitur, proximus est is, qui causa plus petit: ut ecce, si quis ita a te stipuletur, HOMINEM STICHUM, AUT DECEM AUREOS DARE SPONDES? deinde alterum petat, veluti hominem tantum, aut decem aureos tantum. Ideo autem plus petere intelligitur, quia in eo genere stipulationis promissoris est electio, utrum pecuniam, an hominem solvere malit. Qui igitur pecuniam tantum, vel hominem tantum sibi dari oportere intendit, eripit electionem adversario: et eo modo suam quidem conditionem meliorem facit, adversarii vero sui deteriore. Qua de causa talis in ea re prodita est actio, ut quis intendat hominem Stichum, aut aureos decem sibi dari oportere: id est, ut eodem modo peteret, quò stipulatus est. Præterea si quis generaliter hominem stipulatus sit, et specialiter Stichum petat: aut generaliter vinum stipulatus sit, et specialiter Campanum petat: aut generaliter purpuram stipulatus sit, deinde specialiter Tyriam petat: plus petere intelligitur: quia electionem adversario tollit, cui stipulationis jure liberum fuit, aliud solvere, quam quod peteretur. Quin etiam licet vilissimum sit, quod quis petat, nihilominus plus petere intelligitur: quia sæpe accidit, ut promissori facilius sit illud solvere, quod majoris pretii est. Sed hæc quidem antea in usu fuerant: postea vero lex Zenoniana et nostra rem coartavit. Et si quidem tempore plus fuerit petitum: quid statui oporteat, Zenonis divæ memoriæ loquitur constitutio. Sin autem quantitate, vel alio modo plus fuerit petitum: in omne si quod forte damnum ex hac causa acciderit ei, contra quem plus petitum fuerit, commissa tripli condemnatione, sicuti supra diximus, puniatur.

I. **P**ropter quam causam alio loco petendi arbitraria actio proponitur. Si quod certo loco dari promissum est; alio loco non debetur, unde et alio loco petendo plus peti videtur: cur receptum est nihilominus, ut alio loco peti possit, si loci constituta.

stituti commemoratio fiat? Neque enim reo fieri debet injuria, alio loco ut petatur contra stipulationem: nulli denique jus semel quæsitum adimendum, et præsertim reo. L. 2. D. de his qui sunt sui vel al. jur. L. ult. D. de pact. Ratio redditur in L. 1. D. de eo quod cert. loc. ad hanc sententiam; quia ita necesse fuerit actionem alio loco introducere, si volumus creditorem jus suum consequi: nam facile futurum fuit, ut promissor ad eum locum, in quem se daturum promississet, nunquam accederet: vel quod, inquit Cajus, data opera id faceret, vel quia aliis locis necessario distringeretur. Nondum hoc erat satis. Esto enim, dicat aliquis, stipulator suum consequi debeat: at certe debet et reus maxime, cum favorabiliores sint rei quam

actores. L. favorabiliores, D. de reg. jur. Videamus autem, ne isto modo adimatur illi suum, dum petitur alio loco, quam debetur. Sed ne id fieret recte provisum est edicto prætoris. Sic enim edicto temperata res est, ut dum stipulatori prospicitur data alibi agendi facultate, simul consulatur et reo, constituta videlicet in eam rem arbitraria actione: cujus vis et potestas hæc est, ut judex utilitatem loci constituti æstimet, eamque salvam præstet debitori, ut hoc loco fieri debere declaratur: vide quæ scripsi ad L. 1. D. de eo quod cer. loc. Si quis tamen Ephesi. Explicatur hic, quod brevius positum est in L. 4. in pr. D. de eo quod cer. vide commentarios, et in reliqua hujus loci.

Si minus. et, Si quis aliud.

### §. XXVII.

*Editam actionem emendare, et mutare licere non tantum ante litem contestatam sed et postea. I. et seqq.*

*Eodem judicio licere mutare actionem, quid sit, et quam hoc cum jure Pandectarum conveniat. II.*

*Post litem contestatam accidere quæ dicantur. III.*

*Judicis potestatem non posse excedere ultra id quod in judicium deductum est, quam sententiam habeat. IV.*

*Actionis emendatio et mutatio post litem contestatam inducta, an et ubi editionem novam, et damnorum prioris litis præstationem desideret. V.*

Si minus in intentione sua complexus fuerit actor, quam ad eum pertineat: veluti si cum ei decem aurei deberentur, quinque sibi dari oportere intenderit: aut si cum totus fundus ejus esset, partem dimidiam suam esse petierit: sine periculo agit: in reliquum enim nihilominus judex adversarium in eodem judicio ei condemnat, ex constitutione divæ memoriæ Zenonis. Si quis aliud pro alio intenderit; nihil eum periclitari placet, sed in eodem judicio, cognita veritate, errorem suum corrigere ei permittitur: veluti si is, qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

I. **S**I quis minus petat, quam ad eum pertineat, aut aliud petat pro alio: duæ sunt species posteriores, in quibus diximus ad §. si quis agens, non peti, quod quantumve debetur. Atque hoc ipsum aliud ut petatur, fit duobus modis, ut bene Theophilus hic scribit: *re* scilicet, aut *caussa*. *Re*, cum aliud corpus petitur, quam quod debetur, ut pro Sticho Pamphilus, ex ea tamen *caussa*, ex qua nobis debetur. *Ca-*

*ussa*, cum idem corpus debitum petitur, sed ex alia *caussa*, quam debetur; ut si petatur ex stipulatu, cum debeatur ex testamento. In quibus omnibus ut in prima specie plus petitionis, quæri solet, ecquid petitio agentis noceat, ne liceat petere postea, quod vere debetur, et ex qua *caussa* debetur. Ac de his Justinianus hoc loco duobus §§. sequentibus. Quas species quoniam in eandem definitionem includere videtur, ideo

ideo conjunctim de his dicemus. Sic enim in summa statuit, sive quis minus petat, sive aliud, sive alia actione, nihil ei petitionem nocere, quominus non dico alio judicio possit petere et consequi, quod priore omisit; sed etiam eodem illo judicio, quod instituit. Id quam significationem habeat, et num in hac re similia omnia in his causis, videamus. Et his verbis significatur id, quod dicitur in *L. edita, C. de edend.* edita semel actione, si quid in ea minus recte conceptum sit, licere actori cognito errore eam emendare, vel mutare postea. Emendare, eandem petitionem retinendo quidem, sed ei vel adjiciendo, ut majorem quantitatem petendo; vel qualitatem aliquam detrahendo, ut in *L. in delictis, §. si detracta, D. de nox. act.* Mutare, vel aliud petendo, vel ex alia causa. Quod cum dicitur, apparet etiam illud dici, ita actorem remittere posse veterem actionem de alia re, aut ex alia causa institutam, ut eam ad extremum persequi non cogatur. Cui non est contraria *Novel. de litig. §. omnem*, qua cavetur, quisquis actionem aliquam movit, ne liceat ei pro arbitrio eam omittere, et in aliud tempus eam differre, cum eam persequi velit, sed eam cogatur invitatus postulante adversario ad extremum persequi. Hæc enim constitutio ad eos pertinet, qui actiones institutas ita omittunt, ut tamen his non renuntient, sed earum exercendarum alio tempore sibi potestatem fieri postulent. Hic de iis agitur, qui a vetere actione, quam per errorem male instituerant, ita recedunt, ut plane ei renuntient. Quæ renuntiatio ideo admittenda est, quia in actione omissa reo non nocet, sed potius eum adjuvat, ut quæ eum liberet. *L. postquam, C. de pact.*

II. Hæc omnia eodem judicio licet facere, ut hic cautum est. Eodem judicio sic accipiemus, ut exceptis rebus quæ mutantur, dum aut plus, aut aliud in totum petitur, in cæteris omnibus judicii partibus idem judicium intelligamus. Ergo eodem judicio hic valet, apud eundem judicem, inter easdem personas, nulla nova interveniente in jus vocatione aut litis contestatione. De eodem iudice et iisdem personis litigatorum, quibus omne judicium constat, hic expressum est. De nova in jus vocatione, et litis contestatione non necessaria quod adjeci, ex eo intelligimus, quod cum omnis litis institutio initium habeat ab in jus vocatione, judicium proprie a litis contestatione incipiat: *§. ult. infra de pæn. tem. lit. L. 1. C. de jud.* necesse sit omne novum et aliud

judicium videri, quod nova ista interpellatione indiget. Quare si idem judicium retineri volumus, novam istam vocationem et contestationem remotam esse oportet. Est igitur hæc sententia; actorem qui minus petierat, aut aliud, aut alia actione quam debebatur, posse apud eundem judicem, apud quem agere coeperat, corrigere errorem suum, ut vel tantundem incipiat petere, quantum debetur, vel id quod debetur, vel sua actione agere: idque cum faciet, judicem de eo sine nova in jus vocatione, aut litis contestatione cognitionem suscipere debere, ut si compere rit ita esse, uti errore mutato intenditur, in tantam pecuniam reum condemnare debeat. Sed duo sunt, quæ cum hac sententia pugnare videantur, propter quæ etiam incidit locus in difficultatem: duo, inquam, quibus efficitur, si quid post litem contestatam in petitionem veniat, novo judicio opus esse: denique judicem eodem judicio de ea re judicare non posse. Unum, quod traditur non posse videri in judicium venisse id, quod post judicium acceptum accidisset: ideoque alia interpellatione opus esse *L. non potest, D. de jud.* videtur enim postea accidisse, quod postea petitur. Alterum, quod dicitur, ultra id quod in judicium deductum est, excedere potestatem judicis non posse. *L. ut fundus, D. com. divi.* Quid est enim hoc, nisi ultra id quod ab initio in litis contestationem deductum est; judicem judicare non posse? Et de priore facilius responsio est, non pertinere id videlicet ad ea de quibus agitur.

III. Id enim dicitur accidere post litem contestatam, non quod post litem contestatam, petitur, sed quod post litem contestatam in obligationem venit, non ante debitum. De quo genere alibi explicatius dicitur, de his quæ postea in obligationem adveniunt, judicium esse non posse. *L. non quemadmodum, D. de jud.* ut profecto dici non possint ea venisse in judicium, sive ea ante petita sint, sive non sint. Nos de iis agimus, quæ ante litem contestatam acciderunt, et fuerunt debita, sed non ante petita: nunc post litem de alia re contestatam petuntur, ad id tamen debitum, quod prius petivimus, vel re vel cogitatione nostra pertinentia. Hæc dicimus si priore contestatione sint omissa, postea eodem judicio mutato errore peti posse: ut sunt, major quantitas quæ debebatur, aut aliud quod et ipsum debebatur. Quod si quis velit etiam ea recte dici post litem contestatam accidere, quæ post litem contestatam petuntur, quamvis ante debita, conveniet superius dictum cum posteriore. Ita fiet, ut



is qui id putabunt, tam satisfiat, cum de posteriore dixerimus, si modo et hoc recte explicemus.

IV. De quo difficultas major. Etenim ultra id quod in iudicium deductum est, excedere non posse potestatem iudicis, hoc significat, de eo quod in iudicium deductum non est, iudicem iudicare, et reum condemnare non posse. Hæc enim summa est, et præcipua potestas iudicis, a qua et nomen habet, ut iudicet; iudicando reum absolvat, aut condemnet. *L. de qua re, D. de jud. L. 1. D. de re jud.* In iudicium autem deduci id solum intelligitur, quod deducitur in litis contestationem. *L. unica, C. de lit. cont.* Quapropter si quid in id iudicium et litis contestationem non venit, iudex ejus iudicii nomine aditus. de eo cognoscere et reum condemnare non potest, quantumvis post litem eo iudicio contestatam petitum fuerit. Et fatendum est hanc esse mentem veterum in superiore definitione. Quod ex more veterum iudiciorum licet intelligere. Impetrabantur enim ut plurimum iudicia a magistratu, et certa formula iudicium concipiebatur. *C. de formul. et impetr. act. sublat.* Intra hanc formulam conclusus iudex hanc sequi debuit, nec licuit ei excedere. *L. mortuo, D. de jud.* Quamobrem si alia res peteretur postea, quæ in eam iudicii constitutionem non venisset, ad officium et potestatem ejus iudicis non pertinuit sine dubio, eoque et alio iudicio de ea opus fuit: id est, iterum et de eo magistratus adiri debuit, qui si non cognosceret ipse, certe iterum iudicium et iudicem daret, sive hunc daret veterem, sive novum. Et quominus dubitemus ita ius fuisse olim, ut de his rebus quæ postea peterentur, novo iudicio opus esset: etiam post sublatas impetrationes et formulas actionum, quod a Constantino et Theodosio factum est, *C. de formul. et impetrat. act. subl.* mansit nihilominus hoc idem ius usque ad tempora Zenonis. Nam ut de his rebus eodem iudicio agi et reus condemnari posset, Zenonis constitutione si non in totum, at certe de quibusdam effectum esse hic traditur: ac de omnibus id effectum esse vel huius principis constitutione vel Justiniani hic significatur. Non est hoc Zenonis aut alius cuiusquam constitutione inductum, nisi quia ius prius aliter se habuit. Quid ergo, sunt hæc sententiæ contrariæ? Necesse est ita videri omnino, si ex mente auctorum accipiuntur, vel hoc ipso loco attestante, quo a vetere illo jure a Zenone recessum esse dicitur. Non enim mutaretur posteriore lege, nisi esset contrarium.

*L. sed et posteriores, D. de legib.* Sed quoniam Justinianus vult, quæ in his libris et in Pandectis scriptæ sunt, tanquam a se scriptæ accipi; *L. 2. §. tanta, C. de vet. iur. enu.* et præterea vetat ullum contrarium in his admitti, quoad ejus fieri potest: *d. L. 2. §. contrarium*: dicemus ex ejus sententia etiam post Zenonis constitutionem ultra id quod in iudicium deductum est, iudicis potestatem excedere non posse. Sed in iudicium deductum videri aliter olim, aliter nunc. Olim solum, quod in litis contestationem venisset: hodie etiam quod post litem contestatam apud eundem petitur, si vel re, vel cogitatione actoris ad id debitum pertinuit, de quo lis instituta est: de quibus hoc loco.

V. Quod tamen hactenus simpliciter dicitur eum qui minus petit, quam ad eum pertinet, aut aliud, vel ex alia causa, posse post litem contestatam corrigere errorem suum ita, ut cum id quod vere debebatur apud eundem iudicem postea petierit, possit iudex de eo cognoscere, et re cognita reum eodem iudicio condemnare: non sic accipiendum est, quasi sufficiat actori id quod vere debebatur petere et probare, ut reus condemnatur, nec unquam necesse sit in ea emendatione quidquam reo prestari. De eo solum quæritur, an id eodem iudicio dirimi possit Justinianus ait posse. Hoc qui dicit, non negat, si quid ex aliis locis constet in eo præstari debere, id esse præstandum. Sciamus igitur totum hoc accipiendum ex conditione. *L. edita, C. de eden.* ubi de hac emendatione et mutatione ita cautum est, ut liceat quidem editam semel actionem emendare, vel mutare; sed prout edicti perpetui monet auctoritas, vel jus dicentis decernit æquitas: vel pro et, disjunctum pro conjuncto, ut a libi sæpe in usu juris. *L. sæpe, D. de verb. sig.* utrumque enim exigitur. Et harum conditionum altera ad editionem novæ petitionis pertinet: altera ad damna temerariæ vocationis præcedentis reo sarcienda. Exigit edictum de edendo, de qua editione illic agitur, ut qua quisque actione agere volet, eam edat adversario: æquissime, ut proinde sciat reus, utrum cedere, an contendere debeat: et si contendendum putat, veniat instructus ad agendum cognita actione, quæ conveniatur. *L. 1. in pr. D. de ed.* Et quoniam edita actione, non statim de eo statuere potest, placet etiam ad eam rem deliberanti dilationem dari, intra quam ad alterutrum se comparet. Auth. offeratur, *C. de lit. cont.* Hæc æquitas ad eas petitiones novas, quæ post litem contestatam instituuntur,

tur, non minus pertinet, si quid intersit rei eas cognoscere. De temerariæ autem vocationis pœna ita jus est: eum quem temere adversarium suum in jus vocasse constitit, viatica litisque sumptus adversario suo reddere oportet: *L. eum quem, D. de jud.* eaque est æquitas jus dicentis, quæ nominatur in *d. L. edita*. Hæc ergo et in nova ista petitione reo sunt præstanda. Utrumque tamen, si res et æquitas postulet. Postulat autem non in omni petitione nova, sed in his, si aut actor post litem contestatam de alia re agat, aut ex alia causa. Nam in his non minus interest rei ea post litem contestatam cognita habere, et ad ea se comparare, quam si ab initio et lite nondum contestata ab eo peterentur. Cum enim plane diversa sint ab eo, quod prius in iudicium deductum est, tam potuit ignorare, utrum de his cedere deberet, an litigare, quam si moverentur ab initio. Sed et temerariam fuisse priorem vocationem et editionem actionis ex eo apparet, quod nunc in totum mutatur actio, dum aliud petitur vel corpore, vel causa. Quod

si quis petiit ab initio quod debebatur, et ex qua causa debebatur, sed minus quam deberetur, puta pro decem quæ debita erant, tantum quinque, deinde post litem contestatam instituat tota decem persequi; res loquitur non hic necesse esse hanc petitionem edi reo, et ei spatium dari ad deliberandum de ea petitione suscipienda; neque præcedentis petitionis ullam pœnam in sumptibus litis esse oportere. Quorsum enim editio in hac re, aut tempus ad deliberandum reo, nisi ut sciat, utrum de tota summa cedere, an contendere debeat? Atqui jam constat, quid de eo reus constituerit. Certum est enim eum, qui se quinque seu partem rei petitiæ debere negat, sic constituisse de ea parte litigare, ut multo magis de toto idem negaturus, et litigaturus fuerit. Petitionis præcedentis ideo nulla potest esse pœna, quia non fuit temeraria. Petiit enim actor, quod sibi vere debebatur, et petiit eo minore injuria ac molestia rei, quo minus petiit, quam debebatur.

Sunt



Sunt præterea , et deinceps.

§. XXVIII.

*Actiones omnes solidum consequi , præter eas quæ hic exponuntur. I.*

*De peculio actio non in solidum. II.*

*In id quod facere reus potest , ut condemnatur , quibus personis , et quamobrem tributum sit. III.*

*Quibus conditionibus. IV.*

*Conveniri in id , quod facere quis potest et*

*in idipsum condemnari , idem hic valent , et quo sensu. V.*

*Facere posse quid sit , et quid hoc tribuat reo præter cæteras actiones , in quibus non idem beneficium reo datum est. VI.*

*Compensatio ex eadem caussa quid sit , et cur ex eadem caussa hic adjectum. VII.*

*Retentio rei petitæ quibus ex caussis. VIII.*

Sunt præterea quædam actiones , quibus non semper solidum , quod nobis debetur , persequimur : sed modo solidum persequimur , modo minus : ut ecce , si in peculium filii servive agamus. Nam si non minus in peculio sit , quam persequimur : in solidum dominus paterve condemnatur : si vero minus invenitur : eatenus condemnat iudex , quatenus in peculio sit. Quemadmodum autem peculium intelligi debeat , suo ordine proponemus.

Item si de dotē in iudicio mulier agat : placet eatenus maritum condemnari debere , quatenus facere possit , id est , quatenus facultates ejus patiuntur. Itaque si dotis quantitati concurrant facultates ejus , in solidum damnatur : si minus , in tantum , quantum facere potest. Propter retentionem quoque dotis repetitio minuitur : Nam ob impensas in res dotales factas , marito quasi retentio concessa est : quia ipso jure necessariis sumptibus dos minuitur , sicut ex latioribus Digestorum libris cognoscere licet. Sed et si quis cum parente suo patronove agat : item si socius cum socio , iudicio societatis agat non plus actor consequitur , quam adversarius ejus facere potest. Idem est , si quis ex donatione sua conveniatur.

Compensationes quoque oppositæ plerumque efficiunt , ut minus quisque consequatur , quam ei debeatur. Nam ex bono et æquo habita ratione ejus , quod invicem actorem ex eadem caussa præstare oportet , in reliquum eum , cum quo actum est , condemnat , sicut jam dictum est. Cum eo quoque qui creditoribus suis bonis cessit , si postea aliquid adquisierit , quod idoneum emolumentum habeat : ex integro in id , quod facere potest , creditores experiuntur. Inhumanum enim erat spoliatum fortunis suis in solidum damnari.

I. **C**UM actio definitur jus persequendi , quod nobis debetur , ex eo intelligitur etiam esse jus id consequendi : si quidem persequi est usque eo sequi , donec assequamur. Ita fit , ut actio sicuti jus est ad solidum petendum , quod nobis debetur , ita sit et ad solidum consequendum. Id etsi fere ita se habet in omni actione , non tamen est perpetuum. Quod declaratur hoc loco proposita ad eam rem quinta divisione , ut su-

pra monuimus ad §. *omnium* , qua docemur quantum liceat ex unaquaque actione expectare. Divisio hæc est , actionum quasdam solidum persequi , quod nobis debetur : quasdam non semper solidum ; sed modo solidum , modo minus. Quæ semper solidum , fere omnes : proinde innumere. Quæ non semper solidum , paucæ et certæ , ac veluti eæ , quæ ex regula communi excipiantur. Quare ad utrasque cognoscendas recte fit , si ad has poste-

posteriores oratio confertur, et ad eas solas; quod et hoc loco factum est. Nam hæc quia certæ, facile colligi possunt: et quia solæ, fit; ut his positis, eadem opera reliquas solidi persecutorias esse intelligamus. In iis autem ipsis quas dicimus proponendis indiget hic locus animadversione. Nam neque omnes hujus generis explicantur hoc loco; et quæ proponuntur species, permiscetur inter se, cum in dissimili admodum genere versentur: ac nec attingitur, quid contineant. Quæ ut vitemus, sic res tota videtur commodissime posse explicari, si earum actionum genera summa, eorumque generum partes numero et ordine proponantur: tum quale beneficium sit, et quid contineat, paucis intelligetur. Quominus actione semper solidum consequi possimus, aut peculium facit, cujus ad modum actio constituta est; aut beneficium reo tributum, ut teneatur in id quod facere potest; aut mutua obligatio creditoris.

II. De peculio actio proposita est ex contractu filiorum familias, et servorum adversus patrem dominumve. §. *actiones autem, supra, eod.* Hac non semper consequimur solidum: quia hæc adjectio, de peculio, significat constitutam actionem esse quatenus est in peculio: ut proinde fiat id, quod hic dicitur in principio id est, ut si non minus in peculio sit, quam persequimur, in solidum dominus paterve condemnatur: si vero minus inveniatur, eatenus condemnet iudex, quatenus in peculio sit: si nihil sit tempore rei judicandæ, nec tenebit actio; unde et absolutio sequetur. *L. quæsitum*, in pr. *D. de pec.* Quid esset peculium, quid in peculio servi, aut filii familias habendum, et de quo peculio actio adversus patrem constituta ex contractu filii, dixi ad §. *actiones autem.*

III. Sunt, qui etsi conveniantur suo nomine, et potestate actionis teneantur in solidum, tamen condemnentur in id quod facere possunt: quod quibusdam beneficii loco datum est. Tribuitur hoc beneficium partim ob causam, ex qua agitur, partim ob personam rei. Ob causam donatori, qui ex donationis causa convenitur: de quo hic in §. *sed etsi quis*, in fi. *L. inter*, §. 1. *D. de re jud.* Ob personam rei varie: aut enim propter conjunctionem inter litigatores constitutam, et eam vel sanguinis, vel affinitatis, vel societatis; aut propter reverentiam reo debitam; aut propter meritum; aut propter miserationem. Propter conjunctionem sanguinis convenitur in id quod facere potest parens a liberis, liberi a parente. *L. sunt qui*, cum *L. seq. D. de re jud.* et §. *sed etsi*

Tom. VI.

*quis, hic.* Item frater a fratre. Quod colligitur ex eo, quod non tantum dicuntur conveniri in id quod facere possunt, parens, patronus, patrona, sed et liberi eorum, *d. L. sunt qui*, et *L. seq. de re jud.* Id hanc significationem habet, ut non tantum liberi eorum conveniri non possint a superioribus, aut iis a quibus superiores non possunt, sed nec liberi ipsi inter se. Ipsi autem liberi inter se sunt fratres. Apertius ex eo, quod Ulpianus de sociis scribit in *L. verum*, in pr. *D. pro soc.* socium socio in id quod facere potest condemnari, propter jus fraternitatis quodammodo inter eos constitutum. Atqui hi vere fratres non sunt. Intelligit igitur prius hoc jus fratribus datum esse, a quibus deinde ad alios propter similitudinem fraternitatis transferendum sit: sin minus, certe hoc efficitur, si iis qui vere fratres non sunt propter imaginem fraternitatis tribuitur, multo magis veris fratribus essetribuendum. Affinitatis conjunctio idem tribuit marito adversus uxorem, et uxori adversus maritum, non tantum in causa dotis, sed etiam ex aliis contractibus. *L. non tantum, D. de re jud.* Et quod marito, idem patri ejus, id est, socero uxoris: et quod uxori, idem patri ejus, id est, socero mariti adversus maritum. *L. sicut, D. de re jud.* Sed quatenus his posterioribus, ambigitur, de quo a me scriptum est ad *d. L. sicut.* Habet idem beneficium et conjunctio voluntate suscepta inter socios, tanquam jure fraternitatis cujusdam, ut ante dixi; non tantum si universorum bonorum socii sint, sed etsi unius rei. *d. L. verum, D. pro soc. L. sunt qui, D. de re jud.* §. *sed etsi quis, hic.* Reverentia sola et honos manumissori debitus hoc idem præstat patrono, patronæ, liberisque eorum et parentibus; ut in id solum quod facere possunt, conveniantur. *d. L. sunt qui, L. patronus, seq. D. de re jud. d. §. sed etsi, hic.* Ob meritum in Rempulicam idem datum militi, qui sub armata militia stipendia meruit. *L. item miles, D. de re jud.* Ob miserationem tribus; ei qui bonis cessit, si quid postea acquisierit. §. *compensationes, hic, L. qui bonis, D. de cess. bo.* filio exheredato, tum ei qui se paterina hereditate abstinuit, siquidem ex contractu suo conveniantur. *L. et exheredatum, D. de re jud. L. 2. L. 4. §. 1. D. quod cum eo.*

IV. Non statim tamen suprascriptis personis superius beneficium tribuitur: sed hæc conditiones sunt, atque hinc totidem exceptiones: dum ne conveniantur ex delicto: in

quo frustra legis auxilium invocat, qui adversus legem committit. *L. 4. §. 1. D. quod cum eo. L. auxilium, in fi. D. de min.* Dum ne ex contractu, in quo de conditione sua mentitæ adversarium in fraudem induxerint contrahendo. *d. L. 4. in pr. Quod cum eo.* Postremo dum ne dolo malo fecerint, quominus solidum facere possent. *L. etiam §. 1. D. sol. mat. L. summa, D. de pec.*

V. In verbis beneficii hoc animadvertendum, id ita concipi a juris auctoribus, ut dicatur in eo esse, modo ut convenientur superiores personæ in id quod facere possunt, modo ut condemnentur. Conveniri dicuntur in *L. sunt qui. L. patronus seq. D. de re jud. §. sed etsi, in fi. infra, hic.* Condemnari passim, ut in *§. si de dote §. ult. hic, L. non tantum, et seqq. L. et exheredatum, D. de re jud. L. maritum. L. alia, et seqq. D. sol. mat.* Recte utrumque, dum intelligamus conveniri istos cum effectu in id quod facere possunt, id est, ita ut hactenus condemnentur. Quod eo pertinet, ut sciamus, cum quaeritur, quatenus isti facere possunt, rei judicatæ tempus, non conventionis et litis contestatæ esse spectandum. *L. rei judicatæ, D. sol. mat. L. verum, §. tempus, D. pro soc.* Ut autem in condemnatione non excedat iudex hunc modum, adeo superioribus personis tributum est, ut si iudex ignorantia juris lapsus condemnaverit in solidum, placeat eas in executione iudicati doli exceptione uti posse, eaque tutas fore. Quod enim hic dicitur de marito, ad omnes pertinet, in quibus eandem rationem esse apparet. *L. ex diverso, §. ult. D. sol. matrim.* Neque hic rei judicatæ auctoritas atque hinc replicatio mutuenda est, quasi in hac exceptione superiores personæ in solidum damnatæ quidquam adversus sententiam faciant. Hac enim exceptione potius fatentur se jure civili obligatas esse, eoque et jure sententiam recte latam, ut est re vera hoc jure. *d. L. ex diverso, §. 1. sol. mat.* Sed adversus jus summum beneficium juris humanitatis gratia sibi indultum etiam nunc sibi servari postulant. Quod quominus fiat, sententia quæ ex jure civili recte lata est, nihil impedit.

VI. His verbis, *in id quod facere quis potest*; aperte hoc continetur, ne semper in solidum damnetur; utpote ita conceptis, ut in solidum damnari debeat, si potest solidum facere: si non potest, hactenus tantum debeat damnari, quatenus potest. At ista ratione, dicat aliquis, de omnibus actionibus licet dicere eas esse in id quod reus facere po-

test, nec posse nos semper his solidum consequi, quod superiore divisione hic constituta negamus. Nam et ex cæteris actionibus nunquam possumus amplius consequi a reo, quam is facere potest. Non ita est. Sic est conditio omnium actionum, quibus in solidum condemnatio est sine beneficio superiore, ut quanvis reus solvendo non sit, tamen solidum præstare debeat. Si non de suo, at certe aliunde sumere, si potest, quo se expediat: si ne hoc quidem potest, cogatur in carcerem ire postulante creditore, nec prius hunc evitat, quam bonis cesserit. *L. 1. C. qui bo. ced. poss.* Sed etsi creditor parcat carceri; tamen ex cæteris actionibus ut minimum auferre licet condemnato omne quod habet ita, ut nihil ei relinquatur, ne ad victum quidem. At in his qui damnantur in id quod facere possunt, utrumque contra est, idque vi superioris beneficii assequuntur. Primum si solvendo non sunt, non ideo detrahuntur in carcerem, aut coguntur bonis cedere. Tum autem ne his quidem totum quod habent, extorquetur, sed est quod his etiam intactum relinquatur: atque ita horum verborum definitio est, ut facere posse intelligatur quisque in hac condemnatione, quod de suo potest præstare honeste, deducto videlicet prius eo, quod illi satis sit ad victum quotidianum, ne egeat. Hanc deductionem victus quotidiani et alimentorum tribui omnibus qui in id quod facere possunt, conveniuntur, et definitio generalis declarat de his personis tradita in *L. in condemnatione, D. de reg. jur.* et exemplum ejus qui bonis cessit; de quo in *L. 6. D. de cess. bon.* ita scriptum est, *non esse eum fraudandum alimentis quotidianis.* Id si ei qui bonis cessit, licet extraneo, nec conjuncto, aut bene merito tribuitur; multo magis parenti, patrono, marito, uxori, socio, et reliquis superioribus tribuendum est. Illud monendi sumus, hoc quod ita quemque facere posse dicimus, aliter in donatore æstimari, aliter in cæteris qui non ex donationis causa conveniuntur. Nam in donatore æstimari placuit deducto ære alieno in cæteris etiam ære alieno non deducto. *L. inter, §. 1. D. de re jud.* Quippe in cæteris verum debitum est; in donatore non item: quæ ratio significatur in *L. et exheredatum, in fin. D. eod.* Exempli gratia: habet quis mille in bonis etiam deducto eo, quod illi ad victum sufficiat: sed ea mille solida debet. Si donator est, nulla ex parte condemnabitur, ei a quo ex donationis causa conveniatur. Deducit enim primum æs alienum: deinde et quod necesse sit ad victum: quibus



bus deductis nihil potest facere. Ultra autem quam facere potest, non condemnatur. Alius si conveniatur, et ea mille actori sufficiant, licet hæc eadem aliis debeat, tamen in solidum condemnabitur: quia his non deductis supersit ei, quod ad victum sit satis, non deducitur autem prius æs alienum. Hæc strictim ut pro loco et instituto. Scripsi diligentius de tota quæstione, ut locus postulabat, ad *L. sunt qui*, et deinceps, *D. de re jud.*

VII. Mutua creditoris ejusdemque actoris obligatio, id est, si quid vicissim actor reo debeat, hoc quoque efficit, ne semper reus in solidum condemnatur, dum ille eatenus liberatur. Quod consequitur aut per compensationem, aut per rei petitæ retentionem. Per compensationem, cum quantitates utrinque debitæ invicem compensantur: sic enim et hæc species refertur ad hunc locum in *§. compensationes*, *pen. infra hic*. de qua dictum est ad *§. in bonæ*, *supra eod.* Sed additur in *d. §. pen.* quod diligenter expendendum est, compensationem minuere condemnationem, cum quid invicem actorem præstare oportet ex eadem causa: ut si commodati agatur, impensarum a reo factarum ratio eodem judicio habetur, et adferet ea res compensationem, quia impensæ ad eandem commodati causam pertinent. *L. in rebus*, *§. possunt*, *D. com.* Quid ergo, si quid actor debeat reo ex alia causa, an non poterit opponi ejus debiti compensatio? Sed constat quantitatē ex quavis alia causa debitæ admitti compensationem, per quam fiat, ut nulla sit, aut minuatur rei condemnatio, ut ostendimus *supra ad §. in bonæ*. An non ergo frustra addidit Justinianus hoc loco ex eadem causa? Minime: admittitur enim quantitatē ex alia causa debitæ compensatio, sed duobus temporibus dumtaxat: uno, si causa ex qua compensatur, sit liquida. Altero, si in causa non liquida compensationis exceptio initio litis contestetur.

Tom. VI.

Extra has autem duas causas compensatio quantitatē ex alia causa debitæ locum non habet, ut docuimus ad *d. §. in bonæ*. At habet locum, si opponatur ex eadem causa: ut non frustra hoc sit adjectum. Quod eo pertinet in summa, ut intelligatur si quid opponatur ex eadem causa, semper compensationem admitti, cum si ex alia causa id fiat, non semper admittatur.

VIII. Quod facit compensatio, cum quantitas invicem debetur, id interdum reo præstat rei petitæ retentio, cum fundus aut alia species ab eo petitur, et illi vicissim actor pecuniam debet. Placet enim ad eam usque quantitatem fundum a reo retineri posse: unde evenit, ut si actor rem suam consequi vult, eatenus minuatur condemnatio. Sed hæc retentio tribuitur reo certis tantum in causis. Extra causarum dotis in his: si reus rem quæ petitur, pignori obligatam alii, pecunia sua liberaverit. *L. 1. in prin. D. quib. mo. pig. vel hyp. sol.* Si in rem alienam, quæ petitur, sumptus fecerit, juxta distinctionem suis locis traditam. *L. in fundo*, *L. sumptus*, *D. de rei vind.* Si pignus in aliquam summam nominatim acceptum, in aliam summam quam eidem postea sine pignore dederit, retineat. *L. unica*, *C. etiam ob chirogr. pec. pig. ten. pos.* In causa autem dotis tribuebatur olim marito variis de causis rei dotalis retentio: puta, ob res ab ipso uxori donatas; ob res ab uxore amotas; propter liberos; ob impensas in rem dotalem factas non tantum necessarias, sed et utiles, et voluptarias: cujus retentionis postremæ hic fit mentio in *§. item si de dote*. Justinianus sublata ex omni alia causa dotis retentione, solam reliquit eam, quæ fit ob impensas necessarias. *L. unica*, *§. taceat*, *C. de rei ux. act.* Qualis autem fuerit hæc retentio olim, et quæ sint istæ impensæ, cognosce ex *L. quod dicitur*, *D. de imp. in res dot. fac.* *L. si is qui*, *§. quod dicitur*, *D. de jur. dot.*

54\*

HUGO.



# HUGONIS DONELLI

## DE PIGNORIBUS,

### ET

### HYPOTHECIS.

### CAP. I.

*Argumenti ratio, seu methodus. I.*

*Pignus ut creditori caveatur, inventum. II.*

*Cautio hæc duabus partibus maxime constat, quæ sint. III.*

*Rerum partitio. IV.*

*Edicti de pignoribus summa; et communium locorum, unde hæc petita, indicatio. V. VI.*

I. **D**UO sunt cautionum genera, quibus pro eo, quod debemus, creditoribus nostris, idonee caveri solet. Nam aut reis cavetur, id est, fidejussoribus, aut pignoribus. L. 1. §. jubet, de collat. bonor. L. 4. §. addici, de fideic. lib. Fidejussores vocamus adpromissores, qui pro eo, qui aliquid debet, idem promittunt, et fide sua esse jubent verbis, eoque modo se pro aliena obligatione reos faciunt. tit. de fidejussor. de instit. in princ. Pignus autem, est res omnis pro debito obligata, §. item Serviana, instit. de act. De fidejussoribus alias: nunc de pignoribus dicemus. In quibus cum juris ratio, quod de his quærimus, ad eum finem accommodata sit, propter quem pignus inventum est, cujus finis etiam tuendi causa jus de his constitutum habemus, operæ pretium est, cujus rei gratia pignus detur, initio cognoscere. Sic enim et quid in hac tota disputatione maxime quærendum sit, quæque ad eam rationem capita juris accommodata sint: videbimus, et singulis initio propositis minore errore, quæ volumus deinceps de toto genere assequemur.

II. Pignus creditori cautionis causa dari certum est: ut ea re, scilicet de credito securior reddatur. §. ult. Instit. qui. mod. re contrahit. obli.

III. Hæc cautio, sive securitas in pignore duabus rebus maxime constat. Una, si creditori eam rem tenere liceat, donec pecunia solvatur. Sic enim fiet: ut dum habebit, quod pro ea re teneat, et cui incumbat, certus sit, sibi creditum perire non posse. Altera si etiam ad extremum liceat pignus distrahere, unde

illi satisfiat. Neque enim rem in solutum retinere potest. Alioqui non pignoris loco daretur, sed solutionis. Utriusque rei obtinendæ causa jus est a Prætoribus constitutum. Nam et persequendi pignoris causa actio creditori datur adversus eum, quisquis pignus possidebit, qui tenebitur ut restituat: multoque magis possidenti datur retentio. Et si id venditum sit, quod contra conventionem pignoris non fiat, ratam habet Prætor venditionem non minus, quam si a debitore ipso distractum esset. Idque jus est creditoris in pignore. Quod si forte plures sint creditores, quibus eadem res diversis temporibus pignori data sit, jam de jure eorum inter ipsos disceptabitur, qui quibus in eo sint potiores. Atque hæc omnia ita, si quidem res pignoris jure creditori obligata sit.

IV. De iis igitur eodem ordine dicendum est. De pignore primum, quomodo id, et ubi constituatur: in quo genera explicanda sunt. Natura enim hæc prima quæstio est, an sit: deinde pignore constituto, de jure creditoris, quod sequi necesse est. Tertio loco, si plures erunt, quibus eadem res pignori data sit, de creditorum inter ipsos prærogativa. Extremus locus adjungendus erit, ut quibus modis pignus solvatur dicendum sit. Id enim jus, ut cætera, tantisper manere certum est, donec finiatur: quod omnibus in rebus certis modis accidit. Itaque totidem fere titulis in Pandectis harum rerum ratio exposita est.

V. Mihi vero priusquam de his sigillatim dicimus, non inutile esse visum est, rem totam edicto breviter complecti, adjunctis his locis fidei causa, ex quibus singula summi,

mi, ac probari mihi videbuntur: ut quoniam aliquod fuisse de Serviana actione, sep formula hypothecaria constat, in eo studiōsi totius hujus juris summam quandam expositam haberent, et eorum, quæ a juris prudentibus de iis tractata sunt, fontem quandam: vel potius materiam, in qua illorum scripta versentur, agnoscerent. Id tale est. Si cui pro eo, quod ei debetur res aliqua pignoris, hypothecæ nomine obligata esse dicetur ab eo, cujus in bonis ea res est, aut alioqui, cui de ea re constituendi jus est: ei hæredive ejus, quo ad pecunia solvetur aut eo nomine illi satisfactum erit, in eam, qui eam rem possidebit, tenebitur, aut dolo malo fecerit, quo minus possideret, actionem dabo: ut si ea res arbitrio judicis non restituetur, quanti ea res erit, condemnatio sequatur. Si creditor eam rem distraxerit quod contra legem pignoris in ea re non fiet, servabo. Si pluribus eadem res obligata fuerit, is apud me in jure creditoris potior erit, qui prius hypothecam acceperit; nisi si posterioris pecunia salvam fecit pignoris causam. Priori remoto, cæteris deinceps, suo cuique ordine locus erit; extra quam si quis in prioris remoti locum successerit.

VI. Ait Prætor, pro eo quod debetur. Quia si nihil debeatur, frustra erit pignoris constitutio, quod nihil, nisi accessio, est, et cautio principalis obligationis. Cæterum pro omni obligatione res hypothecæ recte dabitur. *L. res hypothecæ de pigno.* Ait; ab eo cujus in bonis ea res est. Hæc verba in edicto fuisse de hac actione, rescripto Diocletiani, et Maximiani demonstratur sub titulo, si aliena res pignori data sit. *L. quæ prædium.* Verba rescripti hæc sunt; Cum et Serviana actio evidenter declarat jure pignoris teneri, non posse, nisi quæ obligantis in bonis fuerint. Cajus in *L. et quæ nondum*, §. quod dicitur, *D. de pignor.* Quod dicitur creditorem probare debere, cum conveniebat, rem in bonis debitoris fuisse, etc. Quod sequitur aut alioqui cui de ea re constituendi jus est, propter ea pignora dictum est, quæ lege tacite constituuntur in bonis debitoris: Item ea, quæ magistratus jussu capiuntur: Quod genus prætorium appellatur. Certum est enim, quibusdam in causis, vel privilegio, vel alia de

caussa, debitoris res pignori legibus subjici, de quibus sub titulo, quibus in causis pignus, vel hypotheca tacite contrahatur. De prætorio pignore, quid sit, et quibus ex causis capiatur, habes in *L. non est mirum*, *D. de pignorat. actio.* et titulo Codicis, de prætorio pignore, præsertim in *L. ul. ejus titu.* et titulo *sequenti* si ex causa judicati pignus captum sit. Ait deinde Prætor, ei, hæredique ejus etc. His verbis actio creditori datur pignoris persequendi causa. Quam ex eo rem esse facile intelligitur, quod in eum, datur, qui possidet. *L. pignoris*, *de pign.* Ea quasi Serviana, sive hypothecaria appellatur de qua in §. item Serviana, instit. de actio. Quid in condemnationem veniat, traditum est in *L. si fundus*, §. in vindicatione, *L. si inter*, §. ult. de pign. Sequitur de distractione pignoris, Si creditor eam rem distraxerit. De distractione pignorum habes sub titulis de distractione pignorum in Pandectis, et Codice Justiniani. Ea verba, Quod contra legem pignoris non fiet, hoc significant licere pignus distrahere, non si nominatim ita convenerit: ut liceret, sed ita, si non convenerit, ne distrahere liceret. Quæ conventio servanda est. De quo Ulpia. in *L. 4. de pign. actio.* Ait Prætor, si pluribus eadem res. Regulam hanc de prærogativa creditorum in pignore, multis rescriptis expressam habes in *L. 2. L. 3. L. diversis*, *C. qui potiores in pign. habe.* Ait: Nisi si posterioris pecunia. Exceptionem ab Ulpiano expositam habes in *L. 5. et 6. qui pot. in pign. hab.* Ait: Eo remoto cæteris deinceps, etc. Huc facit *L. potior*, §. ult. *L. creditor*, *L. Claudius*, *D. qui pot. in pign. hab.* *L. 1. C. eod. titu.* Ait: Extra quam si in prioris remoti locum successerit. De his; qui in priorum creditorum locum succedunt, titulum habes in Codice Justiniani: de iis modis, quibus pignus solvitur, nihil necesse fuit seorsim præcipere. Hoc enim in prima clausula illis verbis a me notatum est, quo ad pecunia solvetur aut eo nomine illi satisfactum erit. Sed jam hæc suis locis exposita, ut a nobis propositum est, pluribus audiamus. Prius tamen quid sit pignus, de quo quærimus, seu hypotheca. Nam hoc quoque verbo in eadem re utimur.

## C A P. II.

## Quid sit pignus, sive hypotheca.

*Pignus et hypotheca quid sint: Etymon utriusque. I. et seq.*

*Alterum ab altera nomine differunt, non re. II.*

*Ideo usurpantur promiscue. III.*

*Pignoris et hypothecæ nomine interdum significari genus obligationis; frequentius rem pignori obligatam. IV.*

*Pignus esse accessionem principalis obligationis, et quid huic rei consequens. V.*

*Accedere posse cuicunque obligationi etiam naturali. VI.*

*Nec præsentis tantum, sed et futuræ, et qua cautione. VII.*

I. **P**ignus a pugno dictum est, ut sit pignus, quod quasi pugno, id est, manu, securitatis loco capiatur. Hypotheca autem verbum Græcum est. Illi enim *ὑποθήκαι* dicunt, quod nos pignori opponere: ut sit quasi rem obligationi supponere: unde *ὑποθήκη* quod verbum Latinum factum est, diciturque jam usitato more hypotheca, quod vi ipsa nihil aliud est, nisi pignus. Est igitur pignus, sive hypotheca, quod initio diximus, res omnis creditori pro debito obligata.

II. Quem nexum, et obligationem si spectemus in pignore (quod cum de re obliganda quæritur, facere debemus) inter se ista nihil differunt. Quod Justinianus intelligi voluit in §. *item Serviana, instit. de act.* Sed ut idem eodem loco significat, in ratione, et vi nominis, est aliquid, quod interest. Nam pignus proprie dicimus, cum ita res pignori obligatur, ut simul etiam possessio tradatur creditori; hypothecam, cum non transit possessio ad creditorem. *d. §. item, L. si rem, §. proprie, de pign. act.* Idque nomen ipsum satis iudicat. Nam pignus sic a pugno dictum est, ut re vera non possit esse pignus, nisi etiam manu capiatur. Unde pignus rei tantum mobilis proprie dicitur, si ad proprietatem nominis rem expendere volumus: *L. plebs, §. pignus, de verb. signif.* hypotheca autem vi ipsa suppositionem significat, ut sit res obligationi supposita, nihilque in eo verbo, nisi suppositio, et nexus intelligatur. Sed hæc, inquam, ita dicuntur, cum ad subtilitatem verbi, et originem res exigitur. Ad juris rationem, et obligationem, nihil interest, quia nihilo minus juris habet is, cui non est tradita possessio, quam qui est tradita, sed tantundem uterque ex æquo. Nam et quam rem non accepit, vindicare potest, ut habeat, eandemque necdum acceptam distrahere, si modo convenerit, ut pignori esset, et quam

accepit, amittere potest, ut illi eadem vindictio ad eam persequendam necessaria sit.

III. Eo factum est usu loquendi jure recepto, ut utrumque pro eodem accipiatur, dicaturque hypotheca etiam quæ ab initio tradita est, quia non traditio, sed conventio obligationem fecit; et contra quæ non est tradita, recte dicatur pignus, quia jure nihilominus sit obligata, teneaturque creditori, quam si tradita esset. Qua ex ratione juris atque usu illud a Martino dictum est, inter pignus et hypothecam tantum nominis sonum differre. *L. res hypothecæ, de pignor.*

IV. Est autem observandum, pignoris verbum itemque hypothecæ interdum pro ipso rei nexu, et obligatione sumi, ut cum quærimus, quibus modis pignus, vel hypotheca contrahatur, item quibus modis solvatur. Neque enim aut illic rem contractam, aut hic rem dissolutam intelligimus, sed utrobique obligationem pignoris aut contractam, aut dissolutam. Frequentius tamen rem ipsam significat, quæ nexa est. Cujus generis illa sunt, cum pignus traditum creditori, pignus idoneum, pignus venditum aut distractum esse dicimus. Qua etiam significatione a nobis definitur, et recte; cum obligationem rei sine re, quæ obligetur, frustra requiramus.

V. Illud videamus, quam vim in superiore definitione habeat, quod adjecimus, rem pro debito obligatam. Nempe huc pertinet, pignus principalis obligationis accessionem esse; nisi quid, cui debeatur, frustra pignus ei constitutum videri. Probant hoc exemplo pleraque sub hoc titulo relata, quæ ad hanc regulam exigi debent. Triphoninus in *L. Is, qui promisit, 33. Is qui promisit*, inquit, *tibi, aut Titio, solutum quidem Titio repetere non potest, sed pignus ei datum ante solutionem recipit.* Cur? dicit aliquis. Plus enim esse videtur, pecuniam solutam retinere,

re, quam pignus, quod ejus pecuniæ nomine tantum obligatum est. Nempe quia Titio nihil debetur, cui, stipulari non potuimus, ideoque nec pignus in ejus persona potuit consistere, quod ejus obligationis accessio est: at ei recte solvitur, quia ad solutionem adjectus est, non ad obligationem. *L. si quis alii, §. plane, instit. de inutil. stip.* Inde etiam Paulus respondit, *L. si legati, his tit.* si legati conditionalis relictus filiofamilias nomine, pater ab hærede rem propriam ejus accepisset, et mortuo patre, vel emancipato filio conditio legati extitisset, incipere filio legatum deberi; quod ad pignus attineret, neque filium id vendicare posse, quia ipse id non accepisset, neque patrem, aut alium successorem nomine patris, quia in persona ejus nunquam constitisset, cui nihil ex eo legato unquam debitum fuit. Traditum est enim, cum ei, qui in aliena potestate est, quid legatum est, si cum dies legati cedit, sui juris inveniatur, legatum ei ipsi acquiri, non ei, cujus in potestate fuit. Conditionalis autem legati dies tunc demum cedit, cum conditio legati extitit. *L. 5. in princ. et §. ult. D. quando di. leg. ced.*

VI. Sed ut sine obligatione in quam pignus destinamus, nullum pignus est: ita sciendum est, si quæ suberit, pro quacunque obligatione rem hypothecæ dari posse. Ait enim Prætor, *si creditori pro eo, quod ei debetur.* Ac si civilis erit, aut Prætoria, id est, ejusmodi, ex qua agi possit, minor dubitatio est, an pro ea pignus dari possit. Dari vero sine controversia est, quocunque modo contracta sit. Nam qui eo modo debet, vere debere eo proprie intelligitur, idcirco, quia efficaciter. *L. debitor, D. de verb. sig.* Sed ut naturalis tantum sit obligatio, qua quis teneatur, etiam pro ea pignus consistet, ut potest et fidejussor intervenire. *L. res hypothecæ, L. quesitum, in fin. D. de pignor.* Naturales autem obligationes vocamus eas, ex quibus quidem nulla actio sit; sed si quid propter eas solutum fuerit, re-

peti non possit, *L. naturales, de obliga. et act.* quæ ex eo nascuntur, si quis in aliqua re alterius fidem sit secutus. *L. cum amplius, §. is natura, de reg. jur.* Sint exempli gratia, usuræ indebitæ jure civili, quia per stipulationem promissæ non sint, verum conveniunt, ut præstarentur; si pignus in eam causam datum est, non prius liberabitur, quam solutæ fuerint. *L. in iis, §. Imperator, de solution. L. solutum, §. sive autem, de pig. act.* Eodemque modo, cum servus naturaliter obligetur tantum, non obligetur civiliter; si pignus pro eo datum sit, jure id tenebitur. *L. naturaliter, D. de condict. indeb.*

VII. Jam vero non solum pro presenti obligatione pignus dari poterit, sed etiam pro futura: veluti si quis pecuniam postea accepturus, aut aliquid sub conditione promittens multo ante quam accipiat, aut existat conditio, creditori cum quo egerat, pignus in eam causam destinaverit tantummodo ut in his admoneatur, non ante pignus esse, quam conditio, aut res extiterit. *d. L. res hypothecæ, pig.* Redeundum est enim ad id, quod initio posuimus, nisi quæ obligatio subsit, pro qua pignus datum est, pignus non esse: neque porro in conditionalibus obligationibus ante obligatio nascitur, quam conditio extiterit. Adeoque verum est, pignoris persecutionem ex obligatione principali pendere sicut et fidejussoris, ut quamvis cum dies stipulationi adjicitur, statim obligatio sit, quam ob causam et pignus pro ea recte obligetur: tamen quia ante diem ex illa agi non possit, pignoris etiam persecutio interim pendeat. *L. solvitur, §. si paciscatur, D. quib. mod. pig. vel hy. sol. L. cum solvenda, de distr. pign.* Si tamen intersit creditoris medio tempore pignora persequi, ut in locationibus contingit, dum inquilini suspecti sunt, putat Ulpianus, et recte, esse permittendum. Ac quid sit pignus, satis dictum est. Quod cum constet id esse rem pro debito obligatam, deinceps quomodo obligetur cognoscendum est.

CAP.





## C A P. III.

## Quomodo pignus constituatur, et quæ pignorum genera.

*Pignoris contrahendi modus duplex; et quod pignoris utroque modo contracti nomen. I.*

*Constituatur pignus aut jussu magistratus, aut debitoris voluntate. II.*

*Illud prætorium; hoc conventionale. III.*

I. **P**ignus contrahitur non uno modo. Nam aut lege constituitur tacite, cum res debitoris pignori subjiçiantur sine alia conventionione; aut jussu et voluntate ejus ad quem ea res pertinet. Illud tacitum recte dicimus *L. eo jure, §. L. ex quib. cau. pig. vel hypot. taci. contr. L. unic. §. 1. C. de rei ux. act. L. 1. C. commun. de legat.* hoc constitutum licet appellare, nec sine exemplo. Sic enim et servitutes jure constitutas dicimus, cum ab his separare volumus, quæ natura quodammodo rei, et lege imponuntur. *L. hoc jure, §. ductus, D. de aq. quo. et æsti. L. 1. §. ultim. D. de dam. infec.*

II. Constitutum pignus, quod dicimus, duplex est. Nam aut magistratus jussu datur, et imperio, cujus de re jurisdictio est; aut debitoris voluntate.

III. Illud prætorium dicitur: ut prætoria stipulatio, quia ex prætoris, et magistratus officio proficiscitur: hoc cum ex conventionibus et pactis nascitur, conventionale.

Utriusque meminit Justinianus, in *L. ultim. C. de prætor. pigno.* *{Veteris, inquit, juris dubitationem decedentes ad duplum genus hypothecarum respeximus. Unum quidem, quod ex conventionibus, et pactis hominum nascitur. Aliud, quod a iudicibus datur, et prætorium nuncupatur.* Sed quod dicit, ad duplum genus hypothecarum respeximus, non sic dixit, quasi duo tantum hæc genera hypothecarum sint, neque enim ille tradere divisionem hypothecarum instituit, sed duo genera pignorum ex tribus inter se exæquat, prætorium et conventionale: ut quemadmodum creditor si conventionalis pignoris possessionem amiserit, ad eam recuperandam actionem habet in rem; sic id persequi liceat et vendicare, quod a magistratu datum est, si forte possessione ejus ceciderit. Et in summa pignus aut lege constituitur, aut decreto, et jussu magistratus, aut privati debitoris vel alioquin Domini voluntate.

CAP.



## C A P. IV.

## Quibus in caussis pignus tacite contrahatur.

*Res pignori subijci aut tacita conventionē, aut privilegio; quibus in rebus illa versetur. I.*

*Inducta et illata in urbana prædia dumtaxat pignori esse tacite. Singularum explicatio II. et seqq.*

*Exponitur L. Urbana prædia 198. D. de V. S. Quæ et cum §. stabula L. 5. D. in quib. causs. pign. conciliatur. III.*

*Superiori definitioni minime resistit L. rusticorum 2. D. de servit. præd. rustic. IV. Objecta alia diluuntur. V.*

*Cujusmodi obligatio pignoris in illatis; et per secundum conductorem illata pignori obligari. VI.*

*Invecta et illata in rustica prædia non esse pignori nisi sit et de iis cautum: Hoc quatenus; et quid in rusticis dissimile ab urbanis. VII. IX. X.*

**I.** **L** Exge debitoris res pignori subijciuntur aut tacita quadam ex contrahentium conventionē, aut privilegio; conventio de quibusdam rebus interponi creditur in prædiorum tam urbanorum, quam rusticorum locatione. Quo in genere sic jus constitutum est.

II. „ Inducta et illata in prædia urbana, „ pignori esse obligata locatori: quasi id ta- „ cite convenerit, non solum pro pensioni- „ bus, sed et si deteriore habitationem fe- „ cerit culpa sua inquilinus, quo nomine „ cum eo ex locato actio est. L. eo jure, „ 4. L. 2. D. in quib. cau. pig. vel hy. „ tac. contraha. L. item quia, D. de pact. „ in prædiis rusticis contra. In iis tamen „ fructus, qui ibi nascuntur, eodem modo „ pignori esse, ut inducta et illata in præ- „ dia urbana diximus, etiamsi id nominatim „ non convenerit: d. L. eo jure, L. in præ- „ diis, de quorum verborum sententia, quia locus postulat, dicendum est. Ait lex. ( Sic enim mihi nunc vocare libet id jus, quod de iis cautum est ) *inducta et illata*. Inducta, et illata in prædium, sic accipere debemus, non verbo tenus, quæ inducta sunt quovis modo, sed ex sententia legis, et contrahentium, quæ eo animo inducta sunt: ut deinceps ibi sint, L. in prædiis, §. ult. D. cod. id est, ut sint perpetuo quandiu conductor ma-  
Tom. VI.

*Contrariis occurritur, et L. certi juris 5. C. de loc. et cond. exponitur. VIII.*

*Ex privilegio tribui pignus, aut personæ creditoris, aut rei vel caussæ. XI.*

*Personæ: Fisco, pupillo, minori. XII.*

*Qualis Fiscus pignus ex privilegio. XIII.*

*Adversus quos pupillus et minor habeant pignoris privilegium. XIV.*

*Pignus ex privilegio tribui caussæ dotis. XV.*

*Item legatis et fideicommissis. XVI.*

*Pignus insulæ tribui pecuniam mutuanti ad ejus restitutionem. XVII.*

*Sed non ad ædium emptionem. XIX.*

*Hoc insulæ exemplum non trahi ad consequentiam. Error Accursii et aliorum revincitur. XVIII.*

nebit. Id enim hoc verbi significat: *ut ibi sint L. debitor, D. de pig. L. ex facto, §. rerum, D. de hered. instit.* non temporis caussa, quo in genere sunt ea, quæ cum alibi conductor in destinato, et constituto loco haberet, usus alicujus necessarii caussa transduxit in habitationem conductam, ut postquam illis usus esset, ea deinde in suum locum referret. Nam quæ in hac caussa sunt, non ut ibi essent, ubi nunc utitur conductor, inducta sunt, sed ut iis ad tempus uteretur, ut si operi faciundo servos, quos alibi habebat, adhibuerit; si ad convivium, quod hic apparabat, utensilia ex aliis ædibus ejus convivii caussa mutuo sumpserit. De differentia autem horum verborum, vide L. ferri, D. de verb. sig.

III. Ait lex, *in prædia urbana. Urbana prædia*, Ulpiano auctore, *omnia ædificia accipere debemus, non solum ea, quæ sunt in oppidis, sed etsi forte stabula sint, vel alia meritoria in villis, et in vicis: vel prætoriam voluptati tantum deservientia, quia urbanum prædium non locus facit, sed materia. L. Urbana, D. de verb. signific.* Materiam ille vocat cæmenta, lapides, tigna, et cæteras res, ex quibus ædificia fiunt, ut sit sensus, urbana prædia a rusticis materia, qua res constat, discerni, non loco. Et sane peculiariter etiam materia dicitur, lignum  
ad

ad ædificandum paratum; sicque a ligno distinguitur, ut sit materia, quæ ad ædificandum, fulciendumve necessaria est: lignum, quicquid comburendi causa paratum est. *L. ligni, D. de leg. 3.* Idcirco autem ædificia, etiam quæ in villis sunt, prædia urbana dicuntur, quia ad imitationem, et usum urbanum facta sunt; denique quia talia sunt, qualia quæ in urbibus habentur. Quæ in urbibus sunt, frequentandarum urbium, et habitandi causa parata sunt. Quæ hujus rei causa facta sunt, ubicunque sint, ideo urbana dicimus. Idque non paulo rectius, quam mancipia ex genere, et instituto serviendi urbano, quia Domino ministrant, non operi rustico faciundo operam dant, urbana appellamus. *L. Urbana familia, D. de verb. sig. L. servus Urbanus, D. de legat. 3.* Nam homines non hujus rei causa nascuntur, ut illi, aut illi rei serviant, tantumque id destinatione Domini fit, non rei natura, et fine. Ædificia autem, nisi ut incolantur, non fiunt, neque ruri, neque in urbe. Omnia enim aut hominum, aut cæterarum rerum recipiendarum causa extrahuntur, ut vel natura sua ab initio ad usum urbanum, et formam instituuntur. Sed num hæc Ulpiani definitio vera esset, per se alioqui satis aperta; controversum nobis fecit Neratius, cujus de hac re contraria, ut videtur, extat non uno in loco definitio. Is in *L. eo jure, §. stabula*, hoc titulo scribit; *stabula, quæ in continentibus ædificiis non sunt*, urbanorum prædiorum numero non esse, *cum a cæteris ædificiis separata sint: quanvis, quod ad causam taciti pignoris attinet, non multum ab urbanis differunt.* Quod est iis ut videtur, quæ de hoc genere ex Ulpiano supra retulimus, valde contrarium. Is enim præterquam, quod ædificia omnia una definitione complexus est, nominatim etiam stabula, aliaque meritoria ubicunque essent, urbana prædia esse adjunxit. Sunt, qui velint Ulpianum de stabulis loqui, quæ hominum recipiendorum causa parata sunt. Neratium de iis quæ gregum stabulandorum. Hi dicerent aliquid fortasse, si Ulpianum ostenderent, cum stabula nominavit, de hospitio tantum sensisse. At ille de stabulis infinite loquitur. Quod si ex verbi significatione et loquendi usu res pendenda est, qui stabula dixit, si Latine locutus est, non dico utrumque genus complexus est; sed ædificia, aut loca gregibus et pecoribus, aut feris continendis parata dixit, non hospitia significavit. Id enim stabulum vi ipsa significat. Ductum est enim verbum a stando, quod brutorum divertentium pro-

prium est, non hominum. Nec temere quicquam aliter hoc verbo uti reperietur, nisi qui rem ab animantibus brutis ad homines transferre voluit. Quid enim stabulari, quid stabulatio, quæ inde dicta sunt? quis hæc nisi de brutis usurpat? Quis dandam esse operam dixit, ut homines commode stabulentur, pro eo, quod est, habitent? Quis hominibus stabulationem esse comparandam, pro habitatione, et diversorio? At hæc omnia de animalibus brutis passim dicuntur. Nam quod addit Ulpianus. *Vel alia meritoria in villis*, quid ad rem pertineat, non intelligo, ut ille stabuli verbo, quo antea usus erat, diversorium intellexisse arguatur. Stabula inquit, meritoria intellexit Ulpianus, postquam ita addidit: *vel alia meritoria*. Primum non necesse est ita interpretari. Potuit enim, ac nisi fallor, debuit sic accipi: Sed et si forte stabula sunt, quæ gregibus, et armentis non hominibus accipiendis serviunt, vel alia ædificia meritoria, quæ divertendi scilicet tantum causa parata sunt, non habitandi, non magis quam stabula prædiorum urbanorum numero erunt, ut sit sensus. Quæcunque ædificia sunt in villis, etiam si ad habitandum parata non sint, urbana tamen prædia esse, cujuscunque generis fuerint. Quod ut eum sentire intelligeremus, statim subjunxit. *Quia Urbanum ædificium non locus facit, sed materia.* Videturne, cum hæc dixit, de omnibus stabulis aperte significare voluisse? Ut enim stabulis jumentorum ædificii nomen detraxerimus, tamen materia constare relinquetur. At prædium Urbanum, inquit, non locus facit, sed materia. Sed esto his verbis: *vel alia meritoria* significavit Ulpianus se stabula prius cum dixit, meritoria intellexisse, continuone diversoria eum dixisse intelligemus? At nihil vetat, meritoria esse etiam ea, quæ jumentis stabulandis destinata sunt. Nihil vetat denique meritoria esse ædificia stabulandi causa parata: ut tamen sint ædificia. Ne longius abieris. Nonne si omnia meritoria, diversoria esse putamus, ridicule Ulpianus, cum prius diversoria dixisset, quæ appellatione stabulorum, ut illi volunt, intellexit, addidit postea: *vel alia meritoria*? Hoc enim perinde foret, ac si diceret, urbana prædia esse, si forte diversoria sint in villis, vel alia diversoria. Quo quid ineptius? Quod si ex meritoriis ædificiis alia sunt hominum recipiendorum causa facta, alia pecorum et jumentorum, cur non e converso potius stabulorum verbo ea, quæ jumentorum causa parata sunt, ut vis verbi, et usus postulat acci-

accipimus, aliorum autem meritoriorum appellatione ea, quæ sunt hominum causa parata? Postremo ne sic quidem multum profecerimus, si Ulpianum stabulorum verbo hospitia rustica intellexisse dicemus. Ut enim de ædificiis jumentorum stabulandorum causa paratis non loqueretur, tamen quid de iis quoque tenendum esset, ex ejus definitione intelligeremus, cum ita dicat, urbanum ædificium non locum facere, sed materiam. Sed nec Neratius hic addidit, quæ stabula intelligeret. De stabulis uterque et generaliter loquitur. Nec dubium est, quin stabula uterque intelligat, ædificia, quæ ad jumenta, et pecora stabulanda comparata sint, si verbi usum, et proprietatem sequimur. Quid ergo est? Ergo Ulpianum, quæ in usu juris prædia urbana sint, definisse puto, itaque eo tradidisse, urbana prædia esse omnia ædificia, quod ex sententia juris, quodcumque de urbanis prædiis loqueretur, hæc prædia significarentur, licet minus proprie interdum. Quod intelligere licet ex hoc ipso jure, quod est de illatis, et invectis in prædia urbana. In quo etsi neget Neratius stabula urbanorum prædiorum numero esse, juris tamen sententia hæc quoque ipse in hoc numero haberi debere ait. Idem intelligere possumus in servitutibus urbanorum prædiorum, de quibus cum hoc jus sit constitutum, ut non aliter non utendo amittantur, quam si vicinus quoque libertatem simul usuceperit, cum servitutes rusticorum prædiorum non utendo solum amittantur, *L. hæc jura, de serv. urba. præd.* in hujus juris interpretatione de sententia et mente legis prædia urbana accipimus ædificia, et urbanorum prædiorum servitutes, quæ ædificiis debentur, suntque in superficie; rusticorum eas, quæ in solo consistunt. §. *prædiorum, Insti. de servitu. prædio.* Neratium autem proprietatem verbi secutum hoc loco intelligo, eoque negasse stabula, quæ in continentibus ædificiis non essent, prædiorum urbanorum numero esse, quia proprie, et ex ea ratione, quam in definiendo hoc verbo secutus est, prædium urbanum non esset. Quod quo facilius intelligatur, animadvertendum esse puto, Neratium prædiorum urbanorum loco habuisse, primum ædificia omnia, quæ habitandi causa parata essent, ubicunque essent. Quod ex eo facile colligitur, quod de stabulis hoc loco scribit. Nam cum dicat ea prædiorum urbanorum non esse ideo, quia neque ex genere cæterorum ædificiorum sint, neque his sint conjuncta: declarat, si quæ sint alia ædificia, et si ruri sint, prædiorum urbanorum loco

ea se habere. Alioqui si ex loco rustica esse putavit omnia, quæ ruri essent, non debuit de stabulis hic dubitare, sed de omnibus ædificiis, quæ in urbe, aut continentibus urbi ædificiis non essent, generaliter pronunciare debuit, prædia hæc urbana non esse, quia essent ruri. Hæc igitur primum sine dubitatione in prædiis urbanis habuit. Proxime quæ in ea causa essent, ut habitari possent, et possent homines accipere divertendi causa, ut horreum, et diversorium. Tertio loco quæ his conjuncta essent, tanquam iis deservientia, ut aream, quæ in ædificio est. Hoc enim est, quod Ulpianus scripsit in §. 3. *hoc tit. si horreum fuerit conductum, vel diversorium, vel area* (aream accipe, quæ in ædificio est quod de hortis diserte Ulpianus adjecit in *L. urbana prædia de ver. sig.*) *tacitam conventionem de invectis, et illatis etiam in his locum habere putat Neratius: de horreo videlicet, et diversorio, et area ideo specialiter dixit, quia dubitari poterat, num hæc ædificia prædiorum urbanorum essent, cum habitandi causa parata non essent. Est enim horreum, quod reponendis, et asservandis frugibus, item fructibus paratum est, et in usu jurisconsultorum fere is locus, in quo res quæque pretiosissime reponuntur, et custodiuntur. Diversorium, est hospitium, locus omnis, in quem ex itinere, vel aliunde divertimus commorandi causa, non habitandi. Quod Cicero expressit his verbis in Catone majore: *ex ista vita sic discedo tanquam ex hospitio, non tanquam ex domo. Commorandi enim natura diversorium nobis non habitandi dedit.* Area autem est locus in urbe ædificiis vacuus, ut dubitari non possit, quin non sit ædificium. *L. fundi, D. de verb. sig.* Tacitam tamen conventionem de invectis, et illatis, in his locum habere putavit Neratius, quia hæc urbanorum prædiorum essent, quod vel incoli possent, vel ædificiis servirent. Quod si quæ neque habitandi causa parata essent, neque hominis habitationem reciperent, neque ædificiis conjuncta essent, cujusmodi sunt stabula, id est, septa continendis, et stabulandis tantum gregibus deservientia, quæ in continentibus ædificiis non sunt; non dubitat, quin prædiorum urbanorum numero non sint, non quia sint ruri, sed quia neque forma, neque usu urbana sint. Nam cur de his solum pronuntiat, urbanorum prædiorum numero non esse, si diversoria quoque, quæ in continentibus ædificiis non sint, eodem numero habeat? Non sunt igitur proprie, ut ad rem redeam, stabula hujusmodi urbanorum præ-*

diorum, cum a cæteris ædificiis separata sint. Et tamen hæc ipsa huc quoque referri debent, cum ædificio, et materia constant, ex legis sensu, quamvis minus proprie ita dicantur. Neque hoc cuiquam mirum videatur, quæ minus proprie urbana prædia dicantur, ea Neratium simpliciter dicere urbanorum prædiorum non esse. Hoc modo Julianus de servo hærede scripto ab eo domino, qui in hostium potestate decessisset, deque filio eodem casu a patre hærede instituto agens, locutus est in *L. le e Cornelia, D. de test.* Nam eum in fine necessarium hæredem dici non posse ait, qui in potestate morientis non fuerit, quem paulo ante minus proprie ita dici scripserat.

IV. Sed multo magis superiori definitioni Ulpiani adversari videtur, quod idem Neratius de servitute rusticorum prædiorum tradidit. *L. 2. de serv. rust. præd.* Is enim scripsit, rusticorum prædiorum servitutes esse, quæ ædificiis rusticis debentur. Rusticorum etiam inquit prædiorum servitutes sunt, licere altius tollere, et officere prætorio vicini, vel protectum habere licere. Quæ duo nisi in ædificiis haberi non possunt ad ædificiorum nostrorum utilitatem. Ita quæ ruri sunt ædificia, hæc rustica prædia appellat, non urbana, omninoque ista non materia distinguit, sed loco. Equidem, quod ad me attinet, ex loco non male rustica etiam dici existimo, quæ ruri sunt, si modo recte dicuntur rustica, quæ ad rus pertinent. Nec novum est, quæ ruri sunt, ita dici. Florentinus: in *L. fundi*, de verb. signific. *Fundi appellatione omne ædificium, et omnis ager continetur: Sed in usu urbana ædificia, ædes: rustica, villæ dicuntur.* Ulpianus *L. 2. §. Cassius quoque, D. de aqua pluviae arcen.* Cassius quoque scribit, si aqua ex ædificio urbano noceat, vel agro, vel ædificio rustico, agendum de fluminibus, et stillicidiis. Sic quoque Neratium, prædium rusticum nominasse certum est. Sed aliud est, cum verbum per se ex instituto loquentis ponitur, aliud cum in eo sententia legis exquiratur. Quod ad rationem nominis attinet, nihil vetat diversis rationibus idem prædium, quod ruri est quia ædificium sit, ex similitudine, et usu urbanum dici, et rursum, quia ruri sit, et in villa, rusticum. Cum autem significatio ad legem, quæ de urbanis prædiis loquitur, revocatur, urbana prædia ædificia accipienda esse dicimus, ubicunque sint, et maxime quidem in servitutibus; in quibus quæ ratio est, cur ædificii, quod in urbe est, jus

non aliter admittatur, quam si una etiam vicinus ususceperit servitutem, eadem in ædificio, quod ruri est, locum habet. Quæ Ulpiani definitio est, quam initio retulimus, ad usum legis scilicet accommodata, eadem Justiniani in *§. prædiorum, Instit. de servit.* Quod autem Neratius rusticorum prædiorum servitutes illas esse etiam dicit, licere altius tollere, et cæteras; non dicit quasi definire volens, quæ sint urbanorum, quæ rusticorum servitutes. (Nam id quidem est aperte contra legis mentem et rationem) sed hoc significans, has servitutes altius tollere ædes, protectum habere licere, non in ædificiis solum urbanis, verum etiam in rusticis constitui posse. Quod Ulpianus expressit in *L. 1. commun. præd.* his verbis. *Ædificia urbana quidem prædia appellamus; Cæterum etsi in villa ædificata sint, æque servitutes urbanorum prædiorum constitui possunt.* Relinquitur igitur quæcunque ædificia sunt, ea si conducta sunt, cujuscunque generis et ubicunque fuerint, in his conventionem de invectis, et illatis locum habere vel Neratii sententia; vel quod urbana prædia sint, vel quod pro prædiis urbanis haberi debeant. Recte; si quidem in his nulli sunt fructus, qui pro locatione pignori esse possint locatori, ut in prædiis rusticis.

V. Dixit quispiam, secundum hanc sententiam eventurum, ut omnia illata, et invecta etiam in fundum, pignori sint locatori, propterea quod quæ inducuntur in fundum, tamen omnia in ædificium aliquod inducuntur, ut ibi custodiantur, et asserventur. Nisi forte quæ in fundum inducuntur, ea in ipsum agrum induci intelligimus ut sint sub dio; ubi illa corrumpi, et interire necesse sit, quod est absurdum. Jam vero omnia inducta pignori esse locatori, contrarium est ei distinctioni prædiorum, quam posuimus. Ego sic judico, si ædificium per se alicubi conductum sit, quæcunque in id prædium invecta, et illata sint, pignori esse locatori; quia verum sit, prædium urbanum esse, idque esse conductum. Sed si fundus conductus sit principaliter, etsi in eo fundo sit aliquod ædificium, quod ejus fundi pars est (nam is proprie est fundus ager cum ædificio *L. fundi D. de verb. sig.*) ajo, sive in ipsum agrum, sive in id ædificium res inductæ sint, in ipsum fundum, id est, in prædium rusticum inductas videri; quia fundus conductus sit, non ædificium, et præterea id ædificium pars ejus habeatur. *L. fundi, D. quibus modis usufr. amit.* Sic fieri: ut in ædificium inducantur,



neque tamen contra superiorem distinctionem pignori sint locatori. Sed ad reliqua pergamus.

VI. Ait lex; *Sunt pignori obligata. De hac obligatione commodum hoc loco monendi sumus, non eandem esse vim ejus obligationis in omnibus rebus illatis, quæ futura esset, si res manifestaria conventionem pignori essent obligatæ. Et hoc interest (inquit Paulus) L. pen. hoc tit. quod manumittere mancipia obligata pignori non possumus; inhabitantes autem manumittimus, scilicet ante, quam pensionis nomine præcludamur. Tunc enim pignoris nomine retenta mancipia non liberabimus. Et derisus est, inquit, Nerva jurisconsultus, qui monstraverat servos detentos ob pensionem liberari posse per fenestras, cum illinc conspicerentur, quasi non essent præclusi, quos per fenestras conspici possemus. Quod ait lex, omnia inducta obligata esse locatori, declarat, si is qui ædes conduxit, partem earum locaverit, ea quoque pignori locatori fore, quæ a secundo conductore inducta sunt; in eam tamen summam duntaxat, in quam cœnaculum conduxit. Nam et hic conductor est, dominus locator. L. solutum, §. solutam, D. de Pig. act. Plane si gratuitam habitationem conductor mihi præstiterit; invecta a me domino insulæ pignori non erunt, ut Pomponius hoc tit. scribit. L. 5. Quod sic accipiendum est, ut in totum non sit obligata; id est, neque pro pensionibus domus, quas nullas debeo; neque si deteriore habitationem culpa mea fecero, quia verum est, me ædes non conduxisse. Lex autem quæ est de invectis, de inquilino loquitur. Is est autem, qui ædes mercede inhabitat.*

VII. Sequitur de prædiis rusticis; in quibus de invectis, et illatis contra observari Neratius author est. Quod quam sententiam habeat, considerandum est. Et quidem cum prius dixisset invecta, et illata pignori esse locatori et, si nihil nominatim convenisset, mox subjiciat in prædiis rusticis contra observari; nemini dubium esse potest, quin hoc significet inducta, et illata in prædia rustica non esse pignori domino fundi, si nominatim ut pignori essent, non convenisset. Pro qua sententia facit, quod Justinianus in §. 3. vers. *interdictum quoque, Instit. de interdic.* ita scribit: *Interdictum quoque, quod appellatur Salvianum, adipiscendæ possessionis causa comparatum est, eoque utitur dominus fundi de rebus coloni, quas is pro mercedibus fundi pignori jacturas pepigisset: tacite innuens de iis nullam esse persecutio-*

nem, de quibus nihil esset pactum. Item quod de his prædiis loquens Pomponius, L. 7. *D. in quib. caus. pign. tac. contr.* in iis ait, *fructus, qui ibi nascuntur, tacite intelligi pignori esse domino fundi locati, etiam si nominatim id non convenerit.* De fructibus loquitur tantum. Unde conjecturam capere licet, cæteras res non intelligi tacite pignori esse obligatas, nisi quid convenerit. Alioqui non fructus contentus fuisset dicere, sed addidisset etiam invecta et illata in fundum pignori esse, quæ nihilominus, quam fructus pignoris jure teneri intelligerentur.

VIII. Extat tamen rescriptum Alexandri sub tit. *locati C.* quo de iis, quæ in fundum invecta sunt, ita scriptum est, quasi ea quoque pignori obligata sint, si dominus sciverit ea inferri. Cujus verba hæc sunt: *Certi juris est, ea, quæ voluntate dominorum coloni in fundum conductum induxerint, pignoris jure dominis prædiorum teneri. Quando autem domus locatur, non est necessaria in rebus inductis, vel illatis scientia domini.* Nam ea quoque pignoris jure tenentur. Ex quibus verbis id colligi videtur; ut quæ in prædium rusticum, vel urbanum inducta sunt, sine discrimine tacite pignori sint omnia, etsi nihil nominatim convenerit. Sed quoniam in prædiis rusticis aliud observari dicimus, quam in urbanis, sit hæc dissimilitudo; ut in prædiis urbanis non sit necessaria domini prædii de rebus illatis scientia; in rusticis contra ejus voluntas id est, scientia sit necessaria. Sicque vulgo ab interpretibus juris ad nostra tempora id rescriptum acceptum est. De qua sententia plura non dicam, cum sit iis, quæ diserte a jurisconsultis in hoc genere tradita sunt iisdem temporibus, quibus Alexander vixit, et ab iis ipsis jureconsultis, qui illi in consiliis fuerunt: ut Paulo, et Ulpiano contraria: quæ tamen consentanea esse debuerant, et futura erant, si modo ita esset, ut illi interpretantur. Tantum admonebo, quod est in promptu, verbis rescripti eam sententiam nullo modo convenire. Ait rescriptum, *ea quæ voluntate dominorum coloni in fundum induxerint.* Longe aliud est voluntate dominorum aliqua inducta esse: aliud scientia: propterea, quod fieri possit, ut sciat dominus pleraque inferri, quæ illi non placeant, nec possit prohibere; fieri possit etiam, ut eo ignorante multa inducantur, quæ si sciret, volente eo fierent, et approbante. Deinde quid ad obligationem inductorum facit, quod dominus ea vidit inferri in fundum. Quid enim ad consensum mutuum pertinet de his obligandis, quod

quod dominus scivit ea inferri? An quæ obligatio inter ignorantes non contrahitur, ea inter scientes contrahetur, ubi nihil convenisse illos certum est? Nihil causæ est, neque hoc prudentiæ Alexandri, aut cujusquam Jurisconsultorum convenit. Potius igitur viris doctissimis assentiendum est, Francisco Duareno, Eguinario Baroni, Francisco Connano, quos ego viros, sicut ipsorum dignitas postulat, honoris causa nomino, sententiam Jurisconsultorum de invecis et illatis retinentibus, illudque Alexandri rescriptum sic accipientibus, ut voluntate dominorum induci in fundum hoc significet, volente et paciscente domino; ut illa pignori essent, quæ sunt in fundum inducta. Quod est iis, quæ dicimus, consentaneum. Sed quoniam in eo laboratur quomodo verba rescripti, quæ voluntate dominorum coloni in fundum induxerint, ad hanc sententiam traducamus, cum fieri possit ut voluntate, seu pactione Dominorum quædam inducta sint, neque tamen convenerit, ut postquam inducta sunt, pignoris jure teneantur: de eo nobis dicendum est. Et mihi idem, quod plerisque eorum videtur, ut qui id egerit cum colono, qui hanc legem locationi dixerit, id est, quod rescriptum ait, qui voluerit; ut illa, aut illa inducerentur; ut ipse et per consequentiam pactus esse intelligatur, ut de iis sibi promissum sit, id est, pignoris loco teneantur. Nam alterius rei causa id cavisse intelligi non potest. Nisi vero frustra id placuisse dicemus. Quod cum agere aliquid voluerint, probandum non est. Idque usus noster comprobavit, apud quos hanc legem locationibus adjici usitatum est. Et omnino cum quid dictum inter aliquos, actumve est, semper id efficiendum est in re dubia, ut pactio aliquid egisse videatur. Inde eum qui debitori suo cautionem reddidit, convenisse videri dicimus, ne peteret, profuturamque debitori conventionis exceptionem: *L. 2. de pact.* Quia non frustra reddiderit, neque porro alius redditæ cautionis usus videri possit, nisi ut debitor securus reddatur. Sic enim fieret pecunia soluta. Sic Paulus eum, qui uxori suæ ea, quæ vivus donaverat, vulgari modo legavit, non de aliis donationibus, videri sensisse respondit, quam de iis, quæ jure valituræ non sunt. *Alioqui, inquit, frustra ei legaturus sit, si ita exprimat; quæ uxori meæ jure donavero, ea ei lego, Nam inutile legatum futurum est. L. si quando, de leg. 1.* Quod autem dicitur in rescripto Alexandri, *quando ædes locantur, non est necessaria domini scientia*: non sic dicitur,

per adversativam, quasi colligi debeat, cum ædes non locantur, sed fundus, scientiam tantum domini, id est, voluntatem requiri. Sed ita dictum est, ut ex comparatione majorum, si id, quod minus est, non requiritur, multo minus id requiri, quod majus est, intelligamus. Sitque quod Duareno nostro recte videtur, hic sensus; tantum abesse, ut voluntas domini necessaria sit, quando ædes locantur, ut ne requiratur quidem scientia. In summa, invecis et illata in prædia rustica non alias pignoris jure tenentur, quam si id convenerit, ut pignori essent.

IX. Sed convenire potest dupliciter, et aperte, cum id agitur nominatim; ut res pignori sint; et per consequentiam quandam, cum id agitur; ut res in fundum colonus inducat. Id enim hoc valet, ut habeat dominus; unde possit illi esse cautum, quod hoc rescripto Alexandri significatur.

X. Cur autem in his prædiis invecis et illata non sint pignori, ubi nihil convenit, in urbanis contra tacite pignori sint; id causæ est, quod locatori pro pensionibus fundi satis cautum fuit fructibus quos pignori esse diximus. Nam quam aliam ob causam locator mercedem percipit, nisi quod colonus fructus habet? Qui si locatori obligentur, res ad eum sua sine damno redit. Hi cum nulli essent in urbanis prædiis, necesse fuit si quidem ulla re caveri vellemus locatori, invecis, et illatis cautum esse. Dixi in quibus causis pignus tacite obligetur, quasi id convenerit.

XI. Nunc dicendum est in quibus detur privilegio. Id utilitatis causa partim creditoris personæ tribuitur, cui lex consultum esse vult; partim rei et causæ, de qua agitur sine ullo personarum, quæ contraxerunt, delectu.

XII. Creditoris gratia pignus datur lege in fisco, et pupillo, minoribusque vigintiquinque annis.

XIII. Quod ad fisco attinet, hujus privilegium est, ut quisquis quid fisco quacunque ex causa, et quocunque modo debere cœperit, ejus statim bona fisco obligentur, tam quæ habet, quam quæ habiturus est. Publicæ utilitatis causa, scilicet ut quæ in publicam causam reditura sunt, ea omni ratione dissolvantur. *L. 1. L. 2. L. 4. C. hoc tit. tot. titu. de privileg. fisci. C. L. auferitur, §. fisco, D. de jure fisci.* Dixi exinde fisco bona debitoris obligata fore, ex quo quid ei deberi cœperit. Nam si in privati creditoris locum succedat, et alii sint ejusdem debitoris, qui privato debebat, credito-

res, pro anterioribus successionis suæ temporibus privati jure utatur, ut quemadmodum privatus, in cujus locum fiscus successit, cæteris creditoribus non præferretur, si nullam hypothecam haberet, aut non haberet priorem, cum illi haberent, sic nec fiscus præferatur, qui privati jure utitur. *L. fiscus, 6. de jure fisc.* Et hoc est, quod Ulpianus in *L. rescriptum* in princ. *de pact.* ait *fiscum quoque in iis casibus, in quibus hypothecas non habeat, exemplum creditorum sequi oportere*: intelligendum est enim, fiscum pro anterioribus successionis suæ temporibus hypothecas non habuisse, quin cæterorum creditorum exemplum sequi deberet, ut ille sequeretur, in cujus locum successit, etiamsi alii hypothecam non habuerint. In fisci privilegio hoc notandum est, non solum debitoris ipsius bona pignoris obligari quod semper fit, sed esse interdum cum uxoris, quæ ipsi debitori fisci nupsit, dos pignori obligetur. Quod in primipili persona constitutum est: ut tamen dos subsidio tantum teneatur; de quo extat constitutio sub eo *tit. C. L. 4.* Tam arcta scilicet, et ad commodum Reipubl. pertinens primipili obligatio existimata est, ut pro ea etiam dos uxoris, quæ tamen quodam modo ipsius mariti est, pignori teneatur. Cujus rei argumentum est, quod etiam filii qui patri hæredes non extiterunt, eo nomine pro ea conjunctione, quæ intercedit patri cum filio, speciali jure teneantur. *L. ult. Cod. de primip. lib. 2.* Est enim primipillus, qui militari annonæ curandæ præpositus est, cujus cura, et administratio omnibus rebus potior, et antiquior esse debet, utpote cujus neglectus, aut interversio vel minima, maximas interdum in militibus corporum, et animorum remissiones facit.

XIV. De pupillo autem, minoribusque viginquaque annis non idem jus est, ut quisquis quid pupillo, cæterisque minoribus quid debeat, hujus bona obligentur. Sed hoc in persona tantum tutorum et curatorum receptum est favore minorum, quorum res per alios gestæ sunt, ut eorum, qui gesserunt, aut gerere debuerunt, bona pignoris titulo sint obligata pro officio administrationis. *L. pro officio, C. de administr. tut. L. unica, §. 1. C. de rei ux. actio.* Illud specialiter in persona matris, quæ tutelam filiorum suscepit, et necdum ratione reddita ad secundas nuptias venit, provisum est constitutionibus, ut non solum ipsius matris, sed etiam ejus, qui matris tutelam gerentis nuptias affectaverit, bona omnia teneantur pupillorum

rationibus obnoxia, ne quid incuria, vel fraude depereat. *L. 2. C. quando mut. tut. offic. fungi pos. L. penul. C. eo. tit. Præte.* rea ex constitutione divorum fratrum, res pupillaribus pecuniis emptæ, jure pignoris pupillo obligatæ sunt adeo ut ne servi quidem ea pecuniæ empti liberi fiant. *L. pe. C. de ser. pig. dato manus.* Quod pro favore pupillorum singulari jure constitutum esse argumento erit, quod in cæteris rebus aliorum pecunia mutuo data emptis diversum jus est, quas certum est, non aliter in obligationem pignoris deduci, nisi specialiter, vel generaliter creditori sint obligatæ. *L. quanvis, 2. C. de pignor.*

XV. Pro utilitate autem rei, qua de agitur, pignus lege datum est in his fere causis. Primum in caussa dotis, de qua ita a Justiniano cautum est in *L. unica, §. 1. C. de rei ux. actio.* ut, pro dotis obligatione debitoris bona ex utraque parte hypothecæ subjiciantur, id est, tam mariti ad restitutionem dotis, quam accepit, quam mulieris pro ipsa dote præstanda, vel rebus dotalibus evictis, nec non etiam cæterorum, qui aut pro marito dotem susceperunt, aut pro muliere promiserunt. In quo non personarum sine dubio, sed rei: de qua agitur, id est, dotis ratio habetur. Cujus ubique causam præcipuam esse e Republica est. *L. 1. solut. matrim.*

XVI. In caussa quoque legatorum, et fideicommissorum, ejusdem principis constitutione inter cæteras actiones, quæ ab eo inductæ sunt, ut personalis, et in rem legatam, sit tacita hypotheca; et pignoris persecutio legatariis data est in rebus testatoris, adjuvandæ scilicet voluntatis testatoris gratia, quo modis omnibus eis satisfiat. *L. 1. C. commu. de leg.*

XVII. Postremo *Senatusconsulto*, quod sub *Marco Imperatore factum est*, pignus insulæ creditori datum est qui pecuniam ob restitutionem ædificii extruendi mutuam dedit. Quod Papinianus interpretatur non tantum ad eum pertinere, qui domino insulæ pecuniam dedit, sed etiam qui redemptori operis domino mandante nummos administravit. *L. 1. hoc tit.* scilicet quia nihil intersit, utrum domino ad restitutionem ædificii mutuam pecuniam dederimus, an alii jussu ejus in eam causam. *L. solutum, §. solutam, D. de pig. act. tit. quib. modis toll. obli.* in princip.

XVIII. Quod jus Accursius, et plerique omnes eum secuti, ad eos omnes pertinere putant, qui ad refectionem alterius rei, veluti navis pecuniam mutuam dederint idcirco,

co, quia horum quoque pecunia salvam fecit navem non minus, quam ille insulam, cujus pecunia insula restituta est. Quod si verum est, ne etiam ille, qui pecuniam ad rem emendam credidit, eam rem sibi obligatam habebit, quia verum est, ut eam rem haberet debitor, per pecuniam creditoris esse consecutum. Quod falsum est. *L. quanvis, L. 7. C. de pi.* Et profecto sic se res habet, ut cum *S. Consultum de eo factum sit nominatim*, quod ad refectionem, extructionemve ædificii crediderit, cæteri excludantur verbis, quia ad refectionem alterius rei pecuniam crediderunt, nec injuria. Non enim eadem causa est ædificii reficiendi, et navis, aut alterius rei conservandæ. In ædificiis tuendis, sarcinisque publica utilitas versatur. Agitur enim in eo dignitas urbis et ornamentum, ut ædificia integra sint, et bene composita, non cassa, et ruinosa, ne ruinis aspectus urbis deformetur. Itaque non in hac re tantum, sed etiam in aliis contra non necessarias demolitiones ædificiorum pro iis augendis, et sartis tectis tuendis multa legibus cauta, et constituta sunt. Nam et lege duodecim tabularum de tigno injuncto alienis ædibus agere non permittitur, ut examinatur, ne per eam causam ædificia diruantur: *L. 1. de tig. injuncto.* et Senatusconsultis ea, quæ ædibus juncta sunt, legari non possunt; nisi hactenus, ut in alias ædes transferantur, neque tamen integra ædificia deponantur. *L. Cetera, de leg. 1. L. 2. C. de ædific. priv.* Quorum nihil simile in navi, et cæteris rebus: ut dicendum sit, verbis Senatusconsulti cessantibus, et sententiâ pignus in cæteris rebus non contrahi, quæ aut refectæ, aut emptæ ex pecunia nostra fuerint; nisi de eo generaliter, aut specialiter convenerit. Decepti sunt, qui contra senserunt. Primum similitudine istarum rerum, quæ illis esse videbatur, quæ tamen nulla est, ut ostendi: deinde quod apud Ulpianum legerant eum, qui in rem conservandam pecuniam credidisset, cæteris creditoribus esse potiore, quibus eadem res prius obligata erat: et nominatim exempla addita sunt de eo, qui ad armandam navem, vel reficiendam credidit:

*L. interdum, cum L. seq. inf. qui pot. in pigno. hab.* quasi diceret Ulpianus hunc quoque tacite navem obligatam habere: quem dixerat in ea nave cæteris, quanvis prioribus esse potiore, quia non possit esse potior in nave, nisi etiam sit illi obligata. Quod profecto ab illis male colligitur. Hoc enim sic accipiendum est; eum cæteris esse potiore in pignore, si modo etiam res illa pignori obligata sit. Neque enim eo loco tractatur, quomodo navis obligetur pignori: sed ex iis, quibus obligata est diversis temporibus, quis sit potior, quæritur. Ille igitur erit, qui ad eam reficiendam, aut extruendam pecuniam credidit, quanvis posterior crediderit, dummodo illud prius supponatur, huic quoque fuisse obligatam, quod fit aperta conventionem. Hujus rei certissimum argumentum est, quod Justinianus de hoc privilegio loquens eorum, qui ad rem conservandam pecuniam crediderunt, cum eos quanvis tempore posteriores, antiquioribus creditoribus præferri dixisset; nominatim eum in hoc numero citavit cujus pecunia ager, vel aliud quidvis emptum esset. *Novella 97. de æqualit. do. §. his consequens.* Num ergo inde colligimus ex cujus pecunia ager emptus est: ei agrum emptum pignori obligatum esse? Minime, ut arbitror. Certi enim juris est, nisi specialiter, vel generaliter is obligatus sit, pecuniæ numerationem agrum in causam pignoris non deduxisse. *d. L. quanvis, 17. C. de pigno.* Ex quo intelligi debet, nec in cæteris rebus id colligi ex illis locis posse, cum de omnibus eodem modo, ut de agro aliena pecunia empto loquatur.

XIX. In hoc Senatusconsulto notandum est, quod senatusconsultum de eo, qui ad refectionem extructionemque ædificii credidit, loquitur. Unde colligitur, ut si quis ad ædes emendas pecuniam crediderit, quæ res ad conservationem, et refectionem ædium nihil pertinet, is ædes pignori obligatas non habeat, quia ad conservationem ædificii, et ad ruinas prohibendas, id est, ad utilitatem publicam nihil contulerit, propter quam causam pignus insulæ ei, qui ad eam reficiendam credidit, datum est.

CAP.

## C A P. V.

De prætorio, et quibus in caussis pignus a magistratu constituitur.

*Transitio, et ordo. I.*

*Pignus prætorium duplex; alterum in causa judicati; quale hoc, et cur prætorium, non judiciale vocetur. II. III.*

*Alterum, cum quis ex una aliqua caus-*

*sa est in possessionem missus a magistratu. IV.*

*Quid prætorium pignus a legitimo et conventionali differat. V.*

I. **E**Xpositæ sunt breviter eæ caussæ, in quibus pignus lege tacite contrahitur, quod pignus tacitum dicimus. Alterum genus erat pignoris, quod appellamus constitutum, quia non per se quasi nascitur sine alia conventionione, sed aliena voluntate, et jussu constituitur. In quo illud primum est, quod a magistratu datur, indeque prætorium appellatur, de quo dicendum est.

II. Pignus magistratus jussu duabus in caussis datur. Unum genus est ex causa judicati. Est enim hic ordo juris: si condemnatus intra id tempus, quod judicatis datur, pecuniam non solvit: ejus bona capi jubentur, ac distrahi: unde judicatis satisfiat. Quæ cum capta, et occupata sunt eo ordine, quo jus fieri præcepit, tum jure pignoris teneri intelliguntur, non aliter, quam cæteræ res quæ debitoris voluntate sunt obligatæ: de quo Titulus in Codice Justiniani, *si in causa judicati pignus captum sit*.

III. Hoc genus quidam judiciale vocant a judicio, quod ejus confirmandi causa constituitur: non male fortassis, sed tamen hæc omnia quæ a magistratu dantur, Justinianus prætoria appellat. *in d. L. ul. C. de præ. pigno*. Quod est melius ne cum judiciale hoc pignus dici audimus, existimemus ideo ita dici, quia a judice detur in judicio. Quod non ita est. Nunquam enim in causa judicati pignora capiuntur jussu judicis. Quid enim si judex datus sit? sed a magistratu tantum, sive is judicaverit, sive judicem dederit, Judicibus enim a prætore datis, non judices, qui judicaverunt, sed prætor, cæterique magistratus, qui eos dederunt, sententiam exequuntur. *L. a Divo Pio, D. de re judic.* Unde a prætore rectius prætorium appellatur: quia ex officio ejus hoc quoque proficiscitur.

IV. Alterum genus prætorii pignoris in his caussis cernitur, ex quibus in possessionem quis a magistratu mitti solet. *L. non est mi-*  
*Tom. VI.*

*rum, de pig. act.* Has autem caussas complures esse constat, ut rei servandæ causa, ut legatorum, seu fideicommissorum servandorum gratia et ventris nomine, et quæ sunt ejusdem generis, quæ ex suis locis petendæ sunt, vide *L. 1. et titulum, quib. ex caus. in poss. eat.* Utrunque hoc genus pignoris prætorii, et caussas, ex quibus constituitur, indicavit rescripto quodam suo Antoninus Imperator quod extat sub *titu. C. qui potior. in pign. hab.* Cujus verba hæc sunt. *Si decreto prætoris, qui de fideicommisso jus dixit, in possessionem fundi hæreditarii fideicommissi conditionalis servandi gratia prius inducti estis, quam adversarius vester in causam judicati ejusdem fundi pignus occupavit, ejus jussu, qui jure sententiam exequatur, tempore potiores estis. Nam cum de pignore utraque pars contendit, prævalet jure, qui prævenit.*

V. Inter pignus hoc prætorium et cætera, quæ aut lege tacite dantur, aut conventionione, hoc interest, quod illa simul atque obligatio subest, aut de pignore convenit, creditori obligantur, etiam si nunquam res in manus, et possessionem creditoris venerit. Quod autem a magistratu datur, non alias constituitur, nisi in possessionem ventum fuerit, quibus ex caussis in possessionem missi sumus, aut res ex causa judicati capta, et occupata sit. *L. non est mirum, D. de pig. act. L. 2. C. qui pot. in pign. et titu. C. si in cau. jud. pign. capt.* Ex quo eveniet, ut si forte decreta sit a magistratu missio in possessionem, aut pignorum captio, prius autem quam res occupatæ sint, distractæ fuerint a debitore, non detur earum nomine creditori persecutio, quia pignus ante constitutum non fuerit, quæ tamen futura est, tum cum in possessionem ventum erit, si creditor earum rerum possessione exciderit. De quo extat Justiniani constitutio. *L. 2. C. de præto. pig.*  
**CAP.**



## C A P. VI.

De pignore conventionali, et de conventione, quæ in eo contrahendo necessaria est.

*Continuatio. Pignus ex domini voluntate constituitur testamento vel conventione. I.*

*In posteriore totum efficit consensus; quid huic rei consequens. II.*

*Consensus hic quomodo explicatur rebus et factis. III.*

*Conventio de pignore aut specialis aut generalis: quid utraque. IV.*

*Quid rerum in utraque contineatur æstimari ex verbis. V. et seqq.*

*Quid sit in speciali comprehensum quatenus ex ipsa vi et usu verborum intelligatur. VI.*

*Quæ accesserint comprehensis nominatim, et quæ inde nata in pignoris obligationem venire. VI. VII. VIII.*

*Generali constituta hypotheca res omnes quas quis habet, obligari. IX.*

*Immo et res quas quis habiturus erit obligari possunt. X.*

*An qui res suas, vel sua bona pignori obligare se dixit, præsentia comprehendat tantummodo, an etiam futura. XI.*

*Quæ tacite excepta intelligantur ex obligatione earum rerum quas quis habet, et habiturus erit. XII.*

*Nullum esse pignus earum rerum quæ nec sunt specialiter, nec generaliter obligatæ, XIII.*

*Exceptio doli mali datur creditori adversus debitorem suam rem petentem; quando, et quibus in causis. XIV.*

*Aditus ad Cap. seq. XV.*

I. **C**UM neque lege pignus datum erit, neque jussu magistratus constitutum, restat ut voluntate Domini in ea re opus sit, sive debitoris sit, sive alius, ut res pignori obligetur, ex quo alterum genus nascitur pignoris constituti, de quo deinceps nobis cognoscendum est. Domini voluntate pignus constituitur testamento, aut conventione. Nam et testamento pignus constitui posse Ulpianus testis est in *L. non est mirum, de pignorat. actio*.

II. Sine testamento nuda conventionem pignus contrahitur jure honorario, cum quis paciscitur, ut res ejus propter aliquam obligationem sint pignori obligatæ. *L. 4. de pign. L. si tibi decem, §. de pignore, de pact.* In quo si quam vim habeat, quod dicitur consensu contrahi, intelligemus facile, quæ huic rei consequentia sint, de quibus sub his titulis multa videbimus. Est autem de hoc genere ita scriptum apud Justinianum sub titulo *de obligation.* ex consensu. Ideo, inquit, de obligationibus, quæ consensu contrahuntur, loquens, *istis modis dicitur consensu obligatio contrahi, quia neque scriptura, ut in literarum obligatione, neque præsentia, ut in stipulatione opus sit: ac nec dari quicquam necesse sit, ut substantiam capiat obligatio, sed sufficiat eos, qui negotia gerunt, consentire. Unde inter absentes quoque talia negotia contrahuntur, veluti per*

*Epistolam, vel per nuntium. Cum pignus eodem modo contrahi dicamus, necesse est mirum eadem in hoc quoque genere intelligi. Sequitur igitur, ut rem tradi necesse non sit, quam pignori obligatam velimus, L. 1. de pigno. act. sequitur, ut inter absentes recte contrahatur. L. creditor prædia, D. de pign. Nec scriptura desiderabitur, d. L. 4. L. tabernam, §. 1. eod. tit.*

III. Et quoniam non solum verbis voluntas cujusque et consensus declaratur, sed etiam rebus ipsis, et factis. *L. 2. de pactis L. de quibus, D. de legib.* nihil intererit ad pignoris obligationem, utrum quis de pignore dando verbis convenerit, an re aliqua, et facto obligationi rei suæ se consentire ostenderit, ut de eo responsum est, qui postulante debitore chirographum præscripsit sua manu nomine debitoris, quo continebatur, illum pecuniam accepisse a Septitio, et simul convenisse, ut Septitio creditori res pignori esset, quæ dantis non erat, sed ejus, qui chirographum scripserat. *L. fidejussor, §. 1. de pignor.* Huc pertinet illa Martiani conjectura, interpretantis, si quis fidejubeat, cum res illius a debitore, pro quo fidejussit pignori data sit, intelligi hoc ipso, quod fidejussit, mandare, res suas obligatas esse. *L. Pomponius, §. 1. in quib. cau. pign. vel hypoth. contr.* In quo conjectura voluntatis comparatione majorum ducta est. Nam qui seipsum

psum pro alio obligat, multo magis res suas, quæ ab eodem oppigneratæ sunt, obligatas esse patietur. Idque se velle sequenti facto declaravit. Unde recte ait Martianus; *si ante quis fidejubeat, post deinde ejus res hypothecæ sint datæ, non idem dicendum esse, quia scilicet nullum factum Domini post pignoris dationem secutum est, unde illum eam obligationem probare constaret.*

IV. Conventio de pignore duplex est, specialis et generalis. Specialis cum specialiter, et nominatim certæ res pignori opponuntur. Generalis, cum sine ulla rerum notatione, generaliter res omnes obligantur, quas quis habet, aut quas habiturus est. *L. 1. L. et quæ, §. 1. de pig. L. 2. C. eod. tit.* Quid utraque conventionem contineatur quæritur. Nam ad quas res conventio pertinebit, eas obligatas esse necesse est. In quo de verborum vi omnis prope quæstio est. Illæ enim res pignori erunt, quæ verbis demonstrantur.

V. Et quidem cum specialiter res quædam pignori obligatæ sunt, hoc solum quærendum est, quæ res conventionem comprehensæ sint. Nam hæc sine dubio pignori futuræ sunt, non aliter. Ex quo illud est, quod Papinianus scripsit, *L. 1. §. 1. de pignor.* servo pignori dato, creditorem peculium ejus nullo jure distrahere. Quippe peculium, servi appellatione non continetur, multoque minus servi pars intelligitur. Ista ratione cum prædia, et mancipia, quæ tum in prædio erant, debitor pignori dedisset, atque illis defunctis alia in demortuorum locum substituisset, quamvis videri possent hæc, quæ substituta sunt, defunctorum loco esse, tamen non esse obligata creditori Modestinus respondit. *L. fidejussor, de pign.* Recte, quia hæc non illa essent, quæ pignori erant obligata. Sed diligenter, quæ cujusque rei appellatio sit, considerandum est. Sæpe enim fit, ut quæ res ab initio datæ non videntur, quia tum non essent, postea cum accesserint, in obligationem veniant, quia vi nominis ejus, quod dictum est, contineantur. Unde grege pignori obligato, tametsi alicui videri possunt ea sola capita obligata esse, quæ quo tempore grex obligatus est, in grege fuerunt, tamen et quæ postea nascentur, et alia omnia, quæ in locum demortuorum capitum substituta fuerint, pignori tenebuntur. De quibus tamen nihil nec specialiter, nec generaliter convenisse videtur. *L. grege, in princ. de pigno.* Hoc ut respondeamus: vis verbi intellecta, et animadversa facit. Grex enim est obligatus, non singula corpora, quæ tum erant, cum de pignore convenit. At quamvis totus

grex renovatus fuerit, paulatim alias oves aliis substituendo, tamen dum renovatus sit modo, grex idem, idem corpus esse intelligitur, quod prius fuerat. *arg. L. proponebatur, de judic.* Igitur et quæ postea substituta sunt, pignori erunt: Grex enim ut dixi, non singula corpora obligata sunt. Neque contrarium est, quod de mancipiis in aliorum, quæ obligata erant, locum substitutis diximus. Grex enim et aliis novis capitibus substitutis semper idem est. Mancipia vero morte esse desinunt, nec possunt dici, quæ substituuntur, illa esse, quæ prius fuerant. Huc referri debet, quod de taberna scripsit Scævola, *L. Tabernam, de pig.* si taberna pignori data sit, merces, quæ taberna continentur, ibique exercentur, pignori oppositas videri. Sic enim usitata figura metonymia tabernam, id est, locum ubi exercentur merces, pro eo quod continetur, dicimus. Et universitas cum intelligatur data rerum ad negotiationem pertinentium, quæ assiduam commutationem recipiunt, non quæ nunc sunt merces, erunt pignori, aut quæ postea, sed quæ tunc reperientur, cum pignus creditor persequetur. Ita non quid tunc fuerit, cum res pignori dabatur, sed quid verbi appellatio completatur spectandum est.

VI. Sed cum dixerimus, in speciali conventionem nihil, nisi, quod specialiter comprehensum est, contineri, tamen sciendum est, cum quid datum est, per consequentiam etiam illa, quæ ei rei postea accesserint, item quæ inde nata, profectave fuerint in obligationem pignoris venire.

VII. Prioris generis est, si quid fundo per alluvionem accessit, *L. si fundus, D. de pig.* si cum nuda proprietas pignori data esset, ususfructus proprietati accrevit. *L. si convenerit, §. si nuda, infr. de pig. act.* Item si area pignori obligata, aut novum aliquod ædificium areæ impositum, aut veteri destructo aliud restitutum fuerit. *L. si fundus, §. si res, L. ul. de pig. L. domo, de pig. act.* Quæ omnia pignoris causam sequentur. At qui nihil horum, quæ secuta sunt, pignori obligatum est: Nihil, sed non ideo hæc obligantur, quia quicquam de his convenerit, sed quod ab illis trahantur. Cum enim totum pignori datum sit, et totum sine partibus suis esse non possit, necesse est, eas res, quæ postea accesserint, pignori quoque esse, quo ejus rei, quæ data est, partes esse cœperunt. Non est autem incerti juris, et ususfructum amissum sequi proprietatem, et quod solo impositum est, solo cedere, sic ut soli et areæ pars esse incipiat. *§. 1. Instit. de usu-*

*usufru. L. adeo, §. cum in suo, de acq. rer. dom.* Adeoque ædificium, quod aræ obligatæ impositum est, pignoris causam sequitur, ut quanvis non apud debitorem, sed apud alium, cui area vendita est, impositum sit, pignori tamen obligetur, recteque una cum area, quæ cum sua causa distracta est, a creditore vindicetur. Sic tamen, ut non aliter possessor, si bonæ fidei possessor est, cogatur creditori ædificium restituere, quam sumptus in extructionem erogatos, quatenus pretiosior res facta est, recipiat. *L. Paulus, §. domus, de pign.* Quod ei emptori tributum non est, qui scivit re alii esse obligatam, quam emebat. Hic enim cum sciret rem ab alio evinci posse, est, quod sibi imputet, si, cum posset, et deberet, diligentius sibi a venditore cavere, non fecerit. *L. cum postulassem, §. 1. de damn. infect.* Sed cur hæc in usufructu aræ, aut domus constituto secus observantur? Tantum enim abest, ut novo ædificio aræ, cujus ususfructus legatus est, imposito, aut alio restituto, hujus quoque ususfructus accedat, ut etiam aræ ususfructus, qui ante fuerat, extinguatur. *L. repeti, quib. mod. usuf. amit.* Non injuria hoc de usufructu responderetur. Ususfructus enim non rei interitu, sed mutatione amittitur. *d. L. repeti.* Rei autem mutatio ad formam pertinet, ut si aliam formam, et nomen res nacta sit, dicendum sit ejus ususfructum amitti, quia mutata est, etiam si corpus idem, et substantia maneat. Porro ædificio aræ imposito, non jam area est, sed domus, et cum aliud ædificium restituitur, non id est, quod prius fuerat. In pignore vero, et cæteris rebus amittendis, res ipsas videlicet naturaliter spectamus, ut quandiu id corpus manebit, quod obligatum est pignori, pignus natura manere necesse sit, ob eamque causam quicquid deinde ei impositum fuerit, ejus causam sequatur. Itaque hoc aliter in usufructu receptum est non naturali rei interpretatione, sed constituto jure. Idque ita constitutum est, quod facilius ususfructus ad proprietatem rediret, ne inutiles essent proprietates semper abscedente usufructu. *§. 1. Insti. de usufr.*

VIII. Posterioris generis sunt ancillarum partus, pecorum foetus, fructus prædiorum: quæ cum ex rebus obligatis nata sint, omnia, pignoris quoque causam sequi diximus, quanvis de iis specialiter nihil convenerit. *L. Paulus, §. 1. L. fidejussor, §. ult. de pigno.* Quod sit eadem illa ratione, scilicet quam ante exposuimus: quia hæc aliquando, cum in utero essent, ejusdem corporis pars fuerunt: unde ejus quoque rei jus sequuntur.

Extat in hanc sententiam Titulus, in Codice, *de partu pignorum.* Sed quod diximus, nata teneri, sic Paulus accipiendum esse docet, si ad eum qui obligavit, hæredemve ejus, dominium eorum pervenit. Cæterum, inquit, *si apud alium pepererint, non erunt obligata, d. L. Paulus, §. 1. de pign.* Quod ait, *si apud alium dominum pepererint,* recte Accursius sic accepit, si et pepererint; et apud eundem conceperint. Sic enim fit, ut nunquam debitoris fuisse ea, quæ nata sunt, intelligantur. Unde nec pignori esse possunt, utpote ab eo data, cujus in bonis nunquam fuerint. Idque testatur Papinianus in *L. 1. §. cum prædium, hoc tit. de pign.* Cajus in *L. potior, §. si de futura, infr. qui po. in pig.* Quod si animalia apud debitorem conceperint, etiam si vendantur, ac deinde post venditionem apud emptorem pariant, ea, quæ nata erunt, pignori futura sunt. Hoc enim modo certum est, ea aliquando debitoris fuisse, saltem quo tempore in utero erant: tunc enim ejusdem corporis, et substantiæ pars erant: ut diximus. Quod ipsum et de fructibus pendentibus respondetur. *L. fructus, de rei vind.* Unde evenit, ut si post res alienetur, et illa in lucem prodeant, una cum sua causa res alienetur. Et hoc est sine dubio, quod Ulpianus sensit etsi non plane expressit, in *L. si convenerit, §. si fundus, de pignora. action. cum ait. Si fundus pignoratus venierit, manere causam pignoris, quia cum sua causa pignus transeat, sicut in partu ancillæ, qui post venditionem natus est.* Quibus verbis declarat manifeste, loqui se de ea re, quæ ante, quam venderetur, obligata fuit. Nam quomodo eum sua causa, id est, obligatione, et nexu pignoris transire potest, quæ ante obligata non est? Quæ vero nec nata, nec concepta sunt apud debitorem ea a debitore antea obligari qui potuerunt? Hoc loco exoritur dubitatio. Cur enim si dominium eorum, quæ post venditionem nata sunt, ad emptorem pervenit, ea obligata non sunt, cum ex corpore profecta sint, indeque accesserint, ea autem, quæ inædificantur, etiam si extruantur apud emptorem pignori tamen sunt, quanvis ea in dominium debitoris nunquam pervenerint? Et differentiæ ratio illa est, quod ædificium, quandiu constat, aræ cohæret, ejusque pars esse intelligitur; ideoque cum area adhuc obligata sit, quia cum sua causa transit: necesse est, ædificium, quod ei adjungitur, ejus quoque causam sequi. Ab eo enim trahitur. Per consequentiam igitur et accessionem rei hoc fit. Quod autem ex  
re

re natum est, nec jam ejus rei pars est, nec ei cohæret, quare nec pignori erit. Nam et ædificium si sublatum esset: sola area pignori maneret, non ædificium, quod in area non est. Ac de speciali pignoris conventionione satis.

IX. Quod ad generalem attinet, hic quoque, quid ea contineatur ex verbis judicandum est. Et certum est, qui res suas pignori dedit generaliter, orationis compendio res omnes, quascunque tunc habet, dixisse intelligi. Erunt igitur omnes tam obligatæ, quam si specialiter singulas enumerasset. Nec dubium est, quin si quis adjecerit, et quas habiturus est, eæ quoque omnes quæ post illi obvenerint, verbis contineantur.

X. Sed prima quæstio est, an etiam ea, quæ quis postea habiturus est, jure obligare potuerit, de quo inter veteres Jurisconsultos dubitandum est: nec sine causa. Nam si specialiter res aliena obligari non potest, ut postea dicemus, ne generaliter quidem videtur obligari posse. Quod tamen tunc fit cum quis eas obligat, quas habiturus est. Tunc enim, cum dat, sunt alienæ. Sed tandem et hæc quoque de rebus futuris conventio recepta est, ut Papinianus testatur in L. 1. hic. *Conventio*, inquit, *generalis in pig-nore dando bonorum vel postea quæsitorum*, id est, etiam postea quæsitorum recepta est. *In speciem autem alienæ rei non item utiliter conventio conferri potest.* Ait ergo, conventionem generalem de pig-nore bonorum etiam postea quæsitorum receptam esse, cum de rebus jam quæsitis, non dubitaretur, quin generaliter obligari possent, sed de postea quæsitis, quæ nunc debitoris non essent. Nec ratio differentię in obscuro est. Aliena enim res cum specialiter pignori datur, pure datur, quod fieri non potest. Cum autem quis obligat res, quas habiturus est, obligat quidem alienas, sed ea conditione, si modo habebit. Hoc enim casu obligatæ erunt, si erunt postea quæsitæ. Quæ si non acquiruntur, non erunt pignori. Sic et qui Stichum legat hoc modo, Stichum, qui meus erit, cum moriar, hanc conditionem dicere intelligitur, si modo Stichus meus erit, facitque omnino legatum conditionale. Res autem aliena etiam specialiter sub conditione pignori recte datur, cum mea erit. *L. si fundus, §. aliena, hoc tit.* Quo fit ut possit generaliter eadem conditione. Hoc ergo intellectu res quoque futuras, ac non tantum præsentis obligari posse dubitari non debet, qui utrasque verbis nominatim complexus est, quin, ejus omnia bona quæcunque sunt et

undecunque quæsitæ, pignori futura sint. *L. Paulus, §. ultimo, L. pen. §. ul. de pignor.* Modo ne alia tamen contineri putemus, quam quæ a debitore quæsitæ sunt, non etiam quæ eo mortuo ab hærede ejus: hoc enim verba conventionis faciunt, quæ habeo, quæque habiturus sum, *d. L. Paulus, in prin. tit.*

XI. Quod si quis res suas tantum dixit, aut bona sua, quæstionem afferre potuit, utrum de rebus tantum præsentibus senserit, an etiam de iis, quas postea acquisivit. Et extat Justiniani constitutio nominatim de hac re scripta, *L. ult. C. quæ res pig. obl. poss.* qua cautum est, his verbis; Res meæ, bona mea, non solum præsentia, sed etiam futura contineri. Cui congruit, quod Pomponius in hac servitute, ne luminibus officiat, scribit, ambiguam esse hanc scripturam, utrumne his luminibus officiat, quæ nunc sunt, an etiam iis, quæ postea fuerint, humanius tamen esse verbo generali omne lumen significari, sive quod in præsentia, sive quod post tempus conventionis contigerit? *L. si servitus, D. de ser. urb. præd.*

XII. Sed quanquam verbis generalis conventionis rerum, quas quis habet, habiturusve est, res omnes continentur; voluntate tamen debitoris tacite quædam excipiuntur, ut docet Ulpianus. *L. obligatione, D. de pign. Non enim ea continebuntur*, inquit, *quæ verisimile est quemquam obligaturum non fuisse*, ut hic, tametsi verba generalia sint, tamen quia res est, quæ ex consensu valet, ratio voluntatis ante omnia habeatur, ne sint ea res obligatæ, de quibus debitor non senserit. Quarum duo genera ponit; unum earum quas in usu quotidiano, aut necessario habet, cujusmodi sunt supellex, vestis, et quæ mancipia, aut jumenta eodem usu habentur. Alterum earum, quæ ad affectionem ejus pertinent, qualis est concubina, filii naturales, alumni. Illa, ut apparet, quia iis debitor carere non potuit; hæc, quia noluit. Quæ omnia non tantum si postea quæsitæ fuerint, obligatione non continebuntur, sed ne si ea quidem debitor habuerit, quo tempore paciscebatur: *L. 9. seq.*

XIII. Ex iis, quæ de conventionione hactenus diximus, perspicuum est, nisi quid de pig-nore dando vel specialiter, vel generaliter convenierit, nullum esse pignus, eoque nullam rem debitoris creditori pignoris jure teneri. Adeo, ut Aristo, responderit, etiam si sequens creditor ita cum debitore contraxerit; ut ex ea pecunia, quam dabit antecessens, cui res aliqua obligata erat, dimitte-

retur, idque secutum sit, non aliter in jus pignoris succedere, quam si convenerit; ut sibi eadem res obligata esset; neque enim in jus pignoris succedere debere, qui ipse nihil convenit de pignore. *L. Aristo, D. quæ res pign. hypot. dat. oblig. pos.* Quod si verum est, non modo non poterit creditor ullam rem debitoris vindicare, quæ pignori data non sit; sed ne retinere quidem si quo casu forte ad eum pervenerit. Quod rescriptis quibusdam aperte demonstratur. *L. si non inducta, C. in quib. causis pig. vel hyp. tac. cont.*

XIV. Plane exceptio doli mali interdum creditori datur adversus debitorem rem suam petentem, si quod debet, paratus non sit solvere. Idque in his causis observatur. Primum si creditor, qui eam rem habet, ad eam rem accipiendam pecuniam impendit, dum pecuniam creditori solvit nomine absentis debitoris, quo eam rem ab illo liberaret. *L. 1. in prin. quibus modis pig. vel hypoth. solvat.* Neque hoc in hac causa tantum, sed in omnibus aliis similibus generaliter receptum est; ut qui rem alienam possidet, quod in eam rem bona fide impenderit, id per retentionem ejus rei consequatur. Id quidem certo in omnibus in rem actionibus locum habet. *L. in fundo, L. sumptus, D. de rei vind. L. plane, D. de petit. hære.* Deinde si propter eam rem, quam habet creditor, pecuniam dedit, quæ ad debitorem pervenerit, non aliter crediturus. Finge enim procuratorem citra domini voluntatem rem ejus pignori dedisse, quod facere non potuit, ac postea creditoris pecuniam in rem domini versam esse: Improbe dominus rem suam sibi a creditore reddi postulet, cum pecuniam ob eam rem acceperit, eaque utatur, quam ipse nolit reddere: quippe qui ab alio exigat, quod ipse non præstet: de quo extat Severi et Antonini rescriptum in *L. 1. C. si aliena res.* Postremo et in hac specie per exceptionem doli sine pignoris conventionem rem debitoris retineri posse a Gordiano rescriptum est, si quis pecuniam accepto pignore credidit, idem aliam sine pignore dedit. Hoc enim casu si

creditor rem possidebit, non tantum in eam summam, in quam pignus ab initio datum est, retineri potest: sed etiam in eam, quæ sine pignore data est, quæ chirographaria dicitur ob id, quod chirographo tantum cavetur, ad differentiam ejus, quæ pignore cantata est. Exstat titulus in Codice in hæc verba. *Etiam ob chirographariam pecuniam pignus teneri posse.* Quod rescriptum tunc locum habere videtur cum primo pecunia credita est, in quam pignus datum est, mox alia pecunia sine pignore. Cæterum si eodem tempore plures summæ creditæ fuerunt, et nominatim convenit, ut in unam aliquam res pignori esset, dicendum est soluta ea summa, in quam pignus obstrictum est, pignoratitiam competere: idque Ulpianus respondit. *L. solutum, §. si in sortem, D. de pig. acti.* Nam qui cum sciret plures esse summas, in unam pignus obligavit, cæteras excepisse videtur. Hæ sunt quidem causæ, in quibus res debitoris retinere per exceptionem possit. Sed non fieri id pignoris jure, verum ea exceptione tantum, quæ debitori dolo facienti opponatur, judicio erit, quod si alii creditores, quibus eadem res pignori sit, rem vindicent, nullam hoc casu adversus eos retentionem possessor, idemque creditor sit habiturus. *L. unica, in fine C. etiam ob chirogr. pec.* Unde intelligitur, quam illud verum sit, quod posuimus, ubi de pignore non convenerit: rem jure pignoris teneri non posse. Sed conventio sola non sufficit.

XV. Ad pignoris obligationem etiam is requiritur, qui rem jure potuit obligare, item res quæ possit obligari. Nam neque omnes res pignori dari possunt, neque a quibuslibet. Id etsi ad universi generis quæstionem de jure cujusque in rebus transferendis, deque rebus, quæ in commerciis hominum sunt, pertinere maxime intelligo; tamen quia pleraque sunt in hoc genere pignorum propria, et ad varios juris locos, qui in hac quæstione nonnullam lucem desiderant, intelligendos pertinet, quid de his quoque tenendum sit, id est, qui quas res obligare possint, dicendum est.

CAP.





## C A P. VII.

## Quæ res, a quibus obligari possint.

*Rem pignori obligare potest dominus, aut alius ejus voluntate et mandato. I.*

*Ideo et procurator, si tamen dominus in ea re idem esset facturus. II.*

*Item servus et filiusfamilias, cum agunt rem peculiarem. III.*

*Item actor civitatis, si in rem civitatis id faciat. IV.*

*Immo et sine mandato alius a domino rem hujus pignori recte obligat, si ipse ratum habeat. V.*

*Potest et ille obligare rem pignori qui pro domino habetur ideoque tutor, et curator; et hi quatenus. VI.*

*Nec ipse dominus rem suam pignori recte obligat, si ei bonis est interdictum. VII.*

*Pignori obligari nequeunt res sacræ, res sanctæ, et religiosæ aut homo liber. VIII.*

*Item alienæ. IX.*

*An rei alienæ pignus, dominio postea debitori quæsito, convalescat; et quando directæ sit in rem actio creditori. X. XI.*

*Et quando utilis. XII. XIII.*

*Contrariis occurritur. XIV. XV. XVI.*

*Et quando ejus rei sit possidenti creditori retentio, et adversus quem. XVII.*

*Exponitur L. cum vitiose 25. D. de pignor. et hypothec. XVIII*

*An cum pignori dandi rem alienam debitori heres extitit illius rei dominus, teneatur hic creditori pignoratitia utili vel contraria. XIX.*

*Exponitur L. si Titio, 22. D. de pign. et hypoth. XX.*

I. **S**I verum est, quod regula juris traditur, neminem plus juris in alium transferre, quam ipse habeat; L. nemo, de reg. jur. consentaneum est, neminem aliam rem pignori obligare, posse quam qui de ea re jure suo statuere potest. Recte igitur edicto de Serviana actione cautum est, ut is solus rem pignori obligare possit, cujus in bonis res fuerit. L. qui prædium, C. si alie. res pig. data sit. Quod tamen si verum est, etiam ex voluntate ejus alius dare poterit, quamvis in bonis ejus non fuerit. Nam cum domini voluntatem, et factum exigimus, nihil interest, ipse dominus fecerit, an alius ejus voluntate. L. solutum, §. solutam, de pig. actio. L. restituta, ad Trebell.

II. Cui jam illa consequentia sunt; ut procurator rem domini recte pignori obliget, sive ei specialiter hoc mandatum est, ut facere, sive universorum bonorum administratio ei permissa est ab eo, qui sub pignoribus solebat mutuas pecunias accipere. L. solutum, §. ult. cum L. seq. D. de pignor. act. Nam cui generaliter de omnibus rebus mandatum est, periinde est, quasi ei de singulis specialiter mandatum esset, modo ea res sit, quam Dominus esset facturus. Neque e-

nim generali oratione concedere videtur Dominus, quod specialiter non permetteret, nec specialiter id permetteret, quod ipse non faceret. Unde recte addidimus ab eo procuratore rem obligari, cui administratio concessa est, si modo is esset Dominus, qui pecunias eodem modo accipere soleret.

III. Hac ratione et servus, et filiusfamilias, quibus libera peculii administratio concessa est, rem peculiarem recte dabunt, quamvis Domini sit, aut patris. Ex ea enim potestate id faciunt, quam a dominis acceperunt. L. si convenerit, §. ult. cum L. seq. D. de pign. actio. Quod sic accipiendum est, si modo ea faciant, quæ ad administrationem pertinebunt; id est, si rem peculiarem gerant. L. 1. §. 1. infra, D. quæ res pig. obl. poss.

IV. Hac ratione actor civitatis, qui Reipub. bona jure administrat (administrat autem jure, qui ab omnibus decurionibus, aut majoris partis decreto datus est) L. 3. quod cujusque univer. no. si mutuas pecunias pro civitate accipiat, rem ejus recta obligat. L. si is qui, in prin. D. de pign. Nempe ex civitatis ejusdemque dominæ voluntate. Rebus enim publicis dum præficatur, generali-

ter ei omnia permitti intelliguntur, quæ ad Remp. et administrationem rerum ad eam pertinentium spectant. Unde adjeci, si mutuam pecuniam pro ea accipiat: id est, si in rem civitatis id faciant.

V. Sed etsi domino ignorante, nec mandante res pignori data sit: si tamen post ratum habuerit, pignus valebit. *L. alienam, D. de pig.* Quo casu observandum erit, quod Martianus scribit, hoc ipso, quod Dominus ratum habet; voluisse eum retro recurrere ad illud tempus, quo convenit. *L. si fundus, §. 1. de pig.* Huc referri debet responsum Ulpiani in *L. si inter, D. de pigno. Si inter colonum*, inquit, *et procuratorem meum convenerit de pignore, vel ratum habente me conventionem, vel mandante, quasi inter me et colonum meum convenisse videtur.* Sentit Ulpianus inter colonum, et procuratorem convenisse; non de pignore mihi dando a colono (Neque enim actionem mihi procurator meus, id est, libera persona, acquirere potuit vel authore Paulo in *L. solutum, §. liberam, de pig. act.*) sed de re mea pignori danda colono meo ad cautionem earum rerum, quas illi ex conducto præstare debeo? ut sit dubitatio, an si ego eam procuratoris mei conventionem postea ratam habuero, perinde haberi debeat, quasi inter me, et colonum convenisset. Nam si convenisset, statim res illi esset obligata mea voluntate. Et ait Ulpianus quasi inter me, et colonum videri convenisse.

VI. Pro domino autem habentur tutores, itemque curatores, quibus in causis pupilli, et minorum res gerunt. *L. qui tutelam, D. de admin. tut.* Quo fit, ut tutor, quod lege refragante non fiat. (Nam legibus nec res immobiles, nec mobiles, quæ servando servari possunt, sine decreto alienari, obligari possunt.) *L. lex, quæ tutores, C. de adm. tut.* si in rem pupilli pecuniam accipiat (hoc enim modo pupilli rem gerit) rem pupilli utiliter det pignori. Idemque in curatore adolescentis, vel furiosi dicendum est. *L. tutor, D. de pig. actio.*

VII. Illi quidem domini hoc loco excipiendi sunt, quibus rem alienare non licet. In universum enim prohibita rei alienatione etiam pignoris datio prohibita intelligitur, quoniam ex hac re illud sequitur. *L. ult. C. de rebus alien. non alie.* Omnibus autem rerum alienatione interdictum est, qui in aliena potestate sunt, nisi eorum autoritas accesserit, quorum sunt in potestate. Ideo enim alii adhibentur, a quibus regantur, ut sicubi opus sit, illi fiant authores.

VIII. Cum jus ejusmodi sit, ut res ab eo,

cujus in bonis non est, sine domini aut ejus, qui pro domino habeatur, voluntate obligari non possit, perspicuum est, inutiliter obligari primum eas, quæ nullius in bonis sunt, cujus generis sunt sacræ, religiosæ, publicæ, liber homo. *L. 3. L. qui filios, C. quæ res pig. obl. poss.*

IX. Proximo loco, quæ in bonis quidem sunt, sed non in obligantis bonis, id est, alienas. Ac superioris quidem generis res sic inutiliter pignori dantur, ut\* quanvis res sacra, profana, aut publica, privata, aut ex libero servus factus sit, nihilo secius tamen convalescat pignus: quia de ea re pactio interposita sit, cujus rei commercium omnino non erat, *argum. L. inter, §. sacram, de ver. ob. §. 1. instit. de inut. stip.*

X. Quod autem ad res alienas attinet, sane quidem quandiu in eadem conditione sunt, non obligari eas constat. Sed quoniam non sunt res ejusmodi, quarum commercium nullum sit, ut de iis pacisci nullo modo liceat: hoc loco quæsitum est, si forte conditio mutata sit ut debitor alienæ rei dominus esse inciperet, an quia res in eam causam redit, a qua incipere poterat, confirmetur pignus, dandaque sit creditori ejus rei persecutio. De qua re non parva quæstio est. Nam si illud solum impediēbat, quo minus res vindicari posset, quod aliena pignori data erat, hoc jam impedimentum sublatum est. Quod si ad pignoris obligationem hæc solum requiruntur, ut et de pignore convenerit, et res, quæ datur, sit in bonis obligantis. Hæc omnia jam occurrunt, postquam dominium debitori quæsitum est. Rursum hæc impedire videntur: Primum, quod regula juris traditum est, quod ab initio non valuit, tractu temporis non convalescere. Deinde quod jus de Serviana actione ita constitutum est, ut rem oporteat in bonis ejus esse, qui eam obligat, si quidem recte constitutum pignus velimus. Diocletianus et Maximianus Imperatores sub *tit. si res aliena, L. quæ prædium. Quæ prædium*, ajunt, *in filios a se titulo donationis translatum creditori suo dat pignori, se magis pignoratitio contrario obligat judicio, quam quicquam dominis noceat, cum et Serviana actio declaret evidenter jure pignoris rem teneri non posse, nisi quæ obligantis in bonis fuerit.* Unde et Cajus testatur vulgo dici, *creditorem*, qui quasi Serviana agit, *probare debere cum conveniebat, rem in bonis debitoris fuisse.* *L. Et quæ nondum, §. 1. de pignor.*

XI. In hac re sic habendum est: Si res ali-

aliqua sub conditione detur, si debitoris facta sit, utiliter dari ad hoc, ut dominio debitori quæsito ex conditione creditori obligetur. *L. si fundus, §. aliena, de pig.* Hoc enim modo, qui rem obligat, non tam alienam obligat quam suam: quia hac conditione obligat, cum sua erit. Et omnino ut rem nostram stipulari non possumus, quia jam satis nostra est, eandem tamen sub conditione recte stipulamur. *L. si rem meam, de verb. obl.* Sic cum rem alienam pignori dare non possumus, quia nostra non est: eandem tamen sub conditione recta dabimus, si nostra erit, quia conditio in id tempus conferitur, quo nostra futura est. Quam ob causam conventio generalis in pignore rerum postea quæsitarum recepta est, ut ante diximus: quia in his rebus dandis hæc conditio inest, cum quæsitæ fuerint. Hinc etiam dicimus, et quæ nondum sunt futura tamen sunt, hypothecæ dari posse: puta, ut fructus pendentes, partus ancillæ, foetus pecorum, et ea quæ nascuntur, sint hypothecæ obligata. *L. et quæ nondum, D. de pignor.* In his enim dandis inest tempus, cum nata fuerint: *L. interdum, de verb. obl.* quod tempus cum incertum sit, conditionem habet. Idem dicemus, si res ei, qui pignus dabat fuit debita. *L. 1. in prin. de pig. L. 3. §. 1. inf. qui pot. in pig. hab.* Qui enim rem sibi debitam pignori dat, hoc animo dare intelligitur, ut tunc pignori sit cum ipsi data fuerit: ideo, quia sibi brevi acquisitum iri sperat. Sic ex spe, quam in ea jam constitutam debitor habet, animus ejus et conditio intelligitur.

XII. Si nihil horum erit, certum est, hoc jure posito, quod diximus, rem jure pignoris teneri non posse, nisi quæ obligantis in bonis fuit, re aliena pignori data ordinariam actionem, id est, directam quæ ex his verbis edicti proficiscatur, creditori non competere, quavis res illi postea quæsita fuerit. Idque aperte eorundem Imp. Diocletiani et Maximiani rescripto declaratur sub eodem titulo Codicis, *si aliena res.* Verba rescripti hæc sunt. *Cum res, quæ necdum in bonis debitoris est, pignori data ab eo, postea in bonis ejus esse incipiat, ordinariam quidem actionem non competere manifestum est, et quæ sequuntur.* Hoc sensu accipiendum est illud, quod vulgo traditum esse Cajus docet, *creditorem probare debere, cum conveniebat, rem in bonis debitoris fuisse, d. L. ea quæ, §. 1.* Cum directa, inquam, actione hypothecaria agit, intenditque sibi rem pignori obligatam esse, hoc probare debet. Hoc enim qui ipsa agit

dicere intelligitur, sibi rem ab eo pignori datam, qui jus dandi habebat, qui pignori rem datam intendit, itaque etiam probare debet.

XIII. Sed an utilis detur, videamus. Ex eodem illo rescripto Diocletiani et Maximiani additum est, *ordinariam quidem non competere, sed tamen æquitatem facere, ut facile utilis persecutio exemplo pignoratiæ actionis detur.* Ex quo rescripto hæc distinctio inducitur, ut si creditor ignoravit esse alienam, quæ pignori dabatur, dominio debitori postea quæsito utilis detur persecutio: sin scivit aliena esse, non detur. Quæ distinctio ex eo colligitur, quod ait rescriptum, exemplo pignoratiæ actionis utilem persecutionem dari. Cum enim res aliena pignori data est, creditori decepto adversus debitorem pignoratiæ contraria datur, ut quia ea res frustra obligata est, alia non minus idonea substituatur. Hæc autem actio ei, qui ignoravit alienam, competit. *L. tutor, §. 1. de pignor. act.* Hoc exemplo cum utilis persecutio in rem hoc casu detur eadem distinctione nimirum dabitur. Hoc sensit Papinianus videlicet cum ita scribit, *L. 1. in prin. D. de pig.* In speciem autem alienæ rei collata conventionem, id est, cum res aliena specialiter pignori data est, *si non fuerit ei, qui pignus dabat debita, postea debitori dominio quæsito, difficilius creditori, qui non ignoravit alienam, utilis actio dabitur, sed facilius erit creditori possidenti retentio.* Hoc dicit ei, qui ignoravit alienam, facile utilem persecutionem dari: ei vero, qui non ignoravit difficilius. Quod ait, *difficilius comparativus pro positivo positus est, augendæ difficultatis causa: ut sit difficile dabitur, id est, iudicio meo non dabitur.* Quam sententiam esse Papiniani in his verbis, atque hoc loco minus dubitavit, qui ejus aliud responsum legerit, cujus initium est, *Nonnunquam, sub titulo, de coll. bon. in quo ille a filio, post annum, quam delata est bonorum possessio, voluntariam moram cautionis admittere difficilius esse ait, cum hoc intelligere eum constet non esse admittendam.* Sic enim Jurisconsulti solent, cum de re non usque adeo explorata, et certa sententiam suam exprimere volunt, ut non certo, et asseveranter ita esse pronuntient, sed sententiam suam timide, ac veluti dubitantium more proponant, ut etiam si aliud aliis videri queat, tamen ipsi in hanc, aut illam partem inclinare se ostendant. Itaque Theophilus in *§. responsa, Instit. de Jure nat.* responsum dividi ait in sententiam, et opinionem, ut sit

sententia perfecta, et indubitata responsio: veluti hoc facere licet, hoc facere non licet: opinio vero sit suspensa, et timida, ac veluti cum dubitatione elata responsio: ut existimo hoc fieri licere, existimo hoc fieri non licere. De quo respondendi more, qui plura nosse volet, habet unde petat, in *lib. 2. anniversar. question. Francisci Duareni nostri caput 11. longe utilissimum.*

XIV. Quod si quis est, qui putet hæc verba: *difficilius creditori, qui non ignoravit alienam, utilis persecutio dabitur*, ita esse accipienda ut velit Papinianus difficile quidem, utilem actionem dari, sed tamen dari, licet ægre is hoc concedit utrique actionem dari, et creditori, qui ignoravit alienam, et ei, qui non ignoravit. Quod primum est contra sententiam Papiniani qui hos distinguit, deinde contra id, quod diserte eo rescripto continetur, cujus supra mentionem feci, quo actio in rem ad exemplum pignoratitiæ actionis datur. Nam quomodo ei creditori, qui non ignoravit alienam, utilis persecutio ad exemplum pignoratitiæ datur, cum ei pignoratitia contraria non detur? Jam hoc quem sensum habet, si modo hoc Papinianus diceret, difficilius quidem ei dari, sed tamen ei dari? Si nemine repugnante hæc actio datur ex sententia Papiniani, id est, ex jure ( Nam contra jus Papinianus non daret ) quomodo tandem difficile datur? Nisi forte hoc intelligit Papinianus, prætorem rogatum, ut det, recusare posse primo: sed illi instari debere, etsi institum fuerit, ad extremum illi debere concedere. Quod est ridiculum. Quod enim ex jure aliquando concedi debet, id statim concedendum est, non differendum, quia boni viri personam magistratus sustinet, cujus non est in munere publico jus, cui reddendo publice præest, sine causa denegare, aut si ex causa denegavit, id aliquando reddere. Necesse est enim, quod juste negaveris, si postea concedas, id te injuste concedere. Postremo ut cætera nos responsa, et rescripta in hac re deficiant, tamen facile hæc sententia auctoritate juris defenditur, certo, ut mihi quidem videtur, argumento. Facilius enim pignoratitia contraria actio creditori adversus debitorem datur, quam pignoris persecutio in re aliena nascitur. Nam debitor seipsum conventionem suam obligare potuit, ut quamvis res aliena esset, tamen ipse conventionem suam teneretur, rem alienam pignori obligare non potuit. Quod si fecisset, non tantum adversus se, sed etiam adversus quoscunque possessores actionem pignoris perse-

quendi constituisset. Plus est igitur actione in rem uti, quam pignoratitia. Id si est, cui dubium esse potest, cui pignoratitia in personam, quæ se obligare potuit sua voluntate, non datur, quin ei in rem actio non detur, quæ res non potuit obligari, præsertim cum in rem actio adversus possessores detur, in quos debitor nihil juris habet? Quapropter dubitari non debet, quin Papinianus, cum ait, *difficilius creditori, qui non ignoravit utilem actionem dari*, hoc sentiat, non facile dari, id est, omnino non dari, nisi quæ magna causa afferatur quæ suadeat esse dandam. Quod fieri potest, si nominatim id convenerit, aut appareat debitorem creditoremque id sensisse. Sed cum ea nulla sit in eo, qui nihil tale pactus est, et rem alienam non ignoravit, si nihil aliud proponatur, huic sane non dabitur.

XV. Habes juris minime, ut videtur, incerti distinctionem. Cui tamen adversari videtur responsum Pauli sub *tit. de pig. actio.* quod est ejusmodi: *Rem alienam mihi pignori dedisti, deinde dominus rei ejus esse cæpisti: datur utilis actio pignoratitia creditori.* Nihil hic Paulus distinxit, sciretne creditor alienam esse, an ignoraret, sine distinctione respondit, utilem esse dandam, si ejus rei debitor dominus esse cæpisset. Sed etsi hæc verba generalia sunt: tamen ex ea ratione, quam in extremo capite reddit, quem creditorem intelligat adversus debitorem esse tuendum, facile ostendit. Nam cum prius dixisset, potius hoc casu, cum res debitori quæsitæ est, quam cum dominus rei debitori successit, creditori actionem dari, mirum hoc videri non debere ad extremum ostendere conatus est hac ratione, quod cum dominus rei debitori successit, nihil est, quod ei objici possit, cur rem vindicari non patiat. *Sed si convenisset*, inquit, *de pignore ut ex suo mendacio arguatur, improbe resistit, quominus utilis actio moveatur.* Hæc ratio in eo debitore tantum locum habet, qui creditori rem alienam ignoranti dedit. Solus enim hic ex mendacio suo argui potest, qui adversarium ignorantem mendacio suo læsit, non his qui rem pignori dixit tanquam suam apud eum, qui id falsum esse scivit, ut de eo responsum est, qui se liti obtulit, quod se possessorem diceret esse, cum adversarius id non ignoraret, *L. qui se obtulit, de pet. hered.* Quamobrem etiam illius loci sententia cum hac distinctione convenit.

XVI. Sed sive utrique actionem utilem dixerimus dari, sive alteri tantum: tamen quominus in totum detur, regula juris videtur esse

esse impedimento qua efficitur, ut quod initio vitiosum est, tractu temporis non convalescat. *L. quod initio, de regul. jur.* hic res aliena ab initio pignori data est, non debet igitur ex post facto pignoris persecutio dari, quamvis res aliena debitori postea acquisita fuerit. Nec ad rem pertinet, quod impedimentum sublatum est, quo fiebat ne res pignori dari possit, ut quidam volunt. Nam regula juris eo pertinet, ut intelligatur, cum quid re aliqua prohibente initio non valuit, etiam si id impedimentum sublatum sit, non convalescere. Unde si rem nostram, aut publicam stipulati simus, quod fit inutiliter, quamvis ea res aliena, aut cum publica esset, privata facta sit, non tamen confirmatur stipulatio. *L. inter, §. sacram, de verb. oblig.* Ego puto eum, qui rem alienam ignoranti dedit, tacita quadam conventionione dedisse, ut tum pignori esset, cum debitoris facta esset, non item eum, qui scienti dedit. Et ideo illic ex conventionione pignus valere, non tempore convalescere, hic nullo modo. Neque tamen hæc interpretatio aperte ex verbis colligitur, ut quis dicat ordinariam hic actionem sine dubitatione dandam, sed ex jure interpretatio sumitur. Nam qui rem alienam ignoranti dat, obligat se pignoratitia contraria actione, ut id pignus præstet, unde et de eo convenisse intelligitur, actio enim hic in personam est, quæ ex conventionione nascitur. Non item autem obligat se is, qui rem alienam non ignoranti dedit. Neque vero novum est, in re obscura contrahentium ex jure sumi id, quod agi videtur. *L. 6. de solution.*

XVII. In casibus tamen in quibus diximus pignus non ita convalescere, ut creditori utilis persecutio detur, faciliorem fore ait Papinianus possidenti retentionem. Nam cum debitor pactus sit, ut ea res, quæcunque esset, dolo facere eum, ut et omnes, qui quid contra pactum petant, negari non possint. *L. 2. §. item queritur, D. de excep. doli.* Igitur doli mali exceptione opposita retinebitur. Verum hæc exceptio debitori tantum rem petenti nocebit. Si eadem res aliis creditoribus ab eodem debitore pignori data erit, iis etiam, rem vindicantibus non nocebit. De auctoris enim dolo exceptio successorii non nocet in causa non lucrativa. *L. apud Celsum, §. de auctoris, et §. auctoris, de doli excep.* Et ideo faciliorem ait fore possidenti exceptionem, quam actionem, ut intelligatur, exceptionem saltem adversus debitorem dari, cum actio non detur. Quod ipsum quoque argumento est,

ne adversus debitorem, quidem actionem in rem dari ei, qui alienam non ignoravit, ut antea ostendimus.

XVIII. Sed quod ait Papinianus et, qui non ignoravit alienam, dominio debitori postea quæsito rei obligatæ retentionem dari, contrarium videri potest, ei quod Modestinus sub hoc titulo scribit, ubi ita definit; *cum vitiose, vel inutiliter contractus pignoris intercedat, retentioni locum non esse, nec si bona creditoris ad fiscum pertineant. L. cum vitiose, D. h. tit.* Cum autem creditor alienam scivit, ibi vitiose contractum pignoris intercessisse ex eo priusquam manifestum est, quod nec dominio postea debitori quæsito, actio utilis creditori datur, ut diximus. Si dicemus, quod Bartolo videtur, ideo hic retentionem dari, quia vitium purgatum est ridebimur. Quasi vero cum quid vitiose contractum est, Modestinus intellexerit non esse retentioni locum, si vitium adhuc maneret, (quod monere stulti erat scriptoris, quia id nemo unquam aliter existimare posset) ac non potius id senserit, non esse in totum retentioni locum, etiam si impedimentum remotum esset; de quo ambigi potuit. Et sane sic regula juris est, ut quod ab initio non valuit, tempore non confirmetur, ne ad retentionem quidem. Intelligendum est igitur tum definitioni Modestini locum esse, cum plane vitiose et inutiliter de pignore convenit, sic, ut nullius momenti fuerit conventio. Finge cum mihi aut Titio promissum esset, debitorem Titio, cui nihil debetur, rem pignori dedisse. Finge rem sacram, aut religiosam, datam esse. Quamvis aut illic Titius mihi successerit, aut hic res sacra, profana, et debitoris esse cœperit, pignoris retentio creditori non dabitur, scilicet quia nec de re sacra convenire potuit, ut pignori esset, quod conventio contra bonos mores sit; nec convenire, ut ei res teneatur, cui nihil debetur, quia contra naturam sit, ut si accessio sine ea re, cujus accessio est. At cum res aliena est, etsi ea conventionione pignori dari non potest, tamen quominus id conveniat, ut quandiu pecunia debetur, ea apud creditorem sit, nec ipse illi controversiam faciat, nihil est impedimento, quia et creditori pecunia debetur, et de re aliena ita cavere, nihil prohibet. Hic enim debitor de seipso cavere intelligitur, ne si quid forte juris in ea re nactus sit, creditori controversiam faciat. Ita fit, ut persecutio creditori non detur, quia pignus non est, retentio vero possidenti detur propter conventionem.



XIX. Sed redeo ad actionem quæ re aliena pignori data creditori ex eventu interdum datur, quod tunc accidit, cum dominium debitori quæsitum est, saltem tunc cum creditor rem aliquam esse ignoravit. Quo posito ex re ipsa alia incidit quæstio, putemusne, idem dicendum esse, si rei dominus debitori hæres extiterit. Movet quæstionem rei similitudo. Ut enim cum dominium debitori quæsitum est, ideo actio creditori datur, quia debitor dominus rei esse cœpit: ita posteriore casu fit, ut idem dominus rei obligatæ, et debitor esse incipiat. Et Paulus respondit, hic non idem esse dicendum, quia non sufficiat ad competendam utilem actionem eundem esse dominum, qui pecuniam debet. *L. rem alienam, D. de pignor. act.* Nimirum tertium requiritur, ut dominus de pignore convenerat, dominus esse cœpit, posteriore non item. Decessor enim aliquando convenit, sed is dominus non fuit: heres, qui debitori successit, dominus quidem est, cæterum de pignore nihil pactus est, nec est, quod ei possit objici, qui ipse de re nihil convenit. Nec dices rei dominium debitoris heredem esse, hæredem porro in re sua factum decessoris sui approbare debere, cui successit, perinde ac si ipse convenisset, ut de re aliena vendita ab eo, cui dominus rei postea successit, rescriptum est. *L. cum a matre, C. de rei vend.* Non enim negari potest, quin in hac quoque specie hæres decessoris factum probare debeat: Cumque hoc nomine pignoratitia contraria teneri certum est, ut pignus confirmare cogatur eodem jure quo defunctus, qui et ipse eadem actione teneretur. Qui enim in jus dominiumque alterius succedunt, eodem jure uti debent. *L. qui in jus, de regu. jur.* Eodemque modo et in re a defuncto vendita hæres actione ex empto teneretur. Sed nego pignus per se convalescere, ut utilis persecutio creditori detur, quia nec ante pignus fuit. Absurdum est autem ex persona defuncti hæredem alio jure uti, quam quod apud decessorem valuerit.

XX. Hoc ego sensu non dubito, quin Modestini responsum accipiendum sit de hac specie, quod sub hoc titulo de pignoribus legitur in hæc verba: *L. si Titio. Si Titio, qui rem meam ignorante me creditori meo obligaverat, hæres extitero, ex post facto*

*pignus directo quidem non convalescit, sed utilis pignoratitia dabitur creditori.* Pignoratitiæ utilis verbo pignoratitiæ contrariam intelligit quæ adversus hæredem dabitur, ut rem, cujus dominus est, pignori nunc det, quæ jam olim ab ejus decessore obligata est. Nunc enim potest. Quod, si facit (hoc vero cogitur, nisi malit eo nomine condemnari) alia via consequitur creditor, ut pignus habeat, quod directo non convaluit. Cur sic eum accipere putem, non autem utilem actionem in rem intelligere, hæc sunt, quæ me movent. Primum quod Paulus, cujus sententiam supra retulimus, negat omnem persecutionem pignoris etiam quæ ex æquo et bono utilitatis causa datur, hoc casu competere. De ea enim loquitur, cum ait, si debitor dominus esse cœperit, utilem pignoratitiæ creditori dari. Nam aliam hoc casu non competere constat. *L. cum rei, C. si aliena res.* Ratio Pauli præterea, qua ille in illo capite superiore utitur, quæ ne id in hac specie respondeamus, suadet. Postremo ipsa adeo responsi Modestini verba, quæ aliter accipi posse non videntur. Ait enim Modestinus, ex post facto pignus directo non convalescere, quod nihil aliud est, nisi in rem actionem de pignore nullam dari, ne utilem quidem. Aliud est enim directam actionem dari de pignore, aliud pignus directo convalescere. Quæcunque actio in rem dabitur, quanvis utilis pignus directo convalescit. Directo enim ea valent, quæ per se ipsa valent jure, neque in eo aliena hominis opera, et facto indigent. Non directo, quæ ut sint, ab aliis accipiunt, ut puta libertas directo datur, cum testator non ab alio servum manumitti rogat, sed velut ex suo testamento libertatem ei competere vult. Cum vero jubetur sic liber esse, ut libertatem ab hærede accipiat, dicitur dari non directo, *§. ul. inst. de sing. reb. per fideicom. reli.* Sic in pignore si creditor pignus vindicare poterit, quanvis invito hærede, quæcunque illi actio in id dabitur, quanvis non directa sed utilis, pignus tamen directo convalescet, quia recta id petetur, neque expectabitur, ut prius ab hærede pignus imponatur. Quod si ab hærede prius id accipietur, quam ad rem actio in personam contraria competit, tunc demum incipiet vere dici non directo pignus convalescere, quod nunc quærimus.

## C A P. VIII.

An in omnibus rebus, quæ in bonis sunt, pignoris obligatio consistat.

*Res omnes pignori obligari quæ sunt in bonis, et quæ ita esse intelligantur. I.*

*Illarum genera quatuor, et quæ. II. III. IV.*

*A superiori definitione quæ excipiantur. V. VI. VII. IX.*

*Explicatur I. C. Pauli locus in L. sed an viæ 12. D. de pign. et hypoth. VIII.*

*Ut res aliqua recte sit data pignori, sufficit*

*eam fuisse in bonis cum de pignore conveniebat. X.*

*Interpretatio L. si superatus 3. D. de pign. et hypothec. XI.*

*Cujus rei commercium non est, nec pignus esse. XII.*

*Exponitur L. in quorum 24. D. de pignor. et hypoth. XIII.*

I. **R**Em, quæ in bonis nostris non esset, pignori non posse obligari, diximus. An omnes, quæ in bonis sunt, obligari possint, videndum est. Et receptum est, ut omnes possint, neque exigitur, ut in dominio nostro sint. Scilicet ut quantum quisque juris in re quaque obtinenda habet, tantum in alium recte transferat. Nam et eadem recte vendi possunt. *L. sed et Celsus, D. de contrahend. empt.* Unde hæc quoque regula de iis rebus, quæ pignori dari possunt, tradita est. Quod emptionem venditionemque recipit, etiam pignorationem posse recipere. *L. 9. hic, de pignor.* Res in bonis intelligimur habere, quoties possidentes exceptionem, aut amittentes ad recuperandas eas actionem habemus. *L. rem in bonis, de acquir. rer. domi.*

II. Earum plura sunt genera, quæ singula pignori dari posse specialiter suis titulis in Codice traditum est. Primum genus est earum rerum, quæ vere dominii nostri sunt, de quibus transferendis nemo dubitat. Alterum est earum, quarum quasi domini sumus, et de quibus nobis tanquam dominis Prætor accommodat actionem. Quo in genere sunt vectigalia prædia, et superficiaria, de quibus in Titulo, *si ager vectigalis, vel emphyteuticarius petatur*, et tit. *de superficiebus*. Item quæ bona fide a non domino emimus, vel ex alia iusta causa tradita accepimus; de quibus Publiciana in rem competit. *§. sed isto, Inst. de act.* Ergo et vectigale prædium pignori dari potest, et superficialium, sic tamen, ut quoniam tamdiu a-

ctiones utiles de iis competunt, quamdiu vectigal solarium, quod pro iis debetur domino solvatur, potior sit causa domini soli si non solvatur ei solarium. *L. tutor, §. ult. cum L. seq. de pignor. act. L. grege, §. et in superficiariis, L. lex vectigali, de pig. L. etiam, infra qui port. in pig.* Eodem modo si ab eo, qui Publiciana uti potuit, quia dominium non habuit, pignori rem accipi, sic tuebitur me per Servianam Prætor, quemadmodum debitorem per Publicianam. *L. si ab eo, D. de pignor.*

III. Tertium est genus earum, quarum neque domini sumus, neque quasi domini cujus generis sunt; quæ pignori sunt obligatæ; utpote quarum nomine actionem in rem habemus edicto Prætoris comparatam, et tamen a nobis quolibet nomine debitoris nobis pecuniam solvente, avocari possunt. Inde rem quoque pignoratam pignori dari posse placuit, ut quandiu pignus in persona ejus, cui primo datum est, perseverat, tandiu pignus secundo creditori teneatur, et tam exceptio, quam actio utilis ei detur; quia primo hæc omnia tribuerentur, qui jus suum in secundum recte transfert: modo nequid amplius. Proinde si dominus is, qui pignori rem primo dedit, secundo creditori solverit, eveniet eodem tempore, ut pignus ab utroque creditore liberetur. A secundo, quia ei satisfactum est. A primo, quia voluntate ejus, et nomine secundo satisfactum est, nihilque interest, utrum creditori solutum sit, an alii voluntate ejus. Hæc Martianus ad formulam hypothecariam scribit in *L. grege, §.*

§. cum pignori, D. de pignor. De quo etiam extat Titulus in C. si pignus pignori datum sit. Sed quoniam secundo creditor solvi posse Martianus dixerat, quo fieret, ut pignus prius liberaretur; per occasionem eodem in loco tractat, si forte nummi secundo illi soluti sint, quo jure ii apud eum futuri sint, an ut illius fiant, et sicut debitor in totum liberetur ab utroque, an vero ut sint apud eum tantum pignoris loco, in prius pignus videlicet suffecti. Hoc est enim, quod quaerit illis verbis. *Sed potest dubitari, nunquid creditori nummorum solutorum nomine, utilis actio danda sit.* Creditorem intelligit secundum. Nam de eo loquitur, cui pignus pignori datum est, qui secundus est creditor. Utilem actionem vero hypothecariam, ut prius; *tam exceptio, quam utilis actio ei danda est.* Nam utilem in personam adversus debitorem dicere ad pecuniam exigendam non convenit; illa enim de nummis nondum solutis competit: Martianus autem de nummis jam solutis agit, nisi forte solutorum interpretamur, ut Accursius, id est, solvendorum. In quo id agere videtur, ut nos rideat, qui quod praeteriit, de eo, quod futurum est, interpretatur. Hoc igitur, ut dixi, quaerit per occasionem Jurisconsultus, cum nummi soluti erunt, an illi pignoris tantum loco apud creditorem erunt; ut illi hypothecaria tantum detur, non vindicatio, tanquam domino? Et cur id dubitari possit statim subjungit: *Quid enim, inquit, si res soluta fuerit?* quasi diceret; non sine causa id dubitari potest nummis solutis. Nam si res, id est, species, ut postea explicat, soluta esset, ea non creditoris efficeretur, sed apud eum pignoris loco esset potius. Et cum eadem omnino quaestio esset, cum nomen debitoris pignori secundo creditori datum est, et primus debitor secundo creditori solvit: extaret autem Pomponii in nomine pignori dato distinctio: Martianus Pomponii distinctionem in eo genere subjecit, ut quod illic dictum erat a Pomponio, hic responsum intelligeretur, ubi eadem solutio est, quae a primo debitore in secundum creditorem confertur. Ait igitur: *Siquidem pecuniam debet is, cujus nomen pignori datum est, exacta ea creditorem secundum intellige, secum pensaturum.* Unde intelligitur, quod de nummis solutis quaesitum est, utilem actionem Servianam eorum nomine non dari, tanquam de pignore, sed nummos ejus fieri sic, ut eos jam cum suo debitore, eodemque creditore compensare debeat. Si vero corpus is de-

buerit, cujus nomen, aut pignus pignori datum est, et solverit, pignoris, loco futurum apud secundum creditorem. Unde intelligitur utilem ei actionem hoc casu dandam.

IV. Postremum bonorum genus est earum rerum, quae sunt in actionibus, persequutionibus, id est, nomina debitorum nostrorum. Quare et nomen quoque pignori dari posse, receptum est, non ut is, cui datum erit, utili Serviana quicquam vindicare possit, quia in nomine nihil hujusmodi est: sed ut iisdem actionibus utilibus utatur adversus debitorem, quibus experiretur suo nomine is, qui nomen pignori dedit. Sic praetor et creditorem in exigenda pecunia, et debitorem adversus eum, qui nomen pignori dedit, tuebitur. Quod si quid secundo creditori solutum erit, quo jure id apud eum futurum sit, jam dictum est: *L. si convenerit, D. de pign. act. L. nomen, C. quae res pig. obl. poss.*

V. Quaedam tamen res vel natura, vel juris ratione excipiuntur, quod minus pignori esse possint. Ac de servitutibus, juris alioqui nostri rebus, et quarum nomine actiones in rem nobis competunt, an pignori dari possent; quaesitum est. Nam sive personales sint, ut usus, et usufructus, personae cohaerent, et una cum ea extinguuntur; sive praediorum a praediis separari non possunt, quibus cohaerent, ut pignori dari posse non videantur, etsi in bonis sint. De servitutibus personarum sic habendum est, usumfructum pignori dari posse, quia et vendi ab eo potest, qui usumfructum habet. Ita quantum vendendo in alium transferre potest, tantum in creditorem recte transferet. Usum nullo modo. Quia personae cohaeret; nec vendi, aut cedi potest, ut nec pignori in alium transferri possit. *L. si is qui, §. usufructus, D. de pig.* De servitutibus urbanorum quidem praediorum extat ex Martiano in *L. si is qui, §. ult. hoc tit. de pignor.* jura haec pignori dari non posse; igitur nec convenire posse, ut hypothecae sint.

VI. De servitutibus rusticorum inde dubitatur. Et plerique omnes putant, dari posse pignori, ideo, quod Martianus non generaliter de omnibus dixerit, sed de praediorum urbanorum servitutibus nominatim: unde conjectura duci potest; aliud eum de rusticis sensisse. Ad cujus rei confirmationem huc accedit, quod e vestigio de servitutibus rusticorum praediorum per adversativam ex Paulo subjungitur, quaeriturque, an his pignoris conventio locum habeat. Et ait Paulus, conventionem propter utilitatem tuendam

esse. Quod non diceretur eodem loco per adversativam præsertim, nisi adversum jus in utroque intelligere Jurisconsulti voluissent.

VII. Sed Francisco Duareno nostro aliud videtur in libro secundo *Anniversar. quæstion. n. 13*. Huic enim placet, ne servitutes quidem rusticorum prædiorum pignori dari posse, non magis, quam urbanorum. Quæ sententia mihi verissima videtur. Nam quæcunque servitus prædii est, ea prædio cohæret, nec potest, quandiu prædium apud debitorem manet, servitus in alium transferri, ut ea utatur, quia non personæ est, sed prædii; et prædii non cujuslibet, sed prædii debitoris, a quo ipsa separari non potest. *L. via, L. unus, D. de servit. rustic. præd.* Quo fit, ut debitor alii vicino eam vendere non possit, nisi una quoque prædium suum distrahat. Quam venditionem si prætor non tuetur, ne pignorationem quidem tuebitur, quia ex res recte oppignerantur, quæ et vendi possunt, *L. 9. D. de pig.* vel quod in alium transferantur res per obligationem pignoris, vel quod pignus ita detur, ut distrahere liceat. Postremo servitus creditori sit inutilis: quippe quæ non ipsi possit deberi, non enim personæ servitus est, neque ejus prædio, quia alii prædio cohæret, a quo invito domino fundi servientis in alium transferri non potest.

VIII. Quod autem Paulus in capite sequenti tractat de servitutibus rusticis; recte hoc mihi videtur ab illo, et acute animadversum esse, non hoc quærere Paulum, an hæ quoque pignori dari possint, ut ita eas ab urbanis separet; sed illud, an dominus in suo servitutem constituere possit creditori pignoris loco, ut ea creditor utatur, quandiu pecunia soluta non sit. Id vero dominum facere posse Paulus ait, non ut jure ipso valeat servitus, quia ipso jure ad tempus constitui non potest: sed propter utilitatem contrahentium. Ac de domino fundi, eum loqui, qui temporis causa in suo servitutem imponat, indicant illa verba, quibus convenire posse ait: *ut iis servitutibus creditor utatur, scilicet si vicinum prædium habeat, et si intra diem certum pecunia soluta non sit, vendere eas vicino liceat*. Hæc enim pactio de servitute, quæ nobis in alieno debetur, recipi non potest. Semper enim dominus fundi servientis recte negabit se creditori aut ei, cui creditor vendiderit, servitutem debere, nec quisquam, cui servitus debetur, servientis fundi causam deteriorem facere potest. *L. servitutes, §. ult. de ser. ur. præd.* Adversativa autem, qua

Paulus utitur, non eo pertinet ut, prædiorum urbanorum servitutes a rusticis separentur; sed ut doceamur, ipsa quidem jura, quæ in alienis prædiis nobis debentur, pignori dari non posse. Cæterum in nostro ea constitui posse pignoris loco, non tantum ut creditor, qui vicinum prædium habet, ea servitute utatur: sed etiam ut alii, qui vicinum prædium habebit, voluntate nostra eam servitutem vendat, nobisque vel invitis imponat in perpetuum. Ita cum in personis servitutem oppignerantibus, non in generibus servitutum hoc loco distinctio posita sit: dicendum est, quicquid vel apud Martianum, vel apud Paulum in his fragmentis sub appellatione servitutum vel urbanarum, vel rusticarum affirmatur, exempli causa de iis servitutibus dictum esse, ut in constituentibus differentia esset, non in genere servitutis.

IX. Ergo suprascriptæ res pignori non dantur, quia sua natura non possunt. Hæ certis de causis pignori non subjiciuntur ex constitutionibus. Nam Imperatorum Constantini, item Honorii, et Theodosii constitutionibus vetantur executores a quocunque iudice dati ad exigenda debita in causam judicati servos aratores, boves, aut instrumentum aratorium, et in universum, quod ad culturam agri pertinet, capere, ne tributorum illatio retardetur. *L. executores, L. penul. cum auth. sequ. C. quæ res pig. obl. poss.* Quæ constitutiones, quo minus hæ res voluntate ipsorum dominorum obligentur, non sunt impedimento. Spem item eorum præmiorum, quæ pro coronis athletis pensitanda olim fuerunt, ne privata quidem pactione pignorari potuisse, Alexandri rescripto cautum est. *L. Spem eorum, C. quæ res pig. obl. pos.* Credo, ne adempta spe iis præmiis potiundi, quæ jam multo ante obligata essent, et ad illum post reditura, athletis virtus, et alacritas remitteretur ad animose, et fortiter certandum, quæ præcipue præmiis propositis accenditur. Nota sunt autem celebratissima illa quatuor certamina sacra apud Græcos Olympia, Pythia, Istmia, et Memæa, in quibus athletæ, qui vicissent, coronis donabantur, honoris ergo, et pro coronis etiam præmia publice erant proposita, de quibus Alexander sentit. De athletis, deque variis ludicrorum, et certaminum generibus: item qui honores victoribus olim haberentur, pulcherri-  
me, et fusissime scripsit Budæus in annotationibus prioribus ad Pandectas. Licebit hodie idem dicamus de omni spe eorum præmiorum, quæcunque publice ob victoriam in  
omni

omni certamine virtutis caussa proposita erunt vincentibus. Commoda tamen ipsa, quæ jam eo nomine præstantur, pignori capi posse tradidit Papinianus: cujus extat responsum de hac re sub *tit. de re jud.* in hæc verba; *Commodis præmiorum, quæ propter coronas sacras præstantur, condemnato placuit interdici, et eam pecuniam jure pignoris in causam indicati capi.* Hæc præmia intelligit, quæ athletic præstantur pro coronis. Sacras enim coronas vocat, quæ in certaminibus illis sacris donarentur. Unde et qui in illis vicerent, hieronica dicebantur.

X. Quibus expositis apparet rem, quæ in bonis obligantis non fuerit, hypothecaria actione non teneri, et quæ recte data est, sic peti posse, ut sufficiat, rem in bonis ejus fuisse, cum conveniebat, id est, cum pignus contrahebatur; idque probari satis est. *d. L. et quæ nondum, §. 1.*

XI. Ad quod illustrandum in primis conducet exemplum Papiniani, quo ille in utramque partem utitur in *C. 3 hoc tit. de pig.* Ponit enim principio debitorem pignori rem dedisse, deinde cum eam postea amissam vindicaret, vel actione de singulis rebus, vel petitione hæreditatis, victum esse. Quæritur, an creditor actione Serviana adhuc experiri possit. Movet, quod pronuntiatum est, rem debitoris in bonis non esse. Ille posse experiri creditorem respondit. Satis enim esse si probet rem in bonis debitoris fuisse, quo tempore pignus contrahebatur. Nam quod condemnatus est, postea secutum est. Nec obstat, quod pronuntiatum est, rem retro quoque in bonis debitoris non fuisse. Res enim inter alios judicatæ aliis non nocent. *L. 1. de excep. rei jud.* Præterquam in iis rebus, quæ ex præjudiciis pendent, ut legatis, cum de hæreditate contra hæredem testamento scriptum pronuntiatum est. Legata enim ex testamento pendent. At fieri potest, ut res debitoris fuerit, de qua petitione hæreditatis actum est; lis tamen non fuerit recte instituta, cum suam vindicare deberet, quam sibi jure hæreditario, tamquam testatoris foret, vindicabat. Fingit deinde e converso, debitorem per injuriam victum rem, quam petierat, pignori dedisse. Quæstionis est, an hic quoque creditor possit Serviana experiri, probans rem in bonis debitoris esse, cum per injuriam victus esset; quia non videatur exceptio rei judicatæ hic magis creditori nocere, quam in superiore specie debuisse. Et ait hoc casu Servianam creditori non esse dandam: scilicet quia verum sit rem, tum in bonis debitoris non fuisse, cum pignus contrahebatur. Est enim res in bonis, ad quam recuperandam

actionem habemus; hanc autem amisit, qui judicio victus est. Rem enim si vindicet a possessore, summovebitur rei judicatæ exceptione, etiam si injuria victus sit. Nihil autem interest, ipso jure quis actionem non habeat, an eam habeat, quæ per exceptionem infirmetur. *L. nihil interest, D. de regul. jur.* Ita utriusque partis regulæ illius superioris exempla hæc sunt.

XII. Jam vero cum eæ res vendi possint, quæ in bonis cujusvis sunt. ( Nam et superficialia prædia, et vectigalia, et pignus, et actiones, aut nomina vendi posse constat ) contraque nihil eorum vendi possit, quod in bonis non est: *L. sed et Celsus, D. de contrah. em.* et recte definitum est, quæ res emptionem, venditionemque recipit, pignorationem quoque recipere, et contra. *L. 9. de pign.* Inde placuit, quam rem quis emere non posset ob id quia commercium ejus rei non est, nec jure pignoris eum accipere posse. *L. 1. §. eam rem, infr. quæ res pig. obl.* Quod non est contrarium ei, quod sub titulo de pignoribus Modestinus definit *cap. 24. In quorum finibus emere quis prohibetur, pignus accipere non prohiberi.*

XIII. Aliud est enim, commercium alicui interdictum esse: aliud, rem emere prohiberi: exempli gratia, qui officii caussa in provincia agunt vel militant, prædia comparare in eadem provincia prohibentur. *L. qui officiis, L. non licet, D. de cont. empt.* Idem si cum alio contraxerint, pignus recte accipient, et distrahent, quia non emit, qui vendit. Hi autem emere tantum prohibentur. Sed nec legis sententia offenditur. Ideo enim prohibentur Præsides, et milites, et cæteri ejusmodi in provinciis emere, ne rem acquirant: quod nisi prohiberentur, facile res omnes per concussionem, vel propter potentiam, vel gratiam ad se advocarent. Adversus quod periculum lege prospectum est. Hæc ratio in eo, qui vendit nulla est. Tantum enim abest, ut qui vendit acquirat, ut vendendo, etiam quod habet, alienet. Cum autem commercium interdictum est, utraque re interdicatur et emptione, et venditione. Commercium enim non tantum in emendo est, sed etiam in distrahendo. Et ut. Ulpianus in fragmentis institutionum, titulo, *De dominiis* definit, *Commercium est, emendi, vendendique invicem jus.* Sic fit, ut pignori quoque accipere interdicatur, quia pignus sic accipitur, ut distrahere liceat. Sed quomodo pignus obligetur, et a quibus, satis dictum est. Sequitur, ut quod jus sit in pignore constituto creditori dicendum sit.



## C A P. IX.

## De jure creditoris in pignore et de actione hypothecaria, seu Serviana.

*Jus creditoris in pignore duplex: et quale utrumque. I.*

*Ad illud obtinendum actio in rem comparata est creditori: cujus appellatio multiplex. II.*

*Adversus quos illa detur; et cujus rei gratia: et quibus modis eo perveniat. III.*

*Qui hac actione tenetur, nisi restituat, tanti damnatur, quanti in litem juretur. IV.*

*Lis tanti vero aestimatur adversus extraneum possessorem dumtaxat, non adversus debitorem; quæ discriminis ratio. V.*

*Pignore distracto non extinguitur pignoris persecutio; alibi de hoc auctor. VI.*

I. **J**US creditoris, ut initio dixi, in pignore duplex est. Unum maxime pignorum proprium, rem tenere, eique incumbere licere, donec pecunia debebitur. Alterum distrahere etiam licere, si creditori ad jus suum consequendum, ita faciendum videatur. De possessione pignoris, sic ea creditori datur, ut fructus etiam suo jure percipiat, non illos quidem ut lucretur, sed quos deinde in sortem sibi compenset. Quin etiam judicio pignoratitio percipere eos cogitur ex fide bona, ne res apud eum otiosa et sine fructu maneat, et debitori vacet. L. 2. C. de pig. act. Proinde et prædia sibi obligata ex causa pignoris recte locabit. L. creditor hic de pig.

II. Ad id, ut dixi obtinendum, et rem possidenti exceptio datur, et nec possidenti ad eam persequendam actio. De exceptione nulla dubitatio est, si quidem ei actio datur. Nam cui damus actionem, eidem exceptionem competere multo magis quis dixerit. L. 1. de superfi. De actione videamus. Pignoris persequendi causa actio in rem est, non in personam tantum debitoris. L. pignoris, C. eod. Hæc primum de rebus coloni, quas pro mercedibus fundi pignori futuras pactum esset, proposita est edicto, et prætor Servio Serviana est appellata, ut a Publicio Publiciana. §. item Serviana, §. sed ista quidem, instit. de act. Post deinde ad exemplum earum rerum de cæteris quoque rebus, quæ pignori datæ essent, actio reddi coepit, quæ ex eo quasi Serviana dicta est. d. §. item Serviana. Indeque etiam factum est, ut utilis Serviana appellaretur. L. lege, Tom. VI.

§. cum prædium, D. de pignor. Sic et de superficie in rem actio cum rei vindicatione collata, quæ jure civili proponitur, et quasi in rem dicitur, et utilis ab Ulpiano in L. 1. §. 1. et §. is autem, D. de superfic. Abusive ac etiam Serviana absoluta interdum nominatur. in L. 3. L. si inter, §. 1. D. de pignor. Atque hæc ab auctoribus nomina sunt. Ex re vero quæ petitur, hæc omnis de pignore actio hypothecaria appellatur, ab hypotheca, quæ proprie tunc dici intelligitur, cum possessio non est apud creditorem. Porro ea demum vindicatur, quæ apud alium est. Pignoratitia vero proprie dicitur in personam actio, qua debitor adversus creditorem utitur de pignore repetendo, pecunia soluta. Verum et hoc nomine quandoque hypothecaria significatur, a pignore, quod in jure obligationis ab hypotheca nihil differre diximus. Sicque accipitur in his locis. L. rem alienam, D. de pig. act. L. 3. §. est autem, D. ad exhib. L. communi, §. inter, D. communi divid. L. duobus, L. pen. de excep. rei jud.

III. Cum sit igitur in rem actio de pignore persequendo, nimirum adversus omnes dabitur, qui rem tenebunt, possidebuntve, aut dolo malo desierunt possidere, ut id restituant. Hoc enim est, in rem, rem sequi, ejusque rei possessorem. Idque omnium in rem actionum commune est. L. si fundus, §. in vindicatione, D. de pig. L. officium, D. de rei vendic. L. actionum, D. de obli. et act. Finis actionis, atque intentio omnium in rem actionum propria, ut dum pignori obligatam constabit, res petitori restituatur. Idque

Idque ut fiat, iudex primum arbitratur. Alterutro igitur modo is, unde petitur, absolvetur, si aut rem restituet aut petitori pecuniam solvet. Rem quidem restituendo, quia arbitrio iudicis satisfecit, pecuniam solvendo (quod quisque pro debitore ignorante, et invito potest facere) quia pecunia soluta nullum amplius pignus est, eoque liberato inutilis hypothecaria creditori relinquitur.

IV. Si neutrum faciet, id est, si arbitrio iudicis non parebit, sequitur condemnatio horum iudiciorum propria ex arbitrio iudicis pendens, ut si quidem dolo malo fecit reus, quo minus rem restitueret, tanti damnetur, quanti in litem juratum est; sin culpa rei possessionem amisit, quanti petitoris interest. *L. si fundus, §. in vendicatione, D. de pignor. d. L. qui restituere, D. de rei vend.* Unde et actiones arbitrarias has esse constat, in quibus ex arbitrio iudicis, et jussu condemnationis, aut absolutio pendet. *§. præterea, Insti. de action.*

V. Sed quod dixi si res pignorat non restituatur, litem tanti æstimandam esse adversus possessorem, quanti in litem juratum est; non adversus quemvis possessorem accipiendum est, sed adversus extraneum tantum, qui nihil quæri potest si plus creditori præstet, quam ei debeatur: quia quod amplius debito creditor fuerit consequutus, debitori restituere debet pignoratitia actione, omninoque ei bonam fidem præstare debet, ut eadem in debitoris causa faciat, quæ ille faceret in sua. Adversus debitorem autem non pluris, quam debet, quia non pluris interest, vel hoc nomine, quod nemo est alius, quam debitor, cui creditor teneatur, si ipse amplius fuerit consequutus. *L. inter, §. ult.*

*de pig.* Adeoque in debitore id verum est, ut Martianus scribat, *L. si fundus, §. si pluris, D. de pig. Si pluris condemnatus sit debitor non restituendo pignus, quam computatio sortis, et usurarum faciebat, nec provocaverit, si tantum solvat, quantum debet, exonerari hypothecam non subtili id quidem, et stricto jure. Semel enim causa transire cæpit ad condemnationem*, inquit, et creditori pecunia ex causa iudicati deberi. Secundum regulas autem juris ita quisque liberatur, si quod debet, solverit in prin. *tit. qui mo. toll. oblig.* Sed benigna, nec malitiosa juris interpretatione. Nam creditori solvendo, quod debetur, natura contingit, ut accessio quoque liberetur, *L. in omnibus de solu.* qua liberata nihil jam creditoris interest, omninoque ei omnis actio jure est extincta.

VI. Ex hoc jure apparet nec distractis alienatisve rebus pignori obligatis extinguere pignoris persecutionem. Alioqui diceremus actionem tantum de pignore adversus debitorem esse, non in rem, si ea alienata possessorem convenire non liceret. Non nocet quod dominium in alium translatum est: Neque enim in hac re aut ulla alia debitor creditoris conditionem facere potuit deteriore. Ex quo semper accidit, ut res cum sua causa alienetur. *L. distractis, L. debitorem, C. de pi. L. alienatio, de cont. emp.* Sed alius nobis propositus est ad explicandum locus, quomodo pignus amittatur. Itaque cum hic locus ad eam rationem pertineat, ut quæretur, an hoc modo pignus amittatur, satius est rem hanc in illud tempus differamus. De jure distrahendi pignoris videamus.

CAP.



## C A P. X.

## De distractione pignorum.

*Ordo et partitio rerum. I.*

*Creditor pignoris distrahendi jus habet; modo ne quid contra convenerit. II.*

*Immo si et contra convenerit modo ter ante denuntiaverit debitori creditor: et quæ hujus rei ratio. III. V.*

*Et quod triplicis ejus denuntiationis intervallum. IV.*

*Quid juri distrahendi pignoris consequens. VI. Pignus distrahi statim potest, nisi aliter convenerit. VII.*

*Hoc jus non est a Justiniano immutatum: qui Justinianæ constitutionis germanis sensus. VIII.*

*Quæ forma in pignore distrahendo servanda creditori. IX.*

*Valet distractio nihilominus et illa prætermissa. X.*

*Quid hæc distractio transferat in Emptorem. XI.*

*Pignus a creditore distractum non avocatur ab emptore solutione debitoris. XII.*

*Nisi tamen ita convenerit ut creditori, vel et ipsi debitori liceat pecunia red-dita pignus recuperare. XIII.*

*Etiam cum nihil de eo convenit, jure cogi nonnullos pignus reddere debitori oblata his depensa pecunia; et qui sint. XIV.*

*Creditor pignore distracto quid præstare debeat emptori: Hoc qua distinctione temperetur. XV.*

*Quidquid occasione pignoris pervenit ad creditorem, aut per eum stetit quominus perveniret, hoc idem proficit ad liberationem debitoris. XVI.*

**I.** **D**E distractione pignoris duplex est quæstio. Prior illa, an creditor jure suo pignus possit distrahere, et si potest, quando possit, quave forma observata. Altera de venditione, quam vim habeat. In qua hæc quærentur, primum de emptore, quid in eum ille transferat, tum de creditore, quatenus ea venditione obligetur, postremo de debitore, quatenus ea re liberetur.

**II.** De jure creditoris in distrahendo pignore, sic statuatur, jure suo illum pignus distrahere, sive convenerit, ut id facere liceret, sive non convenerit, modo ne quid contra convenerit, ne distrahere liceret. Et hoc est, quod in edicto Prætor pollicetur se venditionem pignoris servaturum, quoad ejus contra legem pignoris non fiat, id est, modo ne quid lex pignoris refragetur. *L. 4. de pign. act. L. si cessante, C. de distrac. pign.*

**III.** Quinetiam si convenerit, ne distrahere liceret, hoc Ulpianus scribit, statim quidem vendere non licere, sed tamen si ter denuntiatum sit debitori, ut solvat et cessaverit, ad extremum licere. *d. L. 4. de pign. act.* Ter denuntiatum sic accipimus, non ut eodem tempore ter ita dicatur debitori, solve, solve, solve. (Nam hoc nihil ab una denuntiatione differt, et plusquam veterarium

*Tom. VI.*

est, tres denuntiationes verbis exigere, quæ re ipsa nihil amplius commodi afferant reo ad conquirendam pecuniam, quam una,) sed ita ut inter singulas denuntiationes aliquod intervallum intercedat.

**IV.** Et plerique omnes probant inter unam quamque unum diem intercedere debere, quia observant absentem reum in causa criminis, pro quo absente nemo excusationes adfert, per triduum esse citandum ante, quam damnetur. *L. inter, de pub. jud.* Quod quid ad rem pertineat, non video. Nam si illius loci argumento uti voluerunt, ut probarent in debitore idem faciendum esse ante, quam pignus distrahere liceret, adjicere debuerunt, etiam debitorem per singulos dies ter citandum esse. Nam hoc in citando reo etiam requiritur. *d. L. inter.* Sed profecto ordo judicii criminalis et celeritas conficiendæ rei cum officio privati creditoris in debitore admonendo nihil conjunctum aut commune habet. Aliquid dicerent, si docerent alicubi lege esse constitutum reum absentem ter citandum esse, deinde ostenderent ad interpretationem eorum verborum legis hoc subiectum esse, ter citatum accipere nos debere per triduum. Sed nihil tale reperient. Ego probabiliter dici posse existimo, ita ter esse

denuntiandum, ut per intervallum denuntietur non minus, quam decem dierum, atque ita post triginta demum dies creditori pignus vendere liceat. Quod multis locis consentaneum reperietur, in quibus cum de exigenda pecunia, conveniendoque debitore agitur, non statim, sed post aliquod tempus, neque tempus lege aut edicto adiicitur, decem dierum spatium, ut minimum requiritur. Nam cum in edicto de pecunia constituta Prætor polliceretur actionem, si is, qui constituit, non solvisset, sed post aliquod saltem modicum tempus, hoc Ulpianus sic interpretatus est, non minus quam decem dierum. *L. promissor, §. si sine, D. de const. pec.* Sic cum in causa civili reus absens tribus edictis, id est, denuntiationibus, de quibus hoc loco agitur, lege vocandus esset, idem Ulpianus tria edicta sic accepit, ut interponi deberent per intervallum non minus decem dierum. *L. ad peremptorium, et L. seq. de judic.* Congruit præterea hæc sententia legi duodecim Tabularum. Ea enim lege æris confessis, ac debiti judicatis triginta dies dati fuerunt conquirendæ pecuniæ causa, quam dissolverent, ut testis est Aulus Gellius *lib. 20. c. 1.* quos dies decem viri iustos appellarunt: post quod tempus res debitoris pignori capere, ac distrahere liceret. Quo jure posito, cum dubitabitur, si quando creditor summum tempus expectare jubeatur ante, quam pignus vendat quodnam id esse debeat, non erit incommodum ejus rei interpretationem ex lege sumere, ut cum tantum tempus præterierit, quantum lex ipsa judicatis beneficii loco largitur, nihil debitor præterea requirere debeat.

V. Sed quod ait Ulpianus, post tres denuntiationes vendere pignus licere etiam tum, cum ita convenit, ne liceret distrahere, parum liquere videtur. Nam quomodo poterit, cum id semel convenerit contra conventionem pignus distrahi, cum ut vendere liceat, creditoris causa constitutum sit, liceat autem unicuique secundum veterem regulam juris eo jure non uti, si velit, et si quid tale convenerit, ne eo uteretur, omnino pactio servanda sit? *L. pen. C. de act. L. pactum, D. eod.* An eo fieri dicemus, quod hæc pactio contra publicam utilitatem est, quia non facile alioqui creditores reperientur, qui pecuniam velint credere, ubi pignus illis distrahere non licebit? Nam hoc plerisque placet. Mihi autem inepta hæc ratio videtur. Nam cum de eo creditore agatur, qui pecuniam jam credidit, et sua sponte hoc jus debitori remisit, ne pignus

distraheret, valde stultum esse metuere, ne propter eam facultatem distrahendi ademptam pecuniam non det, cum jam ante ea facultate ultro sibi detracta crediderit. Si de credenda pecunia ageretur, et illud quæreretur, an pignus vendere creditoribus permittendum esset, tum sane publicam in eo omnium utilitatem versari diceremus, ut distrahere permitteretur, quo ad facilius credendum homines invitarentur. Nunc postquam ultro credita pecunia est, et pignus acceptum, an velit deinde creditor pignus distrahere, aut non distrahere, quin in eo privata ejus utilitas, et arbitrium versetur, negari non potest. Quid si omnino pignus non acciperet? quid si acceptum remitteret? quisquamne in eo publicam utilitatem versari, et ideo hoc eum remittere non posse diceret? Quanto minus dicere convenit eum, qui pignore accepto hoc remisit debitori, ne vendat, contra utilitatem publicam facere videri? Ego eum, qui pignus dedit, hoc ipso quod pignoris loco rem esse voluit, simul etiam convenisse dico, ut distrahere liceret. Neque aliter pignus esse intelligo. Nam cui bono rem alioqui apud se otiosam tenere, si distrahere non licebit, ut ad jus suum creditor perveniat? Indicat hoc Alexander Imperator in *L. 1. C. de pact. pig.* qui, cum proponeretur debitor pactus esse, nisi intra certum tempus pecuniam solveret, cessurum se creditoribus hypothecarum venditionem, rescripsit eum, qui id fecisset, non contraxisse: sed id comprehendisse pacto, quod creditor in pignore adipiscendo suo jure esset habiturus. Innuens hoc jus vi sua pignori esse adjunctum, et consequens nec a pignore, quandiu nomen suum retineat, posse separari. Adeoque pignus in hoc datur, ut distrahere liceat, si opus est, ut cum debitor creditori suo forte permisisset rem aliquam distrahere, si pecuniam non solvisset, responderit Papinianus, ea conventionem pignus contractum videri: *L. 3. §. ulti. qui po. in pig. hab.* quasi hoc proprium pignoris esset, ut eo concesso, quod solius pignoris proprium est, pignus datum intelligeremus. Cum igitur pignore dato convenit, ne creditori distrahere liceret, ex eo quod præcessit, apparet non id actum esse, ne omnino liceret, alioqui pignus, pignus non erit, sed ut ne liceret statim, aut post unam, atque alteram frustrationem debitoris, aliquando tamen liceret. Semper autem non solum in emptis rebus et venditis, ut Pomponius loquitur in specie non absimili, in *L. sed et Celsus, §. 1. de contr. empt. sed in rebus omnibus, quæ con-*

sensu contrahuntur, non quod dictum, sed quod actum fuit, sequendum est. Quod si aliquando vendere licet, nihil caussæ est, cur non post extremam debitoris toties interpellati frustrationem, post id tempus denique quod judicatis humanitatis causa datur id facere liceat.

VI. Cum sit ergo hoc jus pignoris proprium, ut vendere id liceat, consequens est, cum id creditor suo jure faciet, debitorem obnuntiatione sua venditionem impedire non posse, de quo titulus in Codice, *debitorem vendit. pign. impedi. non posse*. Consequens est, quandiu non est integra pecunia creditori soluta, etiam si pro parte majori ea fuerit creditor consecutus, rem obligatam totam distrahere posse, quia non nisi omni pecunia soluta pignus esse desinat. *L. quamdiu, C. de distr. pignor. L. si rem, §. omne, de pign. act. L. arbiter, L. ult. D. hoc tit.* Postremo et hoc consequens esse apparet, cum pluribus rebus pignori obligatis, vel generali obligatione omnibus, singula pignoris jure teneantur: *creditoris arbitrio permitti ex his rebus, quibus velit distractis, ad commodum suum pervenire: L. creditoris, D. de distr. pign.* Quod tamen ex constitutione divorum fratrum in eo, qui specialiter quædam, et universa bona generaliter pignori accepit, quanvis æquale jus in omnibus habeat, ita temperandum est, ut si certum sit, posse eum ex his, quæ nominatim ei pignori obligata sunt, universum debitum redigere: ea, quæ postea ex eisdem bonis pignori accepta sunt, non possint auferri, nedum, distrahi. *L. 2. C. de pign.* Creditorem pignus vendere posse constat.

VII. Videndum est, an statim possit, et omnino quando possit. Et quidem si convenit, quando distrahere liceret, id servabitur, ut ante non liceat. *L. si necessarias, §. si anima, D. de pign. act. L. cum solvendæ, D. de distr. pign.* Si nihil dictum est, cur cessante debitore statim distrahi non possit, nihil est impedimento, et ita constitutum est. Gordianus in *L. si cessante, C. eo. titu. Si cessante solutione creditor non reluctantem lege contractus ea quæ sibi pignori nexa erant, distraxit, revocari venditionem iniquum est.*

VIII. Sed interpretes vulgo constitutione Justiniani, quæ est de jure domini impetrando, hoc jus esse emendatum censent, putantque non ante biennium, quam debitor interpellatus est, et cessavit, pignus posse distrahi, ubi de distrahendo nihil convenit. His enim ipsis verbis loquitur in ea constitutione Justinianus quæ extat sub *tit. de jure do-*

*min. impetr. Sancimus itaque, si quis rem creditori suo pignora verit, si quidem in pactione cautum est, quemadmodum debeat pignus distrahi, sive in tempore, sive in aliis conventionibus, ea observari, de quibus inter creditorem, et debitorem conventum est. Sin autem nulla pactio intercesserit, licentia dabitur fœneratori ex denuntiatione, vel ex sententia judiciali post biennium, ex quo attestatio missa, vel sententia prolata est, numerandum eam vendere. Sin vero nemo est, qui comparare eam voluerit, et quæ sequuntur. Mihi autem cur Justinianus jus vetus in ea re emendare vellet, nulla causa fuisse videtur, imo vero et durum id, et iniquum est. Nam quo tandem creditori rem pignoris jure possidere, ut tam longum tempus expectare jubeatur, nec ante possit jus suum consequi? Quid enim si debitor solvendo non sit? Et ideo illi ipsi contrariæ sententiæ defensores Itali testantur aliud consuetudine publica Italiæ observari. *Accur. in d. L. ult. C. de jur. dom. impetr.* Videamus igitur ne Justiniani constitutio ad eos tantum pertineat, qui jus domini impetrare velint in pignore. Quod mihi omnino videtur, ut sit sensus, eos, qui domini jus impetrare volunt, non ante biennium impetrare posse; biennio autem exacto non statim id posse facere, sed prius rem venum exponere, et distrahere, si licebit; sin minus, tum deinde impetrare a principe, ut res domini jure possideatur. Quod ergo ait Justinianus, licentia erit fœneratori post biennium rem vendere, non simpliciter dictum intelligendum est, sed ad aliquid, et cum disjunctione, ut sit sententia: licebit post biennium vendere ad hoc, ut si res venum exposita post id tempus emptorem non reperiat, tum ad domini jus impetrandum progredi possit creditor. Nec longe huic sententiæ argumenta repetantur. Justinianus initio ejus constitutionis profitetur, se formam in domini jure impetrando, et proscriptione publica, quæ olim fieri in ea re consuevisset, immutare velle. Id etiam titulus, sub quo illa constitutio relata est, loquitur. Olim quoque si quis rem domini jure possidere vellet, et publice proscribere, et annum expectare creditor debebat, intra quem debitor pignus lueret posset, ut constat ex principio ejusdem constitutionis. Neque tamen debuisset, qui non domini jus impetrare vellent, sed solum rem distrahere. Ne nunc quidem cum Justinianus formam ei rei dare sua constitutione voluerit, sic accipere debemus, ut qui suo jure uti,*



uti, et pignus distrahere voluerit, non domini jure possidere, primo, quoque tempore cessante debitore, non id possit facere. Postremo cum jus id olim fuerit, ut statim distrahere liceret ei qui rem domini jure possidere non postulare; nisi appareat, Justinianum nominatim hoc jus emendare voluisse, manere id judicandum est.

IX. Jam videndum, quam formam in distrahendo creditor observare debeat: Nam solemniter vendere jubetur. *L. quæ specialiter, C. eo. tit.* Et hæc est hujus juris summa. Creditor bona fide distrahere pignus debet. Id in eo positum est, ut et rem proscribat, quo facilius emptorem reperiat: et cum proscribit, aut alias res recte vendit, notum debitori faciat, ut quodcunque gerit, quantum licet, testato debitorem admoneat scilicet ne aut minoris vendat, quam quanti res est, aut cum tanti vendiderit, debitorem id celet qui fortasse idoneos etiam magis emptores dare potuerit. Quod his prætermis a debitore factum est, contra bonam fidem fieri dicimus. *L. creditor, L. quæ specialiter, C. eo. titu. L. cum contra, C. si vend. pign. agat.* Sed hæc omnia ideo a creditore exiguntur, ne ipse postea debitori judicio pignoratitio teneatur, quo judicio quicquid est, quod creditori imputari potest, cur res justo pretio non sit vendita, præstare cogitur.

X. Cæterum his prætermis etiam venditionem valere argumento, est, quod in creditorem hoc casu actio datur, non emptorem, nisi subsidio, si de bonis creditoris condemnati solvi pecunia non potuerit: neque id semper, sed ita demum si probatum fuerit, eum fraudis cum creditore participem fuisse, cum sciret illa prætermitti, nec tanti res venderetur, quanti esset. *L. si cessante, C. eo. tit. L. 1. L. 4. C. si vend. pig. aga.* Ex quo apparet judicio restitutorio hoc fieri; in quo causæ cognitione ad rem repetendam opus est, idque ex illa clausula edicti de majoribus 25. annis in integrum restituendis: *si qua mihi justa causa esse videbitur, in integrum restituam. L. 1. in fin. ex quib. caus. mayo.* Alioqui si dominium in emptorem non transferretur: neque id a debitore recederet, et quia dominus esset, sine ulla exceptione rei suam a possessore auferret.

XI. Deinceps quid valeat ea venditio, et quid in emptorem transferatur, dicamus. Et cum creditorem jus distrahendi habere statuamus ne frustra sit venditio, nimirum re ipsa hoc dicere intelligimur, dominium in emptorem tam transferri, quam si debitor

ipse vendidisset; si modo is dominus fuerit, et omnino quod ille juris habet, id transferri. *L. non est novum, D. de acqu. rer. dom.* Nec quis miretur, eum dominium transferre, qui dominus non est. Voluntate enim debitoris, ejusdemque domini id efficitur, non proprio aliquo creditoris jure. In princ. *titul. quib. allic. vel non.* Id hanc vim habet, ut quamvis emptori pecunia postea offeratur, vel a debitore, cujus res erat, vel a creditore secundo, cui eadem res erat obligata, non possit tamen ab emptore avocari. *L. 3. hoc tit. L. 1. C. si antiq. cred.* Hoc enim consequens est regulæ juris, qua efficitur, id quod nostrum est, ab invitis non recedere, et ad alium transferri. *L. id quod nostrum, D. de reg. jur.*

XII. At enim dixerit hoc loco aliquis, pretio a creditore accepto, creditor dimittitur. Sic fit, ut quasi solutione ejus, quod debetur, certe quidem ejus obligationis, quæ fuerat, liberatione, pignus quoque liberetur, ut jam illud quoque consequens sit, debitorem, si pecuniam offerat, rem suam pignore sublato posse avocare. Denique solutione ejus, quod debetur, debitori pignoratitia actio nascitur. Hic respondebimus idem, quod Martianus scribit in *L. solvitur, §. 1. D. quib. mod. pig. vel hyp. sol.* cum jus obligationis vendidit creditor, et pecuniam accepit nihilominus manere omnes obligationes integras: quia pretii loco id accipitur, non solutionis nomine.

XIII. Quod tamen dicimus pecuniam emptori a debitore offerri non posse, non est perpetuum. Quid enim si in distrahendo pignore lex dicta sit, ut si pecunia emptori offeretur, pignus recipere liceret? Sed conventio duplex esse potest. Potest enim ita pacisci creditor, ut liceat sibi reddere pecuniam, et pignus recuperare. Potest etiam ita, ut si ab ipso debitore intra certum tempus pecunia offeratur, ipse rem suam recipiat. De priore non dubitatur quin valeat, ut ipsi, qui pactus est, ex sua pactione, aut ex empto, aut præscriptis verbis detur actio: *L. 2. C. de pactis inter empt.* quam ipsam deinde cedere debet debitori. *L. si creditor, in prin. hic.* De posteriore, an aliquid egerit dubitatio est. Nam alteri frustra paciscimur, propterea quod neque ipse creditor ex ea agere posse videtur, qui sibi cavere noluit, neque debitor, in quem pactio collata est, quia ei creditor cavere non potuit. Ut enim alteri per alterum, qui in potestate ejus non sit, quæeratur actio, regula juris non patitur. *L. multum, C. si quis alteri*

teri vel sibi, *L. quicumque, D. de oblig. L. ita stipulatus, §. Chrisogonus, D. de verb. oblig.* Sed extant de hac pactione responsa Ulpiani, et Martiani, ut utrique in proposito actio danda sit, et creditori, quam debitori cedere cogatur, et debitori ipsi, qua ille utatur suo jure, etiam si a debitore cessam non acceperit. *L. si cum venderet, D. de pig. act. d. L. si creditor, 2. resp. hoc tit.* Et recte. Nam primum quod dicimus inutiliter nos stipulari alteri, aut pacisci, ut ipsi quidem, qui pacti sumus, agere, ex ea pactione possimus, ita verum est, si nostra non intersit. Quod si quid interest, magis nobis stipulati esse, quam alii videmur, et ideo etiam inde agi potest, *L. stipulatio ista, §. si stipuler, D. de ver. obl.* Interest autem creditoris distrahentis, cum certa lege vendiderit, quam alii ex bona fide iudicio pignoratio præstare debeat, aut legem eam servari, aut rem apud emptorem non manere. Quam actionem si cedat debitori, liberatur. Quod autem in hac specie debitori ipsi actionem damus actionem in rem Ulpianus intelligit, *d. L. cum venderet, D. de pig. act.* aut quoniam dominium apud debitorem mansisse intelligitur ex conventionione et facto creditoris, actionem in factum conceptam, qua per narrationem ejus, quod factum est, debitor id consequatur, ut secundum conditionem quam probat evenisse, emptione rescissa rem suam recipiat. Nec vero, quo minus id fiat, regula juris est impedimento. Vetat enim regula juris, alteri per alterum actionem acquiri. Et sane ex empto actio debitori, qui non vendidit, ex contractu alterius competere non potest. Nunc actio in rem debitori datur, hæc autem illi non acquiritur, sed quæ jam ante illius fuerat, retinetur, quod regula non prohibet. Ut enim creditor, si omnino rem non venderet, eo modo rem suam domino retineret; ita si certa lege vendiderit, qua eveniente emptio rescinderetur, ea lege ipsa debitori recte retinebit.

XIV. Sed etsi nihil convenerit, ut rem pecunia oblata, quæ depensa est, recipere liceret, quidam sunt, quibus a debitore recte pecunia offertur, quamvis rem emptionis titulo a creditore possideant. Hi autem sunt, fidejussor debitoris, qui nomine illius conventus officio iudicis consecutus est, ut emptionis titulo prædium creditori pignori datum susciperet, item secundus creditor cui eadem res obligata erat, qui a priore emit. *L. cum secundus, §. ult. hoc tit.* Fidejussor, quia non tam a volente creditore ipse volens rem

emtionis titulo habet, quam necessitate juris et officii, quo debitori mandati iudicio tenetur, a creditore, qui cogeatur transferre, eam suscipit, quæ necessitas in utroque, emptioni, quæ consensu perficitur, contraria est. *L. 2. hoc tit.* Secundus creditor, quia a priore creditore pignus liberans, non tam acquirendi domini quam servandi pignoris sui causa pecuniam dedisse intelligitur. *L. cum posterior, eod.* Ita quid isti egerint, ex genere, et qualitate personæ conjectura ducitur quod scilicet isti non tanquam quilibet e multis, sed ille quidem tanquam fidejussor, hic tanquam creditor secundus emerint. Quid in emptorem creditor transferat, pignus distrahendo, diximus. Id quod ad jus creditoris in pignore intelligi, prope satis est.

XV. Sed quoniam in hoc negotio distractionis non solus emptor versatur, sed etiam venditor, id est creditor, isque aliquid præstare debet, et præterea, quod ex venditione percipitur, ad pecuniam consequendam, quæ debetur, eoquæ etiam ad debitorem liberandum pertinet; ut quid in hac emptione juris sit, intelligi possit, quæritur sive res nondum tradita emptori sit, sive ea sit aliena, quatenus creditor ex ea causa emptori teneatur, tertio loco re distracta, an debitor ea re liberetur. Quid creditor pignore distracto emptori præstare debeat, quæstio in conventionione, et eo quod actum fuit, posita est. Refert enim, an rem tanquam suam creditor vendiderit, an jure pignoris, sive quod idem est, jure creditoris tanquam sibi oppigneratam. Si tanquam suam vendidit; quod reliqui venditores emptoribus actione ex empto præstare debent, idem in hac specie creditor præstabit, puta evictionem, si res aliena erit, et quæ ejus actionis natura continentur. *L. ex empto, D. de acti. empt.* Si jure creditoris vendidit, lex venditioni dicta est, ut quoniam jus suum vendit creditor, nihil amplius, quam jus pignoris, quod habet cedere debeat. Hoc igitur saltem præstare debet, rem sibi oppigneratam esse, et hypothecariam cedere, rem etiam tradere, si possidet. Quod si forte res aliena erit: ipse quidem si ex alia causa de ea re quæstionem moveat, audiendus non est. Ut enim cætera non præstet, bonam fidem certe præstare debet. Verum si res ab alio evicta sit, emptor ob evictionem rei ad venditorem redire non poterit, ne de pretio quidem. *L. pen. L. etsi is, h. tit. L. ex empto, §. sententiam, D. de act. emp.*

XVI. Quicquid autem ad creditorem ex ea re pervenerit, id debitori ad liberationem pro-

proficiet. Hoc enim erat tertium, de quo quærebamus. Etiamne si res aliena sit, quæret aliquis, eaque, quæ ab emptore jam evicta sit? Nam hoc casu etsi pretium manebit penes creditorem, de quo ob evictionem conveniri non potest, si res jure creditoris vendita sit: tamen verum est, eam pecuniam neque a debitore solutam, neque ex re ejus ad creditorem profectam. Et dicendum est, quod Triphoninus definit. *L. rescriptum*, §. 1. *h. tit.* Quicquid occasione pignoris redactum est, quodcumque id est, æquius esse debitori proficere; quam creditoris lucro cedere: credo, quia id a debitore profectum videri debeat, a quo etiam acquirendi causa nata est: ut hoc modo debitor, qui ex re aliena liberatus est, vel domino rei, nondum re evicta, vel emptori post evictionem teneatur, quasi ad quem alienæ rei pretium pervene-

rit. Sed quantum inde pervenerit ad creditorem, eatenus inquam, debitor liberabitur. Quod si quid minus creditor consecutus est quam debebatur, sive quod pignus idoneum non esset, sive quod res aliena data esset, quæ ea lege vendita est, ut ea evicta pretium emptori restitueretur, dicemus debitorem distractione pignoris non liberari. *L. quæsitum*, §. *ulti.* *L. rescriptum*, in fin. *h. tit.* Quia etiam si pignus idoneum, nec alienum venditum sit, creditor tamen pretium ab emptore servare non possit; bene Paulus existimavit debitorem manere obligatum, si modo nulla culpa creditori imputari posset; idque superioribus consequens est. *d. L. quæsitum*; *h. tit.* Et generaliter recte definitur pignore distracto, quod ad creditorem inde pervenerit, aut per eum factum sit, quo minus perveniret, eatenus debitorem liberari.

CAP.



## C A P. XI.

## De jure Dominii impetrando, et pactis pignorum.

*Creditor nec rei pignoratæ fructus lucrari, nec ipse per se pignus in solutum retinere potest jure dominii. I.*

*Sed hoc a Principe impetrandum; et quæ in eo forma servanda. II.*

*Immo nec pactio ut id creditori liceat, iniri potest initio contractus; et quare. III.*

*Secus si de eo convenerit post pignus acceptum. IV.*

*Potest nihilominus ab initio pacisci debitor ut liceat creditori pecunia ad diem non soluta habere emptum pignus justo pretio. V.*

*An possit iniri pactio ut creditor pignoris fructus lucretur. VI.*

*Pignus non extinguunt aut imminuit obligationem; quid ex eo consequens. VII.*

I. **C**UM sit jus illud tantum duplex in pignore, quod diximus, vel ut possidendo pignus, vel ut distrahendo, ex ea re id possit consequi, quod sibi debetur apparet neque fructus lucrari eum rei pignoratæ, quandiu possidet, neque in potestate ejus esse rem dominii jure pro pecunia debita retinere, distrahere enim jubetur et alienare. De quo extat Diocletiani et Maximiani rescriptum sub tit. de bo. autho. jud. poss. in hæc verba: *Pro debito creditores adduci sibi bona debitoris sui non jure postulant. Ac paulo post. Si specialiter, vel generaliter nemini probentur res obligatæ, ac sine successore debitor, vel hæres ejus decessit, non dominii rerum vindicatione, sed bonorum possessione itemque venditione, æquali portione pro rata debiti quantitate omnibus creditoribus consuli æquum est.* Item aliud eorundem Imperatorum haud paulo planius sub titulo de distract. pignorum. Quo ostenditur, creditorem nec per se pignus tanquam sibi emptum adjicere posse, nec sub imagine alterius personæ emptum retinere, quin ea fraude detecta debitor pecunia oblata quandoque rem suam possit recuperare. Rescripti initium est; *Et qui sub imagine.* Sane in causa judicati quia res non a creditore, sed per officium ejus, qui ita decrevit, venditur, si emptor alius non existat; aut existat quidem, sed non justum pretium offerat, creditor ad licitationem ex constitutionibus admittitur, et cujuslibet alterius exemplo emere potest et merito; quia isto modo non a se sed officio judicis, qui distractioni,

Tom. VI.

præest, res emitur. L. 2. C. si in caus. judic.

II. Quid ergo si in pignore conventionali, cum res esset a creditore venum exposita, ea emptorem non reperiat? Hic rebus omnibus aliis, et remediis destituto creditori subsidio concessum est, rem dominii jure possidere. Sed hoc a principe impetratur. Cui rei impetrandæ certa forma et tempus præscriptum est Justiniani constitutione, quæ extat sub titulo, de jure dominii impetrando. Cujus fere hæc summa est: Dominii jus ante biennium, quam debitori denuntiatum est, ut solveret, impetrari a principe non posse. Sed et eo transacto prius necesse esse, rem venum exponat debitor; si distrahere possit, distrahi debere. Si nemo emat, tum ad dominium impetrandum progredi posse, si modo ante debitor admonitus sit, ut solvat, neque fecerit. Quæ cum præcesserint, jam a principe impetrari posse, ut rem possidere liceat; quo impetrato, rem ita fieri creditoris, ut tamen intra biennium, quam rescriptum principis de ea re impetratum est, debitor rem suam recipere possit, si pecunia quæcunque debetur, et quod creditoris interest, quod citius non solverit, et sumptus qui in dominio impetrando facti sunt, offerantur. Post id exactum tempus rem pleno jure effici creditoris, hac lege, ut si pluris res valeat, quam debetur, id præstandum sit debitori; si minoris, id quoque creditor a debitore consequatur.

III. Quod cum constet, neque creditorem fructus rei pignoratæ lucrari, neque rem ipsam

ipsam dominii jure insolutum retinere posse; videmus, nihilne ad hæc adjicere possit, atque in his mutare debitoris conventio, qui tempestivus videtur de pactis pignorum quærendi locus. Ac de re ipsa sciendum est, adeo creditori pignoris jure nihil, nisi rem ex commodo utriusque vendere licere, ut ne illa quidem pactio servanda sit, si ab initio convenerit, ut si intra statutum tempus pecunia soluta non sit, creditor pignus in solutum, aut in partem pecuniæ sibi habeat. Hæc est enim illa pactio, quæ lex commissoria in pignoribus appellatur, quæ nominatim lege Constantini improbat, *L. ult. C. de pac. pig.* Sic dicta ad similitudinem legis commissoriæ in venditionibus, qua id agitur, ut si ad diem pecunia soluta non erit, fundus sit inemptus. *L. 2. de leg. commis.* Ut enim illa efficitur, ut pecunia ad diem non soluta, statim dominium rei emptæ emptoris esse desinat, pœnæ loco, et venditoris esse incipiat; sic ista de pignoribus lege id agitur, ut pecunia creditori non soluta, dominium rei debitoris esse desinat, et continuo creditori pœnæ cujusdam caussa committatur. Verbi ratio, ex commissis in vectigalibus ducta videtur. Fraudati vectigalis pœna est, ut res, quas mercator professus non est, et quarum nomine vectigal pendere debebat, ipso jure fisco vindicentur. Hoc fisco committi dicimus, quasi dicas, tradi et addici fisco ob commissum. Et commissum, quæcunque in ea caussa sunt, ut ob delictum statim desinant esse ejus, qui crimen admisit, dominiumque rei fisco vindicetur. *L. si fraudati, L. commissum, L. interdum, tota D. de publician.* Inde quacunque pactione id agitur, ut si quid contra, quam cautum est, factum erit, dominium rei ab eo, qui contra fecit, recedat, et paciscendi committatur, id est, pœnæ caussa, et ob admissum vindicetur; lex, sive pactio commissoria appellatur qua lege res in commissum recidit, fraudato fisco. Hæc autem lex ideo in pignoribus infirmata est, ut captionibus creditorum occurreretur, ne per occasionem res debitorum pro pecunia pusilla ad se avocarent. Quod facile futurum erat, si hæc lex reciperetur. Nam creditores cupiditate ducti rei acquirendæ, semper hanc legem adjecerint; debitores autem pecuniæ accipiendæ necessitate districti neque hanc, neque aliam quamlibet legem re-

cusent, ut pecuniam, qua indigent, accipiant, dum sperant se pignus posse intra præstitutum tempus luere.

IV. Quod tamen pignoris lege ab initio effici non potest, nihil prohibet quo minus re jam contracta mutua voluntate efficiatur; ut res obligata, vel certo pretio emptæ, vel in solutum maneat ad creditorem. *L. cum Titius, D. de pig. acti. L. cum dominam, C. de pignor.* Nulla enim nunc necessitate pecuniæ accipiendæ debitor premittitur, qui pecuniam jam habeat, qua utatur, et potest creditori, si velit, in solutum non dare.

V. Sed nec illa pactio improbanda est, si ab initio ita convenerit, ut si intra certum tempus pecunia soluta non sit: creditor rem emptam habeat, non ea quantitate, quæ debetur, sed justo pretio tunc æstimandam. Quia venditio sub conditione contracta intelligitur, et ea conditione, quæ rem non pro ea pecunia, quæ debetur, debitori auferat, ut lex commissoria facit, sed justo pretio. Valebit igitur eo modo, quo cæteræ omnes sub conditione contractæ. *L. si fundus, §. ulti. h. tit.* Nisi forte quis putet, ideo hujusmodi venditionem non valere, quia pretium generaliter alieno arbitrio permissum est, quod nihilo rectius sit, quam cum merces in locatione generaliter in alienum arbitrium confertur, quia incerta est. *L. si merces, D. locati.* Sed hoc movere nos non debet: illa enim verba, *justo pretio*, faciunt, ut res in arbitrium boni viri collata esse intelligatur. Justum enim est, quod vir bonus arbitratus est, nec potest bonus vir uisi quod justum sit, arbitrari. Porro arbitrium boni viri nec incertum, nec indefinitum est. *L. 1. de legat. 2.* Certum est enim tanti illud, quisquis est, æstimaturum, quanti fundus peritis æstimatoribus earum rerum valeat. Ex quo efficitur hanc venditionem non sic alieno arbitrio esse permissam, ut incerta sit.

VI. Nunc de fructibus rei videendum, an si quid tale convenerit, ut creditor eos lucretur, rata habenda sit conventio. Sed non dubium est, unicuique licere tantum de suo alteri concedere, quantum velit, modo ne quid in fraudem legis faciat. Constat igitur, (\*) *ἀντίχρησις id est mutuum rei usum pro pecunia credita tribui posse*: sed hactenus, ut ad modum usque legitimum usurarum fructus

(\*) Quod de ἀντίχρησις hic ab auctore dictum, attemperatum est ad rationem juris Civilis; quod est hac parte a Jure Canonico emendatum. *Cap. 1. et per totum Extr. de usur.* vide Con-

zal in *Comment. Cap. 6. Extr. de pignor. n. 13 ibique laudatos.*



ctus percipiat creditor, ne quid in fraudem usurarum fiat. *L. si is qui*, §. 1. *L. 1. §. pacto*, *D. de pign.*

VII. His de jure creditoris constitutis, quid ille de pignore possit statuere, si velit, nemini incertum erit. Sed cum animadvertet sic pignus a debitore dari, ut habeat creditor, unde illi pro debito satisfiat, dubitabit fortasse, num creditor, quasi eo accipiendo pro debito contentus fuerit, amplius requirere nihil debeat, nec possit debitorem amplius appellare. Quid enim, si pignus distractum idoneum repertum non sit? Quid si debitor dicat se creditori pignoribus cedere? Et ut non sit hoc postulandum, cum pignus idoneum non est: saltem cum erit idoneum, non recte cogetur id distrahere, cum debitor aliunde solutum noluerit? Et adversus omnes hujusmodi dubitationes una de pignore notio generalis in promptu esse debet, pignus creditoris caussa dari, ut illi eo modo de pecu-

nia credita caveatur, sic cum cautionis loco detur; obligationem, quæ præcesserit, eo modo augeri posse, nullo modo minui, quin si pignore uti nolit creditor, perinde sit, quasi nec datum fuerit. Recte igitur dictum est, creditorem, qui non idoneum pignus accepit, non amittere exactionem ejus debitæ quantitatis, in quam pignus non sufficit. *L. creditor, si cer. peta.* Multo minus debitorem liberari, si profiteatur se pignoribus creditori cedere. *L. 1. C. de pignor.* Omnium minime, si sine culpa creditoris pignus sublatum fuerit. *L. servo, C. de pignor.* Num ergo cum pignus possit vindicare, et distrahere, id facere cogendus erit? Et cum hoc illius gratia caveatur, eo utetur, si volet: sin minus, non cogitur. *L. creditor, C. de pig. L. quanvis, D. de pig. act.* Quod tamen de distrahendo pignore dixi, quomodo temperandum sit, Ulpianus docet. *L. 6. de pignor. actio.*

## C A P. XII.

### Qui potiores in pignore habeantur.

*Transitio ad plures habentes eandem hypothecam; et de istorum prærogativa. I.*

*Cum res eadem pignori data est pluribus, interest, an simul, an vero diversis temporibus. II.*

*In priori specie, concurrere omnes in hypotheca; quot modis hæc pluribus detur, et simul; et quid juris in singulis. III.*

*In posteriore obtinet regula: ut prior tempore, potior sit jure: posterius hoc explicatur. IV.*

*Hoc jus quid valeat, consequentium inductione ostenditur. V. VI. VII. VIII. et seqq.*

*Contrariis occurritur, et L. si qui 28. D. de jur. fisc. exponitur. IX.*

*Prior esse intelligitur in hypotheca, qui et pecuniam credidit prior, et simul hypothecam obtinuit; quid si non concurrat utrumque. X. XIII.*

*Convenerit autem de hypotheca pure aut in diem, perinde esse. XI.*

*Si hypothecæ conventio, aut debitum vicissim, cui illa accedit, a conditione pendeat; atque interim alii res pignori data: utri, et quæ noceat, aut prosit adjecta priori conditio. XII. XIV.*

*Quibus in casibus posterior tempore, potior sit tamen in hypotheca. XV.*

*De dotis hypotheca, an hæc prioribus tempore creditoribus sit potior, etiam expressam habentibus hypothecam. XVI.*

I. **J**US creditoris in pignore quodnam esset vel ad retinendum, vel ad persequendum, vel ad distrahendum, unde illi satisfiat, satis diximus. Quo jure si nulli alii eadem res obligata fuerit, solus sine controversia utetur. Nunc si forte pluribus eadem res pignori data erit; ne mutuo se se impediunt, dum singuli hypothecam ad se advocant, de iis ut erat propositum, videndum est: utrumne inter se omnes concurrant, an

*Tom. VI.*

alii aliis præferantur, et sint potiores: Quod si qui potiores sunt; sequitur etiam, ut quid juris sequentibus relinquatur, et quatenus confirmetur, cognoscendum sit. Atque hoc demum loco, cum de omni jure creditoris exposuissemus, de prærogativæ ordine tractandum fuit. Necesse enim erat ante illud conditui, jus aliquod creditoris esse in pignore, et id quodnam esset, intelligi, quam in eo jure qui quibus potiores essent, quæreretur.

II. Cum ergo pluribus eadem res pignori datur, refert utrum simul pluribus obligetur an separatim diversis temporibus.

III. Si simul data est, concurrere omnes in hypotheca certum est. Alius enim alium in jure pignoris non prævenit. Sed hoc non uno modo accidit. Nam aut ita datur hypotheca, ut singulis insolidum obligetur; aut ita, ut in partes æquas; aut simpliciter data est, nec aliud nominatim actum est. Si insolidum omnibus data est, omnium par in eo conditio est, ut si quidem singuli adversus extraneos agant, insolidum Servianā utantur: si concurrant, partes concursu faciant ut de pluribus legatariis traditum est, quibus singulis eadem res insolidum legata fuit. Cæterum inter ipsos si quæstio moveatur, possidentis melior erit conditio, ut scribit Ulpianus. *L. 10. D. de pignorib.* non quod hic velit disparem esse conditionem eorum, sed quod ex jure certo etiam in pari causa potior est causa possidentis. Sin autem id actum est, ut pro partibus res obligaretur, cum divisum sit inter creditores pignus, res expedita est, non plus singulos, quam partem dimidiam aut vindicare, aut possidere posse. *d. L. 10. de pignor.* Quod si nihil in utranque partem dictum est, magis est, ut non insolidum, aut partibus æquis, sed pro quantitate debiti pignus et vindicare et possidere possint: *L. si fundus, §. si duo, D. de pig.* ut siingas duobus eundem fundum pignori datum, quorum uni centum, alteri ducenta debeantur: in tres partes fundus dividetur, ex quibus duas feret, cui ducenta debentur, alter unam, cui centum nimirum pro portione. Nam quæ ratio est unius ad duo, eadem est centum ad ducenta, nempe dupla: Atque hæc ita sunt, si pariter duobus pluribusve res pignori sit obligata.

IV. Sin separatim id factum est diversis temporibus, certum jure ultimo, quod et a me initio, edicto comprehensum est, eum jure potiorum esse, qui prius hypothecam accepit. Et hoc est, quod dicitur, qui tempore prior est, jure esse potiorum. *L. 2. L. 3. C. eod. tit.* Merito. Nam si huic ab initio ita res pignori data est, ut solus in ea re jus pignoris haberet, sequitur, ut rem eandem alii postea pignori dando debitor creditoris in eo conditionem deteriore facere non possit non magis, quam alienando. *L. distractis, L. seq. C. de pig.* Jure potiorum sic accipimus, jure creditoris, non ut sequentibus res obligata non sit, sed ut prior creditor, sive cum aliis agat, et hypothecam

vindicet, eam auferat; sive possideat, et cum eo agatur, exceptione tutus sit: sive rem vendat, Prætor emptorem adversus omnes tueatur. Hoc enim jus creditoris erat in pignore, ut antea diximus. *L. creditor, in prin. h. tit. L. 3. D. de distr. pignor.* Generaliter autem, et sine distinctione jus ita conceptum est, eum jure potiorum esse, qui prius hypothecam acceperit.

V. Quibus verbis declaratur, quocumque modo pignus in persona creditoris constitutum sit, eum esse potiorum, qui in eo accipiendo prævenit. Quare nihil intererit, conveneritne de pignore inter debitorem et creditorem, an pignus autoritate, ac jussu magistratus occupatum fuerit, vel ex caussa judicati captum: an lege res pignori esse cœperit. *L. si et jure, h. tit. L. 2. L. 4. C. eod.*

VI. Sed nec illud dubitari debet, quin is secundum supra scriptam regulam, cui generaliter bona obligata sunt, eo potior sit, cui specialiter aliquid ex iis bonis pignori datum est. Non minus enim generali oratione res singulæ obligantur: quam si de singulis specialiter convenisset. Erit potior, inquam ita, non ut illi de bonis debitoris prius satisfieri debeat, quam secundo, de quo nemo ambigit, sed potior in illa ipsa re vindicanda, et distrahenda quæ specialiter pignori data erat, quamvis ex cæteris rebus pecuniam suam redigere possit. *L. 2. h. tit.* Nisi forte primo quædam res specialiter obligatæ sunt, et præterea nisi eæ sufficerent, in eandem causam cæteræ omnes generaliter, ex quo, genere deinde secundo creditori quædam specialiter pignori datæ sunt. Nam hoc casu quandiu primo creditori de rebus specialiter illi obligatis satisfieri poterit, secundum conventionem ipse secundo creditori in cæteris non præferetur. Non quod secundum creditorem velimus esse potiorum contra regulam superiorem, sed quod deficiente conditione, sub qua cæteræ res generaliter obligatæ erant, jam non illi, ut quis dicat alium illo dici potiorum, sed soli secundo obligatæ intelligantur. Nam etsi secundus creditor nullus esset, tamen si secundum conventionem priorem ex rebus specialiter obligatis ei satisfieri posset, cæteras res generaliter obligatas vindicare non posset. *d. L. h. tit. L. 2. C. de pig.*

VII. Neque vero is, cui generaliter bona obligata sunt, præferetur ei tantum, cui postea aliquid ex iis rebus specialiter pignori datum est, sed etiam ei cui postea eodem modo bona generaliter obligata sunt, in iis quoque rebus, quæ post utranque obligationem

nem quæsitæ sunt. *L. ult. in prin. hic.* Quod tamen secus videri potuit, propterea, quod qui duobus quanvis diversis temporibus bona sua, quæ habiturus est, obligat, una, eademque conditione ambobus obligat, si quid illi acquireretur. Cum ergo post utranque obligationem aliquid illi quæsitum fuerit, eodem tempore in utriusque persona pignoris conditio extitit, et ex eodem tempore utrique res obligari videtur. Ex quo efficitur, ut in hypotheca concurrere debeant, non autem alter alteri anteponi. Sed quod eodem tempore conditio extitit, nihil ad rem pertinet. Si separatim res obligatæ sunt, quamvis eadem conditione, dicemus eum qui cum prius convenit, secundo esse potiore, quia cum conditio extitit, perinde haberi debeat, ac si eo tempore, quo stipulatio interposita est, sine conditione facta esset. *L. prior, hoc tit.* Ex quibus intelligi debet, quod a Marcello ita scriptum est: *L. itemque, §. ultim. hoc tit.* Si tibi quæ habiturus sum, obligaverim, et Titio specialiter fundum, si in dominium meum pervenerit, mox dominium ejus acquisiero, concurrere utrunque in pignore, de duobus accipiendum esse, quibus eodem tempore ita res suas debitor obligarit. Nec quisquam putet, nullam hoc dubitationem habere, quod dicamus eos hoc casu inter se concurrere, cum eodem tempore, et eadem conditione debitoris res obligatæ essent. Hoc erat, quod in specie proposita dubitationem faciebat, quod in bonis debitoris, quæ tibi obligata sunt, illa ipsa pecunia erat, unde prædium Titio obligatum postea emptum est. Hoc igitur est, quod quæri potuit, videatur prædium, quod ex pecunia soli tibi obligata emptum est, ejus pecuniæ caussam sequi. Et Marcellus huic dubitationi occurrens ait, non multum facere, quod de suo nummos debitor dedisset, quippe cum res ex nummis pignoris emptæ non sit pignori ob hoc solum, quod pecunia obligata erat.

VIII. Ut nihil refert, quod genus pignoris prius acceptum sit, ut qui prævenit, posterioribus præferatur, ita qui sint, qui posteriores contraxerunt, nihil retulerit, sed generaliter jure potior erit, qui prior tempore fuerit. Ita etiam fisco præferetur, qui prius cum debitore fisci contraxerit, quamvis privatus. *L. si pignus, hoc tit.* Et quo modo privatus, cui generaliter omnia bona obligata sunt, omnibus aliis sequentibus potior est, non tantum in iis rebus, quas tempore prioris obligationis contractæ debitor habuit, sed etiam in iis quas post priorem obligationem acquisivit, ita etiam fisco in eadem caussa

præferetur, ut diserte a Scævola scriptum est in *L. ul. in princ. hoc tit.* Nam illud extra controversiam erat, privatum fisco præferri in iis, quæ debitori quæsitæ erant, ante quam cum fisco contraheretur. Quæ autem postea acquisita essent, quam cum fisco contractum est, dubitari potuit, an quia fiscus ante venisset, quam ea privato obligata essent, utpote nondum debitori quæsitæ idcirco ei anteponi deberet. Nunc autem hanc dubitationem sustulit Scævola, aperte definiens privatum, cui generaliter bona futura obligata sunt, in iis omnibus, quæ postea acquisita essent, fisco esse potiore, et addidit nominatim, ne quis dubitationi esset locus, præferendum, donec debitum suum universum esset consequutus.

IX. Ergo jam contrarium esse quidam putabunt, quod in *L. 28. D. de jure fisci*, Ulpianus ita scribit: *Si qui mihi obligaverat, quæ haberet, habiturusve esset, cum fisco contraxerit, sciendum est in re postea quæsitæ fisco potiore esse debere Papinianum respondisse. Quod et constitutum est, Prævenit enim caussam pignoris fisco.* Nimirum illa verba, *cum fisco contraxerit*, sic accipiunt, cum fisco contraxerit postea, quam mihi obligaverat, quæ haberet, essetve habiturus. Unde ad illam distinctionem confugerunt, ut si quidem bona debitori quæsitæ essent post priorem obligationem, veruntamen ante, quam cum fisco contraheretur, in iis prior creditor fisco præferatur ex Scævolæ sententia. Sin quid postea acquisitum sit, quam cum fisco contractum est, in eo fisco quanvis postea contraxerit, potior sit, quia in eo acquisitionem ejus prævenit, et ideo etiam pignoris caussam. Quæ distinctio aperte superiore illo responso Scævolæ refellitur, qui primum creditorem in omnibus, quæ postea quæsitæ sunt, præferri ait, donec universum debitum suum consequatur. Nisi forte putamus in exemplo Scævolæ Sejam creditricem priorem fisco præferri propter favorem caussæ, ex qua pecunia debebatur, quia ex tutela Titius debitor ei condemnatus erat. At neque jam pecunia illa debebatur ex caussa tutelæ, sed judicati, nec si in ea caussa ullus esset favor, ideo pignus illi constitueretur, ubi sua conventionem nullum haberet. Postremo cur Seja præferatur fisco, non in eo caussam Scævola esse vult; quod pecunia ex illa caussa deberetur, sed quia prius hypothecam accepisset, in quam dein prius novatione facta, conventionem successisset. Sed profecto nihil hic contrarium est. Nam in responso Ulpiani verbum illud, *contra-*

*traxerit* non futuri temporis est, sed præteriti, ut sit sensus. Si qui mihi obligaverat quæ haberet, habiturusve esset, cum fisco contraxerit, id est, jam ante contraxerit, quam mihi obligaret, quæ habebat, hoc casu Ulpianus id confirmat, quod de privato ante diximus, ut si fisco bona omnia generaliter obligari cœperint, is omnibus sequentibus præferatur, quibus omnia bona eodem modo obligata sunt, etiam in iis rebus, quæ postea quæsita sunt, quia fiscus pignoris causam prævenit, tametsi privatus rerum acquisitionem præverterit. In quo Ulpianus jure privati fiscum uti ostendit. Cur ita accipi illud verbum debeat, et ratio Jurisconsulti, qua utitur, manifeste declarat, et illud in primis, quod de hac sententia constitutum esse dicit. Ratio hæc est. Prævenit enim causam pignoris fiscus. Prævenire causam pignoris nihil aliud est, nisi prius causam pignoris occupasse, ut in illo accipiendo tempore prior esses. *L. 2. C. qui pot. in pign. hab.* Quod si fingeremus postea debitorem cum fisco contraxisse, illud dicere possemus fortasse, utrumque in pignore concurrere, quia ex eadem conditione utrique res futuræ obligatæ essent tam primo creditori, quam fisco; illud nequaquam dicere, nisi absurde possemus, fiscum prævenisse primum creditorem, cum illi multo ante bona illa generaliter essent obligata. Quod autem constitutum id esse ait, constat hoc jus rescripto Antonini de fisco constitutum esse, ut præferatur in ea causa, cum prius debitor cum ipso fisco contraxit, eadem illa ratione, qua Papinianus utitur, quia fiscus prævenit pignoris causam. Exstat rescriptum, *L. 1. C. de privileg. fisci*: ut appareat vel illam esse constitutionem, qua intelligit Ulpianus id esse constitutum, vel ei juri, et rationi tunc solum locum esse, cum fiscus ante contraxit. Sed si fiscum solum præferri dicemus secundo creditori, cum prius cum illo contractum est, quæ tandem potuit afferri dubitandi causa, cur non deberet, cum esset prior? Eadem quæ in privato. Nam cum et fisco generaliter bona debitoris pignori obligata sunt, et secundo creditori manifesta conventionione, id est, ambobus eadem conditione, si quæ postea quæsita essent debitori, dubitari potuit, an si quid post utranque obligationem quæsitum esset, fiscus et privatus in eodem concurrere deberent, an alter alteri præferri. Et quidem multo justius in fisco, cui tacite bona debitoris obligantur, non manifesta aliqua conventionione. Et quemadmodum in privato, sic in fisco,

cum quo prius contractum est. Ulpianus ostendit fiscum præferri, non concurrere. Ideo quia prævenit hoc quoque casu pignoris causam. Cur ergo ait præferri fiscum in re postea quæsita, cum hoc sensu in omnibus aliis jam quæsitis, et quidem multo magis præferatur nisi quod hoc ostendere voluit fiscum in re tantum postea quæsita esse potiolem, in cæteris quæ ante contractum ejus acquisitæ sunt, non esse ideo, quia fingere debemus, alium creditorem prius contraxisse, et ob id eum præferendum in rebus antea acquisitis? Nullum vero hoc argumentum est cum privato prius contractum esse. Ideo enim de re postea quæsita tantum dicit Ulpianus, etiam tum, cum prius fiscus contraxit, quia de ea, quæ post utramque obligationem quæsita est, sola erat dubitatio, cum ejus acquisitionem secundus creditor antevertisset, atque ita videri posset ipse quoque quanvis posterior, pignoris causam in ea re prævenisse.

X. Solum ergo hoc jam relinquitur, videamus quis prior hypothecam acceperit. Et si in hypotheca, omni pignore, quod consensu contrahitur, præterquam, quod rem in bonis debitoris esse necesse est, etiam illa concurrere debent, ut et de pignore convenit, et ei pignus datum sit, qui pecuniam crediderit, cui quid debeatur. (Nam sine principali obligatione, cui pignus accedat, pignus nullum est) dicendum est, eum, quem potiolem esse, volumus, non solum hæc facere debuisse aliquando, ut hypothecam habeat: sed etiam necesse esse, ut prius utrumque fecerit, ut potior sit iis, quibus eadem res pignori data est. Hoc enim exigimus, ut prius hypothecam acceperit, et in ea accipienda, quibus modis accipitur, cæteros prævenit. Quid ergo, si primus creditor, qui sine hypotheca credidit, aliquanto post hypothecam quidem accepit, sed post secundum, qui utrumque fecit? Dicemus hunc in hypotheca esse posteriorem quia hypothecam postea conventionione acceperit. *L. creditor, §. si primus, h. tit.*

XI. Satis est autem de hypotheca anteconvenisse vel pure, vel in diem, ut sequentibus, quibus eadem res ante diem forte obligata est, potior sit. Obligationis enim in diem conceptæ dies statim cedit. *d. L. creditor, §. si primus, L. qui balneum, hic.*

XII. Unde num idem probandum sit, si ante de hypotheca convenit sub conditione, et pendente conditione eadem res alii pignori data sit, ac deinde postea conditio extiterit, dubitari potest. Et si quidem ea con-

ditio fuit hypothecæ, quæ nisi volente debitore impleri non posset, dicemus non tempus obligationis contractæ esse spectandum, sed id, quo conditio extitit, quod cum postea factum sit, posterior creditor in hypotheca prior, et ideo etiam potior erit: Cujus rei exemplum hoc est apud Cajum expositum, in *L. potior, §. si colonus, h. tit. Colonus convenit, ut inducta in fundum, illata, ibi nata, pignori essent, in quo inest conditio, si inducantur, si nascantur. Ante quam inducat, alii rem hypothecæ nomine obligavit, tunc deinde eam in fundum induxit, potior erit, inquit, qui specialiter pure accepit, quia non ex conventionem prioris obligatur, sed eo, quod inducta res est, quod posterius factum est, et quidem voluntate ejus; quoniam nisi vellet, neque induceretur quicquam, neque nasceretur. Quod si ea fuit conditio, quæ invito etiam debitore existere posset: utemur in hac re Africani et Caji regula, ut quoniam jam a principio in ea causa res esse cœpit, ut volente debitore jus pignoris in ea re vitari non posset, potior sit prioris causa: scilicet ut cum semel conditio extitit, perinde habeatur, ac si illo tempore, quo pactio interposita est, sub conditione facta esset. *L. qui balneum, L. potior, D. hoc tit.**

XIII. Quid si e converso prius convenit: ut res alicui pignori essent, quo tempore nondum pecuniam crediderat, quam post secundum creditorem, qui hypothecam accepit, credidit? Consequens est, hunc quoque secundo esse posteriorem, quia non ante res illi pignori esse incipiat, quam cœperit ei pecunia deberi. *d. L. potior, hoc tit.*

XIV. Hinc de eo quæsitum est, cui quid sub conditione debetur, non quod pignus si quod ei datum sit ante, quam conditio extiterit, illi teneatur. Initio enim effectum est non teneri. Sed hoc quæritur, si conditio existat, utrum nunc primum creditor esse incipiat, an vero jam ante a principio contractæ obligationis fuisse intelligatur. Quorsum id? Quia si ante quoque creditor fuit, et illi pignus datum est, quanvis pendente conditione alii eadem res pignori postea data sit: is tamen potior erit, cui sub conditione debebatur. Si non fuit creditor, is erit potior; qui prius, quam existeret conditio, pecuniam credidit, et in eam causam pignus accepit. Et est in hac re illa distinctio a Jureconsultis magno consensu usurpata, et tradita, quod facile varia eorum responsa, quæ in hac quæstione versantur, his titulis, declarant, quam eandem paulo ante in eo, qui hypothecam sub

conditione accepit, tenendam esse diximus; ut si cautione interposita in ea causa debitor esse cœpit: ut obligationem sua voluntate depellere non posset, quæ ex eventu penderet, conditione eveniente, non nunc demum obligari intelligatur, sed retro ex eo tempore, quo res primum sub conditione contracta est. Sin ea conditio fuit, quæ invito debitore impleri non posset; ut fuerit in potestate ejus, obligationem suscipere, aut non suscipere; ibi ex eo tempore et principalis obligatio, et pignoris contracta videatur, ex quo debitoris voluntate conditio impleta est. Utrunque optima ratione. Est enim obligatio juris vinculum, quo necessitate astringimur. Vere igitur dicetur eum jam principio fuisse obligatum, cui jam inde liberum non fuit a contractu recedere; nec efficere ullo modo, quin teneretur. Contraque in quo hæc necessitas non est, perspicuum est ex eadem definitione hunc non obligari; ut de eo responsum est, qui pecuniam accepturus, eam se redditurum promisit, cum accepisset, et jam tum pignus in eam destinavit. *L. qui balneum, L. potior, hoc tit. L. Titius, D. quæ res pig. ob. poss.* Prioris autem generis cum alia multa exempla sunt, tum illud præcipue notandum est: quod apud Papinianum hic extat. *L. 1. Qui dotem, inquit, pro muliere promisit, pignus, sive hypothecam de restituenda sibi dote accepit. Subsecuta deinde pro parte numeratione, maritus eandem rem pignori alii dedit, mox residuæ quantitatis numeratio impleta est.* Quæsitum est de pignore. In hac hypothesis priusquam longius progredimur, duo observanda sunt, quibus observatis nihil negotii erit, quale sit, quod Papinianus respondet, et cur ita respondeat, judicare. Primum est, maritum in specie proposita dote sibi a socero constituta dotis debitorem fuisse, sed debuisse sub conditione. Fuit enim hæc obligatio; ut soluto matrimonio dotem hanc redderet, cum accepisset. In quo inest hæc conditio, si modo accepisset, si ei enumerata esset. Nam ita reddere debet, si acceperit. Alterum observandum est, pendente adhuc ea conditione, maritum eandem rem pignori alii dedisse, quo tempore scilicet nondum dos tota marito numerata erat. Quid igitur in hac specie respondet Papinianus? Socerum, qui dotem promiserat, et pignus ante acceperat, secundo creditore, cui pendente conditione eadem res obligata erat, esse potiore. Cur, cum ante sub conditione debuerit, et fieri potuerit, ut dos non numeraretur? quia non ea fuit conditio, sub qua maritus dotem restituere debuit



buit, quæ non nisi volente illo impleri poterit. Non enim fuit in ejus potestate dotem non accipere, cum numeraretur, ut nisi vellet, eam restituere non cogeretur. Imo vero ut non offeretur, ultro tamen petere eam debuit. Esset hoc in potestate ejus, si ipsius solum commodum in ea re ageretur. Nunc autem mulieris commodum in ea re versatur, quam indotatam esse non convenit. Unde si quid per maritum factum sit, quo minus dotem haberet, semper illi quasi accepisset, tenebitur. Hoc significat Papinianus illis verbis; *nec dici potest in potestate ejus esse, ne residuam pecuniam redderet, ut minus dotata mulier esse videatur.*

XV. Cum hoc generaliter definiamus, qui prior est tempore, potior esse jure et ratione juris certa efficiatur, interdum tamen, qui posterior est, potior habetur. Mitto eum, cui voluntate primi creditoris res pignori a debitore datur. *de quo in L. creditor, §. si tecum, h. tit.* Nam cum hoc consensu primi creditoris jus illius in pignore solvatur, secundus creditor non tam potior in pignore dicendus est, quam solus. Dicimus etiam primi creditoris jure perseverante, et sine ejus voluntate posteriorem generaliter potior habendum esse, cujus pecunia factum est, ut salva esset pignoris causa. Quo in numero sunt, qui crediderunt, quod ad rem reficiendam aut conservandam impensum est, et id sine quo res salva non esset, *L. interdum, L. seq. h. tit.* item ii, quorum pecunia res emptæ est, quibus iisdem, ut pignori esset, specialiter statim convenit. *L. licet, C. eod. tit.* Quod si quis quæret, quomodo fieri possit, ut res, quæ nondum emptæ est, aliis prius pignori detur a debitore, id tum fieri sciat, cum res aliena sub conditione datur, aut res fuit ipsi, qui pignus dabat, debita. Quo casu Dominio debitori postea quæsito, pignus confirmatur in persona ejus, cui tum datum est; etsi alii postea detur, ille, cui prius datum est, potior est, extra quam si secundus ita pecuniam credidit ad eam rem emendam; ut simul de hypotheca conveniret. *L. 3. §. 1. hoc tit.* Idem dicendum est, si ex nummis pupilli fuerit res comparata, quanvis nihil nominatim convenerit; ut pupillo in eam causam obligata esset: *L. idemque, h. tit.* quoniam ante diximus, quod ex nummis pupillaribus emptum est, id tacite pupillis pignori esse. *L. si servos, C. de serv. pign. dato manumisso.* Ergo quod cæteros potiores esse dicimus, qui ad rem conservandam crediderunt, sic intelligimus, si modo prius illis

res fuerit specialiter obligata, sicut antea disseruimus, cum quibus in causis pignus tacite contrahatur, quæreremus. Nam et eum potior esse dicimus, ex cujus pecunia res emptæ est, *L. 3. §. 1. hic.* et tamen hoc sic accipimus, si quidem ei in eam causam res specialiter obligata sit. *d. L. licet, C. eod. tit.* Est autem æquissimum, eum qui ad conservandam, aut acquirendam rem credidit, priori præferri; neque enim dicet prior creditor, injuriam sibi fieri, quod cum tempore prior sit posteriori postponatur, quandoquidem absque ejus pecunia foret, nullum omnino pignus nunc haberet. Nunc autem ejus beneficio consequutus est, ut pignus haberet saltem post illum. Eodem jure in causa dotis mulier habetur, quæ præterquam quod tacitam hypothecam habet in bonis mariti ad dotem recuperandam, in ea causa etiam omnibus creditoribus aliis, quanvis tempore prioribus, ante fertur ex constitutione Justiniani, in *L. ult. C. eod. titul.*

XVI. In quo magna dubitatio est, velintne eam Justinianus omnibus præferri, etiam quibus nominatim res pignori ante mulierem datæ sunt, an iis solum qui lege tacitam hypothecam privilegio habent. Nihil enim hac de re nominatim definit, sed generaliter potiora jura eam habere contra omnes mariti creditores constituit in pignore, *d. L. ult. et §. fuerat, Inst. de act.* quasi velit contra omnes sine exceptione. Sed melius est, et æquius eam sententiam accipi, ut mulier omnibus creditoribus quidem aliis anterioribus præferatur, verum iis tantum, qui talem hypothecam habent, qualem mulier, id est, tacitam, et privilegio legis, non aliis. Nam non iniquum est, quod privilegium lege alicui tributum est, id contrario jure certis de causis adimi. Illud injuria non caret, quod jus creditor vigilando, et cavendo sibi acquisivit, id ei invito auferre, et cuiquam jus suum adimere, quod in alium transferas, cum præsertim dicere soleamus, jus vigilantibus scriptum esse. *L. Pupillus, in fin. D. quæ in fraudem credit.* Præclare vero illud in rescripto D. Marci, quod extat in *L. 2. de iis qui sunt sui, vel alien. jur.* scriptum est: *dominorum potestatem in servos suos illibatam esse oportere, nec cuiquam hominum jus suum detrahi.* Hoc etiam mihi ex ipsa constitutione recte colligi videtur: Sic enim scribit, mulierem potiora jura contra omnes habere mariti creditores, licet anterioris sicut temporis privilegio vallati. Bene anterioris temporis privilegio, ut intelligamus præferri debere iis creditoribus; qui privilegio in hypotheca

theca utuntur, id est, qui jus pignoris ex beneficio legis sibi vindicant: ut fisco; ut pupillo in tutoris bonis; ut cæteris, de quibus antea diximus. Iis autem qui aperta conventionē, et diligentia sua pignus acceperunt, non præferri, quia ii suo jure hypothecam habeant, non privilegio. Sed haud scio an hoc pene diserte expresserit Justinianus in *Novel. 97. de æqual. dotis*, §. *his consequens*, ubi ita scribit: Scimus nonnullas hypothecas ex privilegiis a legibus ipsis concessis tempore posteriores cum sint, vel antiquioribus creditoribus præferri, nempe cum quis pecunia sua effecerit: ut vel navis ematur, extruaturve, aut reficiatur, vel forte domus exædificetur, vel etiam ager comparetur, aut aliud quiddam. In omnibus enim hisce posteriores cre-

ditores, quorum pecuniis res vel comparatæ, vel renovatæ sunt, potiores sunt iis, qui vel multo antiquiores existunt. Ac deinde re in quæstionem vocata, ad extremum subicit, mulierem nulli ejusmodi privilegio cedere debere. Postremo in hac creditorum prærogativa illud tenendum est, inter plures creditores, quorum alii hypothecam sibi ex tabulis privatis vindicant quæ Græci *ιδιόχειρα* appellant, alii ex publicis, potiores esse eos, qui instrumentis publice confectis nituntur, quam qui privatis, nisi forte probatæ atque integræ opinionis trium vel amplius virorum subscriptiones eisdem contineantur. Idque Leonis constitutione effectum est, quæ extat sub *eod. tit. C. L. penult.*

## C A P. XIII.

### De Jure posteriorum creditorum.

*Posteriorēs creditores habere jus pignoris, eoque adversus alios, præterquam priores creditores uti posse. I.*

*Posteriorum jus confirmatur prioribus remotis, et quibus ii modis removeantur II.*

*Secundus creditor pignus sibi confirmat, si pecuniam primo offerat; et quid ex eo consequens. III.*

*Exceptio. IV.*

*Quomodo in locum creditoris succedat extraneus. V.*

*Rem tribus pignoratam non uno tempore si tertius per hypothecariam avocavit a primo, nihil agit, nisi et adversus secundum obtineat. VI.*

*Quid si secundus adversus tertium obtineat, et deinde adversus secundum primus; an hic iterum superabitur a tertio: et quod huic, incommodo remedium. IX.*

*Illustratur L. Claudius 16. D. qui potior in pign. vel hypoth. VII.*

*Et vindicatur a contrariis. VIII.*

I. **Q**uis cui in pignore præferatur diximus. Restat, ut de jure posteriorum creditorum, sicuti proposuimus, ordine cognoscamus. Et constat eos nihilominus pignus habere constitutum; quam ob causam et pignus vindicare possunt ab alio quovis possessore, et avocare suo jure. Sed tum scilicet nihil juris habere intelliguntur, cum res inter ipsos, et priores creditores agitur. *L. creditor*, §. *si simpliciter*, *D. qui pot. in pign.*

II. Hoc ergo nunc quærimus, quando posteriorum jus ita confirmetur, ut nihil priores obstant. Id quoque edicto a me paucis comprehensum est, ut scilicet priore remoto deinceps sequentibus locus fiat suo ordine.

*Tom. VI.*

Remotum priorem creditorem sic accipimus, quocunque modo illius obligatio, quo nomine pignus ei tenebatur, sublata est, sive solutione, sive compensatione, sive novatione, sive quo alio modo sublata est. *L. 4. L. creditor*, §. *1. D. quæ potior. in pignor.* Necesse est enim quocunque modo ille dimissus sit, accessiones quoque liberari. Et omnino quæ de his modis dicemus, quibus pignus vel hypotheca solvitur, huc poterunt omnia recte transferri.

III. Atque hinc efficitur; ut in potestate sit creditoris secundi sibi sua voluntate pignus confirmare, puta si pecuniam primo offerat. *L. quærebatur*, *eod. L. ul. C. de iis, qui in prior. creditor. loc. successer.*

Hac

Hæc enim re non solum creditor, sed etiam quivis extraneus id assequitur, ut pignus a quocunque liberetur; cum sit in potestate cujusque pro debitore solvendo, eum etiam ignorantem et invitum liberare. De qua re proximo capite pluribus a me, ut suo loco, dicetur. Hic autem illud notandum est, si quid tale acciderit; ut secundus creditor primo solveret, confirmandi pignoris sui causa non solum exinde rem illi in suum debitum teneri, sed etiam in debitum primi creditoris, et usuras, quas creditori priori solvit, quanvis invito debitore, quasi in locum prioris successerit. *L. creditor, §. sciendum, D. cod. L. secundus, C. de pign. L. ult. C. de iis, qui in prior. credi. loc. succes.*

IV. Superioris regulæ una est exceptio, si non is qui pecuniam creditori solvit, in jus ejus successerit, aut creditor ipse novatione facta in locum suum. Nam qui in locum primi creditoris successit, in ea quantitate, quem illi exsolvit, ejus jure utetur, cæterisque, quibus ille, itidem et hic præferetur. *L. 3. in prin. L. Claudius, versic. plane, D. cod. L. 2. C. de iis, qui in prior. cred. loc. success.* Hoc amplius et quod ex sua persona facere non potuit, qui in prioris locum substitutus est ex illius persona facere poterit, quia illius jure utatur, non suo. Finge tertium creditorem, qui distrahere pignus non potuit, quoniam id actum erat, priori solvisse pecuniam sic, ut in ejus locum succederet. Ex eius persona pignus distrahere posse incipiet. *L. Aristo, D. que res. pig. dari poss.* Creditor autem in suum locum, sive potius in pristinam obligationem succedere intelligitur, qui hæc lege priorem obligationem novat; ut in sequentem obligationem eadem pignora sibi teneantur. *L. creditor, §. Papinianus, L. ul. in prin. hic.*

V. Sic extraneus in locum creditoris succedit, non cujus pecunia ad creditorem primum pervenit, quanvis ita dederit, ut ex ea creditor dimitteretur, sed qui nominatim hæc lege dedit; ut idem pignus sibi obligaretur, et in prioris locum succederet. Neque enim jus prioris nancisci debet, qui ipse de pignore nihil convenit. *d. L. Aristo, D. que res pig. obli. L. 1. D. de iis, qui in loc. prior. cred. suc.* Eodem loco habetur, et qui a debitore, comparavit, aut ab eo pignori accepit, pecunia numerata ea lege, ut pecunia ad creditorem perveniret, et pervenit: hoc enim perinde habetur, quasi res ab ipso creditore empta, aut pignori accepta esset, cum eodem modo pecunia ad illum ex hac

conventionem pervenerit. *L. 3. C. de iis qui in prior. cred. loc. suc. L. qui a debitore, L. creditor, §. a Titio, D. hoc tit. Ad L. Claudius, D. qui pot. in pig.*

VI. Hujus autem juris rationem habemus in eo exemplo explicata, quod tractatur a Paulo sub hoc tit. in *L. Claudius*, de quo pauca dicam, non tam quia locus, si ad superiorem regulam referatur, difficilis sit, quam quod vulgo quæstio perplexa existimetur. Tribus creditoribus diversis temporibus eadem re pignori data primus adversus tertium hypothecaria egit, ac judicio victus est. Secundus an adversus tertium agere possit, cum quo nihil ante actum est, an vero hic quoque a tertio superari debeat, quæsitum est. Priori remoto, secundo locum esse constat. Sed etsi maneret primi obligatio, ordine tamen secundus prior, et ideo etiam potior est. Ita nisi quid aliud contra affertur, quæstio sublata est.

VII. Sed hæc sunt, quæ pro tertio dicuntur, quæ quæstionem faciunt primum a tertio in hypotheca superatum esse convenit. Secundum igitur ab eodem vinci necesse est: vel quod cum tertius primum vicerit, in locum ejus successisse videatur; vel quod si primum conditione, id est, exceptione expulit, multo magis debeat secundum, qui primo inferior est. Paulus sine præjudicio prioris sententiæ totum jus secundo integrum relinqui putat, eumque suo jure adversus tertium posse experiri. Adversus autem ea, quæ pro tertio afferuntur, ita disputat: ut ostendat, neque illum in jus primi successisse: neque quia primum exceptione repulit, ideo secundum removeere debere. Non successit in jus primi creditoris tertius creditor: quia eum excludendo nihil juris eum habere ad vindicandum potius ostendit, et se suo jure ad excludendum uti, qui si in illius locum succedere vellet, illum potius locum habere concederet, quo nunc ex persona illius uteretur. Quod si faceret omnino, illum judicio non vinceret, quod nunc fecit. Id significat Paulus illis verbis, quæ in extremo ponit: *igitur nec tertius creditor successit in ejus locum, quem exclusit.* Multo minus hoc sic recte colligitur: quia tertius primum exceptione summovet, ideo etiam præjudicio ejus sententiæ usus, secundum removebit. Neque enim quod primus victus est, id secundo ob stare debet, cum ille vel negligentia sua vinci potuerit, vel injuria judicis, vel exceptione aliqua propria, quæ inter primum et tertium locum haberet, puta pacti inter eos interpositi, aut transactionis, aut jurisjurandi delati, quo-

quorum nihil ad secundum pertineret. Aut si hoc admittemus, sententiam secundo nocere, quæ adversus illum dicta non est, consequens erit, etiam secundo eam prodesse posse, secundum quem nullo unquam tempore lata est. Finge, inquit, secundum creditorem sine controversia adversus tertium obtinuisse, deinde primum creditorem, qui a tertio victus fuerat adversus secundum experiri. Eadem exceptione secundus nunc utetur. Dicet enim, ego tertium in hypotheca vici, a quo prius victus es, multo igitur magis a me vinci debes, qui tertium ipsum superavi. Ita fiet, ut secundo huic sententia prosit eodem argumento, quæ tamen illum nulla ratione attingit, quod absurdum est: ergo et id, unde sequitur. Denique sic jus est: res inter alios judicata aliis neque prodesse, neque nocere debere. Hæc Pauli sententia est. Ex qua conficitur, primo creditore remoto, secundum adversus tertium hypothecam vindicare posse, quia ille in jus primi non successerit; si successisset, etiam secundo potius futurum.

VIII. Erit tamen, quem illud fortassis moveat, quod dicitur, si vinco vincentem te, multo magis vinco te. Quo argumento Scævola utitur in *L. de accessionibus*, §. 1. *D. de divers. et temp. præscr.* Sed hoc dictum nihil ad hanc rem nunc pertinet. Male namque generaliter ita concipitur, cum suo loco idonee maxime, et vere diceretur. Sane enim adversus te obtinere debeo, cum eum vinco, qui te vincit, si hunc vincentem te, ob eam ipsam causam vincam propter quam tu etiam ab illo superaris. Indeque si isto sensu accipiatur, generaliter recte definietur. Ut in hoc ipso exemplo trium creditorum, si invertatur, facile intelligi potest. Nam si primus vincit secundum; multo magis adversus tertium, obtinebit, qui secundo adhuc inferior est: ideo, quia primus secundum vincit ob id quod illo prior est. At hæc causa multo magis adversus tertium locum habet, qui etiam secundo posterior est. Unde recte colligitur, multo magis primo esse posteriorem. Nunc autem ea ratio in specie proposita cessat. Tertius enim creditor ideo primum vincit, non quia illo prior est, sed quia aut ille de jure suo non docuit, aut aliqua exceptio illum, quamvis cæteris priorem re-

Tom. VI.

movit. Nihil horum secundo obijci potest. Unde nihil mirum est, si primus a tertio illis de causis vinci potuerit, secundus autem iisdem de causis vinci non possit, quæ in eo nullæ sunt. Et ne multa: cum de victore agitur, causa vincendi spectanda est. Ea si in utroque victo eadem est, ob quam causam ille unum vincit, ob eandem etiam alius recte vincetur, vel quod eadem hoc, vel quod etiam major ratio est. Sin erunt causæ dispares, nullo modo ita recte colligetur, quia unus victus est, quia alio potior erat, etiam hunc vinci debere. Argumentum enim a comparatione majorum ducitur, quæ comparatio in iis nulla est, qui causis, et ratione disjunguntur: Ex quo apparet, quam inepti sint, qui hac notione prætermisssa, rationem invenire conantur, quomodo dictum illud distinguendo ab objectionibus variis tueantur.

IX. Ut ad rem redeam, tertius hic creditor, de quo in proposita specie agitur, qui nulla de causa primum vicit, quæ cum secundo communis esset, poterit sine præjudicio illius sententiæ a secundo conveniri. Poterit ergo et secundus a primo, quia ut nihil debet nocere secundo creditori res inter alios judicata, ita nec ei adversus primum prodesse debet. Hoc modo eveniet: ut secundus a tertio pignus avocet, et primus a secundo, tertius autem deinde a primo, quem ante vicerat, et rursus secundus a tertio, et deinceps per circuitum inexplicabilem res duceatur. Adversus hoc incommodum una cautio est in secundo, ne a primo conveniatur, si illi pecuniam offerat. Cum autem ad primum redierit, quo minus tertio satisfacere debeat, consequi non potest, quamvis quidam putent, illum a tertio amplius conveniri non posse, cum semel rei judicatæ satisfacit hypothecam tertio restituendo, a qua deinde ille excidit, quod falsum est. Semper enim tertius hypothecam tanquam suam vindicabit a primo: si primus eam sibi prius obligatam esse dicet, tertius replicatione utetur, si non prius inter nos judicatum est, me esse potius. Si dicet se rei judicatæ satis fecisse, cum nunc adversus eam facere velit, non audietur. Ipse enim se refellit. arg. *L. Sed et si possessori*, in prin. *D. de jurejurand.*

CAP.

## C A P. XIV.

## Quibus modis pignus\*, vel hypotheca solvitur.

*Rerum continuatio et ordo. I.*

*Pignus liberari tribus modis: (obiter qui sint). II.*

1. *Solutione pecuniæ a quocunque facta. III.*

*Non autem oblatione nisi facto testamento et solemniter. IV.*

*Et quidem solutione pecuniæ totius, non partis, etiam si plures sint res pignori datæ. V.*

*Nisi eadem fuerint in summas diversas obligatæ. VI.*

*Item satisfactione; quid hæc; quæ de re et quibus modis fiat; et quid a solutione differat. VII.*

2. *Consensu et voluntate creditoris, modo de ea constet, vel per consequentiam, et quomodo. VIII.*

*Exponitur L. debitum §. Cod. de remis. pign. IX.*

*Item conjectura voluntatis, alienatione jam secuta, et ea ex creditoris voluntate. X.*

*Aut etiam ex illius consensu pignore alteri dato. XIV.*

*Alienatum consentiente creditore pignus, et si ad debitorem redierit, illi non potest amplius reviviscere. XI.*

*Creditor qui alienari pignus scivit, nec alienationi intercessit, non illi videtur consentire. XII.*

*Præterquam in nonnullis causis, et quare in istis. XIII.*

3. *Solutio debitoris jure; et eo necessaria alienatione, non voluntaria. XV. XXI. XXII.*

*Ideoque nec usucapione. XVI.*

*Licet præscriptione longi temporis creditor summoveatur; et pignoris persecutio fiat inutilis. XVII.*

*Fructus obligati prædii, etsi de iis ut pignori essent convenerit, possessor b. f. perceptos et consumptos lucratur; et quare. XVIII.*

*Creditor utili Salviana pignus avocare ab eo potest qui usucepit; et debitor rursus a creditore pignoratitia. XIX.*

*Quid si ab usucapione dominus illud idem a debitore repetat; an hic adversus illum defendere possit. XX.*

I. **C**UM sit pignoris persecutio eo usque, donec pignus manet, id autem certis modis finiatur, hoc jam solum restat, ut quibus modis id accadat, dicendum videatur. Tres fere sunt res quibus pignoris obligatio maxime sustinetur: si obligatio principalis subsit, cujus nomine cautionis loco pignus detur; si creditor, cujus causa id comparatum est, pignus esse velit; si jus aliquod sit debitoris in ea re, quæ pignori datur, quia nemo plus juris ex alterius persona sibi sumere possit, quam ille habet cujus jure utitur. Totidem modis accidit, ut una aliqua ex his rebus sublata, necessario pignus liberetur.

II. Igitur et liberatione debitoris pignus liberatur, et consensu creditoris remittitur, et jure debitoris soluto, creditoris quoque in eo jus evanescit. De solutione obligationis, et creditoris consensu, sive pignoris remissione illis verbis edicti cautum est, quæ e-

tiam in edicto de pignoratitia actione proposita sunt: si pecunia omnis soluta erit, aut eo nomine erit satisfactum. L. si rem, §. omnis, D. de pignor. act. L. Item, D. quib. mod. pig. L. ult. C. de pignor. Solutio pecuniæ debitoris liberationem naturalem continet. Satisfactio tam eos modos, quibus debitor voluntate creditoris dimittitur, quam consensum de pignore remittendo complectitur. Quare si quod his verbis contineatur, dixerimus, quid in his duobus modis insit, eadem opera intelligetur.

III. Solutione ergo pecuniæ pignus liberatur: et maxime. Hoc enim modo principalis obligatio naturaliter tollitur, invito etiam creditore. Idque proprie pignus luere est. Quo pertinet ille titulus in C. de luitione pignoris. Atque hic effici jam ante diximus, ut quoniam unusquisque pro ignorante etiam, et invito debitore solvere possit, L. solvendo, de neg. gest. possit etiam hæc modo unus



nusquisque pignus liberare, cum pecuniam solverit. Cui consequens est, quod Paulus scribit eos, qui pignoris jure rem persequuntur, a vendicatione rei removeri solere, si quâvisque possessor afferre debitum velit. *L. Paulus, §. 1. hoc tit.* Non quo quicquam juris possessor habeat ad rem retinendam, sed quod in hac actione de jure creditoris quærat, quod removetur soluto pignore. Id autem solvitur pecunia exsoluta.

IV. Quid ergo si creditor pecuniam nolit accipere, cum offertur? An quia per eum stat, quo minus pecuniam accipiat, quasi conditione impleta, pignus liberabitur? Nequaquam. Solutione enim ejus, quod debetur, et præstatione, non oblatione liberatio nascitur. *L. qui modis, tol. obl. in prin.* Veruntamen et in hac, et in omni alia causa adversus creditoris injustam recusationem ad liberationem debitoris una cautio est, ut illo recusante pecunia testato oblata consignetur, et solemniter deponatur in publicum aliquem locum, id est, in eum, in quem idoneus judex de ea re aditus deponi jusserit. Quo subsecuto et debitor scilicet liberabitur, et una pignus extinguetur. *L. ult. C. de pign. act. L. acceptam, C. de usur.* Hoc vero nisi fit, neque debitor ipse, neque secundus creditor, primo creditori pecuniam offerendo, quo minus pignus recte distrahat impedire potest. *L. 1. C. qui pot. in pign. L. si prius, C. de dist. pign. L. ult. C. debitorem vend. pign. impediri. non posse.* Plane si debitor, aut secundus creditor, aut adeo quivis extraneus pignus possidebit, exceptio doli mali hypothecam persequenti oberit, si pecunia ei a possessore offeratur, cum per eum fiat quo minus ei pecunia solvatur. *L. potior, §. ulti. qui pot. in pign. hab.* Sed etsi debitor rem ad judicium revocet, et pignoratitia actione de pignore agat: hoc ipso recte agat, et vincere debebit, si pecuniam apud judicem offerat. Nam cum edicto prætoris actio Serviana proposita sit hac conditione, cum omnis pecunia soluta erit, ei conditioni partium intelligitur, si per creditorem stabit quo minus impleatur. *L. si rem, §. ult. L. aliena, §. si per creditorem, D. de pignor. act. L. acceptam, C. de usu. L. ult. C. de luit. pign.* Est enim certissimi juris, quoties per eum, cujus interest conditionem non impleri, fiat, quo minus impleatur: perinde haberi, ac si impleta conditio fuisset. *L. in jure, D. de reg. jur.* Proinde si debitor ejus rei examinandæ causa arbitrum impetrarit, quantum deberetur, et pecuniam attulerit, sive creditor non venerit, sive venerit, et

illi pecunia oblata erit, distractio pignoris impeditur. *L. si residuum, C. de dist. pign.* Cæterum si is erit, qui pignoratitia agere non poterit, aut debitor ipse rem in judicium non vocabit, pecuniæ oblatione nihil profecerit, ut ante diximus.

V. Sed pecuniam quanta debetur, solvi oportet. Quandiu ad plenam solutionem aliquid deerit, pignus recte distrahetur. *L. quandiu, C. de distr. pign. L. ult. C. debitorem vend. pign. imp. non pos.* Hoc est, quod Ulpianus edictum de pignoratitia actione interpretans ait, omnem pecuniam exolutam esse debere, ut nascatur pignoratitia actio, quæ tum scilicet nascitur, cum pignus fuerit liberatum. *L. si rem, §. omnis, D. de pign. actio.* Nec mirum videri debet, parte sortis soluta pro parte nasci liberationem obligationis, ipsum vero pignus ne pro parte quidem liberari, quanvis res pignori data ejusmodi sit, quæ recipiat divisionem. Res enim ipsa recipit divisionem, at non recipit pignoris liberatio. Habet enim ex jure, et edicto prætoris liberatio pignoris hanc conditionem, si pecunia soluta sit. Et verum est solutam non esse, quæ tota soluta non est. *L. cui fundus, D. de condit. et demon.* Quo fit, ut quanvis plures res creditor pignori acceperit, non tamen cogatur ne unam quidem dimittere, nisi accepto universo, quantum debetur. *L. qui pignori, D. de pignor.*

VI. Sane si in diversas summas res separatim obligatæ sunt, singulas obligationes jus quoque pignorum sequetur, ut una exsoluta, ea quoque pignora liberentur, quæ in eam summam obligata erant, *L. ult. hic.*

VI. Hæc de solutione. Quid sit satisfacere, videamus, quandoquidem satisfactio pro solutione est. Satisfacere, est creditorem pro eo, quod a nobis petit, contentum dimittere. *L. 1. D. qui satisd. cog. L. 5. §. satisfactio, D. de verb. oblig.* Qui igitur aliud pro alio cepit, ut ab obligatione recederet, vel sola promissione debitoris, aut grati animi significatione contentus obligationem remisit, huic satisfactum intelligitur, eoque modo pignus liberatum. *L. si rem, §. omnis, D. de pign. actio.* Satisfit autem creditori aut de sorte, aut de pignore. De sorte, quibuscunque modis creditor debitorem dimissum velit, aut ipso jure, aut per exceptionem. Ipso jure, ut novatione voluntaria, ut acceptilatione, ut aliud pro alio accipiendo, et similibus modis. *L. solutum, in princ. et §. solutam, D. de pign. act. L. 1. §. ult. hoc tit.* Per exceptionem, ut si paciscatur a debitore, si jusjurandum illi deferat, et ille ju-

juret. Ex quibus debitori nascitur illic pacti exceptio, hic jurisjurandi. *L. solvitur* in prin. et *§. ult. L. si deferente, eod.* Ac ne multis agam, una omnino in hac re regula tenenda est, quocunque modo debitor ea obligatione liberetur in omnibus generibus accessiones quoque liberari, ut fidejussores et pignora. *L. in omnibus, de solu.* Nam cum principalis causa non consistit, extinguere ea necesse est, quæ accessionum locum obtinent. *L. cum principalis, D. de regul. jur. L. 1. L. 2. D. de pecu. leg.* Neque sane retulerit, quomodo debitor liberetur ipso jure, an per exceptionem, cum utroque modo vi ipsa id consequatur, ne a se peti possit. *L. nihil interest, de regul. jur.* De pignore autem satisficit creditori, cum aut alia pignora, aut fidejussores pro hypotheca, quæ obligata est, dantur, aut adeo nuda conventionem ab hypotheca discedit. *d. L. si rem, §. omnis, D. de pig. act.* Sed inter solutionem et satisfactionem hoc interest, quod qui paratus est solvere, pignus liberat: satisfactionem autem puta satisfactionem, quæ offertur, vel alia pignora pro hypotheca nemo admittere cogitur. Contentus enim quisque non invitus, sed volens redditur. *L. item, §. 1. h. tit. L. quod si non, D. de pig. actio.*

VIII. Igitur ut qui secundus erat modus distrahendi pignoris, magis intelligatur, si distincte tradatur, sic habendum est; ut pignus consensu solo contrahitur, certe quidem contractum voluntate creditoris consistit, etiam si vel legitimum sit, vel prætoris auctoritate occupatum; ita etiam consensu omne dissolvitur, voluntateque creditoris remittitur. *L. 2. C. de remis. pign.* Tantum de voluntate ejus constare satis est. De qua si aperte constet, nulla est dubitatio, ut quod nominatim pactus est, ne amplius res hypothecæ sit. *L. solvitur*, in prin. et *§. 1. hoc tit.* Verum ut aliud principaliter agatur, si id ejusmodi est, unde consecutione quadam intelligatur creditor de non retinendo diutius pignore cogitasse, nihil amplius ad liberationem pignoris requiremus. Itaque cum proponeretur aliquando creditor debitorem suum donationis causa de sorte liberasse, constaret autem, donationem quibusdam modis inutilem fuisse, forte quod maritus uxori suæ pecuniam, quam illa sub pignoribus debebat, donasset, manente etiamnum principali obligatione, pignus tamen voluntate creditoris solum esse Papinianus respondit. *L. 1. §. 1. D. hoc tit.* Atqui de pignore nihil dixit creditor, neque porro propter principalis obligationis remissionem pignus liberabitur, quo-

niam illa remissa non est, quæ inutiliter remissa est. De pignore creditor nihil dixit, ac ne egit quidem principaliter. Sed qui sortem donabat, apud se, hoc animo et cogitatione fuit, ut nollet rem sibi amplius pignori esse, quia se principalem obligationem remittere putabat, qua sublata consequens quoque esset, ut pignus liberaretur. Hanc cogitationem de pignore amplius non retinendo ad pignoris liberationem satis esse dicit. Non idem responsurus esset Papinianus si creditor pacto inutiliter debitum remisisset, non sua voluntate, sed aut dolo inductus, aut coactus metu. Ut enim hic pecuniam remittere noluit, ita nec voluit pignoris obligationem, quæ ex illa pendebat. Itaque ut de pecunia illi pactio non obesset, sic nec noceret de pignore.

IX. Hoc sensu recte quidam putant accipiendum esse rescriptum Gordiani sub titulo, *de remis. pign.* cujus verba hæc sunt: *Debitum, cujus meministi, quod per pacti conventionem inutiliter factam remisisti, etiam nunc petere non vetaris, et usitato more pignora vindicare.* Quanquam enim rescripto nihil distinguitur, quomodo pacti conventio inutiliter cesserit, an quod metu coactus esset creditor, dolo circumventus, an quod donare voluisset, quæ donatio inutilis fuisset; tamen animadvertendum est, neque hoc rescripto, neque aliis omnibus generaliter jus edici, sed ad eam speciem, de qua ex facto Imperator consultus erat, responderi. Jam vero non de omnibus causis, in quibus debitum pactione inutiliter remitteretur, Gordianus consultus erat, sed de una aliqua causa, in qua certo modo accidisset, ut pactio inutiliter fieret. Quod cum incertum sit, quomodo acciderit, rescriptum in eam sententiam accipiendum est, ut eo casu pactio intelligatur non valuisse, qui responso convenire potest. Quod ita fit, si is, qui de debito remittendo paciscebatur, re ipsa non consentiebat. Illud autem absurdum est eum, qui sua sponte, nec deceptus, debitorem liberare voluerit, dicere pignus remittere eadem opera noluisse, aut cum remittere voluerit, consensu non liberasse.

X. Cum voluntatis significationem quamlibet ad liberandum pignus placeret esse satis, undecunque creditorem de eo remittendo sensisse vel per consequentiam appareret: hinc species liberandi pignoris per interpretationem voluntatis accepta, ut si creditor alienationi pignoris consentiret, id est, permetteret debitori pignus alienare, pignus eo

facto liberari intelligeretur, modo ne salva pignoris sui causa id faceret. *L. si debitor*, in pr. §. 1. *L. si consensit*, in pr. et §. 1. *L. sicut*, §. 1. 2. 3. 4. *L. Titius*, *L. Lucius* *D. hoc tit.* Scilicet hinc voluntatis conjectura facta est quod nihil ad rem pertineret illum alienationi consentire, si res nihilominus salva pignoris causa alienaretur. Nam alioqui et sine consensu ejus idem assequi debitor poterat. Verum hic modus nonnullas cautiones habet. Sic enim hoc consensu creditoris pignus solvitur, si etiam alienationis effectus secutus sit, idque secundum creditoris voluntatem. Nam aliter hoc non fit. Proinde si res vendita non sit, sive ita vendita sit, ut aliqua ratio juris venditionem impediret, pignus manebit. *L. sicut*, §. *si voluntate*, *L. 4.* in fin. *D. hoc tit.* Plus dicimus, etsi emptio postea resoluta sit utriusque consensu, pignus restituetur creditori. *L. voluntate*, *D. h. tit.* Unde si res vendita quidem proponatur: cæterum aut eam semper repertus sit possidere debitor; aut traditam postea recepisse, cum pretium illi solutum non esset, quia utroque casu suspitio est, veram venditionem non esse contractam, sed speciem tantum venditioni quæsitam esse: Martianus putat creditorem rem vendicare posse, et si debitor dicet illum consensisse venditioni, quæ sequuta sit, creditorem doli mali replicatione uti posse. *L. sicut*, §. *supervacuum*, *D. eod.* Sed etsi alienatio sequuta sit, verumtamen non ita, ut creditor consenserat, nihil ei nocebit alienatio. Id autem duobus modis accidere potest, uno si non eodem genere alienationis alienata est, ut si cum vendere permisisset creditor, debitor donavit, vel contra altero, si ab alio possessore quamvis eodem modo res alienata est. *L. sicut*, §. *sed si permiserit*, et §. *si debitor*, *hic.* Non tamen semper accidit, ut uno genere alienationis permissio, si alio modo debitor alienet, contra voluntatem creditoris fecisse videatur. Sed hac in re facti quæstio versatur. Itaque generaliter ita definiendum est, si certa aliqua de causa unum aliquod genus alienationis creditor concessit, eo non sequuto, contra ejus voluntatem factum videri, ideoque alienationem ei non nocere, quoniam ejus intersit. Finge ideo vendere permisisse, ut pretio accepto debitor habeat, unde solvat. Si debitor donarit, non nocebit consensus. E converso, si ille donare concessit, quia amicus erat is, cui donabatur, debitor autem vendidit, creditori nihil oberit. Sin autem ita uno modo alienare concessit, quia debitore sic petebatur, utrum autem hoc an illo mo-

do alienetur, ejus nihil intersit, quocunque modo res alienata fuerit, videbitur secundum ejus voluntatem alienata, eique alienatio nocebit. *L. sicut*, §. *sed si permiserit*, *D. h. tit.* XI. Adeo autem hoc consensu pignus tollitur, semel secuta alienatione pignoris, ut quamvis eadem res postea legitimo aliquo modo ad debitorem redierit, vendita puta vel insolutum data vel legata, vel donata, qua quidem ex re fraus omnis aberit, pignus semel extinctum non restauretur. De quo exstat Justiniani constitutio in *L. ult. C. de remis. pigno.* In qua illud in primis notandum est, quod Justinianus sanxit, rem eandem amplius creditori non obligari, ne si debitoris quidem bona obligata sint, tam præsentia, quam quæ postea quæsitæ erunt, quorum tamen appellatione contineri videtur ea res, quæ denuo creditori quæsitæ fuerit. Sed hoc ideo facit, quod ea res semel de illa generalitate rerum voluntate creditoris exempta est.

XII. Ac quid sit juris, si creditor alienationi pignoris consenserit, intellectum est, hoc quæritur quando videatur consensisse. Eum quidem consentire certum est, qui cum a se, ut vendere liceret, peteretur: aperte declaravit id sibi placere. Sed hoc ambigitur, an qui scivit rem alienari, vel quia admonitus a debitore, vel alio modo certior factus non intercessit venditioni, nec emptori quicquam denuntiavit, videatur, quia scivit, et passus est, hoc ipso consensisse. Et placet eum, qui id faciat, non idcirco consentire videri, quia possit id ob eam causam pati, quod suum jus durare intelligat, cujus deteriore causam ab alio invito se fieri non posse, non ignorat. *L. sicut*, §. *non videtur*, *D. quib. mod. pign.*

XIII. Hoc tamen cum in conjectura voluntatis positum sit, quibusdam in causis eadem voluntatis conjectura aliter receptum est. Nam in servo pignori dato manumisso, si sciente eo, cui obligatus erat, manumissus sit, constitutum est manumissum jure, et consensu creditoris remissam videri pignoris obligationem. *L. 1. C. de remis. pign.* Id quidem libertatis causa, vel quod libertas, cum omnium maxime favorabilis res sit, interpretatione potius adjuvanda fuerit adversus creditorem, quam ad exactum jus revocanda; vel quod creditor ei rei tanquam favorabili ipse quoque pro se favisse videatur, humanitatis jure potius, quam de suo jure adversus rem jam confectam retinendo cogitasse. Idem receptum est in his causis si vel fisco sub hasta distrahente creditores siluerunt, vel

vel eo tempore quo prædium ab aliis creditoribus distrahebatur, publico programme admoniti, cum præsentibus essent, jus suum executi non sunt. *L. si hypothecas, L. si eo tempore, C. de remis. pign.* Quod tamen non tam eadem illa voluntatis opinione receptum est quasi qui id fecerint, pignus sua voluntate amisisse credantur (quamquam hoc quoque existimari potest,) quam ipsorum negligentia, quæ in his causis ferenda non est. Nam neque hæc fiscalis fides facile convelli debet, ubi sit, quod creditori imputes, *d. L. si hypothecas.* neque temere audiendus est, qui publico programme admonitus a creditoribus, eos ipsos creditores, simul et emptores decipere voluit, cum ideo programme illi uterentur, ut si qui essent, ad quos ea res pertinerent, existerent, et jus suum exequerentur. Quin potius hæc interpretatio adversus illos admittenda est, quasi jus suum remittere voluerint, ut illis silentium suum potius, quam adversariis noceat. Non idem probatum est, si debitor ipse rem proscribat, quia debitor, quos creditores habeat, ignorare non debeat, qui si vellet eos dimittere, nihil programme uti eum oporteret.

XIV. Quod de eo, qui alienationi consensit, diximus, et in eo probandum est, qui consensit, ut alii res pignori daretur. *L. Paulus, 9. L. Titius, in fi. D. hoc tit.* Genus enim alienationis est, pignori dare. Itaque prohibita alienatione rei, hoc quoque interdictum intelligitur, ne res pignori detur. *L. ult. C. de reb. alien. non alien.* Atque hoc modo sic consensu creditoris pignus solvitur, ut non adversus illum tantum tollatur, cui concessit pignori dare, sed in totum perinde ac si id vendere concessisset. Unde si creditor consenserit, ut res sibi obligata tertio daretur, non tertius in locum prioris successisse videbitur, quod futurum erat, si illi tantum ea res prodesset, sed jus secundi creditoris, ut si quovis alio modo soluta esset hypotheca, confirmatur. *L. Paulus, D. hoc tit.* Plane si creditor se id in gratiam tantum ejus facere dixerit, cui res pignori obligabatur, non nisi adversus eum pignoris remissio creditori nocebit, ut est constitutum. *L. jubemus, C. ad Velleja.* Et recte. Nam et ante diximus ita demum creditorem consentientem alienationi pignoris jus suum remittere intelligi, si non salva pignoris sui causa consenserit. Quod eum facere apparet, qui in alicujus tantum gratiam pignoris obligationi consensit.

XV. Restat tertia ratio pignoris liberandi,

ut quoniam nisi jus, quod habet in re quæque debitor, pignori dare non possit, idcirco vel ea re penitus extincta, vel eo jure soluto, quod debitor in ea re habebat, jus creditoris extinguatur. Corpore extincto nulla dubitatio est. *L. sicut, D. quib. mod. pign.* Est enim pignus in corpore, quo sublato et ipsum jus tolli necesse est. Jure autem a debitore sublato paulo major est quæstio, cum dixerimus actionem pignoris in rem esse, nec videatur creditoris jus, quamdiu res, et obligatio maneat, sine facto ejus amitti posse. Et hoc loco pluribus inculcandum est, quod paulo ante obiter attigimus, alienatione debitoris voluntaria jus creditoris amitti non posse, ne dici incipiat creditoris conditionem debitoris facto deteriore constitui posse. *L. destructis, L. debitorem, C. de pignor.*

XVI. Quod si verum est, consequens fuit, ut diceremus nec usucapione perimi pignoris causam. Quæ rursum alia juris regula est inde nata. *L. usucapio, C. de pig. L. 1. §. cum prædium, D. eod. tit.* Alienationis enim genus est usucapio, ut Paulus scribit, ac vix est ut non videatur alienare, qui patitur usucapi. *L. alienationis, D. de verb. sign.* Nec quisquam hoc admiretur, cum dicamus per usum et possessionem legitimi temporis Dominium ipsum amitti, pignus non amitti. Amitteretur enim una cum dominio pignus, si quicquam cum Dominio coniunctum haberet, id est, si eiusdem esset pignus, cuius est Dominium: Ad hæc nulla societate coniunguntur, planeque diversorum sunt. Quæ ratio ubique a Papiniano redditur, cum hanc regulam ponit. *d. L. 1. §. eum prædium, D. de pignor. L. justo, §. non mutat, D. de usuc.*

XVII. Sane præscriptio longi temporis acquiritur adversus creditorem ei, qui pignus longo tempore bona fide possederit, *L. toto tit. C. si adver. cred. pres. opp.* Neque ideo tamen efficitur extinguere pignoris causam. Quamquam enim res immobiles non autem usucapiuntur ex constitutione Justiniani, quam longo tempore possessæ sint, id est, decem annis inter præsentibus, viginti inter absentes, et qui tandiu possedit, is creditorem pignus vindicantem præscriptione temporis summovet, non tamen propter usucapionem id facit, sed quia tandiu possedit. Nam etsi res esset ejusmodi, quæ usucapi longo tempore non posset, ut res pupilli, ut vi, aut contra legem repetundarum possessa, tamen creditor si eam tanquam pignori obligatam vindicaret, præscriptione temporis sommoveatur.



tur; quia tandiu tacuisset. *L. 1. C. si ad-  
ver. cre.* Jam vero si propter dominium usu  
acquisitum creditor exceptione summoveretur;  
etiam is exceptione tutus esset, qui rem  
mobilem triennio usu cepisset; quia hic quo-  
que Dominium rei acquisivit. Quod secus est.  
Quæ omnia declarant, si is, qui usucepit,  
præscriptione quoque temporis creditorem pi-  
gnus persequentem removeat, non in eo  
causam esse, quod usu rem suam fecit, sed  
quod tandiu possedit. Quid, quod his verbis;  
præscriptionem longi temporis acquiri adver-  
sus creditorem, superior illa regula de usu-  
capiione confirmatur? Quod enim dicitur,  
usucapiione pignus non perimi, hanc sen-  
tentiam habet, non perimi ipso jure, quin  
pignoris persecutio relinquatur, non tolli,  
inquam, ut Dominium Dominio pellitur.  
Quod autem dicitur præscriptione longi tem-  
poris creditorem summoverti, hoc significat,  
pignus quidem manere, et pignoris persecu-  
tionem, sed per exceptionem longi temporis  
inefficacem constitui. *L. 1. C. si adver. cre.*  
Quid enim aliud est præscriptio temporis,  
nisi temporis exceptio? *L. super longi, C. de  
lon. temp. præ.*

XVIII. Quod cum constet, mutatione do-  
minii pignoris causam non tolli; quia non  
in debitorem solum sit hæc actio, sed pos-  
sessorem sequatur, inde dubitatum est de  
hujusmodi specie. Debitor cum prædium pi-  
gnori daret nominatim ut fructus quoque pi-  
gnori essent, convenit. Id prædium postea  
distractum est ab eo, qui dominus non erat,  
sive is debitor fuit, sive inscio debitore alius  
et traditum est bona fide accipienti. Emptor  
bonæ fidei, quia non aliter secundum regu-  
las juris fructus omnes lucratur, quam si  
consumpserit, consumpsit, atque ita suos fe-  
cit. De his nihilominus convenitur a credito-  
re utili Serviana. Quæsitum est, an eos re-  
stituere debeat. Quæ quæstio tractata est a  
Papiniano. *Libr. 2. Respons.* exstat in *L. 1. §.  
cum prædium, D. de pignor.* Movet quæstio-  
nem, quod initio convenit ut fructus prædii  
pignori essent. Quod autem postea a bonæ  
fidei possessore acquisiti sunt, de pignoris  
caussa nihil mutare videtur. Nam si usu-  
capiione pignus non tollitur, nec fructuum per-  
ceptione aut consumptione, quæ item spe-  
cies est acquisitionis, tollitur, et in totum  
alienatione ac dominii mutatione non tolle-  
tur, hoc enim superioribus omnino conse-  
quens est. Sed Papinianus respondit bonæ fi-  
dei emptores hoc casu fructus consumptos,  
nempe hoc modo sibi acquisitos. (Nam, ut  
dixi, omnes fructus tunc acquiruntur, cum

consumpti sunt,) *L. quæsitum in. fi. de acqui-  
rer. do.* restituere non cogendos. Nec obstare,  
quod usucapiione pignoris causa non perimi-  
tur. Ideo enim usucapiione pignus non tollitur;  
quia ante usucapiionem pignus constitutum  
fuit. In fructibus dissimile est, quia nun-  
quam debitoris fuerunt, id est, quia nun-  
quam pignori obligati fuerunt. Quod enim  
convenit; ut pignori essent futuri fructus, ad  
pignoris obligationem non est satis. Requiritur  
præterea, ut sint in bonis obligantis.  
Quod cum in proposito non acciderit, di-  
cendum est eorum fructuum perceptione non  
tam pignus creditori tolli, quam nullam pi-  
gnus unquam fuisse. Unde colligitur quo-  
cunque modo possessori fructus postea acqui-  
siti sint, non posse vindicari eadem ratione;  
quia nunquam debitoris fuerunt. Quod eve-  
niet si debitor dominus fuit, et rem ipse o-  
bligatam vendidit. Quo casu parum retulerit,  
an possessor ante, quam consumeret fructus,  
cogoverit rem pignori obligatam esse, an  
non: quia omnimodo fructus ejus fierent.

XIX. Sed cum dixerimus, usucapiione pi-  
gnus non perimi: inde constat creditorem  
rem ab usucapiione domino utili Serviana a-  
vocare posse. Hic duplex oritur quæstio, u-  
na, possit ne debitor pignus receptum a cre-  
ditore repetere ab eo pignoratitia actione. Jam  
enim dominus non est. Rursum pignus ab  
eo natum constat. Et certum est, posse. Nam  
etsi res aliena a principio pignori data esset,  
eam soluta pecunia debitor pignoratitio judi-  
cio recuperaret. *L. si in rem, §. is quoque,  
D. de pig. act.*

XX. Quoniam constat posse, sequens quæ-  
stio est, possitne dominus idem, qui usuce-  
pit, eam a debitore auferre, an vero sit  
aliqua cautio, qua debitor adversus dominum  
defendatur. Dominum quidem esse eum con-  
stat, qui suscepit, non debitorem. Sed mo-  
vet, quod creditor solus in pignore jus ha-  
bet, qui jus suum in extraneum potuit trans-  
ferre. Quod si fecisset: emptorem adversus  
omnes prætor tueretur. Quare quidem putant  
creditorum, ut in extraneum jus suum, et  
hypothecariam actionem transferre potuit: *L.  
mulier, qui pot. in pig. hab.* sic etiam in de-  
bitorem posse; quia jam extranei sit loco. Sed  
verius est, creditorem in cæteros quidem jus  
suum transferre posse, id est, nomen, et una  
cum nomine accessionem, id est, pignus, et  
hypothecariam actionem: in debitorem autem  
non posse: quia non possit in eum transfe-  
re actionem personalem; ne incipiat dici ipsi  
debitori actionem adversus se cedi posse, quod  
absurdum est. Illud etiam absurdum, cum



debitor ea pecunia, quam creditori dedit, liberetur, dicere eadem pecunia et nasci hypothecariam actionem, et tolli. Tollitur autem accessio pignoris, cum principalis obligatio sublata est. *L. in omnibus, D. de solutio.* Alii igitur in hac re debitori consilium dant, ut rem apud creditorem insolutum relinquat. Sic enim fieri putant; ut neque debitor jam conveniatur, qui rem non possidet, et tamen liberetur; neque creditor; quia quavis rem possideat, ipse tamen jure creditoris potior sit eo, qui usucepit, ut diximus. In quo, iudicio meo, valde falluntur. Nam isto modo pro uno incipient duo jam teneri, et debitor, et creditor; Debitor, quia cum rem alienam in solutum dedit, vendidit. *L. eleganter in prin. D. de pig. act. L. 4. C. de evict.* Cum autem vendiderit, domino utili negotiorum gestorum actione tenebitur, si res domino vindicari non possit. Idque et responsum, et constitutum est. *L. mater, C. de rei vindi. L. rescriptum, §. 1. D. de distr. pig.* Creditor quia rem possidet: nec ad rem pertinet, quod creditor jure pignoris domino potior est. Hic enim nec jam creditor est, cui satisfactum est: nec pignus manet, pecunia soluta, quia fieri non possit ut principali obligatione sublata, accessio non liberetur. *L. in omnibus, D. de solutio.* Relinquitur igitur, nullam esse rationem justam, quæ pecunia creditori soluta, et pignore jam liberato actionem suam domino auferat, quavis manente pignore creditor domino præferatur. Quæ omnis de jure creditoris in re pignori data usucapta disputatio nobis ex eo nata est, quod pignus recte contractum postea alienatione debitoris eoque nec usucapione extinguere posuissimus.

XXI. Nunc ad rem revertemur, breviterque de amissione pignoris definiemus. Cum semel res optimo jure cœperit esse debitoris, et eo pacto, ut non nisi voluntate ejus amitti possit, aut non nisi ab eo in alium transferri: nunquam ea amissione jus creditoris tollitur, quia non possit actione in rem semel illi jure constituta, debitor vitio suo aut opera conditionem ejus facere deterioiorem. Sed est, cum debitor res quasdam in bonis habeat certa lege, et conditione, puta quandiu illud, aut illud factum non erit. Qua conditione finita res ei sua lege auferatur.

Id si accidet, jus quoque creditoris solvetur necessario: quia nihil amplius juris debitor ipse habuerit, quam ut illa conditione non existente rem retinere. Hoc in pignore pignoris itemque in nomine, ut notioribus exemplis utamur, facile intelligi potest. Quia enim pignus hac lege tenetur, si pecunia debeatur: si id pignori secundo creditori datum sit: pecunia ei soluta, qui obligavit, pignus quoque secundi solvitur. Ista ratione si debitor fundum vectigalem, quem habebat, pignori dederit, ac deinde is in exsolutione vectigalis cessaverit, cum ei fundo lex dicta esset, ut si post certum tempus vectigal solutum non esset, ad dominum rediret: non solum secundum legem fundus ad dominum redibit, sed soluto jure debitoris ex ea causa quæ pignoris obligationem antecesserit, et invito rem auferat, jus quoque pignoris sua sponte evanesceat. *L. lex vectigali, D. de pign.* Idem in superficie pignori data dicemus, si vectigal solarium non pendatur. *L. etiam, D. qui potio. in pig.* Sed enim jus debitoris ex ea conditione solvi necesse est, quæ ab eo, qui rem in debitorem transtulerat, invito debitore exerceatur.

XXII. Quod si ea conditio fuit: ut nisi debitor velit, res ab eo recedere non possit, et si forte in eo conditione sua utatur jus tamen pignoris facto ejus non finietur. Ad quod significandum hæc exempla sub hoc titulo posita sunt, *L. 3. et 4. D. fundus ita distractus est: fundus Tusculanus tibi emptus esto tot aureis, nisi intra Calendas proximas meliorem conditionem attulerit: mox traditus, ab emptore ante quam melior conditio afferretur, pignori datus est.* Meliore conditione postea allata, nimirum pignus finietur. Nam et res secundum legem venditionis emptori aufertur. Ad idem fundus si ita venditus sit: ut si displiceret, redderetur, ac postea pignori ab emptore datus ab eodem redditus sit: aut quia pestilens erat, redhibitus: pignoris causa non extinguetur. Quippe nulla necessitate debitor rem a se dimittere cogebatur, tametsi illi expediebat. His expositis nihil quod ad causam, et jus pignoris cognoscendum necesse sit, prætermissum puto.

HUGO.

# HUGONIS DONELLI

## JURISCONSULTI

### COMMENTARIUS

#### DE

### JUDICIIS DIVISORIIS

#### CAPUT I.

*Reum exorditio: res nostras pro quibus obtinendis laboramus esse in duplici genere; quæ sint. I.*

*Communes res obtinendi tanquam proprias ratio duplex: aut facta communi dominorum consensu divisio. II.*

*Quam seu traditio, seu stipulatio interposita consequatur. III.*

*Aut divisio in jure facta; quæ de ea re sint instituta judicia. IV.*

I. **D**E rebus nostris obtinendis duobus modis laboratur. Est enim aliquid quod nostrum proprie sit: est quiddam ita nostrum, ut sit etiam cum aliis commune. De eo quod nostrum, et proprium est, id agitur, ut nobis restituatur: ut si quis teneat, et de jure nostro nobis controversiam faciat. De rebus communibus hoc; ut etiam si socius rem nobis communem fateatur esse, res a communione eximatur; sic res divisæ, nostra propria efficiatur.

II. Quarum rerum obtinendarum causa duæ sunt actiones, ac prius illud vindicationibus consequimur, de quibus dictum est. Posterius et consensu eorum, inter quos res communis erat et sine consensu propriis actionibus. Quæcunque divisio rerum communium dominorum consensu facta est, nisi ætatis auxilium interveniat, orta est, sive nullo judicio suscepto, ultro res inter se dividerint, sive de suscepto maluerint rem inter se dividere, quam judicis sententiam expectare. *L. non ideo, Cod. hoc titul. L. ultim. D. eod. L. si inter, 3. C. commun. utr. jud.*

III. Sic tamen, si divisionem hanc traditio rerum secundum placitum divisoris secuta sit, aut interposita sit stipulatio. *L. si divisionem, C. eod.* Dominium rerum sine traditione domini in servum transferri non potest, *L. traditionibus, C. de pact.* ut secundum conventionem res tradatur, agi potest.

*Tom. VI.*

Sed ut agi possit, stipulatione efficitur, non pacto nudo, §. *de constituta, Inst. de actio. L. juregentium, §. continuo, de pact. L. legem, C. eod.* Ita fit illud, quod Hermogenianus finivit, divisionis placitum, nisi traditione vel stipulatione sumat effectum ad actionem, tanquam nudum pactum nulli prodesse poterit, *L. divisionis, D. de pact.*

IV. Si res inter eos, quibus res communis est, convenire non potest, quæcunque res erit, judicia sunt, quibus ad divisionem ultro provocemus, et quod volumus, consequamur. An ergo, quæcunque communio nobis cum alio intercedat, etiam facto nostro et voluntate suscepta? Nihil refert; cum nulla ratio sit, cur alius re nostra aut beneficio nostro, ultra, quam nobis videtur, utatur: nemo ad communionem retinendam cogi debet, ne si id quidem convenerit, ne a societate discederetur. *L. si non sortem, §. si centum, D. de cond. indeb. L. si convenerit, §. 1. D. pro socio, L. in hoc judicio, §. si conveniat, D. com. divid.* adde discordias, quas materia communionis solet excitare dum vel et re curanda, et oneribus ferendis, vel fructibus rei et obventionibus percipiendis, unusquisque non potest sibi persuadere æquam se ferre oneris vel lucris partem. *L. cum pater, §. dulcissimus, D. de leg. 2.* quibus discordiis utilis est in primis mos prospectum esse. Judicia hujus rei causa duo prodita, unum de rebus universis, sive de hæreditate

communi familiæ erciscundæ, alterum de rebus singulis quibuslibet, communi dividundo: quæ ita nominatur, quasi dicas; iudicium ad familiam erciscundam; iudicium ad commune dividendum, quoniam his iudex ad hasce res utatur, his finitum est iudicium, quod dicitur finium regundorum, quo non

agitur quidem de re communi, veruntamen illud, ut quemadmodum in illis ab incertitudine communionis, ita hic ab incertitudine finium discedatur, quibus despectis habeat quisque, quod deinceps suum certo queat dicere, neque vero aliud prioribus illis agatur.

## C A P. II.

### De Iudicio Familiæ Erciscundæ, et quæ in eo quærenda sunt.

*Cujus rei gratia iudicium erciscundæ familiæ institutum. I.*

*Rerum tractandarum partitio. II.*

I. **J**UDICIO familiæ erciscundæ agitur, ut inter quos hæreditas communis est, inter eos dividatur. *L. 1. D. eod. L. bona, C. eod.* Hinc familiæ erciscundæ, ut sit, hæreditati dividendæ. *§. quædam, Instit. de actio.* Erciscere est verbum antiquum, quo lex duodecim tabularum in hac re usus est, pro dividere. Familia autem hæreditatem et bona significat, ut in illis verbis ejusdem legis, agnatus proximam familiam habeto, id est,

hæreditatem. *L. pronuntiatio, §. 1. D. de verb. sig. L. ultim. C. de verb. sig.*

II. Hic cum usus sit hujus iudicii, ad naturam ejus percipiendam, video hæc tria necesse quæri: primum, ubi recte hoc iudicio agatur, deinde iudicio constituto, quid in iudicium et divisionem ejus iudicii veniat: postremo, quæ sit earum rerum pro potestate, et officio iudicis communicatio et divisio.

## C A P. III.

### Ubi recte hoc iudicio agatur.

*Rerum continuatio, et subdivisio. I.*

*Judicium hoc agitari inter heredes. II.*

*An, cum negat adversarius eum qui hic agit, heredem esse; de utraque re possit hoc uno iudicio cognosci; et quomodo distinguendum. III.*

*Et quando hic hereditati præiudicium fiat, aut secus. IV.*

*Si eum, quocum agitur, constet post acceptum iudicium non esse heredem, iudicium nullum esse, et inane, re integra. V.*

I. **R**Ecte hoc iudicio agi intelligetur, tuncque locum habebit, cum et inter eos agatur, inter quos oportet, et de ea re, de qua oportet; ut inde et persona eorum, inter quos agitur, quærenda sit; et res de qua agitur; adde et quo tempore agi liceat: quod tamen ex cognitione rei, quæ peti potest, nascitur.

II. Inter hæredes nimirum, hoc iudicio agitur. *L. 1. D. eod. §. quædam, Instit. de actio.* Ergo hæredi competit ad divisionem hæreditatis provocanti. Quid si hæreditatem non possideat? Prius est ei, ut rei dominus sit, quam de divisione rei agat: et fortasse non videbitur dominus rerum hæreditariarum an-

ante factus esse, quam earum possessionem nactus fuerit. Sed inter omnes convenit, simul atque alicui hæredes facti sumus, ( quod fit, sola additione ) omnium rerum dominium, et jus ad nos transire, etiamsi nihil possideamus *L. cum hæredis, D. de acq. poss.* Quare ad accipiendum familiæ erciscundæ judicium, possideat quis hæreditatem, nec ne, nihil interest, *L. 1. L. hæredes, §. quantum, D. eod.*

III. Quid si hunc adversarius hæredem esse neget? utrum familiæ erciscundæ, nihilominus recte aget: ut unum hoc judicium sufficiat, in quo ante quæritur hæres, sit nec ne qui agit? an vero prius hæreditatem petere cogetur, ut faciant, quibus fit controversia hæreditatis; sic deinde hoc probato, hæredem esse, familiæ erciscundæ agitare poterit: ut hoc modo, non nisi duobus judiciis, idest duabus interpellationibus, duobus iudicibus, duplici denique opera res transigatur? de hac re est distinctio Caji, *L. 1. D. eod.* ad hanc sententiam: ut recte hoc iudicio agat, qui negatur esse cohæres, si aut partem suam possideat; aut eo non possidente proponatur, nihilo plus adversarium possidere, ut tamen iudex, apud quem agit, prius cognoscat, an cohæres sit. Quod si neque partem suam possideat, qui agit, et ab eo negetur, qui suam possidet: usitata exceptione removeri posse, sive actione, quæ adversus eos comparata est, qui præjudicium hæreditati faciunt; Ac si in ea re, de qua agitur, præjudicium hæreditati non fiat, de qua in *L. divus* in fin. *de petit. hæred. L. ult.* in princ. *C. de pet. hæred.*

IV. Quod ergo præjudicium hic potius fie-

ri dicamus; quam cum is qui agit, nihil possidet, ut et is qui provocatur? Quod scilicet is qui possidet, iudicio familiæ erciscundæ partem præstare cogatur, ei, qui nihil ante habuerit: ut in more et forma possessionis rerum hæreditariarum aliquid possessori imminuatur: quod futurum non est, si aut is qui agit possidet partem suam, aut neuter. Nam illic si actor partem ex divisione capit, nihil incipit habere, quod ante pro indiviso non habuerit, hic aliud quidem actor capit, sed et is, cum quo agitur, tantum ex divisione accepturus est, ita ut ei nihil detrahatur, cum nihil ipse quoque possideret.

V. Quod si qui agit, hæres non sit, finge post iudicium acceptum id ei obijci et constare? id moris futurum est, quod de eo, cum quo agitur, mox dicturi sumus. Ergo, ut hæredi hoc iudicium competit: ita et in cohæredes, *L. 3. C. eod.* finge quod modo quærebarum cum eo actum esse; qui hæres existimabatur, re non erat. Relinquitur, ut quisquis hæres non sit, cum quo iudicium hoc acceptum est, nec iudicium esse intelligatur *L. cum putarem, 36. D. eod.* Itaque nec re integra adjudicari ei quicquam oportet, aut adversarius ei condemnandus est *L. 1. in fin. D. eod.* nec si sententia condemnationis aut adjudicationis in personam ejus facta sit, ulla sit eo nomine iudicati actio. Plane si is, qui condemnatus erat, aut rem tradiderit, aut ei solverit, non repetet, ut Paulus probat, *d. leg. cum putarem, D. eod.* quod dicat, et si non sit iudicium, tamen ad impediendam repetitionem sufficere, quod se putat condemnatum.

CAP.



## C A P. IV.

## Qua de re agi oportet.

*Hæreditatis, quæ de agitur, communionem sive unius sive plurium posse inter cohæredes tali judicio dirimi. I.*

*Idem juris esse, etsi hæreditatum aliqua non sit illorum uni communis; quæ sit istiusmodi species. II.*

I. **R**ES qua de agitur, hæreditas est, inter heredes communis. Quo loco oritur dubitatio, si forte plures sint hereditates, inter eosdem ex diversis caussis communes, possitne de omnibus unum judicium familiæ erciscundæ sumi; an vero necesse sit, de unaquaque separatim agi? Quippe judicium familiæ erciscundæ dicitur, id est, hereditatis dividendæ, non hereditatum: sed nihil nomen nos moverit, dum res eadem sit, et quotcunque sint hereditates, perinde habeantur, ac si una esset hereditas, quæ totidem ex rebus constaret, et heredes ex omnium divisione tantum consequuntur, quantum si separatim divisæ essent. Recte igitur placet, et de pluribus unum familiæ erciscundæ judicium sumi posse. *L. hæredes, 25. §. de pluribus, D. eod.* Quæ res facit, ut neque pluribus interpellationibus, opus sit; sed una. *arg. L. non potest, de jud.* Neque plures iudices adire necesse sit: et si forte res uni ex una hereditate adjudicatæ sint, liceat alii coheredi vice mutua alias res, quæ tantundem valeant ex alia hereditate adjudicare, quasi de una hereditate judicium esset. Neque hoc injuriosum videatur, non tantum, ex unaquaque hereditate unum ferre, quantum alter, cum sint nomine et caussis separatæ. Esset injuriosum si in hæreditate dividenda, species rerum, et corpora spectaremus non æstimationem. Æstimationem vero et quantitatem spectamus ut si rebus æsti-

mati ad eandem quantitatem omnes ferant, officio judicis sit satisfactum.

II. Hoc posito evenit quod prima fronte mirum videatur, ut cum aliquo familiæ erciscundæ judicium interdum instituatur de ea hereditate, quæ non sit cum illo communis. Quod ita fiet, si mihi cum primo duæ hereditates sint communes. Titiana et Sejana, ex quibus una, finge Sejana, mihi cum eodem primo et secundo sit communis. Poterit enim de utraque unum judicium, inter nos tres accipi, ut Paulus tradit, *in L. hæredes, 25. §. si inter, D. eod.* quamvis verum sit Titianam hæreditatem ad secundum nihil pertinere. Sed hoc, illo admissio, consequens est, nemo enim negaverit inter me et primum, de Titiana et Sejana recte agi: nemo recte agi de Sejana inter me et primum, et secundum, quando hæc inter nos tres communis est. Quo fit ut de utraque inter nos tres recte agatur. Itaque si fingas nos omnes ex æquis partibus heredes factos esse, quoniam separatim Titiana inter me et primum in duas partes dividetur: Sejana inter me, primum et secundum in tres: nunc uno judicio de utraque suscepto quinque partes fient, ex quibus unam secundus, ego et primus singuli duas auferemus. Sed ita de pluribus hereditatibus unum judicium sumi potest; ut liceat et de una duntaxat judicio experiri. *d. Leg. heredis, §. Item si plures, D. eod.* CAP.





## C A P. V.

## Quo tempore recte agatur.

*Judicium erciscundæ plusquam semel agitari non potest; sed pro rebus singulis casu aut errore indivisis communi dividundo agi debet. I.*

*Non idem tamen juris quoad res in commune relictas in divisione privato consensu facta; et quare. II.*

*Contra Auctor sentit, si coheredes hoc*

*animo hereditatem private dividerint ut nihil relinquerent indivisum. III.*

*Quare alia, quæ et ipsa universalia videntur judicia sæpius agitari queant; et quod hujus ab illis discrimen. IV. V.*

*Causa cognita posse semel atque iterum agi judicio erciscundæ; et quæ hujus rei causa idonea. VI.*

**I.** Tempus hoc judicio, agendi quodvis vel tantillum ex hereditate commune erit, dummodo prius eodem judicio actum non fuerit. *L. 1. C. eod.* Quod si jam actum sit, utemur Ulpiani regula, familiæ erciscundæ judicium amplius quam semel agi non posse, nisi causa cognita: ut si quædam res indivisæ relictæ sint, communi dividundo de eis agi possit. *L. si filia, 29. §. familiæ, D. eod.* Quod quidem ex genere hujus judicii efficitur. Est enim, ut supra dixi, de hereditate inter coheredes dividenda. Rebus autem priore judicio divis, quoniam id agebatur a iudice, ut ab omni communione discederetur, neque quicquam indivisum maneret: *L. heredes, 25. §. Iudex, D. eod.* non potest dici hereditas restare, quæ inter coheredes dividatur, si de hereditate defuncti dividenda agitur, quæ non est; Res quidem singulæ possunt; ideo communi dividundo agitur.

**II.** Quid ni ergo, objiciet quispiam, maxima parte hereditatis privato consensu divisa, dicamus de iis, quæ relinquuntur, hoc judicio agi non posse, quia non sit ea hereditas quæ fuerit: quod tamen secus esse Imperator Severus et Antoninus. rescripserunt: *L. 1. Cod. eod.* Quia rebus aliquibus ab heredibus in commune relictis apparet, non hoc animo eos fuisse, ut hereditatem dividerent, alioqui totum divisissent. Judicium familiæ erciscundæ, non alia mente suscipitur, nisi ut hereditas dividatur: atque hoc ipsum a iudice agitur, ne quid indivisum relinquatur. *d. L. heredes, §. iudex, D. eod.*

**III.** Quæ ratio me movet, ut putem si coheredes mutuo consensu ita ad divisionem accesserint, ut omnem hereditatem dividerint, et casu aut errore aliquid indivisum relictum sit, nihilo magis judicio familiæ erciscundæ,

de rebus relictis agi posse, quam si a iudice ante hereditas divisa est. Et quod in *L. 1. C. eod.* scriptum est, judicio hoc agi posse, si non omnem paternam hereditatem divisisti, sic accipiendum videtur: si non sensu mutuo et cogitatione omnem divisisti; ut ad divisionem hoc animo accederetis, ut totam divideretis; alioqui non video, qui magis hereditas post divisionem a coheredibus factam relinquatur, quam post divisionem factam a iudicibus, finge ei easdem res, eodem errore indivisas mansisse.

**IV.** Interim potestate et fine hujus judicii cognito, facile apparebit, cur hoc judicio sæpius agi non possit: quibusdam, cum eandem generalitatem petitionis habere videantur, possit sæpius, si forte priore quid omisum sit, quod in judicium non venisset. Ut puta, cum tutore judicio tutelæ actum est, et tutor condemnatus iudicatum solvit, si eo judicio de aliqua specie tractatum non sit, quam adolescens ad tutelam pertinere dicat, non prohibetur iterum tutelæ de ea specie agere. *Leg. 2. C. de judic.* Nimirum quia tutelæ actio universitatem non persequitur: sed res quasvis ad causam tutelæ pertinentes.

**V.** Judicio familiæ erciscundæ, nisi hereditas inter heredes communis sit, agi non potest. At hic exemplum petitionis hereditatis ex adverso occurrit. Etenim hereditatem sæpius peti posse constat, ut quisque videlicet rem hereditariam, quanvis minimam possidebit, et si nunc ideo absolutum sit, quia non possideat, iterum agi poterit, si coeperit possidere. *L. si a te, L. si rem, D. except. rei jud.* Cur non ergo et sæpius judicium familiæ erciscundæ adversus eandem agi potest, cum in utrumque res eadem veniat, et passim hæc in rebus comparentur? *L. sed etsi lege, in fin. D. de pet. her. L. 2 D. hoc tit.* Quia

Quia inter utrumque hoc interest, quod petitione hereditatis, etsi is agit, qui hereditatem, id est, universitatem suam esse dicat: tamen cum eo agitur etiam, qui rem unam possidet, de qua etiam controversia est. Judicium familiæ erciscundæ, quia ad hereditatem dividendam, inter heredes pertinet, non nisi de una hereditate utrumque esse intelligitur.

VI. Causa tamen cognita, sæpius agi posse dicimus. Causam idoneam fere putamus, non si minor sit, qui nunc iterum agit (quod ei denegatur, si in divisione prioris iudicii non sit læsus, et in eo quod restat, integra sit divisio) sed si quod restat, commode dividi non possit, nisi uni adjudicetur; et quisquis erit cui adjudicabitur, pro eo vicissim alteri

satisfacere non possit, sed necesse sit aliarum rerum, quæ jam divisæ sunt, adjudicatione satisfieri. Necessitas divisionis nimirum faciet ut priore iudicio rescisso, quod plenum non fuit, novum instituatur, non de iis quæ supersunt, sed de omnibus, quo res omnis transigatur, adjudicationibus et condemnationibus non solum omnium personarum, sed etiam de omni re factis *arg. in hac, D. eod.* Quod si in id tantum quod superest, dari velimus, idque ita possit, quanvis divisio prior non rescindatur, non video quo alio iudicio, quam communi dividendo agi possit, cum non de tota hereditate, sed de una re aut certis iudicium sit futurum.

## C A P. VI.

### Quæ res in hoc Iudicium veniant ad divisionem.

*In iudicium familiæ erciscundæ venire id omne quod est hereditarium: hoc vero quid. I.*

*Quæ in bonis atque in jure defuncti sunt, enumerari singula. II.*

*An res defuncto traditæ, et quæsitæ ab heredibus usucapione ad hoc iudicium pertineant, et quatenus. III.*

I. **N**unc quæ res in divisionem huius iudicii veniant dicatur. Iudicium est ad divisionem hereditatis, sive rerum hereditariorum comparatum. *L. 1. D. eod.* Nempe id demum in iudicium veniet, quod sit hereditariorum; si quid non sit, non veniet. Quamobrem, ut quid veniat, aut non veniat, intelligamus, res non in enumeratione plurium rerum posita est, quæ tam multæ sine ullo ordine his titulis recensentur: sed in generis definitione, quid sit hereditarium. Etsi hereditas recte definitur successio in jus, quod defunctus habuit, cum moritur. *L. hereditas, D. de regulis jur. L. nihil, D. de verb. signif.* dicamus licet, id esse hereditarium, quod in dominio aut jure defuncti fuerit, quodque eo mortuo rei hereditariæ beneficio ad ea bona accesserit. In dominio sunt, quæ iis modis habita sunt, quibus dominia rerum acquiruntur: ad quam partem referre oportet exempla, quæ hoc titulo leguntur, columbarum, quæ emitti solent, apum, quæ a fera bestia erepta, nec consumpta sunt; item rei sub conditione legatæ, quæ ideo potissimum proponuntur, quod de iis major dubi-

tatio esset; cæterum non alia ratione hæc in hoc iudicium venire dicuntur, nisi quod illa in bonis fuerint defuncti, et nunc maneant, quandiu eadem conditione habeantur, *L. 8. §. idem, L. et post, 12. §. 1.*

II. In jure defuncti esse dico, quæ sunt in bonis; id est, quorum nomine possidens exceptionem, possessione amissa ad ea recuperanda actionem haberet, *L. rem in bonis, D. de acquir. re domi.* Cujus generis hæc sunt, prædia vectigalia, et superficiaria, de quibus utilis in rem actio, *L. 1. si ag. vect. L. 1. de superf. res bona fide possessæ, de quibus publiciana, L. 1. de publici. §. namque, Inst. de act. res pignori defuncto obligata, de qua hypothecaria actio est, §. item Serviana, D. de actio.* Ideo has omnes res in hoc iudicium venire legimus, *L. item prædia, 10. L. si pignori, 29. D. eod.* Quæ beneficio rei hereditariæ accesserint, aut ab herede quæsitæ sunt, quæque ideo ut hereditaria in hoc iudicium venire dicamus, hæc sunt. Quod fundo hereditario accessit, ut alluvione, *L. et puto, 16. §. id quod, quod ex re hereditaria natum utentis* est

est, ut partus ancillarum, animalium et prædiorum fructus. *L. partum*, 11. *D. eod.* *L. non est*, *C. eod.* quod servis hereditariis datum, quæsitumve est *L. et post*, 12. in pr. Quod iudicio de divisione partis hereditariæ suscepto heredibus amplius adjudicatum est, quoniam propter partem hereditariam consecuti sunt, ut illis altera pars adjudicaretur. *L. Mævius*, 52. *D. eod.* *L. communi*, §. *si debitor*, *D. comm. divid.* Postremum quod ab ipsis heredibus quæsitum est, aut ex obligatione hereditaria, aut possessione defuncti: quales sunt res quæ heredibus traditæ sunt, cum defunctus emisset, aut quas illi usu ceperunt cum defuncto traditæ essent. *L. veniunt*, 9. *D. eod.* Illud enim ex obligatione hereditaria natum est: hoc ex eo quo defunctus possedit, cuius ex persona accessione temporis heredes utantur. §. *diutina*, *Instit. de usuc.*

III. De hoc genere posteriore dubitatur: propterea idem Paulus, qui has usucaptas ab herede in iudicium familiæ erciscundæ venire dicit, alio loco et in petitionem hereditatis venire negat. *L. et non tantum*, §. 1. *D. de petit. hered.* Si pro emptore, inquit, usucapio ab herede impleta sit, non veniet in hereditatis petitionem: quia heres idemque petitor eam vindicare potest, nec ulla exceptio datur possessori. Atqui si in petitionem he-

reditatis non venit, non est hereditaria *L. regulariter* et seq. *L. item videndum*, §. *ult.* *D. de petit. hered.* Si hereditaria non est, ne in hoc quidem iudicium veniet, in quo ipso et res hereditarias ad divisionem versari diximus. *L. ex hereditate*, *L. 1.* hoc mitto, quod passim hæc iudicia in rebus persequendis comparantur. *L. sed etsi lege*, circa finem, *de petit. hered.* *L. 2.* in princ. *D. hoc tit.*

IV. Mihi videtur, ut erit intentio, et titulus heredis in re persequenda, cuius usucapionem implevit: ita ea hereditariam habendam esse, aut non esse; illo modo in utrumque iudicium, id est, et in petitionem venire hereditatis: hoc modo in neutrum venire, ne familiæ quidem erciscundæ. Si heredes ideo persequantur, quod a se usucaptam dicant, non videbitur hac ratione hereditaria, propterea quod hoc modo nunquam testatoris fuit. Sin ideo persequantur, id est, quod et a defuncto habita possessaque est: id persequantur, quod fuerit testatoris, eoque et quod sit hereditarium: qua intentione proposita, non dubito, quin et in petitionem hereditatis veniat. Quod autem simpliciter negat Paulus has venire, sic accipiendum est, si modo heres, ut tales vindicet, id est, ut a se usucaptas.

## C A P. VII.

Peculia filiorumfamilias utrum in communionem hoc iudicio veniant.

Quæstio hæc in quo consistat. I.

Peculium castrense, aut quasi ad hoc iudicium non pertinere. II.

Item nec adventitium. III.

Solum in collationem venire profectitium peculium. IV.

Contrariis occurritur. V.

I. **D**E peculiis filiorumfamilias crebra his titulis mentio, uti vel veniant in divisionem, vel non veniant: quæ questio omnis in eo est, utrum peculium filii sit in bonis patris, an non sit, quod si sit in bonis ejus, mortuo eo sit hereditarium: si non fuerit, ne ex hereditate quidem sit patris, eoque tanquam proprium filii in divisionem hereditatis paternæ non veniat.

II. Et quidem peculium castrense, et quasi castrense constitutionibus proprium filiifamilias esse constat. Proinde patre mortuo, nec dum fratribus commune est. §. 1. *Instit. quibus non est permissum facere testamentum*. VI.

tum. *L. 4.* *C. hoc tit.* *L. 1.* §. *nec castrense*, *D. de coll. bonor.*

III. Peculium adventitium constitutionibus Justiniani ita in fructu patris est, ut mancipio filii sit proprium. *L. cum oportet*, *C. de bon. quæ lib.* ob hanc causam ab eodem constitutum est, ne id in collationem veniret, *L. ultim.* *C. de collation.*

IV. Restat quod a patre profectum. Id vero relictum esse constat ex omnibus: quod in patris bonis esset §. 1. *per quas per. nobis acquir.* Idem videlicet mortuo patre in hereditate patris, et ut cæteræ res hereditariæ in communionem cum cæteris heredibus ven-

veniet. Certum est autem Imp. Diocletiano et Maximiano liberorum peculia post mortem patris, in hereditatem dividendam ad communionem revocanda, *L. certum, 13. C. hoc titul.* nempe quæ jure civili perinde in bonis parentum numerentur, ac servorum peculia in bonis dominorum. §. 1. *Inst. quibus non est permis. fa. test. L. placet, D. de acq. hered.*

V. At Imperatores de pecuniis liberorum generaliter loquuntur, neque ullum genus excipiunt. Sed quæcunque de peculiis filiorumfamilias dicta sunt, quasi ad patrem aut hereditatem patris pertinerent, semper in his

peculium castrense, et quasi tacite exceptum est; quasi nec proprie id peculium esset, in quo filiusfamilias pro patrefamilias haberetur: nam *peculium, filiifamilias peculium intelligitur. L. ultim. in fin. C. de inoff. test.* unde id genus ad verba superioris rescripti aut sententiam pertinere non intelligitur. Adventitium autem peculium etsi proprie peculium fuit, et ad ejus rescripti sententiam pertinet; tamen ei constitutioni postea constitutio Justiniani derogavit, de qua modo dixi. Ita factum est posterioribus legibus ut verba non nisi jam de peculio profectio accipi queant.

## C A P. VIII.

De donatione a Patre in filium quem in potestate habet; ecquid in hoc judicium veniat, seu quod idem valet, utrum morte patris confirmetur.

*Donationem a patre in filiumfamilias collatam morte patris non confirmari; et nec in judicium eriscundæ vocari. I.*

*Contrariis occurritur; ideoque exponitur L. Filiae 18. Cod. famili. erisc. II. III.*

*Itemque explicatur L. donationes 25. Cod. de donat. int. vir. et uxor. IV. V. VI.*

*Donatio a patre in filiumfamilias profecta silentio non quidem morientis, sed emancipantis patris confirmatur; quæ differentiae ratio. VII. V.*

*Cur si non hæc patris in filiumfamilias, donatio nihilominus inter virum et uxorem morte donantis confirmetur. VIII. IX.*

I. **E**ST autem profectum a patre vel maxime, quod pater filio donarit, et quod idem est ita in filium contulit, ut separatum a suis bonis et rationibus esse vellet. Quod si ita est, neque donatio ea inter patrem et filium consistet, quod et certo jure receptum est, *L. 1. D. pro donat. L. 2. C. de inoff. dona.* quoniam nemo sibi donare potest: et donatione infecta, cum rem in bonis patris mansisse constet, consentaneum fuit, ut patre mortuo res donatæ filii præcipuæ non essent, sed in communionem vocarentur. Quod ne quis dubitet, aut diversum hic aliquid dici putet ab eo, quod de peculio, supra diximus: audiat quid iidem Imperatores de donatione patris rescripserint, quorum *L. 13. C. de collat.* hæc verba sunt: *si donatione tibi post mortem patris quæsisisti fundum, soror tua portionem ejus vindicare non potest. Nam si is filiefamilias constitutæ tibi a patre donatus est, cum sorore patri communi succedens, eum præcipuum habere contra jura postulas.* Hactenus rescriptum Imperatorum,

ex quo intelligitur nec donationem in filium collatam morte patris confirmari, ut filiifamilias propria efficiatur.

II. Quibus rescriptis multa contraria esse videntur. Primum illud, quod iidem rescripserunt, in hæc verba: *filiae cujus pater nomine res comparavit, si non postea contrarium ejus judicium probetur, per arbitrium dividendæ hereditatis præcipuas adjudicari sæpe rescriptum est, L. filiae, C. h. t.* Tum maxime, quod Justinianus in *L. donationis, C. de donat. inter vir. et uxor.* scribit donationes, quas parentes in liberos in potestate sua constitutos conferunt, per silentium donatoris, confirmari; et quidem ita ut eas cum donationibus inter virum et uxorem factis eodem numero habeat: quas quidem explicati juris est, morte donatoris et silentio convallescere, *L. cum hic status, §. 1. D. de donatione inter vir. et ux.* Notum est, quid hic vulgo respondeatur: quia in posterioribus his rescriptis, quæ tanquam contraria adduxi, donationem ideo valere, quod  
in

in filium tanquam bene meritum collatum sit; quasi ullus sit apex, unde quicquam ejusmodi factum esse intelligatur: aut quasi viceriat, si hoc elogio donatum sit, donationem eo magis inter patrem et filium consistere potuisse: postremo etiam quasi conjiendum sit non esse quid donatum tanquam bene merito, quid simpliciter in prioribus rescriptis donatum esse filio dicatur. Quorum si nihil dici, ne probabiliter quidem potest, aliam esse sententiam necesse est horum rescriptorum, atque intelligi volunt, si modo inter se non pugnent. At apparet in posterioribus illis, nihil nisi jus antiquum commemorari. Mihi in eorundem sententiam attendenti occurrit, merito in rescriptis illis donationem patris in filium morte patris confirmari, aut confirmatam esse vetere jure significari.

III. Priore illud præcipuum solere adjudicari filio continetur, quod pater filii nomine comparavit. Si hæc donatio est, nihil causæ est, cur non vehementer hæc rescripta secum adversari existimentur. Verum longe aliud est, donasse quid patrem filio: longe aliud, filii nomine comparasse. Donat pater cum de suo dat. Quod autem filii nomine comparavit, etsi pater acceperit, aut filio tradendum curaverit, nunquam fit patris, neque filii, quandiu quidem pater voluntatem non mutet: non fit patris, quia ita traditio dominium transfert, si ea mente sit, qui accipit, ut dominus fiat *L. in omnibus, D. de obl. et act. L. si ego pecuniam, C. si cer. pet. L. multum, C. si quis alt. vel sibi*: non filii, quia si huic acquiritur, eadem opera acquireretur patri, quod pater noluit. Neutri igitur acquireretur. Quorsum igitur accepit pater, aut filio tradendum curavit? ut filio quæreretur: sed tunc, cum filius sui juris factus sibi habere potuit, quod mortuo patre, aut filio emancipato contingit. Quo tempore filius rem habere suo jure incipiet, non quod pater donavit, sed quod pater sibi habere noluerit. Ergo interim nullius erit, dum pater vivet? nullius, neque vero novum est, dominia sub conditione transferri, et tunc res tradita acquireretur ei, cujus nomine tradita est, cum conditio extiterit, *L. qui absens, §. 1. D. de acqu. possess.*

IV. De constitutione Justiniani cujus initium est, *donationes, Cod. de donatione inter virum et uxorem*. certum est, quod respondeam, non esse hoc illi propositum, ut cujusquam donationem, quæ antea non valuerit, ea constitutione confirmet: sed hæc dicere, quæcunque per silentium confirmetur, *Tom. VI.*

hac lege confirmari, si intra legitimum constiterit, aut excedens eum modum actis insinuata fuerit. Et in hoc genere esse donationes, quas parentes in filios in potestate sua constitutos contulerunt.

V. Num ergo hæc morte patris confirmatur, si pater dum vixit, eas non revocavit? non hoc significatur. Silentio patris confirmatur, sed aut non omnis, aut non quævis: Si quid pater filii nomine comparavit, cujus contrarium judicium secutum non sit, et hanc donationem appellare licebit, quasi ideo dedisse videatur, quod cum possit, non ademerit arg. *L. 1. sciendum, juncta L. 6. de leg. 3.* sane hæc donatio morte confirmabitur; idque etiam ante defendebamus. *L. filie 1. C. h. tit.* sin donationem accipimus, quod eandem solum vere possumus, cum pater de suo in filium quid contulit, confirmabitur hæc quidem omnis donatio silentio patris: sed morientis silentio nequaquam, quod supra ex manifestis locis effectum est: emancipantis silentio confirmabitur. Quod his verbis Papiniani declaratur *ex L. Donationes, §. pater, D. de don. Pater, inquit, qui filie, quam habuit in potestate mancipia donavit, et peculium emancipatæ non ademit, ex post facto donationem videbatur perfecisse*: ad constitutionem autem Justiniani satis est ostendi, vel uno aliquo genere donationes a patre in filium collatas per silentium patris confirmari. Illud quidem certum in omni interpretatione legum, perpetuo retinendum est, quod ab eodem Justiniano accepimus, in legibus, si quid nominatim et aperte non constituatur, id veterum legum, constitutionumque regulis relictum, intelligi debere. *L. præcipimus, in fine, Cod. de appellation.*

VI. Neque vero lecta Justiniani constitutione illa, de qua loquimur, quisquam dubitabit, quin sub conditione ita scripta sit, donationes, si quæ per silentium confirmantur, hac lege ratas esse, quæ in ea constitutione traditur. Num ergo quævis, aut silentio quolibet? hoc ad constitutionem inquam nihil pertinet. Id ex vetere jure explicandum est.

VII. At hic etiam consistitur, partim illo concesso, quod supra posuimus, partim, quod de donatione inter virum et uxorem facta intelligitur. Silentio emancipantis patris inquitur. Silentio emancipantis patris inquitur, donatio perficitur, quæ ante in filium collata erat. Quid ni ergo et morientis, cum ut filius sui juris efficiatur, nihil intersit, ut filius sui juris efficiatur, cujus in potestate erat, decesserit. *L. 3. Cod. de instit.*



*et substit. sub condit. fact.* Quia et jure potestatis, nihil refert exeat quis potestate morte patris, an emancipatione: in judicio et voluntate donantis plurimum. Non enim ob aliam causam emancipare intelligitur filium pater, nisi ut is, quæ habet habiturusque jure est, sibi habeat, ejusque propria efficiantur. Nemo ideo moritur, ut filius quicquam habeat, sed quia necessitati naturæ parere cogitur. Et sane hoc sentire Papinianum, causam non eandem esse in donatione confirmanda, cum pater moritur, et cum filium emancipat, vel hoc magnum argumentum est, quod ipse tunc dicat, patrem videri donationem perfecisse, cum emancipato peculium non ademit. Inapte definitionem de emancipante patre concepit, si in moriente idem Juris in donatione perficienda esse intellexit.

VIII. Jam et illud dubitationem facit; utcumque de donatione a patre in filiumfamilias collata confirmanda, aut non confirmanda constitutum esse dixerimus, illud constat, non magis jure civili donationem inter virum et uxorem consistere, quam inter patrem, et filium, quem is in potestate habeat. Quod si donationes inter virum et uxorem factæ morte donantis, quem non aperte pœnituerit, confirmantur in *L. cum hic status*, §. 1. *D. de don. inter vir. et uxo.* quis dubitet a patre item profectas in liberos morte patris confirmari? quanto igitur æquius est bona patris ad liberos redire, quam ad extraneos; quanto autem proclivius et magis secundum naturam, propensio rem parentum in liberos, quam in alios voluntatem existimari, *L. Nam etsi*, *D. de inoff. test.* Prius autem juris explorati. Posterius igitur, vel multo etiam magis recipiendum est. Hic ego, priusquam de similitudine harum rerum respondeam, hoc mihi præfandum esse arbitror: etsi rationem diversi juris reddere non possim, tamen hoc me putare ad responsionem satis esse, si dicam; sive aliqua ratio sit, sive non sit, recte quidem hoc constare, aliud de donatione patris in liberos, aliud de donatione inter virum et uxorem, placuisse. Jam olim temporibus Severi Imperatoris de donationibus inter virum et uxorem factis ab hærede non revocandis cautum est, *L. cum hic status*, *D. de don. inter vir. et uxor.*

IX. De donatione a patre in filiumfamilias profecta hoc rescriptum Imperatorum Diocletiani et Maximiani tam longo intervallo seculorum legimus, sub titulo Codicis de collationibus: *si donatione tibi post mortem patris quesisti fundum, soror tua portionem ejus vindicare non potest. Nam si is filiafamilias constitutæ tibi a patre donatus est: cum sorore patri communi succedens, eum præcipuum habere contra jura postulas.* Ex quo intelligitur, et donationem patris morte ejus non confirmari, et illa constitutione, de donationibus inter maritum et uxorem confirmandis, nihil de jure donationum patrum esse derogatum: quod ejusmodi est, ut omnibus legibus et rescriptis post secutis confirmaretur: quo posito boni interpretis fuit rationem quærere potius, qua hæc varietas probaretur, aut certe obscuram negligere, quam unius exemplo in altero genere, quod certum esset evertere conari. Sed hujus diversitatis probe ratio constat. Etenim in donatione inter virum et uxorem, quod ea prohibita est, juris civilis ratione efficitur, non natura. Natura igitur et maritus et uxor donationis capaces sunt; neque turpe est alterum alteri donare. Fuit igitur benevolentia et humanitatis non præfracte donationem inter eos, tanquam inter ineptos prohibere, sed hoc statuere, ut ita nullius esset momenti, si marito videretur eam revocare; quod si eum non pœniteret, heredem eripere non debere. Itaque Ulpianus hanc constitutionem de hujus generis donatione non revocanda eo pertinere dicit, ut aliquid ex rigore ejus relaxetur. *L. cum hic status* in *pr. D. de dona. inter virum et uxor.* aperte prohibitionem donationis ex rigore juris civilis esse innuens. At donatio inter patrem et filiumfamilias quod non consistit, non juris civilis prohibitionem fit, sed rei natura. Hoc exposito, quicquid filius acquirit, acquirere patri, cujus in potestate est, non potest pater filio donare, ut quod donatum est, filii efficiatur: nec si moriens eandem inculcet donationem quicquam egerit, ut filio donationem confirmet, quæ vivo eo valere non potuit, post mortem autem ideo non valebit, quia nec mortis causa donatum, nec legatum esse a patre proponitur.

CAP.

## C A P. IX.

Vocari in hoc iudicium etiam quod hereditarium non sit, si ejusmodi sit, ut jure conferri oporteat: et de collatione.

*Transitio. I.*

*Emancipatos ad successionem patris vocatos conferre bona sua cum liberis qui in potestate manserunt, et quare. II.*

*Extraneus vero aut liberi, et hi quidem sive omnes emancipati sive sui nihil conferant, et quare. III.*

*Excipitur dos filiarumfamilias, et quare. IV.*

*Emancipatorum bona conferenda omnia, quæ hi a patre donata acceperunt. V.*

*Etiam si illa fuerint donata simpliciter: Hoc quale sit, adversus juris interpretes fusius explicatur. VI. VII. VIII. IX.*

*Quando illa ex jure veteri conferri debuerunt. X.*

*Et quid ex jure Justiniano. XI.*

*Bona conferre quid sit. XII.*

I. **E**Rgo quicquid horum est, quod supra attigi; ideo in communionem cum reliquis heredibus hoc iudicio vocatur, quia sit hereditarium, seu quia fuerit in bonis patris: si quid non venit, causa in eo est, quod fuerit in bonis filii, eoque nec sit in hereditate patris. Quibus confirmatur, quod posui, id demum venire in hoc iudicium, quod hereditarium sit, quod in alia causa sit, non venire. Quod sic accipi convenit, nisi heres conditione personæ ad collationem bonorum suorum vocetur. De rebus et quæ suapte natura in hoc iudicium cadunt, loquimur. Sed est etiam cum heres de suo conferre cæteris coheredibus debeat.

II. Quod in quibus receptum est, non erit dubitandum, quin hoc iudicio ad eam collationem cogantur. *L. filiam, C. de collat.* Quo tempore primum emancipati liberi, cum iis, qui in potestate manserant edicto prætoris ad successionem patris vel intestati, vel tanquam intestati admissi sunt, bonorum possessione contra tabulas, aut unde liberi, petita: injuria quæ ex communicatione bonorum iis, qui in potestate fuerant, inferri videbatur, initium et causam collationi bonorum dedit. Injuria non tantum in eo fuit, quod iis pars bonorum avocatur, quæ lege 12. tabularum tota suorum heredum erant, (quod quidem ferendum fuit, cum res hoc facto ad æquitatem naturæ revocaretur. Emancipatio enim naturam non mutat: neque facit, ut qui filius fuit, eo minus esse intelligatur, quia emancipatus fuerit) sed in eo maxime, quod in perceptione bonorum deteriore esse conditionem suorum heredum necesse est, quo-

rum meliorem esse conveniebat. Nam quicquid filius, qui in potestate mansit, adquisierit, id totum fuit patris. *L. placet, D. de acq. heredit. §. 1. Inst. quib. non est per. fa. test.* et quia patris, etiam mortuo patre, tanquam ex ejus hereditate cum emancipatis commune esse necesse fuit. *L. certum, C. fa. ercis.* Contra filius emancipatus, quia sui juris est, quicquid acquirit, id sibi habet: eoque nec ad hereditatem patris pertinet, ex qua id solum esse intelligendum est, quod ille moriens habuit. *L. nihil, D. de verb. sig.* Ne frater quidem, igitur is, qui in potestate mansit, id commune cum emancipato habebit. Ita fit, ut hic bonorum fratrum particeps sit; ille bonorum emancipati nullam partem capiat, quæ inæqualitas in primis est contra naturæ actionem. Ergo ut emancipatos ad successionem vocavit prætor, ita vocavit, ut res ad æquabilitatem revocaretur, dum hac lege emancipatos admittit, si bona sua conferrent, qui appetunt paterna, in quibus et fratris bona sunt, qui in potestate mansit. *L. 1. in princ. L. 3. §. emancipati, D. de coll.* Ex quo intelligitur, quod in hac causa querendum fuit, qui, quibus, quæ conferre debeant, et quando. Emancipati videlicet iis, qui in potestate fuerunt, conferre debent *L. 3. §. quoties, §. emancipati, de coll. bon.*

III. Ergo extraneus est, qui cum filio a patre heres sit institutus? nihil hic de suo conferet, ut admittatur, neque enim hic quicquam filio aufert, sed voluntas et iudicium patris liberi sunt, et omnes emancipati? inter hos collatio locum non habebit. *L. eman-*

*emancipati*, *Cod. de collat.* cum nemo aliter quicquam auferat, sed pari jure ad hereditatem vocentur, et si quid ante habuerunt id quisque sibi retineat, neque cum altero communicet. Fuerunt omnes in potestate patris, cum is moritur? ne hi quidem invicem conferent. Peculium castrense et quasi castrense, si quod habuerunt, iis præcipuum est. *L. 1. §. nec castrense, D. de coll. bon. cætera in communionem quidem veniunt. L. filia, §. 1. C. de coll.* Verum ideo, quia hereditaria sunt, veniuntque eadem lege, qua cætera, quæ in bonis defuncti fuerunt: non quod a fratribus de ipsorum bonis conferantur, quæ ipsorum propria non fuerunt. Ex iis unus emancipatus est, alter in potestate mansit? multo minus emancipato conferetur. *L. 1. §. portiones, D. de coll. bonor.* non quod filiusfamilias si quid vivo patre quæsit, id patre mortuo habeat præcipuum, nec sit cum emancipato commune *d. L. filia, §. 1. Cod. de coll. L. certum, C. fam. ercis.* sed quia id hereditatis jure fit, quod hæc in hereditate patris numerentur: non collatione bonorum, quæ ab iis tantum conferri dicuntur, quorum propria fuerunt.

IV. Hic tamen dos filiafamilias item donatio a patre in filiumfamilias profecta excepta est. Dotem filiafamilias non solum fratribus in eadem potestate constitutis conferre cogitur, sed etiam emancipatis: illis et profectitiam et adventitiam, his profectitiam *L. 3. L. filia 12. Cod. de collation. tit. D. de collation. dot.* Et quoniam eodem jure esse placeat donationem propter nuptias, etiam filiusfamilias hanc et fratribus et sororibus confert. *L. ut liberis, Cod. de collation.* Cur ergo ex omnibus filiafamilias bonis dos potissimum excepta? Quia cætera, ut olim jus fuit, in bonis patris fuerunt: idcirco satis sua sponte communia sunt, non dico, fratribus, sed etiam heredibus omnibus, qui patri successerunt. Illud in dote jus singulare, ut filia tanquam proprium patrimonium numeraretur etiam vivo patre: mortuo patre filia esset præcipua. *L. 5. §. sed utrum in fin. D. de jure, L. Pomponius Philadelphus, D. h. tit.* Quare si cum fratribus communem esse vellemus, necesse fuit eam ad collationem vocari. Æquum autem fuit communicari æqualitatis inter fratres conservandæ causa.

V. Relinquitur, ut hac specie excepta, soli emancipati fratribus; qui in potestate manserunt, conferre debeant. Quæ autem debuerunt conferre? Exigit edictum, ut bona, quæ quidem habuerunt eo tempore, quo pater moritur. *L. 1. in prin. L. 2. §. Illud,*

*L. 3. §. quoties, §. emancipati, de coll. bo. L. ea demum, L. si donatione, C. eod.* Unde liquet, sive a patre donata essent, sive aliunde, ea conferri debuisse. Et recte scilicet, quia non profectitium solum peculium filii, qui in potestate mansit, sed etiam adventitium fratribus commune erat post mortem patris, ideo, quia hereditarium. Sed postquam peculium adventitium proprium filiafamilia certum est constitutionibus: consentaneum fuit, ne id quoque a fratre emancipato conferretur, quod aliud quam a patre accepisset, quod et a Justiniano constitutum est. *L. ult. C. de coll.* Ita solum emancipati tunc conferent, quæ a patre donata acceperunt.

VI. De quibus hoc placere interpretibus nostris video, ne aliter hæc ipsa conferantur, quam si ea lege a patre donata fuerunt, ut conferrentur. Ducuntur in eam sententiam verbis constitutionis Justiniani, in qua ad hunc modum scriptum est: *si qui sint ex fratribus, qui donationem propter nuptias, aut dotem a parente acceperint: quorum utrumque ad collationem vocari constat: sint autem alii, quibus simpliciter a patre quid donatum sit; ne qua inæqualitas efficiatur, eos quoque qui donationem simplicem habent, hanc conferre debere: neque recusare collationem ex eo, quod simplex donatio non aliter confertur, nisi hujusmodi legem donator tempore donationis suæ indulgentiæ imposuerit: hæc enim extrema verba sunt constitutionis. in L. penult. C. de coll.*

VII. Quæ quidem ego, si nihil aliud de jure vetere proponatur, non dubitem ita accipi debere, ut illi fecerunt, simplicem a patre profectam in collationem venire. Sed cum tota constitutio superior ex conditione veteris juris pendeat, ut dicat Justinianus eam donationem conferri debere, in superiore specie, ne quod injustum oriatur: nempe ex vetere jure, si ut id jus fuit, filius eam donationem conferre non cogatur: inspiciendum arbitror, quod nam jus de ea re, ex aliis locis ostendatur. Id si doceri potest aliud fuisse, quam isti volunt, non hac constitutione id immutandum esse, in qua nihil tale Justinianus propositum sibi esse dicit: sed ex illo constitutionem esse interpretandam. Videamus autem, num id in jure fuerit, ut quidquid filius emancipatus haberet, bona denique conferre deberet. Quod quidem non obscuris locis traditum est, quos notare sit satis. *L. 1. in prin. L. 2. in prin. et §. 1. L. 3. §. quoties, §. emancipati, D. de coll. bon.*

VIII. Quid autem in his nominatim immutatum est, nisi ut res, quæ parentibus ex constitutionibus patri non acquiruntur, id est, quæ aliunde obveniunt, quam a patre, ne conferantur? *L. ult. C. de coll.* Ex quo intelligitur etiam nunc ea mansisse ad collationem, quæ a patre profecta sunt, quocunque modo sint donata. Quinimo etiamsi nulla lex vetus proponeretur, quæ emancipatos ad collationem bonorum vocaret; tamen vel hæc Justiniani constitutio, quæ bona adventitia excepit, id confirmaret; hæc bona olim ab emancipatis conferri debuisse, quavis simpliciter essent donata. Quod si hæc debuerunt, quanto magis illa debuisse dicemus, quæ a patre donata erunt? siquidem multo æquius est, filios bonorum paternorum fieri participes, quam eorum, quæ aliunde ad fratres venerunt. Quod, an dubium esse potest, in his Leonis Imperatoris verbis? ex *L. ut liberis*, in *fi. C. de coll. Emancipatis videlicet*, inquit, *liberis utriusque sexus, pro tenore præcedentium legum, ea quæ in ipsa emancipatione a parentibus suis, ut assolet fieri, consequantur, vel post emancipationem ab iisdem parentibus acquisierint, collaturis.* In quibus illa verba, *pro tenore præcedentium legum*, nihil aliud significant, nisi velle Imperatorem hæc conferri, ut et præcedentibus legibus cautum erat.

IX. Quid ergo sibi vult constitutio Justiniani, quæ id cavet, inæqualitatis vitandæ causa, ut filius simplicem donationem tunc conferre cogeretur, cum aut a sororibus dotem percipit ex collatione: nisi hoc jus antea fuit, ne hoc donationis genus conferretur? Nimirum, hoc est: jus hoc ita fuit in aliquibus generibus; non fuit in omnibus. Si quid pater filii quem in potestate habet nomine comparasset, hoc jus valuit, et jure valet, ut mortuo patre filii præcipuum esset, neque cum fratribus communicaretur, ut supra diximus, *L. filia, C. famil. ercisc.* Hoc vult Justinianus, si qua istiusmodi donatio a patre in filium familias sit profecta, etiam hanc tum conferre debere, cum fratres dotem aut donationem propter nuptias

ab eodem patre acceperint. Sub conditione enim loquitur constitutio, quod nobis expendendum est: si eveniet, inquit, ut donatio simplex conferenda non sit pro jure veteri, etiam tunc conferri debet, cum fratres dotem aut donationem communicabunt.

X. Et hæc quidem bonorum ratio, quæ conferri debeant. Ea tunc ex edicto et jure veteri conferri debuerunt, cum aut filius bonorum possessionem contra tabulas petisset, aut alioqui pater intestatus decessisset, *L. 4. L. ut liberis, C. de coll.* si institutus a patre cum fratribus succederet, non vocabatur ad collationem; quia nullam injuriam faceret fratribus, ad quos de bonis patris nihil amplius pertinere potuit, quam concederet judicium patris, *L. 1. de coll.* hinc est, quod in *L. Pomponius Philadelphus, D. eod.* a Papiniano responsum legimus, filiam quod dotis sit, præcipue habere contra quam a nobis de dote supra dictum videri potest; quippe filia a patre instituta proponebatur, hoc casu dotem non conferret, *d. L. 1. C. de coll.*

XI. Justiniano autem in *Novella decimo-octava, de trient. et semisse.* visum est, si ve testatus sive intestatus moreretur pater, conferre eos debere, qui prioribus legibus ab intestato ad collationem vocabantur; nisi quid a testatore exciperetur, quoniam incertum sit, inquit, oblitusne eorum quæ dedit, an mortis perturbatione prohibitus, ea de re mentionem non fecerit.

XII. Conferre autem bona est bona in judicium ferre, ut cum fratribus communicentur partibus hereditariis. At quas olim diceremus portiones collationum ut Ulpianus exemplis probat in *L. 1. §. portiones, D. de collation. bonor.* quia tunc solum collationi locus erat, cum intestato succederetur; lege autem inter heredes ex æquo hereditas dividitur. Nunc, cum ab institutis etiam collatio exigatur, hereditarias dicere oportebit, ut pro qua parte quisque heres erit, tantum ex collatione bonorum fraternorum capiatur.

## C A P. X.

Non venire in divisionem, quod commune non sit, quavis sit hereditarium, etc.

*Quod hereditarium est, ita ad hoc iudicium pertinere, si sit commune inter heredes I.*

*Hereditarium quod est, potest commune non esse tribus modis. II.*

1. *Cum fundi hereditarii partem unus heres alienavit; sive duo sint, seu plures heredes. III.*

*Contrariis occurritur; et I. C. Pauli sententia in L. heredes 25. §. si testator D. famil. ercisc. illustratur. IV.*

2. *Cum res a jure divisa est inter heredes; quod tale sit. V.*

3. *Cum res suapte natura est individua, ideoque tota singulorum. VI.*

I. **E**rgo ut ad id, quod propositum est, revertamur; non veniet in divisionem hereditatis, quod non sit hereditarium: nisi cujus bona ad collationem vocentur. An igitur venit omne, quod est hereditarium? non statim: sed ita, si sit inter heredes commune, ut a communione discedatur. *L. 1. D. eod.*

II. Potest autem quod hereditarium sit, non esse commune. Id tribus modis efficitur: Si unus rei communis partem alienavit: si qua res inter heredes sua sponte divisa sit: si qua ita sit omnium heredum, ut singulorum tota sit, non pro parte.

III. Si fundi hereditarii partem heres alienavit: a communione recessum est, placetque ideo in hanc actionem fundum non venturum. *L. ex hereditate, 54. D. eod.* Et quidem cum eo, qui alienavit, plane hoc iudicium non erit. At, quid si fingamus, plures heredes fuisse, quam duos, ex quibus unus duntaxat partem alienavit: nonne recte dicemus quod reliquum est inter ceteros hoc iudicio dividi posse, cum inter eos et hereditarium, et commune manserit? Minime, planeque in hoc iudicium fundus non veniet; hocque est, quod Neratius sensit cum superiore specie ita scripsit in *d. L. 54. Utrum autem unus heres partem suam non alienavit, an plures, nihil interest: si modo aliqua portio, alienata ab aliquo ex heredibus, hereditaria esse desiit.* Fit hoc hujus iudicii natura, quod tale est, ut nihil agatur, nisi in omnium heredum persona inter quos actum est, aut omnium rerum adjudicationes et condemnationes fiant. *L. in hoc iudicio, 27. D. eod.*

IV. Sed non immerito huic sententiæ contrarium videri potest, quod ex Paulo in *L. heredes, 25. §. si testator, D. eod.* ita scriptum est: *si testator rem communem cum extraneo habebat: sive rei suæ partem alicui legavit, sive heres ante iudicium familiæ erciscundæ acceptam partem suam alienavit, ad officium iudicis pertinet, ut eam partem, quæ testatoris fuit, alicui jubeat tradi, ut illa verba, sive rei suæ partem alicui legavit, acceperimus: ita contrarius locus erit priori sententiæ, aut non erit contrarius; ambigua et oratio est. Potest hoc, legavit, sic accipi, ut subaudiatur testator: potest hoc modo, ut subaudiatur extraneus. Si testatorem legasse intelligimus, quod sane præclare erat ex forma orationis, cum res de eo proposita esset; negari non potest, quin locus sit contrarius. Itaque cum Accursius ita acciperet, meras nugas ad eum locum attulit, planeque verborum sensum pervertit. Sin extraneum legasse intelligimus, locus non discrepat: sed hanc sententiam exponunt. Si testator rem cum extraneo communem habeat, quavis extraneus heres institutus partem suam alienaverit: nihilominus ea pars, quæ testatoris fuit, manebit hereditaria, eademque omnium heredum communis; et ideo in iudicium quoque veniet. Quod præclare convenit: hoc enim solum quærimus, ne quid de ea re, quæ testatoris fuit, ab herede alienetur. Si quid heres de suo proprio alienet, quavis in re cum defuncto, eoque et cum cæteris coheredibus suis communi, ad rem non pertinet, neque hoc iudicium mutat. Non modo hanc sententiam ratio ipsa, et locus contrarius flagitat: sed etiam*



tiam ipsius Pauli verba, quibus non obscure significat, in ea re, quam testatori cum extraneo communem dicit: partem testatoris mansisse, aliam quandam fuisse alienatam. Ne quis autem hoc loco in hoc scriptore istam scribendi rationem admiretur; ita perturbate et alibi scribere consuevit, cui rei certissimo documento erit, *L. si pignori, h. t. ne longius abierimus*. Sed ne laboremus, quæ hoc loco propositi conturbatio, est eadem prorsus, sed manifesta apud eundem est, in *L. 12. D. de novat. Si quis, inquit, delegaverit debitorem, L. ea quæ, C. eod. qui doli mali exceptione, se tueri posse sciebat, similis videbatur ei, qui donat*. Similem ex verbis intelligeremus eum, qui delegavit; nam de eo proposuit, non ita est, debitorem intelligit, similis videbitur, supple debitor, ut locus manifeste arguit.

V. Altero modo fieri diximus, ne res sit communis, si sit jure inter heredes divisa. Id enim commune, quod ita meum est, ut sit etiam alterius. *L. illud, de ritu nupt.* Porro rebus divisus unusquisque partem suam habet, ut quod cuique obigit, id solus teneat, neque inde quicquam alius vindicet. Ita non est commune, quod divisum. Hujus generis nomina sunt hereditaria: id est, quod testator debebat, et quod testatori debebatur. *L. ea quæ, C. eod.* Hæc ita *L. 12. tabu.* inter heredes dividuntur, ut si quid testatori debitum fuit, singuli heredes pro portione hereditaria eo nomine adversus debitores habeant

994  
actionem: si quid ille debeat, heredes singuli pro hereditaria portione teneantur. *L. 1. L. 2. Cod. hered. acquir. L. 1. Cod. si cer. pet.* Idcirco convenit hæc in iudicium familiaræ erciscundæ non venire. *L. 2. §. ult. D. eod.* Quod hanc vim habet: ut iudex qui de hereditate dividenda sumptus est, nomina uni alicui adjudicare non possit, sive quod idem est, nomina solida ita alicui attribuire ut vel solus ipse habeat suo nomine actionem, vel solus creditoribus teneatur. Possunt tamen, si res exigere videatur, pro solido alia alii attribui, ne solutio vel exactio particularis aliquid incommodi afferat. Sed ita ut sive agendum sit, is cui nomen attributum est, partim suo, partim procuratorio nomine agat: sive contra cum eo agatur, partim suo, partim procuratorio nomine conveniatur, de hac attributione *Cajus in L. 3. D. eod.*

VI. Res hereditariæ quædam sunt; quod tertium genus erat, quæ singulorum heredum totæ sunt. Tales sunt actiones earum rerum, quæ res ipsæ dividi non possunt, cujusmodi est: si quis viam stipulatus sit. Neque stipulatoris heredes viam pro parte petere possunt, et si cum heredibus promissoris agatur, a singulis solida petitio futura est. *L. viæ, de servit.* Non igitur, hujusmodi stipulationes, promissionesve, in hoc iudicium venient. *L. heredes, §. An ea stipulatio, D. eod.*

## C A P. XI.

Quædam quanvis hereditaria et communia in hujus iudicii divisionem non venire.

*Tria licet hereditaria et communia non venire in hoc iudicium. I.*

1. Quod noxium est, et paratum dumtaxat ad nocendum. Quod tale sit. II.

2. Quod scelere est, et malis artibus quæsitum. Quotuplex hoc, et quare in hoc iudicium non veniat. III.

3. Quod heredum uni prælegatum, aut uni testatoris iudicio datum ab altero. IV.

Cujus generis, et quæ sint. V. VI. IX.

Et cur illa præcipere filiusfamilias possit ac debeat. VII. VIII.

I. **S**unt res et hereditariæ et communes. Sed hæc denique ad divisionem hujus iudicii natura sua pertinebunt: Quæ tamen excipiuntur, magis æquitate rei et iudicii, *Tom. VI.*

quam rerum natura. In hoc numero sunt hæc tria; si quid noxium sit, seu ad nocendum tantum paratum: si quid scelere et male partum: si quid alicui ex heredibus debeat

beat esse præcipuum; quod postremum sic in hoc iudicium non venit, ut dividi inter heredes non debeat: venit tamen hactenus, ut officio iudicis in præcipuum ferat, cuius esse oporteat. *L. si qua, C. h. tit.*

II. Si quid noxium sit, in hoc iudicium non venit, cuius generis mala medicamenta, libri magici, etsi qui ad contumeliam omnipotentis Dei scripti sunt. Idcirco, quod cum vim tantum habeant nocendi, a iudice, quem viri boni et innocentis officio fungi oportet, retineri non debent, præsertim in iudicio bonæ fidei, quale hoc iudicium est. *L. 4. §. mala, D. eod.*

III. Non venit, si quid ex peculatu vel sacrilegio, si quid vi, aut clam aut latrocinio, aut aggressura quæsitum est. *L. 4. §. sed et si quid, D. eod.* Duabus de causis: vel quod testatoris non fuerunt, eoque non sunt hereditariæ: vel quod si quis vi extorserit, ut sibi a domino traderentur, a quo ita ipse dominus factus est: rerum turpiter quæsitæ nulla societas, nulla communio est. *L. 1. §. plane, de tut. et rat. dist. L. nec permittendum, D. pro socio.* Sed neque turpitudinem rei gestæ iudex adjudicatione sua comprobabit.

IV. Quædam vero uni alicui præcipua esse debent. In omnium heredum persona id præcipuum esse debet, quod cuique voluntas testatoris detulit. Quam conservari in primis ad officium iudicis, familiæ eriscundæ pertinet. Id autem est, si quid uni prælegatum, aut fideicommissum est: *L. si qua, L. 4. §. 1. D. eod.* quod genus legati, quia hoc iudicio ante cæteros in divisione hereditatis ab herede caperetur, dictum est præceptio, auctore Theophilo in *§. L. Institut. de L. sic nominatur in L. heredes, §. ultim. L. rem pignori, D. eod.* ad eandem rationem pertinet, et quod uni ab alio datum est iudicio testatoris. Nam id quanvis hereditarium fuerit, ejus proprium esse debebit, cui datum est.

V. Tales sunt nummi peculiares a statu libero conditionis implendæ causa dati, quos quidem hereditarios esse, et jure hereditario capi constat. *L. id autem, D. ad L. Fal.* Recte tamen dari a statu libero ad conditionem implendam, si hac lege manumissus sit, si decem daret; dari et voluntate testatoris. *L. 3. de statu lib.* Ideo heredi ex hac causa datos dandosve, et præcipuos esse convenit *L. filia, §. ult. D. eod.*

VI. In filii autem familiæ persona duo sunt genera rerum; quas ille patri succedens præ cæteris capere debeat. Primum, si quid ex suo

contractu debuit, quo nomine et vivus pater teneretur. Tenetur autem ex hic causis pater, si filius jussu patris contraxit: si in rem patris versum est: si filius peculium habet. vide *titulum Instit. Quod cum eo*, postremo si filiusfamilias magistratum suscepit, consentiente patre, et vivo patre aliquid ex ea causa reliquatus est. *L. 2. D. ad municip.* Nempe quidquid ex his causis pater debuit, filium præcipere posse dicimus: ex cæteris solidum, ex quibus quoque solidum pater debuit: ex causa peculiari solum peculium, quia pater et de peculio tantum teneretur. De liberis prioribus traditur in *L. si filia, §. 1. D. eod.* de reliquatione muneris publici est in *d. L. si filia, §. idem stabit, et seq. L. ex parte, §. filius, D. eod.*

VII. Qua ratione autem hæc filiumfamilias præcipere debere dicimus? quia hoc patris æs alienum ut est, innuit Ulpianus in *d. L. si filia, §. Item, scribit*: cuius tamen nomine solus filiusfamilias in solidum tenetur, si creditores velint. Constat enim omnibus causis filiumfamilias obligari, non secus, quam paterfamilias *L. tam ex contractibus, D. de jud. L. filiusfam. D. de oblig.* Neque vero æquum est, ut qui ex parte tantum heres sit, hunc solum æs alienum agnoscere.

VIII. Immo, hic dicat aliquis, solum filiumfamilias id præstare æquum est, quod ipse contraxit; cum hoc ipsius æs alienum videri debeat potius, quam patris: quod ille magis, quam pater debuit. Dicendum est, si creditorem spectemus, filiumfamilias obligationem esse, qui creditori teneatur ideo, ne creditor decipiatur. Quod si res inter patrem et filium agetur; re vera una patris obligatio est. Quod inde intelligere possumus, quod pater conventus eo nomine si aliquid præstiterit, ipse a filio non queat repetere. Et nimirum ita res habet: quemadmodum ex filii persona omne commodum capit pater, ita incommoda ex eo si qua sunt agnoscere eum æquum est, *L. ex qua persona, D. de reg. jur.*

IX. Præter hæc et filiusfamilias maritus uxoris suæ dotem præcepit, si forte patre vivo data esset. Non et ipso jure ad filium redit, quanvis maritus sit. Quippe socero data illi ipsi acquiritur, et ut data non esset: tamen olim jure potestatis illi quæreretur, et quoniam ejus fuit, eo mortuo, heredis quoque esse, ut rem hereditariam necesse est. Quod cum non sit æquum; eam hoc iudicio filius præcipuam obtinebit. *L. si filia, §. 1. L. fundus, 51. D. eod.* Ideo autem non est æquum apud alium esse hereditatem,

tem, quam apud maritum. Quod dos matrimonii oneribus ferendis datur. *L. pro oneribus, C. de jure dot. L. si pater, D. eod.* Onera porro matrimonii solum maritum sequuntur. Et dos igitur eum consequetur. Ita-

que quanvis filius heres a patre non sit institutus, aut sit sub conditione: placet tamen antequam conditio extiterit, filium dotem præcipere, sive habere sibi debere *L. si maritus, D. eod.*

## C A P. XII.

### De personalibus hujus judicii præstationibus.

*Præstationes hujus judicii personales quid sint. Eas in tribus versari. I.*

1. *In eo quod de suo abest alteri; idque ex facto coheredis aut suo. II.*

*Ex facto coheredis quomodo. III.*

*Ex Suo autem, cum vel utiliter gerit, aut quasi heres hereditarium negotium utiliter; quatenus. IV.*

*Quasi heres quando rem gerat aut secus. V. IX.*

*Num talis rem gerat, aut ex persona æstimari, aut ex re. VI.*

*Ex persona quomodo. VII.*

*Ex re quot et quibus modis. VIII.*

2. *In eo quod uni abfuturum est ex superioribus causis præstatio hac in re dissimilis, et quomodo. X.*

3. *In eo quod quis de hereditate minus habet ex facto coheredis, eoque triplici. XI.*

1. *Si quid de rebus hereditariis ad u-*

*num pervenit; hoc quale sit, et cur id huic uni obnoxium judicio. XII.*

*Quare pretium rei hereditariæ ab uno perceptum non veniat in hoc judicium. XIII.*

*Sed illud potius ad petitionem hereditatis pertineat. XIV.*

*Qui I. C. Pauli sensus in L. inter, §. si coheredes, D. famil. ercisc. XV.*

2. *Si quid per unum damni factum est. Hoc quale sit, et quo alio judicio reus teneatur. XVI.*

3. *Si quid per unum aliquem factum quominus aliquid quærat coheredi. XVII.*

*In omni eo quod abest, dolus et culpa præstari debet. XVIII.*

*Præstationes hæ cur dicantur personales; unde illarum obligatio. XIX.*

*Judicium hoc erciscundæ esse cum in rem, tum in personam, et quare. XX.*

I. **R**ES quæ essent, quæ in divisionem hujus judicii venirent, diximus. De personalibus præstationibus videamus. Præstationes personales vocamus, quicquid coheres, quod non sit hereditarium coheredi præstare propter communionem hereditatis debet. Hæ tribus in rebus versantur. Nam aut in eo sunt, quod coheredi de suo abest per causam hereditariam; aut in eo, quod ex eadem causa, abfuturum est, aut eo, quod minus habet de hereditate, quod quidem per heredem factum sit, fiatve, quominus habeat.

II. Quod alteri abest, id coheres hoc judicio exigit a coherede duabus de causis; si absit vel ex facto coheredis; vel suo, dum negotium hereditarium gerit.

III. Ex facto coheredis contingit, ut cæteri coheredes quid præstent, cum stipulatione aliqua a defuncto interposita ne quid fiat,

*Tom. VI.*

vivus contra eam stipulationem committit. Sic enim fit, ut cum pro parte peccari non potuerit, stipulatio in solidum committatur: ea commissa, omnes quanvis nihil deliquerint, teneantur, quia promissio sit hereditaria, cuius conditio extiterit. vide *L. heredes, §. contra, L. inter, §. quod ex facto, D. hoc tit. L. 2. §. ult. de verb. oblig.* Verum aliis nocere, quod alius deliquerit, non decet.

IV. Negotium hereditarium gerendo, heres alios coheredes hoc judicio sibi obligat, si utiliter et quasi heres gessit. Gerit utiliter, qui pro commodo hereditatis gerit, dum vel heredes liberat æs alienum solvendo, aut res hereditarias servat suis sumptibus, aut meliores facit. Hi sunt sumptus, quos in hoc judicium venire dicimus. *L. his consequenter, §. sumptum, D. eod. L. filia, §. 1. C. eod.* Quod contra impensum est, nulla utilitate

tate scilicet rei hereditariæ, neque hoc iudicio exigitur, neque negotiorum gestorum actione. Exempla cognosce ex his locis. *L. inter*, §. *quod ex facto*, *L. qui heres*, *D. eod.*

V. Quasi heres autem rem hereditariam gerere intelligitur, non qui ideo gerit, quia expedire cæteris putat, ubi nulla necessitas communionis rem totam gerere eum cogat: nam alioqui etsi heres non esset, idem facere poterat: sed qui aut solus cogebatur in totum, aut ideo partes quoque cæterorum attingit, quia suam sine illis, quæ conjunctæ erant, attingere non potuit. Unde intelligatur eum propter necessitatem communionis hereditariæ gerere necesse habuisse, si ut heres suam vellet gerere. Itaque in hac sola necessitate gerendi, huic iudicio locum esse placet: ubi nulla necessitas fuit, negotiorum gestorum actioni. *L. heredes*, §. *si vivus*, et §. *non tantum*, *D. eod.*

VI. An pro parte rem exsequi non potuerit heres, alias ex persona, quæ impendit, alias ex re æstimandum est.

VII. Ex persona, si is fuit heres, qui in solidum de nomine hereditario appellaretur, re alioqui per se dividua. Qualis est filiusfamilias heres, qui solvit, quod vivo patre contraxerat, cujus nomine et pater tenebatur: hunc quidem in solidum conveniri posse ex suo contractu jam diximus. *L. tam ex contractibus*, *D. de jud.* ut si solverit, non voluntate eam solvisse, sed quia ita cogebatur, appareat. Jam vero et hoc æs alienum patris esse, supra ostendimus. *L. si filia*, §. *idem scribit*, *D. eod.* Quod si patris; et heredum. Ita hoc solvendo, cæterorum negotium hereditarium gestum intelligitur. Merito igitur, ut re integra hujus æris alieni filio præceptionem damus: ita hoc ab illo dissolutum, et pro parte adversus coheredes damus, familiæ erciscundæ actionem. *L. his consequenter*, §. *filiusfamilias*, *D. eod.*

VIII. Ex re id æstimatur, si res, quam fieri vel oportebat, vel expediebat, aut divisionem ipsa per se non recipit, quod genus est, insulam ædificare, opus aliquod facere, quod testator jusserit, item locare ædes, agrum colere, jumenta pascere, quia neque operis pars est, antequam opus extet, neque partem meam attingere possum, ut alienam non attingam, quia confusæ sunt: *L. inter*, §. *1. D. eod.* *L. si is qui quadringenta*, §. *1. D. ad L. falci.* *L. in executione*, §. *secundo*, *D. de verb. obl.* *L. si quis putans*, §. *1. D. comm. divid.* quod genus item rem hereditariam quæ tota petebatur, non pars, iudi-

cio defendere: *L. ex parte*, in princ. *D. hoc tit.* aut cum pecunia debetur, res quidem sua natura dividua: sed extrinsecus obligatio id assequitur, ut nisi tota pecunia soluta sit, nulla ex parte liberatio nascatur ejus rei, quam volumus. Quod toties contingit, cum aut pecunia sub pignore debetur, aut ita, ut si soluta non sit, alterius alicujus tanquam pœnæ præstatio incurrantur. Neque ad pignus liberandum, neque ad pœnam et cuiuslibet alterius rei præstationem evitandam, quicquam prodest partem solvisse. *L. si rem*, §. *omnem*, *D. de pig. act.* *L. 2. §. 1. L. 5. §. ult. D. de verb. oblig.* cum et pignus obligetur, et pœna debeatur sub conditione, si pecunia, de qua quærimus, soluta fuerit. Conditiō autem non scinditur, illudque verum est, pecuniam non esse solutam, quæ tota non sit. *L. cui fundus*, *D. de cond. et demonstr.* fac in his generibus pecuniam, ab uno ex heredibus solutam, ut pignus lucretur, aut præstatio aliqua utiliter evitaretur: hujus impensæ partem a coheredibus hoc iudicio consequetur, quia totum solvere necesse habuerit, si partem suam salvam habere vellet. Huc pertinet horum locorum exempla. *L. his consequenter*, §. *penult. et ult. L. heredes*, §. *contra*, §. *idem juris*, §. *si unus*, *L. inter*, §. *penult. D. eod.*

IX. In eo autem, ut quis quasi heres impenderit, non solum est, ut heres jam fuerit, sed etiam ut sciens se hæredem esse, in hereditate aliquid gesserit. *L. qui heres*, 49. *D. eod.* Illud quidem nemo dubitabit, quin si quis vivo testatore aliquid fecerit, quod testatori prodesset, et per testatorem coheredibus: hoc iudicio consequi non possit, quia nulla necessitate hereditatis gesserit. Contra quod scriptum videtur esse, in *L. heredes*, §. *si filius*, *D. eod.* verba Pauli hæc sunt; *si filius cum patrem defenderet, condemnatus solverit, vel vivo eo, vel post mortem: poterit æquius dici habere petitionem a coherede in familiæ erciscundæ iudicio.* Singulare jus esse in filio Accursius dicit, quasi quicquam necesse fuerit filii causa hoc iudicium indicare, cui negotiorum gestorum actio sufficeret. Sed nihil tale est. Et sane constat, filium ut cæteros, si quid nomine patris nulla necessitate impenderit, negotiorum gestorum habere actionem. *L. 3. L. si filius*, *C. de nego. gest.* hæc autem iudicia non concurrunt, *L. heredes*, §. *non tantum*, *D. eod.* Restat; ut sic accipi debere videatur, ut verba illa: *vel vivo eo*, non verbo solvit, jungantur, sed verbo, *condemnatus*, sicque oratio intelligatur: si filius condemna-

tus solverit, condemnatus inquam, vel vivo patre, vel post mortem patris, familiæ erciscundæ judicio repetet.

X. Ut quod ex supra scriptis caussis heredi abest, ipse pro parte ab iis consequi potest; ita de eo, quod ex iisdem caussis abesse potest, ubi cæteri coheredes cessent, hoc judicio agi potest, ut coheredes quid præstent. Sed in hac re dissimilis præstatio. Nam si pecunia jam præsens debetur, quam ut pignus luatur, aut pœna evitetur, solvi necesse sit: potest unus hoc judicio agere, ut cæteri jam statim partem conferant, quamvis adhuc integris rebus. *L. his consequenter, §. Celsus, L. inter, §. de usufructu, D. eod.* Quod si ex futuro debitum et omnino ex facto coheredum pendet, utrum quid debeatur, nec ne, quia in potestate coheredum, non faciendo aliquid, aut contra, quam promissum est, faciendo efficere, ut stipulatio hereditaria committatur: in hoc solum agatur, ut coheredes caveant, si quid fecerint, aut non fecerint se in eo coheredem indemnem præstaturos. *L. heredes, §. contra, D. eod.*

XI. Tertium genus eorum, quæ coheredi de hereditate absunt, opera et facto coheredis, tria complectitur; si quid de rebus hereditariis ad unum pervenit: si quid per eum damni datum factumve est: si quid factum sit, quominus quæreretur.

XII. Si quid pervenerit videlicet si fructus hereditarios percepit solus: si de hereditate aliquid ad se sevocavit, *§. si familia, Inst. de off. jud.* in quo notandum est, eum qui res avertit, neque expilatæ hereditatis teneri, cum alia actio sit, *L. 3. C. eod. ult. L. C. de vi. exp. her.* neque furti, qua actione ante aditam hereditatem agi non potest, vel post aditam hereditatem, antequam res ab herede possessæ sint. *L. 2. D. exp. her.*

XIII. De eo quæsitum est, si unus ex heredibus rem hereditariam vendiderit, et precium perceperit an veniat pretium in judicium familiæ erciscundæ. In petitionem hereditatis venire constat. *L. si et rem, D. de petit. hered.* Quia imo et in hoc judicium venire his verbis Paulus significare videtur, in *L. inter, §. si coheredes, D. eod.* Si coheredes absente uno coherede rem vendiderunt, et in ea re dolo malo fecerunt, quo plus ad eos perveniret: vel familiæ erciscundæ judicio præstabitur ei, qui abfuit, vel hereditatis petitionem. Sed non venire clare demonstratur rescripto Diocletiani, et Maximiani, quod extat, *Cod. eod.* in hæc verba: *In familiæ erciscundæ judicio ab uno pro solido rei veluti communis venundatæ pretium*

*non venit: sed mandati, si præcessit coheres; vel negotiorum gestorum, si ratam fecerit venditionem. Nam si velut propriam unus distraxerit, ac pretium possideat, hereditas ab eo petenda est.* Cur ergo pretium hoc non venit, cætera ex re hereditaria percepta veniant? quia neque fructus ex parte indivisa percipi, neque rei pars indivisa surripi potest: pars indivisa vendi et alienari potest, quemadmodum et pignori dari, *L. ex hereditate, 54. D. h. tit. L. portionem, C. de don. L. si fratres, C. commun. utr. jud.* Ius enim venditione transfertur, quod pro parte indivisa recte animo concipi potest. Pro certo autem habendum est, quod ad omnem obligationem hujus judicii pertineat, nihil in hoc judicium venire, nisi quod unus quasi heres fecerit, *L. et puto, §. sed etsi, D. eod.*

XIV. Non est mirum, si idem in petitionem hæreditatis veniat, cum ea omnia veniant, quæ sunt hereditaria, in judicium familiæ erciscundæ veniunt ea solum, quæ aut sunt communia, et pro talibus agnoscuntur, aut per causam absunt communionis hereditariæ, quidam tamen putant hanc actionem non competere, sed quod idem rescriptum continet, mandati, aut negotiorum actionem. Ego autem non dubito, quin petitionem hereditatis et hoc casu competat tanquam de re hereditaria, si modo iste est casus. *d. L. si et rem, L. quod si in diem, §. sed et is, §. idem Julianus, de petit. hered.* Nec ad rem pertinet, quod rescriptum dicat privatas actiones de nomine competere.

XV. Quod autem ad ea verba attinet, quæ supra ex Paulo retuli: cujusmodi ea sint; expendendum est. Non tum de pretio rei hereditariæ loquitur, sed si quid, inquit, in ea venditione dolo fecerint, quo plus, intellege, quam pretium ad res perveniret. Finge præsentem rem centum aureis vendidisse ea lege, ut præsentem rem aliquam ea gratia acciperent. Id vero familiæ erciscundæ judicio præstabitur. Quia indivisum cum fuerit pro parte a præsentibus capi non potuit.

XVI. Damnum quod hic locus complectitur, hujusmodi est; si unus rem hereditariam corrumpit, si servitutem negligentia, sive non utendo perire passus est, utrumque si jam hæres factus, cum se hæredem sciret, fecit. *L. et puto, §. et ideo et seq. L. heredes, §. Item culpæ, D. eod.* Illud notandum est, eum qui rem hereditariam corrumpit, ita hoc judicio teneri, ut sit etiam eo nomine actio legis Aquiliæ: sed si lege Aquilia agatur, duplicem: si hoc judicio, simplum tantum futurum esse, quoniam rei persecutionem duntaxat



taxat hoc iudicium persequitur. *L. et puto*, in fi. *L. damno*, seq. *D. eod.* congruit quod de petitione hereditatis scriptum est in *L. item veniunt*, §. *cum prædiximus*, *D. de pet. her.*

XVII. Fit per heredem, quominus quid acquiratur, cum optio defuncto delata est, quam unus dissensu suo impedit, efficitque ut ea res detur quam habere non expediat. *L. herede*, §. *si incerto*, *D. eod.* hujus generis est, etsi administratione rerum hereditariarum suscepta, quas pro parte gerere recte non potuit, nummos quæsit minus, quam licebat.

XVIII. In his quæsitum est, quoniam fieri potest, uti quod abest, absit heredis dolo, absit culpa, absit etiam negligentia et socordia: utrum hæc omnia heres heredi hoc iudicio præstare debeat, an quædam, et quæ tandem debeat. De hac re ita Paulus definit in *L. heredes*, §. *non tantum*, *D. eod.* *non tantum dolum, sed etiam culpam in re hereditaria præstare debet coheres: quoniam cum coherede non contrahimus, sed incidimus in eum. Non tamen diligentiam præstare debet, qualem diligens paterfamilias, id est quoniam hic propter suam partem causam habuit gerendi, et ideo negotiorum gestorum si actio non competit. Talem igitur diligentiam præstare debet, qualem in suis rebus.* Hactenus Paulus, hoc vero est, quod referre putemus, utrum in his familiæ eriscundæ, aut negotiorum gestorum competere putemus. In hac enim etiam diligentia exigitur, quoniam negotia nulla necessitate rei nostræ gerendæ administrantur. §. 1. *Inst. de oblig. quæ ex quasi cont.*

XIX. Dixi; quæ essent hujus iudicii præstationes, dicendum videtur, cur personales nominentur, unde contrahantur, et quid tandem pertineant ad hanc iudicii rationem. Personales dicuntur, ut cæterarum rerum obligationes, quia personam obligatam tenent, rem non sequuntur. Id ex eo licet intelligere, quod rerum hereditariarum divisio, nisi rebus extantibus esse non potest: præstationis personalis petitio etiam re sublata manet: ut si animal occisum sit, si sumptus in rem hereditariam facti sint, eaque perierit. *L. sed et ejus*, 24. *L. si servus*, 31. *D. eod.* obligatio ex communione nascitur, ad quam pertinet, rem ex bona fide geri: qua eadem ex re efficitur, ut nequequisquam sociorum eam violare facto suo de-

beat, et si quid ipse in eam causam impenderit, æquum sit ut exigere liceat. Est igitur hic quasi contractus quidam, de quo genere in §. *Item si*, *Inst. de oblig. quæ ex quasi contr.*

XX. Atque hinc est, quod hoc iudicium mixtum dictum est, tam in rem, quam in personam. §. *quædam*, *Inst. de actio.* Quod enim ad res hereditarias attinet, actionis in rem speciem habet, quoniam unusquisque in his partem persequitur: sed in eo ipso etiam personales actiones partem habent. Iudex enim res dividendo, et certas partes cuique assignando, non restituit cuique quod suum fuerat, alioqui partes indivisas, quæ ante fuerant, relinqueret, sed etiam de alieno cuique adjudicat. In personalibus præstationibus aperte in personam est. Etenim, dicet quispiam, iudicium hoc ad hereditatis divisionem comparatum est. Ut igitur ea, (quæ supra dixi) præstare heredem heredi æquum sit: tamen hoc iudicio præstari convenire non videtur. Quid enim hæc ad divisionem hereditatis pertinent? pertinent hoc modo: non enim solum hereditatis sunt res hereditariæ, sed etiam commoda et incommoda hereditaria. *L. 1. 2. 3. de bonor. poss.* In his autem rebus, ex quibus præstationes esse diximus: commoda et incommoda hereditaria continentur. Recte igitur venient in hoc iudicium, ut communicentur. *L. item ex diverso*, 19. *D. eod.* Quod heres in rem hereditariam impendit, quod quidem hoc iudicio repetere possit, hereditariæ communionis incommodum est. Nam nisi ideo rem totam hereditariam attingere necesse habuerit, quod heres esset, huic iudicio locum non esse diximus. Et quod in parte coheredis damni datum est, ab hereditaria communione, non ab herede contigit. Idcirco et heres coheredem læsit, quia partem suam lædere, aut avocare non potuit, quin totam læderet aut avocaret. Et hoc est quod diximus; ita demum heredem teneri, si quasi heres fecerit. *L. et puto*, §. *et ideo*, *D. eod.* Quod autem ad coheredem pervenit ex hereditate, hoc quidem aperte commodum hereditatis est. Nihil igitur horum non recte ad communicationem hoc iudicio vocatur. Communicandi ratio, si efficiatur, ut neque lucrum ad unum tantum pertineat, neque onus unus duntaxat ferat: sed hæc lucri et damni partes fiant, quæ in rebus hereditariis ex institutione futuræ fuerint.

## C A P. XIII.

## Quæ Partes judicis in hac actione.

*Judicis est hereditatem; eamque totam dividere. I.*

*In rerum divisione testatoris voluntatem, si qua est, judicem sequi oportet. II.*

*Ea aut in onere consistit: æris alieni quantum injungi possit, et quod hic judicis officium. III.*

*Aut in prælegato: prælegatam pecuniam totam heredi præcipuam judicare debet judex; eoque jure, quo esset, cuivis alteri legata. IV.*

*Aut etiam in rerum assignatione facta inter heredes, rataque intra Falcidiæ modum; quod quale sit explicatur. V.*

*Qualiscumque testatoris in ea divisione voluntas rata, dummodo inter liberos: inter extraneos minime valet nisi solemniter. VI.*

*Quam divisionem servare debeat judex in rebus a testatore non divisis. VII.*

*Demta testatoris voluntate, quam divisionis formam judex sequi debeat. VIII.*

*Si Judex uni rem adjudicet, alteri usumfructum, non hi in usumfructum concurrunt: cur secus in legatariis. IX.*

*Et quæ talis adjudicationis expediendæ ratio, et quod ejus emolumentum. X.*

*Servitutem hanc: ut fundus hereditarius hereditario serviat, recte judex imponit, cum rem adjudicat. XI.*

*De pignore, quod et ipsum venit in hanc divisionem quo in loco auctor. XII.*

*Res hereditarias nullius pretii neque dividi, neque adjudicari oportere, sed vel apud unum heredem, aut in loco publico deponi: quæ ille sint. XIII.*

*Nomina in divisionem non veniunt, ideo neque in hoc judicium XIV.*

**I.** Jam quæ partes judicis sint, ad eam divisionem, quam quærimus consequendam, dicatur. Judex de dividenda hereditate sumptus est. Principio igitur hoc statim de officio ejus præcipiatur ipsum totam dividere debere. Ex quo si quid indivisum reliquerit, aut si in quorum persona condemnationem fecerit vel absolutionem, in quorundam persona prætermiserit: ne in cæteris quidem quod fecit, valebit: quia non possit uno judicio res judicata in partem valere, in partem non valere. *L. heredes, §. Judex, L. in hoc judicio, D. eod.* Denique sententiam non dixit, nisi qui de tota controversia judicavit. *L. qualem, §. dicere, D. de recept.* Plane eas res dividere debebit, quæ proponuntur. Si quæ in judicium deductæ non sint, ob eamque causam indivisæ manserint: non eo minus judicium valebit: de indivisis autem communi dividundo agitur; ut initio diximus, *L. si filia, §. familiæ, D. eod.* hoc posito, cum duas res in hoc judicium venire dixerimus: rerum hereditariarum divisionem, et præstationes personales, quas easdem res

hoc judicium persequitur: in præstationibus quidem personalibus judicis condemnatio solum quæritur; quæ qualis esse debeat, ex præcedentibus intelligi potest. In rerum divisione, quæ sit potestas judicis, seu qualis judicis divisio esse debeat, solum est, quod quæri debere videatur.

**II.** Et quidem si inter consentientes res agitur, quod malunt litigatores, id judicem exsequi convenit. *L. judicem, D. com. divid.* Si de divisione non convenit, voluntas primum testatoris, si qua proponitur, legem dabit. Si nulla alia erit, quod commodissimum est, id judex sequetur. Voluntatem quidem testatoris de divisione rerum in hac re ut cæteris sequi oportere constat. *L. filii, L. si cogitatione, C. eod.*

**III.** Ea est aut in opere æris alieni alicui injungendo; aut in prælegando, aut in rebus inter heredes assignandis et dividendis. *Æs* alienum alicui si injunxit, id suscipere heres debet usque ad dodrantem hereditatis. Nam quartam integram habere debet. In eo officium judicis, ut is heres caveat cæteris cohere-

heredibus se eos indemnes esse præstaturum. *L. si filia, §. Papinianus, §. idem Papinianus, D. eod.*

IV. Heredi si quid prælegatum est, judici convenit, ut id præcipuum ferat secundum voluntatem testatoris, id est, et totum, et eodem jure, quo alius quivis, si ei legatum esset. Totum dicimus, quia de pecunia dubitari potest uni legata, quæ in hereditate non reperitur: in qua quæritur; utrum heres totam de hereditate sumere debeat, an partes duntaxat hereditarias a coheredibus petere, partem secum compensare. Ut puta, ex tribus heredibus uni triginta legata sunt, quæ non sunt in hereditate, utrum viginti duntaxat capiet a coheredibus; decem reliqua si petet, recte dicetur ipsum quasi hujus legati partem ferre debeat, hæc decem sibiolvere eoque et secum pensare debere? Sed quæ corporis legati, eadem pecuniæ legatæ ratio erit; ut eam heres ex hereditate sumere debeat: quod si non erit, rem hereditariam vendi oportet, unde pecunia conficiatur. Quod autem eodem jure prælegatum habiturum diximus, quo si alii legatum esset, eo pertinet: rem prælegatam, si forte fuit pignori obligata, lui a coheredibus oportere *L. si pignori, L. paterfamilias, D. eod.* Ita jus foret, si extraneo alicui res legata esset. *§. sed etsi rem, Inst. de leg.*

V. Divisio rerum, et assignatio a testatore facta, eodem modo, intra modum legis Falcidiæ rata est; quæ res melius ex his rescriptis intelligitur, quæ sub eodem titulo in Codice extant: quorum unum Gordiani est in hæc verba: *Quoties inter omnes heredes testator successionem suam dividit, ac singulos certis possessionibus cum mancipiis, quæ in eisdem sunt constituta, jubet esse contentos: voluntati ejus salva legis Falcidiæ auctoritate obtemperandum esse manifestum est.* Item aliud Diocletiani et Maximiani. *Si cogitatione futurae successionis officium arbitri dividendæ hereditatis præveniendo pater communis suo, vel qualicunque judicio suam declaravit voluntatem inter eos qui successerunt, exemplo Falcidiæ rationis habita ratione, familiæ dividundæ causa datas, arbiter pro virili præterea portione eorum, quæ nulli generaliter vel specialiter assignavit facta divisione, in adjudicando patris sequetur voluntatem.* In qua specie animadvertendam est, quæ in superioribus rescriptis retentio ex lege Falcidia fieri dicitur, et in quibusdam aliis ejusdem tituli rescriptis servari dici ex senatusconsulto, ut *L. filii, L. ult.* verba sunt hæc ex *L. filii*:

*Sed etsi tam circa testamentum, quam etiam codicillos judicium ejus deficiat, verum quibuscunque verbis, voluntas ejus declarata sit, licet ab intestato ei fuerit successum: ex senatusconsulto, retentionis modo servato; familiæ erciscundæ judicio aditum judicem sequi voluntatem patris oportere, juris auctoritate significatur.* An Pegasianum sive Trebellianum intelligimus? aliud quo quartam de hereditate retinere liceat, nullum proponitur. *§. sed quia heredes, §. sed quia stipulationes, Inst. de fid. hæred.* at hoc Senatusconsultum, nisi cum heres de hereditate restituenda rogatus est, locum non habet. *L. cogi, §. generaliter, D. ad Treb.* hic res singulæ divisæ, et prælegati vice cuique assignatæ sunt. Quod si ex Senatusconsulto resolutio fieret, non susciperetur in hac specie æs alienum pro portionibus hereditariis; sed quantum de hereditate apud fideicommissarium esset, tantum transiret in eum æris alieni, *§. si quis una, Institut. de fid. hered. L. 1. D. ad Treb.* Quod secus est, ut scriptum est in *L. 1. C. si cert. pet. L. ex facto, D. de hered. inst.* Sed expendendum est, quid in superiori rescripto dicatur: non hoc dicitur, quartam ex Senatusconsulto retineri: hæc species revera ad *L. Falcidiam* pertinet: sed illud, modum retentionis ex Senatusconsulto futurum esse. Id autem est ex forma Senatusconsulti, quod ideo dici videtur, quia in specie proposita in quartam heres imputat, quod habet jure prælegati. *L. Neseñnius, D. ad L. falcid.* Est autem ex sententia Senatusconsulti, ut in quartam fideicommissariam imputentur etiam ea, quæ jure hereditario non capiuntur: in lege Falcidia contra *L. in quartam, D. ad L. Falcid. D. ad Trebel.*

VI. In hac divisione et assignatione testatoris, placet omnem ejus voluntatem ratam esse debere, de qua aliquo modo constet: si quidem res inter liberos geratur. Adversus extraneos autem non aliter esse servandam, quam si supremis tabulis aut condiciliis, id est solemni aliqua testata si voluntate *L. filii, L. ult. C. eod.* Ex ea divisione, ut modo diximus, non pro modo emolumentionus æris alieni futurum est, sed proportionibus hereditariis *L. 1. C. si cert. pet.* nisi tamen quid contra testator de ære alieno nominatim statuerit. *L. 1. si filia, §. si pater D. eod.*

VII. Quid si testator rebus quibusdam divisis et assignatis, quasdam indivisas reliquit? hic de his, quæ indivisæ manserint, dubitatio affertur, quam divisionem in his ju-

judex servare debeat: utrum ad eum modum dividere, quem testator in cæteris rebus secutus est: an pro portione hereditaria, quas ille de divisione omnino cavisset. Dubitationis causa ex eo, quod aliis in causis multis cum testator certas partes inter coheredes fecit: si alia voluntas testatoris proponitur inter eosdem, neque ulla partes expressit, easdem partes fecisse et repetisse existimatur: ut cum instituit aliquos ex diversis partibus, eosdem invicem substituit, partibus non ascriptis: videtur et easdem in substitutione fecisse. *L. si plures, D. de vulg. sub.* Sed recte hoc, cum alia voluntas sequens æque principalis proponitur. At si principalis aliqua est, de qua aliquid a testatore excipitur: quantum exceptum erit, tantum de ea voluntate immutabitur. Si aliquid non erit exceptum, vel hoc ipso voluntas præcedens cæteris in rebus confirmabitur. Testator heredes cum instituit, dominos ejus rerum hereditariarum pro portionibus hereditariis fecit. Si de eo aliquid detrahit, quod altera assignet, erit hoc ratum, tanquam quod de præcedenti voluntate exceptum sit. Si alia non detraxit; aperte ea ad præcedentem voluntatem pertinere voluit. In eam ergo sententiam, de hac questione Papinianus respondet; Verba Papiniani sunt hæc: *in L. 32. D. eod. Quæ pater in filios non divisit, post datas actiones vice divisionis ad singulos pro hereditaria portione pertinent, si modo cætera, quæ non divisit, in unum, generaliter non contulit, vel res datas non sequuntur.* In unum non contulit, id est, in unum ex liberis. Vel res datas non sequuntur, id est: rebus datis et assignatis non cedunt, et eorum jus et conditionem non sequuntur. Ut sit sensus: si quæ res ex divisione alicui datæ sint: non solum ejus futurum esse, quod datum est: sed etiam quod ei rei cedit. Cujus generis est, quod rebus datis accessit, ita ut partem faceret, et quod propter vicinitatem ab his trahitur, et quod ex his natum est. De quibus alio loco dicendum est. Exempli causa; ædificium areæ impositum, aream sequi dicimus: foetum et partum ejus conditionem et jus unde natum est. *L. Minucius, D. de rei vind. L. Paulus, §. Domus, D. de pig. L. partum, C. de rei vind.*

VIII. Voluntate testatoris de rerum divisione detracta, quid judicem facere conveniat, videamus. Ut quisque heredum partibus divisus, et certis tantum ferat, quantum prius habebat indivisis partibus, quaeritur. Id non in eo positum est, ut res singulas judex dividat, et partes cuique attribuat: sed alias

res dividet, alias singulas singulis totas adjudicabit, alias universas scilicet, ut commodum videbitur. In rebus quidem corporalibus id commodum esse videtur, ut, si plures sint hereditariæ, singulis singulas assignet, ut vice cujusdam permutationis heredes inter se res habere incipiant. Corporum divisio res ipsas multo viliores, et minus commodas facit, *§. si familiae, Instit. de offic. jud.* Quod si res ejusmodi sint, quæ inter se non respondeant ad permutationem, possunt omnes uni adjudicari. *L. antep. D. eod.* Si res una est, quæ commode dividi non possit, tum multo citius uni tota adjudicabitur. Si dividi potest, tum pluribus adjudicabit judex, sed ita ut dividat, et singulis certas regiones adjudicet: in quo et veterem divisionem testatoris sequi potest, et novam instituere, *L. item Labeo, D. eod.* Indivisam rem pluribus adjudicare non potest, nisi adjudicet iis, quibus prælegata est, quo casu etiam indivisam tradere cogitur, *L. item Labeo, §. 1. D. eod.* Nec contrarium est, quod diximus judicem familiæ eriscundæ nihil debere indivisum relinquere *L. heredes, §. Judex, D. eod.* Res et judex dividere debet, sed ex hereditate communes. *L. ex hereditate D. eod.* At inter heredes, quibus eadem res prælegata est, non est res ex hereditate communis, sed partim ex legato partim jure hereditario; non habent denique eam tanquam heredes. Itaque traditur *in L. 2. D. com. divid.* De hoc genere judicium esse communi dividendo. Et hæc quidem est attributio rerum, quam adjudicationem vocamus. Est autem adjudicare, sententia sua aliquid attribuere alicui, quod ejus proprium fiat, cum antea ejus non esset. Unde assignare pro adjudicare legimus, *in L. Item Labeo, §. 1. D. eod.* et ex adjudicatione rem propriam fieri ejus, cui adjudicata est scribit. *Inst. in §. ult. Inst. de off.* Sed sive res dividit judex, sive non dividit, id agere debet, ut cuicumque recte adjudicat, is nihil amplius ex adjudicatione, quam socius habeat. Quod quidem, si ex modo et quantitate rerum cuique assignatarum æstimetur, facile consequi non potest. Quando enim tanta æqualitas rerum, et partium inter se esse potest, ut una nihilo plus valeat, quam altera? Quid si etiam res totas ubi alicui adjudicat? Ergo hac ratione æqualitatem consequetur. Res ipsæ æstimantur: tum si quid unus videbitur plus habere, quam alius, eum qui plus habebit, socio in tantam pecuniam qui plus habebit, quanto socio opus est, ut æcondemnetur, quanto socio opus est, ut æqualem partem æstimationis ferat. Ut si uni res

totas

totas adjudicet: eum in dimidiam rerum æstimationem socio, qui ex æquis partibus heres sit; si utrique res, aut partes rei assignet: eum qui plus habet, in partem dimidiam ejus quantitatis quæ excurrit, condemnabit. De quo est hoc exemplum familiæ apud Theophilum in *Instit. §. si familiæ, de off. jud.* Primo adjudicavit res aliquas, quæ mille aureis valent. Secundo alias, quæ octingentis. Primum Secundo in centum aureos condemnabit, ut ita uterque nongentos habeat. Hæ sunt illæ adjudicationes et condemnationes horum judiciorum propriæ quæ passim hoc tit. leguntur. *L. cum putarem, L. Mævius, §. arbiter, D. eod.* Sed prius certam æstimationem rerum fieri oportet, quam ulla sequi possit condemnatio. Quomodo igitur æstimabuntur? aut eas ipse judex æstimat, aut rem licitationi subjicit, ut qui licitatione vicerit, is eam auferat. Si res singulas singulis adjudicat, aut rei divisæ partes, quia hic rerum permutatio quædam est, emptioni locus esse non potest. Ipse igitur res æstimabit. In quo, ne sibi amplius, quam bono viro et arbitro innocenti commissum putet, hoc præcipitur; res enim æstimare debere justo precio. *L. item, §. D. eod.* Item debere universas. Cum familiæ eriscundæ, inquit Julianus, in *L. Mævius, 52. §. ult. D. eod.* vel communi dividundo agitur, universæ res æstimari debent, non singularum rerum partes. Ideo quod totius rei æquam partem quisque consequi debet, et quia rei non potest, debet partem totius æstimationis. Rem ergo totam æstimari oportet, ut justa æstimatio totius rei efficiatur. Partes separatæ per sese multo minoris esse consueverunt. Multo pluris totæ propter commoditatem rerum conjunctarum. Itaque universas hoc loco sic accipere debemus totas; non autem res omnes universas. Quod inde intelligere possumus, quod opponit Julianus partes rerum singularum universis: id est, separatæ conjunctis. Si judex res universas uni adjudicet, ut in hunc solum condemnatio et adjudicatio conferatur, aut uni rem unam sine permutatione adjudicet; quod, coheredibus commodum erit, rem licitationi committet, ut is rem auferat, qui plus dederit. *L. 6. L. Item Labeo, §. 1. D. eod.* In quo quæ æstimatio sit, cum eam licitatio certam faciat, stultum est quærere.

IX. Illud in potestate judicis de permutatione rerum, et adjudicatione nescio quomodo præter cætera notandum est, quod non solum licet judici rem uni adjudicare, ut alteri vicissim aliam adjudicet; sed etiam uni rem,

alii pro eo ejusdem rei usum fructum, qui quidem modus inter res, quibus usufructus constituitur, numeratur. *L. 6. D. de usuf.* unde illud quæsitum, cum id judex fecit, utrum coheredes in usumfructum fundi concurrant, placetque non concurrere. *L. et puto, §. 1. D. eod.* Et sane si testator hoc idem fecisset, id est uni fundum, alteri fundi usumfructum legasset: concurrerent legatarii in usumfructum, quia testator fundum legando, una et usumfructum dare intelligitur, qui a proprietate non sejungitur. Inde inter hos jus esse accrescendi legimus. *L. 3. §. ult. D. de usuf. acc. L. si alii, D. de us.* qui nisi inter eos, quibus ejusdem rei usufructus legatus est, esse non potest. *L. 1. in princ. D. d. usuf. ac.* Sed non idem in hac judicis adjudicatione existimari potest. Verba enim testatoris, cum hanc significationem habent, *ut fundi legato usufructus contineatur*: tum vero sententia non refragatur. Ideo et verbis standum est. *L. non aliter, D. de leg. 3.* in adjudicatione judicis, etsi verba eadem sunt: tamen quid agat judex, manifestum est. Partes cuique suas separatæ assignare vult. Cui divisioni repugnat usumfructum communem constituere. Non erit igitur in usumfructum condursus contra manifestam judicis sententiam. Verba enim voluntatibus hominum servire debent. Illudque in omnibus cum dictis, et scriptis, tum factis tenendum est, non quo quidque modo scriptum aut factum sit, sed quid actum sit, spectari oportere, *L. semper in stipulationibus, L. in obscuris, D. de reg. jur.*

X. Id mihi in hac specie adjudicationis quærendum esse visum est; qui tandem possit procedere. Non dubium est eum plus habere, qui fundum habet; quam qui usumfructum fundi: namque proprietas perpetua, et post mortem fructuarii plena; usufructus personalis, eoque et temporalis. Ita fit, ut si rem ad æquabilitatem revocare volumus, et fundus quanti sit, proprietate detracta, et usufructus quanti æstimari debeat. At usufructus æstimari non potest. Tanti enim sit, necesse est, quanta erit fructuarii vita, ex cujus persona fructus percipitur. Hoc autem incertum quamdiu vivat, crasne moriatur an non post multo; an contra, quam longissime vitam protrahat. Mihi videtur, sic res transigi debere: non usufructus æstimandus, sed redditus singulorum annorum; hæc vero æstimatio certa: hoc constituto, qui usumfructum habet, damnabitur coheredi, ut [ei] partem æstimationis mercedis cujusdam loco præstet quotannis. Hanc, qui condemnatus est,



est, aut præstabit, aut res ab eo vindicabitur: qui si exceptionem objiciet de re usufructus nomine sibi tradita, exceptio replicatione doli mali elidetur, arg. si usufructus, D. usufr. quæ cau. Ex altera parte et fundus æstimabitur; quanti sit contempto usufructu. Id quoque rursum certum est. Sic deinde is, cui fundus adjudicatus est, damnabitur coheredi, ut partem æstimationis præstet tum, cum fundum pleno jure habere coeperit, id est, cum usufructus fundi ad proprietatem redierit. Sed quid hac circuitione opus est, quæret aliquis? cur non potius unum fundum totum cum usufructu iudex adjudicat, hunc deinde in partem æstimationis coheredi condemnat, ut uterque partem statim habeat, eademque opera ab omni controversia discedatur? Quia interdum expedit coheredi, ne pecunia et tota repræsentetur, ne forte acceptam consumat. Igitur hoc modo illi vel utrique potius consulatur, ut constituto alteri usufructu uterque redditum in singulos annos sibi paratum, et de re ipsa nihilominus consultum habeat: hæc de rebus hereditariis statuere potest iudex, quæ omnia ad divisionem rerum pertinent.

XI. Quod si quid ultra adjudicationem rerum et condemnationem, quibus rebus divisio transigitur, iudex sibi sumet: frustra sumet: quia divisio illi tantum permissa est; ultra id autem quod in iudicium deductum est, potestas iudicis excedere non potest: hujus generis est, si statuatur, ut fundus hereditarius non hereditario serviat. L. ut fundus, D. commu. divid. Plane ut fundus hereditarius hereditario serviat, servitutem imponere potest. L. item Labeo, §. sed etiam D. eod. Neque hoc ad divisionem non pertinere, et ideo iudici non esse permissum quisquam putaverit. Ut enim jurisdictione data ea omnia concessa esse intelliguntur, sine quibus jurisdictio explicari non potest, L. 2. D. de jurisd. ita divisione et adjudicatione delegata, ea omnia accedent, sine quibus res assignata commodè haberi non potuit. Itaque tunc iudex servitutem pro potestate recte imponet, cum res hereditariæ quas diversis adjudicat, vicinæ sunt, et una alterius auxilio et servitute indiget. Sic tamen servitutem recte imponet iudex, si tunc imponat, cum rem adjudicat. Quod si pure alium fundum adjudicaverit: alium adjudicando, amplius servitutem imponi non posse placet. L. Item Labeo, §. sed etiam, D. eod. Recte quia re adjudicata iudex in ea iudex esse desiit, officio suo functus. L. iudex postea quam, D. de re judicata. Nihil igitur deinceps de ea statuere, vel

ei acquirere poterit, qui neque iudex est, neque Dominus unquam fuit.

XII. Sed superior forma divisionis cæteris in rebus hereditariis valet. In pignore, quando id quoque in divisionem venire diximus, propria quædam ratio est, non enim dividitur, quia res aliena est, sed uni semper totum adjudicatur, ut is coheredi in tantam pecuniam damnetur, quanta pro parte debetur. De quo cum extet responsum Pauli obscurius scriptum sub eo. titulo Digestorum, ejus interpretationem in extremum locum rejecimus, ubi seorsim enarraremus.

XIII. Interim autem hoc relinquitur, quæcunque res hereditariæ sunt corporales, eas aut dividi, aut totas adjudicari debere. Verum id ad eas pertinet, quæ aut dividi possunt, aut certe quarum aliqua æstimatio est. Quod si rei hereditariæ nullum pretium sit, neque ea dividi possit: neque dividetur, quia non potest: neque cuiquam adjudicabitur, quia adjudicatio condemnationem adjunctam habet ejus, cui res adjudicatur. Nulla autem condemnatio in ea re, quæ nullius pretii est. Hujus generis res sunt, testamenti tabulæ, et cautiones hereditariæ: quarum constat nullam esse precium, si per se spectentur, sine nominibus, et iis, quæ in testamento continentur. Et tales spectari in hac adjudicatione, si quidem ulla fieret, oporteret. Neque enim nomina aut hereditas, vel legata adjudicantur. Nihilne ergo de his statuatur? imo visum est ea deponi oportere: siquidem sit unus aliquis heres majore ex parte institutus, apud eum: si omnes sint ex æquis partibus heredes, neque inter eos conveniat, quid de eo fieri oporteat, in ædem sacram jubente iudice, nostris moribus in eum locum, in quem pro more cujusque regionis, et consuetudine res maxime tuto auctore iudice deponi solent: hæc in L. 4. §. ult. et L. seq. D. eod. Apud eum qui majore ex parte heres est, consentaneum est deponi potius sine controversia, quia et ei majorem honorem testator habitum esse voluit, et ab eo nullus metus esse potest, quin eas res diligentissime asservet, neque quenquam in his falsi excogitari patiatur, cujus maxime interest cautiones et instrumenta, salva esse. Sed nonne aliquibus heredibus ea licitari volentibus, recte facit iudex, si rem ad licitationem deduxerit, ut qui licitatione vicerit, hic habeat instrumenta hereditaria? Non placuit, L. 6. D. eod. Et recte. Nam si res ad licitationem deducetur, cæ. Nam si res ad licitationem deducetur, is cautiones feret, qui minore ex parte heres erit, vel tantillum offerendo, nisi is qui

maior ex parte heres est, plus obtulerit. At utrumque iniquum; et illum penes se cautiones habere, quantumcumque obtulerit. Et hunc, ut habeat, aliquid solvere, cum res sit nullius pretii. Hæc de rebus corporalibus dicta sunt. De usufructu, et aquæductu id sequemur, quod scriptum est luculenter in

*L. com. divid. §. cum de usufr. L. arbor, §. ult. D. com. divid. L. et puto, D. h. t.*

XIV. Nomina in divisionem non venire supra dixi, sed interdum alia aliis solida attribui, de quo in *L. 3. D. eod.* sed hæc res ab adjudicatione multum discrepat, ut in *L. 3. demonstratur D. eod.*

## C A P. XIV.

### Quid heredes condemnatione et adjudicatione consequantur.

*Adjudicatione sola dominium tribui adjudicatæ rei, atque ex eo actionem et exceptionem. I.*

*Alienæ rei, tamquam defuncti, adjudicatæ dominium non transit; sed præstanda a coheredibus illo nomine evictio. II.*

*Quæ actio heredi adversus coheredes, ubi nihil de eo cautum. III.*

*Transitio. IV.*

I. **N**unc videamus, quid heredes adjudicatione consequantur. Nam ex condemnatione quid consequantur hi, quibus coheres damnatus est, et quibus ex eo quid præstitum est, ne quærendum quidem videtur. De adjudicatione non immerito, quia neque res omnes pleno jure fuerunt defuncti, neque si fuissent, id partibus divisim hereditum esse potest, quod antea fuit indivisim partibus. Etsi breviter dicendum est: tantum iis affert adjudicatio, quantum futurum esset, si idem constitutum, et delatum ab iis esset, qui domini fuissent, scilicet, ut si res tanquam quæ defuncti foret, adjudicata sit, is statim Dominus efficiatur, cui adjudicata est. *§. ult. Inst. de off. jud.* si tanquam quæ in bonis, et alio quo jure defuncti fuerit, eadem actio et exceptio heredi datur, quæ defuncto, ut si res fuerit pignorat: si quid novi constitutum sit, ut usufructus, perinde, ut a domino datum sit. Id sic Paulus definit: in *L. inter, §. 1. D. eod. Si familie eriscundæ, vel communi dividundo actum sit, adjudicationes prætor tueretur, exceptiones aut actiones dando.* In quo ratio civilis domini animadvertenda est: non tam quod is transfert, qui dominus non est, quia id voluntate dominorum fieri videtur, quam quod sola adjudicatione dominium transfertur sine traditione: cum juregentium dominia traditionibus acquirantur. *L. traditionibus, C. de pact.*

II. Sed potest res, tanquam defuncti propria adjudicari, quæ aliena fuerit. Quo casu nemo dixerit, eum dominum fieri, cui adjudicata est: res et hereditarias dividit ju-

dex, et de his, quod commodum sit ad divisionem, statuit. Eas, quæ hereditariæ non sint, hereditarias facere non potuit. Ob eam rem cautum est, ut quicquid tanquam quod esset defuncti, adjudicatum est, in eo a coheredibus illi de evictione caveatur: ut si res evicta sit, pretium quod dederit, aut partem aliarum rerum consequatur. *L. heredes, §. penult. D. eod.*

III. Faciamus id omissum esse. Re evicta, quæ heredi adversus coheredes actio est? Nam, hujus periculum esse; cui adjudicatum est, et cuiquam adjudicationem nocere non decet. Quin imo ne adjudicatum quidem dicendum est, quod non mansit. Hæc erit actio. Si heres rem ex licitatione aut æstimatione judicis habuit: ut pro ea, in certam quantitatem coheredi damnetur, quia hic emptio est, ubi pro re æstimata certum pretium datur: ex empto actio erit cum coheredibus, ad quos videlicet pretium pervenit. *arg. L. plerunque, D. de jur. dot. arg. L. quidam, D. de evict.* Sin res divisæ sunt inter heredes: quasi permutatio quædam inter coheredes facta esset, placet ob rem evictam præscriptis verbis esse actionem. *L. si filiae, C. eod. L. si fratres, Com. utr. jud.* Hæc ex eo nascitur, quod quis alii dedit aliquid, aut apud eum quid de suo esse passus est, ut vicissim ab eo acciperet. Quod ipsum in divisione rerum agitur. Non videtur autem accepisse is, qui coactus est redere.

IV. His expositis, quæ naturam hujus judicii continent: nunc seorsim duo capita enarrabo, quæ insigni quadam difficultate, sub

sub his titulis occurrunt. Quorum alterum Pauli est, *L. si pignori*, 29. *D. eod.* alterum rescriptum Diocletiani et Maximiani,

cujus initium est, *filium, quem habentem, C. eod.*

*Ad L. si pignori, 29. D. eod.*

**O**bscuritas hujus responsi ex ambiguitate scripti est: quæ tanta est, ut videatur Paulus divinaturis scripsisse, non intellecturis: Demus operam, ut explicetur. De adjudicatione pignoris duplex quæstio est; quam utramque Paulus hoc capite complectitur. Prior illa, cum pignus uni ex coheredibus adjudicandum sit qua lege et conditione adjudicetur. Ille ostendit hac lege, ut is cui adjudicatur, pro parte coheredi damnetur. Quanti damnetur, Paulus prætermisit. Res flagitat, ut in tantam pecuniam damnetur, quanta satis sit, ut illi pro parte satis fiat: pecunia autem illi debetur. Sic igitur, ut alibi Ulpianus, divisio fiet, ut non vero pretio æstimetur pars, sed in tantum duntaxat, quantum pro ea debetur. *L. 7. §. Inter, D. com. divid.* Altera huic consequens quæstio, cui pignus adjudicatum est, quid ex adjudicatione consequetur? hæc vero rursus duplex, primum quid adversus coheredem: tum quid adversus debitorem, cujus nomine solvit? De utraque Paulus ad hanc sententiam. De priore ita: eum cui pignus adjudicatum est, adversus coheredem suum ex adjudicatione nihil consequi: hoc autem est, coheredem non debere illi promittere, illum indemnem futurum adversus debitorem quanvis forte pignus evincatur, et debitor solvendo non sit, probat hoc exemplo Paulus. Nam si possessor a domino aut creditore conventus, maluerit æstimationem rei præstare, quam rem restituere, petitor de evictione illi non cavet. Possessoris enim culpa est, quod rem non restituit. *L. ex divers. §. petitor, D. de rei vind.* Coheres autem; cui pignus adjudicatur in eadem causa. Pignoris namque æstimationem præstare malle intelligitur, quam pignus coheredi cedere. Quare ei hoc exemplo non cavebitur.

Quæ quidem ego an similia videri debeant, non satis scio: Invito enim pignus adjudicatur. Quapropter in eo, si pignus habet, nulla culpa sit, contra is, qui hypothecaria convenitur; volens pignus retinet: quod si vellet, posset et deberet etiam restituere: Sed tamen hæc Paulus comparat, scribitque hoc in illis verbis *nec cavere* usque adversum

contra. In quibus ambiguitas animadvertenda est. Verba hæc sunt: *is cui pignus adjudicabitur, in familiæ eriscundæ judicio pro parte coheredi erit damnandus: nec cavere debet*: incertum est, velit ne eum non debere, cui pignus adjudicatur: an vero coheredem cui ille damnatur. Nam utrunque prius nominavit. Et quidem quod ad difficultatem facit, ut præcedens oratio est, *pro erit*, eum intelligi potissimum, cui pignus adjudicatur. Is enim est, de quo præcedens propositio affirmatur. At hic accipi non potest. Cui enim pecunia a coherede soluta est, is nullam divisionem metuit, si pecunia fuit coheredis; si non fuit, neque coheres, neque debitor liberatus est, ut frustra amplius caveretur, quod satis per se debetur. Is solum laborat de damno qui pignus possidet: quia periculum sit, ne pignus evincatur, atque ita amittat, quod coheredi solverit, si a debitore id consequi non potuerit. Ita huic solum de indemnitate prospectum esse oportuit. Quod cum ita sit conditio rei de qua agitur, quem intelligere debeamus, nos admonebit. Sequitur illud alterum, quod is, cui pignus adjudicatum est, adjudicatione adversus debitorem consequatur. Id esse innuit Paulus, ut totum ab eo consequi possit, et quod sibi pro parte sua debeat, et quod coheredi damnatus solverit, ut si toto hoc non soluto, debitor pignus repetat, exceptione doli removeatur, cum possessor coheredi solvendo debitorem a coherede liberarit. *L. 1. L. 2. D. quib. mod. pign. vel hy. sol.* Id autem ait, consequi posse illud contra, ut sit contra, vice versa, quia prius dixisset possessorem pignoris a coherede suo nihil consequi quod adversus debitorem contra est. *Contra quoque*, inquit, *si is heres, cui pignus adjudicatum est, velit totum reddere, licet debitor nolit, audiendus est*: hic rursus ambiguitas verborum Pauli animadvertenda est, ut enim verba concepta sunt, hic sensus esse debuit, si possessor pignoris velit totum reddere, supple pignus (nam de eo agitur) audiendus est, quod quidem monere stultissimum fuerit: quasi quisquam dubitare possit, an creditor possit pignus reddere, quod aut redde-

re etiam cogatur, aut si jure non debeat, possit, tamen jus suum remittere. Quoniam ergo hæc sententia esse non potest; illa sit contraria necesse est; de qua sola dubitari potuit; ipsum creditorem non cogi pignus reddere, nisi totum ei reddatur. Itaque sic verba accipienda erunt: *si is cui pignus adjudicatum est, velit*, supple debitorem de quo postea agit, *reddere totum*, id est, non id solum, quod sibi debetur, in quod id pignus obligatum est: sed etiam quod ipse ex condemnatione coheredi solvit. Quod ipsum consequi posse possessorem pignoris ex aliis locis liquido probatur. *d. L. 1. et L. 2. quib. mod. pig. sol. L. 7. §. Inter eos, D. com. divid.* Ex hoc postremo responso sive per occasionem, sive, quod ad præcedentia confirmanda pertinet, licet intelligere non esse similia ea, in quibus contra respondetur, quæ tamen paria videantur: tractat an idem concedendum sit adversus debitorem et creditori, qui pignus ex emptione habeat, non judicis adjudicatione. Nam et coheres, cui pignus adjudicatur, creditor est: ut puta, heres qui pignus possidebat, vel coheredi suo, vel alii creditori, cui idem pignus obligatum erat, pignus persequenti maluit solvere quod illi debebatur, quam rem restituere. Quæro an creditor a debitore pignus repetente totum consequi debeat, et quod sibi debetur, et quod solvit alii creditori. Ait Paulus non esse idem dicendum. Et hoc est non esse huic idem concedendum, quod quærebamus: hoc dicit illis verbis: *non idem dici potest*. Quod quidem non tantum ratione omni carere: sed etiam certis locis in contrariam sententiam scriptis refelli videtur. Cum coheres qui coheredi damnatus est, adeo in eam summam pignoris retentionem habeat, quod debitor liberatus dolo faciat, ubi non oblata pecunia pignus repetit: si possessor alius quivis creditori pignus persequenti solvat, et debitorem eodem modo liberet, cur debitor si pignus repetat pecunia non oblata, non dolo facere dicatur, nulla ratio est. Jam vero et possessorem quisquis est, qui ut pignus retineret, litis æstimationem solvit creditori, posse in eam summam pignus retinere, planeque cum coherede, qui coheredi partem debebatur quæ solvit, comparandum esse his locis clare ostenditur. *L. 2. §. Inter, D. com. divid. L. 2. D. quib. mod. pig. sol.* Nos vero Pauli dictum sic accipere debemus: heredem cui pignus adjudicatum est, qui idem coheredi damnatus est, posse a debitore consequi totum, quod solvit, non modo si tantum solvit, quod coheredi debebatur, sed

etiam si quid amplius. Itaque illud verbum, quod Paulus supra posuit *ὑπερτίμας* dictum esse. Creditor autem qui pignus emit, ipsum quidem, quod alii creditori, cui solvit debebatur, consequi poterit; in eamque rem exceptio doli proderit: quod superioribus ejus locis et æquitatis ratione defenditur. At si quid amplius præstitit, puta ipsius rei æstimationem (ut jus est possessorem pignoris in tantam pecuniam creditore agente condemnari *L. si inter, §. ult. D. de pig.*) quod ultra est, non consequetur: idemque non consequetur totum, quod in eo, cui pignus adjudicatum est, prius dicebamus. Ratio differentię a Paulo redditur; quia *adjudicatio* inquit *necessaria est, emptio voluntaria*, significant auxilio dignum esse eum, qui præstare necesse habuit: non esse dignum eum qui sua voluntate emit quia in potestate ejus fuerit non emere: necessitatis excusatio similibus in causis compluribus recepta *L. si fidejussor, §. si necessaria, D. qui sat. cogant*. hic occurritur, non videri nos coherentia scribere. Sic enim dicimus coheredem cui pignus adjudicatum est, posse consequi, quod amplius solvit, quam coheredi debebatur, quia necessitate fecerit: quasi quicquam amplius præstare cogatur. At quidem prius negabamus illum ultra id quod coheredi debetur, condemnari. *L. 7. §. inter eos, D. com. divid.* Id sic accipiendum est, si ex æstimatione judicis pignus heredi adjudicatur, non ex licitatione. Si pignus adjudicatum a iudice æstimandum est, non sane vero precio æstimabitur pars, sed in tantum duntaxat, quantum pro ea parte debetur. *L. 7. §. inter, D. com. divid.* Id enim iudicem spectare oportet, quod res est, id est, quantum sit, quo coheredi satis fiat. At si coheres, qui pignus non possidebat, ad licitationem provocavit, necessitatem hanc affert possidenti, ut aut æstimationem rei offerenti pignore cedat, aut ipse plus offerat, ut pignus ex licitatione auctore et adjudicante iudice retineat. Id vero consequi eum debere dicimus, si quis tantum præstiterit, citra adjudicationem, non posse. Hoc dictum de emptore pignoris Paulus deinde corrigit exceptione, his verbis: *nisi si objiciatur creditori quod animose licitatus est*. In quibus verbis hujusmodi exceptionem subesse puto superioris sententię. Non idem dicendum est, inquit, in creditore, qui pignus habet ex emptione, et eo qui habet ex adjudicatione. Imo idem dicendum erit, si objiciatur creditori; intellige, cui pignus adjudicatum est, quod animose licitatus est: animose licitari is dicitur, qui studio pignoris reli-

retinendi plus offert, quam debebatur, et res valeat, quamque sit ad pignoris conservationem necesse. Hic vero singularis quædam obscuritas est. Primum incertum reliquit, quem creditorem in his accipere debeamus, utrum eum, qui pignus emit volens, an eum cui pignus adjudicatum est. Vel verius, ut sunt verba omnia ejus præcedentia, videtur voluisse eum solum nos intelligere, qui pignus emit. Nam in hoc toto responso hactenus hunc creditoris nomine appellavit: illum nominat coheredem, cui pignus adjudicatum est. At eum qui pignus emit, intelligere nullo modo possumus. Etenim si hic non consequitur ultra quam debitorem liberavit, cum animose non emit: quanto minus id consequetur, ubi animose emit? adde quod hic ex licitatione rem non consequitur, sed quia eam restituere noluit. Restat igitur, ut ratione potius, quam ex verbis quid sentiat, colligamus: nimirum eum creditorem, eundemque heredem cui pignus adjudicatum est. Deinde et in eo obscuritas non minor: quod in eo creditore, cui pignus adjudicatum est, si animose licitatus est, et in eo qui pignus emit idem esse dicit, neque hoc quid sit exprimit. At quodnam hoc *idem* intelligimus? an ut is quoque qui emit; supra debitum consequatur? sed jam effectum est, hunc nihil amplius consequi posse, quam quod debitoris nomine solvit. Quare hoc quoque ratiocinando assequimur, *idem esse* hoc sensu, ut neque is cui pignus adjudicatum est, cum animose licitatus est, quicquam amplius consequatur, quam quod debebatur. Ad extremum hanc quoque ipsam exceptionem temperat illis verbis: *sed hujus rei ratio habebitur*: quorum verborum, hæc sententia est, quod diximus neutrum supra debitum consequi cum animose licitatus est, non simpliciter verum est: *sed ejus rei ratio habebitur*: id est, animadvertendum erit, utrum et quando id facere debeamus. Est enim cum creditor qui animose licitatus est,

supra id quod debebatur consequi possit, si præstiterit: est cum non possit. Non poterit, si nulla necessitate, sine utilitate proposita debitoris, supra debitum præstitit: quia in eo negotium debitoris non gessit. Si ex utilitate debitoris plus præstitit, ut pignus retineret, non modo habebit retentionem hujus rei nomine, sed ultro actionem habebit adversus creditorem, ut in Pandectis florentinis legitur, ultro, id est, etiam non expectato eo, dum creditor pignus suum petat. Recte: Quod enim creditor fecit, dum alii creditori solvit, videtur ipse fecisse per procuratorem; hic et rem domini gereret, creditor hoc facto gessit. Sic autem debitori expedire potest, supra id quod debetur præstare coheredi ad pignus retinendum, si periculum fuerit, ne adversarius pignus receptum corrumpere, ut est ætatis imbecillitas, aut sunt mores, ut si proponas nepotem aliquem et decoctorem bonorum suorum. Erit autem hæc actio pigneratitia contraria, in quam actionem veniunt, quæcunque in re pignori obligata utiliter gesta sunt. Summa de posteriore quæstione proposita hæc erit. Si ex duobus creditoribus, quibus eadem res pignori obligata est, unus alteri quid solvit, ut solus pignus haberet: siquidem nihil nisi quod illi debetur, repetet, sive pignus ex adjudicatione, id est, necessario habeat, sive ex emptione, L. 1. et 2. *quib. mod. pig. sol.* sin supra quam deberetur, ad rei videlicet æstimationem: ita repetet, si debitori tantum præstari expediebat, ad pignus servandum, neque hic quicquam magis quam supra intererit, quomodo creditor pignus consecutus sit. Si debitori non expediebat: hoc jam loco illa distinctio adhibenda erit, ut referre putemus, utrum ex adjudicatione pignus habeat, an sua voluntate emerit: hic nulla pignoris retentio est: illic retentio est: si modo creditor animose licitatus non sit: adjudicatio enim necessaria: emptio voluntaria.

Ad L.





*Ad L. Filium quem, C. familiæ erciscundæ.*

**D**E sententia hujus rescripti dici nihil potest nisi prius species facti intelligatur. Nam ex facto jus nascitur. At, hoc loco species facti proponitur ambigue: ex quo obscuritas quæstionis: orationis igitur ambiguitas initio nobis explicanda est: verba hæc sunt, quæ ambiguitatem habent. Testator sanxit filium habentem fundum restituere portionem hereditatis. Duobus modis hæc verba accipi possunt. Possunt hoc modo: ut sit sensus: testatorem jussisse filium habentem, id est, eum qui habebat fundum, restituere portionem hereditatis. Possunt hoc modo: ut sit, testatorem jussisse filium portionem hereditatis restituere, habentem fundum id est ea lege, ut fundum sibi ex hereditate haberet, a se deductum, videlicet hunc habens: sic denique portionem restitueret. Ut priore quidem sensu, verbum hoc, *habentem*, verbo, filium adjungatur: posteriore, adjungatur verbo restituere, ejusque vim determinat. Utraque interpretatio suos auctores, et defensores habuit magnos et eruditos viros: utra verior, videndum est. Et quidem, qui interpretantur, filium qui habebat fundum rogatum esse, hoc dicunt, rogatum esse eum, qui fundum habebat a patre vivo datum, ut esset apud filium peculii profectitii loco: ut sententia hæc efficiatur, cum de quarta retinenda in specie proposita agatur, quartam in hoc fundo filio assignandam, neque ut alias jus est, cum nulla quarta retinenda est, fundum cum fratribus communicandum. Hæc sententia neque verbis convenit, et sententia etiam rescripti refutatur. Jam primum hoc non convenit, quod filium hunc in potestate patris esse fingunt, cum illi peculium assignant. Nam peculium patrisfamilias esse non potest. *L. ultim. circa fin. C. de inoff. test.* potuit esse emancipatus, et rescriptum filium simpliciter nominat. Ne illud quidem convenit, quod fundum datum volunt a patre, ut in peculio profectitio esset. Nam rescripti verba sunt, filium fundum habere. Potuit si in potestate esset filius, fundum aliunde habere, quam a patre et ea lege donatum ne ad patrem perveniret, quo casu vel maxime fundum ex verbis habere diceretur. Verbis igitur hæc interpretatio non congruit. Sententiæ vero ipsi etiam maxime refragatur. Ait et rescriptum por-

tionem hujus fundi hereditariam, in quartam imputari. Id si superiorem rationem sequimur, fieri non potest. Etenim rogatus filius portionem hereditatis restituere, portionem hujus fundi hereditariam ex fideicommisso restituet. Nam hæc fideicommisso continetur, *L. in fideicommissariam, §. ult. D. ad Trebell.* Si restituit, eam non retinet; si non retinet, in quartam non imputat. Prius est enim ut quid habeas, quam ut in quartam imputes, *L. in quartam, ad L. Falcid.* Sed huic objectioni occurritur a Bartolo. Negat enim partem hereditariam hujus fundi restitui cum reliquo fideicommisso: non quia verbis fideicommissi continetur: sed quia propter æquitatem rei iudex familiæ erciscundæ huic filio assignare debeat, ut quartam, quam alias ex singulis rebus retinemus, nunc in hoc fundo habeat.

Itaque in eam sententiam singularem hunc ex toto jure locum notandum putat, hujus singularis juris adversus significationem verborum, et regulas juris has habet rationes, quod verisimile sit optasse testatorem, ut filius hunc fundum haberet se mortuo, quem ipso vivo habuisset, deinde, quod minus grave futurum sit, et acerbum filio si suos labores ad alios transferri cernat, ipse iis defraudetur, adversus quas rationes hæc oppono: primum fieri posse, ut filius alium fundum malit, quem ex adjudicatione habere possit, deinde primam hanc quæstionem esse, utrum ejusmodi adjudicatio fieri possit, qualem ille vult, sic deinde videndum esse, an caussa sit, cur fieri debeat: hanc autem adjudicationem natura procedere non posse. Non potest iudex familiæ erciscundæ quin aut partem divisam hujus fundi filio adjudicet, aut totum fundum. Partem divisam non assignabit: quia rescriptum de hereditaria loquitur; hereditaria autem portio indivisa, fusa per totum fundum. *arg. L. non possumus, D. si pars her. pet. L. coheredibus, C. hoc tit.* Rursum totum fundum non adjudicabit: quia rescriptum portionem tantum nominat, et præterea significat, si hac parte hereditaria quarta compleatur, filium nihil ultra habere posse. Addemus etiam partem hereditariam fundi adjudicari posse, quid interesse tanti filii putamus, unam hujus fundi particulam habere, ut totum non ha-

beat? Restat, ut ita interpretemur rogatum esse filium restituere portionem hereditatis habentem fundum, id est, sic rogatum, ut deducto sive præcepto fundo, quem præcipuum filium habere vellet, portionem hereditatis restitueret. Quod Lancelloto Polito recte visum est, nec cur in hac sententia aliquid Alciatus mutaret, quicquam causæ fuisse reperiemus. (*vide Alciatum libro sexto, paratit. Cap. primo.*) Sit igitur hæc species facti, et ad hanc sententiam rescripti hoc modo exposita. Testator tribus filiis hereditibus institutis, uni ex his fundum prælegavit, fideique ejus commisit, ut sibi habens fundum, portionem hereditatis fratribus suis, et aliis quibusdam restitueret, sub conditione, *si navis veniret ex Asia*. Cavit præterea, ut coheredes vice mutua aliquid restituenti darent. Cum conditio fideicommissi postea extitisset, erat hæc prima quæstio natura, quid juris esset de restitutione. Sed jus certum est filium, cujus fideicommissum est, debere portionem hereditatis restituere, ita ut ex Senatusconsulto, quartam habere debeat, §. *sed quia heredes, Institut. de fid. hereditat.* ita præterea, ut fundum hunc, de quo diximus præcipuum haberet ex voluntate testatoris, ut Scævola respondet in *L. Titia, D. ad Trebell.* Itaque est hæc quæstio hoc loco prætermittenda: Cum de quarta deducenda solum ageretur, fundum autem haberet filius eum, quem ante diximus; præterea pro eo quod restituebat, quædam a coheredibus vicissim accepisset: quæsitum est, num supra scriptas res in quartam, et quid tandem ex iis imputare deberet: ut si quid amplius quarta a fideicommissariis accepisset, quod potissimum quærebatur, id reddere cogetur. Imputare id est, acceptum ferre in quartam ut quod de superscriptis rebus habebit, tanto minus de hereditate queat deducere. Quæstio in eo est, quid in universum in quartam fideicommissariam imputetur. De quo si jus breviter proposuero, idque ipsum in hoc rescripto tradi reperiatur: satis erit argumenti hoc rescriptum eam sententiam, quam subjicio, non admittere solum, sed etiam flagitare. Et placet in quartam fideicommissariam imputari quicquid non modo jure hereditario heres capit, qui rogatus est, sed etiam quicquid judicio testatoris: quod genus est, si quid ei legatum sit, aut conditionis implendæ causa datum. Vide etiam atque etiam num. in *L. in quartam, D. ad L. Falcid.* quod dicitur, ex prælegato extra quartam esse, quod a coherede accipitur, tunc solum locum habeat, cum fideicommiss-

sum alii quam coheredi restituitur. Si restituitur coheredi; contra sit; ut in legatis, quæ ab uno alteri coheredi data sunt. Nota et *L. Nesenius, ad L. Falcid.* Et expende illud, *compensato*, in *L. filius quem h. tit.* quod hic significare videtur adversus coheredes non imputari in quartam, quod a coherede accipitur: adversus ipsum heredem imputari, et ut rescriptum loquitur, compensari id, quod heres fideicommissarius accepit cum eo, quod ab illo sibi præstari desiderat.

Plane in re, quæ de hereditate prælegata sit, eam partem in quartam imputari, quæ jure hereditario capiatur: quod autem, a coheredibus capiatur jure legati, extra quartam esse: hæc in *L. in quartam, D. ad L. Falc.* Eadem in hoc rescripto tradi reperiemus. Nam et fundi, cujus meminimus, hereditariam duntaxat portionem in quartæ ratione retineri scriptum in eo est, et si quid a coheredibus vice mutua acceptum sit, id non pro parte, sed totum compensari cum eo, quod retinere heres debuerit, sive in eam rationem totum imputari: scilicet quia judicio testatoris delatum sit. Quod posterius dubitationem non habet. Illud habet, quod dicamus hereditariam fundi prælegati partem, in quartam duntaxat imputari. Hic enim exoritur ratio Alciato, si fundus prælegatus sit filio: non modo portionem hereditariam fundi in quartam imputari debuisse, sed etiam debuisse reliquas, quæ jure legati habeantur. Demonstrari hoc responso Pauli quod extat sub titulo *Digest. ad L. Falcid.* cujus initium est, *Nesennius*. Cujus responsi hæc summa sit: si heres jussus quid coheredi dare, tantum a coherede capiat, quantum ab illo deducere desiderat, non esse audiendum, sed obstare doli exceptionem, videri enim illi a coherede datum, ut suppleatur ex voluntate testatoris, quod deducere desiderat. Quid autem aliud sit in hac restitutione? filius de portione hereditatis, quam fratribus restituere debet, aliquid retinere desiderat, at idem ab iis in duas partes hujus fundi capit, *L. deducta, §. minus, D. ad Treb.* Quod ergo ita capit in quartam imputabit.

Priusquam de hac objectionem respondeo, illud mihi ad confirmationem prioris sententiæ præfandum esse videtur, etiam si dissimilitudinem responsi Pauli asserere non possemus difficultate aliqua aut ignorantia impediti: tamen parum ingenue fecisse Alciatum, qui illius responsi ratione abusus sit, tum, qui illius responsi rationem sententiam, quæ in aliis locis sine controversia cujusquam extaret, convelleret. Quid enim aliud in fideicom-

commissaria restitutione de prælegato responsum et traditum est, quam quod in hoc rescripto tradi diximus? Generaliter illa definitio est, ita ut nemo infirmare conetur, in *L. in quartam, D. ad L. falc.* Adeo autem idem de hac specie Scævola scribit in *L. Titia, D. ad L. falc.* ut consulto eo loco species posita esse videatur, quæ ad hujus rescripti enucleationem referretur. Quæ huc pertinent, ut ita statuamus, si objectio ex *L. Nesenius*, neminem unquam movit, ut sententiam certam de fideicommissaria restitutione duorum proximorum capitum mutaret: nihil fuisse causæ, cur in *L. filius* commutaret quæ eadem prorsus cum illa esse intelligatur. Nunc ergo quod ad defensionem valeat, non interpretationis nostræ, sed ejus sententiæ, quæ a juris auctoribus recepta et clare tradita est de iis, quæ in quartam fideicommissariam imputentur, respondeo; multum interesse; is ne quartam retinere a coherede postulet, a quo legatum est, an is, qui hereditatem rogatus est coheredi restituere; referre denique utrum quarta de legato coheredi relicto, ex lege falcidia detrahatur; an de fidei commissio ex Senatus consulto. Qui de legato, quod coheredi traditum est, deducere vult, si quid ei vicissim legatum sit, id facere poterit, at in quartam imputabit. Quia testator utique pariter legando, parem in his legatis conditionem heredum esse voluit, id est, legatum utrique præcipuum, ut si is, qui lege falcidia utitur, fundum sibi legatum, præcipuum habere postulet, idem coheredi in eodem legato concedere debeat. Quæ species est apud Paulum, exposita *d. L. Nesenius*. Qui autem de fidei commissio quartam a coherede petit, huic si quid legatum est de hereditate, et quartam habere debet ex Senatus consulto; neque de voluntate testatoris in quartam imputabit, quod in eo legato a coheredibus jure legati habeat; idcirco quia testator non parem horum heredum in accipiendo relicto causam esse velit, sed ejus, cui prælegatum datum est, præcipuum, id est, talem, ut cum fundum habere velit, præter hereditatem, et hoc seposito, nihilominus reliquam hereditatem cum coheredibus parti. Hæc sententia magis nobis probabitur, si expendemus responsum illud Pauli, non esse ex jure certo, sed effici interpretatione voluntatis, cum autem quæritur, quid testator quemque heredem præcipuum habere velit, recte opinor voluntas superioribus conjecturis explicatur: ad summam; ut similitudinem horum locorum explicare non possum; illud constabit; aliud in restitutione fi-

dei commissaria juris esse, aliud in causa legatorum, cum heredi onerato aliquid legatum est, et nunquid ex eo legato in quartam imputetur, quæritur. Sed illa intellecta quam, (supra dixi) aliam credo non magnopere desiderabimus. Hoc posito jure de fidei commissaria restitutione, nonnulla quærentur et merito, cur et illa in quartam imputentur, et hæc non computentur; et rursum cur diversum statuamus in quarta, quæ de legatis detrahatur ex lege Falcidia, atque in ea, quæ ex Senatus consulto. Sed hæc si placet, paulo post videbimus, ita ut eadem opera ratio eorum, quæ traduntur in *L. in quartam, D. ad L. falcid.* explicetur. Nunc quæ in rescriptis sequuntur, subjiciemus, ait igitur rescriptum, si quid iis, quæ diximus, in quartam imputatis, ad quartam desit, tum id in supplementum deducendum. Recte rescriptum deducendi verbo utitur. Quarta et de hereditate deducitur, ut ex legatis. Quod ne monuissem quidem; est enim hoc clarius scriptum apud Justinianum in *§. sed qua heredes, Inst. de fid. hered.* quam ut dubitari oporteat, nisi quidam, de hoc verbo sibi non liquere dicerent, atque adeo ita inepte legi affirmarent. Ut pro deducto, adjecto, reponerent; qua in re facile declararant, quam periculosa res sit, nimia ista et insolens ex locorum correctione et innovatione laudis ingenii affectatio, quæ illos tam nihil interdum in rebus etiam certissimis videre doceat. Sequitur in rescripto. Quod a cæteris in eo fundo solvitur, supra quartam habens reddere compellitur. Horum verborum sensus, qui quidem ad superiorem hypothesin accomodetur, duplex tantum esse potest. Alter hic, de Alciati sententiâ, ut cæterorum nomine eosdem coheredes accipiamus, quibus fideicommissum restituitur: hoc autem Imperatores dicere intelligantur; quæ partes a coheredibus in hoc fundo præstantur, eas partes filius supra quartam habere, id est, quod supra diximus; in quartam non imputare. Ita filius habens reddere compellitur, supple portionem hereditatis, de qua rogatus est. Sententia per se verissima, ut supra quoque ostendimus: sed ejusmodi quæ verbis non sane congruat: primum quod rescriptum cæteros dicit: at prius coheredes nominabant, ita statim, cæteros subjiciendo, alios quam coheredes intelligere se arguit, quibus videlicet præter heredes filius portionem hereditatis restituere debuit: idque est, quod in principio rescripti dicitur, fratribus et aliis quibusdam restituere sanxit testator, et ab his qui coheredes non sunt, fun-

tundus hic non præstatur. Deinde ex hac sententia id erit, in rescripto prætermisum, quod præcipue quærebatur, quid filius reddere debeat. *Reddere*, inquiunt Imperatores, *filius compellatur*. Quid nam quæret aliquis? portionem hereditatis, inquimus. At hoc rescriptum non adjicit et poteramus quidvis aliud intelligere, fortasse quartam etiamsi non recte: inepte igitur hoc ita scriptum fuerit. Est igitur hic sensus iudicio meo; cæteros, quibus fideicommissum restitui debebat præter coheredes, ut restitutionem fideicommissi impetrarent, solvisse filio æstimationem aliqua parte fundi, quasi ipsi quoque aliquid in eo fundo præstare deberent, ut ad fideicommissum pervenirent. Id filius supra quartam habens, id est, quia supra quartam habet, reddere compellitur.

Dicet aliquis: atqui cæteri nihil ex eo fundo debebant, qui si hereditarius esset, hunc filius partim hereditario, partim legati jure haberet: sin minus, tanquam conjunctæ personæ relictus a solis heredibus præstari debet. *L. cum alienam, C. de legat.* Sed fieri potest, ut errore illi solverint, quasi deberent, aut præstiterint ut citius fideicommissum consequerentur. Denique nihil ad rem pertinet, cur solverint, si ad quartam nihil ex eo debebatur, ut non debebatur, cum filius fundum alium haberet: hæc enim sententia est: quicquid filius supra quartam habet, restituere compellendum, hoc rescriptum ad rationem hujus iudicii ita pertinet. Proponitur unus ex heredibus, cogi portionem hereditatis restituere: proponitur etiam sententia nostra, fundus illi prælegatus. Si ex hac restitutione hereditas dividenda est: inter hæredem et fideicommissarios ita dividetur, ut fideicommissarii dodrantem habeant, hæres quadrantem ejus portionis, ut ita dividatur inter heredem et fideicommissarios hoc iudicio agitur. *L. sed et ejus, D. eod.* Deinde si quid uni relictum sit, id heres hoc iudicio præcipuum consequitur. *L. si qua, C. eod.*

Nunc illa, quæ dixi circa quartam quæri, paucis consideremus: fundi prælegati partem hereditariam in quartam imputari traditur, et hic et in *L. in quartam, ad L. Falcid.* Quod declarat filium et fundum totum habere, qui prælegatus est, neque quicquam ex eo restituere, quod Scævola quæstione nominatim de eo genere proposita respondet in *L. Titia, D. ad L. Falc.* et quod habeat, id partim hereditario jure, partim non hereditario habere, id est, jure legati; cæterum cum habet totum: nihil tamen amplius, quam

Tom. VI.

quod jure hæreditario habeat, in quartam imputare. Quod totum habet, non mirum, cum totus sit legatus: ut autem habeat totum, non jure legati, cum sit legatus, jus facit. In persona namque heredis, quatenus heres est, legatum non consistit: cum sufficiat ad jus domini quod rem jure hereditario habeat. *L. legatum, §. 1. D. de leg. 1.* Tribus igitur heredibus ut proposuimus, institutis, filius tertiam partem jure hereditario habebit: cæteras accipit a coheredibus jure legati. *L. deducta, §. nummis, D. ad Treb. L. cum pater, in princ. D. de leg. 2.*

Illud in quæstionem vocatur, quod ne hereditariam quidem partem restitui dicimus. Quid enim in quartam retineri dicimus, id valet simpliciter retineri, nec in fideicommissi restitutionem venire. At filius portionem hereditatis restituere rogatus est, id est, quicquid haberet hereditarium: hæc autem portio fundi, citra controversiam, hereditaria: verbis igitur fideicommissi continetur. Id vero etiam diserte scriptum est in *L. in fideicommissaria, §. ult. D. ad Treb.* Si, inquit Ulpianus, *legatum sit heredi relictum, et rogatus sit, portionem hereditatis restituere, id solum non debere eum restituere quod a coherede accepit, cæterum quod a semetipso ei relictum est, in fideicommissum cadere. Divus Marcus decrevit.* Sed multum refert: utrum heres cui jam ante legatum erat, rogetur simpliciter restituere portionem hereditatis, an vero restituere deducto sive retento aliquo fundo.

Si simpliciter rogatur, nihil excipitur, quod sit hereditarium; itaque omnia verbis fideicommissi continentur. Id superior locus Ulpiani demonstrat. Quod si ita rogatus sit heres restituere, ut fundum sibi habeat quod in specie hujus rescripti factum proponitur: apparet nihil de fundo in restitutionem venturum, cum nominatim fundus exceptus sit. Sed et si testator heredem roget hereditatem restituere, post ei leget, legatum in fideicommissum non veniet. *L. Titia, D. ad L. Falcid.* quasi legatum fideicommisso sit, ut posterius, ita potius. Illud etiam non liquet, cur cæteræ res, quæ iudicio testatoris capiuntur, quanvis legatæ in quartam fideicommissariam imputentur; in rebus prælegatis placeat id solum imputari, quod jure hereditario capitur; reliquas partes extra quartam esse quæ jure legati a coheredibus capiuntur. Id vero in prælegato voluntas testatoris facit quæ ita colligitur. Cum testator unum ex heredibus aliquid quod sit hereditarium ex heredibus, sive sibi habere jubet, jubet mi-

mirum hoc illi esse præcipuum: id est ita eum habere, ut hoc deducto nihilominus cum reliquis heredibus hereditatem partiat, quod verbum præceptionis satis declarat, quod in hoc genere usurpatur. At non habebit heres fundum præter reliquam hereditatem, si in quartam acceptum ferret. Quantum enim in quartam imputabit, tantominus habebit de hereditate: Id vero contra voluntatem testatoris. At enim hac ratione, dixerit aliquis, non debet ne eam quidem partem in quartam imputare, quam jure hereditario capit, quandoquidem ut diximus; testator velit totum fundum illi esse præcipuum. Non recte hoc colligitur. Non enim eadem causa est ejus portionis, quæ hereditaria est, et cæterarum, quæ a coheredibus accipiuntur; non idem iudicium de utroque genere testatoris. Hæ enim in quartam non imputantur, quia secundum voluntatem testatoris retinentur: non enim eas restituere rogatus est, qui portionem hereditatis rogatus est. Illa contra voluntatem: cum fideicommissi verbis contineatur, nisi in quartam imputetur, ut tantum de hereditate restitui oporteat. Detinebitur quidem hæc portio, sed ita, ut tantum in quartam imputetur. Quæ Scævola ratio est in *L. Titia, D. ad L. Falcid.* Adde quod partem hereditariam in quartam imputando heres tantum de hereditate retinet: quod omnibus legibus, quæ sunt de quarta retinenda, ad quartam satis est. Cæteras imputando, neque eas tanquam hereditarias habet, et tanto minus de hereditate retinet. Hæc de prælegato hoc excepto; cætera quæcunque iudicio testatoris aliunde ad heredem venerunt, in quartam ex Senatus consulto imputari placet. In quo rursum magna quæstio est, cur in quartam, quæ ex lege falcidia retinetur, nihil eorum imputetur: ut enim non sine causa id quæri intelligatur, in *§. sed quia heredes, Inst. de fidei hered.* scriptum est, *ei qui rogatus est hereditatem restituere, perinde licere quartam partem retinere, atque ex lege falcidia ex legatis conceditur.* Ut igitur retinetur ex lege falcidia, ita retinebitur ex Senatus consulto. Et quo minus hæc similia esse dubitemus, passim quæ ex Senatus consulto in restitutionem, hereditatis quarta retinetur, ex *L. falcidia* detrahi dicitur scilicet, quia hujus legis exemplo detrahitur. *L. Titia, D. ad L. fal. L. coheredi, §. cum filia, D. de vulg.* Differentiæ rationem refutatis aliorum sententiis conatus est explicare Andreas Alciatus,

*lib. 6. paratitl. c. 5.* sed parum, quod res declarat; assecutus est.

Animadverti oportet quis sit is, qui quartam detrahare vult. Tum hoc quod habet, quo jure habere debeat, facile statui possit, existimo. Multum ergo interest, utrum is heres sit, a quo supra dodrantem legatum est, an is sit, qui rogatus sit ipsam hereditatem restituere, ut hereditate exhausta pro herede habeatur, aut non habeatur. Cum ab herede legatum est, legatis solutis etiam si nihil reliquum sit ex hereditate, nihilominus heres manet in solidum, qui ante fuerat, et omnibus oneribus hereditariis obligatur; legatarii onere tenentur æris alieni, *L. ult. C. de her. act. L. si hereditatem, L. Mævia.* Consentaneum igitur, ut qui restituta hereditate heres manet, is tanquam heres quartam habeat; præsertim cum legis falcidiæ verba ita sint; *ne minus quam quartam partem hereditatis heredes ex testamento capiant, L. 1. ad L. falcid.* In fideicommissi restitutione ratio personæ commutatur, heres enim hereditatem restituere rogatus, quantum de hereditate restituit, non dico, ad dodrantem usque (quod constat) sed etiam supra dodrantem, eatenus oneribus hereditariis Senatusconsulto Trebelliano liberatur: actionesque tam fideicommissario, quam in fideicommissarium dantur, breviter vi ipsa heres esse definit. *L. 1. D. ad Trebell. §. si quis una, Inst. de fid. hered.* Non recte igitur, ut qui heres non est, si sibi tanquam heredi quartam apponi postulet: cum præsertim si quid jure legati habeat, et in quartam imputet, eatenus omni molestia æris alieni exoneretur, *d. §. si quis una, Inst. de fid. her.* hic nobis occurritur. Quod enim restitutis legatis ex lege falcidia heres, nihilominus heres manet, et creditoribus hereditariis tenetur, id perinde accipi debet, quasi nec teneretur: cum antequam legata præstentur, ex lege falcidia æs alienum deducatur. *§. ult. Inst. de L. fal.* hoc non arguit heredem jam heredem non esse, et omni molestia, atque onere hereditario liberatum. Æs alienum ante omnia detrahitur, sed ideo non de suo præstat. Cæterum tenetur ipse creditoribus hereditariis, quorum actiones excipere cogitur, in quo illi iudicii molestiæ suscipiendæ sunt. Adde solutionis curam ut caveat, ne cuiquam minus recte solvat, cui scilicet nihil debeatur: quod si fiat, periculum eis est *arg. L. in fin. 1. res. D. ad L. falcidiam.*

*Si*



*Si qui forte miretur diligens et acutus lector, quod huic Auctoris Consilio duplex summarium sit appositum: Alterum videlicet initio præmissum, quod generales juris locos indicat Consilio eidem adpersos; alterum quod quibusdam locorum intervallis dispositum præcipuam rerum ipsarum tractationem connotat, atque distinguit: nos facile studioso cuique satisfacimus, illudque reponimus, nihil hic a nobis immutatum: sed omnia hæc, qualia in Wecheliana Harnoviae Editione in 8. conformata deprehendimus, integre a nobis esse servata; illud tamen commodo legentium fecimus ut numeros in margine haberemus apppositos, qui prioris et generalis summarii numeris responderent. Quod te monitum volumus, humanissime lector.*

HUGO.



# HUGONIS DONELLI

## JURISCONSULTI

### CONSILIUM,

## ACADEMIÆ ALTORPHINÆ

### NOMINE SCRIPTUM

De jure pascendi et aliis jure pluribus.

### S U M M A R I U M.

1. *Rerum acquirendarum causæ inter cæteras jure receptas usitatissimæ sunt, traditio et concessio ejus, cujus res fuit, et ejus rei usucapio.*
2. *Instrumento tam diu statur, donec contrarium probetur.*
3. *Actore non probante, Reus absolvitur.*
4. *Negantis factum per rerum naturam nulla est probatio.*
5. *Reg. Non probat hoc esse, quod ab hoc contigit abesse.*
6. *Exemplo instrumenti quatenus credatur.*
7. *Scripturæ de rebus fiunt, ut quod actum est, per eas facilius probari possit.*
8. *Plus valet quod actum, quam quod scriptum est.*
9. *Ordo scripturæ et rei gestæ licet convertatur, nihilominus quod scriptum est valet.*
10. *Alteri per alterum iniqua conditio inferri non debet.*
11. *Judex in propria causa nemo esse potest.*
12. *Propria causa dicitur, Cujus commodum aut incommodum ad aliquem suo nomine pertinet.*
13. *Patronus in causa, cui patrocinium præstat, testimonium dicere non potest.*
14. *Testis in re sua nemo idoneus est.*
15. *Judicis Officium in quibus consistat.*
16. *In usucapione quæ potissimum spectanda sint.*
17. *Succedens in alterius locum justam ignorantie causam habet.*
18. *Ignorantia facti nisi supina nemini nocet.*

### Commemoratio privilegiorum in specie.

**V**IR nobilis Gabriel Mendelius jura habet magna et nobilia complura in prædio Steinfels, nempe hæc, Hoffmarckgerechtigkeit, secundum consuetudinem Dominatus Parckstein, quo verbo hæc continentur, ut omnia jura in subditos habeant in civilibus Mendelii; in criminalibus autem suo modo; item jus pascendi in sylvis principis; item jus arborum radicitus extirpandarum ad agros instituendos prata et piscinas habendas, et alia quæ in his locis libet. Item jus lignandi in iisdem sylvis Principum, item

jus vendendi potus cujusque generis, item jus venationis suo quoque certo modo, in quibus omnibus præfecti Principum Mendelios defendere ac tueri debent. Præterea inter hæc jura est hoc, ut ad querelas subditorum non cogantur respondere nisi apud præfectum Principis in Parckstein. Etiam hoc jus est inter cætera ut carbones ad usum suum omnis generis conficere possint, soluto consueto precio; quæ omnia ante innumeros annos concessa ejus majoribus cum ab his ipsis eorumque successoribus, tum ab eo, qui

et successor est, continua serie sine interruptione sunt usurpata: nec se aut majores suos ante hunc annum ab ullo unquam controversiam horum jurium esse passos dicit, quin qui litem movebant Principes aut eorum consiliarii instrumento inspecto concessorum horum jurium statim litem remitterent, et Mendelios in suo jure manere juberent.

*Narratio turbatæ possessionis supradictorum privilegiorum.*

**N**uper admodum, id est, hoc anno 1589. extiterunt Assessores Præfecturæ Ambergensis, qui de his juribus huic Gabrieli Mendelio controversiam facerent; et instrumentum concessorum quod Gabriel Mendelius ipsis petentibus exhibuerat; et quo eodem, præcipue jus Mendeliorum, nititur, falsum esse confirmarent; ut ita Mendelius omni illo suo jure evertatur. Cujus controversiæ exitum ille metuens nos consulit et prolatis omnibus instrumentis ad eam causam pertinentibus, quæ penes se habent, quærit, num quid in his putemus esse idoneum aliquid, quo illa jura recte tanquam sua defendat, ne si id nihil est, temere litiget; sin est aliquid, temere indefensum jus suum relinquat, quod per tot annos salvum et inconcussum ipse et Majores ejus obtinebant.

*Transitio ad quæstiones in hoc casu propositas.*

**N**os omnibus inspectis et diligenter, quoad pro fide licuit expensis, ita comperisse videmur, ut bona conscientia existimemus, Gabrielem Mendelium in hac causa jura illa, de quibus agitur, jure optimo tanquam sua sibi defendere, ut et possidens exceptionem sibi tueri, et controversiam passus adversus quosvis, qui litem moveant, ea persequi et vindicare possit. Movemur his rebus.

*Distributio partium hujus Responsi.*

**I**nter cæteras causas rerum acquirendarum iure receptas duæ hæ sunt justissimæ et usitatissimæ, traditio concessione ejus, cujus res fuit; et ejus rei usucapio, sive longi temporis præscriptio, §. *per traditionem*, *Instit. de rer. divi. titulo. Instit. de usucap. et long. temp. præscript.* L. *unica*, *Cod. de usucap. transf. toto tit. C. de præscr. long. temp.* Hæ duæ causæ, ut quidem nobis

animadvertere licuit, sic in hac causa pro Mendelio concurrunt, ut separatim singulæ jura superiora illi tribuant.

De priori causa illi controversiam fieri videmus. Posterior certe ejusmodi est, ut quanvis prior deficeret; tamen in hac posteriore sola acquiescere posse videatur: sed nihilominus reperietur et prior illi jure constare, ac de singulis quod videtur, dicemus.

*Pars prima, quæ versatur circa traditionem et concessionem.*

**D**E traditione et concessione superiorum jurium ita comperimus. Proferunt Mendelii instrumentum vetus conscriptum, ut instrumenti verba declarant, Anno 1437. quo instrumento comprehensum est Illustrissimos Principes, Fridericum Brandeburgicum et Joannem Comitem Palatinum, propter servitia et varia officia D. Imperatoribus et Palatinis a Mendeliis præstita, confirmare his quod in se est, simul et concedere omnia jura, quæ in prædio Steinfels olim Majores et parentes Mendeliorum habuerunt, nominatim hoc addito, ut inter cætera jura quæ illic enumerantur, sciant Mendelii sibi in prædio Steinfels concessa esse Hoffmarckgerechtigkerit pro jure Dominatus Parckstein in quibus sunt illa iura, de quibus diximus.

Quæ si ita sunt, et verum est instrumentum, nemo dubitare potest, quin ab illustrissimis Principibus, penes quos in sua ditione superiora jura sunt, quique hæc eadem, quibus velint, concedere possunt, hæc ipsa jura superiore concessione translata sint in Mendelios, et ea translatione Mendeliis jure optimo et jure naturali quæsita. Vere enim dicitur in d. §. *per traditionem*, *Instit. de rer. divi. nihil tam naturale esse, quam voluntatem domini rem suam in alium transferre volentis, ratam haberi*: præsertim cum ob merita in Rempublicam collata ab eo, qui beneficio afficitur, aliquid concessum esse dicitur, quod hic factum est; ac ne de eo quidem dubitant domini Asseriores Ambergenses, siquidem concessio superior idonee probaretur.

*Refutatio argumentorum de falsi instrumenti.*

**S**ED cum ipsis petentibus et desiderantibus de jure Mendeliorum amplius edoceri, instrumentum a Gabriele Mendelio ultra

ultro exhibitum esset; illi post diligentem inquisitionem in id instrumentum habitam, dicunt sed deprehendisse instrumentum falsum esse, et se id pro tali habere, ut si Mendelii in hac causa ad fidem iuris sui in posterum eo uti velint, non modo non prosit sibi, sed etiam seipsos refellant, insuper etiam se falsi alligent.

*Gabriel Mandelius hoc instrumento uti non vult, si falsum.*

**A**D hanc tam novam, certe inexpectatam vocem hæc Mendelii Gabrielis prima defensio est, testari, si id instrumentum de quo agitur, falsum sit, se eo uti nolle; bona se fide tanquam verum et iustum instrumentum apud se habuisse, eoque in multis aliis auditoriis et in hoc ipso Ambergensi, cum ad exhibitionem huius instrumenti, et iuris sui probationem ipse vocaretur, sæpe usum fuisse; nec quoenquam antea esse inventum, qui instrumento viso ei non acquiesceret. Ne nunc quidem se amentem, et insanum futurum fuisse, ut si quid falsum in eo esse sciret, aut suspicaretur, instrumentum id proferre vellet: quo falso invento et causam suam aperte læderet, et de existimatione quoque sua in discrimen veniret: non dubitare se, quin domini Assessores seduo et ex animi sui sententia dicant, quod dicunt sibi id instrumentum falsum videri; sed vicissim bona venia petere cum, ut sibi liceat jus suum indefensum non relinquere, nec prius id quod obiciatur admittere: quam ita esse probetur, quo non probato, petit ut instrumentum in suo loco, in quo antea fuit, etiam nunc maneat et fidem, ut prius, faciat.

Honesta hæc et justa petitio est, et in qua quod petit, omnino illi concedi oporteat. Hæc enim sententiæ omni jure receptæ sunt nemine Doctorum refragante, semper standum esse instrumento donec contrarium probetur, *L. cum precibus, C. de prob. Cap. tertio loco, ext. cod. titulo.* Item actore non probante in suo loco manere possessionem, et Reum obtinere, *L. qui accusare, C. de den. §. retinendæ, vers. commodum, Inst. de interd.*

*Assessores in exceptione falsi, actoris partibus funguntur.*

**I**N proposito autem Domini Assessores falsi exceptione adversus instrumentum utentes, in ea exceptione actoris partibus funguntur, atque adeo actores sunt, eamque exceptionem, velut intentionem probare debent. *L. exceptionibus, D. de probat. L. 1. D. de excep.* Quod illi non ignorantes ad probationem exceptionis suæ causas falsi reddunt, de quibus et Mendelius nos consulit, quæritque videantur illæ causæ idoneæ, quibus falsum arguatur. Quibus lectis et diligenter expensis, negavimus, idoneas nobis videri, quod sequitur, ut demonstramus. Ac quo res tota magis pateat, de singulis respondimus ordine.

*Refutatio primi argumenti de litera nova.*

**D**icunt figuram literarum, quibus instrumentum exaratum est, esse novam, certe recentiore, quam ut conveniat ei tempori, quo instrumentum scriptum esse dicitur. Denique eo tempore, quod instrumento eo comprehensum est nullam ejusmodi figuram literarum in usu fuisse, et ne videantur sine probatione dicere, probant hoc modo quod dicant in Cancellaria in antiquis instrumentis nullam ejusmodi figuram reperiri. Multa sunt quæ hic respondeamus. Primum si eius temporis aliæ formæ scribendi reperiuntur, idcirco necesse est non fuisse aliquos eodem tempore, qui aliter atque elegantius scriberent.

Scimus enim omnibus temporibus non omnes homines eodem modo scribere solere: sed in hac re, ut et in cæteris omnibus, sua cuique dona a Deo delata esse, alii ut pingant melius, celerius et elegantius: alii deterius et obesius. Quod autem dicunt se in Cancellaria in antiquis instrumentis nullam ejusmodi figuram literarum invenisse, quid tandem hac ratione efficere se putant. An idcirco aliis literis alia instrumenta eodem tempore scripta nulla fuisse? Nullum vero hoc argumentum est, fieri enim potest ut mille alia iisdem characteribus, quibus hoc nostrum, eodem tempore scripta fuerint, neque ad nos pervenerint. Fieri potest ut pervenerint, sed adhuc lateant, nec sint inventa. Denique qui hoc dicunt, eo tempore nullam formam scribendi fuisse qualis in hoc instrumento cernitur, factum negant. Atqui dicimus et experientia rerum et certo iure

- 4 edocti, factum negantis per rerum naturam nullam esse probationem. *L. actor, C. de probat. L. asseveratio, C. de non num. pecu.* Non enim si mille dicant, se nihil vidisse ejusmodi, idcirco id ita factum non est. Potuerunt namque omnes id non videre, quod tamen alii viderunt: aut nemo vidisse, quod tamen factum fuerit. Dicent probabiliter dici non videri, instrumentum eo tempore scriptum fuisse, quod alii aliter vulgo scripsisse proponuntur. Sit sane hoc ita probabile, ut potuerit ita esse, sed si est ejusmodi, ut potuerit etiam non ita evenire, quale hoc est, non est tale, ut fidem faciat, aut in judiciis pro idoneo argumento admitti, et adversario nocere debeat. Traditum diserte in *L. neque, Cod. de prob.* Unde illud vulgatum omnium consensu receptum:
- 5 Non probat hoc esse quod ab hoc contingit ut absit; sed nimine admittendum in judiciis et maxime iis in quibus de re gravi agitur, puta de falso ut in hac caussa, in quibus jus exigit certas probationes indubitatas et luce meridiana clariores, *L. ultim. C. de prob.*

*Secundi argumenti de membrana et ligulis refutatio.*

- D**icunt membranam, et ligulas appensas recentiores esse, quam ut vetustæ existimari debeant. Atqui exemplum, in quod authenticum illud a Notario publico transcriptum est ante triginta annos et amplius, testatur authenticum illud pervetustum esse. Agnoscit enim notarius, qui exemplum confecit, authenticum ipsum, unde exemplum ducebat, tunc temporis fuisse cum id describebat; ut profecto, si annos authentici instrumenti ex exemplo æstimamus, non potuerint et membranæ, et literæ et ligulæ appensæ
- 6 non esse pervetustæ. Exemplo quidem non creditur in his, quæ tanquam ex authentico referuntur, in quibus placet ipsum authenticum proferri, et fidem ex eo peti debere, *authent. si quis in aliquo, C. de eden. leg. 2. D. de fide Instrum.* At quæ in exemplo de se affirmat Notarius, in his instrumento non minus creditur, quam cum in aliis authenticis aliquid de re affirmat: qualia sunt, cum declarat quis exemplum descripserit ex quo et quali authentico, quando et quibus præsentibus.

Sed esto, nullum tale exemplum proferatur, quod de authentico superiori testificetur: an putamus quod membrana authentici munda ad nos pervenit, idoneum argu-

mentum esse, membranam esse recentem, non eam quæ tot annis retroversus esse potuerit? Nobis quidem nullum id argumentum esse videtur. Verum enim hoc esse experientia communis testatur, instrumenta quæ bona et bene parata membrana excepta sunt, cura et diligentia dominorum ita haberi posse, ut integra et velut semper nova in multos annos observari possint. Vel Mendelius ipse instrumenta alia quædam ad hanc causam suam pertinentia, et ea præterea, de quorum fide non dubitatur, apud se habet ita integra et munda, ut ante annum scripta videri possint, instrumenta, quæ sæpe tractantur manibus, aut in locis patentibus ad fumum, aut solem, aut sordes domesticas sunt exposita, fieri non potest quin atterantur tempore, et aliquid vitii ex vetustate contrahant. At quæ semper seorsim habentur bene condita, et ad usus tantum necessarios asservantur, non mirum si veterem nitorem et formam suam in longissimum tempus retinent, aut parum de ea remittunt. Postremo tam multi tum illustres, tum præstantes in Republica viri hoc ipsum instrumentum antea, cum de his ipsis juribus fieret Mendelio controversia, et viderunt, et diligentissime inspexerunt; nemo tamen unquam fuit, qui non lecto et inspecto diligentius instrumento, non restitueret id Mendelio, et sibi satisfactum esse declararet. Fecit hoc anno 1555. Wolfgangus Comes Palatinus, eo tempore vice Dominus Ambergæ. Fecere anno 1557. Assessores Electoralis Regiminis Ambergensis, idem Regimen anno subsequente post 1558. per Dominum Christophorum Jacobum a Plessenburg Judicem Provincialem, et Johannem Steinhauferum, Quæstorem Ambergensem jussit significari Consiliariis Neuburgensibus Sultzbachii, se nomine Electoris, caussa cognita privilegia Mendeliorum, de quibus agitur, ut justa approbasse. Rogare se Neuburgenses, ne quid contra decretum suum maturo consilio datum movere, et Mendelios in sua possessione turbare velint. Si talis fuit scriptura instrumenti, de quo quæritur, et talis membrana, qualis nunc arguitur, ut ex ipsa inspectione omnia hic nova videri debeant: Permirum nobis videtur (dicere enim liceat quod sentimus) hæc tam manifesta a dominis Assessoribus, qui nunc sunt Ambergæ, tam cito observata esse: a superioribus autem illis talibus et tam præstantibus viris, quibus neque mens, neque studium inquirendi deerat, animadverti non potuisse, sed res ita habet. Viderunt et illi non minus, quale esset instrumentum, quod



quod illis exhibebatur, sed nihil tale deprehenderunt in scriptura aut membrana instrumenti, unde necessario colligi posset instrumentum esse falsum, sicut qui nunc sunt Assessores Ambergæ superioribus rebus probari volunt.

*Tertium argumentum de duabus faciebus, quibus continetur Instrumentum. Solutio.*

**O**bjiciunt idem præterea instrumentum de quo agitur, non una facie membranæ comprehensum, sed ex utroque latere scriptum esse, hoc illi falsi quoque iudicium esse volunt, quia sit factum contra communem Cancellariæ usum. Atqui hoc idem viderunt et animadverterunt superiores illi præstantes viri, quos modo diximus, quorum tamen nemo ista scripturæ forma motus est, ut eo minus instrumento tribueret. Et recte ea re moti non sunt adversus instrumentum. Quid enim ad substantiam instrumenti pertinet, utrum in membrana, an in charta scriptum sit, et in qua materia recipitur, utrum rei narratio una pagina contineatur, an duabus pluribusve. Fiunt de rebus scripturæ, ut quod actum est, per eas facilius probari possit, *L. 4. D. de fide instrument. L. 4. D. de pign.*

**Sic** autem per eas res potest probari, si vera sit et sincera rei gestæ narratio. Nam ubi veritas abest, ibi scriptura nihil agit, valetque plus quod actum est quam quod scriptum est, *L. 1. L. 3. L. 4. C. plus val. quod agit. quam quod simul. con.* Quapropter veritas rei seu vera narratio, res est, quæ substantiam justî instrumenti continet, ita fit, ut dum quid vere narretur in instrumento, utrum id expediatur una facie membranæ, an duabus explicetur, nihil ad substantiam et fidem rei gestæ pertineat: ac proinde utrum fiat nihil intersit, neque de veritate rei gestæ et probatione instrumenti quicquam mutet. Solent, fatemur, Notarii ut plurimum una facie instrumenta scribere, sed an idcirco facere coguntur? Nulla vero lex reperitur, quæ id exigat et satis causæ est cur non exigatur, eo quod ad substantiam instrumenti et fidem rei gestæ id non pertinere modo ostendimus. Quod si hic nulla necessitas juris est, quæ una pagina rem complecti cogat: fatendum est utrum una pagina an duabus pluribusve res scribatur, rem esse cuiusvis Notario et scriptori liberam: ut cum posterius hoc secutus fuerit, non ideo putandus sit ullo modo contra jus facere, multo mi-

nus eo colligatur, cum nihil prohibeat, quo minus hæc fiant et tamen qui faciat privatis de causis adductus bona conscientia et sedulo faciat, contentus vera rerum narratione, et subscriptionibus et signis adhibitis, ad fidem rei gestæ adstruendam usitatis. Quæ cogitatio multum abest a falsi suspicionem. Quod si hæc sine falso esse possunt, non profecto ex his recte colligitur falsum, quod ab illis factis abesse potuit, juxta illud vulgare dictum, quod et paulo ante retulimus: Non probat hoc esse, quod ab hoc contingit, ut absit, sumptum ex *d. L. neque natales, C. de prob.*

Atque hæc omnia de jure recte responsa sunt. Quod si placet etiam in istis, quæ objiciuntur indulgere suspicionibus, et certare conjecturis incertis, nec quicquam firmi habentibus, non defugimus ne hanc quidem arenam, atque hoc contendimus ex superioribus factis, quæ objiciuntur, multo probabilius colligi bonam fidem scribentis, et mentem a falsi meditatione alienam, quam falsi machinationem probari. Scimus enim quo animo sint, qui falsi aliquid in instrumento moliantur, quia enim in falso deprehendi metuunt, dant studiose omnem operam, ne qua ratione falsum suboleat, nec quicquam satis caute se agere putant, dum id agunt, ut suspicionem falsi a se amoveant. Itaque quam accuratissime fieri potest curant, ut omnia ad veri imitationem composita esse videantur. Quid ergo hic faceret, qui falsum instrumentum illud legentibus probare conaretur, siquidem superiora ad fidem instrumenti pertinerent? Primum quæreret membranam perveterem, quæ annos inscriptos non eumentiretur, aut curaret ita eam tractari, ut vetus videri posset, quod factum facile fuit. Deinde imitaretur veteres characteres; quod non fuit difficile. Postremo totum instrumentum una parte scribendum curaret. Quid enim eo facilius? Nihil horum ille fecit, qui instrumentum conficiendum curavit. Profecto igitur nihil in his falsi metuit, et quia non curavit tegere, ne falsi quidem quicquam cogitasse existimandus est. Hæc, inquam, ex superioribus collectio esse debuit, siquidem conjecturis hic certaretur, non argumentis necessariis et jure certo. Nunc cum utroque modo obtineamus, nihil hic falsum admissum videri, et si superiora quæ objiciuntur ita esse, ut objiciuntur concederemus, nihil est quod in his refutandis amplius laboremus. Itaque ad reliqua objecta pergemus.

*Quarti*

*Quarti argumenti refutatio, de inconvenien-  
ti sigillorum appensione.*

*Quinti argumenti solutio, Sigilla pervetera;  
membranam recentiore esse.*

**E**X quibus illud est penultimum, quod dicunt iidem domini Assessores, sigilla non justo ordine et legitimo modo esse instrumento ei, de quo agitur, appensa. Quavis enim nomen Marchionis primo loco scriptum sit, quod nec idoneo legitimo titulo factum dicunt: tamen Palatini sigillum primo loco positum est. Hic duo dicimus. Primum etsi ordinem horum sigillorum inversum esse concederemus, tamen nihil hoc ad substantiam rei gestæ ac proinde instrumenti pertinere, quoniam liceat convertere ordinem scripturæ et rei gestæ; ut nihilominus valeat quod scriptum est, præterquam in filii exhereditati substitutione; quem placuit ita scribi oportere, ut pater sibi prius heredem scribere debeat, deinde filio exhereditato substituere, et non convertere ordinem scripturæ. Cæterum filio instituto, valere institutionem, licet pater conversa scriptura filio testamentum fecerit, L. 2. §. *prius*, D. de vulg. et pup. subst. sed maxime id observatur in signis, quæ instrumento testificandi gratia apponuntur, quorum unumquodque ut se obtulerit primum, ita primo loco subjicitur. Nam ordo signorum ad fidem augendam aut minuendam quid facit, dummodo ea signa adhibeantur, quæ oportet et quod oportet? Alterum est etiam quod hic respondeamus in instrumento, de quo agitur, signa dici posse converso ordine posita esse, et eadem rursum posita recto ordine, prout est scilicet ea facies membranæ, qua spectatur, si anteriorem ejus faciem spectamus, ab ea parte signa dici possunt conversa, sin spectamus posteriorem cui signa subjecta sunt, omnino reperientur signa recto ordine collocata. At hanc spectavit, Notarius, cum in eam desijt.

**O**bjiciunt postremo, quæ nihilo plus firmitatis habent ad instrumentum falsi arguendum, quam superiora; expendunt signa seu sigilla ei instrumento appensa, in his spectari hæc vitia.

Primum ea pervetera esse, cum membrana instrumenti sit multo recentior.

Secundo ligulas pensiles, ex quibus capsulæ signorum pendent, non fuisse per ceram sigillorum traductas. Tertio ipsa signa per se vetusta, fuisse quibusdam in locis recenti cera illita. Faciamus hæc omnia vera esse, aut talia videri, quid est in his ex quo necessario colligatur instrumentum falsum existimari debere. Atqui tales probationes in accusatione falsi exigimus, quæ aperte et indubitate id convincunt, probationes denique luce meridiana clariores, ut est in d. L. *ultim. Cod. de probat.* Quales ergo sunt istæ? Vix etiam in speciem probabiles. Signa fuerunt vetusta: Nempe, quia et instrumentum vetustum fuit, adfuerunt vetustiora quam membrana instrumenti? Negamus. Ita videri potuerunt, sed non idcirco necesse est ita esse: quia cera non tam facile, nec tam diu colorem vel nitorem suum retinet, quam membrana: certe non quævis cera.

Non negamus interdum contra evenire, ut ceræ quædam magis adscititium colorem retineant, quam nativum membrana, sed quod aliquando fit, non continuo semper accidit. Ita qui ex eo, quod aliquid fit aliquando, colligit id ita perpetuo fieri; is et in ratione disserendi aperte labitur, et experientia ipsa rerum non minus aperte convincitur: idque ita esse, ut nunc dicimus, illustres illi et præstantes viri, quos supra commemoravimus, qui et ipsi hoc instrumentum viderunt, et diligenter excusserunt, illi, inquam, judicasse rem ita se habere, facile declararunt, qui instrumento lecto et explorato id comprobantes in eo acquieverunt.

Quod autem de ligulis pensilibus dicitur, quid ad probationem falsi pertinet? Non fuerunt illæ per ceram tractæ, sed tantum ceræ adjunctæ, ut cera his imposita ligulis cohæreret. Concedamus ita esse, num ideo vitiosum aut falsum instrumentum? Neutrum. Id vitiat instrumentum, si quid ad substantiam ejus pertinet, et id omisum est. Id falsum

sum arguit, si, quod pertinet ad probationem et fidem certam, id dicitur eumentum: ut si falsa sigilla, quæ Principis non erant, pro sigillis Principis apponantur: at ut ligulæ trajiciantur per ceram ad substantiam instrumenti nihil pertinet. Non enim in ligulis istis sita est probatio authentici instrumenti, sed in solis signis Principum, quæ ceræ imponuntur; ut quandiu hæc apparebunt instrumento appensa, tamdiu certum sit vim et fidem publicam instrumento constare. Quis ergo usus harum ligularum? Non alius, quam ut ceræ adjuncta sigilla sibi devincta retineant: ut dici possit sigilla esse propria ejus instrumenti, unde ligulæ pendent et cui adhærent. Dum ergo hic usus retineatur, quocunque modo id fiat satis est: atque duobus modis ea signa per ligulas pensiles instrumento annexi possunt ita ut sigilla utroque modo appensa esse constet, vel ut ligulæ per ceram tractæ sint, quo certius sigilla hæreant, vel ut ceræ ita adjungantur extrinsecus, ut non minus a ligulis teneantur. Quapropter utrum horum fiat ad probationem signorum instrumento conciliandam nihil interest.

*De falso in signis quæ rupta sunt.*

**A**Tque hæc de vitio, quod objici posset in signis. De falso autem admissio in signis quid dicunt? Non negant vera esse signa, sed ut significant signa videri ex alio instrumento veteri transumpta, dicunt sigilla fuisse pervetusta, et ut dolum in his agnoscere liceat, dicunt ea non fuisse integra, sed quibusdam in locis cera illita. Hic vero petimus officiose ab eorum amplitudine, ut, nobis liceat ipsorum bona venia, quod sentimus hoc loco, dicere, comparatum non ad cuiusquam sugillationem, sed ad fidem consultationis susceptæ necessarium. Referimus igitur ex adverso, cum vitium falsi sigillis integris ex facie eorum externa cognosci non ab omnibus posset, ut ipsi se agnovisse dicunt, debuisse illos integra sigilla relinquere, et ea ad iudicium futurum reservare, ut Mendeliis iura sua sibi vendicantibus instrumentum apud indicem proferretur; ibi de falso eius publice cognosceretur servata defensione sua his ad quos instrumentum pertinebat. Nunc cum domini Iudices hoc sibi sumpserint, ut signa resignarent, eaque corrumperent, libere dicimus, revera non aliam vim id habere, quam ut Mendeliis probatio, quæ ex eo instrumento parata erat, adimeretur. Facilius enim falsum cognosci potuit signis integris, quam ruptis. Integra enim seipsa

ostendunt qualia sint: His ruptis non potest intelligi, qualia prius fuerint: ita quæ probatio poterat esse Gabrieli Mendelio signis integris, corruptis ea adimitur, siquidem ex solis corruptis indicium fieri oporteat. Nam in ruptis mutari pristinam faciem quis ignorat. Quod cum facto dominorum iudicum acciderit: jure contendimus in Mendelio nocere non debere, sed his potius a quibus id factum natum est. Certa enim et rata juris principia sunt hæc: Alteri per alterum non debere iniquam conditionem inferri, *L. non debet alteri, D. de regul. jur.* Item factum cuique suum, non adversario nocere debere, *L. factum cuique, D. eod.*

Dicent se jure et ex officio fecisse, quod signa ita aperuerint, ut quid esset etiam interni vitii ad tuendum jus Principis cognosceretur. Nos iterum officiose petimus, ut benigne et placide accipiant, quod pro justa defensione afferimus. Putamus vero non modo illos ex officio superius non fecisse, sed plane contra officium, non sine certa injuria Mendelii, cui instrumentum, ut prius fuerat, reddi non potest. Nam qui ruperunt: aut fecerunt tanquam partes nomine Principis, aut tanquam iudices: si tanquam partes, fecerunt adversus jus manifestum et omnem æquitatis rationem, ut in causa sua invito adversario jus sibi dicerent: de quo ita cautum est in *L. unica, Cod. ne quis in sua causa*. Generali lege decernimus, neminem sibi esse iudicem, vel sibi jus dicere debere. In re enim propria iniquum admodum est alicui potestatem tribuere sententiæ. Ergo iniquum multo magis cuiquam in re sua jus tribuere executionis, quod hi sibi sumpserunt, qui ruperunt signa, ut ea aperirent. Nec eo minus causa et res eorum putanda est, quod principale commodum hujus causæ ad principem pertinet, cujus res procurant: ipsorum enim causa esse coepit pro officio administrationis, postquam eam in se susceperunt, et Principis nomine agunt, sic enim omisæ recte defensionis incommodum, res bene gesta et laus administrationis, et incommodi vitatio ad eos pertinet. Propriam autem causam cujusque definimus eam, cujus commodum aut incommodum ad aliquem suo nomine pertinet. *L. 1. §. in propria, D. quando appel. sit.* Nec interest, utrum pertineat principaliter, an per consequentiam officii administrationis susceptæ. Unde cautum est, ut nec patroni in causa, cui patrocini præstant aut præstiterunt, testimonium dicant, placetque in executionibus negotiorum idem observandum. *L. ult. D. de*

*testib.* Non alia id quidem de caussa, quam quod caussæ actio ad eorum existimationem pertinet, ne videantur malam causam suscepisse, aut falsum testimonium ei tribuisse, in quo res eorum agitur. Nullus autem in re sua idoneus testis, *L. nullus, D. de testib.* multo minus idoneus iudex. *L. Julianus ait, 17. D. de judic.* Quod si tanquam iudices signa ruperunt: fateri cogentur se hic multo magis adversus officium iudicum fecisse. Est enim iudicis in quavis lite, nedum in causa gravi, qualis est hæc, in qua quæstio falsi vertitur, non incipere ab executione, ut hic factum est: sed causam cognoscere diligenter prius; partes, ad quas res pertinet, audire; his causæ agendæ, et sui defendendi potestatem facere; sic denique causa cognita de re pronunciare et iudicare. *L. 1. C. de exec. rei jud. L. neg. Cod. de oblig. et act. L. iudices, C. de judic.* Qui secus facit, is et lædit officium boni iudicis, et adversus formam atque ordinem iudiciorum committens, incidit in eas constitutiones que huiusmodi iudicia et sententias nullius momenti esse jubent, etiamsi iudicavit Præses provinciae. *L. prolatam, C. de sent. et inter.* Quod cum ita sit, jure videtur Gabriel Mendelius adversus eos, qui signa instrumenti sui ruperunt, sic agere posse. Reddite domini instrumentum meum integrum quale bona fide a me exhibitum, a me accepistis: Reddite signa integra, ut prius, ac deinde de falso, si videtur, apud idoneos iudices cognoscatur, apud quos sit mihi instrumenti defendendi copia. Quod si integra reddere non potestis, nolite factum vestrum ad injuriam nostram convertere, sed potius id vobis noceat, atque hoc modo instrumentum in suo statu maneat, donec de falso aliter probaveritis. Hæc, inquam, in hac caussa Mendelii petitio honesta et justa esse posse et debere nobis videtur. Primum, quia ut jam diximus, non debet alteri per alterum iniqua conditio inferri, et factum cuique suum non adversario nocere debet, *d. L. factum cuique, D. de reg. jur.* Deinde, quia omnium consensu receptum est, semper standum esse instrumento, præsertim publico, nisi contra probetur, qualem probationem in superioribus nullam esse satis ostendisse videmur.

*Transitio ad alteram partem propositionis, videlicet præscriptionem longissimi temporis.*

Atque hæc de concessione superiorum jurium a nobis dicta sunt, quæ ut concederemus nulla esse, quod non concedimus: Tamen est altera eorum omnium acquirendorum caussa, quam nulla res potest Gabrieli Mendelio eripere. Ea est præscriptio longissimi temporis, de qua jam dicemus. Possederunt Mendelii jura ea, de quibus agitur per innumeros annos, amplius quam centum. Proinde per id tempus cujus initium dicatur excedere hominum memoriam, aut si quid dicere volumus, quod certo et liquido affirmare potest: usus est Gabriel Mendelius istarum rerum jure amplius quam per triginta annos continenter et sine interruptione, justo titulo præcedente et bona fide, scientibus etiam et consentientibus Illustrissimis Principibus, ad quos ea res pertinebat: quæ omnia in quem concurrunt, nemo dubitat, quin is rem ita possessam, quanvis longo solum tempore possessam, præscriptione longi temporis suam faciat. Quanto igitur magis hoc jus Mendelius, qui id longissimo tempore, nempe ultra triginta annos possidet: Sed de his distinctius paulo et separatim agemus.

In usucapione duo hæc spectanda sunt: 16  
Res quæ usucapitur, et usucapiendi modus. Res de quibus hic agitur, sunt ea jura, quæ commemoravimus, res nimirum incorporales. Certi juris est, ut res corporales usucapi et præscriptione longi temporis acquiri possunt, sic posse et incorporales, ut usumfructum, usum, et servitutes prædiorum, *L. ult. C. de præ. long. temp. L. si quis diutur. D. si servit. vind. L. 1. L. 2. Cod. de scr. et ag.* possunt igitur et jura superiora. Nec quidquam hac de re mutat, quod hæc jura Principum sunt: Nam non eo minus privata esse Principum, ex eo potest intelligi, quod ab illis vendi et honoris caussa in alium transferri possunt. Quod si his modis alienari possunt, possunt, et adversus eum usucapi, quia alienationis species est usucapio, *L. alienationis, D. de verb. sig.*

Jam usucapiendi modus hic est legibus certis definitus, ut possidendo quisque rem immobilem aut rem corporalem eam usu suam faciat, seu præscriptione longi temporis acquirat, si eam rem possederit, si possederit per statutum tempus, id est, decem annos inter præsentis, et viginti inter absentes, si possederit per tot annos continenter, et sine interruptione.

terruptione, si justo titulo præcedente et bona fide; jus de usucapione, et longi temporis præscriptione comprehensum dilucide, *Inst. de usuc. in princip. L. omnia, C. de usucap. transfer. L. 2. L. sup. C. de præsc. long. temp.* Nihil ex his omnibus reperietur deesse Gabrieli Mendelio ad justam et plenam jurium superiorum, de quibus agitur, præscriptionem. Quæritur in his possessio. Hanc Mendeliis omnes, ut putamus, concedunt. Certe constat usos eos superioribus rebus assidue, tanquam ad se pertinentibus per annos innumeros, scientibus adeo atque patientibus his principibus, ad quos res pertinebat: de quo tamen ne dubitetur, mox amplius probabitur. Nunc satis est intelligi, si superiore omni jure tanquam ad se pertinente uti sunt: eos iura ea possedisse, quo modo huiusmodi res possideri ad iustam præscriptionem possunt. Vere enim possideri res incorporales non possunt, cum cerni et tangi non possint, eoque nec proprie usucapi *L. servus, §. incorporales, D. de adquir. rer. dom. L. 3. in princ. D. de adquir. poss. L. servitutes, D. de servit.* At usus earum pro possessione est, *L. ult. D. de servit. L. in fin. D. de serv. rustic. præd.* Quæ res facit, ut quæmadmodum quasi possidentur, ita longo usu et longa quasi possessione acquirantur, *L. si quis diuturno, D. si ser. vind.* Restat ergo ut de hoc usu et longa quasi possessione cognoscamus, et simul cum hoc usu diuturnitatem et constitutionem ejus possessionis jungamus; quæ omnia eadem probatione continentur.

*Explicat actus complures, quibus probatur possessio, et longissimi temporis præscriptio.*

U Si vero sunt Mendelii suis illis juribus. ultra centum annos, et hic ipse Gabriel Mendelius usus est per longissimum tempus triginta annorum, et eo amplius, quod solum nunc urgebimus. Libenter enim omittimus in præsentia dicere universos Mendelios in possessione hujus juris fuisse amplius quam centum annos. Quia etsi vere hoc dici potest habet tamen difficiliorem indagationem et probationem, qua nihil necesse est nunc iudicium onerare. Tantum hoc sumemus quod minus abest a memoria nostra, et nihilominus æque valet ad præscriptionem; certis autem et evidentibus testimoniis tenetur. Dicimus inquam Gabrielem Mendelium amplius quam triginta annos superioribus juribus tanquam suis libere usum esse, nec vi nec clam, nec precario, non modo scientibus iis Principibus ad quos res perti-

nebat, sed etiam consentientibus et jus Mendeliorum tale esse agnoscentibus, idque his rebus demonstratur.

Primum vivunt adhuc honesti homines testes idonei, quorum alii 80. annum, alii 70. excesserunt, qui testari possunt Gabrielem Mendelium etiam ante triginta annos in possessione et exercitio superiorum jurium fuisse.

Secundo anno 1527. Comites Palatini Otto Henricus et Philippus fratres, ad quos dominatus Parckstein pertinebat, a Leonhardo Kreckendorffer scriba provinciali Weidensium, per literas certiores fieri voluerunt, quo jure Gabriel Mendelius in possessione, et exercitio venationis sit. Agnoscunt ergo jam tum Illustrissimi Principes Mendelium fuisse in possessione ejus juris, etsi dubitant, jure id usurparet Mendelius an injuria, ac de ea possessione nunc quæritur, quo jure autem possederit, post dicemus. Ad superius mandatum respondit scriba quod magis hanc possessionem atque usum confirmaret: Nempe Mendeliorum majores in hoc loco venatum ivisse, et semper feras cepisse eodem modo, quo etiam præfectus in Parckstein eo jure uteretur. An autem hoc exercitium certo jure et privilegio aliquo, an consuetudine tantum et longo usu obtinuerint, se nescire.

Non ita multo post, Anno 1532. Georgius Landgravius in Laughtenberg clementer petit per literas a Fabiano et Hyeronimo Mendeliis dent operam ut gallos sylvestres, bonosas, perdices, et hujus generis aves alias ad festum Paschatis habere possit: venandi scilicet jus illis tribuens, quo illos uti sciebat; alioqui non rogaturus sibi ab illis mitti, quod illos præstare non posse non ignoreret.

Secutus est annus 1555. quo Anno Mendeliis fratribus adhuc in communione beneficiorum juris et possessionis rerum manentibus, Præfecti dominatus Parckstein litem illis de jure venationis movere cæperunt, quo tempore Wolfgangus Comes Palatinus, tum vice dominus Ambergæ, partes suas interposuit ut litem componeret. Quam ad rem cum statuisset de jure Mendeliorum cognoscere, oblatae sunt ei eadem illæ literæ, de quibus est controversia. Quibus lectis, statim curavit eas reddi Mendeliis, et jussit his significare abunde sibi esse satisfactum, nec vel se pati ut amplius illi in sua possessione turbentur. Quo confirmavit non tantum jus venationis, de quo mota lis erat, sed etiam reliqua jura Mendelii, quæ eodem instrumento continentur. Ecce etiam anno 1557. Consilarii et Asses-



sores Electoralis Regiminis Ambergensis Judici provinciali in Parckstein, in hanc sententiam scribunt: postquam Privilegia Mendeliorum in originalibus recognoverint, mandare se serio ne Præfecti provinciales vim faciant, quo minus Mendelii juribus suis libere utantur, ut et antea usi sunt.

Etiam anno insequenti post, qui fuit annus 1558. ab eodem Regimine per D. Christophorum Jacobum a Plassenberg Judicem provincialem, et Joannem Steinhausern. Quæstorem Ambergensem significatum est idem Consiliariis Neoburgensibus Sultzbachi in hanc sententiam, se nomine Electoris causa cognita privilegia Mendeliorum, et inter cætera possessionem et exercitium venationis ut iusta approbasse, rogare se Neoburgenses, nequid contra Decretum maturo consilio datum movere, aut Mendelios in sua possessione turbare velint, ab eo tempore Gabriel Mendelius in sua possessione sine cujusquam interpellatione mansit ad annum usque qui proxime præcessit, idest ad annum 1588. intra quod spatium, ut facile est annos numerare, intercesserunt amplius quam triginta anni.

Accessit ad hæc omnia anno 1564. transactio certa facta inter Gabrielem Mendelium et fratres ac patruales ejus ad redemptionem prædii Steinfels, et jus in id succedendi pertinens, qua declaratur Gabrielem Mendelium in possessione et exercitio superiorum jurium fuisse, quæ omnia jura specialiter commemorata sunt in venditione ejus prædii, quæ inter eos intervenerat anno 1558. et præterea in alia quadam transactione inter Hyeronimum et Fabianum interposita anno 1532. Hæc autem transactiones et venditio superior judicio et consensu ac publico etiam testimonio a Consiliariis Ambergensibus per omnia comprobata, et apposito sigillo Principis ad futuram memoriam et cautionem testata sunt anno 1564.

Etiam anno 1588. amplius Mendeliis eadem possessio præcedentium annorum non solum agnita, sed etiam confirmata est ab his, a quibus maxime debuit ac potuit. Nam et Fridericus Comes Palatinus in Salicetis Mendelio juris venandi controversiam facere instituit. Sed ut primum Illustrissimus Princeps literas illas ipsas de quibus domini Assessores Ambergenses nunc litem monent, et alias de jure Mendeliorum legit et cognovit, in his acquiescens, statim Mendeliis restituendas curavit.

Quæ cum tam aperta, tamque illustra et tantorum virorum de eadem re testimonia sint, neminem dubitaturum arbitramur, quin

Mendeliorum possessio, et ea plus quam longissimi temporis, eademque continua in juribus superioribus, de quibus agitur, abunde atque adeo supra quam satis est, probata sit.

*Defensio tituli bonæ fidei possessionis, quæ in præscriptione requiruntur.*

**Q**UOD superest de titulo et bona fide Gabrielis Mendelii in præscriptione superiorum jurium acquirenda videamus. Titulum hujus possessionis idoneum domini Assessores requirunt. Hic duo respondemus. Primum contendimus in hac præscriptione: de qua agitur, titulo opus non esse, neque hic rem incerti juris dicimus. Nam illud omnium interpretum consensu receptum est, cum de re incorporali in jure consistente, per usum et longam possessionem acquirenda agitur titulum præcedentem ad præscriptionem non requiri, dummodo qui usus est, nec vi, nec clam, nec precario usus sit, id est dum sciente eo, ad quem res pertinet, et patiente sit usus. De qua sententia ne dubitemus, ea multis locis diserte testata, ut *L. si quis diuturno, D. si servit. vindicat. L. 1. §. ultim. D. de aqu. plu. arc. L. 1. L. 2. C. de ser. et aqua.* sunt hi quidem loci de servitute per usum acquirenda scripti, sed cur ad alias res incorporales eodem modo acquirendas non pertineant, ratio reddi non potest. Pertinebunt igitur, ut in quibus causis eadem ratio est, in his idem jus statuatur, *L. a Titio, 108. D. de verb. obl. L. illud, D. ad L. Aquil.* Quo admissio satis Mendelius sine ullo alio titulo in juribus superioribus acquirendis sua illa possessione quam diximus, defenditur; quippe qui eo jure usus sit, non modo non clam his principibus aut Consiliariis et Judicibus Principum ad quos ea jura, aut eorum cura pertinebat; sed etiam usus sit, et scientibus omnibus, et palam atque aperte consentientibus et approbantibus; atque hæc ita sunt, etsi de præscriptione longi temporis tantum ageretur. Nunc autem agitur de præscriptione longissimi temporis 30. annorum; in quo genere constitutiones notæ sunt, quæ vetant titulum aut bonam fidem requiri, sed possessionem ipsam tam diuturnam pro omni titulo et defensione esse volunt: hæc sunt, *L. sicut, C. de præscript. 30 vel 40. annor.* Verumtamen, nequid hic adversarii desiderant, auctarii vice hoc addemus, etiam justum titulum possessionis Mendelio ad præscriptionem superiorum jurium abunde sup-

petere. Quem igitur? titulum, Pro herede, quem jam olim nactus Mendelius, exinde amplius, quam per 30. annos in possessione horum jurium perstitit. Quod ut intelligatur, subjicienda est nobis animo ea definitio, quæ de hoc titulo extat, in *L. 3. D. pro herede*. Ea sic habet; plerique putaverunt, si heres sum, et putem rem aliquam ex hereditate esse quæ non sit; posse me usucapere. De qua sententia ne quis ut anticipi dabitur, sic reputet apud se non alium justiore titulum esse rerum acquirendarum, quam titulum pro herede, si quis modo vere sit heres. Nam heres simul atque heres factus est, succedit in omne jus defuncti, ac non tantum in dominium rerum hereditariarum, *L. heres in omne, D. de acquir. her. L. cum heredes, D. de acquir. poss.* Quibus igitur in rebus acquirendis hic titulus iustus est? nempe in hereditariis ut statim heredi acquirantur. In non hereditariis autem, quæ hereditariæ putantur, aut quæ statim acquiri non potuerunt, præstat in his usucapiendi conditionem, sicut accidit in omnibus rebus ex aliqua justa causa traditis, *L. clavibus, D. de contrah. empt.* Atqui Gabriel Mendelius majorum suorum vere est heres, quorum in hereditate invenit jura superiora, quæ majorum esse ac proinde esse hereditaria putavit. Esto igitur non fuerint majorum, eoque nec hereditaria; tamen ejusmodi erunt, ut quia tanquam hereditaria possessa sunt, usucapi et longo tempore acquiri potuerint justo titulo præcedente pro hærede. Est sane interdum cum dicatur pro herede possidere, qui contradio modo possidet, id est, qui cum hæres non sit, possideat rem vere hereditariam quasi heres, quomodo accipitur in petitione hereditatis: cum ea petitio dicitur dari vero heredi adversus eum, qui pro herede prove possessore possidet, *L. regulariter, 9. L. pro herede, 11. D. de her. pet.* Quo sensu recte dicitur pro herede usucapionem locum non habere, *L. 1. L. 3. C. pro her.* ut enim pro donato, pro legato, pro dote usucapi nihil potest, ubi vere donatio, legatum, aut dos nulla est. *L. Cels. D. de usur. et usucap.* ita nec pro herede quisquam, ubi vero heres non est. Nunc de eo qui vere est, loquimur, et rem non hereditariam tanquam hereditariam possidet. Quod Gabrieli Mendelio in his juribus accidit: justo igitur titulo hæc jura ille possedit, unde et ita possessa usu acquisiit.

Quod ad bonam fidem ejus attinet, quam in usu horum jurium requirimus, etsi ea in

præscriptione longissimi temporis 30. annorum non requiritur, *d. L. sicut, L. omnes, C. de præscr. 30. vel 40. anno.* tamen ut concederemus requiri, non ideo esset quod in ea probanda valde laboremus, propterea quod jure ita receptum sit ut nemo qui se dicit bona fide possedissee seu putasse rem ad se pertinere id probare cogatur. Nam aliqui quomodo de sensu animi interiore et nulli noto nisi Deo, et ipsi qui dicit, possit docere aut ullis argumentis persuadere se vero putasse quæ dicit? Sed ab adversario qui dicit, rem non bona fide possessam, probatio hujus objectionis exigitur. Prius, diserte probatur in *L. pen. C. de evict.* Posterius probari intelligimus eo quod dicitur, ab eo qui dolo dicit factum aliquid licet in exceptione, dolum probari debere, *L. quoties, §. 1. D. de prob.* Nam qui dicit possessorem mala fide possedissee, nihil aliud dicit quam possedissee eum dolo, cum sciret rem ad eum non pertinere. Omninoque hæc idem valent: Possidere rem, quam scias ad te non pertinere, id est, mala fide; et possidere dolo malo, *L. sed etsi lege, §. 1. §. de eo, §. si ante, D. de hered. pet.* Sed ne hic quoque quicquam dubii relinquatur, quod suspicione malæ fidei vel tenui Mendelium aspergat, quam multa occurrunt in hac causa, quæ bonam fidem ejus arguant. Heres est majorum suorum, quos noverat longa annorum serie superioribus rebus et privilegiis suo jure usos esse: quid aliud existimare potuit, quam et se in hoc jus successisse? Confirmarunt eum efficacissime in ea opinione instrumenta, quæ superiora jura majoribus constituerunt. Demus falsa esse. At vera esse existimavit, cum a majoribus accepisset nec quicquam haberet cur deberet falsa esse suspicari. Qui enim in alterius locum succedunt, justam habent ignorantie causam. *L. qui in alterius, D. de reg. jur.*

Accesserunt extrinsecus judicia Illustrissimorum Principum et aliorum præstantium virorum tot et tam multa quibus sententia sua jura illa confirmarunt et quidem causa cognita. Hanc ipsam etiam bonam fidem non semel factis suis fratres declararunt. Primum in divisione bonorum paternorum quæ inter Ioannem, Hieronymum et Fabianum eorumque sorores facta est anno 1513. Qui inter se ita bona diviserunt, ut reliquis bonis æqualiter inter eos divisus, sorores omnem muliebrem ornatum, fratres omnis generis arma et retia, atque omnia venatoria instrumenta sibi haberent, quod certe factu-

ri fratres non erant, si de jure venandi dubitassent, ne forte quandoque postea iterum omnium instrumentorum ad venationem pertinentium damnum sentirent, jure venandi adempto.

Secuta est etiam deinde transactio inter Hieronymum et Fabianum Mendelios anno 1535. quæ eandem bonam fidem fratrum in hoc jure declararet. Nam illi transactione inita ita inter se caverunt, ut singuli venatoria instrumenta pro dimidia parte haberent, his uterentur et fruerentur: quæ utique homines nisi in re quam suam putent, facere non solent.

Quæ cum ita se habeant: apparet verum esse, quod supra diximus, omnia in hac causa concurrere, quæ præscriptionem iurium superiorum Gabrieli Mendelio prolixè tribuant: iura hæc ita illius faciant, ut quamvis omnia alia concessio et omnia alia acquirendi causa deesset: tamen abunde præscriptio hæc sufficiat quo et iure ea possidens sibi defendat; et amittens adversus quoscunque turbatores et possessores iure optimo persequi et vindicare possit.

*Disputat, Utrum nocere possit Mendelio, usus hujus instrumenti, etiamsi falsum.*

**N**isi forte hoc illi adhuc obstare in hac causa quis existimat, quod instrumento eo usus est, quod falsum a dominis Assessoribus esse dicitur. Nam et de eo consulti sumus: nos vero hic quicquam Mendelio obstare posse aut debere non putamus. Obesse et instrumentum superius posset, si duo concurrerent, ut et instrumentum falsum esset, et qui utitur, sciens, non per errorem falso uteretur. Alterum si deest: non potest nocere. Illud quidem expeditum est, non posse instrumentum nocere, ut falsum quod falsum non sit: sed hoc amplius, etiam illud certi juris est, etsi instrumentum proponatur, si quis tamen per errorem eo utatur, quasi verum sit, cum nihil aliud de falso compertum habeat, solum hunc usum impunitum esse, nec crimine falsi teneri. L. Divus, 31. in fin. D. ad leg. Cornel. de fals. leg. nec exemplum, C. eod. quod et Bartolus recte scripsit ad legem, Si adversarius, C. de fid. instrum. Atqui in hac causa neque falsum instrumentum est, quo Mendelius utitur, nec si falsum instrumentum sit: dolo malo utitur eo, sed per justissimum errorem, falsum non esse instrumentum tam diu necesse est videri, quamdiu falsum non probetur. Illud enim principium semper tenebimus. Tamdiu instrumento stan-

dum, donec contra probetur, L. cum precibus, C. de probat.

Porro nihil afferri, quo falsum esse doceatur, satis supra demonstrasse videmur: quo fit ut etiam nunc tanquam verum non tanquam falsum haberi debeat. De errore autem et bona fide Mendelii in usu ejus instrumenti, quanvis quis falsi id esse concederet, quis est qui possit dubitare? Accepit, ut diximus, Gabriel Mendelius id instrumentum a majoribus, quia in hereditate et bonis eorum reperit. Quomodo scire possit instrumentum esse falsum, qui uti in facto alieno, iustum nec ne sit, iustam ignorantiae causam habet, L. qui in alter. D. de reg. jur. quas vero et quantas causas habet, cur verum instrumentum esse existimat? Recognoverunt hoc instrumentum Illustrissimi Principis sapientes in Republica viri, et hi ad quos non minus cognoscendi cura pertinebat, quam ad dominos Assessores Ambergenses, qui nunc sunt. Omnes instrumento lecto et cognito, non modo id tanquam falsum non reiecerunt, sed etiam ut verum comprobarunt.

Miramur Gabrielem Mendelium existimasse verum esse instrumentum, quod tam multi et tales etiam in re aliena verum esse, causa etiam cognita et quidem adversus se iudicarunt? Denique an instrumentum falsum sit nec ne res facti est: et si quis in eo errat, in facto errat. Certum est autem nemini facti ignorantiam nisi supinam nocere, L. pen. in pri. L. 4. L. 6. D. de juris et facti igno. Nempe, quia facta et eorum interpretatio ita est, ut etsi vera sint, tamen prudentissimos fallant, L. 2. D. de jur. et fact. ignor. Vel in hac ipsa causa quid acciderit Illustrissimis Principibus et prudentissimis atque in negociis civilibus exercitissimis iuris videmus qui cum instrumentum, de quo agitur, cognoscendum suscepissent, ac pro fide et religione debita, quam diligentissime excussissent et cognovissent; non modo in eo nihil falsi deprehenderunt, quo instrumentum reiicerent, sed omnes sententia sua instrumentum comprobarunt. Quod si prudentissimos et in Republica maxime versatos viros vitium illud falsi, si quod est, fugit; quanto minus mirum esse debet, si idem fefellit Gabrielem Mendelium hominem neque istarum rerum peritum, et a rebus ac negociis forensibus longe alienissimum.

*Concludunt DD. Mendelio inconcussa manere debere jura supradicta ob causas allegatas.*

**M**Aneant igitur Mendelio inconcussa jura, de quibus quæritur, quæ tot modis ad eum pertinere jure tam evidenter probatur. Neque huic noceat ejus instrumenti usus quod neque falsum probatur: etsi falsum esset, non tamen ejus malam fidem arguit, qui tam multas causas habet non solum, cur id fal-

sum esse ignoret, sed etiam cur verum esse existimet, nempe illas confirmationes Principum et consiliariorum, instrumenta venditionum et transactionum inter Mendelios interpositarum, quæ superiorum jarum et privilegiorum disertam enumerationem habent, eorumque exercitium Mendeliis tribuunt, neque ea tanquam privatæ scripturæ, sed tanquam ea quæ omnia judicio et sententia Regiminis Ambergensis sint confirmata et testata.

CLA-



C L A R I S S I M O  
ET  
EXCELLENTISSIMO  
JURISCONSULTO  
D. HUGONI DONELLO  
LEGUM IN ACADEMIA ALTORFIANA  
PROFESSORI PRIMARIO

*Consules Norimbergenses.*

S.

**C**larissime et ornatissime vir, Ambigitur in consilio nostro de firmitate seu robore testamenti cujusdam, ab homine extraneo et forensi facti, qui nullo nec civitatis jure nec alia quavis ratione nobis subjectus erat, et facti quidem non secundum præscripta juris communis, sed secundum jus speciale et privilegiatum civitatis nostræ: Et de appellatione ad consilium nostrum interposita a sententia Judiciali pro confirmatione testamenti illius lata. Utrum ea de jure admitti possit aut debeat, necne: quemadmodum de facti specie, Excellentia tua ex pagella hisce inclusa prolixius cognoscet: Qua de re cum diversæ Jurisperitorum nostrorum sint opiniones, tuæ quoque Excellentiae sententiam utpote cui præ cæteris merito standum existimemus, super hac quæstione sciscitari operæ pretium diximus. Itaque ab Eccellentia tua etiam atque etiam petimus, ut quid sibi de quæstione proposita rectum, juriq; consentaneum esse videtur, benigne ostendat. In eo rem fecerit Excellentia tua nobis apprime gratam, et omni vicissim studio ac benevolentia erga excellentiam tuam promerendam. Data 19. Octobr. Anno. 88.

*Facti species de qua consultus D. Hugo Donellus.*

**Q**uidam hic Norimbergæ condidit suum testamentum, qui neque civis neque incolæ neque jurisdictioni hujus civitatis quoad  
*Tom. VI.*

munera vel alia quavis ratione subjectus, sed omnino extraneus et forensis fuit, et quidem casu huc veniens sanus corpore, neque ulla præcipiti circumventus necessitate, quæ moram non pateretur. Idque testamentum non secundum jus commune coram septem testibus, sed secundum jus speciale, et quidem privilegiatum hujus civitatis proprium; quodque personaliter de civibus et incolis tantum loquitur; et duobus testibus ex numero consilii majoris hujus civitatis adhibitis, contra dispositionem juris communis contentum est; ita tamen ut liberum cuique permittat etiam secundum jus commune, si cui ita visum fuerit, testari. Hoc itaque testamentum, conditum coram duobus testibus contra jus commune secundum jus speciale et privilegiatum hujus civitatis in personas civium Incolarum directum, cujus tenor infra subjicitur, in judicium vocatur et de nullitate impeditur ex istis rationibus.

I. Quia statutum loquens in personam non comprehendit non subditum et forensem: sicut enim statuta non comprehendunt forenses ut illis noceant: ita neque ut illis prosint.

II. Quia et alias beneficia et privilegia statutorum non extenduntur ad forenses. Et pro ista quidem sententia; quod sit juri consona profert actor duarum celeberrimarum Academicarum Lipsensis scilicet et Ingolstadiensis, duo consilia decisiva, quæ ambo contra testamentum pronunciant, præsupposito scilicet civitatis hu-



hujus jure speciali et privilegiato et in personam directo, Sed hīs non attentis iudices primæ instantiæ contrarium et pro testamento pronunciarunt. Ab ista sententia appellatur ad senatum.

Quæstio igitur est de appellatione recipienda, vel non.

Quod si appellatio rejiciatur, periculum est, ne causa ad Cameram devolvatur non sine magno præjudicio Senatus, qui hactenus id operam dedit, ne lites ad tertiam instantiam excurrerent.

HUGO-



# HUGONIS DONELLI

## JURISCONSULTI

## RESPONSUM

A D

AMPLISSIMOS DOMINOS

CONSULES SENATUMQUE NORIMBERGENSEM

De quæstione ab ipsorum amplitudine proposita.

**T**estamentum non secundum formam juris communis factum ab eo, qui nec civis Norimbergensis erat, nec incola, quavis secundum formam juris Norimbergæ recepti, et civibus atque incolis ejus civitatis specialiter et privilegio concessi factum sit, quin jure non valeat, dubitare non oportet. Testandi enim facultas non ut cuique testari visum est, libera concessa est, sed certis legibus et certa forma adstricta. Hanc formam mutare, et in eo juri publico derogare nulli permissum. Cautum diserte in *L. testandi*, 13. *C. de testam.* Idipsum plane quod Papinianus intelligi voluit, cum definit testamenti factionem non privati, sed publici juris esse, *L. 3. D. Qui testam. fac. poss.* Hoc enim sentit, si id quod de testamenti factione iure cautum est, privati iuris esset, id est, privati cujusque causa non jussu, sed permissu: potuisse unumquemque privatum ei renunciare et eo jure non uti, ut est lex omnium eorum, quæ pro nobis solum introducta sunt, *L. pen. C. de pact. L. si iudex, D. de minoribus.* Nunc cum testamenti factio sit publici juris, eveniet quod supra dixi de iis, quæ de hac factione jure cauta sunt, ut ab his recedere non liceat, quia hæ sententiæ juris ratæ sunt: Juri publico a privatis derogari non posse: Jus publicum privatorum voluntate mutari non posse: Legibus non esse refragandum: quæ omnes unum et idem expriment, *d. L. testandi, C. de testam. L. jus publicum, D. de pact. L. quod bonis* 15. §. 1. *D. ad L. falc.* Nihil in proposito casu adversus jus commune juvat testatorem statutum Norimbergense quo forma testandi jure

communi quibusdam remittitur. Remittitur enim nominatim et specialiter civibus et incolis Norimbergensibus. Is autem de quo quæritur, proponitur non fuisse unquam civis Norimbergensis aut incola. Nihil igitur statutum ad eum, aut ad alios ullos extraneos pertinet. Neque hic exquisitis ad eam rem probandam, aut longe petitis argumentis opus est, multoque minus hic inducenda de vi et interpretatione statutorum, beneficiorum, privilegiorum non necessaria quæstio. Una sententia juris certi omnem dubitationem hic eximet, ut quanvis fateremur, statutum Norimbergense superius legem esse publicam, et partem iuris communis: tamen intelligamus eam legem de iure publico et communi, quid remittentem ad alias personas non pertinere, quam quæ nominatim ea lege comprehensæ sunt. Sic enim ius est de legibus posterioribus, etiam si sint principis et generales ac publicæ: Quicquid posteriore lege ius vetus innovante specialiter expressum non est, id veterum legum constitutionumque regulis relictum intelligi debere traditum in *L. præcipimus, C. de appellat.* Esto igitur dicat aliquis, leges ad similes causas et ad alias personas in quibus eadem ratio sit, porrigi debere: ut definitio est, *L. neque leges*, et trium sequentium, *D. de legib.* In promptu semper erit responsio, id ad posteriores leges prioribus derogantes non pertinere ex sententia illa superiore. Et merito: nam cum lex prior in omnibus suis partibus per se constiterit, nec, nisi abrogetur, desinat: necesse est, quibus in rebus aut personis nominatim abrogata non est, in his omnibus eam manentem suam vim et

auctoritatem veterem tenere. Sed id tum maxime et sine ulla hæsitatione respondebimus, cum posterior lex scripta erit contra rationem et formam iuris communis, quale est superius statutum Norimbergense. Hic enim certi iuris regula traditur. Quod contra rationem iuris receptum est, non esse producendum ad consequentias, L. 14. quod vero, D. de legib. Quare si prior iudex pro eo testamento, de quo quæritur, tanquam iure facto sententiam tulit, male iudicavit. Quam ob causam iure ab ea sententia est appellatum. Quod si est, recte atque ordine facient Amplissimi domini Consules et senatus Norimbergensis, ad quos appellatum est, si appellationem recipient, quam etiam si injuste appellatum esset dum de eo aperte non constaret, in re dubia admittere debuerunt L. 1. in prin. D. de appellat. Nec solum appellationem recipient ut de ea cognoscant, sed etiam, cum talem esse cognoverint qualem dixi, non dubitabunt eam confirmantes pronunciare id quod faciendum esse in ejusmodi re jus præscribit, juste nimirum appellatum esse, male judicatum L. eos in pr. C. de appellat.

Hugo Donellus respondi, scripsi Altorfii  
mea manu 23. Octob. MD. IX. LXXXVIII.

*Post Scripta.*

UT quis in numero civium Norimbergensium non habeatur, nihil interest utrum nunquam civis Norimbergensis fuerit, an cum civis fuisset postea esse desierit, ut de cive Romano traditum est in §. Cum autem, Inst. Quib. mod. jus pat. potest. solv. Quare si is de cujus testamento agitur, civis Norimbergensis esse desiit atque eo statu personæ fuit, cum testamentum fecit: nihilo plus illi prodesse potest ad jus testandi civem Norimbergensem aliquando fuisse, quam si nunquam antea fuisset. Atque is proponitur civitati Norimbergensi multo ante testamentum factum solemniter renunciasset, eaque renunciatio more et instituto civitatis publicæ recepta esse: eo renunciationis hujus effectu ut majoribus et legi civitatis qui ita renunciavit pro cive amplius non habeatur. Non dubium igitur, quin qui ita renunciavit, idem et in numero civium esse desierit, et si eodem statu testamentum fecerit, non magis testamentum valeat, in quo civem Norimbergensem exigimus, quam si nunquam civis fuisset, ut sic testamenti factio non ex eo tempore, quod antecessit, sed ex tempore testamenti facti in testatore spectetur, ut in testamentis observatur, §. præterea, et deinceps toto titulo Institution. Quibus non est permissum facere testament.

ALBE-



## ALBERICUS GENTILIS

S. D.

## HUGONI DONELLO

## JURISCONSULTO CLARISSIMO

AUT VINCI pudorem a necessitate oportet: aut is homo ridiculus est, qui vim verecundiæ minus facere potest. Cur enim ita non exordiar? Ut nescio quis in hunc usque diem pudor me, Clarissime Donelle, tenuit, quominus, quod cupiebam tamdiu maxime, literas aliquas ad te darem, captandæ scilicet amicitiae tuæ gratia: ita nunc pudorem frangit penitus (nec me invito) difficultas quædam, qua irretitus sic teneor ut omnino sit mihi necesse, aut tuum auxilium implorare: aut inepte, vel in ignorantiae tenebris jacere, vel miris torqueri modis, dum multos dies nequaquam contendo, si ipse me ab ea molestia liberare possim. Ac quidem (ne te multis morer) id est, quod me nunc sollicitum habet. Nulla mihi verior, jam annos quatuordecim in jure versanti, visa est sententia ex iis, quæ a nostratibus controvertuntur: quam receptior illa, ut verbis conjunctus re conjuncto præferatur. Nimis enim videtur in eam rem aperta *L. re conjuncti*, et nimis hujus legis verba contaminantur ab iis, qui qui sint, qui Johannis, et antiquiorum opinionem sequuntur (de quibus apud te dicere, opus non est) et a Jasone, aliisque abunde sunt confutati. Sed et Bartolus, et qui etiamnum a partibus ejus glossatoris manent, vel invitis hominis sententiam tenendam ajunt, pares hosce conjunctos facientis: idque adeo propter unam *L. Mævio*, *D. de legat. 2.* Quid tu, Donelle eruditissime? Ego a Paulo rem istam et ex professo, et plenius in *d. L. re conjuncti*, tractante, ne latum quidem unguem discedere ob Javolenum possum. Et (ut tibi, qui sim, fatear) in eam opinionem constitutus, nullas esse in jure nostro antinomias. Quid ergo? satisfactum cuperem Javoleno, ac Pauli simul illam decisionem manere, qua verbis conjunctum facit altero superiore. Huic desiderio meo nullus ex tanto interpretum numero, quos

vidi, nec tantillum præstat. Et adii, opinor, omnes, quorum suppeditat copiam Anglia, facto ab glossariis ipsis initio, usque ad Johannem, sed et Alciatum, præterea, et, qui te Doctoratus insignibus ornavit, Duarenum. Nam quid facilius, quam omnium dictata, commentave justis quidem argumentis refutare? Age, obsecro te, vir humanissime, postquam libri te tui, multorum sermones, Scipionis fratris mei, auditoris tui literæ, Jurisconsultum eximium clamant, et eximia præditum humanitate contestantur, age, exime me ex ista salebra. Quod nullum ego non tentem modum, quo me inde expediam: id sane, aut contrarium facit, aut juvat omnino nihil. Suspicebam, falsas illas esse interpretum traditiones, quibus docemur, conjunctos verbis hos dici, qui verbo uno sint in oratione copulati: et arbitrabar potius eos esse, qui non tantum verbo uno, sed eadem oratione vocati sic essent, ut, si eorum aliquis submoveretur, verba inepta relinquerentur, et oratio tota vitiosa. Collegi eam definitionem ab exemplo posito in ipsa *L. re conjuncti*, ex quo si alterum nominatorum amoveo, insulam hanc relinquo orationem: *TITIO FUNDUM ÆQUIS PARTIBUS LEGO*. Confirmabar in ea deliberatione, quoniam *verbis*, non *verbo* conjunctos viderim hos appellari. Accedebat quod re conjunctorum Paulus definitionem tradiderit: *verbis* autem conjunctorum exemplum posuerit solum, ut significare voluisse visus sit mihi, exemplum illud definitionem alterius conjunctionis referre posse. His ita quasi constitutis, verbis conjunctionem in *L. Mævio*, esse, jam jam negare incipiebam, quia, sive Sejum, sive Mævium tollerem ex ea oratione, aptissima nihilominus maneret oratio, atque sententia; incipiebam credere, Mævium, et Sejum re esse conjunctos. Etenim et aliquam adesse conjunctionem oporteat, ubi de jure agitur adcrendi; et separatim hono-

honorati solent dici ( quod ibi fit ), qui ista conjunctione sociantur. Ita tum totam poteram belle componere: cum ecce contra irruere ista video: Quomodo re conjuncti sunt illi, quibus non eadem pars, sed altera, atque altera: sive singulis dimidia legata est? Si habent ab initio partes, non eas sibi concursu faciunt? Et, si isti sunt ibi re conjuncti, quidni multo magis illi, quibus res eadem æquis partibus data est? Hæreo: adhuc tamen me commonebam. Rem eandem datam utrique volui, quia Mævii pars sic in parte fuerit Seji, et contra; ut nec ille, nec iste possit, vel unam glebam, vel atomum sibi propriam in eo fundo adserere, confusa penitus unius in alterius portione. Quod et ratio dictat, et Bartolus scribit in §. *Duobus*, *D. eod. Cap.* Advocabam huc Q. Mutii opinionem dicentis, appellatione partis rem pro indiviso significari; atque ita pro indiviso fundum illis legatum credebam; et ad partes has constituendas, quæ se conjunctionem impedirent, tam partium non nominationem non sufficere in *L. Mævio*; quod figura tantum illæ partes essent: non vi ac potestate. Nec enim tertium firmum esse, plane in animum inducere potui. Nam qui, re pro indiviso relictæ, si verba deinde illa adjiciat, *ÆQUIS PARTIBUS*, is videtur omnino voluisse rem indivisam dividere ex altera Servii opinione. Quid enim aliud voluisse potest? Addebam quod, si re conjunctionem isto casu etiam admisissent auctores, nulla superesset in toto jure verbis conjunctio: sed mixta altera esset; altera realis; et illud quidem de mixta inerudite diceretur, si non

daremus separatam alteram, et simplicem speciem conjunctionis, id est verbis. Postremo sic ratiocinabar. Re conjunctio perit, admixta expressa verbis conjunctione, quia illa sane fuerit infirmior, utpote quam per argumenta elici, necesse sit, et conjecturas. Nam quod idem Titio, et idem Sejo debeatur, non aliter quidem cognoscimus, nisi quoniam partes nullas possumus considerare, vel invenire, quæ non sint utriusque pariter communes. Quid mirum itaque, si, simul manente expressa verbis conjunctione, nullus est altera considerationis, aut momenti? Admixta pereunt satis multa, quæ sola manere potuissent. Et ita pereat igitur re conjunctio admixta verbis conjunctioni in exemplo *L. re conjuncti*; et maneat, quæ sola stat in specie *L. Mævio*. Absolvi autem ineptias meas. ( Nam quo alio hæc nomine appellem, quæ nec placere possunt auctori suo? ): sed causam antea verissimam exposui, cur voluerim et ista adscribere, ut plane me in hac quæstione hædere, intelligeres, tuamque opem atque explicationem magis elicerem. Quod te facturum pro singulari illa tua doctrina, atque humanitate, certo confido. Ex eo quidem tantus amor, et observantiæ in te meæ cumulus accedet, quantus maximus esse potest. Quod si quid vicissim hic in Anglia, tua causa possum, enixe abs te peto, ut velis tantum quid valeam, significare.

Hoc satis fuisse, re ipsa cognosces. Vale.

Oxonii. v. Id. Febr. MDLXXXIII.  
HUGO-





# HUGO DONELLUS

## ALBERICO GENTILI

### JURISCONSULTO DOCTISSIMO

S. D.

Quæcunque tibi occasio esse potuit ad me scribendi, Alberice Gentilis doctissime, non potuerunt literæ tuæ, cum a te, atque ab isto animo essent, non esse gratissimæ. Fuerunt certe tales apud me, non solum quod viro docto, et ingenioso, et quod ad commendationem præcipue valet, brevitatis amante dignæ visæ sunt: sed etiam quod testes essent benevolentiae tuæ erga me: benevolentiae tanto jucundioris, quanto nullis meritis meis provocata, proclivior tam procul in te extitisset. Quam quia tam amanter significas, studebo, eam pari benevolentia, et paribus studiis tueri, et augere. Quando autem per hanc a me petis, ut de quæstione, quam proposuisti, sententiam meam ad te perscriberem; idque, ut in quæstione difficili, et quæ te angit, tam ardentem facis: non tam indignus sim illa benevolentia, quam nomine hominis, si paulo plus otii nactus, hoc, quidquid est, otii tibi denegarem. Optassem, coram de re tota licuisset inter nos conferre. Scio enim, cum quædam dixerem, quæ mihi vera videantur, tibi homini erudito, et in rebus pernoscendis, ut adparet, non oscitanti, sed cum cura, et fide versanti, multa occurrere posse, quæ scrupulum moveant, quæ cum eveniant inter absentes, non potest his litera respondere. Veruntamen quando ita urges, et res tanto opere ad voluntatem tuam pertinet, malui in eo responso certitudinem, quam officium meum abs te requiri. Cognovi diligenter, non solum quid sit, de quo me consulis, sed etiam quam non sit de nihilo, cur in eo hæreas. De quo ut respondeam, principio ita tecum statuo (quæ nobis cum omnibus doctis viris, et non omnino ineptis interpretibus communis fere sententia est), nihil esse verius, quam verbis conjunctum in portione conjuncti deficiente, cæteris, cum heredibus, tum legatariis, qui ad eandem rem vocati sunt, esse potiorum. Recte in ea sententia cum se tibi habeant alia omnia, non est necesse

apud te attingere, quæ tu non requiris. Unum responsum Javoleni, quod contra vulgo citari solet, anxium te habet *L. Mævio, D. de legat. 2.* in quo hoc dici vulgo putatur, verbis conjunctum in portione conjuncti deficiente non solum admitti, sed una cum eo etiam eum, qui re tantum conjunctus est; ita etiam cæteris in ea portione non esse potiorum. Sic autem verba sunt: *Mævio fundi partem dimidiam, Sejo partem dimidiam lego, eundem fundum Titio lego. Si Sejus decesserit, pars ejus utrique ad crescit:* id est, non Mævio tantum, sed etiam Titio, quem constat, cum prioribus duobus; non verbis, sed re tantum conjunctum fuisse. Nos vero ne dubitemus, nihil hic esse contrarium superiori sententiæ. Esset aliquid, et quidem maxime, si Mævius et Sejus in ea specie essent verbis conjuncti. Nunc autem non sunt. Hoc quidem diserte de his Javolenus scribit. Ait enim, in toto eo legato separatim et partes fundi, et totum fundum legatum esse. Scimus autem, eos, quibus separatim legatur eadem res, non alios esse, quam quos dicimus re conjunctos. *L. re conjuncti, D. de legat. 3.* Sunt ergo isti, sententia ipsa Javoleni, re conjuncti, non verbis; ut non sit mirum, cum Mævio, qui ex his unus est, etiam alios re conjunctos ad portionem deficientem admitti. Et tamen, ut de eo statui possit certius, intelligaturque nihil huc non recte respondisse Javolenum, aut parum aliorum veterum sententiis de conjunctis, et jure ad crescendi convenienter; constituenda est nobis verbis conjunctorum definitio. Eam rem omnem facile expediet. Sciamus, verbis conjunctos non esse eos, quos una oratio conjungit, seu quibus una oratione legatur aliquid, sive fiat uno verbo communi, sive pluribus; sed quibus eadem oratione legatur res eadem, eaque semel, et in commune ambobus, hoc tamen adjecto, ut dicat testator, *ex aquis partibus*; sive ut jubeat, eos

cos æquas inde partes habere. Ne legetur duobus res una, sed sigulis res diversæ; quanvis eadem oratione id fiat: constat nullo modo esse conjunctos, eoque nec conjunctos verbis. Ac de eo inter omnes convenit. Veluti, *Titio, et Mævio singulos servos do, lego*, aut *Titio Stichum, et Mævio Pamphilum do, lego*, L. *hujusmodi*, §. 1. *D. de legat. 1.* Non est satis eandem rem legatam esse duobus; sed, et semel, et in commune his legatum esse oportet, ut fiant verbis conjuncti, sive eos re, et verbis, sive verbis tantum conjunctos esse volumus. Itaque erunt isti re, et verbis conjuncti, si, nullis expressis partibus, testator ita leget: *Sejo, et Mævio fundum Tusculanum do, lego*. Erunt iidem conjuncti tantum verbis, ut nunc conjunctos vocamus, si testator, adjectis partibus, ita dicat: *Sejo, et Mævio fundum Tusculanum ex æquis partibus do, lego*. Hoc sentio in his, qui sunt conjuncti verbis tantum, partes quidem æquas ejusdem rei testatorem appellare debere, quas dicat se tribuere singulis istis: sed nihil agere ad hanc conjunctionem, nisi prius istis ambobus simul, et semel idem fundus conjunctim legatus sit solidus, cujus deinde partes inter ipsos exprimat. Meminerimus enim, illam sententiam Celsi esse verissimam, et ad omnes conjunctos pertinere: Toties jus adcrescendi esse (non est autem, nisi inter conjunctos) quoties in duobus, qui in solidum habuerunt, concursu divisus est, sive sit divisus tacita sententia testatoris, sive testator postea hanc divisionem injungeret. L. 3. in princip. *D. de usufr. adcr.* Nec aliam significationem habet, quod dicitur in §. *si eadem, Inst. de legat.* Jus adcrescendi esse, cum duobus res eadem, id est res una solida legata est, sive conjunctim id fiat, sive disjunctim. Ex hac definitione de proposita specie judicetur. Testator ita legavit *Mævio fundi partem dimidiam, Sejo partem dimidiam do, lego*. Ex superiore definitione, aut hi non sunt omnino conjuncti; aut sunt re tantum conjuncti, non verbis. Si testator duas dimidias intellexit, non sunt isti conjuncti omnino, quibus partes divisæ, id est res alia, atque alia singulis, non eadem duobus legata est. Si eandem dimidiam: non possunt hi dici conjuncti, quorum singulis eadem res, id est eadem dimidia separatim, non semel, et simul ambobus legata est, idque non appellatis ejus dimidiæ partibus. Et, rogo, quid interest, utrum ita legetur: *Mævio fundum Tusculanum do lego, Sejo fundum Tusculanum do lego*: an vero ita: *Mævio fundum*

*Tusculanum, Sejo eundem fundum do, lego*? Nam et hic in *Mævii legato* necessario subaudiendum est verbum, *lego* quod utrum exprimatur, an intelligatur, ad sententiam testatoris, et speciem legati nihil interest. Atqui tale est hoc legatum; *Mævio fundi partem dimidiam. Sejo partem dimidiam lego*, si modo eandem dimidiam hic intelligimus, et volumus istos inter se esse conjunctos; sic igitur isti inter se, sunt conjuncti, verbis non sunt. Hic jam ad illa tua venio, ex quibus te non explicas. Nam quomodo, inquis, re conjuncti sunt illi, si non eadem pars, sed altera atque altera legata est? si habent ab initio partes, non eas sibi concursu faciunt? Recte quæris, et omnino tecum sentio, ac superioribus consequens est, non futuros istos conjunctos, nec tales, inter quos sit jus adcrescendi; si his duæ dimidiæ legatæ sint, id est res diversæ singulis, non ambobus una, et eadem dimidia. Quod futurum esset, si hi tantum essent legatarii, nec præterea Titio fundus legatus. Non enim quia sunt istæ indivisæ, et inter se confusæ partes, eo minus sunt diversæ, quarum una potest esse unius, et altera alterius. L. 5. *D. de stip. serv.* Et ideo si quis duos tales solos proponat, quales dixi, putem, deficiente Sejo, ejus partem non ad collegatarium, sed ad heredem pertinere. Aliter atque in duobus heredibus, quorum unus institutus sit ex dimidia parte, alter ex altera dimidia. L. *Julianus* in pr. et §. 1. *D. de her. instit.* Quoniam conditio hereditatis non patitur, ut si quis solus sit ex testamento heres, ejusdem hereditatis partem habere possit, alteram non habere. L. *un. §. in his itaque, C. de cad. toll.* Quod non item recipitur in legatis. In quo genere nihil prohibet, fundi hereditarii partem dimidiam alicui legari, ut nihilominus altera dimidia maneat apud heredem. Quid ergo est? Ego te istis objectionibus uno verbo libero. Non est in proposita specie Mævio et Sejo altera atque altera dimidia pars legata, sed una ambobus atque eadem dimidia. Ideo vere sunt conjuncti, quibus eadem res legata est: et conjuncti re, quibus non conjunctim, et semel eadem dimidia legata est, sed separatim singulis; puta Mævio dimidia, et separatim, atque iterum Sejo eadem dimidia, idque non expressis ejus dimidiæ partibus æquis, ut hoc quidem constet, si his una dimidia relicta est, quidvis potius esse, quam verbis conjunctos. Ex quo etiam sequitur, ut non habeant isti ab initio rei sibi legatæ partes, quod metuebatur: sed eas concursu sibi faciant.

ciant. Tantum quæstio huc redit, an videatur istis legari eadem dimidia, cum appareat singulis legatam esse dimidiam: constat autem, in omni toto duas esse diversas dimidias. Et sane, si soli essent isti legatarii, negari non posset, Singulas dimidias singulis esse legatas, id est duobus duas. Sed, cum testator proponitur, eundem fundum totum legasse Titio, efficit hujus legati adjectio, ut prioribus duobus una intelligatur tantum dimidia legata esse, non duæ. Nam, si duas his dederis, habebunt totum fundum, eoque nihil ad Titium pertinebit. Certum est autem Titio utiliter relictum. Neque vero hoc aliter fit, quam si prioribus unam dimidiam datam interpretemur, quo Titius habeat saltem alteram dimidiam. Prioribus igitur una dimidia data est, non duæ. Id, de quo quærebatur. Congruit *L. cum quæstio, C. de legat.* Quo posito, sic legatum superius accipietur, quasi Mævius, et Sejus sint in unam dimidiam inter se re conjuncti; Titius autem cum his, et hi cum Titio ideo re conjuncti in eandem dimidiam: quia, cui totus fundus legatus est, ei utique et eadem dimidia legata est, cum verbo, *totius*, ambæ dimi-

diæ sunt ei legatæ. Similiter ut in usufructu conjunctos esse dicimus, quorum uni fundus, alteri usufructus legatus est, *L. si alii, D. de usufr. legat.* Nec nos moveat quod Javolenus partes legatas esse dicat, non partem. Verbis enim, duæ dimidiæ legatæ, (quia duæ sunt nominatæ, et repetitæ in singulorum Mævii et Seji persona, ac totidem futuræ erant, si in horum persona testator constitisset): re autem vera una tantum dimidia his legata, cum altera dimidia, per totius fundi legatum, data sit Titio. Habes responsum nostrum de proposita quæstione, quod cum totum ab animo amico perfectum esse statueris, ut est, mihi persuasi, te quidquid hic officii nostri est, æqui bonique consulturum. Vale.

Lugduni Batav. v. April. ut in his locis nunc numeramus. M. D. LXXXIII.

Clariss. Viro, Alberico

Gentili IC.

Oxonium.

F I N I S.